



2. *Quadratus angulus*











IN LIBRVM  
PROVERBIORVM  
siue Sententiarum Solomonis Re-  
gis sapientissimi, LVDOVICI LAVATE-  
RI TIGVRINI COMMENTARII, PAVLO'  
locupletiores & multò castigatiores  
quàm antea editi.

*IN his Commentarijs ostenditur non solum singularum Sententiarum scopus: sed ob-  
scuri quoque ac uarij sensus explicantur. Illustrantur item pleraque sententia, similibus  
gnomis, Prouerbijs, Apophthegmatis & Exemplis, cum ex sacris, tum ex prophanis scri-  
ptoribus depromptis. Accessit etiam libellus, in quo singulae Sententiae Solomonis, ad locos  
Theologicos, Ethicos, Politicos, Oeconomicos, & Miscellaneos referuntur. INDICES  
praeterca rerum & uerborum, locorumq; scripturae, qui in hoc libro explicantur, adiecimus.*



TIGVRI

*Excudebat Christophorus Froschouerus, Mense  
Martio. M D LXXII.*





DZZiS



1051

Ob. G. III. C83





# PRVDENTIA ET PIE- TATE ORNATISSIMIS VIRIS, CONSVLL-

BVS TOTI QVE SENATVI INCLYTAE REIPV-

blicæ Sangallensis, dominis suis plurimum  
obseruandis S. P. D.



V'M superioribus annis, librum Prouerbiorum Solomonis, publicè pro suggestu ecclesiæ Tigurina, cuius minister sum, interpretari aggressus essem, amplissimi & clarissimi uiri, multa, non integras tantum sententias, sed & singula uerba diligenter consideranti, subinde occurrerebant, quæ ab alijs interpretibus nondum erant allata. Tanta enim est cum aliorum librorum ueteris & noui Testamenti, cum libri Prouerbiorum Solomonis sæcunditas, ut tametsi in eis explicandis omnium ingenta sudent: nunquam tamen omnia quæ in hoc diuinæ sapientiæ thesauro latitant, satis perspicere, nunquam exhauriri possint. Operæ precium igitur me facturum sperabam, si quæ inter exponendum obseruaui, annotarem, & communicato cum pijs eruditissq; uiris consilio, in publicum emitterem. Non quod tantum in me ingenij atq; eruditionis esse putem, ut librum qui doctrinam tam copiosam & sublimem, multosq; locos penitus abduos, & retrusos continet, pro dignitate enarrare possim: sed partim, ut aliquam saltem obscurioribus sententijs lucem afferrem, eas quæ studiosis hominibus paulo familiariores efficerem: partim ut Theologos multum & sæpe in hoc scribendi genere uersatos exercitatosq; ad diligentiorē & accuratiorē huius libri interpretationem excitarem. Quemadmodum enim inepti citharædi, non raro peritos artifices, qui alioqui induci non possunt, ut citharam in manus sumant, suis ineptijs excitant: ita spero me quoque, si nihil aliud, hoc saltem, editione horum commentariorum consequuturum, ut aliquot præclara eruditione atque doctrina uiros, exuscitem ac commoueam, qui hunc librum melius feliciusq; sibi explicandum suscipiant. Hancq; ob causam, non pauca hinc inde posui, quæ ab eruditis diligentius peto explicari.

Pauciores ex ueteribus & recentioribus, in hunc librum scripserunt, quàm in alios, difficultate ne rerum deterriti, an alias ob causas moti, non facile dixerim: ego certè quotquot habere potui, diligenter euolui. Ex ueteribus legi Nicolai Lyrani annotationes, & glossam ordinariam, quæ ex Hieronymi, uel Bedæ potius, commentarijs tota ferè desumpta uidetur. Ex recentioribus legi Conradum Pellicanum, præceptorem meum, qui tota Biblia pijs commentarijs illustrauit: Philippum Melancthonem, qui peculiarem rationem in expositione huius libelli sequutus, non singulas sententias explicauit: sed obscuriores tantum, uel illas potius, quas ueterum Græcorum & Latinorum sententijs illustrare uisum fuit. Habui etiam Rodolphi Bayni Cantabrigiensis, & sanctæ linguæ regij professoris Lutetiæ, in hunc librum Commentarios, in quibus singulos uersus exposuit, & omnes quotquot ex Hebræis eruere potuit interpretatio-



## EPISTOLA

nes, in medium attulit, cuius sanè laboribus me non parum adiutum esse, libenter profiteor. Habui adhuc prælectiones Theodori Bibliandri, charissimi præceptoris & compatriis nostri, quas in schola Tigurina habuit. Absolutis magna ex parte meis illis commentarijs, nactus sum, Cardinalis Caietani, & tandem Dionysij Ricelij Carthusiani annotationes, quas si habuissem maturius, plura & cogitandi & scribendi ansam mihi præbuissem. Contuli tamen omnia ferè cum meis, & multa iam nunc à me posita inueniebam, præsertim ex sacris literis, quæ ante me Ricelius annotauerat. Scripserunt fortassis alij quoque ueteres & recentiores in hunc librum, quos mihi quidem nondum uidere contigit.

Caterum non fuit meum consilium, omnia illa repetere, quæ ab alijs rectè & utiliter uidebantur tradita (hoc enim fuisset actum agere) sed ex omnibus interpretibus illas sententiarum explicationes desumpsi, quæ quàm aptissima esse uidebantur: easque nouis exemplis & similibus sententijs, ut mox dicam, pro mea mediocritate illustraui. Quando eadem omnino, quæ alij habebant, fuerunt annotanda, dedi operam, ut quæ ab alijs obscurè, à me paulo planius: quæ breuiter & concisè, paulo uberius & prolixius traderentur. Expositiones uerò aliorum, quæ absurda & aliena uidebantur, certo consilio non reprehendi: interim tamen ab eorum interpretatione quotiescunque uisum est, liberrè discepsi. Idem quoque feci in uersionibus, ex omnibus enim illas sequutus sum, quæ maxime mentem authoris uisæ sunt exprimere: diuersitatis rationem, quæ ex ambiguitate uocum plerumque dependet, passim ostendi: de illis uerò uersionibus, quæ ab Hebraica ueritate longè uidebantur recedere, nihil fui sollicitus.

Hanc autem ferè rationem in enarratione cuiusque gnoma sequutus sum. Primum non solum singula uerba, quæ difficultatem aliquam habere uidebantur: sed etiam coniuncta, hoc est, loquutiones & phrasæ expendi: & quæ insigniora erant, ex uarijs lexicis, ut alies isto labore leuarem, annotaui. Quod idcirco moneo, ne quis me ponendo interdum Hebræas uoces Hebræorumque sententias, laudem eruditionis putet affectare uoluisse. Publicè enim me fateri non pudet, quòd sanctæ huius linguae studiosus sim, non professor, aut ita in ea uersatus, ut Hebræorum commentaria, uel legere, uel intelligere possim. Secundo loco, indicaui quæ cuiusque sententiæ Solomonis summa, uel quis scopus sit, aut ad quem locum communem possit reduci. In illis uerò sententijs, quæ uarias interpretationes & expositiones habere possunt (quales in hoc libro non pauca leguntur) præcipuas & maxime perspicuas duntaxat assignaui: illas item, quæ apud alios interpretes non legebantur, ut doctioribus, eas iudicandi & plura cogitandi occasionem præberem. Usus quoque sententiarum, uariasque obseruationes, non prætermisi. Tertio loco, similes sententijs, prouerbia, apophthegmata & exempla, tam ex sacris, quàm ex prophanis scriptoribus, adieci. Quia in parte me non accusandum spero, quasi sacra prophanis miscuerim, cum illæ quas adfero, uel hinc depromptæ sint, uel alioqui naturali lumini consentiant: adhuc ab illis qui mallent non esse positas, lectionis cuiusque facile possit abrumpi. Quarto loco, non raro quæ in specie dicta sunt, ad genus reduxi: contrarium quoque saepe intuli: neque allegorias insigniores omisi, ut singularum sententiarum maiestas & amplitudo melius conficeretur.

Hunc ipsum ordinem si studiosi sequantur, & alia quoque obseruent, quæ rhetores in tractatione



## DEDICATORIA.

tractatione sententiarum, quam ipsi ἡγῶσιαι uocant, obseruanda præscribunt, non deerit eis amplissima uel dicendi, uel scribendi materia. Mihi quoque non omnino fuisse difficile, ad singularum sententiarum explicationem, plura ex omni scriptorum genere afferre: sed illis contentus esse uolui, quæ maximè ad rem præsentem pertinere uidebantur. Exempli causa, cum dicitur paupertatem oriri ex ebrietate, tantum de hoc effectu loquor, alia multa quæ utiliter de alijs quoque ebrietatis effectis annotari poterant, breuitatis studio præmitto. Deinde summa tantum capita indico, aliquando prolixius quadam expono, ut illi qui scriptum hoc regium publicè enarrare uolunt, iuari possint. Hanc ipsam quoque ob causam, non omnia in unum locum contuli, quæ de aliqua sententia dicuntur: sed per totum librum sparsi, ut eiusdem rei repetitio, minus esset molesta. Res exemplis fiet manifesta. Multa ponuntur sententiæ iisdem ferè uerbis, de sacrificijs, muneribus, uxore bona & mala, iustis & iniustis opibus, &c. iam quæ in explicatione unius sententiæ non dicuntur, in altera dicuntur. Maluissent forte quidam, quæ ad unam materiam pertinent, non esse distracta, sed in uno loco exposita: at hæc ratio uisa est mihi commodior. Remitto tamen lectorem ad alia loca, ubi eadem res est tractata. Adiunxi præterea in capite libri, methodum omnium sententiarum, quas in locos theologicos, morales, politicos, æconomicos & miscellaneos distinxi. Ab initio libri ad decimum usque caput, conciones breues scripsi, nisi quòd quadam ad linguam pertinentia, & poetarum dicta admiscui: in sequentibus uero capitulis, breuitatis studio, exordia detraxi, eundem tamen ferè ordinem sequor, quem in concionibus sequutus sum. Habent certè, ni fallor, qui hunc librum publicè interpretari constituerunt, syluam quandam & materiam concionum.

Et profecto mihi admirandum uidetur, quid sit quod doctores ecclesiarum, hunc librum auditoribus suis non explicent, cum tam dulcem, utilem & necessariam doctrinam ad omnes uitæ partes, comprehendat. Etenim non solum tradit præcepta & admonitiones de rebus uulgaribus: sed de summis, de Deo, de prouidentia Dei, de scriptura, de fide, de cruce, de præmijs bonorum & pœnis malorum, de uirtutibus & uitijs, de instituenda republica & familiari, atque alijs huius generis. Omnes fatentur Solomonem sapientissimum regem fuisse, afflatumque spiritus sancti innumeras parabolas pronunciasse, ex quibus pauca illa, quæ hoc libro continentur, ueluti tabula quadam ex naufragio supersint: has igitur subinde hominibus inculcare conueniebat, præsertim cum illa docendi ratio, quando breues sententiæ traduntur, iunioribus & adultis ualde sit accommodata: semper enim aliqua hærent in memoria, quæ assidue sint monitrices, in omnibus nostris actionibus. Ne quis uero ex imperitioribus, difficultatem libri causari possit, hanc qualemcumque opem eis ferre uolui, aditumque ad obscuriores locos patefacere. Caterum non ingenio & arte, sed diligentia & labore fretus, hanc prouerbiorum Salomonis expositionem contexui. Quanti uero laboris fuerit hæc scriptio, omnes illi facile sentient, quotquot exercitationis causa, aliquot duntaxat sententias sibi euoluendas & explicandas desument. Huius uero laboris molestiam, cum utilitas, quam inde studiosos percepturos confido, tum rerum uarietas quæ hoc libro tractantur, non parum leuauit. Certè laborum quos ad explicandum sacras literas impedimus, pigere nos non debet, cum uideamus, tot egregios uiros, tantum operæ & diligentia ad ueterum philosophorum, histori-



## EPISTOLA

corum, & pœtarum explicationem contulisse. Rogo autem omnes quotquot hanc meam Prouerbiorum Solomonis interpretationem animo sincero & candido conscriptam, lectione dignabuntur, ut eam boni consulant, & in quibus cum sacris literis cōsentit, eam amplectantur, sicubi uerò à mente scriptoris recedere uidetur, eam repudient. Si quid à me peccatum est, mihi ignoscant, si quid mutandum, amicè & libere admoneant: meliora enim afferentibus libentissimè cedam. Illos uerò homines, qui cum ipsi nihil laude dignum faciant, aliorum labores pro ecclesia adificatione susceptos, temere reprehedunt, nihil moror prorsus. Deum autem optimum precor, ut hūc meum laborem plurimis fructuosum esse uelit, atq; efficere, ut ad nominis sui gloriam, & animarum salutem cedat.

Has autem meas uigilias, uiri amplissimi, graues ob causas, in uestro nomine apparere uolui. Vetus enim hæc est consuetudo, & Christianis quoque hominibus usurpata, quòd bonarum artium, literarumq; studiosi, ingeniorum suorum factus, principibus uiris, de religione literisq; benemeritis dedicarunt, partim ut commemorandis eorum laudibus, cum ipsis, tum alijs quoque, ad promouendum bonas literas & pietatē, stimulum admouerent: partim, ut amorem suum, gratamq; animi beneuolentiam erga eos testarentur: partim ut authoritatem suis scriptis conciliarent. Atq; hoc quidem loco, magna mihi oblata esset occasio scribendi, quomodo statim ab initio renascentis Euangelij, nihil eorum prætermiseritis, quæ ad ueræ puræq; religionis propagationem & conseruationem, quæ ad scholarum restitutionem, quæ ad curam pauperum, morumq; integritatem faciunt. Possem commemorare, quomodo uestrum oppidum multis claris & illustribus uirtutum exemplis abundet, contrà quàm uulgo fiat. Illæ enim urbes, in quibus frequentia est mercatorum, plerunq; sunt corruptissimæ, eò quòd ex omnibus nationibus uitia soleant importari. Possem multa referre de uestra constantia, grauitate & perseuerantia, in uarijs tentationibus & periculis: sed totum hunc locum prætereundum esse duxi, tum quia notior est uestra pietas & uirtus, quàm ut meo præconio indigeat, tum quòd sciam uos pro uestra modestia, laudibus illis non delectari. Ad alteram igitur causam uenio, ob quam studiosi libros suos excellentibus uiris offerunt, nempe ut gratam animi sui beneuolentiam declarent.

Magna fuit à multis annis uestre Reip. cum nostra coniunctio, singularemq; uestram fidem & uirtutem, difficilibus temporibus, inq; acerbissimo ecclesie & Reipublice nostre casu, experti sumus. Accedit adhuc, quòd patri meo, non solum cum Ioachimo Uadiano consule uestro, singulari Heluetie nostre lumine atq; ornamento, uetus amicitia intercessit: sed uos quoque omnes, uiri clarissimi, patrem meum ab eo tempore, quo Chiburgensem comitatum amplissimi S. P. Q. Tigurini nomine rexit, mirabili beneuolentia estis prosequuti, in arduis & difficilibus negocijs, eius opera non semel utendum esse iudicatis, eumq; plurimis beneficijs affecistis. Memini patrem meum mihi sæpe narrare, nullum esse oppidum excepta patria, cui se plus debere fateretur, in quo plures & constantiores amicos haberet. Neq; mihi dubium est, quin eius memoriam adhuc retineatis. His præcipuè causis adductus, uestro nomine hos commentarios, animi mei, non obscurum, ut puto, argumentum, omnino diuulgandos existimaui. Spero adhuc præclaram famam uestri oppidi, quod non tam linificio, quàm ueræ religionis libertatisq; constantia, est celeberrimum, meo huic libro nonnihil dignitatis & splendoris allaturam,



# DEDICATORIA.

ut à pijs uiris auidius legatur, & longius latiusq; spargatur. Quæ in ipso libro continen-  
tur, uestræ personæ dignitatiq; ualde uidentur congruere: multa enim sententiæ in eo le-  
guntur, de instruendis, regendis, & conseruandis ciuitatibus. Sapientiam, hoc est, ipsum  
Dei filium, introducit loquentem, Per me reges regnant, & gubernatores iusta decer-  
nunt: per me principes imperant, illustresq; sunt omnes orbis præsides. De bonis magi-  
stratibus loquens, Clementia, inquit, fidesq; regem tuentur, eiusq; solium clementia fulci-  
tur. Regis solium, qui tenuibus ex aquo ius reddit, fixum erit in perpetuum. Animus  
regis est in manu Dei, quocunq; libet, eum inflectit. Et qui fontem absoluit, & qui inson-  
tem damnat, utrumq; æquè detestatur Dominus. Industria bellum geres, & in consulto-  
rum multitudine sita est uictoria, &c. Potuit autem Solomon optimè de his rebus loqui,  
cum à Deo excellenti sapientia instructus fuerit, & regis officio aliquot annis felicissimè  
functus sit. Quod superest, etiam atq; etiam uos oro, uiri amplissimi & prudentissimi, ut  
hoc munusculum, si non meo labore, at certè Solomonis auctoritate commendatum, pro  
uestra beneuolentia & humanitate, æqui boniq; consulatis. Merebatur singularis exis-  
tentiæq; uirtus uestra, opus perfectum ingenio, & elaboratum industria: sed quando non  
omnes, quod maximè uolumus, perficere possumus, in rebus magnis conatus saltem est  
laudandus. Deus Optimus Maximus, uerus πολιτάρχης, Rempublicam & Ecclesiam ue-  
stram, miseris illis & extremis temporibus, semper florentem & incolumem  
conseruare dignetur. Data Tiguri, mense Augusto, Anno  
à natiuitate Christi,

1562.


Vestræ Amplitudinis

obsequentiſſimus,

Ludouicus Lauaterus.



LVDOVICVS LAVATERVS  
Lectori S. D.

 V I A sententiæ Solomonis, ratione & uia artis, quam Græci μέθοδος appellant, non sunt expositæ: singulas ad suos locos communes referre uolui: ut à studiosis sacrarum literarum, melius inquiri & inter se conferri possint. Locos uerò illos distinxî in Theologicos, Politicos, Oeconomicos, Ethicos, & Promiscuos, siue Miscellaneos. Etsi autem omnes hi loci, Theologici dici possunt: Theologicos tamen nunc uoco, qui propriè ad Theologiam pertinent, & ingenij humani industria non possunt perspicî. Sub Miscellaneos locos, retuli uarias sententiâs, quæ reliquis non potuerunt commodè includi. Collegit ante me, uir pius & eruditus Thomas Beconus Anglus, ex omnibus libris Solomonis insigniores sententiâs, atq; in locos cõmunes digessit, quibus Davidis quoque, Iobi & Tobiaë adiunxit. Idem fortè alij quoque fecerunt. Ego uerò Prouerbia tantum ad suos titulos reducere uolui, nouamq; distinctionem, quæ mihi commodior uisa est, sequi. Multæ sunt sententiæ, quæ propter uarios sensus, ad alios atque alios locos possunt referri. Notauî singulos suis numeris, quorum prior signat caput, posterior uersum capitîs. Multum operæ & laboris in dispositione huius libelli consumpsi, cuius me non poenitebit, si pijs lectoribus utilem & gratum fuisse intelligam. Vale.



# PROVERBIA SOLOMONIS AD

CERTOS LOCOS COMMVNES RE-

lara, per Ludouicum Lauaterum.

## Loci uel tituli.

### I

#### THEOLOGICI.

1	Scriptura, Sapientia, Lex.	1
2	Deus.	2
3	Creatio.	3
4	Prouidentia Dei.	4
5	Prædestinatio.	5
6	Deus <i>ὁ ἀρχηγός</i> .	6
7	Ecclesia.	7
8	Doctores Ecclesiæ.	8
9	Antichristus.	9
10	Falsi doctores.	10
11	Homo peccator.	11
12	Confessio peccati.	12
13	Homines rerum diuinarum ignari.	13
14	Pietas, Timor Dei.	14
15	Spes.	15
16	Sacrificium.	16
17	Oratio.	17
18	Vota.	18
19	Piorum & impiorum mores & exitus.	19
20	Illusores.	20
21	Hypocritæ.	21
22	Inferni pœnæ.	22
23	Cogitationes.	23

### II.

#### POLITICI.

1	Princeps uel magistratus	24
2	Ira principis.	25
3	Supplicia.	26
4	Cōseruatio imperiorum.	27
5	Subditi regis.	28
6	Quomodo agendum in iudicio.	29
7	Leges.	30
8	<i>προσωποληψία</i> .	31
9	Consilium, Bellum.	32
10	Corruptela munerum.	33
11	Veri & falsi testes.	34
12	Legationes.	35

13 Pondera & mensuræ.

14 Contractus.

15 Fideiussiones.

16 Seditio.

### III.

#### OECONOMICI.

1	Vxor bona.	40
2	Vxor mala.	41
3	Amor coniugalis.	42
4	Filij boni & mali.	43
5	Educatio & castigatio liberorum.	44
6	Obedientia parentibus præstanda.	45
7	Indoles puerorum.	46
8	Serui.	47
9	Labor domesticus.	48
10	Cura pecoris.	49
11	Decoctores.	50
12	Migrations crebræ.	51
13	Conseruatio domus.	52

### IIII.

#### ETHICI.

1	Sapientia, Prudentia, Calliditas, Circumspectio.	53
2	Consilium.	54
3	Stulticia.	55
4	Iusticia.	56
5	Fortitudo & Constancia.	57
6	Temperantia, Ebrietas, Crapula.	58
7	Scottatio.	59
8	Adulterium.	60
9	Ira.	61
10	Amor & inuidia.	62
11	Gaudium de alienis malis.	63
12	Vindicta.	64
13	Cædes iniustæ.	65
14	Concordia.	66
15	Rixæ & contentiones.	67
16	Detractio.	68

17 Adulatio.

18 Mansuetudo.

19 Veritas & Mendacium.

20 Promissio uana.

21 Multiloquium.

22 Præcipitantia.

23 Secreta reticenda.

24 Vtilitates linguæ bonæ.

25 Incommoda linguæ malæ.

77.

26 Eloquentia.

27 Linguæ bonæ & malæ præmia & pœnæ.

28 Labor & Pigrizia.

29 Misericordia & Liberalitas.

30 Auaritia.

31 Superbia & Humilitas.

32 Contemptus.

33 Securitas.

34 Correctio.

35 Moderatio.

36 Custodia membrorum.

37 Amicitia.

### V.

#### LOCI PROMISCVI uel Miscellanei.

1	Coniunctio uel consuetudo cum bonis & malis.	90
2	Diuitiæ iustæ & iniustæ.	91
3	Paupertas.	92
4	Opes mediocres.	93
5	Comparatio diuitum & pauperum.	94
6	Pupilli & uiduæ.	95
7	Nobilitas.	96
8	Forma & Fautor.	97
9	Laus.	98
10	Senectus & Iuuentus.	99
11	Affectus minor.	100
12	Mœror.	101
13	Incongruentiæ.	102
14	Nuncium.	103



# ALIVS INDEX HORVM LOCORVM

SECVNDVM ORDINEM ALPHABETI.

Numerus signat Titulos uel Locos.

<b>A</b> Bfurda	102	Forma & fauor	97	Parentibus obediendum	45
Adulatio	69	Fortitudo & constantia	57	Pauperum & diuitum compa=	
Adulterium	60	Furtum	30	ratio	94
Affectus	100	Gaudium de alienis malis	13	Paupertas	92
Amicitia	89	Homo peccator	11	Pecoris cura	49
Amor & inuidia	62	Homines rerum diuinarū igna=		Peccatores fumus	11
Amor coniugalīs	42	ri	13	Pietas, timor Dei	14
Antichristus	9	Humilitas	83	Pigritia	80
Auaritia	82	Hypocritę	21	Piorum & impiorum mores &	
Bellum	32	Impiorum felicitas	90	exitus	19
Blandiloquentia	69	Imperiorum conseruatio	27	Pondera & mensurę	36
Castigatio liberorum	44	Incongruentię	102	Pręcipitantię	74
Castigationis repudiatio	86	Impiorum mores & exitus	19	Prędestinatio	5
Cædes iniuste	65	Inferni pęnę	22	Princeps uel magistratus	24
Circumspectio	53	Inuidia	62	Principis ira	25
Cogitationes	23	Illusores	20	Promissio uana	72
Concordia	66	Ira	61	Prouidentia Dei	4
Confessio peccati	12	Ira printipis	25	προσωποληψία	31
Coniunctio uel cõsuetudo cum		In iudicio quomodo agendum		Prudentia	53
bonis & malis	90	29		Puerorum indoles	46
Conscientia bona & mala	93.	Iusticia	56	Pupilli & uiduę	95
100		Iuuentus	99	Rapina	91
Consilium	32.54	Labor & pigritia	80	Rixę & contentiones	67
Contemptus	84	Labor domesticus	48	Sacrificium	16
Contentiones	67	Laus	8	Sapientia	1
Contractus	37	Lex	1	Sapientia, prudentia, calliditas,	
Correctio	86	Legationes	35	circumspectio	53
Crapula	58	Leges	30	Scortatio	59
Creatio	3	Liberalitas	81	Scriptura, Lex	1
Crudelitas	53	Liberorum educatio & castiga=		Secreta reticenda	75
Custodia membrorum	88	tio	44	Securitas	85
Decoctores	50	Lingua mala	67	Seditio	39
Detractio	68	Lingue malę incommoda	77	Senectus & iuuentus	99
Deus	2	Lingue bonę utilitates	76	Serui	47
Deus <i>ναρθηγιώγος</i>	6	Lingue bonę & malę pręmia		Seruorum dominatus	24
Diuitię iustę & iniustę 91. me=		& pęnę	79	Societas malorum	90
dioces	93	Magistratus	24	Spes	15
Diuitum & pauperum compa=		Maledictio	68	Stulticia	55
ratio	94	Mansuetudo	70	Subditi regis	28
Doctores ecclesię	8	Mendacium	34.71	Superbia & humilitas	83
Doctores falsi	8	Mensurę & pondera	36	Supplicia	26
Dolus	91	Migrationes crebrę	51	Taciturnitas uide lingua	
Domus conseruatio	52	Misericordia & liberalitas	81	Temperantia, ebrietas, crapula	
Ebrietas	58	Moderatio	87	58	
Ecclesia	7	Möror	101	Testes ueri & falsi	34
Ecclesię doctores	8	Multiloquium	73	Timor	100
Educatio & castigatio libero=		Munerum corruptela	33	Timor Dei	14
rum	44	Nobilitas	96	Verbi Dei contemptus	2
Eloquentia	78	Nuncium	103	Veritas & mendacium	71
Fauor	97	Obedientia parentibus pręstan=		Viduę	95
Fideiussiones	38	da	45	Vindieta	64
Filij boni & mali	43	Opes mediocres	93	Vota	18
Fœdera	27	Oratio	17	Vxor bona & mala	40.41



# LOCI THEOLOGICI.

SCRIPTURA, SAPIENTIA, Lex. I.

1. 1. PARABOLAE Selomoh filij Dauid, regis Israel.

*Utilitas scripturae.*

2. Ad sciendum sapientiam & eruditionem, ad intelligendum eloquia intelligentiae.
3. Ad suscipiendam eruditionem intelligentiae, iustitiam, & iudicium, & rectitudines.
4. Ad dandum simplicibus calliditatem, pueri scientiam & cogitationem.
5. Audiet sapiens, & addet doctrinam: & intelligens consilia possidebit.
6. Ad intelligendum parabolam, & elocutionem, uerba sapientum & aenigmata eorum.
2. 7. Deus recondet (illis qui sapientiam amplectuntur) rectis essentiam, scutum erit ambulantis perfecte.
8. Ut custodiant semitas iudicij: & uiam misericordium eius custodiet.
30. 5. Omnis sermo Dei uelut igne purgatus, clypeus est sperantibus in se.
4. 8. Exalta sapientiam, & exaltabit te: glorificabit te, cum amplexatus fueris eam.
9. Dabit capiti tuo augmentum gratiae, coronam decoris tradet tibi.
10. Audi fili mi, & suscipe eloquia mea, & multiplicabuntur tibi anni uitae.
11. Per uiam sapientiae docui te incedere: calcare feci te semitas rectas.
12. Cum ambulaueris, non arctabitur gressus tuus: & si cucurreris, non impinges.
13. Apprehende correctionem, ne dimittas: custodi eam, quia ipsa est uita tua.
6. 22. Vfus praeceptorum Dei ostenditur.
9. 11. Per me enim multiplicabuntur dies tui, & addentur tibi anni uitae.
7. 5. Verbum Dei custodit nos a muliere aliena, &c.
3. 13. Beatus homo qui inuenit sapientiam, & homo qui producit in lucem intelligentiam.

*Scriptura uel sapientiae praestantia & dignitas.*

14. Quia melior est negotiatio eius negotiatio: ne argenti, & auro melior est prouentus eius.
15. Preciosior est margaritis, & omnia desiderabilia tua non aequantur ei.
16. Longitudo dierum est in dextera illius, & in sinistra illius, diuitiae & gloria.
17. Viae eius uiae delectabiles: & omnes semitae eius pax.
18. Haec lignum uitae est appendentibus eam: & qui tenent eam, beati.
6. Audite quoniam honorabilia loquar, & apertio labiorum meorum erit rectitudines.
7. Quia ueritatem loquetur palatum meum, & abominatio labiorum meorum est impietas.
8. In iustitia sunt omnia eloquia oris mei, non

est in eis prauum nec peruersum.

6. Vniuersa ipsa recta sunt intelligenti, & recta inuenientibus scientiam.
10. Accipite eruditionem meam, & non argentum: & scientia potius quam aurum electum.
11. Quia melior est sapientia margaritis: & omnia desiderabilia non aequabuntur ei.
10. 29. Fortitudo perfectio est uia Iehouae: & pavor operantibus iniquitatem.
13. 14. Lex sapientis est ut uena uitae, ut recedatur a laqueis mortis.
19. 16. Qui custodit mandatum, custodit animam suam: sed qui contemnit uias suas, morietur.

*Exhortatio ad studium legis uel sacrae scripturae.*

3. 1. Fili mi, legis meae ne obliuiscaris, & praepcepta mea custodiet cor tuum.
2. Quia longitudinem dierum, & annos uitae, & pacem apponent tibi.
22. 17. Inclina aurem tuam, & audi uerba sapientum: & cor tuum appone scientiae meae.
18. Quia delectabile est si custodieris ea uerba in uentre tuo, & dirigantur pariter in labijs tuis.
19. Ut sit in Iehoua fiducia tua, scire te feci haec hodie, etiam tu custodi ea.
20. Nonne scripsi tibi ter, in consilijs & scientia?
21. Ut notam facerem tibi ueritatem eloquiorum ueracium, ad respondendum eloquia ueritatis mittentibus ad te.

*Utilitas scripturae.*

3. 21. Fili mi, ne recedant haec ab oculis tuis: custodi legem & cogitationem.
22. Et erit uita animae tuae, & gratia gutturi tuo:
23. Tunc ambulabis cum fiducia uiam tuam, & pes tuus non impinget.
24. Si accubueris, non timebis: cum quiesces, tuus erit somnus tuus.
25. Non timebis a pauore repentino, & a desolatione impiorum cum uenerit.
26. Quia Iehoua erit fiducia tua, & custodiet pedem tuum a captione.
4. 5. Compara sapientiam, compara intelligentiam: ne obliuiscaris, neque declines ab eloquijs oris mei.
6. Ne dimittas eam, & custodiet te: dilige eam & conseruabit te.
7. Principium sapientiae: acquire igitur sapientiam, & omni substantia tua acquire intelligentiam.
18. Fili mi, uerbis meis attende, ad eloquia mea inclina aurem tuam.
19. Ne recedat ab oculis tuis, sed custodi ea in medio cordis tui.
20. Vita enim sunt inuenientibus ea, & uniuersae carni suae sanitas.
7. 1. Fili mi custodi sermones meos, & praepcepta mea reconde apud te.
2. Custodi praepcepta mea, & uiues: & legem meam tanquam pupillam oculorum tuorum.

3 Alliga



# LOC I C O M M V N E S

3. Alliga ea digitis tuis, scribe ea in tabula cor-  
dis tui.
4. Dic sapientiæ, Soror mea es tu: & propin-  
quam, intelligentiam uoca.
5. Ut custodiant te à muliere aliena, ab extranea  
quæ sermones suos lenit, &c.
8. 32. Nunc igitur filij obtemperate mihi: & bea-  
ti qui uias meas custodient.
33. Audite eruditionem, & sapientes estote, & ne  
repellatis eam.
34. Beatus homo qui auscultat mihi, excubando  
iuxta fores meas quotidie, obseruando postes  
ostiorum meorum.
35. Nam qui inuenit me, inuenit uitam, & haurit  
uoluntatem à Iehoua.
36. Qui autem peccat contra me, spernit animam  
suam: omnes qui odio habent me, diligunt  
mortem.
10. 8. Sapiens corde suscipiet præcepta: & stul-  
tus labijs impinget.
23. 12. Applica eruditioni cor tuum, & aures tuas  
admoue eloquijs scientiæ.
24. 13. Comede fili mi mel, quia bonum est, & fa-  
uum, qui dulcis est palato tuo.
14. Sic cognitio sapientiæ suauis erit animæ tuæ,  
si inueneris eam: & erit merces: & expectatio  
tua non excidetur.
19. 16. Qui præceptionē seruauit, uitam suam ser-  
uat: qui suas actiones spernit, morietur.

## *Quomodo paranda sacra scriptu- ra intelligentia.*

2. 1. Fili mi, si susceperis uerba mea, & mandata  
mea absconderis apud te.
2. Ut attendere facias sapientiæ aurem tuam, &  
si inclinaueris cor tuum intelligentiæ.
3. Imò si ad intelligentiam clamaueris, & intelli-  
gentiæ dederis uocem tuam.
4. Si quæsieris eam tanquam argentum, & sicut  
thesaurus scrutatus fueris eam.
5. Tunc intelliges timorem Iehouæ, & cognitio-  
nem Dei inuenies.
6. Quia Iehoua dat sapientiā, ex ore eius egre-  
diatur cognitio & intelligentia.
9. Tunc intelliges iusticiam, & iudicium, & recti-  
tudines, & omnem semitam bonam.
10. Quando intrauerit sapientia cor tuum: & co-  
gnitio animæ tuæ dulcis fuerit.
11. Cogitantia custodiet te, & intelligentia con-  
seruabit te.
30. 6. Ne addas uerbis eius, ne fortè increpet te,  
& mendax deprehendaris.

## 2 DEVS PATER & FILIUS.

30. 4. Quod nomen eius, & quod nomen filij  
eius, si nosti?

## *Christus homines ad se uocat.*

20. Sapientia foris clamitat, in plateis ipsis dat  
uocem suam,
21. In capite tumultuantium clamit, in ostijs por-  
tarum, in urbe ipsa eloquia sua dicit,
22. Vsq; quò simplices diligetis simplicitatem: &

derisores derisionem desiderabunt, & stulti  
odio habebunt scientiam?

23. Conuertimini ad increpationē meam, en de-  
promam uobis spiritum meum, scire uos faci-  
am uerba mea.
24. Propterea quòd uocaui, & renuistis: extendi  
manum meam, & non fuit qui attenderet.
25. Et cessare fecistis omne consilium meum, &  
increpationem meam noluistis.

## *Pœna illorum qui uocantem non sequuntur.*

26. Etiam ego in contritione uestra ridebo: sub-  
fannabo, cum uenerit timor uester.
27. Cum inquam uenerit sicut desolatio, timor  
uester: & contritio uestri ueluti turbo uenerit,  
cum uenerit super uos tribulatio & angustia.
28. Tunc inuocabunt me, & non exaudiam: mas-  
ne quærent me, & non inuenient me.

## *Contemptus uerbi Dei.*

29. Eo quòd oderunt scientiam, & timorem Ie-  
houæ non elegerunt.
30. Neq; acquieuerunt consilio meo, spreuerunt  
uniuersam increpationem meam.
31. Comedent igitur de fructu uia suæ, & consi-  
lijs suis saturabuntur.
32. Quia requies simplicium interficiet eos: &  
prosperitas stultorum perdet eos.
33. Qui autem obedit mihi, habitabit confiden-  
ter, & requiescet à timore mali.
8. 1. Nōne sapientia clamat, & intelligentia dat  
uocem suam?
2. In summitate locorum excelsorum, iuxta uia,  
in loco semitarum stat.
3. In loco portarum, in ostio ciuitatis, in ingre-  
su ostiorum clamat.
4. Ad uos o uiri clamo, & uox mea ad filios ho-  
minum.
5. Intelligite simplices astutiam, & stolidi intelli-  
gite corde, &c.
8. 12. Ego sapientia habito in astutia: & scienti-  
am cogitationum inuenio.
13. Timor Iehouæ est odio habere malum, super-  
biam & arrogantiam, & uiam malam, & os lo-  
quens peruersitates odi.
14. Penes me est consilium & sapientia, ego sum  
intelligentia, mea est fortitudo.

## *Opera filij Dei.*

15. Per me reges regnant, & principes decernunt  
iusticiam.
16. Per me principes dominantur, & principes,  
& omnes iudices terræ.
17. Ego diligentes me diligo: & quærentes me  
inueniunt me.
18. Diuitiæ & gloria mecum sunt, substantia sta-  
bilis, & iusticia.
19. Melior est fructus meus auro & obrizo: &  
prouentus meus argento electo.
20. Per semitam iusticiæ deduco, in medio semi-  
tarum iudicij.
21. Ut diligētes me hæreditare faciam esse perpe-  
tuum, &



## EX PROVERBIIIS.

tuum, & thesauros eorum repleam.

*Filius Dei fuit ab aeterno.*

22. Iehoua possedit me principio uia suae, ante opera sua ex eo tempore.
23. A seculo principatum habui, à principio, ante terram.
24. Cum nondum essent uoragines, formata sum, cum nondum essent fontes abundantes aquis.
25. Antequam montes fundati essent, ante colles formata sum.
26. Nondum fecerat terram, & plateas, & summitatem puluerum orbis.

### 3. CREATIO.

27. Quando praeeparabat caelos, illic eram: quando describebat circulum in superficie abyssi.
28. Quando firmabat caelos desuper, quando roborabat fontes abyssi.
29. Quando ponebat mari statutum suum, & aquis, ne transirent littus suum: quando describebat fundamenta terrae.
30. Eram apud eum ueluti alumnus, & eram in laeticijs quotidie, & ludo coram illo omni tempore.
31. Ludo in orbe terrae eius, & delectatio mea cum filiis hominum.
- 20.12. Aurem audientem, & oculum uidentem Iehoua fecit etiam ambo ista.
- 3.19. Iehoua in sapientia fundauit terram, stabiluit caelos in intelligentia.
20. In scientia eius abyssi ruperunt sese, & caeli stillant rorem.
- 26.10. Magnus creat omnia, & mercedem dat transgressoribus.
- 30.4. Quis ascendit in caelum, & descendit? quis collegit uentum in pugillis suis? quis congregauit aquas in uestimento? quis stabiluit omnes terminos terrae?

### 4. PROVIDENTIA DEI.

- 16.1. Homini sunt praeparationes cordis: sed à Iehoua est responsio linguae.
9. Cor hominis excogitat uiam suam: Iehoua autem dirigit gressum eius.
- 22.12. Oculi Iehouae custodiunt scientiam,
- 20.24. A Iehoua gressus uiri diriguntur: homo autem quomodo intelliget uiam suam?
- 16.7. Cuius uiae Deo placent, illius hostes conciliat ei.
- 21.1. Velut riuuli aquarum est cor Regis in manu Iehouae: ad omne quod uult inclinat illud.
- 16.33. In sinum projicitur fors, & à Iehoua est omne iudicium eius.
- 29.26. Multi quaerunt faciem dominantis, & à Iehoua proficiscitur iudicium uniuscuiusque.
- 19.21. Multae cogitationes sunt in corde uiri: consilium autem Iehouae permanet.
- 21.30. Non est sapientia, neque intelligentia, neque consilium contra Iehouam.
31. Equus paratus est ad diem belli: sed Iehoua est ipsa salus.
- 18.10. Ut turris fortis est nomen Iehouae: ad ipsum curret iustus, & exaltabitur.

16.3. Deuolue ad Iehouam opera tua: & firmabuntur cogitationes tuae.

3.6. In omnibus uijs tuis recognosce eum, & ipse diriget semitas tuas.

### 5. PRAEDESTINATIO.

16.4. Omnia operatus est Iehoua propter seipsum: & etiam impium ad diem malum.

### 6. DEVS *αεφθιογνώγης*.

- 15.3. In omni loco oculi Iehouae contemplantur malos & bonos.
- 20.27. Lucerna Iehouae est animus hominis, qui inuestigat omnia interiora uentris.
- 5.21. In conspectu domini sunt uiae uiri, & omnes semitas eius ponderat.
- 16.2. Omnes uiae uiri munda sunt in oculis suis: sed qui ponderat spiritus, est Iehoua.
- 21.2. Omnis uia uiri recta est in oculis eius: ponderat autem corda Iehoua.
- 25.3. Caelorum altitudinis, & terrae profunditatis, & cordis Regum non est inuestigatio.
- 15.11. Infernus & perditio sunt coram Iehoua, quanto magis corda filiorum hominum?
- 17.3. Est conflatorium argento, & caminus auro, at probat corda Iehoua.

### 7. ECCLESIA.

- 9.1. Sapientia aedificauit domum suam, excidit columnas suas septem.
2. Immolauit uictimam suam, miscuit uinum suum, etiam apparauit mensam suam.

### 8. DOCTORES ECCLESIAE.

3. Misit puellas suas, uocauit: super summitates excelsorum ciuitatis, dicendo,
4. Quisquis est simplex, declinet huc, carenti corde, dixit quoque,
5. Venite, comedite panem meum, & bibite de uino quod miscui.
6. Relinquit simplices uiam uestram, & uiuetis: & incedite per uiam intelligentiae.
- 11.30. Fructus iusti est ueluti arbor uitae, & qui docet animas, est sapiens.

*Plura habes in tit. de commodis linguae bonae.*

### 9. ANTICHRISTVS.

- 9.13. Mulier stulta tumultuatur, simplex est, & nescit quicquam.
14. Et sedet ad ostium domus suae super sedem, in locis excelsis ciuitatis.
15. Ut uocet transeuntes per uiam, qui dirigunt semitas suas, dicens.
16. Quisquis est simplex, declinet huc, & carenti corde dixit.
17. Aquae furatae dulces sunt: & panis absconditus suauis est.
18. Et nescit simplex, quod mortui sunt ibi, in profundis inferni sunt inuitati ab ea.

*Huc pertinet Apostatae descriptio 6. cap.*

### 10. FALSI DOCTORES.

- 2.12. Sapientia eruet te à uia mala, à uiro loquente perueritates.
13. Qui derelinquunt semitas rectas, ut ambulent per uias tenebrosas.
14. Qui laetantur facere malum, exultant in per-



## L O C I   C O M M V N E S

uerſitatibus mali.

15. Quorum ſemirę peruerſę ſunt, et peruerſi ſunt in uijs ſuis.

19. 27. Ceſſa fili mi audire inſtitutionem, quę eſt ut aberres ab eloquijs ſcientiæ.

28. 10. Qui errare facit rectos per uiam malam, in foueam ſuam ipſe corruet: at perfecti, hæreditate accipient bonum.

*Vide tit. de Lingua mala, & de Impijs: item de Faliſis teſtibus.*

### 11. O M M E S   H O M I N E S ſunt peccatores.

20. 9. Quis poteſt dicere, Mundaui cor meum, mundatus ſum à peccato meo?

24. 16. Septies cadit iuſtus & reſurgit.

### 12. C O N F E S S I O   P E C = catorum.

28. 13. Qui tegit ſcelera ſua, nunquam aget proſperę: qui uerò confitetur, & derelinquit, miſericordiam conſequitur.

### 13. H O M I N E S   R E R V M   D I = uinarum ſunt ignari.

30. 2. Sanè ſtultior ſum quolibet, nec eſt intelligẽtia hominis mihi.

3. Neq; didici ſapientiam, nec ſcientiam ſanctoꝝum noui.

### 14. P I E T A S   S I V E   T I = mor Dei, Fides.

1. 7. Timor Iehouæ principium ſcientiæ: ſapientiam & eruditionem ſtulti deſpexerunt.

9. 10. Principiũ ſapientiæ, timor Iehouę: & ſcientia ſanctorum, intelligentia.

15. 24. Timor Iehouæ eruditio ſapientiæ.

3. 5. Fide Iehouæ toto corde tuo, & intelligentiæ tuæ ne innitaris.

7. Ne ſis ſapiens in oculis tuis: time Iehouam, & recede à malo.

24. 21. Time Deum fili mi.

23. 17. In timore Domini perſta toto die.

30. 26. Cuniculi ſunt populus non fortis, attamen ponunt in petra domum ſuam: ſic in Deo ponenda fiducia.

16. 6. In timore Dei receditur à malo.

14. 26. In timore Iehouæ eſt fiducia fortitudinis: & filijs eius erit ſpes.

22. 4. Propter humilitatem et timorem Iehouæ, diuitiæ, & gloria, & uita.

10. 27. Timor Iehouæ apponit dies: & anni impiorum breuiantur.

22. 19. Custodiendum uerbum ut Deus ſit fiducia tua.

3. 8. Sanitas enim erit umbilico tuo, & medulla oſibus tuis.

14. 27. Timor Iehouæ uelut uena uitæ, ut recedatur à laqueis mortis.

19. 23. Timor Iehouæ ad uitam, & ſatur commorabitur: non uiſitabitur malo.

28. 25. Qui fidit Domino, impinguabitur.

14. Beatus homo qui pauet ſemper: ſed qui indurat cor ſuum, corruet in malum.

16. 20. Et confidens in Iehoua beatus eſt.

### 15. S P E S.

10. 28. Expectatio iuſtorum lætitia: & ſpes impiorum peribit.

16. 20. Beatus eſt, qui ſperat in Domino.

13. 12. Expectatio quæ protrahitur, infirmitas eſt cordis: & ut lignum uitæ eſt deſiderium ueniens.

14. 32. Sperat in morte ſua iuſtus.

25. 19. Ut dens conſRACTUS & pes labens, ſic eſt fiducia præuaricatoris in die anguſtiæ.

11. 7. Cum mortuus fuerit homo impius, perit ſpes: & expectatio iniquorum peribit.

C H A R I T A S, quære in Ethicis locis.

### 16. S A C R I F I C I V M.

15. 8. & 21. 27. Sacrificium impiorum eſt abominatio: quanto magis ſi cum ſcelere obtulerint illud?

3. Facere iuſtitiam & iudicium magis eſt electum Iehouæ, quàm sacrificium.

### 17. O R A T I O.

15. 8. Sacrificium impiorũ eſt abominatio Iehouæ: oratio autem rectorum beneplacitũ eius.

1. 28. Deus contemptores uerbi non exaudit.

29. Longinquus eſt Iehoua ab impijs: ſed orationem iuſtorum exaudit.

28. 9. Qui remouet aurem ſuam ne audiat Leagam, etiam oratio eius erit abominatio.

### 18. V O T A.

20. 25. Laqueus eſt homini deglutire ſanctificatum: & poſt uota, quærere.

### 19. P I O R V M   E T   I M P I O = rum mores & exitus.

14. 2. Qui ambulat in rectitudine ſua, timet Iehouam: ſed peruertens uias ſuas, deſpicit eum.

11. 23. Deſyderium iuſtorũ eſt tantummodo bonum: præſtolatio impiorum, furor.

16. 17. Via rectorum eſt declinare à malo: custodit animam ſuam, qui custodit uiam ſuam.

21. 15. Lætitia eſt iuſto facere iudicium: at contritio eſt operantibus iniquitatem.

4. 16. Semita autem iuſtorum uelut lux luciferi progreditur, & illuminat uſque ad perfectum diem.

17. Via autem impiorum ſicut caligo: neſciunt in quid impingant.

10. 16. Opus iuſti eſt ad uitam, prouentus uerò impij eſt ad peccatum.

28. 18. Qui ambulat integrè, ſaluus erit: peruerſus autem uijs cadet ſemel.

11. 3. Perfectio rectorum deducit eos: peruerſitas autem præuaricatorum perdit eos.

10. 7. Memoria iuſti erit in benediſtione: & nomen impiorum putreſcet.

11. 8. Iuſtus de anguſtia liberatur, impius autem uenit loco eius.

13. 25. Iuſtus comedit ad ſaturitatem animæ ſuæ: uenter autem impiorum egebit.

10. 30. Iuſtus in ſeculum non commouebitur: impij autem non habitabunt in terra.

9. Qui ambulat perfectè, ambulat confidenter: & qui



## EX PROVERBIIS.

- & qui deprauat uias suas, conteretur.
10. 6. 19. 28. Benedictiones sunt super caput iusti: os autem impiorum operit iniquitatem.
12. 2. Bonus haurit beneplacitum à Iehoua: & uirum malarum cogitationum condemnabit Deus.
20. 7. Ambulantis in perfectione sua iusti, beati erunt filij eius post eum.
21. 18. Pro redemptione iusti dabitur impius, & pro rectis prauaricator.
11. 6. Iusticia rectorum eruet eos, at propter prauitatem suam prauaricatores capientur.
12. 28. In semita iusticiæ est uita: & uia semitæ eius non est mors.
11. 5. Iusticia perfecti dirigit uiam eius: sed propter impietatem suam corruet impius.
12. 13. Egredietur de angustia iustus.
25. 26. Ut fons conculcatus, & uena corrupta est iustus inclinans sese coram impio.
12. 21. Non accidet iusto ulla iniquitas: impij autè repleti sunt malo.
14. 19. Incuruant se mali coram bonis: & impij sunt ad portas iusti.
2. 21. Recti inhabitabunt terram, & integri superstites erunt in ea.
13. 6. Iusticia custodit perfectum uia: impietas autem peruerter peccatorem.
6. 12. Homo impius, uir iniquus, ambulat in peruersitate oris.
13. Annuit oculis suis, loquitur pedibus suis, docet digitis suis.
14. Peruersitates sunt in corde eius, machinatur malum omni tempore, contentiones immitit.
6. 13. Ideo extemplo ueniet contritio eius, subito conteretur, & non erit medela.
12. 12. Desiderat impius rete malorum: radix autem iustorum dabit fructum suum.
16. 30. Claudens oculos suos ad excogitandum peruersitates, mouet labia sua, perficit malum.
29. Vir iniquus seducit proximum suum, & ambulare facit eum per uiam non bonam.
21. 10. Anima impij desiderat malum: non est gratus in oculis eius amicus eius.
4. 14. Impij non dormiunt, nisi malefecerint, &c.
16. 27. Vir impius fodit malum: & labijs suis est ut ignis ardens.
6. 5. Viri mali non intelligunt iudicium: quærentes autem Iehouam intelligunt omnia.
21. 29. Roborat uir impius faciem suam, rectus autem, ipse disponit uiam suam.
10. 23. Velut risus est stulto facere abominatione: sapientia uerò est uiro intelligentia.
24. 2. Malorum labia iniquitatem loquuntur.
28. 4. Derelinquentes legem: laudant impium: at custodientes legem contendunt cum eis.
17. 4. Malus attendit labio iniquo: mendax auscultat linguæ prauæ.
26. 11. Ut canis reuertitur ad uomitum suum, sic stultus iterans stulticiam suam.
13. 19. Desideriū factū dulce est animæ: & abominatio stultorum est recedere à malo.
11. 18. Impius facit opus mendax: seminanti autem iusticiam erit merces stabilis.
19. Sic iusticia est ad uitam: qui uerò sequitur malum, ad mortem suam tendit.
21. Inuersa est uia uiri, & aliena: mundi autem uiri rectum est opus.
6. 18. Inter sex quæ odit dominus ponitur cor, quod molitur iniquas cogitationes, & pedes festinantes ad malum.
14. 14. Vijs suis saturabitur auersus corde: & ab eo auertetur uir bonus.
13. 21. Peccatores insectatur afflictio: iustis autè Deus reddet bonum.
10. 25. Ut transit turbo, sic non erit impius: iustus autem est ut fundamentum perpetuum.

### *Impiorum interitus.*

1. 27. Impiorum interitus ut turbo ueniet.
2. 22. Impij uerò de terra succidentur, & prauaricatores uel perfidiosi eradentur ex ea.
18. 3. Quando uenit ad nos impius, uenit etiam contemptus, & cum uiro ignominioso opprobrium.
29. 6. In prauaricatione uiri mali est laqueus: iustus autem cantabit & lætabitur.
11. 21. Etiam si manus ad manum, non erit innocens malus: semen autem iustorum euadet periculum.
21. 12. Considerat iustus domum impij: subuertit Iehoua impios propter malum.
5. 22. Iniquitates capient ipsum impium, & funibus peccati sui tenebitur.
23. Ipse morietur, eo quod non audiuit eruditionem: & propter multitudinem stulticiæ suæ errabit.
12. 3. Non erit stabilis homo in impietate: radix autem iustorum non dimouebitur.
22. 5. Spinæ & laquei sunt in uia peruersi, qui custodit animam suam, elongabit se ab illis.
33. Maledictio Iehouæ est in domo impij: habitaculo autem iustorum benedicit.
14. 32. Propter malitiam suam expelletur impius: sperat autem in morte sua iustus.
11. Domus impiorum delebitur, sed tabernaculum rectorum florebit.
2. 7. Euertet Deus impios, & non erunt: domus autem iustorum stabit.
22. 12. Deus peruertit res prauaricatoris:
1. Qui seminat iniquitatem, metet iniquitatem, & uirga iræ eius consumabitur.
13. 9. Lux iustorum exhilarat, lucerna autem impiorum extinguetur.
29. 16. Cum multiplicati fuerint impij, multiplicabitur prauaricatio, iusti autem ruinam illorum uidebunt.
31. 9. Abominatio Iehouæ est uia impij, sectantem autem iusticiam diligit.
23. 20. Abominatio Iehouæ sunt peruersi corde, & perfecti uia beneplacitum eius.
26. 27. Qui fodit foueam cadet in eam, & qui uol-



## LOCI COMMUNES.

uit lapidem, ad eum reuerteretur.  
*De impijs habes plura in tit. de Stultitia.*

### 20. ILLUSORES.

15. 12. Non amat illufor increpantem fe: ad sapiētes non accedit.  
14. 6. Quærit derifor fapientiam, & nō inuenit.  
13. 1. Derifor non audit increpationem.  
9. 12. Si fapiens fueris, fapiens eris tibi: fi uerò illufor, folus lues pœnas.  
29. 8. Homines illufores illaqueant ciuitatem, &c.  
3. Illuforibus ipfe illudit.  
19. 29. Parata funt illuforibus iudicia, & contritiones corpori ftultorum.

### 21. HYPOCRITAE.

30. 12. Eft & generatio, quæ munda eft in oculis fuis, & à forde fua non eft abluta.  
11. 9. Ore hypocrita corrumpit amicū fuum: fciētia autem iufti eruuntur.  
19. 28. Os impiorum tegit iniquitatem.

### 22. INFERNI POENAE.

11. 31. Ecce iufto in terra reddetur: quanto magis

impio & peccanti?

15. 11. Infernus & perditio funt coram Domino.

### 23. COGITATIONES.

12. 5. Cogitationes iuftorum funt iudicium, confilia uerò impiorum dolus.  
12. 2. Virum malarum cogitationum condemnat bit Deus.  
24. 8. Cogitantem malefacere, eum uirum cogitationum malarum uocabunt.  
9. Cogitatio mala ftulti, eft peccatum: & abominatio hominum derifor.  
14. 22. Nōne errant cogitantes malum? mifericordia autem & ueritas cogitantibus bonum.  
5. 2. Attende fapientia, ut custodias cogitatus, &c.  
15. 26. Abhominatio Iehouæ funt cogitationes uiri mali: at mundis funt eloquia pulchra.  
6. 18. Inter fex quæ Deus odit, ponit Cor quod molitur cogitationes iniquas, pedes feftinantes ut currant ad malum.

Promiffiões corporales hinc inde difperfae funt.  
*De afflict. uide in tit. de Correptione.*

## LOCI POLITICI.

### 1. PRINCEPS VEL MAGISTRATUS. 24.

*Inftitutio boni principis.*

31. 1. VERBA Lemuel regis, & prophetia qua erudiuit eum mater fua.  
2. Quid fili mi? & quid fili uteri mei? & quid fili uotorum meorum?  
3. Ne dederis mulieribus fortitudinem tuam, & uias tuas, ad delendum Reges.  
4. Non eft Regum o Lemuel, non eft Regum bibere uinum, & principum non eft fechar.  
5. Ne fortè bibat, & obliuifcatur ftatuti, & mutet iudicium omnium filiorum afflictorum.  
6. Date ficeram pereunti, & uinum ijs qui amaro animo funt.  
7. Ut bibat, & obliuifcatur egeftatis fuæ, & calamitatis fuæ non recordetur amplius.  
8. Aperi os tuum muto, ad iudicium omnium filiorum tranfitus.  
9. Aperi os tuum, iudica iufticiam: & iudiciū pauperis & egeni.  
29. 7. Cognofcit iuftus caufam pauperum: impius non intelligit fcientiam.  
16. 10. Diuinatione eft in labijs Regis: in iudicio non prauaricatur os eius.  
13. Beneplacitum Regum labia iufta: & loquentem recta diligunt.  
17. 7. Non eft decorum ftulto labium excellens: quanto magis principi non eft decorū labium mendax.  
1. Etiam hæ funt parabolę Solomonis, quas trāstulerunt uiri Ezechia regis Iuda.  
2. Gloria Dei eft celare uerbum: & gloria Regum fcritari uerbum.

25. 3. Cordis Regum non eft inueftigatio.

8. 15. Per me Reges regnant, &c.

24. 11. Erue eos qui raptantur ad mortem, & eos qui diuertunt ad occifionem: num conntinebis te?

12. Si dixeris, Profectò ignorauimus iftud: nōne qui ponderat corda, ipfe intelliget: & qui custodit animā tuam, ipfe cognofcet, reddetq; homini fecundum opus fuum?

22. 22. Ne diripias pauperē, quia pauper eft: neq; conteras egenū in porta.

23. Quia Iehoua iudicabit caufam illorum, & rapiet à rapientibus eos, animam.

17. 15. Iuftificans impium, & qui iuftum facit impium, abominatio Iehouæ funt etiam ambo ipfi.

16. 13. Loquentem recta Reges diligunt.

24. 26. Labia deofculabitur qui refpondet uerba recta.

30. 21. Propter tria commouet fe terra, imò propter quatuor non potest fufcinere.

*Seruorum dominatus.*

22. Propter feruum, quum regnauerit: & ftultū, cum faturatus fuerit pane.

19. 10. Non eft decora ftulto delectatio: quanto minus decet feruum dominari principibus?

### 2. IRA PRINCIPIS. 25.

28. 15. Ut leo rugiens, & urfus efuriens, eft princeps impius fuper populum pauperem.

19. 12. Veluti rugitus catuli leonis eft ira Regis: & ficut ros fuper herbam beneuolētia eius.

20. 2. Rugitus tanquam leunculi eft terror Regis: qui irafcitur illi, peccat contra animam fuam.

16. 14. Ira



## EX PROVERBIIS.

16. 14. Ira Regis est ut nuncius mortis: at uir sapiens remouebit eam.

15. Quum illuxerit facies Regis, erit uita: & beneuolentia eius erit ueluti nubes effundens ferotinam pluuiam.

20. 8. Rex qui sedet super solium iudicij, dispergit oculis suis omne malum.

### 3. SVPPPLICIA SVMPTA de facinorosis. 26.

26. Dispergit impios Rex sapiens, & reducit super eos rotam.

17. 15. Qui improbum absoluit, & qui iustum cōdemnat, Deo est abominationi.

31. 11. Quum iudex mulctat derisorem, simplex efficitur sapiens, & quum instituunt sapientiam, accipit scientiam.

24. 24. Dicenti impio, iustus es: maledicent populi, detestabuntur eum nationes.

25. Sed increpantibus impium suauis erit Iehoua, & super eos ueniet benedictio boni.

*Vide locum de Correctione.*

### 4. CONSERVATIO regnorum. 27.

14. 34. Iusticia exaltat gentem: at ignominia est populis peccatum.

28. 2. Propter prauaricationem regionis, multi principes eius: at propter hominem intelligentem & scientem, sic prolongabitur regnum.

29. 4. Rex in iudicio stabilem reddit terram, uir autem, &c.

29. 14. Regis qui iudicat in ueritate pauperes, thronus in æternum firmabitur.

16. 12. Abominatio Regibus est facere impietate, quia in iusticia confirmabitur solium.

20. 28. Misericordia & ueritas custodient Regē, & fulciet per misericordiam solium suum.

28. 16. Dux carens intelligentijs, multiplicat rapinas, sed qui odio habet auaritiam prolongabit dies.

29. 18. Quum non est uisio, dissipatur populus, custodiens autem legem beatus.

25. 4. Aufer scorias de argento, & prodibit argentario uas preciosum.

5. Remoue impium à conspectu Regis, & firmabitur in iusticia solium eius.

29. 8. Homines derisores illaqueant ciuitatem, sapientes uerò auertunt furorem.

11. 11. Propter benedictionem rectorum exaltatur ciuitas, & ore impiorum subuertitur.

28. 28. Dum euehuntur impij, abscondit se homo: quum uerò pereunt, multiplicantur iusti.

*Fœdera.*

11. 21. & 16. 5. Manus ad manum non innocens erit malus.

29. 2. Quando dominatur iusti, lætatur populus, & cum dominatur impius, gemit populus.

11. 10. Felicitate iustorum lætatur ciuitas, & cum pereunt impij, erit exultatio.

28. 12. Quum exultant iusti, multa est gloria, & cū euehuntur impij, abscondit se homo.

### 5. SVBDITI REGIS. 28.

14. 28. In multitudine populi est gloria Regis, & cum non fuerit populus, est attritio principis.

29. 12. Dominatoris attendentis uerbo mendaci, omnes ministri sunt impij.

### 6. QVOMODO AGENDVM in iudicio. 29.

*De litibus iudiciarijs uide Tit. de contentiōibus & rixis.*

25. 9. Causam tuam age cum proximo tuo, & secretam alteri ne reueles.

10. Ne fortè probris afficiat te audiens, & infamia tua non auertatur.

### 7. LEGES. 30.

22. 28. & 23. 10. Ne transferas terminum antiquū, quem fecerint patres tui.

13. 14. Lex sapientis est ut uena uitæ, &c.

*Vide in titulo de Scriptura uel lege.*

### 8. RESPECTVS PER= sonarum. 31.

24. 23. Etiam hæc ad sapientes pertinent.

2. Agnoscere faciem in iudicio, non est bonum.

28. 21. Agnoscere faciem in iudicio: non est bonum, & ob buccellam panis prauaricatur uir.

18. 5. Accipere personam impij non est bonum, ut declinare faciant iustum in iudicio.

### 9. CONSILIVM, BELLVM. 32.

24. 5. Vir sapiens est in fortitudine, & uir peritus roborat uires.

24. 6. Quia consilijs facies bellum, & salus sita est in multitudine consiliariorum.

21. 31. Equus paratus ad diem belli, sed Deus confert uictoriam.

20. 18. Cogitationes consilio firmantur, & consilijs fac bellum.

21. 22. In ciuitatem fortium ascendit sapiens, & deicit robur fiducia eius.

15. 22. Dissipantur cogitationes quando non est consilium, sed multitudine consiliariorum firmantur.

11. 14. Quum non fuerint consilia, corruet populus: salus autem in multitudine consultorum.

*De consilijs uide locos Ethicos.*

### 10. CORRVPTELA MV= nerum. 33.

17. 8. Ut lapis preciosus est munus in oculis domini sui: ad omnem locum ad quem se uertit munus illud, prosperabitur.

23. Munus è sinu impius accipit, ad peruerterendum semitas iudicij.

28. 21. Ob buccellam panis prauaricatur uir.

15. 27. Qui odio habet dona, uiuet.

18. 16. Donum hominis dilatare facit ei locum, & ante magnates deducit eum.

29. 4. Rex in iudicio stabilem reddit terram: uir autem qui suscipit dona diruet eam.

21. 14. Domino in abscondito datum sedat furorem, & munus in finem coniectum, iram



## LOCI COMMUNES

fortem.

*Vide titulum de Avaritia.*

11. VERI ET FALSI TESTES. 34.

24. 28. Ne sis testis mendax contra proximum tuum, & ne allicias labijs tuis.

29. Ne dicas, quemadmodum fecit mihi, faciam ei: reddam ipsi viro secundum opus suum.

12. 17. Qui loquitur veritatem, annuntiat iustitiam, & testis mendax dolosus est.

6. 19. Deus odio habet eum qui loquitur mendacia, testem mendacem, & immittentem iur-  
gia inter fratres.

19. 28. Testis impius deridet iudicium, & os im-  
piorum tegit iniquitatem.

21. 28. Testis mendax peribit: at uir qui audit sem-  
per loquetur.

25. 18. Ut malleus, & gladius, & sagitta acuta, est  
uir qui loquitur contra proximum suum testi-  
monium falsum.

19. 5. Testis mendax non erit impunitus: & qui  
loquitur mendacia non euadet.

9. Testis mendax non erit impunitus: & qui lo-  
quitur mendacia, peribit.

14. 5. Testis uerax non mentitur: loquitur autem  
mendacia testis mendax.

25. Eruit animas testis uerax, loquitur autem men-  
dacia dolosus.

*Vide tit. de Mendacio.*

12. LEGATIONES. 35.

25. 13. Sicut frigus niuis in die messis, sic legatus  
fidelis mittentibus illum, & animam domini  
sui requiescere facit.

3. 17. Nuntius impius cadet in malum: legatus  
autem uerax, est uelut sanitas.

26. 6. Sicut is qui praecidit pedes eius quem ali-  
quod mittit, iniquitatem bibit: sic qui mittit qui p-  
piam per manum stulti.

10. 26. Sicut officit acetum dentibus, & sicut fu-  
mus oculis, sic piger mittentibus illum, moles-  
tus est.

13. PONDERA ET  
mensurae. 36.

11. 1. Statera dolosa est abominatio Iehouae: &  
pondus perfectum uoluntas eius.

16. 11. Statera & bilances iudicij Iehouae: opus e-  
ius sunt omnia pondera crumenae.

20. 10. Duplex pondus & duplex mensura, abo-  
minatio Iehouae sunt etiam ambo ipsa.

23. Abominatio Iehouae sunt diuersa pondera,  
& bilanx dolosa non est bona.

*Vide locum de Furto & Avaritia.*

14. CONTRACTVS. 37.

14. Malum est, malum est, dicit emptor: & disce-  
dens tunc iactabit sese.

31. 20. De muliere proba dicitur quod emat &  
uendat.

15. SPONSIONES ET  
fideiusiones. 38.

6. 1. Fili mi, si sponderis pro amico tuo, per-  
cussisti alieno manu tua.

2. Illaqueatus es uerbis oris tui, captus es elo-  
quijs oris tui.

3. Propterea fac nunc hoc fili mi, & erue te postea  
quam incidisti in manum amici tui: uade pro-  
sterne te, & robora amicos tuos.

4. Ne des somnum oculis tuis, & dormitationem  
palpebris tuis.

5. Erue te tanquam caprea de manu uenatoris,  
& sicut auis de manu aucupis.

20. 16. Tolle uestimentum eius, quia fideiussit  
pro extraneo: & quia pro extranea fideiussit,  
pignus ab eo accipe.

27. 13. Tolle uestimentum eius, quia fideiussit  
pro extraneo: & quia spondit pro extranea,  
accipe pignus ab eo.

17. 18. Homo deficiens corde percutit manum,  
spondens sponsonem coram amico suo.

11. 15. Contritione conteretur homo, quum fidei-  
iusserit pro extraneo: & qui odit stipulantes,  
tutus est.

22. 26. Ne sis inter percutientes manum: fidei-  
ubendo, neque inter fideiubentes pro debitis.

27. Si non sit tibi ad reddendum, ut quid tollet  
creditor lectum tuum qui est subter te?

16. SEDITIO. 39.

24. 21. Time Iehouam fili mi, & Regem: cum mu-  
tantibus sese ne admisceas te.

22. Quoniam repente consurget contritio eo-  
rum: & contritionem amborum quis scit?

17. 26. Etiam condemnare iustum non est bonum:  
percutere principes propter rectitudinem.

31. 3. Ne dederis uias tuas ad delendum Reges:

## LOCI OECONOMICI.

1. VXOR BONA. 40.

18. 22. Qui inuenit mulierem, inuenit bonum, &  
hausit beneuolentiam a Iehoua.

14. 1. Sapiens mulier aedificat domum suam: stul-  
ta autem, manibus suis destruit eam.

11. 16. Mulier gratiosa assequetur gloriam, & for-  
tes assequentur diuitias.

19. 14. Domus & diuitiae hereditas patrum est,  
a Iehoua autem accipitur mulier intelligens.

12. 4. Mulier fortis corona est uiri sui: & ueluti  
putredo est in ossibus illius quae suum uirum  
pudore afficit.

*Mulieris proba encomium.*

31. 10. Mulierem fortem quis inueniet? nam pro-  
cul



## EX PROVERBIIIS.

- cul est à margaritis precium eius.
11. Confidit in ea cor uiri, & spolijs non indigebit.
  12. Reddet ei bonum, & non malum, omnibus diebus uitæ suæ.
  13. Perquirat lanam & linum, & operatur secundum uoluntatem manibus suis.
  14. Est uelut nauis mercatoris quæ ex longinquo adducit panem suum.
  15. Et surgit dum adhuc est nox, datq; cibum familiæ suæ, & portionem puellis suis.
  16. Considerat agrum, & emit eum: de fructu manuum suarum plantat uineam.
  17. Accingit fortitudine lumbos suos, & roborat brachia sua.
  18. Gustat, quod bona sit negociatio sua: non extinguitur in nocte lucerna eius.
  19. Manus suas admouet ad uerticulum, & manus eius tractant fustum.
  20. Manum suam extendit ad pauperem, & manus suas extendit ad egenum.
  21. Non timet familiæ suæ à niue, quia tota familia eius uestita est coccino.
  22. Tapetia facit sibi: byssus & purpura indumentum eius.
  23. Notus in portis uir eius, cum sedet ipse cum senioribus terræ.
  24. Linteum facit, & tradit: & cingulum tradit negociatori.
  25. Fortitudo & decor indumentum eius, & ridebit in die nouissimo.
  26. Os suum aperit sapienter, & lex clementiæ uersatur in lingua eius.
  27. Speculatur uias domus suæ, & panem pigritiæ non comedit.
  28. Surgent filij eius, & beatam dicunt eā: etiam uir eius surgit & laudat eam.
  29. Multæ filiæ sibi parauerunt diuitias, tu autē superas uniuersas.
  30. Fallax gratia, & uana est pulchritudo: mulier cui est timor Iehouæ, ipsa laudabitur.
  31. Date illi de fructu manuum suarum, & laudet eam in portis facta eius.

### 2. VXOR MALA. 41.

21. 9. & 21. 24. Melius est sedere in angulo recti, quàm cum muliere contentiosa & in domo ampla.
21. 19. Melius est habitare in terra deserti, quàm cum muliere contentiosa & iracunda.
19. 13. & 27. 15. Stillatio assidua in die pluiiæ, & mulier contentiosa æquantur.
16. Abscondens eam, abscondit uentum, & ut unguentum, quod est in dextra sua clamabit.
30. 23. Exosa cum maritata fuerit est intolerabilis.
11. 22. Sicut inauris aurea in naribus porci: ita est mulier pulchra & deficiens consilio.

### 3. AMOR MVTVVS CONIUGUM. 42.

5. 15. Bibe aquam de cisterna tua, & fluēta de medio putei tui.

16. Dispergant sese fontes tui foras: in plateis, riuui aquarum.
17. Sint tibi soli, & non alienis tecum.
18. Sit scaturigo tua benedicta, & lætare de uxore adolescentiæ tuæ.
19. Cerua amorum, & caprea gratiæ: hubera eius inebrient te omni tempore, in amore eius delecteris iugiter.

*De adulterio quære in locis Ethicis.*

### 4. FILIUS BONVS ET MALVS. 43.

10. 1. Filius sapiens exhilarat patrem, & filius stultus tristitia est matris suæ.
23. 15. Fili mi, si sapiens fuerit cor tuum, lætabitur cor meum, etiam ego lætabor.
16. Exultabunt etiam renes mei, quum labia tua loquentur quæ recta sunt.
15. 20. Filius sapiens lætificat patrem, & stultus homo despicit matrem suam.
23. 24. Exultando exultabit pater iusti, & generas sapientem lætabitur in eo.
25. Fac ut lætetur pater tuus & mater tua, & exaltet genitrix tua.
17. 6. Corona senum, filij filiorum, & gloria filiorum patres eorum.
19. 13. Contritiones patri suo est filius stultus.
26. Destruit patrem, fugat matrem, filius pudore & probris afficiens parentes.
52. Ira est patri suo filius stultus, & amaritudo genitrici suæ.
21. Qui generat stultum, ad tristitiam suam gignit, nec lætabitur pater stulti.
20. 20. Maledicentis patri suo & matri suæ extinguetur lucerna in obscuritate tenebrarum.
30. 17. Oculum, qui subsannat patrem, & contemnit obedientiam matris effodiant corui torrentis, & deuorent eum filij aquilæ.
11. Est generatio quæ patri suo maledicit, & matri suæ non benedicit.
28. 24. Qui diripit bona patris sui & matris suæ, & dicit non esse præuocationem, is socius est uiri exterminationis.
9. 3. Vir qui amat sapientiam, lætificat patrem suum: sed qui pascit scorta perdit substantiam.
28. 7. Qui custodit legem, filius est intelligens: qui autem pascit comedones, pudore afficit patrem suum.

### 5. EDVCATIO ET CASTIGATIO LIBERORUM. 44.

22. 6. Imbue puerum iuxta uiam suam: etiam cum senuerit, non recedet ab ea.
19. 18. Castiga filium tuum, cum est adhuc spes: & ad interficiendum eum ne eleues animam tuam.
19. Magnus ira sustinet pœnam: quia si erueris eum, adhuc tamen addes castigare eum.
29. 15. Virga & increpatio tribuit sapientiam: puer autem sibi derelictus pudore afficit matrem suam.



## LOCI COMMUNES.

17. Corripe filium tuum, & requiescere faciet te, dabitq; delicias animæ tuæ.  
 22. 15. Stulticia colligata est in corde pueri: uirga correctionis elongare faciet eam ab eo.  
 23. 13. Ne subtrahas à puero correctionem: nam si percusseris eum uirga, non morietur.  
 14. Tu uirga percuties eum, & animam eius ab inferno erues.  
 15. 5. Stultus contemnit correctionem patris sui, sed qui obseruat increpationem, efficietur astutus.  
 13. 23. Qui subtrahit uirgam suam, odit filium suum, sed qui diligit eum quærit ei correctionem.

*Plura quare in tit. de Correctione in genere.*

### 6. OBEDIENTIA PARENTI- bus præstanda. 45.

6. 20. Conserua fili mi præceptum patris tui, & ne relinquo legem matris tuæ.  
 21. Alliga ea in corde tuo semper, adnecte ea gutturi tuo.  
 22. Quum deambulaueris, deducet te: quum dormieris, custodiet te, & quum expergefactus fueris, ipsa colloquetur tecum.  
 23. Quia ut lucerna est mandatum, & lex ut lux: & uia uitæ sunt increpationes eruditionis.  
 1. 8. Audi fili mi eruditionem patris tui, & ne dimittas legem matris tuæ.  
 9. Quia adiectio gratiæ erunt capiti tuo, & torques gutturi tuo.  
 4. 1. Audite filij disciplinam patris, & attendite ad sciendam intelligentiam.  
 2. Quia doctrinam bonam do uobis, legem igitur meam ne derelinquatis.  
 3. Quando filius fui patri meo tener, & unicus inter filios matris meæ.  
 4. Ipse docebat me, dicebatq; mihi, Teneat eloquia mea cor tuum, custodi præcepta mea, & uiues, &c.  
 23. 22. Obtempera patri tuo, ipsi qui genuit te, & ne contemnas, cum senuerit mater tua.  
 27. 11. Sis sapiens fili mi, & lætifica cor meum, & respondebo uerbum exprobranti mihi.  
 13. 1. Filius sapiens audit eruditionem patris, & derisor non audit increpationem.

### 7. INDOLES. 46.

20. 11. Etiam operibus suis cognoscitur puer, an mundum & an rectum sit opus eius.

### 8. SERVI. 47.

17. 2. Seruus intelligens dominabitur filio pudore afficienti patrem suum: & inter fratres diuidet hæreditatem.  
 14. 35. Beneplacitum Regis est erga seruum intelligentem: & ira eius est seruus qui pudore eum afficit.  
 29. 12. Qui delicate nutrit à pueritia seruum suum, in nouissimo suo erit tanquam filius.

30. 23. Terra comouet se propter exosam, quum maritata fuerit, & ancillam quum hæres fuerit dominæ suæ.  
 19. 10. Non decet seruum imperare ingenuis.  
 11. 29. Stultus erit seruus sapienti corde.  
 27. 18. Qui custodit ficum, comedit fructum eius: sic qui custodit dominum suum honore afficitur.

### 9. LABOR DOMESTICVS. 48.

24. 27. Præpara foris opus tuum, & præpara illud in agro tuo, & postea ædificabis domum tuam.  
*Vide in tit. de Labore.*

### 10. PECORA CURANDA, ET comparanda necessaria. 49.

27. 23. Considerando considera uultum pecoris tui, pone cor tuum ad greges.  
 24. Quia non in seculum sunt duraturæ, & num corona erit in generatione & generatio = ne?  
 25. Prodit gramen, & apparet herba, & colliguntur herba montium.  
 26. Ouium lana sunt pro indumentis tuis, & precium agri sunt hirci.  
 27. Et sufficientia lactis caprarum in cibum tuum, & in cibum domus tuæ, & ad uictum puel larum tuarum.  
 12. 10. Cognoscit iustus animam iumentis sui: miserationes autem impiorum crudeles.  
 15. 6. In domo iusti est thesaurus magnus: & in fructu impij conturbatio.  
*Vide locum de Diuitijs, qui huc potest referri.*

### 11. DECOCTORES. 50.

21. 20. Thesaurus desiderabilis, & oleum est in habitaculo sapientis: at stultus homo dissipabit illum.  
 29. 3. Filius qui pascit scorta, perdit substantiam.

### 12. MIGRATIONES crebræ. 51.

27. 8. Ut auis uagatur à nido suo, sic uir uagatur à loco suo.

### 13. CONSERVATIO ET euerio domus. 52.

12. 12. Domus impij subuerteretur.  
 22. 33. Maledictio in domo impij.  
 2. 7. Domus iustorum stabit.  
 24. 3. Domus stabilitur scientia.  
 15. 27. Turbat domum suam auarus.  
 19. 29. Qui conturbat domum suam, hæreditate accipiet uentum: & stultus ille erit seruus sapienti corde.  
 11. 29. Qui conturbat domum suam, hæreditate accipiet uentum: & stultus ille, erit seruus sapienti corde.

## LOCI



## LOCI ETHICI.

### 1. SAPIENTIA, PRVDEN- dentia, calliditas. 53.

- 17.24. In conspectu intelligentis apparet sapientia: & oculi stulti sunt in extremo terræ.  
14.33. In corde intelligentis requiescit sapientia: at in medio stultorum ipsa cognoscitur.  
2. 6. Iehoua dat sapientiam.  
22.12. Oculi Iehouæ custodiunt scientiam, & peruertit res prauaricatoris.  
13.20. Qui graditur cum sapiente sapiens erit.  
17.16. Vt quid est precium in manu stulti, ut emat sapientiam, & cor non est ei?  
23.23. Veritatem eme, & ne uendas: eme sapientiam, & eruditionem & intelligentiam.  
18.15. Cor intelligens acquirit scientiam: & auris sapientum quærit scientiam.  
14. 6. Quærit derisor sapientiam, & non inuenit: at scientia intelligenti est facilis inuentu.  
20. 5. Vt aqua profunda est consilium in corde uiri: & homo intelligens illud hauriet.  
18. 4. Vt aquæ profundæ sunt uerba oris uiri: ut torrens redundans est uena sapientiæ.  
28. 5. Quærentes Deum intelligunt omnia.

#### *Credulitas.*

14. 15. Simplex credit omni uerbo, callidus autem intelligit gressum suum.  
8. Sapientia callidi, est intelligere usum suam, & stulticia stultorum, dolus.  
13.16. Omnis callidus res suas facit cum scientia, stultus autem expandit stulticiam.  
22.3. & 27.12. Callidus uidet malum, & abscondit se: simplices autem transeunt & mulctantur.  
12.16. Qui operit ignominiam sibi factam, callidus est.  
23. Homo callidus operit scientiam, & cor stultorum prædicat stulticiam.  
24.3. Sapientia ædificabitur domus, & intelligentia stabilietur.  
14.16. Sapiens timet, & recedit à malo, sed stultus irascitur, & confidit.  
10.14. Sapientes condunt scientiam.  
24.32. Utendum aliena stulticia.  
15.14. Cor intelligens quærit scientiam, & os stultorum pascetur stulticia.  
16.16. Acquirere sapientiam multo præstantius est quam acquirere electum argentum.  
13.15. Intelligentia bona dat gratiam: at uia contemptorum est dura.  
19. 8. Possidens cor, diligit animam suam, & custodit intelligentiam ut inueniat bonum.  
16.22. Vena uitæ est intelligentia domino suo: at eruditio stultorum stulticia est.  
14. 18. Hæreditate accipient simplices iusticiam, callidi autem coronabuntur scientia.  
15.24. Via uitæ sursum uersus est, quæ est intelligenti, ut declinet ab inferiori quæ est

deorsum.

- 16.20. Intelligens rem inueniet bonum.  
28.26. Qui ambulat in sapientia, euadet pericula.

### 2. CONSILIVM. 54.

*Possit etiam referri ad locos Politicos. Ego uolui cum Sapientia coniungere.*

- 8.14. Penes me est consilium, dicit sapientia.  
13.10. Cum consultis est sapientia.  
20. 5. Vt aqua profunda consilium in corde uiri, homo intelligens haurit consilium.  
15.22. & 24.6. & 20.18. Salus sita est in multitudine consiliariorum.  
12. 5. Consilia impiorum dolus.  
15. Qui obtemperat consilio, sapiens est.  
12.20. Dolus est in corde cogitantium malum: at in corde consulentium pacem, est læticia.  
19.20. Audi consilium, ut sis sapiens.  
27. 9. Consilium amici unguento comparatur.  
26.27. Qui alteri fodit foueam, in eam cader: & qui uoluit lapidem contra alium, ad eum reuertetur.  
11.14. Cum non fuerint consilia, corruet populus, &c.

*De sapientia plura inuenies in tit. de Scriptura, & de Filio Dei, æterna sapientia.*

### 3. STULTICIA. 55.

19. 3. Stulticia hominis peruertet uiam eius, & contra Iehouam indignatur cor eius.  
23. 9. In auribus stulti ne loquaris: quia contemnet prudentiam eloquiorum tuorum.  
14. 9. Stulti loquuntur delictum, & inter rectos est beneuolentia.  
24.7. Excelsæ sunt stulto sapientiæ, in porta non aperiet os suum.  
18. 2. Non complacebit stultus sibi in intelligentia, nisi cum manifestatur cor eius.  
27.22. Si contuderis stultum in mortario in medio triticorum contusorum pistillo, non recedet ab eo stulticia eius.  
17.12. Occurrere urtæ orbatae satius est uiro, quam stulto in stulticia sua.  
17. 7. Non est decorum stulto labium excellentiæ.  
15.21. Stulticia, est læticia deficienti corde: & uir intelligens dirigit uiam suam ad ambulandum.  
3.35. Gloriam sapientes hæreditare accipient, & stulti sustinent ignominiam.  
21.16. Homo qui aberrat à uia intelligentiæ, in cœtu mortuorum requiescet.  
26.4. Ne respondeas stulto iuxta stulticiam eius, ne adæqueris ei etiam tu.  
5. Responde stulto secundum stulticiam suam, ne fortè sit sapiens in oculis suis.



## LOCI COMMUNES

### 4. IUSTITIA. 56.

14. 34. Iusticia exaltat gentem.  
10. 2. & 11. 4. Iusticia eruit à morte.  
*De ponderibus & mensuris quare in locis politi-*  
*cis.*

### 5. FORTITUDO ET constantia. 57.

24. 10. Si remissus fueris in die angustia, angusta  
erit fortitudo tua.  
25. 28. Ut urbs dirupta & absq; muro, est uir cui  
ius spiritui non est cohibitio.  
*Frenare affectus.*  
16. 32. Melior est tardus ad iram quàm for-  
tis, &c.  
30. 29. Tria sunt optimi incessus, imò quatuor  
quæ bene gradiuntur.  
30. Leo fortissimus inter animalia, nec conuer-  
titur retrorsum propter ullum animal.  
31. Lelaps præinctus lumbis, siue hircus, & Rex  
in quem nemo insurgit.

*De ignavia quæ fortitudini opponitur tit. 28.*

### 6. TEMPERANTIA, EBRIE- tas, Crapula. 58.

23. 29. Cui nam uæ? cui inquam uæ? cui rixæ? cui  
murmur? cui uulnera sine causa? cui rubor ocu-  
lorum erit?  
30. His qui immorantur circa uinum, euntibus  
ad disquirendum mistum.  
31. Ne igitur intuearis uinum quod rubrum sit,  
quod det in calice colorem suum, agitet sese  
probe.  
32. In fine uelut serpens mordebit, & uelut regu-  
lus dolore afficiet.  
33. Oculi tui uidebunt uisiones extraneas, & cor  
tuum loquetur peruersa.  
34. Et eris uelut iacens in corde maris, & sicut  
dormiens in capite mali nauis.  
35. Verberauerunt iniquies me, & non agrotavi:  
concusserunt me, nec sensi: quando euigilabo,  
addam quærere illud adhuc.  
21. 17. Qui diligit uinum & pingua, non ditabi-  
tur.  
23. 19. Audi tu fili mi, & sapiens eris: & ambula-  
re fac per uiam regiam cor tuum.  
20. Ne sis cum potatoribus uini, neq; cum uora-  
toribus carnis.  
21. Quia bibax & epulo pauperes efficientur:  
& uestibus laceris induet hominem dormita-  
tio.  
20. 1. Derisorem efficit uinum, tumultuantem,  
efficit ebrietas: & omnis qui se oblectat in eo  
non erit sapiens.  
28. 7. Qui pascit comedones, pudore afficit pa-  
trem suum.  
31. 4. Non est regum uinum bibere, &c.

### 7. SCORTATIO. 59.

26. Præbe fili mi cor tuum mihi, & oculi tui uias  
meas obseruent.  
27. Quia uelut fouea profunda est meretrix, &  
uelut puteus angustus est aliena.  
28. Etiam ipsa tanquam prædator, insidiatur, &

præuicacatores in hominibus addet.

31. 31. Ne dederis mulieribus fortitudinem tua-  
am, &c.

22. 14. Ut fouea profunda est os mulierum alie-  
narum: is contra quem iratus est Iehoua, cadet  
illuc.

29. 3. Qui pascit scorta, opes dilapidat.

### 8. ADULTERIVM. 60.

2. 16. Sapientia eruet te à muliere extranea, ab a-  
liena quæ eloquia sua emollit.  
17. Quæ deserit ducem adolescentiæ suæ, & pacti  
Dei sui oblita est.  
18. Quia inclinatur ad mortem domus eius: & ad  
mortuos semitæ eius ducunt.  
19. Omnes ingredientiæ ad eam non reuertun-  
tur, nec apprehendunt semitas uitæ.  
5. 1. Fili mi sapientiæ meæ attende, intelligentiæ  
meæ inclina aurem tuam.  
2. Ut custodias cogitatus, & scientiam labia tua  
conseruent.  
3. Quia fauum stillant labia extraneæ, & lenius  
est oleo palatum eius.  
4. Nouissimum autem eius amarum sicut absyn-  
thium, acutum uelut gladius biceps.  
5. Pedes eius descendunt ad mortem, infernum  
gressus eius sustentant.  
6. Semitam uitæ forsitan si ponderes, mobiles  
sunt uix eius, & non cognosces.  
7. Nunc igitur filij, parete mihi, & ne recedatis  
ab eloquijs oris mei.  
8. Longè fac ab ea uiam tuam, & ne appropin-  
ques ostio domus eius.  
9. Ne fortè des alienis decorem tuum, & annos  
tuos crudeli.  
10. Ne fortè saturentur alieni robore tuo, & la-  
bores tui sint in domo alieni.  
11. Et rugias in nouissimis tuis, cum consumpse-  
ris carnem tuam & corpus.

### *Repudiatio correctionis.*

12. Et dicās, Quomodo odi eruditionem, & in-  
crepationem spreuit cor meum?  
13. Et non obtemperaui uoci instruentium me, &  
docentibus me non inclinaui aurem meam?  
14. Parum abfuit quin fuerim in omni malo, in  
medio cætus & congregationis.  
20. Ut quid delectaberis fili mi cum aliena, &  
amplecteris sinum extraneæ?  
21. Quando coram oculis Iehoua sunt uix uiri,  
& omnes semitas eius ponderat.  
24. Ut custodiant te à muliere mala, à blanditijs  
linguæ mulieris extraneæ.  
25. Ne concupiskas pulchritudinem eius in corde  
tuo, neq; capiat te splendoribus suis.  
26. Quia propter mulierem meretricem ueniet  
homo usq; ad frustum panis: & mulier uiri ani-  
mam preciosam uenabitur.  
27. Nunquid accipiet uir ignem in sinum suum,  
& uestimenta eius non comburentur.  
28. An ambulauit uir super prunas, & pedes eius  
non comburentur?  
29. Sic qui ingreditur ad uxorem proximi sui,  
non erit



## EX PROVERBIIS.

non erit innocens quisquis tetigerit eam.

30. Non spernunt furem si furatus fuerit, ut impleat animam suam, cum esurierit.
31. Et inuentus reddet septuplum, aut certè omnem substantiam domus suæ dabit.
32. Qui uerò adulterium committit cum muliere, caret corde: corrumpit animam suam qui fecerit illud.
33. Plagam, & ignominiam inueniet, & opprobrium eius non delebitur.
34. Quia zelus est furor uiri, & non parcat adultero in die uindictæ.
35. Non acceptabit faciem ullius redemptionis: neque uolet etiam si multiplicaueris munus.
7. 6. Quum per fenestram domus meæ, per fenestram meam prospexi.
7. Tunc uidi inter simplices, consideraui inter filios iuuenem carentem corde.
8. Transeuntem per plateam, iuxta angulum eius, & per uiam domus eius gradiebatur.
9. In crepusculo, in uespera diei, in tenebris noctis & caligine.
10. Et ecce mulier in occursum eius, ornata meretricio, & cauta corde.
11. Quæ tumultuosa est & peruersa: in domo sua non habitant pedes eius.
12. Nunc foris, nunc in plateis, & iuxta omnem angulum insidiatur.
13. Et apprehendit eum, & osculata est eum: roborauit uultum suum, & dixit ei.
14. Carnes sacrificiorum pacificorum sunt mihi: hodie reddidi uota mea.
15. Idcirco egressa sum in occursum tuum, ut quærerem faciem tuam, & inueni te.
16. Ornamentis ornaui lectum meum, constantem lignis affabre incisis, & fune Ægyptio.
17. Suffiui cubile meum myrrha, aloe, & cinnamomo.
18. Veni, inebriemur amoribus usque mane, lætemur amoribus.
19. Quia non est uir in domo sua, abiit uia longinqua.
20. Ligamen argenti tulit in manu sua: ad diem constitutum redibit domum suam.
21. Declinare fecit eum multitudine dulcedinis sermonis sui, blanditijs labiorum suorum perpulit eum.
22. Vadit post eam statim ueluti bos ad uictimam ire solet, & sicut compedes quæ sunt ad castigationem stulti.
23. Donec findat sagitta iecur eius: sicut festinat auis ad laqueum, & nescit quod contra animam eius est.
24. Et nunc filij audite me, & attendite eloquijs oris mei.
25. Ne declinet ad uias eius cor tuum, neque oberes in semitis eius.
26. Multos enim uulneratos cadere fecit: & fortis omnes occisi eius.
27. Via inferni, domus eius, descendentes ad cubicula mortis.
30. 20. Adultera cum primum scelus commisit,

negat se fecisse, &c.

9. IRA. 61.

*De ira principis, uide titulo de Rege.*

15. 18. Vir iracundus miscet lites: sed tardus ad iram sedat litem.
14. 17. Qui citò irascitur, facit stulticiam: & uir cogitationum odio habetur.
21. 24. Superbus arrogans, derisor est nomē eius, qui facit opera sua in ira superbæ.
19. 11. Intelligentia hominis tetardat furorem ipsius: & gloria eius est præterire præuaricationem.

*Patientia.*

12. 16. Stulti in ipsa die cognoscetur ira: & qui operit ignominiam sibi factam, callidus est.
  14. 29. Tardus ira, est multus intelligentia: & breuis spiritu exaltat stulticiam.
  22. 24. Ne fias amicus iracundo.
  16. 32. Melior est tardus ad iram, quàm fortis: & qui dominatur spiritui suo, quàm is qui capit urbem.
  15. 1. Sermo durus furorem accendit.
  27. 3. Grauitas est saxo, & pondus est arenæ, sed ira stulti grauior est utroque.
- Vide tit. de Rixis & content. & titulum de Ira principis.*

10. AMOR, ODIVM, INUIDIA. 62.

25. 21. Si esurierit odio habens te, ciba illum pane: & si sitiuerit, propina ei aquam.
22. Quia prunas tu congeris super caput eius: & Iehoua reddet tibi.
26. 26. Operit se odium in deceptionem: manifesta erit malitia eius in congregatione.
26. 24. Labijs suis alium præ se fert qui odio habet: at in interioribus suis ponet dolum.
27. 4. Crudelitas est in ira, & impetus in furore: at quis stabit coram inuidia?
23. 6. Ne comedas panem malum oculum habentis, & ne concupiscas pulmenta eius.
7. Quoniam ut aestimauit animo suo, sic est: Comede & bibe, dicit tibi: cor autem eius non est tecum.
8. Buccellam tuam quam comedisti, euomes, & perdes uerba tua dulcia.
14. 30. Vita carniū, est cor lene: at putredo osium, inuidia.

11. GAUDIVM DE ALIENIS MALIS. 63.

24. 17. Cum ceciderit inimicus tuus, ne lateris: & cum impegerit, ne exultet cor tuum.
18. Ne fortè uideat Iehoua, & displiceat in oculis eius, & auertat ab eo furorem suum, & in te conuertat.
17. 5. Qui gaudet de pernicie alterius, non erit impunis.

12. VINDICTA PRIVATA. 64.

13. Reddens malum pro bono, non recedet malum de domo eius.
20. 22. Ne dicas, Reddam malum: expecta le-



# LOCI COMMUNES.

houam, & saluum faciet re.  
24.29 Ne dicas, quemadmodum fecit mihi sic faciam ei, &c.

## 13. CAEDES INIVSTAE. 65.

29.10. Viri sanguinolenti oderunt integrum: recti autem quærun animam eius.  
12. 6. Verba impiorum sunt ad insidiandum sanguini, &c.  
11. Si dixerint, ueni nobiscum insidiemur sanguini, insidiemur innocenti absque causa, &c. ne sequaris eos.

17. Homo qui opprimit in sanguine animæ: usque ad sepulchrum fugiet, nec retinebunt eum.  
6.15. Inter sex quæ odit Deus, ponuntur manus effundentes sanguinem innocentem.

## 14. CONCORDIA. 66.

16.7. Quum placuerint Iehouæ uia uiri, etiā inimicos eius pacatos reddet ei.  
30.27. Rex non est locustæ, attamen egreditur uniuerfa ipsa cum turma.

## 15. RIXAE & CONTENTIONES. 67.

3.30. Ne contendas cum homine sine causa, si nō retribuerit tibi malum.  
20. 3. Gloria est uiro quiescere à lite: & omnis stultus admiscet se liti.  
25. 8. Ne egrediaris in contentionem citò: ne forte nescias quid agas in nouissimo eius litis, quando pudore te affecerit proximus tuus.

### Lingua uitia & uirtutes.

13. 6. Labia stulti ueniunt cum lite: & os eius ad percussiones uocabit.  
28.25. Latus animo, miscet litem: sed qui fidit Iehouæ, impinguabitur.  
29. 22. Vir iracundus miscet litem, & furibundus multiplicat præuaricationem.  
26. 23. Ut est argentum plenum scorijs super inductum testæ, sic sunt labia succedentia lites, & cor malum.  
27.17. Ferrum ferro acuitur, ita uir exacuit faciē amici sui.  
16. 28. Vir peruersus immittit litem.  
18.1. Ob desiderium eius quæret separatus, in omni sapientia miscebit se.  
10.12. Odium suscitatur rixas: & uniuerfas præuaricationes operit charitas.  
26. 21. Ut carbo aptus est ad prunas, & ligna ad ignem, sic & uir contentiosus ad succedendum litem.  
18.19. Frater læsus durior est ciuitate forti: & lites fratrum sunt uelut uectis palatii.  
13.10. Superbus dabit litem.  
17.14. Velut is qui aperit uiam aquis, est principium contentionis: antequam igitur misceatur, litem dimitte.  
26.17. Sicut qui apprehendit auribus canem, sic est transiens qui irascitur in lite non sua.  
22. 10. & 26. 20. Eijce derisorem, & cessabit contentio.

30. 33. Quemadmodum expressor lactis, educit butyrum: & uehemens emunctor naris, educit sanguinem: sic expressor furorum, educit litem.

17.19. Diligit præuaricationem, qui diligit litem: qui eleuat ostium suum quærit contritionem.  
29.9. Vir sapiens contendat cum stulto: siue irascatur siue rideat, non erit requies.  
18. 18. Lites cessare facit fors: & inter fortes diuidetur.

## 16. DETRACTIO. 68.

10. 18. Operiunt odium labia mendacia: & proferens detractionem, est stultus.  
18. 8. & 26. 22. Verba susurronis sunt tanquam blandientia, & ipsa descendunt ad penetralia uentris.  
20. 19. Qui reuelat secretum, incedit fraudulentus: & cū eo qui allicit labijs suis, ne misceas te.  
16. 28. Et susurro separat principes.  
11. 13. Qui ambulat fraudulenter, reuelat secretū: fidelis autem spiritu celat rem.  
6. 19. Septimum quod odit Dominus est lingua immittens iurgia inter fratres.  
*Vide de falso testimonio.*

### Maledictio.

26.2. Sicut passeris est uagari, & ut hirundinis est uolare, sic maledictio sine causa prolata non ueniet.  
30. 10. Ne accuses seruum apud Dominum suum, ne forte maledicat tibi, & delinquas.  
22. 10. Eijce derisorem, & simul egredietur contentio, cessabitque lis & ignominia.  
26. 26. Quum non fuerint ligna, extinguatur ignis, sic cum non fuerit susurro, filebit contentio.  
25. 23. Ut uentus aquilo fugat pluuiam, sic & facies iracunda linguam occultè detrahentem.

## 17. ADVLATIO ET blandiloquentia. 69.

26. 25. Quum gratiosè alloquetur te, ne credideris ei: quoniam septem abominationes sunt in corde illius.  
27.6. Dura sunt oscula odio habentis.  
28. 23. Qui increpat hominem, postea gratiam inueniet magis, quàm is qui blanditur.  
29. 5. Vir qui blanditur amico suo, rete expandit ante gressus eius.  
26. 28. Os blandum facit impulsione.  
18. MANSVETUDO. 70.  
25. 15. Longanimitate flectitur princeps, & lingua mollis confringit ossa.  
15. 1. Responso mollis auertit iram: & sermo dolore afficiens, ascendere facit furorem.

## 19. VERITAS & MENDACIUM. 71.

12. 19. Labium ueracis firmum erit in perpetuum: & ad momentum stabilis erit lingua mendacis.  
26. 28. Lingua mendax odio habet contritum.  
12. 22. Abominatio Iehouæ sunt labia mendacia: & in



## EX PROVERBIIS.

& in facientibus ueritatem est beneplacitum eius.

6. 17. Inter sex quæ odit Dominus ponitur lingua mendax.

13. 5. Verbum mendax odio habet iustus: impius autem foetere facit & pudore afficit.

30. 8. Vanitatē & uerbum mendax, remoue à me.

3. 3. Veritas ne deferat te, addit præmia.

20. 6. Veraces rari sunt.

16. 6. Veritate redimetur iniquitas.

*De testibus ueris & falsis supra diximus.*

26. PROMISSIO VANA. 72.

25. 14. Ut nubes & uentus, & pluuia non est: sic est uir qui se iactat de dono mendaci.

21. MULTILOQVIVM. 73.

10. 19. In multitudine uerborum non deest præuaricatio: coercens aut labia sua intelligens est.

17. 26. Cohibet eloquia sua qui scit scientiam: preciosus spiritui est uir intelligens.

22. PRAECIPITANTIA. 74.

29. 20. Vides uirum uelocem in uerbis suis: spes est de stulto magis quam de illo.

18. 13. Respondens uerbum antequam audiat, stulticia illi & pudor.

15. 28. Cor iusti meditatur quod respondeat: os autem impiorum loquetur mala.

19. 2. Etiam absq; scientia, desiderium non est bonum, & festinus pedibus, peccat.

23. SECRETA RETICENDA. 75.

25. 9. Secretum alteri ne reueles.

11. 13. & 20. 15. Qui ambulat fraudulentem, reuelat secretum.

24. UTILITAS LINGVAE bonæ. 76.

15. 4. Sanitas linguæ est ut lignum uitæ: at peruersitas in ea, est contritio in spiritu.

15. 7. Labia sapientum spargunt scientiam: cor autem stultorum non sic.

10. 11. Ut uena uitæ os iusti, & os impiorum operit iniquitatem.

10. 21. Labia iusti pascunt multos, & stulti ob defectum cordis moriuntur.

27. 9. Ut unguentum & suffimentum lætificat cor: sic dulcedo amici sui propter consilium animæ.

10. 20. Ut argentum electum est lingua iusti: cor uero impiorum tanquam modicum.

20. 15. Est aurum, & multitudo gemmarum: at ut uas preciosum sunt labia scientis.

25. 11. Sicut mala cum figuris argenteis, est uerbum dictum quibus modis dici debet.

10. 32. Labia iusti cognoscunt quod beneplacitum est Deo, & os impiorum peruersa loquitur.

15. 23. Laticia est uiro in responsione oris sui, & uerbum dictum in tempore suo, quam bonum est.

25. LINGVAE MALAE incommoda. 77.

4. 24. Remoue à te peruersitatem oris, & præuitatem labiorum elonga à te.

12. 18. Est qui profert uerba quæ sunt ueluti con-

fossiones gladij: lingua autem sapientum est sanitas.

17. 28. Etiam stultus quum tacet, sapiens reputatur, & qui obturat labia sua, intelligens.

30. 14. Est generatio cuius dentes sunt ut gladij, & ut cultri molares eius, ut deuorent pauperes terræ, & egenos ex hominibus.

29. 11. Totum spiritum profert stultus: sapiens autem in posterum quiescere facit eum.

14. 3. In ore stulti est baculus superbiæ: labia autem sapientum custodiunt eos.

25. 18. Lingua mala malleo comparatur.

26. ELOQVENTIA. 78.

16. 23. Cor sapientis prudens reddit os suum, & labijs suis addit doctrinam.

24. Ut fauus mellis sunt eloquia dulcia: dulcedo animæ, & sanitas ossibus.

22. 11. Qui diligit mundiciem cordis propter gratiam labiorum eius amicus eius erit rex.

15. 2. Lingua sapientum decorabit scientiam, & os stultorum loquitur stulticiam.

16. 21. Sapiens corde uocatur intelligens, & dulcedo labiorum addit doctrinam.

27. LINGVAE BONAE ET malæ præmia & pœnæ. 79.

13. 2. De fructu oris sui quisq; comedit bonum, & de fructu animæ præuaricatorum comedit uiri iniquitatis.

18. 20. De fructu oris uiri satiatur uenter ipsius: prouentu labiorum suorum saturabitur.

12. 14. De fructu oris sui uir saturabitur bono, & retributionem manuum hominis reddet ei Deus.

18. 21. Mors & uita in manu linguæ, & qui diligit eam, comedit fructum eius.

13. 3. Qui custodit os suum, custodit animam suam: aperienti temere labia sua, erit contritio.

10. 8. Stultus labijs impinget.

18. 7. Os stulti erit contritio sibi, & labia ipsius laqueus animæ suæ.

10. 13. Os iusti proferet sapientiam: lingua autem loquens peruersitates, succidetur.

22. 23. Qui custodit os suum, & linguam suam, custodit ab angustijs animam suam.

17. 20. Peruersus corde non inuenit bonum, & qui peruersus est in lingua sua, cadet in malum.

10. 14. Sapientes condunt scientiam, & os stulti est contritio propinqua.

12. 13. In præuaricatione labiorum laqueus hominis mali.

28. LABORET PIGRITIA. 80.

6. 6. Vade ad formicam o piger, uide uias eius, & sapiens esto.

7. Cui cum non sit dux, nec præfectus nec dominus.

8. Tamen parat in æstate cibum suum, congregat in messe escam suam.

9. Usq; quò piger dormies: quando surges à somno tuo?

10. Parum somnorum, parum dormitationum capiēdo, parum complicationis manuum ad dormiendū.



# LOCI COMMUNES.

11. Et ueniet tanquam uiator egestas tua, & paupertas tua tanquam uir clypeo armatus.
19. 13. Pigredo cadere facit soporē: & anima remissa esuriet.
16. 26. Anima laborantis laborat sibi: quia incuruat se ei os suum.
8. 9. Etiam qui remissus est in opere suo, frater est dissipantis.
24. 30. Iuxta agrum hominis pigri transiui, & iuxta uineam hominis carentis corde.
31. Et ecce ascenderant per totum ipsum spinæ, operuerant superficiem eius urticæ, & claustra lapidum eius destructa erat.
32. Et uidi ego, & posui cor meum: uidi inquam & accepi eruditionem.
33. Pusillum somni, pusillum dormitationū, pusillum cōplicationis manū ad dormiendum.
34. Et ueniet tanquam uiator paupertas tua, & penuria tua tanquam uir scutatus.
26. 13. Ne diligas somnum, ne fortē efficiaris pauper: aperi oculos tuos, te ipsum satura pane.
15. 19. Via pigri est quasi sepes spinosa: semita autem rectorum est eleuata.
22. 13. Dicit piger, Leo est foris: in medio platearum occidar.
26. 13. Dicit piger, Leo est in uia, leo est in plateis.
14. Sicut fores uertuntur in cardine suo, sic & piger in lectulo suo.
15. Abscondit piger manum suam in sinu, fatigatur reducere eam ad os suum.
16. Sapientior est piger in oculis suis, septem respondentibus consilium.
19. 24. Abscondit piger manum suam in sinu: etiam ad os suum non adducet eam.
20. 4. Propter hyemem piger nō arabit, idcirco mendicabit æstate, & non erit panis.
21. 24. Desiderium pigri interficit eum: quia reuerunt manus eius facere quicquam.
13. 4. Concupiscit, & non est anima pigri: anima autem sollicitorum impinguabitur.
31. 13. Mulier proba laudatur à labore.
10. 5. Qui cōgregat in æstate, filius intelligēs est: qui uerō dormit in messe, filius est cōfundens.
12. 11. Qui colit terram suam, saturabitur pane: & qui sequitur uacuos, deficiens est corde.
14. 23. In omni labore est abundantia: sed uerbū laborum tantum est ad inopiam.
13. 23. Multus cibus in agro pauperum: & est qui perit, quod non sit ei ius.
28. 19. Qui colit terram suam, saturabitur pane, sed qui sectabitur otiosos, saturabitur egestate.
30. 24. Quatuor sunt parua terræ, & tamen sunt sapientiora sapientibus.
25. Formicæ sunt populus non fortis: at tamen præparant in æstate cibum suum.
22. 29. Vidisti uirum uelocem in opere suo? corā regibus stabit, non stabit coram obscuris.
14. 4. Quum non fuerint boues, præsepe est uacuum: & copia frugū est in fortitudine bouis.
29. MISERICORDIA & liberalitas. 81.
3. 3. Misericordia & ueritas ne deferant te, ligaeas ad guttur tuum, scribe eas in tabula cordis tui.
4. Et inuenies gratiam, & intellectum bonum in oculis Dei & hominum.
9. Honora Iehouam de diuitiis tuis, & de primitiis omnium prouentuum tuorum.
10. Et implebuntur horrea tua saturitate, et uino nouo rocularia tua sese rumpent.
27. Ne prohibeas bonū à dominis suis, cum erit facultas manui tuæ ad faciendum.
28. Ne dicas amico tuo, Vade & reuertere, et cras dabo, cum quod petit sit apud te.
11. 17. Retribuit animæ suæ bonum uir misericors: turbat autem carnem suam crudelis.
21. 13. Qui claudit aurem suam ad clamorem pauperis, etiam ipse clamabit, & non exaudietur.
11. 24. Est qui dispergit rem, & additur ei amplius: & est qui parcit rei suæ plus æquo, sed ad inopiam.
25. Anima quæ benedicit, impinguabitur: & qui satiat, etiam ipse satiabitur.
27. Qui quærit bonum, inuestigat beneuolentiam: & qui quærit malum, eueniet ei.
16. 6. Misericordia & ueritate redimetur iniquitas: & in timore Iehouæ receditur à malo.
14. 21. Contemnit proximum suum peccator: sed qui misereretur pauperum, beatus est.
28. 27. Ei qui dat pauperi, non erit inopia: & auertenti oculos suos, erit multitudo maledictionum.
19. 17. Mutuat Iehouæ qui largitur pauperi, & retributionem suam reddet ei.
5. 15. Per allegoriam à fontibus sumptam liberalitas commendatur.
21. 21. Qui sectatur iustitiam & misericordiam, inueniet uitam, iustitiam, & gloriam.
20. 6. Multitudo hominum prædicat uniuscuiusque misericordiā: uirum autem ueracem quis inueniet?
22. 9. Benignus oculus ipse benedicetur: quia dedit de pane suo pauperi.
20. 28. Misericordia conseruat regna.
31. 20. Mulier sancta laudatur quod benefica sit in pauperes.
30. AUARITIA. 82.
27. 20. Sepulchrum & perditio non saturantur, sic oculi hominum non saturantur.
1. 19. Auaritia animam dominorū illius capiet.
15. 27. Turbat domum suam qui auarē sectatur avaritiam: sed qui odio habet dona, uiuet.
11. 26. Prohibenti frumentum, maledicet populus: benedictio autem super caput uendentis frumentum.
28. 16. Qui odio habet avaritiam prolongabit dies.
21. 26. Est qui toto die concupiscit concupiscenatiam: iustus autem tribuit, nec parcit.
30. 15. Sanguisugæ duæ sunt filiæ quæ dicunt, Affer, affer. Tria sunt quæ non satiantur: imò quatuor non dicunt, sufficit.
16. Sepulchrū, & sterilis uulua, & terra quæ non est satiata aquis, & ignis qui non dicit, Sufficit.
23. 6. Ne



# EX PROVERBIIS.

23. 6. Ne comedas buccellam malum oculum habentis, & ne concupiscas pulmentum eius, &c.  
24. 15. Ne insidieris, o impie, habitaculo iusti, nec diripias acubitus eius.  
16. Quia septies cadit iustus, & resurgit: impij autem corruunt in malum.  
29. 24. Qui participat cum fure, odio habet animam suam: maledictionem audit, & non annunciat.

## Furtum.

24. 2. Malorum cor rapinam meditatur.  
6. 30. Non spernunt furem si furatus fuerit ut impleat animam suam, &c.  
28. 24. Qui diripit bona parentum suorum, scilicet: cuius est uiri uastatoris.

## De dolis, rapinis, usura, uide tit. de Dinitys.

## 31. HUMILITAS ET superbia. 83.

25. 6. Ne magnifices te coram rege, & in loco magnorum ne steteris.  
6. 7. Quia melius est ut dicatur tibi, Ascende huc: quam ut humiliet te aliquis coram principe, quem uiderunt oculi tui.  
30. 13. Et generatio quedam cuius excelsi sunt oculi, & palpebrae eius eleuatae sunt.  
29. 23. Superbia hominis humiliat eum, & humilem spiritu sustentat gloria.  
11. 2. Quum uenit superbia, uenit & ignominia: & cum humilibus sapientia.  
6. 17. Inter sex quae odit Dominus, ponuntur oculi sublimis.  
18. 12. Ante attritionem eleuatur cor uiri: & ante gloriam erit humilitas.  
16. 18. Ante contritionem est superbia, & ante ruina elatio spiritus.  
30. 32. Si cecidisti cum te efferres, & si malum cogitasti, manum ad os pone.  
21. 4. Exaltatio oculorum, & latitudo cordis, lucerna impiorum, peccatum sunt.  
13. 10. Superbus dat litem.  
15. 25. Domum superbiorum demolitur Iehoua.  
3. 5. Intelligentiae tuae ne innitaris.  
3. 7. Ne sis sapiens in oculis tuis.  
14. 12. Est uia recta coram uiro, & exitus eius, uia mortis.  
6. 25. Est uia recta coram uiro: & nouissimum eius, uia mortis.  
21. 2. & 16. 2. Omnis uia uiri recta est in oculis eius.  
12. 15. Via stulti recta est in oculis eius: & qui obtemperat consilio, sapiens est.  
16. 5. Abominatio est Iehouae omnis elatus corde: manus ad manum non erit innocens.  
22. 4. Propter humilitatem, diuitiae, gloria & uita.  
26. 12. Vidisti uirum sapientem in oculis suis? spes est de stulto magis quam de eo.  
15. 34. Timor Iehouae, eruditio sapientiae: & ante gloriam humilitas.  
16. 19. Melius est humiliari spiritu cum humilibus, quam diuidere spolia cum superbis.  
34. Profecto illis foribus ipse illudit, & humilibus

dat gratiam.

13. 10. Verè in superbia dabit superbus litem.  
10. 10. Qui annuit oculo, affert dolorem: & stultus labijs punietur.  
17. 19. Qui eleuat os suum quaerit contritionem.  
28. 26. Qui fidit cordi suo, est stultus: qui uero ambulat in sapientia, ipse euadet.

## 32. CONTEMPTVS. 84.

13. 13. Contemnens uerbum, peribit propter ipsum, & timenti praecipitum, reddetur merces.

## 33. SECVRITAS. 85.

27. 1. Ne gloriaris de die crastino: quia nescis quid paritura sit dies.

## 34. CORRECTIO. 86.

17. 10. Descendit increpatio in intelligentem, magis quam si percutias stultum centies.  
3. 11. Correctionem Iehouae fili mi, ne abscicias, & ne taedio afficiaris propter increpationem eius.  
12. Quem enim diligit Iehoua increpat, & ueluti pater filium quem ualde amat.  
19. 20. Audi consilium, & suscipe correctionem: ut sis sapiens in nouissimo tuo.  
25. 12. Ut in auris aurea, & ornamentum obrysi, est qui arguit sapientem cui est auris obtemperans.  
27. 5. Melior est increpatio manifesta, quam amor absconditus.  
6. Fidelia sunt uulnera diligentis: & dura oscula odio habentis.  
4. 13. Correctio est uita tua.  
10. 17. Velut semita ad uitam, est custodiens correctionem: & qui respuit increpationem, errat.  
*Repudiatio castigationis.*  
12. 1. Qui diligit castigationem, diligit scientiam: & qui odio habet increpationem, insipiens est.  
15. 32. Auris quae audit increpationem uitae, in medio sapientum commorabitur.  
5. 12. Qui contemnunt increpationem, sera poenitentia ducuntur.  
15. 10. Correctio molesta est relinquenti semitam: & qui odio habet increpationem, morietur.  
29. 15. Virga & increpatio tribuit sapientiam.  
19. Verbis non erudietur seruus: quamuis intelligat, non est tamen responsio: non obsequitur.

26. 3. Ut flagellum equo, & capistrum asino conuenit: sic uirga necessaria est tergo stultorum.  
22. 15. Stulticia uirga pellitur.  
10. 25. Derisorem si percusseris, simplex efficietur astutus, & si increpauerit quispiam intelligentem, intelliget scientiam.  
15. 33. Qui negligit disciplinam, spernit animam suam: sed qui audit increpationem, possidet cor.  
13. 18. Paupertas & ignominia erit deserenti correctionem: sed qui custodit increpationem, honore afficietur.  
28. 23. Qui increpat hominem retrocedentem, gratiam inueniet magis quam is qui blanditur lingua.



## LOCI COMMUNES

29. 1. Vir increpatus, qui indurat ceruicem repente conteretur, nec erit illi sanitas.  
 9. 7. Corripuens accipit sibi ipsi ignominiam: & increpans impium accipit maculam suam.  
 8. Ne increpes igitur derisorem, ne forte odio habeat te: increpa sapientem, & diliger te.  
 9. Da sapienti (inreparatione) & sapientior erit: doce iustum, & addet doctrinam.  
 4. 13. Custodi correctionem, quia ipsa est uita tua.  
 18. 17. Iustus prior est in causa sua: uenit autem socius eius, & inuestigat eum.  
 10. 13. In labijs intelligentis inuenitur sapientia: & uirga erit corpori carenti corde.  
 20. 30. Liuores uulneris sunt medicina in malo homine: & plagæ in interioribus uentris.  
 17. 11. Profecto rebellis querit malum, & nuncius crudelis mittetur contra eum.

*Fortassis hic locus de correctione inter miscellanea melius referetur.*

### 35. MODERATIO. 87.

25. 16. Si mel inueneris, comede quantum sufficit tibi: ne forte satieris eo & euomas illud.  
 4. 27. Ne declines ad dexteram, neque ad sinistram, remoue pedem tuum a malo.  
 30. 36. Lac si premas butyrum exit, qui nares emungit prolicet sanguinem, &c.  
 25. 27. Ut comedere mel multum, non est bonum: sic inuestigatio gloriæ eorum non est gloria.  
 27. 7. Anima saturata calcitruum: at animæ famelicæ omne amarum erit dulce.

### 39. CUSTODIENDA SUNT membra nostra. 88.

42. 1. Præ omni custodia serua cor tuum: quia ex ipso sunt gressus uitæ.  
 25. Oculi tui ad rectum aspiciant, & palpebræ tuæ dirigant uiam tuam coram te.  
 26. Pondera semitam pedum tuorum, & omnes uiae tuæ dirigantur.  
 37. AMICITIA. 89.  
 11. 12. Despiciat amicum suum carens corde: uir autem intelligens tacet.  
 17. 17. Omni tempore diligit amicus, & frater ad angustiam nascetur.  
 19. 6. Multi precantur faciem principis: & omnis amicus est uiro doni.  
 3. 29. Ne cogites contra amicum tuum malum, cum ipse habitet secum.  
 18. 24. Vir amicorum par est ut præstet se amicum, quum sit amicus magis coniunctus quam frater.  
 23. 1. Potentum amicitia periculosa. Cum sederis ut edas, &c.  
 27. 10. Amicum tuum & amicum patris tui ne derelinquas, & domum fratris tui ne ingrediaris in die afflictionis tuæ: nam melior est uicinus propinquus, quam frater remotus.  
 21. 10. In oculis impij non est gratus amicus eius.  
 19. 4. & 14. 20. Opes adiungunt amicos multos.  
 17. 9. Qui regit prauaricationem cuiuspiam, querit eius amicitiam: qui uero iterat rem, principem abalienat.  
 25. 17. Prohibe pedem tuum a domo proximi tui: ne forte satiatus te, odio habeat te.

## LOCI MISCELLANEI.

### 1. CONIUNCTIO CUM bonis & malis.

1. 10. Fili mi si seducere uoluerint te peccatores, ne acquiescas.  
 11. Si dixerint, Veni nobiscum, insidiemur sanguini, insidiemur innocenti absque causa.  
 12. Deglutiamus eos sicut sepulchrum, uiuentes: & integros sicut descendentes in foueam.  
 13. Omnimodam substantiam preciosam reperimus, implebimus domos nostras spolijs.  
 14. Sortem tuam proijce inter nos, marsupium unum sit omnibus nobis.  
 15. Fili mi ne ambules in uia cum eis, prohibe pedem tuum a semitis eorum.  
 16. Pedes enim eorum ad malum currunt, & festinant ut effundant sanguinem.  
 17. Certè ut sine causa spargitur rete in oculis omnis auis.  
 18. Sicut sanguini eorum insidiantur, insidiantur animabus eorum.  
 19. Tales sunt semitæ omnis lucro inhiantis, animam dominorum illius capiet.  
 29. 27. Abominatio iustorum est uir iniquus: abominatio autem impij est rectus uia.  
 28. 19. Qui sectabitur ociosos, indigebit.  
 23. 17. Ne æmuletur cor tuum peccatores, imò potius in timore Iehouæ esto tota die.

tius in timore Iehouæ esto tota die.

18. Quia reuera est merces: & spes tua non succidetur.  
 14. 7. Vade a conspectu uiri stulti, cum non noueris in eo labia scientiæ.  
 4. 14. Per semitam impiorum ne ingrediaris, & ne gradiaris in uia malorum.  
 13. Desere eam, ne transeas per eam: declina ab ea & transi.  
 14. Non enim dormiunt, nisi male fecerint, & rapitur somnus eorum nisi ruere fecerint.  
 15. Quia comedunt panem impietatis, & uinum rapinarum bibunt.  
 24. 1. Ne æmuleris homines malos, neque desideres esse cum eis.  
 Felicitas impiorum.  
 2. Quia rapinam meditatur cor eorum, & iniquitatem labia eorum loquuntur.  
 19. Ne commercium habeas cum malignis: & ne æmuleris impios.  
 20. Quia non erit finis homini malo: lucerna impiorum extinguetur.  
 3. 31. Ne æmuleris uirum iniustum, neque eligas ullam uiarum eius.  
 32. Quia abominatio Iehouæ est peruersus: & cum rectis secretum eius.

12. 11. Qui



## EX PROVERBIIS.

12. 11. Qui sequitur uacuos, deficit corde  
22. 24. Ne fias amicus iracundo, & cum uiro furibundo ne eas.  
25. Ne fortè discas semitas eius, & accipias laqueum in animam tuam.  
13. 20. Qui graditur cum sapientibus, sapiens erit: sed qui est amicus stultis, conteretur.

### 2. DIVITIÆ IVSTÆ & iniustæ. 91.

10. 22. Benedictio Iehouæ dirat, nec apponit Iehoua dolorem ei benedictioni.  
14. 24. Corona sapientum, diuitiæ eorum: stulticia stultorum, stulticia.  
21. 5. Cogitationes uiri solliciti profectò tendunt ad abundantiam: omnis autem qui est festinus, tendit profectò ad inopiam.  
13. 22. Bonus hæreditare faciet opes suas filios filiorum, & reseruatur iusto substantia peccatoris.  
22. 7. Diues pauperibus dominatur, & seruus erit mutuum accipiens, uiro mutuantis.  
19. 4. Opes adiungunt amicos multos: at pauper ab amico suo separatur.  
13. 8. Redemptio animæ uiri sunt diuitiæ eius: pauper autem non audit increpationem.  
18. 11. Opes diuitis sunt ut urbs fortitudinis suæ, & sicut murus eleuatus in imaginatione sua.  
10. 15. Diuitiæ diuitis sunt, ut urbs fortitudinis eius: consternatio pauperum est egestas eorum.  
27. 4. Et scientia interiora domus replebuntur omnibus opibus preciosis & iucundis.  
11. 16. Fortes assequuntur diuitias.  
27. 24. Diuitiæ non durant in seculum.  
23. 4. Ne labores ut dixeris: sed à consideratione tua desine.  
5. Num conijcias oculos tuos in eas, quum nulla sint: quoniam faciendo faciunt sibi alas similes aquilæ, & euolant in cælum.  
28. 20. Vir fidelis multiplicabit benedictiones: at qui festinat ditari, non erit innocens.  
28. 22. Festinat ad diuitias uir oculi mali, nec cognoscit quòd inopia eueniet ei.  
20. 21. Hæreditas festinanter acquisita in principio, etiam nouissimum eius non benedicetur.  
21. 6. Congregatio thesaurorum lingua mendaci, est uanitas & res quæ propulsatur, & quærentium mortem.  
10. 2. Non proderunt thesauri impietate acquisiti: iusticia autem eruit à morte.  
22. 16. Qui ui aufert à paupere, ut augeat sua, & qui dat diuiti profectò ad egestatem id facit.  
21. 7. Rapina impiorum perdet eos: quia renuunt facere iudicium.

*Ad æconomiam locus etiam posset referri.*

*Rapina, Dolus.*

11. 4. Non proderunt diuitiæ in die iræ: iusticia autem eruet à morte.  
13. 11. Diuitiæ quæ proueniunt ex uanitate, minuentur: & qui congregat diuitias manu sua, multiplicabit eas.

12. 27. Non adurit uir dolosus uenationem suam: diuitiæ autem hominis preciosæ, est sollicitudo.  
10. 4. Pauperem facit manus fraudulenta: & manus sedulorum dirat eos.  
12. 24. Manus sollicitorum dominabitur: dolosa uerò tributaria.  
28. 8. Qui multiplicat diuitias suas usura & fœnore, ad largiendum pauperib. congregat eas.  
*Usura & Fœnus.*

26. 18. Sicut abscondit se qui emittit scintillas, sagittas & mortem.  
19. Sicut uir qui fraudat amicū suum, & dicit, Nonne ludo ego?  
17. 20. Suauis est uiro panis mendax: & postea implebitur os eius arena.

### 3. PAUPER TAS. 92.

28. 3. Vir pauper, & ui spoliens pauperes, est ut pluuia inundans, & nullus est postea panis.  
19. Qui ociosos sequitur, pauper erit.  
30. 7. Duo postulaui à te, ne prohibeas à me, an tequam moriari.  
8. Vanitatem & uerbum mendax remoue à me: paupertatem & diuitias ne dederis mihi: ale me cibo qui conuenit mihi.  
9. Ne fortè satier, & abnegem, dicamq; , Quis est Iehoua? & fortè efficiar pauper, & furer, assuamq; in uanum nomen Dei mei.  
24. 30. Paupertas ex desidia oritur.  
23. 21. Bibax & epulo pauperes efficientur, laceris uestibus induetur dormitatio.  
10. 3. Non finit esurire Iehoua animam iusti: propter prauitatem autem impios expellet.  
21. 17. Vir egenus erit qui diligit læticiam: qui diligit uinum & pingua, non ditabitur.  
6. 11. Egestas ex ocio sequitur.  
22. 2. Diues & pauper obuiauerunt sibi: faciens omnes ipsos Iehoua.  
29. 13. Pauper & uir usurarum occurrerunt sibi: illuminat oculos amborum Iehoua.  
14. 20. Etiam amico suo odiosus est pauper: sed qui diligunt diuitem, multi sunt.  
31. 4. Causa pauperis iudicibus commendatur.

*Bona conscientia.*

15. 15. Omnes dies pauperis, mali: sed iucundus corde, est quasi esset in conuiuio iugi.  
22. 22. Ne diripias pauperem, &c.  
19. 15. Pigritia soporem inijcit, & ignauus homo esuriet.  
28. 11. Sapiens in oculis suis est uir diues: pauper autem intelligens scrutatur eum.  
20. 13. Somnus pauperem efficit, &c.  
13. 7. Est qui se diuitem ostentat, & non est ei quicquam: est qui pauperem se ostentat, & diuitiæ multæ sunt ei.

### 4. OPES MEDIOCRE S iustè collectæ. 93.

15. 16. Melius est parū cum timore Iehouæ, quàm thesaurus magnus & contritio in eo.  
17. 1. Melior est buccella ficca, & pax in ea, quàm domus plena uictimis iurgij.



## LOCI COMMUNES.

15. 17. Melius est conuiuium oleris, ubi sit dilectio, quàm esca bouis saginati in quo sit odiũ.  
16. 8. Melius est parum cum iustitia, quàm multitudo prouentuum absq̃ iure.

### 5. COMPARATIO DIGNITATIS tum & pauperum. 94.

19. 22. Desiderium hominis misericordia eius: & præstantior est pauper quàm uir mendax.  
12. 26. Abundantior est proximo suo iustus: uia autem impiorum errare faciet eos.  
28. 6. Præstantior est pauper qui ambulat in perfectione sua, quàm peruersus uir, & ipse diues.  
19. 1. Melior est pauper qui ambulat in integritate sua, quàm peruersus labijs suis, & est stultus.  
7. Omnes fratres pauperis oderunt eum: quanto magis amici illius elongabunt se ab eo: persequitur uerba & non sunt.  
18. 23. Deprecationes loquitur pauper: diues autem respondet dura uerba.  
17. 5. Qui subsannat pauperem, probris afficit factorem eius: qui lætatur in cõtritione alterius, non erit impunitus.  
11. 18. Qui fidit diuitijs suis, corruet: at tanquam frons, iusti germinabunt.  
14. 31. Qui opprimit pauperẽ, probris afficit factoreẽ eius: & honorat eum qui miseretur pauperis.

### 6. PUPILLI, VIDUAE. 95.

31. 9. Aperi os tuum muto, in causa omnium qui pertunduntur.  
23. 10. Ne transferas terminum antiquum, & in agrum pupillorum ne intro eas.  
11. Quia redemptor illorum fortis est, ipse iudicabit causam eorum contra te.  
15. 25. Deus statuit terminum uiduæ.  
7. NOBILITAS. 96.  
12. 9. Præstantior est ignobilis, cui est, seruus, quàm iactabundus carens pane.  
8. FORMA ET FAVOR. 97.  
31. 30. Fallax gratia & uana est pulchritudo.  
11. 22. Formosa mulier quæ prudentia destituitur, comparatur porco habenti inaurem in naribus.

22. 1. Gratia bona præfertur auro.  
10. 7. Nomen impiorum putrescet.  
22. 1. Eligibilius est nomen bonum, quàm diuitiæ multæ, & quàm argentum & quàm aurum eligibilior est gratia bona.

### 9. LAUS. 98.

27. 14. Qui benedicit amico suo uoce magna, manẽ surgendo, maledictio reputabitur ei.  
28. 4. Impij laudant impios.  
27. 2. Laudet te alienus, & non os tuum: extraneus, & non labia tua.  
12. 8. Iuxta intellectum suum laudatur uir, per-

uersus autem corde erit in contemptum.

27. 21. Ut conflatorium argento, & fornax auro, sic est uiro os laudantis eum.

### 10. SENECTVS,

Iuuentus. 99.

16. 31. Corona gloriæ est comes: in uia iustitiæ inuenietur.

20. 29. Gloria iuuenum, fortitudo eorum: & decor senum, canities.

### 11. AFFECTVS, TIMOR. 100.

3. 24. Timorem malum aufert studium sapientiæ.

10. 24. Quod timet impius, euenit ei: & quod desiderant iusti, dat Deus.

28. 1. Fugiant etsi nemo persequatur, impij: iusti autem instar leunculi confident.

*Conscientia mala.*

29. 25. Timor hominis ponit laqueum: & qui fideat Iehouæ exaltabitur.

### 12. TRISTITIA. 101.

12. 25. Sollicitudo anxia in corde uiri, humiliat illud: sed uerbum lætificabit illud.

14. 13. Etiam in risu dolet cor: & exitus lætitiæ, tristitia.

17. 22. Cor lætum, benefacit ut medicina: & spiritus tristis exiccat ossa.

14. 10. Cor cognoscit amaritudinẽ animæ suæ: & in lætitiis ipsius non miscebitur alienus.

18. 14. Spiritus uiri feret infirmitatem eius: spiritum autem percussum quis feret?

15. 13. Cor lætum decorat faciem: at propter dolorem cordis, erit tristis.

15. 15. Iucundus corde est quasi in conuiuium iugis.

### 13. NON CONGRVENTIA. 102.

25. 20. Ut qui remouet uestimentũ a se in die frigoris, & ut acetum superfusum nitro: sic qui canit cantilenas cordi afflicto.

26. 9. Sicut spina quæ ascendit in manu ebrii, sic & parabola in ore stultorum.

19. 10. Non decet ut seruus dominetur principibus.

26. 7. Sicut inæquales sunt tibiæ claudi, sic & parabola in ore stultorum.

8. Sicut inclusio lapilli in acervo lapidũ, sic qui dat stulto gloriam.

1. Sicut nix in æstate, & ut pluuia in messe est in tempestiua, sic nec cõueniens est stulto gloria.

17. 7. Non est decorum stulto labium excellens, quanto magis principi labium mendax.

### 14. NVNCIVM. 103.

15. 30. Lumen oculorum lætificat cor: fama bona impinguat ossa.

25. 25. Ut aquæ frigida animæ sitiienti: sic nunciũ bonum ẽ terra longinqua.

*Eloquentiam posui inter uirtutes lingua.*

*Vide supra de Legatu.*

## INDEX



# INDEX LOCORVM SCRIPTV-

RÆ, QVI IN HIS COMMENTA-  
rijs citantur & explicantur.

## EX VETERI TESTA- mento.

### GENESIS:

<b>T</b> ERRA erat inanis	39.b
1 Vidit Deus cuncta quæ fecerat, & erant ualde bona	83.b
2 Non est bonum hominem esse solum	106
2 De arbore uitæ	16.b.58
3 Deus primis hominibus uestes fecit	175
8 Aquæ ibant & decrescebant	20
8 Cor hominis prauum	111.b
9 Sanguis ne effundatur	28
15 Ego sum clypeus tuus	163.b
16 Agar Saram contemnit	168
20 Non est timor Dei in hoc loco	85
20 Clausit uuluum domus Abimelechi	166
23 In auribus loqui	131
24 Seruus Abraami quærit uxore herili filio	103
24 Fortere fecistis me	64.b
26 Dilatauit nos Dominus	118.b.113.b
30 Da mihi liberos	166
32 Nomen meum est mirabile	163
42 Deducetis canos meos in foueam, &	
44 Senectutem in foueam mittemus	78.b
46 Iam lætatus moriar	44.b

### EXODI.

5 Fortere fecistis odorem nostrum	64.b
15 Epiniciu canunt Israelitæ hoste submerso	137.b
15 Persequar eos, apprehendam	148
18 Magistratus odio habeat auaritiam	155
21 Lex de parentibus	112
22 Lex de furto	30.b.32
22 De pignoribus	128
22 De uiduis	80
22 Pupillum non opprimitis	131
23 De muneribus	81
34 Ponuntur nomina Dei	163

### LEVITICI.

5 Si peccauerit anima, & audiuerit uocem iuramenti, &c.	161.b
10 Publica confessio	154.b
10 Ne Aaron uinum bibat	171
19 De ponderibus & mensuris	53
19 Assurgendum seni	90
20 Adulteri occidendi	12.b.31
20 Parentibus non maledicendum	112.165
26 Ponuntur maledictiones	144.b

### NUMERI.

6 Nazaræis uini usus interdicitur	171
8 Sic facies si purificaueris eos	75.b
12 Moses se mitissimum uocat	148
13 Exploratores missi	145
16 Nec asellum accepi	81
25 Lex contra effusionem sanguinis	28

27 Deus spirituum	117
30 Si mulier uouerit uotum	115.b

### DEUTERONOMII.

1 Ne accipiant personam	138
4 Verbo Dei ne addas	164
6 Audi Israel, dominus Deus uester, &c.	39
6 Erunt uerba in corde tuo	20.b
6 Ligabis super manum	14
7 Delebis Chananæos	116.b
10 Deus facit iudicium pupillo	80.b.131
10 Cervicem ne induretis	157
11 Cauete uobis ne blandis uerbis persuadeatur cor uestrum	89.b.113
12 Non addes ad uerbum	164
13 Si surrexerit	91.b
16 De muneribus	81
17 Rex legem habeat	86.175
17 Non sit polygamus	170
18 Artes superstitiosæ prohibitæ	91.b
19 Pœna falsi testis	105
19 Termini non transferendi	128.b
23 Non trades seruum domino suo	165.b
24 De uiduis	80.b
25 De mensuris & ponderibus	53
25 Si fuerit controuersia inter uiros, &c.	96
26 Gens fortis facie	123.b
27 Termini non transferendi	128.b
27 Maledictus qui effundit sanguinem	28
27 Maledictus qui cæcum errare faciet	153.b
28 Maledictiones positæ	144.b
Minatur eis locustas	168.b
32 Custodiuit eum, ut pupillam oculi	32
32 Mihi uindictam	114.b

### IOSVAE.

12 Nec ad dextram, nec ad sinistram deflectendum	164
--------------------------------------------------	-----

### IUDICVM.

8 Israelitæ fecerunt fœdus cum Baal	115.b
8 Gedeon amice responder Ephraemitis	76
9 Vinum exhilarat deos	171

### 1. SAMVELIS.

1 Anna filium petit	166
2 Pedes sanctorum suorum seruabit	137
2 Qui glorificarit me	99.b
10 Filij Belial contemhunt Saulem	61.b
15 Ecce statuit sibi locum	117
15 Ecce obedire melius, &c.	118.b
25 Nabal responder durè	76
25 Dauid iurat se Nabalem perditurum	115.b

### 2. SAMVELIS.

5 Os tuum & caro tua sumus	55.b
6 Nudasti te, sicut unus ex mendicis	60.b
10 Ioab fatetur belli exitum à Deo esse	124
17 De urfa orba	94.b
19 De Berzilai	90



# INDEX.

20 De Seba	89	9 Memoria impiorum perit	91.b
21 Deus uindicat Gabonitas	75	10 Sapientia melle suauior	136.b
21 Abisai Dauidem contra gigantē protexit	98.b	10 Qui diligit iniquitatē, odit animā suam	105
1. REGVM.		12 Eloquia Dei, eloquia munda	163.b
8 Non est homo qui non peccet	111.b	13 Oculi Domini super iustos	51.b
12 Roboam durē responderet	76	14 Qui munus super innocentem non accipit	81
17 Vidua Sareptana præbet cibum Helia	55.b	15 Impiorum memoria cum sonitu perit	51.b
20 Non antē gloriandum de uictoria, quā di-		17 Custodi me ut pupillam oculi	33.b
scinēti sumus	147.b.148	17 Inuocant, sed nemo exaudit	7.b
20 Ioab Amasæ dicit, Salue mi frater	48	18 Deum uocat clypeum	163.b
2. REGVM.		19 Lex Dei immaculata	11.16.b.36.b.163.b
2 Helisæus maledicit pueris	90	22 Non timebo mala	152
6 Helisæus equites non uult occidi	143.b	23 Peccatum meum notum feci tibi, &c.	154.b
8 Tu solus nosti corda hominum	92	24 Ipse fundauit terram	40
18 Interitus populi causa	9	25 Angustia cordis mei dilatata sunt	118.b
20 Ezechias medicina usus	97.b	27 Dominus protector meus	47.b
1. PARALIP.		31 Petra mea Deus	168.b
2 De excidio gentis	9	32 Verbo Domini cœli firmati sunt	17.40
15 Dominus est uobiscum	8	32 Congregans aquas	163
2. PARALIP.		32 Multa flagella peccatoris	88
1 Asa reprehensus	97.b	34 Ex afflictionibus Deus iustos eripit	83
19 Iudicium est Dei	99.b	33 Oculi Domini super timentes eum	46.
H E S T E R.		76.b.88	
8 Haman est sortilegus	91	33 Consilium Domini stabit	108
I O B I S:		33 Multa tribulationes iustorum	54
1 Deus Iobum defendit	10.b	33 Tu scutum nostrum	163.b
4 Vidi arantes uanitatem	125.b	34 Castra figit Deus	10.b
9 Non iustificatur homo compositus cum Deo		37 Non uidi iustum derelictum	46.108.b
fol.	111.b	37 Commenda Domino uiam tuam	83
13 Vtinam taceretis	99	37 Melius modicum iusto	85
13 Memoria uestra comparabitur cineri	47.b	37 Transiui & ecce non erat impius	51.b
14 Terminii uitæ constituti sunt	82.b	38 Amici mei procul steterunt à plaga mea	69.b
14 Quis potest facere mundum de immundo	111.b	40 Beatus uir cuius spes Dominus	88
15 Munera accipientium, tabernacula ignis deu-		49 Recti manē dominabuntur diuitibus	125.b
rabit	81	50 Inuoca me	8
18 Lucerna impij extinguetur	65.b.113.b	50 Nolo sacrificia	77.b
10 Pauperes deseruntur	104.b	51 Miserere mei Deus	154.b
21 Ducunt in bonis dies suos	7.b.71	54 Os eorum mitius butyro	21.b
22 Deum uersari circa cardines cœli	78.b	55 Iacta super Dominum	83
24 Translatio terminorum	128	56 Lingua eorum gladius acutus	166
25 Ne infans mundus in conspectu Dei	111.b	58 Lætabitur iustus cum uiderit uindictam	137.b
26 Mare terminos non egreditur	40.163	62 Si diuitiæ affluant, ne apponas cor	101
26 Nudus infernus coram eo	78.b	62 Deus petra mea	168.b
28 Deus mare frenat	40	68 Deus pater uiduarum	80.132
28 Sapientiæ principium timor domini	4	69 Operuit ignominia faciem meam	47
28 Coralia & Gabis non commemorabitur	135.b	72 De impiorum interitu	51.b
29 Causam quam ignorabam inuestigabam	158	81 Clangite tuba in neomenia	34.b
29 Oculus eram cæco	158.172	84 Beatus qui sperat in Domino	88
31 Si lætatus sum	92.b	88 Tu dominaris uentis	163
31 Pepigi fœdus cum oculis	98	90 Retributionem peccatorum uidebis	160
31 Adulterium ut ignis omnia consumit	29.b	94 Deus omnia uidet	78.b
34 Deus regnare facit hypocritam	152.b.167.b	94 Is qui aurem plantauit, non audiet?	112.b
38 Quis conclusit ostijs mare	163	101 Qui lingua defert sodalem suum, istum per-	
P S A L M O.		dam	165.b
1 Boni arbori comparantur	57.b	101 Elatum oculis & latum corde, ipsum non fe-	
2 Deus ridet impiorum consilia	7	ram	119
3 Tu scutum es ante me	163.b	102 Tu terram fundasti	40
4 In tribulatione dilatasti me	101.b	103 Deus dicit se iudicium facere oppressis	75
5 Non uolens iniquitatem	83.b	104 Petre latibulum schephanim	168.b
5 Mendax odio habet	28.164	104 Terminum constituisti mari	40
7 Qui alteri foueam parat, incidet in eam	147	104 Omnia animalia in te sperant	46
8 Eripite pauperem	136	104 Vinum exhilarat cor	171
			199 Fiat



# I N D E X.

109	Flat posteritas eorum in excidium	132	53	In sui cognitione iustificabit multitudinem	145.b
111	Timor Domini principium sapientiæ	4	55	Quærite Dominum	8
112	In memoria æterna erit iustus	47	61	Rapina Deo non placet	15
113	Quis est sicut Dominus noster	163	58	Carnem tuam ne despexeris	55.b
113	Deus erigit tenuem	81.b	63	In omni afflictione eorum ipse afflictus est	98.b
119	Verbi precium	9.b.16.b	65	Extendi tota die manus	6.b
119	Gressus meos dirige	14.b.65	65	Antequam clamabunt	81.b
126	Nisi Dominus custodierit	86.124	66	Qui immolat bouem	77.b
135	Deus educit uentos è thesauris suis	163	66	Habitans cum contrito	53
136	De fundamento terræ	40	66	Ad quem respiciam	9.b.53
139	Deus hominem explorat	117			
139	Deum omnia uidere	76.b			
142	Non erat qui quæreret animam meam	158.b			
144	Prope est Dominus	81			
146	Ne intres	111.b			
146	Placent ei qui sperant in eo	88			
147	Dominus dat iumentis cibum	46			

## ECCLESIASTIS.

5	De peccato propitiato noli esse sine metu	155	10	Scio Domine quod non est hominis uia eius	85.b.114.b
7	Melius est nomen bonum quam unguenta preciosa	124	11	Quod exultent in peccatis	12
7	Meretrix saganæ comparatur	133	13	Si Æthiops pellem potest mutare.	151.b
8	Multi sine timore perpetrant mala	50.b	15	Si starent Moses	7.b.153.b
10	Principium dulcedinis fructus eius	19	16	Ecce ego mitto ad piscatores multos	60.b
10	Qui fodit foueam alteri, cadet in eam	147	17	Prauum est cor hominis	76.b.92
11	De diuitijs	50	17	Benedictus est uir qui confidit in Domino	58
11	Mane semina semen tuum	57.b	22	Deus mane surrexit	7.b
11	Qui diruit sepem	128.b	22	De uiduis	80.b

## ISAIAE.

1	Cum extenderitis manus	7.b	22	Væ qui ædificat domum suam, &c.	97
1	Quod mihi multitudo sacrificiorum	77.b	22	Minatur regi quod sepultura cariturus sit	166.b
1	Principes sunt focij furum	161	23	Ego impleo cælum	76.b
1	Pupillo non iudicatis	131	25	Si in ciuitate quæ uocatur nomine meo	58.b
3	Rapina pauperis est in domo uestra	159.b.166			
3	Qui te beatum dicunt, decipiunt te	158			
3	Nutribus oculorum eunt	84			
3	Prædicant peccatum	12			
3	Dicite iusto quod bene habebit	61			
3	Væ illis qui iustificant impium	61			
5	Væ sapientes in oculis suis	14.b			
5	Væ qui bonum dicitis malum	96			
5	Væ uobis qui mane surgitis ad bibendum	134.b			
9	Messias consiliarius dicitur	8			
9	Regnum Christi amplum	74			
9	Populus non est ad me reuersus	151.b			
14	Rex Babylonis superbus	96.b			
15	Frustra me colunt	88.b			
17	Fugabitur quasi stipula	7.b			
28	In uino errauerunt	110			
28	Minatur semissurum Nabuchad.	118			
29	Timuerunt me mandatis hominum	4			
30	Tophet	80			
33	Qui prædaris non ne & ipse prædaberis	119.b			
40	Omnis caro fenum	177.b			
43	Deus perdit gentes ut suos seruet	122			
44	Ego sum primus	39			
46	Omnis uoluntas mea fiet	108			
51	Nolite timere	162			
53	Omnes errauimus	11			
53	Ponit animam suam delictum	70			

## THRENORVM.

5	Serui dominati sunt nobis	167.b
---	---------------------------	-------

## EZECHIELIS.

8	Vocabunt, non audiam eos	7.b
13	Fruito panis conducti pseudop.	156
14	Si peccauerit terra & fuerint tres uiri, &c.	153.b
16	Sodomitæ meliores Hieros.	30
21	Nabuch. sortes ducit	91
28	Rex Tyri superbus	96.b
32	Gentes ad inferos descendisse	80
45	De mensuris & ponderibus	53

## DANIELIS.

2	Lapis Christus de cælo uenit	168.b
3	Socij Danielis statuam non adorant	51
4	Gloriatur de urbe Nabuch.	97
4	Redime peccata tua elemosynis	65
5	Balthasar Daniele inquit	72.b
6	Antichristus magna loquitur	96.b
10	Messia ignei oculi tribuuntur	76.b
11	Antichristus præmijs afficiet suos cultores	121
12	Doctores splendebunt	64

## OSEA.

2	Sectabitur amatores suos	67.b
2	Israelitæ Baalim ornarunt monili	141.b



# INDEX.

4 Quia repulisti scientiam, te repellam	47.b
4 Vinum aufert cor	110
4 Qualis populus, talis sacerdos	159.b
13 Occurram eis quasi ursus	94.b
14 Ecclesia pupillo comparatur	131.b

## AMOS.

3 Percutiam domum hyemalem, &c.	97
3 Leo si rugiat, quis non timet?	106
3 Iustum pro argento, pauperem pro calceamentis uendidisti	156
4 Minatur pœnam oppressoribus pauperum	75
5 Detestor superbiam Iacob, &c.	97
5 De illis qui super uestes oppignoratas quiescebant	113
6 Iudicium uersum est in absinthium	172
7 Fames uerbi	160.b
8 De mensuris	53

## MICHEAE.

2 Væ his qui cogitant uana	59.b
2 Ne stilleris, ne stilleris	106
3 Prophetas munera accipere	94.155
3 Tunc clamabunt	7.b
3 Iudices iudicium non intelligunt	153
6 Opes fraude partæ igni comparantur	119.b
6 De ponderibus & mensuris	53
6 Comedetis & non saturabimini	68.b
6 Sacrificia reiiciuntur	77.b

## IOELIS.

1 Locustas populo prædicit uenturas	168.b
-------------------------------------	-------

## IONAE.

1 Sortibus utuntur	91.b
--------------------	------

## ABACVC.

2 Lapis clamabit	97
2 Niniue piscinæ comparatur	127

## ZEPHONIAE.

1 Aurum & argentum eorum non eripiet eos in die iræ	45.b
-----------------------------------------------------	------

## ZACHARIAE.

2 Qui tangit uos	32.b.75.98.b.137
7 Clamabunt, sed non audiam eos	7.b
7 De uiduis	80
11 Pastor stultus	43.b

## MALACHIAE.

3 Ero testis uelox	75
3 Fertilitas promittitur liberalibus	15

## TOBIAE.

4 De eleemosyna	15.125.b
-----------------	----------

## SAPIENTIAE.

4 Iustus si morte præoccupatus fuerit	51.b
11 Omnia disposuisti Domine, in pondere	86.b

## ECCLESIASTICI.

13 Ne credas omni uerbo	47.b
16 Potior fur mendace	28
22 Qui stultum docere uult, perdit operam	130.b
23 De adulteris	30
27 Qui in altum mittit lapidem, decidet in caput illius	147
29 De fideiussione	24
30 Mœstitia in mortem exit	97.b
30 Si obierit pater tuus	44.b
33 Pabulum, uirga asino	110.161
34 Qui timet Dominum, nihil trepidabit	152.b

38 Affice medicum honore	97.b
--------------------------	------

## EX NOVO TESTAMENTO.

### MATTHAEI.

3 Hic est filius meus	40.b
5 Diligite inimicos	95
5 Beati estis cum probra iecerint in uos	124.b
5 Sic luceat lux uestra	20
6 Virtus eleemosynæ	15
6 Ne sitis solliciti	26.46
6 Ne reponatis uobis thesauros	10.b.122.168.b
6 Fiat uoluntas tua	108
6 Remitte nobis debita	49.b
6 Solem finit exoriri	145.b
7 Duæ uirgines	11.70.b
7 Petite & dabitur uobis	78
7 Margaritæ nō spargendæ ante porcos	10.130.b
7 Trabem eijsce	102
7 Domus perfitit	60
7 Omnis qui audit sermones meos	52
9 Tibicines expelluntur	142.b
9 Similes gregi destituto pastore	160.b
9 Misericordiam uolo	108
9 Non opus est ualentibus medico	97.b
10 Christus eximit discipulis timorem	162
10 Non ne duo passeruli	82.b
10 Estote prudentes	38.150
10 Non ueni mittere pacem, sed gladium	28
11 Tibia cecinimus uobis	142.b
11 Venite ad me omnes	6
11 Iugum meum suauē est	66.121
11 Abscondita sapientibus	9.b
12 Satan eō redit unde pulsus est	145.b
12 De inani uerbo ratio reddenda	64
12 De hæmorrhousa	97.b
13 Mercator emit margaritam	9.b.16.b.132
13 Dormientibus hominibus zizania sparsa	25.139.b
14 De iuramento Herodis	115.b
14 Quinq; panibus Christus multos cibauit	46.b
15 Ex corde exeunt	20.b
15 Septem panibus multos cibauit Christus	46.b
19 Quod Deus coniunxit	106.b
20 Filij Zebedæi primatum affectant	51.b
21 Iubet Christus adduci asinum	76.b
22 Pharisei quærent an tributum dandum Cæsari	38.48.138
22 In ueritate docere uiam ueritatis	159.b
25 Phylacteria	14
23 Mittam uobis sapientes	9
24 Laudatur seruus qui opportuno tempore profert cibum	49.76
24 Vbi cadauer fuerit, ibi congregabuntur aquilæ	166.b
25 Decem uirgines	168.b.54
25 Quæ illis feceritis	75
26 Impudentia Iudæ	165.b

### MARCI.

1 Impletum est tempus	6
9 Vermis eorum non morietur	53.b
10 Diuites difficulter ingredientur regnum Dei	49.b
fol.	14 Alaba-



# I N D E X.

14 Alabastrum unguenti nardi pisticæ

L V C A E.

1 Astiti in conspectu Dei

1 Potentes detraxit

5 Apostoli nihil ceperunt

6 Estote misericordes

6 Væ uobis qui nunc ridetis

7 Viduæ filius excitatur

9 Non respiciendum

10 Quis sit proximus

11 Beati qui custodiunt sermonem Dei

11 Date eleemosynam, & omnia munda erunt uobis

11 Christus fortem armatum uicit

11 Pharisei non sinunt alios ingredi regnum cælorum.

12 Lumbi uestri præcincti sint

14 Ne locum primum occupemus

14 Omnis qui se exaltat

14 Ad cœnam uocati non ueniunt

15 Mulier didrachmam quaerit

15 De filio prodigo

16 Parate uobis amicos ex mammoni iniusto fol.

16 De diuite purpurato

17 Memores estote uxoris Lot

18 Iudex iniquus describitur

18 Preces exaudiri

18 Filius hominis cum uenerit, an reperturus est fidem in terris

22 Iubet parari pascha

23 Si in humido ligno hæc faciunt

I O A N N I S.

1 In principio erat uerbum

1 Omnia per ipsum condita sunt

1 Quotquot receperunt eum, &c.

1 Vidi te sub ficu

3 Spiritus ubi uult spirat

3 Sic Deus dilexit mundum

3 Diligunt magis tenebras

5 Scrutamini scripturas

5 Si ego perhiberem mihi testimonium, nõ esset uerum

6 Operemini cibum

7 Dicitur Christus clamasse

7 Quæretis me, &c.

8 Tu de teipso testificaris

8 Christus parit adulteræ

10 De unico ouili

10 Cognosco oues meas

10 Ego sum ostium

12 Christus clamauit

12 Qui amat animam suam, perdet eam

13 Discipulis lauat pedes

13 Petrus recusat ablutionem pedum

13 Pater meus agricola est

14 Ego sum uia

14 Quicquid petieritis

15 Si mundus uos odit

16 Non per parabolas loquar uobis

16 Quæcunq; petieritis

17 Preces exaudiri.

121.b

129.b

27.b

50

108

71

80.b

21

73

160.b

65

122.b

17.b

174

129. b. 140. b

53. 101. 161

6. b

10

58. 114

65. 126

175

21

158. 172. b

78. 127. b

111

76. b

58. b

39. b

17

73. b

76. b

163

48. b. 77. b

20

10. b

148

168. b

5. b. 6

7. b

148

31. b

37

152

11. b

5. b

105

48. b

115. b

60. b

11. b. 41. 58. 70. b. 82. b. 121

81. b

162

1. b

51. b

78

18 Palam loquutus sum

A C T O R V M.

1 Eritis mihi testes

1 Tu corda nosti omnium

4 Non aliud nomen

5 Gamaliel eripit Apostolos

9 Saul quid persequeris me

15 Fide purificantur corda

16 Lydia purpuraria

17 In ipso uiuimus

18 Paulus tentoria fecit

24 Paulus Felici nõ dat munera ut liberetur

172. b.

A D R O M A N O S.

1 Inuisibilia Dei

2 Paulus se uocat doctorem imperitorum

2 Nescimus quid oremus

5 Dilexit nos cum adhuc inimici essemus

8 De peccato condemnauit peccatum

8 Spiritus adiuuat infirmitatem nostram

8 Reputo non esse pares afflictiones

9 Quid conqueritur

11 O homo tu qui es

12 Nolite prudentes esse apud uosmetipsos

146

12 Vince in bono malum

12 Mihi uindictam

12 Si esurierit inimicus tuus

12 Sacrificia Christianorum

13 Obediendum magistratui propter conscientiam

1. A D C O R I N T H.

2 Homo animalis

2 Quis hominum ea nouit quæ sunt hominis?

3 Neq; qui plantat est aliquid

3 Si quis uidetur inter uos sapiens

4 Veniam breui ad uos

4 Paulus dicit se famem tulisse

4 Qui in occulto peccat, &c.

5 Cum scortatoribus ne cibum capiat

6 Neq; scortatores

7 Bonum est uxorem non attingere

11 Cum iudicamur a Domino corripimur

13 Charitas omnia suffert, omnia credit

14 Nepueri sitis sensibus

14 Mulieres in ecclesia taceant

14 Qui prophetat hominibus

2. A D C O R I N T H.

3 Non sumus idonei cogitare bona

5 Eū qui nõ nouit peccatū, fecit peccatum

9 De eleemosyna

11 Dicit se famem pertulisse

A D G A L A T A S.

1 Si hominib. placere, Dei seruus non essem

2 Apostoli columnæ uocantur

6 Si præoccupatus fuerit homo, &c.

6 Operemur bonū dū tēpus habemus

6 Quicquid seminauerit homo, hoc et metet

A D E P H E S I O S.

2 Gratia seruati estis

4 Laborandum

4 Nullus sermo turpis ex ore uestro, pcedat



# I N D E X.

4 Ne amplius sitis pueri	2.b	4 Hodie uel cras ibimus in illam ciuitatem	82.b.
5 Eratis quondam tenebræ	20	85. b. 114. b. 147. b	
5 Non quasi insipientes	47.b	4 Petitis, non accipitis	7.b
5 De somno peccati	112.b	4 Deus humilibus dat gratiam	18.b
5 Diligite uxores	23.b	5 Confitemini inuicem	144.b
6 Scortatio ne nominetur	35.b		
AD PHILIPPEN.			
2 Vt luminaria luceamus	20	1 Hæreditas nostra conseruata est in cælo	10.b
2 Cum timore & tremore operamini salutem	155	1 Succincti lumbis	174
AD COLOS.			
1 Per ipsum omnia condita sunt	40	2 De laude	147.b
2 <del>apud</del> corporis reprehenditur	55.b	2 Subditi estote	138
3 Vita nostra abscondita est	10.b	3 Parati rationem reddere doctrinæ	47.b
3 Auaritia simulachrorum cultus	101	3 Vxores sint tranquillo spiritu	168
3 Diligite uxores	23.b	4 Id absurdum eis uidetur, quod non accurratis	
4 Lucas medicus	97.b	una cum ipsis	67. 158.b
1. AD THESSAL.			
4 Ociosi in ordinem cogendi	25. b. 126	4 Charitas operit peccata	48.b
4 Impij subito interibunt	57.b	4 Si Deus prijs non parcit, &c.	58.b
5 Omnia probare	47.b	4 Persecutio tribuitur uoluntati Dei	108
2. AD THESSAL.			
3 Labor præcipitur	89	4 Si quis loquitur	86
1. AD TIMOTH.			
3 Ecclesia domus Dei	41.b	5 Superbis resistit	9. b. 18. b. 27. b. 101
5 Vidua quæ in delicijs uiuit mortua est	66. 80. b	5 Diabolus leoni comparatur	106
6 De diuitibus	49. 65. 101. 130. 155. b	2. PETRI.	
6 Magnus quæstus pietas	79.b	1 Lucifer	20
6 Habent alimenta, &c.	49. b. 165	2 Defectio a ueritate	69
6 Auaritia radix malorum	119	2 A quo quis superatus est eius seruus est	90. b
2. AD TIMOTH.			
2 Sermo Dei non est uinctus	126	2 Canis reuersus ad uomitum	145. b
3 Amentia eorum fiet manifesta	62	3 De illusoribus locus	109
5 Perfectio scripturæ	164	3 Accerfentes sibi exitium	153. b
4 Sanam doctrinam non sustinebunt	6. 9	3 Falsi Apostoli nubibus absq; pluuiâ comparan	
AD TITVM.			
2 Officium uetularum	59	tur	141. b
AD HEBRAEOS.			
1 Deus multiuariam loquutus	127. b	1. IOANNIS.	
10 Direptionem facultatum cum gaudio accepit	70. b	1 Si dixerimus peccatum nō habemus	111. b. 154. b
11 Moses maluit affligi, &c.	88	2 Multi uenerunt Antichristi	43
11 Quidam per fidem in desertis oberrarunt	46	3 Sumus nunc filij Dei	10. b. 47
12 Quos diligit, castigat	15. b. 58. b	3 Omnis qui in Deo manet, non peccat	111. b
IACOBI.			
1 Si cui deest sapientia	9. b	4 In hoc apparuit charitas	48. b. 59
1 Sit omnis homo uelox ad audiendum	50. 160. b	4 Probatio spirituum	47. b. 71
2 Si ingrediatur in cætum uestrum pauper, &c.	60. 99. b	IUDAS.	
2 Diaboli Deum norunt	145. b	Comparat pseudoapostolos nubibus pluuiæ ca-	
3 Lingua igni comparatur	89	rentibus	141. b
3 Lingua clauo comparatur	105	APOCALYPSIS.	
		2 Vincenti dabo de ligno uitæ	58
		2 Lucifer	20
		2 Mors secunda	107
		3 Ego quos diligo, castigo	16
		3 Verbum Dei ignitum ex igni	163. b
		13 Purpurata meretrix	43
		16 De ranis	43. b
		18 Angelos lætari sanctos iubet euerfa Babylone	
		fol.	137. b
		22 De ligno uitæ	58
		22 Si quis adiecerit ad hunc librum, &c.	164

INDEX

F I N I S.



# IN LIBRVM PROVER- BIORVM SIVE SENTENTIARVM

SOLOMONIS, COMMENTARII,

Ludouico Lauathero Tiguri-  
no autore.

**P**ROVERBIA Salomonis, filij Dauid, Regis Israel, ad discendum  
sapientiam, &c.

Titulus  
libri.



PIRITVS sanctus in titulo & procemio tria indicat, quæ ad totius scri-  
pti utilem lectionem pertinent. Primum, quis sit author huius Libri:  
Deinde, quod nam sit eius argumentum, uel quid contineat: Tertio,  
quæ sit eius utilitas. Hæc ordine & breuiter expendemus.

Author huius scripti indicatur Solomon, uel Salomon: utrunq; rectè  
dicitur: potest etiam dici Salomo uel Solomo. Conuenit ei hoc nomen,  
quia pacis studiosus fuit, 1. Paralip. 22. Habuit etiam aliud nomen, nempe  
Iedidia, hoc est, dilectus Domini, eò quod Dominus ipsum diligeret.

Vita Solo-  
monis de-  
scriptio.

Quidam etiam Lemuelem appellatum uolunt: de quo infra cap. 31. De hoc longa  
textitur narratio in libris Regum & Annalium: nos ea tantum quæ ad hunc locum  
pertinent, breuibus complectemur. Filius fuit Dauidis ex Bethsabea, quæ uxor fuerat Uriæ.  
A parentibus ad pietatem statim à puero assuefactus, quemadmodum 4. & 31. cap. hu-  
ius libri ostenditur, moxq; in disciplinam Nathan prophetæ traditus fuit. A patre adhuc ui-  
uente regnum accepit, qui moriturus inter alia inprimis ei iniunxit, ut pietati studeret, &  
legem diuinam semper haberet in conspectu. Posteaquam regnare cœpit (quod pleriq; 12.  
anno ætatis factum putant) Deus in somno ei apparuit, iussitq; petere quod uellet. Is uerò  
data optione, non petebat uitam longam, neq; diuitias, neq; uindictam de inimicis suis: sed  
intelligentiam, & prudentiam, ut populum sibi concreditum rectè gubernare posset. Deus  
itaq; tam excellenti sapientia & prudentia eum ornauit, ac instruxit, ut non modò cum sapi-  
entibus exteris, sed illis quoq; qui inter Israelitas celebrantur certaret, eosq; longè supera-  
ret. Quin omnibus hominibus, omnium gentium, & ætatum, sapientiæ laude præstitit. Dixit  
(ut testantur sacræ literæ) tria millia sententiarum, eiusq; carmina fuerunt quinq; supra mil-  
le. Differuit de herbis, fruticibus, suffruticibus & arboribus. Differuit & de quadrupedibus,  
nolucris, piscibus, serpentibus, insectis, de earum inquam natura & proprietate. Quanta  
uerò in rebus ciuilibus sapientia præditus fuerit Solomon, colligitur ex historia muliercula-  
rum contendentium de puero uiuo & mortuo, quando magna dexteritate deprehendit,  
quæ uera pueri mater esset, explorata materna *σοφία*. 1. Reg. 5. Fama de sapientia ipsius ad ex-  
teras etiam gentes dimanauit. Regina Sabæa (cuius Christus etiam Math. 12. meminit) lon-  
gum & difficile iter emensa, magno cum comitatu Hierosolymam uenit, ut obscuris quæ-  
stionibus eum tentaret, & sapientiæ eius periculum faceret. Is omnes quæstiones sibi pro-  
positas, eruditè & dextrè ei explicauit. Hæc mores eius obseruans, ædificia, rationem uitæ,  
aulicorum ingenium, distributionem officiorum, & alia, tandem magna admiratione in hæc  
uerba erumpit: Adeò uera sunt quæ ego in patria mea de tua sapientia audiui, ut cum ru-  
mori non antè crederem, quàm ipsa hisce meis oculis hæc omnia spectassem, re ipsa nunc  
comperiā, ne dimidiū quidē tuæ sapientiæ mihi fuisse narratū, adeò famā uincis quā accepe-  
ram. Felices homines tui, felices tui affectatores, qui tibi semper astantes, tuā audiūt sapien-  
tiā, &c. Hic Rex templum celeberrimū Deo in monte Moria Hierosolymis extruxit, & arcam  
eò transtulit. Magnis opibus, rebusq; preciosis abūdauit. Altissimam pacem habuit, uicinisq;  
regibus charus fuit & acceptus. Extant tres eius libri, Ecclesiastes, Canticum Canticorum, &  
Prouerbia. Scripsit etiam alios permultos, ut testatur Iosephus. Librum Sapientiæ, & Eccle-  
siasticum tanquam Solomonis antiquitus occidentalem ecclesiam in authoritatem recepisse,  
scribit August. lib. 17. de Ciuit. Dei, cap. 20. cum tamen sapientes agnouerint eius non  
esse. Cæterum cum in maximo honore, potentia, sapientia & fauore esset, uxorū, quas  
contra Dei præceptum duxerat, blanditijs ad idololatriam pertractus fuit. Edificabat enim  
ipsis templa idolorum. Procul dubio, ut politici homines solent, prætexens pacem cum ui-  
cinis regibus, & alia multa; sed Deum hac re grauiter offendit. Atque ita Solomon, qui uelut



exemplum sapientiæ fuerat, stultitiæ exemplum factus est. Neq; firmiter ex sacris literis colligi potest, an imminente hora fatali, cum serid sceleris poenituerit, inq; fide semini promissi seruatus, æterna iam cum electis felicitate fruatur. Docet autem nos triste hoc exemplum, ut accepta gratia Dei cauti simus, nec efferamur rebus secundis. Patri qui regnavit annos 40. successit Roboamus, sub quo regnum florentissimum in duas partes dilaceratum fuit.

Hæc paucis de authore annotasse sufficiat, qui in ecclesia rex & doctor excellens fuit (sic te nominat ecclesiasten, id est concionatorem) quiq; typum Christo seruatori prætulit, qui uerus est princeps pacis, quippe qui patrem iratum hominibus reconciliauit sanguine suo, eosq; inter sese charitatis uinculo adstrinxit, patriq; cœlesti templum augustissimum extruxit, nempe ecclesiam per totum orbem dispersam. Non autem putandum est ipsum Solomoni nem proueria hoc ordine scripsisse, sed homines pij & studiosi, quemadmodum diligens libri lectio ostendet, ab eo pronunciata diuersis temporibus annotarunt in libros, ex quibus postea illa quæ præcipuam utilitatis & doctrinæ laudem habebant, in unum librum sunt collecta.

An ipse Salomon hoc ordine hæc proueria scripserit.

Argumentum libri. Vox Meschalim quid complectatur.

Secundo loco agitur de genere & argumento scripti, quid nam hic liber complectatur, nempe מִשְׁכָּלִים meschalim, i. proueria uel parabolas. Quæ dicuntur à מִשְׁכָּל maschal, i. dominari, nimirum quod in oratione dominantur & præcellant, eamq; uelut stellulæ quædam illustrent. Comprehendit autem uox illa Hebræa, quæ Latini adagia, proueria, disticha, sententias & similitudines: Græci uerò παροιμίας, παραβολὰς, ὑποθέσεις, γνώμης, παρακρίσεις, νοουθεσίας, χρεῖαι, appellant. Huc etiam pertinent ἀποφθέγματα, ἀπομνημονεύματα, κρίσεις, uel κεντριμύματα, προλήψεις morales, scitè & acutè dicta, exempla, consilia, communes & breues præceptiones, quando paucis uerbis res magni momenti innuimus, quæ aliàs longa oratione uix explicantur. Quia uerò plerumque figuras aliquas uel tropos continent, uel propter breuitatem non ita faciliè intelliguntur, uox Hebræa, etiam ænigmata, & omnem quacunq; ratione tectum sermonem significat. Sic Christus seruator noster Ioan. 16. dicit, Veniet tempus cum iam non per proueria uel parabolas loquar uobis, sed palàm de patre annunciabo uobis. Omnes autem nationes & linguæ suas habent peculiaria proueria, in quibus magna latet sapientia. Aristoteles existimat nihil aliud esse parœmias, quàm reliquias priscorum philosophorum, qui in exquirenda ueritate multò fuerint sagaciores quàm posteriores philosophi. Plutarchus alicubi, ueterum adagia similia putat sacrorum mysterijs, in quibus res maximi momenti minutulis & primo aspectu ridiculis ceremonijs significantur. Multi ex ueteribus & recentioribus, in sententijs undicunq; colligendis laborarunt.

Quid inter diuinas & humanas parabolas intersit.

Magna autem est differentia inter proueria uel sententias gentilium, item uulgi: & inter sententias Solomonis, & sacrarum literarum. Illæ enim natura notæ sunt, & multæ ex eis fœdæ ac obscenæ, cum fide & charitate pugnantes. Hæ uerò (nempe Solomonicæ ac propheticæ) multa continent, quæ ratio humana uidere non potest: omnesq; purum Dei uerbum sunt, nec metuendum est, ne ex lectione earum aliquid labis nobis aspergatur. Quædam enuntiat aliquid, quædā adhortatur, quædā dehortatur, quædā cōsolantur. Docet quæ uera sit sapientia, quomodo eā assequamur, adhortanturq; omnes homines ad consequendum eam. Docet fidem, timorem, & syncerum Dei cultum. Docent charitatem erga Deū & proximum. Omnes hominum ordines informant, uirtutes commendant, uitia prohibent. Quæ pijs præmia, & quæ impijs supplicia constituta sint, ostendunt, &c. Sed de materia huius libri mox plura.

Ordo sententiarum.

Vtile autem fuerit, sententias illas in locos communes, uel ad titulos generales reducere. Non enim ratione & uia artis sunt expositæ. Quanquam spiritus sanctus interim etiam ordinem aliquem, & certè ecclesijs utilem sequatur. A 1. cap. ad 10. usq; de uarijs rebus prolixè disputatur. A 10. cap. ad dimidium 24. (ubi quidam nouam collectionem incipere putant) ponuntur breues sententiæ. A 25. cap. ad 30. nouæ ponuntur sententiæ, collectæ à ministris Ezechia: sicuti & 30. cap. & 31. nouæ inscriptiones ponuntur.

Sententiæ Solomonis diligenter cognoscendæ sunt.

Quoniam uerò ita pleriq; natura sumus affecti, ut auidè legamus sententias Platonis, Aristotelis, Plutarchi, Senecæ, & aliorum uirorum illustrium, multò auidius audiendæ & legendæ sunt, quæ ex sapientissimi Solomonis pectore promanarunt. Quidam prophani homines, sacras literas hoc nomine aspernantur, quod à uerbi ministris compositiæ sint: habemus hic Regis scriptum. Reginam Sabæ longum iter esse emensam diximus, ut sapientiam Solomonicam audiret: hodie sapientia illa in plateis quodammodo clamat. Nec dubito quin si uel gladius, uel sceptrum, aut chirotheca Solomonis alicubi ostenderetur, multi cuperent uidere: at scripta potius sunt ueræ eius reliquiæ. Quod si quis, propter animæ salutem hoc scriptum



ptum regium cognoscere non uelit, tamen uel propter rerum ciuiliu usum, uel propter ueritatem erat cognoscendum. Faxit Deus, ut magna, ex huius libri explicatione, tam ad interpretem quam ad lectores redeat utilitas.

2 Ad discendum sapientiam & eruditionem, ad intelligendum eloquia intelligentiæ.

3 Ad suscipiendum eruditionem intelligentiæ, iustitiam & iudicium & rectitudines, uel, iustitiæ, iudicij & rectitudinum.

4 Ad dandum simplicibus calliditatem, puero scientiam & cogitationes.

5 Audiet sapiens, & addet doctrinam, & intelligens consilia possidebit, uel, acquirat.

6 Ad intelligendum parabolam, & eloquutionem, uerba sapientum, & ænigmata eorum.

Tertio loco ostenditur ad quid, & quibus utilis sit hic liber: nempe non tantum iuuenibus & imperitis, sed & senibus atq; sapientibus. Varius autem & multiplex eius usus & fructus, quinque his uersibus continetur, & explicatur. Potuisset uno uerbo dicere, Scriptæ sunt hæ sententiæ, ut hinc discamus præcepta fidei, & bonorum operum: sed utitur multis uerbis: ad discendum, ad intelligendum, ad suscipiendum, ad dandum, sapientiam, eruditionem, & alia multa quæ per *μεγιστόν* subiungit. Vbi non necesse est, ut in singulis uerbis diu immoremur, multisq; philosophemur: paucis singulorū pprias significationes ordine explicabimus.

Scriptus & editus est hic liber sententiarum, ut hinc discamus sapientiam. Sapientia à philosophis definitur, quodd sit rerum diuinarum & humanarum scientia, cognitioque quæ causa cuiusque sit. Vel simpliciter per sapientiam intelligere possumus ueram cognitionem Dei, quæ uera est sapientia. De qua Paulus 1. Cor. 2. Sapientiam loquimur Dei in mysterio, quæ est recondita, quā præfinierat Deus ante secula, &c. Multæ enim sententiæ in hoc libro ponuntur, quæ ad explicationē naturæ Dei pertinent. Deinde ut hinc discamus *מִסֵּר* musar, hoc est, disciplinam, castigationē, uel correctionem, cui adiuncta est institutio. Docet enim hic liber, quo pacto nos gerere debeamus, si uel à Deo, uel ab hominibus castigemur. Deinde quomodo nos quoque pueris, & alijs castigationem adhibere conueniat, ut à peccatis reuocentur. Verba intelligentiæ uel prudentiæ. *בִּינָה* binah est iudicium quod nascitur ex sapientia, quo inter bona & mala, uera & falsa expetenda & fugienda dijudicamus. Differunt *חכמה* chachmah & *בִּינָה* binah, quodd illa res cognoscit, hæc discernit ac dijudicat. Alij hoc ponunt discrimen, ut sapientia sit rerum cognitio, & id ferè quod philosophi *ἀνταμύ* uocant, prudentia uerò, sapientiæ usus, rerumq; utilis & commoda administratio, & id quod philosophi *πράξις ἡ ἐνέργεια* appellant. Sic Iosepho sapientia tribuitur, quia intelligebat somnium Pharaonis, & dextrè explicabat: Prudentia uerò, quia simul consilium dabat, quomodo regno Aegypti prospiciendum esset, ne annonæ penuria laboraret. Ad suscipiendum eruditionem uel disciplinam intelligentiæ, doctrinæ, industriæ, iustitiæ, &c. *שָׁכַל* Sachal accurate, insigni industria & diligentia considerare aliquid significat. *הַשְׁכֵּל* haschel infinitiui & nominis significationem habet. Hæc prouerbia instituunt nos, ut consideremus & intelligamus quid credendum, quid non credendum, quid faciendum uel omittendum sit, &c. iustitiam. Per quam, fidei iustitiam, uel uniuersalem obedientiam legum, aut etiam peculiarem illam uirtutem quæ suum unicuique tribuit, intelligere possumus. *מִשְׁפָּט* Mispat, iudicium. Significat causarum cognitionem & discussionem. Requiritur in primis à iudicibus, ut secundum leges præscriptas causas dijudicent, quodd mali coerceantur, & boni defendantur. Deinde alijs quoq; homines habent suum mispat, hoc est, officium quodd rectè obire debent. Multa autem in hoc libro de iudicio, & omnium hominum officijs continentur. *מִשְׁכָּרִים* Mescharim, rectitudines, æquitates, ut homines neque ad dextram neque ad sinistram delectant: sed quodd iustum & æquum est, faciant. Ab æquitate tum quoq; disceditur, quando superstitiose legum litera urgetur: secundum illud, Summum ius summa iniuria.

In quarto & quinto uersu ostenditur, quibus hominibus hoc scriptum utile sit: non solum rudibus, sed etiam doctis & sapientibus. *פַּתִּי* pæthi paruulus ætate & sensu, simplex, innocens, insipiens. Græcè *ῥῆτος*. Deducitur à *פָּתַח* pathah persuadendo, & accipitur, in bonam & in malam partem. In bonam, ut cum Dauid Psal. 116. canit, Deum custodem esse paruulorum, id est, illorum qui se consilij suis expedire non possunt, sed auxilium à Domino expectant. Christus Matth. 11. cap. gratias agit Deo, quodd mysteria regni

Procerium  
libri.

Prouerbio-  
rū utilitas.

1.  
Sapientia.

2.  
Castigatio.

3.  
Prudentia.

4.

5.

6.  
Mispat.

7.

Quibus hic  
liber utilis  
sit.  
Paruuli.



- celorum celarit sapientes, & reuelarit paruulis. Paulus ad Rom. 2. se uocat doctorem im-  
peritorum, id est, illorum qui se sustinent doceri uerbo Dei, nec prudentiores esse uo-  
lunt ipso Deo. Deinde sumitur in malam partem, de his qui quiduis facile credunt &  
blandis uerbis citò decipiuntur. Sic ad Ephesios 4. cap. dicit Paulus, ne amplius simus  
pueri, qui fluctuamus & circumferamur quouis uento doctrinæ, per uersutiam hominum,  
&c. 1. ad Cor. 14. dicit, Ne sitis pueri sensibus, sed malitia pueri sitis. Illis hic liber sup-  
peditabit, **עֲרִמָה** armah, astutiam, uersutiam, uel calliditatem. Hæc uox est τῶν μυσῶν plerun-  
que, in malam partem accipitur: sed aliquando significat prospicientiam, cautionem, ne  
cuius credamus: sed dolos insidias, & pericula, in primis animæ caueamus. Christus  
Dominus etiam à suis discipulis requirit, ut sint prudentes sicut serpentes, & simpli-  
ces sicut columbæ. Apostoli quoque præcipiunt, ut discernamus inter doctrinas Dei  
& hominum. Si in malam partem accipias, sensus erit: Lectio huius libri utilis erit ad  
hoc, ut intelligas uersutiam & calliditatem aliorum, qua simplicibus imponunt. Pue-  
ro scientiam & rectam cognitionem.) **נַעַר** naar non tantum ætate, sed etiam iudicio pue-  
rum & rudem significat. Pueris & adolescentibus inest maxima imbecillitas consilij,  
non bene nouerunt distinguere inter uirtutes & uitia: sæpenumero uitia pro uirtuti-  
bus amplectuntur: sed diligens lectio huius libri suppeditabit illis scientiam & periti-  
am, ut usum rerum habeant. Hebræi annotant, **דָּאָת** daath, distinguere inter ueri-  
tatem & mendacium. Rectam cognitionem, calliditatem, cogitationes.) Hæc uox **מִסְמָח** mes-  
simah, propriè significat meditatam scelus, machinationem, astutiam: deriuatur  
enim à **סָמַח** samam, id est à cogitando. Aliquando in bonam partem accipitur, pro  
prudencia quadam, cum nihil uel dicimus uel facere aggredimur, nisi maturo consilio,  
cogitantes num ad gloriam Dei, & utilitatem proximi faciat, quod dicturi uel facturi  
sumus. Iuuenes plerumque natura sua sunt præcipientes, & temerarij: sed ex hoc libro di-  
scant, nihil temere & imprudenter suscipiendum esse. Sin in malam partem hanc uo-  
cem accipias, sensus erit: Discant iuuenes, impios studere meditati sceleribus. Audiens  
sapiens adijciat cognitionem seu doctrinam.) Hic liber non tantum erudiendis rudibus & simplici-  
bus conducet: sed docti quoque & sapientes diligenter hoc perlecto, sapientiæ accessio-  
nem facere possunt. Qui putant se nihil amplius proficere posse, certè pueriliter sentiunt.  
Doctissimos & sapientissimos quosq; , indies aliquid addiscere non piguit, nec puduit.  
Notum est illud Solonis: γράσσω δ' αὖτε πολλά διδασκόμενος, id est, Senesco semper multa ad-  
discens. Marcus Antoninus Imp. sæpe discendi causa inuississe legitur domum Sextij phi-  
losophi, dicens: **καλὸν καὶ γράσσειν τὸ μάθεσθαι**, pulchrum etiam senescenti discere. Saluius  
Iulianus clariss. iurisconsultus, ut in Pandect. lib. 4. refertur, dicere solebat: Et si alterum pe-  
dem in sepulchro haberem, adhuc addiscere uellem. Parua in scholis de illis pueris spes est,  
qui uocem præceptoris contemnentes nescio quid se in literis consequutos esse, sibi falso  
persuadent. Nemo est tam doctus, quin ex aliorum etiam eruditione inferiorum sermoni-  
bus interdum doctior fieri possit, & aliquid clarius cognoscere. Moses ex lethrone didicit,  
Exod. 18. **לֶאֱכָל** lækach doctrina, ab accipiendo deriuatur, nam qui discit, accipit doctrinam  
ex libris, magistris, usu, experientia, temporisq; diuturnitate. Qui intellectu est præditus, gu-  
bernationem, uel consilia acquirat.) **חֲבֻלָה** thachbulah consilium significat, metaphora de-  
ducta à naucleris. Quemadmodum enim illi tendunt, trahunt, & soluunt funes mali in  
nauis: ita uiri sapientes res agendas consilij moderantur. Consilium autem dicunt esse, re-  
rum agendarum aut fugiendarum sapienter excogitatam rationem. Ad intelligendum parabola-  
rum.) Hic fructus tam ad senes quàm ad iuuenes ex hoc libello redit, ut intelligant **מַשָּׁל**  
maschal, Sententiam seu prouerbum. Quid hæc uox complectatur, paulò ante annota-  
uimus. Author ad Herennium sententiam esse dicit, orationem sumptam de uita, quæ aut  
quid sit, aut esse oporteat in uita, breuiter ostendat. Alij dicunt, esse generale quoddam di-  
ctum ad mores pertinens. Interpretationem.) Qui bene fuerint uersati in hoc libello, etiam  
aliarum parabolarum quæ hoc libro non continentur, sensum & explicationem facilius  
intelligent. **לֹאז** loz significat artificiose loqui, inde **מִלִּיז** meliz, interpres, orator: **מִלְצָה**  
melizah facultas & scientia bene dicendi, quam ex hoc libro quidam disci putant. Significat  
item **לֹאז** loz sophisticè, & irrisoriè loqui, ubi etiam quoddam est artificium. Hinc **לִצֵּם** le-  
zim diu, illudores qui omnia irrident, de quibus alibi plura dicemus. Pertinet autem  
hic liber ad intelligendum perniciosam hanc & diabolicam rhetoricam, ne boni ho-  
mines prauis illis sermonibus corrumpantur. Ad intelligendum uerba sapientum. Ad uerba  
Mosis, prophetarum, aliorumque sapientum potes referre. Et uerba occulta. **תַּאֲרִיכָאֲרִיכָא**  
Aenigma. hoc est, obscuras, & inuolutas sententias, quas Gellius scirpos à ueteribus appellatos scribit.



חידה enim nunc significat ænigma, sermonem occultum, quando aliud dicitur, & aliud intelligitur : nunc problema, uel obscuram, acutam & difficilem quæstionem, quales regina Sabæa Solomoni proposuisse legitur. Utuntur his aliquando sapientes, ut studiosi exerceantur. Sed quomodo, inquis, ænigmata ex hoc libro intelliguntur, cum nulla in eo sint? Sunt multa, præsertim cap. 30. Ipse Aug. de trinitate lib. 15. cap. 9. ait, ænigma esse in his uerbis: Sanguisuga duas habet filias clamantes, affer, affer, &c.

Hæc sunt capita quæ ex hoc libro disci possunt. Scio à nonnullis has uoces aliter exponi, & unam pro alia indifferenter nonnunquam usurpari. Nomina enim quæ noticiam significant, confunduntur in omnibus linguis. Possunt autem omnia hæc ad paucula restringi, nempe ut dicamus, hunc librum conducere ad omnis generis uirtutes, intellectus, & uoluntatis: uel, disci ex hoc libro, cognitionem Dei, quis & qualis, quàm potes, misericors item & iustus sit. Deinde quo pacto nos rebus secundis & aduersis geramus, &c. Eusebius scribit Ecclesiast. hist. lib. 4. cap. 22. Quod non tantum Egesippus, sed & Irenæus, & uniuersus ueterum chorus, Solomonis parabolas sapientiam omnis generis uirtute plenam uocant. Basilii homilia quadam totum hoc proœmium illustrauit.

Quandoquidem uerò breuis hic libellus, qui sacrorum librorum parua pars est, tam uariam ac multiplicem utilitatem continet, facile colligere possumus, quid de omnibus libris ueteris ac noui Testamenti sit sentiendum, quàm sint utiles, quamque perfecte omnia illa tradant, quæ ad salutem nostram pertinent. Aduersarij nostri dicunt non omnia contineri sacris literis, quæ sunt necessaria Christianis: suisq; traditionibus adimplere uolunt, quæ scripturæ defunt. Et sub nomine traditionum nobis obtrudere conantur, quæ ex diametro cum sacris literis pugnant. Sed non adducam nunc elogium illud sacre scripturæ ex 2. epistola D. Pauli ad Timotheum, non alia egregia loca quibus scripturæ utilitas & perfectio asseritur: hoc tantum repeto, Si breuis hic liber tam multa continet, quid dicemus de totis Biblijs, de tot libris ueteris & noui Testamenti? Ad res etiam minutissimas spiritus sanctus in scripturis se demittit. Quis igitur illa quæ ad salutem nostram pertinent, omissa cogitare?

vsus scripturæ, ampliss.

7 Timor Domini initium est scientiæ, uel sciendi: sapientiam & eruditionem stulti despexerunt.

8 Audi fili mi castigationē patris tui, & ne abiicias legem matris tuæ.

9 Nam hæc sunt in capite tuo additamentum gratiæ, & torques circa collum tuum.

Præfationi quæ authorem, argumentum, & usum Libri ostendit, subiunguntur uariæ sententiæ, doctrinæ & exhortationes. Inter Sententias prima hæc est, Sapientiæ initium esse timorem Dei, quæ infra 9. capite repetitur: & in Psalm. 111. fine, atque in Iobo cap. 28. ponitur. Timor autem, ut in scholis distinxerunt, duplex est, Seruilis & Filialis. Seruilis est quo Deum metuimus, ueluti fugitiuus seruus dominum suum. Qualis in impijs, & etiam in cæcædæmone conspicitur. Filialis timor est, quo non tantum metuimus Deum propter peccata, sed etiam amamus ut patrem, & operam damus ne eum offendamus, nosq; ei subiicimus. Hic timor principium est, radix, & fundamentum ueræ sapientiæ. Nam in animam malitiosam non intrabit sapientia, nec in corpore peccatis obnoxio habitabit, Sap. 1. sed apud fideles tantum locum habet. Siracides 1. cap. docet, Sapientiam ex spiritu, & uerbo Dei per fidem hauriri & percipi. At inquis: Multi sunt prudentes & sapientes uiri, qui quantum ex uerbis & factis eorum colligitur, nec Deum curant, nec uerbum ipsius reuerentur. Respondeo, nos hic potissimum loqui de ueræ & cœlesti sapientia, quæ explicat æternum Dei consilium de saluandis hominibus, quæ cognoscimus quis sit Deus, quis homo, quomodo lapsus restituatur. Discimus ex hoc loco, illos qui operam dant cœlesti sapientiæ, in primis aspirare debere ad timorem Dei. Quales sunt theologiæ candidati, iudices, & alij, &c. Qui flagrat cupiditate discendi artificium aliquod, etiam Dei timens sit.

Timor duplex.

Multi sapientes Deum non timeant.

Sunt qui hanc sententiam simpliciter ad hunc modum intelligant: Prima, præcipua & solida scientia, est timor Dei, hoc est, fides, religio, pietas, reuerentia numinis. Nam timere Deum phrasi scripturæ, totum cultum Dei, & iusticiam Deo debitam comprehendit. Pro eo quod Esa. 29. habet, Timuerunt me mandatis & doctrinis hominum: Christus reponit, Frustra colunt me mandatis hominum, Matth. 15. Iuxta hanc sententiam, initium non pro elementis, seu rudimentis: sed pro capite & fine sapientiæ accipitur.

Timor Dei est summa & caput sapientiæ.

Sapientiam & eruditionem stulti contemunt.) Stulti, id est, homines carnales, sapientiæ & eruditioni, uina & farcimina anteposunt. Imitantur Esau, qui ius primogenituræ pul-

Stulti sapientiam contemunt.



mentis permittit. Et si uerò uerbis dicant se diligere sapientiam, operibus tamen ostendunt quòd eam detestentur. Christus etiam stultum illum appellat, qui de dilatandis granarijs, & cellis uinarijs cogitans, animam iubet genio indulgere, Luc. 12. Annon stultus est, qui presentium tantum rationem habet, nec futurorum ulla cura tangitur? Talis fuit Nabal ille, cuius in libris Samuelis fit mentio. Tales erant pharisæi, Ioan. 10. qui Christum contemnentes dicebant, Cur auditis eum? Cæterum illi stultos putant omnes quotquot cum ipsis nolunt insanire, sed genium fraudantes, in æumnis exultant, & se Dei uerbo gubernandos tradunt, rerumq; cœlestium contemplationi uacant. Non autem præter rationem uerbum (despexerunt) in præterito positum puto: nimirum ut significetur, impios nulla adhibita deliberatione statim quod ipsorum affectibus non respondet, reiicere.

Postquam cultum & timorem Dei tanquam fundamentum locauit: mox quàm aptissimè ad officium liberorum erga parentes suos, descendit. Res enim magni est momenti: hinc reipublicæ uel salus, uel perniciēs quòdāmodo dependet. Liberi enim sunt quasi semina reipub. & ecclesiæ. Solomon igitur, uel Sapientia, quin Deus ipse, affatur omnes & singulos liberos blandè & animo uerè paterno, eisq; præcipit ut parentibus suis obtemperent. Audi fili mi eruditionem, uel castigationem patris tui.) Non dicit, Imitare paternum exemplum. Viuendum enim legibus, non exemplis. Et ita ferè comparatum est, ut parentes quantumuis mali, qui multa in iuuentute scelera patrarunt: tamen honesta filiis præcipiant, ac eos quàm honestissimos esse uelint. Tantum decus est uirtutis & honestatis. Quòd si parentes sui officij oblitī, inhonesta filiis imperent, filij non debent obtemperare: sed illis in memoriam reuocare uerbum Dei, & sanctissimi uiri Ionathæ, filij Saulis, exemplum imitari, qui Dauidem de reipub. bene meritum, in patris gratiam nequaquam opprimere uoluit. Sin uerò parentes filiis honesta præcipiant, eis omnino est obtemperandum. Si uerbis uel uerberibus eos corrigant, castigatio illa æquo animo est ferenda.

Legem matris tuæ ne relinquo neq; dimittas.) Ne uocem matris tuæ tanquam delirantis aniculæ contempnas. Magna enim matrum in filios sunt beneficia, quæ alicubi D. Hieronymus recēset his uerbis: Matribus debitam impendite reuerentiam, quæ uobis uteri labore inseruiētes, pondus corporis uestri tolerant, atq; ignotam portantes infantiam, famulatum quendam exhibent nascituris. Illo tempore non sibi tantum mater esurit, nec acceptos sola digerit cibos. Materno uictu alitur, & ille qui latet eiusq; membra alterius comestione pascuntur, ut homo futurus alienis moribus saturetur. Quid ipsa memorem nutrimenta, & teneræ infantia dulces iniurias, quas nutritoris affectus de suis partuulis sumit? Quid cibos in matre confectos, qui fœmineis manantes ex membris lacteum soluuntur in succum, & in fauces in ualidas liquido sapore perfunduntur? Cogente natura sumunt infantes de matre quod bibant, & dente non nato hoc sibi currentibus laboris eliciunt, quod non sit necesse mordere. Seruiunt materna posteris pectora, seruiunt ipsis incunabulis, manus & terga membris deuota lactentium gratos artus accipiunt. Optat mater paruulum crescere, optat citò uidere maiorem. His tot tantisq; præcedentibus factis, matri debet tota alacritate serui. Reddatur naturæ debitum, reddatur & posteris quod debetur. Exolue fili quod debes, & officia debita qualicunq; exhibe famulatu. Quia parentibus nemo potest reddere quod debetur. Hæc uerba Hieronymi propterea annotare uisum est, quòd multæ sententiæ de matribus honorandis hoc libro comprehendantur. Vox ~~uox~~ nataſch significat etiam diruere, euellere. Iere. 23. uersu 19. Derelinquā uel euellā uos. Nam quemadmodū hortulani magna sedulitate plantāt hortos, sic matres liberis præcepta instillant. Ea nē euellas, inquit. Natura etiam inseuit nostris animis, parentes colendos esse. Hinc tam præclara dicta, & tam pulchræ leges extant apud ethnicos, de honore parentibus præstando. Natura docet amare illos, qui nos amant: At nemo nos impensius quàm parentes diligit. Cumq; ætatis prouectioris sint, nobis optimè consulere possunt. Et si uerò morosi sint, cogitandum nihilominus, nobis à Deo magistros esse datos. Rectè dicit muliercula illa apud Terentium: Multa ex quo fuerint commoda, eius incommoda æquum est ferre. Et Mimus, Ames parentem si æquus est: sin aliter, feras. Quod si ipsis præstamus obsequia, Deo præstamus. Idem cogitent uxores, si difficiles maritos, serui, si inhumanos dominos habeant. Qui bene monentem, quisquis sit, contemnit, is profectò Deum contemnit.

Quandoquidē uerò à liberis requirit, ut paternā disciplinā audiāt, & maternā legē non respuāt, una eadēq; opera præscribit parentib, quo pacto erga liberos suos se gerāt. Parentū est liberos erudire, & si peccāt castigare uel uerbis uel uerberib. prout res postularit, ut à teneris discant timere Dominū, cuius præceptum est, ut id faciant. Tradendi sunt etiam in aliorum disciplinam. Dum teneri sunt facile possunt formari, instar arboris teneræ, quæ absq; negotio flectitur.



fecit. Deinde si pueri à teneris rectè imbuantur, semper bonæ institutionis argumenta proferent. Peccatur hac in re multum à parentibus, qui nec ipsi liberos erudiunt aut castigant, nec alios qui hoc faciunt, possunt ferre: sed tantum student cumulandis opibus, quibus ingrati hæredes seipso postea perdant: plura hac de re cap. 4. annotabimus.

Iam *Deuter. 10. 16.* ponit, quod liberos ad obedientiam præstandam inuitet & alliciat. Quia additio, inquit, gratiæ ipsa capiti tuo, & uice torquis erit in collo tuo. Ipsa, scilicet disciplina & lex: uel, Ipsa, hoc est, sunt, uulgari Hebraismo. Spiritus sanctus puerorum captui sese attemperat, qui delectantur rebus splendidibus, quæ homines eis commendant. Mouentur plurimum si obtemperantibus munuscula promittas. Pollicetur itaq; præmia magnifica & splendida.

*Præmia liberorum qui parentibus obtemperant.*

*Disciplina patris, & directio matris, erunt additio gratiæ capiti tuo.* Hoc est, instar coronæ, uel diadematis, ut quidam interpretantur. Vel, addent gratiam & fauorem apud Deum & homines. In magno eris precio atq; exultatione, omnes te diligunt, obseruabunt, & tuam amicitiam expetent. Fauore & gratia pollere, donum Dei præclarum est, quod magnis sæpe uiris negatur. Et quasi torques erit in collo. In rebus pub. bene constitutis, non cuius conceditur aurum & argentum gestare: sed bene meritis & nobilibus tantum. Sensus igitur est: Tu uerè nobilis & generosus eris, ornatus pulchro gestamine, si parentibus obedieris. Experientia docuit hanc sententiam ueram esse: sæpe enim qui parentibus obtemperarunt, multa bona sunt consecuti, ac ad maximas dignitates, & officia promoti. Dicunt illum non bene imperare, qui aliorum imperio parere nesciat. Ex opposito, immorigeri gubernante Deo, arcentur à gubernaculis Reipub. audiunt sæpe, Cum talis in parentes fueris, quid boni à te erit expectandum? Quod si in calamitatem aliquam incidunt, statim dicunt homines, non mirum, impius enim fuit in parentes. Pro torque, catena uel funis, collo ipsorum sæpe iniicitur.

Quidam allegoricum sensum eruunt, per patrem intelligentes patrem cœlestem & spiritualem: per matrem uerò ecclesiam, cuius leges & canones contemni non debeant. Aduersarij nostri, subinde in ore habent, nos sanctæ matris ecclesiæ præcepta reiecisse: hortantur ut ad indulgentissimæ matris gremium reuertamur. Si de uera ecclesia loquerentur, rectè monerent: sed ecclesia illa, de qua ipsi loquuntur, mater quidem est, sed (ut in Apocalypsi legitur) fornicationum. Cumq; ut iniusta nouerca, impia nobis præscribat, ne miretur, se à nobis non obseruari.

*Allegoria.*

10 Fili mi, si incitauerint te peccatores, ne acquiescas.

11 Si dixerint, ueni nobiscum, insidiabimur sanguini, abscondemus nos ipsos contra fontem absq; causa.

12 Deuorabimus eos quasi sepulchrum uiuos & integros, quasi eos qui descendunt in foueam.

13 Omnem substantiam preciosam inueniemus, atq; implebimus domos nostras præda.

14 Sortem tuam proijce inter nos, & marsupium unum sit omnibus nobis.

15 Fili mi, noli abire cum eis in uiam: prohibe pedem tuum à semita eorum.

16 Quoniam pedes eorum currunt ad malum, & festinant ut effundat sanguinem.

17 Quia frustra expanditur rete ante oculos omnis alitis.

18 Ipsi quidem insidantur sanguini eorum, & abscondunt se animabus suis.

19 Sic sunt semitæ omnis qui inhæat substantiæ: nam animam rapiet ab illis qui eam habent.

His decem uersibus Solomon iuuenes admonet, ut à societate malorum, in primis uerò scitiorum, sibi caueant: neque blandis ipsorum sermonibus capi se patiantur, ut alios lædant. Vtilis autem & necessaria est hæc exhortatio. Nam hoc est sceleratorum hominum ingenium, ut alios quoque in scelera pertrahere nitantur. Latro cuperet multos esse latrones. Meretrix alias etiam fœminas ad flagitium allicit, ut minus sibi turpe sit quod lera trahi se facit. Deinde natura nostra uitio originis ita deprauata est, ut sponte ad quæuis mala feramur. Quemadmodum fomes facillè ignem cõcipit: ita nostra natura facillè ad scelera impelli-

*Admonitio, ne quis peccatorum blanditijs ad scelera trahi se patiatur.*



**Continua-** tur. In primis autem adolescentes prauis sermonibus & exemplis facile corrumpuntur (id  
**tio.** quod in bene institutis sæpe experimur) necessaria igitur est hæc parænesis. Optimè autem  
superioribus annectitur. Doctrinā enim, quā parentes liberis instillāt, corrumpūt peccatores.

Principio in genere, blandè singulos compellans, *Eli mi*, dicit, *si te peccatores lactauerint.* incitarint, uel blandis uerbis tibi suaserint (id enim significat פתח pathah) scilicet ut uestigijs ipsorum insistas: ne consentias eis, nec sinas te adulatione ad peccandum induci. Mox descendens ad speciem, exemplum addit de latronibus, prædonibus, pyratibus & id genus hominibus. Peccatores enim hoc loco non tales præcipuè intelligendi uidentur, quales omnes mortales sunt: sed prorsus impij, & uacui timore Dei. Quales fuerunt illi qui Act. 2. cap. ἀνομοί, & passim in Euang. hist. ἀμαρταλοί uocantur, & cum publicanis plerunq; coniunguntur. Imitatur eorum sermones, ponit illa quibus incautos ad peccandum alliciunt. Quæ omnia ideo tam diligenter exprimuntur, ut audientes eò cautiore simus, nobisq; ab illis diligenter caueamus. Cogitanda hic sunt etiam alia argumenta, quibus nos mali illi consiliarij, in suum consortium pertrahere nituntur.

**Ratio à spe** 1. Prima ratio petitur à tuto. Promittunt eis quòd non retegenda sint, quæ faciunt. Ex insidijs, inquit, adoriemur homines, abscondemus nos: si quis nos tales esse dicat, negabimus & pernegabimus. Pudor & metus homines retinent, quòd minus in uitia prolabantur. Indidit enim nobis Deus semina pudoris, quibus ceu retinaculo & freno quopiā nos cohibeat. **occulandi** Multi sunt, qui nisi timerent ne manifestarentur quæ libenter patrant, nullis exhortationibus à sceleribus possent reuocari: sed metu impediti utcunq; officium faciunt. Cogitandum erat, & si homines fallas, & in numerum bonorum uiro-  
**Deus om-** rum colloceris, Deum tamen non poteris fallere. Imitandum erat saltem pigri & desidiosi serui exemplum, qui præsentem Domino sedulus est. Deum habemus inspectorem nostrorum operum, is semper præsens nobis adest: piè itaq; uiuamus, & caueamus nobis à sceleribus. Tamen si uerò ad tempus scelera non prodantur, nondum tamen homines pœnas effugerunt. Pulchrè Aufonius dixit:

” Turpe quid ausurus te sine teste time.

Hæc uerba: *Contra infontem, absq; causa, uel frustra,* quidam per parentheses includunt, & non latronum, sed scriptoris esse dicunt: ut hic sit sensus: Frustra uobis sceleris impunitatem promittitis, quia innocentem sanguinem funditis: res palam fiet, & pœnas debitas luetis. Germani prouerbio dicunt: Nullum latrocinium celari posse. Experientia docuit, latrones prodi improviso & mirabili interdum indicio. Seipso nonnunquam prodiderunt. Alicubi factum est ut latrones seipso tormentis subijcerent, & explorarent qui nam continenti essent lingua, & proinde ad latrocinia idonei: sed postea comprehensi à magistratu, qui antea reliquis patientiores fuerant, scelus priores confessi sunt. Extant multa exempla de alijs quoq; sceleratis hominibus, qui uel nouo quodam & admirabili casu, uel suo ipsorum indicio proditi, scelerum pœnas dederunt. Vel uerba etiam sunt latronum, *Contra innocentem gratis:* hoc est, illum qui nos neq; uerbo neq; facto læsit. Tales enim homines, alios ex suo ingenio metiuntur, non metuunt insidias, ideoq; facile opprimuntur. Vitam autem ei ideo eripiemus, ne nos accusare & in ius trahere possit. Græci dicunt, οἱ τεθνῆκότες ἂν ἀκύνουσιν, Mortui non mordent.

**Ratio à fa-** 2. Secunda ratio petitur à facili. Difficultas rei multos à flagitijs reuocat. Quòd si uideāt rem  
**cili.** facile absq; magno labore & molestia confici posse, scelus patrāt. *Deuorabimus eos*, inquit, *uiuos instar inferni seu sepulchri, & integros, ut qui descendunt in foueam,* hoc est, nullo negotio illos perdemus: nō metuendum nobis est, ne ab ipsis malum aliquod accipiamus. Rei facilitatem duabus similitudinibus exprimit. Quemadmodum de Dathan, Core & Abiron, Num. 16. legitur, quod à terra cum omnibus suis absorpti sint, & in infernum descenderint: & quemadmodum in sepulchrum cadauera integra conduntur, ita totos perdemus, ut nullum uel indicium superfit. Quemadmodum nihil tale expectantes facile in foueam aliquam protruduntur: ita nos illos è medio tollemus. Possent hæc etiam ad superiorem rationem reduci: Non membrò mutilabimus, aut uulnerabimus eos: sed subito & integros perdemus, ne malitia nostra prodatur.

**Ratio ab** 3. Tertia ratio ab utili sumpta est, quæ ratio ad persuadendum maximum habet momentū.  
**utili.** Nullæ honestæ rationes admittuntur, si quæstum uideantur impedire. Multi opes cōquirere parant quibuscunq; uijs possunt. Solliciti sumus omnes, de comparandis necessarijs uitæ. Iuuenes habere cupiunt quod in aleam, scorta, comotationes profundant. Si nunc spes sit, se posse opes cōgerere, nihil non audent. Notum est ex historia Salustij, Catilinam hac ratione multos sibi deuinxisse. Dicunt igitur, *Omnis generis preciosas & sufficientes opes reperiemus, & implebimus præda domos nostras.* Non tantum comparabimus uitæ necessaria, ut habeamus cibum, potum, uestitum, domos, supellectilem necessariam: sed etiam quæ ad splendorem & luxum faciunt.



faciant. Honorificum est omnis generis opes habere & domum plenam: sed cogitandum uicissim erat, quàm infelices essent opes, quæ ex præda colliguntur. Prouerbio dicitur: Malè partum malè disperit. Hac de re plura in hoc libro dicemus. Permissum quidem est opes colligere: sed uidendum est quomodo colligamus. Addunt, *Sortire tu nobiscum*, Vnum erit omnibus nobis marsupium.) Sensus est, Si placuerit statim prædam diuidere, ut creditoribus satisfacias, & in alios usus pecuniam conferas, bona fide tecum agemus, sortibus prædam partiemur: non diuidemus rapinam, quemadmodum leo cum asino & uulpe in Apologo diuissse dicitur. Quod si consilium est, diutius nobiscum morari, communia erunt omnia, dum uel obolus superfuerit, tua portio tibi cedit. Laudatur in coniugibus, si unum marsupium habeant.

Grauem admonitionem subtexit Solomon. *Tu autem, fili mi, ne ab eas cum eis in uia: quin potius arce to pedem tuum ab ipsorum semita.*) Hæc simpliciter intelligi possunt, ne iter quidem ingredien dum esse cum huiusmodi sceleratis hominibus, nullam cum ipsis contrahendam esse amicitiam aut familiaritatem, sed fugiendos esse. Apud Græcos quoq; prouerbialis est uersiculus, *ἡανῶ σου ἀπὸ τοῦ ἀνδρὸς ὁ ἀνὴρ*, multo minus mensa tectōue communi utendum. Deinde uia Hebraica phrasi (quæ sæpe in scripturis occurrit) rationem & institutum uitæ significat, mores, negotia: breuiter, quicquid agimus. Sensus itaq; erit, non imitandos esse mores ipsorum, non esse cōmunicandum cum eis, etsi multi sint, & ad tempus felices. Eandem rem mutatis uerbis bis dixit, ad maiorem uehementiam. Sunt autem *παλιόλοι* illæ crebræ in sacris literis.

Rationes nunc addit. *Pedes enim ipsorum ad malum currunt.*) Quod bifariam intelligi potest, actiue, ut loquuntur, & passiue. Festinant enim ut malum alijs inferant. Hoc quod faciunt, licet ipsi extendent, tamen malum est. Speciem mali exprimit: currunt ad fundendum sanguinem, à quo etiam natura abhorret. Vide infra 6. cap. Festinant item ad malum, hoc est, ad exitium quod propter fustum innocentem sanguinem, & in hac & in futura uita eis impendet. Sceleribus enim proditis, pœnas dant. Quod si non agant pœnitentiam, firmiter stat illa sententia, Nullus homicida ingreditur in regnum Dei. Rem similitudine exornat. *Certe frustra extenditur rete ante auiculas.*) Stultæ auiculæ cibi auuiditate etiam ad retia aduolant, & escam dispersam comedunt, cumq; minimè putant, retium complexu implicatæ iugulantur, & parantur in cibum: sic homines scelerati cum maximè securi sunt, & genio indulgere uolunt, ex improviso opprimuntur. Est autem impiorum hoc ingenium, ut tunc maximè securi sint, quando in maximo discrimine uersantur. Huius rei multa exempla suppeditat scriptura, ueluti de primis hominibus, qui diluuii perierunt, de Sodomitis, Babylonijs, Iudæis. Christus etiam nouissima tempora uetustis illis Noe & Loti similia fore, extremamq; illam diem tanquam laqueum uenturam prædicit, Luc. 21. Idem Paulus scribit 1. Thess. 4. cap. Quod si impij tibi multas uoluptates, & aureos montes promittant, succurrat hæc admonitio: Cogita tibi parari insidias: cogita imitatione uocis auiculas illici & capi. Sunt quibus hic sensus magis ardeat: Auiculæ non accederent si uiderent retia spargi: aucupes igitur abscondunt ea, escam proijciunt, illectrices aues adhibent, interim uitæ ipsarum insidiantur: sic illi dicunt, ultionem non sequi, seq; posse celare factum: sed tu præmonitus malorum insidias effugere debes.

Subiungit aliam rationem. *Illi ipsi insidiantur sibi mutuò, & alter alterius uitæ inhiat.*) Periculosa est illorum hominum amicitia, etiam hanc ob causam, quod sese mutuò conficiant. Aliquando abutuntur opera alicuius ad iugulandum alios: mox cum alicuius lucelli spes affusserit, contra ipsum insurgunt. Nam quid tibi de illis pollicearis, qui obuium quemq; spe pecuniæ comparandæ interimunt? Aristoteles tradit, referente Stobæo, sermone 10. de auaritia, octo latrones socios de spolijs inter se certasse, & quatuor eorum cæsos esse. Postea reliquos quatuor rursus inter se certasse, & reliquos factos esse duos, tandem unum solum superstitē mansisse. Deinde cum putent se alijs insidiari, tamen sibi ipsi miseri insidiantur.

Claudit nunc hanc exhortationem sententia generali, seu epiphonemate. Non solum qui propter auaritiā cædes faciunt, se ipsos perdunt: sed *Omnis auarus qui alienas opes appetit, animam suam capit.*) hoc est, magnis malis se implicat, ac tandem in interitum prolabitur. Auaritia capitalis hostis, aufert animam illorum qui ea occupati sunt. Vel simplex hic sensus est: Qui lucro inhiat, dant operam ut thesaurum possidentes interimant.

Quamquam uerò hoc loco potissimum de latronibus & prædonibus agatur, tamen hæc doctrina uelut *παράδειγμα* nobis esse debet, contra omnis generis prauos homines, & sermones pestilentes. Si improbi homines ad falsam religionem, si ad illicita bella te instigent, & illa ipsa quam hic audis Rhetorica utuntur, subeant in mentem uerba sapientiæ. Si usurarij, aleatores, potatores, scorta & alij scelerati homines, tibi persuadere uoluerint, ut societatem cum eis ineas, & his latronum atq; alijs id genus argumentis utantur, seq; ad affe

ctus



Etus tuos attemperet, suspecta tibi sit illa blandiloquentia: Multitudine quoq; & fortuna impiorum ne mouearis. In conspectu habeto uerbum Dei, minas, promissiones, exempla: cogita quò tandem hæc omnia euadant, Deumq; ora ne in casses ipsorum incidas.

20 Sapientia foris clamat, & in plateis edit uocem suam.

21 In capite (platearum) ubi turbæ sunt, clamat: in ingressu portarum, & in ciuitate loquitur uerba sua.

22 Quousq; simplices diligitis simplicitatem, & derisores illusionem sibi uendicant, atq; stulti oderunt scientiam?

23 Conuertimini ad correptionem meam: ecce proferam, uel, scaturire faciam, uobis spiritum meum, & faciam uos scire uerba mea.

*Sapientia hortatur omnes ut se recipiant: pœnam im-morigeris minatur.* His & proximè sequentibus uerbis, usq; ad finem capitis, æterna sapientia queritur, quòd nihili fiat ab hominibus, quibus interim se sponte offert: pœnamq; illis denunciat, qui ipsam respuunt. Hæc doctrina ualde accommoda est nostris temporibus. Multi enim queruntur, uarias esse opiniones de religione, seq; incertos esse quam sequantur, propterea se expectaturos, donec ipsis doctoribus de religionis negotio inter se conueniat: sed præsens locus eos egregiè confutabit. Nos ordine considerabimus, quid per sapientiam intelligendum sit, ubi & quibus se aperiat, quomodo item & quid loquatur.

*Sapientia quid.* Per sapientiam intellige uerbum Dei ueteris & noui Testamenti. Ponitur autem hæc uox in plurali numero, quia multiplex sapientia sacris literis continetur, præsertim uerò quomodo uita æterna potiamur. Vel, cum antiquis patribus, ipsum Christum filium Dei intellige, qui nobis à Deo patre factus est sapientia, iustitia, sanctificatio, & redemptio. 1. Cor. 1. in calce. Ad Col. dicitur, in eo reconditos esse omnes thesauros sapientiæ & scientiæ.

*Sapientia obuia illis qui audire eam uolūt.* Porro hæc sapientia clamat in uicis & plateis, in conuenticulis hominū, ad portas ubi iudicia exercebantur: breuiter, per totam urbem sapientia personat. חמיוח homioth substantiuè, turbarum: uel adiectiuè sine substantiuo, obstreperorum, scilicet locorum, ubi multi confluunt, usurpatur. Vox clamandi, feruorem & sedulitatem denotat. Sapientia non remissè, nò occultè, sed palàm & disertè loquuta est, ut nemo sit qui se excusare possit, quòd uocem hanc non audierit. Hæc uox רנן ranan significat etiam canere. Christus enim suauiter loquutus est: Cecinimus uobis, &c. Christus æterna sapiētia uetustis patribus, sæpe angeli forma assumpta, (quemadmodum ueteres ecclesiæ doctores testantur) apparuit, & cum eis colloquutus est. Misit eis prophetas, per Mosem legem eis tradidit, cuius notitiam uulgò notam esse uoluit: recitabatur enim in cōuentibus populi, quemadmodum ex historia Nehemiæ, & Deut. cap. 6. liquet. Regibus quoq; mandatur ut legem diuinam in promptu habeant. Prophetæ legem publicè exposuerunt. Singulis quoq; sabbatis Leuitæ in synagogis uerbum Dei tractabant. Sacrificia quotidie Hierosolymis offerebantur, quæ Christi uenturi erant memoracula. Igitur in ueteri populo sapientia cœlestis fuit uulgaris & publica.

*Sapientia clamat in nouo populo.* In nouo populo melius id conspicitur. Christus ipse euoluto fatali tempore, factus est interpres sapientiæ & consilij Dei. Cum duodecim esset annorum, in templo Hierosolymis, inter doctos sedit, & scripturas cum eis contulit, ita ut omnibus ob singularem & eximiam sapientiam admirationi esset. Postea euolutis aliquot annis, hinc inde in synagogis, & alijs locis, confluentibus hominum turbis prædicauit: cumq; mox supplicium crucis subiturus esset, in templo Hierosolymitano publicè frequentes sermones habuit. Ioan. 7. in celebri Scenopægiæ festo dicitur clamasse: & cap. 12. quando ultimam ad proceres & plebem cōcionem habuit. Proinde cum uinctus ad Caiapham duceretur, Ioan. 18. & ab eo de discipulis & doctrina interrogaretur, ei respondit: Ego palàm loquutus sum mundo, ego semper docui in synagoga & templo, quòd omnes Iudæi conueniunt: & in occulto loquutus sum nihil: simulq; ad suos auditores eum remittit. Non autem contentus fuit, aliquot annis docuisse diligenter & assiduè: delegit etiam Apostolos, quorum opera in spargenda doctrina Euāgelica per totum terrarum orbem uteretur. Cumq; primum eos ablegaret, iussit ut quæ in tenebris ex se audiuisent, palàm docerent, & quæ in aurem dicta erant, in tectis, hoc est, publicè prædicarent, Matth. 10. Delegit etiam præter illos, uiros 70. quibus docendi functionem mandauit. Post resurrectionem suam, duodecim suos Apostolos (in Iudæa enim locum postea Matthias surrogatus est) in totum terrarum orbem ablegauit, Marc. 16. Mox Paulum etiam eis adiunxit, cuius fidei & indefessa opera Euangelium longè lateq; propagatum est. Atq; sic sapientia illa quæ se hæcenus in Iudæa potissimum finibus continuerat, ad gentes quoq; dimanauit. Et foris, hoc est, inter gentes quoq; Euangelium prædicatum est.



Post ætatem Apostolorum excitauit Deus alios quoq; insignes episcopos (Deus enim ecclesiæ suæ dat doctores, Eph. 4.) qui doctrinam illam ueritatis ac sapientiæ proponerent. Clamarunt illi diu, ita ut tandem clamore suo molesti essent hominibus, qui adulatores sibi quæsierunt, ut prædixit Paulus, qui aures eorum titillarent. Deus igitur famem uerbi sui hominibus immisit: quemadmodum parentes solent, si liberi saturati, panem pedibus conculcant. Nam hinc inde non paucos errores emergere passus est, donec tandem fatalibus annis elapsis, Antichristus in ecclesia cœpit dominari, & sapientiam Dei pedibus conculcare: ut non tam publica esset Dei noticia, quàm fuerat melioribus illis temporibus, quibus laici etiam sacras literas legebant. Misertus tandem nostri Deus, excitauit homines doctos & fortes, per quos detexit fraudes Antichristi. Clamat nunc denuò per omnes plateas uox sapientiæ cœlestis publicè: sacri libri laicorum manibus teruntur: errores deteguntur, ita ut nullus ferè sit cui non peculiaris libellus sit oppositus. Per diuinum chalcographiæ inuentum, illis quoq; in locis, in quibus Euangelij uox publicè non sonat, homines erudiuntur. Quemadmodum ægrotis uarij cibi proponuntur, & uarijs etiam rationibus ad eundem pelliciuntur: ita Deus uarijs rationib. uerbum suum prædicari finit, & homines ad se uocat, ita ut nullus excusationi locus relinquatur. Intelligimus itaq; nunc quid sit quod dicitur sapientiam clarissimam uocem edere in plateis, compitis, & circulis hominum.

Sapientia  
hodie cla-  
mat.

Audiamus nunc quid, quomodo, & ad quos clamet aut loquatur. Vocat omnes homines, excludit neminem. Qui musica & geometria non essent initiati, non admittebantur in scholam Platonis: cuius hanc ferunt fuisse inscriptionem: ἀγεωμετρὸς ἰδεῖν εἰσὶν ἀπαγορεύεται: at sapientia diuina, etiam paruulos non excludit. Per admirationem illos alloquitur, & obiurgat, qui sapientiam cœlestem non audiunt. Quorum tria genera ponit. Primum est simplicium & imperitorum, qui ab astutis & uersipellis faciliè in errores pertrahuntur. Quousq; simplicitatem, uel stoliditatem diligitis? Quando tandem depositis erroribus, in quibus hætenus uersati estis, & relicta malitia, in uiam redibitis? Alterum genus est illusorum, qui non modo uerbo Dei non credunt: sed pro ridiculo habent, quæcunque de Deo, de fine mundi, de finibus bonorum & malorum dicuntur. Quidam uocem עֲלִיזִים lezim, deriuant à עֲלִיזִי luz, qui quod significat interpretari: de singulis enim rebus, suum iudicium possunt interponere: concionatorum uocem, & gestis imitari. De his dicit sapientia, Quousque derisores & superbi illi subsannatores sibi illusione placebunt, & bene monentes contemnunt? Tertium genus est pestilentissimum: nam non tantum friget, & uerbum irridet: sed etiam ardet odio Euangelij: hucq; tendit, ut sapientia cum omnibus suis professoribus & sectatoribus, pedibus conculcetur. His dicit, Quousque stulti scientiam odio habebunt? Quemadmodum uerò omnibus seculis, omnium horum generum maximus repertus est numerus: ita hodie quoque magna est illorum turba, quibus sapientiæ hæc uerba sedulo & diligenter inculcanda sunt. Tribuant autem sibi magnificos titulos licet, tamen stolidi, irrisores, & fatui à scriptura appellantur.

Sapientia  
increpat  
homines.

Illusores  
qui.

Discimus exemplo sapientiæ homines interdum obiurgandos esse: cæterum non satis est obiurgare aliquem, & ostendere in quantis erroribus uersetur, nisi etiam ostendamus, quomodo ab erroribus liberari possit. Subiicit igitur, Resipiscite ad corruptionem meam. Vos qui sedusti estis, quiq; alios seduxistis, agnoscite uestros errores & impietatem, agite pœnitentiam, conuertimini toto pectore ad Deum, & deinceps cauete uobis, ne uerbum fastidiatis, subsannetis, & odio habeatis. Cogitate quàm periculosum sit benemonentem contemnere. Tales exhortationes ad pœnitentiam, in sacris literis multæ leguntur.

Sapientia  
reuocat ho-  
mines in  
uiã, & suã  
opem eis  
promittit.

Subiungit amplissimam promissionem. Depromam uobis spiritum meum, manifestabo uobis uerba mea. Vtrò offert nobis spiritum suum, hoc est, uoluntatem, consilium, atque adeò spiritum sanctum, qui fidem in nobis accendat nosq; ad omnia bona opera idoneos reddat. Vox Hebræa נָשָׂא naba, significat bullire. Promittit igitur quòd ἀφθόνως & largiter effundere in nos uelit, spiritus sui dona. Sæpe autem in scripturis gratia spiritus sancti, per aquarum metaphoram significatur. Verba mea uobis manifestabo, hoc est, res meas, meamq; mentem uobis aperiam: omnia illa inquam quæ uestra scire refert. Homines enim suis uiribus inuestigare hæc nequaquam possunt, Iob. 38.

Spiritus sa-  
pientiæ.

Si nũc cū his cõferas, quæ æterna Dei sapiẽtia, Christus, cõcionatus est, omnia erũt euidentiora. Prima eius cõcio extat Mar. 1. cap. ubi dicit: Cũ Ioã. Baptista cõiectus esset in uincula, uenit Iesus in Galilæã, prædicãs regnũ Dei, & dicẽs: Impletũ est tẽpus, instatq; regnũ Dei, resipiscite & credite Euãgelio. Socordiã hominũ nõ semel infectatus est. Matth. 11. cap. oēs qui onerati sunt, amiccẽ ad se uocat. Ioan. 7. in celebri festo iubet ad se uenire qui sitiũt, & aquã spiritus



sancti ad uitam æternam ebullientem promittit. Sic Luc. 11. Spiritum sanctum orantibus promisit.

*Querela  
hominum.*

Magna itaq; est illorum hominum ingratitude, qui in tanta opinionum de salute hominis diuersitate, quid sequi debeant se incertos esse uociferantur. An' non sapientia Dei clamat in omnibus plateis? An' non Christus ipse hinc inde apud Euangelistas perspicuè salutis negotium exposuit? Non est quod hominibus qui lubricæ sunt fidei, hac in parte credas: amplectere doctrinam filij Dei, qui te non faller, quiq; sponte suam tibi operam pollicetur, teq; ad sapienter uiuendum inuitat. Quomodo sese in extremo illo iudicio excusabunt, qui contra conscientiam, in peruersa doctrina & uita scelerata pergunt: nec ueritatis uoce clarissima reuocari possunt à proposito? Quiq; asinos rudentes audire malunt, quàm suauissimam sapientiæ uocem? Ne sit tibi molesta uox illa sapientiæ, quin Deo age gratias, quod denuò in tenebris densissimis eam sonare uoluit.

24 Propterea quòd uocaui, & uos renuistis, extendi manum meam, & nullus est qui aduertit.

25 Irritum fecistis omne consilium meum, & correptionem meam non uoluistis.

26 Quare & ego ridebo in contritione uestra, & subsannabo cum uenerit timor uester.

27 Cum inquam uenerit, uelut uastitas id quod metuistis, & interitus uester quasi procella irruerit: cum uenerit super uos tribulatio & angustia.

28 Tunc inuocabunt me, & non exaudiam: mane quærent me, & non inuenient me.

29 Eò quòd oderunt scientiam, & timorem Domini non elegerunt.

Diximus sapientiam Dei, hoc est, ipsum Dei filium Dominum nostrum Iesum Christum, in foro, plateis, & conuentibus hominum clamare, & expostulare cum ipsis, quòd sapientiam non modo non curent, sed & irrideant, atq; odio habeant: promittere item amplissima, si resipiscant. Iam deinceps iterum sequitur quibus beneficijs sapientia homines affecerit, & qua pœna ingratos afficere uelit. Vt paucis rem comprehendam, Magna, inquit, uos mala circumuenient, ex quibus explicare uos non poteritis. Hæc doctrina non ad hunc uel illum populum, nec ad hoc uel illud tempus duntaxat pertinet: sed communis est omnium locorum & temporum. Profectò si uitam nostram, studia & mores, priuatim & publicè cum his uerbis sapientiæ conferamus, uidebimus Deo iustissimo aliquando rationem à nobis reddendam. Verba ipsa, quæ magni momenti sunt, ordine expendamus.

*Vocatio.*

Vocaui uos, inquit, & renuistis, recusastis uel nolulistis. ) Hoc uult dicere, Vocaui ad me fontem salutis, omnes qui sitirent, sed uos ex quauis lacuna mauultis bibere: salutem non mihi, sed nescio quibus fertis acceptam. Lucæ 14. ad cœnam magnam & opiparam multi uocantur, sed omnes ordine se excusant. Quotidie nos Deus uocat, quemadmodum Adamum fugientem uocauit: usurarium, scortatorem, ebrium uocat, quòd ruitis uos miseri inquit? Concionibus, prodigijs, pœnis, & alijs rationibus uocare nos non definit, sed uocatio illa & priuatim & publicè contemnitur. Multi sunt qui rarò aut nunquam ad cœtus sacros ueniunt, &c. Est etiam specialis uocatio, præter illam generalem, in qua homines sunt socordes.

*Manu ex-  
tendere quid  
significet in  
scripturis.*

Extendi manum meam, & nullus est qui aduertat. ) Isa. 65. dicit Deus, Extendi tota die manus meas ad populum rebellem. Qui silentium indicunt, manus extendunt. Sic in Actis Apostolorum 21. cap. scribitur D. Paulum Hierosolymis à Iudæis captum, & miserè tractatum esse, accurrisse tribunum Lyfiam cum suis militibus, eumq; eripuisse. Postea Paulum petiisse dicendi facultatem sibi concedi, qua impetrata, annuit manu ad plebem ut silerent, & attentè ausculta- rent: mox de suis rebus orationem habuit. Hoc igitur sapientia uult dicere, Petij silentium, uolui uos alloqui, sed nemo mihi auscultauit. Excitastis magnos tumultus, ne uox sapientiæ audiretur. Si quis pseudopropheta uel nugator, de rebus falsis & nihili dicturus processit, statim aures arrexistis. Deinde manum extendere, significat opem alicui ferre, beneficia con- ferre. Multa & magna inquit beneficia in uos contuli, obuijs ulnis uos excipere uolui: sed at- tendere nolulistis. Manum extendere, significat etiam potentiam miraculis declarare: multa autem stupenda opera Christus edidit, quibus homines ad se uocauit, at illos nihil permo- uit. Manum extendere significat etiam punire, uelut Isaïæ 14. & 31. Si afflictiones uobis im- misi, & more patris uos castigauit, ut in uiam reuocarem: deteriores facti estis, tantum abest ut de uita rectè instituenda cogitaueritis: sed de hoc iam mox sequetur. Tertullianus in libro contra Iudæos, Ambrosius & alij patres, ad crucem Christi referunt, in qua Christus expansis mani-



manibus genus humanum ad se inuitauit. Porro si quis quærat cur non interius omnes mouerit, & ita suaferit, ut persuaderet, cum Augustino dico, ut doctiorem quærat qui hanc quæstionem ei explicet. *Omne consilium meum neglexistis.*) Bona uobis dedi consilia in uerbo meo, ostendi quid faciendum esset, si huius & futuri seculi pœnas subterfugere uelletis: sed irrita fuerunt omnia. Suspecta uobis fuerunt omnia consilia mea. Vestra consilia approbastis, fœdera pepigistis, collegistis pecuniam, ut muniti essetis contra omnem fortunam. Stultis illis consilijs regiones & urbes seruari posse putastis. Infelices illas esse respublicas & diu stare non posse, quæ consilijs uerbi diuini obtemperarent. *Inreparationem uel correctionem meam nolulistis.*) Quando per uerbum meum, impietatem & scelera uestra reprehendi, contempsistis & sannis exceperistis me. Si uirgam adhibui instar ludimagistri, nunc famem, nunc pestem, nunc bellum uobis immittendo, nunquam de emendatione uitæ cogitastis: sed mox ad intermissa aliquandiu scelera rediistis. Nec plus uos hæc omnia mouerunt, quàm si pertinax aliquis puer uirgis cedatur. Nostrum est officium, ut nunc unusquisque ad hæc uerba diuinæ sapientiæ, mores & studia diligenter exigat, & expendat num etiam in contemptorum sapientiæ numero reperiatur. Quodd si in illorum numero non es, Deo gratias age, eumq; precare, ut deinceps etiam te custodiat. Quodd si similis hætenus fuisti contemptoribus illis, fatere culpam, pœnitentiam age, & sapientiã amplectere.

Iam quæ pœna eos maneat ob tantam ingratitude & contumaciam, subiungit. *Etiam ego in interitu uestro ridebo, & subsannabo cum uenerit timor uester.*) Ego par pari uobis referam. Cum uestris commodis consularem, uosque redarguerem, contempsistis & irrisistis me: ego itaque ridebo ad perniciem uestram, & insultabo uobis, nullaq; utar misericordia, si uenerit timor uester, hoc est, si euenerit id quod timebatis. Metuistis ne aures præbendo cœlesti sapientiæ, opum iacturam faceretis, uel uitam denique amitteretis: ad hæc omnia incurreris. Vel simpliciter: Pœnam debitam quam meruebatis, uobis immittam. Faciam uos fabulam, omnibusq; irridendos tradam, dicent uos his & longè atrocioribus supplicijs dignissimos fuisse. Si calamitas nos excipiat, leuamento nobis est, si homines testentur suum dolorem, & consolationes afferant: sin uerò hostes nostri, uel quos hætenus in amicorum numero habuimus, naturam quodammodo exuentes, nobis insultent, magnum nobis hoc adfert dolorem. Medea apud Euripidem dicit:

*ὁ γὰρ γελοῖον τὸ πλεῖστον ἐξ ἐχθρῶν φίλοι:*

Populus Israeliticus in captiuitatem Babylonicam tractus, inter alia in primis queritur, se à Babylonijs hostiliter irrideri. David de hoc dolore in Psalmis conqueritur. Inter acerbissimos dolores quos Christus nostra causa pertulit, sarcasmi commemorantur. Pios homines multum etiam hodie mouet, si in tormentis impij obijciant, Vbi est fides tua? Vbi Christus quem tantopere prædicabas? Solent enim Papistæ Euangelicos irridere, si eos uincant prælijs, si spolient opibus, si in exilium pellant, si ad supplicia trahant. Quoniam uerò hoc pijs maximum dolorem affert, quid de impijs sentiendum qui uera & interiore consolatione destituti sunt? Grauiissimam igitur pœnam sapientiæ contemptoribus minatur. Vel deridere & subsannare sapientiæ, est consilia irrita reddere. Sic Psalmo 2. Deus potentum conatus & consilia ridere dicitur: hunc sensum sequutus est Pellicanus. Impij non tantum negligunt & contemnunt uocem sapientiæ, sed rident etiam. Hebraica uox significat non solum subsannare, sed blâse loqui, balbutire. Solent autem Epicurei per contemptum in concionatoribus uitia linguæ, si quæ habent, imitari. Dicit itaque sapientia ipsos quoque irridendos & contemnendos esse.

Sequenti uersu duabus similitudinibus ostendit, quomodo malis implicandi sint. Primum dicit, id quod metuerunt, ueluti uastitatem uel desolationem, uenturum. Quemadmodum in bello, hostili impetu amœnissima oppida subito euertuntur, cultissimi horti uastantur, omnia sanguine & rapinis miscentur: ita subitus & improuisus erit contemptorum sapientiæ interitus. Hæc uox *קָוָה* schaah etiam tumultum significat: solent autem tumultus subito oriri in plebe. Sunt qui exponant, *Cum uenerit tanquam inundatio aquarum, uel tempestas.*) quæ repente magno fragore & impetu uenit. Vel, sicut clamor aut uox, hoc est, repente & subito. Quocunq; modo sumas, idem erit sensus. Pertinet igitur hæc similitudo sicut & posterior, ad duo. Ostendit enim subito pereundū impijs, quādo nihil tale suspicatur: sed securi multos adhuc annos, & uoluptates sibi pollicetur. Sic rex Balthazar in luxurioso cōuiuio in maxima securitate oppressus est. Diuiti illi securo in Euāgelio dicitur, Hac nocte repetet à te animā tuā, & bona tua cuius erūt? D. Bernhard. addit, Et tu qui ea collegisti, cuius eris? Multò grauius est subito & de improuiso opprimi, quàm paulatim. Quemadmodū cœlū nimbos subito effundit, & torrentes in montibus crescūt: ita subito ira Dei capitibus illorum ho-

*Pœna contemptorum sapientiæ & uerbi Dei.*

*Sarcasmi hostium.*

*Repentinus impiorum interitus.*



Impij malū  
nō possunt  
propulsa-  
re.

minum imminet. Deinde ostendit hæc similitudo magnitudinē mali, & quod ex eo emer- gere nulla ratione possint. Aquarum periculum maximum est: torrentes si crescunt, trahunt lapides, pontes, molas, arbores, nemo est qui aquarum impetum cohibere possit. Ita illi nul- lis consilijs, maxima hæc mala diuinitus immissa effugient. Apud prophetas aliam legis simi- litudinem à cera sumptam. Quemadmodum cera si igni admouetur, statim nulla est: ita im- pij quantumuis feroces sint, & inuicti uideantur: tamen Deo nequaquam possunt resistere. D. Paulus in priore epistola ad Thess. similitudine à prægnaantibus sumpta, hanc impiorum sortem exprimit. Prægnaantes sæpe à mensa surgere coguntur ut pariant, quando minimè pu- tarant: nec pariunt sine maximo dolore: ita impios quantumuis fremant, mala non leuia su- bitò apprehendent.

**Turbo.** Altera similitudo sumpta est à uento. *Interitus uester quasi turbo irruet*, inquit. Turbo est uentus repentinus, obiecta quæq; deturbans atq; prosternens. Hebraicè טורבן suphah à טורבן suph, id est, consumendo dicitur, eò quod citò obiecta cōsumat & dispellat. Isaia 17. de exercitu Sena cheribi scribitur, quod nullo negotio delendus sit, & in fugam uertendus: Fugabitur inquit, quasi stipula montium ante uentum, & sicut stipula ante turbinem. Hostes, stipulæ: furor di- uinus, turbini, alibi igni cōparatur. Eadem similitudine in lib. Job. 21. cap. ostenditur, impios à Deo facile perdit: Erunt, inquit, sicut scenum ante uentum, & sicut gluma quam furatur tur- bo. Sæpe hæc allegoria uel similitudo in scripturis ponitur, ut Ier. 23. &c. ad describendum fa- cilem & subitum interitum hostium Dei. Quanta uehementia sit uentorum, quàm subitò ar- bores euellant, ædificia deiiciant, naues euertant, experientia nos docet. Vide cap. 10. uers. 25.

*Tunc inuocabunt me, & non exaudiam, &c.* Heterosis est personæ, pro inuocabitis me. Dedigna- tur enim sapientia impœnitentes amplius familiariter alloqui. In tantis malis cōstituti, cum uidebunt sapientiam suam nihil ualere, inuocabunt me: Domine exaudi nos, libera nos, sis nobis propitius: sed non respondebo eis, etiam ego obturabo aures meas. Ad rauim usq; cla- mai & ego: sed clamorem meum non curarunt. *Mane quærent me*, hoc est, magno studio: *sed nō inuenient me*. Causam tanti mali ostendit: Eò quod oderunt scientiam, non mundanam illam, de qua Iacob. 4. sed uerbi Dei, quod uoluntatem eius aperit. *Et timorem Domini non elegerunt*. Quiduis potius amplexari fuissent, quàm timorem Dei. Omnia temere sursum ac deorsum uolui pu- tauerunt, id quod fons est impietatis. Apud Iere. 11. cap. dicit Dominus, se mane surrexisse, & egisse cum populo: sed frustra. Non ergo mirū est, si postea à mane quæretibus nō inueniatur.

Questio, an  
Deus illos  
qui eius uer-  
bum cōtem-  
pserūt, ex-  
audiat, si eū  
inuocarint.

Cæterum quæri potest, an non Deus in extrema necessitate positos, si ad eum clamaue- rint, exaudire uelit, & ab illis qui eum magna sollicitudine quærent, inueniri? Respondeo, Non esse sermonem de uerè pœnitentibus: sed de impœnitentibus & impijs, quorum uota non exaudiuntur. Impij dum omnia eis ex animi sententia succedunt, neq; Deum, neq; ho- mines curant, quicquid eis ingeras de ratione reddenda Deo iusto iudici, de præmijs & pœ- nis æternis, merus ipsis lusus est. At cū magnis periculis inuoluuntur, nec uident quò se uer- tant, coacti clamant ad Deum, ut opem eis ferat: quia uerò uacui sint fide, nihil accipiunt, Ia- cob. 1. Non displicent eis peccata, ea non confitentur: non cogitant de uita in posterum emen- danda: pœnam tantum cuperent esse sublatam, ut iterum genio indulgere, & intermissa pec- cata repetere possent. Iacob. 4. Petitis nec accipitis: quia in malum finem petitis, &c. Rectè igitur negat sapientia in extrémis periculis audiendos esse.

Similes loci complures in sacris literis occurrunt. Isa. 1. Cū extenderitis manus uestras, auertam oculos meos à uobis. Et cū multiplicaueritis orationes uestras, nō exaudiam: ma- nus enim uestre plenæ sunt sanguine. Micheas 3. cap. de proceribus regni qui pauperes op- presserūt: Tunc, inquit, (nempe cum hostes urbem obsederint,) clamabūt ad sempiternū, & nō respondebit eis: quodq; maius est, abscondet faciem suam ab eis, quemadmodum nequi- ter cœperūt in studijs suis. Prouerb. 21. Qui obturat aurē suam ad clamorē pauperis, clamabit & is, at non exaudietur. cap. 28. Qui aurem suam auocat quo minus legem audiat, eius preca- tio quoq; abominanda est. Psal. 17. de impijs, Inuocat, sed nemo exaudit: ad Dominū clamāt, sed nō fert eis opem. Ier. 7. Deus prophetæ præcipit, ne oret pro populo impœnitente: irritas enim fore preces. Cap. 11. dicit, non exaudiendos si orent. Cap. 15. Si Moses & Samuel interce- derent pro illo populo: tamen perdam eos, dicit. Ezech. 8. cap. dicit Dominus, Vocabūt in au- res meas uoce magna, & non audiam eos. Cap. 14. Si Noe, Job & Daniel pro populo deprecarentur, nō exaudiendos. Causas semper assignat: quia non pœniteat eos scelerū suorū. Apud Zach. 7. cap. dicit Dominus, Factum est ut sicut clamabāt (scilicet uiduæ, pupilli, & peregrini) & non audierunt: ita clamabunt & ipsi, sed non audiam eos. Iustum hoc est Dei iudicium, ut cum clamores pauperum audire dedignati sint, nec eos facti pœniteat, ad clamores ipsorum etiam surdas aures præbeat. Ioan. 7. Quæretis me, & non inuenietis, &c.



Si rectè & ex fide orassent, exauditi fuissent à Deo, quemadmodum ex multis scripturæ locis, & exemplis liquet. Psalm. 50. Inuoca me in die tribulationis, & eripiam te. Psalm. 144. Prouerb. 8. Ego diligentes me diligo, & qui me mane quærunt, inuenient me. 2. Para. 15. cap. Azarias propheta ad Azam, totumq; populum dicit, Dominus est uobiscum, quando uos estis cum illo, & quando requiritis illum, inuenietur à uobis. Exemplum huius rei in Niniuitis egregium habemus, quibus cum Ionas uerbis Dei pœnam denunciaret, ipsi pœnitentiam agentes uota sua fecerunt ad Deum, & exauditi sunt. Christus latronem in cruce serò pœnitentem & orantem exaudiuit. Possunt multa huius generis ex scripturis colligi, quæ ostendunt Deum rectè inuocantes se exaudire: tamen certas ob causas interdum differat dare suis electis quod petunt. Propter peccata quidem pœnam meremur, & indigniores sumus, quàm ut Deus nos exaudiat: tamen propter filium suum, nos in filios adoptat, & preces nostras gratas habet. Quotiescunq; igitur Deus dicit, se hominũ uota non exauditurum, intellige de illis qui pœnitentiam non agunt, nec remissionem peccatorum quærunt. Magna est illa uindicta Dei, si homines non exaudit. Si amici alicuius consilium frustra peteres, no' nne te cruciaret?

Deus ex fide orantes exaudit.

Exempla ostendunt Deum rectè inuocantes exaudire.

Addendum est etiam hoc, homines etsi ueram pœnitentiam agant, tamen non semper exaudiri (quemadmodum rectè Lyranus in hunc locum annotat) quo ad amotionem temporalis pœnæ, licet semper exaudiantur quo ad amotionem culpæ. David pœnitentiam egit de commisso adulterio, nihilominus tamen in multas & magnas calamitates incidit. Exercet enim Deus hoc modo suos electos. Hæc sæpe cogitanda sunt: uox sapientiæ non aspernanda. Deus enim non tantum clemens est & misericors, sed etiam iustus uindex: tradit iusto iudicio nonnunquam homines in reprobum sensum, suoque exitio eos relinquit. Rom. 1. 2. Thess. 2. Quare si Christus fores pulsaret, & intromitti cupit, non est repellendus. Quod & Isa. 55. pulchrè nos admonet dicens, Quærite Dominum dum inueniri potest, inuocate eum dum propè est. Quando quidem uerò sapientia cœlestis etiam in hac uita, in qua pœnitentiæ locus est, incurabiles exaudire non uult: uana est illorum spes, qui post hanc uitam (quando pœnitentiæ locum amplius non habet) se precibus, & operibus sacrificulorum, monachorum, & monialium, nescio quid consequuturos sperant. Nemo seipsum decipiat. Bonum operemini, dicit Apostolus, dum tempus habetis, orate Deum assidue pro uobis & alijs dum uult audiri.

Impij post hanc uitam non exaudientur.

30 Noluerunt consilium meum, & insuper execrati sunt omnem increpationem meam.

31 Comedent igitur de fructu uix suæ, & consilijs suis saturabuntur.

32 Auersio uel quies paruulorum, interficiet eos.

33 Qui autem mihi auscultauerit, habitabit securè, & tutus erit à pauore mali.

Postrema pars huius capitis, tria continet. Primum, quomodo sapientia palàm & publicè clamet, item ad quos, & quid clamet. Altero loco de ingratitude hominum, qui, etsi sapientia omnes ad se ex gratia inuitet, tamen eam partim negligunt & fastidiunt: partim irrident: partim odio habent & persequuntur. Tertio loco agitur de pœna sprete sapientiæ. Pergit nunc in commemoranda pœna contempti uerbi. Noluerunt.) Supple, obedire consilio meo. Isa. 9. Messias quoq; consiliarius dicitur. Consulit enim nobis, non in ijs tantum quæ corpus & res externas attinent, sed in illis quoque & inprimis, quæ salutem nostram æternam spectant. Consulit autè nobis, ut si æternis gaudijs frui uelimus, in ipsum credamus. Ioan. 3. D. Paulus Acto. 16. Philippis carceris custodi, qui euaginato gladio seipsum interfesturus erat, etiam consulit ut in Dominum Iesum credat, & saluus fiat. Non consulit ei ut peregrinationem transmarinam instituatur, sacellum ædificet, cucullam induat, aut alia huiusmodi faciat, quæ hodie stulti homines ad consequendum uitam æternam, non parum momenti habere sibi falsò persuadent. His bonis Dei consilijs homines non acquiescunt, sed alia quærunt quibus res suas in tuto collocent, & remissionem peccatorum consequantur. Omnem increpationem meam spreuerunt, uel execrati sunt. Si idololatria & scelera hominum ex uerbo Dei taxantur, indignè ferunt. Etiam si conuincantur & redarguantur, tamen impatientes sunt correctionis. Quia ipsi quæ uolunt faciant, nec quenquam curant: putant etiam à uerbi ministris, non nisi illa esse dicenda, quibus ipsi delectantur. Quia item multa peccata non habent in numero peccatorum, indignè secum agi putant, si corripiantur. Paulò antè hoc idem quæsta est sapientia, nempe consilia sua non audiri, & correctionem contemni. Repetitio autem

Sapientia consulit hominibus.



illa ostendit quàm graue sit peccatum. Vox **תנא** naaz quæ hoc loco ponitur, non tantum significat contemnere, & floccifacere, sed etiam abijcere, execrari, blasphemare aliquid.

Sequuntur plura de pœna. *Comedent ergo de fructu uitæ suæ.* Id est, studij & instituti sui fructum percipient: peribunt tandem cum sua sapientia. Latini etiam prouerbio dicunt: Sementem ut feceris, ita metes, id est, reportabis mercedem tuis factis dignâ. Infrâ cap. 22. habebimus: Qui seminat iniquitatem, calamitatem metet. Metaphora sumpta est ab agricolis. *Consilij suis saturabuntur.* Propter mala sua consilia pœnas luent, constabunt sibi exitium sua prudentia. Displacerebunt tandem eis sua consilia: ut cum saturi cibos fastidiunt, quos antè appetebant. Si cursum uitæ nostræ proprijs cōsilijs regere uolumus, & religionis fideiq; negotium, secundum rationem nostram instituere, idem nobis accidit quod pueris, quos parentes primum docēt incedere, quamprimum illi manum subtraxerint, eosq; sibi reliquerint, concidunt, neq; se in pedes erigere possunt: ita si Deus nostris nos consilij relinquat, actum est de nobis. Ex nobis ipsis enim nihil possumus quàm labi & perire. Hic tandem est exitus, quando spretis diuinis consilij, nostris acquiescimus. Ex aduerso, boni bonos fructus percipiunt.

*Auersio enim uel defectio, occidit ignauos & expertes rerum.* Auersio stolidorum, qua se à Deo & sapientia eius auertunt, & ad malum conuertunt, est causa exitij eorum. Quemadmodum pueri qui primum natate discunt, si tabulam cui incumbunt, dimittant, merguntur, & in aquis pereunt: ita si Dei consilia ex conspectu dimittamus, statim actum est de salute nostra. Ideoq; Satan primos nostros parentes tentans, uerbum Dei eleuabat, ut à Deo eos auerteret. **משחיה** Meschuiah significat etiam quiete, pacem, ocium, & tunc idem erit sensus cum mox sequenti clausula: Pax uel quies stultorum perdet eos. Res secundæ exitio sunt stultis, hoc est, non regeneratis & impijs. Nam si opes eis affluant, si ad dignitates promoueantur, si prospera utantur ualitudine, uictorias consequantur, & alijs huius generis bonis abundant, non cogitant unde, & in quem finem acceperint: sed insolescunt, & præsentia tantum intuentur, conuertuntq; se ad uarias uoluptates. Teuthones prouerbio dicunt: Robustos pedes esse oportere, qui res prosperas ferre possint. Hoc est, Plerunq; fit, ut rebus secundis maiores spiritus sumamus, & tandem nostræ stultitiæ pœnas etiam meritas demus. Solon dicit, ut legitur apud Clem. Alexandrinum:

*Τίνα γὰρ λόγος ὄψεαι, ὅτ' αὐ πολλὸς ὄλβος ἐπιταί.*

Et Theognis totidem ferè uerbis:

*Τίνα λόγος ὄψεαι, ὅτ' αὐ κακὸς ὄλβος ἐπιταί.*

Thucydides in historia, *εὐθαρσίᾳ*, inquit, *οἱ πολλοὶ τῶν ἀνθρώπων εἰς αὐτὴν μάστιγα καὶ δι' ἐλαχίστην ἀπρόσδιδόντος ὑπὲρ χάριν ἐλθὼν εἰς ὄψιν ἰσπεύδασι.* Xenophon scribit in Cyropædia: *δοῦναι μοι χαλεπώτερον ἐναι τ' ἀγαθὴν καλῶς φέρειν, ἢ τὰ κακὰ.* Tâ mēn γὰρ ὄψεαι τοῖς πολλοῖς, τάδε σοφροσύνη τοῖς πᾶσι ἐπιταί. De hac re uide plura cap. 30. uersu 22. Referunt, pauones sibi ipsis placere quando pennas instar uanni explicant, sed mox conspectis pedibus, qui deformes sunt, pennas demittere & cōplicare. Ita nos Deus interdū afflictionibus exercet, ut nos in officio retineat, ne elati nimium nobis ipsis tribuamus. Beneficia quæ ipse nobis confert in animo, corpore, & rebus externis, mouere nos debebant ad timorem ipsius & pietatem: sed contrarium fieri experimur, maxime in impijs, qui eius obliuiscuntur, omnia eius consilia aspernantur, & tandem suis relicti consilij, misere pereunt.

Exemplis  
ostenditur  
Deum con-  
temptores  
sapientiæ pu-  
nire.

Tota hæc doctrina, publicis nunc & priuatis exemplis, ex sacris literis desumptis, illustranda est, ut intelligamus quo pacto Deus in contemptores cœlestis sapientiæ animaduertat. Pri mi seculi homines, corruptissimi fuerunt & *ἀβωοι*: Deus igitur per Mathusalê, Lamech & Noe eos adhortatus est ad pœnitentiã: unde 2. Pet. 2. Noe præco diuinæ iusticiæ appellatur, qui nō tantū uerbis, sed & re ipsa concionatus est, ædificauit enim arcam, & proculdubio in quem finem eam pararet nō dissimulauit. Sed illi homines uoce piorum cōtempta, edebāt, bibebāt, &c. Deus itaq; eos diluuiο uniuersali perdidit. Cum crescerent aque, credendū est multos clāmasse ad Deū, Exaudi nos Domine, libera nos: sed pereundū illis fuit. Si qui pœnitentiã egerunt, quo ad animā seruati sunt, pœnā aut̃ illā temporariā auertere nō potuerūt. Ad Sodomitās & Gomorrhæos, Deo disponente, Lot uenit, eosq; à sceleribus reuocare conatus est: sed quoniā nō sine magna cōtumelia eum reiecerunt, pœna est subsequuta, quam etsi orarunt, ef fugere nō licuit. Ad Pharaonem misit Deus Mosē & Aaronem, qui populo captiuo manu- missionem Dei sui nomine impetrarent. Pharaο interrogat per cōtemptum, quis nam sit ille Deus, cuius legationem obeant: ac tandē nullis motus prodigijs, conuicijs profcissos è cōspēctū suo iubet discedere. Quid uerò est sequutū? Ipse cū suis proceribus, & toto exercitu in rubro mari misere perijt. Saul magnā aliquādiu crudelitātē exercuit, nec ullis admonitionibus, uel beneficijs à cœlesti sapientiā cohiberi uoluit. Tandem uerò cū à Palestinis pressus, Deū cōsuleret, ac neq; per somnia, neq; per Vrim & Thummim, neq; per prophetas respōsum ferret:

in ma-



in maximum incidit mœrorem, ac qui Samuelem & alios audire noluit, fictitium Samuelem consulens, tandem sibi ipsi manus intulit. Deus decem tribubus, regno Samariæ, misit prophetas qui hortarentur eos, ut deposita idololatria & sceleribus, uerum Deum colerent. Cum autem surdis narrarent fabulam, tandē Samaria metropolis, ad tres annos à Salmana-zare obsessa, expugnatur: populus rege occiso in Mediam & alias regiones transfertur, 2. Reg. 18. Vbi causa interitus eorum hæc commemoratur: quòd non audierint uocem Domini Dei sui. Duas postea tribus Deus per prophetas sedulo adhortatus est, ut fratrum suorum exemplo cautiore facti, idololatriam desererent, & pietati studerent: id si non facerent, funditus delendos esse. Ieremias diu multumq; hoc saxum uoluit: illi uerò decepti à pseudo-prophetis, meliora subinde sibi promittebant: factum itaq; tandē est, ut Magnus Nabucho dono-zor urbem caperet, regem abduceret, sacra uasa Babylonem transferret, & ingentem partem populi in miseram captiuitatem traheret. Lege finem ultimi cap. 2. libri Paral. qui huc maximè facit.

Temporibus Christi, Iudæi ab ipso Christo uarijs similitudinibus admoniti sunt, item ab Apostolis & alijs, secundum uerba Christi Matth. 23. Mittam uobis sapientes, &c. At illi non solum aures suas obstruebant: sed etiam Christum & doctrinam Euangelicam omnium malorum causam esse dicebant, seq; felices fore, si Christum sustulissent: sequuta igitur est terribilis pœna, facti sunt fabula toti mundo, nec est, qui uicem ipsorum doleat. Et hodie preces eorum quæ per Christum patri non offeruntur, irritæ sunt & inanes. Post tempora Apostolica, doctrina sapientiæ cœlestis ubique terrarum uiguit: sed homines delicati (quemadmodum Paulus in 2. Tim. 4. futurum prædixit) sanam doctrinam sustinere nolentes, iuxta concupiscentias suas doctores sibi coaceruarunt, qui aures eorum demulcerent. Deus itaque Antichristum uenire passus est, qui sanam doctrinam oppressit, & fortunas, corpora atq; animas denique multorum perdidit. 2. Thess. 2. Nostro tempore abundamus exemplis illorum, qui cum sapientia diu multumque frustra in aures ipsorum clamasset, tandem miserè perierunt. Quot sacrificuli in summa desperatione uitam finierunt? quot mœchi in scelere deprehensi, pœnas dederunt? Quot ebrij miserè extincti sunt? Videmus itaq; illis omnibus quæ sapientia comminatur, euentum olim respondisse, & respondere quotidie. Maximè autem in nouissimo die hæc fient illustria. Matth. 25.

Per antithesim fructum ostendit, qui illos sequitur qui sapientiæ aures accommodant: *Qui autem, inquit, mihi obtemperat, tutus habitabit, & securus erit à malorum metu.* Impij sicut mare, iuxta Isa. 55. non quiescunt. Quia mala fide cum pijs agunt, semper in magno sunt terrore. Quia exteris nituntur, consternantur & animum abijciunt, si cladem aliquam accipiant: folium crepitans terret eos. Pij uerò qui sapientiæ consilia sequuntur, licet priuata & publica calamitates incidant: tamen sibi similes sunt, animum non despondent. Iam antè rationem secum subdlexerunt, quemadmodum Christus duabus similitudinibus Luc. 14. docet: se totos in prouidentiam Dei conijciunt, eiusq; dulci consyderatione conquiescunt: sciunt Deum suos tueri, fidelibus & Dei amantibus omnia in bonum cedere: Deum item infinitas uias ac rationes habere quibus suos asserat, si ita necesse sit & utile. Lege Psalm. 91. Christus etiam docet Matth. 7. illum qui super petra ædificauit domum suam, tempestate orta, tutum esse. De hac re multæ insignes sententiæ sequuntur.

Premia illorum qui sapientiæ obtemperant.

## CAPVT II.

- F**lli mi, si susceperis uerba mea, & præcepta mea absconderis apud te,  
 2 Vt accommodes sapientiæ aures tuas, & inclines cor tuum ad intelligentiam.  
 3 Si ad intelligentiam clamaueris, & prudentiæ dederis uocem tuam.  
 4 Si uelut argentum quæsieris eam: & ut thesauros inuestigaueris eā.  
 5 Tunc intelliges timorem Domini, & scientiam Dei inuenies.  
 6 Dominus enim dabit sapientiam: ex ore suo dat scientiam & intelligentiam.  
 7 Ipse reponet pro rectis salutem, & clypeum illis qui ambulant in integritate.  
 8 Vt conseruet uias iudicij, & uiam custodiet piæ colentium eum.





**C**aput duos potissimum locos continet. Primus est, quomodo uera sapientia parari possit: & quis eam conferat. Alter, quæ sit sapientiæ utilitas. Per sapientiam illam intelligo, qua cognoscimus quomodo uitam æternam, atque aded ipsum Christum comparare queamus. Ceterum scriptura ipsam sapientiam loquentem introducit, qua nemo melius hos locos explicare potest. Quod primum locum attingit, quomodo ad ueram sapientiam perueniatur: hoc nobis consilium suggerit, ut uerbū Dei audiamus, custodiamus, eumq; pro uero sensu precemur, atq; nostram industriam & laborem adhibeamus: hoc si fecerimus, Deum sapientiæ datorem, nobis non defuturum. Singula uerba uideamus.

Primum, si sapientiæ cœlestis desiderio tenemur, audire debemus uocem sapientiæ, doctrinam inquam prophetarum, & Apostolorum. Fili mi, inquit, si acceperis sermones meos, & mandata mea penes te reposueris, uel absconderis, ut sapientiæ aures tuas accommodes, & cor tuum inclines intelligentiæ: postea inferet, tunc intelliges sapientiam, &c. Sæpe repetitur blāda illa uox, Fili mi. Solomon, quin Deus ipse, sumit sibi personam parentis. Natura enim comparatum est, ut proposita consilia ab illis recipiamus libentius, quos putamus nobis bene cupere, quales præcipuè sunt parentes erga filios. Hoc uult dicere: Ego uos omnes inuito, & per prædicationem uerbi Dei ad me uoco, uestrum erit audire.

**1.** Quoniam autem non satis est audire obiter, mox iubet, ut attentas ei aures præbeāt, & cor inclinent intelligentiæ uerbi Dei, hoc est humiles sint, non superbiant. Superbia enim maximum est sapientiæ impedimentum. Isa. ultimo, dicit Dominus: Ad quem respiciā, nisi ad contritum spiritum, & trementem sermones meos? Trita est illa D. Petri sententia: Superbis resistit Deus, humilibus autem dat gratiā. Seruator noster Matth. 11. dicit mysteria regni cœlestis abscondita esse a sapientibus, & prudentibus, & reuelata paruulis. Ut in uallibus aquæ colliguntur: ita in cordibus demissis Dei charismata. Vides itaq; quā inepiti illi sint, qui non sustinent se doceri, nec ad sacros cœtus ueniunt, dicentes: se melius scire ipsis concionatoribus, quid facere aut omittere oporteat. Cogitare debebant cur sacrum ministerium esset institutum: item quodd proprium hominis sit labi & errare. Dauid certè in suo exilio hoc maxime deplorat, quodd sacris cœtibus adesse non possit.

Sapientia cor postulat, ne simus hypocritæ: quemadmodum multi qui uerbū Dei tantum ed audiunt, ut in fidelium numero habeantur. Corpore sacris cœtibus interfunt, animo autē alibi uersantur. Mitte omnes alias curas & cogitationes, cogita in quem finem populus confluat. Da operam ut intelligas quæ dicuntur, ne in templo statuæ similis sedeas. Notandum autem est, quid audiri præcipiat: non somnia hominum, non traditiones patrum: sed uerba & præcepta cœlestis sapientiæ. Non igitur rectè agunt, qui alia rudi plebeculæ obtrudunt.

**2.** Secundo loco, custodienda sunt quæ audiuius. Non enim satis est uerbum Dei audiuisse (quanquam aliquid sit,) sed custodire oportet. Abscondere iubet, hoc est, amplecti, magnificere. Nam quæ preciosa, nobisq; chara sunt, non relinquimus in scamnis: sed diligentissime custodimus, & recondimus. Verbum nobilissimus thesaurus est. Christus Matth. 23. thesauro in agro abscondito comparat, & margaritæ preciosissimæ, cuius assequendæ studio mercator ille omnes suas opes prodegerit. Dauid uerbum Dei auro, argento, & rebus preciosissimis anteponit: & Psal. 119. In corde meo eloquia tua abscondi, dicit. Sed de precio sapientiæ, 3. & 8. cap. plura habebimus. Deinde uerbum Dei in cordibus nostris abscondi debet, quemadmodum semina in terra absconduntur. Christus quoq; per parabolam, Luc. 8. nos docet, ne semen uerbi Dei uolucres comedere sinamus. Non autem ita recondendum est, ut neque tu utaris, neq; cum alijs communices: quemadmodum auari homines pecunias recondūt, quibus nec ipsi utuntur, nec alios uti concedunt: sed subinde cogitandum est, quomodo thesaurus ille & tibi & alijs usui esse possit. Utendum est eo ad confirmandam fidem, & uitam sanctè instituendam. Nam quantò plus eo thesauro uteris, docendo, consolando & corripiendo proximum tuum, tantò plus crescet. Cæterum nemo existimet, ideo quodd sapientia nos ad audiendum, & conseruandum uerbum Dei hortatur: uel quia ostendit qua ratione ad sapientiam perueniri possit, in nostra facultate positum esse ut audiamus, & custodiamus: addit igitur precibus opus esse.

**3.** Tertium enim est, ut sedulis uotis, à Deo patre sapientiam petamus: uel, intelligentiam Dei, hoc est, opem spiritus sancti, aut ipsum Christum, inuocemus. Similis locus est in epistola D. Iacobi cap. 1. ubi inquit: Quod si cui uestrum deest sapientia, postulet ab eo qui dat, nempe Deo, &c. Luc. 11. cap. Non iuberet nos orare pro sapientia, si in nostro horto nasceretur, & citra illuminationem ac operam spiritus sancti eam consequi possemus. Quid opus est nos anxie illa ab alijs emendicare, quæ in nostra potestate, nostroque arbitrio posita sunt?

Deinde



Deinde eam non iuberet petere, nisi eam nobis communicare uellet. Deus enim non similis est auaris illis hominibus, qui ut fauorem sibi comparent, suam sæpe operam & pecuniam, uicinis & alijs promittunt, postea rogati nihil conferunt: sed quæcunq; Deus promittit, prolixè præstat. Cæterum quàm efficaces sint preces sanctorum aliàs exposui.

Quarto loco, nostram etiam diligentiam & industriam requirit, idq; pulchra similitudine, uel potius duabus. *Si uelut argentum eam quæsieris, & inuestigaris eam ut thesauros, &c.* Tamen si sapientia solius Dei donum sit, nec unquam eam consequamur, nisi Deus nobis largiatur: nostram tamen curam & sedulitatem accedere oportet. Deus enim nostra opera uult uti. Tanto studio, inquit, inquirenda est, quanto opes nobis comparamus. Homines nihil non faciunt, ut opes colligant. De honestis tantum & necessarijs negotiationibus loquar: quid agricolæ, pastores, uinitores non faciunt, ut opes necessarias acquirant? Opifices per bonam etiam noctis partem labori incumbunt. Caupones omnes honorificè excipiunt, nulli labori parant, ut opes suas augeant. Mercatores à teneris annis uarias linguas discunt, & arithmeticæ dant operam, ut melius cum exteris etiam, mercaturam exercere possint: quiduis periculi subeunt propter lucrum, quemadmodum Horatius dicit:

Per mare pauperiem fugiens, per saxa, per ignea

Impiger extremos currit mercator ad Indos.

Quot labores suscipiunt, quot pericula adeunt, quot sumptus faciunt metallici, ut aurum & argentum à multis philosophis conuicijs proficiscum, in uenis terræ scrutentur? Quidius,

sed itum est in uiscera terræ,

Quasq; recondiderat, stygijsq; admouerat umbris,

Effodiuntur opes, irritamenta malorum.

Plinius lib. 2. cap. 65. Penetramus in terræ uiscera, auri argentiq; uenas, & æris ac plumbi metalla fodientes: Gemmas etiam & quosdam paruulos quærimus lapides, scrobibus in profundum actis, uiscera terræ extrahimus, ut digito gestetur gemma quam petimus. Quot manus atteruntur, ut unus niteat articulus? Simili studio, industria & constantia, sapientiæ perquisitioni incumbendum erat.

Vel hoc modo accipe hanc similitudinem, sensus tamen idem erit: Velut argentum quære sapientiam. Si quis aurum uel argentum amittat, quanto studio inquit? Christus Dominus noster, Luc. 15. proponit parabolam de muliere habente didrachmas decem, si unam perdidit, accendit lucernam, uerrit domum, quæritq; diligenter donec inuenit. Nisi res amissas inueniamus, anxij sumus & solliciti, diligenter omnia inquirimus: ita danda est opera, ut ueram sapientiam, quam primorum parentum culpa amisimus, denud inueniamus, & imaginem Dei quæ in nobis obfusata est, reparemus.

Altera similitudo est, quod uelut thesaurus inuestiganda sit. Idem sensus est cum superiore similitudine. Thesauri è terra auidissimè effodiuntur ab hominibus. Quidam uiderunt in bellis suppellectilem, aurea & argentea pocula: item pecunias in terram defossas, magno labore & periculo à militibus esse effossas. Strues lignorum, lapides, & alia huius generis quæ superiniijciuntur ad decipiendum milites, ipsi statim disijciunt. Quot à magis decepti, qui loca ostenderunt, in quibus thesauri laterent, magnos sumptus fecerunt, nulliq; labori pepercerunt, ut thesauris illis potirentur? Simile studium in acquisitione rei maximæ impendendum, sapientia clamat.

Hic non tantum mirari nos, sed etiam deplorare oportet nostram socordiam, qui tanta industria diuitias quærimus, per totum uitæ nostræ cursum: ueritatis autem inquisitioni uix minimam uitæ particulam tribuimus. Diximus de necessarijs negotiationibus quibus homines sedulo incumbunt, nullamque occasionem negligunt, ut honestè & se & suam familiam alere possint. Proceditur ulterius: multi enim curiosis artibus incumbunt, ut lucrum faciant. Quid non quotidie nummi excogitant? Quidam se ad inhonestas artes & negotiationes conuertunt, ut parasiti, aleatores, usurarij, monopolæ. Multa in ore habent impia prouerbia de comparandis per fas & nefas diuitijs. Quæ flamma est per quam isti homines non currant, ut lucrum faciant? Sunt etiam, quod turpissimum est, qui lenocinio, furtis, rapinis, latrocinijs uictum & opes quærent. Hæ opes in uniuersum, siue iustè, siue iniustè partæ sint, infinitis casibus & periculis obnoxie sunt: tineæ eas corrodunt, ærugo consumit, incendijs, eluuiionibus aquarum, grandine pereunt, per bella, diurnos morbos, fidei uersiones amittuntur, feruorum negligentia perduntur, fures eas auferunt, latrones cum ipsa uita eas hominibus eripiunt: necdum omnia enūeraui quibus opes amittimus. Fluxæ itaque sunt & instabiles. Sed finge stabiles esse, tu tamen qui eas possides, ut uno uerbo dicam, homo es, non diu uicturus. Id quod morientibus astantes omnes confitemur,



Sed esto, diu uiuas, non' ne uita tua perpetua est carnificina? Hæredes tui, obitum tuum tanquam uultures cadauer auidè expectant, & opes tuas te adhuc uiuente, animo inuaserunt. Hæc cum ita esse omnes confiteamur, cur non thesaurum potius sapientiæ colligimus, de quo Christus loquitur Matth. 6. qui nullis insidijs & periculis est expositus, quiq; in altera etiam uita perdurat? Si ciues esse uolumus cœlestis patriæ, certè maiore cura, & diligentia, cœlestia quàm terrena sunt curanda. Inprimis uerò illos qui alios sapientiam docere debent, uelut ministros ecclesiæ, dies noctesq; sapientiæ studere, & omnibus alijs studijs ualedicere oportet. Hæc paucis dicta sint de his similitudinibus.

*Tunc intelliges timorem Domini, & scientiam Dei inuenies.*) Iam colligit sententiam ex superioribus: Si uerbum Dei audias, custodias, pro intelligentia uera Deum preceris, & tuam industriam adhibeas, assequeris ueram sapientiam. Duo iungit, quibus uera sapientia constat, nempe, timorem Domini, & scientiam Dei, qua scilicet Deus cognoscitur, quàmq; de se nos in scripturis docet. Promissio hæc insignis est, quòd Deus nobis non uelit deesse, sed largiri sapientiam, qua uoluntatem ipsius cognoscamus. Falsò queruntur multi ex plebe, & etiam ex clericis, se incertos esse, quâ uia salutem consequantur, negotium esse doctorum disputationibus implicatum & perplexum. Nam si illi tanto studio uocem sapientiæ audirent, & sacros libros legerent, quanto alijs rebus uacant: hi uerò quanto Euangelium persequuntur, & sibi amicos ex opib. ecclesiæ comparant, eaq; legunt quæ ad augendas opes faciunt: certè sapientiam ueram acquirerent. Idem plerisque accidit, quòd diuiti illi adolescenti, qui tametsi audiret quid Christus ab eo postularet, suas tamen opes Christi doctrinæ præferebat.

*Sequitur de authore ueræ sapientiæ. Dominus enim, inquit, largitur sapientiam.*) Quemadmodum Deus fons est omnis boni, ita etiam sapientiæ. Quomodo largitur eam hominibus? Ex ore eius prudentia & scientia egreditur. Ex uerbo Dei sapientia discenda est, ex libris inquam ueteris & noui Testamenti. Ioan. 5. dicit Christus: Scrutamini scripturas, quæ testificantur de me, Paulus 2. Tim. 3. post uaticinium de nouissimis temporibus, Timotheum suum hortatur, ut sacras literas studiosè legat, quæ ipsum possint sapientem reddere ad salutem, per fidem, quæ est in Christo Iesu. Prophetis usitatum est ordiri suos sermones his uocibus: Os Domini loquutum est: Hæc dicit Dominus, &c. Sapientia illa cœlestis non inuestiganda est ex Platone, Aristotele, Scoto, aurea legenda, quæ uix plumbea dici meretur, multò minus ex idolis, mutis illis Papistarum magistris: sed ex libris quos Deus suo spiritu dictauit.

Quandoquidem uerò Deum fontem esse dixit, & originem cœlestis sapientiæ, obiter quædam eius opera prædicat, uel potius fructus recenset, quos illi percipiunt, qui sapientiam amplectuntur. Sunt autem huiusmodi digressiunculæ familiares sacris scriptoribus. Primum dicit, quòd abscondat uel reponat iustis salutem. Vox חַיִּים thuschiah uariè ab interpretibus redditur. Quidam firmam subsistentiam, hoc est boni perseverantiam: quidam longæuitatem: quidam thesaurum iustis à Deo repositum: quidam propositum hominis: quidam æquitatem & iustitiam: quidam sapientiam: quidam opus bonum: quidam bonum consilium: quidam legem exponunt. Sed non multum interest, cum Deus omnium illorum author sit & fons. Vox ipsa deriuatur à חַיִּים iesch, quod esse significat: igitur per חַיִּים thuschiah hoc ipsum potest intelligi, quod dat esse rebus, easque conseruat. Esse hominis uita est, non naturalis illa tantum, sed qua Deus, qui solus esse est, in nobis uiuit in hoc & futuro seculo. Paulus Col. 3. dicit: Vita nostra abscondita est cum Christo in Deo: quandoquidem Christus manifestatus fuerit, uita nostra, tunc & uos manifestabimini cum illo in gloria. 1. Pet. 1. dicitur hæreditatem nostram immortalem conseruatam esse in cœlis. 1. Ioan. 3. Nondum apparuit quod futuri sumus, &c. Emphasim habet quòd dicit: Deus reponet חַיִּים thuschiah, & clypeum: cum salus nostra apud Deum abscondita, hoc est, reposita & conseruata sit, non est quòd terreamur, extra periculum est. Deinde abscondita est, quæ non apparet in oculis huius mundi, qui nihil minus putant quàm fideles manere uitam æternam. Rectos uel iustos uocat, qui per fidem iustificati sunt, & fidem suam factis testantur, quemadmodum Iob. 1. cap. fecisse ostenditur.

Secundo loco, *Clypeus est, inquit, illorum qui innocenter ambulant, & alieni sunt ab hypocrisi: hoc est, protegit & defendit eos.* Clypeis enim corpora muniuntur contra ictus & tela. Vide capitis 30. uersum 5. Huius generis metaphoræ multæ in Psalmis occurrunt: quando David Deum iam scutum, iam arcem, iam petram & propugnaculum suū appellat. Is defendit suos contra insultus hostium, excutit ignitas, & tenenatas sagittas diaboli. Multa sunt tela, id est, tentationes quibus impetimur, sed Deus clypeo suo eas repellit. Ipse diabolus fatetur Iob. 1. cap. se Iobum nulla in re lædere potuisse: eò quòd Deus sepes fuerit pro ipso, & domo ipsius, & pro omnibus quæ habebat in circuitu. Psal. 34. Castra figit angelus Domini circum eos qui ipsum

timent,



timent, & eos eripit. Sic Deus apud Zachariam, se populo suo murum igneum, & apud Esaiam, flumen latissimum fore testatur, quo eum muniat & defendat. Deus ille, Dauidem in tot periculis seruauit, Ionam in uentre piscis, Daniele inter famelicos leones, Socios Danielis in flamma ignis, Petrum in carcere, Paulum in naufragio. Hodie etiam multa & admiranda liberationis & protectionis diuinæ exempla extant.

Finem addit, cur Deus pios defendat: *ut custodiant semitas iudicij*: hoc est, ut rectè iudicent de omnibus rebus, ut inter bonum & malum discrimen habeant. Vel, ut faciant suum officium: iudicium enim latè accipitur in scripturis. Alij ad Deum referunt, quòd pios protegat, ut ostendat se iudicare inter pios & impios.

Tertio loco dicit: *iter beneficorum suorum custodit.*) Iter per metaphoram in scripturis significat negotia, instituta, opera & incœpta. Deo suorum actiones curæ sunt. חַלְדִּים chaldim non tantum sunt misericordes, sed illi quos Deus sua misericordia complectitur. Pij millè periculis expositi sunt, sed Deus custodit eos, & conatus eorum fortunat.

9 Tunc intelliges iusticiam atque iudicium, æquitatem, & omnem uiam bonam.

10 Cum ingressa fuerit sapientia in cor tuum, & scientia tuæ animæ iucunda fuerit.

11 Consilium custodiet te, & prudentia seruabit te.

12 Ut eruat te à uia mala, & ab homine loquente peruersitates.

13 Qui deserunt uias recti, ut ambulent in uis tenebrosis.

14 Qui gaudent ut faciant malum, atque exultantes in peruersitatibus malitiæ.

15 Quorum uia sunt tortuosæ, & ipsi peruersi sunt in semitis suis.

Nihil sanctius & antiquius toto uitæ tempore nobis esse debet, quàm ut ueram sapientiam perdiscamus: in hoc enim omnia consistunt. Queruntur multi se non uidere, quid in tot, & tam discrepantibus doctorum opinionibus sequi debeant: sed scriptura ipsam sapientiam in priore huius capitis parte docentem introduxit, quæ uia ingredienda sit, ut artem hanc excellentissimam perdiscamus.

Sequitur iam altera capitis pars, de commodis & utilitatibus ueræ sapientiæ: quarum duas præcipuè commemorat. Vnam, quòd nos introducat in cognitionem uirtutum, & nostri officij: alteram, quòd tueatur & defendat nos à malis. Principio dicit: *Cum intrauerit sapientia cor tuum, & scientia animæ tuæ suauis fuerit, tunc intelliges iusticiam, iudicium, & æquitatem, uel rectitudines.* Disces iusticiam, hoc est, quomodo iustificemur in conspectu Dei, & quæ nam opera Deo placeant. Disces iudicium, hoc est, disces tuum facere officium, si fueris magistratus, si cōcionator, si pater familiæ. Rectitudinem, ut nec ad dextram, nec ad sinistram declines. Hæ uoces in sacris literis aliquando generaliter, aliquando specialiter sumuntur, ut cum eas iudicibus attribuit. Addit: Non solum has uirtutes cognosces, & exercebis: sed ut multa paucis dicam, *Omnem uiam bonam.*) hoc est, mores honestos. Rectè te geres erga Deum, erga proximum, erga teipsum. Notandum autem est quod dicit: *Si scientia amœna uel dulcis fuerit animæ tuæ.* Nihil dulcius est scientia uerbi Dei. Psal. 19. Eloquia Domini, inquit, dulciora sunt melle, & fauis stillantibus. 2. Cor. 2. nominatur Euāgeliū suauis odor pijs, quo recreetur. Hanc iucunditatē & suauitatē soli fideles percipiūt. Quia uerò multi sunt qui doctrinā & sapientiā ueram, absynthio amariore esse putant, non mirū uideatur, si nō operam dent uirtuti, suumq; officium non faciant. Quæ carni suauia sunt, huiuscemodi homines magni faciūt, & amplectuntur. Porro magnus ille fructus est ueræ sapientiæ, scire quo pacto Deo placere possimus.

Alteram sapientiæ utilitatem his uerbis explicat. *Consilium custodiet te, uel, excubias aget super te: & intelligentia seruabit te.* Verbum Dei suppeditat consilia, quibus instructi, contra tentationes diaboli, exempla mundi, & carnis illecebras pugnare possumus. Quæ tria sæpe spem nobis faciunt rerum maximarū: sed in magna & extrema mala nos præcipitant. Expositio subiicitur, à quib. malis nos nō solum defendat, sed etiā ex quib. nos eripiat. Primū à uia mala: deinde à prauis hominibus, uelut pseudoprophetis, item alijs facinorosis, & scortis. *Sapientia uel intelligentia liberat nos à uia mala.* Via inter alia per metaphoram in sacris literis significat uitam hominis. Nam instar uia alicuius nos ad finem aliquem ducit, nempe uitæ uel mortis. De hac uia loquitur Dominus noster, Matt 7. ostendens latam & amœnam esse, multosq; per eam incedere, nosque hortatur ne per eam ingrediamur: sed per angustam & strictam, quæ ducit ad uitam æternam. De qua uia iam mox dicemus. Isa. 53. cap. dicit, Omnes nos quasi oues errauimus, singuli in uiam propriam defleximus, &c. alius enim uoluptates

utilitas ue-  
ra sapien-  
tiæ.

quærit,



Descriptio  
falsorum do-  
ctorum.  
Christus u-  
nica uia est  
ad salutem.

quærit, alius diuitias, &c. Deinde liberat & eripit nos à falsis doctoribus: quorum uitam & mores describit, ut melius à nobis cauere possint. *Derelinquant uiam rectam.*) Via perueniendi ad ueram salutem, Christus est, & fides in ipsum. Sic enim ipsemet dicit Ioan. 14. Ego sum uia, ueritas, & uita. Via quidem non corporalis, sed spiritualis, qua itur in æternam felicitatem. Nam mox ad hunc modum exponit: Nemo uenit ad patrem nisi per me. Hoc omnes libenter concedunt, sed negant unicam illam uiam esse. Audiant igitur Petrum Acto. 4. qui disertè testatur, non aliud nomen sub cœlo esse, in quo æternam salutem consequamur, præter nomen Christi. Ioan. 10. Christus dicit: Amen amen dico uobis, qui non intrat per ostium in stabulum ouium, sed ascendit aliunde, ille fur est & latro. Mox: Ego sum ostium: per me si quis introierit, seruetur, &c. Hanc uiam unicam, planam, & compendariam omnes sancti ingressi sunt, falsi uerò doctores eam relinquentes, alias ad impetrandum iusticiam coram Deo, inquirunt & excogitant. Statuunt enim bona opera, hanc esse uiam & portam qua perueniatur ad uitam æternam. Neque per bona opera duntaxat ea intelligunt, quæ Deus uerbo suo requirit: sed quæ ipsi confinxerunt, ut sunt, missæ, uota monastica, peregrinationes religionis causa susceptæ, indulgentiæ, fumigationes, tinnitus nolarum, cantus superstitiosus, & alia huius generis innumera.

*Eunt per uias tenebrosas.*) Nam qui Christum, qui lux est mundi, & uerbum ipsius deserit, densissimis tenebris inuoluitur. Qui Christum audire non uult, diabolum principem tenebrarum audiat oportet. D. Paulus 1. Tim. 4. sic uaticinatur: Posterioribus temporibus descendent quidam à fide, attendentes spiritibus impostoribus, ac doctrinis dæmoniorum, per simulationem falsiloquorum, cauterio notatam habentium conscientiam, prohibentium contrahere matrimonium, iubentium abstinere à cibis, &c. Hæc uerba expositione non indigent: lippis enim & tonforibus notum est, de quibus hæc prophetia Apostolica sit intelligenda. Breuiter, lux significat doctrinam Christianam: tenebræ, diabolicam, quæ humana figmenta & somnia affert. Tenebrarum nomine Paulus ad Gal. 5. uocat commensationes, lasciuias, simulachrorum cultus: & sic etiam pseudoprophetæ in tenebris ambulant. Præcipua hæc causa est, propter quam lucem Euangelicam respuunt, ut impune in omni genere scelerum uiuere possint. *Gaudent male facere, & in malitijs & peruersitatibus exultant.*) Gaudent si multos praua sua doctrina inficiant, & stultis hominibus quiduis persuadeant: si flagitiose uiuant: si pios uexent & affligant: id quod in nostri temporis falsis doctoribus manifestum est: si regna uel oppida ad sedis Romanæ obedientiam reducant, non tantum in animis gaudent, sed gaudium illud suum signis externis testantur: mittunt ultro citroq; suos legatos, & epistolas gratulatorias: si cæsos audiant Euangelij studiosos, canunt epinicion, Te Deum laudamus: campanas impellunt, tormenta bellica exonerant, & nihil non faciunt, ut læticiam suam publicè testentur: quemadmodum de Romanis legitur, cum Nero crudelissimus tyrannus sibi manus intulisset.

Vita cleri-  
corum cor-  
ruptissima.

*Semite eorum peruersæ sunt, & peruersi sunt in uis suis.*) Non doctrina tantum corrupta est, & uitiata, sed & uita eorum. Nemo profectò negare potest, uitam spiritualiū, ut uocantur, esse omnium corruptissimam. Plerique alunt in ædibus suis scorta, quotidie genio indulgent, alea ludunt, quauis de causa deierant, & prophanè omnino uiuunt. Quid Romæ faciant sanctissimi illi patres, & ecclesiæ columnæ, pudet referre. Quemadmodum autem inter Euangelij ministros non pauci reperiuntur qui turpissimè quoque & flagitiosissimè uiuunt: ita sunt etiam inter falsos doctores, qui seueram in speciem uitam agunt. Postquam enim diabolus uidit turpissimam illam uitam pseudoprophetarum regno suo magnum detrimentum attulisse, mirabili artificio effecit, ut quidam sanctam in speciem uitam degant. Sic legimus Baalistas seipso cultris incidisse. Ante nostra tempora Flagelliferi (sectæ nomen est) flagellis sese conciderunt. Hinc originem traxerunt in monasterijs tam crebra ieiunia, assidue illæ preces, cilicia, &c. In eo autem peccatur, quòd nouos cultus comminiscuntur, cum Deo non placeat *θελοφρονεῖα*, Col. 2. Deinde suis illis operibus iusticiam tribuunt. Nostro tempore quidam Anabaptistarum sanctimoniam nomine bene audiunt, cum tamen interim sub specie illa religionis pessimas opiniones alant, & sua hypocrisis multis imponant. Cæterum his artibus Satan mirus artifex, regnum suum conatur stabilire. Hæc de seductorum descriptione.

Magnum & inenarrabile est beneficium sapientiæ, quòd à falsis doctoribus nos defendit, & liberat. Constat enim, quantum damnum omnibus seculis pseudoprophetæ hominibus dederint. Multi certè qui neque minis tyrannorum frangi, neque exemplo multitudinis à uera uia abduci, neque carnis illecebris deliniri potuerunt: per pseudoprophetas à Christo, nihil tale metuentes abstracti sunt. Si quis tibi iter ad oppidum aliquod non monstraret: sed blandis uerbis in uia te abduceret, quàm indignè ferres? Quod si in syluā aliquam latroci-



Iatrocinijs infestam, quid cogitares? Periculum hic longè maius est, hic agitur animarum salus. Agnoscamus igitur maximum illud sapientiæ beneficium, quod nos liberat à periculo falsorum prophetarum. Hoc loco iterum deploranda est ingenij humani prauitas & corruptio. Multi enim felices & beatos illos existimant, qui quotidie cum lupis illis uersantur: amant tales homines: oderunt sapientiam, quæ periculi magnitudinem detegit, & à pseudoprophetis eos reuocat. Scribunt, pisces, si ardeat in fluuium aliquem ingrediantur, pedibus ipsarum non sine desiderio adnatare, quos illæ deuorant: ita multi illorum familiaritate gaudet, qui ipsorum opibus inhiant, corpora perdunt, & animabus etiam insidiantur.

Hæc uerba, quæ præcipuè ad pseudoprophetas pertinere dixi, omnibus etiam alijs sceleratis hominibus applicari debent, à quibus nos sapientia liberat, quemadmodum ordine audiemus. Sapientia liberat nos ab homine peruersa loquente. Quot impia prouerbia quotidie audiuntur? Multi de resurrectione, extremo iudicio, felicitate piorum, &c. non aliter loquuntur, quàm si essent inania & frigida figmenta. Ab his sapientia nos liberat. Eripit nos ab illis etiã qui derelinquunt semitas rectas, ut ambulent per uias tenebrarum. Multi nolunt amplecti Christum, nolunt regi uerbo ipsius, sed sibi ipsis sunt regula. Ioan. 3. Ideo condemnatur mundus, quod lux uenit in mundum, & dilexerunt homines tenebras magis quàm lucem: erant enim eorum opera mala. Omnis enim qui malè agit, odit lucem, nec uenit ad lucem, ne arguantur opera eius, &c. Hos fugiendos docet sapientia.

Ab his qui letantur facere malum, & in peruersitatibus exultant.) Si pij peccant, dolet eis peccatum, orant à Deo ueniam, & deinceps à peccato sibi cauent, reprehensionem item non indigne ferunt: at impij subinde, etiam noctu in cubilibus suis, ut Micheas dicitur, cogitant de admit tendis peccatis, non dolent de admissis, non petunt ueniam: sed gaudent se peccasse, sibi placeant, gloriantur de peccatis suis, defendunt item scripturis, dant operam ut etiam alijs peccandi sint authores, reprehensionemq; indignissimè ferunt. Israelitis ab Isaia cap. 3. obijcitur, quod peccatum suum quasi Sodoma prædicarint. Ieremias quoque 11. cap. exprobrat suis hominibus, quod exultent in peccatis, ceu re bene gesta, cum metu imminentis pœnæ consternari debuissent, atque subiicit, quid Deus de ipsis facere constituerit. Doig gloriabatur quod iubente Saule in sacerdotes Domini irruisset, eosq; occidisset. Psalmo 52. Hoc peccatū uulgare est hodie: nihil tam ineptū est, & absurdū, quod suos patronos nō habeat. Gaudiū suum multi celare non possunt quod ex eo concipiunt, si quid contra uerbum Dei, uel ipsi uel alij fecerint. Ebrij, usurarij, adulteri, mercenarij milites, mirè sibi placent, putant res suas bene habere, si inuitis omnibus monitoribus pergere possint. A pestilentibus illis hominibus sapientiæ beneficio liberamur. Ab illis deniq; quorum semitæ peruersæ sunt, & qui peruersi sunt in uijs suis, hoc est, quorum mores, consilia, & instituta omnia uerbo Dei aduersantur: quiq; nihil aliud sciunt quàm peccare. Nam qui semel aberrauit à uera uia, magis magisque errat. Contra omnes huiuscemodi pestes, ceu sepes quædam munit nos sapientia. Ingens hoc quoque est beneficium sapientiæ, quod scilicet ab impuris & flagitiosis hominibus nos liberat. Quid enim colloquia praua apud bonos efficiant, ex uerbis Pauli, 1. Cor. 15. constat. Exemplum multitudinis impiæ & sceleratè uiuentis, & tamen uitam æternam sibi promittentis, maximè homines commouet. Remedium igitur, quod contra has pestes nos tuetur, maximum sit oportet. Homines autem tam negligentes sunt & socordes (quemadmodum de pseudoprophetis etiam paulò antè diximus) ut tantum beneficium non agnoscant: sed felices illos putent, qui ab huiuscemodi profanis hominibus in amicorum numerum recipiuntur, & à bene monentibus quàm longissimè absunt.

16 Vt quoque te eruat à muliere aliena, & ab extranea, quæ uerba sua blanda facit.

17 Et quæ deserit ductorem, uel maritum iuuentutis suæ, obliuiscitur pacti Dei sui.

18 Nam uergit ad mortem domus eius, & ad gigantes semitæ eius.

19 Omnes enim qui ingrediuntur ad eam non reuertuntur, neque assequuntur uias uitæ.

20 Propterea ambula in uia bonorum, & semitas iustorum custodi.

21 Recti eorum inhabitabunt terram, & integri relinquentur in ea.

22 Impij uerò succidentur de terra, & præuaticatores eradicabuntur ab ea.

In altera parte huius capitis, recēset spiritus sanctus uarias utilitates ueræ sapientiæ. Rectè



nos de officijs instruit: conseruat nos à uia mala, hoc est, incredulitate, corruptis moribus, & exemplis: liberat item nos à seductoribus, qui relicto Christo, & sacris scripturis, sua somnia proponunt: & alijs qui perniciosi suis sermonibus, & turpi uia, multos offendunt, quique non ex imbecillitate, sed destinata malitia peccant.

Sequitur alius fructus sapientiæ, qui sanè maximus est. Liberat enim sui studiosos à periculo quod mœchæ struunt: ne scilicet blanditijs earum capiantur, aut si capti fuerint, iterum euadant. *Liberabit te à femina aliena, & peregrina, quæ eloquia sua emollit.* Mulierem alienam uocat omnem quæ non uerè uxor tua est, quamq; Dominus tibi non concessit. Sic Deus alienus Exod. 20. appellatur, quicquid nobis præter Deum uerum confingimus, in quo confidimus, & à quo salutem, auxiliumq; expectamus. Ventrem quorundam deum uocat Apostolus ad Philip. 3. sic opes, cognati, munitiones, &c. dii sunt alieni. Sic alienus ignis dicitur importatus in tabernaculum, diuersus scilicet ab eo, quem Dominus iusserat incendere.

Describit nunc breuiter hanc mulierem alienam, uel adultetam, qualis sit. Alia quoq; colligi possunt ex scripturis, quæ huc pertinent. Primum dicit, *Blanditur sermonibus suis.* De hac re infra cap. 5. sequetur, ubi dicit: Fauum stillant labia alienæ, & guttur eius blandius est oleo: 1. postrema uerò eius amara sunt uelut absynthium. Meretrices blandæ sunt, & loquaculæ: maritis suis quiduis persuadent. Omnia bona de se eis pollicentur: at mœcho interim signo alijs quo turpia promittunt. Eximunt animis maritorum omnes suspiciones, ut si à cognatis admoneantur de uxoribus custodia, eos uerborum lenocinio in odium mariti facillè adducant. Hinc fit ut multi honestatis amantiissimi, malè audiant, quasi conscij sint uxoribus impudici- tiae, & lenones agant. Deinde scortatores uel amatores suos, blanditijs suis quocunq; uolunt, pertrahunt. Cum plures habeant amatores, stultis tamen persuadent, solos illos se habere. Mœchæ blandiuntur adul- teris. Quibus uel hoc in mentem uenire debebat, quod Germani prouerbio dicunt: cauponem non suspendere hederam unius hospitis gratia. Dicunt magnum suum amorem esse erga scortatorem, cum tantum opes quærant. Quod si amatores suos argento emunxerint, plerunque eos amplius non curant. Hæc omnia Comici in comædijs suis egregiè expresserunt.

Secundo loco, dicit: Fœderis Dei sui oblitam esse. Deus enim fœdus pepigit cum primis nostris parentibus, quod postea cum Noe innouauit, in primis uerò cum Abrahamo, cuius posteris quoque, hoc est, omnibus fidelibus promisit, se fore Deum ipsorum, & missurum filium suum. Deinde uicissim nobis fidelibus præscribit quid faciamus & omittamus: ac inter alia prohibet adulterium. Fœdus hoc Christus cruore suo sanxit. Signa illius sunt baptismus, & cœna dominica. Fœdus hoc rumpit mulier peregrina. Deinde tempore nuptiarum fœdus cum uiro pepigit in conspectu Dei & ecclesiæ, ac fidem marito seruare recepit: hanc fidem fallit, & rumpit fœdus Dei, quod nomine ipsius inuocato est sancitum. Turpe est si in mensa fidem datam fallas, in rebus etiam leuiculis: turpissimum itaq; est illa non præstare, quæ in 3. præsentia totius ecclesiæ sanctè sunt promissa.

Tertiò dicit: *Deserit dominum, uel ducem adolescentiæ suæ.* hoc est, maritum, cui iuuenula nupsit, cuique obtemperare debuit. Primus amor est uehemens (loquor de casto, non de turpi amore) in coniugibus. Quod si primus maritus decedat, mulieres alios quibus nubunt, ferè non tantopere amant. Indicium itaque est magnæ impudiciæ, si uxores primos suos maritos deserant, hoc est, si fidem coniugalem eis non seruent: sed amatores in domum uocent, uel alibi quærant quibus corporis sui potestatem faciant: aut, quod turpissimum est, relicto prorsus suo marito, adulteros sequantur: quemadmodum Helena Paridem sequuta est: quædam in militiam abeunt, aut cum sacrificulis habitant. Colligis hinc obiter, quid fidentum sit huiusmodi mulierculis. Multi amatores sibi persuadent, eas in amore constantes fore: sed quid tibi de illis polliceare, quæ Dei fœdus rumpunt, & maritos quibus uirgines collocatæ sunt, aliquando etiam liberos, perfidè deserunt?

Subiungit nunc quæ pœna tandem illas mulierculas sequatur. *Inclinat ad mortem domus eius, & ad mortuos* (uel ut alij uertunt, gigantes, hoc est, impios & damnatos: de hac uoce sequitur 9. cap.) *semitæ eius tendunt.* Hoc uult dicere: imaginantur sibi omnis generis uoluptates, quibus relictis maritis, frui uelint: sed longè falluntur. Nam præter opinionem, & se & suam familiam, nec non amatores suos, magnis malis implicant. Ad mortem temporariam & æternam properant, unà cum illis qui domos ipsarum frequentant. De hoc iam nihil dicam, quod omnes morti sumus obnoxij, neq; uel crastinum nobis promittere audemus: hoc duntaxat annotabo, quod mariti adulteros in *αυτοπύργω* deprehendentes, sæpe iugulant: quàm rectè, nunc non disputo. Et si uerò sæpius euaseris, ne tamen securus sis, & impunitatem tibi promittas. Deinde lex Dei Leuit. 20. quæ in Deut. repetitur, adulteros & adulteras iubet occidere. In Imperialibus etiam legibus, adulterium capitale est. Et quanquam multi magistra- tua



tus in puniendis adulterijs officio suo non fungantur: ostendit tamen Deus, quantopere sibi displiceant. Multa enim bella, ipsius prouidentia mota sunt, in quibus non modò adulteri, & adulteræ, sed alij quoq; multi perierunt. Aliquando morbis horrendis eos conficit. Aliquando patitur in scelera capitalia, ut furta & latrocinia, mœchos incidere, & sic pœnas dare. Quod si temporali morte eos non statim perdat, sæpe in tantas calamitates conijcit, ut quotidie quodammodo mori cogantur. Exemplum eius rei memorabile habemus in Dauide.

At mors temporalis leuis est præ morte æterna, qua adulteria puniuntur. Paulus enim disertè dicit, 1. Cor. 6. Neq; scortatores, neq; simulachrorum cultores, neq; adulteri regni Dei hæreditatem possidebunt. Heb. 13. Scortatores & adulteros iudicabit, uel condemnabit Deus. Hoc loco dicit: *Quotquot ad eam ingrediuntur, non redeunt.* scilicet per pœnitentiam: *nec uitæ uitæ apprehendunt.* hoc est, non saluantur. Quæ uerba non negant, lapsos posse resurgere. Multa enim loca scripturæ extant, ex quibus certò colligitur, lapsis negandam non esse ueniam: sed sensus est, paucos redire in uiam salutis, eò quòd rarò eos sui sceleris pœniteat. Sic Lyranus exponit: dicit enim hyperbolam esse, ut cum dicimus, Omnes ex ciuitate currunt ad tale spectaculum: ad ostendendam multitudinem euntium, quamuis plures non eant. Vel per comparisonem intelligenda est hæc oratio: Tam pauci pœnitentiam agunt, ut nulli uideantur comparisonem illorum qui securè uiuunt in suo scelere. Glossa, pronomen, Eam, ad mortem refert, non mulierem. Nam dicit mœchum posse Domino iuuante reuerti: at eum qui semel æterna morte periit, ad uitam nunquam redire, id quod pugnet cum dogmate Origenis. Affert tamen & hanc expositionem, Ad eam, id est, ad meretricem, uel domum eius non amplius reuertetur, scilicet quod corruptam naturam attinet, sed per Dei gratiam qua adiuuatur. Quæ expositio sumpta est ex August. lib. 9. de Genesi ad literam 18. cap. Quod attinet ad naturam, inquit, iniqua sua uoluntate deprauatâ, recursum per semetipsum non habet: sed per Dei gratiam qua adiuuatur, & restauratur. Neq; enim desperandum est hominibus in illa sententia, in qua scriptum est: *Omnes qui ambulant in ea, non reuertentur.* Dictum enim est secundum pondus iniquitatis suæ, ut quòd reuertitur qui reuertitur non sibi tribuat: sed gratiæ Dei, non ex operibus, ne fortè extollatur, &c. Ideo autem difficulter & rarò in uiam redeunt, quòd ita excæcantur & dementantur, ut turpitudinem suam non uideant, nec possunt relinquere consuetudinem illarum muliercularum, id quod sæpe testantur. Noctes diesq; de amoribus suis cogitant, & oderunt illos qui eos amicè admonent, ut suæ saluti consulant. Quòd si inepti ad res Venereas propter senium reddantur, gaudent tamen recordatione patrum scelerum, atque alios ad peccandum alliciunt. Subinde in ore habent sua proueria, quibus adulterium extenuant. Quæ omnia argumenta sunt, eos non uerè pœnitere. Non autem remittuntur peccata nisi pœnitentiam agentibus. Pauci itaq; quibus Deus peculiariter fauet, hos laqueos effugiunt. Atq; hic est exitus alienæ mulieris, & illorum qui ad eam ingrediuntur.

Lapsos posse resurgere.

Hinc colligimus quantum hoc sit beneficium sapientiæ, quòd nos tueretur ab impuris illis mulierib. Magno beneficio nos affectos diceremus, si quis nos ex graui aliquo morbo liberaret, aut ex carcere: sapientia uerò ex maximis fortunarum, uitæ & animæ periculis nos liberat. Nostrium igitur est, gratitudinem declarare, uitare personas, loca, & alia quæ ad scortationem & adulterium nos pellicere possunt, nosque præceptis sapientiæ armare contra tentationes diaboli. Vides item illos non sapienter agere, nec beneficio iuuenes afficere, qui eis authores sunt, ut libidinibus indulgeant: illos etiam qui lupanaria & prostibula publica defendunt. Stulti etiam sunt illi iuuenes, qui ingens beneficium interpretantur, si illicitis illis amoribus potiantur.

Exponuntur hæc etiam per allegoriam de idololatria & falsa doctrina. Quæ expositio non inepta est. Nam est etiam spiritualis scortatio, & adulterium, nempe idololatria. Hæc etiam emollit suos sermones: multa & magna promittit suis cultoribus: salutem nostris operibus ascribit, blanditur nostris uitij: ducem pubertatis suæ relinquit (idololatræ enim relinquunt Deum, qui ab utero matris eos defendit: uel, ut inquit Glossa, doctorem) à quo fidem ecclesiæ didicerant) fœderis Dei obliuiscuntur, mortem non solum temporariæ, sed & æternam sibi accersunt. Pauci enim qui idololatria & hæresibus polluti sunt, in uiam salutis redeunt.

Allegoria.

Per extraneam mulierem, possumus etiam intelligere alienigenam & impiam. Cauit enim Deus in sua lege, ne Israelitæ alienigenas ducerent: rationem adiecit, ne seducerentur. Hæ enim blanditijs suis ad idololatriam maritos illiciunt, quemadmodum in ipso Solomone insigne exemplum habemus.

Claudit nunc hoc caput exhortatiuncula, dicens: *Idcirco bonorum itinere incedito, & iustorum*



Imitatio san-  
ctorum pa-  
trum.

*semitam observa.*) Christus est uia salutis nostræ, ad hunc respexerunt omnes sancti, & piè uixe-  
runt. Horum uestigijs insistendum est, quatenus à uia illa non deflexerunt. Sic Paulus dicit,  
1. Corinth. ii. Imitatores mei estote, sicut ego Christi. Sancti suis etiam uitijs non caruerunt,  
cautè itaque imitandi sunt. Præpostera est illa imitatio, quando uitia imitatur, uirtutes uerò  
non exprimimus. Hodie multi multa de patrum nostrorū pietate loquuntur, & omnino eos  
imitandos censent: interim tamen non in uitæ honestate, sed duntaxat in idololatria eos imi-  
tari uolunt.

Alij hæc uerba ad hunc modum legunt: *ut ambules per uiam bonorum.*) ut sensus ex superiori-  
bus dependeat. Dixit enim, Si sapientia cor tuum inuaserit, intelligentia te seruabit, &c. Sub-  
iungitur nunc: Ut ambules, &c. Est hic non exiguus fructus sapientiæ, quod d. diriget nos in uia  
Dei: sed ad sensum parum interest. Addit: *Quia recti inhabitabunt terram, & integri superstites erunt in  
ea.*) Sic in Psalmis legitur: Qui expectant dominum, hæreditate possidebunt terram. Non au-  
tem loquitur de hac terra in qua peregrinamur: sed de terra uiuentium. Licet pij in hisce ter-  
ris locum ubi consistant non habeant, sed incertis sæpe sedibus hinc inde uagentur: regni ta-  
men cælorum hæredes sunt & ciues.

Impij à pa-  
tria exula-  
bunt.

Econtrariò dicit: *Impij è terra excidentur, & funditus euellentur.*) Impij uitam æternam non pos-  
sident, sed in exteriores tenebras eijciuntur. Etiam si in hisce terris sua latifundia habeant,  
multis pagis, oppidis, & regionibus imperitent: tamen quia uera spe uitæ æternæ carent, sunt  
pauperrimi. Possent tamen hæc etiam de hac terra quam à Deo accepimus, exponi: in qua pij  
tranquillè uiuent, & in medijs calamitatibus à Deo defendentur: impij uerò ad dimidium  
dierum uix peruenient, & è tabernaculo suo extirpabuntur, iuxta psaltem. Sunt autem multi  
modi quibus id fit. Nam uel morte immatura & uiolenta pereunt, uel in captiuitates trahun-  
tur, uel sponte propter æs alienum, solum uertunt. Exempla huius rei publica & priuata mul-  
ta sunt. Terra Chanaan Chananæis in possessionem data fuit: cum autem idololatria, & nefa-  
rijs sceleribus contaminati essent, expulit eos Deus, & Israelitis terram concessit. Qui cum &  
ipsi mores Chananæorum imitarentur, etiam ipsi, quemadmodum Deus comminatus fue-  
rat, expulsi sunt, primùm ab Assyrijs, deinde à Babylonijs, quibus terra à Deo tradita fuit. Po-  
stea illis quoq; erepta est, & reddita Israelitis, quibus rursus adempta fuit, & Romanis conces-  
sa, atq; tandè à Turcis occupata. Multi hodie quoq; sunt, qui potuissent honestè in patria ui-  
uere, at propter nimios sumptus quos fecerunt, solum uertere coacti sunt.

## CAPVT III.

**N**oli obliuisci legis meæ, fili mi, & præcepta mea custodiat cor  
tuum.

2 Dies enim & annos uitæ atq; pacem addent tibi.

3 Beneficentia & fides ne te destituant, liga eas ad collum tuum, & ta-  
bulis cordis tui inscribito.

4 Nanciscerisq; gratiam & bonum intellectum, in oculis Dei & hominum.

5 Confide Domino toto corde tuo, & prudentiæ tuæ ne innitaris.

6 In omnibus uijs tuis agnoscito eum, ipse enim semitas tuas diriget.

7 Ne sis sapiens in oculis tuis, sed Dominum time, & à malo recede.

8 Sanitas erit umbilico tuo, & irrigatio ossibus tuis.

Scopus hu-  
ius capitis.



**M**OC caput uarium est & multiplex. In primis autem Solomon, quin spiritus san-  
ctus per os ipsius, nobis in hoc capite commendat legem Dei, beneficentiam, hu-  
militatem, patientiam: sapientiæ item laudem proponit, nosq; ad studium eius  
hortatur. Mox uaria uirtutum præcepta subiungit, quemadmodum uidebimus.

Primo loco, familiariter nos pro more alloquitur, & nobis legem & præcepta  
sua inculcat, id quod ad sequentia præcepta, & in primis misericordiam & ueritatem adstrin-  
git: uel, (quod probabilius uidetur,) de tota lege, atq; ad eò uerbo Dei, intelligi potest, osten-  
dente quales nos esse, quid facere aut omittere oporteat, & quæ in uniuersum uoluntas Dei  
sit. Non satis est uerbum Dei audire & de eo loqui: sed curandum in primis, ne eius obliuiscamur:  
quod non tantum fit, quando ex animo nobis excidit: uerum etiam quando factis non  
implemus. Tam benignus & misericors est Deus, ut cum simpliciter obedientiā à nobis pro  
suo in nos iure postulare possit: tamen aliquando dignetur causas suorum præceptorum, &  
amplissimas promissiones adijcere. Quemadmodum parentes liberis suis multa promittunt,  
ut suum faciant officium: ita Deus nobis multa pollicetur.

Promittit



Promittit autem hoc loco custodientibus legem suam, uitam diurnam, & pacem. Per Pax. uitam Hebræi intelligunt etiam sanitatem, robur, & res ad uitum pertinentes. Exemplum habemus in Calebo Iosue 13. cap. & in alijs. Per pacem quoq; non externam illam tantum intelligunt, sed interiorem, & omnia quibus homo ad hanc uitam indiget. Ideo autem uita diurna promittitur, quod naturaliter uitam amamus, & mortem exhorrescimus. In Psal. etiam de fidei dicitur, Longitudine dierum implebo eum. In Deut. quoq; & alibi habetur hæc promissio. Dicis, Supplicium potius uita diurna est, cum multis omnino miserijs & ærumnis obnoxia sit. Feliciores uidentur qui ex his miserijs citò euocantur, quam quibus uita producit. Io in Aeschyli Prometheo captiuo dicit:

*πρὸς τὸν γὰρ εἰσάπαξ θανέειν,*

*ἢ τὰς ἀπάσας ἡμέρας πάσχειν κακῶς.*

Respondeo: Et si pij multis calamitatibus in hac uita subiecti sint, nihilominus tamen propter spem futuræ gloriæ beati sunt, & in Deo quem sibi placatum esse sciunt, exultant. Deinde uita per se bona est, afflictiones extrinsecus, uel ut loquuntur, per accidens eam perturbant. Quomodo igitur sit, inquis, ut pij homines, id quod multi conqueruntur, citius sæpenumero moriantur quam impij? Arcana sunt hæc Dei iudicia, qui certas ob causas alios quos pios ex hac uita ad æternam euocat, ne maiores misérias cogantur experiri. Sic Iosiam optimum & religiosissimum regem sustulit. Aliquando præter ordinem morte sancti alicuius, gloriam sui nominis & confirmationem fidei aliorum quærit. Quod si corporalia bona pijs non conferat, dat tamen eis præstantiora. Nam promissiones temporariæ non sunt perpetuæ, nec omni exceptione carent. Lyranus quoq; dicit, Hi qui præcepta diuina custodiunt, frequenter hæc consequuntur in præsentia. Deus corporalia, quomodo & quando sibi uidetur uult conferre nobis. Neque aliter à nobis petenda sunt, quam si ad gloriam nominis ipsius, & animarum nostrarum salutem spectent. Hic conspicitur hominum cæcitas, qui cum uitæ sint cupidissimi, tamen pietati, qua uita prorogatur, non student. De impijs scriptum est, quod dimidium dierum suorum non consequantur. Quot adulteri confodiuntur? quot ebrii seipsos perdunt? quot milites mercenarij miserè pereunt? quot contentiosi homines uita sua contentiones finiunt? quot flagitiosis per magistratum supplicium infertur? qui si uerbo Dei obtemperarent, uiuerent diutius. Frustra igitur querimus, uitam nostram angustis spatijs circumscriptam esse. Diu uiuunt impij interdum, sed uita eorum, quoniam in carne uiuunt, mors potius appellanda est.

Secundo loco duæ præclaræ uirtutes, beneficentia seu misericordia, & fides nobis commendantur. Beneficentia est uirtus, qua indigentibus benefacimus. Fides, est ueritas & constantia in dictis & factis. Fidei alioqui uocabulum latissimè patet. *Liga, inquit, has uirtutes super guttur tuum, & scribe eas super tabulam cordis tui.* Similem loquutionem habes 2. Cor. 3. Sensus est, Familiares tibi sint, semper obseruentur oculis tuis, sollicitè eas observa. Ea quæ grata nobis sunt, collo appendimus: ea quorum recordari uolumus, in tabulis describimus. Vide infra cap. 7 uersum 3. Sic obseruatio legis nobis commendatur Deut. 6. Erunt uerba hæc, dicit Deus, quæ ego præcipio tibi hodie, in corde tuo. Ligabis ea quasi signum in manu tua, erunt inter oculos tuos. Non uult ut in tabulas æreas uel lapideas, sed cordi insculpamus. Dominus enim Matt. 23. reprehendit pharisæos, quod dilatarent phylacteria sua, quemadmodum hodie monachi, qui uestitu mystico utuntur. Multi Euangelium Ioannis de collo suspendunt, & Testamentum nouum auro includunt, animo interim in Euangelium sunt infesto.

Calcaria diuinæ promissionis addit: *Inuenies gratiam & intellectum bonum* (quidam distinguunt intellectum & bonitatem) coram Deo & hominibus.) Deus amat his uirtutibus præditos. Nam & ipse beneficus est, finit solem suum exoriri super bonos & malos. Verax item, & constans in minis & promissis. Conciliant etiam hæ uirtutes apud homines nobis gratiam & auctoritatem. Magnum est illud donum Dei, sicut & intellectus: nec omnibus concessum. Pijs interdum negatur, nouit enim Deus, ex gratia & fauore hominum, sæpe superbiam & arrogantiam exoriri. Melanchthon sic exponit: *Misericordia & ueritas Dei te non deserent.* id est, Deus benefaciet tibi, & fideliter, hoc est, semper te proteget.

Sequitur itaq; tertio loco præceptum de fiducia in Deum, & uera humilitate. Dicit enim: *Confide Domino ex toto corde tuo.* Quia uerax est & omnipotens, præstare potest quæ promittit, *Nec innitaris prudētiæ tuæ.* Ne nimium tribuas tibi, ne putes te omnia scire, & solū sapere: ne innitaris rationi tuæ. Dauid cum de ædificando templo consultat, nō innititur suæ sapientiæ: sed Nathanem prophetam, qui spiritu Dei præditus erat, in consilium adhibet. 2. Sam. 8. In externis rebus experimur rem pessimam esse, quando iuuenes putant se plus alijs uidere:



ita enim bene monentibus non obtemperât, & seipfos magnis periculis inuoluunt. Hæres multos errores inuexit in ecclesiam, inuocationem diuorum, purgatoriū, imagines, primatū Romani pontificis. Hæc enim omnia rationi humanæ probantur. Abutuntur quidā hoc præcepto dicentes: Ne præponas sensum tuum decretis patrum: & sic omnes errores retinendos putant. Sed quid nobis Gregorios & alios obijciunt? Quatenus consentiunt cum prophetis & Apostolis, sunt sequendi, quatenus uerò ab illis descuerūt, sunt fugiendi. Nam etiam si angelus de cœlo aliud Euangelium afferat, anathema sit, inquit Apostolus.

*In omnibus uis tuis cogita, uel agnosce eum.*) hoc est, perpende quid ipse uelit, & quomodo quid uis uelit fieri. Non quod nobis bonum uidetur, sed quod ipse uerbo suo præcepit faciendum est. Implorandum est eius auxilium, & cogitandum omnium rerum inspectorem esse. Si de uoluntate Dei constat, facienda est, & euentus ipsi permittendus. Seruus non quærit causas consiliorum domini sui, sed quod imperat, facit. Tabellarius qui ad principem aliquem, aut urbem mittitur, non interrogat magistratum quid literæ contineant, & quæ sit ratio consiliorum, nec disputat quid commodi uel incommodi inde sequuturū sit. Item, *cogita illum*, hoc est, si quid rectè & prudenter facis, non tibi, sed Deo fonti bonorum acceptum referas. Ex tuis enim uiribus nihil boni uel cogitare potes. *Ipse diriget gressus tuos.*) hoc est, instituta. In rebus publicis & priuatis, sacris & prophanis, si facias id ad quod uocatus es, Deo curæ erit, & feliciter cedit. Dauid Psal. 119. orat, Gressus meos dirige secundum eloquium tuum.

*Ne sis sapiens in oculis tuis.*) Iterum modestiam nobis commendat. Isa. 5. Væ his qui sapientes sunt in oculis suis, & his qui coram seipfis sunt prudētes. Paulus ad Rom. 12, Ne quis arroganter, inquit, de se sentiat, supra quàm oportet. Mox iterum dicit: Ne sitis arrogantes apud uos. Sic hoc loco: *Ne sis sapiens apud teipsum.* Si quis uera sapientia ornatus est, sciat se à Deo accepisse. Ideo autem toties hæc admonitio repetitur in sacris literis, quòd ex hoc quasi fonte omnes errores in omnibus rebus scaturiunt. Hinc fit ut homines suo consili ingenio, contra Dei uerbum & pericula propulsare, & Deum falsis cultibus demereri uelint.

Mox addit quæ uera sit sapientia: dicens, *Time Deum.*) Requirit timorem qui solitudinem nobis incutiat, ne securi torpeamus: sed caueamus ne Deus offendatur. Carnalis securitas in rebus externis turpis est & periculosa, in rebus fidei turpissima & periculosissima. A malo recede. Absidue cum uitis pugnandum est. Hoc bellum honestissimum est, maximè necessariū, &c. Basilius inquit, *αἰχὴ πρὸς τὸν ἀνέλυσιν τῶν ἁλῶν, ἢ ἀναχώρησις τῶν ἁλῶν*, &c.

Iterum annexa est promissio, quòd libentius pareamus. *Sanitas uel medicina erit umbilico tuo, & irrigatio, seu pinguedo ossibus tuis.* Per umbilicum interanea intelligi possunt, quæ si sana sint, totum corpus hominis bene habet: per irrigationem ossium, medulla quæ ossa alit & roborat. Ut sit promissio bonæ ualitudinis: cuius beneficium maximum est, id quod illi optimè norunt, qui cum morbis difficilibus & diuturnis aliquando conflictati sunt. Munsterus hæc uerba, *Sanitas erit umbilico tuo.*) ita exponit: optimè habebis, & nullus erit tibi in his quæ corpori sunt necessaria defectus. Et propterea umbilici mentionem fieri dicit, quòd homo prima fomenta per umbilicum suscipiat. Sunt qui ad hunc modum exponant: Quemadmodum sanitas internarum partium, hominis corpus reddit incolume: sic timor Dei cupiditates coercet. Et uelut medulla irrigat ossa: sic timor Domini robur confert ad honestas actiones. Vt cunq; hæc omnia habeant, certum est, bonum nobis hoc loco insigne à Deo promitti.

9 Honora Dominum de tuis opibus, & de primitiis omnis prouentus tui.

10 Et implebuntur horrea tua satietate, & torcularia tua musto exundabunt.

11 Castigationem Domini non abominaberis fili mi, neq; fastidiet te increpatio eius.

12 Quem enim diligit Dominus obiurgat, & tanquam pater in filio delectatur.

Hæc uerba duos insignes locos cōtinent. Prior est, quomodo opibus ad gloriam Dei utendum sit, qui ad diuites præcipuè spectat. Alter est, de patientia in afflictionibus, qui pauperibus & alijs oppressis potissimum inferuit.

Deo aliquid dandū ex nostris opibus.

Quod ad priorem partem attinet, *Honora*, inquit, *Dominum de tua substantia.*) Nō loquitur tantum de elemosyna, sed etiam de alijs pijs donationibus, & oblationibus. Hoc autem uult dicere: Si amplas opes possides, confer etiam Deo aliquid. Profitere te omnia quæcunq; habes à Deo accepisse, & gratiam refer. Quid habes, inquit Apostolus, quod non acceperis? Frustrā terram



terram coleres, negotiationem exerceres, & rei familiari dares operam, nisi Dominus sua adesset gratia. Apostoli tota nocte frustra laborabant, donec Dominus successum dabat, Luc. 5. Opes igitur Dei donum sunt, nec parantur nostra cura & industria. Mox ab origine mundi (iussu nimirum mandatoq; Dei) Cain ex frugibus terræ, Abel uerò è grege suo pecus obtulit Deo in holocaustum. Idem alij quoq; patres fecerunt. Sub Mose Dominus sacrificia distinxit, & certa mandata de sacrificiorum ritib. præscripsit, eosq; obseruari uoluit. Requisiuit item à suo populo decimas, primitias (quarum hoc loco fit mentio) primogenita & alias oblationes: cum alias ob causas, tum ut cultus Dei externus inde conseruaretur, Leuitæ & sacerdotes sustentarentur, ædificia sacra reficerentur, pauperes item alerentur.

Tametsi uerò lex ceremonialis, unà cum sacerdotio Leuitico abrogata sit, certum tamen est, ad conseruandum sacrum ministerium, & alendum pauperes, opes esse necessarias. Ex Act. Apost. liquet, primitiuam ecclesiam opes habuisse. Quidam enim agros suos, uineas, domos, & pecunias ad conseruationem pauperum, & rerum ecclesiæ necessarium conferebant. Postea principes, nobiles, ciues & rustici ecclesiæ multa legarunt ac donarunt, memores huius præcepti: Honora Dominum de substantia tua. Quod si quis ecclesiæ uel reipublicæ aliquid debet, puta decimas, annuos redditus, & alia huius generis, bona fide persoluat. Hoc enim leges postulant. Nulla etiam cogente necessitate, aut lege requirente, sponte ad cultum Dei aliquid contribuere debemus. Quod si non placet ministris aliquid conferre, uel scholis, confer aliquid Xenodochijs, leprosarijs, uiduis, pupillis, peregrinis, & alijs afflictis hominibus. Sic enim Deum glorificabis ex tuis opibus, qui tamen nostris rebus non indiget, imò nihil habemus quod non ex ipsius manu acceperimus: tamen si in pauperes benefici sumus, sibi impenſa esse officia illa interpretatur. Christus mox moriturus, diligentissimè nobis pauperes commendauit. Dolendum profectò est, quòd homines olim in simulachra diuorum sumptus infinitos fecerunt: nunc uerò in uia Dei simulachra, ubi nusquam melius poni possent, nullos faciunt: in insanas quoq; substructiones monasteriorum multum contulerunt, nunc ministris Christi uix terentium conferunt. Honoratur etiam Deus à nobis non tantum quando aliquid conferimus uel ad conseruationem ministerij, uel pauperum: sed etiam quando diuitijs rectè utimur: quando non inanes, sed necessarios sumptus facimus.

*Dominum, dicit, honora.*) Dei, non nostra gloria spectanda est in collationibus, non captanda à nobis aura popularis. Multi nihil aliud quærunt, quàm nominis sui celebritatem, quemadmodum de multis fraudationibus manifestum est. Christus eos reprehendit qui in eleemosynis suis hoc uenantur, ut glorificentur ab hominibus, Matth. 6. Videndum etiam ut secundum Dei uoluntatem demus, alioqui non honorabimus ipsum. Non quæuis donatio propter Deum ipsi placet, ut si in missas, simulachra & eiusmodi multa alia conferas: sed cum ita conferimus, ut nomen Domini magis innotescat & sanctificetur.

*Quid spes  
standum in  
donationi-  
bus pijs.*

Expendendum item quod dicit, *De tuis opibus, & primitijs omnium frugum tuarum.*) De tuis opibus & iustè quæsitis, non alienis Deo offeras. Non uult Deus ut malis artibus diuitias cumules, & postea ipsi partem conferas. Negat enim apud Isa. 61. sacrificia ex rapinis sibi placere. Infra cap. 21. dicet, hostias impiorum abominabiles esse, quæ offeruntur ex scelere. De hac re quædam etiam Ecclesiastici 34. & 35. leguntur. Iere. 7. cap. populum grauius accusat, quòd cum turpissimè uiuerent, se in templum tanquam latrones in speluncam suam reciperent, existimantes per templi religionem, per uictimas, & cultum externum, se tutos fore ab impendentibus malis. Quasi Deus accepta prædæ parte, delinire se pateretur. Hodie multi qui mercenaria militia, usuris & pessimis artibus ingentes thesauros cumularunt, sacellum aliquod ædificant, anathemata suspendunt, certam pecuniam sacrificulo numerant, pauperibus particulam aliquam decerpunt, putantes se suo functos officio, & à peccatis absolutos esse: sed longè falluntur. Deus enim uult ut pœnitentiam agamus, iniustas opes legitimis possessoribus restituamus (id quod Zachæus fecit) & deinceps cauentes ab imposturis & sceleribus, manibus nostris laboremus, quòd non modò necessaria nobis suppetant, sed egentibus quoq; opitulari possimus. Peccarunt in hoc sacrifici, qui furto & rapinis partas opes ad se deferri iusserunt: ac tametsi eos à peccatis illis absoluerint, Dei tamen iudicio nondum satisfecerunt, nisi uiam quam uerbum ipsius nobis monstrat, fuerint ingressi. Addit, *De primitijs, uel melioribus* (Heb. enim uox etiam præcipuam cuiusq; rei partem significat) *Omnium frugum tuarum.*) Non tantum de uilioribus, Mal. 1. cap. Testari enim hac re debemus, nos fruges ex Dei manu accepisse. Confirmat hic locus etiam proprietatem rerum.

*Quid dan-  
dum sit.*

Non aut præscribit quantū dandum sit: difficile enim est certum modum præscribere. Si non sis fide & charitate uacuus, facillè intelliges quantum dandum sit: uide capite 4. Tobie.

*Quantum  
dādum sit.*



Peccant contra hoc præceptum, qui ea quæ ciuilibus etiam legibus dare tenentur, uel non dant, uel malignè dant. Deinde qui facultates ab alijs ad conseruationem ministro- rum & pauperum iam pridem collatas, in alios usus conuertunt, furantur, aut malignè dis- pensant. Item diuites auari qui pauperibus nihil de suis diuitijs conferunt, nec aliàs ijs rectè utuntur.

Dicis, Quodd si opes meas Deo conferam, quid mihi & meis liberis reddetur? Promissio- nem amplissimam subiicit. Implebuntur horrea tua satietate. ) hoc est, frugum copia, unde & tu & familia tua saturari poterit. Et, Torcularia tua musto exundabunt. ) uel rumpentur. Ne perijsse putes quæ Deo offeruntur. Tantæ est bonitatis ut retributionem promittat, si de bonis ab ipso gra- tis acceptis, aliquid in pauperes contulerimus. Promittit autem magnam abundantiam re- rum. Experientia certè docet, eos qui persoluant quod debent, & munifici sunt in pauperes, sæpe alijs ditiores reddi. Malachiæ 3. capite, fertilitas promittitur populo, si liberaliter uesti- galia sacra persoluant. Ediuerso uidemus illos qui non dant quod debent, & alios fraudant, ad extremam sæpe pauperiem redigi. Haggeus dicit causam cur fruges malignè proueniant hanc esse, quodd non soluerint quæ templo debebant. De sacrilegis multa extant in historijs exempla, quomodo sceleris sui pœnas dederint. Quodd si in hoc seculo hæc non fiant, tamen beneficos remunerabit Deus in futura uita: satiabuntur gloria, & uino gratiæ Dei recreabun- tur. Non quodd nostris operibus uitam æternam mereamur: soli Christo hæc laus debetur. Gratia Dei primum opes acquirimus, deinde benefici reddimur, ex gratia quoq; nobis mer- ces promittitur.

Patientia in afflictionibus.

Locus ad Hebr. 12. cap. expli- catur.

Secundus locus est de patientia in afflictionibus: qui ualde utilis est & necessarius, præfer- tim in tristi illa mundi senecta, in qua uelut fluctus fluctum trudit: ita una calamitas alteram excipit. Omnes autem natura queruli & impatientes sumus. Hunc locum adducit Paulus ad Hebr. 12. cap. & sequitur uersionem septuaginta interpretum, quod mirum alicui uideri potest, cum scribat Hebræis. Verba eius hæc sunt: *ὡς ἐν ἐλέει τῆς παρακλήσεως, ἥτις ὑμῖν ὡς ὕδρι διαλέγεται, ἥ μὲν, μὴ ὀλιγάκις παύσειας ἔχει, μηδὲ ἐν λυγρῇ, ἵπ' αὐτῇ ἐλεγχόμενος· ὅτι γὰρ ἀγαπᾷ ὑμῶν, καὶ ἀσπᾷ ματιγῇ διὰ πάντα ὑμῶν ὅτι παρακλήσεται*, id est: Obliti estis exhortationis, quæ uobis tanquam filijs loquitur: Fili mi, ne neglexeris castigationem Domini, neq; animo deficias, cum ab eo argueris. Quem enim Dominus diligit, castigat: flagellat autem omnè filium quem recipit. Postquam Paulus cap. 11. tractauit de fide, subiungit adhortationem ad patientiam, quæ fru- ctus est fidei, uaria afferens argumenta, ab exemplo sanctorum, ab exemplo Christi, item quodd nondū satis perpessi sint. Postea subiungit hūc locum ex Solomone: Obliti estis exhor- tationis uel consolationis, ut uetus interpret habet. (*παρακλήσις* enim utrunq; significat.) Pos- sunt hæc uerba etiam interrogatiuè legi.

Non reijci- enda corre- ctio Domi- ni.

Fili mi.) Blanda & suauī appellatione utitur, ut penitus in animos nostros penetret. Ne ne- glexeris castigationem Domini. *ὀκνημας* significat cum fastidio quoddam aliquid reijcere, cōtem- nere, abominari. Castigationem uel disciplinam Domini uocat, quia Dominus immittit. Nō casu nobis accidunt aduersa, neq; enim diabolus, uel mundus obesse nobis possunt, nisi Do- mino ita uisum sit. Ne passer quidem in terram cadit, absq; nutu patris cœlestis, Matth. 10. Neq; deficias animo cū ab eo argueris.) In Hebræo legitur: Neq; t.edio afficiaris propter increpationem uel cor- rectionem eius. *ὑπὸ* *κόζ* significat angustijs affici, affligi, horrorem, fastidium & nauseam habe- re. Sensus est: Si tibi Deus immittit calamitatem aliquam, puta morbum, paupertatem, con- temptum: ne feras impatienter, nec cum ipso expostules, neq; ad uias illicitas ex malis eua- dendi te conuertas: sed æquo animo suscipe, & auxilium diuinum pete & expecta.

Deus amat homines quos ca- stigat.

Rationem reddit: Quem enim diligit Dominus, hunc corripit: flagellat autem omnem filium quem reci- pit.) In Hebræo est, Et sicut pater filium ualde amat.) Dominus non idcirco calamitates nobis im- mittit, quodd nobis malè uelit: sed potius quodd nos amet. Res declaratur exemplo. Sicut pa- ter filio quem amat non semper blanditur, non subinde munuscula dat: sed interdum eum ca- stigat, & castigando eum, sibi complacet in eo, nec ex odio castigat, ut eum interficiat, sed ad hoc, ut filium habeat in quo sibi complaceat: ita si Deus nos castigat, coniiciendo in publica uel priuata mala, non est argumentum auersi Dei, quemadmodum diabolus interpretatur: sed potius paternæ ipsius beneuolentiæ. In Hosea tanquam præfens ultio ponitur, quodd eos non castiget. Paulus 1. Corinth. 11. dicit, eos puniri ne cum mundo iudicentur. Dauid gratias Deo agit propter castigationem.

Deus im- pios quoq; castigat.

At scriptura, inquis, sæpe docet, & experientia confirmat, impijs quoque afflictiones immitti. Respondeo, Solomonem & Paulum de pijs loqui, in quibus sunt signum dile- ctionis Dei. Hortatur nos Petrus, ne affligamur ut fures, & adulteri, &c. nihilominus tamen si electi incidunt in horrenda scelera, & castigentur, signum est beneuoli Dei.

Bonis



**Bonis** enim omnia in bonum cooperantur. In impijs afflictiones sunt argumentum irati Dei, malis enim omnia in malum. Quemadmodum è contrario, si eis omnia ex animi sententia succedant, signum est irati Dei: dabunt enim in futuro seculo pœnas, Iacob. 5. Quando parentes liberos castigant, bene habet, solliciti enim sunt de ipsorum salute: quamprimum eos sibi permittunt, parum boni ab eis expectant. Multæ autem sunt utilitates, ob quas Deus suos uarijs calamitatibus exercet. Vide hac de re epistolam 22. D. Aug. ad Victorianum, in qua eum hortatur ut patienter ferat mala, quæ Barbari in Italiam & Hispaniam incurfiones facientes, sanctis inferebant.

Ex his uerbis Solomonis Paulus multa deducit, & similitudinem patrum qui filios castigant, pulchrè illustrat. Si castigationem inquit, sustinetis, Deus uos ut filios amplectitur. Deinde communem hunc morem esse ostendit, ut patres saltem prudentes, liberos castigent, quos alioqui uix ac ne uix quidem, ad frugem peruenturos intelligunt. Deus itaq; hoc remedium non negliget. Addit, si immunes esse uultis à castigatione, non estis legitimi filij. Omnes enim participes sunt castigationis. Adhuc si carnalis patris castigationem reuerenter pertulimus, quantum patientius ferenda est castigatio patris spirituum, qui animas & uitam spirituales nobis, concedit? Confert item patres carnales cum spirituali. Illorum castigatio ad præsentem tantum uitam confert: Dei uero ad uitam æternam nos sanctificat. Non quod afflictiones propriè sanctificent, sed quia adminicula sunt ad sanctificationem. Rebus enim secundis non rarò Dei obliuio nobis obrepit. Adhuc parentes qui liberos castigant, modum aliquando excedunt, uel iræ impulsu eos castigant: Deus autem disciplinam suam optime temperat. Molestum est castigari, inquit: Est quidem, at non præsentem castigationem, sed finem potius perpendere oportet, ac fructum qui tandem consequitur. In Apo. 3. cap. Christus etiam dicit, Ego quos diligo arguo & castigo. De qua sententia præclare scribit August. in lib. 83. quæstio. cap. 82. disputans quomodo iusti multas molestias in hoc seculo patiantur, florentibus interea impijs, &c.

13 O' felicem hominem, qui inuenit sapientiam, & qui educet intelligentiam.

14 Siquidem! melior est negotiatio eius, negotiatione argenti, & auro optimo fructus eius.

15 Preciosior est margaritis, & omnia expetibilia tua non sunt æqualia ei.

16 Longitudo dierum est in dextra eius, & sinistra eius diuitiæ & gloria.

17 Viæ eius sunt uia iucunditatis, & omnes semitæ eius pax.

18 Lignum uitæ est ipsa apprehendentibus eam, & beatus est qui tenet eam.

19 Dominus in sapientia fundauit terram, formauitq; cœlos per intelligentiam.

20 Per scientiam eius ruperunt sese abyssi, & æthera stillabunt rorem.

21 Filii mi, ne recedant ab oculis tuis, custodi sapientiam, & cogitationem.

22 Erunt enim uita animæ tuæ, & gratia gutturi tuo.

23 Tunc perges confidenter uiam tuam, & pes tuus non impinget.

24 Cum dormieris nō pauebis, cum cubabis, dulcis erit somnus tuus.

25 Non timebis à pauore repentino, neque à desolatione impiorum, cum illa ingruerit.

26 Quoniam Dominus erit fiducia tua, & custodiet pedem tuum à captione.

Spiritus sanctus his uerbis duo tractat. Prius, est encomium sapientiæ: ostendit enim quæ sit eius dignitas & præstantia, quidq; boni ex ea sequatur. Alterum, est exhortatio ad studium sapientiæ. Beatus inquit, homo qui inuenit sapientiam. Per sapientiam intelligo ut supra uerbum Dei, atque aded ipsum Christum, sapientiam patris. Non autem putandum est, quod nostris uiribus inuestigari & inueniri possit: Dei donum est. Et qui educit, uel profert in lucem, intelligentiam, hoc est, qui eam assequutus candidè alijs etiam communicat. Qui notitia



Christi pręditus est, alios etiam docere debet, suo tamen modo. Nemo enim ecclesiastę munus temerę usurpare debet, nisi ad hoc sit uocatus. Multi sunt qui beatos illos putant, qui opibus & uoluptatibus huius mundi abundantes, quę minimę solliciti sunt de studio uerbi Dei: infelices ac miseros esse illos, qui diu noctuq; uerbum Dei meditantur, & pręcepta Dei uita sua exprimere conantur: sed toto cęlo errant.

**Precium uerbi Dei.** Sapientia pręfertur auro, argento, gemmis uel preciosis lapidibus, chrysolito, smaragdo, topasio, &c. Imo omnibus alijs rebus quę desyderantur & maximi fiunt, ut cibus, potus, uestitus, &c. Psaltes etiā uerbū Dei rebus quibusuis maximis, & nobilissimis prætulit. Psal. 19, Pręcepta tua desyderabilia sunt, inquit, auro obryzo & multo. Et Psal. 119, Dilexi mandata tua supra aurum & topazium. Hęc enim omnia fluxa & caduca sunt, cęlestis sapientia clara

**Margarita.** æternaq; habetur. **פנינים** peninim, pprię margaritas seu uniones significat. Veteres testātur eas olim in maximo precio fuisse. Plinius dicit, Principiū culmęq; omniū rerū precij margaritę tenent. De Cleopatrá luxu idē scribit, quod unionem qui centies sestertium ualebat, lacte dissolutum in conuiuio absorpserit. Nostra ætate multis alijs gemmis postponuntur. Vide de hac re clarissimi uiri Conradi Gesneri historię de aquatilibus librum 4. Mirum profectō est, homines tam cęcos & stupidos esse, ut tanto studio cum iactura uitę & animę interdum, terrena hęc inquirant: interim tamen parum, aut nihil solliciti sint de nobilissimo & preciosissimo thesauro, cuius comparatione quęcunq; hominibus magna uidentur, planē sordescunt. Quin potius illum mercatorem imitari debebant, de quo Matth. 13. legitur, quod diuenditis suis possessionibus, margaritam illam uerbi & sapientię Dei mercatus sit. Discendum etiam est, non metuendum esse, ne nos terrenarum opum iacturā facere oporteat, modo thesaurum uerbi diuini retineamus, qui ab hominibus nobis eripi non potest. Quādiu enim illum habuerimus, diuites erimus & beati. De Biante philosopho legimus, quod rogatus cur ex incendio patrię nihil rerum suarum exportaret, quemadmodum alij ciues? responderit: Ego omnia mea bona mecum porto, significans sapientiam. Quantō magis nos Christiani, de uera sapientia hoc affirmare possumus?

**Sapientia longeuos facit.** Longitudo dierum est in dextra eius. Nemo est qui non quā diutissimē uiuere cupiat: mortem omnes fermē perhorrescimus, tamen eam interdum optare uideamur. Sapientia autem pręstat longęuitatem uitę: ut suprā quoque annotaui. Multi diutius uiuere potuissent, si sapientię pręceptis aurem prębuisent. Inuidi seipso conficiunt, ebrii ante tempus pereunt, contentiosi sæpe dant pœnas, scortatores aliquando phyltris perduntur, magi a satana iugulantur, multi facinorosi gladio magistratus ē medio auferuntur. Etiam si autem diutius uiuant, tamen uita eorum mors uerius appellanda est, quia conscientia scelerum subinde exagitantur. **In sinistra eius diuitię & gloria.** De hoc nihil iam dicam, quod Deus sui uerbi studiosis, magnas sæpe opes contulit, uelut Abrahamo, Isaac, Iacobo, & alijs sanctis patribus: hoc tantum annotabo, quod pij & fideles exiguas opes possidentes, sunt diuites: contenti enim sunt rebus pręsentibus: pręterea ipsi opes possident, nec quemadmodum auari, ab opibus possidentur. Adhęc thesaurum suum habent in cœlis. David Psalm. 16. suum describens thesaurum, Dominus ait, pars hęreditatis meę. Gloria etiam ornantur pij. **Sapientia gloriosos facit.** Nam quemadmodum umbra corpus: sic gloria uirtutem sequitur. Impij quoq; uirtutes in alijs amant & suspiciunt, cumque ipsi turpiter uiuant, cupiunt tamen plerunq; filios suos uirtute esse conspicuos.

**Via eius sunt amœnæ.** Viuendi ratio quam sapientia pręscribit, amœna est & suauis. Primo aditu uia eius est ardua & difficilis: seruire Christo, & uiuere secundum Euangelium eius, carni magnum uidetur onus esse: sed si quis primam difficultatē superarit, & aliquousque in uia Domini progressus fuerit, uidebit uiam esse amœnissimam. Via quam stultitia monstrat, prima specie blanda est, sed tandem in multa & magna mala pręcipitat. Hęc multis exemplis possunt declarari. **Omnes semitę eius pax.** Pręcepta & instituta sapientię, ad pacem nos deducunt, ita ut tumultus, quibus sine fine iactamur, in nobis confideant, & uera tranquillitas in animis nostris oriatur. Scimus enim nos propitium & placatum habere Deum. Deinde cum proximo pacem etiam colimus, & æternam pacem ac quietem auidē expectamus.

**Lignum uitę.** Lignum uitę ipsa est apprehendentibus eam. Alludere uidetur ad lignum, hoc est, arborem uitę, quę fuit in medio paradisi, Gen. 2. Quemadmodum Deus herbis & radicibus quibusdam uim medicam indidit: ita arborem produxerat, cui ea uis inesset, ut si primi nostri parentes ex eius fructibus comedissent, senium & morbos repelleret, ac uitam conseruaret. Postquam uerō propter peccatum paradiso pulsi sunt, accessus ad arborem uitę, uisibili impedimento interclusus est, ne fructus eius gustarēt, Gen. 3. Sapientię nunc beneficio



neſicio denuò reſtituitur, quod primi noſtri parentes Adam & Eua per inobedientiam & ſibi & poſteris perdiderunt: non quòd morti amplius obnoxij non ſumus: ſed quòd poſt mortem, per Chriſtum uitam æternam conſequamur. De hoc loco uide Auguſt. lib. 8. de Geneſi ad literam, cap. 3. & 4. *Beatus eſt qui eam tenet.*) Vt mundus eum infelicem & miſerum iudicet. Notandum autem eſt, quòd dicit, *qui eam tenet*: non qui eam uel aſpernatur, uel ore tantum iactat, quemadmodum hypocritæ faciunt.

Subiicit nunc, per ſapientiam mundi machinam conditam eſſe. Cælum & terra non caſu extiterunt, nec ab æterno fuerunt, ut quidam philoſophi ſomniant: ſed Deus æternus pater, cum filio, & ſpiritu ſancto, ex nihilo, non ex præiacente materia condidit. Ioan. 1. Omnia per ipſum, nempe filium, facta ſunt. Pfalm. 32. Verbo Domini cœli firmati ſunt, & ſpiritu oris eius omnis uirtus eorum. Nec tantum condidit, ſed gubernat & conſeruat. *Terram fundauit.*) id eſt, in medio mundi immobiliter poſuit. Pfalm. 93. Iob. 38. Quando terram nominat, comprehendit omnia Dei opera in terra, animalia, plantas, gemmas, &c. Per cælum omnes res creatas quæ cœlo continentur, luminaria illa magna, & parua, quibus cælum ornauit: ut interim nihil dicam de beatis ſpiritibus. *Per ſcientiam eius ruptæ ſunt abyſſi.* Hoc quidam intelligunt de ſeparatione aquarum à terra, quam Dominus à principio creationis fecit, ut homines & beſtiæ terram commodius incolerent, quæ inſtar ſpongiæ fuerat aquis immerſa. Quidam accipiunt de fontibus & fluuijs qui paſſim ex terra erumpunt, ut è noſtris alpiſus Rheus, Ticinus, Rhodanus. Gloſſa intelligit de eruptione aquarum, facta in diebus Noe, quando genus humanum uniuerſali diluuiò interijt. Hæc omnia ſunt eximia Dei opera. *Cœli ſtillant rorem.*) Solis ardore, uapores & exhalationes ex aquis educuntur, denſanturq; in aëre: hinc ſunt nubes, ex quarum reſolutione imber & ros gignitur. Hic alia etiam Dei opera cogitanda ſunt, quorum diligens & aſidua conſyderatio, nos in cognitionem Dei introducere debet. Valeant illi qui ſimulachra nobis inſpicienda proponunt, quibus ad Dei cognitionem perducamur. Cæterum magna laus eſt ſapientig, quòd per eam non modo uniuerſa condita ſunt, ſed etiam conſeruantur & ſuſtentantur.

Per ſapientiam mundus eſt conditus.

Sequitur iam ſecundo loco exhortatiuncula ad ſtudioſum ſapientiæ, ducta ex ſuperioribus. *Fili mi, non recedant iſta ab oculis tuis.*) Hæc ſubinde in conſpectu habenda ſunt, nempe quæ de creatione & gubernatione mundi deq; commodis diximus, quæ ſapientia largitur. *Cuſtodi ſapientiam uel legem, & cogitationem.* Veram hanc ſapientiam amplectere, & ſubinde cogita quæ de ſapientia hoc loco prædicantur. De utraq; uoce ſuprà dictum eſt.

Exhortatio ad ſtudioſum ſapientiæ.

Addit quæ utilitas eos maneat qui uerbo Dei, & eius conſilio obtemperant. Promittit uitam, gratiam & ſecuritatem: ſed ſingula paulò diligentius inſpicienda ſunt. *Erunt uita animæ tuæ.*) hoc eſt, bene habebit anima tua. Vel de uita temporali & æterna, quam ſapientia confert, iterum loquitur. *Et gratia gutturis tui.*) Grata erunt quæ loqueris. Gloſſa dicit, Dulcia erunt, & adducit locum Pfalm. 33, Guſtate quàm ſuauiſ eſt Dominus. Præterea ſecuritatem promittit contra omnia pericula, quæ uel domi agenti, uel iter facienti, nec non dormienti uel uigilanti accidere poſſunt. *Tunc perges confidenter uiam tuam.* Si iter tibi faciendum ſit, non metues latrones uel malas beſtias. *Pes tuus non impinget.*) Feliciter iter tuum conſicies. Scriptura per pedes affectus quoq; intelligit. *Cum dormies non pauebis: ſed dormies, & dulcis erit ſomnus tuus.*) Sciunt fideles ſe Domini eſſe, ſiue dormiant, ſiue uigilent: ideoq; ſecurè dormiunt. Deinde quia uirtuti ſtudent, meliora ſomnia uident. Impiorum uerò animus etiam in ſomnis iactatur, & non conqueſcit: uigilantes enim mala cogitant quæ perficiant. *Non timebis à pauore repentino.*) Mala quæ de improuiſo homines obruunt, uehementer eos percellere ſolent, ita ut ſæpius quo ſe uertant neſciant: ſed ueræ ſapientiæ ſtudioſi, rebus florentibus mala expectant: interim in dulci conſyderatione prouidentiae Dei ueluti in portu conqueſcentes. Naturalis uerò timor ſi certis metis cohibeatur, non eſt peccatum. Neq; à uarietate uel deſolatione impiorum.) Pijs non conſternantur, tametiſ impij omnia populentur & ualent. Sciunt enim eos non ulterius procedere, quàm Deus eis permiferit, aut pijs utile fuerit. Vel, ſenſus eſt, pijs non metuendum eſſe ne euertantur ut impij.

Cauſam ſubiicit ſecuritatis piorum. *Quoniam Dominus aderit lateri eorum.* In Hebr. legitur, *Erit fiducia tua: & cuſtodiet pedem tuum à captione.*) Multi gloriantur affinitatibus, fœderibus principum, munitiõib. locorũ, & alijs huiuſmodi: at ſciunt Deum ſibi ad eſſe. Si Deus pro nobis (inquit Apoſtolus) quis contra nos? Regius propheta Dauid in multis pſalmis teſtatur, ſe non curare potentiam hoſtium, cum Deum à ſuis partibus ſtantem habeat. Idem iudicant omnes pijs. Si uerò Deus, ſuos patiatur lædi, in bonum eis cedit, modò patienter ferant. Contemptores uerò ſapientiæ nihil non metuunt, ex ſe enim alios metiuntur: noctu cum alijs quieſcunt, ipſi de inſidijs quas pijs tendant, & patrandis ſcleribus cogitant: quæadmodum





sequenti capite audiemus: in somno etiā affliguntur, cū uident scelerum uindictā à se exigi.

27 Ne prohibeas bonum à dominis tuis, quando manus tua fuerit ad eum, ut possis.

28 Ne dicas proximo tuo: uade, reuertere, & dabo cras, cū sit tecum.

29 Non machineris contra proximum tuum malum, ille enim confidenter tecum habitat. (malum.

30 Non contendas cum homine frustra, si ipse tibi non retribuit

31 Non æmuleris, uel imiteris uirum rapinæ, neque eligas ullam uiarum eius.

32 Nam maledictio Domini est apostata: cum rectis autem est arcnum eius.

33 Maledictio Domini est in domo impij: habitaculo autem iustorum benedicit.

34 An non illusoribus ipse illudit, & mansuetis dat gratiam?

35 Gloriam sapientes hæreditant: stulti autem sustinent ignominiam.

In calce huius capitis multa præcepta ponuntur, ualde salutaria & necessaria. Possunt autem ad duo ferè capita reduci. Quædam enim ad charitatem pertinent: quædam impiorum æmulationem uetant. Ne prohibeas bonum à Dominis tuis, cum sit fortitudo manus tue ad faciendum.) à dominis tuis, hoc est, ab his qui indigent beneficio. Vel ab his qui beneficium præstare possunt. Simplicissimus huius loci sensus uidetur hic esse: Ne impedias alium qui indigenti benefacere cōstituit, etsi facile possis. Ex lege enim teneris, quantū potes, iuuare proximum opibus proprijs: si non potes, debes saltem pro eo occasione oblata, apud alios intercedere.

Non impediendi sunt qui proximis benefacere uolūt.

Magnum nunc est peccatū, si non modo indigētibus ipse nihil cōferas: sed alios qui cōferre parati erant, retrahas: dicendo, Serua hæc tibi tuisq; liberis: malè peribit quod alijs impendis: serua hæc aduersis temporib; Ita etiam cū quis proximū de rebus diuinis erudire cupit (est enim & hoc genus eleemosynæ, quam spiritualē nomināt) ne obstitas illi. Christus pharisæis & scribis Luc. 11. exprobrat, quod ipsi in regnū Dei introire non modo recusent: sed & alios introire cupiētes impediunt. Hoc peccatum hodie uulgare est inter proceres ecclesiæ, qui in comitijs & alibi, omnē mouent lapidem, ne populo pura doctrina proponatur. Ipsi nolunt docere, nec possent pleriq; & alios qui libenter docerent, nō tantū impediūt, sed & igne torrent. Alij putāt hunc esse sensum: Ne subtrahas bonum à dominis tuis, hoc est, ab ijs ad quos tanquā dominos pertinet, cum possis benefacere. Dispensatores enim bonorum nos Deus constituit, ut ex illis pauperibus beneficiamus. Quidam dicunt præceptum esse iusticiæ, ut hero si possumus, rem suam restituamus. Potest hæc sententia etiam ad alia accommodari.

Non dicas proximo: uade, reuertere, & dabo cras, cum sit apud te.) scilicet quod tribuas. Docet hæc sententia, non solum dandum esse, sed citò: prohibet dilationem, tam in debitis quàm in gratuitis. Si amicus, uicinus, aut alius qui ope indiget (nam quis nomine proximi intelligatur, ex parabola Samaritani, & eius qui in latrones inciderat, Luc. 10. cap. manifestum est) beneficium à te petit, ne uana spe eum lactes: si uis, da statim ei quod postulat. Notum est illud, Inopi beneficium bis dat, qui dat celeriter. Seneca dicit, Ingratum est beneficium quod diu inter manus dantis hæsit. Si non potes, uel non uis eum iuuare, admone eum, ut alios quærat. Sunt multi qui cū non possint opitulari amicis, opem tamen suam eis polliceantur, falsisque pollicitationibus eos lactent: uolunt enim uideri. Deinde sunt qui cū nolint iuuare proximum, tamen præ se ferant nescio quid. Sunt item qui etsi possint & uelint, tamen difficiles se præbent, & uix magnis precibus tandem adducti, proximos subleuant. Phocylides ex hoc loco uidetur mutuatus præceptum illud:

πλὴν δὲ ἐνὶ δίδου, μὴ δὲ ἀνελὼν ἔλθῃς ἐπὶ αὐτῷ.

Idem docet, melius esse exiguum dare, sed celeriter & libenter, quàm magnum tardè & coactè. Ouid. lib. 3. de Ponto.

Gratiaq; officio, quod mora tardat abest.

Cum sit apud te.) ad uerbum: & est tecum, hoc est, potes eū iuuare. Quidā sic intelligunt: ne dicas, est tecū, uel tibi, hoc est, cur à me petis, quæ tibi suppetūt? ditior es quā ego. Sed prior sensus uidetur simplicior. Basiliius dicit, Audi o homo Solomonem: Ne dicas, reuertere aliàs, & cras tibi dabo, cum possis beneficium præstare: nescis enim quid crastinus dies pariat. O quæ præcepta contemnis, & tristitiam ac grauitatem præ te fers, declinans obuios, ne quid uel modicum expendere cogaris. Vnam hanc uocem nosti, cum nihil habeam nihil dabo, pauper



per enim sum. Atqui uerè pauper es, & inops omnis boni: inops fidei erga Deum, inops benignitatis, inops spei. Quin impertiris fratribus tuis ea, quæ aliter à tineis erodentur? Pessimum illud auaritiæ genus est, ne corruptioni quidem ad breue tempus obnoxia, indigentibus communicare; &c.

Ne machineris contra proximum tuum malum, quando ille confidenter tecum habitat.) Docet bona fide eum illis agere, qui nobis bene fidunt. Iniustissimum & turpissimum est illis insidiari, qui nihil sinistri de nobis suspicantur, seq; à nobis putant diligi. Si quis arcana in sinum tuum effundat, ne prodas in eius exitium. Si quis pecunia proposita, tuam te portionem iubet accipere, eum ne fallas. Si quis egens auxilio ad tuam fidem & benivolentiam confugiat, ne deferas eum. Laert. lib. 4. cap. 1. scribit, Xenocratem passerem qui fugiēdo imminētem accipitrem, se in sinum eius coniecerat, protexisse, ac demulcendo dimisisse, dicens: Innocentem & supplicem non esse prodendum. Hesiodus in Ergis dicit, non minus peccare, qui supplicē, quam qui hospitem lædit, &c. Deus per prophetā Amos, Aſcalonitis & Tyrijs pœnam denūciat, quod cum tempore belli quidam ad eos confugissent, opemq; quærent, ipsi hostibus eos prodiderint. Vide Esa. 16. quid Moabitibus propheta minetur, quod ad se confugientes Iudæos non protexissent. Cumq; multa eis exprobrare potuisset, hoc in primis cōmemorat.

Ne contendas cum homine sine causa, si tibi ille non retribuit malum.) Cum proximo nulla ab eo iniuria læsus, ne disceptes: nō quod qui læsi sunt, suas iniurias persequi & vindicare debeant. Christus enim seruator noster, Luc. 6. Diligite, inquit, inimicos uestros, benefacite his qui oderūt uos: benedicite maledicentibus uos, & orate pro calumniantibus uos, &c. Vltimam particulam huius sententiæ Solomonicæ, Si non repondit tibi malum.) ad hunc modum possumus accipere: Si non sequutus fueris meum consilium, aut aliquid simile, malum tibi retribuet. Ideo Zuinglius hunc uersum reddidit: Ne temerè litem cum quoquam suscipias, quo minus superior factus, malum tibi retribuat. Docet, ne temerè cum proximo nostro altercemur, aut iure agamus. Sunt enim homines qui quauis de causa cum aduersarijs suis in iudicio litigant, & aliorum simplicitate abutuntur: glorianturq; se causam etiam malam uincere posse. Abbas quidam Heluetius interrogatus, cur toties in iudicio disceptaret, cum sciret se causam sæpe non bonam tueri: respondit, se imitari pueros, qui prætereuntes nucem arborem, saxi & lignis peterent, experirenturq; num quæ nuces deciderent. Præstat interdum iniuriam pati, quam in iudicio contendere. Iusti enim iudices sæpe falluntur: & qui causam malam defendunt, suffragijs interdum uincunt. Hinc immodici sumptus, inimicitia, & multa alia mala, &c. Quod si res maximi momenti incidat, nihil uetat in iudicio causam agere. Sententia hæc non tollit correctionem & increpationem fraternam, de qua Matth. 18. cap.

Ne æmuleris uirum uiolentum.) Ne cruciet te, ne sis impatiens, ne uē inuidiam concipias erga uiolentos homines, qui ueræ doctrinæ amantes persequuntur: item impostores, uoluptarios, iniustos milites, si prosperè eis omnia eueniant. Neque eligas ullam uiam eius.) Ne exemplum eorum imitandum tibi proponas: ne spe aliquorum commodorum, studijs & moribus similis ipsis euadas: committe eos iusto Dei iudicio. Rationem subiicit: Quia abominatio Domini est peruersus, uel apostata, qui recedit à lege. Dicis, illi homines uulgò felices prædicantur, & in magno sunt precio: At Dominus abominatur eos. Abominatio est, quod offendit sensus. Si tibi quis exosus est, oculos ab eo auertis, horres conspectum eius: ita Deus homines illos auersatur. Distinguenda autem est defectio, duplex enim est: altera est salutaris, altera pernicioſa. Salutaris est si à falsa religione ad ueram, à sceleribus ad uirtutes nos transferimus, &c. Cum rectis est secretum, uel consilium eius.) Deus pijs & studiosis diuinæ legis significat, impios illos sibi non placere, etsi prospera fortuna utantur, nec statim scelerum pœnas persoluant. Deinde alia etiam arcana, quæ eos scire interest, eis cōmunicat. Matt. 11. Quemadmodum nos aliquorundam consuetudinem refugimus, quosdam uerò tāta charitate complectimur, ut secreta eis communicemus: ita dicit Deum agere cum pijs.

At inquis, Impij interea rebus omnibus abundant, pollent auctoritate, domum habent refertam preciosa suppellectile. Subiicit, Maledictio Domini est in domo impij.) Vxores, liberi, familia, possessiones impiorum infelices sunt, sæpenumero ad inopiam rediguntur: malè partum malè disperit. Quoties dicunt, Vrinam infelices hæ diuitiæ in profundum maris essent demersæ? In liberis coguntur multa indigna uidere: ideo autem liberi affliguntur, quia insolescunt propter opes paternas. E contra, Habitaculo iustorum benedicit.) Etsi humilem casam incolas, tamen abundabis rebus necessarijs: familiam habebis frugi & concordem, conscientiam bonam: etiam in medijs malorum procellis exultabis in Domino. Hæc rident impij, stultos & insanos putant, qui huiusmodi uerbis fidem adhibent: subiicit itaque, Verè illis foribus ipse uicissim illudit.) Illusores sunt qui uerbū Dei contemnunt, & iudicia Dei omnesq; illusores.

Qui nobis bene fidēt, non sunt ledendi.

Non temere cum aliquo contendendum.

Mali non imitandi.

Apostatus abominatur Deus.



illos rident: qui cum ipsis, conculcata religione insanire nolunt. Si sequutus fuisses, inquit, aliorum exemplum & consilium, non ita iam egeres, &c. Tales homines ridebit Deus. De hoc in primo capite quædam diximus. Econtra, *Humilibus & mansuetis dat gratiam.*) Humiles uocat illos qui Deum timent, inuocant, & omnem fiduciam in ipso collocant. Hi tamen si ab illuloribus affligantur, Deum tamen propitium & fauentem habent. Septuaginta hanc sententiam ita reddiderunt: *κύριος ὑπερηφάνους ἀντιτάσσεται, ταπεινοῖς δὲ δίδωσι χάριν.* Et iuxta hanc interpretationem citatur hæc sententia in nouo Testamento, 1. Pet. 5. Iaco. 4.

*Gloriam sapientes hereditabunt, & stulti sustinebunt ignominiam.*) Ad uerbum est, & stulti eleuabit uel exaltabit ignominiam, id est, Vnus quisq; ex stultis. Sensus est: Pij homines gloriosi sunt coram Deo & hominibus, ac tandem æternam gloriam consequuntur: unusquisq; uerò stultorum, hoc est, contemptorum ueræ sapientiæ, ignominia afficietur. Vel ipsi extollunt ignominiam, hoc est turpia facta, uel uirum indignum laude, per metonymiam. Perperâ enim de rebus sentiūt: ne ergo moreris ipsorum iudicia. Non autem simpliciter dicit, acquirent, sed quod plus est, hereditabunt, hoc est, proprio, perfecto, & perpetuo iure possidebunt, ut rectè annotat Pellicanus. Hæc omnia eò spectant, ne impios imitemur, ne uel felicitate ipsorum offendamur. Nam ualde afficit non modo hypocritas, sed & ueros Dei cultores, si uideant impios florescere: pios uerò uarijs calamitatibus & æumnis exerceri. Quod etiam ex alijs multis scripture locis patet, Abac. 1. Malach. 3. Iere. 12. Psalm. 37. & 73. In hoc etiam libro sæpe hac ipsa de re disputatur. Docemur autem hanc impiorum felicitatem instabilem esse. Exemplum habemus in diuite Euangelico Luc. 16. & innumeris alijs. Non igitur malis exemplis moueri debemus ad perpetrandum mala: sed uerbum Dei semper habere in promptu, quod contra omnes tentationes nos munit & defendit.

## CAPVT IIII.

**A** Vdite filij eruditionem patris, & aduertite ut sciatis intelligentiam.

2 Nam doctrinam bonam dedi uobis: legem meam nolite derelinquere.

3 Fui & ego filius patris mei, tener & unicus coram matre mea.

4 Et ipse docuit me, dixitq; mihi, Suscipiat cor tuum uerba mea, custodi præcepta mea, & uiue.

5 Posside sapientiam, & acquire intelligentiam: ne obliuiscaris, neq; declinaueris à uerbis oris mei.

6 Non derelinquas eam, & te custodiet, dilige eam, & seruabit te.

7 Inprimis posside sapientiam, sapientiam inquam, & in omni possessione tua acquire intelligentiam.

8 Attolle eam, & eleuabit te: & si eam amplexus fueris, glorificabit te.

9 Dabit capiti tuo additamentum gratiæ, & quasi corona pulchritudinis proteget te.

10 Audi fili mi, & suscipe eloquia mea, & multiplicabuntur tibi anni uitæ.

11 In uiam sapientiæ direxi te, & duxi te ad semitas rectas.

12 Cum incesseris, non artabitur gressus tuus: & si cucurreris, non impinges.

13 Apprehende instructionem & non remittas: obserua eam, quia ipsa est uita tua.

14 In semitam impiorum noli ingredi, neque ambulaueris in uia malorum.

15 Execrare eam, & non transeas per eam: declina ab ea, & prateri.

16 Nam illi non dormiunt nisi malum perpetrarint, & rapitur ab eis somnus, donec (aliquem) impingere fecerint.

17 Comederunt enim panem impietatis, & biberunt uinum iniquitatum.





**S**ALOMON hoc capite iunioribus præcipuè, deinde omnibus hominibus, iterum multis modis & uerbis sæpe repetitis, sapientiæ studium commendat. Per sapientiam sæpe dixi uerbum Dei, atque ad eod ipsum Christum, ueram & unicam Dei patris sapientiam intelligi. Similes exhortationes suprâ quoque habuimus, ex quibus hæc uerba planiora erunt. Utitur ordine aptissimo.

Primum dicit, *Audite filij patris disciplinam.* Patris scilicet cœlestis, uel meam. Aut hoc uult dicere, Si parentes uestri, aut quotquot parentum nomine cœsentur, uos instituunt, ac uel uerbis, uel uerberibus uos castigant, nolite uos immorigeros præbere, aut rebelles: quin potius in hoc incumbite, ut intelligentiam consequamini, hoc est, ut ea percipiat quæ intellectu digna sunt & necessaria.

Secundo loco subiicit rationem: *Quia doctrinam bonam uobis propono.* Non pœnitebit uos, si meo consilio obtemperaueritis. Doctrinam enim uobis utilem trado & necessariam, non ex meo crebro depromptam, sed à patre luminum inspiratam.

Tertio suum exemplum proponit, quod eo spectat, ut doctrinam conseruent, & à teneris sapere incipiant. Hoc uult dicere: Audite paterna monita sicut ego audiui, & fructum haud pœnitendum reportabitis. De hac exhortatione uide 1. Para. 28. cap. Nihil autem magis ad spem percipiendæ sapientiæ nos erigit (ut habetur in glossa) quàm cum eos quos iam in sapientia clarere miramur, aliquando paruulos & indoctos fuisse recordamur. Porro Salomon utilia præcepta de studio sapientiæ in medium afferre optimè potuit, cum à teneris, ut aiunt, unguiculis, sub patre sapientissimo, & prudentissimo, sapientiæ operam impenderit. Filius, dicit, *patris mei cum essem, & matris meæ delicatus & unicus, uel primogenitus:* Non quòd Dauid ex Bethsabea plures filios non habuerit (quatuor enim nominantur, 1. Par. 3. qui Dauidi nati sint Hierosolymis, primus uerò quem ex Bethsabea suscepit, sine nomine, inquit Hieron. ante circumcisionem discessit, quasi nunquam fuisset.) Sed sensus est, Tam charus matri fui, ac si fuisssem unicus. *Ich bin ein liebhartlin vnd müsterkindlin gewesen.* Vnicis filiis plerunque pro libidine omnia permittuntur, atque ita pessimi euadunt. Alij dicunt tres fuisse naturales filios Uriæ, adoptiuos uerò Dauidis. Pōnit uerba patris quibus eum alloquutus est. Verborum hæc summa est: Ne pigeat te fili maturè sapientiam amplecti, uberrimum enim ex sapientia fructum percipies. Copiosè autem hanc sententiam, & pulchris uerbis exprimit.

Salomō est idoneus magister sapientiæ.

*Apprehendat uerba mea cor tuum, custodi præcepta mea, & uiues.* Non solum audienda sunt, sed cordi inscribenda, & in memoria perpetuò conseruanda. Hæc omnia in superioribus capitibus sunt exposita. *Principio sapientiæ compara uel eme sapientiam.* Vel, *Principium sapientiæ est emere uel acquirere sapientiam,* id est, præcipua est & summa sapientia. Sic Eccle. 10. habetur, *Principium dulcedinis fructus eius,* id est, præcipua & summa dulcedo. Et in omni substantia tua eme intelligentiam, id est, omnes opes tuas expende pro intelligentia. Emendi uocabulo ostendit magnificandam: obuia enim parui pendimus: quæ autem emenda sunt, magni pendimus. Magnificere autem sapientiam, non est paruum initium sapiendi. *Exalta eam.* Non tantum eme, sed dilige & præfer omnibus rebus. Multa enim emuntur non ex dilectione, sed ex necessitate, uel empta non diliguntur. Prima cura esse debet, ut ueræ doctrinæ primaria capita imbibamus. Idem Christi quoque est præceptum, *Primùm, inquit, quære regnum Dei,* eiusque iusticiam, & reliqua uobis adijcientur. Lyranus ex R. Solomone hunc sensum depromit: *Principium acquirendi sapientiam, est, sibi precio uel obsequio comparare doctorem, qui hoc loco sapientia dicitur.*

Emenda est sapientia.

Quia uerò ratione utilitatis plurimum mouemur, primùm dicit, *Exaltabit te:* Deinde, *Glorificabit te,* iuxta illud 1. Sam. 2, *Honorantes me uicissim honorabo.* Tertio, *Dabit capiti tuo augmentum gratiæ.* hoc est, gratiosum te alijs reddet. Quarto, *Corona decoris tanquam clypeo proteget te.* De his suprâ dictum est. Porro euentus ostendit ueritatem huius admonitionis. Solomon paternum consequutus consiliū, ad maximos & amplissimos honores euectus, cumq; fratribus ipsius ex priuilegio ætatis regnum deberetur, diuino suffragio rex declaratus est: gratus in super fuit & acceptus, non solum subditis, sed & uicinis populis & regibus. Breuiter, quàm diu in uera sapientia perstitit, felix fuit & fortunatus.

Discunt parentes hoc exemplo Dauidis, quid liberis suis, statim à primis annis inculcēt, nempe amorem ueræ sapientiæ. Non loquimur nunc de mundana sapientia: sed de cognitione potissimorum capitum Christianæ doctrinæ. Extant autem plurimi libelli in omnibus linguis, unde hæc commodè peti possunt. Deducendi sunt pueri in sacras conciones, postea interrogandi quid profecerint. Committendi etiam sunt fidis ludimagistris, qui non solum literas, sed & pietatem eos doceant. Ita enim ratio subducenda est: Si præstan-

Liberi à parentibus rectè instituentur.



tissimum illum regem Dauidem non piguit domi filios suos informare, cur tuo officio deesse? Filij nobis à Deo conceduntur, ut eos rectè educemus, & ipsi consecremus. Mouere nos debet magna utilitas quæ ex religiosa educatione, partim ad nos, partim ad liberos nostros, partim ad alios homines, totamq; rempub. redit: ratio item, quæ aliquando iusto iudici de liberis reddenda erit. Quod si tuum officium fecisti, liberi autem contumaces fuerint, non tibi fraudi erit. Sæpe enim fit ut pij parentes pessimos filios habeant, quemadmodum Samueli & Dauidi accidisse legimus.

**Liberi mature instituti sunt.**

Mature autem nō uerbis tantum, sed etiam uitæ exemplo instituendi sunt. Nam quemadmodum rami teneri facile inflectuntur, equi canesq; adfuesunt, morbi nondum inueterati curantur: ita pueri à teneris melius formari possunt. Velut color nunquam eluitur, quo lana primum tingitur, uasculaq; diutissimè odorem quo primum sunt imbuta retinent: ita pueri illa retinent, quæ eis à prima ætate instillantur. Quantū institutio possit, Lycurgus suos Sparanos exemplo canum docuit, ut est apud Plutarchum.

Parentes illi grauissimè peccant, qui præpostero amore, liberos non statim erudiunt, sed eos liberè uagari sinunt, qui non modò ipsi eos non instituunt, sed nec alijs instituendos & erudiendos tradunt: qui toti in hoc sunt, ut liberis ingentes opes corradant, nec quomodo ijs utendum sit docent: maximè uerò qui eos non modò non bene instituunt, sed perdunt etiam inculcando eis mala: uestitu sumptuoso superbire docent, cibum & potū ætati non conuenientem ministrant, ad templa rarius ducunt, &c.

**Liberorum officium erga parentes suos.**

Liberorum autem officium est, quemadmodum primus uersus docet, se parentibus suis obsequentes præbere. Cogitare enim debent, hoc esse præceptum Dei: necesse quenquam, qui ipsis melius consultum uelit quàm parentes. Naturaliter enim hoc affectu præditi sunt erga liberos, ut eis quàm optimè consultum uelint, & ob diutinum rerum usum optimè eis consulere possunt. Plura hac de re cap. 10. uersu 1. sequuntur.

Expositis his quæ à patre Dauide accepit, iam quarto loco redit ad commendationem sapientiæ & eius utilitatū. Vna est, uita longæua, de qua supra diximus: altera est, quòd nos ex itinerum anfractibus & angustijs expedit, & in uiam latam ac expeditam deducit. Studiosi ueræ sapientiæ, non in illas angustias facilè rediguntur, ut nesciant quo se uertant: sed ex periculis facilè emergunt. Dauid psalmo 17, & alibi prædicat, quòd Deus eum in uiam latam eduxerit. Qui uerò sapientiam spernūt, in calamitatibus, erroribus & periculis, inopes sunt cō filij, nec sese explicare possunt. Hoc plurimi sub Antichristo experti sunt, qui cū uera sapientia destituerentur, se absconderunt in speluncis, & in petris montium, & dixerūt montibus, Cadite super nos: iuxta uaticinium Christi, Apoc. 6.

**Constantia.**

Est & alia utilitas, quòd currentes non impingent. Malum enim mundi exemplum, bonū ipsorum cursum non sistet, nec retardabit. *Teneto disciplinam, ne languescas, seu remittas.*) Iterum nos exhortatur ne abiciamus disciplinam, utpote rem maximi momenti, ne' ue remittētes, turpiter ab incœpro desistamus: perseverantia enim requiritur.

**Societas malorum.**

Quia uerò nihil est ueræ sapientiæ sectatoribus periculosius, quàm impiorum consuetudo, hortatur nos, ne quid commercij cum ipsis habeamus. Per impios, falsi doctores et alij homines corrupti & prophani intelligendi sunt. Non autem simpliciter dicit, Vita impiorum consuetudinem seu cōgressum, sed, *in uiam impiorum noli ingredi.*) Ne beatum te existimes, si illi homines te in amicitiam suam receperint, quo nomine sibi multi mirificè placent. Mox iterum dicit, *Desere eam, cessa ab ea, uel elonga te ab ea.*) Quæ uox etiā abominari significat, sicut Munsterus uertit. Deinde, *despecte ab ea.*) Quod si aliquandiu opiniones & mores eorum sequutus es, emenda uitam. Addit, *transi.*) longè recede, ne te in uiam suam reuocent. Vsu comperimus multos adolescentes, malis illis exemplis, à uia uirtutum abstractos esse.

**Impiorum descriptio.**

Describit autem illos homines, qui & quales sint. Primum dicit, eos ne somnum quidem capere, ni malum aliquod dederint, & impingere uel offendere aliquem fecerint. Pij peruigiles noctes ducunt, cogitando quomodo ueram doctrinam propagare possint, & reipublicæ inservire: illi autem ut ueram religionem extinguant, leges aboleant, bonos opprimāt. Somnum tanquam medicinam Deus homini concessit, quòd sese reficiat: sed illi seipso munere hoc spoliāt. Longè difficilior est conditio impiorum quàm piorū. Deinde cibo impiè quæsito uictitant, & uinum bibunt iniquitatum & rapinarum. Pij uerò manducant labores manuum suarum, & beati sunt, Psal. 127.

18 Via uerò iustorum quasi lux splēdet, quæ progreditur & lucet, usq; quò perfectus est dies.

19 Via impiorum est sicut caligo, ideo nesciunt ubi corruant.



20 Filii mei ausculta uerbis meis, & ad eloquia mea inclina aurem tuam.

21 Non recedant ab oculis tuis: sed custodi ea in medio cordis tui.

22 Quoniam uita sunt his qui inueniunt ea, & medela uniuersae carni suae.

23 Omni custodia serua cor tuum, ab ipso enim sunt progressus uitae.

24 Remoue à te prauitatem oris, & peruersitatem labiorum longe fac à te.

25 Oculi tui in directum aspiciant, & palpebrae tuae rectum teneant (iter) ante te.

26 Stude librare semitam pedis tui, & cunctae uiae tuae recte disponentur.

27 Non declines ad dextram uel sinistram, sed auffer pedem tuum à malo.

Postquam nos suo exemplo adhortatus est, ut à prima ætate sapientiæ studeamus: mox subiunxit cauendam esse impiorum societatem. Multi enim ad sapientiam peruenire potuissent, nisi impiorum commercio sese polluisent. Iam deinceps ad finem usque capitis, tria pertractat, quæ ordine explicanda sunt. Primum, ostendit pios magis magisque in fide & bonis operibus proficere: impios uero in erroribus & flagitijs. Deinde suas adhortationes sedulo nobis commendat. Tercio loco, docet quomodo membra corporis custodienda sint à malo.

Quod ad primum locum attinet: *Semita iustorum*, inquit, *sicut lux fulget, ita et lucet usque ad paratum diem.* Similis phrasis habetur Gen. 8. Aquæ autem ibant & decrescebant, id est, magis magisque uel paulatim decrescebant. Hoc uult dicere: Quemadmodum lux solis subinde crescit, donec dies paratus fuerit aut stabilis, quod fit circa meridiem, cum sol maximè illustris est & serenus: ita pii indies in cognitione Christi ac fide, magis magisque proficiunt. Solem inter dum obducunt nubes, ut à nobis conspici non possit: ita pii ex ignorantia & imbecillitate interdum peccant, atque ita obfuscatur eorum fides. Exemplum habes in Dauide, Petro, & alijs: at renouantur per poenitentiam, & in uiam redeunt: atque tandem æterna luce fruuntur, quam Deus fidelibus suis præparauit, ut in hoc seculo obscuri sint, regnantibus interim & splendentibus in ecclesia impijs. Daniel quoque in 12. cap. dicit, fideles in resurrectione instar firmamenti rutilaturos. Deinde in bonis operibus indies illustriores fiunt, ac in caligine & tenebris huius mundi lucent, quemadmodum Dominus noster docet Matth. 5. Sic luceat lux uestra coram hominibus, ut uideant uestra bona opera, glorificentque patrem uestrum qui est in cælis. D. Paulus ad Philip. 2. cap. nos etiam hortatur, ut in medio nationis prauæ & tortuosæ, tanquam luminaria in mundo luceamus. Item in 1. Thess. 5. cap. Turpe est si illi qui Euangelij nomine gloriantur, omnis generis scelera impune grassari sinant. Mundum enim in tenebris sedentem illuminare debebant, & exemplum esse quod alij imitarentur. D. Ioan. in 1. epist. cap. 1. inquit: Si dixerimus quod societatem habemus cum eo, & in tenebris ambulamus, mentimur, & ueritatem non facimus. Ephes. 5. Eratis quondam tenebræ, nunc autem lux, &c. Opera itaque tenebrarum relinquenda sunt. Santes hunc locum conuertit, *Semita iustorum sicut lux luciferi*. Nam in thesauro suo linguæ sanctæ ostendit, ex R. Himanuele, נֹגַהּ no-gah significare stellam cuius lumen non occultatur ascendente aurora, sed procedit & illuminat donec oriatur sol. Hæc stella Latine cum solem antegreditur, *πρωσφωσ*, & *εωσφωσ* dicitur: cum subsequitur, uesper, uesperus. Antiqui dicebant uesperugo & uespera. Sensus erit idem cum superiore. Quemadmodum dies in ortu luciferi magis magisque in clarescit: ita iusti subinde magis magisque in Christi cognitione promouent. Hanc interpretationem adduco propter locum 2. Pet. 1. Apoc. 2. & 22. cap.

*Via impiorum* seu caligo est. Dixit de institutis piorum: è contrario nunc de impijs dicit, quod in tenebris ignorantia, errorum, & peccatorum uersentur. Nolunt enim recipere Christum qui est lux mundi, & uerbum eius quod est lucerna pedibus nostris. Causam Christus ipse indicat Ioan. 3. Quia diligunt magis tenebras quam lucem. Omnis autem qui male agit odit lucem. Tenebras prolixæ consuetudinis & humanarum traditionum, præferunt doctrinæ lucis, quæ impietatem ac flagitia hominum detegit, & omnes ad uitæ sanctimoniam adhortatur. Hinc fit ut magis magisque erroribus, & superstitionibus implicati, ac flagitijs immersi,

Pii in fide  
& bonis a-  
ctionibus  
magis ma-  
gisque pro-  
ficiunt.



lucem Euangelij implacabili odio persequantur, & tandem in exteriores tenebras conijciantur. *Nesciunt ad quod impingant.*) Eò perueniunt, ut Deo his cultibus placere uelint, quibus ei maximè displicent. Cumq; in moribus grauissimè peccent, se peccare tamen nesciunt. Putant se Deo obsequium præstare, si multos propter Euangelij professionem crudeliter interficiant. Quando item pœna seu temporalis seu æterna eis imminet, nihil minus metuunt, sed securi sunt. 1. Thess. 5. Cum dixerint, pax, &c. Exempla huius rei multa suppeditat historia omnium ætatum: sed uice omnium sufficiat Hamani, qui cum minimè cogitat, in crucem agitur, quam alteri erexerat.

*Diligentia  
audiendi uer-  
bum Dei.*

*Verbū Dei  
in cōspectu  
habendum.*

*Vsus uerbi*

*Dei.*

Secundo loco suas admonitiones nobis commendat. Intelligit autem omnes illas, quas partim habuimus, partim in sequentibus habituri sumus. Requirit à nobis primum audiendi diligentiam, quam Deus passim apud prophetas, & Christus etiam Ioan. 8. & 10. cap. à ueris ouibus postulat. Multi enim sunt qui nolunt uerbum Dei audire, dicunt se satis iam antè instructos esse, quid credendum aut faciendum sit. Complures uerbum Dei irrident, quasi à stultis hominibus profectum sit. Est igitur aliquid, si uerbum Dei audire dignemur. Deinde iubet ut subinde in conspectu habeamus. Nam quemadmodum iuuenes qui artem pingendi discunt, sibi imaginem aliquam à perito artifice expressam, imitandam proponunt, & subinde in eam intuentur, lineas etiam minutissimas penicillo exprimere studentes: ita nos uerbum Dei in omnibus nostris actionibus obseruare debemus, nec oculos ab eo auertere. Addit, Asseruanda esse in medio cordis nostri, omnes nostras cogitationes, studia & desideria postulans. Sic Deut. 6. Erunt uerba in corde tuo, &c.

Vtq; magis nos alliciat, duplicem fructū ostendit. Dicit enim, uitam adferre, de quo aliàs: & addit *inuenientibus*, non enim omnes quærunt. Deinde, medicinam esse uniuersæ carni, hoc est, corpori nostro. Hæc uel unico exemplo facillè intelligemus. Verbum Dei docet, cauendam crapulam & ebrietatem. Hoc quia nō facimus, corpus nostrum morbis grauissimis & quam plurimis est obnoxium. Hinc enim tanquam ex seminario, pullulant dolores capitis, paralysis, apoplexia, memoria opprimitur, oculorum uis hebetatur, manus & pedes suum officium non faciunt. Quod si in cibo potuq; præscriptum uerbi Dei sequentes, frugalitatem amplecteremur, mens sana esset in corpore sano. Porro quæ Solomon de suis uerbis, instinctu tamē afflatuq; spiritus sancti prolatis, dicit: de obseruatione uerbi Dei in uniuersum intelligenda sunt. Leguntur enim multæ similes hortationes in Mose & prophetis, quæ iubent uerbum Dei meditari sedentes in domibus, & ambulantes in itineribus, uigilantes ac dormientes: iubent etiam filijs inculcare.

*Cor.*

*Cor custo-  
diendum.*

*Lingua.*

Sequitur tertius locus, de custodia membrorum corporis. Primò loco curam cordis habendam præcipit. *Præ omni custodia, inquit, custodi cor tuum.*) hoc est, summo studio & diligentia, mentem ab omni cogitatione mala cohibere. Quemadmodum cum hostium aduentus expectatur, castra & oppida muniuntur, & quantò maius est periculum, tantò cautiores sunt homines: ita nos quoq; corda munire debemus, ne ab hostibus nostris, qui ubiq; in procinctu stant, opprimantur. Si ab oppidanis metuenda sit proditio, reliqui ciues ualde sunt solliciti, ne portæ hosti aperiantur: ita nos quoq; cum sciamus cor nostrum prauum esse & ad mala procliuè, dare operam debemus ut diligenter arcem cordis nostri custodiamus. Curandum est ut mundum sit & sincerum, utq; omnes cogitationes & affectus nostri (quales sunt gaudium, spes, metus, &c.) ad Deum referantur.

*Inde enim exitus sunt uitæ.*) Cor est fons uitæ, ex ipso (tradunt physici) uita ad omnes corporis partes transfunditur. Reliquis membris uel læsis uel ablatis, homo potest uiuere, at si cor lædatur, mox interit. Cor primum uiuit, ultimum emoritur. Si cor mœrore afficitur, totum corpus languescit. Quæ de uita corporali dicuntur, ad spiritualem quoq; accommodanda sunt. Si cor sincerum & mundum fuerit (purificatur autem fide) uiuunt quodammodo ipsa opera: sin uerò saucium fuerit, omnes nostræ actiones corruptæ sunt. Christus inquit: quod si oculus tuus dexter obtenebratus fuerit, quantæ erunt tenebræ? Item Matth. 15. cap. Ex corde exeunt cogitationes malæ, cædes, adulteria, stupra, furta, &c.

Deinde de custodia oris loquitur: *Remoue, inquit, à te prauitatem oris, & peruersitatem labiorum longè à te relegato.*) Præclarū & excellens Dei donum est, quod cogitata mentis nostræ, lingua proferre possumus. Videndum igitur ne hoc tanto munere abutamur. Cauendū est à blasphemijs, obrestatione, mendacio, uerbis obscœnis & inanibus, Coloss. 3. Matth. 12. Linguae situs etiam quodammodo ostendit, non quiduis effutendum esse, cum tanto præsidio testamur nitaq; sit. Præcipuè uerò iuniores à prima ætate lingua rectè uti assuescant, & sibi ab oris prauitate cauere. Prauitas autem est quicquid à recto discedit, & uerbo Dei repugnat. Quod de lingua dicitur, de scriptis etiam intelligendum est, in quibus danda est opera, ne quid falsum, obscœnum,



obscœnum, aut blasphemum admisceatur. Curandum item est, ne homines blasphemî, quîq; ad res turpes nos pellicere student, locum aliquem apud nos habeant: sed longè à nobis ad uicinas ablegentur.

Sequitur de oculis. *Oculi tui ad ea intenti sint, inquit, quæ coram te sunt, & palpebræ tuæ rectè inspiciant in ea quæ ante te sunt.* Prohibetur uaga oculorum libido. Conuenit oculos sedatos & quietos esse, non uagos & mobiles. Nullum enim animi speculum certius quàm oculi. Prisci sapientes dixerunt, animi sedem esse in oculis. In primis uerò uirgines & matronas decet habere uerecundos oculos. Si intersunt concionibus sacris, ad concionantem spectent: huc illuc circumferre oculos, meretricum est. Docet item hæc sententia cauere *πολυπραγμοσύνην*. Inuenias homines qui rerum ad se nihil pertinentium, curiosissimi sint obseruatores, & rigidissimi censores, festucam in oculo fratris uideant, nec in suo trabem. Illis idem accidit quod senibus, qui propius admota non uident, longè posita cernunt. Quisq; sua curet negotia, & suo talento rectè utatur. Germani præcipiunt ne ignem restinguamus, quo non urimur. Latini uidendum, dicunt, ædibus in nostris quæ praua aut recta gerantur.

Potest etiam hæc gnome hunc habere sensum: magna cautione in uia pietatis & uirtutis, quam semel ingressi sumus, pergendum & ad propositum terminum contendendum esse. Christus dicit Luc. 9. Neminem qui manu aratro admota retrospexerit, aptū esse regno Dei. Deinde 17. cap. memores nos esse iubet uxoris Lot. Qui in stadio currunt, ad metam oculos dirigunt, ac tametsi ante, post, & iuxta eos multi concidant, risum quæ moueant, ipsi tamen non remittunt: sed ad metam contendunt, ut *σπασθῶν* assequantur: ita nos quoq; ad nostrum agonothesam respicere debemus, nec in medio cursu deficere, quantum uis multi subsistant & prolabantur, omnemq; religionem irrideant, alioqui præmio frustrabimur.

Ultimo loco de pedibus differit: *Librato orbitam pedum tuorum, & omnes uia tuæ rectè dirigentur.* Pedes. Incessus non fractus sit, nec uacillans: sed grauis & rectè compositus. Docet etiam maius quiddam, nempe arduas res non temere suscipiendas esse. Priusquam magnum quid aggrediari, expende omnes circumstantias, ac præcipuè an uerbo Dei non aduerferur, quod facere instituisti, ne te ipsum in discrimen conijcias. Facile est res arduas incipere, sed feliciter conficere, hoc opus, hic labor est. Occipere bellum facile est, sed nō tam facile deponere. Omnia sapientem, dicit ille, prius experiri consilio quàm armis decet. In Heluetiorum annalibus legitur, Leopoldum huius nominis primum Austriæ ducem, cum consultaret de inuadendis tribus Heluetiorum pagis, fatuum suum per iocum interrogasse, quid nam ipsi uideretur. Consultatis omnes, ille respondit, de ingressu in hanc terram, neminem audio consultantem de exitu. Quæ uox magno quidem risu excepta est: sed prudenter eum respondisse, postea euentus comprobauit. *Rectè dirigantur.* hoc est, consiste in regula uerbi Dei: uel in futuro lege, ut sit prædictio. *Ne declines ad dextram uel sinistram.* ad dextram declinant, qui prosperis rebus insolescunt. Ad sinistram, qui aduersis franguntur. Ad dextram declinant, qui promissis: ad sinistram, qui minis à recto defleunt. Vel hæc gnome docet modum & medium in rebus tenendum, ne sis auarus nec prodigus, sed liberalis: ita etiam in alijs mediam tene uiam, neq; ad aliquod extremum uitiosum declines. Horatius dicit:

Dum uitant stulti, uitia in contraria currunt.

*Reuoca pedem tuum à malo.* Multa sunt quæ nos à uia uirtutum ad uitia abducunt, ideo magna cautione opus est, ne à uirtutis uia resiliamus. Nemo autem sibi placeat, suisq; uiribus blandiatur, quòd iubemur curam habere cordis, linguæ, oculorum, pedum, & in his aliarum corporis partium, quasi hæc in nostro arbitrio, nostrisq; uiribus posita sint. Ex nostris uiribus hæc non possumus præstare: solius Dei donum est. Sine ipso nihil possumus, Ioan. 15. 1. Cor. 3. Philip. 2. Sed præstat de hoc loco audire D. August. in epist. 47. ad Valentinum. In his uerbis, inquit, sanctæ scripturæ, confyderate fratres, quia si non esset liberum arbitrium, non diceretur, Rectos fac cursus pedibus tuis, & uias tuas dirige. Et tamen sine gratia Dei si posset hoc fieri, non postea diceretur, Ipse autem rectos faciet cursus tuos, & itinera tua in pace producet. Lege reliqua.

“  
Non est in arbitrio nostrarum uirium positum, ut rectè agamus.

## CAPVT V.

**F**lli mi, ausculta sapientiæ meæ, & prudentiæ meæ accommoda aurem tuam.

2 Ut custodias consilia, & scientiam labia tua obseruent.

d 3



- 3 Quoniam fauum stillant labia (*mulieris*) extraneæ, & faux eius est nitidior oleo.
- 4 Nouissimum autem eius est uelut absynthium: acutum est quasi gladius biceps.
- 5 Pedes eius descendunt in mortem, & uestigia eius tenent sepulchrū, *uel sustentant infernum.*
- 6 Viam uitæ fortassis librabis (*cum ea*) tam mobiles sunt gressus eius, ut scire non possis.
- 7 Nunc igitur filij audite me, & nolite recedere ab eloquijs oris mei.
- 8 Elonga ab ea uiam tuam, & ne appropinquaueris ad ostium domus eius.
- 9 Ne forte des alijs robur tuum, & annos tuos crudeli.
- 10 Ne forte fatientur alieni uirtute tua, & labores tui (*ueniant*) in domum extranei.
- 11 Et rugias in nouissimo tuo, cum defecerit caro tua, & succus tuus.
- 12 Dicasq;: Quare odi castigationem, & cor meum execratum est increpationem: & non acquieui uoci instruentium me, & docentibus me nō accommodaui aurem meam?
- 13 Penē fui in omni malo, cum essem in medio congregationis & multitudinis.

Partes capit.  
pitis.



Exordiolū  
quo hæc ad  
monitio no  
bis commē  
datur.

OC caput in duas partes diducemus. In prima, cauendam docet scortationem & adulterium: in secunda, partim testē per allegoriam, partim apertē & palām, ritē colendum suadet matrimonium. Sunt tamen qui de opibus comparandis & dispensandis priores uersus intelligant, quemadmodum explicabitur. Priusquam ad priorem partem aggrediatur, præmittit exordiolū, in quo iterum nobis cum hæc uerba, tum alia atq; adeo uerbum Dei in uniuersum commendat. Est autem hæc parænesis in præsentī materia ualde necessaria. Omnibus enim temporibus fuerūt homines, qui scortationem leue peccatum esse duxerunt. Quemadmodum nostro quoq; tempore, multa impia prouerbia uulgus in ore habet, quibus non modo scortationem, sed & adulterium eleuat. Deinde quia ad hoc peccatum in primis adolescentes sunt procliuēs. Hanc ipsam ob causam Paulus quoq; in 1. Cor. 6. cap. multis egit de scortatione uitanda.

Fructum ostendit qui ex diligenti auscultatione uerbi uel sapientiæ diuinæ, ad nos redit. *Vt custodias cogitationes.*) Ne impiæ cogitationes tibi obrepant, & te ad mala pelliceant. Prima enim cura esse debet, ne cor omnium actionum fons, impuris cogitationibus inquinetur. *Et scientiam labia tua custodiant.*) Ne ore aliud loquens, quā quod uerbo Dei consentaneum est, meretricum blanditijs capiaris. Magna enim cautione in loquendo opus est, maximē si quis in improbas fœminas incidat: initium enim amoris est ex sermone. Cauendum dicit à muliere extranea, hoc est, illa quæ non est uxor tua.

Propositionem paulo post ponit: *Iter tuum quā longissimē ab illa prohibe.* Et quia incommodis quæ ex re aliqua sequuntur, plurimū cōmouemur, recenset quæ ex libidinibus consequantur. Cumq; breuiter & simpliciter dicere potuisset, Initia sunt læta & suauia: exitus autem tristis: rem pulchris similitudinibus illustrat. Blanditias muliebres duplici similitudine exprimit. *Quia stillationem* (scilicet mellis, faui, aut aromatis) *stillabunt labia extraneæ: & faux eius nitidior est oleo, uel unguento.* Stillare sæpe ad sermonem transfertur. Dauid etiam Psal. 54. de hostibus suis loquens, qui dum res eius florerent, amicos se esse simulabant, & nihil non ei pollicebantur: Os eorum, inquit, mitius est butyro. Exemplum de mulieribus 7. cap. habebimus. Amatores capti meretricum blanditijs, sentiunt aliquam uoluptatem: sed tandem infelicem exitum sortiuntur. Hoc ueteres significarunt Syrenarum cantu, qui nauigantes remoratus est. Exitum rei, duabus similitudinibus declarat. *Nouissimum eius amarum est sicut absynthium.*) In amore multum est amari: & *Acutum est quasi gladius biceps.*) Incidunt enim amatores in multa & magna pericula. Conscientiæ quoq; stimulis exagitantur. Exitum itaq; meretricij amoris, nō initium considera. Porro non cōtentus est hæc summatim dixisse: sed sigillatim ostendit scortationem & adulterium perdere animas, existimationem, corpus & uitam, fortunas deniq; & facultates. Non autem scortatores & adulteros tantū, sed scorta quoq; & mœchas perdit.

Primum, id quod maximum est, perdit animas. Dicit enim: *Pedes eius descendunt in mortem.*)

Quod



Quod intelligi potest non tantum de naturali morte, quæ est dissolutio corporis & animæ: *Scortatio*  
 sed & de spiritali, qua Christo & spiritu eius uacui, in peccatis uiuimus, unde postea mors *perdit ani-*  
 æterna consequitur. Et foueam uel infernum, passus eius tenebunt, uel apprehendent. Turpis est scor-  
 tatio, nam Christi membra contaminat, & fœdus Dei cum hominibus rumpit, opprimit spi-  
 ritum: non igitur mirum si excludit à regno Dei. Eph. 5. 1. Cor. 6. *Semitam uitæ forsitan ponde-*  
*rabis, uel ponderabit, mobiles sunt uitæ eius & non cognosces.*) Rabi Da. in libro radicum admirati-  
 uè legendum censet hoc pacto, *Semitam uitæ num fortè ponderabit?* Ac si dicat, Putas fortè ponde-  
 rabit semitam uitæ? non faciet, sed mobiles erunt gressus eius: non sciet, id est, non sentiet,  
 donec moueantur gressus eius ad mortem. Alius quidam in pæn, fortè, exposuit pro *scorto*,  
 id est, non. Iuxta illud Isa. 27. uers. 3. Ne fortè uisitet, pro, non uisitabit. Vel respondet ad obie-  
 ctionem illam impurorum hominum, qui dicunt, Etsi familiariter cum ea degam, nihilomi-  
 nus tamen satis ero cautus, non sequar uocantem in uiam perditionis, ipsam habebō, ut de  
 Laide dixit philosophus ille, ab ipsa non habebor. Respondet, & si diligenter eam obserues,  
 tamen non poteris omnia pericula cauere, & laqueos eius euadere. Idem illis accidit quod  
*Δωροφάγους*, qui etsi dicant se acceptis muneribus nihilominus quod ius & æquum postulat,  
 facturos: tamen mox excæcantur, & à tramite iusticiæ deflectunt, &c. Solomon sapientissi-  
 mus, huius rei exemplum nobis est, qui se etiam alienigenas citra religionis detrimentum  
 ducere posse sperabat: sed scriptura ei idololatriam exprobrat.

Secundo loco ostendit scortationem & adulterium, gloriæ & honori officere. Gloria, in-  
 quit Cicero, est consentiens bonorum uiro-*rum* laus incorruptè iudicantium, de eximia uir-  
 tute. Poeta dicit:

Omnia si perdas, famam seruare memento,

Qua semel amissa postea nullus eris.

Infra capite 22. habebimus, famam magnis opibus anteferendam, & gratiam auro argen-  
 toq; meliorem esse. Qui uerò scortatione sese polluant, & alienos thoros uiolant, maculam  
 ineluibilem sibi aspergunt. Etsi enim flagitia suo nomine non appellentur, & mundus  
 corruptè de omnibus ferè rebus iudicat: tamen semper pij uiri sunt, qui hæc flagitia dete-  
 stantur. In rebus publicis bene constitutis, scortatores & mœchi nullos honoris gradus  
 assequuntur. Non enim iustum est ut alijs imperet, qui prauis affectionibus dominari  
 nescit: utq; nouis honoribus afficiatur, qui gloriam suam dat scorto. Deinde ab illis qui in  
 honore sunt & precio, maximè requiritur ut coniugia & honestatem tueantur: si ipsi scor-  
 tatores & adulteri fuerint, quid boni quæso ab eis expectabis? Incidunt etiam sæpe  
 iusto Dei iudicio in scelera capitalia, unde sibi extremam ignominiam accersunt. Præcipit  
 itaque nobis sapiens, ut caueamus ab amore meretricio, ne demus alteri gloriam aut hono-  
 rem uel etiam robur nostrum.

Tertio, perdit corpus & uitam. Exscortatione enim & adulterio, tanquam ex semi-  
 nario multi morbi pullulant, podagra, chiragra, paralytis, bubones, morbus Galli-  
 cus, quo bello Neapolitano, anno 1495. castra primum à scorto sunt infecta: multiq; perie-  
 runt priusquam tanto malo remedia sint inuenta. Amantes etiam sæpe mortem sibi consci-  
 uerunt: de qua re multa amatoria carmina loquuntur. Nonnunquam meretriculæ dum  
 phyltris constantiam in amore quærunt, suos amatores perdunt. Interdum etiam eos odio  
 prosequi incipientes, uenenis è medio tollunt. A' maritis quoq; affinis, & cognatis sæpe  
 numero mœchi iugulantur. In magnis urbibus, lenones aliquando illos qui cum meretrici-  
 bus familiariter uersantur, interimunt. Et hoc est quod dicit, *Ne des annos tuos crudeli.* Quan-  
 quam quidam per crudelem, mulierem: quidam uerò generis humani hostem intelligant.  
 Factum quoq; est, ut diabolus iam in fœminæ, iam in uiri forma apparens, homines decepe-  
 rit, eosq; perdiderit.

Quartò, lædit opes & fortunas. Magnis enim sumptibus meretrices sunt alende, iam hæc,  
 iam illa amoris pignora insatiabiles expetunt, uestes, anulos, & id genus alia ornamenta.  
 Apud Plautum in Truculento rectè dicitur:

Meretricem ego idem esse reor

Mare ut est, quod das deuorat, nunquam abundat.

Des quantum uis, nusquam

Apparet neq; datori, neq; acceptrici.

Accedit ad hæc, quòd meretrices amant luxuriosa conuiuia: & quòd spurij magnis sumpti-  
 bus clam alendi sunt. Lenæ item & lenones suam partem decerpunt. Vicini etiam, nisi dede-  
 ris, silentium non promittunt. Est præterea hoc ferè adulterorum ingenium, ut cum erga u-  
 xores & liberos tenacissimi sint, in scorta tamen & libidinum ministros sint liberalissimi.



Exemplum habes in Herode, qui dimidium regni filiae Herodiadis saltanti pollicetur. Hinc fit, ut libidinosi illi homines ad egestatem redacti, in alienis ædibus & in scortis, suas opes non sine gemitu cogantur aspicere. Maledictio quoque Dei opes eorum atterit. Infra cap. 29. uers. 3. etiam dicit, Pascens scorta perdet opes. *ללך* hoc septuaginta & uulgata editio, nunc gloriam, nunc honorem, nunc speciem & decorem: Rabi Kimhi robur, fortitudinem & potentiam: quidam opes interpretantur. Certum autem est etiam robur corporis libidinibus eneruari. Hesiodus etiam præcipit:

” *μηδὲ γυνὴ σε νέον πυρότολος ἐξαπατάτω,*

” *αἱ μύλα κωτόιδουσα, τένη διψῶσα παλῆν.*

Per nidum domum intelligit.

**Scortatorum** Quinto loco de sera poenitentia illorum hominum loquitur, qui sapientiae præcepta re-  
**sera poenitentia.** spuunt. Quando opes & ætatem consumpserunt, tandem in seipso descendentes miseram suam conditionem, magno eiulatu & clamore frustra deplorant. Habui, inquit, parentes, cognatos, affines, amicos, præceptores, & concionatores, qui me mei officij admonuerunt, cur miser eorum uocem contempsi? Quamdiu opes amatoribus suppetunt, & ætate sunt integra, accepti sunt & grati: sed quamprimum opes sunt consumptæ, & uires fractæ, contemptissimi sunt, quemadmodum de filio prodigo in Euangelio legitur. Germanico etiam prouerbio iactatur, Si nihil attuleris, non amplius eris gratus. *נחם* naham significat fremere, uociferari, rugire: est uox leonum, &c. Penè fui in omni malo in medio congregationis & multitudinis.) Hoc est, tametsi in medio cœtu hominum uerser: tamen per uarias calamitates quibus opprimor, dolores inferni mihi uideor persentiscere. Potest & hic esse sensus: parum abfuit, quin omni pudore absterfo, etiam publicè omne nefas commiserim. Amittunt enim illi homines spiritualia dona, & ex uno flagitio in aliud ruunt: cæci, stupidi, surdi & amentes redduntur. Hinc oriuntur furta, rapinæ, incestus, & alij nefandi concubitus, ueneficia, homicidia, idololatria. Videmus itaque quid tandem ex diuinarum & humanarum admonitionum contemptu sequatur: nempe quod homines sera & inani poenitentia perturbantur. Licet enim seipso excrucient, non tamen uires uel opes redeunt. Poenitentia quidem uera, quoad animam, nunquā est inanī. Quod de mœchis & scortatoribus hic dicitur, etiam ad prodigos, ebrios, aleatores, scholasticos item negligentes, &c. est extendendum.

**Remedium** Hac adhortatione tanquam pharmaco, contra adulterium, & omnes carnis illecebras utendum est. Tametsi primo aspectu multa nobis promittant, & ad amorem sui nos pelliciāt: tamen exitus rerum cogitandus est. Damna quæ ex scortatione & alijs sceleribus sequuntur: exempla item aliorum, qui in hæc mala inciderūt, animo repetenda sunt. Exhortationes etiam quotidianæ non sunt aspernandæ, ne tandem nostrā uicem deplorare cogamur. Cauenda item sunt otia, colloquia & sodalitia praua: *Elonga*, inquit, sapiens, *ab ea uiam tuam, nec appropinques foribus eius.*) Germani dicunt, stramentum ab igne remouendum esse. Ouidius lib. 2. de remedio amoris:

” Manet (inquit) amor testis, si non ab amante recedas.

” Turbaque in hoc omnes ingeniosa sumus.

” Proximus à testis ignis defenditur ægrè:

” Vtile finitimis abstinuisse locis.

” Non facile esuriens posita retinere mensa:

” Et multa saliens incitat unda sitim.

Item:

” Ut penè extinctum cinerem, si sulphure tangas

” Viuet, & ex minimo maximus ignis erit:

” Sic nisi uitaris, quicquid reuocabit amorem,

” Flamma redardescet, quæ modò nulla fuit.

Habet alia quoque præclara in hoc ipso libro. Præcipuè aut à Deo precib. contendendū est, ut suam gratiam nobis conferre, nosque à scortatione & alijs sceleribus defendere dignetur.

**Allegoria.** Quidam totum hunc locum de falsa doctrina, uel idololatria, & uoluptatibus carnis intelligunt: quidam de adulatione. Fit certe mentio passim in scripturis scortationis animæ, quæ se polluit falsa doctrina, quæ carni delectabilia concedit: deinde uoluptates nobis etiā blandiuntur: sed scriptura hoc loco præcipuè de scortatione & adulterio carnali loquitur. De alienigena etiam supra quædam annotauimus.

14 Bibe aquam è fontibus tuis, & fluenta de medio putei tui.

15 Deriuentur fontes tui foras, & riuuli aquarum in plateas (manent.)

16 Sint



16 Sint tibi soli, & non participent alieni tecum.

17 Sit uena tua benedicta, & gaudium habeto cum uxore adolescentiæ tuæ.

18 (*Sit ueluti*) cerua amabilis, & hinnulus gratissima: ubera eius inebriabunt te omni tempore, & in amore eius oberrabis semper.

19 Vt quid fili mi erras in aliena, & amplecteris sinum extraneæ?

20 Siquidem coram oculis Dei sunt uia hominis, libratq; ille omnes gressus eius.

21 Suæ ipsius iniquitates capiunt impium ipsum, & funibus peccati sui (*irretitus*) tenetur.

22 Ipse morietur absque emendatione, & in multitudine stultitiæ suæ errabit.

In prima parte huius capitis, ostendit quæ pericula & incommoda ex scortatione & adulterio oriantur: quomodo lædant animam, existimationem, corpus, & fortunas: adiecit etiam remedium: nempe foribus domus scorti non appropinquandum, omnesq; occasiones horum malorum præcidendas esse. Sequitur iam deinceps in secunda huius capitis parte, de alio remedio, nempe de coniugio, quod Deus ad hoc instituit, ut scortationem uitare, & castè uiuere possimus. Docet matrimonium castè & sanctè colendum esse: utitur autem allegoria. *Bibe aquam è fontibus tuis, & fluenta de medio putei tui.* Hoc est (quemadmodum sequentia ostendunt) uxore propria contentus sis, ex qua liberos procrees, neq; concupiscas aliam. Idem docet Paul. 1. Cor. 7. Bonum est, inquit, homini uxorem non attingere: attamen propter uitanda stupra, suam quisq; uxorem, & suum quæq; maritum habeat. Dicit bonum & commodum esse multis de causis, cœlibem uiuere: sed hoc donum non omnibus est concessum. Christus ipse negat omnes hoc posse capere, hoc est, bona conscientia absq; ardore, extra coniugium uiuere posse. Itaq; Deus matrimonium in remedium nostræ imbecillitatis instituit, & opera coniugalia non ceu impura improbat, loco iam citato, sicut & ad Heb. 11. ca. Paphnutius in concilio Niceno, cum ministros ecclesiæ coniugio spoliare uellent, confessus nuptias honorabiles esse, castitatem esse dixit, concubitus cum uxore propria. D. quoq; Cyprianus castitatis gradum primum uirginitati, secundum matrimonio tribuit. Proinde qui donum continentiae (quod rarum est) non habent, medicinam à Deo datam amplectantur. Neminem ab hac regula excepit Deus, leges de cœlibatu Antichristus inuexit. Sepe dicimus, Cur ille uxorem duxit, cur illa marito nupsit? potuissent aliàs liberius uiuere: at ita sanctius. Debent autem mariti contenti esse suis uxoribus, uxores suis matris. Ethnici quoq; per fluuiū uxorem allegoricè intelligunt. Nam quod Hesiodus in Ergis præcipit, fluuium perennè non esse pedibus transeundum, nisi prius effusis precibus: Ioan. Grammaticus arbitratur fluuij nomine, uxorem intelligendam, perpetuo habitantem cum uiro. Docere autem poetam, non antè rem habendam cum uxore, quàm dijs preces fuderis, &c.

Deriuntur uel deriuabuntur fontes tui foras, & riuuli aquarum in plateas.) Loquitur de liberis, qui sunt fructus coniugij. Habeto uxorem ex qua suscipias liberos, qui ita educandi sunt, ut cum honore in publicum egrediantur, & alijs sint utiles. Adultis prospiciendum est de uxoribus & maritis, ne in scijs parentibus matrimonium contrahentes, in mala illa incurrant quæ plerunq; ex clandestinis nuptijs consequuntur. Parentes illi qui liberos suos in monasteria trahunt inuitos, & continentiae dono uacuos, parentum nomine indigni sunt. *Sint, uel, erunt tibi soli, & non alienis tecum.* Si honestam uxorem haustus es, ne eā prostituas, quemadmodum olim Nicolaitæ, & hodie quidam Anabaptistæ, & alij perditii homines: sed solus ea fruaris. Lenones omnibus seculis pessimè audiuerunt. Possunt hæc uerba etiam de liberis haud incommodè intelligi. Si uxorem habeas honestam, scies liberos quos ex ipsa suscipis, tuos esse: si cum scorto rem habeas, dubitabis an tui sint, & negligenter eos educabis, nec ut debebas diliges. *Sit, uel, erit uena tua benedicta.* Hoc est, Deus uult pijs maritis & matronis adesse, & benedicere. Benedictio autem ea non solum in generatione prolis, sed etiam in protectione, & rerum prospero successu consistit. De hac re Psalm. 128. loquitur. Utile est in ærumnis coniugalibus hæc diligenter cogitare.

Superiora illa uerba, quidam de acquisitione & dispensatione opum intelligunt, (possunt enim unius loci uarij esse sensus) & ad hunc modum interpretantur. *Bibe aquam è cisterna tua, &c.* Hoc est da operam ut honestè pares propria, ne alijs sis oneri, Ephes. 4. Fons in scripturis pro substantia aliquando accipitur. Sic apud prophetas cuiq; suus puteus promittitur. Opes partæ non sunt prodigendæ, sed conseruandæ. Permissa enim est Christianis rerum

Vxor ducenda.



Rerum pro rerum proprietas: mendicitas & communio illa bonorum, Deo non probatur. Quòd uerò prietas con alijs etiam communicare & quantum debeamus, hac quoq; similitudine ostendit. Promissa pijs. fio apponitur: *Vena tua erit benedicta.*) Sensus est, augebuntur res tuæ, nec decrescent tua liberalitate. Exempla plurima hoc declarant.

*Gaudium habeto cum uxore adolescentiæ tuæ.*) Vxorem adolescentiæ uocat, quam quis duxit in adolescentia. Iam non metaphoricè amplius, sed apertè loquitur. Gaudium honestum Deus coniugibus concedit, quòd matrimonij molestias facilius tolerant, quarum multæ sunt, ueluti paupertas, infelices partus, infelix soboles, &c. Gaudium hoc augetur ex mutuo amore coniugum, quem commendat. *Sit uelut cerua amorum, & hinnulus gratiæ.*) Id est, gratiosus. Ponit exemplum de cerua & hinnulo uel capreolo. Quemadmodum cerua foetum suum tenerum diligit, ac fouet: ita mariti uxores suas diligant. Vel, ut hinnulus matrem diligit: ita mariti uxores diligant, & uicissim uxores maritos: hoc est, amor coniugum sit simplex & sincerus, qui nihil morositatis habeat. Potes etiam ad hunc modum uerba hæc intelligere: Quemadmodum potentes uiri, ceruas in delitijs habent, item ibices uel capreolos (ita enim uocem *צבי* iaal interpretantur) sic mariti uxores in precio habeant, deque eis sint solliciti. Augustinus in libro 83. quæstionum, quæstione 71. putat Solomonem ad hanc ceruorum naturam respexisse, quòd (ut quidam scripserunt) æstate cum fretum ad insulam pabuli gratia transeunt, singuli (ut onus capitis super aquas extantis, facilius sustineant) caput super anterioris clunes imponunt, dux uerò cum defessus est, ad ultimum transit locum, &c. Sic coniuges quoque officio mutuo se adiuuare, & ut Paulus dicit, alter alterius onera portare debet.

*Vbera uel amores eius, te semper inebrient, uel inebriabunt.*) Amor ille non duret diebus tantum aliquot, die treiteltwochen, ut nostri loquuntur, postea refrigescat: sed toto uitæ tempore. Peccatur sæpe hac in re. Facile enim amor commutatur in odium. Satyricus dicit:

„ Si uerum excutias, facies non uxor amatur.

„ Tres rugæ subeant, & se cutis arida laxet,

„ Fiant obscuri dentes, oculiq; minores,

„ Collige sarcinulas, dicit libertus, & exi,

„ Iam gratis es nobis, &c.

Vxores non modò dum bona ualitudine utuntur, dumque formosæ sunt, & integra ætate, amari debent: sed constantia requiritur in amore. Deus enim ægerrimè tulisse legitur, quòd Iudæi uxoribus suis ex captiuitate domum reductis, ob rugas & squalorem contemptis, iuuenulas superinduxissent. Priusquam uxorem duxeris, hæc omnia perpendas: neque propter opes, formam, cognationem, & alia huius generis aliquam ducas, sed delige quam amare uelis. Et in amore eius erres, aut, errabis iugiter.) *שגג* schagah errare, & per ignorantiam peccare significat. In amore eius ignores, uidelicet alias. Vel hoc uult dicere: si errandum, hoc est, stultè & ineptè agendum est, in tua erra. Germani quoq; dicunt, *einer im angsticht verfallen*. Hac in parte imitandi sunt amatores, qui amicæ suæ uitia non animaduertunt: unde amor est amor cæcus dicitur. De adolescente quodam narratur, quòd dum deperiret unoculam quam cæcus. dam, pergre sit profectus, ac cum redisset, amorq; refrixisset, eam interrogauerit, quando oculum amisisset. Quin morbis uirtutis nomen imponitur.

Ouidius dicit:

„ In facie næuus causa decoris erit.

Huc pertinent uersus Lucretij lib. 4.

„ Multis modis igitur prauas, turpesq; uidemus

„ Esse in delitijs, summoq; in honore uigere.

„ Atq; alij alios irrident, Veneremq; suadent

„ Ut placent quoniam fœdo affliçantur amore.

„ Nec sua respiciunt miseri mala maxima sæpe.

„ Nigra *μελάνχρος* est, immunda & fœtida *ἀνοσμος*,

„ Cælia *παμάδιον*, neruosa & lignea *δενάει*, &c.

Sic Strabonem inquit Horatius, appellat pater filium pætum: & pullum male paruum: hunc uarum, distortis cruribus. Mariti itaque uitia uel deformitates uxorū suarū extenuent pulchra & bona uideatur, quæ reuera talis non est.

Quod de maritis dicitur, sibi quoque uxores dictum putent: quæ maritorum quoque in animis suis bona augere, & uitia excusare debent. De hoc amore sancto & honesto, loquitur etiam Apost. in epist. ad Col. 3. cap. Diligite uxores, & ne sitis amarulenti erga eas. Ad Eph. 5. cap. Viri diligite uxores uestras. Modum subiungit, quemadmodum Christus ecclesiam suam



suam dilexit, &c. Postea addit, Viri uxores suas diligere debent, ut sua ipsorum corpora Multa egregia exempla amoris coniugalis etiam apud Ethnicos extant. Mutuus ille amor conseruabitur, & augebitur, si coniuges uitia innata, generis obscuritatem, paupertatem, & alia huiusmodi, sibi inuicem non exprobrent: illosque ualere iubeant, qui inter ipsos dissidium uolunt. Multi possent commodè uiuere modò ipsi uellent, & bene monentium consilia non aspernarentur. Atqui modus quoque, ut in alijs rebus omnibus, ita in amore coniugum adhibendus est. Hieron. alicubi scribit, adulterum esse quisquis in uxorem suam ardentior est amator. Quippe in uxorem alienam omnis amor turpis est: in suam uerò nimius. Seneca scribit sibi notum fuisse quendam, qui exiturus in publicum fascia uxoris pectus alligabat, & ne momento quidem eius præsentia carere poterat. Vitium hoc Græcè *πρωγυῖα*, à Cicerone mulierositas dicitur. Apud Homerum Paridi exprobratur, Iliad. γ.

Amor coniugalis non sit immodicus.

*Δὲσπαι ἑσὸς ἄλλοις γυναικῶν.*

Cur fili mi erras in aliena, & amplecteris sinum extraneæ? Cum Deus unicuique propriam uxorem concedat, & coitum in connubio moderatum, peccati loco non habeat: atque etiam benedictionem suam coniugibus promittat, cur adhærescis alienæ? Cum coram oculis Dei sint uitæ uniuscuiusque, libretque ille omnes gressus eius. Et si homines quid agas uel reuera ignorent, uel se ignorare simulent, uel floccipendant quod facis (ut qui iisdem uitij obnoxij sunt) Deum tamen non falles. Ne putes densissimas noctis tenebras, uel densos parietes, te à Dei conspectu subducere. Oculi eius omnia intuentur, renes & corda nostra scrutantur. Nec tantum omnes cogitationes nostras, uoluntates & studia nouit, sed etiam tanquam in trutina ponderat. Rationem à nobis cum in fatali hora, tum in extremo iudicio exigens. Vide Siracidem 23. cap. Hæc semper, etiam aliorum flagitiorum blanditijs sunt opponenda. Seneca ad refrenanda uitia, suadet, ut cum soli sumus, grauem aliquem uirum, qualis fuit Scipio, Lælius, Cato & te stem & spectatorem nostrarum rerum, nobis adesse fingamus. Hunc imitatus S. Bernhardus in epistola ad fratres de monte Dei, etiam docet, ad sanctè uiuendum priuatim & in solitudine, plurimum ualere, ut homo imaginetur sibi quasi præsentem aliquem uenerabilem uirum, in cuius conspectu agat omne id quod agit: & quod illo inspiciente agere ueretur, coram Deo agere uereatur. Poetæ quoque gentilium, cum homines ad uirtutum studium hortantur, deos omnium humanarum actionum inspectores & obseruatores constituunt. Hesiodus magistratus ut rectè iudicarent, admonuit deos in cœtibus hominum uersari, & opera eorum consyderare. Sophocles, inquit:

Deus omnia inspicit

*Ζεὺς ὅς ἐφορᾷ πάντα καὶ κερταύει.*

Huc pertinent magnifica illa uerba Ciceronis: Satis persuasum esse debet, si omnes deos hominesque celare possumus, nihil tamen auarè, nihil iniuste, nihil libidinosè, nihil incontinentè esse faciendum. Sed de hac re plura infra 15. cap. uersu 3. dicemus. Sequitur quid illis eueniat, qui hæc omnia securè contemnunt. Sæpe ipsius iniquitates capiunt impij, & finibus peccati sui apprehenduntur. Hoc uult dicere: impij qui sibi in suis sceleribus placent, neque Deum neque homines uerentur, peccata peccatis cumulant, & magis magisque sese implicant, fiunt captiui diaboli, & ad pœnas constringuntur, actandem absque pœnitentia decedentes, æternum pereunt: reque ipsa experiuntur, uera esse Dei oracula, quæ ipsi prorsus neglexerunt: nec est quod alios accusent, suapte enim culpa perierunt.

## CAPVT VI.

- F**lli mi, si fideiussorem te dedisti proximo tuo, & defixisti pro altero manum tuam, irretitus es uerbis oris tui, & captus es sermonibus oris tui.
- 2 Fac nunc hoc fili mi, & liberaberis, postquam incidisti in manum proximi tui: uade, prosterne te & magnifica (creditorem unum) cum amicis tuis.
  - 3 Ne dederis somnū oculis tuis, atque dormitationē palpebris tuis.
  - 4 Euade uelut caprea de manu (uenatoris) & sicut auis de manu aucupis.



**P**RAESEN S caput, quatuor insigniores locos continet. Primum de fideiussione agit: deinde ab otio & pigritia nos deterret: hinc uirum Belial describit: postremò homines ab adulterio renocat, peius esse furto ostendens. Quoad primum locum, commodè cum superioribus cohæret. Nam in calce præceden-

Partes capit.



*Continuat* - tis capitis, tractauit de coniugio. Coniugum est rem familiarem curare: nihil autem est  
*tio.* quod eam uehementius lædat, quàm si imprudenter & temere pro alijs spondeamus. Ostendit itaque primum, quàm periculosum sit fideiubere pro aliquo: deinde proponit consilium prudens, quo pacto fideiussor sese gerere debeat, nempe omnes uias pertentare, ut liberetur.

*Questio, an fideiussio sit licita.* Quod primum attinet, ostendit sponfiones non carere periculo. Nam siue pro amico, siue pro alieno manu tua stipulatus fueris (tales enim obligationes per manus dationem, ut uocant, plerunq; fieri solent) uerbis tuis captus es, & ad seruandam fidem obstrictus. Non simpliciter prohibere uult, ne pro alijs fideiubeamus, ut quidam perperam ex hoc loco colligunt. Nam ut quisq; maximè ope indiget, ita ei potissimum opitulandum esse, sacris scripturis docemur. Hoc autem fit mutuuum dando, remittendo, communicando: quomodo igitur Solomon uetaret fideiussionem? Charitatem ubique nobis Christus inculcat: illa autem exigit, ut proximorum utilitatibus studeamus, pericula uerò auertamus: id quod fit si pro alijs fideiubeamus. Siracides quoq; 29. cap. Vir bonus inquit, fideiubebit pro amico, at qui pudorem amisit, amicum deseret. Mox succurre proximo pro uirili parte tua, ueruntamen caue tibi ne qua irretiaris.

*Fideiussio - nes sunt periculose.* Non igitur in uniuersum fideiussionem damnat Solomon: sed ostendit plenum esse periculo, si quis temere pro aliquo fideiubeat, ideoq; cautè in ea re uersandum. Extant etiam alię sententię in hoc libro, quę idem docent. Postquam fideiussisti, inquit, amplius non liber es: sed uelut laqueo captus teneris uerbis tuis. Veniet enim tempus quo satisfaciendum erit creditori, si ille pro quo ei fideiussisti, non satisfaciat. In lucro ponendum est, si nihil cogaris soluere. Hinc prouerbio dicitur, Sponde, noxa præsto est: cui nostrum illud respondet, Birger sol man würgen. Sæpe autem fit, ut etiam uiri boni propter aduersos casus, fidem uel prorsus, uel tempore quo promiserant liberare non possint. Opes enim uarijs casibus sunt obnoxia. Fit etiam ut quibus bene fidebas, fidem fallant. Vulgaris querela fuit omnibus seculis de inconstantia humanarum uoluntatum, seu humana perfidia. Sinit autem aliquando Deus, nos hominum perfidiam ideo experiri, ne nimium eis tribuamus: sed nostro damno discamus quàm fallaces sint, & quàm uerax sit uerbum Dei. Ita enim natura comparati sumus, ut quæ damno facultatum nostrarum didicimus, diu memorię inhæreant. Siracides quoq; cap. 29. dicit, Beneficium fideiussoris malè compensat sceleratus, & ingratus animo liberatorem suum deserit. Fideiussio multos perdidit feliciter agentes, & eos in modum marini fluctus exagitauit: uiros potentes domo pepulit, & uagos fecit inter gentes peregrinas. Vtilis igitur est hæc admonitio, ne temerè fideiubeamus: sed si honestè possumus, recusemus: deinde ne fideiubeamus supra uires nostras, quò postulante necessitate soluendo simus: ne & nos & familiares nostri in discrimen ueniamus, dicentes, non putaram rem ita casuram. Quod si homines prodigi, qui omnia bona sua turpiter abliguriunt, nec laborare uolunt, fideiussionem pro se postulent, non teneris id facere: nam tuę etiam familię prospicere debes, i. Tim. 6. Illos non subleuares, interim te præsentissimo periculo inuolueres. D. Paulus non uult in largiendis eleemosynis, ut alijs sit relaxatio, nobis uerò angustia. Quod si tua alijs elargiri uelis, multi occurrūt honesti & pij homines, quorum potior ratio habenda est, quàm perditorum. Nemo tamen ex hoc loco prætextum suę auaritię petat, ut in necessitate constituto fratri manus auxiliares non porrigat, atq; ita contra Deum & propriam conscientiam agat. Multa enim loca scripturę & exempla, beneficentiam nobis commendant, & præmia amplissima liberalibus ac beneficiis promittunt: è diuerso, sordes & auaritiam prohibent, quibus hic Solomonis locus non aduersatur. Nam qui iter facientem de periculis & difficultatibus submonet, ab eo auocasse non censetur.

Sequitur altera pars, quę est consilium, quo pacto se gerat, qui uel prudens uel imprudens fideiussit. *Fac nunc hoc fili mi, ut libereris, uel, & liberaberis, postquam incidisti in manum amici, uel, proximi tui.* Si quis libertatem amisit, omni ope niti debet ut eam recuperet: at qui pro alijs fideiusserunt, liberi amplius non sunt, sed uenerunt in manum, hoc est, potestatem proximi sui. Quod uel ad creditorem, uel ad eum pro quo te obligasti, referri potest. Curare itaq; debent, ut tricis illis liberentur, uel sollicitando debitorem, ut creditori satisfaciat, uel soluendo quod promiserunt. Cogitet quisq; illam actionem non fideiussione consummari: sed fidei liberatione ac persolutione. Stulti sunt qui pecuniam mutuò accipiunt hac conditione, ut multò pòst reddant: tandem enim uenit tempus præfinitum: ita stulti quoq; sunt, qui in fideiubendo securi, de futuro tempore non cogitant, quo uelint nolint satisfacere eos creditori oportebit.

*Vade prosterne te.)* Ad uerbum est, *Conculcate te.)* id est, calcandum te præbe. Latine possemus commodè dicere, Projice te à pedes eius.



Et robora, conforta, extolle uel honora proximum tuum.) Sensus est, Si pro altero fideiussisti, mone eum, ut seipsum & te liberet. Vel, si uenit tempus ut soluas debitum creditori, & non potes, uade & humilia te coram creditore, sicut de illo Matth. 18. cap. legitur: lauda illum, & facile placabis. Hoc si multi facerent, sæpenter non urgerentur à creditoribus: sed quia ingrati sunt, & conuijs agunt, implicant se multis malis. Vel, רעאָרעאַ reacha est numeri pluralis, & sic deficit, בֵּית beth præpositio, *magnifica creditorem unà cum amicis tuis.*) Alij uertunt, *robora uel multiplica amicos tuos.*) hoc est, adduc tecum omnes amicos & cognatos: nos dicimus, *Küß fründ vñd maag an/* qui pro te apud creditorem intercedant.

Ne dederis somnum oculis tuis, neque dormitationem palpebris tuis.) Dormitare est paululum dormire, Germanicè dicimus *entnucken*. Ne sis securus & negligens, adhibe magnam sollicitudinem. Germanicè quoq; dicimus, *Non dormiam;* pro eo quod est, *sedulus ero,* & rem hanc diligenter curabo, non negligam occasionem. Dormire, est securum esse & supinū. Hoc sensu Christus Matth. 13. dicit, diabolum dormientibus hominibus zizania seminasse, &c. Græci quoq; dormiendi uoce sic utuntur. Nam cum Philippus rex, ut est apud Plutarchum, interdiu dormirer, & Græci ad fores conuenientes eum criminarentur: Nolite mirari, Parmeno dixit, quòd nunc Philippus dormit. Nam quando uos dormiebatis, ille uigilabat. Deinde nox propter silentium meditationi ualde est accommoda. Hinc prouerbio dicitur, *ἐν νύκτι βελύ,* eandemq; ob causam poetæ noctem *ὄφρονον* appellant.

Dormire,  
pro securū  
esse.

Elabere uelut caprea de manu (uenatoris, uel creditoris) & sicut auis de manu aucupis.) Duplici similitudine ostendit quanto studio curandum sit, ut liberemur ab illa seruitute. Primam ducit à capreis, quæ captæ nihil non tentant, ut in liberum campum, ualles & syluas redire possint. Rarè enim & difficulter cicurantur. Alteram ducit ab auiculis, quæ si ab aucupibus capiantur, tentant se tricis expedire: si caueæ includantur, rostro omnes rimas tentant, ut possint auolare. Quamuis uictus copiosè eis ministrètur, mallent tamen hinc inde quærere. Hac similitudine Plautus quoq; usus est in Captiuis:

Liber captiuus aui ferè similis est.

Semel fugiendi si data est occasio,

Satis est, nunquam post illum possis prendere.

Quid. i. de Ponto:

Cum bene sint clausæ cauea Pandione natæ,

Nititur in syluas quæq; redire suas.

Officium etiam illorum pro quibus obligati sumus, est ut grati sint. Sic enim Siracides loquitur, Ne obliuiscaris gratiæ fideiussoris, nam animum suum pro te deposuit, &c. Qui non sunt solliciti quomodo benefactores suos liberent, non sunt boni uiri. Creditores quoque non importuni sint & rigidi, sed humanitatis meminerint. Hoc consilium sapientis de fideiussione, generaliter omnibus obligationibus & contractibus accommodari debet. Cauendum enim est, ne quid uoueamus uel promittamus, quòd præstare uel non possumus, uel non debeamus.

ēē

“

“

“

“

Officiunt il  
lorum pro  
quibus fi-  
deiubemus.

5 Vade ad formicam ô piger, uide uias eius, & sapiens sis.

6 Quæ cum non habeat ducem, præfectum & dominatorem, parat in æstate cibum suum, congregatq; in messe alimoniam suam.

7 Quamdiu piger dormis, quando surges à somno tuor?

8 Modicum dormiendum, & modicum dormitadum, atq; modicum manus conferendæ in accubitu.

9 Et ueniet quasi transiens uiator egestas tua, & penuria quasi uir armis tectus.

Hæc uerba aptissimè superioribus iunguntur. Nam mox ab initio capitis, docuit non solum quàm periculosum sit fideiubere: sed etiam omnia tentanda esse, ut datam fidem liberemus. Dicis, Quid mihi agendum est, ut fidem liberare possim? Exemplo formicæ docet cauendum esse ab otio & ignauia, achonestum laborem esse suscipiendum. Multi si non languori se desidiaq; dederent, uel æri alieno non essent obnoxij, uel honestè se liberare possent: sed quia pigri sunt & socordes, in multas difficultates incidunt. Sapiens itaque inquit, *Itò ad formicam ô piger. Quid faciam? uide uias eius.*) hoc est actiones, studia, sollicitudinem, prouidentiam, & labores eius. Vel simpliciter secundum literam, confydera uias eius. Plinius enim scribit, silices inueniri formicarum pedibus attritas, & in opere semitam fieri. Finem addit, ut sapiens fias, & animum ad honestum laborem applices. Quid facit formica? Et si

Formicarū  
sedulitas.



æstate cibum colligat, & in messe quando grana in agris reperiuntur, alimentum suum conuehat. Hoc igitur uult dicere, Si non moueris exemplis laboriosorum hominum (puta agricolarum, uinitorum, opificum) non legibus, non sacris scripturis, nō amicorum exhortationibus: saltem formicæ exemplo mouearis, ac pudeat tali animalculo in uiuendi ratione inferiorem esse. Non potuisset exemplum conuenientius asserre. Nam omnes excusationes desidiorum tollit. Mira scribunt non modò prophani, Aristoteles, Ælianus, Plinius: sed etiā ecclesiastici scriptores, Basilius, Ambrosius, Hieronymus, de formicarum ingenio, natura, industria, & sedulitate. Hinc inde ex agris grana magno labore comportant, quæ ipsarum onera, si cum earum corpusculis conferantur, maiora sunt. Vnde quidam formicam non à ferendis micis: sed simpliciter à ferendo dictam putat. Morsu minora gestant, maiora trahunt, & auersæ postremis pedibus impellunt, nec antè relinquunt, quàm aliæ eis auxilio ueniant. Sedulitatem & industriam earum nihil unquam retardat, non asperitas, non itineris longitudo, nō solis æstus ardentissimus, imò ne nox quidem. Nam plena luna dicuntur opus suum exercere. Congerunt maximos acervos, quemadmodum passim in syluis & agris cernere licet, quos si quis baculo dissipet, statim restaurant. Semina arrodunt ne rursus in fruges à terra exeant, & labor earum pereat, cibiq; inopiam incurrant. Hinc apud Hebræos & Germanos, à succidendo uel arrodendo nomē sunt sortitæ. Grana imbre madefacta ad solem proferunt, ne cōputrescant. Agricola obseruarunt, nunquam eo die pluere, quo à formicis frumentum exponitur. Recondunt itē quod per longā & inclementē hyemē uescatur, nec statim omnia deuorāt.

**Exemplum formicarū hortatur nos ad suscipiendū honestos labores.** Hinc primū colligendū nobis est: si tantillum animal, debile, expers rationis, quod non habet ductorem (qui iter & loca pabuli monstret) non ἔργον αὐτῷ (qui segnem impellat & urgeat,) non principem (qui leges præscribat, & pœnas comminetur) si, inquam, formicā tam assiduè laborat, & nullum tempus suis laboribus idoneū perire finit: quantò magis homo ad laborem natus, Iob 5. cap. & ratione ornatus, suo officio deesse non debet? Septuaginta interpretes formicæ apem adiungunt: apem adi & disce, quàm operosa sit, quàmq; augmentum opus exerceat. Phocylides, qui sua carmina à Sibyllinis libris suffuratus esse scribitur, omnes diligentissimè ad laborē extimulat, & inter alia etiā adducit exemplū formicarū & apū.

” Μύρμηκες (inquit) γαίης मुखάτας προλελοιπότες οἶκους,

” ἔρχονται βιότοιο λεχυσμόνι, ὁππότε ἄρξῃ

” Λύα λεράμοναι, λερπῶν πλῆθος αἰωάτ.

” Οἱ δ' αὐτοὶ πυροῖο νεοτρεῖς ἄχθος ἔχουσιν,

” Η λερπῶν αἰεὶ δὲ φέρων φορτὸντα διώκει.

” Εὐθέρως ποτὶ χεῖμα βορὴν σφετέρην ἐπάγοντες

” Ατρητορ' οὐλὸν δ' ὀλίγον τελέθει πολύμοχθον, &c.

**Labor non est unius generis.** Multa extant scripturæ loca, quæ nobis laborem cōmendant, & ab ignauia reuocant. Ephes. 4. inquit Apostolus: Qui furabatur, nō furetur amplius: magis autem operetur laborando manibus, quod bonum est, ut possit impartiri ei qui opus habuerit. Quibus uerbis nō omnibus quidem necessitas laborandi manibus imponitur: sed hoc uult dicere Apostolus, potius dura quæq; ferenda esse, quàm ut nobis aliena contra ius usurpemus. Duplex est labor, unus ingenij, alter manuum. Ingenio potissimum profunt magistratus, ecclesiastæ, ludimagistri. Inter labores quoq; manuum, magna est diuersitas, quædam artificia alijs sunt duriora. Quisq; in sua uocatione ambulet. Ne putes illos non laborare, qui non arant, uel ligna secant. Christus concionatores operarijs connumerat. Non autem uult Deus, ut quis immodicis laboribus sese conficiat. Adhæc Paulus 1. Theff. 4. & 2. Theff. 3. ociosos homines in ordinem redigendos docet. Gentiles quoq; laborem laudant, & ocia detestantur. Draco Atheniensium legislator, eos qui ocij damnati fuissent, capite plectendos censebat. Areopagite quoq; diligenter scrutabantur, qua arte quisq; se aleret, & desidiosos multabant. Massilienses neminem in ciuium numerum recipiebant, qui non honestam aliquam artem calleret. Intelligebant enim nullam urbibus pestem nocentiorem esse ocio: hinc pleraque uitia nasci, item nouas tabulas, & ciuilia bella. Omitto uarias ipsorum sententias, de labore contra ocium. Minutissimum etiam hoc insectum, quemadmodum audiuius, docet laborandum esse, nec ocio indulgendum. Prouidendum tamen est, ne instar formicarum omnes nostras cogitationes & studia in res terrenas cōferamus, nec de alijs rebus simus solliciti, quàm ut cibo potuq; saturemur. Adhæc nobiles qui ex suis redditib. uiuunt, legāt aliquid & instruāt se, ut cōsilijs prodesse possint.

**Assiduitas.** Deinde discimus exemplo formicarum, etiam Plinio teste, quantum in omni re ualeat qualiscunq; sedulitas. Vtq; historicus dicit, nihil tam altum à natura constitutum esse, quod nō possit uirtus eniti. Menander apud Stobæum dicit, πάντα γὰρ τοῖς ἐνδελεχίαις καταπονέται πρᾶγματα. Nihil est tam arduum, quod assiduitas nō efficiat. Hoc enim animalculū, paulatim magnos



magnos acervos colligit. Durissima quoq; saxa stillis assidue decidentibus excavantur.

Adhæc docent nos piam sollicitudinem & prudentiam, ut in futuras necessitates aliquid reponamus. Non enim in præsens tantum sibi consulunt, sed futuræ hyemis memores, cibaria comparant & recondunt. At inquis, Christus uetat anxium esse pro uictu & amictu, aut de crastino. Respondeo, Christum non prohibere in uniuersum omnem sollicitudinem: sed illam tantum quæ ex diffidentia oritur. Duplex enim est cura uel sollicitudo. Vna cum fide coniuncta, qua labore parta non prodigimus: sed damus operam ut & nos & nostros honestè alere possimus. Talis in patriarchis laudatur, & 1. Tim. 6. exigitur. Vide infra cap. 15. uersu 6. & cap. 21. uersu 20. Prodigalitatem Deus non approbat. Deinde est alia sollicitudo quæ ex desperatione nascitur, cum nimis anxij nos ipsos subleuare uolentes, in tentationes diaboli incidimus: non cogitantes Deum esse qui benedicat opibus, nosq; frustra fatigari, nisi ille successum dederit. Nemo igitur formicæ exemplo, ad auaritiam suam defendendam abutatur, quod uitium Horatius quoque lib. 1. Satyr. 2. notauit. Modum in quauis re tenere oportet. Vtile esset seruos & ancillas, dum florenti adhuc sunt ætate, & prospera ualitudine utuntur, interdum cogitare, Quid si in morbum incideres? quid si propter senium labores amplius tolerare non possis? ut reseruarent unde futuræ necessitati succurrerent: neque omnia temerè in sumptuosas uestes, in uina, & res inutiles profunderent. Patres familias etiam cogitent, Fieri potest ut incidas in morbum, & artem tuam amplius exercere non possis, ut prospera tempora tristitia subsequantur: uis itaque ex abundantia rerum aliquid reponere in futuras necessitates, ne postea ad paupertatem miseramque seruitutem redigaris. Id quod fit quando formicas non imitamur: sed quotidie genio indulgentes, multo luxu nostra prodigimus. In Iosepho laudatur hæc prudentia, quod fertilibus annis granaria impleuit, ut in rerum penuria, non solum Ægyptijs, sed exteris etiam posset prodesse. Laudanda est hæc cura hodie quoque in magistratibus. Sæpe enim inopia commeatus munitissima oppida ad deditiōem compulit. Phalaris Agrigentinarum Tyrannus, hoc stratagemate munitissima Siciliæ loca occupasse legitur. Simulato enim cum oppidanis fœdere, frumenta eis seruanda dedit. Curauit autem ut granaria in quibus condebantur, pluuiam admitterent, & sic inutilia redderentur. Illi fiducia depositi apud se tritici, abutebantur proprio. Tyrannus itaq; obsessos propter commeatus inopiam nullo negotio cepit. Quare non audiendi sunt decoctores illi, qui semel omnia esse absumenda putant. Hanc prouidentiam Deus formicis indidit, ut non simul & semel, sed paulatim, quæ collegerunt, absument.

Discimus item occasionem non negligendam: sed suo tempore unumquodq; opus conficiendum esse. Formicæ enim colligendi uictus tempora obseruant, æstate quando campi frugibus pleni sunt, cibos colligunt, quibus hyeme uescantur. Præuidet enim naturali instinctu, se hyeme in uacuis agris frustra pabulum quæsituras esse. In omnibus rebus aggrediendis & conficiendis, plurimum habet momenti occasionis & temporis obseruatio. De hac re multæ extant apud Græcos sententiæ. Veteres non sine causa occasionem Deam finxerunt, quæ à fronte capillata sit, à tergo calua. Æstate colligendi sunt fructus, hyeme frustra quærentur. Infra 10. cap. uers. 5. dicit: Qui congregat in æstate, prudens est: qui uerò in messe stertit, pudori se obijcit. Pulchrè dicit Ouidius:

Dum uires anniq; sinunt, tolerate labores:

Iam ueniet tacito curua senecta pede.

At tu dum primi floret tibi temporis ætas,

Vtere: non tardo labitur illa pede.

Tibullus,

Non autem ad res turpes, sed honestas uiribus & ætate utendum est. Senex apud Plautum in Mercatore, inquit: Adolescens cum sis, tunc cum est sanguis integer, rei tuæ quærendæ conuenit operam dare. Proinde non simus ignaui & desides: sed exemplo formicæ paremus in iuuentute, quibus in senectute perfruamur. Notus est apologus de formica & cicada.

Elicimus præterea ex hoc loco, quod nos non pudere debeat ex animalibus, atque ad eò ex minutissimis & contemptissimis uermiculis, quæ utilia nobis sunt addiscere. Isaïas exemplo asinorum qui præsepe suum norunt, & ciconiarum quæ certo anni tempore auiolant & redeunt, Israelitas sui officij admonet. Christus iubet nos passeris contemplari. Quin ad uolatilia celi, fœnum & lilia agri nos remittit, ut discamus nihil defuturum illis, qui Deum colunt. Iobis 12. item 30. cap. ostenditur, ex animalibus sapientiam diuinâ percipi. Hic enim finis est inter alios propter quos conditæ sunt, ut ex eis uaria discamus. Defendunt multi idola & simulachra in templis hoc nomine, quod sint uelut libri laicorū, quodque ex eis multa discamus: sed profectò in formicis, & alijs animalculis, plura multò habe-

Prouidentia.

Cura duplex parandæ & conseruandi uictum.

Opportunitas non negligenda.

“  
“  
“  
“

Ab animalculis etiam discendum.



mus quæ discamus & miremur, quàm in omnibus sculptis, fictis, fufis, pictis'ue simulachris. Nam formicæ nobis quodammodo Dei naturam exhibent. Potentiam eius uidemus in eo, quod tot & tam uaria condidit, eisq; uitam indidit: Sapientiam, quod tam egregijs corporis & animi ( ut ita dicam ) dotibus, eas ornauit & instruxit: Bonitatem, quod eas conseruat. Apparet etiam Dei bonitas erga nos, quod eas nobis in bonum condidit, ut scilicet, quod Græci dicunt, *ἀγαθὴν ἀγαθὴν* ex eis perciperemus. In medicina enim usum suum habent: agricolis futuram tempestatem significant. Multarum adhæc & pulcherrimarum uirtutum in illis quædam simulachra nobis adumbrantur. Inducunt nos in nostri cognitionem. Videmus eas Deo obedientiam eam præstare, quam nos non præstamus. Discimus item ex illis, quàm tenuis sit nostra cognitio. Quis enim est qui uel formicæ naturam pro dignitate explicare possit? Docent item laborem ( ut iam antè diximus ) quem simulachra nos non docent: prudentiam, quæ in idolis nulla est. Docent nos obseruare opportunitatem temporis, quod idola non possunt. Valeant igitur illi cum suis mutis & cæcis magistris: & oculos ad res à Deo creatas potius conuertant, quibus suæ diuinitatis illustra uestigia impressit. Quod si non pigere nos debet, etiam ex contemptissimis animalculis discere, multò minus ex hominibus utilia discere pigeat. Sunt enim non pauci aded arrogantes, qui ab alijs, etiam ecclesiasti, nisi magna autoritate & eloquentia præditi sint, discere dedignantur. Cogitandum erat Deum nobis per illos loqui, qui etiam ad formicas nos remittit. Atq; hæc sunt, quæ in exemplo formicarum nobis proponuntur.

**Mala imitatio formicarum.** Sunt qui alia ratione formicas imitantur. Nam quemadmodum illæ rapto uiuunt, ita isti quoq; rapinis delectantur: quemadmodum illæ homines morsu infestant, & fructus corrumpunt, ita isti hominibus molesti sunt, ore suo maledico, & sacrilega lingua, aliorum famam rodunt.

Iam ignauum quasi crinibus arreptum, ex somno excitat, dicit enim: *Piger quamdiu dormis? quando surges à somno tuo?* Quasi dicat, non indigebas tam longo somno. Quemadmodum enim illi qui modico cibo & potu: sic etiam qui modico somno contenti sunt, meliore sanitate utuntur. Mediocris somnus, corpus reficit: immodicus ipsum conficit. Per mimesin imitatur uoces pigrorum. Cum à somno excitantur, clamant: *Paululum dormiendum, paululum dormitandum, paululum complicandæ manus ad dormiendum.* Ad opus excitari non possunt. Etsi clarum mane, ut ille dicit, per fenestras intret: tamen negant se uel horam dormiuisse, & in oculis suis dicunt multam adhuc noctem esse. Quidam hæc uerba ita accipiunt, ut sit admonitio, parum est dormiendum, &c. Compressis sedere manibus, apud Latinos quoq; dicitur in ociosos, & nihil aliud quàm sua fata deplorantes. Sic enim apud Liuium ab urbe condita lib. 7. legitur: Cur ueteranus dux fortissimus bello, compressis, quod aiunt, manibus sedeat? &c.

Quid uerò tandem fit? Et ueniet ceu uiator egestas tua, & penuria tua ceu uir chypei.) Ignauī illi homines, tandem ad extremam egestatem rediguntur. Hoc duplici similitudine explicat. Dicit egestatem pigrum sequi ceu uiatorem, hoc est, citò & de improviso: & uelut armatū, hoc est, pigrum se contra penuriam defendere non posse. Veluti si nudo & semisomni, cum uiro armis munito pugnandum esset. Idem docent alia etiam scripturæ loca. Prouerb. 21. Piger omnis est in egestate. Hoc etiam gentiles uiderunt. Plautus enim in Rudente inquit,

” Nimis homo nihili est, nimisq; id genus odi ego malè.

” Vigilare decet hominem, qui uult sua temporis conficere officia.

Nam qui dormiunt libenter, sine lucro, & cum malo quiescunt. Exemplis abundamus ociosorum hominum, qui suas facultates dilapidant, oppignorant, æs alienum conflant, & postea rationem ineunt, quomodo de alieno helluentur. Non autem mirum est illos homines ad paupertatem redigi. Nam quia Dei præcepto, quo nos labori astringit, parere nolunt, neq; formicam magistram audire & imitari: Deus eis has pœnas tandem meritò infligit. Sunt qui contrarium sensum sequuntur, nempe, si monitionem meam non contempseris, non premeris egestate & inopia: sed uelut uiator qui non diu in uno loco subsistit, & uelut uir armatus, qui castra sequens subinde pergit, paupertas pertransibit.

**Allegoria.** Totum hunc locum ( cuius historicum, uel literalem, ut loquuntur, sensum iam ostendimus ) per allegoriam etiam possumus exponere, ad hunc modum. In præsentī seculo ( quod per ætatem significatur ) fides per bona opera exercenda est: quia nulla facultas ea edenti in altera uita ( quæ hyemi assimilatur ) relinquitur. Non dormiendum est in uitijs, sed surgendum ad bona opera. Peccatores semper dicunt: Paululum adhuc iacebo, postea penitendo resurgam: sed priusquam ex ueterno peccatorum excitari queant, iudex adest. Paulus etiam nos hortatur, ut operemur bonum, dum tempus habemus: & seruator ambulandum dicit, dum lucem habemus. Pulchra sunt quæ in hanc sententiam D. Cyprianus scribit, in suo tractatu contra Demetrianum in fine. Hic, inquit, uita amittitur & tenetur. Quando isthinc excessum



excessum fuerit, nullus iam locus pœnitentiæ est, nullus satisfactiois effectus, &c. Oppor-  
tunitas itaq; non negligenda est. Augustinus in lib. contra Adimantum Manichæi discipu-  
lum, hunc locum allegoricè sic exponit: Quemadmodum, inquit, formica æstate colligit, un-  
de in hyeme pascatur: sic unusquisq; Christianus in rerum tranquillitate (quam æstas signifi-  
cat) colligat uerbum Dei, ut in aduersitate & tribulationibus (quæ hyemis nomine signifi-  
cantur) habeat unde spiritualiter uiuat. Non enim in solo pane uiuit homo, sed in omni uer-  
bo Dei. Terentius quoq; in Phormione eleganter dicit:

Omnes cum secundæ res sunt maximè, tum maximè

Meditari secum oportet, quo pacto aduersam ærumnam ferant,

Pericla, damna, exilia, &c.

“

“

“

10 Homo Belial est uir uanus, obambulans ore peruerso.

11 Annuît oculis suis, & uelut pedibus suis loquitur, atque docet digi-  
tis suis.

12 Peruersas cogitationes habet in corde suo, machinatur malum o-  
mni tempore, & immittit contentiones.

13 Ob id interitus eius repente ueniet, subitò conteretur absque me-  
dicamine.

Exemplo formicæ pigros & desidiosos ad laborem excitauit, atq; ostendit ex otio & pi-  
gritia tandem extremam paupertatem: ex labore uerò & sedulitate, opulentiam consequi.  
Subiungit iam deinceps, descriptionem hominis Belial, quæ præcedentibus commodè an-  
nectitur. Nam pigri & otiosi homines, paulatim in magna uicia prolabuntur, ac tandem ab-  
sterfo omni pudore, nihil non audent, & fiunt homines Belial. Vel hoc modo superioribus  
coniungi potest. Magna paupertas (quam exigentia oriri intelleximus) quemadmodum  
opulentia quoque, maximorum flagitiorum est occasio, si in homines fide uacuos incidat.  
Hinc est quòd sapiens infra cap. 30. Deum precatur, ne inopiam neue copiam sibi det. Aptè  
itaq; descriptionem hominis Belial superioribus subiunxit. Porro hoc loco excutiendæ sunt  
animi nostri latebræ: quod si in nobis has impiorum proprietates non inueniamus, est quòd  
Deo gratias agamus, eumq; precemur, ut porro nos custodiat. Sin uerò uel unam uel plures  
in nobis deprehendamus, pœnitentiam agamus, & studeamus contrarijs uirtutibus. Quæ-  
dam hîc ponuntur quæ uulgò leuicula habentur, & apud illos quoq; admodum uulgaria sunt,  
qui optimi Christiani uideri uolunt: sed audimus quales sint Deo iudice.

Continua-  
tio.

Hæc uox Belial, sæpe occurrit in sacris literis: significat autem hominem impium, & con-  
temptorem Dei. Hebræi componunt ex בלי beli, non, & על alah, ascendendo, eò quòd  
non ascendat, hoc est, proficiat & prosperetur in suis actionibus: uel quòd non ascendat ad  
honores. Hinc quidam reddunt, absque honore. Vel, quòd omnes cogitationes suas in  
terrena & secularia conferat, nec assurgat ad consyderationem rerum cœlestium. Col. 3. Sunt  
qui deducant à על יאל prodesse, utile esse, eò quòd, ut dicitur, nec sibi nec alijs pro-  
fit. Hieron. deducit à בלי beli, non, & על ol, iugum, quasi sine iugo, quòd impius diui-  
næ legis iugum excutiat, & nullis uel diuinis, uel ciuilibus, uel naturæ legibus teneri uelit.  
Deut. 13. Nomen hoc illis tribuitur, qui alios ad idololatriam sollicitant. Iudic. 19. cap. illis qui  
Leuitæ uxorem constuprauerant. 1. Reg. 21. cap. falsis testibus qui contra Naboth dixerunt. 1.  
Sam. 1. cap. Mater Samuelis dicit Heli, qui eam suspicabatur ebriam esse: Ne reputes ancillam  
tuam coram Domino filiam Belial. Accommodatur etiam rebus, ut Deut. 15. Caue ne sit uer-  
bum uel res Belial, id est, impia & nefaria, cum corde tuo. Psal. 18. torrentes Belial, id est, im-  
pietatis uocat. Psal. 101. uerbum Belial, &c. Videamus nunc proprietates seu attributa homi-  
nis Belial. Primum, Est uir uanitatis uel iniquitatis. delectatur iniquitate. Non est sollicitus de  
propagando honore & gloria Dei: nec studet inseruire proximi commoditatibus: sibi & alijs  
est inutilis, & ut Græci dicunt γῆς βῆρος. Si tales homines aliquando utiles sunt, fit contra eo-  
rum uoluntatem & naturam.

Belial quid  
significet.

Descriptio  
hominis  
Belial.

Deinde, Obambulat ore peruerso. Deus inter animantia omnia, soli homini rationis & ora-  
tionis usum concessit. Maximum autem donum est, quòd cogitata mentis per sermonem profer-  
re possumus. Curandum itaq; nobis est, ut os rectum habeamus. Rectum uerò uocat scriptura,  
quod cum uerbo Dei consonat. Quando ad propagandum gloriam Dei & utilitatem proximi,  
lingua nostra utimur, rectè ea utimur: quando loquimur quæ, quando, & quemadmo-  
dum oportet: quando nobis cauemus à blasphemijs contra Deum & uerbum eius, à menda-  
cio, obtreptione, obscœnis & uanis sermonibus. His enim omnibus abutimur dono ser-  
monis. Illis autem uitijs præcipuè pigri & otiosi homines obnoxij sunt. Cum enim per

Os rectum  
quid.



luxum & libidinem sua prodegerint, curiosè inquirunt in res aliorum: si quis nolit eis dare quod prodigat, statim in cõuitia erumpunt: Adhæc si negociantur, fraudibus & dolis agunt.

Tertiò, *Annuìt oculis, pedibus suis loquitur, & docet digitis suis.*) Cum peruersus homo impietatem suam per linguam effundere non potest, quemadmodum uellet: signis quibusdam oculorũ, pedum, & digitorum, prodit mentem suam. Oculis & reliquis membris, libidinis suæ, & contemptæ religionis dat indicia.

Quartò, *Peruersitates habet in corde suo.*) Hactenus de externis loquutus est: iam ad ipsum fontem bonorum & malorum descendit. Seruator noster Matth. 12. inquit, Bonus homo è bono thesauro cordis expromit bona: & malus, ex malo thesauro mala. Alio in loco dicit: Arborem bonam bonos fructus ferre: malam malos. Matth. 15. Ex corde exeunt cogitationes malæ, cedes, adulteria, stupra, &c. Intelligenda autem hæc sunt de corde impuro, quod per fidem non purificatum est. Si fons infectus sit, aqua ex illo fonte ebulliens, impura erit.

Quinto loco, *Homo Belial machinatur* (potest etiam ad correferrì) *malum omni tempore.*) Impij aliud facere nõ possunt, quàm subinde cogitare quomodo pijs sint molesti. Isaias impios mari comparat, quod non quiescit. Excitant funesta bella, & persecutiones contra pios. Exemplum habemus in Iudeis, qui dies noctesq; de Christo opprimendo cogitabant. *Omni*, inquit, *tempore*, nõ tantum semel & iterum, oblata aliqua occasione: sed tota uita sua. Noctu quando alij homines quiescunt, quin etiam quando mortui uidentur, pijs insidias struunt. Exempla multa uetera & recentia hoc testantur.

Sextò, *Inmittit contentiones.*) Gratum ei est & acceptum, si possit homines coniunctissimos inter se committere. De hoc in sequentibus plura annotabo.

*Exitus hominis Belial.* Subiungit nunc quis tandem exitus futurus sit. *Interitus eius repente ueniet.*) cum nihil eiusmodi expectabit: sed omnes res suas in tuto positas esse existimabit. Repete ex superioribus quæ de repentino impiorum interitu annotauimus. Magnum est subitò opprimi. Si paulatim pœnæ infliguntur, possunt homines pœnitentiam agere, & ad Deum conuerti: post obitum nullus est locus pœnitentiæ. Addit: *Non erit sanitas.*) Vulnere aliquando homines accipiunt, quæ curari possunt. Sic Iob sua amiserat, postea uerò in integrum fuit restitutus. Aliquando uulnera infliguntur, quæ nulla arte medicorum curari possunt. Tale uulnus homines Belial accipient, rarè enim pœnitentiam agunt. Rident nunc, & omnia securè cõtemnunt: sed olim magno suo malo sentient, hæc omnia esse quàm uerissima. Horum omnium euidentis exemplum Nabal est, 1. Sam. 25. cap. Nos operam demus, ne simus filij Belial, sed filij Dei, ut hæreditatem filiorum Dei accipiamus.

14 Hæc sex odit Dominus: & septimum est abominatio animæ eius.

15 Oculi sublimes, lingua mendax, & manus effundentes sanguinem innocentem.

16 Cor machinans cogitationes iniquas, & pedes qui festinantes currunt ad malum.

17 Testis falsus qui profert mēdacía, & qui mittit discordiã inter fratres.

Ad descriptionem diaboli hominis, pertinent etiam hæc uerba, in quibus septem uitia recensentur, quorum sex priora Deus dicitur odisse, septimum uerò prorsus abominari. Cæterum hæc non tantum scire, uerum ad ea uitam nostram examinare oportet. Molestum tibi foret, si scires te ab hominibus odio haberi, at multò est grauius si quis Deo exosus sit. His autem flagitijs obnoxios odit Dominus. Non quidem affectibus obnoxius est Deus: sed humano more loquitur scriptura, ut ea quæ dicuntur, planius intelligamus. Odit, hoc est, detestatur ea, damnat & supplicijs afficit. Sic Isa. 1. cap. Odiuit anima mea solennitates uestras. More quoq; humano anima ei tribuitur. Septem illa enumerat, eleganti & naturali ordine, ab oculis primum ad os descendens, ab ore ad manus, à manibus ad cor, à corde ad pedes.

*Septem uitia exosa Deo recensentur.*

Primum, odio habet *Oculos elatos.*) hoc est, homines superbos & arrogantes. Nam quemadmodum ira in oculis elucet, ita etiam superbia. Latini quoq; attollere supercilium prouerbio dicunt, arrogantiam & fastum significantes. 1. Pet. 5. cap. Superbis, inquit, Deus resistit, humilibus autem dat gratiam. Maria in suo cantico Luc. 1. Potentes deraxit de sedibus, & euexit humiles. Exempla multa hoc testantur. Angelos superbientes Deus cœlo expulit, Pharaonem submersit, Saulem, Sanheribum, Hammanum, & alios oppressit. In nouo Testamēto legitur de Herode Agrippa quod ab angelo percussus, superbiæ pœnas dederit, Acto. 12. Odit igitur Deus Superbos, nec mirum est: quæ enim Deo tribuere debebant, sibi tribuunt, alios despiciunt, seipsos non cognoscunt, reprehensiones uerbi Dei auersantur, &c.

Secundo



Secundo loco ponit linguam mendacij seu mendacem. Idem etiam David pater Salomonis dicit psal. 5. Mendaces odio habentur à Deo & hominibus. Deus enim homines sibi quàm simillimos esse uult: mendacijs autem diabolo similes efficiuntur. Contra mendacium multa apud Ethnicos quoq; grauitè dicta extant.

Tertio, *Manus fundentes innocentem sanguinem.*) Atrox est peccatum humanum sanguinem temerè fundere, ut si quis ex ira & odio hoc faciat: si militatum abeat contra iusiurandum magistratui factum. Verbum enim Domini iubet illius sanguinem effundi, qui humanum sanguinem fuderit, Geo. 9. Num. 25. dicit lex, sanguine humano pollui terram, nec antè eam expiari, quàm effundatur sanguis illius, qui alterius profudit. Deut. 27. Maledictus pronunciat, qui accipit munera & effundit innocentem sanguinem. Deus apud Isa. 1. capite negat se exauditurum preces Israelitarum, eò quòd manus ipsorum sanguine innocenti madeant. Natura enim dictat magnum esse, cædem facere. Quod si homo aliquis confossus intereat, magna est concursatio, magna trepidatio: si fontes ducantur ad supplicia, magna est commiseratio. Interim quod mirandum est, nemo stupet, si multi simul in bello iniusto pereant. Lucce naturali gentiles quoq; grauitatem huius sceleris uiderunt. Id quod abunde ex Ionæ exemplo colligitur, quem nauæ (durum genus hominum) uix tandem, iussi in mare eijciunt. Cum Paulus ex naufragio enataffet, & Barbari uiperam è manu pendentem uiderent, mox suspicantur eum homicidam esse, & uindictam ab eo cui mare & homines pepercerant, pœnas exigere. Cato filio suo, ut est apud Ciceronem in Officijs lib. 1. negabat ius esse pugnandi contra hostem, nisi denuò iuramento militari à duce esset astrictus. Huc pertinent ueneficia, latrocinia, & aliæ indignæ cædes. Deus charitatem ubiq; nobis commendat, ideoq; odio habet iniustas cædes. Diabolus uerò ab initio fuit homicida. Porro non ita iudicandum est de omnibus cædibus, ut cum quis uim ui repellens, insidiatorem inuitus cædit: uel cum quis amicum inuitus & inscius interficit (casus in lege ponitur elapsæ securis ex manubrio) uel cum magistratus facinorosos è medio tollit, aut bellum necessarium ad pacem publicam & ad fines libertatemq; defendendum suscipit. Non enim simpliciter à Solomone dicitur, manus fundentes sanguinem, sed additur, innocentem. Magistratui mandatur ut sceleratos cædat: sin autem innocentes cædat, uel etiam nocentes, ex affectibus, aut bella temeraria gerat, etiam abominationi est Deo.

Quarto loco commemorat, *Cor machinans iniqua consilia.*) Hoc additur, ne quis putet externa tantum opera Deo displicere, non interiores cordis prauos motus. Omnibus quidem incidunt prauæ cogitationes: sunt tamen qui non peccant ex humana infirmitate: sed præferentes amicitiae signa proximo, pessimis affectibus incitati, opibus & uitæ ipsius insidiantur.

Quinto, *Pedes qui festinant ad malum.*) Peccatum suos habet gradus. Cogitare aliquid mali in corde, peccatum est: maius uerò peccatum est, si quis malum corde conceptum re ipsa perficere studeat. Pedes enim festinantes, animum ad patrandum malum uehementer propensum & anhelantem significant.

Sexto loco, ponit *testem falsum qui profert mendacia, aut instar fellis spirat.*) Multum refert quales sint testes. Qui testimonium dare iubentur, cogitent se stare in conspectu Dei, quem nihil latet: affectus exuant amoris, odij, metus: nihil perfidè omitrant uel addant: sed simpliciter & fideliter rem gestam exponant. Falso testimonio contumelia afficitur Deus, fallitur iudex, læditur proximus. Grauiissima supplicia in iure ciuili constituta sunt periuris. Sunt etiam extra forum falsi testes, nempe qui uel scriptis uel uiua uoce, pijs aduersantur.

Septimo loco sequitur omnium grauiissimum, quod est, dissidia serere inter fratres. Per fratres intellige alios quoque homines coniunctissimos, ueluti coniuges, parentes, liberos, dominos, seruos, cognatos, affines, amicos, uicinos, fœderatos, & socios eiusdem religionis. Nam & illi fratres sunt, cum unum eundemq; cœlestem patrem habeant. Vide infra cap. 16. uersu 28. Peccant igitur grauiissimè susurriones, calumniatores, obrectatores, seditiosi, falsi doctores, & schismatici, qui illos homines uel uerbis, uel alijs quibuscunq; rationib. inter se committunt. Nam quò præstantior est uerus & mutuus fratrum amor, eò grauius peccant, qui eos inter se committunt. Deus est Deus pacis & concordiae: Christus charitatis testem suis ex hoc mundo abiturus commendauit. Vult enim ut omnia in meliorem partem accipiant, & modis omnibus studeant, quòd pax sartatecta conseruetur. Diabolus uerò totus est in hoc, ut homines rixis studeant. Non ergo mirum si pacis turbatores, Deo tantopere displiceant.

Sciendum tamen est, non unum genus esse pacis & concordiae. Est genus concordiae & pacis, quod Deo non probatur, ueluti cum homines in idololatria, & iceleribus sunt con-

Grauitas  
cædis.

Testis falsus.

Fratres.

Pax et concordia bona et mala.



cordes. De hac pace Christus dicit Matth. 10, Non ueni mittere pacem in terram, sed gladium. Nam ueni ut dissidere faciam patrem aduersus filium, &c. Euangelium quidem per se non docet dissidia, subinde enim uiget charitatem: sed quoniam prædicatum à multis recipitur, à multis uerò respuitur, hinc grauissima oriuntur dissidia & certamina. Mallent quidem pii in pace uiuere, sed si eam detrimentum ueritatis coniunctam habere sentiunt, dissidium potius eligunt propter ueritatem, quàm mendacia & errores propter pacem. Exempla prophetarum, Christi, & Apostolorum docent concordiam illam errorum & flagitiorum esse perturbendam. Querela hodie uulgaris est de discordia per prædicationem Euangelij excitata. Antequam sparsa esset, uociferantur, hæc noua doctrina, omnes de religione idem sentiebant, nulla erant dissidia, omnia erant pacatissima: nunc uerò omnia intestinis dissidijs feruent, & coniunctissimi quique distrahuntur. Ex his fructibus facile est colligere, an hæc noua doctrina ex Deo sit, cui pax & tranquillitas unice probatur, an uerò ex cacodæmone, omnium dissidiorum parente. His clamoribus non pauci permouentur: speciosum enim & plausibile nomen pacis est. Omnes pii & moderati homines, à certaminibus & contentionibus abhorrent. At de hoc iam nihil dicam, quòd omnibus seculis fuerunt, qui Papæ Ro. contradixerunt, nec tam alta pax fuit quemadmodum isti gloriantur: sed ostendant nobis, diuinam fuisse hanc concordiam, & non uana erit ipsorum querela. Quia uerò hoc non possunt, dicimus, meliores esse dissensiones propter ueritatem, quàm pacem in erroribus & sceleribus. Recipiant Euangelium & cedant ueritati, pax erit. Filius etiam queritur, concordiam quæ ei cum patre fuit, esse ruptam, quia ei non concedit, ludere, potare, scortari, noctu discurrere. An uerò pater conseruandæ concordiae causa, filio quiduis indulgere debet?

Hæc & alia diligenter cogitanda sunt quotiescunque de constituenda inter Euangelicos & papistas, concordia tractatur. Multi putant ad retinendam uel recuperandam concordiam quiduis faciendum & concedendum esse. Longè alia hîc est ratio, quàm in rebus ciuilibus. Nihil concedendum est de pura doctrina propter concordiam & pacem: hac enim ratione non pax uera constituitur, sed potius perturbatur. Optanda quidem est consensio in doctrina, summoque conatu quærenda: sed interim cauendum, ne iactura ueritatis eam redimamus. Experimur autem ecclesias, quæ semel à puritate doctrinæ declinant, & aliqua saltem ex parte se corrumpi patiuntur, quod reliquum est puritatis doctrinæ, perdere. Quemadmodum uerò non statim dicendus est dissidium inter fratres serere, qui errores & flagitia publicè taxat, neque ueritatem sibi eripi sinit: ita nec illi qui fratres, amicos, coniuges monent, & reprehendunt. Si dicas marito ut uxorem suam custodiat: uxor illa dicet, te perturbasse concordiam, sed in te nulla hærebit culpa. Sæpe qui amicus erat, si reprehendatur, iram exercere incipit, sed immeritò.

Quæstio,  
quomodo  
discordiam  
serere ho-  
micidio gra-  
uius sit.

Scrupulus hîc iniicitur, quomodo septimum hoc sit grauissimum, cum grauius uideatur, fundere innocentem sanguinem, quod præcessit: Respondeo, quosdam ita interpretari, Sex ista odit Dominus, & septem sunt abominatio eius animæ. ut sit *ἐναντίωσις* quædam, imò septem sunt. Hæc loquendi forma infra 30. cap. etiam ponitur. Thomas in secunda secundæ, inter omnia peccata quæ sunt, grauissimum dicit esse homicidium, tamen quo ad aliquid, seminationem discordiæ grauiorem reputari, quia directè auferat uitam charitatis & pacem, homicidium uerò uitam, &c. Habes nunc catalogum eorum peccatorum, quæ Deus odit, ex quibus etiam alia multa nascuntur. Cauendum igitur est, ne his uitijs simus obnoxij, sed contrarijs uirtutibus ex fide studeamus, ut Deo probemur.

Antichri-  
stus est ho-  
mo Belial.

Hæc uicia omnia deprehenduntur in Antichristo, qui in Sibyllinis quoque oraculis filius Belial dicitur, nam quo ad oculos elatos, illo nihil est superbius, qui supra omne quod numen est Dei, sese extollit. Si linguam mendacem spectes, nihil eo uanius esse, doctrina ipsius satis superque declarat. Quantum sanguinis manus eius effuderint, & quotidie fundant, horribile est uel cogitare. Mentem impias cogitationes & consilia machinantem, tot tetra flagitia produnt. Ad horrenda scelera non pedentim, sed laxissimis habenis fertur. Quot falsa testimonia quotidie leguntur in scriptis, & ex ore Antichristianorum audiuntur? Nihil habet antiquius Antichristus, quàm ut coniunctissimos homines diuellat.

Cur nō alia  
quoque tetra  
flagitia in  
hoc catalo-  
go ponan-  
tur.

At quæri potest, an non alia etiam sint grauiora peccata, aut æquè graua: & si sint, cur hæc tantum ponantur? Alia esse quibus Deus non minus offendatur, negandum non est, ueluti idololatriam, impietatem, adulterium: ideo autem hæc ponuntur meo iudicio, quòd homines his flagitijs obnoxij, ferè putant se uel non peccare, uel leuiter tantum peccare. Quidam etiam de ijs gloriantur, & nihilominus amici Dei haberi uolunt.



- 18 Custodi fili mi præceptū patris tui, & ne deferās legem matris tuæ.  
 19 Liga ea super cor tuum iugiter, & annecte ea gutturi tuo.  
 20 Cum ambulaueris ducet te, & cum dormieris custodiet te, & cum euigilaueris, ipsa loquetur tecum.  
 21 Quia lucerna est præceptum, & lex est lumen, atque uia uitæ castigatio & correptio.  
 22 Ut custodiat te à muliere mala, & à blanditijs linguæ extraneæ.  
 23 Non concupiscas pulchritudinem eius in corde tuo, ne capiat te palpebris suis.  
 24 Quoniam propter mulierem meretricem (*peruenit fornicator*) usq; ad massam panis, & mulier uenatur preciosam animam uiri.  
 25 Nunquid fouebit aliquis ignem in sinu suo, ut uestimenta sua non comburantur?  
 26 Aut si gradietur quis supra carbones, ut pedes eius non comburantur?  
 27 Sic qui ingreditur ad uxorem proximi sui, non innoxius erit, quisquis accesserit ad eam.

Quemadmodum terreni parentes, ea quæ filijs prodesse sciunt, subinde repetunt & inculcant: ita Deus pater cœlestis nobiscum quoque agit. Ea enim quæ nobis utilia sunt & salutaria, subinde urget. Quare cum optimè nouerit, quæ mala libidines secum trahant, subinde nos à scortatione & adulterio per Solomonem reuocat. Suprà enim similes dehortationes habuimus, & per totum sequens caput, de illo ipso negotio tractabitur. Aptè autem superioribus hæc uerba coniungi possunt. Recitauit enim quæ uitia ex otio & ignauia oriantur, quibus nunc scortationem & adulterium coniungit, quæ ex eodem fonte proflunt, secundum illud Ouidij:

Ex otio nascitur adulterium.

Otia si tollas, periire Cupidinis arcus:

Contemptæq; iacent, & sine luce faces.

Item

Quæritur, Agestis quare sit factus adulter,

In promptu causa est, desidiosus erat, &c.

Idem quoq; Dauidis exemplum satis attestatur.

Hunc autem ordinem in his uerbis obseruat. Primum liberis commendat præcepta parentum, uel potius nobis omnibus legem & uerbum Dei patris nostri cœlestis: deinde dehortatur nos à scortatione & adulterio.

Quod ad primum attinet, *Custodi*, inquit, *præcepta patris tui*.) Parentes liberis suis ab ineunte ætate, non generalia tantum illa capita instillare debent (quæ gentiles etiam suis filijs inculcarunt) nempe ut studeant ueritati, caueant sibi à mendacio, principes suos colant, &c. sed etiam sublimiora illa, ut uerum Deum colant, ipsum inuocent, patientes sint in omnibus afflictionibus: postea alia quoq; addant. Non enim maiorem thesaurum liberis suis possunt relinquere. Hæc præcepta pueri in oculis gerere debent.

Liberi parentum præcepta obseruent.

Et legem matris tuæ ne deferās.) Sæpe enim fit, ut filij annis crescentibus, matrum monita contemnunt: nec cogitent à Deo sibi magistras uitæ esse datas. Monet itaq; ne matris legem rejiciant. Cæterum parentum præcepta eatenus sunt custodienda, quoad cum uerbo Dei consentiunt: nam si Deo aduersentur, ipsi maior debetur obedientia. Quidam per præcepta patris intelligunt patris cœlestis, & mandata matris ecclesiæ, quæ ex uerbo Dei haurit. Sed ad sensum parum interest, nam Deus quoq; per parentes agit cum filijs. Qui parentum & ecclesiæ sana præcepta contemnunt, Dei præcepta contemnunt.

Alliga ea cordi tuo semper, & annecte gutturi tuo.) Hoc est, in cogitatione & memoria infixā tene. Sine intermissione de illis cogita & loquere: quemadmodum homines preciosa ornamenta de collo suspendunt: ita uerbum Dei in magno apud te sit precio, & semper oculis tuis obuersetur. Mulierculæ de collo suspendunt gestamina, quæ Tau appellant, paucę uerò cogitant quā habeant significationē. Ezechielis nono capite legitur, quendam qui typū scribæ & sacerdotis habuit, frontibus fidelium notam Tau impressisse, quam quidam legis nomine interpretantur: qui enim legem Dei obseruant, obsignati sunt. Hinc nimirum originem trahunt illa ornamenta, quæ pectori appenduntur: sed cordi lex imprimenda erat. Non externus ille ornatus, sed interior mulieribus ab Apostolis commendatur. Cum ambulaueris ducat uel ducet te.) Etiam cum iter facis, meditare legem Dei. Multa subinde in uia occurrunt, quæ

Tau.



nos adducunt in admirationem uirtutum & operationum Dei. Christus in itinere discipulis euntibus Emaunta, legem & prophetas interpretatur. Psaltes quoq; legem uocat lucernam pedum nostrorum. *Cum dormieris excubabit super te.*) In eorum meditatione obdormi. *Cum euigilaueris, ipsa alloquatur te.*) Sit tibi instar sodalis sermones tecum conferentis. Cum primum è somno expergefactus fueris, uerbum Dei in mentem reuoca.

**Fructus uerbi diuini.** Vel hunc uersum ita intellige, quòd fructus seu beneficia legis diuinæ comprehendat. Lex ducet te, aderit tibi bonus consultor, tuiq; curam habebit indefessam. Qui enim uerbum Dei seriò amplectuntur, securi sunt ab omni malo, siue domi siue peregre agant, uigilent aut dormiant. Sciunt enim fideles ex uerbo Dei, quòd propitium habent Deum propter Christum, & in medijs afflictionibus in Deo exultant. Addit, *Præceptum.*) scilicet parentum, uel ipsius Dei, *Est lucerna.*) Quomodo enim lucerna in tenebris lucens, nobis uiam monstrat, ne impingamus: ita lucerna uerbi Dei in mundi tenebris, cursum nostrum dirigit, conscientias seremat, uerumq; in nobis gaudium parit. Traditiones uerò humanæ, densissimæ sunt tenebræ, quæ homines non explicant, sed implicant, & in extremas misérias conijciunt, id quod sub Antichristo multi reipsa experti sunt. *Correptio est uia uitæ.*) Correctio ut in œconomia & repub. ita in ecclesia ualde est necessaria. Nam in uia uitæ nos & retinet, & in eam nos reuocat. Quando homines propter scelera corripuntur, sæpe in se descendunt, atrocitatem peccatorum uident, & in uiam salutis redeunt, quibus alioqui pereundum fuisset. Proinde correptio æquo animo est ferenda.

Haftenus dixit de encomio & obseruatione legis: sequitur secundus locus, qui continet dehortationem à scortatione & adulterio. Est autem & hoc legis beneficium, quòd nos contra hæc & alia uitia munit. Per mulierem malam, sicut per extraneam, intelligit meretricem & adulteram. *Vt custodiant te à blanditijs & adulationibus linguae mulieris extraneæ.*) Blandiuntur suis sermonibus, paradysum promittunt, ubi reuera infernus est. Plautus in Bacchid.

Miserius nihil est, quàm mulier.

Viscus merus uestra est blanditia.

Idem in Truculento:

Meretrix meum herum

Miserum sua blanditia intulit in

Pauperiem, priuauit bonis, luce, honore atq; amicis, &c.

**Pulchritudo.** Ab his blanditijs, & illecebris, liberat nos studium uerbi Dei. Quod antidotum inprimis necessarium est uirginibus & matronis, ne ipsarum pudicitia, lenarum & adulterorum blandis sermonibus, in discrimen adducatur. *Non concupiscas pulchritudinem eius in corde tuo.*) Non indulgendum est oculis: quod si oculi fuerint faucij, cordis tamen ualerudo curanda est. *Ne capiat te supercilij suis.*) Supercilia, sicut & oculi, faciem hominis pulchram & deformem reddunt, hinc quidam supercilia tingunt ad uenustatem augendam. Vnde Satyricus:

Ille supercilium madida fuligine tinctum

Obliqua producit acu.

Nihil igitur aliud dicit, quàm quod modò dixit. Ne capiaris forma eius, multos enim forma muliebris decepit. *Vel nutibus oculorum, quibus signa dant, & stolidos pelliciunt, ne capiaris.* Auerte oculos à muliere alterius: non quòd simpliciter nefas sit aspicere aliquam: sed si quis aspicit ad concupiscendum, ille peccat. *ἐν τῷ ὁράει* dicunt Græci, *γίνεται τὸ ἐράει.* Proptertus dicit: Si nescis, oculi sunt in amore duces: quod explicat Erasmus in suis Chiliad. De hac re uide Chrysof. 17. Hom. in Matthæum. Santes uertit, *Neque te capiat splendoribus suis.*) Vox *אפהאפ* apheapaim (quæ deriuatur à uerbo *אפה* oph uel *אפה* aphah, id est, uolare uel uibrare) & palpebras, & fulgorem uel claritatem significat. Idem autem erit sensus cum superiore.

Rationes subiungit quibus nobis persuadeat, ut ab his sceleribus nobis caueamus. Prima sumpta est à periculis: altera à grauitate peccati, quam collatione adulterij & furti ostendit. *Propter mulierem meretricem usque ad buccellam, siue, frustum panis ueniet scortator.*)

**Scortatio pauperes reddit.** Fit interdum ut scorta mœchos conducant magna pecunia: plerunque tamen scorta magnis sunt alenda sumptibus. Prouerbiū apud Germanos circumfertur, scortatores rarò altas ædes ædificare, eò quòd plerunque ad extremam paupertatem redigantur (de quo suprà etiam diximus) ita ut ostiatim panem emendicare cogantur. Iob certè cap. 31. fatetur adulterium peccatum esse, quod instar ignis omnia absumat ac deuoret. Vetus interpres hæc uerba ad uilitatem scorti retulit, ut sit sensus, *Meretrix cum ualeat unum panem, id est, cum sit uilissima, &c.* Sed leue est hoc periculū præ illo quod sequitur. *Mulier uiri.*) scilicet, alterius (alii



(alii cum anima coniungunt) uenatur preciosam animam.) Per hæc flagitia homines animæ iacturam faciunt. Mœchi enim sæpe de improviso iugulantur, ut pœnitentiam agere nequeant. Deinde qui spiritu fornicationis agitantur, nullis admonitionibus commouentur, sibi ipsi placent in scelere, & miserrimi tandem, ni Deus ipsis manum porrigat, euadunt. Dicit, Venatur, uel, insidiatur animæ.) Metaphora ducta à uenatoribus, uel aucupibus. Meretriculæ quæ fucō suo & uerborum illecebris sese amatoribus uenditant, aues illestrices, canes uenaticæ, & retia sunt diaboli. Ac quòd constantiores in illo suo amore meretricio sunt, tanto magis periculum & sibi & amatoribus suis creant. Animam uocat preciosam, quoniam cum anima ne mundus quidem comparari debet. Christus inquit Matt. 16, Quid prodest homini si totum mundum lucratus fuerit, animæ uerò suæ iacturam fecerit? Quando igitur à diabolo & carne tentamur, hæc cogitanda sunt. August. in libello de honestate mulierum tomo 9. adducto hoc loco exclamat: ô quanta iniquitas, ô quanta peruersitas, quòd animam quam Christus suo sacro sanguine redemit, luxuriosus quisque propter unius momenti delectationem libidinis, diabolo pessimo inimico uendit, ac tradit. Verè nimium miseranda & plangenda conditio est, ubi citò præterit quod delectat, & permanet sine fine quod cruciat. Sub momento enim libidinis impetus transit, & permanet sine termino animæ infelicitis opprobrium, &c.

Anima  
preciosa.

At mihi dicis, Cautus ero, non meretrici me regendum dabo, neq; mihi mentem eripi patiar. Quid fidendum sit meretricibus, multorum exemplis edoctus, haud ignoro. Cauebo adhæc ne quis resciscat, ne' ue pœnas luam. Duplici igitur similitudine ostendit periculosum esse, nimis familiariter cum scortis uersari: nec sine macula aut damno illos euadere, qui rem habent cum uxore proximi.

Num capiet uir, uel quispiam, ignem in sinu suo, & uestimenta non comburentur? aut incedat aliquis super prunas (nudis pedibus) & pedes eius non comburentur? Sic qui ingreditur ad uxorem alterius, non innoxius erit.) Ingredi ad uxorem alicuius, primum significat, uersari cum ea. Quod quàm periculosum sit, pulchrè docet August. in libello de honestate mulierum. Deinde Hebræi usitata phrasi, ingredi ad mulierem, usurpant pro rem habere cum ea. Gen. 29, Da mihi uxorem meam, ut ingrediar ad eam. Sensus igitur est, Qui rem habet cum uxore proximi, non immunis erit, scilicet, à pœna. Quæ loquutio etiam infra ponitur, 19. cap. Qui lætatur calamitate alterius, non erit immunis uel innocens: & iterum, Testis falsus non erit immunis. In Decalogo dicitur, Non habebit insontem qui nomen Dei uanè sumpserit, id est, non sine impunitum. Id similitudinibus alijs quoq; peccatis accommodandis declarat. Vitanda sunt, inquiens, praua sodalitia & colloquia: nihil enim est quod dicis, scio quid faciendum sit uel fugiendum. Qui in uestimento ignem gerit, uestem perdit: qui incedit super prunas nudis pedibus, læditur: ita qui cum prauis hominibus consuetudinem habent, aliquid semper uitij contrahunt. Qui attrectat picem, ab ea inquinatur. Similitudine illa ignis Socrates quoq; quamuis paulò aliter usus est cum dixit: ἔτε πῦρ ἰματίῳ περιέειμι δουρατόν, ἔτε αἰχρὸν ἀμάρτημα ἄδον. Glossa totum hunc locum (quemadmodum etiam superiores de scortatione & adulterio) de hæreticis intelligit, qui sub specie meretricis intelligantur.

Ingredi ad  
uxorem ali  
cuius.

Allegoria.

28 Non reputant probro furi, quando furatur ut adimpleat animam suam: esuriens enim facit.

29 Et deprehensus reddit septuplum, & totam substantiam domus suæ rependit.

30 Qui autem adulterium committit cum muliere, is deficit corde, & qui uult perdere animam suam, agit in hunc modum.

31 Plagam & ignominiam inueniet, atq; opprobrium eius non delebitur.

32 Zelus enim est furor uiri, & non parcat in die ultionis.

33 Non accipit faciem ullius placationis, nec acquiescet etiam si multiplicaueris munera.

In postrema parte huius capitis, dehortatur Solomon homines ab adulterio: utq; magis eos permoueat, ostendit paupertatē, & æternā infelicitatē ex eo cōsequi. Sequitur iā de grauitate huius sceleris. Nā furtū & adulteriū quasi in trutina ponderās, adulteriū furto quod ex paupertate committitur, grauius esse pronunciat. Non quòd furtum eleuare uelit (contra quod lex posita est in decalogo, quæ sæpe repetitur, & infra dicit, cap. 29. Odit animam qui cunq; furis socius est. Paulus item, i. Cor. 6. Fures regnum Dei non possidebunt: & ad Eph. 4. Qui furatus est, ne furetur amplius) sed quòd furtū, licet ex se fœdū sit, tamen comparatione peccati maioris, non ita fœdum uideatur. Sic Ezech. 16. capite dicit: Sodomitas melio-

Grauitas  
adulterij  
collatione  
furti ostenditur.  
Furtū graue peccatū.



res esse Hierosolymitanis, non quod illos purget, sed quod hos deteriores arguat. Siracides 20. cap. Potior est fur, inquit, quam qui assidue mentitur. Vbi furtum respectu assiduitatis mentiendi extenuatur, ut hoc loco respectu adulterij.

*Collatio est odiosa.* Hæc collatio male sonat in auribus adulterorum. Num inquirunt, me fure peiorem putas? Non equidem me ideo inhonestum existimo, etsi adulterium committam: non pugnat cum natura quod facio. Quasi uero peccatum esse desinat, quod ipsi peccati loco non habent. Est quidem hoc nostrum ingenium: at secundum Dei mentem de rebus omnibus est iudicandum. Dura sunt hæc uerba, fateor, sed tamen uera. Nec est quod nobiscum hac de re contendas, cum Deo ipsa ueritate, non nobiscum expostula, & iube ut recantet suam sententiam. Cæterum si uerba positis affectibus, diligenter expendamus, fateamur necesse erit, adulterium uiroꝝ & mulierum, simplici & uulgari furto peius esse: causæ enim indicantur, quæ id cuius sano facile persuadent.

*Fame nihil miserius.* Non contemnit, aut uili pendit, furem, qui furatur ut impleat animam suam.) Primum si fur suadente & instigante fame, furetur esculenta ut stomachum placare possit: seuiente frigore, pannum uel uestes, ut frigus depellat, non exprobramus ei, sed condolemus: irascimur potius auaris diuitibus, qui nulla tacti misericordia, esurire & algere eum passi sunt. Dicimus, ah nunquam ante furatus est, cauebit sibi deinceps. Necessitas eum impulit, fames malesuada est, dura paupertas audacem fecit. Fame mori miserrimum est, æquæ miserum frigore perire. Dionysius tyrannus cum alios sceleratos homines diris afficeret supplicijs: his tamen ignouisse legitur, qui uestes furati essent, quod facilius Syracusanos suos luxuria submoueret. Suidas prouerbij nomine refert, *πενῶντι καὶ πεινῶντι ὁδὸν ἀναγκάως ἐχόντι*, uiro esurienti necesse est furari. Non quod idonea excusatio sit, si quis dicat se necessitate compulsus, furtum admisisse. Verbum enim Dei, laboribus manuum uictum iubet parare: à Deo uictum petere, & ab eius prouidentia pendere: esurire, & fame potius mori, quam aliena subripere: ad hunc tamen modum homines quibus sua ablata non sunt, furem excusant. Deinde res illæ quas furatur, puta aurum, argentum, uestes, cibaria, nihil sunt comparatione coniugis. Adhuc furtum restitui, & ille cui furto aliquid sublatum est, si uel sua uel etiam meliora recipiat, facile placari potest. Lex Dei Exod. 22. cap. præcipit, Si quis furatus fuerit bouem (intelligit alias etiam grandiores pecudes) aut ouem (intelligit minora pecora) & occiderit, uel uendiderit, quinque boues pro uno restituat, & quatuor oues pro una oue. Item, si inuentum fuerit apud eum quod furatus est uiuens, siue bos, siue asinus, siue ouis, duplum restituat. De rebus inanitiatis, puta de uestibus, auro, argento, duplum restitui debuit. Si fur reddendo non erat, uenundabatur, & de precio eius satis fiebat illi qui damnum acceperat. Nec permittebat lex furem occidere: nisi hoc casu, si noctu effringens domum, uel effodiens, fuisset inuentus armatus: tunc enim percussor sanguinis reus non erat. Quod si orto sole hoc fecisset, & ipse mori debuit. Deinde plagium etiam erat capitale, Exod. 21. Quod autem hic dicitur, *Reddit septuplum*, & totam substantiam domus sue.) sic est intelligendum: plenam & perfectam facit restitutionem, ut numerus septenarius non præcisè capiatur. Sic Psal. 79, *Redde uicinis nostris septuplum*, in sinum eorum. Nam numero septenario perfectio designatur, eò quod septem dierum numero totum tempus euoluatur & computetur. Si ille cui per furtum aliquid sublatum fuit, aliter placari non potest, omnes suas fortunas & facultates ei confert. Vendit item quæ habet, uel uenditur ipse, adhuc tamen uitam retinet. Vel, fieri potest, ut propter incrementum furti, additum fuerit ad pœnam legis, ut homines à furtis cohiberetur. Hoc certum est, quod non fuit fas illi, cui sua sunt sublata, furem interficere. De hac re tractat Thomas in prima secundæ.

*Adulter grauius peccat fure.* Econtra nunc mœchum consideremus, & facile apparebit, eum grauius peccare. Peccata enim non sunt æqualia, ut Stoici sentiebant. Pauperi peccandi occasionem fames præbet: adultero autem omnis adempta est excusatio. Nam id quod facit, ex defectu rationis facit, non coactus, sed sponte ex mera malitia, non ad implendam animam, sed ad perdendam. Verum obijcis, compellitur naturali concupiscentia. Respondeo, uel uxorem habet, uel non habet. Si uxorem habet, cur sua non contentus, thoræ alienum uiolat? Si non habet, cur non ducit propriam, & eo remedio utitur, quod Deus ei propter infirmitatem carnis concessit? Cur uiolat ordinem à Deo institutum? Chrysost. super uerbis Isa. Vidi Dominum, &c. Hom. 3. multis ostendit, adulteris omnem excusationem ademptam esse. Deinde preciosior est uxor in qua adulter iniuriam proximo facit, quibuscumque rebus quæ per furtum auferuntur. Nullus est (non loquor de lenonibus) qui non mallet furem *ἐν αὐτοῖς* deprehendere, quam adulterum. Si honestatis sis amans, malo, inquis, ut fur omne meum aurum & argentum auferat, domumque exurat, quam adamatam coniugem uitiet. Adhuc adulter satisfacere ei cuius uxorem



uxorem corrumpit, restitutione nequaquam potest. Non enim uxorem probam & honestam reddet, sed adulteram. Ideoq; maritus adultero non placatur, sed tanto zelo furoreque agitur, ut nec uelit, nec possit mœcho parcere, quantum uis nobili, & ueniam deprecanti, ac tantum non aureos montes promittenti. *Non uolet, inquit, non concupiscet, si multiplicaueris munera.*) Nisi leno sit & stomachum quiduis concoquentem habeat, qualis ille fuit, qui adultero in scelere deprehēso dicebat: Vix mihi temperare possum, quin pileum tuum in plateam projiciam. Quæri autem potest ex hoc loco, an iure diuino mœchum cum uxore ἐπ' αὐτοφόρω deprehensum occidere liceat, quam quæstionem in finem capitis rei jiciam. Sunt & alia quæ ostendunt furtum adulterio esse leuius. Vt quod Deus priore loco adulterium in decalogo uetuit, posteriore furtum, &c.

Quin adulteri & adulteræ furtum quoque & rapinam committunt. Paulus enim i. Cor. 7. discretè ostendit uirum non habere sui corporis potestatem, sed uxorem. Et è contrario, uxorem non habere potestatem corporis sui, sed maritum. Vna caro sunt maritus & uxor. Et erunt, dicit scriptura, duo in carne una. Si itaque maritus usum corporis sui alienæ communicat, in uxorem propriam est iniurius. Similiter uxor quoque, si corporis sui potestatem alteri facit, non suum, sed mariti corpus prostituit & perdit. Alienum bonum aufert hero proprio, alterique communicat. Corpore autem nobis quid est charius? Deinde adultera furatur famam mariti, spoliatur eum honore & existimatione sua, qua nihil est excellentius. Infra 22. cap. dicit Solomon, famam præferendam esse multis opibus, &c. Suspiciantur enim homines, quod mariti uxores suas adulteras, scientes propter quæstum adulteris prodant: cum multi sint, qui uitam suam in certissimum discrimen offerrent, ad delendam hanc familiæ maculam, si sinistri aliquid de suis uxoribus suspicarentur. Filijs etiam magna fit iniuria: nam habentur pro spurij, etsi sint legitimi. Accedit etiam hoc, quod legitimi liberi propria hæreditate spoliantur. Nam si adultera liberos suscipiat ex adultero, ibi filij ex adulterio nati, cum liberis ex marito susceptis, ideoque legitimis, æqua portione paternam hæreditatem diuidunt. Deinde maritus spurios cogitur educare, & idem misero accidit, quod curruæ & luteolæ, in quarum nidis cuculus oua parit, nec ipse incubat: sed auiculæ in quarum nido pepererit, oua illa incubant, excludunt, & pullos supposititios enutriunt, eorumque specie ita feruntur delectari, ut nutriendo eos famem ferant, cuculus uerò nidum repetens, nutricis pullos & matrem aliquando ipsam deuorat. Si hæc non est iniuria, nescio quid sit iniuria. Fit etiam, ut adulteræ in mœchos suos mariti opes conferant, sumptuosius conuiujs multum absument, remque familiarem negligant. Si mariti adulterium committant, uxoris fama & existimatio non læditur. Sciunt enim omnes, ipsa inuita & nolente, hoc fieri. Deinde non cogitur liberos alienos domi suæ nutrire, & partem suarum opum eis relinquere, fraudatis proprijs hæredibus. Omitto nunc quod in causa sunt, ut homines sæpe matrimonio iungantur, quos coniungi fas non est. Omitto ueneficia, cædes, prodictiones, bella, & alia multa quæ ex adulterijs oriuntur.

*Adultera  
grauius pec-  
cat adulte-  
ro.*

His & alijs multis de causis, non solum in populo Dei, sed etiam apud gentiles, adulterium capitale fuit. Leuit. 20, Si mœchatus quisquam fuerit cum uxore alterius, & adulterium perpetraverit cum coniuge proximi sui, morte moriantur mœchus & adultera. Quæ lex Deut. 22. repetita & confirmata est. Ex hac pœna licet colligere grauitatem adulterij. Maiora enim flagitia grauiori pœna cohercentur. Deus adulterium mortè dignum iudicat, non furtum. Non quod furtum æterna mortè dignum non sit, loquimur enim iam de ciuilibus pœnis tantum. Apud ueteres Germanos, teste Cornelio Tacito (qui temporibus Tiberij Imperatoris uixit) pœna uxoris in adulterio deprehensæ, in uoluntate & arbitrio mariti erat posita.

*Adulterij  
pœna.*

Bonifacius primus Archiepiscopus Moguntinus, alio nomine Vunnifridus dictus (qui Pipini temporibus à Gregorio II. papa, in Germaniam missus est ad prædicandum Euangelium) in quadam epistola regem Angliæ obiurgat propter adulteria, & inter alia scribit: Saxones etiam priusquam ad Christum conuersi sunt, adeo detestatos esse stupra & adulteria, ut stupratas & adulteras strangulatas deinde cremarint. Stupratores uerò & mœchos supra rogos suspenderint & ustularint, donec morerentur. Opilius Macrinus Imp. adulterij conuictos, simul iunctis corporibus uiuos cremauit: meminit huius rei Iulius Capitolinus. Aurelianus, arborum duarum inflexis cacuminibus, ac ad pedes religatis, mox dimissis, adulteros diuulsit. Apud Romanos lex Iulia adulteros capite plestebat. Durauit ea lex longo tempore. Apud Turcas fertur in adulterio deprehensos, absque misericordia lapidibus obrui: nec non scortatoribus suam pœnam esse propositam.

Cæterum patroni adulteriorum dicunt, In lege Dei pœnas quidem capitales contra adul-



teros esse constitutas, uerum in exequutionem non uenisse. Dauidem enim adulterum non esse lapidibus obrutum. Quin Christum poena illam, adulterae ignoscendo, penitus sustulisse. *De Dauid adultero non sumptum est supplicium.* Ad hæc, ne quis seipsum decipiat, paucis est respondendum. Quod primum attinet, non quidem sumptum est supplicium de Dauid secundum legem, rex enim erat, nec habebat superiorem iudicem in terris. Quid uero interim accidit? Propheta denunciatur ei uerbis & nomine Dei, gladium non auferendum de domo eius. Id quod postea factum esse sacrae literae testantur. Multas enim calamitates in liberis cogitur aspicere. Ammon Dauidis filius Thamaræ sororem suam ex patre, ui compressit. Id postquam Absalon rescivit, ad uindictam iniuriæ forori germanæ illatam, Ammonem in conuiuio gladio transuerberauit. Postea idem Absalom blandis uerbis apud plebem se insinuauit & seditione excitata, patrem nihil non de hoc filio sibi promittentem, nudis pedibus, regno expulsum ad poenas expetiuit. Vxores patris in propatulo constuprauit, sequutumque est prælium atrox, in quo Absalom & multa millia seditionis perierunt. Nonne satius fuisset Dauidi semel perire, quam toties mori?

*Christus ignouit adultera.* Quoad secundum, de adultera Ioan. 8. Ignouit huic quidem Christus: at quibus uerbis, perpende: interrogat eam, Nemo te condemnauit mulier? Illa respondet, Domine, nemo. Subiicit Dominus: Nec ego te condemno. Ac si dicat, si condemnata fuisses à iudicibus, sententiā ipsorum nequaquam reuocarem. Non enim ueni ad abrogandum legem Dei: sed cum tibi iudices pepercerint, nolo ego ipsorum munus mihi usurpare. Sic cum ab illo rogaretur, ut sibi adesset in diuidenda hæreditate, negauit hoc sui esse officij. Nondum uenerat Christus ad iudicandum mundum, sed ad seruandum. Si alius facinorosus ei fuisset oblatus, non condemnasset eum ad supplicium: sed adhortatus fuisset ad poenitentiam. Vides itaque ex his, legem contra adulteros, licet Dauid non lapidatus sit, suam tamen exequutionem habuisse, & Christum hanc legem non sustulisse.

*Cur hodie adulteria non puniantur.* Qui sit igitur quod apud multas gentes adulteria impunita sint? Dicam quod mihi uideatur. Postquam Antichristus cœlibatum ecclesiarum ministris per uim obtrusit, patefacta est latissima fenestra scortationi & adulterijs. Ministri ecclesiarum remissi fuerunt in taxandis his sceleribus, quibus ipsi præcipue erant obnoxij. Principes item & magistratus, qui ipsidem flagitijs laborabant cõnixerunt, nec uisi sunt ea qua debebant seueritate in ijs cohercendis. Lætati sunt, ecclesiastas hac in parte sibi non esse molestos. Opes enim subditorum, honestis titulis ad se rapere possunt, uxores non item. In iure Pontificio adulterium leue peccatum appellatur: unde factum est, ut admodum sit uulgare. Similiter Antichristo debemus, quod cades ad quas gentiles quoque exhorruerunt, inter Christianos hodie tam sunt uulgares. Conduxit enim milites, quibus pios principes opprimeret, suisque illis militibus largas indulgentias promisit: hinc est quod multi humani sanguinis effusionem nihili faciunt.

*Adulteria grauius puniri debent.* Quia uero uidemus adulteria in tam uulgarem usum abiisse, eò maiore seueritate legum coherceda sunt. Quemadmodum furta grauius puniuntur, quam lege diuina sit præscriptum, nimirum quod fures poena illa legali cohiberi non potuerunt (possunt enim magistratus pro ratione temporum & morum, in bonum reipublicæ poenas aggrauare) ita ob eandem causam, etiam adulteria grauius puniri debebant. Profecto illi quorum erat crescenti malo occurrere, nisi suum diligenter fecerint officium, poenas grauiissimas dabunt.

Habemus nunc collationem illam, inter furtum & adulterium, quæ contra mundi peruersum iudicium sæpe multumque expendenda est, ut matrimonium sanctè colamus, & adulterium singulari odio prosequamur. An non magna est illa hominum cecitas, quod multi adulterij nomine sibi placent, at fures uocari etiam ioco, intolerabile esse iudicant?

*Quæstio, an maritum cum uxore deprehensum occidere possit.* Ex hoc capite nascitur quæstio: An mœchum cum uxore *ἐν ὠτοφθῶν*, marito iugulare liceat. Ostendam autem uarijs rationibus, quod non licere uideatur. Scio quidem, hæc multis sua peruacanea uideri: omnes enim mariti dolori ignoscimus, stultumque hominem illum esse dicimus, qui petat à magistratu sibi ius dici de adulterio: sed non secundum uulgi iudicia & mores, de peccatis est pronuntiandum. Quomodo poenitentiam aget, qui se peccasse non agnoscit? Propter afflictas itaque conscientias quædam sunt annotanda. Deus disertè dicit: Non occides. Quo præcepto non tantum priuatam uindictam externam prohibet: sed etiam uindictæ cupiditatem, iram, odium. Postulat charitatem erga omnes, etiam inimicos, sicut Christus disertè dicit, Diligite inimicos uestros, &c. Vindictam sibi uult committi, quam exercet uel manu propria, uel angelorum aut magistratuum ministerio. Non uult ut uindices simus nostrorum iniuriarum. Deinde nulla habemus scripturæ loca, uel exempla quæ ostendant, maritis hanc potestatem esse concessam. Priuatis omnibus præscribitur, ne occidant. Adhæc quantum fieri potest, omnes curare debemus, ut peccatores in uiam salutis per poenitentiam reuocentur: at impeditur poenitentia, si homines in ipsis sceleribus de improviso iugulentur. Nec pos-



sunt Deo probari quæ ex iræ impulsu proficiuntur, hæc autem cædis species non aliam habet originem. Sancti quoque patres non probant tale homicidium. August. de adulterinis coniugijs ad Pollentium lib. 2. aliquot rationes affert, quibus ostendit priuatorum hominum non esse, ut pœnas ab adulteris exigant. Quin patribus & concilijs etiam displicet, quodd magistratus, adulteros capitali supplicio afficiant: sed quàm rectè ex uerbo Dei non difficile est uidere. Sunt aliæ rationes quibus maritus ab adultera liberari potest. Implorare potest opem magistratus, qui ius habet gladij, & diuortium petere, &c.

Posset autem mihi obijci, quodd ex hoc loco Solomonis colligatur, consuetum fuisse Israelitis iugulare deprehensos in adulterio. Respondeo, Solomonem ostendere quid factum sit, non quid fieri oportuerit. Quanquam hæc uerba, *Furor uiri non parit in die ultionis, non accipiet dona.* sic accipere possimus: Maritus accusat deprehensos apud magistratus, ut de eis secundum leges pœnas sumant. Quidam per uirum, Deum intelligunt, qui non impune dimittat, nec sacrificia acceptet, &c. Deinde obijci posset, quodd nocturnum furem interficere liceat, Exod. 22. Adulterum uerò Solomonis iudicio fure peiorem esse. Respondeo, Non quidem actio sanguinis contra interfectorem nocturni furis instituebatur, quia illum qui noctu ædes ingreditur, præsumimus ingredi ut interficiat. Debet autem paterfamilias uitam suam & suorum, aduersus uim iniustam defendere. Non debuit eum occidere, si uim illius citra necem reprimere poterat. Hic autem longè alia est ratio. Quodd Pinhas scortantes interfecit, factum singulare fuit. Obijciuntur usitatus mos, obijciuntur leges quibus hoc concedatur. Adulterum ἐπ' αὐτοφύρω deprehensum apud Græcos interficere licuisse, testatur Lysia oratio, in qua de Eratosthenis adulteri nece agitur. Polyb. etiam lib. 2. histo. Si mœchus interficiatur, esto, inquit, impune: quodd legum Græcorum fragmentum esse uidetur. Plato lib. 9. de legibus, etiam lege sanxit, quodd adulterum maritus interficere impune possit. Gellius lib. 10. capite 22. ponit orationem M. Catonis, ex qua apparet marito licuisse & adulterum & adulteram interficere. Quæ potestas postea lege Iulia, marito est sublata, adulterum enim tantum occidere licuit, non adulteram, fortè præter reliquas causas, quas afferunt, etiam ob hanc, ne fœtus aliquando in utero materno interimatur. Non autem simpliciter licuit marito adulterum occidere, sed deprehensum in scelere, & in domo sua: si adulter aliquoties fuisset admonitus, & maritus uxorem suam & mœchum colloquentes incidisset, etiam extra domum mœchum occidere potuit. Nec quemuis occidere licebat, sed plebeium tantum. Generosis personis parci debuit, nimirum ne respub. turbaretur. Patri filiam in adulterio deprehensam cum adultero occidere concessum fuit in domo sua, & in domo generi. Si uerò maritus ex calore iræ, adulterum etiam occidisset, datum est aliquid iræ: non enim lege Cornelia de sicarijs tenebatur. Ad hæc respondendum est: si occideret relicuit, non bene relicuit, secundum patres. Concedunt leges humanæ etiam alia quædam, quæ Dei uerbum non concedit. Si quis obijciat, licere uiatori se defendere contra latronis impetum, eumque impune occidere. Armari enim eum à magistratu, nec esse priuatum. Ita etiam armari maritum, maximè cum magistratus supplicium capitale non amplius contra adulteros exercent. Respondeo, Casum non esse parem. Nam illo articulo temporis neque magistratus auxilium implorare, neque latronem in ius trahere potest, & ab eo liberari. At maritus potest hoc facere. Præterea si uiator se defendat animo occidendi latronem, non absoluitur: sed si casu hoc fiat, & aliter sese eripere non possit. Deinde quomodo priuato gladius à magistratu porrigitur, cum ipse magistratus deprehensos & conuictos, supplicio non afficiat? Sed hanc quæstionem iurisperitis diligentius uentilandam relinquo.

Argumenta  
illorū qui  
putant cō-  
cessum esse.

## CAPVT VII.

**C**ustodi fili mi uerba mea, atque præcepta mea reconde apud te.  
2 Custodi mandata mea, & uiues, atque legem meam uelut pupillam oculorum tuorum.

3 Liga ea super digitos tuos, & scribe ea super tabulam cordis tui.

4 Dic sapientiæ, soror mea es tu, & amicam uoca intelligentiam.

5 Ut custodiant te à muliere extranea, & ab aliena, quæ blanda facit eloquia sua.

6 Ego quidem per fenestram domus meæ, & per cancellos meos prospexi.



7 Vidiq; inter imperitos, & animaduerti inter filios, iuuenem corde deficientem,

8 Et transeuntem per plateam, iuxta angulum (*domus*) eius, atq; incedentem per uiam domus eius.

9 In crepusculo diei uespertino, in caligine noctis, & in tenebris ipsis.

10 Et ecce mulier (*uenit*) in occursum eius, apertis signis scortationis, (*solum*) cor erat absconditum.

11 Clamosa erat, & ad declinandum parata, cuius pedes domi consistere nequiverunt.

12 Modò enim foris, & modò in plateis, iuxta quemcunq; angiportum insidias struebat.

13 Apprehēsoq; illo osculata est eū, atq; impudenti facie dixit ad eum:

14 Sacrificia pacificorum (*fuerunt*) super me: hodie reddidī uota mea.

15 Et ob id exiui in occursum tuum, ut tempestiue præoccuparem faciem tuam, atq; inueni te.

16 Pannis mutatorijs stravi lectū meū, tapetibus & funibus Ægyptijs.

17 Feci affluere lectum meum myrrha, aloë, & cynamomo.

18 Veni inebriabimur uberibus usq; mane, & exultabimus in amorib.

19 Siquidem maritus non est in domo sua, sed abiit in uiam remotam.

20 Sacculum pecuniæ accepit in manu sua, rediturus in domum suam certo solennitatis die.

Partes capit.



OC caput in duas partes diducemus: quarum prima est exhortatio ad studium legis, uel uerbi Dei: altera est exemplum de stolido iuvene, & adultera. Potest aliter etiam in quatuor partes distribui. Nam primo loco præmittitur exordium, in quo nobis commendat obseruationem præceptorum: deinde colloquium stolidi adolescentis, & astutæ meretricis, describitur: tertio loco, miserabilis interitus adolescentis: quartò ponitur exhortatio, ut nobis caueamus ab adulterio. Ego priorem distinctionem ideo sequar, quia Solomon ostendit uerbi Dei hunc esse fructum, ut nos contra adulteria muniat.

Quod primam partem attinet, paucis eam potuisset complecti: sed multis uerbis, quæ singula suum pondus habent, rem eandem dicit. Sæpe autem hanc exhortationem repetit, quia est magni momēti. *Reconde, inquit, præcepta mea apud te.* quemadmodum *λεγεινὰς* reponimus, & res charas. *Custodi mandata mea & uiues.* Viuere Hebr. phrasi, aliquando significat commodè agere. Dicit igitur, Vita tua erit prospera & suauis, æternumq; beata. Vide quæ suprà de hac re annotauimus. Quomodo custodienda sit lex, mox subiungit, *Velut pupilla oculorum.* Hoc est, summa diligentia & sollicitudine. Nam caput, & in primis oculos, diligenter obiectu manuum defendimus. Oculis nobis nihil est charius, nihilq; iucundius. Catull. ad Quinct.

” Eripere ei noli, multo quod carius illi

” Est oculis, seu quid charius est oculis.

Idem in C. Lici. Caluum:

” Ni te plus oculis meis amarem,

” Iucundissime Calue, &c.

Horatius in Satyr.

” Eripiet quis oculos citius mihi, &c.

Quos unicè diligimus, oculos nostros uocamus. Sic Andromache apud Euripidem filium *ὀφθαλμὸν* bis appellat. In oculis quoq; ferre eos dicimur, quos charissimos habemus. Deut. 32. Custodiuit eum, ut pupillam oculi sui, de diligenti custodia dicitur: sic Psal. 17. Custodi me, ut pupillam oculi. Zach. 2. de ecclesia, Qui tangit uos, tangit pupillam oculi mei. Vbi tamen alia uox quàm hoc loco in Hebræo ponitur.

Proverbiū, *Liga eos super digitos tuos.* hoc est, opere imple. Manus enim est *ἔργων ὀργάνον*, ut dicit philosophus. Vel ostendit præcepta Dei in numero habenda esse. Quàm nobis notus est digitos meos rum numerus, tam notus esse debet Decalogus: utq; semper digitos inspicimus, sic ob oculos habenda est lex, hoc est, præcipua legis capita. Quæ alligantur digitis, firmiter retinentur: ita cor uerbi Dei tenax esse debet. *Scribe super tabulam cordis.* Eadem loquutio suprà 3. cap. ponitur. Res memoratu dignas in tabulas referimus: præcepta Dei tabulis cordis inculpanda,

hoc



hoc est, in memoria firmiter tenenda sunt. Græci quoq; ad hunc modum loquuntur: Prometheus enim apud Æschylum dicit,

Σοὶ πρῶτον ἰοὶ πολὺδ' ὁδὸν πλάνην φράσω,

ὣς ἐγγράφου σὺ μνήμοσι δέλτοις φρενῶν.

id est,

Tibi Io primum multiplicem errorem edisseram,

Quem tu inscribas tabulis firmis mentis, &c.

Dic sapientia, soror mea es tu.) Diligimus sorores & cognatas: ita sapientia diligenda est. Sunt tamen multi qui uerbum Dei, cane & angue peius oderunt.

Finem iam addit: Vt te custodiant à blanditijs meretricum.) Qui enim uerbum Dei in conspectu habent, & amore prosequuntur, non facile in scortationem & adulterium prolabentur. Remedium etiam est contra alia flagitia. Si enim uerbum Dei in magno apud nos precio esset, ab idololatria, auaritia, ebrietate, alijsque sceleribus nobis caueremus. Hæc de prima huius capitis parte.

Sequitur iam altera pars huius capitis, quæ est enarratio, uel exemplum de stolido adolescente & adultera. Nam quia sæpe de blanditijs scortorum dixit, iam in parabola omnia ueluti depingit. Non enim necesse est ut sentiamus historiam, ac rem uerè gestam narrari. Est duntaxat parabola, uel narratio ficta, qualis est illa in Euangelio Luc. 16. de diuite & Lazaro: non quòd minoris apud nos ponderis esse debeat, quàm si esset res gesta. Ponit enim quæ sæpe euenerunt, & adhuc eueniunt. Quod si quis rem gestam recitari dicat, cum eo non digladiabor. Proponit autem hac parabola, partim iuuenum stulticiam, partim adulterarum uerba, facta, mores, & habitum: idq; tam euidenter, ut non modò audire, sed omnia coram oculis cernere uideamur: utq; cogitemus, non esse utile, audientibus pueris & puellis, hæc publicè proponi, ne discant res amatorias. Verùm considerandum est, ea recitari quemadmodum temeraria iuramenta, non in alium finem, quàm ut eorum fœditate perspecta, ab ijs abhorreamus. Est hoc nostrum ingenium, ut quando loquendum est, silentium requiramus: cum silendum est, temere in uerba prorumpamus. In priuatis enim ædibus, quando tacendum erat, obscœnis sermonibus teneram ætatem offendimus. Scriptura sacra similis est libris medicorum. Quemadmodum enim in illis multa de fœdis morbis in hunc finem ponuntur, ut curari possint: ita in sacris quoq; libris multa fœda ponuntur, non ut imitemur, sed ut aliorum exemplis cautiore fiamus. In hunc finem describuntur, ebrietas Noe, incestus Lot, stuprum Israelitarum cum filiabus Moabitarum, Samsonis cum Dalila complexus, Dauidis & Bethsabeæ adulterium, Ammonis cum sorore Thamar incestus, & alia. Ezechiel Israelitas comparat meretrici, quæ omnibus proftet diuaticis cruribus, & mercede amatores bene mentulatos conducit. Hoc loco à Solomone in parabola, ceu hypotyposi quædam, proponuntur gestus, & sermones adulteræ, ut iuuenes discant, quibus artibus scorta eis insidientur: utq; uideant, adulterium læta quidem habere principia, sed funestum exitum. Quod si hæc uel similia uerba, à scortis audiant, statim eis hæc admonitio in mentem ueniat, sibiq; non secus caueant quàm cum latro nobis describitur, ut iter facientes nobis ab eo caueamus. Matronæ quoque & uirgines tanquam in speculo cernent, à quibus rebus quàm longissimè abesse debeant.

Potest autem tota hæc parabola, in tres partes distribui. Prima continet descriptionem stolidi adolescentis, & uersipellis adulteræ: Secunda quomodo adolescens uerborum illecebris motus, eam sequutus sit, pœnasq; dederit: Tertia est generalis adhortatio de fugiendo adulterio. Quod ad primam partem attinet, Solomon dicit, Se per cancellos de fenestra, inter alios stolidos iuuenem uidisse, hoc est, considerasse quendam stolidiorem cæteris, qui sub crepusculum uespertinū (quia mane etiam crepusculum est) & intempesta nocte per plateam incesse, ad angulum uersus domum mœchæ, & colloquium cum ea habuerit.

Peccat autem hic iuuenis primum in eo, quòd nocturno tempore homini à Deo ad quietem & uirium reparationem concessa, turpissimè abutitur. Noctu enim per plateas solus & otiosus oberrat. Iuuenem est nocturno tempore domi se continere, honestis actionibus uacare, uel dormire, non hinc inde uagari, ne quod damnum accipiant. Nox etiam multorum malorum occasionem sæpe suppeditat, & in primis furtiuo amori congrua est, hinc Menander:

ὦ νύξ, σοὶ γὰρ αἱ πλῆθ' ἀφροδίτης.

Et Ouid,

Nox, & amor, uinumq; nihil moderabile suadent:

Illa pudore uacat, Liber, amorq; metu.

Plautus in Bacchid.

Illecebrofusus fieri nihil potest, nox, mulier, uinum

Parabola  
de stolido  
adolescente  
et adultera.

Multa fœda in sacris  
litteris recitantur.

Partes bu-  
ius para-  
bolæ.  
Prima pars  
parabolæ.

Noctu non  
per plateas  
oberrandū.



## Homini adulescentulo.

Iulius Cæsar nocturnum tempus prælijs minus idoneum iudicat. Lucem enim multum pudorem omnium oculis, multum etiam tribunorum & centurionum præsentiam afferre, quibus rebus milites in officio contineri soleant. At Veneris prælijs, nocte nihil est congruentius & aptius.

Deinde in eo peccat, quod iuxta angulum in platea obambulat, in qua meretrix iuuenibus insidiabatur: quodq; ad ædes scorti appropinquat. Nam illa platea, domus, collocutio meretricis, & omnis mali occasio fugienda erat, quemadmodum suprâ 5. cap. monuit. Optimum remedium contra scortationem est, longè recedere ab illis, quorum præsentia ad flagitiû incitare possit. Certis enim gradibus peruenitur ad omnis generis flagitia. Nemo, ut est in prouerbio, fit repentè turpissimus. Quemadmodum usuræ gradatim crescunt: ita à paruis principijs, paulatim audacia robur colligit, & mores in deterius labuntur. Illi itaq; quorum fidei iuuenes concrediti sunt, uideant ne nocturno tempore discurrant: ne otiosi sint, ne uel malorum congressibus delectentur.

Iam accedit ad descriptionem adulteræ, quæ multis attributis constat. Hæc obseruata loci & temporis opportunitate, nec nō iuuenis stoliditate, ei procedit obuiam. Ornatus, uel, præparatione meretricis.) *שִׁיטְה* schith est positio, ornatus, uestitus, in quo plica & alia, ex ordine & artificiosè sunt composita, à uerbo *שָׁחַתְה* schuth, quod est, ponere. Solent autem meretriculæ sese comere, ornare, polire, pingere, fingere, ut amatoribus suis placeant, eorumq; libidinem accendant. Contrà itaq; curare debent honestæ matronæ & uirgines, ut cultu ac uestitu honesto utantur, qui corpus contegat, quiq; ordini ac fortunis earum conueniat, quod ab impudicis discerni possint. Luxuriosæ uestes eas non ornant, sed dehonestant. Nam qui eas tam superbe & sumptuosè incedentes uident, statim omnes familiæ earum maculas detegunt. Multò minus autem immodicus ornatus corporis uiris conceditur. Augustus Cæsar uestimentorum luxum odio habuisse legitur, nec ueste alia usus esse, quàm domestica. Eius dictum erat, Vestitû insignem ac mollem superbiæ uexillum esse, nidumq; luxuriæ: qua de re ultimo cap. plura annotabimus. *Caute corde*.) Quidam deducunt à *צָר* zur, quod est, coartare, ligare, roburare: & interpretantur, corde robusto ac uirili esse, intrepidam. Rabi David in libro radicum exponit, *caute corde*, quasi dicat, quod nemo hominû illam possit capere, nec seducere, quin ipsa omnes seducat ac decipiat. Celare suum propositum nouit: Rodolph. Bayno ad ornatû refert, quod circa pectus constricta & colligata fuerit. Solent enim mulierculæ adhibitis aliquando ferreis laminis, sese constringere, ut sint graciles. De hac re Chærea apud Terentium in Eunuchio dicit:

Haud similis uirgo est uirginum nostrarum, quas matres student

Demissis humeris esse, uincto pectore, ut graciles fient.

Si qua est habitior paulò, pugilem esse aiunt: deducunt cibum:

Tametsi bona est natura, reddunt curatura iuncea, &c.

Alij deducunt à *נָזַר* nazar desolare, obseruare, custodire. R. Ioseph exponit desolata, destructa corde, id est, intellectu & scientia, uacua uirtute. *Clamosa erat*.) Garrulæ ferè sunt meretrices, sua habent proueria. Nihil autem est quod mulieres magis ornet quàm silentium. Hinc Sophoc. dicit:

*γυναιξὶ λόσμιοι ἢ σιγῇ φέρεται.*

Rebellis peruersa.) Recedens, uel, declinans, nempe, à fide coniugali, & uitæ honestate, uel, præcepto Dei, quod dicit, Non mœchaberis. In domo sua non habitant pedes eius, nunc foris sunt, nunc in plateis.) Solent meretrices hinc inde uagari, & non aliter ad choreas & ludos ruere, quàm apes ad flores, & formicæ ad grana, ut oculos pascant. Ouidius dicit:

Spektatum ueniunt, ueniunt spektentur ut ipsæ.

Honestas uirgines & matronas decet, sese non diu in plateis spectandas exhibere. Si necessitas postulat ut in publicum, uel peregrè eant, non diu in plateis, & in itinere hæreant, sed incunstanter progrediantur. Inuenias uirgines & uxores, quæ priusquam eò ueniant quo mittuntur, multa antè rogare & uidere uelint. D. Paulus requirit à mulieribus ut sint *σώφρονες*, hoc est domus custodes. In Psal. 67. mulier ornamentum domus dicitur, non fori, & platearum. Dina & se & alios in summum discrimen sua curiositate adduxit. Veteres significare uolentes mulierem decere ut ædes custodiat, Venerem testudini insidentem pingebāt. Plutarchus scribit, Ægyptias mulieres calceis uti, patrium morem non fuisse, ut facilius domi cōtinerentur. Electra apud Eurip. inquit, *εἰς ὃ χλοὺν ἔρπειν παρθένους ἐν καλόν.* Et Hesiodus *οἶνο βέλτοτον ἄναι, ἐπεὶ βλαβόρον τὸ θυγερύ.* Præcipuè uerò noctu, mulieres se domi continere debent. Horatius Ode 7. lib. 3. Asteriem consolatur de uiri sui absentia sollicitam, & tandem dicit:



Prima nocte domum claude, neq; in uias

Sub cantu querulæ dispice tibiæ:

Et te sæpe uocanti

Duram, difficilis mane, &c.

*(Iuxta omnem angulum insidiatur.)* Subinde quærit quos uerbis blandis decipiat, circumueniat, & perdat. *(Apprehendit eum & osculata est.)* Non decet honestam matronam uel uirginem, cum iuuenibus miscere colloquia, eosq; contrectare, & multò minus in amplexus ruere. Nihil est quo magis cohonestentur fœminæ, quàm pudicitia, hinc illud:

Quæ dos matronis pulcherrima? uita pudica.

Aurum, argentum, gemmæ, purpura, non ita ornant sexum muliebrem, atq; uerecundia & pudor. Euripid. in Heraclid.

Γυναικί τρι

ἀρχόν, μετ' ἀνδρῶν ἐστίναι νεανιωῶν.

Quanta autem uis sit osculi, gentiles quoq; obseruauerunt.

Subiicit nūc orationē argumētosam, qua ad uerborū illū adolescentē usa est. Solomō imitatur eius uerba, ut hæc uel alia huius generis audiētib. statim hæc admonitio in mentē ueniat. Scopus & intentio orationis est, stolidū illū ad flagitiū pertrahere. Deposito omni pudore dixit ei: *Sacrificia pacifica sunt mihi hodie, reddidi uota mea. Idcirco egressa sum in occursum tui, ut quærere facie tuā, & inueni te.* Sacrificiū pacificorū offerebatur ab ijs, qui pro accepto aliquo singulari beneficio, Deo gratias agebant. Sacrificabant aut boues, oues, agnas, uel capras. Pars cremabatur, pars sacerdotibus cedebat: nempe pectusculū, & harmus: reliquū illis qui offerebāt. Eodē die absumere oportebat. Si spontaneū uel uotiū erat sacrificiū, postera die licebat edere: sed partes illas seruare in tertiā diem permissum nō erat. Itā dicit, *Solui uotū meū*, multas carnes domi habeo, instruxi opiparā cœnā: sed sola delicijs illis frui nō possum: ideoq; ego ipsa mane egressa sum, ut te inuitarē, priusquā alijs condixisses. Res itaq; bene celsit quod in te incidit. Simulat se illius causa prodijisse, cū aliās subinde in publico obambulet. Dicit, se illum quæsiisse, cum nullū recusasset, cumq; non illū, sed crumenam eius petierit. Inuitat aut ad cœnam, quod luxu conuiuiorū tanquā stimulo Venus concitatur, &c. *Ornamentis ornaui lectū meū.*

**מרבירי** marbodim sunt tapetia, panni uel stragula exquisita & pulchra, quib. lectus adornatur. R. Leui dicit: Ornamenta pulchra posui super lectū meū. Targ. Lectisternijs strauī lectū meum. Secundum R. Himma, sunt panni aut cortinæ quæ ponuntur ante lectum. *Constantem lignis affabrē incisis.* **חטב** chatab, secare, cedere, succidere, excidere, hinc **חטבית** chatabith ornamenta, tapetia. Vel, ad fulcra lectuli refertur potius, quæ sculpta erant, & fabre excisa ascia & circino, Munsterus in suo lexico. R. Iona exponit, eleuata fune Ægyptio. R. Dauid in libro radicum sic exponit: Ornamentis ornaui lectum meum, cuius uestes sunt incisi aut excisi: *Et fune Ægyptio.* Sensus hic esse uidetur, Funibus tabulæ lectuli mei ita sunt constrictæ, ut non sit periculum, ne dissoluantur. Puto Ægyptios funes ualidissimos fuisse, quoniam ea regio abundauit optimo lino. Annotat etiam D. Hieronymus lectos funibus intextos, alijs molliores esse. Chald. uertit, Ornamentis ex Ægypto ornaui. *Feci affluere lectum meum.* Radix est, **נפח** nuph, quod inter alia significat perfundere, aspergere, suffire. Suffui cubile meum myrrha. Targ. Stillare feci. Myrrha, aloë, cinnamomum species aromatum odoratæ, quarum loco apud nos in usu sunt, balsamum, & aqua rosarum.

Veni inebriabimur.) id est, satiabimur uberibus, uel, amoribus usq; mane. Magnas uoluptates, & diuturna gaudia ei pollicetur.

*Quia non est uir in domo sua, abiit uia longinqua.* Vt eū omni metu & sollicitudine liberet, dicit maritum suum peregre profectum esse: quodq; breui non reuersurus sit, hinc colligit, quod multum pecuniæ in uiam secū acceperit. Si enim nō diu abesse uolumus, parū uiatrici accipimus. *Rediturus est ad constitutum, uel, solennem diem.* Ad tempus certum, ut est tempus solennitatis, hoc enim **כסא** kæsā significat. Hieronymus uertit, *in die plenæ lunæ.* fortē, ut Lyranus annotat, quod Gentiles & alij, qui eos in hoc imitati sunt, libenter redeuntes, domos ingressi sunt in plenilunio, ut plenitudo lucri sequeretur. Vnde adhuc in quibusdam locis Christiani, uolentes initiare domum nouam, uel mutare domicilium, non faciant hoc deficiente luna, ne sequatur penuria bonorum temporalium: sed crescente luna, uel plenilunio, ut plenitudo bonorum temporalium sequatur: & rectē annotat, hoc de reliquijs gentilium esse, & propterea uitandum. Plena luna à Græcis **πανσεληνή**, à Pindaro in Olympijs **διχόμενης μένος** appellatur. Alij deducunt à **כסה** cissah, quod est, tegere, operire, abscondere, & conuertunt, *diem absconsionis.* scilicet lunæ. Absconditura aut in nouilunio uel interlunio. Græci **σύνεδος** uel **συνεμία**, poetæ silentium lunæ appellant hoc tempus, quo luna soli congressa,

Oscula

Sacrificium  
pacificorū.

Pleniluniū.



**Nouilunium.** penitus occultatur. Neomeniæ autem uel nouilunia, antiquitus Domino consecrata erant. Forstertis interpretatur, *ad diem operimenti, ueniet domum.*) id est, Sub festum tabernaculorum, quo populus Israelis sedebat sub frondibus. Adducit locum ex Plal. 81. Clangite tuba in neomenia, in operimento, in die solennitatis nostræ.

**Allegoria.** Probas mulieres decet, ut supra diximus, absentibus maritis se domi continere, nec excurrere in plateas, aut conuiuia & commestationes instituire. Inuenies tamen non paucas hodie, quæ cum primum maritus dorsum domui obuertit, statim conuiuia agitent, inq; plateis sursum ac deorsum cursitent. Laudatur Lucretia, quam Collatinus maritus, è castris ueniens, operi incumbentem reperit. Argumenta hæc petita sunt à delectabili, & tuto. Vbi etiam alia cogitanda sunt, quibus mœchæ & lenæ uti solent ad decipiendum incautos: & uicissim quib. scortatores & mœchi utuntur: interdum rationes petunt à misericordia Dei, ab ætate, ab exemplis, &c. Sunt qui per hanc mulierem, peregrinam doctrinam, de idolis alijsq; prophanis cultibus, allegoricè intelligant.

21 Flexit itaq; illum multiplici sermone suo, & blanditiæ labiorum suorum impulit eum.

22 Vt sequeretur eam subito, quasi bos qui ad uictimam graditur, & quasi stultus qui compede constrictus in castigatione (*gaudet.*)

23 Donec sagitta transfigat iecur eius, & quasi auis quæ festinat ad laqueum (*irretiatur*) nesciens quod periculum uitæ eius immineat.

24 Nunc igitur filij audite me, & animaduertite uerba oris mei.

25 Non diuertat cor tuum ad uias eius, neq; oberres in semitis eius.

26 Quoniam multos in uulnera ruere fecit, & utri fortes propter eam interfecti sunt.

27 Domus eius uia sunt ad infernum, deducentes usque ad penetralia mortis.

**Secunda pars parabole.** Secunda huius parabolæ pars, ostendit quomodo meretrix stolidum illum iuuenem, blandis uerbis pellexit, ut eam sequeretur, utq; miser uitam amiserit. Non debuit aures accommodare adulteræ, sed repugnare. Quia uerò securus est, benignè eam audit, neque ab eius colloquio abhorret, facilè animus eius expugnatur. Si repugnasset iuuenis, alium quæsiuisset mœcha. Si Eua non patienter serpentem audiuiisset, sed aures auertisset, in tantas calamitates seq; suamq; posteritatem non pertraxisset. Rectè dicitur, quod boni mores colloquijs prauis corrumpantur. Quàm miserabilem exitum habuerit, tribus similitudinibus ostendit. Vix enim alia ratio docendi tam est perspicua, præsertim rudibus hominibus. Ideoq; tam sæpe à Christo adhibetur in Euangelio. Sumit autem illas non à rebus arduis aut obscuris, sed uulgo notis. Vult enim Deus intelligi etiam à simplici plebe. Proinde non rectè faciunt, qui plebeios homines à lectione sacrorum librorum reuocant. Primam petit ab animalibus quæ maculantur. Quemadmodum bos qui ad macellum ducitur, putat se ducendum in meliora pascua, & cum minimè putat, securis fronti illi datur: ita miser ille cum meras delicias, & uoluptates expectaret, de improviso à marito, opinione citius redeunte, ferro obruncatus est.

Secunda similitudo ducitur à stulto: Quando stulto compedes iniiciuntur ad castigationem, iocatur, & placet sibi, putat ad ornatum adhiberi. Quod si sciret se constringendum & castigandum, repugnaret. Ita adulter ille non uidebat, quid futurum esset. *Donec sagitta transfigat iecur eius.*) Sensus est, donec à marito adulteræ lethale uulnus accipiat. Vel, Sensus est, donec eius turpi amore capiatur, nec postea ab ea possit auelli. Nam philosophi amoris sedem in iecinore collocant. Plato enim disertè in hepate τὸ ἐπιθυμητικόν, id est, cupiditatem ponit. Mathematici quoque iecur Veneri subijciunt, poetæ etiam passim cupidinem sagittis suis iecur configere queruntur. Horatius Ode i. lib. 4. Venerem rogat, ut torrere iecur quærat idoneum, & se relinquat. Ode 25. lib. 1. Cum tibi flagrans amor & cupido sæuiet circa iecur ulcerosum, &c. Theocritus:

ὁ δ' ἔπειθ' ἔχεται

μαίνόμενος, χαλεπὸς γὰρ εἰς ἡπάρ ἄμυνον,

Tityri iecur ideo apud Poetas uulturis rostro tunditur, quod libidine accensus Latonam de stupro compellauit. Ouid. in Trist. affectuum sedes his uersibus expressit:

Cor sapit, & pulmo loquitur, fel commouet iras,

Splen



Splen ridere facit, cogit amare iecur.

Sunt etiam qui per sagittam, diuinam ultionem intelligant.

Tertia similitudo ab aucupibus trahitur. Quemadmodum auculæ ex appetitu cibi ad laqueum properant, illectæ fistulis, ac granis, ac captæ statim iugulantur: ita adulteri. *Nesciens quod periculum uitæ immincat.*) Rodolphus Bayno in suis commentarijs hæc uerba ad tres illas similitudines accommodat. Vt bos non nouit se trahi ad mortem: stultus & aues nesciunt quod de libertate, & uita eorum agatur: ita adulteri quo in periculo uersentur, non cogitant. Hinc fit ut sæpe cum nihil minus expectant, luce priuentur. Fit nonnunquam ut mariti putantes se honestas uxores habere, eas cum adulteris deprehendant, & iugulent. Fit item ut ab amicis admoniti, uel alioqui suspectas habentes, discessum simulent, mox autem eas obseruantes, occidant. Cognati non semel adulteros deprehendentes lauciarunt, & iugularunt. Nulla est propemodum ciuitas, nullum castellum, nullus pagus, nulla ferè uilla, in qua non aliqua huiusmodi aliquando contigerint. Etsi uerò sæpe euaseris, ne tamen impunitatem tibi promittas. Hæ similitudines alijs etiam flagitijs accommodari possunt. Nam quia homines non cogitant quod de anima agatur, securi sunt. Ipse quoq; diabolus principio peccata eleuat, tandem uerò cū homines in ea perduxit, exaggerat.

Sequitur ultima huius parabolæ pars, quæ est exhortatio, ut nobis ab impudicis mulieribus caueamus. *Filij audite me, & animaduertite uerba oris mei.*) Quasi dicat, Ne audiatis illecebras mœcharum: sed aurem potius aduerite Dei uerbo, quod contra illas uos proteget. *Non diuertat cor tuum ad uias eius, neq; oberres in semitis eius.*) Hoc est, ne cogites de alienis mulieribus, ne cōsentias in peccatum, & ne opere perficias. Sunt gradus quidam per quos cum ad alia, tum ad hoc peccatum peruenitur. Primum sunt malæ cogitationes, quæ ex carnis corrupta natura nascuntur, uel à cacodæmone suggeruntur. Deinde est delectatio & consensus, quando non statim cogitationes illas excutimus, sed hospitium eis præbemus. Crescit item peccatum, si ea loca frequentamus ubi alienas uidere licet, si cum eis uel coram, uel per literas, uel lenas colloquimur. Tandem accedit contactus, & concubitus. Quemadmodum autem peccatum paulatim crescit, ita etiam pœnæ & supplicia. Vtile igitur est principijs obstare, quemadmodum Iosephum fecisse legimus, Gen. 49. Qui cum ab hera sua ad cōcubitum pelliceretur, respondit, Herus meus omnium mihi copiam fecit, præterquam tui. Quomodo igitur tantum malum patrarem, & contra Deum peccarem?

Addit argumenta à periculis & incommodis. Primo loco dicit, multos propter adulteras uulneratos, & omnes uiros fortes interfectos esse. Non quod singuli fortes sint occisi, sed quod omnis generis fortes, qui hoc peccatum patrarunt, sint occisi, & spiritualiter, & corporaliter. Ad hunc modum uocabulum omnis, in dicto Pauli, Deus omnes uult saluos fieri, D. Aug. interpretatur. Samson qui indomito robore præditus erat, propter scortum, & robur & uitam amisit. Dauid propter adulteram sese in multa mala coniecit. Quot bella mota & gesta sunt, in quibus multi uiri fortes occubuerunt, propter adulteria? Paulus testatur 1. Cor. 10. multa millia hominum propter scortationem cecidisse, Notum est bellum Troianum, in quo multi fortes propter raptam Helenam ceciderunt. Exempla priuata, in exteris etiam historijs, multa extant.

Deinde, *Domus eius, inquit, uie sunt ad infernum, deducentes usq; ad penetralia mortis.*) Adulterium non modò in temporariam, sed æternam etiam mortem homines præcipitat. Nam scriptura scortatores & adulteros, non seriam pœnitentiam agentes, regno Dei excludit. Rarò autem ueram pœnitentiam agunt illi homines. Cum enim deplorare commissa scelera deberent, uires amissas deplorant, magnaq; uoluptate adulteria memoria repetunt, ac iuuenibus magistri libidinum fiunt. Et quanto magis ex uerbo Dei taxantur, tanto magis pleriq; ad scelera anhelant. *Penetralia mortis.*) obscuriora tormenta & penitissimos recessus gehennæ interpretantur.

Quoniam uerò in hoc capite monemur, ut à domo & platea scorti nobis caueamus, placeat in calce eius, pauca quædam de lupanaribus annotare.

Sunt multi boni uiri, qui utile esse putant, ut huiusmodi domus in urbibus excitentur. Atqui uerbum Dei consulentes hac de re, deprehendimus huiusmodi latibula toleranda non esse. Deus enim disertè præcipit Deut. 23. ne sit meretrix, aut ulla prostituta in Israele. Et in præcedenti capite, puellam quæ se domi corrumpi passa fuerit, lapidari iubet. Voluit enim ut sancti essent, dicens in Leuit. Sancti estote, quoniam ego sanctus sum. Quod autem non rarò meretrices in Israele fuisse leguntur, contra legem Dei factum est. Sæpe enim collapsa fuit disciplina, & respublica deprauata. In hoc libro, Solomon sæpe de testatur scortationem. In nouo Testamento, multa contra scortationem leguntur. Apo-

Tertia pars  
parabolæ.

Gradus  
amoris.

Multi cæsi  
propter  
adulteria.

Adulteri  
damnantur.

An lupana  
ria Christia  
nis habere  
liceat.



stoli Acto. 17. in concilio Hierosolymitano inter alia decernunt, scortationem fugiendam esse. Nam apud gentiles, concubitus seu mariti seu cœlibis cum mulieribus prostitutis, non solum usitati, sed etiam concessi erant. D. Paulus 1. Cor. 5. Cum scortatoribus aut avaris, aut simulachrorum cultoribus, ne cibum quidem capiat. In 6. capite, prolixam disputationem contra scortationem instituit. Ad Ephesios 5. inquit, Scortatio, & omnis immunditia ne nominetur quidem inter uos, sicut decet sanctos. Non quod nefas sit etiam in concionibus sacris, scortationem uel scortum, ligonem ligonem nominari (id quod quidam nimis superstitiosi censent) sed quod hæc uicia grauius detestaretur, hyperbole illa pro uerbali usus est. Si uero scortatio tam aliena à moribus Christianorum esse debet, quod sanguine Christi purificati sint, quanto minus lupanaria publicè extrui ac defendi debent: Tertullianus in libro suo de Anima, Lupanaria execrabilia coram Deo esse dicit. Lactantius diuinarum Institutionum libro sexto cap. uigesimotertio. Ne quis esset, inquit, qui pœnarum metu abstinere alieno, aduersarius ille noster, lupanaria quoque constituit, & pudorem infœlicium mulierum publicauit, ut ludibrio haberet tam eos qui faciunt, quam quas pati necesse est. His obscœnitatibus animas ad sanctitatem genitas, ueluti in cœni gurgite demersit, pudorem extinxit, pudicitiam profligauit. Clemens Alexandrinus pædagog. lib. 3. capite 3. deplorat uitam eò processisse intemperantiæ, ut in ciuitatibus mulieres stent in fornice, carnem suam ad probum uoluptatis uenundantes. Iustinianus in authent. titulo de lenonibus, uult ut meretrices prorsus eiciantur è ciuitatibus, ne astringantur si quid lenonibus promiserint. Si uero aliæ leges nobis opponantur, quæ meretrices non auferunt à Romana ditione: Respondendum est, iura ciuilia, cum omnibus malis mederi non possent, quædam permisisse, sed non præcepisse. Quæ qui corrigit ex uerbo Dei, non modò non delinquit, sed Deo aciuri inseruit. Legitur in ecclesiasticis historijs, principes Christianos, Constantinum, Theodosium, & alios, templa Veneris (quæ aliud nihil fuisse uidentur, quam lupanaria) cum alibi, tum in Græcia destruxisse, ubi Sodomia inueterauerat. De Constantino uide Euseb. in uita eius lib. 3. Socratem lib. 1. capite 18. Sozom. lib. 5. capite 10. E' diuerso in historijs legitur Caligulam & Heliogabalum lupanaria constituisse. Experientia item docet, quot mala ex lupanaribus illis oriantur. Honestæ puellæ aliquando indignè tractantur: iuuenes meretricum conspectu ad libidinem accenduntur, tandem paulatim excæcati, in alia scelera prolabuntur. Ad hæc si in oppidis haberentur, in pagis quoq; ubi multi homines sunt libidinosi, tales domos excitari oporteret, & ita subinde cresceret scortatio.

*Argumenta  
illorum qui  
lupanaria  
defendunt.*

Sed breuiter audiemus & confutabimus illorum præcipuas rationes, qui rebus publicis utilia esse putant. Primum dicunt, Satius esse ut meretrices in angulo aliquo urbis lateant, quam ut passim per plateas oberrent, & innocentem ætatem offendant. Respondeo, tamen si locus certus eis assignetur, non tamen in illo sese continebunt, sed (quemadmodum de hac impudica dictum est) nunc foris erunt, nunc in plateis, ad omnem angulum insidias struentes. Deinde, minus, dicunt, uxores, filias & ancillas à petulantibus ad libidinem prouocari. Respondeo, petulantes illos homines in lupanaribus ita omnem pudorem abstergere, ut magis postea in honestarum pudicitiam grassentur. In urbibus quæ lupanaria aperiunt, nihilominus pudicitia honestarum tenetur. Virgines quoque liberius peccant, sciunt enim se minus esse suspectas, cum publica sint lupanaria. Si petulantes illi mulctarentur, minus insidiarentur uirginum & matronarum pudicitia. Tertiò addunt etiam hoc, Domestica scorta minus locum habere, uexari enim à publicis illis. Vbi tamen constat, domestica illa scorta uexationem clam redimere, ne publica eis molesta sint, utque libere libidinibus possint indulgere. Quarto adducunt locum ex lib. 2. August. de ordine, cap. 4. ubi dicit, Tolle meretrices de rebus humanis, & omnia turbaueris libidinibus. Respondetur, Augustinum hunc librum scripsisse, cum adhuc esset catechumenus, nec satis in religione instructus. Idem Augustinus in libro de mendacio & alibi dicit, compensationem delictorum non esse admittendam. Deinde illud eius dictum, palam Dei uerbo aduersatur. Potest etiam inuerti hoc dictum: Introduc meretrices, & omnia implebis libidinibus. Quintò obijcitur exemplum multarum urbium, in quibus lupanaria publica tolerantur. Respondeo, non uidendum quid ab alijs fiat, sed quid Deus fieri præceperit. Viuendum est legibus, non exemplis. Deinde permittunt tantum, non prorsus approbant. Possunt autem uicissim multæ urbes numerari, quæ domos illas destruxerunt. Sextò, profertur Canonistarum & Iurisconsultorum sententia, qui has domos defendunt. Sed hominum quamuis præstantium autoritas tanta esse apud nos non debet, ut omnibus quæ dicunt, assentiamur, nisi sua probarint idoneis rationibus.



Septimum & præcipuum argumentum quod afferunt hoc est, ut nefandis libidinibus *Remedia libidinis.* hoc uelut remedio occurratur. Satius, inquit, est solutum cum soluta scortari, quam deteriora patrare. Nota est sententia illa Aristotelis, *ἐστὶ γὰρ τὸ ἐλαττοῦ καὶ ἐν μᾶλλον αἰρετέον τοῦ μέσους.* At in primis cogitandum erat, an hoc remedium legitimum esset, & Deo probaretur. Libidinum incitamenta, temperantia, honestis laboribus, & sanctis exercitijs obruuntur. Hoc etiam Gentiles uiderunt. Seneca in Octauia dicit:

Amor est. Iuuentæ gignitur luxu, ocio  
Nutritur inter læta fortunæ bona,  
Quem si fouere, aut alere desistas, cadit,  
Breuiq; uires perdit extinctus suas.

Quid, lib. 1. de remedio amoris:

Finem qui quæris amoris,  
(Cedit amor rebus) res age tutus eris.

Deus coniugium ad hoc instituit, ut scortatio uitari possit. 1. Cor. 7. cap. Scorta publicè alere ad prohibendum fœdas libidines, est incendium oleo restinguere, & lutum luto purgare. Furtum quoque minus flagitium est latrocinio: Omnes tamen illum ineptum dicerent, qui ludum aperiret, in quo pueri docerentur furari, ne adulti latronum more grassarentur. Angeli non permittebant Loto, cum perturbatus & anxius, carnali quadam sapientia prostituere filias suas uellet, quod hospitibus parceretur: quin urbes illas igne & sulphure perdiderunt. Paulus in priore ad Corinthios, multis contra scortationem agit, licet apud eos uulgaris esset mascula libido: dicit enim sexto capite, Neque scortatores, neque adulteri, neque molles, neque *ἀσυνουῖται* regni Dei hæreditatem accipient. Postea subiicit, atque hæc eratis quidem, sed abluti estis, &c. Roman. 3. negat facienda esse mala, ut eueniant bona. In diuinis præceptis, ipsa præcepta sunt recipienda, euentus ipsi Deo committendus est, neque admittenda est delictorum compensatio. Quodd obijciunt ipsum Deum Hebræis libellum repudij ob ipsorum duritiem concessisse, fateor habere difficultatem: sed cogitandum est, non semper licere argumentari ab exemplo Dei. Constat etiam in illis urbibus, ubi multa sunt lupanaria, nefandas libidines præcipuè grassari. Et ferè fit, ut Sodomitæ, ac bestiales homines, mulieres prorsus non curent. Accedit ad hæc, quodd plures ferè mariti, lupanaria frequentant quàm cœlibes. Atq; has ob causas lupanaria inter Christianos toleranda non sunt.

Erunt quidem semper scorta, & impuri homines, domus item meretriciæ: at cauendum, ne autoritate publica defendantur. Boni principes & magistratus pro uirili honestatem tueri, ac libidines opprimere debent. Pontifex Ro. rem se non indignam facit, quodd tot greges in urbe sancta meretricum fert & fouet, tantumq; ex eis, ut quidem fertur, quæstum facit. Nam cum sit magna illa meretrix Babylonica, & inter omnes principatum obtineat, æquum est ut sacris illis, si dijs placet, uetigalibus alatur. Et hæc hæctenus.

## CAPVT VIII.

**N**on ne sapientia clamat, & prudentia dat uocem suam?

2 In uertice sublimium (*locorum*) iuxta uiam: & in præcipuo loco semitarum collocauit se.

3 Iuxta portas, & in ingressu ciuitatis, atq; ubi introitus est ostiorum, ibi clamat.

4 Aduos ô uiri clamo, & uox mea est ad filios hominum.

5 Intelligite imperiti astutiam, & insipientes efficiamini corde intelligentes.

6 Audite quoniam loquar insignia, & apertio labiorum meorum (*proferet*) recta.

7 Veritatem siquidem meditantur fauces meæ, & abominantur labia mea impietatem.

8 In iusticia sunt omnes sermones oris mei, nec est in eis distortum quidd, aut peruersum.

9 Sed omnes sunt plani intelligenti, atq; recti his qui inueniunt scientiam.



10 Accipite castigationem meam, & non argentum, & scientiam magis quam aurum electum.

11 Melior est enim sapientia margaritis, & omnia appetibilia non possunt ei adæquari.

Summa huius capituli.



ER integrum hoc octauum, & partem sequentis etiam capituli, de sapientia tractatur. In hoc scribitur, quomodo sapientia se omnibus hominibus offerat: deinde qualis sit eius doctrina: mox commemorantur actiones, opera & fructus eius: tandem ex illis adhortatio deducitur, ut ei adhæreamus.

Vbi sapientia homines nocet.

Primo loco Solomon sapientiā per Prosopopœiam inducit, quæ omnes homines ad se inuitat. Per sapientiam quidam intelligunt cognitionem Dei, quam habemus ex uerbo ipsius, atq; adeo ipsum uerbum Dei. Veteres Theologi ipsum Christum intelligunt, ut supra ostendimus. Plura inuenies apud Euseb. hist. eccles. lib. 1. cap. 5. Lactant. lib. 4. cap. 6. Sapientiam omnibus esse obuiam & expositam his uerbis ostendit, quod dicit, eam clamare uel uocare à summis uerticibus, nempe ut exaudiri possit. Hac ratione suggesta in templis construuntur, ut concionatores à tota multitudine conspiciantur, & melius exaudiantur. In superiori capite dixit, mulierem petulantem, sermone blando uiros ad libidinem prouocare: iam inducit sapientiam, inuitantem homines ad uirtutem. *Iuxta uiam*, ubi homines prætereunt. *In domo semitarum.*) hoc est, in compitis, ubi concurrunt uia. Vocabulum enim domus apud Hebræos transfertur ad omnia loca, receptacula, instrumenta & uasa, quibus aliquid continetur. Hinc uariæ loquutiones, domus sementis, id est ager, domus congregationis, id est cœtus publicus, &c.

*Ad manum portarum.*) *Uia* ad significat etiam locum, spacium, ut sit sensus: in loco publico & aperto: in hominum conuenticulis. In portis enim exercebantur iudicia, multiq; ibi confluabant. *In ore ciuitatis.*) hoc est, in ostio, per metaphoram. Nam ut uerbum ex ore: ita homines ex ciuitate egrediuntur. *In ingressu ostiorum clamat, uel cantat.*) Breuiter, sapientia in omnibus locis affatur omnes homines.

Quos uocet.

*Ad uos o uiri clamo.*) Homines nūc distinguit in uiros, hoc est, genere, potentia, doctrina, uirtutibus, præstantes: & in filios hominū, hoc est, uulgares & plebeios, opifices, agricolas. Itē in incautos, hoc est, parum exercitatos in rebus spiritualibus: & stultos, qui uitia pro uirtutibus amplectuntur, affectusq; suos non frenant: quos iubet dare operam ut seipsos & alios norint.

Christus publice docuit.

Hæc secundum literam Christo optimè conueniunt, qui Euangelium publicè prædicauit, non tantum in synagogis, & templo: sed alijs etiam in locis, ubi populus confluerebat: In monte egregium illum sermonem habuit, qui Matthæi 5. 6. & 7. capitibus continetur. In itinere sæpe cum aduersarijs suis disputauit: turbas & discipulos suos de uarijs rebus docuit, suamq; doctrinam insignibus miraculis confirmauit. Lucæ 7. capite, ad portam oppidi Nain, excitatione mortui filij uiduæ sese declarauit. In ædibus quoq; priuatis homines erudiuit. Dum mensæ assedit, non passus est hoc tempus sibi inutiliter perire. Omnibus in locis dedit operam, ut homines instituerentur. Plura de hac re ex primo cap. repetenda sunt, &c.

Quos erudit.

Quod uerò illos attinet ad quos loquutus est, homines cuiuscunq; ætatis, sexus, conditionis erudiuit. Nicodemum familiariter instituit. Centurionem quamuis gentilem humanissimè complexus est. Vulgares homines, etiam insignes peccatores, non contempsit. Viris & mulieribus tam familiarem sese præbuit, ut hoc nomine malè ab hypocritis audierit. Infantes ad se adduci præcepit, inuitis & repugnantibus ipsis Apostolis. Adolescentem interrogantem quid faciendum esset, ut æternam uitam consequeretur, docuit: infirmos in fide nō reiecit, omnes ad se inuitauit. Habes itaq; quomodo sapientia clamarit omnibus in locis, & ad omnes homines. Hodie quoq; clamare non cessat per concionatores, scripta sacra, portenta, & prodigia.

Querela hominū iniusta, de uarijs opinionibus circa religionem.

Iterum igitur quod supra monui, hoc loco repeto, multos immeritò queri, quod incerti sint quid sequi debeant in religione: idemq; sibi in illis doctorum certaminibus, intricatisq; disputationibus accidere, quod uiatoribus in densam aliquam syluam uenientibus, in qua multæ sunt uia: nescire enim quam ingredi oporteat. An non clamat sapientia, & se omnibus offert? Non est quod uel meum, uel aliorum consilium sequaris: sequere consilium Christi, & ex ipsius doctrina pete cui uia insistere debeas. Christus qui homines iudicabit, ueram tibi uiam monstrat, nec te fallit. Excipis, at non similiter omnes Christi uerba intelligunt: respondeo, sensum illum qui conuenit articulis fidei, & alijs locis scripturæ, uerum esse. Breuiter, si ex animo quæris tuam salutem, sapientia tibi non deerit. Si quis indiget sapientia, petat à Deo, inquit Iacobus Apostolus. Sunt multi qui nolunt agnoscere ueritatem: metuunt enim



enim ne quid suo quæstui decedat, & malunt uiuere in scelerib. interim nescio quod ueritatis indagandæ studium præferentes. Quod si consensum hominum in doctrina expectare uis, priusquam alterutri partium te adiungas, post festum, ut dicitur, uenies. Non ne temporibus Christi non idem omnes de Christo eiusq; doctrina sentiebant? Vt de melioribus tantum dicam, an' non alij dicebant, est Ioannes Baptista: alij, est Helias: alij Jeremias, aut alius prophetarum? Viuentibus adhuc Apostolis quot passim sectæ pullularunt? Multi multa loquuntur de unico pastore, & ouili, Ioan. 10. sed hæc iam pridem sunt impleta. Christus enim ex Gentibus & Iudæis unam ecclesiam collegit. Tantumq; abest ut Christus sentiat, omnes in unam ac ueram fidem coalituros, ut alibi dicat: Filius hominis cum uenerit, an reperturus est fidem in terris? Loquuntur inepti illi de unico ouili, ac interim in hara sua libentius uoluntantur. Nisi perfidè ingratus fueris, Christo subinde fores pulsanti & acclamanti, aperies.

Vnū ouile.

Secundo loco ponitur qualis doctrina sit sapiētiae. Continet aut hic locus egregium encomium uerbi diuini, siue scripturæ sacræ: ad minimum enim sex proprietates ex ordine ponit, quæ ad eius commendationem faciunt, & in Psalm. 19. & alibi quoq; reperiuntur.

Encomium uerbi Dei.

Audite, quoniam loquar in signa.) נגידים negidim, magna, aut uerba bona & sapientia. Quem-  
admodum נגידים negidim principes magni, uulgares homines excellunt: sic uerba mea præstabunt omnibus alijs sermonibus. Quid enim præstantius est Christo? quid nostra salute, de quibus uetus & nouum Testamentum tractant?

Apertio labiorum meorum rectitudines (proferet.) Recta ad uitam beatam ducit, nullis utitur ambagibus: traditiones hominum, iam hic, iam isthic, salutem ostendentes, incertos reddunt homines, ut nesciant quod se uertant. Deinde uerbum Dei rectum est, quia mentiri nequit, quemadmodum mox subiungit. Rectos ite & iustos efficit, quotquot illi ex corde credunt.

Veritatem meditatur palatum meum, & abominatur labia mea impietatem.) Verbum sapientiæ purum ac sincerum est, nullum admixtum habet errorem, nulla figmenta. Non enim ab hominibus profectum, sed à Deo, qui mentiri nescit. 1. Pet. 2. cap. dicitur, sanctos Dei homines, impulsu sancti spiritus loquutos esse. Etsi uerò loci scripturæ interdum inter se dissidere uideantur: tamen à peritis, & exercitatis, aptè conciliari possunt. Hæc laus alijs scriptis tribui non potest. Historici sæpe transiliunt metas historiæ, & ueritatem negligunt, ex affectibus multa scribunt, suos homines laudant, aduersarios deprimunt. Quod si ueritati quàm maximè studeant: falsa tamen relatione nonnunquam decipiuntur. At sacræ literæ à ueritate nusquam aberrant. Quare impij & intolerabiles sunt illi, qui ad eleuandum scripturæ sacræ auctoritatem, quærunt, an' non mendacium æquè ac ueritas scribi possit? Non ferres si debitor scripta rationum tuarum in dubium uocaret, quomodo itaque Deus hanc contumeliam ferat? Quod dicit, meditatur, emphasim habet. Cautionem enim in loquendo indicat. Deus non temere & præcipitanter in uerbo suo loquitur, ut temerarij quidam homines, quicquid in buccam uenit effutientes: uerum ea quæ ab æterno deliberauit. Sapientia impietatem, & quicquid ueritati Dei repugnat, detestatur. In iusticia sunt omnes sermones oris mei, nec est in eis distortum quid, aut peruersum.) Iusticiam

3.

Veritas sacrarum literarum.

docent sacræ literæ erga Deum & homines. Nihil in ijs peruersi, iniqui, curui, & obliqui. Iusticiam uerò non quibusdam tantum, sed omnibus eius dictis tribuit. Principum & populorum leges, sæpe sunt iniustissimæ. Omnes sunt plani intelligenti, atque recti his qui inueni-

4.

Claritas uerbi Dei.

unt scientiam.) Sacre literæ suam habent σαφηνίαν, hoc est, perspicuitatem, & claritatem. Tamen si uerò quædam (quod etiam D. Petrus in 2. epist. cap. ultimo fatetur) in sacris literis obscura loca occurrant: tamen difficultas illa superari potest, si rectam uiam ingrediamur. Nec est necesse homini Christiano, præsertim uulgari, difficilia omnia peruestigare: satis illi est si summam salutis teneat, quæ dilucidè in sacris literis est expressa. Quidam ad ordinem referunt, exponentes, Rectum tenent ordinem.) Libri enim prophetici & Apostolici aptissimo ordine (id quod ad intelligentiam & memoriam multum conducit) sunt conscripti. Seruatur enim in libris illis naturalis ordo. Initium faciunt à primarum origine, & deinceps omnium

5.

Ordo sacrarum literarum.

temporum seriem à rerum creatione, ultra Cýri monarchiam deducunt. Euangelistæ oriuntur à natalibus Christi, ac conceptionem eius, natiuitatem, reuelationem, doctrinam, miracula, mortem, resurrectionem à mortuis, ascensionem in cælos describunt. Acta apostolorum regnum à Christo inchoatum, usque ad imperium Neronis prosequuntur & continuant. Cæterum non tantum dicit, planam esse & facilem sapientiæ doctrinam, sed addit, intelligenti, & his qui inueniunt scientiam.) Hoc est, studiosis sacræ scripturæ, non ociosis, & negligentibus. Læssioni enim attendere, & operam dare oportet, ut scripturas intelligamus. Hoc Christus ab hominibus, & Paulus à Timotheo suo postulat. Deinde precibus incumbendum est,



quod D. Iacobus suadet: honesto item animo, non prauis affectibus uel opinionibus imbuto, aut præiudicijs obfirmato, ad lectionem uel auscultationem uerbi Dei est accedendum. Illis enim qui affectus suos non deponunt, idem accidit, quod illis qui per rubeum uirum res intuentur, quibus omnia rubea uidentur: ita illi quæcunq; uel audiunt uel legunt, suę sententię astipulari putant, & res per se planas atq; perspicuas non intelligunt. Res uarijs exemplis ostendi potest.

6. Ultimo loco dignitatem & excellētiam doctrinę sacrę, comparatione ostēdit. Auro enim  
*Preciū uerbi Dei.* & argento, margaritis, & rebus quibuscunq; preciosis, eam præfert. Ideoq; monet, castigationem eius æquo animo ferre, eamq; argento & auro præponere. Hanc excellentiā uerbi Dei, pleriq; non uident: sed inæstimabili illi thesauro, res uilissimas præferunt. Aliquando uerò in tentationibus constituti, cum uerbo illo se erigi sentiunt, quod ab auro effici minimè poterat, agnoscunt. Sed de hoc plura suprà annotauimus. Verbis illis, *Accipite castigationem meam, et non argentum*, non uetat usum argenti, sed ostendit potiore esse castigationem. Tale est illud Osee 6. Misericordiam uolo non sacrificium, hoc est, magis delector misericordia, quàm sacrificio. Mos enim est Hebræorum, ut cum duo quædam proponuntur bona, quorum alterū probatur, alterum rejicitur, comparatio tantum inter ea fiat.

*An laici sacras literas tractare debeant.* Ex his iam refellitur perniciosa illorum hominum opinio, qui negāt sacras literas à laicis legendas esse. Non enim ab eis intelligi, errorumq; occasionē præbere. Sapientia diuina clamat, nihil perplexum, contortum, aut prauum esse in doctrina sua. Omnia esse plana & facilia, ijs qui discere uolunt. Alibi dicitur, Deum se patefacere simplicibus & humilibus. Constat certè, uetustis temporibus, etiam plebeijs hominibus, sacras literas familiares fuisse. David in primo psalmo, beatū illum prædicat, qui legem Domini diurna nocturnaq; manu uersat. D. Hieronymus in laudibus Bethlehẽm, inter alia dicit: Hic arator stiuā manu tenens, cantat aliquid Dauidicum. Quoties patres auditores suos ad sacras literas remittunt? Præclarus locus extat apud Chrysost. hom. 9. in epist. ad Coloss. Audite, inquit, quotquot estis mundani, & uxoribus præestis ac liberis, quomodo & uobis præcipiat Apostolus sacras scripturas legere, idq; non simpliciter atq; obiter, sed magna diligentia. Item in eadem homilia: Audite obsecro seculares omnes. Comparete uobis Biblia animæ pharmaca: si nihil aliud uultis, uel nouum testamentum acquirite, Apostolum, Euangelia, Acta, continuos & sedulos doctores. Hoc demum omnium malorum causa est, quòd scripturę ignorantur. Sine armis bellum ingredimur, & quomodo seruabimur? Armati uincere solent, inermes nequaquam. Non omnia in humeros nostros projicite. Oues estis, uerum nō irrationales. Multa etiam uobis committit Paulus. Idem exponens Euangelicam parabolam de Lazaro & diuite, omnes hortatur ad sacrarum literarum lectionem: & opifices illos reprehendit, qui se tam occupatos esse dicebant, ut non uacaret eis hæc legere, &c. An' non uerbum Dei est scutum, gladius, hasta, qua contra tentationes Satanę pugnamus? Malè igitur merentur de populo Christiano duces illi, qui armis ei detractis, inermem & nudum hosti tam sæuo obijciunt. Pij ex sacris illis fontibus non haurient errores: impij uerò ex publicis etiam cōcionibus deteriores domum redibunt. Profectò egregij illi homines, non metuunt ne plebs erroribus inuoluatur: sed ne fucos & fraudes ipsorum animaduertat, ipsosq; admirari & alere desinat, quos ex sacris literis uidet non ueros pastores, sed impostores esse.

*Ingratitudo nostra, quòd sacras literas non legimus.* Deinde hinc cernimus enormem nostram ingratitude, quòd tantum thesaurum tantum parum curamus. Dies noctesq; philosophorum libros, ac nescio quas nugas euoluimus, nihil aut parum de cœlesti doctrina solliciti. Quotidie experimur, quot periculis & ærumnis uita nostra sit obnoxia, itaq; muniendi erant animi sacris literis ceu antidoto. Opes magno studio colligimus, cum interim incerti simus, quamdiu ipsarum usus nobis à Deo concedatur. Comparemus nobis potius thesaurū, quo non in hac tantū: sed & in futura uita perfruamur.

12 Ego sapientia cohabito astutię, & assequor scientiam consiliorum.

13 Timor Domini execratur malum, superbiam, arrogantiam, & uiam malam: sed & os peruersum ego odio habeo.

14 Apud me est consilium (*rerum*) conseruatio, apud me inquam est intelligentia & potentia.

15 Per me reges regnant, & consiliarij constituunt iusta.

16 Per me principes principatum gerunt, & munifici omnes iudices sunt terrę.

17 Ego diligentes me diligo, & qui mane me quærunt, inuenient me.

18 Diuitiæ



- 18 Diuitiæ & gloria sunt apud me, opes duraturæ & iusticia.  
 19 Melior est fructus meus, auro precioso, & gemma: & prouentus meus argento electo.  
 20 In semita iusta ducam te, in medio semitarum iudicij.  
 21 Ut habeant quod possideant ij qui diligunt me, & thesauros eorum cumulem.

In tertia parte huius capituli, recenset spiritus sanctus, bona diuinæ sapientiæ quorum com-  
 plura sunt. Ego sapientia cohabitavi astutiæ. Emphasim habet uerbum cohabitandi. Illorum enim  
 mores & ingenium nouimus, cum quibus habitamus. Vult itaq; dicere, familiaris est mihi.  
 Est quædam calliditas & astutia sancta, qualem in Christo fuisse, ex multis locis colligimus; *Astutia*  
 qui uult ut in nobis etiam sit ea calliditas. Ablegaturus enim primum suos discipulos: Ecce, *bona*  
 inquit, ego mitto uos uelut oues in medio luporum. Estote igitur prudentes, uelut serpentes,  
 & simplices uelut columbæ, Matth. 10. Non uult ut fungi & stipites simus, utq; imprudentes  
 nos in pericula conijciamus: sed calliditate sancta utamur, euitandi mala. Impij sæpe pijs alte-  
 ra manu panem ostentant, altera lapidem ferunt: magna itaq; cautione opus est. Vbi tamen  
 discernendum est, inter hanc astutiam sapientiæ ueræ *ωσφορῶν*, & inter calliditatem mundo  
 familiarem, Deoq; aduersam.

*Scientiam cogitationum inueniam.*) סמיה Simmah significat bonam & malam cogitationem. Ac-  
 cipitur etiam pro opere nefando. Christus æterna Dei sapientia, corda hominū inspicit. Sæ-  
 penumero aduersarij ipsius concionibus & operibus offensi, in cordibus suis uaria cogita-  
 bant: sed respondit ad ipsorum cogitationes. Cumq; simulato studio discendi eum interroga-  
 rent, & tentarent, hypocrisim eorum detexit. Cuius generis mirabilis legitur historia de di-  
 scipulis pharisæorum, & Herodianis, qui interrogabant, num liceret tributum dare Cæsari,  
 Matth. 22. Ipsa etiam sapientia suggerit cogitationes scientiæ, hoc est, doctas & sanctas. Multi  
 queruntur quod cogitationibus impuris & impijs obruantur: hi legant uerba sapientiæ, &  
 sanctæ cogitationes eis oborientur. Vel, duo hæc uocabula non coniungenda sunt, sed sepa-  
 ratim legenda. Sapientia non est absq; דעת daath, item absq; מסה mesimmos.

*Timor Domini odit malum.*) Timor Domini qui initium est sapientiæ, atq; adeo ipsa sapientia,  
 odit malum, hoc est, quicquid pugnat cum uoluntate Dei, qui summè bonus est. Id ipsum per  
 partes aliquot explicat. *Superbiam & arrogantiam, uel elationem.*) Posterius nomen eiusdem est si-  
 gnificationis. Nunc superbiam, elationem: nunc tumorem, exaltationem, & excellentiam si-  
 gnificat. Hoc uitium est scaturigo & radix magnorum malorum. Ideoq; sæpe in hoc libro ta-  
 xatur, &c. *Odit etiam uiam malam uel mali.*) Hoc est, instituta, & opera impia: non simpliciter dicit  
 Deo displicere, sed Deum odisse. *Os item peruersitatum.*) In magnos & bonos usus, os & linguā  
 Deus nobis dedit, nempe ad gloriam nominis sui, & proximi utilitatem. Quod si quis ijs nūc  
 abutitur ad cōtumeliam Dei & iniuriam proximi, is Deo exosus est. Inter omnes autem qui  
 lingua abutuntur, nulli grauius peccant, quàm falsi doctores, &c.

*Penes me est consilium.*) Consilium propriè sumptum, non est in Deo, in quo nulla est inquisi-  
 tio de rebus agendis, sed æterna certitudo. Socrates apud Platonem, cōsiliū *ισοπον* esse dicit,  
 hoc est, rem sacram. In rebus afflictis & desperatis, experimur quid sit, hominem peritum ha-  
 bere à consilijs. Æterna Dei sapientia cū omnibus in rebus, tum maximè in illis quæ æter-  
 nam salutē spectant, saluberrima nobis dat consilia. Consilia eius in Veteri & Nouo testamen-  
 to descripta extant. Iureconsulti pro suis consilijs sæpe magna petunt munera, nobis hæc  
 gratis dantur. Recurre ad 1. capituli uersum 30. *Apud me est essentia.*) Hebr. uox תושיה th-  
 schiah, quæ suprà etiam posita est, uariè exponitur ab interpretibus: quidam exponunt pro  
 thesauro iustis à Deo reposito: quidam pro lege & statuto: quidam pro hominis uoluntate  
 & proposito: quidam pro opere bono: uide dictionaria. Omnia bona à sapientia proueniunt,  
*Apud me intelligentia est.*) Sapientia bonum à malo, uerum à falso, utile ab inutili, optimè di-  
 scernit. Dicunt multi, Libenter me accommodarem Dei uoluntati: sed nescio quid ei pla-  
 ceat, uel displiceat. Sapientia hoc ostendit: in decalogo summa proposita est, rerum facien-  
 darum, & fugiendarum. *Robur, uel potentia.*) Sapientia uires subministrat, ut bonum facere,  
 & malum uitare possimus. In nostris uiribus hæc non sunt posita. D. Paul. negat nos aliquid  
 boni ex nobis cogitare posse, ne dum facere. Inepti igitur sunt, qui uires liberi arbitrij extol-  
 lunt. Dei donum est, quod bona intelligimus, uolumus, facimus, quodq; in bonis operibus  
 perseueramus. Non enim satis est bene cœpisse, constantia requiritur. *Me duce regnant reges,*  
*& principes constituunt iusta.*) ראש rason est שר schar princeps, & מלך melach rex, inquit R.  
 Dauid in libro radicum. נדב nadib, spontaneus, liberalis, princeps, à liberalitate sic dictus.



**Magistra-** Intelligit superiores & inferiores magistratus. Non est potestas nisi à Deo: id quod Ethnicos  
**tus sunt à** quoq; non latuit. Hesiodus enim scribit, *en de dios βασιλεις*: & Homerus, *τιμὴ δ' ἐν διόσ' ἐστὶ*. Deus  
**Deo.** per suam sapientiam reges, duces, comites, consules, iudices, aliosq; magistratus constituit.  
 Qui nisi essent, omnia lursum atq; deorsum uoluerentur. Illi quoq; suum officium (quod est,  
 populum regere, bonas leges præscribere, munificos esse) præstare non possunt, nisi ab æter-  
**Sapientia** na sapientia adiuentur, Dei sapientia, & necessarijs donis instruantur. Plato itaq; rectè, tum  
**necessaria** demum beatas fore respub. dixit, si aut philosophi imperarent, aut imperatores philosopha-  
**est magi-** rentur. Quam sententiam Platonis, M. Antoninus philosophus, & Rom. Imp. Iulio Capitoli-  
**stratibus.** no teste, semper in ore habuit. Deus Deut. 17. iubet regem exemplar diuinæ legis secum ha-  
 bere, in eoq; legere omnibus diebus uitæ suæ, ut discat in timore Dei legem eius custodire,  
 neq; ad dextram uel sinistram defletere. Valde igitur inepti sunt, qui dicunt, absq; uerbo Dei  
 respublicas optimè gubernari posse. Ex hac sententia, etiā argumentum peti potest contra  
 Anabaptistas, qui negant fas esse Christianos magistratum gerere.

**Tyranni** Tyranni quoq; sine sapientia, uoluntate & decreto Dei, regna inuadere nequeunt: (distin-  
**quoque à** guendum tamen est inter opus Dei & Tyrannorum) quod agnoscit August. de ciuitate Dei  
**Deo consti-** lib. 5. cap. 19. ubi inquit: Eriam Tyrannis dominandi potestas non datur, nisi summi Dei pro-  
**tuuntur.** uidentia, quando res humanas iudicat talibus dominis dignas. Aperta de hac re uox diuina  
 est, loquente diuina sapientia. Per me reges regnant, & tyranni per me tenent terram. Sed ne  
 Tyranni non pessimi, atq; improbi reges, sed ueteri nomine fortes dicti existimentur. Vade  
 Virgilius ait:

Pars mihi pacis erit dexteram tetigisse Tyranni.

Apertissimè alio loco de Deo dictum est, qui regnare facit hominem hypocritā, propter per-  
 ueritatem populi. Idem de natura boni aduersus Manichæum cap. 32. dicit, Iniustum enim  
 non est, ut improbis accipientibus nocendi potestatem, & bonorum patientia probetur, &  
 malorum iniquitas puniatur. Ego diligentes me diligo.) Dicat aliquis: Audio quā præclara res  
 sit sapientia: sed quo pacto eam acquiram, non uideo. Ostendit igitur facilem & compendia-

**Amor sa-** riam uiam, quomodo comparari possit. Postulat autem amorem eius à nobis. Nam quemad-  
**pientie.** modum amor optimus magister est artium: (unde Plato alicubi *πατρις ἐνέργησις* appellat)  
 ita etiam nos excitat, ut de uera sapientia comparanda, serid cogitemus, nullumq; non labo-  
 rem suscipiamus. Quid non facit adolescens in gratiam puellæ, cuius honesto amore tangi-  
 tur? Multò magis propter sapientiam, nihil non faciendum erat. Christus dicit Ioan. 14. Qui  
 diligit me, diligetur à patre meo, & ego diligam eum, & manifestabo ei meipsum. Rectè au-  
 tem hoc loco annotat, Ricelius Cartusianus, in suis ad hunc librū annotationibus: Deus uni-  
 uersos electos diligit ab æterno. Sed dilectio nostra non est causa aut ratio prima quòd Deus  
 nos diligit. Imò contrā: quando quidem ipse dilexit nos, & nos diligimus eum. Quia dilectio  
 nostra ad eum, est donum ex eius dilectione ad nos habens ortū. Ideo scribitur 1. Ioan. 4. cap.  
 In hoc est charitas, non quòd nos dilexerimus eum, &c. Qui me mane quærunt, inuenient me.) Hoc

**Sapientia** est, qui studiosè & diligenter me inuestigant. Non satis est amare sapientiam: sed eam oportet  
**inquirenda** etiā inquirere. Si res aliqua nobis curæ est, noctu de ea cogitamus, ac mane surgimus ut eam  
**alacriter et** perficiamus. Mane ad quæuis facienda expeditiores sumus. Manè item, id est, à pueritia di-  
**celeriter.** scenda est sapientia, ne nobis eueniat quod multis, qui posteaquā in philosophiæ studio con-  
 senuerunt, in Theologia postea semper frigent. Laudatur in Timotheo, quòd à teneris arca-  
 nam sapientiam tractarit. Quod si serio ac diuturno studio sapientiam quæremus, eam cer-  
 tissimè inueniemus. Sic enim Christus loquitur Matth. 7. cap. Petite & dabitur uobis, quæri-  
 te & inuenietis. Qui uerò somno & mundi delicijs dediti sunt, ijs non obtingit, &c. *Mecum*  
*sunt diuitiæ & gloria.*) Vera & æterna gloria potentur sapientiæ studiosi. Quin & in hoc seculo,  
 non rarò propter sapientiam multis & magnis honoribus cumulatur. *Opes antiquæ, & iusticia.*)  
*פֶּן יִהְיֶה לָהֶם* hon otheke, substantia multa & magna. R. D. in libro radicū exponit, opes pingues.  
 Hieron. superbas, id est, magnas. Alij multiplices, alij antiquas, hoc est, duraturas & stabiles.

**Sapientia** Sapientia suis cultoribus opes affert cum iusticia. D. Hieron. alicubi ait, diuitem aut iniquum  
**dinites fa-** esse, aut iniqui hæredem. Plerunq; enim illi qui cumulandis opibus intenti sunt, proximos  
**cit.** suos circumueniunt. Hinc etiam fit, ut opes eorum quæ per fas nefasq; partæ sunt, miserè pe-  
 reant. Sapientes uerò absq; aliorum damno opes parant, & honestè possident, ideoq; diutur-  
 næ sunt & stabiles. Præcipuè tamen hæc ad thesauros illos referenda sunt, quos in cælis sibi  
 parant. Alia quoq; ratione diuites sunt, quòd sorte sua contenti uiuunt. Sic enim Paulus scri-  
 bit ad Coloss. 4. cap. Vbiq; & in omnibus institutus sum, & saturari, & esurire, & abundare, &  
 penuriam pati. Vel, *Mecum est iusticia.*) quia non est iusticia, nisi à Deo. *Fruitus meus melior est auro,*  
*& obryzo.*) Non tantum ipsa sapientia, sed fructus quoq; eius, qui ex ea nascitur, ut sunt uariæ  
 uirtutes,



uirtutes, auro quolibet est preciosior. Res præstantissimæ in hoc mundo non possunt cum ea conferri. Cicero etiam in Paradoxis ait, Nulla possessio, nulla uis auri & argenti, pluris quàm uirtus æstimanda est. Et *prouentus meus argento electo.*) Per prouentum etiam metaphoricè intelligit uaria eius effecta. *Per uiam iusticiæ ambulo, uel, deduco, in medio semitarum iudicij.*) Sapientia cultores suos docet omnibus in rebus exactum iudicium, & piam æqualitatem. Vt *hæreditate faciam diligentes me quod est, & thesauros eorum replebo.*) *W*iesch est, uel, quod est. Cui opponitur *הבל* hæbel, uanum, inane, nihil. Sapientia confert suis cultoribus non res imaginarias: sed reuera existentes, & thesauros eorum implet. Qui sapientiam obseruant, dicit Pellicanus, hæreditario iure semper, & sine fine possidebunt felicitatem permanentem. Qui enim piè & iuste uixerint, remunerabuntur hæreditate sanctorum, eorumq; desideria plenè satiabuntur, ut habeant quantum uolunt.

22 Dominus possedit me in initio uiæ suæ, ante opera sua ab initio.

23 Ab olim constituta sum, & ab initio, ante primordia terræ.

24 Cum abyssi nō essent, ego formata sum, & antequam fontes aquis essent grauati.

25 Priusquam montes essent fundati, atque ante colles ego formata sum.

26 Adhuc non fecerat terram, & quæ sunt extra (eam) & caput puluerum orbis.

27 Cum ipse præpararet cœlos aderam, & cum describeret circulum super faciem abyssi.

28 Cum firmaret desuper nubes, & cum solidaret fontes abyssi.

29 Cum poneret mari legem suam, ne aquæ præterirent præceptum eius, & cum constitueret fundamenta terræ.

30 Ego fui coram eo ueluti educata, fui quoque ei oblectamento per singulos dies, ludens coram eo omni tempore.

31 Ludo præterea in orbe terræ eius, & deliciæ meæ sunt, ut sim cum filiis hominum.

Et si omnes loci sacrae scripturæ hominibus Christianis diligenter expendendi sint: tamen illos in primis cognoscere & expendere conuenit, qui de Domino nostro Christo Iesu loquuntur. Nam Christus ipse Ioan. 17. inquit in oratione sua ad patrem cœlestem: Hæc est uita æterna, ut cognoscant te solum uerum Deum, & quem misisti Iesum Christum. Quare cum Satan tantum esse situm in uera Christi cognitione norit, omnibus seculis omnem, ut dicitur, mouit lapidem, ut loci scripturæ, qui de Christo loquuntur, corrumpere-  
rentur. Et quanto euidentiores sunt, tanto magis eis insidiatur. Itaque cum hoc caput de æterna & cœlesti sapientia, hoc est, filio Dei, secunda persona sanctæ trinitatis tractet, diligenter est expendendum.

Ostendit autem sapientiam ante condita secula extitisse, & omnia per hanc condita esse. Quæ ut melius intelligamus, tenendum est, unum esse tantum uerum & æternum Deum: seu unam tantum diuinam naturam & essentiam. Sic enim legitur Deut. 6. capite. Audi Israel, Dominus Deus uester, Deus unus est. Et apud Esa. 44. cap. Ego sum primus & nouissimus, & præter me non est Deus. In hac una diuina natura sunt tres hypostases uel personæ, Deus pater, Deus filius, Deus spiritus sanctus: quæ suis proprietatibus distinguuntur. In secunda persona considerare oportet duplicem naturam, nempe diuinam & humanam. Secundum diuinam fuit ab æterno, antequam quicquam esset factum aut creatum: secundum humanam, suo tempore esse cœpit in utero Mariæ uirginis. Hæc doctrina contra omnes errores diligenter retinenda est.

Diuina sapientia antiquior est omnibus creaturis.

Christus est uerus Deus.

Videamus primum de uetustate sapientiæ: deinde de ipsius operibus. Dominus possedit uel acquisiuit me initium uel initio uiæ suæ.) Septua. reddiderunt *κρίσις ἐν τῷ ἐμῷ ἀρχὴν ὁ δὲ οὐκ αὐτοῦ, εἰς ἐργὰ αὐτοῦ*, &c. Lactantius & alij reddunt, Deus condidit me in initio uiarum suarum. Iræneus, Tertullianus & alij, Principium uiarum suarum. Priores uidentur respexisse ad id quod est apud Ioan. In principio erat sermo. Nam accusatiuus sæpe per aduerbium redditur, ut Io. 8. *τὸν ἀρχαῖον*, & Heb. 2. Hoc est, operum suorum. Alibi dicitur Deus Filium ab æterno genuisse. *כָּנָה* canah acquisiuit, possedit. Cæterum ne quis putaret eum cœpisse in creatione mundi, addit: Ante opera sua ab antiquo.) Hoc est, ab æterno, antequam quicquam esset illarum rerum quas cernimus. Igitur sapientia Dei non est opus uel creatura eius: sed creature omnis



principitum. Hac de re cōsule August. de fide ad Petrum Diaconum 12. cap. & proximè sequentibus. A' seculo, uel. ab æterno principatum habui. (נָסַף nasac principem constituere, magnificare, dominari, Chald. exponit ungere. Sensus est: Antequam mundus crearetur, æqualem cum Deo patre potestatem habui. Mox subiungitur, A' principio ante terram.) קַדֶּם Kædem principium, antiquitas, ante. Iterum ostēdit qualis fuerit ab æterno. Huius loci interpretes appositisimus est D. Ioan. ab initio primi capituli sui Euangelij, ubi scribit: In principio erat uerbum, & uerbum erat apud Deum, & Deus erat uerbum. Filius Dei uerbum dicitur, quod Deus per illum nobis innotescere uoluit: & fortè etiam quod omnes ueteres de hoc uerbo, hoc est, filio Dei dicitur. multa loquuti sunt. Hunc locum Iustinus martyr bis adducit in suo dialogo cum Tryphone Iudæo ad probandam diuinitatem filij Dei. Hoc testimonio, Dominus possedit me ab initio. Veteres patres pro ἐν τῇσιν possedit, uitiosè legerunt ἐν τῷσιν creauit. Hac lectione Arriani abusi sunt ad impij erroris sui defensionem, ac uitiosè legerunt, Dominus ἐν τῷσιν creauit me, pro ἐν τῇσιν possedit. Hinc collegerunt sapientiam Dei λέτισμα esse, hoc est, creaturam, nec uerum Deum ab æterno. Hunc suum errorem longè lateq; sparserunt: & quoniam auctoritatem & potentiam nacti erant, tandem multò crudelius orthodoxos persequuti sunt, quàm Romani imperatores. Epiphanius Solo. dictum contra Arrium defendens, primum indicatam esse doctam. cet τὴν ἐν ἀρχῇ οὐκ ὄντων λέτισμα: deinde reddit Hebraicum uerbum per עֲבָדָסְיָ, id est, instar pulli exclusit me (quod etiam Siracid. utitur, metaphoricè explicans hæc uerba Solomonis.) & D. Paulum cum Solomone hoc loco conferens, pro eo, quod est apud Sapientem, ἐν τῷσιν μετὶ ἀρχῶν τῶν ὁ ἀὼν αὐτῶν, posuisse Paulum ad Coloss. 1. cap. πρὸ τῶν αἰώνων λέτισμα: & paulo post scribit, Ioannem pro ἐν τῷσιν dixisse, καὶ ἀπὸς τοῦ. Aquilas interpretatus est ἐν ἡσάτο. Alij etiam patres qui legerunt: Dominus creauit me principium uiarum suarum. de incarnatione intelligunt. Vide initium lib. 4. Gregorij Nazianz. de Theologia. Basilii contra Eunomium torquet se circa sensum. Chrysostomus in sermone de Trinitate, dicit: Dominus creauit me, &c. Intellige secundum carnem fecit eum, non secundum diuinitatem: prædicit futurum quasi iam esset factum. August. de Trinitate lib. 1. cap. 12. Secundum formam Dei dictum est, ante omnes colles genuit me, id est, ante omnes altitudines creaturarum. Et ante luciferum genui te, id est, ante omnia tempora & temporalia. Secundum formam autem serui dictum est: Dominus creauit me in principio uiarum suarum, &c.

Obiter autem uidemus quàm sit utile linguarum studium ad intelligendum, & explicandum sacras literas. Si ueteres fuissent Hebraicæ linguæ periti, nunquam legissent, Dominus creauit me, &c. Sunt hodie qui dicunt, linguarum studia non modò inutilia, sed & ualde noxia esse: nam hæreses parère. Cum hinc pateat ex linguæ sanctæ uel ignorance uel deprauatione hæresim pestilentissimam esse ortam, & receptam: & hodie quoq; ex linguarum infortia errores nasci. Præterea constat ex sacris literis, linguarum donum spiritus sancti peculiare beneficium esse.

Deinde colligimus non mirandum, si hodie portentosi errores longè lateq; spargantur, cum idem uetustis illis temporibus acciderit. Christus certè prædixit, uarios in ecclesia sua errores exorituros esse, &c.

Iam deinceps uariæ creaturæ recensentur, ante quas omnes sapientia extiterit. Ante primordia terræ. Antequam materia producta esset, fuit enim terra inanis, & sine specie. Gen. 1. Cum abyssi non essent, ego enixa sum. Quod affirmatiuè dixit, nunc per negationes ostendit. תְּהוֹם the hom uorago, abyssus, locus aquarum multarum. Sensus est, Nondum existentibus immensis profunditatibus aquarum, ego sapientia fui genita. Antequam fontes aquis essent grauati. Hoc est, cum nondum abundarent aquis. R. Dauid in libro radicū non coniungit fontes cum נַבְבָּרִי nicbaddei (quia fontes Hebraicè sunt fœminini, hoc autem masculini generis) sed sic exponit, dum non essent fontes, & dum non esset grauata aquis, id est, adhuc non erant abyssi, seu uoragines. R. Himanuel in comment. teste Pagnino נַבְבָּרִי nicbaddei dicit esse loca, in quibus magna est aquarum copia. In lib. Gen. 13. cap. etiā dicitur, Abrahā grauis ualde, hoc est, ditissimus atq; abundatissimus. Significat hæc uox etiam multiplicare. Hoc uult dicere, priusquam Deus materiam futuri opificij præparasset, cœlum, & terram, rudem illam & indigestā molem, quam postea aptissimè disposuit, ego eram. Deus enim primū cœlum & terram, hoc est, rudem materiam creauit, mox eam ornauit & disposuit, quemadmodum faciūt domum ædificaturi. Priusquam montes essent fundati. טַבַּע taba significat immergere, infigere. Sensus est, priusquam montes terræ infixisset. Rem ita depingit, ut uidere te putes, Deum architectum montes manu sua collocare quocunq; uelit. Tertul. reddit, priusquam montes collocarētur. Ante colles ego formata sum. Filius Dei ante omne initium à patre est progenitus. Sic enim loquitur Deus pater: Filius meus es tu, ego hodie genui te: sed, hodie, apud Deum, nihil aliud est quàm



quàm ab æterno. Verba quædam ab hominibus ad Deum transfert, ut res sublimes melius intelligamus. Sed nihil hic carnale, nihil humana ratione comprehensibile imaginandum est. *Adhuc non fecerat terram.*) Hoc est, nondum ornat plantis, animalibus nondum habitabilem fecerat: uel idem dicit, quod antè dixerat, ad maiorem rei euidèntiam. Græci legunt *ἐν τῷ χρόνῳ τῷ πρώτῳ ἀπὸ τοῦ οὐρανόθεν*. Lactatius reddit: Ante omnes colles genuit me Dominus: fecit regiones & terras inhabitabiles sub cœlo. Cum pararet cœlum, &c. *Et quæ sunt extra eam.* *חוצה* chutz extra, significat etiam plateas: ut sit sensus: nondum fecerat plateas, nimirum partes habitationi idoneas, uel planicies: dixit enim de montibus & collibus. Castalio reddit fora. *Et caput puluerum orbis.*) Initium orbis terrarum. R. David dicit quatuor esse synonyma, *תֵּבֵל* thebel *אַרְצֵי* aræz *אֲדָמָה* adamah *אֶפְרַיִם* aphar, & interdum unum uenire in coniunctione alterius, ut hoc loco, paruumq; discrimen esse inter illa. *אֶרֶץ* arez est nomen uniuersale, *תֵּבֵל* thebel terra habitata, *אֶפְרַיִם* aphar puluis comminutus, & sic interdum *אֲדָמָה* adamah. Ego simpliciter intelligo, ne puluisculum fuisse: terra enim ueluti spongia terris adhuc erat immersa. Castalio reddit, *Antequam humi mundanæ caput fecisset.* Id est, terram, quæ est in quoddam quasi caput & globum formata. Cum ipse præpararet cœlos ibi eram. *בְּרִי* chon præparare, firmare, disponere, dirigere, stabilire. *הַכִּין* hachin fecit præparari. Græcè *συνεπαρῆμυν*. Tertul. aderam illi simul: Iræneus, eram cum illo. Nam per sapientiam præparauit. Cœlum sicut tentorium extendit, & ornauit sole, luna & astris.

Haftenus sapientia descripsit seipsam ante opera Dei, iam deinceps describit se, quando Deus creauit mundum. *Quando describebat circino superficiem abyssi.*) *חָקַק* chakak est statuere, describere, depingere. *חֹג* chog, circinus, circulus, sphaera, quæ circuit terram. De Deo loquitur tanquam de architecto, qui libella, funiculo & circino utitur, ut omnia aptè fiant. Dimensus est altitudinem cœli, latitudinem terræ, & profunditatem aquarum. Munsterus legit, *Cum describeret circulum super faciem abyssi*, hoc est, cum terram & mare in figuram sphaericam redigeret. Dicit autem se adfuisse cum hæc omnia fierent. Nam Deus pater omnia tam uisibilia quàm inuisibilia per eum condidit, Coloss. 1. Omnia per ipsum & in ipso condita sunt. Et Psalmo 32. *Per filium Dei omnia sunt condita.* Verbo Domini cœli firmati sunt, & spiritu oris eius omnis uirtus eorum. *Cum firmaret de super æthera.*) *אָמַץ* amaz, roborare, fortificare. *שָׁחַק* schachak significat cœlum, nubes, æthera. Cum roboraret cœlos, dicit se ad hanc actionem diuinam concurrisse.

*Cum solidaret fontes abyssi.*) *אָסַן* asan roborare, confortare, indurare. Dei iussu & potentia fontes fluuiorum non exhauiuntur: sed subinde profluunt, & uim gignedi & procreandi aquas conseruant. *Cum poneret mari legē suā, ne aquæ præterirent præceptū eius.*) *חָקַק* chak præceptū, ius, statutū, lex. *פִּי* pifos eius, hoc est, sermonē & præceptum: uel litrus & aluēū suum. Iob. 26. dicitur Deus maris imperiū præscripto termino perpetuo frenare. Mare circūquaq; cingit terrā, eaq; ingreditur: terra est ueluti insula quædā, tamē à mari nō obruitur. Iob. 28. cap. Deus dicit: Quis præscripsit portis mare, q; eruptione sua quasi ex utero exit? Quū ponerē ego nubē uestimētū eius, & caliginē fasciā eius. Et annūciaui super eo decretū meū, & posui uectē ac ostiā. Et dixi, hucusq; uenias & nō addes ut trāseas, & hic pones elationē fluctuū meorū. Psal. 104. dicit David, Terminū cōstituiſti aq̄s, ne trāsgrediantur, neq; redeāt ad operiendā terrā. Hierem. dicit, An non me timebitis, qui fines harenā impono mari? Stupēdum certē est, elemētum tā barbarū cōcitatū à uētis, harena frenari atq; coerceri. Fit interdū ut suis illis limitib. nō cōtineatur, sed insurgat, & in terrā expacietur. Sic factum est superiorib. annis, quādo in Holādia & alijs inferioris Germaniæ partibus maris inundatione multi perierunt. Quemadmodum enim Deus alijs creaturis, ita etiam mari interdum ad puniendum homines utitur: uel etiam ut cognoscant, ipsius imperio mare intra fines suos contineri. *Et cum describebat fundamenta terræ.*) Philosophi multa disputant de fundamentis terræ: pleriq; mirati sunt eam non cadere, cum in aere pendeat. Ideō fulciri columnis sunt arbitrati. Psal. 24. Ipse super maria uel iuxta maria fundauit terram, & super flumina firmauit eam. Item Psal. 136. super maria fundata est, quum terra potius maris sustentaculum esse uideatur. Psal. 102. Initio tu terram fundasti. Fundatam terram dicit, quæ in aere librata, firmum & immobilem sitū teneat. Admirandū autē & adorandum est, quod Deus in leui & cedenti aere, tantam molem suspendit, ut Ouidius inquit:

Terra pilæ similis, nullo fulcimine nixa,

Aere suspenso tam graue pendet onus.

Hinc colligimus non esse inutile, si in Astronomia; Geographia & Physica operam colloceamus. Harum enim disciplinarum cognitio non parum momenti ad melius intelligenda opera Dei confert. Ego fui coram eo, uel ad latus eius (s. Dei) ueluti educata.) *אָמַן* Amon, nutritus siue educatus, secundum R. David in lib. Radic. & est nomen Toar. uel Macor loco nominis, id est, in educatione. Alius quidam exponit, tanquā nutritus aut alumnus. Alij, ueluti pædagogus;



ut sensus sit, quemadmodum filij nobilium, omnia quæ faciunt, auspicijs præceptorum faciunt: ita pater cœlestis nihil sine me fecit. Vel *αὐθροποπάθως* similem se facit nutritio stanti apud patrem ad seruandum uniuersum. Septua. reddunt *ἡμῶν παρὰ αὐτὸν ἀρμόζοντα*. Lactantius, eram penes illum disponens, Tertull. ego eram cum illo cōpingens. Iræn. eram apud eum aptans.

Fui quoq; ei oblectamento per singulos dies, ludens coram eo omni tempore.) *שששש* schascha, delectauit uel ludit. Isa. 11. Blanditus est, ut mater filio in gremio, lætificauit: hinc nomen *שששש* schaaschum, delectationes, gaudia, *ששש* schahak ridere, ludere, lætari. Significat amorem illum Dei patris, quo filium suum unigenitum complectitur, quemadmodum cœlitus uoce sua testatus est dicens: Hic est filius meus dilectus, in quo placatus sum, Matth. 3. Ioan. 17. de hoc amore quædam leguntur. Christus summè patrem lætificat. De hoc loco consule Tert. contra Praxean. Iræneum contra hæreses lib. 4. cap. 37. Epiphani. contra Ariomanitas hæres. 69. Athanasium, Hilarium 12. de Trinitate, & alios patres, apud quos uerba quædam desunt, non enim omnia supersticiosè citant.

Hinc etiam nō obscure colligimus dilectionem Dei erga genus humanum. Mundum usq; ad eum dilexit, ut ne filio unigenito pepercerit, sed eum in mortem tradiderit, ut omnis, qui crederet in eum, non periret, sed habeat uitam æternam, Ioan. 3. 1. Ioan. 2. Rom. 5. cap. Equum autem est, ut erga Deum, qui nos tantopere dilexit, nostram gratitudinem uicissim declaremus. Ludo præterea in orbe terræ eius, & deliciæ meæ sunt, ut sim cum filiis hominum.) Christus delectatur societate hominū. Sæpe specie aspectabili patribus apparuit, & cum ipsis egit. Cumq; tēpus fatale euolutum esset, humanam naturam assumpsit, habitauit & uersatus est inter homines. Suā erga homines beneuolentiā multis modis declarauit, assiduè concionatus est, cibos supeditauit populo, uarijs morbis obnoxios curauit. Tamq; familiariter uersatus est cum peccatoribus, ut aduersarij eius ipsi hoc uitio uerterint. Non igitur alium mediatorē queramus.

*Mundus à Deo conditus est.* Porro ex hac narratione de operibus Dei colligimus mundum non casu, nec ab æterno (ut quidam philosophi opinati sunt) extitisse: sed conditum esse à Deo Opt. Max. à quo etiam hodie conseruatur ac gubernatur. Opificium uerò mundi introducit nos in Dei cognitionem. Omnipotentiam eius hinc deprehendimus, quod cœlum, terram, montes, fontes, abyssos, breuiter tantam molem ex nihilo creauit. Sapientiam, quod omnia certo & definito ordine creauit atque egregiè ornauit, cœlum Sole, Luna, & astris: terram plantis, arboribus, animalibus: quodq; hæc sapientissimè gubernat. Bonitatem, quod cum horum opera sibi non esset necessaria, propter homines hæc produxit, qui eius bonitate fruuntur. Cœlum nos iubet aspicere propheta. Ex minimis certè mundi & contemptissimis partibus plus habemus quæ discamus, quàm ex omnibus Papistrarum simulachris. Si simulachrum affabrè factum sit, artificis tantum manum miraberis: sed quid simile habet cum uiuis Dei simulachris? Deo itaque nos committamus, illum reuereamur, amemus, illi obediamus, totiq; ab eo pendeamus.

*Testimoniū diuinitatis Christi.* In primis uerò habemus euidentis testimonium ueræ diuinitatis Domini nostri Iesu Christi contra deplorandam cæcitatem ueterum & nouorum Arianorum, qui negant Christum ab æterno à Deo patre progenitum. At nisi Christus esset Deus, quomodo spem nostram in eo poneremus? quomodo redemptor, mediator & intercessor noster esse posset? &c.

32 Nunc igitur filij audite me: beati qui obseruant uias meas.

33 Audite castigationem & efficiamini sapientes, & nolite fieri sordides.

34 Beatus homo qui auscultat mihi, & sollicitè uigilat ad fores meas quotidie, ut obseruet postes ostiorum meorum.

35 Quoniam qui me inuenerit, inuenit uitam, & proliciet fauorem Domini.

36 Et qui peccauerit in me, uiolenter lædit animam suam: & omnes qui odiunt me, diligunt mortem.

*Adhortatio ad sapientiam.* Postquam exposuit, quomodo sapientia omnibus sese offerat, qualis sit eius doctrina, quæq; opera: sequitur iam deinceps ultima huius capitis pars, quæ continet exhortationem, ut Sapientiam uel uerbum Dei amplectamur. Huius generis adhortationes iam aliquot habuimus. Causam repetitionis aliàs annotauimus. Singula membra uideamus.

Nunc igitur filij audite me.) Cum hæc, quæ de sapientia exposita sunt, ita habeant, audite me. Nos omnes filios appellat, quæ uox paterni est amoris, & sæpe in epistola D. Ioannis repetitur. Ingenui autem filij magis ducuntur bonis uerbis, quàm uerberibus. Sunt è diuerso, qui nihil rectè faciunt, nisi uerba adhibeantur. Deus itaq; reprehensione etiam & asperis uerbis



verbis nonnunquam utitur. Emphasi non caret quod dicit, Me, & mox: *Beati qui obseruent uias meas.*) Hoc est, qui student uoluntati meæ. Quæ sit uoluntas Dei, intelligitur ex Ioannis sexto capite, & 1. Thessalonicen. quarto capite. Nempe ut credamus in Iesum Christum, & sanctè uiuamus. Tales homines miseri & stulti iudicantur ac spernuntur in hoc mundo: sed beati ab illo pronunciantur, qui solus & saluare & damnare potest.

Voluntas  
Dei quæ  
sit.

*Audite castigationem & sapientes estote, uel, ut sapientes efficiamini.*) Si iuniores à parentibus & alijs, qui eorum loco sunt, castigati disciplinam receperint, prudentiores efficiuntur. Primus enim ad sapientiam gradus est, disciplinam non aspernari. Adulti quoq; si ministrorum uerbi iustis reprehensionibus, & magistratuum pœnis, morbis item & alijs ærumnis à Deo inflictis, mouentur, sapientes euadunt. Constat certè multis exemplis correctionem hominibus non parum ad prudentiam attulisse.

Correctio-  
nis utilitas.

*Nolite fieri socordes.*) Vox פָּרָא para, significat deficere, cessare, retrocedere, despicere. Sensus, Ne retrocedatis, ne despiciatis uerba mea, ne cessare faciatis à cordibus uestris. Constantia enim uobis retinenda est, & uidendum ne semen uerbi Dei uel in sentes, uel in saxosam terram cadat, & tandem pereat, Luc. 8. De perseverantia in bono, multa extant loca scripturæ.

*Beatus qui mihi auscultat, & sollicitè uigilat ad fores meas.*) פָּרָא schakad, est uigilare, durare, festinare, sollicitum esse. Qui obtemperat mihi, ut uigilet & festinet ad ostia mea. Hac phrasi uigilare ad fores, & obseruare postes ostij alicuius, amor, desiderium & sollicitudo significatur. Adolescentes qui honestam aliquam uirginem ambiunt, libenter ad fores eius excubant. Qui aliquem obseruant & colunt, ad ostium domus eius subinde degunt. Apud Romanos, dominos & amicos manè salutatam ueniebant, in uestibulis ante fores eos expectantes, &c. Studium requiritur à nobis, si sapientiam inuenire uolumus: non dormitantes eam expectemus. Per ostium quidam intelligunt media uel instrumenta quibus ad ueram sapientiam peruenimus, ueluti sunt, lectio & auscultatio uerbi Dei, cogitatio, inuocatio diuini auxilij: per postes, sapientiæ doctores. Porro Emphasim habet quod dicit: *Audite me, beati qui obseruant uias meas, beatus qui auscultat mihi, &c.* Vera sapientia audienda est, non figmenta hominum. Felices pronunciantur ueri auditores uerbi Dei: miseri & infelices sunt, qui traditiones hominum audiunt. Aduersarij nostri subinde in ore habent Romanam ecclesiam, Patres, Episcopos, Concilia, & ualde queruntur quòd illa audire & recipere nolumus: sed non moramur illas querelas. Filius Dei audiendus est. Hunc audite, dicit uox illa coelestis. Romanam illam ueterem ecclesiam non reiicimus: sed nouam illam, quæ Christum non agnoscit caput, sed caput sine cerebro in eius locum substituit, & uera membra ecclesiæ miserè trucidat. Patres eatenus se uolunt audiri, quoad uerbo Dei non aduersantur. Concilia non semel errasse uel ipsos Papistas uelint nolint confiteri oportet. Episcopi non pauci sunt *ἡ πόρτα τῆς πόλεως*, imperiti sacrarum literarum, tamq; turpiter uiuunt, ut de grege Epicuri potius, quàm de grege & ouibus Christi esse non immeritò iudicentur. *Quoniam qui me inuenit, inuenit uitam.*) Christus in sacris literis uita appellatur. Io. 14. dicit, Ego sum uia, ueritas, & uita. Nemo uenit ad patrem nisi per me. Proinde qui Christum inueniunt, hoc est, qui in ipsum credunt, uitam assequuntur. In hoc seculo sciunt se propitium habere Deum, & propterea in medijs afflictionibus exultant: in altero autem seculo uitam æternam possident.

Vigilare ad  
fores alicuius.

*Et obtinebit fauorem Domini.*) פָּרָא razon uoluntas, beneplacitum, beneuolentia, *בְּרָצוֹן* mazah inuenire, educere. Sensus est, *educet uoluntatem.* s. suam, hoc est, id quod uult à Domino impetrabit, suæq; uoluntatis erit compos. Vel uoluntas refertur ad Dominum, erit gratus & acceptus Domino. Etsi totus mundus eum odio prosequatur, & stultum esse sentiat: tamen Deo probabitur. Quid non faciunt & patiuntur homines, ut gratiosum & clementem principem habeant? quàm insolenter multi gloriantur, si princeps amicè eos compellet? Quanto magis pij gloriari debent de fauore Dei, quo nos propter unicè dilectum filium suum complectitur? Si Deus nobis faueat & bene uelit, non est quod odia hominum expauescamus.

*Qui uerò in me peccarit: iniurius est animæ suæ.*) Postquam de præmijs studiosorum sapientiæ dixit: sequitur de pœnis contemptorum sapientiæ. Peccat in coelestem sapientiæ, qui tam benignè sese omnibus offerentem negligit, & salutaria eius consilia contemnit. *פָּרָא* chamals rapere & remouere aliquid è loco suo significat. *Rapit animam suam*, id est, bonam animæ suæ: *Aut spoliat animam suam*: Targum, *corrumpit.* Omnes qui oderunt me, diligunt mortem.) Sapientiā coelestem non modò Iudæi oderunt, qui quotidie in suis synagogis Christo maledicunt, & Epicurei qui omnē religionem rident: sed & multi ex illis qui optimi Christiani atq; adeo columnæ



& propugnacula ecclesiæ uideri uolunt. Quales sunt illi gigantes, qui Euangelicam doctrinam armis persequuntur, & libros sacros exurunt. Hi diligere mortem dicuntur: non quòd diligere mortem. quisquam ita insaniat, ut sciens & uolens diligat mortem, quam omnes natura exhorrescimus: sed quia hic est fructus speræ sapientiæ Dei, ut mortem tandem afferat. Hac formula loquendi utuntur etiam Germani: dicunt enim, Hic homo seipsum odio habet, der mensch ist ihm selbs syend.

## CAPVT IX.

**S**apientia ædificauit domum suam, exsculpsit septem columnas suas.  
2 Mactauit uictimam (uel mactationem) suam, atq; miscuit uinum suum, & instruxit mensam suam.

3 Misit puellas suas, clamauitq; in excelsis locis ciuitatis.

4 Qui simplex est huc diuertat: atq; uecordi dixit:

5 Venite, comedite panem meum, & bibite uinum quod miscui.

6 Derelinquite stultos, ut uiuatis, & incedite per uiam intelligentiæ.

7 Qui castigat derisorem, suscipit ignominiam suam: & qui redarguit impium, maculam suam.

8 Noli corripere derisorem, ne forte oderit te: sed redargue sapiētem, & diliget te.

9 Da sapienti, & adhuc sapientior erit: instrue iustum, & adiciet eruditionem.

10 Principium sapientiæ, est timor Domini, & cognitio sanctorum intelligentia.

11 Siquidem in me multiplicabuntur dies tui, & adicientur tibi anni uitæ.

12 Si sapiens, fueris tibi sapiēs: & si derisor fueris, tu solus feres.

Partes bu-  
ius capitis.



**T**O T V M hoc caput ferè allegoricum est. Primo enim loco sapientia inducitur, sub imagine matronæ opulentæ & liberalis, quæ palatium extruxit & conuiuium apparauit, ad quod omnes inuitat. Secundo loco, stulticia sub specie loquaculæ & stultæ mulieris describitur, quæ ad se uocat stultos, quos tandem seducit, & in multa mala conijcit. Primæ partis sensus & scopus est: Filium Dei ad communionem Euangelij, atq; ad eò æterna gaudia læticiamq; cœlestem, homines inuitare.

*Sapientia ædificauit domum suam.*) Primum, sapientia Dei, hoc est, Verbum patri coæternum Messias benedictus, regale palatium extruxit, nempe Ecclesiam, quam Apostolus in 1. ad Timoth. 3. cap. domum Dei, columnam & firmamentum ueritatis appellat, quia uerbo Dei innititur. Sapientiæ ponitur plurali numero, quòd, ut suprà diximus, omnes thesauri sapientiæ in Christo absconditi sunt.

*Excidit septem columnas suas.*) Septenarius numerus, est numerus plenitudinis in scripturis. Psal. 11. Eloquia Domini comparantur argento purgato septuplum, id est, perfectè & multipliciter. 1. Sam. 2. Quæ fuit sterilis, peperit septem, id est, plurimos. Hoc igitur uult indicare, domum illam firmissimam esse, extructam septem, hoc est, sufficientibus columnis. Ædificia enim quæ multis columnis constant, non facillè enertuntur. Non igitur est metuendum, ne hoc ædificium aliquando corruat, uel ab atheis subuertatur. Columnas in Repub. uocamus, qui pietate, prudentia & consilio, uel alijs dotibus antecellunt. Pindarus Hectorem appellat, Columnam Troiæ. In familia columnæ dicuntur, patres familiæ uel filij seniores, à quibus tota domus quasi dependet. In Ecclesia, columnæ sunt primarij doctores, Prophetæ & Apostoli. Paulus scribit 2. cap. ad Gal. Iacobum Cepham & Ioannem fuisse uisos columnas. Quemadmodum ædificium columnis nititur: ita fideles Apostolicæ & propheticæ doctrinæ. Chrysost. & alij interpretantur de septem donis Spiritus sancti. Alij de 7. sacramentis, quibus tota Ecclesia fulciatur. Alij omnes particulares ecclesias per totum orbem intelligunt, quæ significatæ sint per 7. ecclesias Asiæ in Apocalypsi. Alij uniuersitatem Apostolorum, qui doctrina sua Ecclesias fundarunt. *Excidit.*) id est, de mundo per gratiam suam segregauit, & donis suis ornauit. חזק chazaf est excidere, dolare. Nemo enim columna esse potest, nisi Deus eum formarit per spiritum suum, & quasi dedolauerit.

Quòd

Columnæ  
ecclesiæ.



Quodd hodie multi idonei sunt concionatores, diuinum est beneficium, Eph. 4.

Deinde dicit, *Occidit occisionem suam.*) חָבַח thabach significat mactare, occidere, iugulare: item immolare, sacrificare. Hinc quidam reddunt, *Mactauit uictimam suam.* Pontificij hæc uerba ad festum corporis Christi, quod Anno 1264. sub Urbano institutum est, detorserunt. Sensus est, tauros suos & altitia sua mactauit, delitias parauit. Nam per terrena, cœlestia adumbrantur.

*Miscuit uinum suum.*) Ex hoc loco colligit D. Cyprianus, uino aqua diluto in Eucharistia utendum esse. At hic locus nihil facit ad rem. Sapientia enim uinum meracum se suis conuiuiis propinaturam esse pollicetur. Nam Hebræi quemadmodum Latini, dicunt miscere uinum aut calicem, pro infundere. Græci *μιγνύναι*. Isa. 5. cap. Viri robusti ad miscendum ficeram. Sic libamina in sacris מִסְכֵּה maschim dicuntur, etiam si merum uinum aut oleum offeratur. Et מִסְכֵּה maschah fuisse simulachrum, etsi non diuersa metalla commisceantur. Lyranus annotat hoc loco, in utraque specie fideles antiquitus communicasse: sed propter periculum effusionis sanguinis ordinatum esse, ut Laicis sub specie panis tantum detur. *Instruxit mensam suam.*) Hoc uult dicere, æterna sapientia proponit nobis scripturas ueteris & noui Testamenti, siue uerbum Dei, uerum cibum & potum animæ. Scriptura tractat de Deo patre, qui fons est & satietas omnium bonorū. De Christo, qui esurientibus proponitur, quiq; uerus cibus est, Ioa. 6. sitientibus uinum Euangelicæ consolationis porrigitur, & aqua gratiæ cœlestis, Ioan. 4.

Addit nunc tertio loco, de Vocatione ad epulas: quis uocet, quo loco, quibus uerbis, & quos. Vbi *ἐκκλησιάζει* Dei nobis se offert, qui nobiscum communicare hæc gaudia uoluit. *Misit ancillas suas.*) Intelligit omnia media per quæ homines uocantur ad epulas cœlestes, hoc est, ad communionem Euangelij ac regni Dei: in primis uerò ministerium uerbi. Concionatores ancillis dicunt comparari, quia simplices, infirmi, pauperes, ignobiles sint, sed seduli. De his loquitur Christus Matt. 11. & dicit, *Gratias ago tibi pater, quodd reuelaris hæc paruulis, &c.* iidem appellantur stulti, quia tales esse mundus iudicat, 1. Cor. 1. & 2. cap. Non uocauit armis instructos. Ecclesia enim non ædificatur armis.

Euangelica  
uocatio.  
Per quos  
uocemur.

*Clamauit in excelsis locis ciuitatis.*) Nimirum ut omnes exaudire possent. Deus enim à suis uult audiri & intelligi. Sic in exercitu in editiore aliquo loco dux milites alloquitur, ut ab omnibus conspici & intelligi possit. Alij intelligunt, misit ancillas ut uocarent uel inuitarent homines ad summam arcem ciuitatis, hoc est, regiam cœlestem, nimirum nouam illam Hierusalem, quæ in Apoc. ultimo cap. egregie describitur. Huc pertinent loci Isa. 55. Matth. 11. & Ioannis 7. Parabola Lucæ 14. & Matth. 22. de illo qui cœnam sumptuosam instruxerat.

Vbi uocemur.

Duo autem hominum genera indicantur, illorum quos inuitat ad has epulas, nempe *instituti & ueracores*. Aristot. in Ethicis, auditores iuuenes & intemperatos, ab illa parte philosophiæ arcet, & illos tantum aptos censet, qui uel boni sint, uel boni fieri facile possint. At Sapientia uocat ad se omnes, & nominatim homines, qui hætenus à quouis uento doctrinæ, ut Paulus inquit, agitati, quiq; à carnis illecebris, diaboli instinctu, & exemplis mundi, ad scelus pertracti fuerunt. Vel paruulos, hoc est, humiles qui modeste de seipsis sentiunt, quiq; se uerbo Dei gubernandos tradunt.

Qui uocentur.

*Deficiens corde.*) Huc declinet qui nihil intelligit & consyderat, incumbat sacris literis, comedat & bibat de mensa Domini.

Quibus uerbis, uel quomodo uocantur? Non tantum uenire eos iubet, sed etiam cessantes reprehendit: *Venite, inquit, comedite panem meum, & bibite uinum quod miscui.* Derelinquite stulticiam, ut uiuatis, uel & uiuetis, & incedite per uiam intelligentiæ.) Magna est illa stulticia, quando aliorum mala exempla sequimur, & caduca æternis anteferimus. Disertè autem dicit: *Comedite panem meum, & bibite uinum meum.*) Alij enim cibi & pocula, non exaturabunt nos. Requiritur à nobis ut epulum illud non contemnamus, sed nos præparemus. Frustra cibi proponuntur, si eis non uescimur. Addit fructum: *Et uiuetis*, hoc est, prospere habebitis. *Incedite per uiam intelligentiæ.*) Aperite tandem oculos. Non satis est dicere, Si crediderunt patres nostri, hoc alij faciunt, sed secundum præscriptum uerbi Dei uita instituenda est.

Quomodo  
uocemur.

Iam ostenditur qui nam frustra uocentur, nempe illusores & impij. Qui partim contemnant uocationem, partim rebus leuiculis abstrahuntur, partim in illos irruūt à quibus uocantur. *Qui castigat derisorem, accipit ignominiam suam: & qui redarguit impium, maculam eius.*) Hoc est, ab eo ignominia afficitur. Tam abest ut contemptores rerum cœlestium, uitam mutant, ut monitores suos probis lacerent. Exempla hodie multa habemus in auaris, ebrijs & omnibus Epicureis porcis. *Noli corripere derisorem, ne forte oderit te.*) Hoc uult dicere, nos nō recipiūt.

Qui nā frustra uocentur.

Derisores  
correctionē  
recipiūt.



frustra laborare, si impuros & prophanos homines reprehendamus. Ne odiat te.) id est, ne malum pro bono reddat. Etenim admonitionem fraternam illi homines non modò non ferunt: sed monitores suos conuiitijs adobruunt & neci tradunt. Nam quemadmodum canes aromatis cadauera præferunt, & si quis abigere eos uelit, in eum infiliunt: ita prophani illi & impuri homines, magis delectantur rebus fœdis: quando eos ab illis reuocare conamur, manifesto periculo nos obijcimus: tantum abest ut doctrina & correctio pondus apud eos habeat. Miracula quoq; eos nihil mouent, quemadmodum de aduersarijs Christi ex Euangelica historia constat: qui cum multa & stupenda in terris uiderent, in cœlo signa petebant: simulabant item se credituros in Christum pendentem in cruce, si de illa descenderet, cum interim maiora fierent, quàm hoc fuisset, nihil mouebantur: cum audirent Christum ex mortuis resurrexisse, militibus silentium imperabant. Similem doctrinam Christus proponit Matth. 7. ubi inquit: Nolite sanctum dare canibus, neque proijciatis margaritas uestras ante porcos: ne quando conculcent eas pedibus, & uersi lacerent uos. Quo allegorico sermone uetat, ne margaritam uerbi Dei, & res sanctas, prophanis & impuris illis proponamus, ac duplicem causam assignat, &c.

*Questio,* Sed quæritur, Si irrisores non sunt corripiendi, cur Christus, Apostoli & prophetæ tales homines corripuerunt? Dicendum est, id factum esse propter electos impijs permixtos: deinde impijs in testimonium, ut in iudicio Dei inexcusabiles essent. Porro illis quibus præcipuè Deus commisit ut scelera arguant, prouidendum est, ne metu odij, hominibus uitijs obnoxiijs, de quibus adhuc spes est, parcant. Omnia prius tentanda sunt, quàm de salute hominum spem abijciamus: neque mox pro irrisoribus habendi sunt, qui non per omnia nobis assentiuntur: Opponunt se nonnulli, bona animi intentione. Nemo autem melius hac in parte quid facias ostendet, quàm fides & charitas. Quod si multis experimentis satis constat, aliquem irrisorem & impium esse, iudicio Dei relinquendus est, nec disputandum cum eo, ne ludibrio & periculo nos temere exponamus, illumq; ad maiorem insaniam prouocemus. Sanctus interim magistratus, suum quoq; officium non negligat, sed pœnis tales coerceat.

*Qui idonei sint conuiui.* Habes nunc qui ad conuiuium cœleste non ueniant: ex opposito docet qui idonei sint conuiuæ. Redargue sapientem, & amabit te.) Si sapientem amicè admoneas, & horreris ut suo officio non desit, si peccantem reprehendas, gratum ei erit. Scit enim se mereri castigationem: scit homines facillè labi, & calcaribus subinde indigere. Augustinus in lib. Confessionum scribit de Alypio, quòd cum captus esset insania ludorum Circensium, post irrisiorem mordacem Augustini illorum ludorum, sibi ipsi succensuerit, & ardentius eum dilexerit. Sapientes non sunt, qui reprehendi nolunt, & nihil sibi deesse putant.

Da sapienti, scilicet occasionem, correptionem uel consilium, & sapientior erit.) Vndicunque arripit occasionem, ut in sapientia maiores subinde progressus faciat. Hoc dictum D. Augustinus suæ causæ de ui coercendis hereticis accommodat, epistola 48. ad Vincent. & epist. 87, ad Felicitatem & Rusticum, ubi inquit: Solet fieri, & frequenter accidit, ut frater ad horam contristetur cum reprehenditur, & resistat, & contendat, & tamen postea consideret secum in silentio, ubi nemo est nisi Deus & ipse, & timet displicere hominibus, quia corripitur, sed timet displicere Deo, qui non corrigitur, & deinceps non faciat illud in quo iuste reprehensus est, & quantum odit peccatum suum, tantum diligit fratrem, quem sensit hostem peccati sui, &c.

Instrue iustum, & addet doctrinam.) Omnes homines peccatores sunt, 1. Io. 1. sed Deus propter fidem in Christum nos pro iustis habet: & iusticiam filij sui nobis imputat. Si quis instruat talem hominem, pergit subinde, & seipsum quodammodo uincere studet. Nec sibi ipsi tantum, sed & alijs addit doctrinam.

Principium sapientiæ est timor Domini.) Quia dixit, Da sapienti & sapientior erit, ostendit quæ sit summa sapientia, nempe timor Domini. Vel quodnam sit principium, à quo incipientes progrediantur ad perfectam sapientiam. Aut rationem reddit, cur sapientes iusti proficiant, quia in eis est timor Dei. Et scire sanctorum intelligentia.) Summa & caput ueræ & solidæ sapientiæ, est intelligentia rerum sanctarum: Vel scientia sanctorum, hoc est, quam habuerunt sancti de Deo & rebus sanctis, est uera intelligentia.

Per me enim multiplicabuntur dies tui, & adijcientur tibi anni uite.) Fructus epuli Euangelici ostenditur, uidelicet uita longa, atq; adeò uita æterna. Non uideo, inquis, pios diutius uiuere impijs. Imò illi quos diu uiuere optamus, citius moriuntur quàm illi quibus mortem imprecamur. Per uitam utiam sæpe dictum est, non modò illa naturalis intelligitur, sed etiam æterna felicitas. Vita impiorum mors potius appellanda est. Pij feliciter in hac uita uiuunt, nam fide Christum perceperunt, sciunt se charos esse Deo, non perturbantur ullis terroribus, mortis etiam



tis etiam cruciatus fortiter spe æternæ uitæ superant. Deinde post hanc æterna potiuntur, & cum Abrahamo, Isaaco, omnibusq; electis discumbunt. Falsum autem est, quod quidam putant, illis tantum, qui in ueteri Testamento fuerunt, corporales promissiones factas esse.

*Si sapiens fueris, tibi sapiens.*) Si uerbo Dei credas, & uocantem Deum sequaris, tibi præcipue in bonum cedit: quisq; enim pro se rationem reddet. *Si derisor fueris, tu solus feres.*) E contra si epulum illud dominum deriseris, tu poenas dabis, tibi ipsi potissimum nocebis. Sinit Deus improbos ad tempus omnia irridere: sed tandem poenas ab impœnitentibus exigit. Chrysost. *Κονητέον* ab eo dictam esse dicit, quod *πόνος* id est, laborem & ærumnam possessori adferat. Illusores certè & alij improbi homines semper iustas poenas dederunt. Sunt alijs quoq; poenæ causa, sed nisi consentiant, alterius prauitas eis non oberit. Chrysostomus homilia in Psalm. 139. mouet hanc quæstionem. Quomodo sapiens dicat, Si sis malus, solus exantlabis mala. Atqui, inquit, multos probris & contumelijs afficit: sed neminem lædit, qui non sit mollis, ignatus & iners. Et si uelis malo homine dimisso, ipsum cacodæmonem in medium adducamus. Dic autem mihi, an non omnem suam effundit improbitatem? nunquid autem læsit Iob? an non illum quidem reddidit clariorem? Cain non solus mala exantlauit, sed etiam Abel: sed celeriter liberatus est ex hac miseria, &c.

Quomodo  
derisores  
soli punian  
tur.

13 Mulier stulta & clamosa, imperita & nesciens quicquam.

14 Sedet ad ostium domus suæ, & in locis excelsis ciuitatis.

15 Ut uocet illos qui transeunt per uiam, & qui rectè incedunt per uias suas.

16 Qui est insipiens liuc declinet, & ad uerbum dicit:

17 Aquæ furtiue dulces sunt, & panis clandestinus iucundus.

18 Et ille nescit, quod mortui sunt ibi, & in profundis inferni inuitati eius.

Altera huius cap. pars è contrario describit, quomodo stulticia homines ad suum quoque epulum inuitet, & tandem æternis malis inuoluat. Per stultam hanc mulierem quidam intelligunt philosophiam, cæcam rationem, aut falsam doctrinam, quæ ad spirituale adulterium, id est, ad recedendum a Deo inuitat. Alij meretricem secundum literam. Sed quia per sapientiam ueteres communiter Christum intelligunt: per stulticiam, simpliciter Antichristum intelligamus. Quam interpretationem ideo libentius sequor, quod sanctus Dei martyr Ioannes Hulsius in libris suis eam etiam agnouit.

Stulticia.

Antichristi uox Græca est, componitur ab *αντι* & *χριστος*. *Αντι* in compositione significat par uel contra. Antichristus significat æmulum Christi, qui æqualis Christo uult esse, ac sibi arrogat quæ solius Christi sunt. Vel aduersarium, qui cum Christi uita & doctrina ex diametro pugnat. Antichristi omnes dicuntur, qui se Christo & doctrinæ eius opponunt. Ioannes i. Epistola cap. 2. multos iam sua ætate Antichristos fuisse dicit. Complures enim seductores, Simon Magus, Ebion, Cerinthus, & alij iam emerferant. Inter omnes autem scriptura coryphæum ostendit, magnum & singularem Antichristum. Multi ex ueteribus putarunt scripturam de unica persona loqui, quidam Neronem crudelissimum tyrannum suspicabantur Antichristum illum esse. Fabula item excogitata est, quod futurus sit Iudæus, ex tribu Dan, appetente die iudicij nascendus in Babylone, &c. Interim homines uero Antichristo præterito alium expectarunt. Veluti cum fur aliquis in frequenti foro clamat, Comprehendite furem, interea dum homines circumspiciant, ipse per fugam elabatur. Scriptura enim non de unico homine loquitur, sed de toto regno.

Antichri-  
stus. quid.

Quæritur hodie, An uenerit magnus illè Antichristus, an adhuc uenturus sit: quod si uenerit, quis sit Antichristus. Respondeo doctissimos uiros nostra ætate accusare Pontificem Roma. quod sit illè Antichristus. Nam si omnia, quæ de Antichristo à prophetis Christo & Apostolis prædicta sunt, diligenter cum doctrina & moribus pontificum conferantur, aquam aquæ, lac lacti similis non esse, quàm ille Antichristo. Quis quæso, dicunt, se uicarium Christi salutari patitur? quis dicit se remittere peccata, se conficere corpus Christi, se *ἀνταρτυν* esse? Quis suos sectatores euehit, aduersarios exurit? quis Deum Maüzim patribus ignotum, auro & argento colit? quis nuptias & cibos prohibet? quis se sanctitatem salutari patitur? &c. Non ne pontifex Romanus? nihil certè de Antichristo prædictum esse clamant, quod pontifices Romani non cumulatè præstiterint: quærunt quid facere debuerit Antichristus, quod illi non fecerint.

An uenerit  
Antichri-  
stus.

Non autem nostra demum ætate, ut quidam clamant, petulantia quadã ingenij, odio priuato, aut cõuertiendi libidine, pontifex Romanus accusari cœpit, quod sit Antichristus: sed ante aliquot secula ab episcopis & principib. quin plerisq; pijs & bonis uiris hoc nomine male

Ante ali-  
quot secula  
multi pon-



tificem Ro.  
dixerunt  
esse Anti-  
christum.

audiuit. Ex multis paucissima attingam. Arnulphus Aureliensis episcopus ante annos 550. in concilio Remensi pontificem Romanum aperte Antichristum nominavit. Idem fecisse circa annum Domini 1240. Eberhardum episcopum Salisburgen. in episcoporum conuentu, testis est Auentinus in annalibus Boiorum. Abbas Ioachim Calaber subinde Papam Antichristum uocauit. Hanc ipsam ob causam patrum memoria Hieronymum Sauanarolam prophético spiritu clarum pontifex ferre non potuit. Quin ipsos pontifices sese mutuum Antichristos nominasse, proditur in historijs. Auentinus lib. 5. scribit, Heinrichum 4. in literis suis ad principes, quibus de pontificis iniurijs queritur, eum appellasse Antichristum. Idem fecisse Fridericum 2. in eius epistolis, quæ etiamnum extant, manifestè habetur. Ludouicum 4. scribit Auentinus, etiam edicto publico Papam Antichristum nominasse. Othonem ducem Bavarie & episcopos idem sensisse, tradit lib. 7. Idem scribit de Menardo Tirolij comite. Adhæc ille ipse author tradit, ab omnibus doctis pariter & indoctis decantatum fuisse, quod tempore Hiltebrandi pontificis regnū Antichristi cœperit. Omitto Marsilij Patauini, Occami, Guilielmi Parisiensis, Francisci Petrarchæ, Laurentij Vallæ, & aliorum multorum grauissimorumq; uirorum testimonia, quibus confirmant Papam esse Antichristum, &c.

Non autem mirum uideatur, quod Antichristus sub specie fœminæ hoc loco proponitur. Nam etiā in Apocalypsi sub purpuratæ meretricis forma describitur. Nec sine singulari prouidentia Dei factum esse uidetur, quod ut multi historici scribunt, circa annum Domini 854. mulier Maguntina sexum mentita, Pontifex creata, & Ioannes 8. dicta fuit: ut totus mundus oculos aperiret, & uideret, num scortum illud Babylonicum, de quo in Apocalypsi prædictū est, in Ecclesia grassaretur.

Ioannes 8.  
Papa.

Mulier stul-  
ta uel di-  
ues.

Describit autem hanc mulierem aliquot epithetis. Primò uocat *stultam*. A Zacharia quoq; 11. cap. Antichristus stultus pastor uocatur. Non quod humana sapientia præditus non sit (est enim astutus, callidus & uaser) sed quod res diuinas nō intelligat. Potest autem stultitia Antichristi per partes doctrinæ ipsius manifestè ostendi. Vocem Hebræam *כסיל* chasil non modò stultum, sed etiam diuitem significare, qui suis diuitijs fidit: Hebræus quidam ex 19. cap. huius libri colligit, ubi Solomon dicit: Melior est pauper ambulans in perfectione sua, quàm peruersus labijs, & est *כסיל* chasil diues, fidens suis diuitijs. Pauperi opponitur *כסיל* chasil, id est, diues: & peruerso labijs, ambulans in perfectione sua. Congruit autem hæc interpretatio Antichristo, qui opibus suis fidit, & amicos sibi conciliat.

Deinde appellat, *Clamosam, streperam & tumultuosam*. Quid enim Antichristo loquacius? Constat enim ex historia theologos postremis illis seculis operam suam non contulisse amplius ad explicationem sacrarum literarum: sed potius sententiarum Longobardi, in quas complures uastissimos & uerbosissimos commentarios scripserunt. Ex his postea alij partes summas & tractatus copiosissimos compilarunt. Acceperunt etiam Monachi mendicantes, qui sermones de Tempore & sanctis, siue postillas composuerunt. Adhæc, disputationibus, cantu, precibus Antichristi nihil est prolixius. Legati eius in Apocalypsi 16. cap. ranis comparantur, quæ subinde non sine molestia hominum repetunt suum illud *ὡαὶ ὡαὶ*. Adhæc Antichristus magnis clamoribus ueritatis præconibus os obturare nititur, & multa quæ plus millies confutata sunt, iterum nugatoriè repetit. Multos præterea tumultus & funesta bella in omnibus regnis excitat.

Tertiò mulier simplicitatis dicitur, uel potius deceptionis & adulationis: de hac uoce 1. cap. dictum est. Adulatur hominibus, & se affectibus eorum accommodat, ut eos in falsa doctrina retineat, &c.

Quartò uocat mulierē *Nihil scientem*. Multi magnificis titulis ornantur, quidā Magistri, quidā doctores, quidā Lux mundi appellantur: sed si Christū nesciant, nihil tenent: si aliā uia monstrant quàm uerbum Dei, stultè agunt. Petrus quoq; fontibus aqua, & nubibus pluuia carentibus, falsos doctores comparat. In rebus quidem ciuilibus Antichristus est oculatissimus, ænigmata intelligit, ut est apud Daniele.

*Sedet ad ostium domus suæ*. Domum etiam habet quemadmodum Sapientia, nempe ecclesiam, hoc est Senatum Purpuratorum, Germani uocant rubram ecclesiam, multos quoq; habet potentes principes.

Cathedra.

*Super solum in locis excelsis ciuitatis*. Consuetudo olim fuit, ut Episcopi haberent sedes & cathedras in Ecclesia: sedendo enim docebant. Hinc Roma sedes Apostolica dicta est, eò quod Apostoli ibi docuerunt. De hac sede insolenter gloriantur, quod super omnes exaltata sit: quodq; Papa iure quodam hæreditario eam occuparit. Petro enim, super quem Christus ecclesiam suam ædificarit, eiusq; successoribus, etiam Theophylacto teste, non unius Ecclesiæ, non unius prouinciæ, ἀλλὰ πάντων τῶν ἐκκλησιῶν, hoc est uniuersi terrarum orbis imperium esse demandatum.



demandatum. Quibus addere & hoc possunt, quod Chrysoſt. aduerſus Iudæos 5. oratione ſcribit, Petrum per pœnitentiam ita abluiffe abnegationem, ut etiam primus Apoſtolorum factus fuerit, ac terrarum orbem totum ſubiecerit. Hoc imperiũ perpetuum fore etiã ex poetarum oraculis, paraſiti Papæ oſtendunt. Huc enim accommodant uerſus illos Vergilij,

His ego nec metas rerum nec tempora pono:

Imperium ſine fine dedi. Et, Capitoli immobile ſaxum.

Neq; terrarum tantum orbem, Pontifices ſuo imperio uendicant: ſed cœlum & purgatorium: neq; in ſpiritualibus tantum ſe rerum dominos profitentur: ſed etiam regna terrena inuadunt. Et huc pertinet duplex ille Bonifacij 8. gladius, quem in anno Iubileo protulit, & quod Diſtinct. 96. legitur de Donatione Conſtantini.

Ut uocet illos qui tranſeunt per uiam, & qui recte incedunt per uias ſuas.) Illos ad ſe uocat, qui per rectã uiam incedunt. Chriſtus uia eſt, quę ducit ad uitã æternã, falſa ſapientia nos abducit in deuia. Iſdem autem ferè uerbis homines inuitat, quibus cœleſtis ſapientia. Habet etiam ſuam mēſam, ſuos cibos & ſua pocula. Etiam nos, dicit, prædicamus Euangelium, &c.

Qui eſt inſipiens huc declinet.) Si quis, inquit, ueram uiam ſibi cupit monſtrari, ſi quis ab hæreticis ſeducus eſt, ad me ueniat, ego ueram uiam ſalutis ei monſtrabo. Libros ſcribunt de recta uia, in quibus tamen toto cœlo errant.

Ad uerendum dicit, Aquæ ſurtiuæ dulces ſunt, & panis abſconſionum iucundus.) Quæ grata ſunt carni, proponit ſtultis. Et quia doctrina ordinationum humanarum & operum delectamur, illam unice urget. Deinde omnium ſclerum impunitatem concedit. Quomodo cunq; quis uiuat, modo egregius ſit Papatus propugnator, illum tolerat. Hac ratione multum creuit regnum Antichriſti. Facile enim prohiberi nobis ea patimur, quæ facere malum non eſt, modò nobis præcepta Dei tranſgrediendi poteſtas cōcedatur. Finge duos eſſe ludimagiſtros, unum ſeuerum, alterum remiſſum: pueri certè alterum illum ſibi deligent. Corruptæ naturæ uitio, illa nobis arrident, quæ prohibita ſunt, ſecundum illud Ouidij:

Cui peccare licet, peccat minus. Ipſa poteſtas

Semina nequitia languidiora facit.

Nitimur in uetitum ſemper, cupimusq; negata:

Sic interditiſ imminet æger aquis.

Et alio in loco:

Quod licet ingratum eſt, quod non licet acrius urit.

Clemens Alexandrinus dicit Pindarum Bæotium hoc loco Salomonis adiutum, dixiſſe: γλονὴ τί κλεψόμενον μέλημα ὑπέρβειλος. In coniugio mulieres conſeſſæ aliquibus uiris ſordent: prohibita uerò, magis eos delectant. Pueri magis rebus clām ſurreptis delectantur, quàm illis quas à parentibus acceperunt. Senariuſ eſt prouerbialis apud Græcos: γλνκὲ ὁ πάρα φύλακος ἐν λελοιστότος, id eſt, dulcia ſunt poma cum abeſt cuſtos. Sic cultus ille Dei nobis maximè adlubefcit, quem ipſi nobis conſinximus, quiq; correptæ & uitiatæ noſtræ naturæ eſt conſentaneus. Hunc locum explicat D. Auguſtinus tractatu in Ioannem 97. Similis ferè ſententia cap. 20. uerſu 17. ponitur.

Et ille neſcit quòd mortui ſunt ibi, & in profundis inferni inuitati eius.) Miſer ille qui purpuratæ meretricis blanditijs ſe uinci ſinit, & carnis illecebris, tandem miſerum & lamentabilem exitum ſortitur. Neſcit enim conuiuas meretricis, qui uino furoris eius inebriati ſunt, tandem in profunda tartara deturbari, ut æternũ cū impijs & ſcleratis affligantur. Vox illa Rephaim, cap. 2. & 21. cap. huius libri etiam ponitur: ſignificat gigantes, potentes, fortes, à רפאים rafah ſanauit, quòd ſani ſint & robuſti. Deinde ſignificat mortuos, deſtitutos uirib. & quib. nulla cura adhiberi poteſt, & deriuatur à uerbo רפא rafah diſſoluit, eò quod mortui diſſoluti ſunt ab omni actione uitæ. Quia uerò gigantes propter tyrānidem malè audiebant, quaſi certò damnati, ideo ſæpe pro infernalibus accipiuntur. Gigantes, Cyclopes, principes, humana ſapientia & eloquentia turgidi, qui non reſipiſcunt, tandem cum Antichriſto æternũ pèrèunt. Hoc multa ſcripturæ loca oſtendunt. 2. Theſſ. 2. 2. Pet. 2. Apoc. 18. Vnica enim uia eſt in cœlos, Ioan. 4. Vnicum oſtium, Ioan. 10. nempe Chriſtus. Quod ſi illi ſpem ſuam in Chriſtum non collocant, ſed in ſua & aliorum opera, accedentes in filium Dei atrociffimè perſequuntur, quomodo ſaluari poterunt? Hæc doctrina odioſa quidem eſt, ſed omnino neceſſaria ad conſolationem piorum. Nam ſi res ſecus habet, quomodo Antichriſtianos adhortaberis, ut à ſua perſuaſione deſiſtant? Furioſi certè fuiſſent omnes ſancti martyres, qui ab Antichriſto, propter purioris fidei conſeſſionem ſe miſerè lacerari paſſi ſunt, ſi unusquiſque in ſua religione ſeruaretur. Stulti eſſent principes & magiſtratus, totq; ſancti uiri, qui propter cauſam Euangelij tot pericula adeunt.



*An omnes qui sub Papatu sunt, damnentur.* Quæris, An igitur omnes illos qui sub Papatu degunt existimas damnari? Nequaquam. Multa enim sunt illorum hominum genera, qui in Papismo uiuunt. Quidam intelligunt negotium religionis, & proram ac puppim, ut dicunt, salutis in Christo collocant, Antichristum ex animo derestantur. Nonnulli ueritatem quidem nondum uident, sed ex simplicitate quadam, communes errores sequuntur, postea tamen diuino beneficio conuertuntur. Quidam iam morituri, se totos in misericordiam Dei coniiciunt, atq; ita saluantur, non per fidem Papisticam, sed ex mera gratia Dei per fidem in Christum. Sed quid de illis speraremus, qui scientes & uolentes Antichristo addicti sunt, & uerâ religionē propter affectus suos persequuntur?

*An maiores nostri salutem adepti sint.* Quid autem sentiendum est, inquis, de maioribus nostris, qui sub Antichristi tyrannide, antequam doctrina repurgaretur, decesserunt, num & illi damnati sunt? Respondeo, Deum in medijs tenebris Antichristi, semper suam ecclesiam habuisse. Quemadmodum temporibus Helia, quando ne unus uidebatur superesse, qui sincere Deum coleret, Deus 7000. relictos dicit, qui genu suum Baali non flexerint. Multi fuerunt omnibus seculis, qui palam professi sunt, Papismum Christianismo aduersari. Præterea iam iam morituris symbolū fidei olim recitatum est. Piè itaq; credamus Christum, qui latronem iam animam exhalantem seruauit, tyrannide oppressorum misertū, tetigisse eorum corda, & ad se in beatas sedes transtulisse. Maiores illi nostri ex ignorantia peccarunt, non ex destinata malitia. Gratiam Euangelij ambabus manibus amplexati fuissent, si eis fuisset oblata. Hodie uerò multi in tanta luce oculos claudunt, utq; dissolutè uiuere possint & res suas augere, agnitam & manifestam ueritatem crudeliter persequuntur: quantum illos putas abesse à peccato in Spiritum sanctum? Nemo igitur præsentis seculi commodis illectus Antichristum sequatur. Quid enim prodest homini, dicit Seruator noster Matth. 16. cap. si totum mundum lucratus fuerit, animæ uerò suæ iacturam fecerit? aut quid dabit homo, cuius permutatione redimat animam suam? Subinde cogitandum est, uitam nostram celerius quàm sagittam neruo impulsam, ad terminū suum properare. Ne igitur breuē & calamitosam hanc, beatæ & sempiternū duraturæ præferamus.

## CAPVT X.

*Titulus repetitur.*



VIC capiti nouus titulus, uel noua inscriptio præfigitur: nempe PROVERBIA SALOMONIS. Non quod superiores sententiæ, non sint Salomonæ: sed propter mutatū genus orationis. Hactenus enim multis uerbis de Sapientia, timore Dei, & alijs multis rebus disputauimus: iam uerò deinceps per 21. cap. sequuntur breues, sed præclaræ & elegantes sententiæ, ex quibus non tantū colligimus, quanta sapientia Salomon instructus fuerit: sed etiam ueram sapientiam addiscimus. Homines enim cuiuscunq; ordinis, ætatis & sexus, instituit de rebus uarijs. Singuli propè uersus, peculiare sententias continent, quæ ferè duplices sunt, ex partibus contrarijs. Non igitur potest hoc caput & sequentia, ut superiora in certas partes distribui. Hebræi dicunt, hîc demum incipere Prouerbia Salomonis: quæ præcesserunt, fuisse ueluti præfationem.

**P**rima sententia de felicitate & infelicitate sobolis pronunciat.

1 Filius sapiens, lætificat patrem.

*Sapientia quid?* Filium sapientem appellat, qui parentibus obtemperat, & uerbo Dei se finit gubernari. Item qui artem aliquam bene nouit. Sapientiæ enim uocabulo scriptura utitur, non tantum ad contemplationem: sed etiam in artibus, ut de Beseleel dicitur, quod sapiens fuerit. Quod si tales filij, honore afficiantur à populo, & ad dignitates promoueat, parentes laudis sunt participes. Res quoq; omnes tutò possunt eis committere. Gaudent præterea huiusmodi liberis hæreditatem relinquere, & uidentur sibi quodammodo post obitum in eis uiuere. Si parentes pauperes sint, sperant se à talibus filijs alendos. Siracides 30. cap. de filio rectè instituto: Si obierit pater eius, perinde est quasi non obierit, ut qui similem sui reliquerit superstitem, &c. Iacobus patriarcha gaudens de filij sui Iosephi prudentia, Genes. 46. cap. inquit: Iam lætus moriar, quoniam te superstitem relinquo. Leonides pater Origenis, qui puer magna ingenij specimina dabat, sobolis huius felicitate se beatum iudicauit, ut scribit Euseb. histor. Eccles. 6. lib. cap. 3. Quæ de filijs dicuntur, de filiabus etiam intelligenda sunt. Similis uersus apud Græcos extat:

ὁ δὲ πατριάρχης τὸν ἱερὸν υἱὸν ἐχάρη.

Ex opposito nunc dicit:

Filius



**Filius stultus mœror est matri suæ.**

Filius stultus qui parentibus non obsequitur, uel alioqui ad res gerendas ineptus est, quique uerbum Dei non obseruat, mœrore afficit matrem suam. Nam stulticia eius ad parentum dedecus redundat. Matris præcipuè facit mentionem, quia matres, in quorum oculis stolidi illi subinde uersantur (inepti enim sunt ad expedienda foris negocia) uehementius dolent. Quemadmodum autem, non maiora gaudia pijs parentibus in hac uita obtingere possunt, quam si filios pietate & uirtute præstantes habeant: ita etiam ex nulla re maiores cruciatus sentiunt: quam si filij expectationem & spem ipsorum fallant. Exempla huius rei sunt, primi nostri parentes, Noe, Isaacus, Iacobus, Heli, Samuel, Dauid, Iosias rex, qui liberos habuerunt, uotis eorum non respondentes. Nostra ætate abundamus illorum filiorum exemplis, qui conceptam de ipsis parentum & cognatorum spem, turpiter fallunt.

Discunt hinc parentes filios suos rectè educare. Permultum enim refert, ut si in senectâ o- Parentes fi-  
lios suos re-  
ctè educare  
debent. ptatos gaudiorum fructus ex ipsis percipere uolunt, eos rectè instituunt, suumq; officium nō negligant. Quod non solum in hoc consistit, ut pueris uictum & amictum præbeant, eosque defendant: sed in hoc potissimum, ut eos erudiant & castigent.

Porro statim à primâ ætate erudiendi sunt in religione, quæ sua habet elementa: accrescente ætate, perfectior institutio requiritur. Exigendæ sunt à pueris conciones. Mittendi sunt in scholas, ubi cum literis etiam pietatem discant. Docendi sunt uirtutes, quales sunt Temperantia, Veritas, Taciturnitas, Castitas. Reuocandi à uitijs, Mendacio, Prodigalitate, Furtis, &c. Eruditio in morum quoq; ciuilitate posita est, ut domi & foris, in mensa, cubiculo, templo & alibi rectè se gerant. Docendi etiam sunt artes honestas: puellæ doceantur nere, texere. Puerorum ingenijs exploratis, si ad literas, uel artificium aliquod sunt nati, ne eis desis. Nobiles uerò sua etiam exercitia habeant. Quàm hoc sit utile, sapiens ille Bias, cuius meminit Valerius Maximus, & Dionysius tyrannus satis ostendunt.

Non autem satis est uerbis docere, sed exemplo uitæ. Caue ne quid ex te audiant uel uideant, quod eos possit offendere. Simiarum enim habent ingenium, imitantur quæ uident, discuntque uitia, priusquàm uitia esse intelligant. Quid apud adultos possit exemplum, omnes scimus.

Secundo loco correptio etiam requiritur: quæ partim in uerbis, partim in uerberibus Castigatio  
liberorum. consistit. Vbi ingenij puerorum rationem habere conuenit. Quod si ab alijs ueluti cognatis, affinibus, uel uicinis castigentur, non iniquo animo feramus. Præcipuè uerò matres, quæ subinde cum filijs uersantur, eos erudiant. Ecclesiastici 30. legitur: Qui filium suum castigat, fruetur filio, & inter nobiles eo gloriabitur.

Hæc si parètes faciât, liberos habebût, qui nō modò ipsis, sed toti Reipub. ornamento erût: sin uerò nec ipsi liberos erudiât, nec alijs erudiendos tradant, quin potius contemptû Dei, magistratuum, concionatorû, partim uerbis, partim uitæ exêplo ipsis instillent, & circa opes conceruandas tantum occupentur, quos fructus in senectute ex liberis quæso perciperent? Tales certè parentibus non modò damno & dedecori sunt, sed & rebus pub. perniciosi.

Ethnici quoq; mirati sunt illam parentum stulticiam, quòd tam studiosè opes liberis colligunt, interim tamen non dant operam, ut liberi tales sint, qui opibus rectè uti possint. Thesaurus diligenter custodiunt, liberorum nullam habent rationem, qui preciosissimus sunt thesaurus. Cum Cápana quædam nobilis matrona Romam uenisset, & Corneliæ Gracchi leuissimæ fœminæ hospitio uteretur, omnem suum mundum muliebrem ei inspiciendum dedit, rogans ut uicissim sua ornamenta & thesauros ei contemplari liceret. Cornelia pueros suos è schola reuersos produxit, inquires, Hi mihi unici sunt thesauri.

Licet autem parentes interdum in educandis liberis nullum laborem recusent, liberi tamen flagitiosi euadunt. Idque has ob causas Deus sinit euenire, ne nostræ institutioni, aut carnali propagationi nimium tribuamus, ne ue spem nostram, quæ in solo Deo ponenda est, in liberos collocemus. Contemptum quoque matrimonij, hoc modo Deus interdum ulciscitur. Sunt præterea aliæ causæ huius rei, quemadmodum aliarum quoq; afflictionum. Plerunq; tamen liberi, qui sanctè instituuntur, parentum uotis respondent. Porro si parentes in excolendis suis liberis nihil prætermiserunt, liberi autem suum officium non faciant, minus postea illorum infelicitate perturbantur. Bene enim sibi conscij sunt, sciunt sua, non parentum culpa liberos tales euasisse.

Deinde liberi ex hac sententia discunt sua officia erga parentes: quæ tria sunt præcipuè. Liberorum  
officium. Primum est, amare & reuereri parentes, non externis tantum symbolis, cedendo uiam, aperiendo caput: sed ex animo magnificando & suspiciendo ipsos, etsi coram mundo uiles sint & abiecti. Hinc sequitur secundum, quod est Obedire. Illis enim, quos ueneramur



& suspicimus, libenter obtemperamus. Obedientia autem illa ad res honestas tantum astringitur. Tertium officium est opitulari, seu *ἀντιπελαγῆν*.

Si hæc non fecerint filij, sed parentes suos contemnentes, contra uoluntatem ipsorum matrimonia contrahant, & pro suo arbitratu agant, neq; manum eis porrigant, eos in magnum mœrorem conijciunt. Et si autem parentes nostri morosi & queruli sint, cogitandum tamen est quales nos fuerimus, quidq; si in idem uitium incidamus, accrescentibus annis, à nostris liberis expectemus. Mandatum Dei, promissiones & comminationes, item exempla in oculis habere oportet. Grauius peccant illi qui parentes suos dedita opera in mœrorem conijciunt: quantum enim à parricidio abesse putas? Et si autem, quod Deum attinet, parentes tui hoc promeriti sint, tamen quod te attinet, merentur ut honore & uoluptate eos afficias. Potest hæc sententia etiam spiritualibus parentibus & liberis accommodari. Ioan. in Epistola 3. dicit, Maius his nō habeo gaudium, quàm ut audiam filios meos in ueritate ambulare, &c.

Quia uerò parentes, præcipuè qui multos liberos habent, coaceruandis opibus student, omniaq; feliciter confecta existimant, si magnos thesauros, etiam per fas & nefas congestos, liberis relinquunt, addit præclaram sententiam:

## 2 Non profunt thesauri impietatis.

De diuitijs  
colligendis.

Thesaurum impietatis uocat, malis artibus quæsitum. *ψυ* rascha impietas, iniquitas, improbitas, seditio: sæpe opponitur iusticiæ. Comprehenduntur autem hic omnes modi, quibus contra ius & fas aliena acquiruntur. Potest etiam hæc gnome intelligi de opibus iustæ partis, eò quod sint materia & occasio multorum uitiorum. Sic Christus Luc. 16. Mammona iniquitatis uocat. Prudentibus sunt materia uirtutum, ex ipsis opera pietatis exercent. Non profunt.) *ψυ* iaal significat prodesse, utile esse: nullam utilitatem afferunt.

Quid audio, inquis, An non diuitiæ ad omnes uitæ partes plurimum profunt? Diuites in maximo sunt precio. Rectè dicit ille,

” Et genus & formam regina pecunia donat.

Quomodo igitur non profunt? Id mox contrario membro explicatur: Non eripiunt à morte, uel non profunt, scilicet ad salutem. Regula enim est, peccatum non remitti, nisi ablatum restituitur. Nam illum qui contra conscientiam furto ablatum retinet, dicunt non habere ueram cōtritionem, nec abijcere propositum peccandi.

Diuites non raro putant, neq; Dei neq; hominum præsidio sibi opus esse: eò quod contra omnem fortunam satis sint muniti: si sit fames, magno precio sua uendi: si sit bellum, pecunia uitam ab hoste redimi: si pestis grassetur, sumptus suppetere, ut in loca tutiora cōfugiant. Iudices quoq; corrumpi posse, ut à morte liberent, quem mori leges iubent. Verum est, si uult hæc interdum. At mors non flectitur ullis precibus, nulla pecunia quantumuis ingenti corumpitur. Vnde Horatius dicit lib. 10. Ode 4.

Mors nemi  
ni parit.

” Pallida mors æquo pulsat pede pauperum tabernas

” Regumq; turres. Idem libro 2. epist.

” Sic quia perpetuus nulli datur usus, & hæres

” Hæredem alterius, uelut unda superuenit undam:

” Quid uici profunt? aut horrea? quid ue Calabris

” Saltibus adiecti Lucani: si metit Orcus

” Grandia cum paruis, non exorabilis auro?

Claudianus lib. 2. de raptu Proserp.

” Sub tua purpurei ueniunt uestigia reges

” Deposito luxu, turba cum paupere mixti:

” Omnia mors æquat. Et alius quispiam:

” Mors dominum seruo, mors sceptrum ligonibus æquat. Sophocles dicit:

” *ὅταν γὰρ ὁ ἀνὴρ τῆ θανάτου ἐλθὼν τύχῃ*

” *ἢ δὲ αὖ πρὸς αὐτὰς ψυχὴς ἐκφυγῇ μολῶν.* Id est,

Vbi tempus mortis aduenerit, ne ad Iouis quidē uestibula perueniens effugeret aliquis. Eleganter Æschylus scribit apud Stob.

” *μόνος θεῶν γὰρ θάνατος ἔσθ' ἀνθρώπων ὄψις*

” *ἔτ' αὖ τι θύων, ἔτ' ἐπιστάσθ' ἄνθρωποι*

” *ἔσθ' αὖτις ἐστίν, &c.* Id est,

Mors enim sola deum non amat munera, nec ullus ei sacrificat, aut libat in templis. Nullam habet aram, &c. Omitto infinita alia. Non igitur profunt opes aduentante morte temporali, sed eam potius exasperant. Neq; redimunt nos à morte æterna, diabolo, inferno: Solus Christi sanguis est nostra redemptio. Zephon. 1. Aurum & argentum eorum non eripiet eos in die iræ.



iræ: Deum iustū iudicem nō placant opes, sed iram eius potius incendūt, tanquam scelerum testes. Quid profuerunt diuiti illi diuitiæ qui pauonis instar uestitus erat, qui palatia extruxerat, & quotidie splendide epulabatur? Quid illi qui granaria sua & cellas uinarias distendebat, & miseræ animulæ multos annos, rerumq; omnium affluentiam promittebat?

Disce quomodo parandæ sint opes ad conseruationem familiæ. Non enim parum refert, quibus modis & uijs opes colligantur. Iniurijs proximorum parandæ non sunt: huiusmodi enim facultates conscientiam turbant, & maculam inurunt. Præstat mediotres opes liberis relinquere honestè, quàm ingentes scelere partas. Hoc etiam Ethnici uiderunt. Heliodus dicit:

Μη μὴ ἀνὰ περιδείναι, μὴ ἀνὰ περίδρα ἰσθ᾽ ἄνθρωποι.

Χρῆματα δ' ἔχ' ἀρπαγὰς, θεός ποτα πόρον ἀμάρτυς, &c.

Solon dicebat, Diuitias habere quidem cupio, per iniuriam uerò comparare nolim, sequitur enim mox supplicium.

Iusticia autem liberat à morte.

Si suū cuiq; tribuas, non est tibi metuendum à gladio boni magistratus. Magistratus enim minister Dei est in bonum innocentibus. Deinde fidei iusticia, liberat ab æterna morte. Iudæi eleemosynam צדקה zadikah à iusticia nominant, eò quod æquum & iustum sit, eum, qui potest, eleemosynam dare. Quomodo autem illa à morte eripere dicatur, alibi explicabitur. Hæc sententia capite undecimo, uersu quarto repetitur.

Iam quia dici potest, Vnde habebō uitæ necessaria? Opus est facultatibus ad alendam familiam, subiicit:

3 Non permittit Dominus esurire animam iusti.

Hæc gnome dulcissimā consolationem contra tentationē de uictu cōtinet. Vix aut maior Tentatio est tētatio. Semper enim ueremur, ne fame pereamus: & quātō morti sumus uiciniores, tantō magis hac cura tangimur. Augēt in nobis hoc malum, peruersa mūdi studia, & impia prouerbia, quæ circūfert de parandis diuitijs per fas & nefas. Nisi uerò repugnemus huic tētationi, ad impias uias cōuertimur, quib. uictum paremus, & in magna scelera ruimus, in furta, rapinas, latrocinia, sacrilegia, prodiciones: multi relinquūt uxores & liberos, atq; in desperationē interdum incidunt. Hæc igitur sententia, & aliæ similes, diligēter expēdendæ sunt, ut contra periculossimā tentationē, conscientias muniamus. Anima iusti.) Hoc est, iustus, partem ponit pro toto, per synecdocham Hebræis familiarem. Sic Paulus Rom. 13. Omnem animam superioribus potestatibus iubet esse subditam. Iustus autem quis dicitur, cū in conspectu Dei nullus iustus sit? Si iniquitatem obseruaueris Domine, quis sustinebit? Iustum uocat, qui fiduciam suam in Deo ponit, qui scit se ab eō seruari ac gubernari, suamq; uocationem sectatur, qui, ut Christus dicit, Regnum Dei quærit, eiusq; iusticiam, &c.

Non faciet perire fame.) Tametsi ei non conferat ingentes opes, non exquisitas delicias, tamen dabit ei quantum satis erit. Nisi utilius sit eum famem pati, nempe ut constantiam eius declaret, quando mauult famem pati, quàm à uera doctrina deficere. Deinde ut magis intelligat, copiam rerum donum esse Dei, eamq; ardentioribus uotis petat. Sicipse David fame compulsus, panes propositionis comedit: & ad Nabalem Carmelum misit pro cibis. Apostoli præ fame spicas fricantes, sabbato comederunt. Paulus 1. Cor. 4. & 2. Cor. 11. dicit se famem, sitim & nuditatem pertulisse. Ad Hebræos 11. capite scribitur, Quod per fidem multi destituti, afflicti, pressi in desertis, montibus & speluncis terræ oberrarint. Aliqui martyres in carcere fame necati sunt, quin ipse Christus, plus semel esuriit. Sed si Deus non suppeditet corpori necessaria, suis præstantiora concedit, fidem, spem, charitatem, patientiam. Satan uerò suspicionem nobis iniicit, Deum nobis malè uelle, qui nos fame affligat. Quomodo credis, inquit, Deum tibi daturum æterna, cum ad uictum tibi necessaria inuideat? Sic Christum occasione famis adoratus est. Tametsi igitur Deus nos fame affligat, uel etiam necet, non est desperandum.

Huc referendi sunt alij loci scripturæ, qui ostendunt nihil illis ad corporis conseruationem defuturum, qui spem suam in Domino collocant, & toti ab eius prouidentia dependent. Psal. 37. Junior fui & senui, & non uidi iustum derelictum, nec semen eius quærens pariem. Psal. 104. Omnia animalia in te sperant, ut des eis escam in tēpore suo. Te dāt eis, colligunt, & aperiente manum tuā, satiantur bono. Te abscondente faciem tuam, conturbantur. Cum colligis spiritum eorum deficiunt, & in puluerem suum reuertuntur, &c. Psalmo 147. dicitur, Dominum dare iumentis cibum suum, atque pullis coruorum quando clamant. Psalmo 33. Ecce oculus Domini est super timentes eum, ut nutriat eos in fame.



Christus uerus Dauid, Matthæi 6. Ne sitis, inquit, solliciti uitæ uestræ, quid esuri sitis, aut bibitori: neq; corpori uestro, quibus indumentis usuri, &c. Adfert multa argumenta: primum est, Qui dat maius, minus non negabit: sed Deus etiam non cogitantibus dedit animam & corpus: non igitur negabit uictum & amictum. Quia uero aliquis dicere poterat, Dedit maiora, uultut minora nostra industria comparemus, addit alterum argumentum: Qui minora alit, maiora non negligit, sed Deus alit bruta animalia omnia: non igitur negliget hominem, cuius gratia illa sunt condita. Addit, gentes hæc curare, qui de prouidentia Dei nihil aut parum norunt: sed temere omnia fursus & deorsus misceri arbitrantur. De uestitu seorsim agit. Non autem prohibet moderatam curam, sed nimiam illam, quæ ex diffidentia oritur.

Deus promissionem suam exemplis confirmat.

Porro Deus non modò uerbis necessaria nobis promittit, sed multis exemplis ceu sigillis ueritatem promissionum suarum confirmat. Audiamus quædam priuata & quædam publica. Moysen quadraginta diebus & totidem noctibus, occulta sua uirtute conseruauit. Heliam ad torrentem Carith, in solitudine ministerio coruorum mane & uesperis panem & carnes afferentium, cibauit. Ut declararet seruis Dei, postulante necessitate omnia inseruire, uel ipsa animalia, quæ etiam humanis carnibus uescuntur. Postea ad uiduam Sareptanam missum, cibauit unà cum hospita, quam multis fame pereuntibus per miraculum aluit. Quod exemplum præcipuè ad uiduarum consolationem pertinet. Mox cum Isabelem fugeret, in deserto ab angelo cibum & potum accepit: in cuius uirtute quadraginta diebus & noctibus ad montem Oreb profectus est. Jeremiæ cibum ministrarunt hostes. Possent etiam commemorari quos Deus absq; cibo & potu longo tempore miraculosè conseruauit.

Videamus nunc publica. Deus populum Israeliticum quæ euocauerat in desertum, ambulante in uocatione sua cibauit, ubi caro nullam cibandi ratione excogitare potuisset. Samaritanos qui iussu prophetæ, dedere se regi Syriæ nolebant, fame pressos, præter expectatione liberauit. In nouo Testamento Christus populum in deserto aluit. Matth. 14. quinq; panibus & duobus pisciculis, ingentem hominum multitudinem paut. Matth. 15. septem panibus & paucis pisciculis, quatuor ferè mille cibauit, & septem cophini fragmentorum sublatis sunt. Idem hodie fieri, multi in seipsis experiuntur. Non igitur deest pijs Deus, sed dat eis necessaria.

Fames animæ.

Potest etiam hic locus ad hunc modum exponi: Non patietur Deus, ut anima iusti fame laboret.) Fames animæ dicitur, quando consolatione uerbi Dei destituitur: de qua in Amos legitur. Etsi enim Deus suos aliquando ad tempus tentari sinat, non tamen perdit eos. Idem de alijs periculis intelligendum est.

**Insidias (uel peruersitatem) impiorum expellet.**

non haiah, Contritio, calamitas, perditio, malitia, prauitas: ut sit sensus, Deus, propter prauitatem & impietatem quam fecerunt, impios expellet. Alij intelligunt, opes aliorum oppressione collectas: & sic interpretantur, Pellet Dominus impios à bonis quæ opprimendo alios cum ularunt. Vel, insidias quas alijs tendunt propellet, in eorum caput retorquebit.

Cæterum ne quis ex his quæ paulò antè dicta sunt colligat, Non esse laborandum, sed abijciendam curam domesticam, & expectandum donec, ut prouerbio Teutonico dicitur, assa columba per aera ad nos perferatur: addit sententiam de labore.

**4 Pauperem facit manus remissa uel fraudulenta.**

Qui ocio deditus est, nihil acquirere. Potest etiam legi, Qui operatur dolosa manu, egens est.) Ratio enim feliciter cadit fraus. Exemplum habes in Iacobo & socero eius Labano.

**Et manus sedulorum ditabit eos.**

Scilicet opificum, agricolarum aliorumq; hominum, qui non ocio torpent, sed sedulè & fideliter, uel sibi uel alijs laborant, & Deum reuerentur, ditescunt: nempe si hoc ad gloriam Dei faciat, & ipsis salutare sit. Nam, ut paulò antè uidimus, rerum corporalium promissiones, suas habent exceptiones. Quod si laborare non possis, rursus respicito Deum, qui cibum præbet omnibus animantibus. Sunt autem omnia suo ordine, & tempore agenda: stercorandi agri, putandæ uites, plantandæ arbores, &c. Ideo sequitur:

**5 Qui prudens est, colligit æstate.**

Spirituales diuitiæ.

Occasio locorum & temporum in rebus agendis, non est negligenda, maturè paranda sunt ad usum domesticum necessaria. Hyeme frustra quærentur fruges in agris. Tempore sanitatis, iuuentutis, dum uires sunt integræ, laborandum est: id quod formicæ exemplo suprà docuit. Græci dicunt ποιεῖν τι δὲ ὁ θεὸς γόνυ χλωρόν. Item, ὁ χρόνος ἀριστοῦ πόνου τῷ γόνυ, id est, optimum obsonium senectuti labor. Hæc sententia etiā ad res altiores debet accommodari. Studiosi bonarum literarum, non sinant tempus sibi perire: sed dum uiuret ætas uiaticum pa-

rent



rent senectuti. Dū tempus est operemur bonum, secundum doctrinam Apostoli. Nisi æstate laborauerimus, hoc est, tempore gratiæ, in tristi hyeme frustra laborabimus. Inepti sunt illi, qui pro defunctis, ut eos ex tormentis liberent, multa fatagunt. Nota est similitudo decem uirginum, Matth. 25. cap. Adhæc non semper erit prospera fortuna: muniendus est ergo animus locis sacre scripturæ, quo fortunam aduersam possimus contemnere. Huc pertinet Hesiodium illud:

*in ætæ θεος ἐοικέναι, ποικίλ' αὖ ναιάας.*

Idem præcipit, ut tempore messis summo mane surgamus, & fructum colligamus, ne niſus nobis desit.

**Qui in messe stertit, filius est confundens.**

Se scilicet & parentes. Qui occasionem sibi ex manibus elabi sinit, frustra postea ingemiscet. Hæc sententia inuerti potest, Qui æstate colligit, prudens est, &c. Repete plura ex cap. 6.

**6 Benedictiones sunt super caput iusti.**

Dominus illum, qui suam spem in ipsum collocat, quicquid ius suum cuique reddit, & liberalis est in pauperes, fortunabit, augebitque eius bona spiritualia & corporalia. Caput pro toto homine ponit per synecdochen. Homines etiam benedicent ei, id est, bene & honestè de eo loquentur, & eius beneficia in pauperes prædicabunt.

**Os impiorum operiet uolentia.**

Hoc est, ipsos impios, quorum os crapulæ & ebrietati ac colloquijs malis seruiuit (ut sit synecdoche) probro afficiet Deus. Sic David queritur Psalmo 69, Propter te sustinui opprobrium, & operuit ignominia faciem meam. Vel, *Os impiorum operiet uolentiam.* Id est, tegunt uerbis sua scelera, uolunt pro iustis haberi: quicquid agant semper suas habent excusationes & colores. Pijs quoque amoris & beneuolentiæ specie insidiantur. Sic Cain crudele odium aduersus fratrem oratione blanda, & simulatione fraterni amoris texit, ut nihil sibi metuentem facilius opprimeret. Latrones aliquando se simplicibus coniunxerunt, atque multa familiariter de uera religione & uitæ honestate cum eis loquenti, postea incautos & nihil mali suspicantes iugularunt. Vers. 11. hæc sententia repetitur.

**7 Memoria iusti erit in benedictione.**

Sensus est: Nomen iusti erit celebre & gloriosum. Sic Psalmo 112. dicitur, In memoria æterna erit iustus. Semper enim aliqui erunt, qui iustorum fidem & uirtutes, ipsis adhuc uiuentibus prædicabunt. Plerumque uero post eorum obitum demum apparet, quales fuerint. secundum illud:

Pascitur in uiuis liuor, post fata quiescit.

Horatius Ode. 24. lib. 3.

Virtutem incolumem odimus: sublatam ex oculis

Quærimus inuidi. Propert. lib. 3. eclog. 1.

Omnia post obitum fingit maiora uetustas,

Maius ab exequijs nomen in ora uenit.

Hodie multi celebrantur, qui cum uiuerent, tanquam pestes orbis habiti sunt. Prophetæ, Apostoli, Martyres cum uiuerent, infames erant & plerisque exosi: sed Deus sæpe ad sepulchra stupendis miraculis, innocentiam eorum asseruit. Hodie etiam ab illis magnifunt, qui fidem & doctrinam eorum ferre omnino non possunt. Et quanquam multorum martyrum nomina obliuione sepulta sint apud homines: scripta tamè sunt in lib. uitæ. Multi quoque pij & de ecclesia optimè meriti uiri, in hoc mundo non habent celebre nomen: sed hæretici, seditiosi, rebelles, apostatæ nominantur. Sunt quidem nunc filij Dei, 1. Ioan. 3. sed nondum apparet eorum gloria. Veniet autem tempus, quando impij liquidò cernent, illos esse amicos Dei, suamque stulticiam accusabunt, quod eos odio habuerint. Sapientie cap. 4. Pij quidem nō ideo bene operantur, ut celebres & illustres fiant, sed quia Deus ita uultrattamen sponte uirtutem honesta fama comitatur. Complures apud gentiles præclara facinora in pace & bello ediderunt, ut sibi immortale nomen compararent: sed sancti aliud agentes, celebres fiunt in ecclesia. Solentur ista nos contra iniqua mundi iudicia, & morsus improborum. Asseret etiam in hoc seculo, si necesse sit, nostram innocentiam Deus.

**Impiorum nomen purefcet.**

Id est, fama & memoria impiorum paulatim interibit. Metaph. ducta à plantis, uel à carnib. Arbores quæ nunc uiuent, tandem computrescunt. Carnes item, nisi salem adhibeas, putrescunt & fetore suo nares offendunt. Ita impij, ad tempus florent diuitijs, amicitijs, potentia, gloria, sed tandem marcescent, Multi saluantur diui, Christianissimi, defensores fidei, san-

Vera gloria.

cc

cc

cc

cc

cc

Liuor mortis cessat.

Gloria impiorum perit.



atissimi, uicarij Christi, successores Apostolorum, columnæ & candelabra ecclesiæ: sed ex uerbo Dei multi intelligunt qui nam sint, & in nouissimo iudicio omnibus palam constabit. Erigunt titulos, columnas ædificant splendide, ut sibi immortale nomen comparent: sed obliteratur eorum memoria: uel certè maledicta est ipsorum memoria. Notum quidem est nomen Caini, Pharaonis, Saulis, Senacheribi, Antiochi, Herodorum, Romanorum Imperatorum qui ecclesiam afflixerunt: sed quid quæso de illis dicitur? Etsi impij ad tempus tantum non ab omnibus adorentur, tamen uenient uices. Nemo est qui hodie non eligeret illorum sortem, quos ipsi oppresserunt. Credendum est multos à pontificijs relatos esse in diuorum numerum, quorum animæ à satana affligantur æternis tormentis. Psalm. 15. dicitur, Impiorum memoria cum sonitu perire. Vide etiam Psal. 34. Iob. 13. Memoria uestra cōparabitur cineri. Isa. 26. Tyrāni non resurgēt, quia exterminasti eos, atq; p didisti omnē memoriā

### 8 Qui sapiens est corde, præcepta recipiet.

(eorum.

Homo sapiens corde, hoc est cordatus (uel cor coniungit cum præceptis) suscipit præcepta corde, non ore tantum. Non contemnit mandata Dei, parentum, & illorum qui loco parentum sunt, atq; omnium qui honesta præcipiunt: sed ueluti oracula quædam suscipit. Quin ex brutis animalibus, officium suum discere non erubescit.

### Stultus labijs impinget (uel uapulabit.)

Quos infrene habent, puniuntur.

Hoc membrum repetitur uersu 10. Stultus labijs dicitur, qui temerè loquitur: qui mauult bonum amicum, quàm uerbum perdere: qui non cogitat, illos, qui loqui nesciunt, ornare silentium: qui non expendit quid, ubi, coram quibus, quomodo & quare loquatur. **ל** labathi est (ut annotat Santes) secundum R. David, peruertere, impingere: & secundum R. Ioseph Kimhi, festinare, claudicare. Sensus igitur est, *Stultus labijs, peruersus efficitur, aut impinget, corruet, festinabit, claudicabit.* Id est, non diu cogitabit ut intelligat & consyderet, quid faciat uel loquatur. Aut, claudicabit in duas cogitationes, in his quæ in mandatis accipit, anceps & perplexus erit, ignorabit quid sibi faciendum sit. R. Sal. exponit, *laborabit, fatigabitur.* R. Himmanuel, *puniatur, seu cadet.* s. in pœnam, eò quòd non accommodauit se præceptis. Qui sensus ualde congruit. Nam quia stultus labijs, præceptis parentum de frenanda lingua non obtemperat, dicet, propter quæ in magnum discrimen se coniiciet. Qui enim quicquid in buccam uenerit, temerè effutit, conciliant sibi magnam inuidiam, interdum cæduntur ab alijs, trahuntur ad tribunalia, adiguntur ad palinodiam, sæpe supplicio capitali afficiuntur. Doctores falsi, qui loco uerbi Dei, plebi stultas fabulas inculcant, præcipuè pœnas dabunt.

### 9 Qui ambulat in integritate, ambulabit in confidentia.

Securitas piorum.

Homo integer, incorruptus, qui fide uera præditus est, & citra dolum cum proximo agit, quique alteri facit, quod sibi uellet fieri: ambulat tuto, conscientiam habet pacatam & tranquillam. Scit enim pios curæ esse Deo, & eis omnia in bonum cedere: cum Dauide dicit, Dominus protector uitæ meæ, à quo trepidabo? Psalm. 26. In consyderatione diuinæ prouidentiae, tanquam in portu suauissimè conquiescit: non metuens hominum iras. Econtrà impij, qui spem suam in externa collocant, si quando res non ex ipsorum sententia cadant, misere turbantur: metuunt etiam ne homines mala ipsorum consilia resciscant.

Astinia simplicitas.

Hac sententia hodie quidam abutuntur. *Qui simpliciter ambulat, inquit, tuto ambulat.* sic enim habet uetus translatio. Hoc est, Qui ignarus est sacrarum literarum, quiq; se à suo pastore duci patitur. Ut idem sit simpliciter ambulare, atq; clausis oculis ambulare, nescire sacras literas, & cuius stulto temerè credere. Hoc autem quærunt, ut ab ore ipsorum pendent, fallere & in crasis erroribus detinere possint. Deus qui intellectu nos ornauit, non uult ut stupidi & socordes simus, & à quouis uento doctrinæ circumferamur. Quando simplicitatem à nobis requirit, de animi integritate loquitur: non damnat iudicium, quo lupos à ueris pastoribus, mala à bonis discernimus. Osee 4. legitur, Quia tu repulisti scientiam, & ego te repellam. Eccles. 13. & 19, Ne credas omni uerbo: & Qui citò credit leuis est corde. In 1. ad Cor. præcipitur, ne pueri simus sensibus. Ephes. 5, Non quasi insipientes, sed sapientes, &c. 1. Thes. 5, Omnia probate, & quod bonum est tenete. D. Ioan. in 1. epist. 4. cap. iubet nos probare spiritus, an ex Deo sint. Non uult ut omnes doctrinas promiscuè amplectamur, & quibuslibet etiam fabulis aurem præbeamus. D. Chrysost. in cap. Ioan. 1. homil. 17. scribens, illis qui uarias quæstiones mouebant, respondendum esse: tandem concludens dicit, Si illi ut contra nostrā religionem loquerentur, tantopere uigilarunt: qua nos uenia digni sumus, nisi huiusmodi contra nos insultus propulsare calleamus? Hoc nobis Petrus præcipit in 1. cap. 3. inquit enim: Parati semper ad satisfactionem omni poscenti rationem, de ea quæ in nobis est spe. Et Paulus ad Colos. 3. Verbum Christi habiter in uobis abundanter. Sed quid



quid adhuc respondent fucis stultiores? Benedicta omnis anima simplex: & qui simplicitate ambulat, bene ambulat. Hoc namque omnium malorum causa est, quod non multa scripturarum testimonia in opportunis rebus sciunt adducere. Non enim hoc loco simplex pro stulto, & pro eo, qui nihil nouit, intelligendus est: sed pro non malo, non uersuto. Nam si ita intelligeretur, superuacaneum fuisset dicere: Estote prudentes sicut serpentes, & simplices sicut columbae. Hæc ille.

Qui uias suas peruertit (uel obliquat) cognoscetur (uel conteretur.)

Impij qui non recta uia incedunt, hoc est, qui non omnes actiones suas instituunt iuxta uerbum Dei: & hypocritæ qui sese torquent, & in omnes formas uertunt, ut pietati fauere uideantur: item qui dolis utuntur contra proximos suos, non semper latebunt, sed aliquando, quales sint, palam fiet. Nihil occultum est, quod non reueletur, Matthæi 10. 1. Corint. 4. Qui in occulto peccat, publicè iudicabitur. Multi liberius peccant, quod absque testibus peccant: sed Deum non fallent, qui scelera eorum uel hoc tempore, uel in nouissimo iudicio, nisi poenitentiam agant, in lucem proferet. Quot scelera mirabili indicio deprehensa sunt? Achan in libro Iosue, & Ionas fortibus produntur, &c.

10 Qui annuit oculis, dabit dolorem.

Hanc gnomen ita intelligunt, Qui proximum suum nutibus oculorum despicit ac deridet, sibi & alijs dabit dolorem. Vel, qui alios nutibus oculorum ad scelera sollicitat (oculis enim signa damus) ueluti qui uxori alterius signa impuditiæ compressione uel motu oculorum ostendit, dabit dolorem, id est, poena afficietur: uiro quoque, cuius uxorem prouocat, & alijs, dolorem afferet. Isaïa 3. filiabus Israelitarum obijcitur, quod nutibus oculorum eant, hoc est, quod superbæ sint & procaces. Oculi præsertim in mulieribus salaces esse non debent, sed pudici, de quo aliàs plura dixi.

Stultus autem labijs punietur.

Hanc sententiam uersu 8. habuimus. Qui temerè quiduis loquitur, cogitur uicissim multa audire. Qui quæ uult dicit, quæ non uult audiet. Non autem stultus labijs dicendus est, qui illa, quæ ratione officij tenetur dicere, liberè dicit. Aliqui ita intelligunt, Labijs punietur, s. illorum qui damnant eum.

11 Vena uitæ os iusti.

Quemadmodum aquæ scaturigo uel fons, non tantum pagi aut oppidi alicuius ornamentum existit: sed magnam quoque utilitatem hominibus præbet (omnes enim aquam ex eo ad uarios usus haurire possunt) ita os hominis iusti & prudentis, maximas utilitates ad omnes uitæ partes affert. Nam ex ore eius non nisi pia & sancta effluunt, quæ ad uitam animæ & corporis tendunt. In ecclesia quantum sit habere bonos pastores, qui uerba uitæ hausta ex purissimis fontibus Apostolicarum literarum hominibus proponant, eos corripiant & consolentur, omnes norunt. In Republica tempore pacis & belli, tales homines non modò honorem, sed utilitatem afferunt omnibus ciuibus: ius dicunt ex bonis legibus, scelera opprimunt, consulunt multis, non priuatis, sed publicis commodis student, &c. In economia quoque tales homines, liberos & seruos in officio continent. Econtrariò inferri potest, Vena mortis os impij. Falsi doctores neglectis fontibus, ministrant populo quæ hauserunt ex lacunis non solum ruderibus & stercorebus impletis, sed etiam uenenis infectis, &c. Vide cap. 25. uers. 26.

Os impiorum operit iniuriam.

Recurre ad uersum 6. Hoc uult dicere, Impij non confitentur impietatem suam & scelera: sed ore, hoc est, uerbis tegunt & celant: pietatemque ac studium uirtutis simulant. Et si turpiter uiuunt, nolunt tamen uideri tales esse, quales sunt. Quod si factum negare non possint, tamen eleuant & defendunt, uariosque quærunt prætextus. Id uidere est idololatriæ, blasphemis, adulteris, ebrijs, &c. Aliquando ad hanc rem, oraculis sacrarum literarum & pietatis specie abutuntur. Herodes scelus suum texit titulo iusiurandi. Nec uerò sua tantum, sed aliorum quoque peccata operiunt.

Deinde os impiorum tegit uolentiam, hoc est, cum obesse uolunt, simulant uerbis se nostro honori & commodis fauere. Elegans exemplum habes Matthæi uigesimo secundo capite, ubi pharisæorum discipuli ad Christum unà cum Herodianis uenientes, ut uitæ eius insidiarentur, egregia præfatione utuntur. Quemadmodum aucupes, qui auibus insidiantur, laqueum celant (frustra enim iacitur rete ante oculos alitum, ut 1. cap. dixit.) Ita illi tegunt suum institutum. 1. Regum 20. capite Ioab dixit Amasæ, Salue mi frater, & osculando interfecit eum. Idem de Iuda proditore legimus, & de Herode, qui ad Magos dicebat de

usus bonæ  
linguæ.

Impij aliud  
clausum in  
pectore, ali  
ud præptū  
in lingua  
habent.



Christo adhuc infante: Dicite mihi, ut & ego ueniam ac adorem eum.

12 Odium excitat rixas.

*Odium querit rixandi occasione.*

Qui odio habet proximum suum, semper inueniet materiam litium. Nemo tam sanctè & religiosè uiuit, in quo non aliquid inueniat, quod reprehendat. Si quid minus rectè factum est, statim illum hoc fecisse suspicatur, quem odit. Si quid fecit in differens, ipse calumniosè in peiorem partem accipit. Si quid mali fecit, sed non malo animo, ipse pessimè interpretatur. Breuiter, undecunq; occasionem uenatur infamandi suum hostem, & quicquid probri est, in medium profert. Quin & in mortuum grassatur, & quod dici solet, cum laruis luctatur: quod quàm parum deceat, etiam gentiles uiderunt. Chilon Lacedæmonius, teste Laertio, mortuis nequaquam maledicendum esse, dicebat. Ignauum enim uideri eos, lingua incessere, qui respondere non possent. Adhæc odium, non rixas tantum & calumnias, sed etiam pugnas, atq; cædes excitat. E' contrario

Dilectio omnes prauaricationes obtegit.

Nempe quæ obtegendæ sunt, non uitia enormia, aut corruptelas ueritatis. Est enim etiam feueritati suus locus. D. Petrus in priore epistola, capite quarto, adducit hanc sententiam, dicens, Charitatem inter uos habetote uehementem. Nam charitas operiet multitudinem peccatorum. Hoc est, efficiet ut multa peccata euitentur, & si iam designata sunt, obtegit. Idem dicit Paulus 1. Corinth. 13. capite. Charitas omnia suffert, longanimis est: non indulget suspicionibus, candidè interpretatur, excusat & celat quando potest peccata proximi.

*Candor.*

Hæc uirtus æquitatis & candoris necessaria est ad omnes uitæ partes. Nisi pastores in ecclesia hac uirtute præditi sint, & unus alterius dicta & scripta commodè interpretetur, orientur maximæ turbæ. Exempla eius rei plurima suppeditant ueteres historiae, & infelicia nostra tempora. In rebus publicis nisi unus alteri cedat, nec morose suam sententiam defendat, publica tranquillitas conseruari non potest. Quanti motus ciuiles exorti sunt in Rep. Romana, dum neq; Pompeio Cæsar, nec Cæsari Pompeius cedit? In coniugijs quoq; concordia conseruari non potest, nisi maritus uxoris, & uxor mariti aliqua uitia ac infirmitates dissimulet atq; ferat. Ita in familijs in omni uitæ genere hæc uirtus magnum habet momentum. Christus non uerbis tantum, sed & exemplo suo, hanc uirtutem nobis commendauit. Nam cum Petrus interrogaret, Quoties fratri ignoscendum esset, num septies? non, sed septuagies septies, respondit. Cum iam ducendus esset ad supplicium crucis, discipulis suis pedes abluuit, &c. Ioan. 13. Discipuli quoque eius hanc uirtutem diligenter nobis inculcant. Debemus, inquit Paulus, infirmitates impotentium portare, ac non placere nobis ipsis. Item ad Gal. 6. Si præoccupatus fuerit homo in aliquo peccato, uos qui spirituales estis (hoc est, qui singularia charismata spiritus sancti accepistis) instauratione huiusmodi spiritu mansuetudinis, considerans temetipsum ne & tu tenteris. Inuicem alij aliorum onera portate, &c.

Non autem tollimus correctionem fraternam, & officium magistratuum. Distinguendum enim est inter uitia. Primum sunt næui, quos singuli habent, quosq; leges non puniunt. Quidam natura nimis sunt tristes, quidam nimis hilares, quidem segnes, quidam attentius ad rem, quidam irascuntur subito, quidam nimis sunt remissi. Ibi ferre quisque discat mores alterius. Mallemus uersari cum illis, qui his uitijs non laborarent, sed cogita te etiam cupere, ut tibi parcat. Deinde sunt iniuriæ, sed leues, ut si quis dicat te stolidum esse, modicis parentibus prognatum, uel alia tibi obijciat, quæ uel ex parte ita habent, uel quæ nemo de te credat: dissimulare hæc oportet & ferre. Mores amici noueris, non oderis. Quod si atroces sint iniuriæ, legitimo modo te defendere debes: nihilominus tamen dilectionem retinere. Magistratus sunt ministri Dei ad coercendum nefarios homines, & defendendum innocentes. Illi uero si ex legibus nefarij opprimendi sunt, in animo remittere eis debent, doloremq; suum testari, quod pœnas de huiusmodi hominibus sumere cogantur.

*Satisfactio Papistica.*

Hunc locum Papistæ ad satisfactionem suam detorquent, quasi charitatis officia cum uiuentium tum defunctorum deleant peccata: sed falsam esse hanc interpretationem membra opposita ostendunt. Nicolaus de Lyra sensum, quem nos attulimus, etiam agnoscit. Quod si operibus nostris iustificari potuissemus, Christus frustra mortem pertulisset. Deinde opera nostra manca sunt & imperfecta: etiam in renatis hæret peccatum. Non igitur nostra chari-

*Charitate Dei expiantur nostra peccata.*

tatis opera nos iustificat coram Deo. At si dicerent, Charitatem Dei, qua nos complexus dilexit mundum, ut filium suum unigenitum daret: ut omnis qui credit in eum non pereat, sed habeat uitam æternam. 1. Ioan. 4. In hoc apparuit charitas Dei in nobis, quod filium suum unigenitum misit Deus in mundum, ut uiuamus per eum. In hoc est charitas, non quod



nos dilexerimus Deum, sed quod ipse dilexerit nos, &c. Rom. 5. capite, etiam habetur insignis locus.

Sunt autem graues causæ, ob quas salutem in charitate Dei, qua nos gratuitò complexus est, positam esse dicamus. Nempe, ut Christus suo honore non spoliatur: ut animi nostri certi sint de salute: utq; Deum rectè inuocemus. Fide enim orandum, non dubitandum est: si uerò nostra opera respiceremus, desperandum nobis esset.

### 13 In labijs intelligentis, inuenitur sapientia.

Os hominis, qui noticia Dei præditus est, loquetur sapientiam, scit enim rationem esse reddendam de singulis dictis.

*Sed tergo (uel corpori) illius cui deest cor, uirga.)* Scilicet, conuenit. Stulti multa loquuntur, ob quæ baculo puniendi sunt.

### 14 Sapientes scientiam abscondent.

Bifariam hic locus intelligi potest. Sapientes celant quod sciunt, non sunt iactabundi: sed humiliter de seipsis sentiunt: stulti uerò cum nihil sciant, tamen subinde opes suas ostentant. Quemadmodum uasa quo sunt inaniora, hoc crepitant magis: ita sapientia uacui, sæpe multa de sapientia loquuntur. Sic etiam fit, ut qui pro patria se in maximum discrimen intulerunt, pauca referant de suis factis: contra uerò illi, qui nihil præclarum gesserunt, toti sunt in commemorandis suis facinoribus.

Vel sensus est, sapientes non semper, nec omnia, nec coram omnibus dicere, quæ norunt. Est enim tempus tacendi, & tempus loquendi. Christus Dominus noster Matth. 24. laudat illum seruum, qui tempore opportuno profert cibum. Suprà dixit, illusoribus sapientiam non proponendam. Qui ebrio loquitur, absenti loquitur. Præcipue autem arcana sunt reticenda. Non docetur hac sententia, sapientiam prorsus abscondendam. Absconditi enim thesauri nulla est utilitas.

Os uerò *stulti uicini contritioni (uel terrori.)* Stulti homines quicquid in buccam uenerit effutunt, quemadmodum Thersites ille Homericus: nihil igitur aliud expectare possunt, quam supplicium. Non modò ipsi, sed amici ipsorum subinde uersantur in magno metu, ne quid dixerint, quo alij læsi sint, & ipsi pœnas luant.

### 15 Opes diuitis sunt ciuitas fortitudinis eius.

Hæc sententia quam cap. 18. uersu 11. repetit, loquitur de confidentia diuitum. Quemadmodum milites, uult dicere, qui oppidum natura uel opere hominum munitum defendunt, munitionibus & armis freti, sperant se hostem repulsuros: ita illi quibus affluunt opes, se contra omnem fortunam satis munitos esse confidunt, magnosque spiritus sibi sumunt: putantes se diuitijs suis ex omnibus periculis, cum corporis tum animæ, emergere posse: sæpe eò dementiæ perueniunt, ut neq; Deum neq; homines uereantur.

Est autem non ingens tantum stulticia, sed maximum etiam peccatum, si quis spem suam, uel in munitionibus, uel opibus fluxis reponit. Munire oppida muris, aggeribus, fossis, propugnaculis (ut obiter hoc annotemus) ex se & natura sua, non est illicitum. Alia quoq; præsidia quærere, ad nostri defensionem, non est peccatum: sed spem & fiduciam in munitionibus uel armis ponere, quæ in solo Deo collocanda est. Pugnat enim cum primo præcepto decalogi. Hæc præsidia, ut non sunt contemnenda: ita nihil profunt, nisi Deus dexter nobis affulgeat. Nihil est tam munitum & firmum, quod non uno Dei flatu in nihilum redigatur. Pulchra apud Græcos apophthegmata extant, de munitione oppidorum. Vulgo quoq; dicimus, omnia quæcunq; hominum manus construunt, facile etiam diruere. Oppidorum uera præsidia sunt, si ciues religionem & iusticiam colant, liberales sint in pauperes, nulla temeraria bella moueant, &c. Nota sunt uerba Achioris ad Holofernem. Idumæis qui in montibus degebant, Deus per Abdiam prophetam exitium denunciat. Per Ieremiam denunciat suo populo, uanam esse spem illam, quod urbem Hierosolymorum contra omnem uim hostilem satis munitam sperarent. Babylon urbs munitissima, præter omnium opinionem à pastore Cyro capta est. Nostra ætate uidimus arces munitissimas expugnatas esse: urbes in quibus ceu cuniculi & talpæ homines defossi quodammodo latitabant, nemine resistente captas. Deus enim efficere potest, ut animum despondeant oppidani, & discordes fiant. Sæpe etiam hæc munitiones in oppidanorum exitium cedunt, ut præstaret muros solo æquatos esse. Vult Deus ut ipsum urbium defensorem & conseruatorem agnoscamus.

Non minus peccatum est, spem & fiduciam in opes momento perituras ponere. Deus unicum præsidium & decus nostrum esse debet. Dauid iubet, ut si opes affluunt, cor non re.



apponamus: Christus seruator noster, Marci 10. cap. non contentus asseuerasse, quòd diuites, qui fiduciam habent in suis opibus, regnum cœlorum difficulter sint ingressuri, addit quòd amplius est, esse impossibile etiam: neq; id obiter tantum, sed similitudine de Camelo declarat. D. Paulus in priore ad Corinth. mundo, liberis, uxoribus, honoribus, diuitijs & similibus uti nos iubet, tanquam non utamur. 1. Timoth. 6. Præcipit diuitibus ne elato sint animo, neq; spem ponant in diuitijs incertis, sed in Deo uiuente, utq; liberaliter eas alijs communicent. Opes fluxæ sunt & instabiles: sed finge constantes & stabiles esse, homines tamē caduci sunt & mortales.

*Paupertas meticulosos efficit.* Pauor pauperum egestas eorum.) Inopia pauperes meticulosos reddit. Norunt enim se iniurijs diuitum expositos, & desertos hominum auxilio, facile opprimi posse. Hic metus continet eos in officio, eosq; reuocat, ne multa uel dicant uel faciant, quæ alioqui dicerent uel facerent. Apud Græcos extant hi uersus:

πρὸς ἅπαντα δαλὸν ὁ πόνος ἐστὶ γὰρ.

καὶ πάντας αὐτὸς λιταφρονεῖν ὑπολαμβάνει.

Theognis quoq; dicit:

πᾶς γὰρ αὐτὸς πονεῖν δειδιμημένος ὅτε τί ἐπείρῃ

ὅθ' ἐρξαι δύνῃται, γλῶσσαι δὲ οἱ δέδεται.

Atq; hanc quoq; ob causam, ut alias afflictiones, sic etiam paupertatem suis immittit Deus, ne elati sint, sed humilientur. Fastum enim gignit opulētia, de quo cap. 1. plura annotauimus.

### 16 Opus iusti est ad uitam.

*Vsus diuitiarum.* Pij diligenter & assiduè in hunc finem laborant, ut uitæ necessaria conquirant, se ac suos alere possint, atq; pauperibus aliquid conferre, ad Eph. 4. Non student coaceruandis magnis opum cumulis. Paulus dicit, Habentes alimenta & quibus tegamur, his cōtenti simus. Nihil intulimus in mundum, nec efferre quicquam poterimus, 1. Tim. 6. Christus quoq; petere nos iussit panem quotidianum.

*Prouentus impij ad peccatum.*) Impij uerò illis quæ in agris eorum nascuntur, quæq; labore suo colligunt, non ad uitam sustentandam utuntur, sed ad peccatum. Nam uel auare retinent, & uti quæsitis non audent, inq; summa rerum affluentia esuriunt, uel prodigunt in luxuriosa conuiuia, ædificia splendida, & alia, quibus Deum hominesq; offendunt. Monitores autem non ferunt, sed auaritiā, luxum & insolentiā eorum uerbo Dei corripientibus, obmurmurāt, dicentes se opibus proprijs suo arbitratu usuros, nec curaturos quenquam. Subijcit ergo:

### 17 Semitam uitæ (tenet) qui custodit castigationem, & qui deserit castigationem, errat.

*Castigationis utilitas.* Qui regi & castigari se patitur ex uerbo Dei, ab ecclesiæ ministris, magistratibus, parentibus, præceptoribus, & alijs, ad uitam tendit: hoc est, cum in hac, tum in altera uita felix erit & beatus. Qui uerò correctionem fastidit, seq; monitore nō indigere existimat, toto cœlo errat: sentiet enim suo tandem malo quid fecerit. Quàm multi suas opes turpiter prodegerunt, & extorres facti sunt? quot capitali supplicio affecti, qui correctionem susq; deq; habuerunt? Semper itaq; cogitandum est, Deum exigere à suis seruis, ut homines castigent propter scelera, Ezech. 3. & 33. cap. Cogitandum quoq; est nos reprehensionem mereri: nobisq; utile esse, ut proni ad malum hilce quodammodo frenis reuocemur. Non propterea peccatum definit peccatum esse, si illi, qui corrigere alios debebant, suo desint officio, quemadmodum quidā falsò sibi uidentur persuasisse.

### 18 Qui celat odium labijs mendacijs, & qui conuitiū (uel infamiam) proferit, stultus est.

*Odium.* Hoc uersu duo stultorum genera ostendit, qui odio alios prosequuntur. Quidam odium quod in animis conceperunt contra proximum suum, dissimulant, uultuq; beneuolentiam præ se ferunt: interdum etiam operam suam ei promittunt, interim nihil non clam moliuntur, ut eum opprimant. Talis fuit Absalon, qui dissimulauit odium in fratrem. Hodie quoq; nihil est tam uulgare. Sunt deinde qui odium suum non dissimulant: sed ubiq; aperiunt maledictis, obreſtationibus, calumnijs: à quibus nobis melius cauere possumus. Utrosq; dicit stultos esse: accersunt enim sibi ipsi exitium. Christus non iussit fratrem errantem palam infamare & traducere, sed monere. Matth. 18. Docuit etiam nos orare: Remitte nobis debita nostra, quemadmodum & nos remittimus debentibus nobis. Si uerò optamus ut à diabolis frustulatum discerpantur, quid oramus? Hæc sententia admonet nos, ut ab huiusmodi pestibus nobis caueamus: & illos qui odio flagrant, ut cum suis proximis in gratiam redeant.



## 19 In multitudine uerborum, non cessabit iniquitas.

Docet moderationem in sermone adhibendam esse. Nam qui multa dicunt, aut falsa, aut superflua, aut utraque dicunt. Absit autem, inquit Augustinus, in præfatione Retractionum suarum, ut multiloquium deputetur, quando necessaria dicuntur. Paulus Actuum uigesimo sermonem in mediam noctem protraxisse legitur, &c. Apud Græcos prouerbium extat: *χωρίς τὸ τ' ἐπεὶ πολλά καὶ τὰ καίρια*. Non est eiusdem & multa & opportuna dicere. Stobæus de garrulitate sermone 36. adducit illud Apollonij ad familiares suos: *πολυλογία πολλά σφάλματα ἔχει. τὸ δὲ σιγᾶν, ἀσφαλές*.

Qui parcat labijs suis, hic prudens est.) Qui dicit quæ dicenda sunt, & tacet quæ tacenda sunt, Taciturnitas. quiq; circumstantias locorum, temporum, & personarum obseruat, sapiens est. Iacob. 1. cap. Sit, inquit, omnis homo uelox ad audiendum, tardus autem ad loquendum. Gentiles etiam naturam unicuiq; duas aures, unam linguā duntaxat dedisse dicunt, ut plus audiamus quàm loquamur. Multa præclara leguntur de taciturnitate. Valerius Maximus scribit de Xenocrate, quòd cùm maledico sermoni quorundam summo silentio interesset, uno ex his quærente, cur solus linguam suam cohiberet, Quia dixisse me, inquit, aliquando pœnituit, tacuisse nunquam. Notum est prouerbium.

Qui quæ uult dicit, quæ non uult audiet.

## 20 Argentum electum, est os iusti.

Lingua bona, puro argento confertur, quia uitia absunt, iactantia, mendacium, garrulitas, &c. Loquitur conformia uerbo Dei, quod est purgatum.

Cor impiorum est, quasi parum.) Non tantum sermo, sed & cor impiorum, nullius est precij. Vel, cor impiorum quasi nihil: hoc est, Non mouetur sermone quantumuis docto & graui, pro nihilo ducit.

## 21 Labia iusti, multos pascunt.

Hæc sententia etiam loquitur de usu linguæ. Pascere enim in scripturis significat gubernare: hinc principes & magistratus pastores uocantur. Homerus quoque regem appellat *ποιμένα λαῶν*. Deinde significat docere & reficere uerbo ueritatis, hortari, consolari. Hinc doctores, pastores etiam dicuntur. Sensus igitur est, os iusti, multos regere & cibare. Habet enim anima suum etiam alimentum. Magnum est corpora cibare, quantum nunc est animas cibare? Malè merentur de hominibus, qui commeatum animæ eis negant.

Stulti autem uercores moriuntur.) Tamen si iusti uiri, uerbum uitæ dextrè proponant: tamen impiorum animæ fame peribunt. Non enim curant uerba iustorum, sed irrident. Exemplum habes in Phariseis & scribis, qui etsi Christum quotidie docentem audirent, & stupenda eius miracula uiderent, nihil tamen commoti sunt. Hodie quoq; in lætis illis Euangelij pascuis, multi fame contabescunt.

## 22 Benedictio Domini, diuites facit.

Aurea hæc sententia, explicatur Ecclesiastici 11. cap. Multi in sua manu positum putant, ut ditescant: nempe si omnia uenalia habeant, mentiantur, fraudent alios, & auarissimè quæsitis utantur. Fit interdum ut homines his uijs, opes infelices cumulent, quæ rarè ad alterum hæredem transeunt, sed Dei maledictione dissipantur: plerunq; tamen conatus illorum sunt irriti. Pij discunt omnes suos labores uanos & irritos esse, nisi Dominus successum dederit. Sic Lucæ 5. de Apostolis legitur, quòd tota nocte laborantes nihil ceperint: Christi autem iussu laxantes rete, tantam piscium multitudinem concluderint, ut rete rumperetur. 1. Cor. 3. Neq; qui plantat est aliquid, neq; qui rigat, sed qui dat incrementum Deus. Utendum quidem est industria seminandi & plantandi: sciendum interim, successus laborum nostrorum, à solo Deo expectandos esse. Nisi ipse labores nostros fortunet, nihil efficiet omnis nostra sedulitas & industria. Pulchrè dixit Gregorius Nazianzenus: *θεοῦ διδόντος οὐδέτις ἔχει πλοῦτος, καὶ μὴ διδόντος ἔχει πόνος*. Diuitias deorum donum esse etiam Homerus uidit:

*καὶ θεσπέσιον πλοῦτον κατέχευε κρονίῳ,*

*Ζεὺς δὲ αὐτὸς νέμει ὄλβον ὀλύμπιος ἀνθρώποισι.*

Refutat hæc sententia furores Anabaptisticos de communitate bonorum, & docet concessum esse, retinere proprium, habere diuitias, distinctionemq; possessionum à Deo sanctam esse. Multa præcepta non possent existere, si Platonica bonorum communio induceretur, ut est de non furando, de mercede soluenda operario, & alia. Hoc loco Solomon dicit, diuitias benedictionem Dei esse. Sunt etiam alij complures loci, qui proprietatem rerum confirmant. Quia uerò benedictione Dei opes nobis affluunt, liberaliter conferendæ sunt pauperibus, quos Deus ubiq; tantopere nobis commendat.



Et non addet dolorem cum ea.) Scilicet benedictione. Pij qui toti à prouidentia Dei dependent, nec de comparandis nec conseruandis opibus nimis sunt solliciti. Si opibus spoliuntur, cum Iobo dicunt, Dominus dedit, Dominus abstulit: sit nomen Domini benedictum. Deinde nō sentiunt morsus conscientiae, non enim opes suas, fraudibus, & scelere corraferunt. Impij uero qui usuris, rapinis, effusione sanguinis humani, suas collegerunt, miserè metuunt, ne eas perdant, & conscientiae morsibus affliguntur. Quantum autem bonum sit diuitias possidere absq; molestia, etiam hi Græci uersus indicant:

” Κρᾶττον γὰρ ἐστὶν, ἢ οὐκ ἔστιν τις ἡσυχία λόγου,

” Μὴ πῶλλ’ ἀνδρῶς, ὀλίγα δὲ ἡδέως ἔχει,

” Πονίαν τ’ ἄλυστον μάλλον, ἢ πλεονέκτημα.

Hæc etiam ad spirituales diuitias referantur. i. Corinth. i. dicit Paulus: Diuites facti estis in omni uerbo & scientia, &c.

### 23 Quasi risus est stulto, patrare meditatum scelus.

Impijs peccare lusus est.

Per stultum in hoc libro ferè intelligitur contemptor uerbi Dei, cui pro ludo est, si uel ipse, uel alij peccent illos quoq; qui à sceleribus sibi temperat, tanquam stultos rider: caret enim freno uerbi Dei, quod reuocare eum à sceleribus debebat: nec cogitat risum illum aliquando in luctum uertendum esse: iudicium Dei nouissimum nō expauescit. Quemadmodum prædo ille, qui cum equitantem spoliasset, & audiret in fine seculi sumendas esse pœnas de ipso, mox eum iussit, si tam diu expectare uellet, descendere de equo: quē in super ei abstulit. Idem dicitur apud Eccles. 8. cap. Multi sine ullo timore perpetrant mala. Exempla huius sententiae multa sunt. Iudæ Iscarioti leuiculum uidetur, Christum prodere hostibus suis. Herodes Ioannem Baptistam, in conuiuio obtruncari curauit. Quot sacrificuli hodie obijcientibus, quod grauissimè peccent spargendo falsa dogmata, respondent, Manum non uerterim, homines decipi uolunt: si ego non faciam, alij hoc faciēt. Quod si tibi tam liberale numeraretur stipendium, quid faceres? Adulteri, usurarii, ebrii, sicarii, non modò non sibi metumunt propter scelera: sed tanquam de re bene gesta exultant. Principes sæpe leuiculas ob causas bella gerunt, hominum nullam habentes rationem. Quoties nostro tempore homines ueritatis amantes, ab aduersarijs ridentibus, in exilium pulsati, aquis submersi, in crucem acti, & uiui exusti sunt? Quanta uoluptate memoria repetunt, damna pijs & fidelibus illata? An non inter illos qui ueræ religionis nomine sibi placēt, adeoq; columnæ uideri uolunt, pleraq; scelera, risus sunt & fabula? Quicquid igitur de fide gloriantur, quocunq; titulo se ornent, si faciant quæcunq; libet, iudicio spiritus sancti stulti sunt.

Et sapientia homini intelligentiæ.) Si homo prudens, qui rerum experientia instructus est, uel alios uideat deposito omni metu & pudore peccare, uel ipse in scelus aliquod incidat, sit cautiior, & deinceps sibi cauet: omnia illa expendit, quæ nos à sceleribus cohibere possunt: religio est ei, legem transgredi. Iosephus nō consentit in adulterium: nam intelligit, Deum adulterijs offendi. Moses maluit affligi cum populo suo, quàm delicatè uiuere in regia aula, & tandem perire. Pij pro atrocibus habēt illa, quæ stultis merus lusus sunt. Quot hodie muneribus tentantur, ut à cognita ueritate resiliant, qui malunt cum Christo pauperes esse, quàm diuites cum Antichristo, & tandem damnari? Castalio reddit, Homini prudenti est res seria.) id est, prudenter agit, nec temere scelus facit.

### 24 Quod timet impius eueniet ei.

Impiis accidunt quæ metuunt, & aufugiunt quæ sperant. Causa hæc est, quod pericula imminetia cauere uolunt impietate, & bona scelere consequi. Vltatissimum autem hoc est inter homines. Pueri, ne pœnas parentibus dare oporteat, sæpe mentiuntur. Multi ut famis periculum depellant, ad fraudes conuertuntur: multi ut regna sua conseruent, ijsdem consilijs student. Hinc Sophocles:

” ἐν ταῦθα μὲν τὰ πάντα τ’ ἀνθρώπων νοοῦν

” ἡμῶν δ’ ὅταν θέλωσιν ἰσθῶναι ἡμῶν.

Qui pericula impietate propulsare uolūt, nō assequuntur quod uolunt.

Sed tam abest ut hac uia assequantur quod uolunt, ut sese potius in extrema pericula conijciant. Quid enim boni quæso ex sceleribus potest expectari? Si non audieris uocem Domini Dei tui, maledictus eris in ciuitate, maledictus eris in agro, &c. Odisti, inquit Psal. omnes qui operantur iniquitatem, perdes omnes qui loquuntur mendacium. Non igitur peccatis propulsantur pericula, sed conflantur & augentur. Infrà 12. cap. uersu 3. dicit: Non firmus manet homo in impietate. Qui scelere mala propulsare & bona comparare uult, non minus ineptè facit, quàm si agnis lupos uenari uellet.

Res exemplis illustranda est. Pharaoni duplex periculum ex multiplicatione Israelitarum uidebatur



uidebatur imminere: primum ne iungerent se inimicis Aegyptiorum: alterum, ne liberi euaderent. Impiam aut uiam ac rationem sequitur, ut hoc periculum propulset. Barbarica enim & foeda crudelitate Israelitas opprimere & delere aggreditur: sed tam abest ut periculū hac ratione effugiat, ut sese potius in mille pericula conijciat, eiq; eueniat quod Solomon hoc loco dicit. *Quod timet impius, accidit ei.* Saul Dauidem, cui regnū à Deo promissum esse non ignorabat, persequabatur, ut illo interfecto regnum in Saulina familia retineret. Quid factum est? Quod timuit impius, accidit ei. Tantum enim abest ut hoc consecutus sit quod quærebat, ut Deum magis offenderit, & cum tota sua posteritate miserè perierit.

Dauid curauit occidi Uriam, cuius uxorem adulterio polluerat, ut suum scelus tegeret: sed hac uia & ratione sese in grauius discrimen coniecit. Salomon uxoribus peregrinis, quas contra uerbum Dei duxerat, concedit, ut suis dijs templa ædificent, bono nimirum animo, ut pax conseruari possit: sed causa fuit, ut in toto regno maximi tumultus orirentur, regnumq; scinderetur. Ieroboam in eundem lapidem impegit. Herodes iugulauit infantes Bethlehemiticos, spe occidendi nouum regem & retinendi regnum: sed hoc latrocinio non impediuit consilium Dei, sed ita Deum offendit, ut misero mortis genere eum extingueret. Primores Iudæorum decernunt in suo concilio Christum occidendum, ut pericula quæ ceruicibus suis imminere augurabantur, hac uia effugerent. At non modò non uitauerunt, sed hac uia innumera mala & pericula sibi accersuerunt. Crudelitatis enim suæ excidio totius Reipub. & templi iustissimas pœnas dederunt. De multis imperatoribus, regibus & principib. legitur, quòd fratres, cognatos & affines hoc consilio occiderint, ne si essent superstitēs, publica pax turbaretur: sed pessimè eis celsit.

Discamus itaq; periculis imminētibus, non facienda esse mala ut bona eueniant: sed potius bona ut euitemus mala. Si legitima ratio effugiendi pericula nobis offeratur, utamur ea in fide: sin uerò piè & legitimè euitare non possumus, publicè & priuatim, omnem euentum Deo permittamus: certissima spe concepta, quòd Deus nos in omnibus afflictionibus respiciat, & petentibus daturus sit felicem exitum. Traditæ enim nobis sunt promissiones de auxilio diuino, & mandata de inuocatione. Psal. 36, Subditus esto Deo, & ora eum. Psal. 54, Iacta in Deum curam tuam, & ipse te sustentabit. Prouerb. 16, Commenda Deo opera tua. Rem exemplo declarabo. Si superior magistratus principi alicui uel Reipub. Missam & idola obtrudat, & nisi restituat, periculum belli comminetur: principiò uidendum est, an quod petitur, bona conscientia & salua pietate præstari possit. Si constat hoc fieri non posse, faciant quod Deus suo uerbo eis præscripsit. Cum collegæ Danielis Colossum regis non adorassent, rogantur ab eo, cur mandatis non paruerint? illi responderunt, hoc aduersari mandato Dei. Proijciam igitur, inquit rex, uos in fornacem ignis, & quis ille Deus qui uos eripiat de manu mea? Respondent illi, De hoc non sumus magnopere solliciti, an Deus noster quem colimus, nos liberaturus sit de ardente fornace ignis, & de manu tua, nec ne. Hoc autem notum sit tibi rex, quòd deos tuos non colimus, neq; adorabimus aureū simulachrum quod erexisti, &c. Extant quidem Dei promissiones, quòd Deus uelit electos suos, in periculis adeoq; in morte ipsa seruare: sed non extant promissiones, quòd à morte corporali nos semper conseruare uelit. Ita etiam Susanna fecisse legitur. At si hoc faciamus, inquis, sequentur pericula. Quid faciendum sit audis, quid euenturum sit nescis. Sæpe res aliqua paritura uideretur magnos motus, quæ tamen pulchrè componitur. Quoties nostra ætate actum uidebatur de Euangelio, quod Deus per tot discrimina, inuitis omnibus hostibus conseruauit? Hostes religionis sæpe constantia confessorum uicti sunt, quemadmodum de Petronio legitur, qui Iudæorum imperata facere detrectantium uices miserabatur. Corda hostium in Dei manu posita sunt, qui quocunq; uoluerit ipse impellit: nec lædere hostes nos possunt, nisi potestatem à Deo acceperint. Diabolus enim caput ipsorum ne porcum absq; Christi uoluntate lædere potest, nedum hominem. Putas ne hostes Euangelij, diaboli ministros, principe suo esse potentiores? Stultum profectò est illum timere, qui non dat, sed accipit lædendi potestatem: illum uerò non timere qui dat quomodo uult, cui uult, quod uult, quando uult, quousq; uult. Sin uerò omnino periculum uitari non possit, cogitandum est, quid peccatis & sceleribus nostris promeriti simus. Et præstat Dei nomine affligi, quàm diaboli. Multi qui abnegatione ueritatis pacem redimere uoluerunt, hac uia manibus & pedibus in periculū incidere: quodq; propter Christum sustinere noluerunt, propter diabolum perferre eos oportuit. Potest Deus afflictiones mitigare, & hostium impetus frenare. Si omnino moriendum nobis est, cogita alias quoq; moriendum esse, & satius esse honestè mori, quàm turpiter uiuere. Hæc paulò fufius idcirco annotaui, quòd humana prudentia hac in re sæpissimè peccet, & illis consilijs, quibus sese malis extricare uult, maximis sese inuoluit.

Quomodo  
ex periculis  
emergēdū.



Potest hæc gnome etiam ita intelligi, *Quod impij metuunt, eueniet eis.* Cum perpetrarūt magna scelera, animus eorum mali aliquid eis præfagit, horribiles interdum cruciatus animorum, & terrores conscientiae sustinent, timent poenas in præsentī & in futuro seculo, quæ tandem eis accidunt. Deus mentibus nostris indidit, discrimen esse honestorum & turpium, atq; atrociora peccata, uel ab hominibus uel ab ipso, uel ab utrisq; puniri.

Deus con-  
fert pijs  
quæ petunt.

*Quod desiderant iusti, dat.*) Scilicet Deus. Nam illa quæ petenda sunt, & quemadmodum petenda sunt à Deo postulant. Res petendæ duplicis sunt generis: aliæ sunt spirituales & coelestes, ut fides, remissio peccatorum, iusticia, æterna felicitas: aliæ sunt corporales, ut diuitiæ & facultates, honores, uictoriæ contra hostes, &c. De prioribus illis certæ promissiones extant, quod Deus propter Christum conferre eas nobis uelit. Quod igitur ad has attinet, de uoluntate Dei non est dubitandum, nec in oratione addendum, si Dominus uoluerit. Venit enim Christus in hunc mundum, ut de uoluntate eius certi essemus. Quod uero ad corporales attinet, nisi specialem promissionem habeamus, certa conditione petendæ sunt: si nempe hæc res quam petimus, ad Dei gloriam, & animæ nostræ salutem faciat. Dicit enim Paulus Rom. 2, Quid oremus sicut oportet, nescimus. In eandem quoq; sententiam Christus Matth. 20. Zebedæis primatum affectantibus, respōdit. Corporalia illa quæ profutura caro sibi persuadet, nobis perniciem afferrent: id quod sæpe cogimur uolentes nolentes fateri. Tametsi uero sancti, illa quæ recte petunt, non statim accipiant, non tamen defatigantur, neq; de bonitate & potentia Dei erga se dubitant.

Quare De-  
us interdū  
nobis non  
cōferat quæ  
petimus.

Continet autem hæc sententia promissionem, quales multæ passim leguntur in sacris literis. Christus dicit Matth. 7. cap. Querite & inuenietis, pulsate & aperietur uobis. Ioannis 16, Amen amen dico uobis, quæcunq; petieritis patrē in nomine meo, dabit uobis. Psal. 33, Oculi Domini super iustos, & aures eius ad preces eorum. Quod si Deus petita nobis non conferat, uel nondum tempus est, uel non petimus quæ petenda sunt, uel non quemadmodum oportebat. Merito non accipimus, si postulamus quod nec conuenit nos accipere: nec illud à quo petimus, conferre. Quis petat ab amico rem sibi nocituram, uel quam sciret sine dedecore dari non posse? Breuiter, in nobis hæret culpa, non in Deo, qui pius & fideles homines, uotorum suorum compotes facit. Econtrariō, *Desiderium impiorum peribit.*) Psal. 112. hoc est non impetrabunt, nec assequuntur quod petent.

25 Vt turbo, (uel tempestas) præterit, (sic) impius non (manebit.)

Impiorum  
felicitas tur-  
bat pios.

Nulla tentatione uel grauius uel periculosius homines etiam fideles percelluntur, quam impiorum felicitate. Multis cogitatio obrepit, Deum non habere discrimen inter bonos & malos. Nonnulli in uerba tantum non blasphema prorumpunt, & cum Deo expostulant, cur ad hæc uel illa conuiueat: uitam quoq; malorum interdum imitari incipiunt. Deus itaq; nō ignarus nostræ infirmitatis, quemadmodum in scripturis sanctis passim, ita etiam in hac sententia nos contra hanc tentationem muniens, de impiorum ruina & interitu loquitur.

Impij sub-  
ito pereunt.

Hæc autem gnome duo indicat. Primum subito impios perdendos: deinde tanto impetu, ut impedire suum casum nullo modo possint. Pulcherrima similitudine rem oculis nostris subiicit, sumpta à turbine, qua supra quoq; cap. 1. uersu 27. usus est. Turbo citius transit, quam reliqui uenti, qui interdum diebus aliquot flant: deinde uentus est uehementissimus, qui obiecta quæq; dissipat & prostermit. Arbores radicitus euellit, & interdum id, quod mirabile est, confringit. Ita impij qui suæ prudentiæ, potentiæ & uiribus confidunt, qui dicunt, ut est apud Isaia 28. cap. Fœdus pepigimus cum morte, & pactum fecimus cum inferno: subito & præter omnium expectationem concidunt. Et quemadmodum puluisculus uento resistere non potest: ita nec illi Deo. Psal. 37. Legitur: Transiui, & ecce non erat impius, cumq; eum inuestigare, non inueniebatur. Psal. 9, Impiorum memoria cum sonitu perit. Psal. 72, subito defecerunt. Illa uero mala, quæ repente & ex insperato ueniunt, magis animos percellunt. Prouerbio dicitur: Iacula præuisa minus feriunt. Accedit adhæc quod subito oppressi, poenitentiam de admissis sceleribus agere non possunt. Fideles quoq; subito interdum expirant: sed non inexpectata hora mortis opprimuntur. Semper enim in conspectu habent hæc uerba Domini: Vigilate, nescitis enim qua hora Dominus uester uenturus est. Sapientiæ 4, Iustus si morte præoccupatus fuerit, in refrigerio erit. Porro quemadmodum nemo obistere potest, quo minus uenti flent: ita si Deus uindictam de impijs sumere instituit, nemo eius consilia potest impedire. Multos enim habet modos Deus, quibus eos extinguat: aliquando eos inter se committit: aliquando suis manibus finit eos iugulari, &c.

Pij quoq;  
subito mori-  
untur.

Huius sententiæ exēplis, omnes historiæ sunt refertæ. Huc enim pertinet miserabilis exitus Pharaonis, Saulis, Senacheribi, Hamani, Neronis, Maximini, Decij, Valeriani, Aureliani, Diocletiani, Maximiani, Maxentij, Iuliani apostatæ, & aliorū. Nostra ætate publica & priuata illorum



illorum exempla habemus, qui pijs certissimum exitium cōminati sunt: sed priusquam consilia sua ad optatum finem perduxissent, ex improviso infelices animas exhalauerunt.

Munsterus (ut etiam hoc obiter annotemus) uertit hunc uersum, *Quando uel cum tempestas transit, non erit impius.* Vt Caph non sit nota similitudinis: ponitur enim in Macor. & tunc sensus erit, Si Deus afflictiones immittit impijs, subito pereunt.

*At iusti fundamentum perpetuum, uel seculi.*) Iustus firmiter stat, ut murus aheneus, qui nullo impetu dei jectur: animus eius neq; aduersa fortuna prostermitur, neq; secunda erigitur. Non enim collocat spem suam in rebus caducis, pura opibus, uictorijs, fœderibus, &c. sed nititur solido & æterno fundamento Christo. Omnis qui audit ex me sermones meos, inquit, Christus Matthæi 7. & facit eos, illum assimilabo uiro prudenti, qui ædificauit domum suam super petram, & descendit imber, & uenerunt flumina, & flauerunt uenti, & irruerunt in domum illam, & non est prostrata, &c. Dauid in maximis suis ærumnis, subinde Deum petram, arcem & præsidium suum uocat. Utinam nos quoq; ex animo idem faciamus. Exempla huius constantiæ habemus in sanctis martyribus, qui Christo innixi, mortem pertulerunt plura uersu 30. sequuntur.

26 Sicut acetum dentibus, & fumus oculis: sic ignauus his qui mittunt eum.

Hæc gnome ostendit duplici similitudine, quantum mali det legatus uel nuncius malus. Acetum, ut medici tradunt utile quidem est dentibus: sed, ut omnia acida, stuporem eorum inducit: fumus oculos lædit (Vergilius Æneid. 12. amarum uocat, eo quod, ut annotat Seruius, lachrymas eliciat.) Ita legati qui à principibus uel Rebus publicis in rebus arduis mittuntur, si pigri sint & perfidi, magnum dant eis malum, & efficiunt ut multis pijs uiris lachrymæ oboriantur. Multum in legatis situm est. Si causa aliqua eis displiceat, mirifice se torquent.

De malis  
legatis.

Prouidendum itaq; esse docet hæc sententia, ut in rebus Ecclesiæ & Reipub. pacis & belli tempore, uiris idoneis legationes, præsertim liberæ, committantur. Qui deliguntur, suum munus ita obeant, ut non solum hominibus, sed & Deo, cum fatali hora, tum in nouissimo iudicio, rationem reddere possint.

✠ Hæc sententia ad alios quoq; extentēda est qui emittuntur, ueluti cōcionatores, præfectos, duces, milites, qui & illos à quibus missi sunt, & alios magno malo afficiunt, nisi nulla interposita mora, id bona fide exequatur, propter quod missi sunt. Aristoteles quoq; similitudine fumi utitur, sed ad aliam rem explicandam. Vt fumus, inquit, mordens oculos, non uidere finit quæ pedibus adiacent: sic iracundia oboriens, rationem obfuscet, &c.

27 Timor Domini adiicit dies: anni autem impiorum succiduntur.

Pij pacatas habent conscientias, & moderatè se gerunt in cibo & potu, ideoq; diutius uiuere possunt: impij uerò conscientia stimulis subinde exagitantur, & immoderatè se gerunt, ideoq; citò moriuntur. Recurre ad capitis 3. uersum 2. & 16. Fit autem interdum iustis de causis, ut Deus pios ex hac mortali uita auferat, & impios diu sinat uiuere. Lege 5. cap. Sapientiæ. Mirandum est, quod cum omnes tam cupidi sint uitæ, pauci tamen studeant rebus illis, quibus uita propagatur.

Timor Do-  
mini longè  
uos facit.

28 Expectatio, uel spes, iustorum, gaudium est.

Pij homines in Deo spem collocant, atq; spe futuræ gloriæ, omnes huius uitæ ærumnas facile superant. Veluti peregrinus, qui patriæ desyderio, uentos, pluuias, & latronum insidias, omnesq; itineris molestias contemnit, sperans se domi commodius uicturum. Licet autem impij spem ipsorum ut uanissimam irrideant: illi tamen sciunt Deum ueracem esse in suis promissis.

*Spes impiorum peribit.*) Spem ponunt in rebus incertis & momentaneis, ueluti uoluptatibus, opibus, potentia: uitam sibi diuturnam promittunt & impunitatem scelerum: turpissime itaq; falluntur. Sæpius enim ex hac uita subito auferuntur. Qui ex ipsis aliam uitam restare credunt, hanc se consecuturos sperant uel pœnitentia, quam ante finem acturi sint, uel aliorum meritis. Multi sumptuosis exequijs sperant animam ex purgatorio euocari: sed toto cœlo errant. Multi ad certum duntaxat annorum numerum, inferni tormenta duratura sibi pollicentur: sed suo magno malo experientur æterna esse. Qui animam cum corpore interire, neq; præmia pijs neq; supplicia impijs constituta existimant, semimortui, sentient suam spem uanissimam fuisse. Vide plura cap. 11. uersu 7, & cap. 25. uersu 10.

Spes impio-  
rum uana.

29 Via Domini integro robur est: operantib. autem iniquitatē pauor,  
uel fractio.



Per uiam Domini, simpliciter intelligere possumus, sanam doctrinam, & rectam uiuendi rationem. Hæc pijs est, **רֶמֶס** maoslarx, munitio, petra, fortitudo, robur uel propugnaculum. Nam qui Euangelio credunt, muniuntur contra falsos doctores, diabolum & infernum. Impij uero etiam ad nomen Euangelij trepidant: omnemque mouent lapidem ut id opprimant & extinguant. Morfi à rabidis canibus, ut tradunt physici, aliquantò post rabidi fiunt, & aquam, cuius potu facile sanarentur, expauescunt. Quod si aqua in conspectum eorum afferatur, protinus ingenti terrore correpti, maximo clamore, canumque latratu astantes terrent. Si diutius ante eos dimittatur, tremere, sudare, fremere, deficere animo pauoreque non aliter concuti incipiunt, quàm si illico se in ignem proijciendos cernerent. Ita impij cane & angue peius Euangelium oderunt, & aquas salutiferas gratiæ Dei, quibus solis miseri sanari poterant, refugiant. Aliàs quoque qui operantur mala, metuunt ne deprehensi poenas luant.

30 Iustus perpetuò non mouebitur, nutabit uel cadet.

Constantia  
iustorum.

Iustus semper sibi constat, in quacunq; fortuna. Non enim in uictorijs, opibus & huiusce-modi rebus, sed in diuinis promissionibus spem suam collocat: nouit se propitium habere Deum, & electis omnia in bonum cedere. Nullis uel minis uel promissionibus expugnari, nullis calamitatibus, nullisque incommoditatibus frangi potest: constans & immobilis, etiam pro iusticia mori paratus est.

Nullis ille mouetur

” Fletibus, aut uoces ullas tractabilis audit:  
” Fata obstant, placidasque uiri Deus obstruit aures.  
” Ac ueluti annosam ualido cum robore quercum  
” Alpini Boreæ nunc hinc, nunc flatibus illinc  
” Eruere inter se certant, it stridor & altè  
” Consternunt terram, concusso stipite frondes:  
” Ipsa hæret scopulis, & quantum uertice ad auras  
” Æthereas, tantum radice in tartara tendit.  
” Haud secus assiduis hinc atque hinc uocibus heros  
” Tunditur, & magno præsentit pectore curas:  
” Mens immota manet, lachrymæ uoluuntur inanes.

Hos uersus, quibus Vergilius Æneæ sui constantiam describit, nos pie pijs & sanctis hominibus accommodare possumus. Aristoteles in Ethicis uirum bonum, **τετραγώνον** effigurauit. Nam ueluti corpus quadratum quomodocunq; cadat, eodem modo se semper habet: ita uir bonus & sapiens non mutatur cum fortuna, nec mouetur à uia iusticiæ, semper sibi similis. Infrà cap. 12. uersu 7. Domus, dicit, iustorum perdurat.

Possent etiam hic esse sensus, Pius non pelletur in exilium (quod tamen non sine exceptione accipiendum est) sequitur enim:

Impij autem non inhabitabunt terram.) Scilicet uiuentium: non locum habebunt in beatis sedibus. Item ex terra immatura morte euocabuntur, uel uagi erunt & exules. Vide capitis 1. uersum 21. & 22.

31 Os iusti producit fructum sapientiæ.

**רֶמֶס** nuf proprie significat germinare, fructificare: ponitur per Metaphoram pro loqui: nam sermo est fructus linguæ. Arbores fructiferæ, non modò iucundæ sunt, sed & magnam utilitatem afferunt: ita lingua iusti, magna & multa commoda hominibus affert. Nam uera confirmat, falsa refellit, urbes constituit, leges promulgat, artes explicat, &c.

Lingua peruersitatum excindetur.) Quemadmodum arbor infrugifera excinditur: ita lingua quæ à fine suo aberrat.

32 Labia iusti cognoscunt id quod placitum est.

Hoc est, homo iustus cognoscit quæ grata sint Deo & pijs hominibus, eaque loquitur, aliosque docet. Alij uertunt, Labia iusti facient scire uoluntatem.) id est, quod sentit loquitur iustus, non decipit alios.

Os impiorum peruersitates.) Contra Deum & proximum loquuntur, blasphema, obscæna, detraçtoria.



## CAPVT XI.

## 1 Statera dolosa abominatio Domīno.



**P** R I M A sententia huius capituli, de ponderibus & mensuris iustis & iniustis pronunciat. Vnam speciem nominat, & alias etiam includit, ueluti mensuras aridorum & liquidorum, &c. Fraudem in ponderibus & mensuris, abominatur Dominus. Amat enim charitatem, æquitatem & iusticiam: detestatur cum omnes dolos & fraudes, tum illas maxime, quibus sub specie iusticiæ pauperes circumuenimus. Præcipit ut pauperes nostris opibus subleuemus, tantum abest ut fraudari eos uelit. Quid aut grauius audiri potest, quam abominationem esse Deo? Quis tam stultus & amens est, ut habere cupiat opes coniunctas cum indignatione & offensa Dei? Ex opposito: *Integrum pondus beneplacitum eius.* Ad uerbū est, *Lapis perfectus*: ueteres enim appensis lapidibus res ponderabant. Similes loci multi alibi quoque extant in scripturis: infra cap. 16. & 20. Leuit. 19. cap. in calce Deut. 25. Ezech. 45. Statera iusta & Ephraim iustum, & batus iustus erit uobis. Osee 12. dicit Deus, populum suū esse Chanaan: in manu habere bilancem dolosam. Hoc est, quæ admodum Chananæi scelerati erant & pleni fraudibus, ita ipsos quoque: ideoque pœnā eis imminere. Amos 8. cap. exprobrat diuitibus consilium contra pauperes: Operiemus, dicebant, frumentum, imminuamus mensuram, & augeamus siclum, ut possideamus in argento egenos, &c. Micheæ 6, Nunquid adhuc ignis in domo impij, thesaurus impietatis, & modius deficiens, ira (Dei) plenus? Nunquid iustificabo in statera impietatem, & in sacculo lapides dolosos? Nam diuites huius urbis impleuerunt domus suas de rapina, &c. Propheta proposuerat populo, quid Deus ab eis requireret: sed quia non agebant pœnitentiam, interitum eis comminatur.

*Fraus quæ mensuris et ponderibus fit.*

Discendum est ex hac sententia, iusto pondere & mensura in uendendo & emendo utendum, semperque cogitandum esse, Quod tibi non uis fieri, alteri ne feceris: neque colligi hac ratione opes: uel si colligantur, mox diffuere: aut si posteris relinquantur, infelices esse.

Colligimus etiam, Deum curare res mortalium, omniumque nostrarum actionum inspectorem & obseruatorem esse. Ne igitur Deum parua hæc negligere putemus, ut liberius peccemus. Magistratum autem est, fraudes illas punire. Furtum enim committit, qui non iusta mensura & pondere utitur.

Quæ de ponderibus & mensuris dicuntur, ad alia etiam extendi debent. In negociando, ne fraudes alios, ne pro gemmis uitrum supponas, ne uinum aqua corrumpas, &c. Negociari quidem conceditur: sed doli & fraudes procul debent abesse.

Per Allegoriam dolosa statera utitur, qui propria facta excusat, proximorum reprehendit. *Allegoria.* Æquus iudex non aliam de sua, aliam de alterius causa ferre debet sententiam: sed æqua lance causam diuitis & pauperis discernere.

## 2 Venit fastus &amp; uenit ignominia.

Hoc est, superbiæ perpetuus & indiuiduus comes est ignominia. Deus superbos odio prosequitur. Luc. 14. Omnis qui se extollit deiicietur, & qui se deiicit, extolletur, &c. Angelos superbientes, in tartara deturbauit, Saulem oppressit, Nabuchodonozorem regno pepulit, Herodem Agrippam gladio percussit, &c. Sæpe in grauius scelera superbos incidere patitur, ut probris afficiantur. Homines quoque, superbos, uel saltem suspectos de superbia, ferre non possunt: sed eis omnes familiæ maculas exprobrant. Parentes liberos, matres familiās ancillas arrogantes compescunt, humiles uerò amant.

*Superbiæ comes est ignominia.*

Sunt qui hunc locum actiue (ut loquuntur) intelligant: Vbi fastus est, illic & ignominia, hoc est, superbi & arrogantes alios contemnunt, insectantur & probro afficiunt. Quin nec Deo parant. 2. Reg. 18. exemplum habes de Rabschace, &c.

*Cum humilibus est sapientia.* Modestiæ comes est sapientia. Modesti enim homines sustinent se doceri. Superbia magnum est sapientiæ impedimentum: adiunctam enim habet arrogantiam, qua homines sibi arrogant, quæ non habent. Deus humilibus sese aperit. Isaia ultimo: Ad quem respiciam, nisi ad contritum spiritu & tremem sermones meos? & cap. 57. Habitans cum contrito & humili spiritu, ut uiuificet spiritum humilium, & uiuificet cor contritorum. Christus patrem suum cœlestem laudat, quod mysteria Euangelij absconderit sapientibus, & humilibus reuelarit. Sæpe etiam fit, ut humili genere ortus, operam det literis, & tantos faciat progressus, ut etiam à principibus colatur.

*Humilibus se Deus patefacit.*

## 3 Integritas uel perfectio rectorum, ducet eos.

*Integritas uel perfectio rectorum, ducet eos.* **ἁπλότης** uel perfectio, integritas, simplicitas. Qui uitam suam secundum regulam uerbi



Dei instituunt, & æquitatem amant, gubernantur & defenduntur à Deo, ut rectè & inoffense ambulent, & in lubrica huius mundi uia non labantur.

*Peruersitas prauaricatorum perdet eos.*) בגד bagad prauaricari, transgredi, fallere. R. Dauid dicit, quodd significet transgredi pactum socij sui, & mentiri ei qui fidebat illi: hinc בגדים bogedim, prauaricatores. Etsi illi homines ad tempus floreat, & stultos putent illos, qui præcepta diuina obseruant: tamen propter scelera sua tandem peribunt. Et sæpenumero fit, ut illis rebus quibus seipsos subleuare uolunt, perdantur. Quodd non statim perduntur, non in causa est, quodd Deus uel ignoret uel approbet scelera ipsorum: sed quia utile est pios ab impijs illis exerceri.

#### 4 Non proderunt diuitiæ in die iræ: at iusticia liberabit à morte.

Hæc gnomo 10. quoq; cap. uersu 2. posita est. Omnes occupantur studio augendæ rei familiaris, quodd putent magnas opes, præsidium esse, contra omnes calamitates. At tantum abest ut nos ab ira Dei defendere possint, ut potius causa sint exitij. Diuites in hoc mundo multas quidem habent prærogatiuas: sed in Dei iudicio nihil pecunia efficitur. Iusticia uerò, sæpe à morte corporali, ab æterna semper liberat.

#### 5 Iusticia integri, dirigit uiam eius.

Idem ferè dicit quod tertio uersu, Quicquid iustus instituit, feliciter cadet, non incidet in pericula, non aberrabit à uia legis diuinæ: uel si errauit, mox in uiam redibit.

*At in impietate sua cadet impius.*) Propter impietatem suam, tandem in hoc & in futuro seculo, nisi pœnitentiam agat, iusto iudici grauissimas pœnas dabit.

#### 6 Iusticia rectorum, eripiet eos.

*Iusticia duplex.* Ad huius sententiæ & superiorum quoq; intelligentiam, sciendum est duplicem iusticiam proponi in scripturis. Vnam fidei, qua Christi merito, quod per fidem nobis communicatur, iustificamur, hoc est, remissionem peccatorum impetramus & uitam æternam. Alteram, quæ ex fide oritur. Hæc non modò cuiq; quodd suum est tribuit: sed & omnis generis uirtutes complectitur, &c. Iusticia fidei liberat nos ab æterna morte: iusticia uerò quæ ex fide nascitur, in hoc seculo multa habet commoda. Nam qui hac uirtute præditi sunt, à bonis magistratibus defenduntur & magni fiunt.

*Præuaricatores in, uel ppter prauitatem (suam) capientur.*) Impij qui legem Dei conculcant, meritas tandem scelerum pœnas luunt: & laqueis quos alijs tetenderunt, capiuntur. Huius rei omnium gentium historiæ innumera exempla suppeditant. Tametsi uerò in hac uita pœnas subterfugiant, in nouissimo tamen iudicio comprehenduntur.

#### 7 Cum homo impius moritur, perit spes.

Scilicet de eius salute. In inferno enim nulla est redemptio. Dum hîc uiuimus, locum habet pœnitentia: cum hinc soluerimus, uel in sedes beatas, si pij: uel in æterna tormenta, si impij fuimus, deferimur: locum intermedium nesciunt sacræ literæ.

*Et expectatio uiolentorum uel diuitiarû interit.*) Tormenta non leniri possunt ulla pecunia: nihil profunt amici, nihil clientes. Stulti sunt qui conducendos sperant, quorum precibus & Missis, ex purgatorij tormentis liberentur. Ipsi Papistæ fatentur, impios spem ueniæ nullam habere: sed illos tantum qui leuiora peccata commiserint, uel pœnis castigatos, uel suorum bonis operibus, absolui. Facis tamen seipsos redarguunt: nam si impijs nulla spes relinquitur, cur in impiorum diuitum gratiam, tot Missas celebrant? Respondent, Si non impijs illis profint, tamen alijs defunctis & uiuentibus prodesse. Succurrit mihi hoc loco lepida narrationiuncula. Cum concionator quidam papisticus, sermonem in oppido celebri Germaniæ haberet de Missis quæ sunt pro defunctis, in nostros inuectus, qui eas reiiciunt, dixisse fertur: Esto, non profint defunctis, tamen nobis profunt, intelligens superstites: at plebs intelligens nobis, hoc est, sacrificulis, ad quorum uberrimum quæstum faciunt, hanc eius uocem magno risu exceperit.

*Origenis error confutatur.* Hac sententia Solo. refutatur Origenes, qui post longum tempus, omnibus impijs & etiâ dæmonibus salutem promisit. Quæ sententia hodie multos habet suffragatores: sed non est consentanea sacris literis, in quibus multa extant testimonia, de æternitate infernalis supplicij. Christus Mar. 9. Vermis illorum, inquit, non moritur, & ignis non extinguitur. Sed cur, inquit, Deus in æternum aliquem supplicio afficiat, qui pauculis tantum annis peccauit? Quomodo pœna responderet peccato? At non consyderant eos contra infinitum & æternum Deum peccasse: nihilque magis optasse, quàm ut perpetuò peccare potuissent. Cauendum est ab hoc satanæ commento, quo ueram pœnitentiam retardare molitur. Quin potius discamus maturè pœnitentiam agere, nec nos in uentura tempora differre. Paulus inquit,



inquit ad Gal. 6, Operemur bonum dum tempus habemus, priusquam nox ingruat. In corporalibus rebus hanc prudentiam adhibemus. Nam si suscipienda sit profectio aliquot horarum, maturè iter ingredimur, ne nox nos occupet: cur non idem in re tam ardua facimus? Fatuæ uirgines frustra pulsant, postquam fores clauduntur, Matth. 25.

Hæc uerba Solomonis non uno modo redduntur: quidam uertunt; *spes mendacium*. s. hominum *interit*: alij, *iniquorum*, alij *fortium*, alij *luentium*, alij *diuitiarum*. Non enim uanitatem, iniquitatem, uirtutem, luctum, & substantiam uel opes significat. Hieronymus uertit, *expectatio sollicitorum*, id est, illorum qui sollicitè impio seruiebant, sperantes se ab eo promouendos esse, perit, cum ultrà adiuari ab eo non possint, dicit Lyranus. Qui impijs adhærent, etiam spe & expectatione sua frustrantur. Ad hæc sollicitorum, qui immoderatè pro terrenis solliciti sunt, tanquam diu uicturi, expectatio nulla erit.

#### 8 Iustus ex aduersitate eripitur, & impius uenit loco eius.

Similis ferè sententia 21. cap. uersu 18. ponitur, & Psal. 33. Multæ afflictiones iustorum, & de his omnib. liberabit eos Dominus. Multis malis pij in hisce terris premuntur, id quod Christus suis prædixit: Non est, inquit, discipulus supra præceptorem, &c. sed ex his malis sæpe in hoc seculo Deus ipsos liberat, & impios in ea conijcit. Exemplum habet in Dauide & Saule: Dauide & Absalomo, Daniel & eius accusatoribus, Mardochæo & Hamano, Petro & Herode Agrippa, ac innumeris alijs. Quod si eos non liberet, confert tamen eis patientiam in afflictionibus. In futuro uero seculo semper hoc fit. Impij, qui nunc exultant, nihilq; habent quod eos cruciet, quiq; non credunt locum esse supplicij, sempiternis tormentis afficientur. Pij uerò æternum gaudebunt cum Deo & omnibus electis.

Deus suos  
ex malis eri-  
pit.

#### 9 Hypocrita ore corrumpit proximum suum.

*Chanaf* impius, peccator, acceptor personarum, simulator, hypocrita. Homines qui uultu & sermone simulant se personam, uel rem aliquam probare uel improbare, interim in corde aliud celant, magnum malum dant hominibus, quando aurem eis accommodant. Tales Ierem. 9. cap. describuntur. Laborant etiam boni uiri hoc uitio, ut blandientium uocibus magnopere moueantur. Præcipuè uerò falsi doctores, qui ore, uultu, incessu, gestibus pietatem simulant a honestatem, seq; ecclesiæ utilitatem quærere dicunt, cum suis commodis studeant, magnis malis homines afficiunt. Qui turpiter & dissolutè uiuunt, minus obesse possunt. Exempla nostra ætate in monachis & sacrificulis illis habemus, qui subinde in ore habent, matrem ecclesiam, patres, concilia: quiq; uberrimis interdum lachrymis, suam religionem ueram esse testantur.

Hypocrita

*Iusti autem in scientia eruantur.*) Non statim mouentur blandis uerbis, lachrymis & alijs huiusmodi: sed adhibent scientiam & rerum experientiam, omnes circumstantias obseruant, cogitant qui & quales sint, quò tendant homines. Si doctrina aliqua proponatur, statim eam ad Lydium lapidem uerbi diuini exigunt, inter ueram & simulatam sanctitatem discernunt, & sic per scientiam scripturarum, liberantur ab erroribus, alios quoq; monent, ut sibi ab impostoribus & hypocritis caueant. Quomodo autem cognoscendi sint pseudoprophetae, docet Christus, Matth. 7. cap.

#### 10 In bono iustorum exultat ciuitas.

Si pij homines florent uirtutibus, diuitijs, autoritate, eloquentia, & Reipub. gubernaculis adhibentur: felix & fortunata est ciuitas. Illi enim non suam, sed Dei gloriam quærunt, non priuatum, sed publicum commodum: ius dicunt ex legibus, iustos defendunt & sceleratos coercent.

*Et cum pereunt impij, erit exultatio (laus, clamor.)* Quando impij secundum leges puniuntur ac tolluntur è medio, ne amplius uexent Rempub. laudant impij Dei iudicia. An gaudendum est, inquis, si impij affligantur, uel prorsus pereant? Distinguendum est hoc gaudium. Nam si oriatur ex carnalibus affectionibus, omnino uitiosum est: sin uerò suscipiatur propter gloriam Dei, & commoda cum aliorum hominum, tum impiorum quoq; quibus utile est si hic puniantur, non debet improbari. De hac re infra 17. cap. uersu 5. plura annotabimus.

An gauden-  
dum de im-  
piorum in-  
teritu.

#### 11 In benedictione rectorum, exaltatur ciuitas.

Sensus est, si pij hominibus beneficio Dei, honores & diuitiæ affluunt, non modo exultat ciuitas, sed etiam exaltatur: hoc est, fit illustis, magnaq; ad eam redit utilitas, quoad diuitias, pietatem atq; religionem. Christus Matthæi 11. cap. Capernaum dicit ad cœlos exaltatam, hoc est, multitudine rerum à se gestarum, nobilitatam esse. Vel, si multiplicantur pij (benedicere enim etiam multiplicare significat) ciuitas exaltatur. Etiam propter paucos interdum bonos, ciuitas aliqua conseruatur. Id quod ex dialogismo Abrami pro Sodomis

Benedicendi  
uox multa  
significat.



intercedentis cum angelo, colligitur. Vel hic quoq; sensus esse posset, si recti laudentur ab hominibus & in aliqua sint gratia, exaltatur ciuitas. Multi enim hac re, ad studium uirtutum excitantur.

Potest etiam actiue (ut loquuntur) accipi, ut sit sensus: Preces piorum urbem aliquam euerhere. Benedicendi enim uerbum in scripturis etiam significat precari & bona optare. Genes. 14. benedixit te, &c. Lotus oppidum Zoar ad quod confugit, suis precibus conseruauit, Genes. 19. Multum enim, inquit D. Iacobus 5. cap. ualet precatio iusti. Item, quia recti, liberales sunt, nec quenquam uel uerbis uel factis ledunt: ornant & conseruant Respublicas. Hunc sensum oppositum membrum uidetur ostendere.

Ore autem impiorum destruitur.) Impij homines, quales primum sunt falsi uel seditiosi doctores, urbes funditus euertunt. Non autem tanquam seditiosi accusandi sunt, qui idololatricam & scelera, tam in supremi quam infimi ordinis hominibus taxant. Si enim motus aliqui inde oriantur, non concionatores qui uerbum Dei afferunt, sed illi in culpa sunt, qui uerbo Dei prauos affectus anteponunt. Deinde uiri politici, qui se uerbo Dei & bonis ac honestis legibus opponunt, Rebus pub. sunt exitiales: praesertim si ad improbitatem eloquentia accedat, & simulatio pietatis in Deum & patriam. Quid uel unicus seditiosus in plebe possit, multis exemplis est notissimum. Ora item illa quae periurijs & blasphemijs afflueuerunt, ciuitatibus exitium accersunt.

## 12 Qui contemnit proximum (amicum uel socium suum) uecors est.

Contemptus  
aliorum.

Vulgaris hic est morbus inter homines, ut alter alterum praese contemnat. Quanquam autem omnes huic uitio obnoxij: tamen alij alijs ad hoc sunt propensiores. Ita enim natura comparatum est, ut quidam ad hoc, quidam ad aliud uitium, magis propendeant. Ostendit itaque Solomon, quid de his sentiendum sit, qui hoc morbo laborant, ut nobis caueamus. Stulti sunt, inquit, qui alios despiciunt, quos scilicet propter communionem naturae & fidei amare debebant. Ne igitur diues pauperem, nobilis ignobilem, magistratus priuatum, sapiens stultum, formosus deformem, felix calamitosum, &c. contemnat. Semper cogita, Donis, quae accepisti, spoliari potes, pro alijs Christus non minus passus est, quam pro te: nescis quid uel tibi uel tuis euenire possit, &c. Peius nunc est illos despiciere, quibus aut sanguine iunctus, aut beneficijs obstrictus es, ut sunt parentes, fratres, cognati, affines, magistratus, concionatores, &c. quos praeter alijs hominibus colere & reuereri debemus. Scriptura homines nequam & perditos, de quibus nulla spes est, contemnendos esse dicit.

Vir intelligentiarum tacet.) Qui alios contemnunt, uerbis & gestu, contemptum testantur: obijciunt alijs dedecus generis, calamitates, corporis uitia: sed uir prudens & cordatus, perpendendo propria uitia, tacet. Aliorum uitia, nisi necessitas & publicum bonum postulet, uel dissimulat, uel celat, uel excusat. Dat interim ut pro uirili corrigat & sua & aliorum.

## 13 Ambulans detractor, detegit secretum.

Delatores.

רַחֵל Rachal significat negotiari, miscere. רֹחֵל rochel pharmacopœus, à uarietate specierum, quas in pharmacis commiscet: item mercator uel negociator, à uarietate mercium. Hinc dicitur & רַחִיל rachil delator, quod sit ueluti negociator & pharmacopola. Quemadmodum enim pharmacopola multas habet aromatum species, quas in parandis pharmacis commiscet: ita detractores quae hinc inde audiuerunt, uera & falsa miscent. Et quemadmodum mercatores hinc inde uagantur, & uarias merces comportant, quodq; ab uno emerunt, alteri uendunt, interdum etiam domestica pro exoticis, mala pro bonis: ita etiam detractores ab alijs sciscitantur, & exquirunt, quae ad alios mox perferant & renuncient. Nec pudet eos interdum, de suo aliquid adijcere: Sy verkouffend es nit wie sy es koufft habend. Et secundum R. Dauid, in scriptura interdum iungitur uerbum ambulandi, eò quod detractor aedes aliorum ingreditur, ut quae ibi audierit, suis postea socijs referat. Hoc enim hominum genus plenum est rimarum, hac atque illac perfluit. Quod Horatius etiam notauit, inquiens:

Percontatorem fugito, nam garrulus idem est,  
Nec retinent patulae commissa fideliter aures.

Arcana re-  
ticenda. Qui autem fidelis est spiritu, rem tegit.) Hoc est, qui sibi imperare potest, fidem praestat silentij. Docet hac sententia primum, ne secreta tum nostra tum aliorum quibusuis detegamus. Natura ita comparatum est, ut si quaedam in amicorum sinum effuderimus, magno onere leuati esse uideamur. At prouidendum est, ut non nisi certis hominibus & fidis, arcana communicemus. Quod tacitum esse uis, nemini dixeris: quia nō poteris ab alio exigere silentiū, quod tibi ipsi non praestas. Samson, quia Dalilae secreta reuelauit, & oculos & uitam amisit, Iud. 16.

Deinde,



Deinde, si alij tibi secreta commiserunt, uide ne cuiquam dixeris: amicus amico præstet silentium. Concionatores non dicant, quæ à mox morituris arcana aliquando audiunt. Magistratus illa quæ aguntur in senatu, & alicuius momenti sunt, sibi seruent, ne tumultus inde excitentur. Præsertim uerò belli tempore silentium probatur. Metellus imperator, cum quidam interrogasset, quid consilij cepisset, grauiter respondit: Si scirem hanc tunicam consciam esse mei consilij, illico exuerem & in ignem conijcerem. Si consilia hostibus produntur, nihil præclarum in bello geritur.

Sunt tamen quædam arcana nequaquam reticenda: ut si magistratus aliquis pios opprimere moliatur, hi admoneri possunt, ut sibi caueant. Sic Ionathas laudatur, qui patris iniqua consilia Dauidi detexit. Nec accusandus est proditoris: una enim eademq; opera, & patri, *Quædam arcana non reticenda.* ne innocenti sanguine manus pollueret, & Dauidi, ut in tuta loca se reciperet, seq; melioribus temporibus seruetur, consuluit. Neq; hodie uitio uerti pijs uiris debet in aulis principum, si ostendant quæ consilia contra Ecclesiam capiantur. Sunt etiam alij casus, in quibus silentium perniciosum est.

#### 14 Cum non sunt consilia, corruiit populus: ubi autem satis consiliario- rum est, conseruatur.

Vulgata translatio legit, *Vbi non est gubernator, corruiit populus.* Quemadmodum nauis in scopulos illiditur, nisi gubernatorem habeat: ita Respub. euertitur, si rectoribus destituatur. Præstat tyrannicos esse magistratus, quàm *De cōsilio.* *αρχισ. תַּחְפֻּלָּה* tachefulah significat consilium, & deducitur à *חבל* chabel quod funem significat, aut gubernatorem uel nauarchum. Veluti funibus uelum suspenditur, demittitur, contrahitur, totaq; nauis gubernatur: ita non solum singuli homines, sed etiam totæ Respub. consilij reguntur. Deinde si magnis trabibus funes iniiciantur, facile trahuntur: funibus item quæ conquassata sunt, constringuntur: ita res arduæ consilij confici, & labefactæ Respublicæ confirmari possunt. Felices sunt illæ Respub. in quibus multi sunt, qui consilij pollent & consentiunt. Non autem satis est abundare consiliarijs bonis, nisi homines consilij eorum obtemperent. Bona quoq; consilia bonum euentum non habent: nisi Deus det successum.

Porro ut in omni uitæ parte, magnus usus est consiliorum: ita præcipue in bello: præstant enim robore militum, quemadmodum in Cleonis concione apud Thucydidem lib. 3. legitur: *ὁ δὲ σὺ βέλτεται πρὸς τοὺς ἀντιπάλους, κρείσσων ἐστίν, ἢ μετ' ἐργῶν ἰσχυρὸς ἀποία ἐπαύρη;* hoc est, qui bonum dat consilium contra hostes, potior est, quàm qui ipsos sine prudentia, pugnandi robore inuadit. *Consiliorum maximus usus in bel- lis.* Econtrariò priuatim & publicè, in pace & bello, mala consilia magnū malorum agmen secum trahunt. Quot homines rectè uiuerent, nisi malis consilij transuersum raperentur? quot Respub. miserè affliguntur, propter malos consultores? Quantum mali dedit Israelitis Bileamus? Quid Achitophel suis iniquis consilij non effecisset, nisi à Deo fuisset impeditus? 2. Reg. 15. 16. & 17.

#### 15 Malus confringetur, quia fideiussit pro extraneo: & qui odit stipu- lantes, confidit.

Quidam uertunt, *Contritione conteretur, quisquis fideiussit pro extraneo.* *רע* ra enim poni, pro *Fideiussio- nis pericu- la.* *שכַּף* schæfær. Alij legunt *רע* malus. Ut sit sensus: Vir malus conteritur, eo quòd fideiussit pro extraneo. scilicet quem non agnoscebat. Relinquet enim extraneus illum in sua fideiussione, & soluet ille de suo. *תַּקָּה* taka est figere, percutere. Percutimus autem manus, promittentes aliquid. De periculis sponfionum 6. capite audiuius. Periculosum est pro familiaribus fideiubere, nedum pro extraneis. Multi non cogitant quid faciant, si pro alijs fidem suam obstringant, postea si creditoribus satisfaciendum est, incerti quò se uertant, magnis miserijs implicantur. Cautè itaq; & prudenter in huiusmodi rebus agendum est. Felix est, ut prouerbio dicitur, qui nihil debet.

#### 16 Mulier gratiæ, retinet gloriā.

Per mulierem gratiæ, non præcipue intelligit forma corporis præstantem: sed quam uirtutes, quales sunt pudicitia, temperantia, comitas, obedientia, &c. commendant. Talem mulierem omnes honesti admirantur & suspiciunt: apud omnes, etiam post obitum bene audit: *Mulier gra- tiosa.* suis cognatis, marito & liberis est honori. Quod si mulieres non Dei & uirtutis amore, saltem propter liberos, ne infamiæ maculam eis inurerent, uirtutibus studere debebant. Mulieres gratiæ fuerunt, Sara, Rachel, Rebecca, Abigael, Hester, &c. quarum fama nunquam intermoriatur.

Fortes apprehendēt diuitias.) *אָרָז* Araz significat pauere, conterere, robustum esse: hinc *אָרָז*



ariz in bonam & malam partem accipitur: significat enim fortem & tyrannum. Sensus est: Quemadmodum uxoris munus est ut pia sit & casta: ita à marito requiritur ut honesto labori incumbat, quò familiam suam alere possit. Ocium quia multorù malorum causa est, summo opere cauere debet. Vel, *Improbi apprehendunt diuitias.*) Hoc est, In ducenda uxore non spectat probitatè uitæ: sed diuitias. Quod enim Horatius per Ironiã dixit, nunc seriò pleriq; accipiunt:

„ O' ciues ciues, quærenda pecunia primùm est,

„ Virtus post nummos.

Pauci quærun de moribus puellæ, quam ducturi sunt: sed prima ferè quæstio est de opibus & diuitijs. Fœminæ quoq; in contrahendo matrimonio, & alijs uitæ negocijs, præcipuè diuitias spectant. Vnde Iuuenalis dicit:

„ Protinus ad censum, de moribus ultima fiat

„ Quæstio, quot pascit seruos, quot possidet agri

„ Iugera? &c.

17 Beneficus suam ipsius animam fraudat, crudelis uerò carnem suam turbat, (*corrumpit, uel perdit.*)

**Beneficentia.** *חַנּוּן* Gamal significat rependere & ablaetare. Sensus est: Vir beneficus bonum cõfert animæ suæ: hoc est, dat operam ne animam erroribus & flagitijs perdat, sed eam excolat. Vel, beneficus genium suum fraudat, ut habeat quod suis & alijs cõferat. Quàm multa turpiter prodiguntur, quibus liberi honestè educari, & egentes subleuari possent? Vidua Sareptana cibũ & sibijpsi & puero subtractum, Heliq; subministravit. 1. Reg. 17. cap. Charitatis hoc est ingeniũ, ut non tantum opibus proximo beneficiat: sed etiam uitam, postulante necessitate, in discrimen pro ipso offerat. Christus iubet, ut nos inuicem diligamus, quemadmodum ipse nos dilexit. Grauiusimè igitur contra hanc sententiam peccant, qui cum absq; suo malo, ex his quæ ipsis supersunt, proximum subleuare possent: tamen non faciunt, sinunt opes suas potius cõputrescere, ac à tineis & erugine absumi, quàm ut in aliorum usus erogent, Iac. 5. Illi quoque peccant, qui in sumptuosa ædificia, luxuriosa conuiuia, in luxuriosas uestes, torques, annulos, & alia huius generis, opes suas impendunt. Basilius in sermone quodam contra diuites, eis exprobrans, quòd pauperes, extendentes manus suas, abigant, dicentes se non habere quod eis conferant, Digitus, inquit, te mendacij conuincit. Annulis enim quos digitis inferebant, multos alere poterant. Grauius peccant, qui non modò carnem suam, hoc est, proximum (*Isaia enim 58. habetur, Carnem tuam ne despexeris, id est, proximum tuum ne contempseris: 2. Sam. 5. Os tuum & caro tua sumus, &c.*) non subleuant, sed & aliena rapiunt: quales sunt usurarij, monopolæ, milites mercenarij, tyranni, &c. Quid respondebunt in nouissimo iudicio, quãdo Christus ad electos dicit, Esuriui & dedistis mihi edere? &c. An non meritiò ipsos accusare poterit, quòd cibũ de manibus proximi extorserint, segetes protriuerint, oleas exciderint, uina effuderint, ædes aliorũ exusserint, in exilium miseros pepulerint? &c. O' quanta erit apud impios illos trepidatio. Non igitur surda aure audienda sunt, quæ toties de beneficentia proximo præstanda præcipiuntur.

**Liberi sunt caro nostra.** Possunt hæc uerba, *Qui turbat carnem suam, est crudelis.* etiam hunc sensum habere: Qui liberorum suorum (qui caro sunt & sanguis parentum) nulla cura afficitur, immitis est & crudelis. Quales illi sunt qui omnia prodigunt, de institutione liberorum parum solliciti. Quales illi erant, qui olim facti Abraami *חנניאל* liberos suos in honorem Dei immolabant. Parentes etiam illi eandem crudelitatem hodie exercent, qui pueros & puellas in monasteria, tanquã in aliquod pistrinum detrudunt. Et licet liberi se carere dono continentia obtestentur: tamen etiam contra pontificum canones eos inuitos compellunt: quò familiam suam conseruare melius possint. O' duros homines & Siculis tyrannis immaniores, qui liberos uestros in carnificinam illam corporum & animarum detruditis. Omnium scelerum quæ patrant, uos uos crudeles iustissimo iudici cum in fatali hora, tum nouissimo iudicio, rationem reddetis.

**Vxor est caro mariti.** Vxoritem dicitur caro mariti: Erunt duo in carnem unam, Genes. 2. Paulus ad Ephes. 5. cap. uititur hac ratiocinatione: Naturale est proprium corpus curare & nutrire, etiam gibbosum & infirmum: uxor est corpus uiri, coniugium enim ex duobus unum hominẽ efficit: Ergo mariti amare debent uxores. Odisse eas pugnat cum natura, &c.

Libet & hunc sensum asserere, *Qui turbat carnem suam est, crudelis:* hoc est, qui corpus suum macerat & conficit præter necessitatem. Ad Col. 2. cap. *ἀφ' ὧν* corporis reprehenditur. Est quidẽ frenandum corpus, sed nõ perdendum. Non debemus nobis ipsis crucem fingere, sed à Deo nobis impositam patienter ferre. Nec laudandi sunt principes, qui abdicato magistratu, in monasteria



monasteria sese abdiderunt, & corpus immodicis ieiunijs, cilicijs & alijs castigationibus confecerunt. Corpora nostra etiam gula & crapula conficiuntur.

18 Impius facit opus mendax.

Hoc est, non semper assequitur quod uult, multa instituit, quæ non succedunt, irriti sunt conatus & labores eius. Non enim scopum habet gloriam Dei & utilitatē proximi, ad quem omnes actiones dirigat, sed ut spectetur ab hominibus, ideoq; habet mercedem suam. Deinde opus facit mendax, hoc est, in omnibus suis actionibus dolo malo, & fraudibus utitur, quæ facit, facit *κατ' ὀφθαλμοδυσλείαν*.

Seminanti iusticiam, merces fidelis.) Seminare iusticiam, est integritati uitæ operam dare, suum cuiq; tribuere, beneficium esse in proximos, eosq; ad ueram pietatem & ueras uirtutes assuefacere. Frequens autem est hæc Metaphora in scripturis. Nam quemadmodum agricolarum, si copiosam sementē faciant, uotis agri respondent, nec sine usura reddunt quod acceperunt: ita Deus uirtutes nostras copiosè remunerabit. Et quemadmodum grana coniecta in terrā, uidentur emori: ita tamen interdum nulla præmia uirtutibus proposita esse uideantur, tamen suo tempore, qui spem suam in Deum collocant, uidebunt sua benefacta non perijsse. Mox autem subiicitur, quæ præmia iusticiæ à Deo sint parata.

Seminare  
iusticiam  
quid sit.

19 Sicut iusticiā ad uitā (perducit) sic qui seclatur malū, accersit mortē suā.

Iusticia felicem, iniusticia uerò infelicem habet exitum, quicquid mundus iudicet. Qui studet iusticiæ, in hoc & futuro seculo, felix erit & beatus. Qui uerò in omni genere scelerum pergit, & hominibus damna infert, debitas tandem pœnas luet. *ררר* radaf significat insequi & persequi. Qui non ex imbecillitate & ignorantia, sed destinata malitia peccant, rarius ueram agunt pœnitentiam.

20 Abominatio Domini sunt, qui peruerso sunt corde, & uoluntas

eius erga eos qui integræ sunt uitæ.

Prauos corde uocat, qui non rectè, secundum scripturarum regulam, sentiunt de fide: sed rationis suæ normam sequuntur: quicq; flagitiosè & turpiter uiuunt. Item qui unum in lingua habent, & aliud in pectore. Illos homines abominatur Deus. Qui uerò integri sunt in religione & moribus, placent ei. Vox illa *תמים* thamam sæpe occurrit in sacris literis & significat integrum, immaculatum, innocentem & perfectum. Perfectio autem ista, ut homini nihil desit, non contigit cuiquam in hisce terris (semper enim orare nos oportet, Remitte nobis debita nostra) tantum in illis locum habet, qui ex hac mortali carne euocati, in cœlis degunt. In hac uita qui complectuntur uerbum Dei, qui non polluti sunt falsis opinionibus, aut externis sceleribus: sed uera fide & integritate morum, Deum celebrāt, perfecti appellantur. Omnes cupiunt placere Deo, uera itaq; fide ipsi seruiant: & non modò fauore eos prosequetur, sed etiam filiorum loco habebit. Contrā, qui Dei uerbum oderunt, quibuscunq; titulis se ornent, Deo inuisi sunt & odiosi.

Perfecti  
qui.

21 Manus ad manum, non immunis erit malus.

*רר* Iad non tantum manum: sed etiam consilium, potentiam, auctoritatem, plagam siue percussione & alia significat. Multa sunt loca sacre scripturæ, quæ uarias expositiones, illasq; omnes utiles admittunt: ad quæ etiam hæc gnome pertinet. Sunt qui eam hoc modo interpretentur. Manus ad manum, hoc est, mox mox, malus pœnas dabit, citius quàm manus conferere possis: ut sit phrasis, qua celeritas significetur. Latini exemplo, è uestigio fieri dicunt, quod citra moram fit: uos dicimus, *eh hand vñ*. Tamen uerò Deus pœnas interdum differre uideatur: tamen si quis exactè & diligenter consideret, non tardat. Etenim uita mortalium, comparatione æternitatis, uix est momentum.

Vel, Qui manus complicant, hoc est, homines ignaui, qui ocio desidiaq; torpescunt, pœnas dabunt. Desidiosi enim, cum in alia flagitia, tum præcipuè in libidines incidunt, propter quas sibi multa mala accersunt. Proinde Hieronymus Rusticum suum monet, semper aliquid agat, ne ociosum diabolus inueniat.

Vel hoc uult dicere: Etsi Dominus plagam plagæ addat, hoc est, uarijs pœnis impium afficiat, tamen adeò obstinato est animo, ut à malicia ad innocentie studium non desleat. Sepe enim in scripturis, & uulgari quoq; nostro sermone, manus pro plaga seu flagello Dei accipitur. Exod. 9. cap. 1. Sam. 7. &c. Exempla publica & priuata hanc sententiā illustrent. Pharo multiplicibus pœnis, in uiam reuocari non potuit. Hodie quoq; multi neq; beneficijs, neq; plagis uarijs, fame, peste, gladio, ita commouentur, ut de resipiscentia seriò cogitent. Hunc sensum sequutus est Munsterus: ita enim hunc uersum reddidit, Quando plaga super plagam uenit, non emendatur malus. Manus cōplodere læticiæ & gratulationis est signum, ut theatra ostēdunt,

Malus pla-  
gis non e-  
mendatur.



& tunc erit sensus, etsi impij plaudant & exultent, omniaq; sibi perpetuò ex animi sententia euentura somnient, & alij quoq; magno plausu eos excipiant, pœnas tamen non effugient.

Est præterea gestus orantium, & meo iudicio hic sensus esse potest: preces malorum irritas fore: instituunt supplicationes publicas & alia, non tamen exaudientur. Sperâtenim impij precibus & letanijs suis, etsi fide uacui sint, numen placari. Ierem. 7. *¶* iad etiam accipitur pro loco parato, sicut manus ad quæcunq; facienda parata est, & tunc sensus esse posset: etsi habeant sua *ὁρμητύρια*, & ex uno in aliud se in periculis recipiant, tamen daturus pœnas.

Quidam hunc sensum asserunt, Etsi impius ad tempus manum à malo subtrahat, tamen non erit innocens: corde enim mala machinabitur.

*Etsi impij  
dextras ui-  
res & consi-  
lia iungant,  
tamen pu-  
nientur.*

Mihi maximè arridet hic sensus: Etsi impij dextras iungant, item uires & consilia, etsi fœdera faciant, ac mutuum sibi promittant, ac etiam præstent auxilium: tamen pœnas non effugient. Iosue 9. & 10. Chanaanæ reges concordibus animis conspirabant aduersus Iosuem, tamen funditus deleti sunt. Quoties nostra memoria illi qui contra Euangelium & pios homines conspirarunt, mutuis uulneribus tandem ceciderunt? Sæpenumero fures qui data manu inter se conspirant, deprehensi in crucem aguntur: latrones franguntur rotis. Hæc sententia repetitur infra 16. cap. uersu 5.

*Sed semen iustorum euadet.* Filij piorum parentum (si paternis uestigijs insistant) euadent periculum. Etsi ad tempus affligantur, tamen Deus, cui curæ sunt, ut hæc sententia ostendit, eos eripiet, uel pro hac uita meliorem reddet. Multi Psalmi de liberatione sanctorum loquuntur.

## 22 Inauris aurea in naribus porci, mulier pulchra & destituta decoro gestu.

*Forma pro-  
bam mulie-  
rem commē-  
dat.*

Pulchritudo est donum Dei, quod probam fœminam multum commendat. Grator, inquit poeta, est pulchro ueniens in corpore uirtus. Sin uerò incidat in mulierem, quæ destituitur consilio, prudentia ac pudicitia, eam nō ornat, sed pessimam reddit. Plures enim sunt, qui formosarum pudicitia infidantur. Theognis:

” *πᾶσι τοῖς ἀνθρώποις ἀρετὴ καὶ ἡὺς ὀφειλέει*

” *ὁ ἄλλος, ὅς τῷ τῶν ἀποτέγων ἐλαχεν, &c.*

Ouidius dicit in epist.

” *Lis est cum forma magna pudicitia.*

Iuuenalis Satyra 10.

” *Rara est adeo concordia formæ*

*Atq; pudicitia.*

Cogitandum erat, cur à Deo formæ munus datum esset: deinde fluxum ac momentaneum esse. Verum decus mulierum & uirginum est pudicitia: quod si præstantia formæ corporis accedat, probam quidem magis ornat, improbam uerò nequaquam. Res declaratur similitudine. Si mulier forma sit egregia, sed malis moribus, perinde est ac si naribus porci, in aurem auream, gemmas uel aureum annulum inseras. Quemadmodum enim porcus illis non parcat, sed stercorebus inserit (nihil enim porco immundius, nihil fordium amantius) sic mulier stulta, dono pulchritudinis ad superbiam & libidinem abutitur. Olim annulis aureis in auriculas insertis, sese ornabant. Inseritur & suillis rostris annulus æreus, quo minus agris suffodiendo noceant. Si uerò naribus porci, aureus annulus inferatur, est res stulta. Hanc sententiā explicat Erasmus Chiliade 1. Cent. 7. Adagio 24.

*Forma ui-  
ros quoque  
prios comen-  
dat.*

Quæ de muliebri sexu dicuntur, etiam uirili accommodada sunt. Socrates, uel secundum alios Plutarchus, discipulis suis sæpe suasisit, ut seipso in speculo contemplarentur, & qui pulchri appareret, curaret, ne dignitatē corporis malis moribus dedecoraret: qui deformis, uirtutis laude turpitudinem tegeret. Cum Diogenes uidisset quendam decora facie & moribus inhonestū, dixit: O! quàm bona domus, & malus hospes. Chrysoft. in Psal. 50. hom. 1. scribēs, quomodo Dauidem contemptum Deus elegerit, Vbi sunt, exclamat, qui semetipso adorant extrinsecus, & depingunt? nolo pulchritudinem corporis, honestatem mentis requiro. Quid enim est speciosa mulier? sepulchrum dealbatum, nisi fuerit sobria, casta, pudica. Pulchritudo autem est sine his uirtutibus præcipitium patens, uenenum insipientibus compositum. Decus enim corporis infirmitate marcescit, & pulchritudo ægritudine tabescit: animæ autem pulchritudo immortalis est & æterna, & tunc maximè ostendit proprium decus, cum cessauere pæsiones: tunc enim mens tranquillitate potitur. Si ergo uideris uirum aut mulierem speciosam, ne mireris: nam & quercus cum sint densæ folijs & altitudine excellæ, attamen non habent fructum hominibus aptum, sed porcis cibum afferunt, uitis autem per terram repens, maturum uuarum fructum affert, &c.

*Alia fortu-  
næ bona, bo-*

Quæ de forma dicuntur, ad alia etiam bona per se præclara extendi debent: ueluti nobilitatem, eloquentiam, eruditionem, diuitias, &c. Quæ uehementer pium hominem commen-

dant



dant & ornant: sed si incidant in stultos, non profunt, sed obsunt magis: non sunt ornamento, sed de decori potius. Si præclara dona à Deo accepimus, etiam atq; etiam curandum est, ne negligamus, aut in nostrum uel aliorum exitium conuertamus.

Docet etiam hæc gnome, licere interdum similitudinibus à fœdis rebus desumptis uti, ad exprimendum turpitudinem rerum. Sunt quidam auribus tam delicatis, ut ab huiuscemodi similitudinibus prorsus abstinendum censeant.

### 23 Desyderium iustorum, tantum bonum.

Iusti nihil aliud habent in uotis, quàm quod iustum est: æquitatem in omnibus cupiunt obseruari. Nihil optant quod sciunt pugnare cum uoluntate Dei. Non quod prorsus uacui sint, ab omnibus prauis cupiditatibus & desyderijs. Quis enim non sentit concupiscentiæ stimulos? Omnes uitio originis ita corrupti sumus, ut uolentes nolentes, motibus contra Dei legem perturbemur. Aliquando consensus & etiam opus accedit, sed sancti Dei subinde auxilium implorantes, pœnitentiam agunt.

*Expectatio autem impiorum, est indignatio.*) Impiis non dolet, si scelera committunt, sed cupere ueram religionem & bonas leges deletas esse, ut liberius eis in omni genere scelerum uitam degere liceret. Neq; Deum neq; homines curant: agunt illa quibus iram Dei & hominum contra se prouocant, nihilq; aliud expectare possunt, quàm grauem iram Dei, cum in hoc seculo, tum in die extremi iudicij.

### 24 Est qui dispergit, & additur amplius.

Reperias homines, qui opes suas quodammodo profundant, uolunt omnino, ut non tantum necessitati suæ & honori, sed & pauperibus seruiant: tamen nihilominus subinde locupletiores fiunt. Bona enim augentur largiendis eleemosynis. Promissiones & exempla huius generis plurima exant in sacris literis: quæ subinde in conspectu habenda sunt. Semper enim corruptæ naturæ uitio, metumus, ne fame nobis & nostris sit pereundum. Quid nobis, dicimus, & liberis suppetet, si nostra in alios profundamus? At qui opes suas liberaliter alijs ex uera fide communicant, ditiores fiunt. Vide locum Apostoli in 2. ad Cor. 9. Pauci certè hac uia & ratione uolunt ditescere, omnes ferè aliam uiam ingrediuntur.

*Est qui cohibet plus æquo ad penuriam.*) Econtrariò est reperire fordidum & auarum, qui etiam suum genium fraudat, alijs non modo nihil confert, sed quibuscunq; rationibus potest, eos spoliari: & diebus etiam dominicis, ad quæstum suum abutitur, interim tamen subinde eget. Nam Deus non confert ei suam benedictionem: conijcit eum in morbos & uarias ærumnas, atq; sic opes eius acciduntur, ut paulatim ad extremam paupertatem redigatur. De hoc iam nihil dicam, quod auaro tam deest quod habet, quàm quod non habet, & Tantali instar, a quo ori allabentibus, perpetua siti laborat.

Disce itaque beneficentiam in pauperes, & ita caue tibi ab auaritia, ne in oppositum uitium prodigalitatatis incurras. מִיֶּשֶׁר mijoschær quod conuertitur, plus æquo, alijs reddunt, à recto. s. se & alios prohibens: ut sit sensus, Rectum erat, ut quibus facultates suppetunt, alijs etiam largirentur: sed si id non faciant, ad pauperiem rediguntur.

### 25 Anima benedictionis impinguabitur.

Per Synecdochen anima benedictionis, ponitur pro homine benefico & liberali. Opes eius non deficient: sed magis ac magis crescent. Nisi simpliciter mauis intelligere, animam illius qui Deum laudat, quiq; liberaliter alijs tribuit, spiritualibus bonis cumulari.

*Et qui rigat, ipse etiam pluet.*) Idem sensus esse potest cum superioribus. Familiare enim est Solomoni, unam eandemq; rem mutatis uerbis repetere. Quanquam hæc uerba de eruditione & doctrina intelligi possunt. Qui docet alios, docendo proficiet: Deus dona sua ei augebit. Paulus 1. Cor. 5. cap. simili Metaphora utitur, inquit, Neque qui plantat, est aliquid, neque qui rigat: sed qui dat incrementum Deus. Veteres etiam duo faciunt genera eleemosynæ. Vnum corporale, quando proximum nostrum iuuamus pecunia, cibo, potu, &c. Alterum spirituale, quando eum docemus, consolamur, reprehendimus. Hoc posterius plus utilitatis affert accipienti, nec dantis facultates minuit. Quod Grammaticam attinet, רָחַף rafah, significat inebriare, rigare, satiare, & מַרְרִיּוֹר mario, pluuiam significat, quam uocè quidam à רָחַף rafah irrigando, alijs מַרְרִי id est, erudiendo deducunt. Aleph est loco he secundum R. Dauid in lib. radicum, ubi hanc sententiam sic exponit: & inebrians uel irrigans. s. pauperes, etiam ipse pluuiæ, id est sicut pluuiæ erit, uel pluuiæ uocabitur. Nam quemadmodum pluuiæ terram inebriat, ac satiat: ita ipse animam pauperum inebriat & satiat. מַרְרִיּוֹר mario id est quod מַרְרִיּוֹר mario & מַרְרִי mario pluuiæ, præsertim temporanea, quæ ut doctores Hebræorū annotat, in Octobri demittitur, ad fœcundandā terram. Pluuiæ serotina, quæ descendit in mēse Nisan, hoc est, Martio,



**מלקוש** malkosch dicitur. In Octobri maior est pluuię copia, & idcirco uocari scribunt hunc mensem **בול** bul, à **מבול** mabul, id est, inundatione: & ipsa pluuiā, etiam uocatur **רביבים** rebifim. **יִרָאֵה** iarah significat inter alia docere, instruere, in participio præsenti Kal, & in futuro hiphil habet **יִרָאֵה** iorah: sæpe autem fit ut aleph pro he ponatur. Et sic quidam Hebræorum interpretantur, *Qui inebriat alios, etiam ipse docet, uel docebit*, scilicet seipsum, quia in docendo speculatio & inquisitio augetur: uel etiam alios suo exemplo docet benefacere. Alij in uoce passiuā legunt, *Et qui inebriat etiam ipse iacietur*, id est, compluetur seu fecundabitur. Targum reddit, *Qui docet, etiam ipse docebitur*. Vulgatus interpres, *Qui inebriat, ipse quoq; inebriabitur*. Vt sit tertia persona futuri. Sed de his periti linguę iudicent. Vide Santis magnum lexicon in radice **יִרָאֵה** iarah & **רָפָה** rafah.

26 **Ei qui prohibet frumentum, maledicet populus.**

*Auari qui  
annonā ab-  
strudūt, ma-  
lē audiunt.*

Auari qui fruges & alia (sub una specie omnia comprehendit) non uendunt, etiam quando cum suo lucro possent, sed abstrudunt, optantq; maximam omnium rerum caritatem esse & penuriam: illi inquam malè audiunt ab omnibus, dira eis uulgò imprecantur: in quo tamē homines peccant. Quin iustę etiam querelę & clamor hominum, ascendit in aures Domini Zabaoth. Et in nouissimò iudicio, pauperes hominum illorum crudelitatem & auaritiā accusabūt. Sæpe etiam fit ut illorum, qui se publica calamitate solantur, fruges pereant & uina uapescant, alias quoq; pœnas eis immittit, de qua re Amos 8. cap. Exempla multa illorum afferri possent, qui sibiipsis manus intulerunt hanc ob causam, quòd non in tempore sua uendidissent: sed retinuerunt ut postea carius uenderent.

*Qui cibum  
animæ ne-  
gāt esurien-  
tibus, gra-  
uiter pec-  
cant.  
An fruges  
reponere li-  
ceat.*

Benedictio autem super caput frumentum uendentis. Qui fruges suas, tempore opportuno & æquo precio uendit, non modò laudatur à populo: sed etiam à Deo benedictionē accipit. Videmus ex hoc loco, contractus licitos esse: refutatur Anabaptistica bonorum communitas. Quod si Deus illos præmijs ornat, qui illa quę ad uictum hominum pertinent, distrahunt, quid illis faciet, qui necessaria indigentibus, gratis subministrant? Adhęc, si illi qui cibum corporis abstrudunt, tam malè audiunt, quid de illis sentiendum est, qui animæ cibum famelicis denegant? Qui uerbum Dei suis subditis non prædicant, nec præficiunt eis ministros, qui cibum hunc cœlestem eis proponere possint aut uelint: quin si exurgant homines, qui gratis eos pascere & cibare uolunt, illos exurunt? Adhęc non sinunt fame uerbi Dei laborantes, sacros liberos mutos magistros sibi comparare, ex quibus animæ cibum quærant?

Cæterum ex hoc loco non euincitur, nulla frumenta esse ad futuras necessitates reponenda. Magistratum enim est toti multitudinē prospicere. Magnum discrimē est inter illos, qui frumenta ex auaritia: & inter illos, qui propter publicum bonum conseruant. De hac re quædam 6. cap. annotauimus.

27 **Qui manē quærit bonum, quærit fauorem.**

*Maturè be-  
neficiēdum  
proximis.*

Tribus præcedentibus gnomis, docuit sapiens benefaciendū esse proximis. Id quod partim fit si eos subleuamus nostris opibus, cibo, uestitu, &c. partim, si eos docemus, castigamus, exhortamur, consolamur. Iam docet ut sine mora, matureq; hoc faciamus: Dicit enim, *Qui manē quærit bonum*, scilicet aliorum, *Consequetur fauorem & beneuolentiam*, nempe Dei, qui plerunq; efficit, ut homines quoq; nobis faueant. Vix enim alia est uirtus, quę hominem magis hominibus commendat, quàm beneficentia. Sed si Deus nobis faueat, non multum curare debemus, siue homines nos ament, siue odio prosequantur. Idem docet nos Solomon in Ecclesi. 11. cap. Mane, inquit, semina semē tuum, & uesperti ne quiescat manus tua. Paulus ad Gal. 6. cap. Dum tempus, inquit, habemus, operemur bonum, cum erga omnes, tum uerò maximè erga domesticos fidei. Periculosum est cū beneficentię, tum aliarum uirtutum studium differre. Magna tamen est hominum stultitia, in procrastinanda emendatione uitę.

*Qui autem quærit malum, obuient ei.* Qui proximis non modò non benefacit, sed eos lædit, malum tandem accipiet. Alias quoq; qui malum quærunt, inueniunt. Sæpe enim uidemus rixosos homines, qui omnes homines ad pugnam prouocant, tandem in melampygū, ut pro uerbo dicitur, incidere: ita alij quoq; scelerati pœnas persoluunt.

28 **Qui fiduciam habet in opibus suis, corruet.**

*Pij fructifi-  
cis arbori-  
bus compa-  
rantur.*

Qui ex opibus suis pauperibus nihil largiuntur, sed eas nimis diligunt, fiduciamq; suam in illis collocant, in culpam & pœnam corrueunt. Quod de opibus dicitur, de omnibus creaturis intellige. Spes in solo Deo collocanda est, non in rebus caducis & fluxis.

*Iusti autem ceu folium germinabunt.* Et si pij non habeant magnas opes, tamen Deum habent propitium: & imminetibus malis firmiter persistunt, semperq; utilitatem proximis suis afferunt. Psal. 1. pij etiam comparantur arbori frondosę, positę ad riuos aquarum. Huc pertinent uerba



uerba Iere. 17. cap. postquam maledictum illum pronunciauit, qui spem suam in hominibus collocat: addit quæ ad explicationem huius gnome mirifice pertinent: Benedictus est uir qui confidit in Domino, & cuius fiducia est Dominus. Erit enim sicut arbor iuxta aquas, & quæ mittit iuxta riuos radices suas, non uidebit si uenerit æstus, eritq; folium eius uiride, & in anno prohibitæ pluuiæ non erit sollicita, neq; desinet facere fructum.

29 Qui perturbat (uel corrumpit) domum suam, hæreditabit (uel possidebit) uentum.

Ad intelligentiam huius sententiæ considerandum est primum, qui dicantur perturbare domum suam: deinde quid sit uentum hæreditare. Conturbat domum uel familiam suam, homo morosus, iracundus, inuidus, qui undiq; rixandi materiam uenatur, quiq; familiæ errata non contegit. Conturbat domum, qui laborare non uult, sed nunc hoc, nunc illud instituit, ut ocio possit indulgere. Conturbat domum, qui non tenet modum in uestitu, suppellectile, ædificijs: qui non contentus est cibo & potu necessario, sed dies noctesq; in tabernis desidet, ludit, temere uendit, emit, conducit, locat, scortatur, deierat, pugnat. Breuiter, qui nec ipse pietati studet, nec familiam suam pietatem docet, sed malo exemplo eam corrumpit.

Tales homines hæreditabunt uentum, hoc est, egeni erunt & inopes. Qui uentum habet in suis thesauris, nihil habet. Proverbio dicuntur ἀνέμους γεωργεῖν, uentos colere, qui nihil fructus reportant ex suis laboribus. Homerus uana subinde uocat ἀνεμόλια. Ventus omnia dissipat & facit euanescere. Non autem mirum est conturbatores illos domorum nihil habere: quomodo enim Deus benedictionem illis conferat, qui ipsum contemnunt & aspernantur? Annectitur autem hæc sententia superioribus, ne quis putet decoctores, qui sua temere profundunt, Deo probari. Pia & moderata cura rei domesticæ, exemplo sanctorum, & locis scripturæ nobis commendatur. Ephes. 4. 1. Tim. 5. &c.

Eritq; stultus (ille) seruus (hominis) corde sapientis. Conturbatores illi domorum uel decoctores, tandem ad mendicitatem rediguntur. Et si enim à parentibus hæreditas eis obuenerit, & habeant unde honeste uiuere possent: tamen sua dilapidant, oppignerant & uendunt domos, prata, uineas, & alia quæ habebant. Incidunt sepe in usurarios, qui eos mox opibus suis exuunt: tandem decocto patrimonio coguntur miseri mendicare, uel aliorum serui fieri, & multa facere, quæ antè eos facere puduisset. Multi militatum abeunt, & à ducibus miserrimè tractantur. Iustum autem est, ut qui imperare nescit, ab alijs imperium patiatur. Exemplum habes in filio prodigo, Lucæ 15.

30 Fructus iusti lignum uitæ.

Hoc est, fructus qui iusto datur, est lignum uitæ. Alludit ad cap. 2. Gen. ubi legitur, in paradiso fuisse lignum, id est, arborem uitæ. Typus erat Christi, qui uita est fidelium. Ioan. 14. Ego sum uia, ueritas & uita. Ioannis 5. capite appellat se cibum. Apocalyp. secundo capite, Christus Ephesios per epistolam, quam Ioanni Euangelistæ dictauit, ad ueram penitentiam & doctrinæ constantiam hortatur, atque amplissima eis promittit. Vincenti inquit, dabo edere de ligno uitæ, quod est in medio paradyfi Dei mei. Et capite 22. in descriptione ciuitatis celestis, In medio plateæ eius, inquit, & ex utraque parte fluminis est lignum uitæ, per menses singulos adferens fructum suum, &c. Per externa illa, gaudium æternum adumbrat, quod pijs Dei cultoribus paratum est. Vel sensus est, Fructus iusti, hoc est, quem iustus dat, est arbor uitalis. Arbor frugifera, non tantum decus est & ornamentum horti, sed etiam magnas utilitates affert. (Hinc cautum est 12. tabulis ut qui iniuria cæcidisset alienas arbores, mulctaretur. Plin. lib. 17. cap. 1. Extat etiam lex Iustiniani, ut qui arbores & maximè uites incidunt, latronis more puniantur.) Ita hominis iusti sermo, tota deniq; uiuendi ratio alijs utilis est & salutaris. Familiare autem est prophetis, homines frugiferis arboribus conferre, quales sunt oliua, ficus, uitis, ut ostendant Deum uelle populum frugiferum, non sterilem. Sermones uerò & opera hominum, fructibus comparantur. Suprà os iusti aquarum scaturigini comparauit.

Et qui capit animas, sapiens est. Sapiens est, qui studet multos homines pertrahere ad cognitionem Dei, hoc enim est capere, uel suscipere animas. Mundus stultos iudicat qui docendi laborem suscipiunt, maximè si gratis hoc faciant. Non solum ministrorum uerbi est officium ut capiant animas, sed aliorum quoq; hominum. Quemadmodum uerò uenatores, aucupes & pscatores considerant quæ sit animalium natura, quæq; ratione capi possint: ita sapientis est cogitare, quo pacto quisq; moueri aptus, & ad quas res procliuius sit, quas auerferetur, quæ cuiq; insint uirtutes aut uitia, quæ cuiusq; sit ætas, quæ conditio: alijs enim reb. mouentur senes, alijs iuuenes, &c. Opportunitas quoq; captari debet. Christus seruator noster, Apostolos



suos uocat, piscatores hominum. Christi quoq; uicarij, & Apostolorum successores, si dijs placer, animas uel homines capiunt, sed longè alia ratione: nam traditionum humanarum casibus eos implicant, in carceres conijciunt & diris tormentis afficiunt. Proinde Christi uenatores, piscatores & aucupes, non sunt.

31 Si iustus in terra remuneratur: quanto magis impius & peccator.

*Notæ amoris Dei erga nos.*

Sensus est: Si Deus illos, qui uerbum suum reuerentur, & quoad eius fieri potest, uita conantur exprimere, punit & affligit, quid illos manebit, qui uerbum Dei contemnunt, qui in uaria scelera ruunt, quosq; impietatis suæ non pœnitet? Quiuis facile colligere potest, grauissimum supplicium eis impendere. Sæpe conquerimur nos durè accipi à Deo, & impios non modò non flagellari, sed & omnibus bonis affluere. Hinc aliquando dubitare incipimus, an omnia Dei prouidentia gubernentur: at ex afflictionibus nostris potius aliquo modo concludendum erat, nos ad Deum pertinere. Quemadmodum ad Heb. 12. ca. explicatur. Quis est filius, inquit, quem non castigat pater? Vide locum. Et in 1. Cor. 11. Cum iudicamur, à Domino corripimur, ne cum hoc mundo damnemur. Afflictiones igitur sunt quædam amoris Dei erga nos indicia. Vera enim indicia sunt promissiones, fides, & spiritus, qui spiritui nostro testimonium perhibet, quòd simus filij Dei. Regnantibus impijs in mentem nobis uenire debebat hæc sententia, Si pij castigantur à Deo, impijs quid fiet? Similiter argumentatus est seruator noster Lu. 23. dicens ad mulierculas: si in humido ligno hæc faciunt, quid fiet in arido? Hoc argumentum repetit D. Petrus in 1. cap. 4. Deus Iere. 25. ostendens gentes quoq; uastandas esse, inquit: Si in ciuitate, quæ uocatur nomine meo, cœpi malum facere, uos ne immunes eritis? Deus interdum differt pœnam impiorum in alterum seculum, aliquando in hoc seculo eos affligere incipit. Ex impiorum felicitate colligere possumus, iudicium & aliã uitam restare. Natura enim nobis insitum est, bonis bene esse debere, malis malè. Hoc uerò in hac uita non accidit: sanctissimi enim uiri, Prophetæ, Apostoli, martyres à crudelissimis bestijs lacerati sunt, & etiamnum lacerantur: ueniet igitur iudicium, in quo Christus bonos à malis discernet, & bonos præmijs, malos autem æternis supplicijs afficiet. Exultent nunc impij, pios gladio & igne persequantur, uices aliquando erunt. Quale autem futurum sit hoc supplicium quod impijs paratum est, scriptura multis in locis ostendit. Et licet impijs frustra hæc inculcemus, magno tamen suo malo, mox mox experientur, quantum inter uerbi Dei cultores & contemptores intersit. Pij interea impiorum successibus & uictorijs nihil permouentur: sed Dominum timeant, qui tempore opportuno ipsos liberabit.

## CAPVT XII.

**Q**ui amat castigationem, amat scientiam, & qui odio habet increpationem, insipiens est.



AE C sententia ostendit, quibus signis sapientiæ studiosus & stultus discerni possint: ille cognoscitur ex eo, quòd castigationem amat, hic ex eo quòd eam detestatur. Castigatio enim & increpatione sunt instrumenta quædam discendæ sapientiæ.

*Officiū illorum qui alios castigant.*

Discunt ex hac gnome parêtes, magistri, magistratus & concionatores, ut uerbis & factis, prout necessitas postulabit, peccâtes corrigant. Obijcis, boni non indigent correctione, mali ea non mouentur. An igitur falsa sunt quæ Deus dicit? Experientia quoq; ostendit, quàm utilis sit correctio: quàm multi ad frugem peruenerunt, qui si suo arbitrio uixissent, periissent? Quod si irriti sint tui conatus & labores, quod pertinaces attinet, tu tamen tuum fecisti officium, & excusationem habebis in iudicio Dei. Curandum autem est, ut correctio bono animo fiat: utq; duo illa præcipitia caueamus, ne scilicet nimis remissa sit: alioqui uitia fouebimus potius, quàm remoueamus. Deinde, ne nimis dura sit aut cruda: alioqui à salute potius homines auertemus, quàm ut eos in uiam reducamus. Vt in omnibus rebus, sic etiã in correctione, mediocritas seruanda est.

*Officiū illorum qui castigantur.*

Deinde qui castigantur, cuiuscunque sint ætatis, discunt ferre correctionem. Cogita semper, uitij tuis reprehensionem meritis es, tibi in bonum ceder, si pondus suum apud te habeat. Ex officio hic agit quod agit: Deo uisum est te per illum castigare. At, inquis, malo animo facit. Hoc tu ignoras: sed esto, sic se res habeat, tamen non excusaris. Qui ab alijs regi nolunt, sed sua consilia sequuntur, dicit Sapiens, insipientes sunt, & fiunt. An non magna est stultitia medicinam aspernari? Illi homines obbrutescunt, hoc est, in ferarum naturam degenerant, asini fiunt, porci & canes: tandem sera pœnitentia ducti, clamant: Utinam



Vitam correctionem non repuliffem. Chryfoftomus fcripfit fermonem de ferendis reprehentionibus, in quo hanc quoq; fententiam explicat.

Quæ de humana correctione dicuntur, de diuina quoq; intelligenda funt. Quod fi paupertate, morbis uel alijs ærumnis Deus te flagellet, ne indignè feras: fed da operam ut uitam tuam emendes. Quod linguam attinet, **רצ** baar fignificat pecunus factus eft, infatuatus eft: eft etiam nomen, & fignificat hominem pecunum, qui pecudis more uitam degit, nec feipfum tegere poteft. Hinc eft interpretationis uarietas.

Castigatio  
diuina.

## 2 Bonus educet fauorem à Deo.

Iuftos homines Deus beneuolentia profequitur, auget eis dona fpiritus fui, fidem, dilectionem, patientiam: munit eos contra exemplum mundi, & infidias fatanæ. Etfi totus mundus te odio habeat, modò Deus te paternè complectatur, ne moreris. Non lædere poterit te mundus, nifi quando & quantum Deus in falutem tuam concefferit. Si Deus nobifcum, quis contra nos? Non autem quifquam putare debet, in nofta natura aliquid effe, quo Deus ad amandum nos prouocetur. Maximum enim difcrimen eft, inter Dei fauorem & hominum. Homines alijs fauent, quia in eis quædam inueniunt, quibus alluci poffunt ad amandum, ut hera in ancilla, uir in uxore, ciuis in ciue: at Deus in nobis nihil inuenit, propter quod nos diligit, 1. Ioan. 4. In hoc eft charitas, non quòd nos dilexerimus Deum, fed quòd ipfe dilexerit nos. Rom. 5. Dilexit nos, cum adhuc inimici ipfius effemus. Hæc idcirco dico, quòd Papiftæ dicunt, nos bonis operibus præparari ad recipiendam gratiam & fidem. Sed priusquàm fide præditi fumus, omnia opera nofta peccatum funt: quomodo igitur peccatis nos præparamus? Nihil in nobis boni eft, quod non à fonte boni acceperimus. Huc pertinent plurima loca fcripturæ, &c. Breuiter, quicquid habemus, Deus ex fua dilectione nobis contulit: initium, medium & finem falutis noftre, Deo acceptum referre debemus.

Quare Deus  
nos diligit.

Et uirum malarum cogitationum condemnabit.) **מזמות** mizmoth fignificat cogitationes prauas, practicas uulgò uocant. Qui nefarijs confilijs & artibus, euerfionem ueræ religionis, & alia nefaria moliuntur, iufto Dei iudicio peribunt. Deus sæpe detexit huiufcemodi machinationes, & in exitium illorum confultorum conuertit: exempla alibi recitantur. Sed uult igitur effe orandus, ut hodie quoq; hoftium infidias & praua confilia diffipet.

## 3 Non firmus manet homo in impietate.

Hoc eft, qui fccleratis confilijs & factis, bona retinere, amplificare uel comparare nolunt, peribunt. Exemplum multa hoc oftendunt. Multi perfequutione Euangelij, fuum thronum & regnum ftabilire uolentes, uitam pariter & regnum amiferunt. Pilatus condemnauit innocentem Dei filium, ut Cæfarem clementem habeat: fed illam ipfam ob caufam incurrit & Dei & Cæfaris offenfam, ac tandem in exilium relegatus, feipfum ferro tranfuerberat. Multi uifuris neceffaria fibi & fuis comparare uolunt, & illa etiam quæ honeftè collegerant, amittunt. Quid autem prodeft, etfi multa parent, & interim animæ iacturam faciunt? Quot ab negatione uerbi Dei, afflictiis fuis rebus confulere uoluerunt, poft ea in horribili desperatione decefferunt? Qui peccatis pericula propulfare uolunt, non minus ineptè uidentur facere, quàm fi quis ignem feruente oleo, aut puluere bombardario uelit extinguere. Hac de re 10. cap. multa diximus: Vel fimpliciter dicere poffumus, impios non confiftere, fed fuæ impietatis meritis pœnas dare.

Radix autem iuftorum, non mouebitur.) Iufti in maximis tempeftatibus, immoti perfiftunt: fciant fe propitium habere Deum per Christum, ac omnia fibi in bonum cedere: toti à prouidentia Dei dependent, nam radices egerunt in uerbo Dei. Matth. 13. dicitur femen cecidiffe in faxofa loca, quod oriente fole cum radice careret, exaruerit: fed illi corde bono femen uerbi excipiunt, ubi radices agere poteft. Suprà 10. cap. uerfu 30. diximus quæ huc quoq; pertinēt.

Liberi etiam & pofteri ipforum, felices funt. Ionathæ filium, Mephibofethum, Dauid propter patris pietatem in fua menfa fouit. Stirps Dauidis ab Athalia uidebatur radicitus fublata effe: fed Ioas feruatus fuit diuina prouidentia. Adhæc fi iufti non carnis, tamen fpiritus pofteritatem relinquunt.

## 4 Mulier fedula uel uirtutibus prædita corona eft mariti fui.

**כנ** Chail fignificat ftrenuam uel uirtutibus præditam. Virtutes quibus matres familiæ ornatas effe decet, exempla fanctarum mulierum, multi loci fcripturæ nobis oftendunt. Talis mulier ultimo capite huius libri defcribitur. D. quoque Paulus in epiftola ad Titum 2. capite uetulis præfcribens, quid iuniores doceant, præcipuas cōprehendit: quæ funt, dilectio mariti & liberorum, fobrietas, caftitas, cura rerum domefticarum & obedientia. His

Mulier  
fedula.



uirtutibus ceu gemmis insignita, corona, ornamentum & singulare decus est mariti sui. Sic D. Paulus Philippenfes gloriationem suam & coronam uocat.

*Mulier confusiois, est quasi putredo in ossibus eius.*) Vxor quæ pudefacit maritum & seipsam, hoc est, quæ morosa, rixosa, garrula, ignaua, prodiga est, præcipue uerò, quæ fidem coniugalem uiolat, est quasi putredo in ossibus uiri. Si medulla ossium uel ipsa ossa computrescunt, maximos dolores homini affert: sic mulier nullis uirtutibus prædita, maritum suum in maximos cruciatus coniicit. Hesiodus quoque dicit mulierem *δειπνολέχην*, id est liguritioni deditam, ac per consequens ignauam & salacem, uirum quamlibet robustum urere sine face, & crudæ senectæ tradere.

Quæ autem dicuntur de uxoribus, maritis quoque adaptari possunt, qui proprijs uirtutibus etiam conspicui esse debent: quod si tales non sint, honestis fœminis maxima cruciamenta conciliant.

### 5 Cogitationes iustorum iudicium.

De cogitationibus  
piorum.

Illæ gnomæ ostendit quales sint cogitatus, & consilia bonorum & malorum. Pij non tantum uerba & facta sua Deo approbare student, sed etiam cogitationes. Non hoc uult dicere, Pios nihil aliud cogitare, quàm quod æquum & iustum sit (inuitis enim multæ malæ cogitationes obrepunt, quales illæ sunt, non omnia gubernari prouidentia Dei, non omnia uera esse quæ sacris literis continentur, Christum fortè non pertulisse pro nobis mortis cruciatus, &c.) sed ostendit sanctos ad perfectionem eniti, non indulgere malis cogitationibus, non hospitio recipere malos illos hospites, sed excludere, reuocare mentem ad alia, occupari sacra lectione, utilia operari, uitare occasiones mala cogitandi, orare item Deum, ut sanctas cogitationes ei suggerat: Ex nobis enim, ait Paulus 2. Cor. 3. non sumus idonei aliquid boni cogitare. Deinde cogitationes piorum sunt iudicium, hoc est, cogitant quomodo & ipsi & alij faciant suum *מִשְׁפָּת* *mispah*. Crebrò etiam nouissimi iudicij recordantur.

Non peccamus sermone tantum & operibus, sed etiam cogitationibus: animo enim & corpore, nos Deo addictos esse conueniebat. Peccamus igitur, si uel cogitationes ab obedientia uerbi eius subtrahamus. Vulgo dicunt, liberas esse cogitationes, nos impunè quiduis cogitare: quod quidem uerum est, si loquaris de hominum iudicijs, sed coram Deo res aliter habet. Crescit autem peccatum cogitationis, si delectatio & assensus accedat, item si in uerba erumpat & facta. Colligimus obiter, quàm illi desipiant, qui suis operibus salutem attribuunt, cum tam corrupta sit nostra natura, ut nihil boni ex nobis uel cogitare possimus.

*Impiorum autem consilia fraus.*) Cogitationes & consilia impiorum, dolus sunt: dies noctesq; cogitant de extinguenda luce uerbi Dei per dolos. Nam cum mala sint ipsorum opera, lucem reformidant. Ioan 3, Opes item aliorum ad se per fraudes rapere cupiunt: de his Micheæ 2, Væ his qui cogitant uana. Breuiter, cum defunt uires, cogitant tamen de malis inferendis. Exemplo sunt aduersarij Christi, qui cogitabant multa contra Christum, ac tametsi blandi interdum essent, tamen exitium ei moliebantur. Cauti ergo simus, & semper cogitemus impios nihil aliud cogitare, quàm dolum, etsi aureos montes nobis polliceantur.

### 6 Verba impiorum insidiari sanguini.

Sermo impiorum de  
fundendo  
sanguine.

Dictum est de cogitationibus & consilijs: sequitur de sermone piorum & impiorum. Impijs non est religio sanguinem innocentem fundere, sed toti in hoc sunt, quò opes & alia possint quacunq; ratione, uel retinere uel amplificare. Falsi illi testes, ut Isabellæ uxoris Achabi fauorem compararent, testimonium dicunt contra Nabothum: iudices iniustiam sententiam proferunt. Herodes ne regno pelleretur, infantes Bethlehemiticos, & in his scribit Macrobius, proprium filium iugulat. Quàm temerè à principibus & mercenarijs militibus hodie bella suscipiuntur & geruntur? Quot sunt Iscariotici homines, qui Christianos accusant, ut bonorum uel minimam partem accipiant?

*Os autem iustorum liberat eos.*) Bifariam hæc sententia exponi potest. Primum, pij & sancti homines abhorrent ab innocenti sanguine, bonos defendunt & eruunt. Sic Acto. 5. cap. Gamaliel se senatui Hierosolymitano occidere uolenti Apostolos, opponit. Multi hodie quoq; in aulis principum pro Christianis intercedunt. Quin boni & si suam sententiam uident uincere non posse, tamen non adduci possunt, ut contra innocentes pronuncient. Deinde hic quoq; sensus esse potest, pios quia nemini maledicunt, sed utilia tantum proferunt, iusto hominum iudicio liberari. *Adhæc os iustorum liberabit eos*, id est, impios conuerteret ad Deum, & sic ab eorum iniquitatibus & pœnis eruet eos.

### 7 Vertendo impios, & non erunt.

Mundus illos perpetuò beatos fore iudicat, qui omnibus rebus affluunt: cōtrā illos miseros, qui



qui rebus necessarijs destituuntur, licet obseruantes sint mandatorum Dei: at Deus impios euertet, ut subito gloria ipsorum concidat, nec uestigia eorum ulla appareant. Vide Psal. 37. Exempla multa etiam recentia, hoc comprobant. *הפך* hapach uertere, conuertere, euertere significat, ponitur in Macor, *uertēdo impios uel euertere impios, et nō ipsi, uel non sunt.* In finitiuis sæpe ponitur pro imperatiuo: hinc uulgata editio legit, *uerte impios.* Septuaginta *ἐκείνους τὰς ἀσεβείας ἐκείνους*, id est, quocunq; uertatur impius, deletur. Munsterus, *subuerit* (Deus statum) impiorum.

Domus autem iustorum perdurat.) Domus significat familiam: ut cum dicimus, domus Austriaca, Burgundica. Pij homines nullis procellis eueri possunt, fundamento enim Christo nituntur, Matthæi 7. Etiam omnibus fortunæ bonis exuti, perstant. Domus Saulis statim deleta fuit, Ionathani autem filij ipsius quem ille spurium contumeliosè uocabat, ad aliquot secula durauit, 1. Paralip. 9. Glossa hunc locum non ineptè Ecclesiæ accommodat, quæ domus sanctorum, & Dei dicitur. Et si enim multis malis conquassetur, tamen Dominus eam conseruabit, etiam contra portas inferni. Nauicula Petri nunquam submergetur, Christum enim habet nauclerum.

Ecclesia nō euerteretur.

### 8 Secundum intelligentiam suam laudabitur uir, peruersus autem corde, erit in despectionem.

Hæc sententia ostendit qui laudandi ac honorandi sint, qui minus. In conferendis honoribus iudicio & iusticia utendum est. Sunt qui hostes ueræ religionis, omni honorum genere prosequuntur, interim uerò pios homines negligunt. Reprehendit hoc uitiū D. Iacobus in sua epistola 2. cap. Si ingrediatur, inquit, in cœtum uestrum uir aureum gestans annulum, ueste indutus splendida, ingrediatur & pauper in sordida ueste, dicitis diuiti, tu sede illic: pauperi uerò, tu sta illic, aut sede hic subter scabellum, &c. Sapiētes & bene meriti, ob suas uirtutes laudibus & honore afficiēdi sunt, turpes & prauī non item. Celebratur Mardocheus, qui impium Hamanū contempsit. Si in epulo aliquo, uel pompa, sit uxor honesta uili habitu, & scortum bene excultum, honor habendus est probæ matronæ, reiiciendum scortum. In distribuendis publicis muneribus idem est cogitandum, & in conferendis quibuscunq; beneficijs. Tametsi uerò hæc rarò fiant inter homines, Deus tamen incorruptè de bonis & malis iudicat, in nouissimo quoq; iudicio bonos à malis separabit.

Prudentes uiri honore afficiendi.

### 9 Melior est contemptus & seruus sibi, quàm se glorificans, uel nobilis egens pane.

Sententia hæc pronunciat contra ostentatores. Sunt homines qui de splendore suæ familiæ magnificè loquuntur, deq; rebus præclarè gestis bello & pace: sed si quis inquirat, res secus habet. Sunt qui suas opes ostentent, interim uix habent, unde latrantem stomachum placare possint. Athenæus scribit de paupere quodam ostentatore diuitiarum, qui cum unum duntaxat famulum haberet: tamen eundem uarijs nominibus uocabat, ut hospites existimarent eum plurimos habere. Præstat autem ut humiliter de teipso sentias, operi incumbas, & ita tibi ipsi inferuendo, uitæ necessaria conquiras, quàm ut iactando natalium splendorem, famem patiaris. Quod si ex illustri familia natus es, uide ne macula sis generis: si opibus abundas, cogita in quem finem à Deo acceperis. Breuiter, talem te gere, ut alij potius te laudibus efferant, quàm tu teipsum.

Ostentatores.

### 10 Agnoscit iustus animam iumentī sui.

Vir iustus, hoc est, humanus & æquus etiam pecoris sui curam & rationem habet, dat ei pabulum, & aquatum ducit, quietem ei concedit, non onerat, aut impellit supra modum. Hanc phrasim, agnoscit animum pecoris sui, Luth. reddit, *miseretur pecoris sui.*

Deus etiam leges tulit, quibus pecudes nobis commendat. Præcipitur enim in Lege: Si uideris asinum lapsum aut prostratum sub onere, etiam si fuerit inimici tui, eum releues, neq; dissimulando pertranseas. Item, si asinum uideris aut bouem errantem, & eorum dominum ignores, ad te colligas, quoad cognoueris ad quem pertineant. Præcipit Deus, ne os boui trituranti obligemus. Vult adhæc, ne quid operis iumenta faciant die sabbati, sed quiescant. Et quanquam hæc leges non propter bruta, sed ad hominum emolumentum latæ sunt, ut multa hinc discant, & ne damnum aliquod accipiant: tamen non uult, ut uis pecori inferatur. Phocylides hinc uidetur mutuatus esse hæc carmina:

*μη τήνους θυρείο βορὴν κατὰ μέτρον ἐλκεαι*

*νήνους δ' ἢν ἐχθροῖο πέσον, καὶ ὁ δόρυ, σὺν ὧν πορ.* hoc est.

Ne auferas cibum iumentī mortalis, secundum mensuram,

Si uerò iumentum hostis ceciderit in uia, coalleua.

A minori ad maius colligere possumus, si uir humanus & æquus curam habet iumentī sui,



quantò magis seruorum, & aliorum, quorum opera & labore ad suum commodum utitur? Seuerè cautum est lege Domini Leuit. 19. Deut. 29. ne apud nos dormiat merces operarij. Quod de famulis & mercenarijs dicitur, multò magis de illis intelligendum est, quos accepta pecunia in mensa tua alere, & artem aliquam docere debes, item de uxore & liberis. Reperiuntur nò pauci ingenio tyrannico, qui sibi solis putant homines uiuere, aliorum sudores exugunt, non cogitantes quòd Deum habituri sint uindicem. Pastores quoq; Ecclesiarum hinc discunt suum quoq; gregem curare.

*Impiorum ulcera crudelia.*) Id est, affectiones impiorum sunt immites. Duri & feroces homines, pecorum quibus aluntur, curam nullam habent, scuticis impellunt, immodicisq; laboribus conficiunt. Hinc fit ut commodis illis, quæ ex pecoribus percipienda erant, sæpe sua culpa fraudentur. Ferè etiam comparatum est, ut qui animalia inclementer tractant, erga homines eadem inclementia utantur: seruos suos ut bestias tractent. Exemplum habes in Pharaone. Si fame multos confici uideant, nulla erga eos misericordia tanguntur. Si cognati, amici uel uicini moriantur, rident. Si in bellis & persecutionibus, homines, quibus etiam ferarum rabies parcat, iugulentur, nulla eis uel lachrymula excutitur. Quin etiam in uxores & liberos summam crudelitatem exercent. Prædixit autem spiritus Dei, nouissimis temporibus uenturos homines ἀσέπγους. Mites homines & lenes, ne gallinam quidem lædunt.

## 11 Qui colit terram suam, saturabitur pane.

Agricul-  
tura.

Hæc gnome promissionem continet, quòd illis qui honestum laborem exercent, necessaria non sint defutura. Per agricolationem omnes honestas artes intelligit. Illam autem idcirco uidetur ponere, quia (ut Cicero inquit, libro primo Officiorum) omnium rerum ex quibus aliquid acquiritur, nihil est agricultura melius, nihil uberius, nihil dulcius, nihil libero homine dignius. Apud omnes gentes in magnò precio fuit uita rustica, quam diuiserunt in passionem & agriculturam. Patriarchæ agricolæ fuerunt & pastores. Romani cum uirum bonum laudabant, bonum agricolam bonumq; colonum uocabant. Cincinnato aranti, oblata est dictatura. Multi duces Romani in agro uitam consumpserunt, quemadmodum postea temporibus, multi principes monasteria ingressi sunt: quod tamen in eis non est probandum: non enim uocatio nostra temerè deferenda est. Priscam nobilitatem non puduit colere agros, spargere semina, tractare ligones. Quin ipse Christus patrem suum cœlestem, agricolam uel uinitorem uocauit. Ioan. 15.

Porro notandum est, promissiones corporalium illarum rerum, semper conditionem habere adiunctam. Per allegoriam dicere possum, Qui agellum ingenij sui excolit, fructum percipiet.

*Qui sequitur inanes, deficiens est corde.*) ריקים rikim inanes, egentes, pauperes, hoc est homines perditos significat, qui nolunt laborare, sed subinde genio indulgent. 2. Sam. 6. cap. Michol expbrat Dauidi, quòd non secus quàm unus ex uacuis, id est, stultis uel mendicis, se nudarit coram arca: qui se his coniungit est stolidus. Vel sensus est, qui sectatur res inanes, hoc est, non utilem & honestam aliquam artem, sed ματαιοτεχνίαν, quæ nihil habet quàm superuacaneum & uanum laborem. Qualis illius fuit, de quo scribit Quintilianus, qui ciceres ex spacio distante missas, in acum sine frustratione inferebat: quem cum spectasset Alexander, donasse eum dicitur eiusdem leguminis modio: quo præmio ostendit, non probandos qui omnem ætatem in rebus inutilibus consumunt. Legimus quosdam imperatores, funambulos, agyras, scurras, mimos, histriones, & alios, qui curiosas artes exercuerunt, submouisse ab aulis suis. Multò minus probandæ sunt μαυοτεχνίαι, ut cum homines monopolijs, usuris, lenocinio & alijs uoluptuarijs artibus, opes parant. Quisq; honestum laborem diligere debet, quem bona conscientia exercere possit, quique utilitatem proximis afferat.

## 12 Desyderat impius rete uel uenationem malorum.

Studiū im-  
piorum in  
persequen-  
dis pijs.  
Locus Ier.  
16. cap.

מזוד mazud est rete, sarena: aliquando munitionem & propugnaculum interpretantur. Impij nihil habent antiquius, quàm ut retia quæ uaria habent, tendant hominibus, hoc est, uarijs artibus & insidijs, eos spolient opibus, in idololatriam & scelera eos pertrahant, uitam deniq; eis eripiant. Allegoria sumpta est à uenatoribus, aucupibus & piscatoribus. Ierem. 16. cap. minatur Deus, se populo suo immisurum milites, dicens: Ecce ego mitto ad piscatores multos, dicit Dominus, & piscabuntur eos: post hæc mittam ad uenatores multos, qui uenabuntur eos, de omni colle, & de cauernis petrarum. Hæc allegoria multa comprehendit. Venatores enim magno labore, die noctuq; hyeme & æstate, occultè & manifestè feris insidiantur, inedia & algoris patientissimi sunt: toto die per loca auia & abrupta ali-

quando,



quando, feras persequuntur. Cic. lib. 2. Tuscul. Pernoctant uenatores in niue, in montibus uri se patiuntur. Deinde supra quàm cuiquam credibile sit, gaudent si feras in retia impellant, iocus & lusus eis est, multas prostrernere & uenabulis transigere. Inuenias piscatores & aucupes qui dicant, se maiorem uoluptatem percipere capiendis piscibus & auiculis, quàm comedendis. Piscium, si eos incidimus, nos non miseret. Præterea diligenter obseruant quæ sit ferarum, piscium & auium natura, quo tempore, loco, quibus instrumentis capiantur. Etiam astutissima animalia capiunt. Ita impij dies noctesq; de opprimendis pijs cogitant, nullis parcunt laboribus, gaudent si multos rogos ardere uideant, nulla erga pios misericordia afficiuntur. Obseruant quo pacto quisq; capi possit facile, an blanditijs, an minis, an muneribus. Cum autem impios tales esse, omnium seculorum historia constet, & quotidiana experientia notum sit, magna cautione pijs est utendum.

Caeteranus uertit, *desyderium impij laqueus malorum*, id est, quæ ab impijs desyderantur, laquei sunt hominum malorum, illaqueant enim eos, &c. Castalio reddit, *cupit impius quod uenatur mali*. Vide num hic quoq; sensus esse possit, Impius ita instituit suas res, ut uideatur expetere rete malorum, id est, ut cum malis capiatur. Nostri dicunt illum qui unà cum malis auibus uolat, cum eis capi. Phocylides dicit:

*πράξις οὐδὲν ἄλλοις ἢ κακοῖς ἐστὶν ἀνταρθεύουσα.*

Radix autem piorum dabit. ) scilicet fructum. Tamen si impij contra pios nihil non moliantur: tamen pij floreant, & nihilominus suo officio nequaquam deerunt. Imò eo magis suæ uocationi incumbunt, cum uident impios in rebus malis tam esse impigros.

### 13 Propter præuaricationes labiorum, laqueus malus.

Supple, paratus est, uel aliquid simile. Donum sermonis maximum est. Hoc ut intelligamus, mutos aliquando proponit nobis Deus. Quemadmodum uerò alia dona Dei, ad gloriam eius & salutem proximi conuèrtere debemus, ita etiam donum sermonis. Si homines lingua abutuntur, laqueus eis paratus est. Si concionatores non ueram, sed falsam doctrinam populo inculcent, uitia non insectentur, sed extenuent: Si magistratus eloquentiæ donum, ad labefactandum religionem & bonas leges, oppressionemque bonorum conuertant: si patres familias sermonibus suis, liberos suos, seruos & ancillas offendant: si alij quoq; ad blasphemias, mendacia, obtreptiones, contentiones, lingua sua abutuntur: paratus est eis laqueus. Sæpe enim conijciuntur in carceres, trahuntur in forum & ad supplicia. Quod si poenitentiam non agant, diaboli laqueis & catenis uincti, ad tartara præcipitantur. Nec solum sibi ipsis, sed alijs quoq; laqueum sua lingua iniiciunt.

Iustus autem de angustia effugiet. ) Qui linguam suam ita assuefacit, ut nihil loquatur, quàm quod ad Dei gloriam & proximorum salutem facit, emerget ex omnibus malis. Obijcis, nemo melius usus est lingua, quàm prophetae, Apostoli & sancti martyres, tamen uarijs supplicijs affecti sunt. Respondemus, Extant multa præclara exempla liberationis sanctorum. Apostoli coniecti in carcerem, educuntur per angelos. Sic alij quoq; in hac uita, hostium insidias euaserunt: uera tamen liberatio est per mortem, quando liberati ab omnibus molestijs in æterna gaudia colligimur. Deinde quomodo corporalium rerum promissiones accipiendæ sint, sæpe admonuimus.

Abusus sermonis.

### 14 De fructu oris quisq; saturabitur bono, & retributionem manuum hominis, reddet ei.

Sensus est, Qui bene usus fuerit lingua & manu sua, fructum percipiet. Sic Isa. 3. legitur: Dicit iusto quòd bene habebit, quia fructum studiorum suorum comedit. Væ item impio malo, quia retributio manuum suarum fiet ei. Hunc locum & alios similes obijciunt nobis Papistæ ad asserendum meritum.

Non negamus nos, bonis operibus à Deo mercedem esse paratam, ac præmia tum præsentis, tum futuræ uitæ, pijs dari. Multi enim loci scripturæ hoc testantur: addimus tamen, hæc præmia non ex operum dignitate, sed tantum ex mera gratia Dei conferri. Vt ex gratia bona opera edimus: ita ex gratia illa ornantur præmijs. Præclara est illa Augustini sententia, in enarratione Psalmi 70. dicam omni homini nascituro: Nihil es per te, Deum inuoca, tua peccata sunt, merita Dei sunt: supplicium tibi debetur, & cum præmium uenerit, sua dona coronabit, non merita tua, &c. Huc quidam respiciens, inquit:

Nil Deus in nobis præter sua dona coronat.

Interim tamen bona opera, etsi nos non iustificent, locum suum honestum habent in Ecclesia. Iniuria nos afficiunt qui dicunt, nos bonis operibus nihil tribuere.

Merceres bonis operibus parata.



## 15 Via stulti, recta est in oculis eius.

*Stulti sunt* Huic prouerbio respondet illud Latinorum, Suum cuiq; pulchrum, &c. Stultus dicta, facta  
*φιλαυτοι.* & instituta sua, omnibus alijs præfert. Virtutes alienas calumniatur, & sua uitia dissimulat. Quemadmodum de simijs refertur, quod suos catulos, omnium animalium turpissimos, tanquam formosissimos subinde exosculatur: sic stultus omnia sua miratur & ostentat, aliorum iudicia & consilia contemnit: adulatoribus uehementer delectatur. Scribit enim Aristot. lib. 2. Rhet. ideo homines plerumq; assentatoribus gaudere, quod omnes sint *φιλαυτοι*. Stultus ueros amicos ferre nequit: odit enim reprehensiones. Si uero in hominum cœtibus uersetur, idem ei accidit, quod inepto illi cytharædo, qui domi sibi placēs, cum in theatrum prodiret, propter ineptias explerebatur. Neq; uero stulti in externis tantum, sed etiam in negotijs religionis sibi mirifice placent. Quia ipsi tinnitu nolarum, auro, argento, gemmis, preciosis uestibus, cereis & alijs huiusmodi rebus delectantur, putant cultum Dei, his rebus constantem, Deo quoq; gratissimum esse. Stultitia tot electitios cultus in Ecclesiam inuexit. Sapientes uiri orāt cum Dauide, Psal. 25, Vias tuas Domine demonstra mihi, semitas tuas doce me, &c. nō cupiunt facere quod sibi ipsis, sed quod Deo probatur.

*Qui audit consilium, sapiens est.*) Sapientes homines, sciunt humanum esse falli, errare, labi, decipi: & hominem in propria causa, non semper bonum esse iudicem. Suspecta igitur habent sua dicta & facta, parati sunt peritiorum audire iudicia, & quotidie aliquid addiscere. (Non enim est turpe, ut uulgò dicunt, nihil scire, sed nihil uelle discere:) reprehensiones quoque æquo animo ferunt. Præcipue uero in causis fidei, consulunt uerbum Dei, consulunt pios & doctos homines: nihil temerè probant uel reiiciunt. Hinc fit, ut dum alij exploduntur, ipsi in magna sint autoritate & precio.

## 16 Stulti in ipso die cognoscetur ira.

Stultus impotenti est animo: statim enim cum offensus est, ueluti olla feruens bullit, spumamq; eijcit, & sæpe ex calore iræ loquitur, cuius postea eum ualde pœnitet. Sunt quidam natura *ἀνόητοι*, quibus statim bilis mouetur. Illi igitur uideant, ut huic morbo idoneis remedijs occurrant, & linguam frenent. Theodoretus lib. 5. cap. 16. & 17. scribit seditionem fuisse Theodosius Thessalonica exortam, in qua magistratus aliquot saxi obruti sint: Theodosium, re cognita, immisisse suos milites, qui ad 7000. fontes & infantes interficerent. Ambrosius episcopus Mediolanensis, cum hoc audiisset, imperatorem aditu templi prohibuit, & cum eo expostulauit. Tandem imperator reconciliationem petijt, & suasu Ambrosij legem promulgauit, ut supplicia illorum qui capitis damnati essent ad 30. dies protraherentur, ut sedata ira imperatoris, sententiam capitalem reuocare posset. Meminit eiusdem rei Sozomenus lib. 7. cap. 24. Caue igitur ne ex iracundia quid facias, quod postea mutatum uelles: interpone moram aliquam priusquam iratus aliquid dicas, uel facias.

*At astutus celat ignominiam, uel cōtemptū.*) *ערום* arum, astutus, callidus, *μέσος* est, in bonā enim Prudentes & in malam partem sæpe accipitur in hoc libro. Homines prudentes, multas iniurias & contumelias, surda aure prætereunt, conuitia conuitijs non reponunt, tegunt iniurias sibi factas, *uiri iniurias dissimulant.* Deo cōmittentes causam, & retinentes dilectionem, erga illos quibus iure uiderentur posse irasci & succensere. Cogitant multa quæ eos in officio retineant. Sic de Saule legitur 1. Sam. 10. cap. Cum in regno cōfirmatus esset, quidam filij Belial eum cōtemnentes, dicebant, Num ille nos feruaret? sed Saul (qui primis annis bonus rex fuit) abiit quasi surdus, & re ipsa declarare maluit, qualis esset, quàm uerbis. Cogitauit potius quid se deceret, quàm quid illi merito audire debeant. Magistratus tamen quibus à Deo uindicta commissa est, possunt & debēt, exigēte necessitate, malos & seditiosos, siue paucos, siue plures, opportuno tempore, pœnis afficere. Exemplo nobis est Dauid, qui Ioabi & Semei pœnam distulit, & in commodius tempus reiecit: priuatis tamen hominibus ultio non est concessa.

*Astuti homines dissimulant iniurias ad tempus.* Sin uero *ערום* arum, in malam partem accipias, hic erit sensus: astuti homines qui leduntur, non statim produnt iram suam, nec dolorem maledictis testantur, sed dissimulant: præ se ferunt magnam erga illos humanitatem & beneuolentiā, à quibus læsi sunt, uel se læsos esse arbitrantur, interea uero de ultione cogitat, & omnem occasionem sese ulciscendi obseruat. Exempla huius rei afferam. Absalomus, Ammoni, qui sorori stuprū intulerat, nihil loquutus est, sed expleto biennio ipsum peremit. Iustinus lib. 1. scribit, de Harpago (cuius filium Astyages rex Medorum in ultionem seruati Cyri nepotis sui interfecerat, & patri epulandum tradiderat) quod ad tempus dissimularit dolorem, interim uero uindictæ occasionem quæsiuerit. Quam historiam ideo libenter adduco, quod non solum huius sententiæ, sed & prouidentia diuinæ exemplum præclarum continet. Is enim est Cyrus, cuius nomen Isaias minum



nimum 160. annis priusquam nasceretur, cap. 44. & 45. expressit. Vocat eum Deus pastorem suum, uel quòd ex pastore in regnum eum euexerit, uel quòd populum Dei, uelut pastor oues in patriam reduxerit. Quanquam reges etiam & principes pastores in scripturis dicuntur.

In historijs Græcorum & Latinorum multi leguntur iniurias ad tempus dissimulasse, sed tandem uindicasse. Non autem hæc idcirco à Salomone dicuntur, quòd probet uindictam in priuatis hominibus, sed ut cauti simus, nec cuius qui se nobis fauere simulat, statim credamus. Rectè dicit Euripides in Medea:

γυνή γάρ ἐξ ὀφθαλμοῦ, ὡς δ' αὐτὸς αὐτῇ  
ῥῆμα φυλάσσει, ἢ σιωπηλὸς σοφός.

Hoc est, Mulier subito exandescens, sicuti & uir facilius caueri possunt, quàm sapiens bilem dissimulans silentio. Seneca dicit:

Ira quæ tegitur, nocet:  
Professa perdunt odia uindictæ locum.

17 Loquetur ueritatem, annuntiabit uel indicabit iusticiam: testis autem mendaciorum, fraudem.

De testibus pronunciat hæc sententia. Iustus testis (hoc enim subintelligendum esse, ex posteriore membro colligitur) loquetur ueritatem, dicet quæ iusta sunt, nemini faciet iniuriam: testis autem mendax, dolum.

Discendum est ex hac sententia, ut iussi testimonium dicere, simplici ueritati studeamus, maximè si de capite alicuius agitur, & iusiurandum nobis datur. Sed de testibus aliàs. **הפיה** hephiah, in Hiphil significat cum spiritu, id est, audacter loqui aut agere: respondet illi uerbum **παρρησιάζειν**, apud Græcos.

18 Est qui temere profert, ueluti confossiones gladij.

Homines futiles, sibi, suis & alijs magnorum malorum sunt authores. Quoties loquuntur propter quæ postea malè tractantur? Quoties animas cognatorum, illis loquentibus, gladius penetrat? Quoties uerba proferunt, quæ in perniciem aliorum tendunt? Non enim manu tantum proximi occiduntur, sed etiam lingua, idque uarijs modis: nempe consilio, mandato, sententia, proditione, falso testimonio. Deus linguam specie gladij esse uoluit. Lingua eorum dicit Dauid Psal. 58. gladius acutus, & uenenum aspidum sub labijs eorum: & mox sequenti, Exacuerunt ut gladium linguas suas. Apud prophanos scriptores passim legitur de maledicis & calumniatoribus, uerbis proscindere: & gladium in ore dicitur gestare, qui ut Horatius scribit, sit

Quælibet in quemuis opprobria fingere sæuus.

Eloquentia ipsa gladio comparatur. **אָפּ** bite inconsideratè pronunciauit, temere effutijt, particip. præsens cum he, pro aleph.

At lingua sapientum, sanitas est uel medicina.) Sapientes homines innocentes defendunt, omnia in meliorem, si honestè possint, partem interpretantur: lenire uulnera uitiorum, & sanare, non occidere alios student.

19 Labium ueritatis, firmum erit in perpetuum: lingua autem mendacij ad momentum.

Sensus est: Veraces semper sibi constant, apti inter se & cohærentia dicunt, rem eandem non modò sic, modò aliter narrant. Vani uerò & mendaces, obliti eorum quæ prius dixerunt, modico interuallo pugnancia loquuntur, aut aliquid addunt aut detrahunt suis dictis: & hoc pacto à prudentibus plerunq; deprehenduntur. Hinc dicitur prouerbio, Mendacem memorem esse oportere. Laetantius lib. 5. cap. 3. dicit, hanc esse mendaciorum naturam, ut cohærere non possint, &c.

Vel hic sensus esse potest: Homines ueraces, firmi erunt & stabiles: ueritate liberabuntur, mendaces uerò ad momentum, id est, ad breue tempus, euertentur & peribunt. Multi enim mendacijs rem suam uolunt conficere.

Est & hæc idonea interpretatio: Veritas manebit in perpetuum. Etsi ad tempus altissimis tenebris oppressa uideatur, ac, ut Democritus philosophus dicebat, in altissimo puteo demersa latere: tamen temporis progressu proferet se, **τὸ ἀληθὲς ἔχειν καὶ μόνιμον**. Mendacium uerò non diu poterit se pro ueritate uendicare, sed citò detegetur. Sic Paulus 2. Timoth. 3. cap. dicit, amentiam pseudoprophetarum euidentem omnibus fore, quemadmodum magorum Pharaonis. Sic Deus omnibus seculis Papatus turpitudinè detexit, & ueritatem Euangelij asseruit. Huc pertinent pulchra illa uerba Cypriani, lib. 1. epist. 3. ad Cornelium: Hæc est

Multi per  
ingulū re-  
ditura lo-  
quuntur.

Veritas la-  
borare po-  
test, extin-  
gui non po-  
test.  
Cypriani e-  
gregia uer-  
ba.



uera clementia, non cogitare nec scire quòd mendacia non diu fallant: noctem tam diu esse, quàm diu illucescat dies, clarificato autem die, & sole oborto, luci tenebras & caliginem cedere, & quæ grassabantur per noctem latrocinia cessare, &c. Veritas à ueteribus, temporis filia dicta fuit. Apud Græcos etiam extat hic senarius prouerbialis:

ἄγεα δὲ πρὸς φῶς τὸν ἀλήθειαν χρόνος.

Xenophon χρόνον uocat ἀληθείαν. Nemo itaq; in gratiam hominum dogmata fidei corrumpere, & quæ bene antè docuit reuocare debet, aut fucatas conciliationes quærere. Et si iam nulli sint, semper tamen Deus aliquos excitabit, qui puriorem doctrinā asserant. Veritas uerbi Dei, manebit in æternum.

Quod linguam Hebræam attinet **עֲרִיכָה** argiah momentum, exiguum tempusculum significat. Rabi Daud in lib. radic. interpretatur, *In seculum quiescere faciam, uel succidam linguam mendacij, ne amplius loquatur.* **עָרָה** raga enim scindere & quiescere significat in Hiphil, facio scindere & quiescere. Deus per Ierem. 31. cap. uaticinans de occasu regni Babylonici, inter alia hoc uerbo, ut quiescere faciam terram: omnibus enim molesti fuerunt Babylonij. Targum, *et testimonium acceleratum est in lingua mendacij.* **עֲרִיכָה** hirgia quidam interpretatur, præcipitauit, citò uoluit. Vulgata editio legit, *testis repentinus*, hoc est, qui temerè se ingerit ad dicendum testimonium. **עָרָה** significat testem & seculum.

20 Dolus est in corde machinantium malum, & gaudium apud eos qui consultores sunt pacis.

Magna est inter consultores differentia: sunt qui cupiunt rem suam conficere: qui nolunt uenire in periculum: qui neminem uolunt offendere: qui odium & affectus suos explere uolunt: illorum corda fraudibus plena sunt, ac stimulis conscientiae cruciantur. Qui uerò ueræ paci consulunt, perpetuum gaudium sentiunt.

21 Non accidet iusto ulla iniquitas.

Sensus est, non inferetur ui iusto ullum malum: uel, non occurrit iusto ulla iniquitas, uel moeror. Impij bonis mala inferre non possunt, nisi Deo ita uisum fuerit. Nam quemadmodum carnifices, homines sceleratos antè non possunt interficere, quàm à magistratu damnati sint capitis, nec nisi hora præscripta, neq; alio supplicij genere, quàm quod decretum est: ita impij, bonos, nisi uolente Domino, non possunt e medio tollere. Non ergo est quod nimis sint anxij, sibiq; miserè metuant.

*Impij autem pleni sunt malo.*) Culpæ, ut uocant, & pænæ. Tota natura in eorum perniciem armata est. Prouerbio dicitur, uirum improbum, uel mus mordeat: item, uel capra mordeat nocentem.

22 Abominatio Domini sunt labia mendacia: qui autem student ueritati, placent ei.

Ethæc sententia digna est quam non modò pueri, sed omnes homines, sedentes & ambulantes, uigilantes ac dormientes meditentur. Nemo est qui non cupiat Deum habere propitium, ueritati igitur in dictis & factis studeat: nemo non horret iram Dei, caueat igitur sibi quisq; à mendacio. Nam cum Deus ueritas ipsa sit, non potest non abominari mendaces. In primis autem concionatores, qui ministri ueritatis esse debent, mendacium refugiant.

23 Homo astutus operit scientiam.

*Prudentes celant alios res suas.* Non absimilem sententiam sup. 16. uersu habuimus. Vir sapiens qui aliquid intelligit & nouit, id non iactat nec ostentat: sed semper cogitat quid dicere conueniat. Plura cogitat audientem esse, quàm loquenda. Idem facit in alijs quoq; rebus: si opes ingentes possidet, si magna facinora edit, non ostentat. Si quid laude dignum facere instituit, non aperit, ne quod impedimentum obijciatur. Si astutus accipitur in malam partem, pro callido, talis etiam celat scientiam suam, sed in alium finem quàm sapiens.

*Stulti sunt ostentatores.* Cor autem stultorum, proclamat stultitiam.) Stulti homines subinde gloriatur de illis quæ sciunt, quæ gesserunt, quæ habent: nonnunquam etiam de illis quæ nesciunt, quæ non fecerunt, quæq; non habent. Quemadmodum uasa inania magis tinniunt: ita homines uacui prudentia, & sic stultitia eorum omnibus sit manifesta. Quin ob res turpes nonnunquam sibi mirifice placent. In omnibus conuenticulis hominum, seipsos immodicè laudant. Nec solum uerbis, sed factis quoq; suam stultitiam effundunt, luxuriosa conuiuia instruunt, sumptuosè uestiti incedunt, ut nobiles & diuites uideantur, &c.

Discant omnes, præcipuè iuniores, ex hac sententia, uirtutem silentij, ne suum, de rebus quas ipsi ignorant, iudicium interponant: sed prius loqui discant, quàm loquantur: deinde, ne insolenter glorientur. Hoc non tantum sacræ literæ, sed etiam ciuilis prudētia nos docet.

Socrates



Socrates interrogatus quomodo quis sapiens fieret, duo præcepta ipsi dedit: unum, ut taceret sapius quam loqueretur: alterum, ut loqui disceret. Vulgus nostrum rectè dicit, illos qui loqui nesciunt, silentio ualde ornari.

#### 24 Manus sedulorum dominabitur.

In comparandis & possidendis opibus, sæpe multumq; Deum offendimus. Nam semper metuimus, ne rebus necessarijs destituti, fame pereamus, & quò sepulchro uiciniores sumus, eò magis attenti sumus ad rem. Accedit aliorum exemplum, qui per fas & nefas opes congerentes, in magno sunt precio. Salutis quoque nostræ aduersarius, tentare nos non desinit. Itaque spiritus S. in sacris literis de opibus rectè comparandis, deq; earum usu non rarò loquitur. Hoc loco aliquot sententijs ostendit, honestis laboribus, non dolis & fraudibus esse colligendas. Strenuos & acres uel sedulos uocat, qui suam uocationem sequuntur & proximos suos non grauant illi dominabuntur, hoc est, opes magnas acquirunt: digni quoq; iudicabuntur, qui propter industriam & uitæ probitatem, alios gubernent. Equum enim est, ut seduli homines in ignauos imperium habeant. Quomodo illi qui suæ domui præesse non possunt, præessent Reipublicæ? Belli quoq; tempore, qui strenui sunt, superiores erunt, ignaui uerò uincuntur & alijs uectigales erunt. ideo subiicit:

*In colligendis opibus sæpe peccamus.*

*Quæ autem remissa est (uel dolosa) erit tributaria.* Tantum abest ut homines desidijs, & qui dolis atq; fraudibus proximos suos circumueniunt, opes consequantur, ut quas habuerunt, turpiter amittant, atq; ad summam sæpenumero paupertatem redigantur. Deus enim suam benedictionem huiusmodi hominibus conferre non uult. Homines quoq;, fraudulentos illos odio habentes, dehortantur alios, ne cum eis quicquam habeant commercij. Fit etiam ut quales in alios sunt, tales in se uicissim alios experiantur, ac tandem cogantur crudelibus dominis seruire, qui eorum opera ad abiectissimas quasque res abutuntur. Quanta tyrannide premuntur, quibus negocium est cū usurarijs? quàm indignè tractatur, qui militatum abeunt?

**24** Mas non tributum modò & uectigal significat, sed etiam dissolui & liquefieri: hinc Caietanus uertit, *Dolus erit ad liquefactionem*: ut sit sensus, dolo parta non diu durare, sed instar niuis uel glaciei, calore liquefactæ & dilapsæ, diffundi. Per allegoriam, Qui fortes sunt dominatum tenent: qui non strenuè affectibus suis resistunt, tandem in seruitutem eorum redacti, diabolò tributum conferent.

*Allegoria.*

#### 25 Sollicitudo in corde hominis, opprimit ipsum: at uerbum bonum exhilarat ipsum.

Vix alia res ita mentes nostras deiicit, ac sollicitudo & mœror. Homerus Odysseæ r. etiam dicit:

*Cura mortem accelerant.*

*αἰψὰ γὰρ ἐν πανότῃ βροτοὶ κατὰ γυῖάουσιν.*

Hunc uersum Hesiodus repetijt. Infrà quoq; cap. 15. uersu 13. & cap. 17. uersu 22. dicit, spiritum consternatum exsiccare ossa. Multa autem tristitia in uita homini accidunt, quæ solitudinem & mœrorem ei incurere possunt: ueluti morosa uxor, maritus prodigus, liberorum tristes casus, morbi, paupertas, &c. At si quis in illis ærumnis secum perpendit, hæc omnia à Deo patre nobis in salutem immitti, & exempla sanctorum intuetur, læticiam concipit. Est enim sacra scriptura officina quædam consolationum: in primis uerò lectio Psalmorum, miseris & afflictis utilis est & salutaris. D. Paulus ad Rom. 15. cap. Quæcunq; præscripta sunt, inquit, in nostram doctrinam præscripta sunt, ut per patientiam & consolationem scripturarum spem habeamus. Conscientia scelerum ualde premuntur homines: sed uerbo Evangelij erigi possunt. Sunt qui insomnes ducunt noctes & mœrore conficiuntur, cum tantam Rerum pub. & Ecclesiæ corruptionem, & mala imminetia considerant. At si cogitant, omnia iusto Dei iudicio gubernari, lætantur, suum faciunt officium, & omnem euentum Deo committunt.

Quidam confessioni auriculari hunc locum accommodant, dicentes, peccatorem se coram Deo humiliare per contritionem, postea confiteri sua peccata sacerdoti, qui præscripta satisfactione eum à peccatis absoluat. At confessionem hanc auricularem non à Deo institutam, sed ab hominibus, miseris illis temporibus, quibus uera doctrina ceciderat, inuentam esse & excogitatam, alibi explicatur.

*Confessio auricularis.*

#### 26 Excellit iustus proximum suum, uia autem impiorum seducit eos.

Sensus est, Pauper iusticia præditus, diuiti malo longè antecellit. Præclara enim res est iusticia, quæ omnes alias uirtutes in se complectitur. Si iustus exiguas opes possidet, excellit opulentissimos quosque, qui in parandis opibus dolis & fraudibus usi sunt. Præstat obolum bona conscientia parare, quàm florenum fraudibus. Breuiter, iustus omnibus rebus



impio excellit, est ditior, honoratior, &c. animo etiam est contento rebus presentibus.

His uerbis auari homines fidem non adhibent, sed noctes diesque de diuitijs per fas nefasque cumulandis cogitant: uia eorum, hoc est, mores, instituta & consilia seducunt eos: uolunt opes parare, & sæpe quas antè habuerunt amittunt, uel si fluxas has & temporarias consequantur, æternas amittunt. Ineunt secum interdum hanc rationem: Si opes magnas congestero, assidue audiam sacras conciones, largas faciam eleemosynas, pœnitentiam agam de admisis sceleribus, non degam amplius in illis locis, in quibus Euangelium audire non conceditur: sed & hæc uia eos seducit, sibi non bene consulunt. Infensissimi eorum hostes, peius consilium eis dare non possent. Mature enim pœnitentia agenda est.

Quidam hunc sensum assignant, ut tacite obiectioni respondeat. Si dixerit quispiam, si excellentior est iustus proximis suis, cur illi in uijs eius non ambulant? ed, inquit, quod uia impiorum prosperatur in hoc mundo: ideoque illi uiam eorum ingrediuntur, relicta uia iusti.

## 27 Non aduret fraudulentus aucupium (uel uenationem suam.)

Dolosi homines ex opibus nullam utilitatem percipient.

רמיה Remijah, dolus, hoc est dolosus, fraudulentus, per metonymiam: alij reddunt remissum. Rabi Ioseph Kimhi morem fuisse scribit, ut aucupes auium captarum alas adurent, ne auolarent, utque emptoribus pulchriores apparerent, non detruncatis alis, sed paululum adustis. Et quemadmodum aues quarum alæ non sunt adustæ, citò auolant: ita diuitias fraude conquisitas statim perire. Sed quæ de more ueterum scribit, ridicula sunt & stulta. Simplex hic sensus est, dolosus non consequetur opes: nec eis fruetur, etsi sibi comparet. Allegoria sumpta est à uenatoribus, piscatoribus uel aucupibus. Venatores sæpe feram aliquam diu persequuntur, sed non capiunt: captam aliquando canes comedunt. Piscatores interdum die noctuque laborantes, ut opiparam habeant cœnam, nihil capiunt: aut priusquam pisces igni admoveant, à cati uorantur. Aucupes insidiantur interdum auiculis, sed nihil capiunt, aut si capiant, tamen priusquam eas ueribus infigant, uel ad expurgandum pennas, igni admoveant, auolant, aut ab alijs rapiuntur. Ita dolosi homines, prædam uel uenationem suam non assabunt, hoc est, opes uel non assequuntur, uel illarum, quas uarijs aucupijs consecuti sunt, usum & uoluptatem nullam percipiet. Heluetij quoque prouerbio dicunt, Verbaads nit, ne nimium assaueris: quoties ostendere uolunt, aliquem non assequuturum quod petit, sed frustrandum sua spe.

Opes hominis solliciti & industrii præciosæ sunt, & fructuose possessori.

Substantia hominis præciosa seduli.) Est hypallage secundum R. David in lib. radicum. Est enim constructio: Et substantia hominis solliciti præciosa.) scilicet est. Et sunt, inquit, qui dicunt esse nomen substantiuum, ut sit sensus: Præciosum quod inter opes hominis est.) חחרצות hacharizuth, id est, sollicitudo.) Et iuxta hoc Santes se uertisse dicit, Et diuitiæ hominis præciosæ, est sollicitudo.) ut sit sensus, qui piam sollicitudinem & diligetiam adhibet, ut labore honesto res paret, & tantum ad necessitatem eis utatur, magnas habet opes. Sic Cicero dicit, Parsimoniam magnum esse uectigal. Simplicior huius loci sensus uidetur: opes hominis præciosi, id est iusti uel strenui sunt aurum præciosum uel opes præciosæ. Iusti & seduli homines, opes legitimis uijs & rationibus parant, nempe labore & industria, propterea stabiles sunt, & maximis aliorum thesauris anteposendæ. Vox חרצו charuz, quæ paulò superius etiã ponitur, ambigua est: nam strenuum & acrem, item aurum contusum & præciosum significat.

## 28 In semita iustitiæ, est uita.

Finis iustitiæ indicatur. Satan iniustis multa promittit, iustos uerò multis rebus terret: sed firmum hoc est, quod illi qui iustitiæ dant operam, in hac uita fortunati sunt & felices. (Vita enim in scripturis uitam prosperam significat.) Iustitia uerò Christi, quæ nobis comunicatur per fidem, æternam quoque uitam consequuntur.

Mors quid. Et uia semite eius, non (est) mors.) Per hanc ipsam uiam incedentes, non moriuntur. Per mortem omnes res tristes & aduersæ significantur. Iustis omnia in bonum cedent. Deinde non moriuntur, morte animi & æterna morte. Mors corporalis omnibus adeunda est: sed mortem hanc, uita beata & æterna consequitur. Hæc utraq; manu, contra huius mundi corrupta iudicia tenenda sunt.



## CAPVT XIII.

## 1 Sapiens filius (audit) disciplinam patris.



**I**lli qui patris sui eruditionem & disciplinam non aspernantur: sed ultrò interrogant quid facere, quid omittere eos oporteat, & correctionem quasi à Deo profectam recipiunt, sapientes euadunt. Patrem nominat, sed matrem non excludit, & alios qui sunt loco parentum, quales sunt consanguinei & affines, tutores, magistri & præceptores, senes, concionatores, magistratus, &c.

Ad uerbum, *Filius sapiens (est) disciplina patris.* quia in filio sapiente relucet patris uel doctoris sui disciplina: sæpe etiam tantos progressus facit, ut sapientior fiat patre, & sic doceat eum.

*Irrisor autem, non audit increpationem.* Multi filij, parentum uocem non audiunt auditu mentis, sæpe quoque exteriorem auditum auerunt: sed eos ludibrio habent. Tales filios lex Dei Deut. 21. iubet lapidari. Ad uerbum est, *non audiuit*, quod etiam in priori parte subintelligi potest, ut sit sensus: Si quis sapiens est, intelligitur fuisse in disciplina patris, si irrisor, defuisse ei disciplinam, aut eum non audiuisse. Disciplinæ receptæ uel neglectæ, maximi sunt effectus. Docet hæc sententia, quod nam officium sit parentum & liberorum. Parentes filios suos erudire & docere debent, nempe religionem, bonos mores, honestas artes: deinde corrigere: quod partim uerbis fit, partim uerberibus. Liberorum est parentibus obedire: de quo à principio cap. 10. plenius dictum est.

## 2 De fructu oris unusquisque comedit bonum: anima autem prauaricatorum, iniuriam.

Scilicet comedit. Sensus est: Qui lingua sua rectè utuntur, utilitatem percipient, qui autem cōtra præscriptū uerbi Dei ea utuntur, & alijs iniuriam inferunt, pœna afficientur. Precipuum autem linguae usus est, ut Deum celebret, & alios in Dei cognitionem perducatur. Danielis 12. Doctores splendebunt ut splendor firmamenti, & qui multos ad iusticiam adducunt, ut stellæ sempiternis temporibus. Qui locus non tantum de ministris ecclesiæ: sed omnibus etiam alijs intelligendus est, qui proximos suos erudiunt. Anima uerò quæ Deum contemnit & proximum contumelijs afficit, fructum labiorum suorum iniquorum dignum percipiet. Similem sententiam præcedenti cap. uersu 14. habuimus.

Lingua bona utilitas.

## 3 Custodiens os suum, custodit animam suam.

Qui continentis est linguae, custodit animam, hoc est, uitam suam, atque aded ipsam animam. Insuper in inimicorum non ita est expositus, quemadmodum illi, qui quiduis effutunt. Docet linguam omnibus diligentissimè esse continendam.

*Qui distendit labia terror (uel cōtritio) ei.* Scilicet, erit. Nunquam securus esse potest, semper metuendum ei est, ne ab illis quos læsit in ius trahatur, ne mulctetur, infamis fiat, uel confodiat. Et si uerò tribunal humanum ei formidandum non sit, nondum tamen Dei tribunali se subtrahit, coram quo, de ocioso etiam uerbo, rationem reddet, Matth. 12.

## 4 Appetit piger, &amp; nihil habet anima eius.

**אָנאַ** Auah, auet, expetiuit, desiderauit: in hithpael **אָנאַה** hiteauah, concupiscere fecit se, *Er hat sich lassen geistern.* Hæc sententia contra uana hominum uota & desideria pronunciat. Volunt & non uolunt pigri: uolunt finem, sed media, ut uocāt, ad finem consequendā nō uolunt amplecti: uolunt regnare cum Christo, sed non cum eo pati. Multi optant opes, gloriam, sapientiam & alia huius generis, interim tamen uiam ueram non ingrediuntur, per quam hæc consequi possent. Nicolaus de Lyra in suis commentarijs, illos homines cattis comparat, qui pisces quidem optant, aquam uerò ingredi nolunt. Sic illi detrectant industriam, laborem, molestias, sine quibus illa comparari nequeunt.

Vota uana.

*Anima autem sedulorum, impinguabitur.* Strenui & seduli homines affluent rebus, & uotorum fient compotes. Votis per se nihil efficitur, manus operi ad mouenda est. Rectè dicit M. Cato apud Salustium: Non uotis neque supplicijs muliebribus auxilia Deorum parantur: uigilando, agendo, bene consulendo, prosperè omnia cedunt. Vbi socordia te atque in uia tradideris, nequicquam deos implorēs: irati infestiq; sunt, &c.

Euripedes in Electra.

*ἀργος γὰρ ὁ δαίς, θεὸς ἔχωρ ἀνὰ σόμας,  
βίον δὲ βούτ' ἀρ' εὐδαίμων ἄνθρωπος.*

Vide cap. 14. uersu 23.

## 5 Iustus odit uerbum mendax.

Iustus uerba uel res mendaces & iniquas, odio habet: simplicitatem & integritatem amat. *Impius uerò foetere faciet, & pudore afficiet.* **בַּאשׁ** Baasch computrescere, foetere. Sensus est,



impius putridum se turpemq; præbet. Sic Iacob Gen. 24. dicit filiis suis Simeoni & Leui, qui contra datam fidem Sichemitas oppresserant: Fœtere fecistis me: hoc est, abominabilem & contemptum reddidistis. Exod. 5. populus Israelis cum Mose & Aarone expostulans dicit: Fœtere fecistis odorem nostrum in oculis Pharaonis: ubi dicendum uidetur, in naribus, quæ odorem sentiunt: sed est sensus, ut nos uidere nolit: homines enim abominantur rem fœtidam, cum eam aspicere nolunt. Hoc igitur dicit, *Impius putrescere uel fœtere faciet.*) scilicet, se: hoc est, ingratus erit omnibus bonis. Et profecto à cōsuetudine impiorum magis abhorrendum erat, quàm leproforum uel laborantium morbo Neapolitano, aut illorum qui grauem halitum efflant: hi enim corpus tantum inficiunt, illi uerò animam.

Vel fœtere faciet, scilicet alios, lædit famam aliorum, uoce & scriptis, ut sæpe pessimi uideantur, qui boni sunt & pii. Erubescere etiam facient cum se, tum alios. Sæpenumero enim mendacij arguuntur: nihil adhæc eis est iucundius, quàm si alijs possint pudorem incutere. **חָפַר** chapar erubescere significat, in hiph. facio erubescere.

### 6 Iusticia conseruat integritatem uiæ.

Vel perfectum & immaculatum uia, id est, eum cuius uia est perfecta & immaculata. Etiam si undiq; pericula imminèant pijs, tamen à iusticiæ tramite, neq; minis neq; promissis, neq; aliorum, quibus multum tribuebant exemplis, se auocari sinunt. Iusticia integrum in uia conseruat: etiam si uerò interdum à uia defleat, mox tamen Deo duce reuertitur.

*Impietas autem peruertet peccatum.*) **סָלַח** Salaph peruertere. R. Kimhi dicit, *Peruertet peccatum.*) id est, uirum peccati, uel peccatorem. Targum uertit, *Et impietas migrare facit propter peccatum suum.*) Vel peruertit uiam uiri, & inducit illum ad peccandum. Quidam uertit, *improbilas defleat ad erratum.*

### 7 Est qui se diuitem facit, & non (habet) quicquam: est qui se pauperem facit, & diuitiæ multæ (sunt ei.)

**מִתְעַשֵּׂר** Mitheascher est participium hithpael, faciens uel ostentans se diuitem, &c. An-  
opes opes notant periti linguæ, uerba in hithpael aliquoties fictionem seu simulationem notare, simu-  
ostentant. lauit se diuitem. Germani dicerent, *Er schrybt sich rych*. Multi in uestitu, conuiujs, & alijs huiusmodi rebus, opes ostentant, cum tamen domi nihil habeant. Ostentatorem diuitiarum Alexis apud Athenæum lib. 6. eleganter *παραδεισος* uocauit. Econtrà multi diuites, simulant se pauperes esse, uili habitu incedentes. Sciūt enim diuites exosos esse, nolunt magnos facere sumptus: metuunt præterea, maximè qui sub tyrannis degunt, ne prædæ fiant. Exponitur etiam ad hunc modum: *Est qui se diuitem facit, & non habet quicquam.*) Reperias homines, qui modico, quod quasi nihil est, contenti sunt, ideoq; sunt diuites in summa egestate. Vulgo enim dicitur, illos qui cōtēti sunt suis rebus, opulentos esse. Sic Paulus dicit ad Col. 4. Vbiq; & in omnibus institutus sum, & saturari & esurire, & abūdare & penuriam pati. 2. Cor. 6. Quasi nihil habentes, & omnia possidentes. Econtrà, *Est qui se pauperem facit, & diuitiæ multæ sunt ei.*) Et si magnos opum cumulos habeat, est tamen, ut Horatius dicit, magnas inter opes inops: præsentibus enim non contentus, plura semper appetit: cum opibus etiam crescit studium pecuniæ, idemq; ei accidit quod hydropicis. Sic Alexander domita Asia interrogat, an non plures sint mundi. Hinc Iuuenalis:

Semper a-  
uarius eget.  
Horatius.

Vnus Pellæo iuueni non sufficit orbis.

Adhæc partis opibus uti non audet, & ita in abundantia rerum fame & siti perit.

Plautus in Aulul.

„ Tenaces nimium dominos nostra ætas tulit,  
„ Quos Harpagonas, Harpyas & Tantalos  
„ Vocare soleo, in opibus magnis pauperes,  
„ Et sitibundos in medio Oceani gurgite.  
„ Nullæ illis satis diuitiæ sunt: non Midæ,  
„ Non Cræsi, non omnis Persarum copia  
„ Explere illorum Tartaream ingluuiem potest.

Quod de diuitijs temporalibus dicitur, spiritualibus quoq; potest aptari. Sunt qui diuitias suas spirituales iactant, interim tamen egeni sunt: multa dicunt de fide sua & constantia, sed postea etiam priusquam appareat periculum, ostendunt se fide uacuos fuisse. Econtrà, multi non gloriantur de sua fide, & multis suspecti sunt, quasi parum rectè de fide sentiant, sed postulante necessitate fidem suam & charitatem proferunt. Sic multi se doctos esse simulant, cum reuera in doctissimi sint.



## 8 Redemptio (uel precium) animæ uiri, diuitiæ eius.

Diuites multas habent prærogatiuas in hoc seculo: in bello quando alij occiduntur, ipsis parcitur ut se redimant, in peste possunt cælum mutare, in charitate annonæ possunt ipsi cibū sibi comparare: si inhonestam cædem uel furtū faciant, &c. semper patronos suos inueniunt, qui suffragium ad priuatum commodum ferant. Hinc Anacharsis, leges araneorum telis similes esse dicebat, in quibus animalcula leuiora herent, fortiora perumpunt. Fit tamen diuino interdum iudicio, ut hæc adminicula diuitibus non prosint.

Caietanus alium sensum profert: Homo æstimatur secundum diuitias suas, si magnas habet opes, magno est in precio. Horatius Saty. libro primo:

At bona pars hominum decepta cupidine falso  
Nil satis est, inquit, quia tanti quantum habeas, sis:

Et Iuuenalis Saty. libro 3.

Quantum quisq; sua nummorum seruat in arca,  
Tantum habet & fidei.

Latini inter proueria numerant, Quantum habet quisq; tanti fit.

Et pauper non audit increpationem.) Hoc est, paupertas quoq; sua habet commoda: pauperes enim minus calumnijs & iniurijs sunt expositi, quam diuites. Feriunt, ut inquit ille, summos fulmina montes. Et uenti excelsas arbores deiciunt, frutices non item. Si alijs non largiantur quod petunt, nō possunt increpari, nam ipsi nihil habent. Prouerbio dicitur *τοῖς ὀλίγοις ὀλίγον*, hoc est, illis qui nihil sunt, nemo prorsus inuider. In Dei etiam iudicio, non increpabitur ut auari diuites, quod proximis non subleuarit opibus suis.

Hæc ad alia quoq; transferenda sunt. Nam ut nullum bonum est temporarium, quod non malum suum, ita nullum temporarium malum, quod non bonum suum adiunctum habeat. Si publico munere fungeris, habes cōmoda quædā, sed etiā multa pericula & curas: si priuatus sis, habes quod te cruciat, interim tamē quædā cōmoda. *πολυτενία* habet quædā cōmoda & incōmoda: sic orbitas quoq; eloquētia & infantia. Idē sentiendū de quibusuis alijs rebus.

Clemens Alexand. pædagog. lib. 3. cap. 7. & alij primū membrum huius sententiæ, ita exponunt: Si diuites diuitias suas in eleemosynam expendant, redimere animam suā. Quod quidā intelligunt, quasi eleemosynæ nostræ sint propitiatio & satisfactio nostra coram Deo. Quæ sententia toti scripturæ aduersatur. Paulus enim per totam epist. ad Rom. probat multis argumētis, per solam gratiam, in fide Christi nos iustificari & saluari, operibus adimirationem meriti. Si opera nostra merentur remissionem peccatorum, sequitur Christum frustra mortuum, Gal. 2. cap. Quod obijciunt Dan. 4. cap. consulere Nabuchodonozori ut peccata sua iusticia redimat, & iniquitates suas eleemosynis pauperum: hunc habet sensum, Quemadmodum pauperes hactenus afflixisti: ita deinceps te eorum misereatur: uel per peccatum intelligit pœnas temporarias, quæ interdum beneficētia mitigantur aut auertuntur. Locus ille Luc. 11. ca. Date eleemosynam, & omnia munda erunt uobis, Ironiam habet: reprehēdit enim peruersam hypocritarum opinionem, qui putabant se mundos esse, si largiores eleemosynas facerent. Verba Luc. 16. ca. Parate uobis amicos ex mammoni inuito, ut cum defeceritis, recipiant uos in æterna tabernacula: non hunc habet sensum, quod uita æterna eleemosynis aut alijs operibus redimatur. Eleemosynæ enim illorum qui fide carent, Deo non sunt gratæ. Quicquid nō sit ex fide, peccatū est, Rom. 14. Fidelium uerō eleemosynas & alia opera, Deus accepta habet, & mercede dignatur. Idem dicendum de loco Pauli 1. Tim. 6. ubi scribit, ut diuites admoneat de eleemosynis in pauperes, ut reponant sibi in futurum bonum fundamentum, & uitam æternam percipiāt. Notandum quod dicit, diuitiæ eius, uel propriæ, hinc enim colligit D. Hieronymus in Isa. 58. cap. & Ezech. 18.

Eleemosynis non expiantur peccata.

Posterius membrum huius gnome, etiam hoc modo, meo iudicio, posset exponi: Pauper non audiuit increpationem.) hoc est, causa paupertatis etiam est, si quis increpationem respuat: multi enim si increpationem suorum non aspernarentur, ocio & pigritiæ non sese dederent, sed honesto labori incumbentes, paupertatis incommoda uitarent. Sic in prima sententia huius capituli dixit, Irrisor non audiuit increpationem: hoc est, quia increpationem non audiuit, irrisor & stultus euasit. Mox etiam uersu 18. dicit: egestatem eum comitari, qui se disciplinæ subtraxerit. Castalis reddit, Pauper non obiurgatur, sed punitur.) Caietanus hanc affert expositionem, pauperem usq; ad eodē pro nihilo haberi, ut uix ad audiendam increpationem, nedum alia negocia admittatur.

## 9 Lux iustorum lætificat.

Per lucem scriptura intelligit res secundas: per tenebras tristes & afflictas. Successus & pro-



speritas iustorum, tum ipsis tum alijs qui iustos diligunt, gaudium adfert.

*Lucerna autem impiorum extinguetur.*) Et si ad tempus res ex animi sententia eis succedunt ac florere uideantur: tamen felicitas illa non erit diuturna. Cogitandum igitur est, si impiorum felicitas, opes & potentia te offendunt, quemadmodum lucerna minimi flatus impulsu extinguitur, ita felicitas impiorum subito euanescet. Iob. 18, Non ne lucerna impij extinguitur? Hæc sententia repetitur cap. 24. uersu 20. Cap. 20. uersu 20. dicitur illius qui parentibus suis maledixerit, lucernam extinguendam esse in medijs tenebris.

#### 10 Verè in superbïa dabit (*superbus*) litem.

*Superbia  
mater litium.*

Hæc sententia fontem ostendit rixarum & contentionum, nempe superbiam. Quia superbi alijs cedere nolunt, sed semper excellere, sequuntur magnæ concertationes, in Ecclesia, politia, æconomia & uita communi. Dissensiones in Ecclesia uetustis illis temporibus & nostro quoque tempore, ex superbia ortum habuerunt. Superbia magnum illum Antichristum, omnium turbarum parentem peperit. Ideoq; Christus Matth. 18. Ioan. 13. & alibi, Apostoli item, tam diligenter cum alijs, tum præcipuè ministris Ecclesiæ humilitatem inculcant. D. Augustinus humilitatem quodam in loco, fundamentum appellat ueræ doctrinæ. Si in Rep. sint homines superbi, magnas contentiones & interdum bella concitant. Inuenias qui cupiant suam sententiam uincere, etsi in perniciem Reip. tendat. Bella ciuilia Rom. hanc quoque originem habuerunt. Si elati sint homines in aliqua familia, quas quæso turbas dant? Ita in communi hominum uita, superbi homines multas rixas mouent. Igitur si quis rixas & contentiones tollere uult, fontem tanti mali obstruat.

*Sed cum consultis sapientia.*) Qui nihil temerè instituunt, sed cum alijs consultant, uel alios in consilium adhibent, sapientes sunt, & sapientes efficiuntur. Qui uerò se putant uidere, quid faciendum uel omittendum sit, nec indigere aliorum consilio, produnt suam stulticiam. Discant igitur præcipuè iuniores, ut ne de ulla re ardua statuant, nisi de bonorum atque prudentum sententia. Maximè autem illi consulendi sunt, quos usus rerum & ætas commendat. Si iter quod nunquam ingressus es conficere instituas, alios interrogas: cur idem in alijs rebus maioris momenti non faceres?

#### 11 Diuitiæ à uanitate minuentur.

*Malè parta  
malè dilabuntur.*

Hoc est, opes quæ non honesto labore, sed uanis & inhonestis artibus colliguntur (ut iam sæpe dictum est) nequaquam erunt felices. Pulchri de hac re uersus extant apud Hesio. in libello cui titulus, Opera & dies. Exempla uerò huius dicti multa sunt in aleatoribus, usurarijs, mercenarijs militibus, & in primis sacrificulis, qui sacramenta, preces, fumum, bullas, omnia denique precio uendunt.

Alius sensus esse potest, *Diuitiæ uanitate minuuntur.*) hoc est, si diuites uanitatibus uacant. Priorem autem sensum simpliciore esse, membrum contrarium ostendit.

*Quod autem quis congregat per manum, id augetur.*) Hoc est, opes, quæ honestis uijs ac rationibus, iustoq; labore colliguntur, sunt felices. Hæc cum toties in hoc libro repetantur, arguunt magnam hominum socordiam. Etsi enim hæc audiant, legant, exempla quotidiana cernant quæ hæc confirmant, nihilominus tamen per fas & nefas undecunq; opes corradunt, quas ad suos & suorum usus conuertant.

#### 12 Spes protracta, infirmitas cordis, & lignum uitæ ueniens desiderium.

Qui sperant se rem aliquā consequuturos, antè animo tranquillo esse non possunt, quàm ea potiantur: etiam celeritas in desiderio mora est. Seneca in Agamemnone:

Omnisq; nimium longa properanti mora est.

Hoc experimur domi nostræ in pueris, qui si quid nos eis daturus esse sperant, ualde anguntur, donec accipiant: & mora quantumuis pusilla, longissima eis uidetur. Sin uerò homines res speratas assequantur, non minus recreantur, quàm si famelici, qui optant poma, in arborem frugiferam incidant, & poma decerpant. Vel alludit ad arborem uitæ in medio paradisi positam, ut sit sensus, Cum nacti fuerimus quæ sperauimus, exhilaramur ueluti ex arbore uitæ fructus decerpentes.

Hæc ad spem rerum temporariarum & cœlestium pertinent. Naufragus sperat se enatare posse, ualde autem cruciatur, priusquam portum attingat: si periculum euasit, maximam uoluptatem percipit. Iucundi enim sunt, ut est prouerbio, acti labores. Sic captiuus, ægrotus, &c. Idem iudicandum est de spiritali spe, qua æquo & forti animo expectamus uitam æternam. Ad spem duo requiruntur, primum, ut res quam desyderamus sit absens. Paulus enim ad Rom. 8. cap. Spes, inquit, quæ uidetur, non est spes. Alterum est, ne dubitemus nos consecuturos quod speramus. Ex illo, in pijs, dum hîc exultant, tristitia oritur: ex hoc,

alacri-



alacritas & consolatio. Sed quia salus quam iam per fidem apprehendimus, sensibus non percipitur, & differtur, ac è diuerso afflictiones quas illius causa sustinemus, sensibus subiunguntur, admodum commouemur. Proinde rectè dicitur, spem quæ differtur, cor cruciare. Nouissimo tandem die quæ speramus, accipiemus: & Christo, qui est lignum uitæ, æternum perfruemur.

### 13 Qui contemnit uerbum, damnum capiet.

Qui uerbum Dei contempserit, non impune feret, nec ualebit illa excusatio, qua multi hodie utuntur: Non contemno Deum & eius uerbum, sed molestos illos & morosos concionatores. Nam si Deum amarent, illos qui ab eo mittuntur, non contemnerent. Deus ad Samuelem dicit, Non te, sed me contempserunt. Christus de Apostolis dicit, Qui uos audit, me audit; qui uos spernit, me spernit. Sic qui hodie quoque concionatores, uerbum Dei, non sua figmenta afferentes & proponentes, contemnit, Deum contemnit. An non ille qui principis legatum contemnit, ipsum principem contempsisse dicitur? Deinde non impune feret, qui magistratuum uerba & mandata, uerbo Dei consentanea spernit. Vult enim Deus, obedientiam etiam tyrannis præstari, si nihil quod cum ipsius uerbo pugnet, præcipiant: tunc enim non sunt audiendi. Illi quoque qui דַּפָּר *dafar*, uerbum, hoc est, rem aliquam, uel aliquid contemnit, periculum incurret: ut qui contempserit hostem suum, quamuis imbecillum. Sæpe legimus contemptum instructissimos exercitus in maximum discrimen adduxisse. Qui incendium, qui semina seditionis contemnit, malum accipit. Qui uulnus acceptum contemnit, postea brachium uel crus cogitur amputare. חָוָל *chawal* significat dare super pignus, uel pignori: item contumpere, dissipare. Hinc quidam uertunt, Qui contemnit aliquid, corrumpetur propter ipsum. sc. contemptum. Quidam exponit, Mutuabitur ei super pignus. ut scilicet sui contemptus det poenas.

*Contemptus  
uerbi Dei.*

Qui autem præceptum timet, dabitur ei. scilicet merces. Qui me glorificabit, dicit Dominus, hunc ego glorificabo. In Rebus pub. quoq; illi promouentur, qui paruenerunt magistratibus. Alij reddunt, Pace fruatur. nam שָׁלוֹם *shalom* retribuere & pacem agere significat.

### 14 Lex sapienti fons uitæ, ad recedendum à laqueis mortis.

Sapiens ex lege, hoc est, uerbo Dei, tanquam ex perenni & limpido fonte haurit, quomodo uitam æternam consequi, & in hoc seculo uitam suam instituere possit ac debeat. Vfus hic est uerbi Dei amplissimus. Vita autem æterna in hoc consistit, ut peccatis nostris agnitis, non desperemus, sed firmiter credamus nos per Christum Deo reconciliari. Ex hac fide postea oriuntur omnes uirtutes. Fide enim præditi, uerba & facta sua ad præscriptum uerbi Dei componunt.

Seruat præterea à laqueis mortis. Mortis uocabulum non uno modo accipitur in scripturis: aliquando significat mortem temporariam: ab hac conseruat nos lex. Nam si legi obediamus, à bonis magistratibus defendimur. 1. Tim. 1, Lex non posita est iusto, sed iniustis & inobsequentibus, impijs & peccatoribus, &c. Multi quoq; sua crapula & ebrietate, adulterio & alijs sceleribus, uiolentam mortem sibi accersunt. Est etiam spiritualis mors, qua mortui uirtutibus, in peccatis uiuimus. Sic in 1. Tim. 5. cap. uidua quæ in delicijs uersatur, uiuens mortua esse dicitur. Ab hac etiam morte uerbum Dei nos conseruat. Est item æterna mors, & sempiterna miseria, à qua uerbum Dei sui studiosos eripit.

*Mors quid  
in scriptu-  
ris signifi-  
cet.*

Stulti uerò ex his fontibus uenenum hauriant, hoc est, aquas salutiferas ad suum exitium conuertunt. Verbo Dei ad stabiliendam idololatriam & extenuanda scelera abutuntur. Alii qui legunt, *Lex sapientis*. Id est, lex Dei, uel cuiuscunq; legislatoris sapientis, quam sapiens homo custodit, est fons uitæ. De utilitate legum multa extant, etiam apud prophanos scriptores. Demosthenes dicebat, leges animam esse ciuitatis, &c.

### 15 Intelligentia bona (uel boni) dabit gratiam.

Qui ingenij felicitate rectè utetur ad promouendam gloriam Dei, & salutem aliorum, Dei & hominum bonorum gratiam & fauorem sibi conciliabit. Vel qui præditus est intelligentia, beneficus erit erga alios.

At uia præuicatorum dura est. Sensus est: Qui contempto uerbo Dei, suo arbitratu uiuunt, non solum pertinaces sunt, sed & duri erga miseros & afflictos: uel ratio uiuendi quam sequuntur, et si eis suauis & commoda uideatur, tamen aspera est & difficilis. Quanta mala habet scortatio, adulterium, ebrietas? Viuere secundum legem Dei, in præsentī quoq; uitā nostrā suauē reddit & iucundā. Christus dicit, Iugum meū commodum, & onus meum leue est.

*Impij sunt  
truces.*

### 16 Astutus omnia facit cum scientia.

Prudentes homines (עָרוּם *arum* enim hoc loco, ut aliàs sæpe in hoc libro, in bonam



partem accipitur) cautè & circumspèctè agunt, præsertim in rebus arduis & difficilibus. Quemadmodum apud Romanos, nihil fere publicè sine auspicijs nec domi nec militiæ gerebatur: ita nos inconsulto uerbo Dei nihil aggredi debemus.

*Stultus autem stulticiam prodit.*) Stultus aliorum consilia audire dedignatur, sua omnibus aperit, resq; magnas temerè suscipit, ueluti genera uitæ, bella & alia huiusmodi. פֶּרַשׁ parash, si Pharisæi significat exponere, declarare, dissipare, separare: hinc פֶּרַשִׁים paruschim pharisæos quidam unde dicti. dictos uolunt, quasi interpretes & expositores legis. Alij à separando appellatos dicunt, quòd se à reliqua multitudine separarent. Similes sententiæ alibi quoq; in hoc libro ponuntur.

### 17 Nuncius impius, cadet in malum.

*Legati.* Hanc sententiam, de omnibus nuncijs & legatis accipere possumus. Quidam à priuatis personis, quidam à publicis mittuntur, tempore belli & pacis: ut tractent uel de religione, uel rebus politicis. Aliquando præscribitur eis, quid tractare debeant, aliquando plena eis fit potestas. Multum autem Reip. interest, ut rerum peritos, & pios mittant. Improbis legatis, qui bonam causam mala fide agit, quiq; muneribus se corrumpti patitur, & mittentis expectationem fallit, non impunè feret. Fit enim sæpenumero ut ab illis qui eum miserunt deprehensus, infamis reddatur, uel capitali supplicio afficiatur. Si cessat magistratus, tamen Deus non cessat. Vetus translatio habet, *Nuncius impij, cadet in malum.*) hoc est, legati qui ab impijs mittuntur ad conficiendum res nefarias, non impunè ferent. Quales sunt illi legati à latere, qui ad comitia regnorum uenientes, se insinuant apud proceres, omnia explorant, & blandis uerbis euertere religionem, & dissidia excitare moluntur. Elegans illorum descriptio habetur in Apo. 16. cap. Tamen si uerò imperium magistratum, eos apud homines leuat & etiam excusat: tamen apud Deum non excusari possunt. Quinquagenarij illi qui iussu regis mittebantur, ut Heliam comprehenderent, igne de cælo misso oppressi sunt. Ita qui à priuatis mittuntur, ut mala perficiant, pœnas non effugient.

*Legatus autem ueritatem medela.*) Legatus qui bona fide suam legationem obit, & omnia refert quomodo gesta sunt, est sanitas: cum sibi, tum toti Reip. utilis esse potest, nec habebit uulneratam conscientiam. Sæpe etiam moderatis consilijs animos exulceratos mitigabit, & magnos motus sedabit. Discant etiam, si pueri à parentibus ad aliquos mittuntur, ut negocia sibi commissa bona fide conficiant.

### 18 Egestas & ignominia erit deferenti castigationem.

*Sprete cor* Prior huius sententiæ pars loquitur de effectu sprete & neglectæ correctionis: nec solum *rectionis* ad iuniores, sed etiam adultos pertinet. Qui correptiones factas ex uerbo Dei per ministros ecclesiæ negligit, qui magistratus castigatione non mouetur, qui parentum, magistrorum aliorumq; uocem contemnit, duo mala quæ homines ualde exhorrescunt sibi accerset, nempe egestatem & ignominiam. Accidit enim ut illi qui correctionem respuunt, nihil discant: postea uictum sibi honestè comparare nequeant. Et si uerò artem aliquam didicerunt, interim tamen in administranda re domestica, quia aliorum consilia nolunt audire, nunquam ex paupertate emergent. Est autem turpe si quis suo uitio egenus sit, nec habeat quod necessitatem patientibus conferat. Tales homines spiritualium quoque diuitiarum defectum incurrunt. Deinde ignominia notantur: arcentur à gubernaculis Reipub. Quis enim compos mentis, illum Reipub. præficiat, qui suam domum regere non potest? Fit etiam ut qui omnes monitores riserunt, carnificibus tandem magno dedecore parere cogantur. Multi qui ducuntur ad supplicia, seipsos accusant, quòd bene monentibus non obtemperarint. Septuaginta contrarium sensum reddiderunt: *נְוִיָאן נַאִי אֶרְוִיָאן אֶפְרַיִם וְאֶחָדָא, paupertatem & ignominiam aufert disciplina: hoc est, qui se erudiri & castigari sinunt, hæc mala effugiet.* Nā *עָרַב* para significat elongare: disciplina elongans est, id est, pellit hæc, nempe egestatem & ignominiam, ab illis, qui eam recipiunt: sed priorem interpretationem simpliciorem esse, oppositum membrum declarat.

*Qui autem obseruat correptionem, honorabitur.*) Altera pars è contrario loquitur de effectu receptæ correctionis. Qui uocem illorum à quibus corripiuntur, non contemnunt: opes acquirunt, & honestum interdum in Rep. gradum assequuntur. Conciliant sibi principum & plebis fauorem. Multi egregij uiri, farentur se hac ratione multum promouisse, quòd consilia & correctionem cognatorum non aspernati sint. Idonei autem sunt ad exercendum in alios imperium, qui prius alieno imperio paruerunt. Qui correptionem Dei receperit, etiam post hanc uitam glorificabitur. Vide cap. 15. uersum 32.

### 19 Desiderium quod factum est, oblectat animam.

Vide suprà uersu 12. Sensus est, Quemadmodum pij, si rebus bonis quas optant potiantur, uolupta-



uoluptatem percipiunt: ita stulti quoq; si quod cupiunt, assequantur. Pij cupidi sunt rerum bonarum, impij uerò rerum malarum, & sibi atq; alijs noxiarum. Quid autem apud eos efficiat, si omnia ex animi sententia eis succedant, sequentia ostendunt.

*Abominatio stultorum est recedere à malo.*) Non recedunt à malis, adulterio, ebrietate, usura & alijs. Deum non tantopere illis offendi dicunt, alioqui oppressurum eos: abutuntur Dei facilitate & misericordia, abominantur uitam honestam & piam; si quis eos à sceleribus reuocare uelit, non plus efficit, quàm si canibus ossa, quæ rodunt, eripere moliatur. Quin rebus secundis, uictorijs, diuitijs, honoribus elati, à falsa quoque religione dimoueri non possunt. Et nihil tam est absurdum & putidum, quod non mordicus defendant. Nec ipsi solum à malo nolunt recedere: sed & omnes illos abominantur, qui à malo, hoc est, superstitione & uitæ turpitudine recedunt. D. Petrus scribit in 1. epist. cap. 4, Id absurdum illis uidetur, quod non accurratis unà cum ipsis, in eandem luxus refusionem, qui de nobis malè loquuntur. Quàm offenduntur multi, si monachi monasteria deserant, uxores honestas ducant, & Euangelium prædicent? Omnes qui student pietati, risui & contemptui se apud impios exponunt. Nam cupiunt habere socios, ut turpitudine eorum minus sit conspicua: persequuntur igitur illos, qui à malo recedunt.

20 Qui ambulat cum sapientibus, fit sapiens: & qui socius est stultorum, conteretur.

Multum interest ad honestam ac turpem uitam, in iunioribus & adultis, uiris & fœminis, quibus cum quotidie uersentur. Quales illi sunt apud quos dies noctesq; agimus, tales etiam nos ferè efficiuntur. Si perpetua uitæ consuetudo nobis est cum pijs & uirtute præditis hominibus, pietatem & uirtutem addiscimus. Feræ bestię quoq; si subinde apud homines uersentur, cicurari possunt. Quanquam quædam naturæ tam sint distortæ, ut nulla bonorum familiaritate possint mutari. Si uersamur cum impijs & sceleratis, paulatim eorum mores induimus. Quemadmodum uicia oris & corporis imitamur, ita etiam uicia animi. Quemadmodum morbi quidam serpunt, ita etiam corrupti mores. Seneca dicebat, auarior redeo, ambiciosior, luxuriosior, crudelior, inhumanior, quia inter homines fui. Experientia docet, bonæ spei adolēscētes sæpe in academijs, & alibi, corrumpi: uirgines pudicas, in malos mores degenerare. Proinde sapiens hoc loco non temere pronunciat, illum qui cum sapientibus uersatur, sapientiam discere: qui uerò stultum in amicitiam suam recipit, non tantum stultum euadere, sed & cum stultis perire. Theognis dicit:

ἑδλῶν μὲν γὰρ ὅπ' ἑδλὰ μαθήσεαι, ἢν δὲ κακοῖσι  
συμμιχθῇς, ἀπολέῃς καὶ τὸν ἔοντα νόον.

Discant igitur hoc loco, non solum iuniores, sed & adulti, à malorum hominum consuetudine cauendum, & pijs hominibus conuersandum esse, ne mali fiant uel uideantur. Prudentes enim qualis quisque sit, ex sodalibus iudicant. Pares paribus, ut est in proverbio, facillimè congregantur. Si uirgo uel uxor aliqua, familiaris sit lenis & scortis, reddit se suspectam. Si accusetur furti, deprehenso fure à suspitione liberatur: sin uerò stupri, non item. Hieronymus ad Demetriadem scribit: Semper in comitatu tuo graues fœminas habeas: mores enim & studia dominarum, plerunq; ex ancillarum, & comitantium moribus, iudicantur. Qualis enim quæq; sit, talium consortio delectari. Non uideo, inquis, quos mihi familiares deligam: sæpe enim qui mali sunt, honestatem simulant. Respondeo: Si sermonibus suis produnt mentem corruptam, illis relictis alios tibi amicos quære.

Parentes discant cauere, ne filij ipsorum in malos sodales incidant: item, ne uel ipsi uel domestici eorum, filiorum mores corrumpant. Quid enim prodest, si extra domum, non sinas eos malos sectari, interim tamen ipse domi tuæ, eos perdas colloquijs prauis, & uitæ turpi exemplo?

Alterā pars huius sententiæ, etiam sic uerti potest: *Pascens stultos, malè afficietur.* Munsterus reddit, *Qui fouet stultos:* ut sit sensus, Qui alit stultum, lædetur ab eo. Simile est dictum Socratis, κακὸν ποιῶν σὺ, βλάψαι λήνους. Notum est Epigramma de ouicula, alente lupi catulum proprijs uberibus. Stulti beneficium iniuria pensant. Vox pascendi in scripturis de prophetis & regibus dicitur, qui sana doctrina & legibus populum regunt. Hoc autem ferè solet accidere uiris de Ecclesia & Repub. bene meritis, ut pro benefactis, pessimam gratiam ferant, ab ingrato populo. Hoc Mosis, Dauidi, Christo seruatori, Apostolis, & apud Ethnicos Miltiadi, Phocioni, Camillo, Scipionibus accidit. Apud Græcos iactatur proverbium:

ἀντ' ἀρεργεσίας ἀγαμέμνονα τίσαν ἀχαιοί.

Id est, pro beneficētia Agamemnonem ulci sunt Achiui: dicebatur in ingratos, qui pro bene-

Coniunctio  
cum bonis  
& malis.

66  
66

66



ficijs maleficiū reponunt. Hoc est peruersum ingenium vulgi, ut simul atq; malis liberati sunt, definant cogitare, quorum opera hoc factum sit: iniuriarum autem tenaces sint. Sic Plautus dicit, Si quid iuues, pluma leuior gratia: si quid offendas, plumbeas iras gerunt. Tamen uerò qui beneficium in ingratum collocat, operam perdat, quod ipsum attinet, tamen exemplo Christi, prophetarum & Apostolorum, de omnibus bene mereri ne definamus. Nō enim rectè dicitur apud Plautum in *Afinaria*:

- „ Ingrata atq; irrita esse omnia intelligo,  
 „ Quæ dedi, & quod benefeci: at posthac tibi  
 „ Malè quod potero facere, faciam, meritoq; id faciam tuo.  
 Porro beneficij gratia apud bonos nunquam debet senescere.

## 21 Malum persequetur peccatores.

*Pœnamalorum.* Hæc sententia pronunciat de pœnis malorum & præmijs piorum. Sæpe homines grauissimè peccant, quia sperant se impunè laturos. Occultè enim & sine testibus se peccare, uel homines id quod faciunt pro peccato nō habere: uel se non accusandos esse ab alijs, qui ijsdem, similibus aut etiam grauioribus criminibus sint obnoxij: uel si accusentur, se negaturos, uel propter potentiam, opes, cognationem euasuros. Sin uerò hominum tribunalia effugiant, sperant res suas esse in portu, Deum enim non curare res mortalium. Sed hæc sententia docet, etsi homines uel nesciant, uel scire nolint, aut pro peccato non habeant, nihilominus tamè malum sceleratos persequi: hoc est, Deum cui peccatum displicet, quiq; omnia intuetur, hominum peccata & scelera punire.

Statim enim cum quis peccauit, conscientiae stimulis agitur, qui sunt diræ & ultrices illæ furiae, de quibus poetæ fabulantur: exemplo nobis sunt primi nostri parentes. Vide caput 29. uersu 6. Seneca dixit, nullum cōscium peccatorum tuorum magis timeas, quàm te ipsum: alium namq; effugere poteris, te nunquam. Mirabiliter item magna scelera aliquando detegit Deus: facit ut seiplos scelerati interdum accusent: aliquando finit obnoxios flagitijs quæ homines non puniunt, incidere in scelera, quæ grauissimè puniūt. Etsi uerò scelerati ad tempus lateant: tamen meritis pœnas non euadunt. Longè autem miserrimum est, si in alterum seculum pœnæ differantur.

*Pœnitentiae effectus.* At si pœnitentiam agam, obijcis, an non peccata mea obteguntur? Vera pœnitentia semper suum effectum habet: ad hoc enim ualet, ut scelerati Deo reconcilientur: non ut temporaria supplicia tollat. Deus quidem propter pœnitentiam, aliquando hominibus parcit, at nō semper: sed grauissimas interdum pœnas infligit (quemadmodum in Dauide factum legimus) ut peccati grauitatē intelligant, deinceps sint cautiore, utq; alij à peccatis deterreantur. Verbum *רדף* radaf insequi & persequi uel sectari significat, in piel auget significationem. Osee 2. dicitur, Sectabitur amatores suos: magnum studium & ardorem exprimens.

(*Iustis autem retribuet bonum.*) Nempe Deus, bonorum munificus remunerator. Tamen si uerò interdum pij magis premantur quàm impij, tamè erit rerum uicissitudo. Et boni in hac uita habent bonam conscientiam, partemq; aliquam æternæ felicitatis obtinent.

## 22 Bonus hæreditare faciet filios filiorum.

Pij honesto labore opes parant, neminem fraudant, ideoq; opes stabiles relinquunt, quibus non tantum filij, sed & nepotes ipsorum fruuntur. Exemplum huius sententiae sunt patriarchæ. Iniustæ autem opes, uix ad tertium hæredem perueniunt. Quia uerò bonus, posteros suos hæredes faciet, colligimus Deum piorum familias conseruare. Optant autem omnes natura, sui generis conseruationem & propagationem, eamq; ob causam in hæreditatibus prærogatiua filijs decernitur, nempe quòd familiam conseruent. Deus in decalogo pronunciat, se facere misericordiam in millia his qui ipsum diligunt, & præcepta ipsius custodiunt. Non itaq; tuis posteris melius consulere potes, quàm si piè & sanctè uixeris.

(*Et reseruatur iusto substantia peccatoris.*) Quemadmodum auarorum opes interdum decoctoribus cedunt, qui eas temere dispergunt: ita fit interdum, ut impiorum opes ad pios deuoluantur. Lyranus exemplum affert de Dauide, qui unà cum uxore Nabalis, etiam opes eius acceperit. In libello Hester egregium exemplum proponitur in Hamano, cuius domum rex reginae dono dedit, quæ Mardocheo eam concessit. Israelitis cesserunt oppida, opes, pecora, &c. Chananæorum. Quòd autem sæpenuerò contrarium accidit, ut pij suis opibus spoliarentur, arcano fit Dei cōsilio. Habet enim temporariæ, ut sæpe dictū est, pmissiones, suas exceptiones.

## 23 Multi cibi in agro pauperum.

*רשעים* raschim pauperum uel magnatum uerri potest. Vulgatus interpret patrum uertit, *רש* rosch enim significat caput: ut autem caput in corpore humano summum est, & cætera membra



membra gubernat: ita patres in familia, & principes in Repub. Patres autem, hoc est, senes optime tenent quomodo agri colendi & stercoreandi sint, &c.

Pauperes dant operam, ut terram recte colant, ideo cibo non carebunt: ex angusto agro plus fructus percipient, quam alij ex latifundijs. Præstare autem putant ueteres, ut paucos agros possideas, illosq; diligenter colas: quam ut multos habeas, illosq; non recte colas. Vergil. Georgic. 2. lib.

Laudato ingentia rura,

Exiguum colito.

Columella lib. 1. ca. 3. testatur apud Afros agricolas puerbiu fuisse celebre, oportere agru imbecilliore esse quam agricolam. Vide Plin. lib. 18. cap. 6. Ex iisdem exempla afferam huius sententiae. C. Furius Ctesinus, ut scribit Plinius, e seruitute liberatus, cum in paruo admodum agello largiores multo fructus perciperet, quam ex amplissimis uicinitas, in inuidia magna erat, ceu fruges alienas pelliceret ueneficijs. Quamobrem a Sp. Albino curuli die dicta, metuens damnationem, cum in suffragium tribus oporteret ire, instrumentum rusticum omne in forum attulit, & adduxit filiam ualidam, atq; ut ait Piso, bene curatam ac uestitam, ferramenta egregie facta, graues ligones, uomeres ponderosos, boues saturos. Postea dixit, Veneficia mea Quirites hæc sunt, nec possum uobis ostendere aut in forum adducere lucubrationes uigilijsq; & sudores. Omnium sententijs absolutus itaq; est.

Columella lib. 4. cap. 3. scribit, Iulium Græcinum, in libro quem de uicinis scripsit, referre, Paridium quendam Veterensem duas filias, & uineis consitum habuisse fundum, cuius partem tertiam nubenti maiori filiae dederit in dotem, ac nihilominus æque magnos fructus ex duabus partib. eiusdem fundi percepisse. Minorem deinde filiam nuptui collocasse in dimidia parte reliqui agri, nec sic ex pristino reditu detraxisse. Hinc colligit, melius postea cultam esse tertiam illam fundi partem, quam antea uniuersam. Inuenias hodie quoq; homines industrius, qui ex paruo hortulo, suam familiam alant.

Vel in agris magnatum, id est diuitum, quibus est facultas colendi terram, ac faciendi quæcunque illi sunt necessaria, multi sunt cibi. Plinius quoq; testis est, terram tunc temporis felicius uberiusq; suos fructus tulisse, cum Imperatoru clarissimoru manibus tractaretur. Non quod terra sensu prædita sit, sed quia uiri prudentes ut Reipub. negocia sapienter administrabant, sic etiam agriculturam in qua uersabantur, longè maiore studio & diligentia, quam plebei homines tractabant. 771 nir quidam sulcum, uulgatus interpres nouale reddit: est aratio agri antequam feratur, in qua aratione spinæ, ligna ac lapides amouentur, ut ager aptus sit ad sementem. Plinius dicit nouale esse quod alternis feritur. Quia uerò terra non defatigatur, nec penitus exhauritur, quotannis ferendo, fit ut copiosorem fructum ferat. Plura de hoc sequuntur cap. 21. uersu. 4.

Et est absumptus, & non iudicium.) Qui leges agri colendi ignorat, & suo tempore ac modo, debita opera non exercet, etsi diues sit, tamen ad inopiam redigitur. Quod de agricultura dicitur, ad alias quoq; artes, & rem domesticam in uniuersum debet referri: nisi quis certo iudicio & ordine in rebus utatur, prodiget res suas. Vnde quidam simpliciter uertunt, ubi non agitur cum iudicio, inopia est.

Quod grammaticam attinet, נפח נישפח nispah est particip. in nifhal, uel nomen participiale, significat consumptus, perditus: aliqui referunt ad agrum, Est ager consumptus uel perditus, & non est in eo fructus, quia non est præparatus & dispositus ut opus erat, quo ad illa quæ ei sunt necessaria. Alij ad personam referunt, Vir est consumptus, hoc est, conficitur fame, quia ignorat leges colendi agri, & ager desolatur. Castalio reddit, abundant uictu noualia pauperum, sed sunt quæ iniquè percipiuntur, id est, pauperum fructus interdum à diuitibus intercipiuntur.

## 24 Qui parcit uirgæ suæ, odit filium suum.

Quia puerilis ætatis magna est incogitantia ac leuitas, necessaria est doctrina & seueritas castigationis. Parentes itaq; qui cum res postularer, uirgis parcunt, oderunt suos filios, non quidè affectu, sed facto. Par quidem est, ut parentes suos filios ament: sed corruptus & præposterus amor ille est, qui ab officio suo erga filios, eos reuocat. Perdere filium non est uerè amare, sed potius odisse. Fabius Quintil. lib. 1. cap. 4. causas aliquot commemorat, ob quas pueros cædi non uult, sed nos potius Salomonem magistrum, hac in re sequi debemus.

Qui amat eum, mane querit ei castigationem, uel eruditionem.) Mane, hoc est diligenter, uel maturè, à teneris annis, eum erudit & castigat. Nihil enim magis noxium, quam si castigatio in multos annos differatur. Plantas dum teneræ sunt, facile inflectes, postquam uerò adoleuerint, flectendo rumpuntur. Multos morbos mora facit incurabiles. Vides pueros statim recti & praua discrimina intelligere, ne ergo parentis officio desis. Moderatio tamen in casti-

Correctio  
liberorum.



gatione obseruanda est. Magnæ sunt utilitates tēpestiuæ correctionis. Si uerò nec uerbis nec uerberibus quicquam efficias apud obstinatos, tamen quod tuum est fecisti. Præstare dicunt nostri, ut pueri plorent, quàm parentes. Puniuit Deus Heli, quòd filios flagitiosos, nō pro eo ac debebat castigasset. Quantò grauius illos parentes castigabit, qui uel uerbis uel factis scelera filiorum probant, uel ad peccandum incendunt? Nota est iuuenis illius fabula, qui cum ad crucem raperetur, colloquium matris nouissimum petijt, oreq; ad matris aurem admoto, auriculam eius mordicus auulsi. Sunt matres quæ in pueris erudiendis nihil omittunt, sed patres indulgentia sua eos corrumpunt. Sunt è contra patres, qui suum sedulò officium in liberis instituendis faciunt: sed matres clanculum eis suppeditant pecuniam, unde ludere, potare, & scortari possint. Hinc est quòd multæ lugent, & suæ stultitiæ meritas dant pœnas. Hæc sententia etiam ad magistratus ac ministros Ecclesiarum extendi potest, qui nō sunt boni patres populi, nisi subditos suos qui instar filiorum sunt, corripiant. Quòd etiā Deus quos amat castiget, 3. cap. explicatum est.

### 25 Iustus comedit ad saturitatem animæ suæ.

Pius ante omnia quærit regnum Dei, strenuè uocationem suam obit, ac Deo qui uniuersa alit & uegetat, confidit, quòd ipsi non defuturus sit. Si rebus omnibus abundat, Deo gratias agit, si parum ei suppetat, bene consulit, donec Dei beneficio melius habere cœperit. Præclara autem hæc uirtus est, cum nostra sorte contenti sumus.

Venter autem impiorum deficiet. ) Impiis nihil satis est, etiam in affluentia rerum omnium, fame & siti quodammodo pereunt, nunquam saturari possunt. Deus per Micheam impijs Israelitis comminatur 6. cap. Comeditis & nō saturabimini, &c. Fit autem tempore famis, ut etiam cum homines panem habent, eo tamen exaturari non possint. Econtrà pij sæpenumero mirabiliter aluntur: quemadmodum in Euangelio legimus, tot hominum millia pauculis panibus altos esse. De spiritali fame etiam uera est hæc sententia: semper enim discentes, ut Paulus dicit, 2. Tim. 3. cap. nunquam ad ueritatis cognitionem perueniunt.

## CAPVT XIII.

### 1 Sapiens mulier ædificat domum suam.

Sapiens mulier quæ?



NON de illa sapientia loquitur, qua altissimas causas nouimus: sed de pietate & peritia rei domesticæ: ut sit sensus, Vxor pia & rei domesticæ perita, ædificat domū, hoc est, suam familiam instruit & conseruat. Nam maritum suum diligit, & rebus à marito labore quæsitis rectè utitur, non infumit in res parum necessarias, ueluti preciosam suppellectilem & mundum muliebrem: non uagatur in plateis, laborat manibus suis, & liberos totamq; familiam honestè instituit. Abigail domum quæ Nabalis culpa ferè perierat, sua prudentia & dexteritate conseruauit. Rachab quoq; suam familiā periculo eripuit, Iosue cap. 6.

Sapiens mulier etiā totas res pub. conseruat.

Nec solum domos suas ædificant, sed totas aliquando Respub. conseruant: quemadmodū legitur de Debora in lib. Iudicum. De prudente illa matrona, quæ Ioabum dehortatur ne ciuitatem Abela expugnet, 2. Sam. 20. cap. De Hestera, Iudith & alijs. Vires corporis defunt illi sexui, ingenij autem uis sæpe non deest. Si quis talem uxorem habeat, sciat se magno beneficio à Deo affectum esse. Præstaret etiam talem uxorem deligere, quàm diuitem & rei domesticæ imperitam.

Stulta mulier.

Ad uerbum (ut obiter hoc annotem) legitur, *Sapientes mulierum*, id est, unaquæq; ex sapientibus mulieribus. Nam apud Hebræos nomen pluralis numeri constructum cum uerbo singularis numeri, sumitur participiū. Genes. 49, Filiæ incedit super muro, id est, unaquæq; una post aliam. Mox, Stulti loquitur, uel excusat delictum, pro, unusquisq; stultorum.

Stulta autē, manibus suis euertit eam. ) Quæ suum officium ignorat, nec discere uult, calamitas est familiæ. Quantumuis enim à marito diligatur, tamen ipsa eum contemnit: quantumuis maritus strenuè labore, nihil tamen acquireret. Illa enim dissipabit omnia, non cogitabit quibus carere possit. Maritū ædibus sua importunitate expellet: liberos malo exemplo corrumpet. Quod si adhuc supersticiosa uel libidinosa sit, quid sperabimus?

### 2 Qui timet Dominum, ambulat in rectitudine sua, uel eius.

Causam ostendit, cur quidam rectè uiuant, nempe quia præditi sunt timore Dei. Qui Dei uerbum reuerentur, rectè se gerunt quoad religionem, & uiuendi rationem: colūt Deum secundum uerbum suum, non claudicant in utrumq; latus. Vitam quoq; iuxta Dei uerbū instituunt: si sint magistratus, si concionatores, si aliud uitæ genus sequantur, se rectè gerūt, ut Deo probari ac dictorum factorumq; rationem ei reddere possint.

Qui



*Qui autem despiciit eum, à uia eius discedit.)* Qui uacuus est timore Dei, qui Deum non putat mortales curare, qui putat aniles fabulas esse quæ de nouissimo iudicio dicuntur, &c. is apostata est, utilitate religionem meretur, Deum uel prorsus non colit, uel non ex præscripto uerbi eius, sed suæ rationis, colit, auro, argento, gemmis, suffitu, &c. Deinde quod uitam attinet, in omni scelerum genere uoluntatur, aut opera non quæ Deo probantur, sed quæ sibi ipse elegit, edit: ficta sunt omnia. Vana est illorum gloriatio qui dicunt, se Deum timere, interim uerò præcepta eius nihil curant. Si quis ad tempus rectè credat ac uiuat, statim amisso timore Dei, ueram fidem, & uitæ puritatem deserit.

Graue autem peccatum est ab agnita ueritate deficere. 2. Pet. 2. cap. Laudabilis est illa defectio, cum quis se à rebus illicitis ad licitas confert: ueluti illi, qui pietatis causa monasteria deserunt, à Papistica & alijs peregrinis religionibus, ad Christianam deficiunt. Et si enim mundus apostatas & perfidos eos dicat, qui à Romana Ecclesia defecerint: tamen illis clamoribus non moueri debent. Nam primam illam Ecclesiam Romanam, cuius fidem Paulus in sua Epistola ad Rom. prædicat, non deserunt, sed recentem illam, quæ constat Papa & purpuratis eius, qui nouam doctrinam afferunt, pugnantem cum doctrina prophetarum & Apostolorum. Iubet autem Deus, ut nobis cauëamus à pseudoprophetis, exeamus ex Babylone, & fugiamus idola. Sed hac de re, ab alijs doctè & copiosè disputatum est.

Hæc sententia etiam hoc modo legi potest, *Qui ambulat in rectitudine sua, timet ipsum Iehouah: sed qui se auertit à uijs eius, contemnit eum.* וְלֹא יִשְׁתָּחֲוֶה לְבָשִׁים nelos est particip. passiuum, quod uice nominis ponitur, peruersus, defector, desertor. Vulgatus interpres posteriorē partem reddidit: *peruersus uijs suis despiciit eum*, hoc est, impius contemnit Deum uel pium.

### 3 In ore stulti est baculus superbæ.

Hæc uerba, bifariam possunt exponi: Stultus loquitur superbè & tyrannicè, omnes præ se contemnit: Os eius est instar baculi siue uirgæ, qua omnes flagellat & fauciat, nemo tutus est à uirulenta eius lingua: neq; amicis neq; cognatis parcat. Quin contra Deū etiam diras blasphemias euomit. Deinde sic quoq; intelligi potest: propter uerba quæ stultus loquitur, ueniet super eum uirga superbæ, hoc est, cædetur magnis plagis, ob uerba sua.

*Labia autem sapientum, conseruant eos.)* Quia labijs rectè utuntur, seipsos & quandoq; stultos illos, aliosque homines conseruant. Hoc præcipuè doctoribus accommodari potest. Vulgo dicitur, hunc esse sapientem & bonum, qui omnia in meliorem partem interpretatur. Quæ sententia non ita accipienda est, quòd impia quoq; & nefaria facta quæ alij patrant, excusanda & laudanda sint: sed quòd illa quæ laudem merentur, laudanda sint, quæ ambigua sunt, non sint in deteriore partem torquenda. Sunt enim homines qui aliorum hominum dicta & facta qualiacunque, statim malignè interpretantur, ideoq; dedecus & maxima incommoda sibi frequenter accersunt.

### 4 Cum non fuerint boues, præsepe uel horreum uacuum est, & copia frugum est in fortitudine bouis.

Boues laboriosa sunt animalia: agricolæ bubus arant, fenum, triticum & alia conuehunt. Quidam bouem à nutriendo dictum uolunt (*βω* enim significat nutrio) eò quòd labore suo in exercenda terra continuo, nos pascit. Qui labori incumbunt, præcipuè uero agricolationi, bubus possunt conferri. Sensus igitur erit: Qui ocio indulget, non habebit necessaria, qui uerò laborat, multum habebit cibi, & fructum ex laboribus suis percipiet. Iusticia enim requirit, ut etiam bubus laborantibus necessaria præbeamus.

Alij ita per allegoriam exponunt: Ministri uerbi qui per boues designantur, ut in 1. ad Cor. 9. cap. in agro Domini, id est, Ecclesia laborant. Vbi non sunt boni concionatores, præsepe uacuum est, id est corda populi uirtute carent: ubi plurimæ segetes, ibi relucet efficacia doctrinæ concionatoris.

### 5 Testis uerax non mentitur: at testis falsus profert mendacia.

Duo ponunt testimoniorum genera, unum eorum quæ sunt in iudicio, alterum eorum quæ sunt extra iudicium. Pessimum quod extra iudicium uel forum fit, est falsæ doctrinæ, quando uerbum Dei corrumpitur. Testis uerus non adduci potest uel precio uel precibus, ut falsum dicat. Exemplo nobis est Pericles, quem cum amicus quispiam rogaret, ut in causa quadam, sua gratia, falsum testimonium diceret, respondit: *μέχρι τοῦ βαμοῦ φίλος εἰμι*: ostendens amici causa, non esse ab honesto despectendum. Testis uerò falsus, propter preces, munera, metum, amorem uel odium & alias ob causas, peierare paratus est.

### 6 Derisor quærit sapientiam, & non.

Scilicet, inuenit. Illusores, ut sæpe dictum est, sunt, qui subsannant uerbum Dei, & omnem

Defectio  
bona &  
mala.

Stultus sua  
lingua omnes  
uerberat.

Allegoria.

Testes.



honestatem uilipendunt: hi quærent sapientiam, sed non inueniunt. Quia uel non quærunt ubi debebant, nempe in sacris literis, officina ueræ sapientiæ: uel non quemadmodum debebant, nempe serid, positis prauis opinionibus & affectibus. Sententias pugnantes cum ipsorum instituto, mirificè torquent & eludunt: malunt etiam interdum scripturas in dubium uocare, quàm se uictos fateri. Vtinam exemplis illorum hominum nō abundaremus. Deus nō dignatur se huiusmodi hominibus aperire. Prouer. 3, Illusoribus ipse illudet, at humilibus dat gratiam. Si quis cupit inuenire sapientiam, alienus sit oportet à derisorum moribus. Herodes tetrarcha gaudebat Christum ueram sapientiam ad se duci, sed ex curiositate quadam, non ut in negotio salutis institueretur.

Simplicitate hæc uerba sic intelligi possent, *illusor quærit sapientiam, et non, scilicet quærit: uult enim uideri quod quærat, & tamen non rectè & ex animo quærit, sed malè & peruersè, ut glossa dicit: alia enim agit.*

*At scientia intelligenti facilis.* Qui principia sua habet, & cupidus est discendi, ac seipsum humiliat, idoneus est sapientiæ auditor. Terentius in Phorm. Dictum sapienti sat est. Germani dicunt, *Einem verstandigen ist gut predigen.* Res declarari potest exéplis. Pharisei & scribæ Christum docentem audiuerunt, sed absq; fructu: turgent enim opinione propriæ sapientiæ, ipsum irridebant. Plebs uerò quia sibi ipsi nihil tribuebat, nec ullam de Christo sinistram opinionem cōceperat, sapientiam ueram didicit. Idem legitur de Eunuchō reginæ Æthiopum, Actorum 8. capite.

Discant itaq; qui sacras literas cum fructu legere uel audire, sibiq; ueram sapientiam comparare uolunt: ne nimium sibi tribuant, sed ab ore Dei dependeant, omnesq; prauos affectus exuant, alioqui nihil discent. Iudex si uincatur odio, contra illum pronuntiabit, qui rectissimam habet causam. De lupo narratur apologus, quod in iudicium confesso, subinde agni uocem repetierit: licet enim agnus bonam causam haberet, tamē uorare eum cogitabat: ita qui prauis opinionibus imbuti sunt, nunquam rectè de controuersijs iudicabunt: & illa etiā quæ plana sunt & perspicua, non intelligent.

### 7 Vade à facie hominis stulti: & non cognouisti labia scientiæ.

*Cauendum à congressibus stultorum.*

Hortatur nos, ut à cōgressibus stultorum nobis caueamus. Stulti uox sæpe in hoc libro repetitur, & plerunq; significat, non illum, qui hebeti est sensu, sed qui uerbo Dei non credit. Licet enim illi sæpenumero non solum sibi ipsis, sed & alijs quoq; sapientissimi uideantur, tamen coram Deo stulti sunt. *אנך* nægæd significat coram, ante, è regione: cum Mem significat à longinquo, procul. Sic Dauid in Psal. 38. queritur: Amici mei procul à plaga mea steterunt. Inciderat enim in morbum, amici qui officij causa eum inuisebant, procul stabant, propter factorem uel contagium.

Causa autem quare fugiendi sint stulti, hæc assignatur: Si in tales incidas, non addisces sapientiam: ut præteritum sit loco futuri. Nam stulti contra ueram religionem & morum honestatem, subinde aliquid euomunt. Quomodo aut boni aliquid ex ijs disceremus, quorum labia nihil boni loquuntur? Serpunt pestilentes illi sermones, instar gangrænæ, 2. Timoth. 2.

Sapientes etiam rectè monent, ut à fatuis & morionibus nobis caueamus: nam si nos læserint, omnes rectè factum esse clamant.

Castalio alium sensum reddit: *Homini insani præsentiam euita, siquidem scitam orationem ignoras: id est, apud insanos prudenter est loquendum. Vaf enim causalis etiam est, significat quoniã, quia.*

### 8 Sapientia callidi est, intelligere uiam suam.

Vfus & fructus ueræ sapientiæ hic existit, ut sapiens suam uiam consideret. Per Metaphoram Viæ, quæ crebra est, cogitationes, sermones, mores, studia & actiones intelliguntur. Videat quisq; ne quid contra præscriptum uerbi Dei agat uel instituat. Si uidet se ueram uiam sequi, pergat: sin uerò sentiat se à uia aberrare, redeat in eam, ut laqueos uitet. Non satis est tenere uirtutum & uitiorum formas, ac alijs præscribere quid sequi debeant: sed decet ut nobis ipsis etiam leges præscribamus. Qui secus faciunt, similes sunt Mercurialibus statuis, quæ in ambiguis itineribus, iter nobis monstrant, quod ipsæ nunquam ingrediuntur. Facit etiā hæc sententia contra curiosos homines, qui in alienas res inquirunt, interim non uident quid domi suæ fiat. De his multa extant apud Græcos & Latinos proverbia.

*Stultitia autem stultorum dolum.* scilicet, intelligere. Stultis, hoc est, impijs non satis est, quod ipsi in uia pietatis & morum errant: sed neruos suos intendunt, ut dolos excogitent, quibus alios etiam à uera uia abstrahant. Laboramus enim hoc uitio hæreditario, ut si peccauimus, alios etiam ad peccatum sollicitare non desinamus. Summa autem hæc est stultitia. Et si enim multos



multos peccati socios habeamus, non tamen culpa nostra minuitur: sed porius aggrauatur. Dolo præterea etiam in alijs rebus efficiendis utuntur.

9 Stulti derident uel interpretantur peccatum.

Stulti pro nihilo habent, si uel ipsi uel alij peccauerint, non serio displicet eis peccatum, nec deplorant suam uel aliorum miseriam: quin tanquam re bene gesta gloriantur de sceleribus, ueluti adulterijs, usuris, ebrietate, &c. Maxima hodie peccata, pro bonis operibus uæneunt. Quod si stulti ad tempus simulent, se de peccatis admissis dolere, statim ad ingenium suum redeunt. Quando scelera punire deberent, non faciunt.

רל loz significat illudere & interpretari, hinc quidam hunc sensum eliciunt: Stulti omnia sua dicta & facta interpretantur in meliorem, aliorum uero in deteriore partem: ideo inter eos firma amicitia constare non potest. Aliorum quoque a quibus ipsi læsi non sunt, peccata, bene interpretantur & extenuant.

שח Ascham non solum delictum uel culpam significat: sed etiam hostiam pro delicto. Expiabantur hoc genere sacrificij peccata per imprudentiam, & etiam dedita opera commissa, sed mediocria: præterea etiam scelera. Ritus huius sacrificij in Leuitico copiose describitur. Certum autem est, eo sacrificio Christum præfiguratum fuisse, qui in ara crucis sacrificio corporis sui, peccata nostra expiauit. Isaias enim cap. 53. dicit, Ponet animam suam שח delictum: id est, pro delicto. Et Paulus in 2. Corinth. 5, Eum qui non nouit peccatum, pro nobis fecit peccatum: hoc est, sacrificium pro peccato. Rom. 8, De peccato condemnauit peccatum: prius pro piaculo, alterum pro peccato admissio usurpans. Pulchrè autem quadrat hæc significatio: nam stulti sacrificium Christi rident. Stultum uidetur rationi humanæ, Deum non alia uia & ratione homines seruare potuisse, quàm per crucem unigeniti sui filij. Et si uero stulti interdum uideri uolunt, quod sacrificium Christi maximi faciant: tamen in locum eius alia substituunt, quibus salutem comparent, & ita sacrificium Christi abolent. Quis autem exitus illorum futurus sit, qui hanc hostiam contemnunt, & sanguinem Testamenti ceu rem prophanam habent, docet Paulus ad Hebræos decimo capite.

Sed inter rectos est beneplacitum.) רלל razon fauor, beneuolentia, bona uoluntas, propensus animus, quem quis habet erga alium. Græcè εὐδουλία. Rectis, qui alieni sunt ab hypocrisi, & rectè incedunt, semper inter se conuenit: idem uolunt & idem nolunt, simul iucundissimè uiuunt: si dissensiones inter eos interdum oriantur, mox redeunt in gratiam. Sic fieri uidemus inter coniuges, filios & parentes, socios, &c.

Alij intelligunt, inter rectos est beneplacitum, scilicet Domini. Et si prolabantur in peccata: tamen peccatum suum non defendunt, sed confitentur, & poenitentiam agunt, ideoque Deo probantur.

10 Cor nouit amaritudinem animæ suæ.

Huius loci uidetur hic simplicissimus esse sensus: Quisque optimè nouit, quid in animo uerfer, quidque eum cruciet. Sæpe putamus aliquem nihil habere, quod eum angat, qui interne conscientiae stimulis miserè agitur. De Ænea apud Vergilium legitur:

Spem uultu simulat, premit alto corde dolorem.

Porro ne quis dolore opprimatur, idonea remedia & consolationes uerbo Dei propositæ, amplectendæ sunt. Notum est illud Pauli Æmylij apophthegma, nouum calceum ostendentis: Vos uidetis egregium ac nouum esse calceum, sed qua parte pedem meum torqueat, id ego solus sentio: significans Papyriam uxorem, non aptam esse suis moribus.

Et in gaudio eius, alienus se non immiscet.) Sensus est: Mens ipsa cognoscit læticiam conscientiae suæ, & non alienus. Ex sermonibus & gestibus alicuius, multa colligimus: sed hæc externa, non raro nobis imponunt. Putamus interdum, aliquem ualde perturbatum esse, qui hilari est animo. Sancti homines perpetuò gaudent, et si hoc non semper appareat.

11 Domus impiorum delebitur, tentorium autem rectorum flore re faciet.

Scilicet, Dominus. Hæc sententia confirmat pios, qui felicitate impiorum non parum commouentur. Domus, præsertim quæ muris constat, firma est & stabilis, nullis procellis nec terræmotibus uidetur eueri posse, cum tentoria facile conuellantur. Sic res impiorum, genus, opes, &c. uidentur firmæ, sed subito concident. Dominus zelotes est, uindicans iniquitatem patrum in filios, Exod. 20. Res autem impiorum uidentur infirmæ, sed florebant. Et si uero in hoc seculo malis bene, bonis uero malè esse sæpe experiamur: tamen minimum in altero seculo uices erunt. De pluribus regibus Israeliticis impijs legimus,



quoddam funditus interierint: de patriarchis uero, qui sub tabernaculis uixerunt, quoddam in spiritualibus & corporalibus floruerint. His itaque sententijs animos nostros fulciamus.

12 Est uia recta coram uiro, & nouissimum eius uia mortis.

Via ducens  
ad salutem,  
& uia du-  
cens ad in-  
teritum.

Quibus ar-  
gumētis pa-  
pistæ suam  
religionem  
confirmēt.

Christus Matth. 7. duas dicit esse uias, unam spaciosam, quæ abducit in exitium: alteram angustam, quæ ducit ad uitam. Hæc uia salutaris est Christus, Ioannis 14. Ego sum uia, ueritas, & uita, &c. & Qui credit in me, habet uitam æternam. Qui uera fide Christum apprehendunt, hanc uiam ingrediuntur: qui uero Christo non contenti, alias salutis uias quærunt, insistant uia, quæ ducit ad damnationem. Multi non per Christi meritum, salutem comparare uolunt, sed per sua & aliorum merita, per uota monastica, peregrinationes ad templa diuorum, missas & alia huiusmodi. Hanc dicunt ueram esse uiam & religionem: cur hæc & illa inquit Deo non essent grata? Hæreticos esse uociferantur; & ad supplicia illos rapiunt, qui salutis suæ proram & puppim in solo Christo constituunt. Afferunt ad suæ fidei ueritatem asserendam, præscriptionem longi temporis, multitudinem illorum qui hanc uiam ingrediuntur, felicitatem & uictorias, concordiam, ordinariam successionem, miracula, concilia & alia huius generis. Vt cunq; uero sibi blandiantur, nisi è medio cursu recurrant, ad exitum properabunt.

Quod de doctrina dicitur, de uita etiam est intelligendum. Qui turpiter & flagitiose uiuunt, nec recurrunt per ueram penitentiam, tandem æternum peribunt, ut ut sibi in uis suis placeant. Non itaque de fide & uitæ instituto, iudicandum est secundum affectiones nostras: sed iuxta regulas ueritatis, comprehensas in ueteri & nouo Testamento. Multa nobis mirifice probantur, quæ Deo sunt abominationi, Luc. 16. Is præcipit nobis ne faciamus quod nobis bonum uidetur, sed quod ipse iussit.

13 Etiam in risu dolet cor: & nouissimum gaudij est mœror.

Gaudium  
triplex.  
Gaudij spi-  
rituale.

Ad meliorem intelligentiam huius dicti, & aliorum quoque locorum sacre scripturæ, distinguendum est inter gaudium: aliud enim est Spirituale, aliud ciuile & honestum, aliud prophanium. Spirituale gaudium appello, quod in Epistola ad Galatas, inter fructus spiritus numeratur, & ex fide in misericordiam Dei ortum habet. Hoc gaudium est perpetuum. Pij enim non tantum rebus secundis, sed etiam aduersis gaudent. Sciunt enim calamitates non casu accidere, sed à Deo pios in bonum immitti. Si propter Christum conuiuijs proscinduntur, ex dicto Christi Matth. 5. cap. consolationem percipiunt: si spoliantur fortunis, æquo animo ferunt, quemadmodum Paulus ad Hebr. 10. cap. de fidelibus scribit, quoddam direptionem facultatum cum gaudio sustinuerint. Si conijciuntur in uincula, si cæduntur, gaudent cum Apostolis, Acto. 5. cap. si ad supplicium ducuntur, constantes sunt, quemadmodum de multis sanctis martyribus memoriæ proditum est. Ita in alijs ærumnis, ueluti paupertate, morbis, &c. ipsa denique morte lætantur. Et quanquam interdum etiam perturbentur, mox tamen redeunt ad se, & perturbationes spirituali gaudio sedant.

Gaudium  
ciuile.

Deinde est ciuile gaudium, quoddam concessum nobis est, si non immoderatum sit & importunum: ut si pij nuptijs intersunt, conuiuia agitent, animi causa iter faciant, ludant, &c. Hæc gaudia nunquam sincera sunt, sed semper aliquid fellis habent admixtum: quemadmodum hoc loco dicitur, in risu, id est, læticia, dolet cor. Et quamuis externè rideamus, tamen intus dolemus: nunc cogitatio peccatorum nos affligit, nunc subita mala accidunt, quibus gaudia

Miscetur  
tristitia lætis

hoc est, Vbi dulce est, propè alicubi etiam triste. Voluptates enim non ex seipsis progrediuntur, sed sequuntur eas dolores & molestiæ. Plautus in Amphitryone:

Ouid.

Ita cuiquam comparatum est in ætate hominum,

„

Ita dijs placitum, uoluptati ut mœror comes consequatur.

„

Quin incommodi plus, malique illico adsit, boni si obigit quid.

„

Lucretius de natura rerum lib. 4. Conuiuia, ludi,

„

Pocula crebra, unguenta, coronæ, farta parantur

„

Nec quicquam, quoniam medio de fonte leporum

„

Surgit amari aliquid, quod in ipsis floribus angat.

„

Ouid. Nulla est sincera uoluptas

„

Sollicitumque aliquid lætis interuenit.

Quod maximè ad prophana gaudia, de quibus mox dicā, est referendum. Nec tantum dolores sequuntur, sed etiam cum gaudio coniuncti sunt. Hoc pulchrè Dionysius tyrannus Syracusanus, expressit terrore gladij, tenui filo pendentis supra uerticem Democlis adulatoris.



Est item prophanum & carnale gaudium filiorum huius seculi, qui ex rebus impijs uoluntatem percipiunt, ueluti ex persecutione uerbi Dei, ebrietate, adulterio, usura, & id genus alijs. Hoc gaudium sempiterna tristitia consequitur. Iob dicit, 21. cap. de impijs, Ducunt in bonis dies suos, & in puncto ad inferos descendunt. Et Christus Luc. 6. cap. Væ uobis qui ridetis nunc, quia lugebitis & flebitis. 1. Reg. 1. cap. Adonias arripit imperium contra uoluntatem Dei, & conuiuium suis instruit: sed subito consternantur ac diffugiunt. Antichristi quoq; gaudium in mœrorem uertetur.

Gaudium  
carnale.

Discamus igitur ex hoc dicto Solomonico, non hanc præcipuam curam esse debere, ut semper in hoc mundo læti simus, sed ne læticia nostra uoluntati Dei aduersetur: in die bonorum malorum simus memores, quemadmodum de Iobo legimus: cogitantes, gaudij comitem esse mœrorem. Deinde non offendamur impiorum læticia, qui omnes illos ridet, quotquot propter Christum se in discrimen offerunt. Gaudium enim ipsorum, tristem habebit exitum, quemadmodum Luc. 12. & 16. de diuitibus illis & multis alijs legitur.

#### 14 De uijs suis satiabitur auersus corde.

Sensus est, unicuiq; dabitur iuxta opera sua. Qui ex fide sanctè uiuunt, fructum percipient: qui impiè, dabunt pœnas. Isaïæ 3. cap. Dicite iusto quod bene habebit, quia fructum studiorum suorum comedet. Væ autem impio malo, quoniam retributio manuum suarum fiet ei. 1. Cor. 3. cap. Unusquisq; mercedem accipiet, iuxta suum laborem. Matth. 16. Veniet filius hominis in gloria patris sui cum angelis suis, & tunc reddet unicuiq; iuxta facta ipsius.

סוֹג signiſicat abire, retrocedere: ponitur autem hic in particip. præterito, *auersus cor*, hoc est, auertum alienumq; habens cor. Forsterus in suo dictionario, סוֹג nomen esse dicit, & significare defectionem, auersionem: sed idem sensus erit cum superiore: *de uijs suis satiabitur retrocessio cordis*, id est, auersus corde, ut sit metonymia.

Et ab eo (auertetur) uir bonus.) מַעֲלֵא me alaf uariè redditur. Vulgatus interpres, *super eū erit uir bonus*, id est, Deus & homines iustum iniquo præferunt. Quidam dicunt, *ab eo uir bonus*, scilicet recedet, uel antecellet eum. Alij pro eo, scilicet satiabitur uir bonus. Alij, *de ijs* (nempe uijs suis) *uir quoq; bonus*, scilicet satiabitur. Munsterus reddidit, *ex fructibus suis uiuet uir bonus*: forte quia מַעֲלֵא alim signiſicat folia. Castalio, *suis moribus & uecors & uir bonus saturabitur*, id est, pro suis cuiq; factis præmia reddentur.

#### 15 Simplex ac paruulus credet omni uerbo.

Simplices & stolidi homines, qui hominum improbitatem & leuitatem non sunt experti, quiduis credunt absq; delectu, ideoq; sæpe grauissima pericula, animæ & corporis & fortunarum incurrunt. Omnes enim historiæ testantur, credulitatem, & è diuerso incredulitatem atq; diffidentiam, rem esse perniciosam.

Facilitas credendi obest Ecclesiæ: nam omnibus falsis doctoribus ianuam aperuit. Si enim homines, non statim blandis uerbis, fictis lachrymis, & hypocritico uestitui credidissent: sed doctrinam exegissent ad Lydium lapidem uerbi diuini, non ita fuissent decepti. Obest item politijs: nam si magistratus unam tantum partem audiat, illiq; credat, iniquas fert sententias. Multa bella hinc sequuta sunt, quod quibusuis delatoribus creditum est. Demosthenes dicebat, multa esse præsidia urbium, ut sunt ualla, mœnia, fossæ, quæ quidem magnos sumptus postulant, at firmissimum præsidium plebi contra tyrannos, esse ἀπίστια. S. Bernardus in lib. de Consideratione dicit: Credendi facilitas præsertim in præside aliorum, est ualde periculosa, & horribilia mala sequuntur ex ea, uidelicet suspiciones peruersæ, indignationes, detractiones, iniuriæ ac persecutiones iustorum, &c. Obest item Oeconomix: nam si maritus omnibus statim patulas aures præbeat, qui de uxore, liberis & seruis conqueruntur, in Zelotypiam incidet & familiam perturbabit. Idem sentiendum est de uxore. Quot iuuenes & quot uirgines credulitas illa perdidit? quibus idem accidit, quod in apologo habetur de asino, quem uehementer ægotantem lupo inuisit, causas morbi aperuit, seq; salutares herbas & radices habere dixit, quibus si egressus in syluam uesceretur, curare posset: miser lupi uerbis credens, dilaniandum se præbuit: ita multi homines multa sibi promittentibus, fidem adhibentes, miserè pereunt.

De stulta  
credulitate.

Magna igitur cautione opus est, ut cognoscamus quibus, quatenus & quomodo fides sit, uel non sit adhibenda. Quæ regula præcipuè in rebus quæ fidem attinent, obseruanda est, ne quid temerè uel probemus uel improbemus. D. Ioannes primæ Epist. ca. 4. probari iubet spiritus, num ex Deo sint. Berhœenses in Actis Apostolorum laudantur hoc nomine, quod ea quæ Apostolus docuit, studiosè in sacris scripturis inquisierunt. Papistæ

Nemini te-  
mere cre-  
dendum uel  
fidendum.



uellent nos promiscuè omnia amplecti, quæ ipsi tradunt. Deinde in alijs quoque rebus non facile cuius est credendum : ueluti delatoribus, nouorum rumorum authoribus, item suam operam nobis promittentibus & alijs. Paucissimi enim sunt sinceri & fideles amici, plerique uerò fucati & fallaces. Apud Gentiles quoque multa extant præcepta de uitanda credulitate. Hesiodus dicit:

πίστευε δ' ἄρα ὁμῶς καὶ ἀπιστοῖαι ὄλεσσε ἀνδρας.

Phocylides dicit:

μὴ πίστευε τάχιστα, πρὶν ἀτρεκέως πέρας ὄψαι.

Euripides in Helena:

σώφρονος δ' ἀπιστίας

ἔν ἐστὶν ὅδ' ἐν χρησιμώτερον βροτοῖς.

Dion sophista sermonem scripsit de non temerè credendo, in quo hoc Epicharmi laudat: *νῦφε καὶ μέμνη ἀπιστοῦ ἄρθρα ταῦτα τῶν φρονῶν*: quod Cicero ita conuertit, Nerui atque artus sapientiæ sunt, non temere credere. De hac materia multas præclaras sententias collegit Stobæus, in sua gnomologia. Non autem idcirco uolumus, ut homines suspicaces sint & diffidentes, utque nemini prorsus credant, candidè enim amici sunt diligendi: simul tamen cogitandum est, uoluntates hominum facile mutari, ideoq; non cuius, nec temerè credendum, de quo mox plura.

At callidus aduertit gressus suos.) Callidus iterum in bonam partem capitur. Non quid alij credant, uel non credant, dicant, faciant uel omittant, considerat: sed quid Deus credendum & faciendum præscribat, &c. Nota quod dicit, *Gressus suos*.) curiositas enim iterum damnatur.

Charitas omnia credit. Quæri autem hoc loco posset, cum Salomon stolidis (nam פתִי pæthi, in malam partem accipitur) tribuat, quod credant omni uerbo: præterea multa loca scripturæ & experientia ostendant, quàm stultum & periculosum sit, omnia credere: quomodo Paulus in 1. ad Cor. 13. cap. de charitate scribat, *πάντα πιστεύει*, quod uerbum & credendi & fidèdi affectum comprehendit. Respondeo, distinguendum esse inter eam credendi facilitatem, quæ ex quadam leuitate, & eam quæ ex charitate proficiscitur. De illa enim Solo. de hac uerò Paulus loquitur. Charitas omnia credit, scilicet quæ salua religione & conscientia credi possunt ac debet. De fratre non statim mali aliquid suspicatur, nec propter leues suspensiones credit alium sibi insidiari, donec argumenta uera habeat. Inprimis autem in dogmatibus recipiendis, magna cautione utitur, &c. De quo cap. 10. uersu 9. plura annotauimus.

#### 16 Sapiens timet, & recedit à malo.

Metuit ne patrem coelestem offendat: perpendit item iudicia Dei contra sceleratos, quæ eum ab erroribus & sceleribus reuocant. Si uerò lapsus fuerit, mox per gratiam Dei redit in uiam. Timor igitur in sapientem quoq; cadit, nec semper uitiosus est.

Stultus autem irascitur, & securus est.) אַפַּר Afar, est transire, transgredi, præterire: in hith pael esset, facere se progredi: sed accipiunt pro irasci: ita nos quoque dicimus, *Im selbs entgan/entrinnen*. Vulgatus interpres legit, *transiit & confidit*. Sensus est, stultum amore Dei aut metu iudiciorum eius, non reuocari à sceleribus: sed impulsu iræ & aliorum affectuum facere quicquid libet, pergere audacter, & quando impiè & sceletatè egit, securum esse. Non timet, ne Deum uerbis uel factis offendat, sed putat se eum habere propitium & clementem, etsi pœnitentiam non agat: uel blanditur sibi, quod postea pœnitentiam agere uelit, aut pœnas fortiter perferre. Si Deus in hoc seculo eum punire incipiat, fremit, & cum eo expostulat. Homines quoq; qui eum reprehendunt, & à sceleribus reuocare conantur, irascitur.

#### 17 Qui facile irascitur, faciet stulticiam.

Conferuntur duo iisdem affectibus laborantes, sed diuerso modo exercentes: קַדַּר אַפַּיִם Kezar apaim, breuis naribus uel faciebus, periphrasis est irati: nam signa irati animi in naso prodimus: nos dicimus, *Er ist kurz gebunden*. Qui facile & subito irascuntur, multa uera & ficta effundunt de proximis suis: quæ postea eis negocium facessunt: ad pugnas item sæpe profiliunt, ac multa faciunt, quæ illico pœnitentia consequitur. Nam cum omnes affectus, aciem mentis & iudicium obumbrant: tum ira ita obscurat, ut nec utile nec decorum uidere possit. Horatius dicit in epist.

Qui non moderabitur iræ

Infectum uolet esse dolor quod suaserit & mens,

Dum pœnas odio per uim festinat inulto.

Seneca scribit, iram ab insania hoc tantum differre, quod d insania & furor semper duret, ira autem ad tempus tantum. Cicero dicit: Ira procul absit, cum qua nihil rectè fieri, nihil consideratè potest.

Vir autem cogitationum, odio habetur.) אִישׁ מְזִמּוֹת Isch mezimmoth, uir cogitationum.

Sensus



Sensus est, Qui dissimulat offensam, & interea de occasione sese ulciscendi cogitat, odiosus est Deo & hominibus. Deus in suis titulis habet quod sit, אַרַאכ אַפַּיִם ærach apaim, longus naribus uel faciebus, id est, quod non facile irascatur, longanimis. Solem suum finit exoriri super bonos & malos: sibi uindictam iubet committi, quam uel immediatè, ut uocant, exercet, uel per causas secundas. Christus & Apostoli subinde urgent charitatem, ignoscendum esse proximo, non tantum uerbis, sed & uitæ suæ exemplo docent. Qui igitur Deum & sanctos imitari nolunt, sed potius Diabolum & impios, meritò à Deo odio habentur.

Deinde homines quoque astutos illos oderunt & detestantur, cauendosq; omnino suadent: turbant enim statum publicum, & peiores sunt illis, qui subitò excalescunt. Hi enim omne uirus semel euomunt, nulla alunt odia, & mox cum illis quibus offensi erant, in gratiam redeunt: illi uerò recordantur iniuriarum in multos annos, & tantum abest, ut ulciscendi cupiditatem deponant, ut aliquando inimicitias per manus filijs & nepotibus cum hæreditate tradant.

### 18 Simples in hæreditatem acceperunt stulticiam.

Vox פַּתִּי pæthi, hoc loco in malam partem accipitur. Solomon enim nihil aliud uult dicere, quàm quod proprium sit simplicium hominum, ut sint stulti. Idem cum in alijs rebus, tum in negotio religionis, liquidò apparet. Etsi enim subinde discant, non tamen ad ueram cognitionem perueniunt: cumque magnificas res expectent, spe sua frustrantur. Nihil tam absurdum, ludicrum, ridiculum superioribus seculis fingi uel excogitari potuit, quod simplices homines, non pro uero & indubitato receperint. Sacrificuli loco uerbi Dei, proposuerunt sanctorum historiam, quam Legendam auream uocant, prodigiosis mendacijs refertam: de qua rectè Ludo. Viues scribit, Se nescire cur aurea nomen-  
Legenda aurea.

tur, cum scripta sit ab homine ferrei oris, & plumbei cordis, & illo libro sædius nihil dici possit: nihilominus tamen à simplicibus illis, pro oraculis hæc omnia habita fuerunt. At quem quæso fructum inde miseri perceperunt? Planè nullum: anxie quæsiuerunt, quibus uijs & rationibus à peccatis liberari possent, sed magistri illi non ueram uiam eis monstrarunt, nempe fidem in Christum: sed peregrinationes ad loca, ut uocant, gratiosa, tabulas indulgentiales, & multa alia huius generis.

Hodie quoque multi sunt, qui in tanta luce Euangelij oculos aperire nolunt, sed se seducendos præbent. Quin multi qui Euangelium profitentur, si uel conciones Papisticas audiant, uel in Anabaptistas & alios fanaticos incident, eos non aliter audiunt, quàm ut est in apologo de asino, *ὅν οἱ τὴν μύθον ἐλεγε, ὅδε τὰ ὅσα ἐνίκα*. Statim eis omnia excidunt, quæ ex uerbo Dei audiuerunt. Illi omnes hæreditant stulticiam, nam subinde magis magisque incerti sunt.

Qui autem callidi sunt, hi coronantur scientia.) פַּתִּי Pæthi simplex, imperitus, & פַּרְעָרִים arum, callidus, astutus, opposita sunt. Qui non statim omnia illa credunt quæ audiunt, maximè in rebus fidei, sed cauti sunt, & iuxta canonem Apostoli, omnia probant: illi coronabuntur scientia, hoc est, non deerit illis facultas, qua intelligant, quid credendum quidq; faciendum sit, uel minus. Quidam exponunt, Coronabunt.) hoc est, institutione sua glorificabunt suos discipulos: est enim hiphil. Disce itaque ne cuius credas, qui uestitu, incessu, sermone pietatem simulat: sed considera an quæ dicit, cum Decalogo, oratione Dominica & Symbolo fidei, atque aded uetere & nouo Testamento congruant. Videte quæso, qui nam magis candidè agant cum suis auditoribus, nos ne, an nostri aduersarij? Nos auditoribus nostris liberum permittimus, quin eos subinde hortamur & urgemus, ut nostram doctrinam ad sacræ scripturæ *ἀκρίβειαν* exigant, nec temerè nobis credant, nisi nostra firmis testimonij sacrarum literarum confirmauerimus. Isti uerò satis esse dicunt, si laici ingrediantur Ecclesiam, audiant missas & offerant, simpliciterq; omnibus illis credant, quæ eis proponuntur, etiam si non intelligant: intelligentiam sacrarum scripturarum competere doctoribus. Quin libros sacros excutiant è manibus suorum auditorum, ne uidelicet uenenum ex Biblijs hauriant. O impropostores. An non hoc nomine laudatur Timotheus, quod à puero sacris literis operam dederit? An non melioribus illis temporibus sacræ scripturæ etiam ab agricolis tractabantur? Non est difficile uidere quid uos moueat: metuitis, ne si sacræ literæ laicis familiares esse incipiant, uestri doli & fuci retegantur. De uera & stulta simplicitate alibi plura annotauimus.

Legenda aurea.

Calliditas bona.

Tractandæ sacræ literæ à laicis.

### 19 Incuruant se mali ante bonos, & impij ad portas iusti.

Incuruare se ad portam alicuius, significat supplicem alicui fieri: aliquem obseruare & colere. Ad illorum enim portas quos colimus libenter uersamur. Ferè fit in hoc mundo, ut pij ab impijs contemnantur, propter pietatem & iusticiam: sed è diuerso sæpe etiam



*Impij ali-* contingit, procurante Deo, ut impij piorum consilio & ope indigeant, eosq; honore, uelint  
*quādo sup-* nolint, afficere cogantur. Huius sententiæ exempla multa habemus in scripturis: Abimæ-  
*plices sunt* lechus, cum familia eius graui morbo affligeretur, iussus est à Deo rogare Abraamum, quem  
*pijs.* prophetam appellat, ut pro se intercedat apud Dominum. Iosephus à fratribus suis, &  
 alijs multis colitur. Pharaon cum uarijs malis premeretur, supplex fit Mosi & Aaroni, quos  
 oderat: dicit enim, Rogate quæso Dominum, ut auferat à me hæc mala. Saul Samuelem à  
 mortuis excitatum consulere cupiebat. Balthazar Daniele inquit & honore afficit, Dan.  
 5. cap. Hamanus Mardocheum maximo honore iussu regis, afficere uel inuitus cogeatur.  
 Hodie etiam iudicio Dei sæpe fit, ut impijs piorum opera necessaria sit, utq; eos obseruent &  
 colant. Adhæc tanta est uirtutis dignitas, ut se mali ante bonos incuruent, hoc est, tacite  
 eos suspiciant, & honorifice de eis sentiant. In futura uita, hæc demum rectè implebuntur,  
 quando impij humiliabuntur. Sic Lazari opera diues ille luxuriosus uti optabat. Fatuæ uir-  
 gines ostium pulsantes, repelluntur. Sancti adhæc iudicabunt impios: portæ enim in sacris  
 literis etiam significant iudicia.

## 20 Etiam proximo (uel amico) suo exosus est pauper.

Hæc est conditio pauperum, ut etiam ab illis, quibus arctissimis uinculis necessitudinum  
 astricti sunt, odio habeantur. Pudet enim diuites pauperum amicorum, putantes eos sibi esse  
 dedecori. Deinde metuunt, ne subleuare eorum egestatem cogantur, opes suas amicis & co-  
 gnatis præferentes. Euripides etiam dicit in Medea:

ποῦντα φύγει πᾶς τις ἐν ποδῶν φίλος.

” Etsi uerò pauperes contemnantur ab hominibus: Deus tamen nequaquam eos repellit,  
 quin se passim in scripturis, pauperum, uiduarum, pupillorum & peregrinorum patronum,  
 & defensorem appellat. Christus nostra causa pauper factus est. Nihil igitur pauperes contra  
 pietatem committant, ut diuitias acquirant. Similis sententia sequitur 19. cap. uersu 7.

” Et diuitis multi sunt amici.) Diuitibus multi se coniungunt, sperant enim se multa commoda  
 ex eis percepturos. At in periculis plerique eos deserunt. Hoc uiderunt & questi sunt etiam  
 ethnici. Theognis dicit:

” εἰ μὲν γὰρ πλεῖστis, πολλοὶ φίλοι. ἢν δὲ πένυαι

” πᾶροι, οὐκ ἔστι μὴν αὐτὸς ἀνὴρ ἀγαθός.

” Ouidij uersus lib. 1. de Tristibus, omnibus sunt in ore:

” Donec eris felix multos numerabis amicos,

” Tempora si fuerint nubila, solus eris.

” Et in libro de Ponto 2.

” Diligitur nemo, nisi cui fortuna secunda est,

” Quæ simul intonuit, proxima quæq; fugat.

” Postea suum exemplum adducit:

” En ego non paucis quondam munitus amicis,

” Dum flauit uelis aura secunda meis.

” Vt fera nimbo so tumuerunt æquora uento,

” In medijs lacera naue relinquo aquis.

” Horatius Ode 35. lib. 1.

” Diffugiunt cadis

” Cum fece siccatis amici, &c.

Cum Aristodemus Spartiates, diuitias simul & amicos amisisset, exclamabat: χήματα χήματα  
 αὐτῷ, πενεχὸς δὲ ὕδατος πέλει· ἐσθλὸς ὕδατος τίμιος: hoc est, pecunia pecunia uir, pauper nemo bonus  
 est aut honore dignus. Dauid etiam queritur se ab amicissimis desertum esse. Nec tantum  
 deserunt nos, sed uertuntur etiam interdum in hostes nostros capitales. Veri amici sunt, qui  
 non mutant animum cum fortuna: sed rebus etiam tristibus, nobis opem suam præstant.  
 Qualis legitur fuisse Ithai peregrinus, qui cum suis militibus, Dauidi per seditionem in exili-  
 um pulso, auxilium tulit. Amicus certus in re incerta cernitur. Discamus autem nos non ho-  
 minibus, sed soli Deo fidere.

## 21 Qui contemnit proximum suum, peccat.

Præcedens sententia, ostendit hos mores esse hominum, ut pauperes proximis suis, etiam  
 amicis odiosi sint, diuites uerò amicis abundant. Nos autem moribus hominum in malo  
 Proximus conformari non debemus: sed consyderare quid Deo probetur, & quomodo in uerbo  
 non cōtem suo de rebus iudicet. Dicit autem hoc loco per Solomonem, illos peccare, qui proximos  
 nendus. suos despiciunt. Paupertas enim non est res, quæ hominem contemptione dignum reddat.

In.



Inquirendum est hoc loco, quis sit proximus, de quo non omnes idem sentiunt. Multi enim putant tantum consanguineos, affines & benefactores suos esse proximos. **רעך** reæ uel **רעך** *Proximus quis sit.* Græcè *πρόσιος*, Latine proximus, est quicumque nobis occurrit, & nostra ope consilioq; indiget, siue amicus sit, siue inimicus. Hoc enim Christus rogatus à legisperito, quis nam esset proximus, similitudine de saucio & Samaritano docuit, Luc. 10. Sic in nostra quoque lingua Germanica proximum appellamus, *Ser nächst der best*: quemlibet sine discrimine, quem fors nobis obtulerit. Qui nunc contemnit proximum suum, is peccat. Commendat enim nobis Deus proximum. Christus docet legem & prophetas huc tendere, ut Deum præ omnibus diligamus, & proximum sicut nos ipsos. Quisquis sit, amicus siue hostis, domesticus siue peregrinus, diligendus est. Christus quoque discretè præcipit, ut inimicos nostros diligamus: modum adhæc & rationem diligendi proximum præscribit, non quemadmodum alij eum diligunt, uel quemadmodum ipse te diligit, sed dilige eum sicut teipsum. Peccant igitur qui peregrinos, uel etiam hostes suos contemnunt: nam Deus in ipsis quodammodo contemnitur. Interim non existimandum est, in dilectione ordinem tolli. Tamen enim omnes nostri proximi sint, qui nostra opera indigent: tamen si omnibus prodesse simul non possis, hi inprimis iuuandi sunt, qui arctiore tibi uinculo iunguntur. Paul. enim ad Gal. 6. cap. dicit: Dum tempus habemus operemur bonum, cum erga omnes, tum uerò maximè erga domesticos fidei. Sed charitas hac in re modum seruare poterit.

Nec aduersatur hæc sententia Psalmo, qui beatum illum pronunciat, in cuius oculis est contemptus impius, nam in quantum quis impius est & sceleratus, contemni debet. Aristoteles quoq; in ethicis cum de magnanimo agit, dicit eum uitiosos contemnere. *Impius contemni debet.*

Si uerò qui proximum suum contemnit, peccat, quid de illis dicendum, qui proximos suos etiam arctissimis uinculis sibi coniunctos, nec uerbis nec factis læsi, non modo contemnunt, sed etiam magna iniuria afficiunt?

*Qui misetur oppressorum, beatus ille.* **רעך** Ani oppressus, afflicus. Vetus interpres nunc pauperem, nunc miserum, nunc humilem conuertit. Qui oppressos morbis, paupertate, tyrannide & alijs calamitatibus, non modò non contemnit, sed & misericordia erga eos mouetur, Deo gratus est, *συμπάθεια* passim in sacris literis nobis commendatur. Fideles ita comparati sunt, ut pro ingenio patris sui cœlestis, faciles & propensi sint ad misericordiam: quæ non tantum in hoc posita est, ut sensu alieni mali afficiamur: sed ut precibus etiam, ac alijs quibuscumq; rationibus possumus, affictos iuueamus. Aliquando non suppetit nobis quod alijs cōferamus: at apud alios pro eis intercedere debemus. Paulus in posteriore ad Timotheum, nouissimis temporibus futuros dicit homines duos & immites, qui non modò non aliena, sed ne propria quidem miseria afficiantur. Et profectò hodie multi sunt qui oppressos, non modò non subleuant, sed eis insultant. Principes uerò & magistratus non solum uerbis *συμπάθεια* testari debent, sed re ipsa oppressos subleuare.

*Afflicti iuuandi.*

## 22 Non ne (uel certè) errabunt, cogitantes malum.

**רעך** Charasch arare, fodere, tacite cogitare, urgere opus, & per metaph. insidiari significat. De illis qui fodiunt malum, infra quoq; dicitur. Turpe est si quis ex inscitia uel ex humana infirmitate peccet: turpissimum uerò, si quis destinato consilio peccet, dies noctesq; cogitans de perficiendis malis. Isti non assequuntur quod cupiunt: cupiunt enim bonum aliquod sibi comparare, & malum propellere, sed incidet in grauissima mala. Licet ad tempus in hoc seculo beati & felices esse uideantur, tamen uices aliquando erunt.

*Misericordia & ueritas, cogitantibus bonum.* Illis qui solliciti sunt, ut inquirent & faciant uoluntatem Dei, ac bene de hominibus mereantur, Deus rependet. Hæ uocès **רחם** amath & **אמת** chæsed, sæpe in scripturis coniunguntur. Nam primum mouetur Deus misericordia ut nobis beneficiat, & sua dona nobis largiatur. Deinde cum implet illam uoluntatem, ueritatem dicitur facere. Quod Deus facit, homines etiam pij faciunt, erga cogitantes bonum.

## 23 In omni labore est abundantia: sed uerbum labiorum, tantum ad defectum.

Sensus est, Qui honesto labori incumbit necessarijs non deficiet. Prouerbio dicitur, Artem quæuis alit terra. Vbi uerbis tantum agitur, sequitur egestas. Sunt multi, qui de re domestica optimè loquuntur: sed quia laborare nolunt, egentes sunt. Euripides in Electra dicit:

*ἀργος γὰρ ὁ δόλος, θεὸς ἐχέει ἀνὰ νόμα,  
βίον δὲ δόλος ἀνὰ ξυγγένην ἀνὸν πόνη.*

*Labore necessaria cōparantur.*

Sciendum autem est nostros labores frustraneos esse, nisi Deus successum dederit. Hæc sententia alijs rebus quoq; potest accommodari. Frustra adolescentes uerba fundunt de studijs



bonarum literarum, de doctis uiris, de bonis & utilibus libris, nisi literis sedulo incumbant. Epicharmus testatur, laboribus omnia nobis deos uendere. Horatius:

22 Nihil sine magno

23 Vita labore dedit mortalibus. Recurre ad cap. 13. uersum 4.

#### 24 Corona sapientum diuitiæ eorum.

*Diuitiarum* Simplex huius gnomæ hic uidetur esse sensus. Diuitiæ sapientibus & pijs hominibus ho-  
*ustus usus.* nori sunt & ornamento, rectè enim illis utuntur. Est autem hic diuitiarum usus, ut ad honorè Dei conferantur, ad usus uitæ necessarios: & ad cōsolationem proximi. Non autem ideo hæc dicuntur, ut nobis præcipua sit cura diuitiarū terrenarū, maior enim cōlestiū ratio est habēda.

*Stultitia Stultorum Stultitia.*) Stulti siue pauperes fuerint siue diuites, semper sui similes erunt: diuitiæ non ornabunt eos, nec instrumenta uirtutis eis erunt: sed potius occasio, ut prodant quod in pectore latitabat. Sunt qui infanis ædificijs, stultitiam suam (quæ per inopiam occul-  
tata fuerat) publicè ostendant: sunt qui mensis bene instructis, qui sumptuoso uestitu, qui alijs rebus, suam mentem detegant. Si de usu opum & abusu, sermones ad eos fiant, nihil mouentur, ingrati sunt Deo, neq; cogitant aliquādo rationem esse reddendam, sed omnino stultitiam eorum omnibus palam fieri oportet. Paupertate quoq; nō rectè utuntur. Posset forsan hic quoq; sensus esse, *Stultitia Stultis Stultitia.*) Stulti quoq; sæpenumero iudicare possunt, quàm stultè stulti faciant, uel quàm stulta sit stultitia.

#### 25 Eruit animas testis uerax.

*Testes ue-* Hanc sententiam primum accommodare possumus ministris ecclesiæ: latè enim accipitur  
*races.* in scripturis uox testis. Prædicare de Christo, est testificari de Christo. Christus dicit Actorum 1. cap. ad Apostolos: Eritis mihi testes. Boni concionatores liberant homines à maximis erro-  
ribus & flagitijs: erigunt pauidas conscientias uerbo Dei, quo docetur, agentibus pœnitentiam remitti peccata, propter Christū. Deinde in foro & iudicio, testis uerax liberat animas, hoc est homines. Nam de innocentia illorū testatur, quorum uita petitur. In quotidiano colloquio si ueraces simus testes, & alieni ab assentatiōe, homines maximis periculis eripimus: Seipso quoq; testes ueraces, periculis eximunt.

*Loquitur autem mendacia, fraus* (uel dolus.) Id est, fraudulentus & falsus testis (qui per Metonymiam fraus uel dolus appellatur) loquitur mendacia, quibus hominibus maxima damna cōciliat. Quot animas perdunt falsi doctores? quot in foro, lingua falforum testium occidit? Exempla multa sunt illorum qui falsis testimonijs oppressi sunt. Nabothi, Susannæ, Stephani & aliorum: quot millia, uiolatae religionis à falsis testibus accusati, & ab iniquis iudicibus damnati sunt? In quotidiano quoq; colloquio, multi mendacijs & assentatione perduntur.

#### 26 In timore Domini, securitas est fortitudinis.

*Timor Do-* Multa sunt in quibus homines fiduciam suam collocant: ueluti sunt oppida munita, arces,  
*mini firmū* fœderati, arma, uires, consilia, opes, affinitates, clientelæ, & alia huius generis. Sed turpissimè  
*propugna-* falluntur, qui in illis rebus spem suam ponūt. Nam in timore Domini duntaxat, firma est se-  
*culum.* curitas & rita potentia. Qui Deum uerè timent, & uerbo eius credunt, sciunt Deum sibi propitium esse: sciunt nihil prorsus sibi accidere posse, absq; uoluntate Dei patris: sciunt timen-  
tibus Deum, etiam mala in bonum cedere: sciunt Deum mille habere uias & rationes, quibus suos ex omnibus periculis, si utile sit, possit eripere: sin minus, in media etiam morte eos seruare. Hinc ueram securitatem & gaudium in cordibus suis concipiunt: inq; omnibus terroribus & furoribus mundi, spem de bonitate Dei conceptam, non abijciunt. David in suis Psalmis, Deum, quem in suo exilio subinde clementissimum expertus fuerat, nunc arcem, nunc propugnaculum, nunc rupem, nunc clypeum, nunc refugium suum appellat. Socij Danielis, intrepido uultu ad ardentem fornacem accedunt. Martyres magna constantia, maxima quæque tormenta pertulerunt. Instrumenta quidem defensionis non sunt reiicienda: sciendum tamen omnia irrita esse, & quandoque ad exitium nostrum facere, nisi Deus nobis bene uelit.

*Et filijs eius erit perfugium.*) Nempe Dei. Omnes natura sumus filij iræ & æternæ damnationis: sed beneficio mortis Christi per fidem adoptamur in filios Dei, Ioan. 1. Quotquot receperunt eum, dedit eis utliceret filios Dei fieri, uidelicet his, qui crediderunt in nomen ipsius.

*Deus est* Hinc in oratione dominica & in symbolo fidei, Deum, patrem nostrū appellamus. Filijs suis  
*portus &* propitius esse uult: & quemadmodum pueri ad parentes confugiunt, ita Deus nostrū est con-  
*refugium* fugium. *נחמא* machsæh significat protectionem, latibulum, receptaculum, ut cum ab æstu  
*piorum.* uel imbris nos defendimus. Alij *Filij eius.*) non referunt ad Deum, sed illum qui Deum

time



timet & colit. Deus est filiorum eius, quasi portus in quem se recipiant in omnibus afflictionibus. Nam pius pater nihil omittit ut pios filios post se relinquat, qui paternis uestigijs insistant. Quod si filij uacui sint timore Dei & pietate, nihil proderit eis parentum & maiorum suorum pietas & religio. Sic etiam, cum quis impios parentes habuerit, ipse uerò timens Dei sit, parentum impietas nihil ei officiet. Multi parentes, si migrandum sit ex hoc seculo, queruntur quòd liberis nihil relinquant: sed etsi magnas opes habeant, tuti & salui esse non possunt: danda potius est opera, ut tales sint, qui Deum protectorem habeant.

27 Timor Domini fons est uitæ, ad recedendum à laqueis mortis.

Amplissimum fructum timoris Dei, hæc quoq; sententia proponit. Timentes Deum, hoc est, uera fide præditi, uiuent. Non loquitur de uita naturali, sed de spiritali. Viuent Christo & pietati, & post hanc uitam, corpore & anima, cum Deo & omnibus sanctis eius, uiuent æternum. Tuti etiam erunt à laqueis mortis. Mortem quidem temporalem non euadent, sed æternam. Et quanquam satan, robustus ille uenator, multos & innumerabiles laqueos habeat, quibus sanctos putat irretitos teneri, eos tamen declinant. Corporalibus armis frustra nos contra satanam defendimus: timore Domini opus est. Vacuos timore Dei, satan captiuos circumducit. Adhæc timor Domini, temporarias quoq; promissiones habet.

Timoris  
Dei fru-  
ctus.

28 In multitudine populi, est gloria regis.

Decus, gloria & potentia regum, non tam sita est in lata iurisdictione, munitione oppidorum, multitudine equorum & canum, aut sumptuoso uestitu: quàm in multitudine populi. Vbi enim populi multitudo fuerit, indicium est pacis, concordie & iustæ gubernationis. Externis nanq; & intestinis bellis, populus paulatim absumitur: iniusto & tyrannico imperio, immoderatisq; exactionibus, multi solum uertere coguntur. O quàm felices essent principes, si quæ uera essent ornamenta suorum regnorum, perpenderent.

In quib. glo-  
ria regis  
consistat.

Cum non fuerit populus, terror principis.) 𐤀𐤏𐤃𐤃 Rason, princeps, alia forma 𐤀𐤏𐤃𐤃 rosen. Alij interpretantur maciem, à 𐤀𐤏𐤃𐤃 rasah, attenuare: ut sit sensus, Vbi non est populus, timor tenuitatis.) id est, ibi metuenda est tenuitas, macies uel attritio. Si subditi principum numero imminuantur, si peste absumentur, bello pereant, & tyrannicis legibus oppressi, principem deferant, meritò consternantur principes. Quid enim sunt absq; subditis? Habeant immensas opes, oppida, castella, machinas bellicas, si destituti sint beneuolis subditis, nihil habebunt. Hinc putant quidam, principes numero multitudinis de seipsis loqui, quasi se populo adiungant. Præclara est illa uox Q. Catuli, cum Sylla bello ciuili in omnes sæuiret, ut Eutropius scribit, ille obuiam ei factus, Cum quibus, inquit, tandem uicturi sumus, aut quibus imperabimus, si armatos in bello, & inermes in pace occidimus? Prudenter iudicabat, principibus optandam esse populi multitudinem. Paucitas populi, uidetur maledictio quædam Dei esse. Cum enim Deus Dauidem, propterea quòd populum numerasset, affligere constitisset, multos eius subditos peste absumpsit. Tempore Salomo felix regnum fuisse ostenditur, quia populus multus erat. Moses Deut. i. cap. dicit ad Israelitas: Dominus Deus uester multiplicauit uos, ita ut sitis hodie sicut stellæ cœli in multitudine. Mox subiungit, Dominus Deus patrum uestrorum addat super uos, sicut estis, mille uicibus, & benedicat uobis, quem admodum loquutus est uobis, &c. Multi frequentiam hominum, putant maledictionem esse Dei. Sed Deus cui perinde est paucos uel multos alere, inter benedictiones numerat. Si principes destitutos populo, hostis inuadat, non habent qui eos defendant, & se periculis obijciant. Quid conductitijs militibus fidendum sit, tot seculorum experientia docet. Principibus itaque summopere laborandum est, ut suas terras ueris atq; summis ornamentis, bonis nimirum subditis augeant: & noxios illos homines compescant, qui sua auaritia & crudelitate bonos subditos, suis sedibus pellant.

Multitudo  
populi est  
benedictio  
Dei.

Pertinet etiam ad Christi æterni regis seruatoris nostri laudem, quòd multos habet confessores sui Euangelij. Qui homines uel doctrina uel uitæ turpitudine, à uera doctrina alienant, detrahunt gloriæ Christi. Dicit hoc loco potest de multitudine credentium. Isaïæ nono capite prædicitur, regnum Messie amplissimum fore, &c. Pomeria regni Christi nimis extendunt, qui dicunt unumquenque in sua religione, qualiscunque tandem illa sit, saluari: id quod longè absurdissimum est.

Amplitudo  
regni Chri-  
sti.

29 Qui tardus est ad iram, multus est intelligentia.

Qui hominibus condonant, quæ sine peccato tolerari & dissimulari possunt, nec subito implacabiles, uindictam appetunt, sapientes sunt. Nam si omnes iniurias persequi uellent, in maxima mala sese & alios conijcerent.

Breuis autem spiritu, exaltat stulticiam.) Hoc est, qui faciliè irritatur, stulticiam suam perspicuam

Exaltare  
stulticiam.



reddit. Nam cum aliquid alijs spectandum præbemus, efferimus: ut in foro, cum aliquid uendimus. Qui sibi imperare non possunt, sed impetum animi sui sequuntur, multa stulta designant. Quemadmodum uasa musto plena, sordes eijciunt: ita irati prorumpunt in uerba, ex quibus stultitia ipsorum deprehenditur. Paulò superius habuimus, Citò iratus designat stultitiam, uir cogitabundus odio habetur.

### 30 Vita carniū, est cordis sanitas.

Vel cor lenitatis, id est, lene. Si cor hominis prauis affectibus purgatum sit, ira, inuidia, &c. meliore sanitate utitur, uiuitq; diutius. Animus enim sanus, corpus quoq; sanum reddit. Vita carnis, pro corporis & membrorum eius salubritate ponitur: homo enim constat carne & spiritu, uel quod idem est, corpore & anima.

*Putredo ossium zelus* (uel inuidia.) Si homo prauis laboret affectibus, paulatim conficitur. Putredo ossium, malum est quod difficile curatur, & maximos cruciatus affert: sic inuidia & zelotypia, exiccant medullas, debilitant uires, animos affligunt.

**Zelotypia.** Vox קִנְיָה Kineah zelotypiam & inuidiam significat: quæ duæ affectiones uehementissimæ sunt: de utraq; pauca quæ ad huius loci explicationem pertinent, annotabo. *Ζηλοτυπία* est metus ne quis tecum habeat commune, quod tuum unius esse uelis. Affectio est truculentissima, quæ cum animos coniugum occuparit, desperanda est matrimonij felicitas. Hinc oriuntur magnæ turbæ, suspensiones, querelæ, rixæ, pugnæ. Legimus in historijs, maritos hoc morbo laborantes, occisis prius uxoribus, postea sibi & liberis quandoque manus intulisse. Quocirca diligenter cauendum est, ne coniuges in hunc morbum incidant, uel ut citò ab eo liberentur. Maritus non facilè fidem illis habeat, qui uxorem accusant: non omnia sinistrè interpretetur, præcipuè uerò Deum inuocet, ut ab immiti hoc tyranno liberetur. At parum pudicè se gerit, inquis, uxor mea. Diligens ergo sis erga ipsam, ne peccandi occasione abutatur. Vxores domi castè uiuant, maritos diligant, aliorum formam non laudent: in publico modestè se gerant, non colloquantur cum alienis uiris, nec cum mulieribus quorum pudicitia suspecta est: curent item ne uel locus, uel tempus, morbum uiri augeant. Alioqui & ipsæ rationem Deo reddent, & ijs tormentis se ultrò addicent, quibus nulla possunt in hac uita comparari.

**Inuidia.** Deinde uox Hebraica significat inuidiam, quæ definitur, dolor proueniens ex proximi cōmodo. Vulgaris hic est affectus inter homines, sed certè truculentissimus, qui quàm diu in animis hominum regnat & sæuit, desperanda est sanitas. Nam quemadmodum uestes à tineis corrumpuntur: ita homo per inuidiam corde arroditur, & toto corpore exhaustitur. Inuidia erga alios immitis est tyrannus, erga se uerò iustus iudex: seipsum enim paulatim conficit. Hinc Græcus quidam:

” ὁ φθόνος ἐστὶ λένιστος, ἔχει δὲ τὴν λαλὸν ἐν αὐτῷ.

” τίνα γὰρ φθόνος ὄνυματα, καὶ λεγόμενα.

Socrates optabat, ut inuidi plures aures & oculos haberent, quò de omnibus commodis hominum torquerentur. Magna corpori quoq; affert incommoda: pallor, liuiditas, macies contrahuntur ex inuidia. Antisthenes dixit, inuidos non aliter suo ipsorum uitio, atq; ferrum rubigine absumi. Democrates aiebat, ὁ φθόνος ἐαυτὸν ὡς ἐχθρὸν λυπεῖ: inuidus seipsum non secus achostem offendit. Quocirca uiribus uniuerfis annitendum est, ne pestis hæc nos inuadat. Cogitemus, Deum pro sua immensa misericordia distribuere dona hominibus, non igitur fas esse ut eis inuideamus. Cogitemus item inuidiā diaboli filiam esse. Adhæc cū mala domestica nos premant, bonis alienis, nostros dolores non esse augendos.

### 31 Qui opprimit pauperem, probro afficit factorem eius.

**אשח** Aschak est fraudare. R. David in libro radicum facit differentiam inter **אשח** aschak & **גסל** gasal. **אשח** enim est nolle restituere rem proximi sui, quæ in potestatem cuiuspiam uenit per depositum, mutuum, obligationem, ut est merces mercenarij, quam quis illi tenetur reddere. Sed **גסל** est ui aperta eripere. Vulgata uersio sæpe uertit calumniari: quod tamen fit uerbis, hoc autem factis. Qui pauperem circumuenit dolis & fraudibus, quiq; bona eius occupat, factorem eius probro afficit. **חַרַּף** charaf probris & conuitijs incessere. Septuaginta reddunt, *παροξύνει* irritat: qui enim probris & contumelijs aliquem afficiūt, irritant & prouocant eum. Sic Goliathus dicit, se agmina Israelitarum probro affecisse.

**Pauperes subleuandi sunt.** Ratio huius gnomæ hæc est: quòd Deus, ut Anna canit 1. Sam. 2. cap. diuites facit & pauperes: quos nobis proponit, ut eos consilio & ope nostra subleuemus. Christus in Euangelio dicit, Quod feceritis minimo ex meis, hoc mihi fecistis: quod in bonam & in malam partem accipi potest. Si quis pauperes lædat & opprimat, sibi hoc factum esse interpretatur. Sic apud Isaiam



Isaiam sexagesimotertio capite de populo Dei legitur: In omni afflictione ipsorum, ipse affligitur est. Et apud Zachariam: Qui uos tangit, tangit pupillam oculi mei. Christus ad Paulum dicit, Actorum nono capite, Saul Saul quid me persequeris? Cumq; interrogaret quis esset, respondit: Ego sum Iesus quem tu persequeris. Qui uerò pauperes & cultores Christi beneficijs prosequuntur, ipsi Christo hæc beneficia præstant. Idipsum hoc loco Solomon quoq; dicit:

*Qui autem pauperis miseretur, honore eum afficit.)* Qui miserijs pauperis afficitur, & eum iuuat pro uiribus, Deum honorat. Discamus igitur ex hac sententia, quàm graue sit peccatum pauperes dolis circumuenire, & eos bonis suis spoliare: multò autem grauius est, uel sub titulo iusticiæ, uel aperta ui eos opprimere. Cogitant aliquando homines: Viduæ, pupilli, peregrini non possunt tibi obesse, non habent suos uindices. At plus oberunt tibi pauperculi illi precibus suis, quas ad Deum fundunt, quàm potentissimi quique huius mundi monarchæ. Deus enim se illis patronum, tutorem & uindicem fore promisit: Deum hostem experiuntur, si pauperes iniuste opprimât. Ieremiæ 22. capite insignis locus est de hac re. Malachiae 3. capite minatur Dominus, se uenturum in iudicium, & fore testem uelocem contra eos qui iurant falsò, & contra eos qui calumniantur (בַּעֲשֵׂקִים) mercedem mercenarij, uiduæ & pupilli, & qui peruertunt causam peregrini, &c. Amoz 4. nobilibus illis minatur qui pauperes opprimunt. Psalmo 103. dicitur Deus iusticiam facere omnibus אֲשֶׁחִימִי aschukim, quorum bona occupantur, uel oppressis. Sunt & alia loca ex quibus omnes, imprimis uerò potentes discunt, quàm atrox sit peccatum, pauperes fraudare, uel opprimere. Exemplum memorabile habemus in Israelitis à Pharaone oppressis: & in Gabaonitis à Saule contra iusiurandum afflictis, quomodo Deus uindex sit oppressorum, 2. Sam. 21. cap. Econtrariò, discamus benefacere pauperibus. Deo enim nostrum hoc officium est gratissimum. Non dubito, quin si Christus corpore suo ad nos in terras rediret, omnes aliquo honoris genere eum afficere conarentur. At iubet nos in pauperes conferre, quæ ipsi conferre uolumus, Matthæi 25. Olim simulachris uaria donaria obtulimus, candelas in eorum gratiam accedimus, cum oculos habuerint & non uiderint: cibos attulimus, cum os habuerint, & non comederint: uestes suspendimus eis, cum tamen non frigerent. Quin potius conferamus hæc uiuis Dei simulachris, & rem Deo gratissimam faciemus. Consolationem item suauissimam pauperes & oppressi hinc eliciunt, quòd tanta eis cum Christo coniunctio intercedit, ut sibi fieri interpretetur quod ipsis sit. Quæ consolatio ad omnes quoque Dei cultores pertinet.

Pauperes  
non sunt op-  
primendi.

Pauperibus  
benefacien-  
dum esse.

### 32 Propter malitiam suam, expellitur (uel eijcitur) impius.

Impius sæpe in hac uita patria pellitur & ecclesia, & in morte sua, regno cælorum exclusus, in exteriores tenebras abiicitur. Christus enim Ioan. 3. ca. disertè dicit, Qui credit in eum, nō cōdemnatur: qui uerò nō credit, iā condemnatus est, quia non credit in nomē unigeniti filij Dei. Quomodo autē fide præditum esse dicemus eum, qui absq; pœnitentia in falsa religione & sceleribus pergit? Non autē est quod in alios causam sui interitus conferat, cum malitia sua sibi ipsi omnium malorum author sit. Porro nullus post hanc uitam locus erit, quo purgetur anima eius: preces & ceremoniæ illæ omnes, exequiæ anniuersariæ, cerei, lampades, quæ mortuo impendentur, nihil omnino ei, sacrificulis uerò permultum, conferent.

*Sperat autem in morte sua iustus.)* Natura quidem omnes iniustos & peccatores esse, Paulus in prima parte epistolæ suæ ad Rom. conuincit: fide tamen in Christum iustificamur. Qui ita iustificati sunt, in omnibus afflictionibus, & in ipsa morte, sperant se participes fore æternæ gloriæ. Hæc spes eos non fallit. Spes rerum temporariarum sæpe homines decipit, secundum illud:

Fallitur augurio spes bona sæpe suo.

At illa spes firma est. Deus enim illa quæ promisit suis electis, cumulatissimè præstat. Promittit etiam temporalia, sed certis adiectis conditionibus. Experimur autem quanta constantia pij mortem subeant.

### 33 In corde sapientis requiescit sapientia.

Sapientes uiri, suam sapientiā celant, nō ostentant, nō proferunt in omni loco, tēpore, &c.

*Et in medio stultorum cognoscitur.)* Scilicet, sapientia stultorum. Stulti si quid sapientiæ habet, temerè illud profundunt, nulla habita locorum, personarum, aliarumq; circumstantiarum ratione. Demosthenes apud Stobæum dicit, tantum abest ullum illorum qui solidè docti sunt, quicquam de se gloriosius dicere, ut alio etiam dicente erubescant. Qui uerò longè à uera, quam sibi uendicant, doctrina absunt, propter incitiam uerba molestissimè



audienda de seipsis proferunt. Possumus etiam alterum huius sententiæ membrum sapienti accomodare, cuius sapientia in medio stultorum se profert.

## 34 Iustitia eleuat gentem.

De conser-  
uatione re-  
gnorum.

Multus est sermo quomodo Respublicæ & regna feliciter administrari, atque florere possint. Varia autem de hac quæstione sunt hominum iudicia. Quidam putant si proceres seruiant tempori: quidam si fœderibus, pecunijs, armis, consilijs, substructionum insanis molibus, & alijs id genus rebus, instructi sint. Sapientissimum Solomonem, qui florētissimum regnum habuit, ea de re audiamus. Primo loco iustitiam, inquit, extollere gentem, hoc est, illustrem & claram efficere. Christus Matth. ii. capite per Apostrophē Capernaum alloquitur: Et tu Capernaum, quæ es usq; in cœlum exaltata, usq; ad inferos detraheris, &c.

Iustitia.

Iustitia est uirtus, quæ suum cuiq; tribuit: Deo, quæ sunt Dei, & hominibus, quæ sunt hominum. Quid Deo debemus? Fidem, timorem, dilectionem, honorem. Quid hominibus? Iudices iudicium & iustitiam faciant: omnes in promissis, contractibus, & alijs rebus bona fide agant: quæ debent principibus suis, illa eis pendant: quæ proximo similiter. Hinc uera oriatur concordia, magnum Rerum publicarum uinculum. Sin uerò numinis nulla sit cura, si publica iustitia locum non habeat, sed omnia sint uenalia: si quisq; suis duntaxat commodis studeat, non mirum est, si Respublica diu stare non possit. Hesiodus in libro cui titulum fecit Opera & dies, pulchrè ostendit urbes quæ iustitiam colunt, florere pace, omnibusq; bonis affluere. Plato in Protagora quoq; dicit: αἰδώς τε καὶ δίκη εἰσὶν πόλεως ἡσυχυῖ τε καὶ δεσποῖ: hoc est, pudor & iustitia, sunt ciuitatum ornamenta & uincula, &c. Et in 5. de legibus, iustitiam ἐλευθερία, id est, fulcrum & anchoram, decus & columnen urbis appellat. Salomon ipse huius sententiæ nobis erit illustre exemplum. Quamdiu iustitiam coluit, florentissimum regnum habuit, quod, quamprimum ad preces uxorū iustitiam uiolauit, concidit. Roma ex paruis iniitijs ad tantum fastigium imperij euecta fuit: sed cum tandem collapsa iustitia, omnia uenalia essent, funditus euerfa corruit. Non autem Respub. solum, sed ne exiguus quidem hominum cœtus, nec domus parua, sine iustitia consistere potest.

Secundum quod regna conseruat, est beneficentia.

Liberalitas

regna con-  
seruat.

Et beneficentia est populis expiatio peccati. Si populus aliquis beneficus & liberalis sit in pauperes, auertit & mitigat pœnas. Sic Daniel Nabuchodonozorem hortatur, ut misericordia iram Dei euitet. Quemadmodum autem pietas & beneficentia populos & regna: ita etiam singulos homines euehant.

כֶּסֶד chatath significat expiationem, ut Num. 8. Sic facies eis quando purificaueris eos, spargas super eos aquas expiationis. Vel, piaculum, hoc est, sacrificium expiationis, quo scilicet peccatum expiatur. Moses 6. cap. Leuit. huius sacrificij meminit. Deus per prophetam dicit, Misericordiam uolo, non sacrificium. Significat item peccatum: hinc quidam uertunt, Sed misericordia est populis peccatum: nempe si non ex fide proficiscatur. Sic alia bona opera, Deo displicent, si fidei fundamento careant, & ad ostentationem tantum fiant. Quicquid enim non fit ex fide, peccatum est.

Addendum est חַסִּד chæsæd contraria significare: quemadmodum apud Latinos sacer & nobilis. Primum enim significat εὐπρεπὲς φρονεῖν, affectum naturalem charitatis parentum erga liberos, liberorum erga parentes, &c. (Hinc חַסִּד chasid ciconia apud Hebræos à pietate dicitur, quemadmodum etiam in Germanica lingua, à εὐπρεπὲς, hoc est, pietatis affectu) Variè autem redditur, pietas, beneficentia, charitas, misericordia, gratia. Secundò significat ἀσπλαγχνία, crudelitatem, hoc est, pœnam atrocem & crudelem, ut sit sensus, crudele exitium populi, est ipsum peccatum.

## 35 Amor uel uoluntas regis ad seruum intelligentem, &amp; ira eius erit contra ignominiosum.

Boni reges, principes & magistratus, discrimen seruant inter bonos & malos subditos: bonos præmijs, malos uerò pœnis afficiunt. Solon illam ciuitatem optimè habitari, dixit, in qua uiros bonos honoribus affici, contra autem improbos pœnis, mos esset. Memorabilis est uox illa Æschynis, ad suos Athenienses: Hoc reputate, si munera paucis eisq; dignis, & secundum leges contuleritis, multos uos habituros pro uirtute certantes: sin autem cuius cupienti, etiam si nihil egregium fecerit, gratificemini, frugi etiam ingenia corrupturos.

Officia ser-  
uorum.

Per regem quemuis etiam herum intelligere possumus. Per seruum intelligentem, qui officium suum non tantum intelligit, sed etiam facit. Officia uerò seruorum, ex sacris literis colligenda



ligenda sunt: ad Eph. 6. Coloss. 3. 1. Timoth. 6. ad Titum. 2. Præcipit seruis, ut dominis suis obtemperarent in simplicitate cordis, non ad oculum inserviant, nec tanquam hominibus, sed tanquam Deo: uult ut dominos suos, omni honore dignos existiment, ne sint furaces, &c. Quanquam uerò longè alia fuerit ratio seruitutis apud ueteres, quàm sit apud nos: tamen ad nostros seruos hæc etiam referenda sunt. Sensus erit, Dominus spontaneo amore mouetur ad benefaciendum ministro fideli, illi uerò qui pudore digna agit, irascitur. Quæ de seruis dicuntur, ancillis quoq; debent aptari: amor dominæ est ad ancillam intelligentem.

Hæc sententia dominorum quoq; erga suos seruos officium præscribit: nempe ut diligentes & industrios amore complectantur, eosq; beneficijs afficiant. Idem dominæ faciant erga famulas & ancillas suas. De hac re, consule loca ex Apostolo iam adducta.

*Dominorū  
officiū erga  
seruos.*

Quidam non ineptè hanc sententiam ad Christum regem, & seruos eius referunt. Matth. 24. laudat Christus seruum prudentem & fidelem, quem Dominus familiæ suæ præfecit, &c. Quæ uerba tamen præcipue ad uerbi ministros, deinde ad magistratus pertineant: tamen ad omnes quoq; homines referenda sunt. Deus enim est Dominus noster, non tantum quia nos condidit, sed etiam quia nos redemit: æquum itaq; est, ut quisq; in sua uocatione, hunc dominum respiciat, & omnia sua ei approbare studeat.

## CAPVT XV.

### 1 Mollis responsio auertit furorem.



ERMANI dicunt, *Ein güt wort / findt ein güt stat.* Homines iracundi & feroces, sæpe oratione mansueta placantur: infra 25. cap. uersu 15. dicet, linguam mollem frangere ossa. Celebratur hic Æschyli uersus, prouerbij uice: *ἄγῆς νοσούσους εἰσὶν ἰατροὶ λόγος*, id est, animo ægrotanti medicus est oratio. Consule de hac sententia Eras. Chil. 3. Cent. 1. Adag. 100. Homines afflicti, consolationibus eriguntur & recreantur.

*Oratio pla-  
cida etiam  
feroces mi-  
tigat.*

Et uerbum doloris, excitat iram.) Nostri dicunt: *Swen ruch stein / müßend nit rein.* Si nemo alteri cedat, sed quisq; dicat, quod alterum irritare possit, & dolorem ei afferre: multæ turbæ sequuntur in politica, æconomia & uita communi: necessaria itaq; est comitas & mansuetudo. Res exemplis declaranda est.

Iudicum 8. cap. Gedeon Ephraimitarum secum exoptulantium, quod non euocati essent ad prælium contra Madianitas, contumaciam, placido sermone compescuit. Idem quoq; fecit Iephthæ. E' diuerso Rhoboamus 1. Reg. 12. cap. decem tribus duro suo responso, ita a se alienauit, ut nouum regē crearent. Sæpe tyrannicæ illæ uoces (Nos sumus ius: Viscera uestra nostra sunt) Resp. ualde afflixerunt. Præcipue uerò si res ad seditionē spectare uidentur, placidè est agendum. Acto. 19. scriba ille, oratione placida tumultū Ephesinū sedauit. Doeg Saulem ad irā cōcitāt in simulando sacerdotes perfidiæ erga regē. Nabalis sermone duro & cōtumelioso, Dauid ira ita exarsit, ut iuraret se ipsum cū tota domo perditurū: sed Abigail placido sermone eum placauit, & suos periculo subtraxit. Deinde non cum ebrio marito exoptulat: sed cum edormiisset hesternam crapulam, quanto in periculo fuerit, ei detexit. 1. Sam. 15. cap. Vxores itaq; non inuehantur in ebrios maritos, qui mentis compotes non sunt, sed placidè agant. Fit item, ut senes in familia morosi interdum sint, iuniores discant placidè cum eis agere, ne certamina oriantur. In communi uita res est utilissima, si homines maledicta maledictis non compensent, nec oleum camino addant. Vulgò enim dicitur, illum qui aues uult capere, non debere baculo eas petere: hoc est, qui iratū placare uult, id non conuijs, sed benignitate efficiet. Imprimis uerò iquenes, in quibus affectus uehementiores sunt, quiq; putant aliquid de eorum existimatione decedere, si commotis hominibus non asperè respondeant, sibi ipsi frenum injicere debent, ne magna certamina, & nonnunquam cædes oriantur.

Non autè hæc sententia sic accipienda est, quod ad omnia placidè sit respondendum: nam quando agebatur de gloria Dei, prophætæ & Apostoli, præcipue uerò Seruator noster, acerrimè nonnunquam in hostes ueritatis inuecti sunt. Sunt etiam nonnulli, quos nostra mansuetudo ferociore reddit. 2. Reg. 20. exemplum habes de Benhadado, qui responso placido Achabi efferebatur. Superbis igitur & stultis, iuxta eorum superbiam & stulticiam quandoque est respondendum. Explicationem huius sententiæ, habet Chrysostomus in homilia de Davide & Saule. Ut in corporum morbis, pro ratione ualitudinis, alijs atq; alijs remedijs utendum est: ita in animi quoq; morbis, non eadem est adhibenda oratio.

*Nō semper  
placidè re-  
spondendū.*

Ad peccatorem resipiscientem, hæc sententia etiā accommodari potest. Deus enim pecca-



tis eius offenditur, sed si agnoscat suum peccatum, resipiscat & imploret misericordiam Dei, frangit iram eius. Sin uerò pergat, ira Dei in furorem uertitur.

## 2 Lingua sapientum ornat scientiam.

Lingua  
quomodo  
utendum.

Ad uerbum est, *benefacit scientiæ*. Non satis est multa uidisse, audiuisse, expertum esse & legisse: sed accedere oportet linguam sapientem, quæ loquatur quando loquendum est, & taceat quando tacendum est. Plerique rem inuertimus, & cum loquendum est, tacemus, & cum tacendum, loquimur. Sapiens lingua sua doctrinam suauem & iucundam reddit, & eo quod scit, bene utitur.

Os uerò stultorum, ebullit stulticiam.) Stulti non sunt solliciti, ubi, quid, quomodo, quando, apud quos, aliquid dicturi sint, & an faciat ad ædificationem nec ne. נָבַח naba emanare & scaturire significat: per Metaphoram ad talem sermonem refertur, qui instar scaturiginis in fonte, superflue emanat. Qui subinde loquuntur, nec audiunt quid alij dicant, stultos se esse declarant: alibi dicitur, multiloquio non deesse peccatum. Fere autem fit, ut qui loqui nesciunt, labia nunquam compescant. Hoc manifestum est in aduersarijs ueritatis, qui illa quæ plus milies confutata sunt, nugatorie subinde repetunt.

## 3 In omni loco oculi Domini speculantur malos & bonos.

In omni loco & tempore nos uidet Dominus. זָפַח zafah, significat, liberè oculos aperire, speculari: hinc זֹפֶאֶח zofæh speculator, cuius est pericula inspicere, & hominibus clamore, tuba, campana, uel igne specula sublato, significare: magnam igitur uim habet hæc uox. Digna autem est hæc sententia quæ mentibus nostris penitus inculpat. Oculi Domini speculantur bonos quidem benignè, malos uerò ut eos puniat.

Deus om-  
nia intue-  
tur.

Similes loci multi occurrunt in scripturis. Psalm. 33, Oculi Domini super iustos. Insignis est etiam Psalmus 34. & 139. Hier. 17. Dominus dicit se scrutari corda & probare renes. cap. 23, Si absconditus fuerit homo in absconditis, ego non uidebo eum? Non ne ego impleo cælum & terram, dicit Dominus? Omitto alia loca. In nouo Testamento sæpe legitur Christus aduersariorum suorum cogitationes uidisse. Matthæi 21. ingressurus urbem Hierosolymorum, cum uenisset Bethphage, ablegat duos ex discipulis, ut asinum ei adducant, & ubi inueniant ostendit. Lucæ 22. iubens duos parare Pascha: Si ingressi fueritis urbem, dicit, occurret uobis quidam ferens hydriam, hunc sequimini. Ioannis 1. cap. Nathanaelem familiariter alloquitur, qui cum miraretur, unde ipsum nouisset, respondit, antequam Philippus te uocauit, cum adhuc sub ficu esses, uidebam te. Mesiæ oculi, Danieli igneis facibus similes, apparuerunt ei, quod omnia intueatur, bona purget, mala consumat. Christus in Apocalypsi, in exordijs omnium epistolarum, quas scribit Ecclesijs, repetit se nouisse omnia Ecclesiæ. Patres familiæ non prius resciscunt domestica mala, quam uulgata sint per totam urbem, & decantata in omnibus balneis & constrinis: at Deum nihil latere potest, earum rerum, quæ ab hominibus siue bonis siue malis, geruntur: quemadmodum hæc sententia Solomonis ostendit. Hoc etiam Ethnici uiderunt: est enim Homeri sententia:

Ἐγὼ δὲ τε πάντα ἴσασιν. Et Hesiodi:

Πάντα δ' ἰδὼν διὸς ὀφθαλμός καὶ πάντα νοήσας.

Idem Iouem σὺν ὕπνῳ, hoc est, μεγάλῳ φθαλμῷ uocat.

Sibylla etiam cecinit:

Ὅ γ' ἴσῃ θεὸν ὅσ' ἐπράξατε, πάντα γὰρ εἶδεν: &

παντοκράτωρ, ἀόρατος, ὁρῶν μόνος αὐτὸς ἅπαντα.

Et Plautus:

Est profectò Deus, qui quæ nos gerimus,

Auditq; & uidet, &c.

Thales Milesius, qui sapientissimus inter septem fuisse creditur, rogatus: Num lateret deos, homo iniuste agens: respondit, Ne cogitans quidem.

Consolatio. Facit autè hoc ad nostrâ consolatione & doctrinâ. Nam in paupertate, morbis, persecutione, cum ad suppliciū ducimur, & falsò accusamur contemptus diuorum, sacramentorū, omniumq; rerum sacrarum, &c. efficax est solatium, si cogitamus, nos à Domino respici, ut opem nobis ferat. Illum in carcere, igne & aqua, nobis adesse: etsi amici deferant, imò prodant: tamen Deum nos non deserere: sed gemitus nostros uidere, precesq; nostras exaudire.

Doctrina. Deinde facit ad institutionem nostram. Si enim credamus Deum omnium rerum esse inspectorem, studebimus iusticiæ & integritati: cauebimus nobis ab omni genere scelerum. Quàm multa turpia facimus, quæ non faceremus, si honestum aliquem uirum, ea uidere cogi-



cogitaremus? Serui etiam mali, præsentibus dominis seduli sunt & industrij. Ignaui milites in prælio, si sciant se ab Imperatore, uel notis hominibus obseruari, fortiter pugnant. Hinc ille apud Xenophontem, utile esse existimat, ut noti & familiares in bellis coniungantur: pudet enim tales ignauitæ & socorditæ. Si quis in terram prolabatur, statim respicit, an quis prolabentem uiderit. Quæ igitur (malum) dementia est, quod non in animum nobis uenit, Deum cogitationes, dicta & facta obseruare? Multos seducit hæc ratio, quod cogitant neminem esse conscium illarum rerum, quas patrant: uel si prodantur, se negaturos quod fecerunt. Si negare non possint, tamen habituros clementes iudices, qui uel iisdem, uel grauioribus etiam flagitijs sint obnoxij. Etsi homines ignorent, tamen Deus non ignorat, qui sæpe mirabili indicio scelera detexit. Si alij te non accusent, tamen propria conscientia, & uerbum Dei te accusat. Si homines tibi non modò parcant, sed & flagitia uirtutum loco habeant, tamen Deus aliter iudicat. Puerilis est hæc persuasio, si putes Deum latere quæ agas. Pueri enim si obuclata facie, alios non uideant, putant se quoque à nemine conspici. Plinius scribit quod Struthio cameli, cum colla frutice occultauerint, existiment se latere: ita stolidi homines tenebris se occultari putant, cum in oculis Dei tenebræ nullæ sint. Satan totus in hoc est, ut nobis persuadeat, Deum non uidere quid agamus: uel si uideat, non curare. Si hoc uenenum alicui afflauerit, facile eum in omne genus scelerum impellet. Talis enim ruet in omnem impietatem, non orabit Deum: dicet, Edamus, bibamus, cras moriemur. Hæc perniciosa Epicureorum opinio, est scaturigo omnium scelerum. Seneca in Epistola ad Lucilium 34. egregiè scribit: Sic certè uiuendum est, tanquam in conspectu uiuamus: sic cogitandum, tanquam aliquis in pectus intimum prospicere possit, & potest. Quid enim prodest ab homine aliquid esse secretum? Nihil Deo clausum est. Interest animis nostris, & cogitationibus medijs interuenit. Sic interuenit dico, non tanquam aliquando discedat. Plura hac de re 5. cap. ad uersum 20. diximus.

#### 4 Sanitas linguæ est lignum uitæ.

Lingua quæ morbis & uitij caret, quæq; uulnera mentium sanare studet, est ueluti lignum uitæ (nota similitudinis sæpe omittitur in hoc libro) hoc est, res preciosissima, ut alludat ad arborem uitæ; uel, est ueluti arbor fructifera, quemadmodum supra dictum est. De arbore uitæ Augustinus de Ciuit. Dei lib. 13. cap. 20.

At peruersitas in ea, est corruptio uel contritio spiritus.) Id est, in qua est peruersitas. Lingua à Deo nobis data est, ut ipsum celebremus, utq; hac internuncia, homo hominis mentē cognoscere possit. Puerua igitur lingua est, quæ hunc scopū non habet propositū, sed mendacijs (siue ad hoc conducta sit, siue minus) assentioni, conuitijs contra Deū & proximū, affluunt. Qui abutuntur lingua, corrumpunt spiritum suum, hoc est, animo perturbantur: metuenda enim eis sunt multa mala: aliorum etiam spiritum corrumpunt, hoc est, perturbatos eos reddunt: adhæc prauis suis sermonibus bonos eorum mores corrumpunt: quod imprimis de praua doctrina est intelligendum: gratiam quoq; spiritus sancti auferunt à mente.

*Puerua  
lingua  
quæ.*

#### 5 Stultus contemnit castigationem patris sui.

Patris officium est, liberos erudire & castigare: liberorum est obtemperare parentibus, & castigationem non auersari. Filius qui castigationem floccipendit, uel execratur (¶ naaz est contumelijs & conuitijs incessere) stulticiam suam prodit. An non stultus uel potius furiosus est, qui illa quæ insignem utilitatem ei afferunt, temerè reijcit? Patrem nominat, sed matrem etiam, & omnes (ut alibi in hoc libro) qui loco parentum sunt, comprehendit. Nec de illis tantum liberis loquitur, qui adhuc sub patria potestate sunt: sed de alijs etiam, qui si contempra uoce suorum, illos in consilium adhibeant, quos moribus referunt, stultè agunt.

*Castigatio  
parentum  
non contē-  
nenda.*

Qui autem obseruat correptionem, callidus fit, uel est.) Qui increpationes æquo animo ferunt, easq; pondus apud se habere sinunt, fructum amplissimum inde referunt, cauti enim & prudentes efficiuntur. Non pauci sunt, qui cum ab ineunte ætate, parentibus morigeros se præbuerint, in præclaros uiros euaserunt. Sunt etiam qui uel afflictis tandem suis rebus, auscultantes consilio maiorum, in integrum restituantur. Nec tantum qui carnalis, uel spiritualis: sed etiā qui cœlestis patris correptionem irridet, stultus est, qui uerò obseruat, prudētior efficitur.

#### 6 In domo iusti thesaurus multus.

Si quis pius sit & iustus, satis habet opum. Nullus enim thesaurus, cum iusticia comparari potest. Modicum quod iusto labore congersit, magnis thesauris aliorum præferri debet: Deus non ei deerit, sed conferet ei suam benedictionem, homines quoq; excitabit qui ei benefaciant. Si moriens bonum nomen liberis relinquat, præclaras opes eis reliquit: & opes quantumuis exiguæ, plus hæredibus proderunt, quam magni opum cumuli fraudibus congesti.



Adhæciustus modico contentus est: paruas opes, magnum thesaurum esse existimans.

Ad uerbum est, *Domus iusti thesaurus multus*: quod, meo iudicio, etiam sic intelligere possemus. Si pius uel domum habeat, in quam se recipere possit, magnas habet diuitias: *omnes suos*. Magna est commoditas propriam casulam habere: alioqui cogeris subinde migrare, uel habere conuictores quorum mores tibi displicent. Caius. ff. 4. tit. de in ius uocando. Plerique putauerunt nullum de domo sua in ius uocari licere, quia domus tutissimum cuique refugium ac receptaculum sit, eumque qui inde in ius uocaret, uim inferre uideri.

Possit & hic sensus esse: *Domus*, id est familia *iusti thesaurus multus*: nam multum interest Reip. si multas familias honestas habeat: propter unam aliquando, toti Reip. Deus benefacit.

At in prouentibus impij turbatio.) Scilicet domus. R. Ionah accipit loco nominis. R. Dauid in lib. radic. uerbum putat ex Nisfal, ut uertamus: *Et fructu impij conturbatur*: sed ad sensum nihil interest. Impij qui ingentes opes per fas & nefas congerunt, domum suam perturbant. Putant se liberis optime prospicere, si ingentes auri argenti que aceros eis relinquunt: sed maledictionem Domini eis relinquunt. Filij illi, uel in diuidenda hæreditate discordes erunt: uel cum recte uti opibus non didicerint, ad suum exitium eas conuertent, & ita tandem malæ illæ opes, male dilabentur.

### 7 Labia sapientum spargunt scientiam, Hoc est, seminant.

Sapientes non modò tacet, cū tacendum est, sed etiam loquuntur quādo loquendum est: cogitat enim, eloquētiæ talento recte utendum esse, in Ecclesia, in foro, familia, & uita communi. Sic primi illi instauratores Christianæ religionis, eloquētiæ dono usi sunt: scriptis & concionibus longè lateque ueram doctrinam propagarunt, inuito Antichristo & portis inferni.

Cor autem stultorum non sic.) Stulti non cogitant de spargenda noticia Christi, & illis quæ scitu digna sunt proferendis: frustra aquam salutiferam è pumice expectabis. Nemo, inquit Christus Matth. 7. de spinis uuam, aut de tribulis ficus colligit. Non tanguntur cura religionis, sed stultas res animis uoluunt, & errores disseminant.

### 8 Sacrificium impiorum, abominatio Domini est.

*Sacrificia* Perquā memorabilis est hæc sententia. *Sacrificia* piorum in ueteri Testamento Deo gratiorū grata fuerunt. Abel obtulit sacrificium Deo, & placuit. De Noe legitur, quod Dominus odoratus sit sacrificium eius, quasi odorem suauem. Obtulerunt & reliqui Patriarchæ, & placuerunt illorum sacrificia.

*Impiorum sacrificia* Impiorum autem sacrificia, dicuntur hoc loco, non solum non placere, sed & abominatio- ni esse Deo. Non enim ex seipsis, seu, ut loquuntur, ex opere operato, Deo accepta erant, sed *ingrata* solum ex fide offerentium ea. Exemplum manifestum habemus in Caino, qui, si materiam Deo. spectes, fortè sacrificium preciosius Deo offerebat Abele.

Sæpe hinc inde in Prophetis, Deus impiorum sacrificia reijcit. Psalm. 50. dicit Deus, se non sollicitum esse de sacrificijs: omnes enim feras in syluis, omnia iumenta in pascuis, montibus & agris, omnia item uolatilia sua esse: se non uesci taurorum carnibus, nec sanguinem hirco- rum bibere. Esaia 1, Quod mihi multitudo sacrificiorum uestrorum? dicit Dominus: plenus sum holocaustis arietum, &c. Et 66. cap. Qui immolat bouem, ac si occiderit hominem, &c. Ierem. 7. ca. iubet Israelitas, holocausta uictimis addere, & comedere carnes: se enim non curare. Michea 6. cap. etiam uidetur reijcere sacrificia. Non quod simpliciter abominatus sit, sed

*Sacrificia* ideo quod absque fide & pœnitentia ea offerrent. Deinde quod precium putarent esse pro pec- *cur à Deo* cato, cum in alium finem à Deo essent instituta, nempe ut eos admonerent peccatorum, pro- *præcepta.* pter quæ ut pecudes iugulari debebant, utque uenturi Messia, qui hostia pro nobis factus est, admonerentur: item, ut cogitarent, terrestria membra esse mortificanda. Si ex fide sacrificia obtulissent, Deo fuissent grata & accepta. Cæterum sacrificia hæc legalia ad certum constitu- tumque tempus durare debuerunt, nempe usque ad tempora Christi, qui unico illo sacrificio, in ara crucis pro nobis oblato, omnia typica sustulit.

*Sacrificia* *Christiano-* *rum.* Sacrificia Christianorum sunt, primum ut animam & corpus, Deo uictimam offerant, Rom. 12. capite: hoc est, ut ueterem Adamum mortificent, & postulante necessitate, pro Christo etiam mortem perferant. Deinde laus & gratiarum actio, uiculi labiorum, ut scriptura uocat. Tertiò, eleemosynæ, quæ in egentium usum conferuntur, oblationes dicuntur à Paulo. Quemad- modum uerò sacrificia antiquitus, si absque fide, & proposito emendationis uitæ, offereban- tur, Deo displicebāt: ita nostra quoque displicebunt, si absque fide & bono motu cordis offeran- tur. Idem dici potest, de alijs quoque externis operibus, quæ ex suo genere bona sunt.

Si uerò opera à Deo præcepta, ipsi non placent, nisi animus recte constitutus sit, quid dicē- dum est de illis operib. quæ Deus non præcepit, sed ab hominib. excogitata sunt? Veluti sunt missarum



missarum celebratio, idolorum cultus, horæ canonicæ, uota monastica, peregrinationes ad templa diuorum? His rebus multi mereri uolunt remissionem peccatorum: quasi uerò peccatis bona consequamur: aut ostendant ex sacris literis, Deum hæc à nobis requirere. Similes sententiæ alibi in hoc libro leguntur. Gentiles quoq; uiderunt sacrificia impiorum Deo displicere. Plaut. in Rudente:

Atq; hoc scelesti in animum inducunt suum,

Iouem se placare posse omnibus hostijs.

Et operam, & sumptum perdunt: ideo

Fit quia nihil ei acceptum est à periuris.

Et oratio rectorum, beneplacitum eius.) Orationem piorum, opponit sacrificijs sumptuosis impiorum. Si pij aliquid à Deo petant, uel pro acceptis beneficijs ei gratias agant, gratius est Deo, quàm si impij hecatombas ei offerant. Si pij exiguum munus Deo afferant, pluris facit, quàm si impij ingentes thesauros offerant.

Ambabus autem manibus & toto pectore hæc sententia retinenda est, contra tentationem diaboli, & furores Epicureorum, quòd oratio iustorum Deo gratissima esse dicitur: dicunt enim illi, quid Deus fœtentem tuum halitum curaret? Si omnium gemitus & uota exaudire uelit, inquit, oportet certè ualde occupatum esse. Nos hæc & alia loca in conspectu habemus, quæ manifestè testantur, preces nostras non irritas esse. Huc pertinent amplissimæ illæ promissiones Matth. 6. Luc. 18. Ioan. 17. &c. Vide uersum 29. huius cap.

Oratio iustorum Deo grata.

### 9 Abominatio Domini, uia impij: & qui sectatur iusticiam, hunc diligit.

Retinenda est hæc sententia, contra corrupta iudicia mundi, qui præsentia tantum considerans, impios sæpe felices, pios uerò infelices æstimat. Impiorum uiam, instituta, consilia, facta, Deus execratur. Dictum est antè de externo cultu, quo Deo placere uoluit: nunc in uniuersum de omnib. ipso dictis & factis pronunciat. Licet mūdus eos suspiciat & colat, licet omnibus reb. affluant: tamè certum est, quòd Deo displiceat. Ecce trā, illi qui fidei & morū iusticiā studiosè colunt, utut mundus eos contemnat & abominetur, Deo grati sunt. Habet autè Deus multas causas ob quas impios in hac uita florere sinit, & pios uarijs ærumnis exercet.

### 10 Castigatio grauis uel mala deferenti uiam.

Scilicet, parata est. Qui Christum unicam uiam salutis deserit, & aliam inuestigat, illum manet grauissima pœna. Ioan. 3. cap. Qui credit filio, habet uitam æternam: qui uerò non credit filio, non uidebit uitam, sed ira Dei manet super eum. Qui à uia uirtutum recedit, castigabitur, incidet in graues morbos, &c. Certè à uia aberrare periculo non caret.

Sunt qui hæc uerba ad hunc modum accipiant: qui à recta uiuendi ratione semel deflexerunt, postea correctionem indignè ferunt.

Qui odit correptionem, morietur.) Septuaginta addunt, turpiter. Iterum pronunciat de effectu neglectæ disciplinæ. Quod hoc loco dicit, publicè & priuatim fieri certum est. Qui omnes admonitiones parentum contemnunt, moriuntur. Potes hoc intelligere de morte spiritali mala, hoc est, morte culpæ, ut uocāt, de qua suprà: uel cū in pessimos euadāt, adulterijs, ebrietate, crapula, &c. sibi ipsis mortis sunt authores. Carnificib. quoq; propter nefaria scelera quæ patrarūt, tradūtur. Vulgus dicit, illos qui parentib. obtēperare nolint, cogi ut carnifici pareāt. Si neq; in supplicijs illis ad Deum conuertantur, post hanc quoq; uitam castigabuntur.

Neglectæ disciplinæ pœna.

Publicè etiam qui castigationem indignè ferunt, pœnas luunt. Si enim Deus per suos ministros, populum aliquem assidue castigat, ipse uerò correctionem contemnat: hostes aliquando immitit, qui armis instructi, cum impœnitentibus agant. Deus populo suo per prophetam comminatur, quòd quia dicant se legatos suos non intelligere: alios submissurus sit, qui alia lingua loquuturi sint.

Exempla autem uetusta & recentia multa habemus, quæ ostendunt quid tandem ex contemptu admonitionum, quas uarias Deus adhibet, consequatur. Discamus itaq; nisi temporali & æterna morte perire uelimus, castigationem æquo animo tolerare: non enim ualebit illa excusatio, si dicas, Non Deum, sed homines tantum repuli.

### 11 Infernus & perditio, coram Domino sunt: quantò magis corda filiorum hominum?

Si homines nō solū firmiter credāt, sed etiā sæpe multūq; cogitēt, Deū inspectorē esse rerū humanarū, piè & sanctè uitā trāsigeāt, & in omnib. ærūnis patientiā præstabūt. Proinde Solomō nō contētus est, paulò antè dixisse, oculos Dñi in omni loco, tam bonos quàm malos contemplari: sed addit argumentū à maiori ad minus, quo ostēdit, Domino nihil absconditū esse.

Abditissima quæq; Deo patent.



𐤇𐤍𐤔𐤃 scheol, non tantum significat locum damnatorum, sed etiam foueam uel sepulchrum. Gen. 42. Iacob filium suum Benjamin retinere uolens, Si quid, inquit, aduersi ei in itinere contingat, deducetis canos meos in foueam. Et 44. cap. Iudas Iosepho dicit, Nisi reduxero puerum, morietur pater, & senectutem eius in foueam mittemus. Homines de inferno *inferi ubi sint.* ubi, uel qualis sit, præter illa quæ nobis reuelata sunt in scripturis, nihil sciunt. Illæ uerò uidentur ostendere, inferos esse infra nos in terris constitutos, non autem definiunt utrum in centro terræ sint, nec punctum loci indicant. Quære uersum 24. huius cap. At Dei oculis omnia sunt exposita. Nos etiam illa quæ in sepulchris sunt non uidemus, nisi aperiuntur: speciosa foris nobis apparent, intus uerò plena sunt spurcitia. Deus etiam quæ amissa sunt uel perierunt, uidet. Iobis 26. cap. Nudus est infernus coram eo, nec operimetum perditioni. Cum autem secreta & abdita hæc Deo pateant, fieri non potest ut cogitatus nostri ei sint absconditi: scriptura *καρδιον γινώσκου* uocat. Psal. 94. & alibi. Si cordis secreta, & interiores nostros motus perspicit, quomodo opera uel bona uel mala, ærumnasq; nostras ignoraret? Hæc sententia sæpe cogitanda est contra Epicureos, qui negant diuinam prouidentiam se extendere ad ista inferiora, & maximè ad cogitationes & actiones hominū. De his in lib. Iob. 22. legitur, quòd dicant Deum uersari circa cardines cœli, & res humanas non curare. Deus non modò omnia nouit, quæ ab hominibus fiunt, sed & omnia moderatur & gubernat, ac abscondita retegir, iuxta illud Claudiani:

” nam lux altissima fati  
” Occultum nihil esse finit, latebrasq; per omnes  
” Intrat.

Diligens & assidua consideratio huius sententiæ, timorem, fidem & ueram inuocationem in nobis excitare debet.

## 12 Non amat derisor corripientem se.

*Illusores castigati-  
onem oderunt.* Homines *לעזים* lezim, non amant illos à quibus corripiuntur. Quando ministri Ecclesiarum, ex uerbo Dei pestilentes eorum opiniones, & scelera reprehendunt, indignè ferunt, non cogitantes eos hoc ex officio facere, atq; hanc reprehensionem sibi utilem fore, si eam recipiant, aut alia huiusmodi: sed illudunt concionatoribus, calumniantur eos, maledictis incessunt, & implacabili odio persequuntur. Si magistratus, si parentes, si amici eos castigant, impatienter ferunt, idq; publicè & priuatim. Prophetæ, Christus, & Apostoli corripiendo illusores, malam gratiam inierunt. Hoc Christus eleganti parabola de colonis & uinea declarauit.

*Nec accedit ad sapientes.* Illusor non amat sapientum congressus, quorum dictis & factis melior effici posset: neq; illorum qui mores eius non probant: gaudet sui similibus, qui ei in omnibus applaudunt. Discant iuniores non alpernari maiorum correptionem: sed eam libenter amplecti, seq; bonis uiris adiungere.

## 13 Cor lætatum decorat uultum.

Si cor sanum sit, corpus etiam melius habebit: in uultu hominis indicia apparebunt: ex fide autem uera, pax & gaudium nascitur.

*Propter mœrorem cordis, spiritus (erit) mœstus.* Nisi ex pectore pellas affectus, mœrore contabescas, & nescies quò te uertas. Discimus ex hac sententia, prauos affectus frenare, iram, odium, inuidiam, auariciam, &c. nam si animus his affectibus obnoxius sit, corpus etiam conficitur.

*Cure conficiunt hominem.* Deinde, ne immodicis curis nos conficiamus. Rectè quidem facimus si ecclesiæ & Reip. cura tangamur: uidendum tamen ne immoderata sit, facientes nostrum officium sedulò & diligenter, postea euentum prouidentia diuinæ committamus. Græci curas *γυμνάσεις* & *θυμολαγνείας* *μακροδυνάεις*, item *θυμολαγνείας*, & *θυμολόγους* appellant, hoc est, arrodentes membra & animum mordentes. Horatius edaces & mordaces uocat. Galenus quoque in lib. de tuenda ualitudine, scribit curas morbos accelerare. Non autem huc tendo, ut mundana tantum gaudia sectantes, alienis malis afficiamur, sed ut & in hac, & in alijs rebus omnibus, modum seruemus.

Per spiritum quidam animam, quidam anhelitum intelligunt: mœsti enim uix loqui possunt, suspiria ducunt ex imo pectore. Similis ferè sententia habetur ca. 12. uersu 25.

## 14 Cor intelligentis, quærit scientiam.

*Homines cordati cū-* Sapiens & stultus, non similiter affecti sunt. Homo cordatus dabit operam ne sit rudis & omnium rerum imperitus, sed ut aliquid discat: discet aliquam honestam artem, ciuilem sibi prudentem.



prudentiam longo usu comparare conabitur. Præcipue uerò de scientia religionis sape *piunt ali-*  
multumq; & maturè cogitabit. Multi iuuenes existimant hanc curam ad se non pertinere, *quid disce-*  
sed ad capulares senes, & ecclesiastas, quibus stipendia hoc nomine numerentur. Iuuenum *re.*  
esse, ut quærant scortilla, cauponam, duces militares, negocium religionis alienum esse ab  
eorum ætate. At cordati uident, uitam humanam ærumnarum plenissimam esse, uident in-  
numeros iuuenes quotidie mori.

Quod si quis propter animæ suæ salutem, sacris literis operam dare non uelit: saltem hanc  
ob causam id facere deberet, ne in honestorum uirorum congressibus, quando sermo de re-  
ligione incidit, cogeretur turpiter obmutescere, utq; alios nonnunquam consolari & erigere  
posset. Sed quomodo, inquis, in dissensione illa doctorum nostri temporis, aliquid certi de  
religione cognoscam? Vide depositis omnibus affectib. quid Christus, quid Apostoli dicant,  
quibus in rebus salutis nostræ summam constituent: id amplectere, & non eris hæreticus, sed  
gratus Deo, quicquid totus mundus uociferetur.

Sin uerò illi qui sunt florenti ætate, de consequenda salutis doctrina solliciti esse debent,  
multò magis ab ægrotantibus & senibus id requiritur, nec uitio dari cuiquam debet, si mor-  
ti uicinus, se totum theologicis studiis consecrauerit.

*Os autem stultorum, pascitur stulticia.*) Stulti de doctrina ueritatis non sunt solliciti: sed rebus  
stultis & inanibus mirificè delectantur. Si adsint concionibus, molestum eis est, tam diu de  
rebus diuinis differentibus, auscultare. Domi si quid legendum sit, toti inanibus fabulis in-  
tenti sunt. Hæc sunt læta pascua, quibus stulti gaudent, uina preciosa & tesseræ, omnibus le-  
ctationibus sacris, longè præferunt, exemplo Esau, qui famelicus, uile edulium cum iure pri-  
mogenituræ commutauit.

### 15 Omnes dies miserī uel pauperis, malī sunt.

Qui imperiti sunt sacra scripturæ, consolationeque eius destituuntur, miserī sunt toto ui- *Pauperum*  
tæ tempore. Si postea paupertas, morbi & aliæ ærumnæ accedant, pessimè cum ipsis agi- *dura con-*  
tur: nonnunquam ruunt in desperationem, & manus sibi inferunt, ut requiem aliquam mi- *ditio.*  
seri inueniant.

Pauperis quoq; dies malī sunt, quia toto uitæ tempore, necessaria magno labore conqui-  
rit, & multas contumelias à diuitibus patitur.

*Cor autem bonum, est iuge conuiuium.*) Si quis siue diues, siue pauper, læta mēte ac bona cōscien- *Bona con-*  
tia præditus sit, hoc est, se beneficio Christi liberatū esse à morte æterna firmiter credat, incre- *scientia.*  
dibilem, tam secundis quàm aduersis rebus, uoluptatē percipit. Hæc læticia paupertatis mo-  
lestiam discutit, ut tamen externè multas ærumnas perferat, internè tamen reficiatur.

Similitudine rem explicat: iucundissimum est conuiuium cum æqualibus agitare. Multi  
non tam propter delicatum cibum & potum, quàm propter suauia colloquia, conuiuijs de-  
lectantur: sed maior est læti & tranquillī animi iucunditas. Cauendum igitur, ne animum  
nostrum sceleribus uulneremus. Nam quemadmodum læta mente nihil est iucundius: ita ut  
feruus ille, apud Plautum, in Mustellaria dicit, nihil est miserius, quàm animus hominis con-  
scius. Prouerbio dicitur, Conscientia mille testes. Horatius felix esse iudicat:

Nil conscire sibi, nulla pallescere culpa.

### 16 Melius est parum cum timore Dei, quàm thesaurus magnus, & tu- multus in eo.

Vulgare est prouerbum apud Germanos, Modò oculi nostri satiari possent, uentrem non *Opes me-*  
ita difficulter impleri. Nisi enim opum cumulos uideamus, semper metuimus, ne nobis fa- *dioces.*  
me pereundum sit. Experimur quotidie, etiam pueros paucis non esse contentos: sed subin-  
de ampliora concupiscere. Et ferè sit, ut senectus morbum hunc non minuat, sed adaugeat  
potius, cui nisi homines obsistant, in maxima scelera ruunt. Operæ precium itaq; fuerit, sen-  
tentias illas in promptu habere, quæ nos docent paucis contentos esse debere: ad quarum  
numerus etiam hæc pertinet, cuius hic simplex sensus est: Satius esse modicum cum timore  
Dei, hoc est, honestè partum, uel etiam omnino nihil, possidere, quàm ingentem thesaurum,  
pecunias, domos, agros, malè partos: unde sequatur tumultus & clamor. Seneca in Thyeste:

O quantum bonum est.

Obstare nulli, carpere securas dapes.

Humi iacentem scelera non intrant casam.

Tutusq; mensa carpitur angusta cibus, &c.

המה hamah tumultuari, fremere, sonare, murmurare: hinc מהומה mehumah tu-



multus, quando alij contra nos fremunt, uel nos ipsi animo sumus perturbati. Sepe diuites illi terrentur à tyrannis, latronibus, inuidis, &c. sollicitudo sæpe somnum eis aufert. Conscientia quoq; eos accusat: cogitant, si quisq; sua haberet, nihil tibi relinqueretur: filijs tuis & cognatis non bene cedent hæ opes: malè cum partæ sunt, malè peribunt. Adhæc morituro facessunt negotium. Christus Matth. 12. ostendit exemplo, uitam & felicitatem hominis, non consistere in amplis opibus. Paulus 1. Timoth. 6. magnum quæstum esse dicit, pietatem cum animo sua sorte contento. Addit, Nihil intulimus in hunc mundum, nec efferre quicquā poterimus: habentes alimenta & quibus contegamur, his contenti simus. Porro paruæ opes iustè partæ, non solum magnis opibus iniustè, sed etiam iustè partis, sunt præstantiores. Magnæ enim opes quantumuis iustè partæ, etiam pijs interdum magnorum malorum sunt causæ, eosq; assidue cruciant. Iuuenalis dicit:

„ Misera est magni custodia census.

Huc pertinet comparatio paupertatis & opulentiae, & quæ philosophi ac poetæ, de frugalitate & αὐταρχείᾳ, hoc est uirtute illa, quæ animum præsentibus rebus contentum reddit, præclare scripserunt, &c.

17 Melius est conuiuium oleris, ubi sit dilectio, quàm bouis saginati, in quo sit odium.

Conuiuia agitare cum amicis, non est illicitum: cauendum tamen ne conuiuia nostra sint luxuriosa, quale fuit Balthazaris, Dan. 5. Herodis, Matth. 14. Luxus conuiuiorum non solum fortunarum & corporum: sed etiam animorum est pestis. Amici in frugali & parabili conuiuium, sese mutuum pijs & suauibus sermonibus exhilarantes, maiorem uoluptatem percipiunt, quàm si bouem altilem, hoc est multa & uaria fercula habeant, inter rixosos. Mensa consecrata est amicitiae: cauendum igitur ne rixis cõuiuas turbemus. Inuenias enim homines qui inter scyphos, litium materiam quærant. Epictetus dicit: Litigare & contendere cum ubiq; indecorum esse, tum inter pocula maximè. Nam neq; ebrium aliquem docere sobrium posse, neq; sobrium ab ebrio persuaderi, &c.

Potest hic uersus etiam de dilectione Dei cõmodè exponi: præstat atro & secundo pane cum olusculo uestigi, & à Deo diligere, quàm filigineum ac perdiculas, & ab eo odio haberi. Nemo igitur propter ambitionem uel auaritiam, ueram religionem deserat. Similes sententiæ leguntur cap. 16. uersu 8. & cap. 17. uersu 1.

18 Vir iracundus miscet lites: sed tardus ad iram, sedat litem.

*Ira duo genera.* Ira distinguitur in bonam & malam. Bona uel iusta, est quæ à bona radice oritur, & ad bonum finem tendit: ut cum principes, concionatores, & alij idololatriæ & peccatis irascuntur. Talis fuit ira Moysi, Exod. 32. Mala & iniusta, quando propriam uindictam appetimus. Sic Cain irascitur Abelo, Saul Dauidi. Hic affectus, ut alij quoq; etiã in electos cadit. Sunt qui facillè irritantur, & cõtentiones excitât, sæpe leuiculas ob causas, & ultionem appetunt. Sunt deinde qui non facillè irascuntur, sed operam dant ut controuersiæ componantur. Vtiles sunt illi homines ecclesijs & Rebus pub. nam ex parua scintilla, aliquândo maximum incendium oritur. Basilii dicit: Ira excitat rixam, rixa parit conuicia, conuicia ictus, ictus uulnera, & sæpe uulnera mors consequitur.

19 Via pigri est quasi sepes spinosa.

*Pigri nihil promouet.* Pigri opponuntur rectis hoc loco. Pigri homines, priuatim & publicè, in rebus politicis & ecclesiasticis, parum quod laude dignum sit efficiunt: boni aliquid aggredi & perficere, tam eis molestum est, ac si per spinosam sepem esset eundum. Finge scholasticum aliquem pigrũ, excitari ad linguarum & artium studia, semper habebit quod causetur: iam ardor solis, iam frigus, iam ratio ualeitudinis, eum à studijs auocabit. Prouerbio dicitur, Ignauis semper feriat: item, Scorpium est sub omni lapide. Si Euangelij doctrina sit recipienda, quot obstaculis pigri impediuntur? iam consensum doctorum expectandum putant, iam definitionem generalis Concilij, iam causantur principes nondum recepisse, iam euerfionem Reipub. metuunt. Si ad uiam uirtutum incitantur, perinde in ea ambulant, ac si tota spinis esset obsita, ubiq; impingentes & hærentes. Infrà cap. 22. & 26. piger dicit in uia leonem insidiari iter facientibus: multa sibi fingit impedimenta & pericula. Germani dicunt, Anser est in porta, qui eos exire non permittit.

*Semita autem rectorum est eleuata.*) Recti uiam præceptorum Dei expedire & in offensè currunt, suauis & amœna illis est, quæ alioqui carni ardua uideretur. In uijs eleuatis & bene stratis, non mox erramus aut impingimus: si quis omnia ad normam legis Dei dirigat, nõ impinget aut errabit. Pij res magnas absq; difficultate efficiunt. Quid reformatæ religionis heroes politici &c.



& ecclesiastici, effecerint, toti orbi est notissimum. Non semper est consultandum, sed labores suscipiendi sunt: iustæ causæ non sunt deferendæ: Deus semper lætum exitum dabit. Ioannes Baptista Matth. 3. hortatur homines, ut uiam Domino parent, & rectam faciant in solitudine semitam Deo nostro: id quod fit uera pœnitentia, qua salebræ peccatorum & errorum tolluntur.

## 20 Prudens filius exhilarat patrem.

Quemadmodum liberi nullius frugi, parentes cruciant: ita liberi morigeri parentes exhilarant. Exposita est hæc sententia 10. cap.

*Stultus homo despicit matrem suam.*) Matres magnos & innumeros labores liberorum causa suscipiunt, de quibus cap. 1. ad uersum 8. dictum est: meritò igitur filij eas reuereri debent. Ita tamen ferè comparatum est, ut liberi matres minus reuereantur, quàm patres. Stultus autè pronuntiatur, quisquis matrem suam contempserit. Quamuis autè hoc iusto Dei interdum iudicio fiat (sæpe enim ut ille dicit, matres filijs in peccato adiutrices esse solent) filij tamen non excusantur: sed in hoc & in futuro sæpenumero seculo, graues pœnas pendant.

## 21 Stulticia est laticia deficiēti corde, & uir intelligētiæ diriget ambulare.

Id est, iter, ut infinitius uice nominis ponatur: uel, *Diriget ad ambulandum.*) Scilicet seipsum, Sensus est: stulti gaudent rebus stultis & malis, & gloriantur de sceleribus: prudentes uerò dant operam, ut ipsimet & alij, qui eorum curæ commissi sunt, per uias rectas ambulent, & in omnibus præscriptum uerbi Dei obseruent.

## 22 Dissipantur cogitationes, quando non est consilium: in multitudine autem consiliariorum, firma erit.

**חבר** Hafar significat uertere, euertere. Non satis est bona cogitare, nisi cōsiliū ineamus, quomodo ad effectum deduci queant. Sin aut ipsi destituimur consilio (sæpe enim prudentissimi, sibi ipsis consulere nequeunt) alij, præsertim in grauioribus rebus, in consilium adhibendi sunt. Semper autem in aliquos bonos incidemus, qui prudentia ualent, & rebus nostris bene cupiant. Consilijs plura effici possunt, quàm robore. In machinis tractorijs & alijs multis rebus, uidemus ingenium uires superare. Perniciosum plerunq; est, si homines, maxime iuuenes, res arduas uel inconsultò aggrediantur, uel malos consultores habeant. **רס** fod, consilium, sic dictum quòd secretum esse debeat. De consilijs multa passim extant in hoc lib.

*Irriti sunt conatus absq; consilio. Consilium superat uires.*

## 23 Laticia est uiro, in responsione oris suis.

Gaudet ille qui se explicare non potuit, quando à perito aliquo, sibi iuxta uotum suum, ad res propositas responderetur. Gaudent etiam periti, si alijs bona consilia & responsa dare potuerunt. Deus certè multos ornat prudentia, ut toti Ecclesiæ, Reipublicæ, & priuatis quoque hominibus, suis consilijs possint prodesse.

*Et uerbum in tempore suo, quàm bonum.*) Verba tempestiue prolata, magnam gratiam & utilitatem habent. Quemadmodum pluuia tempestiua, magnam affert utilitatem: ita oratio quæ tempore suo profertur. Nostri etiam dicunt: *Es ist ein noth rāgen gsyn*, de tempestiua oratione. Videndum est itaque, ut omnia dicamus suo loco & tempore. Quidam hanc sententiā ita interpretatus est: Iucū dum est uiro, si quod legit, uidit, expertus est, possit proferre: si pro-uocatus contumelia, possit aduersario commodè respondere.

## 24 Via uitæ sursum (ducit) intelligentem, ut declinet ab inferno, qui deorsum est.

Via uitæ Christus est: dicit enim se uia esse, & neminē uenire ad patrē nisi p ipsum: seipsum uocat ostiū. Apostoli quoq;, nullā aliā salutis uia ostendunt. Christus sursum ducit uerbo suo & sacramētis, intelligentē, hoc est, credentē. Qui Christo uera fide nitūtur, superna quærūt, & post caducā hāc, uerā & æternā uitā, in cœlo cōsequūtur. Christus quoq; reuocat nos ab inferno, qui deorsum est, ubi animæ & corpora impiorū torquētur. Pauca de loco supplicij æterni, disputat scriptura, tantū uidetur innuere infra nos esse. Psal. 55. dicit propheta de suis hostib. Obruat illos mors, & descendant ad infernū uiuētes. Num. 16. de seditiosis qui Moyse cōtradixerūt, scribitur, quòd cū omnibus quæ habuerūt uiui descēderint ad infernū. Isa. 30. cap. dicitur: Tophet, hoc est, infernum pro rege præparatū & in profundo positum & dilatatū esse. Ezech. 32. ostendit gentes tyrannicas, ueluti Assyrios, Persas & Idumæos, ad inferna descendisse. Mali angeli ad tartara præcipitati esse leguntur. Quidam hanc posteriorem partē reddunt, *Vt declinet à sepulchro quod deorsum est.*) hoc est, ne immatura morte sua culpa pereat.

*Infernus ubi sit.*

## 25 Domum superborum evertit Dominus.

Hæc sententia ad terrorem superborum, & consolationem humilium pertinet. Superborum, qui propter dona sua sibi placent, & pauperes uerbumq; Dei conculcant, domum, hoc

*Superbos evertit Dominus.*



est, familiam, Deus euertit. נפץ *nasach*, significat diruere, demoliri, euellere, euertere, expurgare scopis, aut alio instrumento. Ita Isa. 57. hac uoce usus est. Huius sententiæ multa exempla habemus, non tantum in priuatis personis: sed etiam gentibus & populis. Ammonitæ, Moabitæ, Palæstini, multæ præclaræ ciuitates, propter superbiam deletæ & oppressæ sunt. Pharaonem, Senacheribum, Herodis superbam familiam, multos potētissimos imperatores, superbia perdidit. Quot superbæ arces nobilium hinc inde fuerunt, quæ ita dirutæ iacent, ut uix aliqua uestigia appareant? Quot illustres familiæ unâ cum insignibus sepultæ sunt? Domino superbos perdere instituyente, nihil obstitit.

*Sed uiduæ terminum firmat.*) Humiles, quales sunt uiduæ & pupilli, defendit Dominus. גבול *geful*, non tantum terminum & limitem, contiguum alteri limiti significat: uerum etiam ipsum totum spacium determinatum alicui, quousq; habitatur uel distenditur. Sensus itaque erit: Deum non tantum domum uiduæ, sed & agellos defendere. Viduæ quæ humano auxilio ferè destituuntur, Deum tutorem & protectorem habent. De hac re multa extant loca, in lege & prophetis. Coniunguntur autem plerunq; uiduæ, pupilli & peregrini, qui multis iniurijs expositi sunt: quia uindices non habent, deinde rerum imperiti sunt, & facile decipiantur. Promittit Deus (sine cuius prouidentia, ne passer quidem unus cadit super terrâ) se fore patronum, uindicem, & ueluti maritum uiduarum. Psalmo 68. uocat se patrem orphanorum, & uiduarum iudicem. Dent. 10. dicitur facere iudicium pupillo & uiduæ, atq; amare peregrinum. Nec nudis tantum uerbis hæc promissit: sed etiam miraculis confirmauit. Lib. 1. Reg. Deus uiduam Sareptanam, quæ Heliam hospitio exceperat, tempore famis, sustentauit, filiumq; ipsius, à mortuis Helix ministerio excitauit. Lib. 2. Viduæ, cuius filios creditor in seruos accipere uolebat, quia soluendo non erat, uasa impleuit oleo, quo diuendito creditori satisfaceret. Luc. 7. Christus filium uiduæ ad portas Nain, à mortuis excitauit. Habent igitur uiduæ quodammodo literas, sigillis munitas, quibus certæ reddantur de Dei erga ipsas beneuolentia. Neq; his contentus est Deus, sed hominibus quoq; maximè iudicibus præcipit, ut uiduis ius dicant: prohibet ne eas lædant: promittit bona illis qui eis benefaciunt: multa mala illis minatur, qui eas lædūt. Scripturæ loca multa sunt. Exod. 22. Deut. 24. Jerem. 22. Zach. 7. Apud prophetas hinc inde inter alias causas, cur Israelitas punire uelit, commemoratur uiduas oppressas esse.

*Qui uiduas lædunt, grauius peccant.* Cum uerò tantam uiduarum rationem habeat Deus, ualde peccant primùm iniqui iudices, qui uiduas non defendunt, nihil inde periculi timentes, cum multò plus obesse eis suis precibus possint, quàm instructus aliquis exercitus, Luc. 18. Deinde peccant Monachi & sacrificuli, qui sub specie prolixarum precum, domos uiduarum uorant, Matth. 25. Peccant milites mercenarij, usurarij & homines ebrij, qui multum uini perdunt, quo uiduæ pauperculæ recreari poterant. Addendum nunc his est, quod nam uiduarum sit officium: libenter enim suæ dignitatis mentionem audiunt: sed non ita sui officij meminerunt. Hoc 1. Tim. 5. cap. & multis scripturæ exemplis proponitur. Credat his quæ ex uerbo Dei proposita sunt: frequentes sint in templo: intentæ sint precibus: in uestitu, cibo, potu sint frugales: liberos bene educant. Non decet uiduam genio indulgere, sumptuosè uestiri, choreas frequentare. Vidua si se non contineat, nubat, 1. Corinth. 7. non uiter coniugium ut liberius uiuere possit, ne ue cogatur seruire marito. Placent sibi quædam hoc nomine, quod sint uiduæ, interim tamen scortantur: ad has amplissimæ illæ consolationes nihil pertinent, non enim ueræ uiduæ sunt. Multos, ut nostri dicunt, mori antè necesse est, priusquam fiant uiduæ. Si uolunt gloriari de tutela & cura Dei, dent operam, ut ueræ sint uiduæ, suoque nomini respondeant.

## 26 Abominatio Domini sunt cogitationes (uel consilia) malæ.

*Deus detestatur cogitationes impiorum.* Non tantum dicta & facta, sed etiam cogitatus malorum uiro- rum, Deo displicent. Opera etiam infidelium, in speciem bona, peccata sunt. Quicquid enim ex fide nō proficiscitur peccatum est. Errant qui putant cogitationes malas non esse peccatum, quàm diu in opus non erumpant. Colligimus ex hoc loco contra Epicureos, Deum etiam cogitationes non latere, scrutatur renes & corda. Quidam gentilium quoque, uiderunt Deum secretas nostras cogitationes intueri. Cum ex Zenone Stoico quidam quæreret, An Deum latere possit iniuriam faciens: respondit, ne cogitans quidem. Vide suprâ uersu tertio.

*Mundorum autem uerba, iucunda sunt.*) Omnes homines sua natura immundi sunt: concipiuntur enim in peccatis: purificantur autem fide in Christum. Qui ad hunc modum purificati sunt, Deo accepti sunt & grati, eorumq; opera Deo placent. Non quidem omnia: nam in regeneratis quoque reliquæ peccati hærent: sed quæ fiunt secundum normam & regulam uerbi Dei.



## 27 Perturbat domum suam, concupiscens concupiscentiam.

Hoc est, qui sectatur auaritiam. Patres familiās ad conseruationem familiæ pertinere putant, si per fas & nefas auarè opes corradant : sed longè falluntur, turbant enim & euertunt domos suas. Illæ enim opes benedictione Dei carent, ideoque possessoribus pessimè cedunt. Incidunt etiam avari sæpenumero in horrenda flagitia & desperationem : hinc si uel magistratus de ipsis pœnas debitas sumant, uel ipsi manus sibi inferant, dedecus & probum ad familiam redundat. Repete plura ex 10. cap. 2. uersu. Vetus est dictum, malè parta malè dilabi. D. Chrysostomus scribit 1. Cor. 5. cap. Sæpe exiguum lucellum fraude quæsitum, magnas opes rectè partas euertit. Nihil enim est quod facilius omnia corrumpat quàm *πλεονεξία*, hoc est, auaritia. Quod si capsam illam sera, ostio, uecte quoq; communieris, tamen frustra id facis, siquidem auaritiam intus conclusam habes uiolentissimum prædonem, qui quicquid inuenit, diripit. Discant igitur patres familiās auaritia domos non conseruari, & in parandis opibus modum seruandum esse.

Qui autem odit munera, uiuet. ) Hoc est, felix erit & beatus. Psal. 15. interrogat propheta : Domine quis habitabit in tabernaculo tuo? Quis uersabitur in mōte tuo sancto? Postea inter alia subiicit, Qui munus super innocentem nō accepit. Similis ferè locus extat Isa. 34. Hoc in primis iudicib. cogitandum. Num. 16. dicit Moses ad Dominū. Tu scis quod nec asellū unquā acceperim ab eis. Idē dicit Sam. 1. Reg. 12. Distingueda aut sunt munera: quædā sunt ut uocāt honoraria, ut, quæ parètes filijs, mariti uxoribus, domini seruis, amici amicis, &c. cōferunt, ad testandam animi beneuolētiam & gratitudinē, ad sanciedam & cōfirmandam amicitia. Quædam corruptoria, quæ in malum finem dātur, ut quæ à litigātibus iudici dātur, ut peruertat iudicium. Facile autem honoraria à corruptorijs discerni possunt, si personas, tempus, causas & alias circumstātias observes. Dicūt nōnulli se munera quidem accipere, sed nihilominus facere quod rectum iustumq; uideatur. At Deus qui corda hominum explorat, Exod. 23. & Deut. 16. dicit, munera excæcare prudētes & mutare uerba uel res iustorum. Si matrona aliqua dona accipiat ab adulteris, quantumuis honesta uideri uelit, tamen suspecta erit eius pudicitia. Homines qui se muneribus corrumpi patiuntur, ligonem non amplius ligonem uocant, nec scapham, scapham. Etsi uerò non repente, tamen paulatim mali fiunt : arbor non cadit uno ictu. Roma, dicunt nostri prouerbio, non uno die est condita. Gentiles etiam intellexerūt quanta munerum uis sit. Phocion, cum Alexāder ei multa dona per suos legatos misisset, eos interrogauit, Cur sibi soli ex tāto Atheniēsiū numero ea mitteret? illi respōderunt, quia solum ipsum honestum & egregium uirum iudicaret: Me igitur, dixit, talem porrò esse sinat. Quid munera efficiāt etiam quotidiana experiētia docet. Finge iudicem esse qui ius dicat ex legibus, patriam, religionem, & uitæ honestatē colat, quamprimum ardēs auaritia muneribus se corrumpi patitur, sentētiā feret ex affectu, patriæ libertatem prodet, religionem & honestatē amplius nō curabit: breuiter, omnia habebit uenalia. Multi ex doctis ueritatem agnoscūt, sed propter munera, more Bileami, eam non profitentur, malunt omnia habere uenalia. Nec pauci qui ueritatem professi sunt, corrupti muneribus, ab ea resiliunt. Plurimi non illa, qua debebant *παρηγορία* docent, quò ad altiora possint ascendere. Vixores, uirgines, si accipiant munera, statim pudoris obliuiscuntur. Quot propter munera innocentem fundunt sanguinem? In accipiendis igitur muneribus, Græcum prouerbiū cogitandum est: *ἅτε πάντα, ἅτε πάντη, ἅτε παρὰ πάντων*: nec omnia, nec passim, nec ab omnibus. Auari homines à diuersis, dona corruptoria accipiunt, existimantes se suis quàm optimè confulere, cū irā Dei in eos prouocent. Iob. 15. Munera accipientiū tabernacula, ignis deuorabit.

Auaritia fa-  
milie per-  
duntur.

32

Munerum  
genera.

Munerum  
effectus.

Cautio in  
accipiendis  
muneribus  
adhibenda.

## 28 Cor iusti meditabitur respondere.

Lingua iusti non præcurrit mentem : præmeditatē loquitur: si respondendum sit, cogitat quid & quomodo respondeat. Discamus id, quod de muneribus paulò antè diximus, etiam in sermone obseruandum esse, nempe ne omnia dicamus, nec semper, nec passim, nec cum omnibus colloquamur. Si respondere metaphoricè accipias, pro obedire, sensus erit: Iustus proponit sibi obedire superioribus suis.

Os autem impiorum, profert mala. ) *יכבד* Iasia, metaphora est ab aquis, ut suprā annotauimus. More scaturientis aquæ, ebullit mala in loquendo, modum nescit, mala proximi passim prædicat, in omnes inuehitur, loquitur obscœna, falsa, & impia. Loquitur item mala sibi & alijs. Euripides dicit: *ἄχαλόνων τομάτων τὸ τέλος δυστυχία*: infrenis oris, finis uel uedigal infortuniū.

## 29 Longinquus est Deus ab impijs.

Deus quidem immensa sua ui & potentia, omnia penetrat, & ubiq; præsens est. Apud prophetam dicit, se implere cœlum & terram. Acto. 17. dicit Apostolus: non longè abest ab



Deus quo- unoquoq; nostrum: in ipso enim uiuimus, mouemur & sumus. Tunc autem recedere ab ali-  
modo rece- quo dicitur, cum ei subtrahit gratiam suam, cum preces eius non exaudit, nec auxiliū ei præ-  
dere ab ali- stat. Sicut impij Deum contemnunt, sic Deus eos deserit, permittens eos prauæ inclinationi.  
quo dica- Homines à Deo non corporis gressu, sed mentis affectu recedunt.

tur. At iustorum orationem exaudit.) Sic Psal. 144. dicit, Propè est Dominus omnibus inuocantibus  
Iustus. eum in ueritate: Voluntatem timentium se facit, & deprecationem eorū exaudit. Iustos uo-

cat, qui fiduciam suam in misericordia Dei collocant: fide enim iusti efficiuntur. Salutis nostrę  
inimicus, nihil non tentat, ut nobis persuadeat, preces nostras inanes & irritas esse: suggerit  
nobis, Deum parua hæc non curare: neq; necesse esse alicui rem multis exponere, quam pro-  
bè norit, omnia ab æterno esse ordinata, & alia huiusmodi. Nouit enim preces, optima esse ar-  
ma fidelium, quibus se contra ipsius tentationes defendat: uellet igitur hæc eis eripere. Pro-  
inde sæpe cogitanda sunt hæc uerba, Deum preces iustorum exaudire. Aliæ item insignes cō-  
solationes à Deo nobis traditæ, contra satanæ tentationes, cōsiderandæ sunt. Psal. 49. Inuoca-  
me in die afflictionis, & ego eripiam te. Esa. 65. Ante quam clamabunt, ego exaudiam, adhuc  
loquētibus illis, ego audiam. Matth. 7. Petite, & dabitur uobis. Omnis qui petit, accipiet, &c.  
Joan. 14. 15. & 16. Amen amen dico uobis, quicquid petieritis patrem in nomine meo, dabit  
uobis, &c. Idem confirmant exempla multorum, quos Deus clementer exaudiuit. Quod au-  
tem nos non statim semper exaudit, suas quoq; habet causas, nempe quod non oramus sicut  
oportet, &c.

30 Lux oculorum lætificat cor, & fama bona impinguat ossa.

Per bonam famam, intellige gloriam uel bonum nuncium. Sicut lux quæ oculis obijcitur,  
cor recreat (iucundum enim est lucem oculis intueri. Eccles. 11. cap. Dulce lumen & delecta-  
bile est, oculis uidere solem) ita fama bona sparsa de nobis, & de illis quos diligimus, nos re-  
creat. Pindarus inquit: Non aqua tepida sic reficit ossa defatigata, sicut gloria. D. Paulus mul-  
tū cōfirmabatur, quando audiebat de fide & charitate illorum, quos in fide Christiana in-  
stituerat. Bonum nuncium de Christo exhibito, mentes pauidas & consternatas, mirificè ex-  
hilarat. Prioris membri & hic sensus potest esse, *Lux oculorum.*) Id est uultus alacritas, alios etiā  
homines exhilarat.

31 Auris audiens correptionem uitæ, morabitur in medio sapientum.

Hoc est, homo qui libenter suscipit correptiones, quibus ad uitam honestam, & etiā æter-  
nam dirigimur, morabitur inter sapientes. *lin* propriè significat pernoctare. Multi ex hu-  
mili genere, obtemperantes suis præceptoribus, in præclaros uiros effaserunt, & honestum  
aliquem gradum in Repub. uel ecclesia consequuti sunt, tandem in uita æterna uersabuntur  
cum electis Dei.

32 Qui abijcit castigationem, contemnit animam suam: qui autem au-  
dit correptionem, possidet cor.

Iterum de effectu, neglectæ uel receptæ castigationis loquitur. *וירך* poreā præsens parti-  
cipium uel nomen participij, liber, uacuus. *Liber à castigatione, odit animam.*) Id est, qui ociosam fa-  
cit castigationem, uel qui uacat castigatione, ut illa apud se nullum locum habeat. Alij expo-  
nunt, elongare, retrocedere, deficere. Qui correptionem reijcit, sui ipsius hostis est: salus enim  
animæ, in castigatione consistit. 13. cap. dixit: Liber à castigatione, egestatem & ignominiam  
habebit. Qui autem recta monentibus obtemperat, cordatus est.

33 Timor Domini eruditio sapientiæ.

Idem uidetur dicere, quod aliās quoq; dixit, timorem Domini principium esse sapientię.  
Vel uult dicere, timorem Domini inducere nos, ut proximum erudiamus & increpemus.

Et gloriam præcedit humilitas.) Sequenti capite opposita sententia habetur, nempe contritio-  
nem præcedere fastum. Huius sententiæ egregium exemplum habemus in Seruatore nostro,  
qui, ut Paulus inquit 2. cap. ad Philip. forma serui sumpta, humilē semetipsum præbuit, factus  
obediens usq; ad mortem, mortem autem crucis. Sequuta mox est gloria. Nam in nouum se-  
pulchrum positus est, resurrexit magna gloria, in celos ascendit, & sedit ad dexteram uirtu-  
tis. Si nos quoq; glorificari cum Christo uolumus: antè afflictionibus obnoxios esse oportet.  
Solet Deus, ut de gloria huius seculi loquamur, humiles & contemptos sæpenumero euehe-  
re. Sic Psal. 113. canit: Deus erigit tenuem ex puluere, & pauperem è stercore euehit: ut collocet  
eum cum principibus, cum principibus, inquam, sui populi. Et D. uirgo, Detraxit, inquit, po-  
tentes de sedibus, & euexit humiles. Exemplā habemus in Iosepho, Moyse, Saule, Dauide,  
Maria uirgine, Apostolis. Prophanæ quoq; historiæ, non pauca exempla nobis suppeditant.  
Vide infra cap. 18. uersum 12.



## CAPVT XVI.



**I**N præfenti capite, cum aliæ multæ res magnæ & utiles nobis proponuntur, tum locus de prædestinatione, & uniuersali prouidentia Dei, qua omnia reguntur, etiam illa, quæ uulgò casu & temere fieri existimant. Hæc pars doctrinæ, non solum utilis est, sed etiam necessaria. Nam qui prouidentiam Dei, uel non intelligunt, uel non credunt, in animis suis ualde anguntur, & non raro in multa scelera ruunt, putantes res nostras Deo non esse curæ, sed omnia sursum & deorsum temerè uolui. Qui uerò hoc negocium rectè intelligunt, secundis & aduersis rebus se rectè gerunt: secundis enim non insolescunt, aduersis non franguntur. Videamus uerba sapientis.

*Sūma huius capituli.*

**H**omini sunt præparationes (uel dispositiones) cordis, & à Domino est responsio linguæ.

Sensus est: Quantumuis homo bona multa proponat sibi, quæ uelit dicere: euentus tamen & successus, in ipsius potestate non est, sed pendet à Deo. Nisi is linguam regat & gubernet, homo id quod uult, non assequetur. Sæpe apud se constituunt homines politici, quid in confesso iudicium, ad milites, ad populum, apud principes dicturi sint: sed responsionem linguæ, Deus pro sua prouidentia temperat. Exempla extant oratorum, qui in magna frequentia hominum turpiter obmutuerunt. Concionatores sæpe rem aliquam diligenter meditantur: postquam uerò suggestum conscendunt, & omnium oculos in se conuersos uident, trepidant: & quæ diligenter meditati sunt, quemadmodum optarent, proferre non possunt. Mala etiam sibi dicenda homines proponunt, sed nisi Deus iusto iudicio eos loqui permittat, quod uolunt, nequaquam possunt, exemplo res erit manifesta. Bileam ariolus, corruptus pecunia regis Ammonitici, deuouere Israelitas statuerat: sed uelit nolit bona imprecari eis cogitur.

*Homo proponit, Deus disponit.*

Quod de sermone dicitur, multò magis de factis est intelligendum, quæ Dominus ita moderatur, ut sæpe longè diuersa ratione eueniant, quàm cor hominis cogitarat. Multa nobis proponimus faciendi: sed nisi Deus iuuat nos, irriti sunt omnes nostri conatus. Quid boni sine Deo faceremus, qui nec profari possumus, nisi quod ille uoluerit? Pompeius, Cato & alij, patriam Iulij Cæsaris tyrannide oppressam, liberare instituerant: ad optatum autem finem rem deducere non potuerunt. Deus enim iusto iudicio, rem aliter ordinauerat. Sæpe instituimus res utiles & bonas, sed morbis & alijs rebus impediti, perficere nequaquam ualemus. Ipse Paulus ad Rom. 7. capite queritur, se mole carnis retrahi, quò minus faciat id, quod Deum lege sua postulare intelligat. Idem Paulus desyderauit Romam & in alia loca proficisci, sed impeditus fuit. Rom. 15. Act. 16. Dauid Deo templum ædificare statuerat, sed oraculo admonitus, Solomoni huius rei curam demandauit. Impij quoq; multa mala sibi proponunt: sed Deus frangit eorum conatus. Ecclesiam & ueram religionem omnibus seculis extirpare conati sunt: sed Dei manus tanquam freno eos retraxit. Exempla ueteris Testamenti nulla adducam, ex nouo quædam ad huius rei explicationem cognoscemus. Paulus longè lateq; contra fideles grassari conabatur: sed è medio cursu Deus eum reuocauit. Herodes Agrippa Iacobum Apostolum supplicio affecit, & Petrum quoq; è medio tollere in gratiam plebis meditabatur: sed à Deo hic uinculis liberatus, iste uerò ab angelo Domini occisus fuit. Non enim ordinat Deus, ut Petrus ab Herode Hierosol. sed à Nerone Romæ iugularetur. Posteris temporibus Rom. Imperatores in hoc incubuerunt, ut Christianam religionem funditus excinderent: quod tamen efficere nequaquam potuerunt. Concessit quidem eis multa Deus, ita exigente utilitate suorum fidelium: non tamen omnia, quæ tyranni uoluerunt, eos facere permisit. Nostro tempore, quot sanguinaria edicta contra Euangelium promulgata sunt? quot insidiæ structæ? Deus tamen non passus est hostes sua consilia in effectum producere. Si impij id quod animo suo proponunt, statim efficere possent, iam pridem de prædicatione uerbi Dei omnibusq; pijs actum fuisset.

Colligimus itaque, prouidentia diuina non cælum modò ac terram, regna & præcipuas hominum actiones gubernari: sed etiam bonorum & malorum conatus, uoluntates & consilia: nihil fortuitò, nihil contingenter euenire. Nobis quidem multa fortuita sunt quæ si ad Dei prouidentiam referamus, nequaquam sunt fortuita. Verè dicitur à ueteribus nonnullis, & recentioribus Theologis, casum & fortunam ethnicorum esse uoces. Vulgò dicitur, hic usus est bona uel mala fortuna: cum tamen omnes successus & calamitates, à Deo nobis immittantur certo consilio.

*Nihil temere fit, sed omnia sunt prouidentia Dei.*

Nihil autem in mundo præter Dei uoluntatem & arbitrium fieri, etiam illorum quæ



maximè fortuita uidentur, ex alijs quoque scripturæ locis permultis intelligitur: nos pau-  
cula tantum ad explicationem huius sententiæ, adducemus. Exodi 21, Percutiens hominem  
unde moritur, morte interficiatur. Et qui non est insidiatus, sed Deus tradidit (illum) in manū  
eius, ponam tibi locum quo confugiat. Casus ponitur Deut. 19. de cædente ligna. Iob 14. cap.  
legitur, terminos uitæ à Deo constitutos esse, quos præterire non possimus. In hoc capi-  
te audiemus, sortes, quæ maximè cæcæ fortunæ subiacerent, à Deo gubernari. Cu-  
ius rei illustre exemplum habemus in Saule, qui per sortes rex declaratur, & postea sortibus  
Jonathanē filium inquit. Christus dicit Matthæi decimo capite, Non ne duo passeruli  
asse minuto uaneunt? & unus ex illis non cadit in terram, sine patre uestro? Vestri uerò  
etiā pili omnes numerati sunt. Singula uerba magnam habent Emphasim. Si Deus  
odiosas illas & inutiles auiculas, quas nullæ unquam leges defendunt, sibi commissas  
habet, an non homines defenderet, singulorumq; curam haberet? D. Iacobus 4. capite suæ  
epistolæ, illos corripit, qui de suis negocijs, etiā ad rem domesticam tantum pertinenti-  
bus, ira deliberant, quasi illorum euentus ab ipsis dependeat, cum potius ad Dei uolunta-  
tem respicere deberent.

Hæc excitant nos ad inuocandum Deum, ut dicta & facta nostra iuuēt, & consolantur nos  
in afflictionibus.

Præparare  
nos ad bo-  
na non pos-  
sumus.

His addendum est, nonnullos priorem huius sententiæ partem, *Homini est disponere cor*,  
Sic accipere, ac si homo liberum arbitrium habeat, se præparandi & conuertendi ad bona,  
ac disponendi ad gratiam: cum tamen nec loqui possit quod ipse uult. Paulus scribit 2.  
Corinth. 3. nos non idoneos esse, ex nobis ipsis cogitare quicquam, tanquam ex nobis  
ipsis. Quicquid bonum est, ex fonte omnium bonorum Deo descendit. Christus dicit,  
Ioannis 14. capite, Sine me nihil potestis facere. D. Augustinus, contra duas epistolas Pe-  
lagianorum ad Bonifac. lib. 2. cap. 8. sic dicit: Quod scriptum est, *Homini est præparare cor*, & à  
Domino responsio linguæ, non bene intelligendo falluntur, ut existiment cor præparare, hoc est,  
bonum inchoare sine adiutorio gratiæ Dei, ad hominem pertinere. Absit, ut sic intelligant  
filij promissionis, tanquā cum audierint Dominum dicentem: Sine me nihil potestis facere:  
quasi conuincant eum, dicentes, Ecce sine te possumus cor præparare. Aut cum audierint à  
Paulo apostolo, Non quia idonei sumus cogitare aliquid quasi ex nobismet ipsis, sed suffi-  
cientia nostra ex Deo est: tanquam & ipsum conuincant, dicentes, Ecce idonei sumus ex no-  
bismet ipsis præparare cor, ac per hoc & boni aliquid cogitare. Quis enim potest bona co-  
gitatione, ad bonum cor præparare? Absit ut sic intelligant, nisi superbi sui arbitrij defen-  
sores, FIDEI CATHOLICAE desertores. Ideo quippe scriptum est, *Homini est præpa-  
rare cor*, & à Domino responsio linguæ. Quia homo præparat cor, non tamen sine adiutorio Dei,  
qui tangit cor. Homo præparat cor, in responsione linguæ, id est, in eo quod præparato cordi  
lingua diuina respōdit, nihil operis habet homo, sed totum est à Domino Deo. Nam sicut di-  
ctum est, *Homini est præparare cor*, & à Domino responsio linguæ: ita etiā dictum est, Aperi os & ad-  
implebo illud. Quamuis enim nisi adiuuante illo, sine quo nihil possumus facere, os non  
possumus aperire, tamen nos aperimus illius adiumento & opere nostro, implet autem Do-  
minus illud sine opere nostro, &c. Concilium Arausicanum 2. ad hunc modum inter alia de-  
creuit: Si quis per inuocationem humanam dicit gratiam Dei posse conferri, non aut ipsam  
gratiam facere, ut inuocetur à nobis, contradicit Isaiæ prophetæ, uel Apostolo idem dicenti:  
Inuentus sum ab ijs, qui me non quærebāt, palām apparui his qui me non interrogabant. Si  
quis, ut à peccato purgemur, uolūtatem nostram Deum expectare contendit, non aut ut etiā  
purgari uelimus, per spiritus sancti infusionem & operationē in nos fieri, cōfiteretur, resistit ipsi  
spiritui sancto per Solomonē dicēti, præparatur uolūtās à Dño: & Apostolo salubriter prædi-  
cāti, Deus est qui operatur in nobis & uelle & perficere pro sua bona uolūtate. Hoc enim salu-  
briter profiteamur & credimus, quod in omni ope bono nos nō incipimus, & postea per Dei  
misericordiam adiuuamur: sed ipse nobis, nullis præcedentibus bonis meritis, & fidem &  
amorem sui prius inspirat, ut & baptismi sacramentum fideliter requiramus, & post baptis-  
mum, cum eius adiutorio, ea quæ sibi placita sunt implere ualeamus. Vnde manife-  
stissimè credendum est, quod & illius latronis, quem Dominus ad paradisi patriam  
reuocauit, & Cornelij Centurionis, ad quem angelus Domini missus est, & Zachæi,  
qui ipsum Dominum suscipere meruit, illa tam admirabilis fides, non fuit de natura,  
sed diuinæ largitatis donum, &c. Hoc testimonium ipsdem uerbis legitur in definitionibus  
Ecclesiasticis cap. 51. Hæc ideo utile est scire, ut agnoscantes nostram infirmitatem, pro dono  
fidei Deo gratias agamus, & fidei incrementum petamus. Quantum enim uiribus nostris  
tribuimus, tantum misericordiæ diuinæ detrahimus.



2 Omnes uiae uiri mundae sunt in oculis eius (*fuiri*) & Dominus numerans (*uel ponderans*) spiritus.

Via, id est, dicta & facta. Hoc uult dicere, tam corrupta est nostra natura, ut nobis nostra studia & instituta, quantumuis mala, placeant. Cum multa iniusta & nefaria patramus, nunquam defunt nobis excusationes. Etiam Quintilianus dicit, sceleri nunquam defuisse rationem. Cum novos cultus confingimus, quibus Deo placeamus, nunquam defunt nobis rationes speciosae & probabiles. Quae unquam secta tam prodigiosa emerfit, quae suas opiniones non defenderit, & omnibus longè prætulit? Nec facile eò adduci homines possunt, ut errores & uitia sua agnoscant, sed minimum aliqua ratione extenuant. Dominus autem est, qui spiritus ponderat uel numerat. De cogitationibus, uerbis & factis nostris, & impulsibus quibus agimur ad aliquid faciendum, uerè & iuste solus iudicat. Nec sunt exigenda bona opera nostra (ut piè hoc loco Pellicanus noster annotauit) ad iudicium rationis nostrae, sed ad regulam scripturae Canonicae, & uoluntatis diuinæ. *חכא* thachan idem significat quod Græcis *ἀναγιγναι* diiudicare, penitus perpendere, ponderare, metiri.

Quia uerò scimus, nostra nobis pulchra uideri, cauere debemus ne illudamus nobis ipsis, in nostram perniciem: cogitemus quanta sit nostra infirmitas. Non proderit nobis extremo illo iudicio, quod loco scelerum illa non habuimus, quae Deus uertit: uel quod ob externam iusticiae laruam, nobis placuimus: Dominus enim latentem cordis uitiositatem & hypocrisim, trutina sua examinat, & in abditissima quæq; penetrat. Ipse uidet peccata, ubi nos nulla uidemus. Similis ferè sententia supra 12. capite uersu 15. ponitur. Vel ad Deum potest referri, Omnes uiae uiri mundi. Id est pij & fidelis Deo. Vide num etiam hic sensus esse possit, Non solum omnes uiae, id est, omnia studia & opera uiri mundi, sunt in conspectu Dei: sed ipse quoq; spiritus, id est angelos numerauit.

3 Deuolue ad Dominum opera tua, & firmabuntur cogitationes.

*לל* Galal uoluere, deuoluere, inuoluere. Opera nostra ad Dominum uoluere, est ei committere & commendare res nostras. Sic Psalmo 55. Iacta super Dominum curam tuam, & ipse te enutriet, nec permittet unquam fluctuare iustum. Psalmo 37. Commenda Domino uiam tuam, & spera in ipsum, & ipse faciet. Non uult ut more ociosorum hominum omnia Dei gubernationi committentes, interea nihil agamus: sed ut quisque nostrum in suo ordine, studiosè & diligenter exequatur, quae Deus ab eo requirit: cumque omnia fecerimus, euentum ipsi permittamus. Quemadmodum agricolae & uinitores, qui operi diligenter incumbunt, & postea fructum laborum suorum Deo committentes, benedictionem eius expectant. Deus enim ad nominis sui gloriam, & electorum suorum salutem, omnia diriget, conatusq; nostros si utile sit perficiet.

Multi nimis anxij, iam hæc iam illa metuunt, & sibi multas quotidie cruces fingunt, qui si iuxta hoc consilium saluberrimum, opera sua Deo commendarent, quieto & firmo animo essent, siue læta siue tristia eis acciderent.

*לל* Gol quidam uertunt, reuela, deducentes à *לל* galah, quod non congruit regulis grammaticæ Heb. Sensum autem non malum eliciunt: nempe ut Dei memores, talia opera edamus, quorum nos non pudeat in conspectu eius, & si quid peccauimus, ingenuè ipsi confiteamur ac reuelemus: non quod ignoret aliquid, sed ut quæramus ab eo auxilium & consilium, in operibus nostris.

4 Omnia operatus est Deus propter seipsum.

Tam miseri & corrupti sumus, ut modum tenere nobis in omnibus rebus sit difficile. Nam uel ad dextram, uel ad sinistram deſectimus. Nectantum in rebus ciuilibus & externis: sed etiam religionis & fidei: atque aded in primario capite Christianæ doctrinæ, nempe de Electione & Prædestinatione. Quidam enim omnia arcana consilia, quae Deus in se ipso abscondita esse uoluit, rimari uolunt: cum illud minimum cogitare deberent, nostros oculos uel ad solis conspectum caligare. Deinde alij sunt, qui ab omni mentione prædestinationis toto pectore abhorrent, dicunt inde pios turbari, impios peccandi ansam accipere. Quasi uerò aliquid à spiritu sancto in sacris literis proponatur, quod bonis moribus officiat. Media uia incedendum est, ut non plura uelimus scire, quàm Deus reuelauit uerbo suo: nec ignorare, quae nobis aperire dignatus est. Consolatione plenus est hic locus, pijs omnibus, si dextrè proponatur.

Omnia dicitur fecisse Deus propter seipsum: nō propter utilitatē suam: nulla enim re indiget, sed propter seipsum, tanquam ultimū finē, hoc est, propter gloriam suam. Voluit gloriam operū Dei.



suam manifestari in omnibus creaturis, potentiam, sapientiam, bonitatem. Inuisibilia Dei, inquit Paulus Roman. 1. cap. ex creatione mundi intelliguntur. Opus, ut uulgo dicunt, testatur de artifice. Potentiam inde colligimus, quod omnia ex nihilo produxit: sapientiam, quod pulcherrimo ordine singula disposuit: bonitatem, quod homini usum harum rerum concessit.

*Deus non est author peccati.* Sed quæri hoc loco potest: Si Deus omnia fecit, num etiam fecit uel creauit peccatum? Nequaquam. Quæcunq; enim Deus creauit bona sunt. Vidit Deus, inquit scriptura Genes. 1. capite, cuncta quæ fecerat, & erant ualde bona. Peccatum autem malum est. Quomodo igitur dicemus Deum peccatum fecisse? Deinde, Deus odio habet peccatum. Psalmus 5, Non Deus uolens iniquitatem tu es. Nec solum uerbo suo prohibet peccatum: sed etiam punit, cum in hoc tum in futuro seculo. Huc accedit, quod lux non potest gignere tenebras, arbor bona malos fructus proferre. Non itaq; dicere possumus, Deum creasse peccatum. Multa alia omitto, quæ ostendunt Deum propriè authorem peccati dici non debere.

*Peccati causa efficiens.* Vnde ergo peccatum est? D. Augustinus de ciuitate Dei libro 12. cap. 7. dicit: Cum peccatum sit defectus & priuatio, non opus habere causa efficiente, sed potius deficiente. Res illustratur simili: Sol illuminat sua natura, non inducit tenebras: recedente uerò sole, sponte sequuntur tenebræ: Ita Deus qui natura sua bonus est, si recedat à nobis, hoc est, iustis de causis gratiam suam nobis subtrahat, uel ut puniat nos, uel ut alijs gratia ipsius magis sit conspicua, sponte peccatum sequitur. Non est necesse, ut alibi causam peccati inquiramus, cum interiorem habeamus malam uoluntatem, ad quam accedit suggestio satanæ.

*Deus regit peccatum.* Sciendum tamen est, homines & diabolus non ita sibi relinqui, ut possint peccare quoties & quemadmodum uellent, & Deus nihil faciat. Ipse enim regit & gubernat peccata, nempe quo ad tempus, ne quouis tempore grassentur, nec quamdiu homines mali & satan uellent: deinde, ut peccatum magis in hunc, quàm in alterum feratur: peccatis item utitur, ad gloriam sui nominis, ad pœnam impiorum, & salutem electorum. Quid peccato Iudæ, Caiaphæ, Pilati sceleratius? Et tamen Deus hoc peccato usus est ad hoc, ut nos perpetuò seruaremur. Peccant horribiliter tyranni, qui Ecclesiam Christi persequuntur: attamen Deus utitur peccato ipsorum, ad exercendum suos fideles. Adhæc Deus peccata peccatis punit: in quo tamen accusari ut iniustus non debet. Pertinet enim ad iusticiam, punire peccantes. Hinc legitur, Deum dare homines in reprobum sensum, excæcare, seducere, & alia similia. Sæpe peccant homines tametsi idem uelint quod Deus. Exemplo, quod alicubi recitatur ab Augustino, res fiet manifesta: Deus uult mori patrem mali filij, idem uult filius: sed quia inuadere cupit hæreditatem, & amore erga patrem uacuus est, peccat. Habemus nunc peccati quidem causam, si propriè sit loquendum, Deum non esse, neq; tamen omnia sine habenis relinquere.

*Non omnes ad salutem cōditi sunt.* Impium quoq; ad diem malum.) Putant quidam, Deum omnem rationalem creaturam, angelos nempe & homines, ad æternam salutem condidisse. At scripturæ longè aliter hac de re loquuntur, nempe quod Deus ex omnibus hominibus, qui natura sunt filij iræ & mortis æternæ obnoxij, alios ad uitam æternam destinari, alios uerò morti æternæ reliquerit, ut diuina iusticia in eis appareat. Et hoc est quod Solomon hoc loco dicit: Impium factum esse ad diem malum. Non tamen ex his uerbis colligendum, Deum condidisse impium ut impium: nam impius ut impius, non est ex Deo, sed ex patre diabolo. Ioan. 8. cap. Non de creatione loquitur, sed de gubernatione illius, qua etiam impiorum animas sic gubernat, ut ad gloriam suam faciant.

*Quare & quomodo Deus impium faciat, sententia Aug.* Quia uerò de hoc negocio hodie acerbè contenditur, confirmabo & illustrabo hanc sententiam Solomonicam, testimonijs D. Augustini, ut lectores uideant, me non nouam interpretationem afferre. In libro de Genesi ad litteram imperfecto, capite 5. scribit: Vitiourum nostrorum non est author Deus, sed tamen ordinator est, cum eo loco peccatores constituit, & ea perpeti cogit, quæ merentur. Et mox: Quædam ergo & facit Deus, & ordinat, quædam uerò tantum ordinat. Iustos & facit & ordinat, peccatores autem in quantum peccatores sunt, non facit, sed ordinat tantum. Paulò post iterum: Ita species naturasq; ipsas & facit & ordinat, priuationes autem specierum defectusq; naturarum non facit, sed ordinat tantum. Dixit itaque, fiat lux, & facta ex lux: non dixit, fiant tenebræ & factæ sunt tenebræ. Horum ergo unum fecit, alterum non fecit, utrunq; tamen ordinauit: cum diuidit Deus inter lucem & tenebras: ita & ipso faciente, pulchra sunt singula, & ipso ordinante, pulchra sunt omnia. De nuptijs & concupiscentia lib. 20. cap. 16. Bonitate sua Deus fecit homines, & primos sine peccato, & cæteros sub peccato, in usus profundarum suarum cogitationum. Sicut enim de ipsius diaboli malitia nouit ille quid agat, & quod agit, iustū est & bo-



& bonum quamuis sit de quo agit iniustus & malus, nec eum creare propterea noluit, quia malum futurum esse præsciuit: Ita de uniuerso genere humano, quamuis nullus hominum sine peccati sorde nascatur, bonum ille, qui summè bonus est, operatur, alios faciens tanquam uasa misericordiæ, quos gratia discernat ab eis qui uasa sunt iræ, alios tanquam uasa iræ, ut notas faciat diuitias gloriæ suæ in uasa misericordiæ. Eat iste nunc, & aduersus Apostolum, cuius ista sententia est, argumentetur: imò aduersus ipsum figulum, cui respondere prohibet Apostolus, dicens, O homo, tu quis es qui respondeas Deo? nunquid dicit figmentum ei qui se finxit, Quare sic me finxisti? An non habet potestatem figulus luti ex eadem massa facere, aliud uas in honorem, aliud in contumeliam? Numquid ergo iste negat uasa iræ esse sub diabolo? aut quia sub diabolo sunt, alius ea quàm ille facit, qui uasa misericordiæ facit? aut aliunde & non ex eadem massa facit? Hic itaq; dicat, Ergo Deus uasa diabolo facit: quasi nesciat Deus sic eis uti ad opera sua iusta & bona, sicut ipse utitur diabolo. De Ciuit. Dei lib. 14. cap. 16. Veruntamen omnipotenti Deo summo ac summè bono, creatori omnium naturarum, uoluntatum autem bonarum adiutori ac remuneratori, malorum autem relictori, & damnatori, utrarumque ordinatori, non defuit utique consilium, quo certum numerum ciuium sua sapientia prædestinatum & ex damnato genere humano suæ ciuitatis impleret, non eos iam meritis (quandoquidem uniuersa massa tanquam in uitiata radice damnata est) sed gratia discernens, & liberatis non solum de seipsum, uerumetiam de non liberatis, quid eis largiatur, ostendens. Non enim debita, sed gratuita bonitate tum se quisque agnoscit erutum à malis, cum ab eorum hominum consortio sit immunis, cum quibus illi iusta esset pœna communis. Cur ergo non crearet Deus, quos peccaturos esse præsciuit, quandoquidem in eis & ex eis & quid eorū culpa mererentur, & quid sua gratia donaretur posset ostendere, nec sub illo creatore ac dispensatore peruersa inordinatio delinquentium rectum peruerteret ordinem rerum.

Ad Simplicianum lib. 1. q. 2. Deus quòd ex conspersione impiorum facit uasa perditionis, non odit quod facit, id est, opus ordinationis suæ in pœna debita pereuntium, in qua occasionem salutis illi quorum miseretur inueniant. Sic Pharaoni dictum est, In hoc te excitauimus, ut ostendam in te potentiam meam, ut annuncietur nomē meum in uniuersa terra. Hæc demonstratio potentiæ Dei, & annunciatio nominis eius in uniuersa terra, prodest eis ut timeant, ut uias suas corrigant, quibus uocatio talis congruit. Sic consequenter dicit, Si autem uolēs Deus ostendere iram & demonstrare potentiam suam, attulit in multa patientia uasa iræ, quæ perfecta sunt in perditionem, subauditur, Tu quis es qui respōdeas Deo? Et mox, Nō autem solum uolens ostendere iram & demonstrare potentiam suam, attulit in multa patientia uasa iræ quæ perfecta sunt in perditionem: sed etiam quod sequitur, Ut notas faciat diuitias gloriæ suæ in uasa misericordiæ. Quid enim prodest uasis perfectis in perditionem, quod ea patienter Deus sustinet, ut ordinanter disperdat, utaturq; illis ad instrumentum salutis aliorū quorum miseretur? Sed illis utiq; prodest, ad quorum salutem istis sic utitur. Et mox: Obduratio illa impiorum utrunq; demonstrat, & quid timendum sit, ut quisq; pietate conuertatur ad Deum, & quantæ agendæ sint gratiæ misericordiæ Dei, qui in aliorum pœna quid alijs donet ostendit. Hæc ex Augustino de hoc negotio attulisse sufficiat.

Exempla electorum & reproborum in scripturis multa habemus, Abelis & Caini, Moysi & Pharaonis, Davidis & Saulis, Lazari & diuitis, Petri & Iudæ, Latronis ad dexteram Christi, & latronis ad sinistram. Credendum etiam est, hodie maximam turbam esse reprobos, quanquam nos pronunciare non possumus, an huic uel illi Deus gratiam suam collaturus sit. Deus non tantum misericors, sed etiam iustus est, atque uult ut agnoscamus misericordiam suam, in illis, quos æterno consilio ad uitam æternam prædestinauit. Non enim propter præuisa opera, ut quidam opinati sunt, sed ex gratuita misericordia nos salutis participatione dignatus est. Nihil in homine præuidere potuit, nisi quod prius ex sua liberalitate ei concessurus erat. De hoc multa leguntur in epistolis Pauli, & in primis ad Rom. 9. de Iacobo & Esau. In reprobis uerò, quos iusto consilio, sed nobis inscrutabili, suo exitio relinquit, suam iusticiam uult conspici. Sic de Pharaone respondit: In hoc ipsum excitauimus te, ut ostenderem in te potentiam meam. Non modò per electos, sed etiam per reprobos gloria Dei illustratur.

Hæc uerò dum dicuntur, ingenium humanum ualde offenditur, multisque modis cum Deo litigat, ac multa colligit absurda, quæ ex hac doctrina uidentur consequi. Quemadmodum autem cauendum est, ne ullam offensionem cuiquam demus: ita quàm maximè est cauendum, ne ob improborum offensiones, uel latum pilum à ueritate deflectamus. Multi tentant religionis controuersa capita sic tractare, ne quicquam offendiculi inde oriatur: in-

Exempla  
electorum  
& reprobo-  
rum.

Ratio offen-  
ditur capi-  
te de electio-  
ne & præ-  
destinatio-  
ne.



terim uerò dum huc illuc ueritatem flectunt, non solum nihil efficiunt, sed ueritatem magis magisq; obscurant. Si loquamur de gratuita remissione peccatorum propter Christum, in multis petulantia sequitur: nihilominus tamen necesse est hanc doctrinam inuiolatam retineri.

Obijcit ratio nostra, nos non iurè ob ea puniri, quibus æternum Dei consilium necessitatem imponat. Respondeo: Multa esse quæ nostrum captum excedant, nec dubitandum quin Dei iudicia, si rationem eorum assequi possemus, omnibus modis probarem: quemadmodum in Apocalypsi sancti inducuntur, qui agnum collaudant. D. Paulus ad Rom. 9. cap. retundit humanam arrogantiam his uerbis: O homo, tu quis es, qui ex aduerso respondes Deo? Num dicit figmentum ei qui finxit, cur me finxisti ad hunc modum? An non habet potestatem figulus luti, ut ex eadem massa fingat aliud quidem uas in honorem, aliud uerò in ignominiam? &c. Quæ uerba desumpsisse uidetur, ex 45. cap. Isaiæ, & Ierem. 18. Idem Paulus 11. cap. ad Rom. de his mysterijs agens, exclamat: O profunditatem diuitiarum & sapientiæ & cognitionis Dei, quàm inscrutabilia sunt iudicia eius, &c. Reprobi parum de hac re solliciti, omnia susq; deq; habent. Hæc doctrina de prædestinatione & reprobatione, ut ab initio huius capituli præfatus sum, ualde est necessaria. Excitat enim in nobis humilitatem & modestiam, ne nobis tribuamus quod solius Dei est: excitat etiam in nobis amorem Dei & gratiarum actionem. Quomodo Deum iuste diligemus & colimus, nisi beneficia electionis cognoscamus? Non est maior consolatio pijs animis, quàm nouisse, salutem omnem à sola, eaq; optima uoluntate patris nostri cœlestis, pendere. Nihil est quod in omnis generis afflictionibus, nos efficacius consolari possit.

Quomodo in consyde- ratione electionis uersari oporteat. His addendum est, quomodo nos uersari oporteat in consyderatione electionis: grauitur enim hac in parte tentamur à satana. Turbat enim animos nostros sapissimè hac cogitatione, Fortè non es ex electis. Ibi non incipiendū est à suprema eternitate: sed à signis posterioribus electionis, quibus animi nostri confirmandi sunt. Deus tibi prædicari sinit uerbum suum, gratiam tibi confert, ut intelligas & credas: hæc sunt signa electionis. Noli autem dubitare, quin Deus opus quod in te cœpit, perfecturus sit. Sin uerò fides illa in te non sit perfecta, ne putes te à Deo neglectum, sed ora cum Apostolis, ut fidem tuam adaugere. Deus aliquando suos ad tempus deferere uidetur, sed postea iterum manum eis porrigit. Neque desperandum est, de ijs etiam qui nunc prorsus fide uacui sunt. Deus enim quosdam mane, quosdam circa meridiem, quosdam uerò uesperis in suam uineam emittit. Latroni ad dextram pendenti, iam iam morituro fuit propitius. Superuacaneum autem fuerit interrogare, cur Deus alterum quoq; latronem, misericordiæ oculis non aspexerit. Arcana sunt hæc iudicia Dei, & nobis inscrutabilia. Gratias nos ei agamus, pro immenso illo & inenarrabili beneficio quod non æternum nos, quemadmodum meriti eramus, perire passus sit, sed in Christo sibi adoptarit. Si in nostra manu posita esset salus, ad quamcunq; leuem etiam occasionem, eam amitteremus, nec uel unus homo saluaretur.

Lyranus quoq; ad hunc locum scribit, *impium ad diem malum*, scilicet præparauit, ut in reprobis reluceat eius iusticia, sicut eius misericordia in electis. Quod Paulus in Epist. ad Rom. fuisse diducit. Etiam in hoc seculo, quando impius ad diem malum ducitur, alij homines Dei uidēt iudicia, & ea laudant.

### 5 Abominatio Domini est elatus corde.

Superbos abominatur Dominus. Superbus & arrogans, dicitur abominationi esse Deo. Qui effertur propter dona animi, corporis aut externa, maximè uerò qui suis operibus salutem tribuit, item qui sibi arrogat quæ solius Dei sunt (quemadmodum pontifex Romanus) abominationi est Domino. Dicitur fertè autem dicit, elatum corde. Multi enim externè uerbis & habitu humilitatem præ se ferunt, quales nostro tempore fuerunt Monachi & Anabaptistæ, in corde uerò turgent superbia. Tales Deus omnibus seculis abominatus est & pœna affecit, priuatim & publicè. Exemplis plenæ sunt omnes historiæ. Primi nostri parentes, pœnas dederunt, Babylonica turris ædificatores, Senacherib, Hamanus, Herodes, Agrippa, &c. Idumæi, Ammonitæ, Moabitæ, Palæstini, Amalekitæ, superbi & arrogantes homines, funditus deleti sunt.

Remedia contra superbiam. Fugienda itaq; est superbia & arrogantia. Cogitandum semper, quales simus nostra natura, & quicquid habemus, à Deo nos accepisse, & ad certum finem accepisse: Deum quoq; sperare nos illis donis posse. August. super Ioannem sermone 5. quærit, cur multa patiamur à creatura quam Deus fecit? deinde responderet, Ad domandam superbiam Deum instituisse, ut creatura minima & abiectissima nos torqueret. Ut homo superbus, qui se iactauit aduersus Deum & proximum, pluribus pulcibus subdatur.



*Manus ad manum, malus non erit innocens.*) Licet superbi conspirent, & sibi mutuum auxilium ferant, seq; contra omnem fortunam satis munitos esse confidant, tamen iustas pœnas Deo dabunt. Vel hoc uult dicere, superbus tā est pertinax, ut si flagellum flagello addat Dominus, ille tamen ad meliorem mentem non redeat. Plures expositiones repete ex cap. 11. uersu 21.

### 6 Misericordia & ueritate redimetur iniquitas.

Hæ duæ uoces *רחם* & *אמת* amath & chæsed sæpe iunguntur in scripturis. Per misericordiā, intelligo propensionem Dei, ad benefaciendum nobis: per ueritatē, executionē bonæ illius uolūtatis & constantiam promissionū. Simplicissimus sensus hic esse uidetur. Per misericordiā Dei propter Christū (ad quem omnes promissiones tendunt) peccata nostra expiari, Exodi 34. inter titulos Dei habetur, quod multus sit misericordia & ueritate.

Papistæ ad homines referunt, dicentes: misericordia uel eleemosyna, ueritate & alijs bonis operibus (sub quibus etiam illa comprehendunt, quæ à Deo præscripta non sunt) expiari nostra peccata, coram Deo: uenduntq; precio sua bona opera.

De eleemosyna sunt quædam loca, quæ prima fronte hoc uelle uidentur, de quibus 13. ca. uersu 8. diximus. At sacrilegium est uel eleemosynæ, uel alijs operibus, etiam à Deo præscriptis, tribuere, quod soli Christo seruatori nostro tribuendum est. Mors Christi est unica plena & efficax satisfactio, pro peccatis nostris. Ad Ephes. 2. disertè dicit Apostolus, Gratia seruati estis per fidem, idq; non ex uobis. Dei donum est, non ex operibus, ne quis gloriatur. Si per iniquitatem intelligas pœnas & supplicia peccatis debita (quemadmodum scripturæ non raro loquuntur, & etiam Lyranus hoc loco interpretatur) libenter concedimus, misericordia & alijs bonis operibus, quæ ex fide proficiuntur, pœnas temporarias leniri & mitigari. Potest etiam sic intelligi, *misericordia & ueritate redimitur iniquitas*, hoc est, benefaciendo proximis liberaliter & fideliter, multa mala & peccata euitantur.

*Eleemosynis non expiantur peccata.*

*Et in timore Domini, receditur à malo.*) Timore Dei præditi, cauent sibi ab illis quibus patrē suum cœlestem norunt offendi: studentq; illis, quæ ipse in lege sua requisuit. Qui uerò uacui sunt timore Dei, in omnia scelera temere ruunt. Gen. 20, Abrahā uxore suā, dicebat esse sororem suā: cogitabat enim, forsitan nō est timor Dei in loco isto. Psal. 14, Propheta corruptionis impiorum causam ostēdens, Non est, inquit, timor Dei ante oculos eorum. Quod hodie omnia flagitia grassantur, hinc est quod pauci uero timore Dei præditi sunt.

### 7 Cum placuerint Domino uia uiri, etiam inimicos eius conciliat ei.

Via uiri, quemadmodum sæpe diximus, sunt eius conatus, consilia, instituta. Illius autem uia Deo probantur, qui non iudicia uulgi, aut rationis suæ dictata sequitur: sed præscriptum uerbi Dei: breuiter, qui uera fide est præditus. Tali homini hostes ita conciliantur, ut quemadmodum hactenus eum odio persecuti sunt: ita deinceps bene de eo mereantur. Exempla huius rei multa, sacræ literæ nobis suppeditant. Iacob rediens ex Mesopotamia, fratrem suum Esau, quem sibi in itinere occurrentem metuebat, contra expectationem beneuolum expertus est. Iosephus post squalores carceris, gratus & acceptus fuit regibus Ægypti. Filia Pharaonis misera est Moïsi, & contra edictum patris, eum non modò uiuum conseruauit: sed etiam adoptauit in filium, præteritis tot principibus in aula regis. 2. Sam. 19. capite, Omnes tribus, Dauidem quem regno expulerant, facto decreto reducunt. Quod omnino Deo adscribendum est, nam alioqui metu pœnæ, nouum regem delegissent. Cum Deus rectè coleretur à Salomone, conciliauit ei regem Ægypti: cum autem ipse & filius eius Rhoboamus ab eo deficerent, legesq; eius uiolarent, Sefacum infestum hostem reddidit. Iosaphato Palæstini atq; Arabes infestissimi populo Israelis ultro munera afferunt, 2. Para. 17. Nabuchodonozor tres socios Danielis, quos in fornacē conijci iusserat, educi curauit & humanissimè complexus est. Darius Daniele coluit. Euilmerodach Iechoniā regem Iuda, è carcere liberauit, Ierem. ult. cap. Cyrus populo Israelitico fauit. Plura exempla inuenies cap. 21. uersu 1. Sæpe persecutores non solum in gratiam redierunt cum fidelibus: sed etiam ad fidei ueritatem conuersi sunt. Paulus quem accedere Ananias propter truculentiam cunctatur, præco Euangelij factus est. Nostra ætate multi ex atrocissimis Euangelij hostibus, tandem Euangelicam doctrinam amplexi sunt. Ex Hispanis militibus, qui armis Germaniam religionis causa superioribus annis uexarunt, non pauci ad fidem conuersi, & quidam martyres Christi facti sunt. Dei optimi maximi hoc est opus. Is etiam efficit, ut in illo articulo temporis, quo cum hostibus agendum est, se beneuolos & placidos præbeant: ueluti Assuerus erga Hesterā: Pilatus erga Iosephum Arimathæensem. Quin Deus suis electis, etiā ferocissimas bestias domat. Sic leones famelici parcunt Danieli. In Ecclesiastica historia sæpe legitur, crudeles bestias martyribus pepercisse. Addendum autem est,

*Pijs hostes conciliantur.*



id non esse perpetuum quod Solomon hoc loco dicit, sed sæpenumero accidere, ut contra illos qui probantur Deo, quiq; uera fide præditi sunt, sanctamq; uitam degunt, tyranni insurgant, eos in exilium agant, & crudelissimè persequantur. Postulat enim hoc Dei gloria, & salus electorum: attamen sæpe accidit, quod hoc loco pronunciatur. Fides quidem & boni mores electorum Dei, animos uel hostium, sua natura ipsis conciliare deberent: tamen quia homines huius mundi, impij sunt, ideo fit ut ferre bona opera & ueram fidem, non possint, sed ad persecutionem pietatis excitentur. Deus interea eorum peccato bene utitur. Cum igitur certum sit, illam mutationem animorum à Deo esse, demus nos operam, ut uia nostræ ipsi placeant, hoc est, faciamus, quæ ipse præscribit: & cum expediet, nobis quàm plurimos amicos excitabit. Multa interdum facimus, multa omittimus, Deum non raro offendimus, ne hominum gratiam amittamus: sed Deus nō solum amicos nostros retinere in officio, sed & ex hostibus amicos & socios excitare potest, ac alios nobis adiungere, de quib. antea nunquam cogitaueramus. Iosephus de Arimathæa, accedit Pilatum, & petit ut ei liceret Christū honorificè sepelire. Pilatus amicè hoc ei concedit: mox adiungit se etiam Nicodemus. Quando uero in gloriam Dei nihil facere audemus metu hominum, Deus interdum ex amicis inimicos reddit, & hostes quoq; nostros magis contra nos finit furere, ut pœnas à nobis exigat. Alias quoq; ob causas suos his rebus aliquando exercet.

8 Melius est parū cum iustitiā, quàm multitudo prouentuū absq; iure.

Opes exigue iustè collectæ, præstāt magnis opibus iniuste quæ sitis.

Multi existimant bene agi cum liberis suis, si ingentem auri argentiq; acernum eis relinquunt, ideoq; se ad malas artes conuertunt. Interim parum sunt solliciti, ut liberi uti opibus rectè discant. Hinc fit, ut magnæ illæ opes faciliè dissipentur, liberisq; malè cedant. Satiùs autem est, parum aut omnino nihil habere, quàm magnos prouentus frugum terræ, absq; iustitiā. Experimur opes iustè partas, sæpenumero à filijs dissipari: quid igitur de iniuste partis sperabimus? Danda est potius opera, ut nobis & liberis nostris, maximas illas & cœlestes opes acquiramus, nempe remissionem peccatorum, & iustitiā coram Deo: acquiruntur autem per fidem in Christum. Hæc sententia sæpe repetitur in hoc libro, est enim ualde necessaria. Psalmo quoq; 37. dicitur, melius est modicum iusto, super diuitias peccatorum multas. Etiam gentiles uiderunt, satiùs esse moderatas opes, partas habere honesto labore & industria, quàm ingentes scelere & iniurijs.

9 Cor hominis cogitabit uiam suam, & Dominus diriget gressum eius.

Deus regit iter nostrū.

Hæc sententia eadem fere est cum prima huius cap. Siue uiam simpliciter, siue per metaph. pro uiuendi ratione & instituto accipias, euidēs erit sensus: Etsi homo hoc uel illud, & secundum literam, iter instituit: tamen non succedit, nisi Deus uoluerit. Habet enim liberum arbitrium etiam in renatis duplicem infirmitatem: primum, bonum quod faciendum nobis deligimus, nunquā præstamus ut uoluissimus. Deinde non semper sequuntur illi euentus, quos nobis uel in priuatis uel publicis, in sacris uel prophanis negotijs proponimus: sed longè aliud succedit, quàm quod decreueramus. Euentus enim rerum à prouidentia Dei dependent. Infrā cap. 20. uersu 24. dicit, à Domino sunt gressus uiri, & quomodo disponet homo uiam suam? Psalmo 118. orat propheta, Gressus meos dirige secundum eloquium tuum. Hierem. 10. cap. exclamat, Scio Domine quòd non est hominis uia eius, nec uiri ut dirigat gressus suos. Sæpe longè alia accidunt, quàm unquā nos cogitare possimus. Iosias transitu prohibere regem Ægypti decreuerat, sed in bello cecidit. Herodes Agrippa, Petrum interficere constituerat, sed ab angelo percussus fuit, &c. Aliud igitur est de rebus agendis deliberare: aliud ea de quibus deliberaris, perficere. Illud hominis est, hoc Dei. Quod etiam Homerus uidit cum dicit:

ἄλλα δ' ὁ θεὸς ἀνδρῶσι νόμιμα πάντα τελευτᾷ.

Atq; hoc Ethnicos uehementer turbanit, cum sibi uidebantur pulcherrima consilia instituisse, uerū illa irrita essent & frustranea. Falsi enim suis consilijs, omnia fortunæ & casui tribuerunt, ac in desperationem tandem inciderunt. Brutus uir cordatus & fortis, qui, utpote Stoicus, de uirtute & prouidentia Dei magnificè disseruerat, uictus tamen ab Antonio, exclamauit: Quæcunq; de uirtute & studio rectè uiuendi disputantur, meræ sunt nūgæ, quia fortuna dominatur in rebus humanis.

Pij uero sciunt homines quidem consultare, euentum uero & successum consiliorum, esse in manu Dei, & ipsum quem uoluerit, rebus successum dare. Ideoq; toti pendet ab eius prouidentia: non confidenter statuunt quid facturi sint: sed semper iuxta doctrinam Iacobi, hanc conditionem adiungunt: Si Deus uoluerit, si uixero. Deponunt sui fiduciam, Deumq; precantur,



tur, ut omnes actiones bene cadant: nec dubitant quin successus boni sequuturi sint, si ipse eos adiuuet, ut in Psalmo dicitur: Nisi Dominus ædificauerit domum, in uanum laborauerunt qui ædificant eam. Sin uerò res secus ac sperabant, eueniant, hoc eos solatur, quòd sciunt id magis ad gloriam Dei & suam ipsorum salutem pertinere: quanquam rationes consiliorum Dei, non semper intelligant. Quòd si cordibus nostris nò penitus infixum sit, nos Dei manu gubernari, ualde titubamus, quando uidemus impios triumphos agere, pios uerò multis iniurijs uexari: exclamamus interdum, omnia sursum & deorsum temere moueri, &c.

10 Diuinitio in labijs regis: & in iudicio non transgreditur, uel transgrediatur, os eius.

ὁ δὲ κᾶσᾶμ diuinitio, est uocabulum μέσομ, nam in bonam & in malam partem accipitur: primum diuinationem, deinde prophetiam & oraculum significat. Regis nomine, intelliguntur omnes magistratus, reges, duces, comites, cōsules, &c. Sensus est, *diuinitio in labijs regis*, scilicet sit. Sic. 19. cap. Desiderium hominis concupiscentia eius, scilicet sit. Quicquid rex loquitur aut statuit, oraculis uerbi Dei sit consentaneum. Deut. 17. præcipitur regi, ut curet sibi describi librum legis, & in eo legat omnibus diebus uitæ suæ. Vtile esset reges & principes etiam alios bonos scriptores legere, ut una eademq; opera, & ueram pietatem discerent & prudentiam, qua ex præteritorum & præsentium coniecturis, de rebus optimè diuinarent. Demetrius Phaleræus idem suadebat regibus, dicens, multa in libris reperiri, quæ alioqui non tutum esset eis dicere. Libri enim non adulantur principibus. Subditorum uerò est officium, illa quæ magistratus iuxta uerbum Dei statuunt, tanquam à Deo profecta obseruare. Nam qui ea transgrediuntur, Deum contemnunt. Vide ad Rom. 13. ad Titum 2. in 1. Pet. 2. cap. Sic scriptura de uxoribus, seruis & liberis quoq; loquitur, ut maritis, dominis & parentibus in Domino obediant: hoc est, non dubitent, quin sese Domino subijciant, dum ita sese illorum imperio subijciunt. Si uerò præscribant aliquid contra uerbum Dei, Deo obedientia præstanda est, &c. Putant interdum magistratus, omnia sibi licere, se esse legem uiuam, &c.

Diuinitio.

Et in iudicio non transgreditur, uel transgrediatur, os eius. Si diuinitio sit in ore ipsius, si oracula Dei in conspectu habeat, & cogitet se uicarium esse Dei, cui ratio reddenda sit, neminem faller, ius suum cuiq; dicet. Quia uerò à regibus postulatur, ut diuinitio uel prophetia sit sermo eorum, ministri Ecclesiarum sciant id à se potius requiri. 1. Pet. 4. Si quis loquitur, loquatur ut eloquia Dei, &c.

Potest hoc membrum, *Diuinitio in labijs regis*, etiam sic intelligi, quòd reges, sententias suas, tam iustas, quàm iniustas, firmas & ratas esse uolunt, instar oraculorum. Sic David etsi intelligere potuit, se contra Mephibosethum iniquam sententiam tulisse: tamen eam non retracta uit, 2. Sam. 19. Pilatus dicebat, Quod scripsi, scripsi. At principes & iudices, sententias iniuste latus, reuocare debebant, & illos quos læserunt, in integrum restituere.

Potest etiam hoc modo intelligi. Si princeps & uir aliquis magnæ autoritatis, aliquid loquatur, habetur pro oraculo diuino. Sin uerò uulgares homines, aliquid bene dicant, nemo curat. Germani dicunt, Multū sapiētiae perire in pauperū loculis. Hecuba apud Euripidē dicit,

λόγος γὰρ ἐστὶ ἀλόγιστον ἰσχύ

ἡντιῶν ἀλόγιστον αὐτὸς, ὃ τὰ αὐτὸν δύνει.

Hoc est, Cùm ignobiles & magnæ autoritatis homines, eadem loquuntur, oratio æqua nò æquè ualet. Hinc apud Athenienses, teste A. Gellio, cùm homo quidam contemptus præclaram sententiam dixisset, iussus est alius quispiam, uir grauis & magnæ in Repub. autoritatis, eandem repetere, ut plus haberet ponderis. Cum ita res habeat, etiam atq; etiam reges & principes operam dare debent, ne quid se indignum loquantur. Vide cap. 17. uersu 7.

Forsterus in suo Lexico hanc sententiam aliter interpretatur: ita enim scribit, *Diuinitio in labijs regis, in iudicio non transgreditur os eius*. Et hæc est sapientia carnalis, quæ regit mundum, & coniecturis, signis, circumstantijs constat & comparatur. Estq; donum Dei & reuelatio, quæ plurimum ualet in dijudicandis alioqui obscurioribus. Sic Salomon ex diuinatione iudicabat inter duas mulieres. 1. Reg. 3. Et Gellius definit iudicium esse diuinationem, quòd diuinare quodam modo iudicem oporteat, quam sententiam ferre sese par sit. Sed in diuinis diuinare, aliud nihil est quàm uera & mera idololatria, quando de Deo extra uerbum eius, quid sit, & quæ eius sit uoluntas, ex nostra uoluntate iudicamus. Hæc ille. Aristot. etiam scribit lib. moralium Eudemiorum 7. prudentium atq; sapientium hominum celerem esse diuinationem, & horum tantum. Prouerbialis est uersus, Qui bene conijciat, uatem hūc perhibeto optimū. Sunt hodie principes, qui diuinandi rationem legibus prohibitam amplexi, à prognostis & astrologis pendent.



August. in libro de Essentia diuinitatis (si modò eius est) hanc sententiam de Deo interpretatur: & per labia Domini, utriusq; testamenti consonantiam intelligit.

### 11 Libra & trutina iudicium Domini sunt.

*De ponderibus iustis.* Simplex sensus esse uiderur, Decretum Domini est, ut libra & statera iuste utamur. Pondera nominat, & mensuras etiam, tam aridorum quàm liquidorum, intelligit. Volunt quidam falsis ponderibus & mensuris facultates suas augere: sed infelices sunt opes, quæ his illicitis artibus comparantur. Loca scripturæ 11. cap. uersu 1. adducta sunt.

Quidam ita distinguunt, *libra & trutina iudicij*, id est iusta, *Domini sunt*, id est, à Domino præceptis postulat iustitiam in ponderibus. Quidam uerò, *libra & trutina iudicij Domini*, id est, in iudicio Dei, reddenda erit ratio de his. Vel, *iudicia Dei sunt libra & trutina*, id est, iustissima.

*Et opus eius, omnes lapides sacculi.*) Antiquitus, ut annotat Lyranus, fiebant pondera ex lapidibus, quorum unus erat ponderosior altero, secundum diuersos gradus: sicut modò fiunt ex diuersis portionibus metalli, quarum una ponderat marcam, alia libram, alia unciam, & sic de alijs, &c. lapides illi ponebantur in sacculum. Interpretatur autem ad hunc modum: Opera Dei, fiunt cum debito pondere & mensura: iuxta illud Sapientiæ 11. Omnia disposuisti Domine in pondere, numero & mensura. In ueteri translatione corruptè legitur, *omnes lapides sacculi*. Vnde obiter colligimus, quantum referat ut illi linguarum periti sint, qui uolunt sacras literas interpretari.

*Eius.*) Quidam ad libram referunt, ut sit sensus: opus ponderationis situm esse in lapidibus. Alij ad Deum, ut sit sensus: Dei inuentum & institutum esse, ut homines utantur ponderibus & mensuris: Deumq; his præesse, & inspicere quomodo homines eis utantur.

Quod uoces attinet, *פָּלֶס* pælæs, ut annotauit R. David in lib. radic. est illud quod ponderans sua capit manu, in cuius medio est lingula staterarum. Et sunt qui dicant *פָּלֶס* pælæs uocari uirgam ferream, signatam signis ad sciendum pondera: in quib. signis, ponitur lapis uel aliud pondus. *מִשְׁנֵי* mosnaim est bilanx, sic dicta quasi duas habes aures. Bilanx Latinis, quæ duas habet lances, ein schüsselwaag. Statera quæ est sine lancibus, ein boltz oder schnellwaag. His maiora & minora ponderantur. Pertinet ad principum officium curare ut mensuræ & pondera iusta sint.

### 12 Abominatio est regibus, facere impietatem.

*Reges boni detestantur impietatem.* Scilicet ueri & iusti. Abominatio est non solum Deo & hominibus pijs ac honestis: sed etiam ipsis regibus, si ipsi & alij magistratus, pietatem & honestatem negligant. Ad hoc enim reges cõstituti sunt, ut ueram religionem propagent, & impietati obsistant. Sunt uicarij quidam Dei: quin Deus eos suo nomine Elohim appellat. Nam quemadmodum Deus pios amat, impios odit, nõ recipit personam, &c. ita illi quoq; se gerere debent. Cum Iulia nouerca Antonini Bassiani imperatoris, quasi per negligentiam coram priuigno sinum nudasset, & ille diceret, Vellem si liceret: illa respondit, Si libet licet. Imperatoris esse leges dare, nõ accipere. Quæ uox impia fuit. Regibus & principibus, non plus alijs peccare conceditur: sed quia omnium oculi in eos conuersi sunt, præ alijs pietati & iustitiæ studere debent. Si principes impij sint & iniusti, statim subditi eorum exemplum sequuntur. Sic etiam fit de Concionatoribus. Noti sunt uersus Claudiani de 4. Honorij consul.

- » In commune iubes si quid censes ue tenendum,
- » Primus iussa subi, tunc obseruantior æqui
- » Fit populus, nec ferre negat cum uiderit ipsum
- » Authorem parère sibi, componitur orbis
- » Regis ad exemplum, nec sic inflectere sensus
- » Humanos edicta ualent, quàm uita regentis.
- » Mobile mutatur semper cum principe uulgus.

Possunt hæc uerba, etiam hoc modo exponi: abominatio est regibus, si alij faciant impietatem. Reges indignantur impijs & sceleratis. Hoc enim ipforum officium esse, scripturæ ostendunt, ut tales homines opprimant, & bonos defendant. Rex iniustus uerius tyrannus est quàm rex. Summo certè regi, de quo 1. Tim. 1. Regi autem seculorum immortalis, &c. abominabiles sunt impij.

*Præsidia regnorum.* Quoniam in iustitia solium confirmatur.) Per iustitiam accipere possumus uniuersalem obedientiam, iuxta omnia præcepta, uel uirtutem qua cuiq; suum penditur. Si princeps & populus iustitiam colant, regna floreant. Multa disputantur apud philosophos, quomodo regna cõseruari possint, alij alia adferunt: sed hoc loco, à sapientissimo rege, quin ab ipso Deo pronunciat paucis, quæ sit conseruans causa imperiorum, nempe iustitia. David quoq; dicebat Solomoni,



Iomoni, si seruaret legem Dei, firmum fore regnum, 1. Reg. 2. cap. Idem docetur Ieremiæ 22. ca. Zacha. 7. Augustinus in lib. de Ciuit. Dei lib. 4. cap. 4. scribit, sublata iusticia, regna nihil aliud esse, quàm latrocinia magna.

Ex contrario etiam colligi potest, quid regna euertat, nempe iniusticia. Plato lib. 1. de Re- *iniusticia*  
pub. *γάρτοις* inquit, *ἢ γὰρ ἀδινία καὶ μίση καὶ μάχας ἐν ἀλλήλοις παρέχει. ἢ δὲ ἀδικουσίων ὁμόνοια καὶ φιλία:* *euertit re-*  
hoc est, iniusticia seditiones, odia & contentiones parit: concordiam uerò & amicitiam, iusti- *gna.*  
cia. Seneca in Thyeste.

Vbi non est pudor,  
Nec cura iuris, sanctitas, pietas, fides,  
Instabile regnum est, &c.

Zedechias iniustus erat, ideo Nabuchodonozor, iudicium iustum contra ipsum exercuit.

Per iusticiam Hebræi sæpe eleemosynas accipiunt. Certum autem est, principes & subdi-  
tos, qui se erga omnes beneficos præstant, Deo acceptos esse, & duos quoq; hominum ani-  
mos emollire. Multi inanes faciunt sumptus in substructiones insanas, quibus oppida mu-  
niant, & sese defendant, interim de ueris præsidij oppidorum parum sunt solliciti. Hæc sen-  
tentia reperitur cap. 20. uersu 28.

### 13 Beneplacitum regum labia iusta.

Scilicet bonorum. Magistratus sæpe hoc uitio laborant, ut adulatorem & sycophantas am-  
plectantur, uiros autem bonos, politicos & Ecclesiasticos, odio habeant. Sic Achabus Miche-  
am & Heliam, Herodes Ioannem Baptistam: sed pij reges, homines qui uera & iusta loquun-  
tur, probant: oderunt parasitos & assentatores. Et sic augetur numerus bonorum.

Et qui loquitur recta, is diligitur. Qui studet ueritati, regi & alijs hominibus, imprimis uerò  
Deo erit acceptus.

### 14 Furor regis angelus uel nuncij mortis.

Salomon non tantum in genere omnibus præscribit, quo pacto uitam instituere debe-  
ant: sed singulos etiam ordines informat. Hoc loco de magistratum & subditorum officio dis-  
ferit. Potest autem melius hac de re loqui, quàm quisquam alius, cum regnum felicissimum  
pariter & infelicissimum habuerit, &c. *Ira regis*, inquit, *est nuncium mortiferum*: hoc est, formido-  
losa est, & nemo ei facile potest resistere. Rex quidem impijs & sceleratis irasci debet, eosque  
punire. Sed plenæ sunt omnium gentium historiæ, sæpe bonos uiros gratia regum & prin-  
cipum minima occasione excidisse, atq; in falsam suspicionem lapsos, uitæ periculum incur-  
rissse. מלאך maleach, sicut & Græca uox ἄγγελος, angelum spiritum, uel nuntium hominem  
significat. Angelus mortis fuit ille, per quem Deus omnia primogenita Ægyptiorum una  
nocte perdidit. Item ille qui exercitum Assyriorum tot interfectis disturbauit.

Vel hominem nuntium intelligere possumus. Si legatus mandatum habeat à Domino  
suo, ut eat ad occidendum nos, uel saltem ut nunciet nos interficiendos, triste hoc est: ita ira  
regis etiam est formidolosa. Nuncij mortis dicitur in plurali numero, ut periculum melius  
exprimat. Capite 20. uersu 2. dicitur: Rugitus leonis ira regis, qui eam prouocat, peccat in ani-  
mam suam. Homerus quoq; dicit,

*θυμὸς δὲ μέγας ἐστὶ διωτρεφέων βασιλῶν.*

Rex qui irascitur, siue iustè siue iniustè hoc faciat, homines occidit.

Exemplū habes 2. Reg. 2. ca. de Salomone, qui indignatus contra Adoniā affectantē regnū,  
item contra Ioabum & Semei, eos iubet occidi. In Assuero, qui Hamanum in cruce agi  
præcipit. Exemplum iniustæ iræ habes in Theodosio, in Thessalonicenses grassante: item in  
multis alijs. Tunc autem merito excandescit Rex, quando subditi uerbum Dei, Regem su-  
um, & leges contemnunt, seditiones concitant & turpiter uiuunt. Immerito irascitur, si sub-  
diti contra Dei uerbum, idololatriam exercere nolunt. Subditi reuerentur regem, & caue-  
ant ne eius indignationem incurrant.

Vir autem sapiens placabit eam. ) קַפָּה kaphar in secunda coniugatione significat tegere, operi- *Prudentes*  
re, abscondere uel sordes uel erratum uel iram, ne amplius appareat, imputetur & offendant. *uiri sedant*  
Eam. ) scilicet iram principis erga se & alios. *iram regū.*

Vir prudens ita se gerit, ut rex non possit merito ei irasci: nihil etiam omittit, ut regem ira-  
tum placare possit. Utile autem est reges habere consiliarios, qui eorum impetus cohibeant,  
præsertim si natura sint feroces & truculenti. Pessimum autem est, si eos contra subditos su-  
os incitent, & ad fundendum sanguinem instigent. Quales sunt maledicti illi homines, qui  
principum animos subinde contra purioris doctrinæ amantes inflamment. Priuati quoq; ho-  
mines discant, hominū natura ferociū irā sedare. Vxores maritos hoc uitio laborantes, subinde  
retrahant, nec addant oleum camino.



## 15 In luce uultus regis, est uita.

Hoc est, Serenus ac hilaris uultus principis, exhilarat populum. Si caput in corpore rectè habeat, etiam alia membra melius habet. 2. Sam. 19. Cum rex David lugeret cæso Absolomo, fecit ut populus clam ingrederetur urbem, non pompa triumphali.

*Beneuolentia principis, subditos exhilarat.* Et beneuolentia eius, est ueluti nubes pluuiæ ferotinæ. Beneuolentiam & clementiam regis erga subditos, maximè illos, à quibus offensus est, pluuiæ ferotinæ assimilât, quæ maturis messibus uenire consuevit. Deut. 11. Deus populo pluuiam promittit temporaneam & ferotinam, quæ illis maximè regionibus, propter æstum, est necessaria. Quemadmodum herbæ flaccescentes, pluuiâ recreantur & adolescunt: ita subditi beneuolentia principis. Virtus præclara in principe est gratia & beneuolentia erga suos homines. Traianus imperator, amicis, qui eum reprehendebant, quod in omnes plus quam imperatorem deceret, comis esset, prudenter admodum respondit: Se talem uelle imperatorem esse priuatis, quales imperatores sibi esse priuatus optasset. Hic à Plinio admonitus de Christianis, edictum suum temperauit. Plebei homines plurimum gaudent comitate suorum principum. Videndum tamen, ut etiam iustitia locum habeat, ne clementes sint erga indignos. Christo optimè congruit hæc sententia, in cuius iucundissimi uultus aspectu, uita æterna consistit.

## 16 Possidere uel acquirere sapientiam, melius est auro, &amp; intelligentiam possidere, præstantius argento electo.

*Sapientiæ dignitas.* Si per sapientiam (nolo enim hic sapientiam anxie distinguere, ab intelligentia) accipias notitiam Dei, quæ uera est sapientia, preciosissimas quasque res mundi longe lateque superat. Reliqua enim omnia multis casibus sunt obnoxia: sæpe uiuum deserunt, tantum abest, ut morientem comitentur. Hæc uerò hominem nunquam deserit, ne in extremo quidem tempore ætatis. Illa ad salutem æternam comparandam nihil ualent: per hanc uerò uitam æternam consequimur. Si intelligas sapientiam seculi quæ naturali lumine comparatur, & ad res huius mundi regendas & administrandas plurimum ualeat, longè etiam auro & argento antefèrenda est. Et si enim hominem ad æternam salutem non perducatur, alia tamen commoda habet. Quomocumque res cadant, sapientes uiri, semper locum honestum acquirunt. Stultum itaque est alijs rebus inhiare, & maximos thesauros negligere. Bias ille, de quo alibi diximus, etiam sapientiam alijs rebus præferebat.

## 17 Viarectorum est discedere à malo: qui custodit uiam suam, custodit animam suam.

Malum est quicquid legi Dei repugnat: uia rectorum est, sibi à malis tum hominibus, tum rebus cauere. Qui autem sedulo curant, ne in studijs uel operibus suis, uel ad dexteram uel ad sinistram defleant, sed ueram uiam sequantur, uitam suam à malo custodiunt. Non ergo illi audiendi, qui suadent improborum uiam esse sequendam. Si in hoc & futuro seculo, felices & beati esse uouerimus, per impiorum iter ne ambulemus.

## 18 Ante contritionem est superbia, &amp; ante ruinam, est spiritus elatio.

*Spiritus pro superbia.* Spiritus superbiam uel animi elationem significat, etià apud Latinos. Cic. in oratione pro P. Sylla ait: res gestæ credo meæ me nimis extulerunt, & mihi nescio quos spiritus attulerunt. Hoc sensu Cæsar quoque in suis Comment. spiritum sæpe accepit. In pulmonibus superbia dicitur sedem habere, in quibus tumor est & anhelitus. Idem bis dicit, nempe superbos à Deo puniri: diabolica illa est superbia, quando homines non tantum suis operibus æternam uitam se mereri dicunt: sed opera quæ supererogationis uocant, alijs uendunt, eosque accepta pecunia suorum meritorum participes reddi asserunt. Custodiat misericors Deus omnes pios, ne operum Monachorum & Monialium participes fiant. Qui in sublimi aliquo gradu constituti sunt, & quibus omnia ex animi sententia eueniunt, humilitati studeant, ne supra suam sortem sese efferentes subito concidant. Cæsar in comment. lib. 1. dicit, Consueffe deos immortales, quo grauius homines ex commutatione rerum doleant, quos pro scelere eorum ulcisci uelint, his secundiores interdum res, & diuturniorem impunitatem concedere. Claudianus in Ruffinum lib. 1.

Tolluntur in altum

Vt lapsu maiore ruant.

Seneca in Hercule furente:

Dominare tumi dus, spiritus altos gere.

Sequitur superbis ultor à tergo Deus.

Vide Erasmi Prouerb. Peruicacia stultitiæ dat pœnas. Exemplum habes in Absalomo, & multis alijs. Augustinus de Genesi ad literam lib. 11. cap. 5. Non arbitrandum est, inquit, quod esset hominem deiecturus iste tentator: nisi præcessisset



cessisset in animo hominis, quædam elatio comprimenda, ut per humiliationem peccati, quam de se falso præsumperit, disceret. Verissimè quippe dictum est, *Ante ruinam exaltatur cor,* &c. Repetitur hæc sententia cap. 18. uersu 12.

19 Melior est humilitas spiritus cum abiectis, quàm diuidere spolia cum superbis.

Humiles à superbis illis hominibus contemnuntur & opprimuntur: sed præstat humiliari, quàm cum gigantibus illis spoliū diuidere. Iucundum quidè est, deuictis hostib. prædā partiri ( præsertim si hostes sumptuose uestiti sint ) tamen alterum illud potius eligendum dicit. Superbi enim miserabilem tandem exitū habebunt. Diuitias ipsorū, sequuntur multa mala. Ad Heb. 11. cap. de Mose legitur, iam ad ultimum renuisse uocari filium filia Pharaonis, & maluisse affici malis cum populo Dei, quàm temporarijs illis commodis frui, ac tandem æternū perire. Iudicio uulgi stultè fecisset, sed exitus declarauit, quàm rectè & prudenter fecerit. Consolatur itaq; hæc sententia afflictos & oppressos. Non præsentia tantum inspicere oportet: sed de futuris cogitare. Solomon in Ecclesiaste cap. 7. sententiam habet huic non ab- similem: Melius est ire ad domum luctus, quàm ire ad domum conuiuij. Ibi est omnibus ho- minibus finis, & qui suauiter uiuunt, hi in corde suo expendunt.

20 Intelligens rem uel uerbum, inueniet bonum.

שכל *sachal* circumspēctum esse, intelligere, prospicere, accuratè consyderare significat. Nihil temere Qui non temere rem aliquam suscipit, sed consilio agit, omnia expendit, finem consyderat, re suscipiens & imprimis an aliquid uerbo Dei sit consentaneum: non facillè errabit, sed se feliciter expendit. Rationem nobis Deus indidit, ut ea utamur: in Psalmo dicitur, ne simus ueluti asinus & mulus. Satan sæpe nos ad scelera pellicit: sed non incogitanter est agendum. Iuuenes plerūq; in coniugijs, contrañtib. & alijs rebus temere agunt, ideoq; multa mala incurrunt. Si peritiorum uterentur consilio, sæpe res eorum melius haberēt. Præcipuè autem in rebus arduis, quæ ad religionem & Remp. spectant, in bellis, fœderibus, & alijs huiusmodi, accuratè consyderandum est, quid faciendum uel omittendum uideatur. Non autem spes est collocanda in humana prudentia, sed in illo solo Deo. Si per דבר *dabar* uerbum intelligas, sensus erit, in sermone nos circumspēctos esse debere.

Et qui sperat in Domino, is est beatus. Sic pater quoq; Solomonis Psal. 40. dicit: Beatus uir, cuius est nomen Domini spes eius. Et Psal. 84. Beatus homo qui sperat in te. Spes magis uidetur miserum reddere, eò quòd animum res futuras expectantem cruciet, quem admodum suprà 13. cap. uersu 12. dictum est. At quia sperantes in Deo ei placent, eumq; beneuolum experiuntur, meritò illos beatos prædicat. Huc pertinent multa loca scripturæ. Psalm. 32. Multa flagella peccatoris, sperantem autem in Domino misericordia circundat. Psalm. 33. Ecce oculi Domini super timentes ipsum, & super eos qui sperant in misericordia eius. Et 146. Beneplacitum eius est, super eos qui sperant in ipsius misericordia. Et si non omnia ex animi sententia eis succedant: tamen propter certitudinem promissionum Dei, pacatis sunt animis, sciunt sperantes in Deo non posse deferri.

21 Sapiens corde, appellabitur intelligens.

Qui multa uidit, audiuit, didicit & expertus est: etsi facundus non sit, prudens iudicatur.

Et dulcedo labiorum, addit doctrinam. Quando ad sapiētiam hoc accedit, ut aliquis sit eloquēs, Eloquentia multos potest erudire, cum in religione, tum in rebus alijs. Eloquentia enim uehementer doctrinam commendat. Addunt etiam eloquentes sibi ipsis doctrinam. Docendo enim discimus, & quotidie multa uidemus quæ antea ignorabamus. Matth. 25. legimus illum, qui sibi credito talento bene usus fuerat, plura accepisse.

22 Vena uitæ est prudentia habenti eam.

Intelligentia qua bonum à malo, utile ab inutili, &c. discernimus, maxime uerò intelligentia rerum diuinarum, ad multas res est perutilis. Id breui similitudine illustratur. Fons uitæ, id est, saliens, non modo decus est urbium, sed magna commoda præbet ciuib. (Hinc magnis sumptibus fiunt aquæductus, & canales per quos in urbes deducantur.) Ita prudentia non tantum ornat hominem, sed multa ei qui ea præditus est, & alijs etiam commoda præstat: nempe ut hîc piè uiuere, & post hanc æterna uita potiri queat.

Castigatio autem stultis uel stultorum stulticia est. Sic suprà legi, abominatio est regib. facere impietate. Stulti castigationē paterno animo profectā, stulticiā interpretantur: & quemadmodum illi qui corrupto & uitiato sunt cerebro, bonos odores, ita stulti castigationem auersantur. Illos amore prosequuntur, qui eis blandiuntur, eorūq; instituta probāt & collaudāt: tamen si reuera capitales ipsorum sint hostes & inimici. Christus multa egit cum suis aduersarijs,



sed salutarem eius doctrinam tanquam stultam reiecerunt: edidit miracula stupenda, sed ipsi magis magisque indurati sunt. Experimur hodie ueritatis inimicos, qui tamen sapientes uideantur, tamen uerè stulti sunt, castigationem & eruditionem pro stulticia explodere. Quisque uerò nihilominus suum faciat officium, ne illi nostra culpa pereant. Potest hic quoque sensus assignari, *castigatio stultorum stulticia est*, hoc est, stultè agunt qui stultos castigant: tantundem enim efficiunt, ac si quis Æthyopem dealbare uelit. Vel si stulti alios reprehendant, stultè id faciunt, nulla habita ratione circumstantiarum.

### 23 Cor sapientis dirigit prudenter os suum.

Qui cordatus est non temerè loquetur, sed etiam atque etiam operam dabit, ut ea dicat quæ ad Dei gloriam & proximorum utilitatem pertinent, assuescet utilia & salutaria loqui, loco & tempore opportuno.

Et adijcit labijs suis doctrinam.) Quia non statim loquitur, sed plura audit quàm dicat, adhuc alios docet, quotidie in doctrina maiores progressus faciet.

### 24 Fauus mellis sunt uerba iucunda, dulcedo animæ & fanitas ossium.

Oratio diserta animos reficit.

Id est, Corporis. Sensus est, orationem elegantem, disertam, uirilem & plenam consolatione homines recreare & reficere. Si animus rectè constitutus sit, corpus etiam rectius habebit. Homerus Nestoris facundiam etiam melli comparat:

τοῦ καὶ ἀπὸ γλώττης μέλιτος γλυνίον ῥέει αὐδῆ:

Hoc est, Ex eius lingua melle dulcior fluebat oratio.

Quòd autem oratio elegans & suauis homines erigat, in bello & pace est manifestum. In bello si congregiendum sit cum hoste, sæpe languent animi militum, sed oratione militari ducis eriguntur. Si qui oratione suauis, patriæ commoda oppugnare uelint, & alij se eis, oratione non minus diserta opponant, animi illorum qui patriæ studiosi sunt, magnam suauitatem percipiunt. Fit ut homines propter peccata sua, animo sint prorsus abiecto, & tantum non in desperationem incidant: fit ut morborum diuturnitate, patientia eorum expugnetur: sed dulcissimis scripturæ sententijs, & exemplis consolatione plenis, eriguntur & confirmantur. Quemadmodum illi qui deliquium animi patiuntur, aqua aspergi uisum recipiunt: ita afflicti & perturbati consolatione uerbi Dei recreantur. Legimus oratione placida, magnos sæpe motus fuisse sedatos.

### 25 Est uia quæ uidetur hominī recta, cuius tamen nouissimum sunt uiæ mortis.

Contra bonam intentionem.

Hæc sententia, quòd homini interdum instituta & mores probentur, quorum exitus ad mortem tendat, supra 14. cap. quoque posita est: nunc autem ideo repetitur, quia ualde est necessaria. Multos hoc decipit, quòd Deū colere uolunt suis adinuentionibus, putantes id quod bona intentione faciunt, Deo non posse displicere. At Deum grauiter offendunt. Non enim ea facienda sunt, quæ nos Deo grata esse arbitramur, sed quæ ipse præscripsit. Insignis hæc de re locus est Deut. 12. Christus ex Isaia 15. ca. Matth. dicit, Frustra me colunt docentes mandata hominum. Omnis plantatio, &c. Exemplum Saulis qui pingues boues ex præda Amalechitica seruauit: & illorum qui suos liberos per ignem lustrabant, ostendunt quàm gratæ sint Deo nostræ bonæ intentiones. Deus uerbo suo præscribit, quæ bona opera faciamus. Decalogus absolutissima est bonorum operum forma. Quæ igitur urget necessitas, illis omisissis quæ Deus præcipit, noua constringere ipsius mandatis contraria? Seruos & ancillas tuas non ferres, si alia agerent quàm quæ præscripsisti. Quid diceres si illis omisissis, uasa tua

Traditiones hominū præferuntur præceptis Dei.

omnia confringerent? Accedit ad hæc, quòd electitia sua opera, operibus à Deo præscriptis longè præferunt. Id quod multis rebus potest ostendi. Si quis simulachrum in templo aliquo lædat, statim ad flammam rapitur: si uerò in bello, quod Papa nefariè contra aliquem bonum principem gerit, homines ad imaginem Dei conditos perimat, illis non uidetur grauius ter peccasse. Si quis diebus uetitis à Papa, uescatur carnibus, misère tractatur: si uerò quotidie inebrietur & turpiter se gerat, nemo curat. Si sacrificus uxorem ducat & honestè uiuat, dignus uidetur, qui protinus exuratur, aut minimum pellatur in exilium: si uerò prætextu uoti stulti, scortorum greges alat, per monasteria uirginum uestalium oberret, uirgines & matronas corrumpat, non deponitur ab officio. Quin si contra naturam peccet, facilius apud multos gratiam impetrabit, quàm si honestam uxorem ducat. Hæc cum lippis & tonsoribus nota sint, nemo tamen est, qui de emendatione seriò cogitet: postea clamant, nos damnare bona opera, cum maximos illos abusus & fictitia opera reprehendamus.

Quæ de religione & cultu Dei dicta sunt, ad communem quoque uitam pertinent. Putant multi, si malis artibus opes parent, rem rectè habere, at hæc uia ducit ad mortem, &c.

Alia



Aliæ quoque uiuendi rationes hominibus probantur, quæ Deo sunt abominationi.

26 Anima laborans (uel laborantis) laborauit sibi, quia incuruauit se super os suum.

Anima per Synæchdochen Hebræis familiarem ponitur pro homine. Laborauit sibi, hoc est, ob suam necessitatem, quia os eius incuruat se ei, & postulat quotidie cibum. Obscura est sententia. Ostendit laborem necessarium esse hominibus: nam si & nos & familiam nostram alere uolumus, aliquid agamus oportet. Labor uerò honestus nobis commendatur. Propter peccatum Adami, terra spinas & tribulos producit, ut in sudore uultus uictus parandus sit. Paulus enim in 2. ad Theſſalon. 3. capite, laborem nobis commendat, qui non est unius generis. Quidam corpore magis quàm ingenio perficitur, ut agricultura, mercatura, artificia ferè omnia: quæ etiam uaria sunt. Quidam ingenium potius quàm robur corporis requirit, ut est illorum qui Ecclesiam & Rempublicam gubernant. Quos si quis nihil agere dicat, non minus mihi ineptus uidetur (ut Ciceronis uerbis utar) quàm qui gubernatores in nauigando agere nihil dicat, cum alij malos scandant, alij per foros cursitent, alij sentinam exhauriant: illi autem clauum tenentes sedeant in puppi quieti, non faciant ea quæ agricolæ & opifices, at uerò multò maiora & meliora faciunt. Quisq; autem fideliter labore in sua uocatione, & otium tanquam certissimam pestem fugiat. Castalio uertit, Qui laborat sibi laborat, quippe quem suum cogit os.) id est, cibi necessitas.

Labor.

Labor animi & corporis.

27 Vir Belial effodit malum, & in labijs eius est quasi ignis flagrans.

Duas proprietates hominis impij complectitur. Quid nomine Belial significetur capite sexto ostendimus.

Impiorum natura & ingenium.

Primum dicit, non contentum esse, quod ex humana infirmitate & ignorantia multa cogitet, loquatur & faciat, contra legem Dei: & interdum in magna scelera prolatur, id quod sanctis etiam usu uenire solet: sed magno labore & studio malum perficere. Hoc ostendit metaphora sumpta à metallicis: qui aurum, argentum, ferrum & alia metalla ex terra magno labore & impensis effodiunt. Aut ab illis qui in latumijs laborant, uel simpliciter à fossoribus. Fodendi autem labor magnus est. Die noctuq; cogitant, quomodo malum patrent, nullum laborem recusant, ut religionem puriorem opprimant, honestatem uitæ profligent, & proximos suos probis afficiant: multa quæ iam dudum sepulta erant, ad obfusandum nomen aliorum reuocant. Effodiunt etiam sibi ipsi malum: nam tandem infelicem exitum habent.

Quidam sic exponunt, Impius fodit malum.) Id est dolosè præparat proximo suo laqueum uel periculum. Alibi dicitur, fodit proximo suo foueam.

Altera proprietas impiorum est, quòd in labris eorum, est ignis ardens. Mala quæ excogitarunt proferunt: omnes incendunt & inflammant, petulanti & improba sua lingua: sunt faces Ecclesiæ & Rerūpublicarum. Iacob 3. capite, linguam igni comparat. Si ignis materiam idoneam corripit, statim longè lateq; spargitur: sic lingua mala, priuatim & publicè, pacis & belli tempore longè patet ad nocendum. Specie certè & colore, lingua ignis flammam refert. Aliæ proprietates hominum Belial, alibi describuntur. Si nunc exhorres nomen impij, caue tibi ab eorum studijs & moribus.

Lingua igni comparatur.

28 Vir peruersitatum immittit dissensionem.

Cohæret hic uersus cum superiore, & est eius quædam explicatio. Vir peruersus, hoc est, qui recedit à regula uerbi diuini, quique linguam peruersam habet, author est omnium dissidiorum & contentionum. Nam ipse litigat cum alijs, & alios inter se committit. Exemplum habemus in historia regum. Cum enim Achab defleſſeret à uerbo Dei, & dijs alienis feruiret, dissidia oriebantur & turbæ, quarum causam in Heliam conferebat. Hodie dissidia religionis, non aliam habent originem, quàm quòd multi non uolunt obtemperare uerbo Dei, à quo recesserunt: & multa defendunt contra conscientiam, ne errasse uideantur. In rebus ciuilibus etiam oriuntur certamina, si non sumus constantes in promissis, sed perfidi, uel alias peruersi.

Et delator disiungit principem.) Scilicet à subditis suis. Exemplum huius rei habes in Seba filio Bochi, 2. Sam. 20. cap. מלכא אלופ, principem uel ducem interpretantur. Micheæ 7. cap. dicitur, Ne fidamus in duce: ubi Jonathan uertit, in consanguineo: Kimhi, in fratre maiore. Quidam hoc loco accipiunt pro marito, in qua significatione legitur suprà cap. 2. Omnes illæ interpretationes optimè huic loco congruunt. Susurriones enim, homines cōiunctissimos diuellunt: principem à subditis, maritos ab uxoribus, fratres à fratribus. Luth. reddit, Disiungit principes à se inuicem. Illis hominibus Deus author ueræ pacis & concordie, ualde infensus est. diuellunt.

Susurriones homines cōiunctissimos diuellunt.



Pulchrum enim est si illi homines sint concordēs, Eccles. 25. ab initio. Suprà 6. cap. Dominus sex dicitur odisse, septimum autem ex animo detestari, illum nempe qui ferit inter fratres dissidit. Fratres autem in scripturis (quemadmodum Hieronymus in libello cōtra Heluidiū disputat) quatuor modis dicuntur: Natura, gente, cognatione & affectu, idq; uel spiritualiter uel communiter, &c. Eijciendi ex ædibus sunt susurrōnes, nec patulæ eis sunt præbendæ aures, si pacatè & quietè uiuere cupiamus. Videndum tamen, ne amicos monitores, tanquam susurrōnes repellamus, utq; concordia nostra & cōsensio Deo probetur. Addendum est, delatorem, non modò ducem à subditis separare, sed etiam à seipso. Nam dux tandem re intellecta, eum pœnis afficit.

29 Vir uolentia decipit proximum suum, ducitq; eum in uiam non bonam.

Scelerati-  
lios quoque  
ad scelera  
pelliciunt.

Viri audaces & temerarij (חמס chamas, propriè uolentiam & iniuriā significat, quæ consistit in rapina) uerbis blandis proximos suos ad falsam religionem & ad scelera pelliciunt (חנף pathah enim significat blanditijs fallere seu decipere) ad malum pœnæ etiam eos ducunt. Falsi doctores contra conscientiam multos abusus defendunt, interim iurant hanc esse ueram uiam, quam ipsi monstrant: pelliciunt homines blandis uerbis, ut ipsis adhæreant. De his Deut. 11. legitur: Cauete uobis, ne blandis uerbis persuadeatur cor uestrum, & recedatis & colatis deos alienos. Sic iuuenes & uirgines in monasteria pelliciuntur. Multi hortantur alios ad opprimendum ueram doctrinam, ac multa eis promittunt: sed experientur tandem se malam uiam esse ingressos. Sic mercenarij milites, fures, latrones, suis sectatoribus montes aureos promittunt, eosq; ad res malas pertrahunt: sed tandem magno suo malo discunt, quàm mala sit illa uia quam sunt ingressi. De hac re elegantissimum habemus locum 1. cap. Exemplum uerò in Catilina, apud Salustium. Tametsi uerò coryphæos illos, maior pœna maneat: illi tamen non effugient, qui se eis seducendos præbuerunt. Cauendum itaq; est à consuetudine illorum hominum, qui non contenti propria malitia, alios quoque in scelera protrudere conantur.

30 Claudens (uel obfirmans) oculos suos ad cogitandum peruersa, & annuens labijs suis, perfecit malitiam.

Cogitatio-  
nibus & ge-  
stibus pec-  
cari.

Sensus est, non modò illos legis transgressores esse, qui aliquod facinus patrant: sed etiam qui de flagitio cogitant, & assensum præbent. Qui oculos suos claudunt, melius de re aliqua possunt cogitare: animus enim uarijs obiectis non distrahitur. Et hinc fit ut cæci plus ferè ualeant memoria, quàm alij homines. Laborum etiam motu, animum nostrum prodimus, ueluti contemptum aliorum, &c. Qui uerò indulget cogitationibus malis, non repellendo eas, & qui externis gestibus non imperat, peccat contra leges Dei. Hac de re seruator noster Christus disputat in 5. cap. Matth. ostendens, non illos modò esse homicidas, qui armata manu proximum suum iugulant, sed etiam qui extinctum uellent: non illos tantum adulteros, qui uxorem proximi constuprant, sed qui uel uident eam ad concupiscendum: gradus tamen sunt in peccato. Homines longè aliter de his rebus iudicāt: putant enim illos qui formidine ignominia uel pœnæ, mala non designant, uel cum maximè cuperent, tamen nefarium aliquod opus patrare nō ualent, à scelere immunes esse: sed longè secus pronunciat lex diuina, quæ etiam concupiscentiam uetat. Quò igitur, inquis, nos uertemus? Quis erit innocens coram tribunali Christi? Hæc ideo proponuntur ut agnita nostra miseria, ad Christum confugiamus, qui nos à maledictione legis liberauit.

31 Corona gloriæ est canities, quæ in uia iustitiæ reperietur.

Canities  
decora illis  
qui honestè  
uixerunt.

Similis ferè sententia 20. cap. ponitur. Non est quod homines pudeat caniciei, hoc est senectutis: est enim corona gloriosa, hoc est, ornamentum non solum senibus, sed & toti Reipub. Nam Deus testatur, se fauere illi Reipub. cuius ciues ad iustam ætatem conseruat. Apud prophetas ingratis Iudæis minatur, se ablaturum ab eis senes, hoc est, sapientiam & consilium. Additur autem, *Quæ in uia iustitiæ inuenietur*. Nam uiris qui in iuuentute res turpes exercuerunt, & in senectute poenitentiam non agunt, cani capilli non sunt ornamento. Mulieribus etiam quæ in iuuentute pudicitiam prostituerūt, & in senio lenocinium exercent, canities non est gloriosa. Sola ætas, senes non dignos facit honore & reuerentia: sed uirtus, multarumq; rerū experientia. Romani, ut scribit Augustinus lib. 5. de Ciuitate Dei cap. 12. duas ædes coniunctas honoris & uirtutis habuerunt. Sic autem erant constructæ, ut uirtutis ædes anteposita fuerit, & post inde honoris: significantes solam uirtutem esse ueram uiam ad honores. Cicero scribit in libello suo de Senectute: Mementote eam melaudare senectutem, quæ fundamentis adolescentiæ constituta sit. Et mox: Non cani, non rugæ, repentè autoritatē afferre possunt:



re possunt: sed honestè acta superior ætas, fructus authoritatis præbet extremos. Seneca epistola 62. ad Lucilium, Turpis, inquit, & ridiculosa res est elementarius senex. Desine eadè uel le senex, quæ uoluisti puer: hoc opus sit, hoc cogitato, imponere ueteribus malis finem. Chrysost. in epistolam ad Heb. sermo. 7. Canicies tunc uenerabilis, inquit, quando ea gerit quæ caniciem decent: cum uerò iuueniliter senex conuersatur, plus iuuenibus ridiculus erit.

Discant igitur ex hac sententia, primùm iuuenes, ut si uelint honorari in senectute, uirtuti studeant in iuuentute. Parentes suos & alios maiores natu reuerenter colant, hoc est, multum eis tribuant, sibiq; caueant ab illis, quæ eos offendunt. Iusto enim Dei iudicio fit, ut qui in iuuentute senes contempserunt, ipsi quoq; in senectute ab alijs contemnantur. Apud gentiles etiam multa præclara leguntur de reuerentia erga senes. Celebrantur legati illi Lacedæmoniorum, qui Athenis in theatro, cano seni assurgebant, & sessum recipiebant, cui à suis ciuibus locus nusquam dabatur. Ouidius lib. 5. fastorum:

Senes hono  
randi.

Magna fuit capitis quondam reuerentia cani,

Inq; suo precio ruga senilis erat.

Nec nisi post annos patuit tunc curia seros,

Nomen & ætatis mite senatus habet.

Verba quis auderet coram sene digna rubore

Dicere? censuram longa senecta dabat.

Extat peculiaris lex Dei, de senibus honorandis, Leuit. 19. ubi præcipit, ut cano capiti assurgamus. Hinc sumptum uideri potest, quod Iuuenalis scribit satyra 13.

Credebant hoc grande nefas & morte piandum,

Si iuuenis uetulo non assurrexerat, &c.

2. Regum 2. capite in calce memorabilis legitur historia, quæ ad hunc locum pertinet. Helisæus propheta, ascendens in Bethel, à puerorum caterua ex urbe egredientium, sannis exceptus est: clamabant enim, Calue ascende, calue ascende: propheta maledixit eis afflatu Domini, & statim duo ursi ex proxima sylua egressi, quadraginta duos pueros dilaniarunt, in æternum exemplum omnibus parentibus, ut ita instituant suos liberos, ne peregrinos & senes ludibrio habeant.

Deinde seniores ex hac sententia discant, ne quid sua ætate indignum committant, sed uirtuti dent operam, & à uitijs cum alijs, tum illis quæ ætas illa secum affert, sibi temperent. Lacon quidam interrogatus, cur promissam aleret barbam canam: respondit, Ut canos intuens, nihil committam illis indignum. Vox est non modò Spartano, sed etiam Christiano digna. Si in iuuentute tua dissolutè uixisti, uide ut in senectute poenitentiam agas, & quæ peccasti corrigas: id quod ad uiros pariter ætate protectos, & ad anus pertinet. Quid senes deceat paucis D. Paulus ad Timotheon secundo capite comprehendit. Idem etiam præclara exempla senum ostendunt. Berzelai, de quo 2. libro Samuelem 19. capite legitur, inuitatus à rege Dauide, ut secum iret Hierosolymam, essetq; inter aulicos, propter beneficia, quibus Dauidem regno pulsum affecerat, respondit: se iam octogenarium esse, nec è re Dauidis, nec è re sua esse, ut aulam sequatur. Rogat, ut eum in ciuitatem suam redire permittat, in qua mortuus iuxta sepulchrum paternum sepeliatur. De morte magis quàm de delitijs aulicis cogitat. Semper quidem præparare nos ad mortem debemus, maxime uerò si senectus nos urgeat. Laborant tamen hoc uitio multi senes, quòd iuuenes uideri uelint, cum tamen capilli canescant uel defluant, memoria labascit, sensus hebetentur, dentes excidunt, oculi fluant, & neq; manus, neq; pes, suum officium rectè faciat. Simeon cum Christum infantem in ulnas suas accepisset, optauit mori, Lucæ secundo capite: ne igitur miserè metuas mortem, cum contra eius metum tot scripturarum oraculis munitus sis.

Officium se  
num.

Præcipuè uerò senes qui populum gubernant, suum officium strenuè exequantur. Ministri Ecclesiæ, in asserenda uera doctrina sint constantes. De Polycarpo legitur in Ecclesiæ historia Euseb. libro quarto, capite decimoquinto, quòd cum ad defectionem sollicitaretur à præside, qui iubebat ut ætati parceret, & Christo conuiuium diceret, responderit: Iam octogimum sextum annum Christo seruiò, nec me ulla in re læsit unquam, & quomodo possum maledicere regi meo, qui me seruauit? Qui præsunt Reip. strenuè agant, semper cogitantes paruū uitæ spaciū eis restare. Huc illud pertinet quod Pisistrato tyranno à Solone responsum est: Cū illi quærenti (ut scribit Cic.) qua tandè spe frerus, sibi tā audacter resisteret, respondit, Senectute. Val. Maxim. libro 6. capite 2. scribit de Cefellio, quòd cum triumuiris non pareret, & multa liberè contra C. Cæsarem loqueretur, admonentibus amicis, ut sibi caueret: Duæ, dixit, res sunt quæ cæteros reddunt formidolosos, mihi maximam suppediant fiduciam, senectus & orbitas. Senatus deligitur ex senioribus, non tantū propter multarum

Senatus cur  
deligatur  
ex senibus.



rerum experientiam, qua præditi sunt: sed eam quoque ob causam, quòd cùm morti uicini sint, animosiores & fortiores esse debeant, quàm adolescentes, & nihil contra publicam iusticiam ac religionem agere. Queruntur interdum senes, se contemptui esse iuuenibus: cum tamen in ipsis culpa hæreat. Anus quoque quomodo se gerere debeant, Paulus ad Tit. 2. cap. ostendit. Exemplum autem quod intueantur, Annam habent, Luc. 2. cap. præsertim quæ uiduæ sunt. Habemus igitur, canitiem esse decoram illis, qui uel in iuuentute honestè uixerunt: uel quod peccatum est in iuuentute, in senectute emendant.

32 Melior est tardus ad iram, quàm fortis: & qui dominatur spiritui suo, quàm qui capit urbem.

Magnam laudem merentur, qui robore corporis præditi sunt. Duces qui in bello hostes profligant, arces & oppida euertunt, regiones occupant, magnifunt à ciuibus. In imperatorijs legibus multis & magnis priuilegijs ornantur: at iudicio sapientis, maiore laude dignus est, qui irā, & alios uitiosos affectus, frenat, quàm qui urbes expugnat, & hostes superat. Præui affectus, ira, inuidia, auaritia, ambitio, luxuria, capitales nostri hostes sunt, nos in seruitutem suam redigunt. 2. Pet. 2. cap. A quo quis superatus est, huius seruus est: ibi fortiter est pugnandum. Hi sunt Turci nostri, contra quos assiduè bellum geri debet. Samson hostibus Palestinis multa dedit damna: interim turpi amore uictus est. Hercules multa monstra domuit: sed tandem seruiuit Omphalæ. Hac de re consule Lactantium lib. 1. diuinarum Instit. cap. 9. Alexander Magnus magnam orbis partem deuicit: sed tamen ebrietatem & iram suam domare non potuit.

Multæ sententiæ in prophanis quoq; scriptoribus leguntur, quæ ad hanc illustrandam pertinent. Cato senior (scribit Plutarchus in Rom. apophtheg.) dicebat, eum optimum & laude dignum esse imperatorem, qui proprijs suis affectibus imperare posset. Seneca ad Lucilium: Si uis omnia tibi subijcere, subijce te rationi. Multos reges, si ratio te rexerit: ab illa discas, quid & quemadmodum aliquid aggredi debeas. Apud Liuium, Scipio Masinissam sic affatur: Non est, mihi crede, tantum ab hostibus armatis ætatis nostræ periculum, quantum à circumfufis undiq; uoluptatibus. Qui eas sua temperantia frenauit ac domuit, multò maius decus, maioremq; uictoriam sibi peperit, quàm nos Syphace uicto habuimus. Valer. Max. lib. 4. Multo enim multoq; seipsum, quàm hostem superare operosius est, nec aduersa prope festinatione fugientem, nec secunda, effuso gaudio apprehendentem. Horatius lib. 2. Carminum hanc sententiam Solomonis pulcherrimè expressit.

” Latius regnes auidum domando  
” Spiritum, quàm si Libyam remotis  
” Gadibus iungas, & uterque Pœnus  
” Seruiat uni, &c.

Seneca in Thyeste:

” Quis uos exagitat furor  
” Alternum dare sanguinem  
” Et sceptrum scelere aggredi?  
” Nescitis cupidi arcium  
” Quo regnum iaceat loco.  
” Regem non faciunt opes,  
” Non uestis Tyriæ color,  
” Non frontis nota regiæ,  
” Non auro nitidæ trabes.  
” Rex est, qui posuit metus,  
” Et diri mala pectoris,  
” Quem non ambitio impotens;  
” Et nunquam stabilis fauor  
” Vulgi præcipitis mouet, &c.

Tale etiam illud est quod Claudianus sub nomine Theodo. præcipit:

” Tu licet extremos latè dominère per Indos,  
” Te Medus, te mollis Arabs, te Seres adorent:  
” Si metuis, si praua cupis, si ducis ira,  
” Seruitij patière iugum, tolerabis iniquas  
” \*Alterius leges: tunc omnia iura tenebis,  
” Cum poteris rex esse tuis, &c.

\* Alij, interius.

Apud Græcos etiam multæ hac de re sunt insignes sententiæ. Illa Pythagoræ nota sunt, quæ citantur



citantur à Stobæo: *Δυσίεν πάθει χαλεπώτερον ἢ τυραννίς. ἐλσύτερον ἀδύνατον εἶναι, τὸν πάθει δαλύνοντα, καὶ ὑπὸ πάθῳ ἡρατὺ μόνον.* Idem: *ἡ δὲ ἐλσύτερος ἐαυτὴ μὴ ἡρατὺν, &c.*

### 33 In sinum proijcitur fors, at à Domino est totum iudicium eius.

Hæc gnomo primo aspectu leuicula uidetur, sed si quis diligenter eam expendat & euoluat, uidebit rem maximi momenti continere: nempe quòd uniuersa & singula, illa etiam quæ uulgò temerè accidere putamus, Dei arcana prouidentia gubernentur. Similis est hæc sententia, gemmæ paruulæ quidem, sed preciosæ ob innumeras suas uirtutes. Quod si omnium hominum mentibus esset impressa, ad omnem casum essent paratiores: rebus secundis non insolescerent: rebus aduersis animum non desponderent. Videamus igitur quid contineat. *ῥη* chek uel *ῥη* absque iod, sinus uel gremium. Et quia sinus est corporis medium, per Metaphoram significat medium. Item quia pars est interior, ad concauitatem cuiusque rei transfumitur. Ezech. 43. Et sinus ei, id est, concauitas. Sensus igitur erit, fors in medium, uel in uas concauum, uel secundum literam, in sinum aut gremium conijcitur: quod intelligendum est ex more ueterum. Olim enim conijciebantur sortes, in uasculum aliquod, quod Græcis *κἀλυσκος* dicitur, ueluti in urnam, situlam, hydriam, galeam: deinde agitando confundebantur, mox educebantur. Sors autem siue signum sortitionis, quod in urnam conijciebant, calculus uidelicet, conchula marina, scheda, testula, aut simile quid, à Græcis *κλῆρος* uel *πᾶλος* dicitur: Quacunq; autem ratione fors fiat, à Domino temperatur. Hoc loco non modò ad intelligentiam huius sententiæ: sed etiam aliorum locorum scripturæ, in quibus mentio fit sortium, quædam de sortibus uidentur annotanda.

*Sinus.*

*Locus de sortibus.*

*Sors diuiforia.*

Sortes apud ueteres uariæ fuerunt: quarum aliæ licitæ sunt, aliæ illicitæ. Sortes diuiforiæ (sic enim uocant) licitæ sunt: illis inquiritur, ad quem pertineat res diuidenda, ut hæreditas, præda bello parta, & similia. Sorte Israelitis terra de mandato Dei distributa est. Num. 33. 26. cap. Hac ratione multæ contentions componuntur: decreto enim sortis, homines non inuiti acquiescunt. Pro. 18. ca. Sors sedat contentiones, & præduros componit. Ægyptij sortiebantur quos quisq; agros coleret. Sunt & illæ licitæ, quibus certæ functiones idoneis personis commendantur. In ueteri Testamento, summi potestates sorte deligebantur. Saul sorte rex designatus esse creditur. 1. Reg. 10. In Græcia sacerdotia sortitò capiebantur. In nouo quoque Testamento, Matthias sorte, in Apostolum electus est. Prohibetur autem talis electio in Decretis, extra de sortilegis cap. ult. sed qua in re huius sortis usus, authoritati sacrarum literarum repugnet, non liquet. Athenienses annuatim magistratus suos sorte constituerunt. Apud Rom. quoq; magistratus sorte eligebantur. Iudices missi in urnam calculis, ita ferebant sententias, ut albis absoluerent, atris damnarent: qui si fuissent æquales, liberabant reum. Sortibus legati deligebantur. Præterea, consules prouincias sortiebantur. Causam Cor. Tac. li. 20. assignat, ne ambitioni aut inimicitijs locus foret. Quid enim æmulationes in Rebus, possint, quotidiana exempla ostendunt. Sortibus item coloniæ deducebantur: hinc coloni *κληρονομοι* apud Græcos dicti sunt. Si à multis rei militaris flagitium esset admissum, sorte decimus quisq; ad supplicium legebatur, ut ostendit Liu. lib. 2. In amplissima Venetorum Rep. hodie quoq; magistratus sorte deliguntur. Apud Hom. Iliad. γ. reuocatur ad sortem, Paris ne an Agamem. prior in aduersarium hastam iaciat. Sic hodie uulgò labores, excubiæ, uaria exercitia & certamina, & alia huius generis, sorte distribuuntur.

Est deinde sortium genus illicitum, diuinatorium appellauit, quando occulta ignotaq; per sortes inuestigamus: ueluti quis exitus huius uel illius personæ aut rei futurus sit: & his similia. Sic Ezech. 21. cap. Nabuchodonozor in biuio per sortes explorat, an ad Israelitas, uel alias uicinas gentes cum exercitu pergat. Sic coram Hamano quispiam misit sortem, de die in diem, de mense in mensem, ut exquireret quo mense & die, Iudæorum gens penitus deleri posset. Hester. 3. cap. Apud ueteres quoque Germanos, ea consuetudo fuit, ut matres familiæ eorum, sortibus inquirerent, utrum prælium committi ex usu esset nec ne. Quæ res ut Iulius Cæsar scribit, Ariouistum regem perdidit. Ad hunc ordinem pertinent illæ sortes quibus puellæ & adolescentes certis constitutisq; diebus, exquirunt quales uxores uel maritos habituri sint. Ex gentilismo hæ superstitiones originem suam duxerunt. Est autem ratio diuinandi ex sortibus, uaria & multiplex: Peucerus in erudito suo opere de Diuinatione, aliquot recenset. Hoc genus in uniuersum repugnat uerbo Dei. Omnia enim quæ nobis ad salutem nostram necessaria sunt, Deus nobis per os suorum prophetarum, Apostolorum, & imprimis filij sui reuelauit: ueluti De Antichristo, resurrectione mortuorum, nouissimo iudicio, æterna gloria & damnatione. Multa autem in sua potestate

*Sors diuinatoria.*



posuit, nolens nos scire omnia momenta & tēpora: Act. 1. Ioan. ult. cap. curiositas Petri retunditur, qua scire cupiebat qualem exitū Ioan. habiturus esset. Contenti nos illis debemus esse, quæ Deus nobis aperire dignatus est, eaq; ex uerbo eius petere. Reliqua uerò, quorum notitiam sibi referuauit, quorumq; cognitio ad nos non pertinet, neq; per sortes, neq; per alias superstitiones artes, aut qualescunque uias inuestigare debemus. Expressa hac de re extat lex Deut. 18. ubi superstitiones illæ artes à Deo prohibentur, & inter alias sortilegium ponitur. A sanctis quoq; patribus, sub poena anathematis prohibetur, 26. q. sortes. Quin etiam Cicero de diuinatione lib. 2. disputans de sortibus quibus futura prædicuntur, ait, totam rem esse inuentam fallacis aut ad quæstum, aut ad superstitionem, aut ad errorem. Obijciunt quidā nobis, sæpe euenire quæ sortes futura esse ostenderunt, ideoq; fieri non posse, ut diuinatoriæ sortes, iniustæ sint. Respondeo illis, ex loco Deut. 13. cap. de pseudopropheta, ubi Dominus inquit, Si surrexerit in medio tui propheta, aut qui somnium somniet, dederitq; tibi aut signum aut portentum, euenitq; signum aut portentum, quod prædixit tibi, atq; is dixerit, Eamus post deos alios, & seruiemus eis, non audies uerba prophetæ illius, aut eius, qui somniauerit huiusmodi somnium, quia tentat uos Dominus Deus uester, num sitis amantes Domini Dei uestri, toto corde uestro, &c. Punit Deus hoc modo hominum superstitionem, ut quādoq; multa euenire patiatur. 2. Thess. 2. Instet autem aliquis & obijciat mihi Iosue, qui authorem anathematis sorte protulit: item nautas qui sorteprehenderunt, propter Ionam tantam tempestatem diuinitus immissam fuisse. Deum hæc sortes gubernasse, negari non debet: tamen simili uia exquirendi præterita uel futura, non est utendum. Peculiaria sunt hæc, & idcirco in exemplum non trahenda. Præceptis uiuendum est, non exemplis. Sic etiam quod Abraamus paratus fuit filium suum immolare, personale est exemplum, quod alij qui idem mandatum non habent, imitari non debent. Voluit Deus docere homines illis exemplis, ne spe impunitatis peccarent. Multi enim sibi blandiuntur, opinione occultationis, non cogitantes Deum innumeras habere uias quibus sceleratos, ueluti ex latebris, in publicum protrahat. Quamquam de altero exemplo dici potest, nautas illos peccasse utendo hac ratione occulta peruestigandi. Idololatrias enim fuisse textus ostendit, nec scribitur Ionam quoq; iisdem sortibus ulum esse. Hæc de sorte diuinatoria & diuinatoria, ut uocant (consultoria his duabus speciebus includo) quarum omnem rationem à Deo temperari Sapiens dicit. Colligimus ex hac sententia, primum errare ethnicos & alios qui cæcam fortunam (quam deam fecerunt) atq; casum, omnia temere sursum & deorsum agitare, opinantur. Quidam finxerūt eam super globo consistere. Vulgò rotam ei uersatilem tribuunt, cum quatuor hominum imaginibus, primi ascendentis, secundi summum tenentis, tertij descendentis, quarti uerò in rotæ imo depressi, addito hoc uersiculo:

Fortuna nō  
regit res hu-  
manas.

” Regnabo, regno, regnaui, sum sine regno, &c.

Errant etiam illi, qui magna tantum, prouidentia diuinæ subijciunt. Nihil enim eximi debet à gubernatione Dei. Nam si sortes non temere iaciuntur: sed à Deo gubernantur, nihil certè est, quod Deus non gubernet. Etiam illa quæ nobis fortuita, quæq; in mundo tanquam pelago iactari & fluctuare uidentur, à numine reguntur. Qua de re suprā quædam attulimus. Si Deus sortes gubernat, certè imperia, bella & alia huiusmodi non negligit. Obijciunt quidam illos sæpius uincere, qui deteriore habent causam, & multa alia indigna fieri: non autem cogitāt, Deum multas habere causas, ob quas, iusto iudicio, hæc interdum sinat accidere. Quod uerò quidam intelligere nequeunt, quomodo Deus uniuersorum curam gerere possit, hinc est, quod Deum ex hominū ingenio metiuntur, & nimis angustè de eo sentiunt, in cuius conspectu, cælum & terra quasi punctum sunt. Lege Isaiam 40. cap.

## CAPYT XVII.

**M**élius est buccella sicca, & tranquillitas in ea, quàm domus plena uitæ contentiōis.



**S**IMILEM sententiam cap. 15. habuimus. Per uictimas, intelligit opiparum & instructum conuiuium. Solebant enim, non tantum apud Iudæos, sed etiam Gentes, in sacrificijs epulari, quemadmodū ex prima ad Cor. cap. 8. de idolothyis intelligitur. Quamquam uox Hebr. שֶׁבַח sabach non modò sacrificare: sed mactare etiam significat. Hinc Tigurina editio habet: *Domus plena mactatis pecoribus.* Sensus autem est, homines si in frugali & tenui conuiuio concordēs sint, maiorem uoluptatem percipere,



cipere, quàm si instructissimum conuiuium habeant, & sint discordes. Hoc sæpe experimur, cum unus aliquis totum conuiuium perturbat. Vergilius scribit fuisse Tarenti senem agricolam in re tenui, qui

Regum æquabat opes animis, seraq; reuertens  
Nocte domum, mensas dapibus onerabat inemptis.

Præclara res est concordia. Videndum tamen, ne concordia uerbo Dei aduersetur, alioqui bellum paci præferendum est. Quod nos attinet, pax quidem habenda cum omnibus: cauendum tamen, ne dum eius nimis studiosi simus, Christum ipsum, principem pacis amittamus, qui non pacem, sed gladium ueniens misit: & per Prophetam maledicit prohibentem manum à sanguine: ne dum pro terrena pace seruanda quiduis loquimur & tacemus, facimus & patimur, simulamus & dissimulamus, cœlesti illa, quam mundus dare non potest, tandem careamus.

Discent itaq; omnes concordiam & amicitiam fouere, imprimis uerò domestici. Multi congerendis opibus student, ut lautiores mensas habeant: sed rixæ oriuntur iusto Dei iudicio in tali domo, ut tam iucunda non sit eorum uita, quàm fuit antea.

## 2 Seruus cordatus imperabit filiofamiliās pudore afficienti.

Seruus prudens, qui suum officium uerbo Dei præscriptum, sedulo facit, sæpe ita emergit, *Serui sæpe præstantiores sunt liberis hominibus.* ut imperet filiofamiliās pudore afficienti suis moribus, parentes, cognatos & seipsum. Multi ex serui conditione ad maximos honores euecti sunt. Filijfamiliās sæpe freti suis opibus, alijs non obtemperant, nihil discunt, opes suas decoquunt. Non igitur idonei sunt ad Remp. Non bene imperant, qui non paruerint imperio. Serui autem obtemperant dominis suis, quotidie aliquid discunt, & ita si non sint serui ingenio, apti sunt ad gerendam Remp.

*Et in medio fratrum, hereditatem diuidet.*) Hoc quidam ita intelligunt, quòd talis seruus tantæ autoritatis fiat, ut hæreditatem distribuatur: sed melior sensus est, si intelligamus, eum partem etiam habiturum cum reliquis filijs. Sæpe enim accidit, ut dominus perspecta fide & diligentia serui, filiam ei in matrimonium collocet, quæ defuncto parente, partem suæ hæreditatis accipit. Exempla habemus in Iacobo, qui duxit filias Labani: & in Iosepho, qui ex serui conditione, in altissimum gradum euectus fuit. Discant ex hac sententia serui & ancillæ, ut suo officio fungantur, si uelint emergere. Hodie multi queruntur, in Rebus peregrinos & infimæ conditionis homines, ad dignitates promoueri, ac uetustas familias negligi. At isti causas considerare debebant, cur hoc sæpe numero fiat. Peregrini non fidunt fauori aliorum, sed humiles se præbent, discunt bonas artes, ideoq; committi aliquid eis potest. Isti uerò freti suis opibus, cognatis, & alijs rebus, omnia bona consilia respuunt, dissolutè uiuunt, ideoq; à gubernaculis Reip. non immeritò arcentur.

## 3 Conflatorium argento, & caminus auro, & discernens (uel probans)

corda Domini.

**מזרע** Mazref est nomen uasis, in quo aurum & argentum excoquitur, examinatur & à scoria repurgatur, **עין תיגל**. Sensus est, Vt conflatorium probat aurum & argentum, sic Deus corda. Sæpe enim nota similitudinis omittitur in hoc libro. Vel dissimile esse potest. Conflatorium. s. est argento, quo probantur metalla, at solus Deus corda examinat. Homines quantumuis sagaces, quid in homine lateat, nequaquam penitus perspicere possunt. Hac de re Clemens Alexandrinus Stromatum lib. 6. illos uersus adducit ex Theognide:

Χρησὶς νιβδύλοιο καὶ ἀργύρου ἀχέτος ἄτη  
Κύρνε, καὶ ἐξουρεῖν ῥέδιον ἀνδρὶ σοφῷ.  
εἰδὲ φίλου νόον ἀνδρὸς ἐνὶ στήθεσσι λένθει  
ψυδὺς ἐὼν· δόλιον δ' ἐν φρεσὶν ἦτορ ἔχει.  
τὶ το θεὸς νιβδύλοτατον ποίησε βροτοῖσι,  
καὶ γυναι πάντων τῶν ἀναιρότερον.

Ex Euripidis Medea:

ὦ Ζεῦ, τί δή τα χρυσὸν μὲν ὅς νιβδύλος ἦ  
τενυθεῖ ἀνθρώποισι ὥπασας σαφῆ.  
ἀνδρῶν δ' ὅτω χρεὶ τὸν ναυὸν διαδοῦναι  
ὀυδὲς χαρακτηρὲς ἐμψέφνε σώματι.

Hier. 17. legitur: Præuū est cor hominis, & inscrutabile. Quis cognoscet illud? Ego Dñs scrutās cor, & probās renes. Sal. 2. Reg. 8. ca. in oratione sua, quam ad Deum habuit abluto templo, inter alia dicit: Facies & dabis unicuiq; iuxta uias suas, qui cognoscis cor eius: tu enim solus nosti corda hominum. Si solus Deus nouit, ergo neq; boni, neq; mali angeli. (Quamquam



non me latet Aug. in libello de Diuinatione dæmonum, & in epist. 115. ad Nebridium, scribere, quod diabolus de nostris cogitationibus ac uoluntate aliqua cognoscat, &c.) Si solus Deus nouit, pii & sancti, qui nunc æternis gaudijs perfruuntur, non norunt, ideoq; non sunt inuocandi. Si Deus omnia nouit, piè uiuendum, & in persecutione & omnibus aduersis, patientia præstanda est. De hac re aliàs. Hominem cognoscere perquam difficile est. Multi se pietatis & religionis amantissimos esse profitentur, cum tamen hypocritæ sint. Homines etiam in horas & momenta mutantur. Sunt tamen quædam, ex quibus quid quisq; absconditum in pectore habeat, & qualis sit, aliquo modo intelligitur, ueluti uultus, oratio, actiones, uestitus, sodales, magistratus: sed sæpenumerò nos hæc fallunt. De religione interdum latrones loquuntur, ut incautos, qui in eos incidunt, & nihil mali expectant, de improviso iugulent. Socrates optasse legitur, ut hominum pectora essent aperta, aut ita facta, ut quemadmodum in nitreo globo, si quid inclusum sit, ab omnibus perspicitur: ita quæ in corde latent, ab omnibus cerni possent, quod minus dolis & imposturis esset locus. Verum Deus Opt. Max. sibi uni hoc seruauit, is intimos hominum sensus scrutatur, corda solus probat, an pura sint nec ne. Non igitur quenquam temere uel approbare uel reijcere debemus, ne fallamur.

Quomodo & quibus iudicijs homines cognoscantur. Deus probat corda duplici ratione. Quod dicitur, Deum probare corda, dupliciter intelligitur: primum examinat qualia sint: deinde purgat à scoria. Varijs autem affectionibus excoquimur in fornace Dei, id est, tentamur & examinamur, & per hoc Deus explorat, uera ne an ficta sit nostra fides. 1. Pet. 1. cap. Nō quod ipse ignoret, sed ut alij & nos ipsi hoc cognoscamus. Hypocritæ in aduersis, instar malæ ollæ per impatientiam crepant. August. alicubi dicit, Perfacile est, uestem contemptam portare, capite inclinato incedere, uelum super oculos demittere: sed uerè uirtute præditum ac humilem, patientia monstrat.

#### 4 Malus attendit labio mendaci, mendax auscultat, (uel obtemperat) linguæ prauitatum.

Prout quisq; affectus est, aliquid libenter audit uel facit, siue bonum siue malum. Homo leuis, delectatur fabulis inanibus, etiam pro suggestu, cupit audire fabulas: quemadmodum Paulus in 2. epistola ad Timotheon de quibusdam prædixit. Ebriosus de uino libenter audit, scortator de rebus amatorijs. Viri autem graues, auersantur sermones de huiuscemodi rebus institutos, cupiunt audire de rebus sanctis, pijs, utilibus. Deinde mali præcipientibus illicita & iniqua libenter obtemperant.

#### 5 Subsannans pauperem, probris afficit factorem eius.

Ex cap. 14. repetita est hæc sententia. Qui humilis conditionis homines (quales sunt uiduæ, pupilli, peregrini, &c.) contemnit, Deum contemnit. Nam hæc dissimilitudo, quod hic diues est, ille pauper, non à fortuna, sed à Deo introducta est, qui, ut scriptura testatur, diuites facit & pauperes. Vult autem ut cum pauper diuitis, & è diuerso, diues pauperis opera indigeat, inter se firmitus coniungantur. Proinde qui pauperem contemnit, cōtemnit in eo Deū. Quid si pauperes deglubit & prorsus opprimit? Deus se patronum oppressorum proficitur in scripturis, nō ergo feret oppressionem pauperum. In extremo iudicio dicet, Recedite maledicti, Esuriui non dedistis mihi edere, &c. Quid si non modò nō dedisti, sed quod habebat, fraudibus, dolis, & aperta ui extorsisti? &c. Quid uerò de illis dicemus, qui homines pauperes & diuites, propter ueræ religionis confessionem, non modò fortunis, sed & uita spoliāt?

Contra ἐπιχαίρουσαν. Et qui gaudet in contritione alterius, non erit immunis. Non gaudere debemus malis proximorum nostrorum, sed potius dolore affici. Communes enim sunt calamitates: quæ alijs accidunt, nobis quoq; possunt accidere. Phocylides egregiè scribit:

ἡμῶν τὰ κακά πάντων, ὁ βίος τῶν ἁπάντων, ὁ βίος τοῦ κακοῦ, ὁ βίος τοῦ ἀγαθοῦ.

Gregorius Theologus dictus in epistola quadam ad Sophronium, eleganter scripsit: Cernis quales res nostræ sint, & quomodo instar rotæ cuiusdam res hominum circumuoluantur, cum nunchi, nunc illi floreāt, defloreatq; & neq; felicitas nobis, neq; infelicitas firma permaneat, sed subitò mutetur ita ut tutius sit uentis, aut literis in aquam scriptis credere, quàm felicitati humanæ, &c. Cogitandum est, nos eadem quæ alij, quin & æternam damnationem mereri. Notum est quid Christus nuncium afferentibus de crudelitate Pilati, & lapsu turris Luc. 13. responderit. Inter magna peccata recensetur, gaudium de alienis malis. Iob. 31. Si lætatus sum, inquit, in contritione aduersarij mei, & exultauit, quod eum inuenit malum, hæc & hæc mihi obtingant, &c. Propter hoc peccatum, Idumæi, Ammonitæ, Palæstini & imprimis Babylonij, ut passim in prophetis legitur, deleti sunt. Michæas cap. 7. prædicens captiuitatem Babylonicam, mox promittit futurum ut restituatur, & Babylonij pereat: ac conuerso sermone ad Babylonios sub nomine piorū dicit: Ne læteris inimica mea, quod cecidi, resurgā, &c.



In threnis Ierem. 1. cap. inter alia queritur, Lætați sunt mea calamitate. Libenter illi fabula fiunt, qui aliorum calamitatibus non mouentur. Impiorum autem hæc est natura, ut alienis malis gaudeant. Sic impij illi, Christo in cruce pendenti, insultarunt: sed postea quid fecerint, magno suo malo didicerunt. Nostrum quoque uulgus dicit: Calamitatem illius fores pulsare, qui calamitate alterius gaudet. Gentiles quoque insignes habent sententias, quibus docent non esse gaudendum ob alienas calamitates. Isocrates ad Demonicum ait, *μὴ δύνῃ συμφορὰν ἀνελπίστως. νοῦν γὰρ ἢ τυχεῖ, καὶ τὸ μᾶλλον ἀόρατον*: Demosthenes in oratione de Corona, Ego, inquit, planè illum stolidum esse iudico, qui cum homo sit, homini fortunam exprobrat, &c. Multa huius generis inuenies apud Stobæum sermone 111. & 112. Cum rex Perseus, ut scribit Liuius, bello à Romanis uictus, ad Paulum Æmylum imperatorem perductus esset, is ei obuiam cum amicis uenit, assurrexit, & obortis lachrymis consolatus est. Postea ad suos conuersus dixit: Exemplum insigne cernitis mutationis rerum humanarum, uobis hoc præcipuè dico iuuenes. Ideo in secundis rebus nihil in quenquam superbè & uiolenter consulere decet, nec præsentī credere fortunæ, cum quid uesper ferat, incertum sit. Is demum uir erit, cuius animum nec prospera flatu suo efferet, nec aduersa infringeret. Itaque neq; publicis neq; priuatis aliorum malis est gaudendum. At obijciat mihi aliquis exemplum Davidis & aliorum prophetarum, qui non modò lætari impiorum exitio uidentur: sed etiam dira hostibus imprecantur: Paulus (ut ex multis hoc unum proferam) ad Galatas dicit: Vtinam excindantur qui turbant uos, &c. D. Augustinus dicit, prædictiones esse, tam certò euentura hæc, ut non dubitent orare. Deinde sancti illi non ex prauis affectibus hæc dixerunt, sed ex zelo iusticiæ, ut in impiorum interitu laudaretur Deus, iusticia & ueritas Dei confirmaretur, cessaret persecutio, & pax restauraretur: plura hac de re inuenies, cap. 24. uersu 18. Impiorum hæc est natura ut alienis malis gaudeant. Inprimis uerò si pijs triste quid euenire intelligant. Sic Christo in cruce pendenti, martyribus item qui crudelibus supplicijs afficiebantur, impij insultarunt, id quod hominibus ualde dolet: de quo 1. cap. uersu 26. His igitur exemplis & dictis mentes nostræ confirmandæ sunt.

Pauli Aemilij magnifica uerba.

Pij dira imprecantur hostibus.

#### 6 Corona senum filij filiorum, & gloria filiorum patres eorum.

Corona pro honore decore & ornamento sumitur. Nam apud ueteres coronam accipere, honorificum fuit. Paulus in 1. ad Theff. 2. Thessalonicenses coronam suæ gloriationis appellat. Non autem de quibuslibet filijs & nepotibus loquitur Solomon, sed de pijs & honestis, qui decus sunt parentum. Vicissim patres & aui, gloria sunt liberorum.

Docet hæc sententia, primum liberos obtemperare parentibus, si recta præscribant, quòd eis ornamento & solatio esse possint. Quid prodest iactare parentum nobilitatem & sanctitatem, si paternis ueternis uestigijs non insistant? Similes sunt Iudæis, qui Ioan. 8. sibi propter maiores placebant, interim tamen diaboli ingenium referebant. Quid dicturos putas multorum parentes, si hodie redirent & liberorum suorum mores contemplerentur? Cum quidam alteri ut probum obijceret, quòd è parentibus prognatus esset ignobilibus, Mihi, inquit, dedecori sunt parentes, tu uerò parentibus.

Liberorum officium.

Deinde parentes discant suos liberos ita instituere, ut eorum corona esse aliquando possint. Quibus in rebus institutio consistat, alibi annotauimus. Curent etiam ab alijs, si ipsi minus sint idonei, erudiri ac institui. Plerunque enim liberi religiosè à teneris instituti, parentum expectationi tandem respondent, nec solum ipsis, sed & toti nonnunquam Reipub. sunt ornamento. Quanquam etiam fiat, ut bene instituti degenerent, quod in filijs multorum pietate & uirtute præstantium uirorum perspicuum est. Quod si parentes liberos suos non modò non instituunt & castigent: sed ab alijs quoque institui & castigari eos indignè ferant, quin omnibus sceleribus eos imbuant, quid mirum si tandem eis sint probro & dedecori?

Parentum officium.

Adhæc parentes piè & sanctè uiuant, ne liberi quid uideant, uel audiant, quod eos possit corrumpere. Pueri enim simiarum mores quodammodo referunt, quæ homines imitantur, ac ita capiuntur, ut Ælianus & Strabo annotant: Sic liberi quoque parentum uitia imitantur, priusquam uitia esse intelligant. Deinde hanc etiam ob causam piè & sanctè uiuere debent, ut liberis honori sint, ne quis parentes eis exprobrare possit. Parentes nefaria nonnunquam designant in gratiam liberorum, ut eos promoueant & locupletent. Inuenias qui defuncta uxore, nolint aliam ducere, ne quid liberis decedat, interim impudenter scortentur. Item qui per fas & nefas opes corradant, quibus postea dissipatis, filijs nihil à parentibus relinquitur, præter dedecus & infamiam. Danda igitur opera, ut honestum saltem nomen liberis relinquatur.



7 Non est decorū in stulto labium excellentiæ, quanto minus in principe labium mendaciæ?

Labii excellentiæ.

Labium excellentiæ est, quod sibi plus arrogat quàm par sit: uel quod de rebus magnis & excellentibus loquitur. Simplex hic sensus esse uidetur: Si adolescentuli imperiti, & stulti homines, de arduis rebus ad Rempub. & Ecclesiam spectantibus, loqui & consilia dare instituant, ridentur à prudentibus uiris. De his enim rebus loqui decet πολυπείρος, & magna auctoritate præditos. Hannibal Phormionem philosophum risisse legitur, cum de re militari & imperatoris officio multa tradere uellet, qui nunquam castra uiderat. Si per stultum accipias improbum hominem, etià ille ridiculus fit, si de rebus magnis loqui instituat. Epicureus de promouenda religione, ebriosus de sobrietate, adulter de castitate, &c. In hanc quoq; sententiam apud Græcos Menandri uersus celebratur:

μισῶ πονηρὸν χρητὸν ὅταν εἴπῃ λόγον.

Item τρέπος ἐστ' ὁ πείθων τὸ λέγοντος, ὁ λόγος. Populū Romanus Carbone, homine improbo & uano, quippiam promittēte & addente iusiurandum, uicissim iurauit, se illi non crediturum etià iurato.

Caetanus uertit, *labium superfluitatis*, id est, sermo iactantis se, uel promittentis quæ excedunt uires eius: hæc minimè decet. At multò minus decet principem esse uanum. In omnibus quidem mendacium turpe est, in gubernatoribus uerò populi, longè turpissimum. Nam *Princeps ne sit mendax.* omnium oculi ad ipsos conuertuntur. Antonius Panormita scribit Alphonsum Arragonum regem, semper hoc in ore habuisse, tantum ualere ad fidem debere, unicum principis uiri uerbum, quantum priuatorum iusiurandum.

Discant itaq; primum quibus commissæ est Respub. ut cum aliàs cōstantes sint in dictis & promissis, tum in iudicio si dicenda sententia est, ne malum bonum esse dicāt, ne uel testimonium bonū indignis perhibeant. Plato de Repub. Dialogo 3. scribit, Si quibus alijs, Rempub. administrantibus, licere mentiri, uel hostium uel ciuium causa, ad communem ciuitatis utilitatem: reliquis autem à mendacio abstinendum esse. Sed Deus per os Solomonis longè aliter pronunciat.

Neq; solum principes à mendacio cauere sibi debēt: sed mendaces & calumniatores quoque ab aulis submouere: non enim decet principem tales homines fouere. Regnat autem ferè in aulis calumnia. Doctores item Ecclesiarum, quàm longissimè à mendacio abesse conuenit: debent enim ministri esse ueritatis. Quod si in quotidiano hominum conuictu, mendaces sint, etià pro suggestu ueritatem docentibus, fides non adhibetur. Vbi præcipuè curare debent, ne quid falsum populo proponant.

Quod de sermone magistratuum dicitur, de uita quoq; in uniuersum debet intelligi. Si turpiter uiuāt, alij etià eorum mores imitantur. Vita igitur ipsorum, legibus & doctrinæ respondeat.

8 Lapis gratiæ munus in oculis dominorum suorum quocunq; se uerterit: faciet eum prosperè agere.

Munus est gemma gratissima, hoc est, omnes muneribus delectantur: quod in pueris etià, & stultis experimur. Seneca ex sententia philosophi cuiusdam dicit, omnium esse dulcissimum accipere.

Vel munus est lapis gratiæ, hoc est, danti fauorem & gratiam conciliat. Gemmæ maximas habent uirtutes, quædam sanguinem sistunt, quædam uenenum depellunt, &c. ita munus lapis quidam est, fauorem pariens in oculis dominorum eius, uel habentium ipsum, hoc est, eorum qui eo corrumpuntur, uel eorum, qui alios corrumpunt: Et ad omne quo offerens uertetur petitionem suam, uel ad quemcunq; uenerit, facit eum qui munus dedit, prosperè agere: quicquid petit facile assequitur. **לֵבָב** *lakal* significat intelligere & prosperè agere: munera enim faciunt homines intelligere, rem aliquam pro utilitate offerentis. Nota est narratiuncula de illo qui pro suggestu improbabat pluralitatem, ut uocant, sacerdotiorum, tandem cum multis sacerdotijs auctus, longè secus sentiret, interrogatus cur in illum abusum nō amplius inueheretur, dicebat, se iam illam materiam melius intelligere, &c. Munus accipit pro **לֵבָב** infatuare: Munera enim excæcant homines, sicut idololatria, amor & ebrietas, &c. De effectu munerum Eurip. in Medea dicit:

πείθει δὴν αὖτις καὶ θεὸς λόγος.

Χρηστὸς δὲ, ὑπερίστων μυνέρων λόγων βροτοῖς.

Quid. 3. de Arte:

Munera ( crede mihi ) placant hominesq; deosq;.

Placatur donis Iuppiter ipse datis.

Quid faciet sapiens? stultus quoq; munere gaudet,

Ipse quoq; accepto munere mitis erit. Horatius Ode. 16. lib. 3.



Aurum per medios ire satellites,  
Et perumpere amat castra potentius  
Ferro, &c. Mox,

Et diffidit urbium  
Portas uir Macedo, & subruit æmulos  
Reges muneribus, munera nauium  
Sæuos illaqueant duces.

Philippus enim rex Macedonum, nullam arcem tam munitam esse dicebat, quin expugnari posset, modò asinus onustus auro eam accedere posset. Plutarchus in uita Pauli Æmilij, scribit ueteres historicos tradidisse, non Philippum, sed eius aurum Græciam subegisse. Nihil esse tam munitum quod auro nō expugnetur. Poetæ etiam significarunt fabula Danaes à Ioue in aurum uerso constupratæ. Tanta uis est munerum, ut qui modò causam aliquam probauerunt, postquam munus acceperunt, uel se accepturos sperant, eam improbare incipiant, uel prorsus conticescant: qui fuerunt uehementes, butyro molliores fiunt. Cicero Verrem ita disputantem inducit: nihil esse tam sanctum, quod non uiolari, nihil tam munitum, quod non expugnari pecunia possit.

Exempla multa habemus de sacris & ciuilibus rebus: Bileami, illorum militum qui negabant Christum resurrexisse, Demosthenis, qui collo panno obuoluto in cōcionem ueniebat, Romanorum quos Iugurtha corruerat, & aliorum. Quid patrum nostrorū memoria, in bellis & fœderibus acciderit, manifestū est. Hodie experimur quid clerici suis conuiuialis, quid amatores suis munusculis efficiant, quid illi qui iudices corrumunt. Ideoq; ueruit Deus, ne iudices munera accipiant. Isa. 5, Væ qui iustificatis impium pro muneribus. Micheas 3, cap. inter alias causas, ob quas Israelitæ excindendi sunt, dicit propheta & iudices, munera accipere. In bene constitutis Rebuspub. contra corruptelam munerum leges propositæ sunt. Distinguendum autem est ut alibi dixi, inter honoraria & corruptoria munera. Nec ualet illa excusatio quam multi afferunt, Licet munera accipiam, nihilominus tamen officium meum faciam. Deus enim, qui corda & creat & examinat, dicit muneribus sapientū oculos excæcari.

## 9 Operiens præuaricationem quærit amicitiam.

Si quis proximorū uitia & errata celat, inq; meliorem partem interpretatur: amicitias conciliat & conseruat. Non de omnibus uitijis loquimur. Fit ut uiri boni, interdum labantur ex infirmitate, & nos uel alios lædant: tibi nō statim omnia retegenda, & in peiorem partem accipienda sunt. At si crimen alterius uergat in perniciem Reipub. & Ecclesiæ, deq; illius emendatione spes nulla sit: item si rogemur à magistratu, nihil dissimulare oportet, sed ne Ecclesia uel Respub. detrimentum accipiat, quæ patefacienda sunt, patefacere.

*Crimina aliorum non inuulganda.*

Et qui repetit uel mutat rem, separat ducem. (NWSchanah, mutare, iterare. Qui uitia amicorū & aliorum diuulgat sine iusta causa, & subinde repetit, uerba mutando, aut aliqua adijciendo, seu finistrè interpretando, ac iam pridem sepulta reuocat, diuidit à seipso duces suos. Quis enim talem amicum habere uelit? Vel, qui uerbum aut rem mutat, hoc est, quæ bene dicta uel facta sunt, in malam partem interpretatur, & de suo aliquid affingit: homines coniunctissimos diuellit, principem à subditis, ducem ab exercitu, maritum à coniuge, ut quos non nisi mors separare debebat, lingua illa separet ac diuidat. Quidam posterius membrum sic intelligunt, qui non contentus semel peccasse, rem malam repetit, alienat à se principem. Eth enim ei ignouit ante, tamen postea non amplius ignoscit. Hanc sententiam R. Him. iungit cum superioribus: dixit quòd munus sit ueluti lapis gratiofus in oculis recipientis illud, nunc dicit, munus hoc etiam habere, quod operiat præuaricationem (læsi enim muneribus placantur.) efficere item, ut res mutetur ad utilitatē dantis: præterea ducem separare ab alijs, hoc est, homines inter sese committere.

## 10 Descendit increpatio in intelligentē magis, quàm si percutias stultum centies.

Quia dixit de celandis uitijis proximi, ne quis cogitare posset, increpationem prorsus tolli, de ea nunc loquitur. Magna est ingeniorum uarietas: sunt quædam generosa ingenia, quæ uerbis ducuntur. Deinde sunt quædam seruilis ingenia, quæ non nisi uerberibus emendantur. Patres igitur & præceptores, diligenter pueros obseruent, & pro ingeniorum diuersitate, cum ipsis agant. Sunt item deplorata ingenia, quæ neque uerbis neq; uerberibus redduntur meliora. Quod de pueris dicitur, in adultis etiam locum habet.

Disce amicos castigandos esse si peccent, non autem statim diuulganda esse peccata ipso-



rum. Apud cordatos admonitio ex bono animo profecta, suum omnino pondus habebit. Quando Deus hominibus afflictiones immittit, statim commouetur cordatus, stulti uerò magis magisque indurantur. Exemplum habes in Pharaone. Deus Isa. 9. queritur, populum non reuersum esse ad percutientem se.

Quod linguam attinet **חח** thechah quidam deducunt à radice **חח** chathah, hoc est, conterere, frangere, & refertur ad animum. Alij deducunt à **חח** chathah capere, id est, capietur increpatio. R. David à **חח** nachath, id est, descendit, mansit, ut sit sensus, descendet manebitque increpatio in sapiente. Sunt etiam qui putant positum esse, pro **חח** achath, ura.

## 11 Rebellis tantum querit malum, uel, tantum rebellionem querit malus.

Homines  
contumaces  
puniuntur  
à Deo.

Homines qui à Deo & hominibus, uel uerbis uel alijs modis castigantur, non similiter castigatione accipiunt. Quidam enim, ut paulo antè diximus, uerbis magis quam uerberibus mouentur. Illi generosis equis conferri possunt, qui ut inquit Seneca, umbra uirgæ regitur: cum ignauus nec calcaribus concitari possit. Deinde sunt homines seruili ingenio, qui nisi uerbera adhibeantur, officium suum non faciunt: de quibus prouerbio dicitur, Phryx plagis emendatur. Tertium genus est illorum, qui neque uerbis neque uerberibus ad sanam mentem reuocari possunt: sed ab hominibus castigati, eos odio prosequuntur, & in scelera maiore impetu ruunt. Si Deus eos puniat, manum castigantis non agnoscunt: sed in alias atque alias causas referunt, ac magis magisque frementes, indies peiores redduntur: de his loquitur hæc sententia.

**חח** ach, certè, profectò. Quidam reddunt, tantum, etiam, ueruntamen. **חח** meri rebellionem & inobedientiam significat, & est *inmeris*, defectiua loquutio, subaudiendum est uir rebellionis. Vel est adiectiuum secundum eandem fortunam, *rebellis queret malum*. Quod bifariam potest intelligi: primum rebellis duntaxat studet sceleribus, nihil boni querit, quoniam mala sunt, quæ eius consilijs profunt. Suprà dixit impium effodere malum. Qui aliquid amiserunt, magna cura & sollicitudine id querunt: ita illi dedita opera peccant. Micheas de impijs dicit: quod in lectis suis, noctu, de euerendis proximis cogitent: imprimis uerò mortuorum suis malum parant, quibus gratiam referre debebant. Deinde querunt malum, hoc est, suum ipsorum exitium. Subijcit enim:

Et angelus uel nuncius crudelis mittetur contra eum. Scilicet à Deo & ab hominibus. Deus enim rebelles & inobedientes punit. Omnes creaturæ, angeli boni & mali, elementa, homines, bestię, sunt nuncij Dei, quos contra rebelles mittit. Sic Pharaonem & Senacheribum, angelorum ministerio affixit & perdidit. Contra Herodem Antipam misit Aretam regem Arabum, qui exercitum eius fudit. Instigauit contra eum Tyberium, à quo in exilium cum adultera relegatus est. Contra Herodem Agrippam, angelum misit qui eum percuteret. Publicè etiam crudeles nuncios mittit contra rebelles. Sic Hierosolyma temporibus Nabuchodonozor & postea Vespasiani funditus euerit. Hodie quoque rebellibus immittit pestem, penuriam rerum, bella & malas bestias. Qui uerò neque his malis commouentur, illos post hanc quoque uitam, crudeles angeli ad æterna tormenta pertrahunt. In extremo iudicio contra omnes impios, ultores angeli mittentur.

Ab hominibus quoque ueluti regibus & alijs magistratibus, nuncij crudeles contra inobedientes & rebelles mittuntur, qui eos in carceres conijciant & ad uaria supplicia trahant, uide suprà 16. uersu 14. Fit autem sæpe ut qui parentibus suis parere noluerunt, tandem carnicibus parere cogantur.

## 12 Occurrere urso orbato prestat uiro, & non stulto in stulticia sua.

Vrsus iratus.

Vrsus est robustum animal & ferox: si abreptio catulorum accedat, in rabiem uertitur: primum sibi occurrentem solet inuadere, ericht den nechsten schaden. Venatores affirmant etiam uenabula ab iratis confringi. Hac similitudine de urso cui abrepti sunt catuli, Chusai etiam usus est, 2. Sam. 17. cap. cum Absalomo consuleret, ne Dauidem persequeretur. Osee 13. capite, Occurram eis quasi ursus orbatus, & lacerabo obstinatum cor eorum. Vrsa catulos suos, quos ut dicunt, lambendo magno labore absoluit, tenerrimè diligit: cum fugiunt, ut est apud Aristot. eos propellit, susceptosque portat, amissos queritat, & quemcunque obuiam habuerit adoritur. Poetæ urfos sæuos & truces cognominant. Apollonius apud Philostratum dicit, urfos cum feritate cæteras beluas superent, pro catulis tamen omnia facere. **חח** dob ursum & ursam significat: hinc quidam reddunt, *vrse orbe*, quanquam hoc loco sit generis masculiei. Aristoteles scribit fœminas omnes in uniuerso animantium genere, minus quam mares animosas esse, excepta panthera & ursa. Minus periculosum esse dicit Solomon urso furenti occurrere, quam stulto in stulticia sua. Per stultum intelligit illum



illum qui, ut in Psalmo est, in corde suo dicit, non esse Deum, uel qui falsam religionem amplectitur, quiq; in omni scelere genere uersatur. Hic, si res ex animi sententia ei succedant, ferocissimus existit, nec alios homines ferre potest. Res manifesta est in stultissimis hominibus idololatri: nulla bestia est, quantumuis truculenta, quæ ita furiat, quemadmodum illi in Christianos sæuiunt. In Ecclesiasticis historijs legimus, pantheras, urfos, leones famelicos, sanctis, cum eis obijcerentur, sæpe pepercisse: at idololatræ exaturari non potuerunt. Quid sit à stultis illis hominibus, qui cadauerosum hominem pro Christo, qui defunctos, etiam illos qui an unquam uixerint ignoratur, qui ligna, lapides, ossa adorant? non ne illos etiam quibus ferarum rabies parcat, misere trucidant? Hoc ignes passim excitari testantur. Bestiæ quantumuis truculentæ, nisi fame agitentur, aut lædantur ab hominibus, non facile quenquam lædunt. Canes quantumuis iracundi, si panem uel carnes eis obijcias, latrare & sæuire desinunt: at quomodocunq; illos stultos tractes, non placantur. Vrsi eum qui mortuo similis iacet & spiritum continet, relinquere dicuntur, leones quoque prostrata despiciunt: at isti etiam benefactoribus suis, imò liberi parentibus suis non parcunt, ac ne mortuis quidem. Cadauera enim ex sepulchris eruta exurunt. Sed tandem Deus instar urfi & leonis, cum belluis illis aget. Osee 13.

*Crudelitas  
hostium E-  
uangelij.*

### 13 Qui malum pro bono reddit, de illius domo nunquam recedet malum.

Christus seruator noster Matthæi 5. cap. dicit: Diligite inimicos uestros, bene precemini deuotibus uos, benefacite ijs, qui uos odio prosequuntur: Orate pro ijs qui uos lædunt & insectantur. Mox exemplum patris sui cœlestis subiicit. Idem docetur ad Rom. 13. 1. Pet. 2. & 3. cap. Peccamus itaque, si illos lædamus à quibus sumus læsi: quanquam homines aliter iudicent. Magis itaque illi peccant, qui illos à quibus beneficiis affecti sunt, lædunt. Augustinus in expositione Psal. 8. Sex differentię sunt, inquit: Reddere bona pro malis, non reddere mala pro malis, hæc bonorum sunt, & prius melius. Non reddere bona pro bonis, & reddere mala pro bonis, hæc duo malorum sunt, sed posterius deterius. Reddere bona pro bonis, & pro malis mala, hæc duo mediocrium sunt, prius propinquum bonis, &c. Cic. Offic. lib. 1. in referenda gratia, ex Hesiodi doctrina, imitandos esse dicit agros fertiles, qui multò plus adferunt, quam acceperunt. Pro Planco inquit, Nihil est tam inhumanum, tam immane, tam ferum, quàm committere ut beneficio non dicam indignus, sed uictus esse uideare. In Philip. 3. Cui gratia referri non potest, inquit, quanta debetur, habenda tamen est, quantam maximam animi nostri capere possunt.

*Gratia refe-  
renda illis,  
qui benefi-  
cia in nos  
cōtulerunt.*

Hinc colligi potest, quantum sit scelus, pro beneficio maleficio reponere. Bestiæ etiam benefactores suos agnoscunt. Canis blanditur domino suo cauda: equus dominum sessorem admittit: ciconiæ decimas persoluunt. Non itaque mirandum si malum de domo, id est, familia ingrati, nunquam recedat.

Porrò ingratitudo committitur in Deū & homines. Deus nos innumeris beneficijs quodammodo onerat: quæ si quis omnia recensere tentaret, immensum pelagus ingrederetur. Vitam nobis dedit, item uitæ necessaria, defendit nos à periculis, &c. Omnes creaturæ usum aliquem nobis præstant: maximum beneficium est, quod filium suum pro nobis tradidit, & uerbo suo nobis patefecit. Quam uerò illi gratiam referimus? In homines ingrati sumus, quorum beneficijs quotidie utimur: in parētes, præceptores, concionatores, magistratus & alios benefactores. Non igitur mirari debemus, si & nos, & familiæ nostræ affligantur. Dicit enim, de domo ingrati malum nūquam recedere. Exemplum illustre habes in familia Saulis, cuius liberi partim in monte Gelboe occisi, partim cruci suffixi sunt.

*Ingratitu-  
do.*

Sed oritur hic quæstio, An uxores, liberi, serui, ancillæ propter nostra peccata, Deo pœnas persoluant? Breuiter respondemus, liberos non puniri pro parentibus, nisi parentum uel stigijs insistant, & illorum peccata continuent. Fit quidem ut cum puniuntur impij alicuius Reipub. pij etiam inuoluantur, quemadmodum omnibus seculis accidit: in peste pereunt, in bellis cadunt: sed dispar est piorum & impiorum exitus. Neque pij omnino eximendi sunt ex culpa, non enim sceleratis sese opponunt, quemadmodum deberent & possent, deinde & ipsi quotidie peccant. Ad illud autem quod obijcitur, infantes innocentes in diluuiò & Sodomis perisse, responderi debet, in iudicio Dei neminem purum esse. Si actuali peccato carent, tamen originali non carent, quod etiam uim damnandi eos haberet, nisi Christi merito eriperentur. Zuinglius egregiam affert similitudinem de catulis luporum, qui etsi nondum pecora laniarint, tamen iugulantur. Sensus igitur est, malum non recedere de domo eius, scilicet familia, ipsum in malis sequente.

*An propter  
parentes li-  
beri punian-  
tur.*



14 *Aperiens aquas principiū litis, antequam misceatur lis, dimitte eam.*

*Rixæ oriun- tur ex par- uis initijs.* Similitudine ostendit, quā difficulter contentionibus ex parvis initijs ortis, po- stea resisti possit. Si quis aggeres, quibus fluuiorum cursus constringuntur, perforet, aqua paulatim exitum quærit, & tandem ruptis aggeribus, cohiberi amplius non potest. Verg. *Æneid.* 2.

„ aggeribus ruptis cum spumeus amnis  
 „ Exijt, oppositasq; euicit gurgite moles,  
 „ Fertur in arua furens cumulo, camposq; per omnes,  
 „ Cum stabulis armenta trahit.

Ita lis minimis uerbis aliquando ita crescit, ut postea in cædes & in cruenta bella erumpat. Facile autem est ordiri litem & bellum: sed non ita facile deponere. Idem similitudine ignis declarari potest, qui ex parua scintilla maximus nascitur. Homerus quoq; *ἔρις*, hoc est, contentionem scribit à paruo incipere, & postea in cælum usque subcrescere. Euripides in *Andromache* dicit:

„ *Σμικρὰς ἀπ' ἀρχῆς νεῖκος ἀνθρώποις μέγα*  
 „ *Γλῶσ' ἐμπορίζει.*

Remedium ostenditur, *Antequam lis commisceatur, dimitte illam.* Si incidas in hominem iracun- dum, placidus sis erga ipsum, ne penses maledicta maledictis: cogita semper quid Deus præ- cipiatur, quid te deceat: obsta principijs. Morbus, si maturè remedium adhibeas, facile cura- tur: sed si inueterauerit, uix & ne uix quidem tollitur. Si aggerem uel alueum ruptum, ini- tiò reficias, aquæ impetus cohiberi nullo negotio potest: sin autem rem differas, magna ui- erumpit, nec nisi magno labore & impensis reficitur. Domus uitiata imbribus, principio exi- guo sumptu potest refici, postea uerò maximis impensis uix potest restitui. Præcipuè uerò iu- niores operam dare decet, ne rixis dent locum. Natura enim impatientes sunt iniuriarum. Quod de litibus & iurgiis dicitur, trahendum est ad omnes prauos affectus, quos frenare o- portet. Ouid. rectè scribit de turpi amore refecando:

Opprime, dum noua sunt, subiti mala semina morbi.  
 Nam mora dat uires, &c.

Quin alijs omnibus malis in Republica & domestica, maturè obuiam eundum est.

15 *Iustificans impiū, & condemnās iustum, abominatio lehouæ am- bo ipsi.*

*Impij nō ab soluēdi, pij non condē- nādi, siue in iudicio, siue extra iudi- cium.* Hæc sententia præcipuè ad iudices pertinet, quorum officium inter alia est pœnis af- ficere. Peccat autem iudex in decernendis pœnis, si uel innocentes occidat, uel illos di- mittat, quos Deus interfici præcepit. *קריק* hizdik significat iustificare, hoc est, absolvere: huic opponitur *קריק* harschia, improbare, si ita liceret loqui, hoc est, condemnare atq; ad eò ad supplicium tradere. Sensus est, Qui in fontem damnat, & fontem absoluit, uterque æquè exosus est Domino.

*Quid Pau- lus per si- intelligat.* Hinc colligimus, quid sit apud Paulum quando scribit, quo pacto homo iustificari possit: sensus est, quomodo à morte æterna absoluator & liberetur. Stamus ante iudicem Deum, & non modò à diabolo, sed & propria conscientia accusamur & conuincimur peccati, propter quod æternam mortem meremur. Quæritur nunc, quomodo liberari possimus: Paulus mul- tis respondet, Fide in Christum, qui sua morte æternam mortem sustulit.

Innocentem hominem uel uerbo lædere, magnum est peccatum, quantum nunc est ui- ta spoliare? maximè si hoc fiat sub prætextu iusticiæ, quemadmodum Nabotho accidit, & multis hodie, qui propter ueram religionem, tanquam hæretici & pestilentes homines, ua- rijs supplicijs afficiuntur. Magistratus enim diuinitus gladium accepit, ut bonos defen- dat, & malos cædat. Rom. 13. Magna ad totam Rempub. reedit utilitas si in ciuitate aliqua multi sint honesti ciues: tales si magistratus tollant, abominationi sunt Deo. Quæ abomina- mur, nec respicere nec de eis audire æquo animo possumus: ita Deus ab illis hominibus ocu- los auertit, nec preces eorum, nisi ueram pœnitentiā agant, exaudire dignatur. Quanquam autem grauissimè peccent, qui iustos homines condemnant: tamen illi quoq; peccant, qui iniustos absoluunt. Nam primū mandatum Dei transgrediuntur, quod non solum sceleratos magnas ob causas iubet occidere: sed & suppliciū iudicibus cōminatur, nisi occiderint quos iubet occidere. Nec culpa hæret in magistratu, supplicijs afficiente sceleratos homi- nes iuxta bonas leges: ideo toties in lege repetitur, Sanguis eius super eum. At si negligens suæ uocationis magistratus, det ueniam impijs, ipse in uitio est. Deinde nocent cum illi quem absoluunt, tum alijs, tam bonis quā malis. Nam qui impunè dimittuntur, peiores ferè reddi



reddi compertum est. Et sæpe accidit ut quem propter unam cædem magistratus occidere noluit, tandem propter multas occidere cogatur. Non temere dicitur Teutonico proverbio, si scelerati uirgis cæsi dimittuntur incolumes, primos esse gradus ad patibulum. Obest etiam hæc præpostera clementia illis qui tentantur quidem, ut toti in flagitia ruant: sed nondum uinci se passi sunt. Si enim parci sceleratis uideant, tentationi succumbunt. Illi quoque qui iisdem flagitijs obnoxij sunt, non cogitant de feria pœnitentia: sed quomodo in sceleribus pergant. Bonis item uiris non parum obest hæc clementia, nam sollicitantur & ipsi ad mala, multisq; malis ab improbis illis hominibus afficiuntur: suo enim magno malo, hominum illorum ingenia explorare coguntur. Præstaret apros, urfos, lupos emittere in plebeculam quàm pestilentes & nefarios illos homines. Saulus & Achabi exempla docent illos incurrere offensam Dei, qui illis parcunt, quos interfici mandauerit.

Pythagoras quoque dicebat, *οἱ μὴ πολεῖσθαι τοὺς κακούς, βούλονται ἀδικεῖν τοὺς ἀγαθούς.* Demosthenes laudat dictum illud Æschinis: *ὁ δὲ φίλος τῆς πολιτείας, μὴ ἐχθρὸς νοῦν κατὰ ἀδικούντων.* Cato senior, scribit Plutarchus in Rom. Apoph. exhortans magistratus ut sceleratos pœnis afficerent, dicebat, eos qui maleficos prohibere possent, & tamen impune dimitterent, lapidibus obruendos esse.

Discant magistratus ex hac sententia suum officium, ut non modò innocentes non opprimant, sed etiam nocentes non absoluant: non enim potestatem acceperunt à Deo absoluendi impios, cum bonam mentem eis dare non possint. Deut. 25. cap. expressè legitur: Si fuerit controuersia inter uiros, ibunt ad iudicium, ut iudices discernant inter ipsos, & iustificabunt eum qui iustus est, & condemnabunt eum qui impius est. Isaïæ 5. capite, Væ illis qui iustificant impium propter munus, iusticiam autem iustorum auferunt ab eis. Quidam philosophorum etiam dixerunt, Rempub. illam diu stare non posse, in qua bonis ciuibz præmia non sint constituta: & in qua improbi non coerceantur. Requiritur quidem clementia à iudicibus: sed uicissim seueritati etiam suus est locus, quæ non tantum exercetur, quando iure damnati propter maleficia cæduntur: sed etiam cum pro defensione subditorum, necessarium & iustum bellum suscipitur. Argumenta quæ Anabaptistæ opponunt, facile dilui possunt. Sin uerò magistratus bellum cum deberent non suscipiant, sit ut ipsi postea bello conterantur, ut Achabo accidit, qui Benhadado pepercerat.

Officiū magistratus.

Quod dicimus de magistratibus, ne malum iustum pronuncient, & bonum malum: ad priuatos quoq; homines pertinet, ne uidelicet de personis uel rebus perperam iudicent. Væ uobis, dicit Isaïas, qui malum bonum, & bonum malum dicitis. Vt cum quis hominem impium, usurarium, ebrium, militem mercenarium, hostem Euangelij, præfert uiro pio & honesto. Si quis Euangelium hæresim, falsam autem doctrinam, orthodoxam appellet.

Priuari quoque impios non debent absolvere, & bonos condemnare.

16 Vt quid est hoc præcium in manu stulti, ad possidendum uel emendum

sapientiam, & cor non est ei?

Non uult dicere, spiritualia bona per temporalia comparari: sed tamen si stultis opes suppetant comparandis libris & magistris, & se conferendi in peregrinas regiones ingenij cultus capeffendi gratia, nihil tamen addiscere, deficiunt enim corde. Res stultissimas rebus maximis anteponunt, omnesq; sumptus malè collocant. Cordati homines sæpe multarum rerum sibi cognitionem compararent, si illis adminiculis non destituerentur. Vera quoque & cœlestis sapientia à multis perciperetur, si corde ab ea non abhorrent. Audiunt quidem sacras conciones, sed absque fructu: interim in res stultissimas multum impendunt. Opes instrumenta sunt uirtutum, si in bonos incidunt: sin uerò in malos, uitiorum. Operam igitur dare parentes ante omnia oportebat, ne liberi, quibus ingentes opes relinquunt, stulti essent & uecordes.

Quod de opibus dicitur, de alijs etiam animi, corporis & fortunæ, ut loquuntur, bonis accipi debet. (Sunt enim qui hanc uocem מַחִיר machir, pro uiribus naturalibus accipiendam putant.) Si ingenio, robore, autoritate, & alijs rebus, præditi sunt stulti & impij homines, ad suam & aliorum perniciem hæc dona, alioqui præstantia, conuertunt.

17 Omni tempore diligit amicus, & frater ad angustiam nascetur.

Hæc sententia continet descriptionem ueri amici. Verus amicus est, qui non tantum rebus secundis: sed etiam aduersis nos amat. Multi sunt qui nos dum opibus, potentia, autoritate floremus, amicè complectuntur: sed cum fortuna ipsi quoq; mutantur, quin in hostes interdum uertuntur, meretriculis non absimiles, quæ amorem quidem erga amatores suos præ se ferunt, sed cum primum eos auro emunxerint, perfidè deserunt. Boni amici in periculis constitutos consolantur & erigunt. Plautus in Epidico:

Verus amicus.



„ Is amicus est, qui in re dubia te iuuat  
 „ Vbi re est opus, &c.

Talis erat Jonathan, Chusai, Ithai cum suis socijs, qui Dauidi pulso è regno suo, fidem præstiterunt. Si quis antè nobis amicus non fuit, sed in periculo constitutus opem fert, germani fratris loco habendus est. Nam sæpe fit ut in periculis, ab illis quos optimos amicos esse credebamus, quin à parentibus, fratribus & liberis deferamur. Psal. 27. 41. Quod de priuatis hominibus diximus, ad oppida & populos etiam referri debet. Samaritani ut apud Iosephum legitur, cum Iudæi prosperè agerent, dicebant se eiusdem esse religionis: cum uerò clades acciperent, dicebant se institutis & legibus ab eis differre. De hac amicorum inconstantia, multa egregia leguntur passim apud poetas. Lucanus lib. 8. scribit:

„ Nulla fides unquam miseris elegit amicos.

„ Idem lib. 9. Clausa fides miseris.

Seneca in Hercule Oeteo:

„ Non rata fides ubi iam melior

„ Fortuna ruit.

Silius Italicus lib. 11. belli Punici secundi:

„ Stat nulla diu mortalibus usquam

„ Fortuna titubante fides.

Omitto elegantissimos uersus, qui apud Ouid. in lib. de Ponto & Tristibus hac de re habentur, &c. Arist. lib. moralium Eudemiorum 7. dicit: χρόνον δεινύναι τὸν φιλόμενον, hoc est, tempus indicare, quis uerè amet. Diximus de amicis hominum, de amicis Dei ueris etiam quædam sunt addenda. Hæc est uera nota amicorum Dei, ut non tantum secundis rebus Euangelium profiteantur, sed etiam aduersis, quando Ecclesia uarijs persecutionibus exercetur. Christus uerus noster amicus censeretur, qui se patri suo cœlesti piacularem hostiam obtulit, ad expianda nostra peccata, ut nos cœlo restitueret.

18 Homo deficiens corde, percutit manum, spondens sponfionem coram amico suo.

*Sponfionū pericula.* Non docet nos ab omni sponfionis genere abstinere (sæpe enim sponfionibus amicis succurri potest, absq; nostro damno) sed ne temerè pro aliquo fideiubeamus. Sæpe fit, ut sponfio ne proximum non liberes, interim te ipsum in certissimum facultatum discrimen conijcias. Ne putes fideiusionem rem esse nullius momenti: quàm periculosa sit, multi magno suo malo didicerunt. *Coram amico suo.*) Potest etiam uerti, *ante amicum suum*, ut sit sensus, homo imprudens fideiubet antequàm socius fideiubeat, cuius erat hoc facere.

19 Diligit iniquitatem, qui diligit rixam, & qui exaltat ostium uel os suum, quærit contritionem.

*Contentio radix est multorum peccatorū.* Hæc sententia de duobus magnis uitijs pronunciat. Primùm de contentione: deinde de illa superbia, quæ partim in uerbis, partim in sumptuosis ædificijs consistit. Qui contentionem amat, amat transgressionem. Contentio enim mater est transgressionis. Ex contentione tanquam ex fonte perenni, multa & magna mala scaturiunt, odium, inuidia, cædes, bella. Hæc uitia qui seriò detestatur, fontem tantorum malorum obstruit. Vide cap. 10. uersu 11. Cauendum autem est, ne illos statim qui asserendæ ueritatis studio tenentur, contentiosos dicamus. Non enim omnis concordia & pax Deo probatur.

*Exaltare os.* *תתפח* pethach significat apertionem. Micheæ 7. ab ea quæ dormit in sinu tuo custodi *תתפח* pithechei, aperturas oris tui. Significat etiam ostium. Exaltare os dicitur, qui se iactâdo, alios contemnit, quiq; contra homines ipsumq; Deum loquitur. Græci dicunt, *μεγάλα λέγειν*, *τραγικῶς λέγειν*: sic *μέγα φρονεῖν*, *μέγα πνεῖν*, pro insolentem atq; elatum esse. Isaïæ 14. de rege Babylonis legitur, quod thronum sibi inter stellas collocare uoluerit, seq; Deo æquare. Ezech. 28. de rege Tyri, quod cum à Deo ingentia beneficia obtinuisset, ausus fuerit se Deum facere, ideoq; ceciderit. Patres ad casum diaboli referunt. Pontifex Romanus se Christi uicariū appellat: se potestatem habere dicit remittendi peccata quibuscunq; uoluerit: sacerdotes qui ab ipso potestatem acceperint, quinq; uerbis Christum de cœlis cogere in panem: prophetis, Apostolis, regibus, concilijs, quin & angelis, se per arrogantiam anteposit. Daniel quoque 7. cap. tribuit Antichristo os loquens grandia. Quærit igitur malum, licet præter intencionem suam, quoniam quærit illa quibus hæc annexa sunt.

*Superbiexosi Deo & hominibus.* Antiquitas finxit Nemesein deam iactantiæ ultricem. Deo & hominibus, magniloquentia & iactantia est intolerabilis. Deo, qui uult ut si quid accidit boni, ipsi referamus acceptū: hominibus, qui nulla re citius saturantur quàm audiendis alienis laudibus. Admonet igitur



tur hæc sententia, temperandum esse ab huiusmodi grandiloquentia. De qua re ethnici etiam grauius præceperunt. Vide Prouerb. Ne magna loquaris.

Possumus etiam ita interpretari, *Qui exaltat ostium suum*, ut pars pro toto ponatur: hoc est, qui sumptuose ædificat suas ædes. Ut in rebus omnibus, ita in ædificijs quoq; modus seruandus est. Finis domorum est, commoda habitatio. Verusti patres qui tot seculis uixerunt, sub tentorijs degebant, nimirum ut testarentur, se hic locum manentem nō habere, sed futurum inquirere. Veteres Romani, & nobiles quoq; humiles casas incoluerunt. Romulus quantūuis Romanam condidisset, tamen in parua domo habitauit. Claud. lib. 1. in Ruff. inquit:

*Ædificia  
splendida.*

Et casa pugnaces Curios angusta tenebat.

Qui autem magnis sumptibus ædes ædificant & exornant, contritionem quærunt, hoc est, prodigunt suas opes, & ad paupertatem rediguntur. Accedit ad hæc, quod mortis metum augent, ægrè enim ex palatijs illis diuelluntur. Quod si homines cum iniuria aliorum sumptuosa ædificia construant, eorumq; contritionem quærant, quid nisi suam quoq; contritionem expectabunt? Grauius contra tales scriptura loquitur. Ierem. 22, Væ qui ædificat domum suam in iniustitia, &c. Amos 3. cap. Percutiam domū hyemalem cum æstiuā, & peribunt eburnæ domus, & dissiabuntur ædes multæ. Amos 5. & 6. ca. Detestor ego superbiam Iacob, & domos eius odi. Abac. 2, Lapis de pariete clamabit, &c. Domus eorum transibunt ad alios. Ier. 6. Ezech. 7. Sophon. 1. Cogita tu cui amplissima domus non sufficit, quā exiguā sepulchro inferendus sis. Cogita Christū nec unam habuisse domū cum nasceretur, & postea quoq; alieno sepulchro illatu fuisse. Cogita quot sancti in cauernis & speluncis uitā trāsegerint. Heb. 11.

Quod de priuatis ædificijs dicitur, ad publica etiam potest accommodari, ut sunt mœnia, turres, ualla, fossæ, portæ, pontes, fontes, & alia id genus, quæ uel ad necessitatē & munitiōnem, uel ad ornatum instituuntur. Non inanes sumptus faciendi sunt, fraudatis uiuis lapidibus, ex quibus magni regis ciuitas extruitur. Præstat item pecunias in alios usus conseruare, ne difficilibus temporibus, puta belli, famis, &c. Respub. detrimentum accipiat. Nabuchodonozor gloriabatur de Babylone à se ædificata, sed non impunè tulit, Dan. 4. cap. Babylonice turris architectis quid acciderit notum est ex Gen. 10. & 11. cap. Possset etiam de ineptis ædificijs intelligi, *Qui ædes exaltat*, sed fundamenta nō locat, facit ut tandem corruant. Quæ sententia postea ad alia quoq; potest transferri.

## 20 Cor peruersum, uel corde peruersum, non reperit bonum.

Qui malo corde præditus est, omnia dicta & facta calumniatur. Deinde non inuenit bonum, id est, pacem & gratiam. Quia Caligula coopertus erat omnibus sceleribus, nullum hominem castum reperiri credebat. Impijs rectissima Dei iudicia, peruersa esse uidentur. Aduersarij Christi omnibus dictis & factis Christi offendeabantur.

*Et qui peruersus est in lingua sua, cadet in malum.* Usus linguæ est celebrare Deum, prodesse proximo, & mentis cogitationes depromere. Peruersam nunc habet, qui ab hoc fine deflectentes, ociosa dicunt, alijs detrectant, (uariè enim peccatur lingua) mentiuntur, falsa docent, blasphemant, &c. hi incident in malum, ut loquuntur, pœnæ & culpæ.

## 21 Qui generat stultum, ad mœrorem suum gignit eum, nec gaudebit pater stultus.

Si per stultum, hominem parum mentis compotem intelligas, patris est mœror: nam ad omnes res ineptus est. Dolorem affert patri, si filium habeat gibbosum, claudicantem, cuius tamen usus esse potest: an non igitur ineptus ad res omnes, molestiam affert? Si intelligas stultos illos qui opes suas prodigunt, amicos bonos odio prosequuntur, adulatōres colunt, certè magnum parentibus dolorem conciliant. Si intelligas prudentes quidem iuxta seculum, sed stultos in rebus spiritualibus (quales multi sunt) pios parentes magna molestia afficiunt. Quid enim ab illis filiis expectabunt? quid de ipsis futurum esse cogitabunt? An non magnos dolores eis afferret, cum uident se non Deo, sed diabolo liberos genuisse? Hanc ob causam Dauid Absalomum uehementissimè lamentatus est. Si pater in eis instituendis magnam curam adhibens, nullis sumptibus parcens, tandem uidet, oleum & operam periisse, suam certè uicem deplorat. Sin uerò sua culpa tales esse uidet quia eos non modò non instituit, uel instituēdos curauit, sed dictis & factis perdidit, & rationem Deo reddendam esse seriò cogitat, quantos quæso dolores sentiet? Si iam non sentiat, sentiet tamen aliquando. Deus non ideo nobis liberos dat, ut nullam eorum curam geramus: sed ut nihil in eis instituendis omittamus, quod Ecclesiæ & Reipublicæ aliquando sint ornamento. Addit, *Nec patrem stultum gaudere*. Parentes enim quantumuis stulti, cuperent liberos suos bonos & prudentes euadere. Vel, parens stultus qui Deum ignorat & sibi similem

*Stultus.*



filium oprat, non lætabitur, sed tandem suo malo experietur, qualem filium habeat. Si legas, Nec pater stulti gaudebit, eandem rem per cōtrarium affert, ad ostendendam magnitudinem doloris. Potest hæc sentētia allegoricē etiam de spiritualibus parentibus & filiis exponi. Paulus de Corinthijs scribit, In Christo Iesu per Euangelium uos genui. Timotheū filium suum germanum uocat in fide, &c.

*Cor lætum* 22 *Cor lætum benefacit (ut) medicina.*

*prodest cor* Lætus & alacris animus, est instar medicinæ. Sæpe enim in hoc libro subauditur Caph si-  
*pori instar* militudinis: quemadmodum medicina corpus sanat & uegetius reddit, ita etiam mens hila-  
*medicinæ.* ris prodest corpori. Plautus in Rudente:

„ Animus æquus optimum est ærumnæ condimentum.

Vel legi potest, *Cor lætum bonam faciet medicinam.* Homini enim ægroto, si læto fuerit corde, plus prodest medicina, q̃ si tristitia & mœrore afficiatur. Ex melancholia morbi graues oriuntur.

*Medicina.* Medicina donum Dei est, & ob id non reiicienda. Eccles. 38. cap. Affice medicum honore suo, propter necessitatē. Dominus enim eius author est. Nam medicina manat ab altissimo. Mox, Altissimus medicamēta de terra procreauit, nec abhorrebit illa sapiens. Christus Math. 9. dicit, Non opus est ualentibus medico, sed malè habentibus. Quibus uerbis approbat medicinam. Medicinæ usum fuisse apud Iudæos hinc apparet, quod Exodi 21. dicitur de sumptibus quos uulneratus fecit, reddendis ab illo qui ei uulnus infixit. Lucas scribitur fuisse medicus, Coloss. 4. Magnum est bonum quod Deus Rebus publicis concedit, si bonos medicos & Chirurgos habeant. Ezechias iussu prophetæ, medicina usus est, 2. Regum 20. cap. Cauendum igitur ne eam reiiciamus, ut quidam qui dicunt, Deus solus medicus meus est, nullam aliorum medicorum uel pharmacopolæ mentionem faciatis. Rectè faciunt quodd spem suam in Deo collocant, quod autem causas secundas, per quas Deus operari uult, reiiciunt, probari nō debet. Deus uim medicam herbis, radicibus, lapidibus & alijs rebus indidit, quibus cōgratiarum actione utendum est. Qui uerò nulla medicina utuntur, uel nō tempestiuè, uel nō eo modo quo debebant, perdunt seipsos. Ex altera parte peccant, qui nimium medicinæ tribuunt, ut in morbis non ad Deum, sed tantum ad medicos cōfugiant. Hoc nomine reprehenditur Asa, 2. Para. 16. cap. qui non Deum, sed medicos quæsiuit. Nullas autem uires habet medicina, nisi Deus sua adsit gratia: ipse sanat nos. Exemplum habes de hæmarhoufa Matth. 12. cap. Caueant autem sibi homines ab artis imperitis, empiricis, uetulis, Iudæis: maximè uerò ab incantatoribus & magis. Respondent multi, ægrotus quærit sanitatem. Multi experti sunt hæc & illa, effectu non caruisse. Sed ponamus homines uerè sic sanari, non tamen hoc modo procurare sanitatem licet. Prohibetur hoc legibus diuinis & pontificijs: ut in Decretis, Causa 26. Medici quoq; suum officium faciant. Munst. uertit, *Cor lætum bonam facit ualetudinem.* קנא געהאח sanitatem significat uel medicinam, קנא גאהא sanare, mederi. Alij interpretantur splendorem uel speciem, à radice קנא נאהא.

*Tristitia ho* Spiritus consternatus exsiccat ossa. Id est, totum corpus & etiam ipsa ossa. Tristitia uires eneruat.  
*mines confi* Eccl. 30. Mœstitia in mortem exit, animiq; tristitia uires debilitat. Ita alij affectus, auaritia, am-  
*cit.* bitio, ira, odium. In primis uerò peccatorum recordatio, nos exagitat. Ne igitur dedas animū tuum tristitiæ: sed abige eam consolationibus ex uerbo Dei depromptis. Sunt autem multa dicta & exempla ueteris & noui Testamenti, quæ nos in omni casu consolantur, ut si decesserunt nobis parentes, amici, si peccata nos cruciant, &c.

Aristoteles in libello suo de longitudine & breuitate uitæ, dicit, in calore nativo consistere nitam: illo extincto frigus, ex frigore mortem oriri. Causas autem exsiccantes hunc calorem, ostendit labores: per quos non tantum corporis fatigationes, sed etiam mentis intelligit, ut est metus, tristitia, &c. Deinde multitudinem excrementorum, siue sanguinis, siue seminis. Quandoquidē igitur tristitia calorem pellit, morbos cōciliat & mortē accelerat. Euripides:

„ λυπὰι γὰρ (inquit) ἀνθρώποις τίνυσιν νόους. Id est,

„ Mœrores morbos pariunt hominibus. Menander:

„ πολλὰν φύσιν τοῖς πᾶσι ἀνθρώπων κακῶν

„ ὄντων, μέγιστον ἐστὶν ἡ λύπη κακῶν. Id est,

„ Cū natura cunctis hominibus mala multa

„ Hæreant: maximum est tristitia malum.

Legē Stobæum Sermone 97. Quid lib. 1. de Pontor:

„ Iam mihi deterior canis aspergitur ætas:

„ Iamq; meos uultus ruga senilis arat, &c.

„ Confiteor facere hoc annos, sed & altera causa est:

„ Anxietas animi, continuusq; labor, &c. Vide cap. 12. uer. 25.



## 23 Munus è sinu accipit impius, ut inclinet semitas iudicij.

Suprà dixit de incredibili uī munerum: nunc qui uel quales sint tam illi qui munera accipiunt, quàm illi qui largiuntur, ostendit: de utrisq; enim hæc sententia commodè intelligi potest. Iudex qui accepto munere magno uel paruo, non pronunciat ex legibus, secundum æquum & bonum, ut suum cuiq; cedat, quiq; religionem opprimit, impius est. Cic. dicit in 4. Verrina: Omnium rerum turpissimum, maximeq; nefarium est, ob rem iudicatam pecuniam accipere, precio habere addictam fidem & religionē. Concionator quoq; qui opulēta sacerdotia accipit, & semitas iudicij peruertit, falsam doctrinā uerā esse dicēs: impius iudicari debet. Ita alij qui accepta pecunia è sinu, id est, clām, nō rectè de rebus iudicant, sed multa etiam contra communem sensum probāt, tenebras lucem, lucem tenebras dicūt, sunt impij. Quot sunt qui fatentur errores in Papatu esse, quos tamen propter munera retinent & defendunt?

Potest etiam hic sensus esse, *Impius accipit munus è sinu*, Et dat iudici uel alijs, ut eos corrūpat. Aliās nihil conferret, & si alij conferrent, ei inuideret, tamē nunc promittit uel dat, ut causam uincat. Nihil dandum est iudici, ne causa bona cadamus, multò minus dandum, ut malum uincamus. Paulus Felici præsidī nihil dedit, ut liberaretur è uinculis, quamuis ille speraret, Act. 24. Peccant item qui ut gradum aliquem in Rep. consequātur, muneribus alios corrumpunt. Qui ita affecti sunt, non publicæ, sed priuatæ utilitati studebunt, uendent suffragia & omnia habebunt uenalia. Magis autem reprehendendi sunt, qui ut honestum aliquem locum in Ecclesia sibi comparent, muneribus agunt. Simoniam hoc uitium, ueteres appellant.

Qui dant  
& qui acci-  
piunt mu-  
nera, repre-  
hēduntur.

Simonia.

## 24 Facies intelligentis sapientia, &amp; oculi stultorum in extremo terræ.

Sacram scripturam quidam metallo similem dicunt. Quemadmodum enim bonum metallum exhauriri non potest: ita sacræ literæ fructu ita abundant, ut si omnium hominum ingenia in illis eruendis laborent, nunquam tamen eorum labor irritus & inanis esse possit. Paucis sæpe multa mytheria continet. Vnius sæpe sententiæ, tres uel quatuor sensus esse possunt, qui omnes utilem doctrinam continent. Talis fuit superior sententia de muneribus, & hæc præsens, & multæ aliæ. Sensus est, interiorem sapientiam mentis, relucere in uultu sapientis: grauitatem enim præ se ferunt, Eccles. 19. Ita ferè fit: fallit tamen interdum, nam multi de facie boni uidentur, cum mali sint, & uicissim mali cum boni sint. Quanquam non loquatur de uultu tantum quoad os, nares, cilia, sed quoad actiones, studia, &c. *Stultorum autem oculi, sunt in extremo terræ.* Hoc est, oculos habent uagos & instabiles: oculos nunc huc, nunc illuc torquent. Oculos custodire docet scriptura. Iob dicit, se pepigisse fœdus cum oculis suis, ne illa inspiciant, quæ nefas sit inspicere. Hecuba apud Euripidem dicit:

Sacrarum  
literarum  
fecunditas.

Oculi.

αἰτίου τι καὶ νόμος,

γυναικας ἀνδρῶν μὴ βλέπειν ὀφθαλμοῖς.

Rebecca cum occurreret Isaac, faciem contexit. Dina uerò Iacobi filia, cum oculos non custodiuiſſet, uitiatā fuit. Decet iuniores, demittere uultum si incidunt in graues uiros. Maxime autem in templo non huc & illuc oculi torquendi sunt. Vel sensus est, homo intelligens habet ob oculos sapientiam, uerbum Dei, atque adedò ipsum Christum, qui est uera sapientia: stulti uerò terrena spectant. Vel, sapiens in promptu habet sapientiam, stulto autem huc & illuc respiciendum est. Potest etiam hic sensus assignari, In conspectu, uel coram prudente sapientia, hoc est, qui discere uult, semper habet unde discat, sapientia ei exposita est & in promptu: non necesse est ut procul eat eius assequendæ gratia, cum Pythagora ad uates Memphiticos, cum Platone in Ægyptum, cum Apollonio Thyanæo ad gymnosophistas Indorum: quotidie in ea proficit. Stulti uerò quæ ante pedes sunt conculcantes ac prætereuntes, sapientiam longinquis & periculosis itineribus persequendam putant, trans maria currunt, maximos sumptus faciunt, nihil tamen perficiunt: uitia exterorum discunt, non uirtutes. Non tamen improbamus illos, qui peregrinationes suscipiunt, ut cum Vlyſſe Homericō multorum populorum mores & instituta cognoscant, & artes addiscant. Magni enim philosophi discendi causa remotissimas gentes penetrarunt. De multis sanctis idem legitur. Multis opificibus peregrinationes susceptæ non parum profuerunt. Stulti uerò orbem terrarum frustra lustrabunt. Socrates cuidam querenti, quodd peregrinationes sibi nihil profuissent, Non immeritò, respondit, tibi istud euenit: tecum enim peregrinabar. Sapientes ut peccatorum ueniam consequantur, nō emetiuntur longa itinera. Stulti uerò Romam, Compostellam, Hierosolyma & alia loca longinqua petunt: redeunt autem peiores, exhauriunt loculos, & uxorū pudicitiam in discrimen coniiciunt.

Peregrina-  
tiones.

Votiuæ pe-  
regrina-  
tiones.

## 25 Mœstitia est patri suo filius stultus, &amp; amaritudo matri suæ.

כאס Kaas, actiue accipitur pro prouocatione uel irritatione: & passiue, pro dolore, per-



turbationē, ira & indignatione. Hæc eadem sententia suprà posita fuit, nisi quòd nunc matris quoq; meminit. Ideo aut̃ repetitur, ut parētes discant, nihil omittere in instituēda iuuentute. Matres sæpe filios corrūpūt sua indulgētia: iusto igitur Dei iudicio fit, ut postea pœnas dent.

26 Etiam condemnare iustum, non est bonum.

**W** Anasch significat affligere, mulctare, & intelligitur de pœna pecuniæ & corporis. **W** gam, quidam interpretantur hoc loco, profectò. Iusti uiri colendi sunt, nam ornamento sunt oppidis. Sæpe propter paucos bonos, Deus multis parcit, aut pœnas mitigat: principes defendere eos debēt, & si deiecti sint suis possessionibus, in integrum restituere. Sin uerò mulctantur, uel supplicio afficiantur, bonum non est, id est, pessimum est. Liptote hæc figura à Grammaticis appellatur, cū minus dicimus, & plus intelligimus: ut apud Vergiliū lib. 1. Georgicōn:

” Nec nulla interea est inaratæ gratia terræ:

Id est, maxima & præcipua. Sed & Hebræi, quando uolunt explicare superlatiuum, dicūt per negationem. Suppliciorum genera sunt uaria: est mulctatio in fortunis, exilium, captiuitas, amputatio membrorum, ipsa deniq; mors, quæ non uno modo inferitur. His supplicij nefarij homines, non pij & innocentes affiendi sunt. Si uerò pij, uel à priuatis hominibus uel à magistratibus affligantur, Deus inultum non finit. Testatur enim se oppressorum esse uindictam. Maius nunc est, si propter ueram religionem homines indignis modis tractentur, quod hodie uulgare est, & ut pius zelus à multis laudatur. Si quis habeat sacra Biblia, carnes diebus à Papa ueritis comedat, de idolis non reuerenter loquatur, sacrificulorum turpem uitam improbet, abusus crassissimos reprehendat, & salutem soli Christo acceptam referat, statim hæreticus esse accusatur, & ignominij, uinculis, exilijs, uirgis, morte tandem mulctatur. Parcitur interim ebrijs, adulteris, homicidis. At Deus quotidie declarat, quàm hoc sibi displiceat: manifestissimè autem extremo die declarabit. Zach. 2. cap. inquit, Qui uos terigerit, tangit pupillam oculi mei. Isa. 63. de populo Israelitico scribitur, In omni afflictione eorū ipse afflictus est. Omnibus seculis in persequutores horrenda exempla edita sunt.

Et percutere principes ob rectitudinem.) Scilicet, pessimum est. Radix est נָחַח nachah, uerberare, pulsare, afficere plagis, occidere, in hiphil frequentifs. est in usu, ac latæ significationis. Si principes qui bonas leges defendunt & rectè iudicāt, à subditis indignè tractentur, magnum est peccatum. Deus enim subditis præscribit, quomodo se gerant erga magistratus suos: uult ut honorificè de ipsis sentiant, eis obediant, tributa, uestigalia & alia persoluant, pro eis orent, eosq; defendant. 2. Sam. 21. cap. scribitur de Dauide, quòd in bello Palestino pugnantem cum gigante, Abisai protexerit, Israelitæ decretum fecerint, ne amplius descenderet in prælium, quo eius prudentia & consilij diutius fruerentur. Et quemadmodum caput obiectu brachij defendimus: ita capita, hoc est, principes nostros defendere debemus. Oppositum nunc facere, grande scelus est. Paulus enim dicit, illos qui magistratui resistunt, Dei ordinationi resistere: ideoq; à Deo puniri. Eurip. quoq; dicit in Electra:

” ὅτι βασιλῆα φάμιλον ἑταίρον.

Hoc est, Non res leuis est regem interficere. Exempla habemus in Absolomo, in illis qui Goliath interfecerūt, Jerem. 41. & in bello Seruili quod nostra ætate in Germania gestum est. Etiam contra malos principes non insurgendum est. Petrus enim seruos, etiam *δουλοῖς* dominis iubet parēre. Si officium suum non faciant, Deo rationem reddent. Quidam ita uidentur accipere, si principes aliquem feriant propter iustitiam, grauer peccant: putant enim se excipi à communibus illis legibus. Si de proceribus Ecclesiæ loquamur, etiam nō percutiendi sunt, si officio suo ritè fungātur. Malè enim hoc cecidit Core, Dathan & Abiram, Num. 16. Multa hac de re leguntur in epistolis Ignatij. Sin autem officium non faciant, deponendi sunt à magistratibus. Queruntur hodie pontifices quòd eos oppugnemus, sed causa in promptu est, quia petunt fortunas, corpora & animas nostras: doctrinam puram abiecerunt, ideoq; nō magis audiendi sunt quàm Annas, Caiaphas, scribæ & pharisæi. Veterem Romanam Ecclesiam, quæ fuit Ecclesia Christi, nequaquam impugnamus.

27 Prohibens eloquia sua, nouit scientiam, preciosus spiritu est uir intelligentiæ.

**L**ingua frenanda. Hæc sententia ostendit, sapientes non esse multiloquos, sciunt tempus esse loquendi, & tempus tacendi. Si loquendum sit loquuntur, si tacendum tacent. Potest enim nō minus silentio, quàm loquacitate peccari. Sæpe necessitas postulat ut loquamur: sæpius autē loquendo quàm tacendo peccatur. Vox enim emissā non potest reuocari. Hom. ἵππεα πτολιπόδευτα uocat, quòd euolent atq; reuolare nesciant, Metaph. sumpta à uolucris. Horat.

” Et semel emissum uolat irreuocabile uerbum.



Ecclesiastici cap. 26. duabus similitudinibus docemur, frenare linguam. Maxime autem illi qui inter scyphos se multa non dicenda loqui norunt, os frenare debent, & sibi à nimio uino temperare. Preciosus spiritu Hebraica phrasi is dicitur, qui raro mentem suam declarat uerbis: qui non temere effundit spiritum suum. Germani dicunt, Den attem speren. יקר iakar preciosum dicitur quod rarum est, & non omnib. obuium. Grammatici annotant scribi per uas, pro iod, quod legi possit יקרי iakari: quidam deducunt à יקר iakar, quod est prohibere, Prohibens spiritum uir intelligentiae. יקר kar etiam frigidum significat: hinc quidam reddunt, frigidus spiritu, hoc est, qui sibi ab ira temperat. Vel, remissus, non temerarius.

Preciosus  
spiritu.

28 Etiam stultus cum tacet, sapiens reputatur, & qui obdurat labia sua intelligens.

Cum oratio speculum sit animi, statim stultus oratione declarat qualis sit. Silentio igitur regitur stulticia. Silentium ubi loquendi tempus non est, prudentiae signum est: loquacitas stulticiae. Iob 13, Utinam taceretis, ut putaremini esse sapientes. Idem bis dicit, quanquam posterioris membri hic sensus esse possit: Stultum, si tacet, sapientem uideri. Sapientes enim labia sua compescere: ut ad sapientem, non stultum referatur.

### CAPVT XIII.

Secundum concupiscentiam (uel desiderium) quærit separatus, in omni essentia uel re miscebit se.



AE C sententia difficilis est intellectu: ego simpliciter sequor uersionem antiquam, & septuaginta interpretum, qui hunc sensum reddunt: Qui animū habet ab alienato ab aliquo, pro libidine quærit occasionem ab eo recedendi, & in quauis re eam inuenit. Thuschia interpretantur, ut aliās annotauimus, opus bonum, rem, substantiam, successum, sapientiam, religionem. מלך galah in hith pael

Qui cupide  
dissociari  
studet, quauis  
ratione  
uitur.

tantum reperitur, & significat misceri uel miscere se, inuoluere & implicare. Taxantur iuxta hanc sententiam, illi qui absque iustis causis, amicitia dissoluunt. Sæpe experimur, amicos nostros, qui aliquas ob causas alieniore in nos sunt animo, multas fingere causas, ob quas aperte à nobis discedant. Hoc etiam in rebus maioribus locum habet. Sunt qui à uera religione abhorrent: illi causas afferunt multas: obijciunt nobis discordiam ministrorum ecclesiae, uitā dissolutā: ideo dicunt se Euangelium auersari, quod diuortia usitata sint apud Euangelicos: alij alia fingunt. Anabaptistæ cum à cœtibus sacris refugiunt, suos habent prætextus, ne temere hoc facere uideatur, dicunt concionatores, non exprimere uita sua id quod docent, accipere stipendia, disciplinam nullam esse, &c. Pharisei & scribæ ab alienato animo erant erga Christum, ideo omnia tam dicta quàm facta eius, calumniabantur. Potest & hic sensus ab hoc non multum diuersus, annotari: illi qui se animo ab alijs separant, affectum suum sequuntur,

Contentiosus  
undecumque  
rixandi oc-  
casionem ue-  
nantur.

Οἱς αἰεὶ δι' ἐριστε φίλον πόλεμον ἔμαχαιτε,

Propter omnes res, etiam solidissimas, se immiscebunt. litibus, sine fine rixabuntur. Ut hac sententia taxentur homines φιλονεικῆς & ἐρισταί, qui facile quauis de causa mouent certamina. Sic Græci de nocendi cupidis prouerbum habent, προφάτως δέεται μόνον ἡ πονηρία, hoc est, occasione dumtaxat opus est improbitati. Vulgus dicit, Facile baculum inueniet, qui cupit cedere canem. Capite 20. dicit, gloria est uiro quiescere à lite, & omnis stultus יתגלל iythgalla, id est, miscebit se. litibus. Caietanus hunc sensum affert, quod qui à communi uiuendi ratione abhorrent, subinde quærunt suis moribus congruentes. Alij hunc sensum afferunt, Secundum desiderium suum quæret, Scilicet sapientiam, Qui se diuidit, Scilicet ab alijs: Et in omni sapientia, Id est, cum omnibus sapientibus se miscebit. Ut sit mutatio speciei, sapientia pro sapiente accipiat. Quidam in malam etiam partem accipiunt. Rabbiorum aliquot interpretationes Santes collegit in suo Lexico, in themate יתפרד parad.

2 Non complacebit sibi stultus in intelligentia, sed cum manifestatur cor eius.

Aduerbum est, In patefacere cor eius: est enim infin. coniugat. hith pael, à גלל galah. Stultus non acquiescit doctrinae salubri, ne ea delectatur: nihil placet ei quod ipse corde suo non uoluit, aut quod ipsius affectibus non consentiat. Sua autem qualiacunque sint, ei mirifice probantur. Pestilens est hoc φιλαντίας malum, & omnibus insitum. Nemo ferè tam modestus & cautus existit, quin in suis rebus cæcutiat. Ed usque autem procedit, ut & uirtutes alienas calumniemur, & nostris blandiamur uitijs, eaque uirtutum nomine donec

Philantia,



mus. Sed scriptura stultos illos esse dicit, quibus illa tantum placent, quæ secum in animo uoluerunt. Inuenias Theologos, qui non nisi per omnia secum sentientes, ferre queunt: Politicos uiros, qui consilia quantumuis utilia & salutaria, ab alijs data respuunt. Quot sunt qui flagitia sua mordicus defendunt? Dicant omnes Theologi quicquid uelint, inquirunt, tamen nemo mihi persuadebit, hoc uel illud, peccatum esse. Idem dici potest de religione: simulachra, cereos & alia tuentur, si proferas sacras literas, morem ueterum, nihil effeceris: his rebus Deum coli sibi persuaferunt. Non exigentes eas ad scripturæ regulam, sed ad suos affectus. Quod uolunt, sanctum est.

### 3 Quando uenit impius, uenit etiam contemptus, & cum ignominia, opprobrium.

Vetus uersio habet, *Impius cum in profundum uenerit peccatorum, contemnit, sed sequitur eum ignominia & opprobrium*. Bona est sententia de obstinatione mentis, sed Hebraica ueritas aliter habet. *Impij omnia contem- nunt.* Ostendit impios homines, Deum & res diuinas, ueluti scripturas, promissiones, minas, homines item, qui sibi similes non sunt, contemnere, licet à Deo magnis donis sint ornati. Cum ignominia, id est, ignominioso per Meton. uenit probum & contumelia. Tales homines probro afficiunt Deum uerbis & factis. Sic de Pharaone, Senacheribo, Antiocho & alijs legitur. Multi hodie auctoritatem sacrarum literarum prorsus eleuant. Alij eas imperfectas esse asserunt: Euangelium hæresim appellat. Blasphemiarum nullus modus est neq; finis. Neq; hic excusantur, qui Euangelici uocari gaudent, interim uerò turpi uita ab Epicureis nihil differunt. Deinde in homines quoq; contumeliosi sunt: illos qui Euangelium amplectuntur, plurimis & grauissimis contumelijs uexant: gaudent si famam aliorum lædant, multa quæ sepulta erant, reuocant, & ne mortuis quidem parcunt. Factis item in alios contumeliā edunt, uxores & uirgines eorum constuprantes, &c. Quid tandem fiet? In hac uita contumelia ipsi etiam afficiuntur. Deus enim disertè dicit, Qui glorificauerit me, hunc ego glorificabo, qui uerò me contumelia afficiet, hunc ego contumelia afficiam. Probra eorum omnibus fiunt manifesta, carnificibus sæpenumero iugulum præbere iusto iudicio coguntur. In altera uita, si non agant penitentiam, æterna ignominia afficiuntur, & in nouissimo iudicio ignominia eorum publica erit. Quod de priuatis hominibus dicitur, ad gentes & populos extendendum est, quos Deus per famem, & gladium & alias calamitates uastat. Exemplum habes in Iudæis. Castalio reddidit, *Ubi adest impietas, ibi est contemptus, & despicationis comes est ignominia.*

### 4 Aquæ profundæ uerba oris uiri, torrens redundans uena sapientiæ.

Sermo sapientum, aquis profundis & redundantibus comparatur. Quemadmodum usus aquarum stagnantium & fluentium, magnus est & necessarius hominibus: ita uiri sapientis, & eloquentis. Si hanc sententiam ad uerbum Dei, ueram sapientiam, & Christum seruatorem nostrum referamus, res erit manifesta.

### 5 Accipere personam impij, non est bonum, ad peruertendum (uel declinare faciendum) iustum in iudicio.

Repetitur hæc sententia cap. 24. uer. 23.

*Persona.* Persona accipitur pro qualitate, qua alius ab alio differimus: in animo, ut cui studio incumbat, an luxuriosus sit an temperans: corpore, ut, iuuenis ne sit an senex, pulcher an deformis: *Respicere personam.* in extra positus, ut diues an pauper, clarus an obscurus, prolem habes, an orbus. Accipere nunc uel respicere personas, est attendere ad conditionem personæ, nihil facientem ad illud negocium. Iudex in iudicio, ipsas res uel causas quales sunt expendere debet, non conditionem personæ. Exempli gratia: Venit in iudiciū diues & pauper: hic bonā habet causam, ille malā: nō igitur iudicandū est pro diuite, & uicissim. Si nunc iustus in iudicio, cadat causa: & iniustus qui meritis iudicem corrumpit, uel formidabilis est, causam uincat, maximū hoc peccatū est. Iudicium enim non hominum est, sed Dei, qui personam nō suscipit. 2. Paralip. 19. Iosaphat hac de re cum iudicibus quos constituerat, sermō agit. Multa hinc inde in scripturis leguntur, cum contra alia uitia iudicum, tum contra acceptionem personarum. Leuit. 19. Deut. 1. & 16. Psalmo 82.

Est etiā alia quædā personarū acceptio, quæ extra iudiciū consideratur. De qua D. Iacobus 2. ca. suæ epistolæ loquitur. Si, inquit, ingressus fuerit in cœtū uesterū, uir aureos annulos gestas, ueste indutus splendida: ingressus autem fuerit & pauper in fordida ueste, & respexeritis in eū, quæ ueste fert splendidā, dicitis ei, Tu sede hic honeste: pauperi dicitis, tu sta illic, aut sede hic subter scabellū meū, & non diiudicati estis in uobis ipsis, & facti estis iudices cogitationū malarū. Audite fratres mei dilecti, Nōne Deus elegit pauperes huius mūdi, diuites in fide, & heredes regni, quod promisit his à quibus dilectus fuerit? Vos autem contempnui habuistis pauperē, &c. Vitiosa est illa personarū acceptio, quā solo respectu diuitiarū, malos honore persequimur, cum iniuria bonorū.



## 6 Labia stulti ueniunt cum rixa.

D. Iacobus Apostolus cap. 3. suae epistolae, linguam clauo naui similem facit, qui cum sit instrumentum perexiguum, tamen totam molem naui aut seruat, aut euertit: sic lingua licet membrum corporis paruum sit, tamen hominibus magnam utilitatem, & uicissim perniciem adfert. Ideo saepe de lingua in hoc libro differitur. Si per stultum fatuum intelligas, res manifesta est. Nam quia loquitur quicquid in buccam uenerit, fieri non potest, quin contentiones oriantur. Deinde cedere nemini uult, non illa prudentia praeditus est, ut cogitet hominibus natura iracundis, ebrijs & alijs, aliquid concedendum esse, occasionem itaq; dat rixis. Putat item honorificum esse, si res etiam non compertas affirmet, ideo ubicunq; fuerit, rixis materiam praebet. Si per stultum impium accipias, etiam illum in rebus politicis & Ecclesiasticis, litibus delectari certum est. Imitatur enim diabolus patrem suum, qui odijs & concertationibus impense delectatur. Homines inter se committit, sub specie iusticiae rixatur, saepe in foro cum alijs litigat, etiam si probe norit se malam causam habere. In religione de omnibus capitibus fidei certamina mouet, non simpliciter in Christum credit & sancte uiuit. Hinc fit ut nullus contentionum neq; modus neq; finis sit.

Stultus lingua sua contentiones mouet.

Atque os eius uocabit ad pugnas.) Os impij alios contra se prouocat: saepe enim male tractatur ab alijs. Deinde alios etiam inter se committit. Interdum etiam seditiones & funesta bella concitat. Haec quam ad amussim quadrent in pontifices illos Roman. qui aliquot iam seculis maximorum in orbe dissidiorum fuerunt authores, optime norunt, qui legerunt historias.

## 7 Os stulti contritio sibi.

מחח Mechitah contritio uel terror, à חח chathath, contere, frangere, & refertur ad animum, frangi animo, consternari. Quoniam stulti ingenta quadam malignitate, contra Deum & homines quicquid libet loquuntur, in magno metu sint oportet, ne homines, quid dixerint, resciscant, & eos odio persequantur, uel laedant, ne magistratus eos compescant, ne ue Deus eos puniat.

Et labia eius, laqueus animae eius.) Loquuntur multa, propter quae non tantum partem facultatum suarum: sed etiam uitam, quin & animam perdunt, nisi agant poenitentiam.

## 8 Verba susurronis sunt similia uulneribus, descendunt in penetralia uentris.

Similis ferè sententia ponitur cap. 26. uersu 22. Pestilentes sunt homines qui naturae morbo, passim omnibus maledicunt: sed pestilentiores sunt, qui clancularijs delationibus, animos ad iram & odium inflammant. Nam grauius uulnerant, cum illos quos deferunt, tum illos quibus deferunt. Et quemadmodum uulnus quod in penetralia uentris descendit, immedicabile est: ita uix illi possunt placari. Non enim uocatur ille, qui accusatus est, ut se purget ac defendat. Vulnus autè quod tegitur, non potest curari. Multi plus mali per calumnias, quam per hostes acceperunt. Vel sensus est, Verba illa altissime in animum descendere. נרגיר Delator quis. niran susurro, delator, qui mala de alijs occultè dicit, mala intentione. Non enim existimandum est, omnes qui aliquid clam de alijs dicunt, delatores aut susurrones esse. Nam si magistratus nos de aliquo testari iubeat, bona fide quae comperta habemus, dicere tenemur. Item si hunc in finem aliquid deregimus, ut coerceatur scelerati, non sumus accusandi. Ioseph hoc nomine in scripturis laudatur, quod detexit patri suo, fratrum desidia & improbitatè. Delatores sunt illi, qui homines traducunt ex prauis affectibus, ut eos suum in odium adducant, & ita se ulciscantur de eis, uel aliquid assequantur, quod metuunt ne alter assequatur, &c. In Repub. saepe fit, ut improbi homines clancularijs delationibus, uiros integros inter se committant, ne religionem iunctis uiribus propagent.

Non autem unus modus est delationis: aliquando susurrones, id quod dictum uel factum est, in aliorum sium effundunt: ubi illos qui peccarunt, potius monere debebant, si doleret eis peccatum illorum. Aliquando non simpliciter narrant, quae dicta uel facta sunt, sed de prauant, quaedam addunt, quaedam detrahunt, prout suae causae uident prodesse. Aliquando narrant de aliquo, quae nunquam uel per somnium cogitauit. Figuratum est genus delationis, quando simulant sibi dolere quod quis haec uel illa dixerit aut fecerit, dicunt se bono animo, sed inuitos & coactos haec dicere, & partem tantum dicere, non uolunt ut illi quibus narrant, cuiquam reuelent. Quin confirmant nonnunquam interposito iuramento, rem sic habere, cum tamen ipsi confinxerint. Est aut uicium ualde detestabile: homines enim coniunctissimos diuellit, atq; odia accendit erga illos, qui nihil tale sunt commertiti. Furtum odiosum est scelus: fures deprehensi graues dant poenas, truncantur auribus, caeduntur uirgis, aguntur in patibulum, & in aere penduli, coruorum praeda sunt. At susurrones

Species delationis.

Gravitas obrektionis.



gravius peccant, Eccles. 5. ca. Quis enim non mallet faccularium aliquem loculos sibi auferre, quàm fufurronem bonam famam & amicitiam, quæ optima est possessio? Deinde opes fera & repagulis muniri possunt, at fufurrones caueri non possunt. Adhæc opes semel amisse, possunt recuperari, at bonum nomen non item. Si de furto suspectus sis, fure deprehenso liberaris à suspitione: at si adultera dicaris, non item. Species quædam homicidij est, famam innocentis hominis lædere.

*Cauendum  
est à dela-  
tione.*

Cauendum igitur est à tanto scelere. Si hactenus hoc morbo laborasti, pœnitentiam age. Deus enim detestatur fufurrones: diabolus hinc nomen habet, quòd calumniatur hominum dicta & facta coram Deo. Ne igitur diabolo gratificeris: ne patulas istis hominibus aures præbeas, audi semper alteram partem, nec omnibus fidas. Pelopidas, cum fortis quidam miles apud ipsum deferretur, quòd ei conuiciatus esset: Equidem, aiebat, facta eius respicio, uerba autem non audiui. Quisque etiam ita se gerat, ut nemo facile queat uel audeat eum calumniari. Socrates ille Cynicus, ut est apud Stobæum, cum audisset hominem improbum, Platonem maledictis proscindere, Desine, inquit: neq; enim tu male de illo dicendo fidem merebere, neque is te laudando. Prouerbio dicitur, Frustra Herculi, scilicet calumniam struxeris. Præcipuè uerò principes cauere sibi à fufurronibus debent. Vix enim ullus princeps tam est cautus, qui calumniatorum insidias euitare possit. Dauid ab adulatore Siba, in fraudem inductus fuit: de multis imperatoribus legitur, quòd cum nimium faciles se calumniatoribus præberent, multos fortitudine & sapientia præstantes uiros amiserint. Non autem satis est, ut principes sibi caueant ab hoc hominum genere, sed pœnas quoq; de eis sumere debent. Furtum punitur, sed multò est sceleratius impetere famam alterius, uita quoq; chariorem. Concionatores taxent ex uerbo Dei delatores. Parentes, liberos qui delationibus se insinuare uolunt, compescant, seruis & ancillis non concedant, quæ audiuerunt cum iniuria aliorum referre, &c.

Quod linguam attinet **לנחם** laham, significat blandiri, lenire, & uulnerare & uerberare: hinc quidam exponunt, Verba fufurratoris tanquam blandientia aut lenientia, Id est, blanda aut lenia, aut nemo sit qui illa sentiat: uel, tanquam uulnera, uel uerbera.

#### 9 Etiam qui se remissum facit in opere suo, frater eius est qui dissipat.

*Socordia et  
negligètia,  
maximè  
res dilabun-  
tur.*

Frater, id est, similis est dissipanti, scilicet res suas. Sic somnum uocamus fratrem mortis. Hoc in re domestica manifestum est: non enim decoctores tantum, qui dilapidant rem familiarem: sed etiam negligentes, desides & remissi, qui accepti & expensi nullam curam habent, ad extremam inopiam rediguntur.

Potest hæc sententia rebus maiorib; aptari. In Repub. dissipant, qui bonas leges & religionē euertere conantur: illis nō multum dissimiles sunt cessatores illi, qui se malis nō strenuè opponunt. Nostri de huiusmodi hominib; dicunt, Quòd nullum damnū dent, neq; auertant. Plus requiritur à uiris politicis, ut Respub. conseruari possint: nisi diligentes sint in officio, multiplices abusus irrepunt. Ecclesia etiam uastatur, non tantum à dissipatoribus, hoc est, falsis doctoribus: sed illis quoq; qui officium suum negligenter obeunt. Dominus in Euangelio dicit, Qui non colligit, dissipat. Cessantibus & stertentibus episcopis, multi errores in ecclesiam inuecti sunt. Commendat nobis hæc sententia sedulitatem & laborem.

#### 10 Turris roboris est nomē Domini, huc enim currit iustus, & tutus est.

*Nomen Do-  
mini.*

Insignis hæc est sententia. Nomen Domini, non uno modo accipitur in scriptura: sæpe sumitur pro ipso Deo, quemadmodum etiam in hoc loco. Deus turris fortis est fidelium, confugientium ad se, hoc est, tutissimum & ualidissimum præsidium. **מגדל** migdal significat arcem uel turrim, à magnitudine sic appellatum. Curritur autem ad Deum, non pedibus corporis, sed animi. Dauid Psalmis 59. 60. & alibi, Deum subinde uocat clypeum, petram, munitiōnem, propugnaculum, arcem, refugium: quòd ad eum confugientes tuti sint, inq; eo suauissimè conquiescant. Etsi enim corpora eorum affligantur, uel etiam occidantur, certi tamē sunt de æterna uita, quam hostes eis eripere non possunt. Post diluuiū turrim ædificabant, in qua se sperabant tutos fore contra aquarum periculum: sed Deus quàm uani essent, linguarū confusione declarauit. Principes multū impendunt in aggeres & propugnacula: sed ante omnia curandum erat, ut Deum protectorem & defensorem haberēt. Deo. n. irato oēs turres, arces & propugnacula cōtra hostilē uim nihil profunt. Si Deus pro nobis, quis cōtra nos? In omnibus igitur afflictionibus, maximè si tentamur à satana, ad Deum tanquam in munitissimam arcem nos recipiamus. Sancti patres in omnibus ærumnis suis, per fidelem orationem ad Deum confugiebant. Non autem satis est ore duntaxat dicere, Deus est turris & confugium meum, sed re ipsa declarandum est, nos spē nostrā in Deum collocasse. Cū fame laboramus



namus non confugiendum ad artes inhonestas, cum morbis premimur, non ad magos, incantatores, & nescio quos recurrendum est. Turris enim humanæ sapientiæ, & potentiæ, rebus afflictis & desperatis non seruat.

11 Substantia diuitis, est urbs fortitudinis eius, & est uelut murus eleuatus in imaginatione sua.

Diximus de pijs qui spem suam in Deo ponunt: iam de impijs dicitur, qui in rebus incertis spem suam collocant. Distinguendum est inter diuites. Quidam opes habent tanquam non habeant, rectè parant, & rectè eis utuntur. Quidam uerò opibus suis confidunt: de his loquitur Solomon. Similitudine ostendit fiduciam eorum in opes. Confidunt opibus ac si in munitissima urbe essent, aut obiectu muri altissimi defenderentur. Plus fidunt suis opibus, quàm Deo, quin ex opibus suis Deum faciunt. Atqui hæc uana fiducia, grauissimum est peccatum contra primum præceptum primæ tabulæ, ubi Deus dicit: Ego sum Deus tuus, Ne habeas deos alienos coram me. Paulus ad Colossen. tertio capite auaritiā uocat simulachrorum cultum. Auari enim loco Dei, diuitias constituunt. Christus diuitibus malè ominatur, Matthæi 19. capite. An non stultum est, in res incertas & mille casibus obnoxias, spem suam collocare? Adhæc diuitiæ non profunt in tentatione & agone mortis. Mammon suos cultores perire sinit, & probis affici, non secus quàm satan magos & incantatores, quos animo & corpore interire sinit. Pessimè igitur agunt, qui opibus suis plus confidunt, quàm Deo. Quis uerò, inquis, tam miser est? etiam auarissimi, negant se tales esse. Respondeo, illos tales esse, qui per phas & nephas opes congerunt: si enim Deum plus colerent, obsequerentur uerbo eius. Deinde qui partis opibus non rectè utuntur, sed uel auari sunt, & diuitijs non secus, quàm gallinæ ouis suis incubant, & malunt pura uerbi Dei prædicatione carere, quàm uel terentiū amittere: uel prodigi sunt & decoctores. Peiores his sunt, qui prodigia auaritia laborant. Item qui amissas opes impatientius ferentes, contra Deum recuperare conantur. Diuitem esse, per se malum non est: diuitiæ enim sunt Dei donum. Curandum autem, quemadmodum Dauid Psalmo 62. cecinit, ut si affluant, cornon apponamus. Thesaurus noster in cælis esse debet. Grauiissimam exhortationem Paulus habet ad diuites 1. Timoth. 6. Ne elato sint animo, neq; spem ponant in diuitijs incertis, sed in Deo uiuente, qui præbet nobis omnia affatim ad fruendum, &c.

Auari diuites in suis opibus spem collocant.

Quinā opibus plus cōfidat quàm Deo.

Quod de opibus dicimus, de omnibus creaturis accipiendum est. Ne fiduciam ponas in liberos, cognatos, amicos, fœderatos, non in locorum munitiones, arma: totam anchoram sacram figamus in Deo, qui solus nec potest, nec uult fallere. Homines mirum quàm interdum simulent & dissimulent. Si qui ex animo nobis bene uolunt, leui occasione in hostes uertuntur: tenax est offensæ memoria, omnium beneficiorum profunda obliuio. Loca etiam quantum uis munita faciè expugnantur. מַשְׁכִּיתַי maskith, quæ uox infra 25. etiam ponitur, significat imaginationem, item cælaturam, opus reticulatum. Hinc quidam intelligunt, diuites putant se inter sua ornamenta & delicias tutos esse, tanquam intra murum sublimè.

12 Ante contritionem eleuatur cor, & ante gloriam humilitas.

Hæc sententia optimè coniungitur cum superiore. Diuites enim insolescunt, & alios despiciendo sibi nimium placent. Tanta enim est ingenij nostri prauitas, ut res quibus ad salutem nostram uti deberemus, ad exitium nostrum conuertamus. Ostendit autem quid maneat elatos animo, nepe exitiū. Idè docet Christus Luc. 14. 1. Pet. 5. Ethnici quoq; uiderunt, Deū elatos deijcere, & humiles euehere. Horatius Hesiodum imitatus, Ode. 134. lib. 1. dicit:

Valet ima summis

Mutare, & insignem attenuat Deus,

Obscura premens.

Euripides in Troad.

ἰσὺ τὰ τῶν θεῶν ὡς τὰ μὲν πυργοῦσ' ἀνία,

τὰ μὲν δ' ὄντα τὰ δὲ δονοῦντα ἀπὸ λίσσῃ.

In Heracl.

ἀλλ' ἂν τῶν φρονιμῶν,

ὁ Ζεὺς πλεονεξῆς τῶν ἄγαρ ὑπερφρόνων.

Xenophon lib. 6. ἐλληνικῶν, ὁ θεὸς πολλὰν χεῖρε, τοὺς μὲν μικροὺς μεγάλους ποιῶν, τοὺς δὲ μεγάλους, μικροὺς. Causam uerò cur superbiam & iactantiam ruina subsequatur, Chrysost. hom. 5. in 4. cap. Matthæi hac gradatione ostendit: Quia omnis qui confidens est in operibus suis, & gloriatur, securus est: qui autem securus est, non timet: & qui non timet, nec cauet: qui autem nō cauet, quādo non sperat, supplantatur à diabolo & deijcitur, &c. Exēplis plenæ sunt omnes historiae. Totā

Superbiæ  
pœna.

cc

cc

cc

cc

cc

cc

cc

cc

cc



oppida, regna, gentes, superbia, cum minimè putant, euertit. Abdias uaticinatur de miserabili exitio Idumæorum, qui locorum præsidij freti, superbia tangebant, & omnes alias nationes despiciebant. Romani qui omnes alias nationes barbaras uocabant, tandem à barbaris illis disceptati sunt. Humiles in hoc & futuro seculo glorificantur. Hæc sententia 16. cap. uersu 18. etiam est posita.

13 Qui respondet uerbum antequam audit, stulticia est illi atque ignominia.

Hæc sententia latè pater. Ostendit primùm non tantum loquendum, sed etiam auscultandum esse. Ideo etiam dixerunt philosophi, Deum hominì duos oculos, & duas aures dedisse, linguam unicam, ut plus uideat & audiat, quàm loquatur. Deinde de rebus ignotis docet, pronuncianum nō esse. Discere prius oportet, quàm dicere, docere, & de rebus iudicare uelis. Appelles Megabizen quendam, ut scribit Plutarchus, in eius officina de umbris & lineis disputantem, his uerbis reprehendit: Hi pueri qui terunt colorem, antea cum taceres, te mirabantur, nunc rident, quando iudicium tibi sumis, de rebus quas nunquam didicisti. Iudicium peritorum alicuius rei audiendum est. Qui nihil audit, nihil nouit. Qui tantum loquitur, discere ab alijs nihil potest. Adhæc docet non interrompendum esse sermonem illius, qui loquitur uel te interrogat. Quidam tam sunt præcipientes, ut orationis exitum expectare non possint, & antequam sciant mentem quærentis, incipiunt ad quæstionem ipsius respondere. Iudices priusquam respondeant, hoc est, sententiam ferant, rem totam cognoscant, alteram quoque partem audiant. In negotio quoq; religionis idem faciendum est: non antè damnanda sententia aliqua, quàm eam noueris. Vociferantur multi, iam dudum illa religio dānata est. A quibus? Non ne ab illis, quorum mores puriorem doctrinam ferre nō possunt? Libros non lectos, non intellectos, statim exurere, leue crimen non est. Anabaptistæ etiam in hoc peccant, quòd alios audire, & suæ doctrinæ rationem reddere, non uolunt: non respondendum est, inquiunt, illis hominibus. An uerò tam difficilem se Christus erga suos aduersarios præbuit? non ne ad eorum argumenta respondit?

14 Spiritus hominis sustentat infirmitatem, & spiritum contritum uel mœstum quis leuabit?

Simplicissimus huius sententiæ sensus hic esse uidetur: Si homo spiritu alacri, hoc est, mente sana præditus est, facilius fert ærumnas. Hoc experimur in ægrotis, captiuis, martyribus, illis, qui omnes afflictiones forti & excelso animo perferunt: sciunt enim à Deo ipsis in bonum immitti. Vel intelligi potest de spiritu Dei, qui, ut habetur ad Rom. 8. adiuuat infirmitatem nostram. At qui sana mente præditi non sunt, ad quamlibet occasionem trepidant, in morbis, paupertate, & alijs afflictionibus, queruli sunt, nec facile erigi possunt. Quid igitur faciendum est? Quemadmodum apes & formicæ æstate colligunt, quibus hyeme uescantur: ita secundis rebus colligendæ sunt consolationes, quæ aduersis rebus nos erudiant, erigant & confirmant.

15 Cor intelligens, acquirat scientiam, & auris sapientum quæret scientiam.

Homines cordati, scientiam humanarum & diuinarum rerum, sibi comparare studebunt, nec pigebit eos uel ab animalculis aliquid addiscere: artes liberales & mœchanicas, à peritis hominibus discere uoluptati eis erit. Religioni uerò imprimis operam dabunt. Magna enim est stulticia, tantum impendere in res præsentem tantum uitæ utiles, & religionis nulla cura tangi. Stulti de sapientia comparanda non sunt solliciti, malunt fabulas tractare, & rebus inanibus auscultare, quàm sacris historijs, & rebus serijs atq; utilibus uacare.

16 Donum hominis dilatabit ei (scilicet uiam uel locum) & ante magnates ducet eum.

Effectus  
munerum.

De ui & effectu munerum, iterum pronunciat. Munera homines ex magnis periculis eripiunt. Malum & afflictio, coartat cor & stringit: bonum, læticia dilatat: hinc cor dilatare, & latum alicui facere, est læticiam dare. Nos dicimus, *Einem lufft machen*. Psal. 4. In tribulatione dilatasti me, uel mihi, hoc est, ex angustijs eduxisti me. Gen. 26. Dilatauit nos Dominus, id est, læticiā dedit. Deinde munera nō tantū efficiūt, ut noti & grati simus uiris magnis: sed etiā uia ad dignitates aperiūt. Indigni aliquādo & iniusti in Rebusp. & Ecclesijs, ad magnos honores promouētur. Monachi & sacerdotes, illos qui dona eis afferūt, in cœlū efferūt: peccata eis remittunt, prope summū altare sepeliūt. Multi etiā qui malā causam habent, eā sub corruptis iudicibus uincunt. Non pauci principes, Iudæos capitales Christi hostes, propter munera defendunt, & subditos suos, qui spem suam in solum Christum collocant, ferro & flammis perse-



persequuntur. Multi ab hostibus acceptis muneribus, illos oderunt, qui se pro ipsis in certissimum discrimen obrulerunt, & hostibus eorum uiam aperiunt. Magna itaq; uis est munerum. Non autem hæc ideo dicuntur, ut muneribus nobis uiam sternamus ad dignitates & alia: sed ut cognoscamus, qui hominū huius seculi mores sint. Si per donū hominis, accipias charismata, quæ Deus homini confert, alius erit sensus. Prudentia & eloquentia multos humili genere natos, cum in Repub. tum in Ecclesia, ad maximos honores euexerunt. Quidam hanc sententiam referunt ad liberales & beneficos, qui sibi fauorem principum concilient, & ad maximas dignitates uiam sternunt. Antiquitas eos qui homines ingentibus beneficijs afficerent, pro dijs coluit, aded ut & belluas quæ prodesse mortalibus & inanimata quædam corpora, pro dijs haberent. Vide prouerbiū apud Erasmum, Homo homini deus.

*Dona quæ Deus hominibus largitur, acceptos faciunt. Liberales uia sibi sternunt ad res amplas.*

17 Iustus primus est in causa sua (uel lite) uenitq; proximus eius & scrutatur eum.

Sensus est, iustus primum sese accusat, postea inquit & explorat alterum. Admonendi qui dem & reprehendendi sunt proximi, si peccent: sed legitimus ordo seruandus est. A nobis ipsis initium faciendum, & cauendum est, ne iisdem uitijs, uel similibus, uel etiam grauioribus obnoxij simus, priusquam aliena inquiramus, quod oratio nostra maius pondus habeat. Pleriq; uero sibi ipsis blandiuntur, sua uitia & suos errores non modò eleuant & defendunt: sed sub titulo uirtutum uenditant, & interim alienæ uitæ seuerissimi sunt censores. Quidam suam pietatem sic hominibus approbare student. Martialis Ollum quendam taxat, qui malorum alienorū reprehensor erat acerrimus, cum ipse uxore aleret adulterā, deberetq; etiam nū pro toga. Huc accommodari solet Apologus de duabus manticis. Multa extant apud Græcos & Latinos proueria, quæ docent nostra primum errata emendare. Christus seruator noster, iubet prius ex oculo nostro trabem eijcere, quàm festucam ex proximi nostri oculo eximamus, Matth. 7. Lutherus hunc sensum reddit, Qui primus suam causam exponit, ius sibi uendicat: sed si aduersarius eius audiatur, statim apparebit priorē omnia ad suā utilitatē retulisse.

*In reprehensione ordo est seruandus.*

18 Dissensiones quiescere facit fors, & inter fortes diuidit.

In diuidendis rebus, puta hæreditatibus, legatis, donatis, manubijs & similibus, uel distribuendis certis functionib. siue magnis siue paruis, quisq; suo cōmodo studet, & querelæ uariæ exoriūtur. Sæpe æqualitas in diuisione rerū seruari nequit: ad uitandas igitur cōtentiones, sortibus utimur. Nam homines quantū uis uehementibus ingenijs, decreto sortis acquiescūt, qualiscunq; sit. Pij sciūt sortes diuinitus gubernari, atq; ex iustis, ac sapientis. Dei uoluntate dependere, quid quisq; accipiat illis igitur quæ sortibus acquirūt, cōtenti sunt. Alij quoq; non accusant proximū suū, sed fortunā potius. Atq; ita sortes inseruiūt prohibēdis contentiōib. & dirimēdis certaminib. nisi quis fraudem & dolos in sortibus adhibeat. Quēadmodū fecit Themenus, cuius fraude Ctesiphōtes terrā cohæredib. exclusis retinuit, ut est apud Pausaniā.

*Sortes.*

19 Frater transgressus (sicut) urbs fortis, & dissensiones similes sunt repagulo arcis.

Hoc uult dicere, fratrem qui à fratre læsus est, uix unquam posse placari. Nam quò arctior fuerit coniunctio, eò uehementius ea dirempta oritur dissidiū. Hoc explicatur duplici similitudine: quemadmodum urbs mœnib. uallis & fossis munita, non facile expugnari potest: ita ira fratrum non facile mitigatur. Et quemadmodum uestes & repagula palatii (ubi thesauri uel instrumenta principum reconduntur) infringi facile nō possunt: ita fratrum ira non facile comprimitur. Polynices apud Eurip. in Phæniſsis dicit:

*Fratrum inimicitie uehementes.*

ὡς δεινὸν ἐχθρὰ καὶ τερὰν αἰῶνι φίλων,

“

καὶ δυσλότους ἔχουσιν τὰς διαλλαγὰς.

“

Idem in Iphigenia in Aulide:

δεινὸν, κασιγνήτοις γίνεσθαι λόγους,

“

μάχας θ', ὅταν ποτ' ἐμπέσωσι εἰς εἶν.

“

Cur autem fratrum & amicorum simultates acerbiores sint, quàm aliorum hominum. Arist. lib. 7. polit. ostendit, dicens: à quibus beneficium deberi existimant, ab iisdem non modò non beneficio se affici, sed etiam lædi putant. Vnde prouerbio dicitur, bella fratrum acerba. Exēpla multa hoc declarant: Caini & Abelis, Esau & Iacobi, Polynices & Eteoclis, Romuli & Remi, &c. odium Antonini Bassiani Caracallæ, filij Seueri Imperat. in Getam fratrem suum, uix & ne uix quidem saturari potuit. Non enim contentus eum supra matris pectus interemisse, in amicos etiam eius sæuijt, ac tandem in numerum Deorum eum referens, Sit diuus aiebat, modò non sit uiuus. Nostra ætate fratres à fratribus maximè propter religionem odio habentur, secundum Christi uaticinium. Ante paucos annos, quod dictū horribile est, Al-



phonfus iste Diazus, fratrem suum Ioannem Diazium, pium & eruditum uirum, religionis causa Nuburgi (oppido ad Danubium) obruncari curauit. Quæ de fratribus dicuntur, ad fœderatos quoq; & alios coniunctissimos homines possunt referri. Quia uerò tanta est acerbitas odiorum inter fratres, cauendum est, ne fratres & amicos inter se committamus: de quo supra non semel est dictum. Deinde omnia tentanda sunt, ut dissidentes inter se conciliemus, & principijs contentionum & rixarum obstitamus. Quibus argumentis Socrates Chærephontem atque Chærecratem fratres, inter se altercantes, ad concordiam hortatus sit, scribit Xenophon de factis & dictis Socratis lib. 1.

Quidam sic exponunt, *Frater etiam à fratre offensus magis prodest, quam urbs munita in periculis.* Fit enim sæpenumerò ut fratres, qui capitali odio dissident, communis hostis cōcordes reddat: ut obliti iniuriarum, ad uim alienam propulsandam, unus alteri adsit, seq; hosti opponat ueluti murus, & uectis palatij. Hinc dicitur, non tutum esse rixantibus fratribus se medium ingerere. Hæstor Iliados x. impar Achilli Deiphobum fratrem inuocat, ut ei ferat suppetias. Vide prouerb. Frater uiro adsit.

𐤒𐤕𐤔 pascha deficere, rebellare significat, in uoce passiuā 𐤒𐤕𐤔 nipscha, offensus præuaricatione, uel frater transgressus, id est in quem transgressio facta est. Deinde 𐤒𐤕𐤔 pala, cum Smol significat incessit. Hinc uulgatus interpres & Septuaginta uerterunt, *frater à fratre adiutus quasi ciuitas munita*, id est, insuperabiles sunt, qui simul incedunt, id est, concordes sunt. Sanctes in dictione 𐤒𐤕𐤔 alias quoq; habet interpretationes.

## 20 De fructu oris hominis, satiatur uenter eius, & de prouentu labiorum eius saturabitur.

Simplex sensus est, prout lingua quis bene uel malè usus fuerit, uel præmio uel pœna affici. Cap. 12. dixit, de fructu oris sui unusquisq; replebitur bonis. Vir bene loquendo, & alios sapienter docendo, consequetur magna bona.

## 21 Mors & uita in manu linguæ.

Quemadmodum paterfamilias sæpe domesticos suos ignem custodire, & cineribus obruere iubet: ut qui non ignorat, quàm facile incendium excitari possit, quod postea latè uagetur: ita Salomon nos sæpe linguam, quæ igni comparatur, custodire & frenare iubet, non ignarus quanta ex lingua incendia oriri possint. Non igitur mirum est, eum nunc quoq; de linguæ effectis loqui. In manu, hoc est, in potestate linguæ. Sensus est, Homo lingua, id est, sermone suo, potest & se & alios interficere ac seruare. Res manifesta est. Homo qui lingua sua famam alicuius lædit, furem, latronem, proditorem, &c. appellando, secundum leges illas dat pœnas, quas alterum dare oportuisset, si illorum scelerum fuisset conuictus. Qui contra principes & magistratus, qui contra Deum blasphemias euomunt, supplicio afficiuntur. Alios etiam interficiunt, ut falsi testes, corrupti iudices, susurriones, seditiosi, proditores. Falsi doctores corrupta sua doctrina, æternam quoq; uitam hominibus eripiunt. E contra lingua bona, & nos & alios conseruamus. Per mortem & uitam, in scripturis etiam miseria & felicitas significatur. Multum autem ut homo felix sit uel infelix, retulerit quomodo lingua utatur. Hinc Bias, ut refert Plutarchus in libello de loquacitate, Amasidi Ægyptiorum tyranno imperanti, ut sibi quod esset in uictimæ carnibus optimum & pessimum mitteret, linguam resectam misit. Chrysostomus, in homil. ad baptisandos, homines hortatur, ut linguam frenent, & hanc sententiam explicat. Et homil. 52. in 5. cap. Matth. dicit: Cùm uita & mors sit in manu linguæ, magis quàm pupillam oculi linguam tuam custodias: regius quidam equus est lingua nostra. Si ergo ei frenum immiseris, & doctrina tua gradarium feceris, ascendet in eum rex, & quiescet in eo: si autem nullo freno domueris, sed huc atq; illuc infrenem iactari permiseris, diaboli eam uehiculum fecisti.

*Commoda lingue bone, & incommoda malæ.*  
*Alij Pittaco hoc tribuunt.*

Et qui diligunt eam, comedent fructum eius.) Hoc est, qui eam custodiunt & frenant: quæ enim nobis chara sunt, ueluti 𐤒𐤕𐤔 custodimus. Loquitur autem de lingua, ueluti de arbore fructifera: aliàs etiam eam lignum uitæ appellauit. Sermo est ueluti fructus linguæ: qui linguæ rationem habet, amplissimum fructum percipiet.

## 22 Qui inuenit uxorem, inuenit bonum.

Hæc sententia, non intelligenda est de quauis uxore, sed de bona, quæ absolute dicitur magni Dei mulier. Nam qui malam acquirit, contentiosam, adulteram, stultam, &c. acquirit rem pessimam, quæ exitium marito affert. Vxor enim mala uirum perdit. Hesiodus etiam dixit:

„ ὃν μὲν γὰρ γυναῖκας ἀνὴρ λήσεται ἀμεινον

„ τὴν δὲ γαμβρὸν τὴν δὲ αὐτὴν ναυὴς ἐρίγιον ἄλλο.

Vxor bona non est, ut uulgò putant, quæ ad omnia flagitia mariti cōniuet. Quemadmodum nec



nec illa bona mater appellanda est, quæ liberis suis quiduis indulget. Vxor bona est, quæ officium suum studiose & diligenter facit. De officijs uxorū Paulus ad Ephes. 5. Coloss. 3. 1. Timoth. 3. Titum 2. & Petrus 1. cap. 3. differunt. Possunt autem ad hæc capita reduci: Ut sit uera fide prædita, marito obediat, temperet sibi ab illis quibus eum scit offendi, sit benigna, rem domesticam sedulò curet, non sit sumptuosa in cibo, potu, suppellectile, uestitu & alijs, liberos religiosè instituat. His uirtutibus præditam si quis nactus fuerit, magnum habet thesaurum.

*Eduxit beneuolentiam uel gratiã à Domino.*) Id est, affecutus est. Translatio est ab his qui aquam hauriunt. Vide Ecclesiastici, 26. cap. Ex Deo fonte bonorum, est uxor bona, illi gratias agere conuenit. Reprehendenda est illa maritorum ingratitudo, quibus nunquam in mentem uenit, ut de tanto bono Deo gratias agant. Quoniam uerò dicit, Qui inuenit, inuit non ducendam uxorem, nisi præmissa diligenti inuestigatione. Inuenimus enim quæ sita. Huius rei egregium exemplum scriptura nobis proponit in seruo Abrahami, Gene. cap. 24. Deus orandus est pro uxore bona, nostra quoq; diligentia est adhibenda. Profectò si tanta morum haberetur ratio, quanta facultatum, formæ, affinitatis, &c. coniugia feliciora essent. Si uerò quis uxorem bonam nactus fuerit, det operam ut talem seruet. Mariti enim uitio, ex bona sæpe mala euadit. Sin uerò in malam incidas, da operam ut bona reddatur. Quæ de mulieribus dicuntur, uiris etiam aptari possunt: Quæ inuenit bonum maritum, rem bonam inuenit, & fauorem à Domino impetrauit. Satan coniugijs ualde insidiatur, hinc fit, ut tam pauci sint qui suum officium faciant. Plura require cap. 19. uersu 14.

### 23 Supplicationes loquitur pauper, at diues respondet dura.

Pauper *παρρησιαν* non habet, uidet se gratia & authoritate destitui, cogitur sæpe ad res indignissimas, uel inuitus tacere: eget opera aliorum, non igitur eos uult offendere: quando loquitur, summissè, blandè & per obsecrationes loquitur. At diues, qui aliorum opera non ita indiget, liberius loquitur. Hinc leges illæ sunt in Rebus pub. ut opulenti in senatorium ordinem deligantur, qui alijs non sint obstricti, qui malos senatores, legatos, præfectos, si necessitas postulet, in ordinem redigant. Omnes quidem recti honestiq; maiorem rationem habere deberent, quàm hominum: sed ea est nostra miseria, ut statim trepidemus. Addendum est, diuites opum fiducia arroganter & confidenter loqui, alios contemnere, & in omnibus ferè rebus modum excedere. Non indigeo, inquiunt, aliorum opera, quid ad me hic uel ille? At displicet Deo uana hæc fiducia. Deus nos ita coniunxit, ut unus alterius opera indigeat. Sæpe in magnis periculis, in morbis, incendijs, bellis, contemptissimorum hominum opera, nobis non tantum utilis, sed etiam necessaria existit. Nemo igitur proximum suum contempserit. Pauperes item petendo subsidium, humiliter loquuntur, diuites sæpe asperè respondent. Vide ca. 10. uers. 15. Potest etiam hæc sententia allegoricè uel spiritua-liter intelligi: Pauperes spiritu, hoc est, qui contrito sunt corde ac peccatorum sensu tanguntur, humiliter loquuntur, gratiam Dei supplices implorant, suamq; dignitatè contententur. At diuites spiritu, hoc est, qui suorum bonorum operum & meritòrū diuitias iactant, superbissimè loquuntur: Deum sibi nescio quid debere contendunt. Exèplum huius rei habes in publicano & pharisæo, Luc. 18. Pestilentissima autem est hæc superbia. Christus dicit ad scribas & pharisæos, Publicani & scorta præcedent uos in regnum cælorum. Quia illi suis operibus confidebant, hi uerò gratiæ diuinæ. Quid nunc de illis dicendum est, qui opera Supererogationis prorsus Luciferiano spiritu iactitant?

Pauper ob-  
uinctam ha-  
bet linguã.

Pauperes et  
diuites spi-  
ritu.

### 24 Vir amicorum associat illos sibi: & est amicus adhærens plus quàm frater.

Vir amicorum, hoc est, uir deditus acquirendis amicis, uel qui delectatur amicis, (sic cap. 19. uir donorum appellatur, qui libenter dona elargitur) non leues ob causas amicos reijcit, sed dat operam ut eos retineat. Nam uerus amicus, tenacius adhæret quàm frater. Fratrum magna est quidem concordia, & in rebus periculosis frater fratrem uix unquam deserit, aliquando tamen in hostes uertuntur: amicus autem uerus & constans, in periculis amico nunquam deest. Egregium exèplum recitatur à Cicerone Damonis & Pythiæ. Alteri. n. Dionysius tyrannus diè necis cõstituerat: cumq; is pauculos dies petijisset rerum domesticarum ordinandarum gratia, hac lege impetrauit, ut alter uas amici fieret, ac si ille ad diè constitutū non redijisset, hic plecteretur. Redijt aut ad diem, mori malès, quàm amicū fallere. Tyrānus egregiam illorum fidè miratus, Rogo, inquit, ut me quoq; in uestram amicitia recipiatis. Sed hæc exempla rarissima sunt. Multi qui rebus secundis, se amicos nostros profitentur, leuibus de causis, in periculis nos deserunt. Magnum itaq; bonum reperit, qui amicum fidum & cõ-

Amici non  
reijciendi.

Damon &  
Pythias.



stantem reperit, qui rebus secundis gratuletur, aduersis condoleat. Magna fuit omnibus secundis de amicorum inconstantia querela. Fallit nos persæpe, quibus plurimum deferebamus. Non igitur fiducia ponenda est in hominibus, sed in solo Deo. Curandum est, ut is amicus noster sit, qui solus in omnibus periculis potest & uult nobis adesse. In agone mortis, amici optimi, aliud facere nihil possunt quam gemere, lachrymari: at Deus uitam meliorem nobis conferre potest. Tunc autem Deum amicum, fœderatum, patrem denique habebimus, si fiducia per filium in ipso posita, sanctè & piè uixerimus.

## CAPVT XIX.

**M**Elior est pauper, qui ambulat in integritate sua, quam peruersus labijs, & ipse diues.

De pauper  
tate & diui  
tiji.



**Q**UEMADMODUM uulgius de alijs ferè omnibus rebus, peruersè iudicat: ita etiam de paupertate & diuitijs. Diuites beatos iudicat, quomodocumque sua acquisuerint: pauperes uerò miseros, etsi piè & sanctè uiuant. Vulgius multa impia prouerbia de utrorumque conditione, in ore habet, quæ si pij audiant, non leuiter uulnerantur. Bonos enim mores, ut Apostolus dicit, corrumpunt praua colloquia.

Proinde sacrarum literarum oraculis, animi nostri muniendi & cõfirmandi sunt. Deus enim in uerbo suo, aliter iudicat de rebus quàm homines. In prima sententia huius capituli pronunciat, pauperes integræ uitæ, præferendos esse diuitibus peruersa loquentibus. Pauperes non unius sunt generis. Quidam magno labore necessaria queritant: alij uerò ostiatim uictum petunt: sed præstat iudicio Dei pauperissimum esse, interim uerò rectas de Deo opiniones habere, & integrè uiuere: quàm maximas opes possidere, & peruersis esse labijs. Multi mentiendo opes colligunt, & opibus elati, Deo atque hominibus maledicunt. כֶּסֶל kefil stultum propriè significat, sed hoc loco uidetur pro diuite poni per Metonymiã, eo quod opes homines stultos reddant. Nam pauperi opponit כֶּסֶל kefil, id est, diuitem: & peruerso labijs, ambulantem in integritate sua. Etiam quidam Hebræorum sic intelligunt. Quin ipsemet Solomon postea sic interpretatur, cap. 28. Vbi eandem ferè sententiã repetens, pro כֶּסֶל kefil substituit עשיר aschir, quod diuitem & locupletem significat.

Causa autem cur pauperes honesti diuitibus impijs anteferendi sint, hæc assignari potest, quod potior sit uirtutum & honestatis ratio, quàm opum. Christus quoque in Euangelio dicit, Quæ est utilitas totum orbem possidere, & animæ iacturam facere? Discunt ex hac sententia pauperes, ne fraudibus, dolis & malis artibus, opes iniustas colligere conentur. Prætexunt multi liberorum multitudinem, at cogitandum est, liberos uel bonos uel malos esse. Si boni sint, paucis erunt contenti, & benignum Deum experientur: promissit enim Deus se pijs non defuturum. Sin mali, nimium est quicquid ipsis relinquant: nam opibus in suam & aliorum perniciem abutentur. Discunt item diuites, ut cum Deus propter religionem opes deferere iubet, non sequantur exemplum uxoris Loti, uel diuitis illius adolescentis, Matth. 19. sed potius Abraami, qui uocantem Dominum secutus est, nesciēs quod esset uenturus. Moysi, qui potius elegit paupertatem cum populo Dei, quàm thesauros Ægyptiorum, Hebr. 11. Potest hæc gnome non incommode opibus ingenij quoque aptari: præstat indoctum esse, interim castis moribus, quàm doctum & impuræ uitæ.

## 2. Absq̃ scientia, animæ, non est bonum.

Animam quidam interpretes cum scientia, quidam cum uerbis mox sequentibus coniungunt. Scientia rerum diuinarum, comparanda est ex sacris literis. Vult enim Deus agnosci à nobis, & celebrari. Malè consulunt animabus suis, qui nullo scientiæ Dei desiderio tenentur. Quemadmodum enim corpus: ita & anima, suo cibo indiget, qui est uerbum Dei. Non autè exacta cognitio rerum diuinarum ab omnibus requiritur: sed præcipuorum capitum ueræ doctrinæ, quæ continentur in oratione dominica, symbolo Apostolorum & Decalogo. Porro sabbatum in hunc finem à Deo institutum est, ut cessantes à labore manuum, nos totos rerum diuinarum meditationi cõsecremus. Habes sacra Biblia, habes multos egregios libros, lingua Latina & uernacula conscriptos, ex quibus necessaria dogmata haurire possis. Multi putant si ex ignorantia aliquid faciant, se non puniri: at considerandum quàm Deo affectata illa & crassa ignorantia displiceat. Potest etiam de cognitione rerum humanarum hoc membrum exponi, sine qua feliciter uitam degere non possumus. Lutherus uertit, ubi non ratione agitur, multa perperam fiunt.



*Et festinans pedibus aberrat.*) Homines nimio festinandi studio sæpe aberrant, & serius iter *Præcipitan*  
propositum perficiunt. Docet hæc sententia cauendam esse temeritatem & præcipitantiam, *tia cauēda.*  
cui iuuenes maxime sunt obnoxij: cogitent igitur nihil sine consilio, ac temere esse susci-  
piendum. Turpe est fallum sentire, aut quod non satis exploratè sit perceptum & cognitum,  
defendere. Turpe est per incogitantiam designare, cuius te postea pœniteat. Si tractandum  
sit de repurganda religione, prudentia & gravitate opus est. Si de bello, omnia prius experiri  
oportet, quàm bellum suscipiatur: si fuerit susceptum, consilio & prudentia est gerendum.  
Romanæ Reipublicæ plus profuit Fabij cunctatio, quàm M. Minutij præceps temeritas.  
Plus consilio & ingenio, quàm robore efficitur. Curandum autem est, ne nimia cunctatio-  
ne, rerum gerendarum occasiones perdamus. Hac de re multa leguntur apud Erasmus in  
proverbio, Festina lente. Quidam notam similitudinis subintelligunt, ut sit sensus, Qui  
nimium properat, errat: ita anima ignorans, à uia pietatis & uirtutum aberrat. Castalio  
ita reddit. *Ne uita quidem sine scientia suavis est, & qui pedibus festinat, offendit:* id est, qui temere agit,  
qui scientia caret.

### 3 Stulticia hominis, peruertet uiam eius.

Ignorantia diuinarum literarum, facit ut homines nec rectè credant, neq; rectè mores su-  
os forment. Illa enim quibus ipsi delectantur, Deo quoq; grata esse existimant. Hinc fit ut  
illa pro cultibus Dei uenditent, quæ Deus detestatur, cuius generis sunt, idola, cerei, pere-  
grinationes ad loca sacra, uota monastica, & alia innumera. Quod nunc uitam & mores at-  
tinet, faciunt quæ libet, cumq; grauissimè peccent, tamen se putant non peccasse: si iugulent  
sanctos homines, existimant se Deo obsequium præstitisse, &c.

*Et contra Dominum irascetur cor eius.*) Quandoquidem stulti carent scientia Dei, in æumnis  
& afflictionibus aliud facere non possunt, quàm quiritari & fremere. Sin uerò causas afflictio-  
num, in sacris literis expositas intelligerent, in laudes Dei & gratiarum actiones erumperet.  
Causas item peccatorum suorum in Deum reijciunt, non in suâ corruptam naturam & pro-  
priam malitiam. Exemplum Israelitarum habemus apud prophetas. Ad Rom. 9. sub impiorū  
persona dicitur: Quid adhuc conqueritur? nam uoluntati eius quis resistit?

### 4 Opulētia addit amicos multos, at pauper separabitur ab amico suo.

Hoc est hominum ingenium, ut se apud potentes & opulentos insinuent, ac amicitiam *Diuites mul-*  
eorum expetant, ut commoda aliqua ab eis consequantur. De hac re illi uersus Euripidis lo- *tos habent*  
quuntur: *Επίγραμμα καὶ πεπείραμαι λίαν, ὡς τῶν ἐχόντων πάντες ἄνθρωποι φίλοι,* id est, Hoc scio & pla- *amicos.*  
nè expertus sum, quòd omnes amici sunt diuitibus. Chremylus apud Aristophanem in Plu-  
to, iam diues factus, queritur se obrundì illis saluatoribus, qui aurum olfecerant. Cum uerò  
homines non amplius sunt in gratia, & amicis nulla spes lucri affulget, à diuitibus & paupe-  
ribus deferuntur, etiam ab illis quibus plurimum confidebant. Plautus in Stichō.

Nam hoc tu cito cogites, ut cuiq; homines res parata est.

Firmi amici sunt, si res lassæ labant, itidem amici collabascunt.

Res amicos inuenit, &c.

Vetus translatio habet, à *paupere autem, & hi quos habuit separantur*: ut יפריד reddatur  
deferetur: ponitur enim in uoce passiuā, exhaustus à sodali suo deferetur. Græci dicūt, *ἀπαιτείται*  
deferitur. Cum Nero senatus sententia ad necem condemnatus esset, nec ullum reperiret à  
quo feriretur, exclamauit, Ita ne amicum, nec inimicum habeo? Veri amici in periculis con-  
stitutos nō deferunt, & tales etiam quandoq; diuitiæ pariunt. Nam si diuites liberales sint, &  
de multis bene mereantur, amicos sibi conciliant.

### 5 Testis falsus non erit impunitus, & qui profert mendacia, non euadet.

Hæc sententia aptissimè superioribus connectitur: nam sunt qui in gratiam diuitum, ac *Testis fal-*  
cepta pecunia, falsum testimonium dicunt: tales fuerunt illi qui contra Nabothum, & qui *sus.*  
contra Christum seruatores, falsum testimonium dixerunt. Addit, uindictam omnes men-  
daces sequi. Ersi humanum iudicium euadant: tamen diuinum non subterfugient. Re-  
petet mox hanc sententiam, ne temere excidisse ei uideretur. Posterius membrum,  
non tantum de falsis testibus: sed in genere de omnibus mendacibus potest intelligi. Hæc  
sententia repetitur nono uersu.

### 6 Multi precabuntur faciem principis.

Vetus est querela de amicis, quòd pauci rebus aduersis fidē præstent. Hac de re complures *Amicorum*  
*inconstan-*



sunt sententiæ in hoc libro. Non autem idcirco hæc dicuntur, ut nemini fidamus, (totus enim humanus conuictus potissimum fide consistit) sed in hunc finem proponuntur, ne hominibus qui mutabiles sunt, nimium tribuamus. Videamus quid de amicis nunc dicatur. Prima huius sententiæ pars hunc habet sensum. Multi sunt qui principes, magistratus, & potentes, suscipiunt, seq; ad pedes eorum proijciunt, studium gratificandi uerbis gestibusq; præ se ferentes, non bono animo, sed ut commodum aliquod consequantur. חלה Chillah in piel significat enixè precari. Præcipit Deus, ut cui honorem debemus, illi honorem deferamus, ad Rom. 13. cap. ubi de magistratibus agitur. Magistratus sunt ueluti legati Dei & patres Reipub. exhibendus igitur eis est honos: non contemptim de eis sentiendum est. At multi non ideo erga eos debitum honorem ac reuerentiam ostendunt, quòd Deus mandauit: sed propter priuatum suum commodum. Si enim boni principes & magistratus, per bella & seditiones iniuste deponantur, prorsus ab eis negliguntur: cum nihilominus honore prosequendi essent. Salomon hoc loco dicit, quid uulgò fiat: colligamus nos ex alijs locis, qd pios deceat. נדב נדב nadif principem significat, à liberalitate sic dictum, quam erga subditos suos exercere debet. Quidam simpliciter uertunt, liberalem & munificum. Liberales à multis coluntur.

Et omnis amicus est uiro doni.) Hoc est, omnes amici esse uolūt illius, qui libenter largitur opes suas. Græci etiam dicunt, τῶν φίλων πάντες εἰσι συγγενεῖς. Qualiscunq; aliquis sit, si dona liberaliter distribuit, statim multos habet amicos, qui eum collaudant, & impijs etiam eius conatibus fauent. Quot sunt qui cōiuijs, auro & argento inducti, patriam suam & religionem oppugnaverunt? Non hæc idcirco à Salomone dicuntur, ut statim nos cōiungamus illis, qui munera elargiuntur: uidendum est quis det, & quo animo. Distinguendum est inter manera honoraria & corruptoria. Videat quisq; ut sit Dei amicus, qui est uir donorum, à quo omnia dona bona deriuantur. Vera liberalitas, ueros etiam amicos conciliat.

7 Omnes fratres pauperis, oderunt eum, quantò magis amici eius, elongabunt se ab eo.

Pauperes oderuntur. Omnes, hoc est, plerique per Synecdochen. Sæpe autem sic loquitur scriptura, oderunt, id est, auersantur, negligūt, fugiunt eum: breuiter, ita se gerunt ac si hostes essent, metuunt enim ne paupertate prelsis opem ferre cogantur. Aliquando etiam uero odio eos prosequuntur: Græci dicunt, πρὸς φίλοις ὁ δὲ γονυῖτορες, id est, mendico ne parentes quidem amici sunt. Hoc sibi accidisse Iob 19. queritur. Cum hoc fratres & consanguinei faciant, non mirandum est, si idem fiat ab alijs, qui illis uinculis eis astricti nō sunt: sed quos diuitiæ tantum eis cōciliarūt.

Verba prosequens, & non ipsi, id est, sunt.) Amicus desertus, multis utitur uerbis: reposcit promissa, dicit pauperes non esse contemnendos: operam eorum, diuitibus sæpe esse necessariam: pauperes sæpe ex paupertate emergere, diuites uicissim ad paupertatē redigi: adducit sacras scripturas, amplificat suas miseras: sed surdis fabulam dicit, nemo est qui auxilium ei ferat. Sic Hesiodus ad fratrem dicit:

ἢ δ' ἐρώσῃ ποτὶ ἀγορεύσας  
ἀχρεῖος δ' ἐγὼ ἐπέωυ νόμος.

Nempe si ociosus ab alijs necessaria petat.

Alij ad fratres & amicos referunt, qui pauperem deserunt, sectantur uerba, obiurgant eum dicentes, Talis & talis fuisti, turpiter res tuas prodegisti: interim manus nō porrigunt. Pauperibus item multa promittūt interdum, sed nihil in eorum gratiam faciunt, multa persequuntur uerba, ut se excusent & nihil dent. Iterum dicit, quid uulgò fiat, non quid fieri debeat. Pauperes enim quorum patronum se Deus esse profitetur, non sunt negligendi: sed rebus ipsorū afflictis consulendum est: Deus ideo eos diuitibus proponit, ut exercendæ suæ liberalitatis

Christus quia pauper est negligitur. materiam habeant. Cum autem ita comparati sint homines, ut pauperes amicos fastidiant, non mirum est, si Christus qui pauper est, in membris suis contemnatur. Si in hoc seculo, ad exemplum sui uicarij, pontificales cœnas institueret, magnam uim pecuniarum, &c. suis cultoribus conferret, plures haberet amicos. Quia uerò pauper est, multi eum non modò oderunt, sed crudelissimè persequuntur. Non autem ideo frater noster Christus à nobis deserendus est: nostra enim causa pauper factus est, ut nos ueris diuitijs cumularet. Sunt multi qui dū lucri aliqua spes ex doctrina Christi eis affulget, se fratres esse simulant: sed cum id quod sperarunt, uel non consequuntur: uel iam consequuti sunt, atrocissimi fiunt hostes: qualis erant Iulianus, Lucianus & alij perfidi Apostatæ, &c. Recurre ad cap. 19. uers. 20.

Animā seu 8 Possidens cor diligit animam suam.

Omnes homines habent cor, sed illi possidere dicuntur, qui sapientia ornatum habet. Animam diligere, est uitam suam diligere: id quod faciūt, qui se nō temere in pericula cōiiciunt.

Deinde



Deinde est curare salutem animæ, dare operam ne falsis opinionibus & sceleribus inficiatur. Qui à quouis uento falsæ doctrinæ, ut Paulus inquit, circumferuntur, & turpiter uiuunt, ebrietati indulgent, usuras exercent, bella iniusta gerunt, prodigi sunt animæ suæ. Sic Psalmo decimo. Qui diligit iniquitatem, odit animam suam. Amare animam alio sensu à Christo usurpatur Ioannis 12. cap. ubi dicit, Qui amat animam suam, perdet eam: & qui odit animam suam in hoc mundo, in uitam æternam custodiet eam. Amare animam hoc loco est, tanta uitæ cupiditate teneri, ut studeas eam retinere, contra uerbum Dei. Odio habere animam est, se in mortis discrimen offerre propter Christum. Exemplo res fiet manifesta. Aliquis obijcitur persecutionibus propter ueritatem, is, si mauult amore uitæ abnegare Christum, quàm periculo uitæ confiteri eum, mundi iudicio amat animam uel uitam suam: sed reuera odio habet: hac enim ratione non conseruat, sed perdit eam. (Multi enim hanc ob causam postea in horribilem desperationem inciderunt.) Qui uerò odio habet animam, hoc est, uitam æternam potius amittendam, quàm Christum abnegandum iudicat, is conseruabit eam: atq; sic martyres animas suas conseruarunt.

*Cordatus custodit intelligentiam, ut inueniat bonum.* Hoc est, dat operam, ut sibi utilem & necessariam rerum diuinarum cognitionem paret: temere nihil aggrediatur: ut non modò huius uitæ bonis particeps sit: sed summum illud bonum consequatur.

### 9 Testis mendaciorum, non erit impunitus.

Hæc sententia paulò superius, iisdem uerbis posita fuit, nisi quòd pro eo, quod supra dixit, non euadet, nunc dicit, peribit, quod maius est. Ideo autem repetitur, quia res est magni momenti. Testis in scripturis latæ est significationis: nos de illis testibus nunc agemus, qui in foro aut iudicio requisiti, testimonium dicunt. Falsus autem testis is est, qui illa, quæ neque uidit, neque audiuit, nec certa aliqua ratione perspecta habet, affirmat. Est autem malum falsi testimonij ingens & atrox. Nam iudex fallitur, qui testibus iuratis fidem adhibet, nisi pateat eorum nequitia. Lex enim statuit, ut in ore duorum uel trium testium, quæcunq; causa uel stet uel cadat. Deinde proximus magno damno afficitur in fortunis, existimatione, corpore & uita. Exemplo sunt, Naboth Iesraelites, Susanna, Stephanus. Accedit ad hæc, quòd Deus ipse iniuria afficitur, quem falsus testis, perfidiæ suæ patronum constituit. Ideoq; Salomon hoc loco dicit, falsum testem non fore impunitum. De uoce נִקָּח nikah alibi diximus. Pœnas autem exigit Deus à falsis testibus, uel per magistratus, uel per seipsum. Deuteronom. decimonono capite expressit, qua pœna falsi testes afficiendi sint. In omnibus Rebus pub. sunt leges, quæ decernunt, ut falsus testis ea patiatur, in quæ proximum suum coniecisset, nisi mendacium ipsius fuisset detectum. Sin uerò magistratus falsos testes non puniunt, siue quòd eos non deprehendunt, siue ex negligentia sui officij, & præpostera quadam clementia: Deus tamen impunitos non dimittit. Multas autem habet uias, quibus eos in hac uita puniat, & nisi pœnitentiam agant, æternis tormentis obijcit.

Omnes itaq; in dicendis testimonijs ueritati studeant, positis prauis affectibus, metu, auaritia, odio, amore. Eleganter dicit Iuuenalis satyra. 8.

ambiguæ si quando citabere testis

Incertæq; rei, Phalaris licet imperet, ut sis

Falsus, & admoto dicet periuria tauro,

Summum crede nefas animum præferre pudori,

Et propter uitam uiuendi perdere causas, &c.

Celebre est apophthegma Periclis, qui cùm amicus quispiam eum rogaret, ut in causa quadam, sua gratia falsum iuraret, respondit: Usque ad aram sum amicus: admonens, in gratiam hominum non esse uiolandam religionem. Sunt tamen non pauci nostro tempore, qui paratissimi sunt, hoc modo amicorum utilitatibus & paci consulere. Nam absq; suo incommodo hoc se facere posse existimant. Magistratus quoq;, testes quorum fides suspecta est, reiiciat, præsertim in rebus magni momenti.

*Et qui loquitur mendacia, peribit.* Quod in specie dixit de falso testimonio, iam ad *discrep.* transfert. Non tantum illi punientur, qui iurati falsum testimonium in foro proferunt, sed omnes mendaces, & inter illos imprimis falsi doctores. Deus enim qui ueritas est, uix alio peccato tantopere offenditur.

### 10 Voluptas stultum non decet.

Per uoluptatem uel delicias, intelligere possumus omnia externa bona, nobilitatem, opes, formam, bonam ualitudinem, dignitatem, & alia huius generis. Quæ non competunt stulto. His enim omnibus non recte utitur: sed ad suam & aliorum perniciem conuersis,



ut puer cultrum. (נִפְאֵחַ nîfâh, decet, pulchrum est, pascuum à uerbo אָפַח afah, scribitur sine aleph נִפְאֵחַ nîfâh.) Hæc sapientes, aliquando insolentes reddunt, quid igitur de stultis nobis promitteremus? Proinde non est æquum aut conueniens, ut his rebus abundant. Res præclara non est adhibenda, ubi nō est opus. Latini dicunt, Feli crocaton addis. Habent & alia multa proueria, quibus ostendunt aliquid non congruere.

Quantò minus seruum imperitare principibus.) Minimè decet, ut serui imperium exerceat in principes & nobiles. Serui enim parere debent suis dominis, & patienter ferre suam cōditionem, Eph. 5. Coloss. 4. Plerunq; etiam fit, ut qui ex humili fortuna subuehantur ad res amplas, cæteris sint insolentiores, ac potestate sua tyrannicè abutantur. Infra 30. cap. dicet, Sub tribus contremiscit terra, & sub quarto nequit consistere: sub seruo qui imperat, sub stulto qui satur est panibus, sub odiosa, si marito nupserit, & sub ancilla, quæ hæres facta est dominæ suæ. Huic pertinent uersus Ouid. lib. 3. de Tristib.

„ Quo quisq; est maior, magis est placabilis iræ.

„ Et faciles motus mens generosa capit.

„ Corpora magnanimo satis est prostrasse leoni,

„ Pugna suum finem cū iacet hostis habet.

„ At lupus, & turpes instant morientibus urfi,

„ Et quæcunq; minor nobilitate fera est.

Claudianus lib. 1. in Eutrop.

„ Asperius nihil est humili cum surgit in altum.

„ Cuncta ferit, dum cuncta timet, defæuit in omnes,

„ Ut se posse putent: nec bellua tetrior ulla est:

„ Quam serui rabies in libera colla furentis.

„ Agnoscit gemitus, & pœnæ parcere nescit,

„ Quam subijt: dominiq; memor, quem uerberat, odit.

De Claudio imperatore legitur quod Liberti eum rexerint, quorum asperitatem populus detestabatur, fuitq; in eos pronuntiatus uersus in theatro:

„ ἀποπνέος ἔγωγε σὺν τοῖς ὑπαγρυῖαις.

Germani illos qui ex humili genere emerferunt, acutæ nouaculæ comparant. Nobiles & patritij plerunq; res melius administrant. In rebus pub. itaq; sunt promouendi, si pietatis & patriæ sint amantes. Illi etiam qui additi sunt sceleribus, merito serui iudicantur, ut qui auaritiæ, ambitioni, &c. seruiunt, & certè nulla seruitus est turpior, quàm uoluntaria. Bion dicebat, bonos famulos liberos esse, at liberos malos, seruos multarum cupiditatum. 2. Pet. 2. cap. Falsi doctores appellantur serui corruptionis: Adijcitur ratio, Siquidem à quo quis superatus est, huic quoq; in seruitutem est additus. Hinc merito in Rebus pub. bene constitutis, adulteri legibus remouentur à gubernaculis, ut qui nondum suis affectibus dominari didicerint.

Pontifex Ro. non debet imperiū exercere in principes. Addendum est etiam hoc, Pontificem Romanum usurpare sibi in principes imperium nequaquam debuisse, cū se non tantum seruum, sed seruum seruorum in suis diplomatis appellet. At quia dolis & fraudibus, multorum principum regna inuasit, subditos in eos armauit, & barbaricam crudelitatem in plurimos exercuit, ostēdit se uerbis quidem humilitatem crepare, reipsa autem crudelissimum & superbissimum tyrannum esse.

ii Intelligentiā hominis, id est, prudens homo, retardat furorem ipsius.

Iræ duo sunt genera. Arach, longum fuit, protraxit, prolongauit, distulit. Duplex est iræ genus: Vnum quod ex bona radice ortum habet, & ad bonum finem tendit. Qualis est ira ministrorum Ecclesiæ, principum, parietum & aliorum, qui corruptis moribus irascuntur. Alterum est iniustum, quod ex mala radice oritur, & malum finem spectat. Omnes autē homines huic perturbationi sunt obnoxij, quidam plus, quidam minus. At sapientis est, iram suam premere, neq; se uel uerbis uel factis ulcisci. Non autem ita premenda est ira, ut oblata occasione uindictā exigas, sed iniuriæ sepeliendæ sunt sempiterna obliuione. Porro si iræ imperum non sequaris, postea uidebis, te non ualde læsum, aut melius poteris respondere. Aliorū quoq; iram, homo prudens retardat & coercet sua prudentia & dexteritate.

Præterire præuarcationem gloria eius.) Transire super transgressionem, est dissimulare. Si quis in te peccauit, facit ad gloriam tuam, si surda aure præteris. Non quod ad omnia conuiuere oporteat. Si enim lædatur gloria Dei, irasci debemus. Multi uerò nihil afficiuntur contumelijs nominis Dei: suas uerò iniurias quantumuis leues, uindicant. Multi putant sibi gloriosum, si ad leuem iniuriam gladios stringant. Rom. 12. Vince in bono malum. Quod de priuatis hominibus dicimus, ad magistratus etiā pertinet, multa enim eos dissimulare & ferre in uicinis,



uicinis, & alijs, necesse est. Fridericus imperator dicebat, Si quis nescit multa dissimulare, nescit regnare.

## 12 Ceu fremitus leonis est ira regis.

Kephir, catulum leonem significat, leunculum uertunt. Ira regis est formidabilis suis subditis. Similitudine rem illustrat: Leones rugitu suo, alia animalia terrent. Amos 3. cap. Leo si rugiat, quis est, qui non timeat? Basilius in suo Hexaemero testatur, animantium multa, quæ celeritate sua, leonis impetum euaserint, horrenda tamen eius uoce, ira consternari ac præ metu deficere, ut nullo negotio capiantur. Dicunt autem leonis indignantis rugitum procul exaudiri. Itaq; Pindarus eum *αργύρομορον* latè rugientem appellat. D. Petrus ferociam diaboli, per rugientem leonem significat. Supra dixit, Indignatio regis, nuncij mortis. Seneca in Medea: Grauis ira regum est semper. Boni principis ira formidabilis est sceleratis, non bonis: mali uerò, etiam bonis, in quos cum alias ob causas, tum propter religionem puriorem uehementissimè grassantur. Sæpe principes natura clementes, ab impijs suis consiliarijs, flabellis diaboli, ad sæuitiam inducuntur. Qui placare iram regum debebant, sæpenumerò frigidam suffundunt, & oleum camino addunt. Principes in multis parum sunt attentis, calumnia multum ualet apud potentes. Multis persuasum est Euangelicam doctrinam, esse seminarium discordiæ, & euerfionem regnorum. Cum populus Israelis ex Babylone reuersus, urbem ædificaret, multi principes apud reges eos accusabant, quasi defectionem molirentur. Idem hodie fit, quando de urbe Dei restituenda agitur. Discant principes & aulici ipsorum, suum officium. Deo aliquando erit ratio reddenda. Repetetur hæc sententia 20. capite.

Regum ira.

Gratia autem illius, tanquam ros in herba.) Subditos consternatos, principis beneuolentia erigit. Rem declarat similitudine. Quemadmodum herbæ flaccidæ, pluuia & rore, ita animi subditorum deiectioni, principis clementia recreantur. Principes imprimis decet clementia. Videndum autem ne præpostera sit, sed iusta. Si subditi sentiant, se clementes & beneuolos habere magistratus, quibus suis in ipsorum gratiam periculis sese obijciunt. Ferocia uerò principum magnas sæpe mutationes, & funestas seditiones excitauit. Potest hæc sententia per Allegoriam, Christo principi accommodari.

## 13 Contritiones patris, filius stultus.

*נחן* hauah, Contritio, infortunium, malum. Per stultum, fatuum intelligere potes, uel filium immorigerum parentibus, qui expectationi eorum non responderet, uel etiam impium & sceleratum, qui tametsi mundi iudicio sapiens uideatur, coram Deo tamen stultus est. Tales filij parentibus suis magnos cruciatus pariunt. Etsi liberi morigeros sese præbeant, nihilominus tamen magnas molestias & curas suis pariunt: quid si suo officio non fungantur? Parentibus dolorem non mediocre parit, si pueri uitio aliquo corporis laborent: quis igitur non credat, maximum ipsis dolorem afferre, si liberi uacui sint uera pietate? Quid sibi de huiusmodi liberis, uel in hac uel in futura uita promittere possunt? Si uident sua culpa tales esse, quid cogitabunt? Certè si sciant se non esse in uitio, dolores non erunt tam uehementes. August. Imp. Iulias filiam ac neptem, postea etiam Agrippam relegarat. Ad omnem horum mentionem exclamabat uersu Homérico:

*αὐτὸν ὄφειλον ἀγαμέμνῃ τε μοῖαν, ἀγνοῖστ' ἀπολέσθαι.*

Id est, O' utinam cœlebs uixissem, orbisq; perissem: nec aliter illas appellabat, quàm tres uomicas. Quia uerò ex sobolis dedecore, non parum mœroris redit ad patrem, uideat pater ne suo officio in educanda iuuentute suis desit: & liberi parentibus obsequantur. De spirituali quoq; patre, potest hæc sententia exponi.

Stultus filius parentibus dolore conciliat.

Contentiones mulieris, tanquam stillatio continua.) Quidam uertunt, rectum iugiter perstillans. Teguntur domus, ut à pluuia defendamur. Multi si gutturnium stillans audiant, ferre nequeunt. In stillicidio incedere, res est ualde molesta & odiosa: & fortè hoc sensu, impij apud Micheam 2. cap. dicunt, Ne stilleris, ne stilleris, hoc est, ne sitis nobis molesti uestris illis concionibus, & muliebribus rixis. Si in mensam uarijs cibis instructam, guttæ assidue decidunt, uel in lectum, res est ualde molesta. Deinde rectum perstillans, domui incòmodat, perdit tabulata, &c. Hæc nūc rei propositæ sunt accòmodanda. Matrimonium à Deo institutum est ad uitandam scortationem, 1. Corinth. 7. Deinde propter conuictum. Deus in Paradiso dixit: Non est bonum hominem esse solum. Bonum igitur est, ut habeat sociam laborum & fortunarum. Si uxor absque causa subinde rixetur, marito nunc generis maculas, nunc paupertatem, nunc alia huius generis obijciat, similis est tecto fracto & perstillanti, marito est molesta, non potest quietè aut iucundè cum ea uiuere, sæpe domo pellitur. Deinde talis uxor, familiam conturbat, domum perdit, & ré familiarem dissipat. Quia enim quotidie

Mulier contentiosa.



noua famulitia habet, nō potest nō opum magnam iacturam facere, satius est solum uiuere, quàm cū tali, quæ te nō amat. Nā acerbū est, malum habere cōtubernalem: tametsi quis patiens sit, tamē expugnatur eius patiētia cōtinuis rixis. Gutta assidua, etiam lapidem excauat. Apud Græcos, uerfus hic prouerbialis circumfertur: *χαμὸν ὕατ' οἶνός ἐστι ἀνδράσι γυνή*, quod de mala est intelligēdum. Mulieres quidē nō debēt conuiuere ad omnia, sed nec ob leuissimas offensionculas, rixari. Possent multæ felices esse, nisi linguæ petulātia, multa mala sibi asciscerent. Est resistendum satanæ, qui turbare coniugia conatur. Semper cogitandum felicitatis matrimonij, maximam partem esse concordiam: rixarum igitur causæ uitandæ.

#### 14 Domus ac diuitiæ hæreditas patrum: à Domino aut prudens uxor.

*Uxor bona diuinitus datur: hæreditas uerò relinquitur à parentib.*

*Mala uxor etiā à Deo.*

Dixit de mala uxore, è cōtrario nūc de bona pronūciat. Prudēs uxor, quæ rerum domesticarum noticiam, usu & experientia cōsequuta est, beneficio summo ac singulari, à Deo tribuitur. Domus & diuitiæ liberis tempore nuptiarum dantur à parentibus, aut hæreditate eis relinquantur: uxor uerò bona, proprium Dei munus est. Quamuis parentes consultant de eligenda prudente, suo filio, tamen nesciunt qualis futura sit. Non igitur hoc uult dicere, quòd hæreditas non obtingat beneficio Dei, sed quòd commoda uxor peculiari quadam cura Dei detur, quodq; hæc res minus in nostro arbitrio & consilio sit posita, quàm aliæ. Proinde qui bonam nactus est, Deo gratias agat, & uideat, ne sua morositate malam efficiat. Qui bonam habere cupit, à Deo petat. Quid uerò de mala dicendum, an' non etiam à Deo datur? De hoc nō est dubitādum. Vulgus enim rectē dicit, Matrimonia esse fatalia. Deus aliquādo punit per contentiosas mulieres, malos, qui alienos thoros uiolarunt, aut omnes uxores contempserunt: bonos uerò exercet, & uult ut eis sint uirtutis materia. Multa autem loca testantur, prouidentia Dei omnia etiam munitissima gubernari. Quidam obijciunt, Si coniuges Deus copularet, diuites & pauperes coniungerentur: hoc uerò quia non fiat, nisi perrarò, facile apparere, quòd Deus homines non coniungat. Hoc friuolum est, an propterea illi negabunt Deum fluuiorum cursum & fluxum regere, quòd non etiam sursum labuntur? Obijciunt etiam, Si Deus homines coniungeret, nullus diuortijs esset locus. Nam Matthæi decimonono dicitur: Quicquid Deus coniunxit, homo non separet. At quidam separari debent ac possunt: Non ergo à Deo coniunguntur. Fallacia est in coniungendi uoce. Quia uerò peculiari Dei ordinatione, uxor bona contingit, Deus orandus est, ut gubernator & rector matrimonij esse uelit. Interim non ociosi desiderare debemus, sed curare ut uxores bonas consequamur. Hæc sententia ad maritos quoq; extendi debet. Singulare enim Dei beneficium est, si mulieres, bonos & prudentes maritos consequantur.

#### 15 Pigredo cadere facit soporem, & anima dolosa (uel remissa) esuriet.

*Pigritia & dolus famē pariunt.*

Sensus est: Quemadmodum pigritia tardema, id est, Somnum profundum cōciliat: ita doli & fraudes famem. Anima dolosa per Synecdochen hominem fraudulentum significat, qui per fraudes ac dolos opes congerit. Vel duo uitia ostendit, quæ famem pariunt, nempe pigritiam & dolum. Deus uult ut omnes honesto labori incumbant. Non autem unum est genus honesti laboris, ut aliàs explicauimus. Qui uerò ocio se dedunt, fame laborabunt. Deinde qui artes quidem exercent, at non honestas, sæpe fame contabescunt. Deus etenim eos punit, & homines quoq; sibi ab eis cauent, ob fraudes eorum. At tametsi magnos cumulos interdum colligant, tamen in medijs illis opibus esuriunt: Partis enim opibus, ad suam necessitatem uti non audent, & plura subinde appetunt. Remissi in diuinis negocijs, etiam subinde fiunt deteriores & tandem esuriunt.

#### 16 Qui custodit mandatum (uel præceptum) custodit animam suam.

*Custodire mandata.*

Seruare mandata Dei, non uno modo accipitur in scripturis. Primū significat legi Dei penitus satisfacere, ita nemo seruat in mundo. Scriptura enim omnes nos reos statuit, coram tribunali Dei. Christus remittit diuitem adolescentem ad obseruationem mandatorum Dei, Matth. 19. Non quòd ille uitam hoc pacto acquirere posset, sed ut admoneretur suæ infirmitatis, & opem à Christo peteret, dicente, Qui credit in me, habet uitam æternam. Alioqui non negamus, homines per legem iustificandos, si perfecte eam præstarent. Deinde seruare mandata significat, pro infirmitatis humanæ captu, uitam formare ad præscriptum legis diuinæ. Addendum est per mandatum intelligi posse magistratum, parentum, præceptorum, &c. Qui student uitam suam formare ad eorum obsequium, custodiunt animam suam, hoc est, consulunt uitæ suæ. Quot cæduntur à magistratu uel alijs, qui si præcepta illa seruassent, uiuere diutius potuissent? Custodiunt etiam animam à laqueis & potestate diaboli.

Et qui contemnit uias suas (uel eius) morietur. Scilicet legis. Qui non considerat, quid lex Dei præscribat, sed impetū affectuū suorū sequitur, quiq; in uocatione sua nō ambulat. An' nō moriuntur,



riuntur, inquit, etiam illi qui vias mandatorum non contemnunt? Duplex est mors, primum corporalis, quæ est animæ à corpore separatio, nec tantum est naturalis, sed etiam uiolenta, ut cum quis ab alijs occiditur, aut sibimet manus infert. Deinde Spiritualis, quæ iterum duplex est, una temporalis, quando morimur Deo & pietati, at in sceleribus uiuimus. Eph. 2. 1. Tim. 5. Luc. 9, Sine mortui sepeliant suos mortuos. Altera æterna, non quod anima moriatur. (Credimus enim ex uerbo Dei, animas nostras immortales esse) sed quia mors amara est & horribilis, per Metaph. mors pro afflictione & tormentis accipitur, ita ut mors æterna aliud non sit, quàm damnatio æterna. Hanc mortem Ioannes in Apoc. 2. & 20. cap. appellat mortem secundam.

Mors duplex.

17 Fœnerat Iehoua, gratiofus erga pauperem, & retributionem suam reddet ei.

Hæc sententia beneficentiam & liberalitatem in pauperes commendat. Singula uerba suum habent pondus. Qui miseretur, hoc est, qui aliorum paupertate non modo afficitur: sed etiam ex commiseratione egenis & afflictis largitur. יחן Chanan significat recipere aliquem in gratiam, ex gratia donare aliquem. Eleemosynæ dictio Latinè nihil est aliud quàm misericordia. Vocamus autem hoc nomine beneficium, quod ex commiseratione datur pauperi. Per pauperes non illos tantum intelligit, qui ostiatum uictum quærere coguntur: sed omnes qui ope nostra indigent. לדול dol significat exhaustum facultatibus, seu uiribus, tenuis fortunæ hominem, à לדלל dalal, quod significat exhaustire. Qui in illos liberalis est, tantum abest, ut sua amittat, ut cum fœnore recepturus sit. Deus enim se sponsorem obstringit, & chirographum suum nobis dat. Fallunt nos sæpe homines, Deus nos non fallit. Libenter mutuum damus illis pecuniam, quos scimus honestos esse & ueraces: cur igitur Deo toties promittenti certissimum lucrum, nihil conferimus? ללפח lafah propriè significat additum uel adiunctum fuit: deinde usurpatur pro accommodato seu mutuo accipere: Quoniam ille (ait Forsterus) qui mutuo accipit, addit seu deuincit & obligat se, fidemque suam alteri qui mutuo dedit. Non autem existimandum est, nos Eleemosynis nostris mereri uitam æternam. Promittit Deus bonis operibus præmia, sed ex mera gratia. Nihil pauperibus conferre possumus, quod Dei non sit. Terra est Domini, & omnis plenitudo eius. Discamus ex hac sententia beneficentiam in pauperes. Nam si pauperibus benefaciamus, Deo ipsi benefacimus. Nemo non est qui Christo sua gratis conferre cupiat: cur igitur pauperibus conferre dedignamur, quos tantopere nobis commendauit? Præsertim autem id faciendum est, cum omnium rerum caritas fuerit. Excusant se multi, quod ignorent qui ope eorum indigeant: at illa excusatio nulla est. Si uerò nihil habes, quod egenti conferas, potes pro ipsis apud alios intercedere. Nec unum est Eleemosynæ genus, ut alibi ostendimus. Hanc sententiam pulchrè explicat Chrysostomus ad populum Antiochenum, homil. 24. & 33. In homil. 3. in Genes. homil. in caput 5. Matthæi 15. & 67. in caput 21.

Liberalitas in pauperes. Eleemosyna.

18 Castiga filium tuum, quia spes est, & ad interficiendum eum ne leues animam tuam.

Docet castigandos esse liberos, & in castigatione modum esse seruandum. Bifariam à parentibus hac in re peccatur: primum si nimia indulgentia liberos prorsus non castigant, & uicia ipsorum approbent. Deinde si modum excedant in castigatione, quæ ad coercenda peccata adhibetur. Hæc autem uel parua sunt, uel magna: destinato consilio, uel per incogitantiam admissa. Magna peccata, requirunt magnam poenam: parua, paruam. Magna quoque ingeniorum est uarietas, quidam uerbis, quidam uerò, non nisi plagis emendantur. Parentes itaque prudenter & circumspectè agant, & moderationem ut in alijs rebus, ita etiam in correctione liberorum seruent.

Castigatio liberorum.

Ne leues, inquit, animam tuam, hoc est, ne inducas in animum tuum, ut eum occidas. Nam leuare animam suam, Hebr. phrasi est concupiscere, aspirare, desiderare. Reperiuntur parentes sæui & implacabiles, qui non patres, sed potius carnifices se præbent. Quidam gentilium, filios suos clam sustulisse leguntur. Contumaces tamen filij, accusari apud iudices debuerunt. Deut. 21.

Addendum est his, illos interficere liberos qui eos non castigant. Chrysostomus quoque dicit, patres qui liberorum modestiam & temperantiam non curant, liberorum interfectores esse, atq; grauius peccare quàm illi, quanto scilicet animi perditio grauior est, quàm corporis. Hinc Castalio hanc sententiam interpretatur, Et eum necare in animum ne induxeris, id est, ne committe tua indulgentia, ut pergat esse nequam, & ita pereat. Alij legunt: Ad clamorem eius ne apponas cor tuum. Deducunt à radice המה hamah sonare, non à radice מה meth.



Ne statim lachrymis eius mouearis, ut à correptione desistas. Prepostera est illa misericordia. Præstat, ut uulgus dicit, filios plorare quàm parentes.

Addit, *Dum spes est, uel, quia spes est.* Dum adhuc teneri sunt, magna est spes de profectu eorū: nec tamen spes abijcienda est etiamsi ad multam ætatem processerint. Qui hodie admonitio nem contemnit, fortè cras eam recipiet. Latro in cruce tandem ad meliorem mentem conuersus est. Quidam sub uesperam in uineam Domini mittuntur.

Quæ de parentibus dicta sunt, ad omnes pertinent qui in sacris scripturis sub hoc nomine intelliguntur, ueluti sunt tutores, præceptores, senes, magistratus. Magistratus pœnis coercere debent improbos. Pœnæ autem uariæ sunt, pro atrocitate delictorum. Non audiendi sunt illi, qui omnes pœnas tollunt tanquam inutiles. Deus enim quo ad hoc præcipit magistratibus quid faciant. Modum autem seruent in supplicijs inferendis. Ne illos puniant qui non meruerunt, ueluti qui diebus ab hominibus uetitis, carnibus uescuntur, matrimonium amplectuntur, sacra Biblia legunt, &c. & interim sceleratis quibusque parcant. Concionatores quoque taxent scelera, non modò in priuatis hominibus, sed exemplo Christi & prophetarum, in proceribus etiam: modum tamen in reprehensione seruent. Neque statim de aliquo desperent, quantumuis malo. Si equi tui uitij aliquibus laborent, non statim excoriandos tradis. Multi quos nemo ad frugem aliquam unquam peruenturos sperasset, tandem in egregios uiros euaserunt. Eusebius in Ecclesiast. historia libro tertio capite uigesimo tertio, narrat egregiam historiam, de quodam duce latronum, quem D. Ioannes in uiam salutis reuocauit. Quis unquam credidisset, Paulum & alios, illa præstituros quæ præstiterunt?

19 Magnus ira sustinet pœnam: si erueris eum, adhuc tamen addes.

Hæc sententia cohæret superiori, de castigatione liberorum. *Magnus ira*, hoc est, qui nimium seuerus fuerit erga liberos, *sustinet pœnam, aut accipit damnum.* Si liberas, scilicet, filium, rursum adde, scilicet castigare eum, ne abijcias spem. Castalio reddit, tardus ad bilem, id est puniendum filium, *damnum faciet*: nam si fueris euadere, iterandum tibi erit, id est, iterum peccabit, & tibi puniendus erit.

Possumus hanc sententiam in genere accipere de iracundis, *magnus ira*, hoc est, qui impetum iræ sequitur, *portat uel sustinet pœnam uel multam*, sæpe incurrit magna pericula: graues enim leges constitutæ sunt in uiolatoes pacis. Si erueris, scilicet iracundum, adhuc tamen addes, hoc est, denuò oportebit te eum liberare. Et si euadat periculum, tamen non cautus redditur. Vel si te ipsum eruas, alijs tuo furore metum incutiendo: tamen addes pœnam, non semper impunè euades. Ita non sese tantum, sed alios in magnum mœrorem sæpe coniiciunt. Qui igitur natura se iracundiæ obnoxios esse sentiunt, dent operam ne frena iræ laxent.

20 Audi consiliū, & suscipe correctionem, ut sis sapiens in nouissimo tuo.

Officium  
liberorum.

Postquam de parentibus dixit, quo pacto liberos suos castigare debeant, iam ad liberos, & eos qui in scriptura sub liberorum nomine ueniunt, sermonem conuertit, duo ab eis postulans. Primum, ut consiliū audiant, auribus scilicet mentis & corporis. Deinde ut correctionem suscipiant. Iuuenes ferè optimos consultores spernunt, illosq; magnificiunt, qui se eorum affectibus accommodant: at cogitare debebant, parentes eis non modò optimè posse, sed etiam uelle consulere. Deinde inuitos ad castigationem accedere, sed propter liberorum utilitatem, eam interdum adhibere, quod licet nunc non intelligant, olim tamen uidebunt. Ostendit autem quis fructus consequatur, si consiliū parentum & disciplinam non auersentur: tandem fiunt cauti & sapientes. Hæc subditi quoq; cogitent, qui à suis rectoribus, & omnes homines, qui à Deo castigantur.

21 Multæ cogitationes sunt in corde uiri.

Multi ex gentilib. præclare de prouidentia Dei philosophati sunt, at cum uiderunt sua consilia, illum quæ sperabant euentum non habuisse, planè attoniti, ceperunt ambigere nū Deus esset. At sacre literæ docent omnia, etiam quæ non ex sententia nostra eueniunt, & perturbatissima uidentur, optimè à Deo gubernari: neq; ullis humanis consilijs, consilia eius impediri. Vulgò hanc sententiam sic efferunt, Homo proponit, Deus disponit. Multi ambitiosè cogitant, se assecuturos magnum gradum in Repub. at non assequuntur. Multi diuitias colligere instituunt, at Deus pauperes esse uult. Quidam partis opibus diu frui uolunt, at Deus cursum uitæ eorum subito abruptit. Multi alioqui se diu uicturos cogitant, at statim concidunt. Quidam Euangelium excindere parant, at uarijs modis eorum consilia impediuntur. Multi uolunt uincere, sed uincuntur. Ita hominum consilia, irrita sunt & frustranea.



*Consilium autem Domini surgit (uel permanet.)* Dei consilium & decretum constans est & immobile, inuitis impijs & diabolis semper fit. Esaiæ 46. cap. Omnis uoluntas mea fiet, cui certe nemo resistere potest. Psalm. 33, Dominus dissoluit consilium gentium, & in irritum deducit cogitationes populorū. Consiliū Domini stabit in æternū: cogitationes eius in generatione & generatione, &c. Et quemadmodū frustranei essent illorū conatus, qui cursum Solis uel fluuiorum remorari uellent: ita qui uoluntati Dei omnibus uiribus reluctantur. Quando oramus, Fiat uoluntas tua, &c. non de obedientia necessitatis, sed uoluntatis loquimur. Etiam tum, cum contra Dei uoluntatem impij faciunt, fit aliquo modo Dei uoluntas. August. in Enchiridio ad Laurentium capite 100, Quantum ad illos attinet (loquitur de peccatoribus) quod noluit Deus fecerunt, quoad potentiam eius, hoc facere nullo modo potuerunt. Hoc enim ipso quod fecerunt contra uoluntatem eius, de illis facta est uoluntas eius. Hæc ille. Res in persecutione manifesta est, quæ tribuitur diuinæ uoluntati, 1. Pet. 4. Vtile autem nobis est, quodd impiorum & diaboli consilia non procedunt: alioqui statim de nobis actum esset. Quia uerò Dei consilium firmum est, mala quæ nobis accidunt, certo eius consilio accidunt, & res omnes euentum habent pijs utilem & salutarem, etsi nōs non semper assequamur. Orandus itaq; est Deus, ut nostra consilia regat. Vide cap. 21. uers. 30.

Decretorū  
Dei constā-  
tia.

Quādo im-  
pij contra  
uoluntatem  
Dei faciūt,  
aliquo mo-  
do implent  
eius uolūta-  
tem.

## 22 Concupiscentia hominis misericordia eius.

Scilicet Dei, de quo iam dixit. Homines etiam impij, cuperent Deum sibi misericordem esse, at quia fide carent, frustra cupiunt. Pij agnoscetes sua peccata petunt ne Deus cum eis agat secundum iusticiam suam: sed per immensam misericordiam, eis propter Christum propitius sit. Norunt ex scripturis, Deum natura esse clemētem & misericordem. Exo. 32. Ionæ 4. &c. Reprehendendi sunt, qui in opera sua, nec illa tantum quæ Deus exigit, sed etiam electitia fiduciam suam collocant. Pnomen, eius, potest etiam ad homines referri. *Desiderium hominis misericordia eius*, scilicet sit uel esse debet. Delectari homo debet misericordia in alios. Christus enim dicit Luc. 6, Estote misericordes, sicut & pater uester misericors est. Matth. 9, Misericordiam uolo, nō sacrificium. Æquum autem est, ut qui magnam misericordiam consequuti sunt, eandem alijs quoq; præstent, Matth. 18. Est autem misericordia, ut ait Cicero, animi dolor & ægritudo de alterius concepta miseria, & ad succurrendum impensa. Vnde colligimus, pauperes etiam misericordiam præstare posse. Qui uerò opes habent, opera etiam misericordiae præstare debent. Vulgò numerantur sex, nempe cibare & potare famelicos & sitientes, tegere nudos, uisitare infirmos, redimere captiuos, colligere peregrinos & sepelire mortuos: sed sunt infinita. Sunt qui ita intelligāt, Sunt multi homines, qui cupiunt misericordes uideri. Quidam ita, Homo indigens misericors est, quia ex propriæ paupertatis experientia, aliorum miseretur. Sic Dido apud Vergilium dicit,

Non ignara mali, miseris succurrere disco.

Misericor-  
dia.

*Et præstantior est pauper, quàm uir mendax.* Præstat pauperem esse & aliorum misereri: tametsi re ipsa misericordiae opera propter egestatem exercere non possis, quàm diuitem esse & mendacem, fingendo te nihil habere, quo subleues necessitatem proximi, cum tamen abunde tibi suppetat. Vel simulando, te proximo tuo manum porrexisse, cum tamen nihil aut parum feceris. Vel simulando, te pio animo fecisse, quod tamen ideo fecisti, ut homines tuam pietatem prædicent, Matth. 6. In genere etiam præstat leberide nudiores, quàm mendacem esse. Mendacium enim detestatur Deus, qui est ipsa ueritas.

## 23 Timor Domini ad uitam (s. ducit) & satur commorabitur, non uisitabitur malo.

Triplicem timoris Domini fructum ostendit: primus est uita, hoc est gaudium & prosperitas in hoc seculo: uita item æterna, quæ timentibus Deum, propter Christum donatur. Secundus fructus est saturitas: suprā enim dixit, seruans præceptum, scilicet Dei, seruat animam, scilicet à fame, ut quidam interpretantur. Sic Psalmo 34. dicit propheta: Non uidi iustum derelictum, nec semen eius quærens panem. Psalmo 37, Non est defectus timentibus eum. Tertius fructus est securitas, tuti erunt ab omni malo, non quodd malis pij non exercentur: sed quodd in medijs malis, in Deo tanquam in portu conuirescant, sciunt eum sibi bene uelle: nemo eos potest ab eo diuellere, Roman. 8. Hæc uerò Deus in futura uita cumulatisimè suis præstabit.

Timoris  
Domini  
triplex  
fructus.

## 24 Abscondit piger manum suam in sinu, etiam ad os suum non adducet eam.

Capite 26. uers. 15. repetitur hæc sententia. Apud Latinos quoq; manum habere sub pallio dicuntur, qui languent ocio. Desidiosus homo, honestum laborem non suscipit, ideoque

Pigritia.



nihil habebit quod in os ingerat. Multi malunt extremam famem pati, quàm laborare. Vel hac phrasi summa ostenditur ignauia: nullus enim labor est, manum ad os applicare. Aben Ezra notam similitudinis subaudit: piger est similis illi, qui manum suam mittit in lebetem uel ollam, & tamen ad os non retrahit. Ut sit sensus: pigros aliquando conari aliquid, sed ad finem non perducere. At constanter neglectis periculis pergendum est. Qui in finem usque perseuerauerit, inquit Seruator noster, hic saluabitur.

Forsterus hanc dicit esse sententiam: Piger citius patitur corrumpi in caldario cibum, quàm ut statim in os ingerat, quod nimirum quæ friguntur & torrentur, statim incalescant, & nisi statim excipiantur, dispereant adustione. צלחית & צלחית zallachath, significat scutellam, uel lebetem, ollam, fruxorium, & per translationem sinum.

### 25 Derisorem si percusseris, simplex efficietur astutus.

Vtile est si  
de malis  
pœnæ su-  
mantur.

Non omnes idem sentiunt de pœna, quæ erga iuuenes & adultos exercetur. Sunt enim qui neminem puniendum esse censent: nullam enim utilitatem esse. Illos qui sponte non faciunt, neq; pœnis adigi posse, ut ex animo faciant quod debent. At scripturæ iubent sinitibus pœnas inferre, partim ut illi puniantur, partim in terrorem aliorum, ut eorum exemplo fiant cautiore. Et hoc dicit etiam Solomon hoc loco: Si percusseris, hoc est, cum aliquis percusserit, ut certa persona pro quauis ponatur (הכה takah percutes, futurum à uerbo נכה nakah) Derisorem, hominem qui omnia contemnit, Simplex fit cautior. Si homines simplices audiunt derisorum pestilentes sermones, & eos abundare omnibus rebus conspiciunt, multum commouentur: sed si uicissim eos à Deo uel hominibus flagellari uident, statim timent, ne idem ipsis quoq; contingat, & alienis periculis bene utuntur. Felices sunt qui alienis malis cautiore sunt. Sic Tibullus,

Felix quicumq; dolore

Alterius, discis posse carere tuo.

Miseri uerò sunt, qui magno suo malo uix tadem sapiunt. Demades, ut est apud Plutarchum, suis Atheniensibus obijciebat, quòd nunquam tractarent de pace, nisi pullis uestibus induti, hoc est, nisi suorum cladibus admoniti & edocti.

Et si quis increpauerit intelligentem, intelliget scientiam.) Intelligens, si uel uerbo admoneatur sui officij, fit cautior. Omnia cōuertit in argumētū rectè uiuēdi. Petrus gallicinio in uia reuocatur.

### 26 Destruit patrem, fugat matrem, filius pudore & probri afficiens.

Lex præcipit, ut liberi parentes honorent, hoc est, honorificè de eis sentiāt, externum quoque honorem eis deferant, eorumq; paupertati succurrant. Qui itaque contrarium facit, ut qui res patris clam aufert, uel sua prodigalitate & perdita uita, patrem ad paupertatem redigit, item qui matrem expellit, uel ita uiuendo, ut mater domum & omnia uendere cogatur, ut satisfaciat creditoribus: uel alioqui barbarica immanitate matrem ædibus eiiciendo, pudore & probro afficit se & parentes suos. מחריר machpir, participium præsens in hiphil, à uerbo חפר chapar, oculos auertere, auertens se præ pudore, pudendus, id est, quem nemo bonus dignatur oculis suis aspicere.

### 27 Cessa fili mi audire institutionem, quæ te ducit, ut erres ab eloquijs scientiæ.

Sunt priuatim homines, qui deterrent nos à lectione & meditatione sacrarum literarum, & nos inuitat ad ebrietatem, scortationem, militiam mercenariam, &c. contra uerbum Dei, quibus non est auscultandum. Deinde sunt falsi doctores, qui tradunt doctrinam ueræ scientiæ contrariam, & abducentem à mandatis Dei, qui etiam diligenter cognoscendi & cauendi sunt. Vera scientia, ostendit salutem in solo Christo positam esse. Qui salutem alibi ostendunt, in nostris uel aliorum operibus, abstrahunt nos à uerbis scientiæ. Christus & Apostoli, etiam cauendum scribunt à falsis doctoribus. Matth. 7. 24. 2. Pet. 2. &c. Cessa, dicit Solomon, audire: quasi dicat, Si hætenus auscultasti eis, auerte nunc aurem: non enim proderit hæc quam multi afferunt excusatio, in iudicio Dei, Qui me seduxit, ipse reddet rationem. Christus dicit utrumq; in foueam casurum.

### 28 Testis Belial, deridebit iudiciū.

לוצץ Lutz deridere, & interpretari significat. Testis impius, qui iusiurandum & ueritatem contemnit, ridet & uili pendit iudiciū, non cogitat iudiciū non hominum esse, sed Dei. Id quod etiam Hesiodus agnouit, nam scribit ad fratrem:

αὐτὸς δὲ ἀνὴρ ἐνὸς μὲν ἐστὶν ἄνθρωπος

ἰδὲναὶ δὲ ἄνθρωπος, αὐτὸς ἐν δὲ θεῶν ἐστὶν ἄνθρωπος.

Testis impius loquitur in iudicio, quæ prauis affectus suggerunt. R. David in libro de radice dicit,



dicit, componet seu palliabit in iudicio, bonitate aut decore uerborum suorum mendacium, perinde ac si esset ueritas. Iudicium accipitur etiam pro pœna & supplicio: Contemnunt autem tales homines Dei iudicia parata mendacibus, quæ tamē nequaquam effugient. Vide cap. 28. uers. 5. Hanc hominum impietatem Iuuenalis quoque Saryra decimatertia taxauit.

Tam facile & proum est superos contemnere testes,

Si mortalis idem nemo sciat. Aspice quanta

Voce neget, quæ sit ficti constantia uultus.

Per Solis radios, Tarpeiaq; fulmina iurat, &c.

*Os impiorum, deuorabit iniquitatem.*) Quidam ad iudices constringunt, abscondunt & tegunt impiorum iniquitatem, quam ex legibus punire debebant. Post tamen in genere accipi: *Os impiorum teget uel operuit iniquitatem*, cum uel in animo habent scelus aliquod patrare, aut iam patrarunt, possunt egregie dissimulare. Sic infra cap. 31. de adultera dicit, quod commisso adulterio mox dicat: nihil ali feci. Quid hypocrisis possit nemini ignotum est. Quin & aliorum scelera tegunt. Sic hodie multi, Antichristi pessimos errores & turpissimam eius uitam excusant. *וּלְבַלְבָּא* bala significat absorbere, deglutire, præcipitare: Metaphora sumpta ab illis qui præcipitanter & temerè deglutunt: hinc quidam reddunt, *Os improborum, præcipitabit iniquitatem*, Id est, præcipitanter effutiet. Quidam intelligunt, quod falsis testimonijs delectentur quasi cibo.

## 29 Illusoribus parata sunt iudicia (uel pœna) & uerbera dorso stultorum.

Primum membrum huius sententiæ, ostendit illusores manere supplicia. Vbi de illusoribus quædam annotanda sunt: sæpe enim in hoc libro, & alibi in scripturis eorum fit mentio. Deinde nostro seculo multi sunt illusores, & quotidie magis magisque eorum numerus crescit, quemadmodum Petrus in secunda epistola, capite tertio fore, prædixit. *וְלִלְזוּ* lutz, quod est deridere uel interpretari: significat hominem profanum qui res sacras irridet, & uerba uel facta alterius falsò interpretatur. Non hic de illis loquimur, qui non malo animo, alios interdum irrident, ut homines reficiant, Græci *συτραπέλους* comes, facetos & urbanos hos uocant: sed de illis loquimur, qui ex contemptu omnia irrident, cum aliquid uel ipsi non intelligunt, uel cum aliquid eorum affectibus repugnat. Fuerunt autem omnibus seculis tales homines. Quid putamus Noe ab illusoribus passum esse? Prophetæ cum illo genere hominum assidue pugnauerunt. Dauid in Psalmo 119. queritur, se à superbis derisum, cum legi Dei studeret. Ieremias 20. capite queritur, uerbum Domini sibi factum esse in derisum & opprobrium. Capite uigesimo tertio interrogant prophetam, quod nam sit onus Domini? Tobias Ammonita irridet ædificantes templum. Christo illuserunt ministri sacerdotum, in atrio Caiphæ, Herodes, milites, & omnis generis homines, cum in cruce penderet. Cum Apostoli in die Pentecostes uarijs linguis loquerentur, quidam irridentes eos, ebrios esse dicebant. In historia ueteris Ecclesiæ, multi leguntur, & uiua uoce & scriptis insultasse Christianis, ueluti Porphyrius, Iulianus, Lucianus, & alij. Hodie magnus illorum hominum numerus existit, non modò inter falsæ religionis homines: sed inter illos etiam, qui Euangelici uocantur. Multi potentes omnem rident religionem, & non ob aliam causam inuentam putant, quàm ut stulta plebecula, hoc quasi uinculo in officio contineatur. Multi doctores Ecclesiæ, sacra omnia habent contemptui, & pro sana doctrina, ridicula quædam proponunt. Qui Deo se approbare studet, quiq; bonum reddit pro malo, non præsentia sed futura respiciens, hunc Cardinales Romæ, Bonum Christianum per Ironiam uocant. Opifices, rustici, pueri, uerbum Dei in ludibrium uertunt. Putant multi se ingeniosos esse, si omnia suauiter irridere possint.

*Illusorquis.*

*Illusores multi fuerunt omnibus seculis.*

Irrident autem uerbum Dei, præcepta, promissiones, minas, prodigia, sacras ceremonias: item homines qui cum ipsis uolunt insanire. Non quidem illusores existimandi sunt, qui stultas Papistarum ceremonias irrident, ueluti uenerationem reliquiarum, baptisum campanarum, peregrinationes ad templa sanctorum, & alia huius generis. Helias enim Baalistas etiam irridens, iubebat eos alta uoce clamare, ut exaudiri possent. Baalem enim aut in diuersorio, aut in itinere esse, aut obdormiuisse. Modus tamen hac in re seruari debet, ne ex ministris scurræ fiant. Sunt qui in uniuersum scripturas & omnia reiiciunt. Sunt deinde qui certa tantum capita irrident. Sapientes huius mundi, illa rident quæ non ratione humana, sed fide duntaxat apprehenduntur. Sic Actorum 17. Athenienses Paulum de mortuorum resurrectione concionantem, irridebant. Auari illa rident, quæ contra ipsos proferuntur. Sic pharisæi Lucæ 16. capite, Christum deridebant cum eos

*Quidnã eos quos irrideant.*



hortaretur, ut sibi amicos pararent ex Mammona iniquitatis, & ne sperarent, se Deo & Mammonæ simul posse seruire. Sic ebrii, scortatores, adulteri, Cares &c. illa cōtemnunt & irridet, quæ contra eos producuntur. Nonnulli dicunt, se non ridere Deum aut uerbum Dei, sed tantum concionatores: quos tamē idē irrident, quia uerbum Dei afferunt. Homo dum nondū regeneratus est, non potest non irridere mysteria uerbi Dei.

**Quomodo irrideat uerbum diuinum & res diuinas.** Hæc autem irrisio non fit uno modo. Quidam in corde suo omnia irrident, nec prorum-punt in uerba, metuentes ne hoc ipsis fraudi sit. Alij uerò uerbis & factis derident, partim apud notos homines, partim uerò apud omnes, in omnibus conuenticulis & cœtibus hominum. Qui sint eorum sermones, Petrus in sua epistola expressit: negant secundum aduentum Christi, ideoq; resurrectionem mortuorum, uitam æternam, & æternum etiam supplicium.

**Sermones.** Multa impia prouerbia circumferunt. Quidam scurriliter per irrisiōem, pronunciationem & gestus prædicatorum uerbi diuini imitantur & exprimunt. Quidam uerbum Dei corrum-punt, & omnibus rebus accommodant. Huc pertinent omnes illæ impię uoces, Quid ad me scriptura? An non æquē mendacium scribi potuit, ac ueritas? Diu est quando hæc, de quibus uos concionatores dicitis, acciderunt. Edamus, bibamus, cras moriemur. Chrysostomus suo tempore scribit quosdam dixisse: *ὁὗς μοι τὸν σήμερον, ταὶ δὲ τὸν αὔριον*: hoc est, Da mihi hodie-  
**Gestus.** num diem, & sume tibi crastinum: Significantes, se malle certa, quàm incerta persequi. Huc refer sannas hostium Christi, qui si contra facies uictoria potiantur, si eos tormentis subijci-  
**Facta.** ant, aut ad supplicia educant, superbi simē eis insultant. Gestibus quoq; contemptum irriso-  
res illi interdum significant, ueluti motu capitis, labiorum, nutu oculorum, strepitu digitorū.  
Facta eorum qualia sūt. O. Petrus ostendit, dicit enim: eos uicturos secundum proprias cō-  
cupiscentias. Multi non curāt legem Dei, nec leges pontificias: sed ex omnibus religionibus illa deligunt, quæ eorum affectibus uidentur congruere.

**Quantum mali dent irrisores.** Non autem falsi tantum doctores, gregi dominico incommodant, sed etiam illi irrisores: sermo eorum serpit, ut cancer uel gangræna. Natura pleni sumus dubitationum, si nunc hu-  
iusmodi flabella diaboli accedant, magis excitantur. Sit aliquis in uera fide bene instructus &  
confirmatus, tamen si quotidie illos subsannatores audiat, sentiet suam fidem non parum la-  
befactari. Præsertim autem iuniorum & infirmiorum mentes, his sermonibus grauius uul-  
nerantur. Hieronymus & Græci, Lezim ferē uertunt pestilentes, nimirum quod illi nebulo-  
nes pestis quædam sint Reipub. & Ecclesiæ. Infrā 29. cap. dicit, illusores illaqueare ciuitatem,  
hoc est, efficere, ut in seruitutē redigatur. Magna itaq; pœna eis est proposita. Magnum enim  
peccatum est uerbum Dei, cui summa reuerentia exhibenda erat, sannis excipere. Si secundū  
uerba Christi, Matth. 12. cap. ratio reddenda est de quouis ocioso uerbo, quanto magis de illa  
irrisione? Hoc loco dicit Solomon, derisoribus parata esse iudicia, siue supplicia. Jerem. 23. ca.  
irrisoribus illis, ex ore Dei pœnas denunciat. Rarō enim illusores ad pietatem conuertuntur.

**Pœna illu-  
sorum.** Prouerb. 11. Qui illusor est, nō audit, cū arguitur. Magistratum est, petulantiam illorum ho-  
minum coercere, saltem in terrorem aliorum, ut supra dictum est. Si uerò illi suum officium  
non faciant, sed dicant: Norunt omnes illum esse illusorem, nullum igitur est periculū: Deus  
tamen suas partes agit, finit eos interdum in alia flagitia incidere, propter quæ magistratus in  
eos animaduertat: alijs horrendis & miseris modis eos ē medio tollit. Si memoria repetas, ra-  
ri fuerunt illusores, qui non in hac uita pœnas dederint. Exempla huius rei permulta extant  
in historia. Helias 1. Reg. 1. cap. quinquagenarios illusores cum suis militibus igne ē cœlo euo-  
cato perdidit. Heliseus eius successor, pueros illusores ursis laniandos obijcit. 1. Reg. 2. cap. Lu-  
cianus Samosatenus apostata, dicebat, se nihil habere ex Christianismo, quàm cū antea Lu-  
cius uocatus esset, nunc Lucianus uocaretur: irrisit Deum & homines, sed dignum se exitum  
habuit. Nam (ut refert Suidas) à canibus laceratus est, quorum ingenium oris petulantia ex-  
presserat. Iulianus apostata, qui Christianis opes eripiens, dicebat, se hoc recipere, ut centu-  
plum iuxta seruatoris sui doctrinam reciperent, & miris modis eis insultabat, tandem infe-  
lix miserabilem exitum habuit. Possemus etiam nostrorum temporum exempla afferre. Non  
autem priuatim tantum, sed & publicē Deus uerbi sui irrisiōem punit. Exemplo nobis sunt  
Iudæi, qui cū prophetas monitores suos contemnerent, tandem præda facti sunt Babylo-  
nijs & alijs: qui cū & ipsi uictoria diuinitus sibi cōcessa abuterentur, & Israelitis insultarēt,  
de qua re aliquot Psalmi loquuntur, tandem etiam manus illius senserunt, quem irriserant.  
Cū Christus Iudæos doceret uerbum Dei, sed ab omnibus ordinibus ludibrio haberetur,  
factum est, ut tandem per Romanos funditus excisi, & toti orbī fabula facti sint, quemadmo-  
dum apud prophetas sæpē eis fuerat comminatus. Nec dubitandum est gentes illas, quæ ue-  
ram religionem non tantum irrident, sed crudelissimē persequuntur, tandem misere peritu-  
ras esse. Deus enim se irrideri nequaquam patitur. Prouerb. 3. illusoribus ipse illudet, at humili-  
libus



libus dat gratiam. Maximè uerò in extremo iudicio illufores illi risui erunt expofiti, quando fancti, ut est in libro Sapientiae, magna constantia eos accusabunt, & impij aeterna ignominia afficientur.

Quare fi haftenus fuiſti illuſor, aut eorum ſermonibus delectatus, caue tibi deinceps, pete ueniam à Deo, defende ueritatem, contemptis impiorum ſannis & ſarcaſmis, perge in uera fide & uitae integritate: non enim perpetuò ridebunt impij. Prouerb. 9. legitur: Si illuſiſti, ſolus tu portabis, hoc eſt, non me doctorem, ſed teipſum deludes. Patres familiàs, ludimagiſtri, concionatores, & praecipuè principes & magiſtratus, ſuo officio non deſint: ſed homines illos prophanos, coerceant, & toti in hoc ſint, ut Deus ametur, colatur & celebretur. Alterum membrum huius ſententiae oſtendit, quomodo agendum ſit cum illuſoribus.

*Flagella & contuſiones, corpori ſtultorum.* ſ. Parata ſunt. Eccl. 33. Pabulum, uirga, & onus aſino: Sic panis, diſciplina & opus ſeruo. Stulti metu poenarum regendi ſunt, blandis uerbis adduci non poſſunt, ut ſuum faciãt officium. Deinde ſtultis, id eſt, impijs hominibus conſtituta ſunt grauiſſima ſupplicia, iuxta diuerſa flagitia quae committunt, &c. in hoc & in futuro ſeculo.

## CAPVT XX.

**D**eriforem efficit uinum, tumultuatur ſicera, & omnis qui errat in eo, non erit ſapiens.



**I**n ſine praecedentis capitis, dixit deriſorib. parata eſſe iudicia: iam in primo uerſu oſtendit, quid efficiat deriſores. *Vinum*, inquit, *deriſorem*, ſcilicet, efficit: eſt enim *deriſor*, uel *deriſor eſt uinum*, id eſt, bibens uinum, & *ſicera tumultuantem facit*. Eſt aut ſicera omnis potus, quo quis inebriari poteſt. Omnis qui errat in eo, hoc eſt, qui modum in bibendo ſeruare neſcit, *non erit ſapiens*. *שחגה* ſchagah, ſignificat errare, inco-

Quo pacto  
nos gera-  
mus.

Quid effi-  
ciat deriſo-  
res.

gitanter & inconfyderatè agere. Sic Iſa. 28. etiam iſti in uino, uel propter uinum, errauerunt: ſacerdos & propheta errauerunt in ſicera. Non dicit, qui bibunt uinum aut ſiceram: ſed qui errant in eis, hoc eſt, qui modum excedunt.

Haec ſententia tria complectitur, quae ex ebrietate oriuntur. Primum eſt, quod illuſores facit. Vinum eſt bona Dei creatura, quod, ſi rectè eo utimur, nos non reddit ineptos: ſed ſi immodicè bibamus, facit deriſores, qui omnia conſilia & praeepta contemnunt, Dei iudicia non metuunt, omnia flagitia pro ludo habent. Eſt enim multorum uitiorum radix. Hoc iudices experiuntur, nam qui alterius bona, famam, corpus laeſerunt, dicunt ſe benè potos fuiſſe. Quia uerò ebrij omnia irrident, ipſi tandem omnium riſui exponuntur.

Ex ebrieta-  
te quae ori-  
tur.

Alterum quod ex ebrietate naſcitur, eſt tumultus, *הממה* hamah, ſignificat ſonare, tumultuari, fremere. Nam ubi ebrietas regnat, ibi exaudiuntur uarij ſtrepitus, uociferationes, fremitus: oriuntur contentiones & tumultus: ad caedes aliquando proceditur. Noſtu ſaepe uino madidi, per plateas clamantes oberrant. Grammatici annotant Bacchum dici, *ἀπὸ τοῦ βοῶ* quod eſt clamo, uocifero. Similiter Iacchum *παρὰ τὸν ἰαχόν*, id eſt, clamore, gemitu, rugitu: & Bromium *ἀπὸ τοῦ βρόμου* quod eſt ſtrepitus, ſonus, &c.

Tertium eſt ſtulticia: nam qui ſe uino oblectat, non erit ſapiens, nihil conſultè, nihil moderatè uel dicit uel facit. Quid enim tam eſt ineptum & ſtultum, ad quod non incitet ebrietas? Plinius ſcribit prouerbiū eſſe: Sapientiam uino obumbrari. Plato libro 1. de legibus ſcribit, non ſolum ſenes, uerum etiam temulentos, pueros eſſe. Ratio, qua homines à cæteris animantibus differunt, ebrietate aufertur. Multi mortuis ſimiles iacent. Oſeas 4. cap. Vinum & mulieres dicit cor auferre. Vulgus etiã dicit, ingrediente uino ſapientia exire.

Discamus igitur ex hac ſententia, cauere ebrietatē, ex qua haec & alia innumera mala conſequentur. Longum eſſet recensere, quo pacto laedat fortunas, famam, corpus, uitam & animam. Fugiamus illos, qui etiam nō ſitiētes ad bibendū cogunt. Nec ſatis eſt, ut nobis ab ebrietate caueamus: ſed curandum quoq; eſt, ne alij ebrietati indulgeant: reſiſtendum eſt huic malo. Et quanquam omnes deſperent, hoc malum poſſe tolli, tamen ſi Concionatores & Magiſtratus, cæteris ad imitationē uitae exempla propoſiti, ab ebrietate ſibi cauerēt, una eademq; opera, & ſibi conſulerent, & à populo eandem ſobrietatem impetrarent facilius.

2 Rugitus tanquam leonis, eſt terror regis, qui incitat illum in ſe, peccat contra animam ſuam.

Ira regis, ut ſuprà quoq; cap. 19. uerſu 12. comparatur rugitui leonis, qui terribilis eſt animabus, tunc enim maximè rugiunt, quando irati & famelici ſunt. Ita regis ira (per regem

Regis ira,



quemlibet magistratum intelligere possumus) est terribilis. Iusta autem est eius ira, quando sceleratis, iniusta quando pijs & innocentibus irascitur. *Qui irascitur ei* (de hac uoce *עבר* afar dixi cap. 14. uersu 16. uulgatus interpret reddidit, qui prouocat eam) peccat contra animam suam, hoc est, mortis periculo se obijcit. Multi enim qui uerbis uel factis, principes offendunt, male mulctantur: nec mali tantum, sed & boni uiri. Colligimus ex hac sententia cauendum esse, ne principes ad iustam iram prouocemus, quod tum fit, si eos contemnamos, tributa, uectigalia & alia non persoluamus: si eorum legibus, edictis, iudicijs, non pareamus, tunc enim iure nobis succensent. Obediendum illis est, ut Paulus docet, non solum propter iram, ne in rebelles animadvertatur: sed etiam propter conscientiam, quia uerbo Dei conscientia obstringitur, quæ suadet parendum esse. At si præcipiant pugnantia cum uerbo Dei, eis obtemperandum non est, utcumq; fremant & ferociant. Exemplo nobis sunt socij Danielis, Apostoli, Polycarpus & alij. Socrates quoq; apud Platonem dicit, *weisemai to theu mēdion n' h'mip.* Quandoquidem uerò principes sæpenumerò bonis uiris immeritò irascuntur, illi qui gratia & auctoritate apud eos ualent, placare iratos debent. Qui eis adulantur & oleum camino addunt, horribiles Deo pœnas dabunt. Quales sunt illi, qui hodie principes ad bella nō necessaria, & contra Christianos incitant.

*Regibus im-  
pia præci-  
pietibus nō  
est paren-  
dum.*

Potest hæc sententia de rege regum etiam commodè exponi. Nam ira numinis in scripturis non semel rugienti leoni comparatur. Ad iram Deum prouocant, qui idola defendunt ac turpiter & flagitiosè uiuunt. Prouocant autem eum contra animam suam: Deo ipsi nocere non possunt. Huic regi regum, reges rationem sunt reddituri: qui, si sua potestate abusi fuerint, & innocentes oppræsserint & dilaniarint, Deus quoq; instar urfi & leonis eos perdet.

### 3 Gloria est uiro quiescere à lite, & omnis stultus admiscet se.

Vide cap. 18. uersu 1. Sedere à lite, id est, quiescere, cessare, à *שבת* schabath, uel *ישב* iaschaf. Multi natura sunt *philomenæ*, & ob quamlibet leuem occasionem, inter domesticos, cum quibus quotidie uersantur, mouent certamina. Deinde in foro etiam sæpè nō necessarias ob causas contendunt. Reperias contentiosos homines, qui dicant se etiam malam causam uincere posse. Malitiosa hæc sunt ingenia. Putant sibi gloriosum esse, si nemini cedant. At sacra scriptura contrarium pronunciat, dicit gloriam esse unicuiq; non solum apud homines prudentes, sed ipsum Deum: adde etiam utilitatem asferre, si à litibus sibi temperet, multa tacitus dimittat, nec semper ius suum rigidè persequatur. Oportet aliquando concedere de suo iure, quin etiam uexationem redimere.

*Stulti philo-  
menæ.*

At omnis stultus admiscet se liti.) Stulti gaudent rixis, nolunt cuiquam cedere, putant hoc ad laudem cum suam, tum totius familiæ pertinere, undiq; captant rixandi occasionem, domi rixantur, in foro cōtendunt de rebus, quæ alioqui disceptari possent. Quin etiam de religione mouent certamina non necessaria. Quemadmodum hodie in Anabaptistis & Papistis uidemus, qui libidine illa rixandi, sæpè tuentur, quæ in conscientijs suis non credunt, tantum ne uideantur errasse. Quam multa sunt in Papatu absurda, quæ uehementi concertatione defendenda suscipiunt, & sic perturbantur, ut magis magisq; à ueritate recedant? Non autem dicendi sunt, rixas ferere, qui absq; obstinatione ueritatis causam defendunt. Pax quidè seruanda est, sed salua semper ueritate. Contentiosi sunt, qui mordicè falsa dogmata retinent & tuentur. Quin longius procedunt contentiosi homines, & aliquando cum ipso Deo litigant, cur opes, uictorias illis, uel illis concedat, cur fruges grandine conterat, cur non omnibus gratiam conferat, ut oblatum uerbum fide recipiant? At cogitandum erat, rationes cōsiliorum diuinorū, humano ingenio peruestigari non posse. Ne lumen Solis, apertis oculis intueri possumus. Quam multa sunt in rerum natura, quorum causas scrutari homines nequeunt? Dicendū est cum Dauide, Psalmo 38. Obmutui, non aperui os meum, quia tu fecisti.

### 4 Propter hyemē piger nō arabit, & mendicabit (uel petet) in messe, & nō.

Sensus est: Piger propter hyemem, id est, frigus, nolunt arare & labores perferre, idè etiam nō metent. Et quando ab alijs petent, non erit, qui eis aliquid det, uel quod eis derur, uel nō scilicet, adipiscantur. Dicent enim, cur non etiā tu laborasti? Sic formica cicadam illudit, cum, ut est in fabulis, respondit petenti cibum: æstate cantasti, hyeme salta. Apostolicum præceptū est, ut qui non laborat, non manducet. Ostendit hæc sententia quid tandem maneat illos, qui recusant labores ferre. Hesiodus quoq; fratrem suum hortatur, ut maturè & diligenter labores perficiat, ne egestate compulsus, cogatur uicinorum opem implorare: etsi enim semel & iterum eum subleuent, tamen id non perpetuè esse facturos, &c.

*Allegoria.*

Per allegoriam, literarum studiosis hæc sententia accommodari potest. Qui si tempore iuuentutis arare nolint, id est, magnos labores sustinere, tandem optatum studiorum fructum

non



non metent, sed frustra ab alijs emendicabunt. Ita alij quoq; qui agrum cordis non excolunt, in æstare, id est, in die iudicii sui particularis, aut uniuersalis, mendicabunt, Matth. 25.

5 Aquæ profundæ, consilium in corde uiri, & uir intelligentiæ hauriet eas.

Hæc sententia primum sic potest intelligi. Vir sapiens (וִירָאִישׁ isch Hebræis emphaticè significat, quod Latinis Vir, à uirtute, qui ætate, autoritate & dignitate præstat,) consulit alijs. Scit enim se illam facultatē, diuinitus in hunc finē accepisse, ut gloriā Dei promoueat, & aliorum cōmodis studeat. Nemo accendit lucernam, ut modio eam contegat: ita Deus his dotibus homines non ornat, ut eas non proferat. Etsi uerò uir sapiens multis bona det consilia, sapiētia tamen eius nō minuitur, sed potius acuitur. Cor enim eius, plenū est bonis cōsilijs, & nō potest exhauriri. Vel, homo intelligēs, accedit sapientē & haurit ex eo cōsilia, in rebus perplexis. Homines enim quantumuis prudentes, sibiipsis consulere nequeunt. Stulti autem seipsos abundare consilio existimantes, non sunt solliciti de aliorum consilijs. Quin bona consilia, tanquam perniciofa repudiant. Potest etiam hic sensus assignari: homo tegit sua cōsilia, cū aliquid sibi proponit, aliud præ se fert. Quemadmodum multi, qui dicunt se hacituros, & illac eunt. Multi simulant se religionem & bonas leges amare, cū odio habeant: at uir intelligens eliciet consilium latens in corde. Verum quidem est, quod Ierem. 17. scribitur: Prauum est cor hominis, & inscrutabile. Solus Deus est *καρδιογνώστης*. At sunt quædam uestigia, quæ periti homines sequentes, non rarè deprehendunt, quid in pectoribus hominum lateat. Veluti sunt sermones, gestus, facta, sodales & alia tametsi multa homines simulēt, tamē seipsos interdū prodūt, quæadmodū asinus Cumanus, ut est in fabulis, qui aures celare non potuit.

6 Multi deprædicant eum, qui eis benefacit.

Primum membrum huius sententiæ, uariè redditur. Munsterus uertit: *plerunq; homo prædicat eum, qui sibi benefacit*. Sic etiam Tigurina uersio habet. *Santes, Multitudo hominum, prædicat uniuscuiusq; misericordiam*. Alij, *multi prædicabunt uirum ob misericordiam suam*. Castalio, *multi homines pij uocantur*. Alij, *multitudo hominis*, uel, *multum homo inuocat uirum beneficij sui*, id est, plurimi inuocant illos, in quos beneficia contulerunt, at pauci sunt, qui promissa seruent, & beneficia rependant. Alij, *sunt multi homines, quorum unusquisq; prædicabit misericordiam suam*, hoc est, sunt multi qui uolunt quidem dici benefici & misericordes: sed nomini suo parum respondent. Vel, nomine multi sunt pij. De illis ostentatoribus Christus loquitur, Matth. 6. Simplicior sensus hic esse uidetur: multi uerbis laudant illum, à quo beneficijs affecti sunt. Nil enim est, quod plus fauoris homini pariat, quàm liberalitas & beneficentia. Hinc multi sua liberalitate, res malas promouere student. Veteres in Deorum numerum illos referebant, à quibus ingentibus beneficijs essent affecti.

At uirum fidelem quis inueniet? Hac interrogatione raritatem ostendit. Sic Christus Luc. 18. Filius hominis cū uenerit, an reperturus est fidem in terris? Vult dicere, raram fore. Nam si fidem accipias, pro uera doctrina, paucis in locis illa uiget. Si pro assensu promissionum Dei, in paucis reperitur. Si pro constantia dictorum & factorum, omnes queruntur nullam esse. Si pro fide, quæ inter coniuges, seruos & dominos, magistratus & subditos esse debet, ferè nulla est. Queruntur omnes, periuriorum plena esse omnia. Ita Solomon hac forma loquendi, ostendere uult constantes raros esse. Sunt multi, qui cum beneficium abs te accipiunt, te laudant: sed pauci grati, qui beneficia reddant & in aduersis fidem præstent. Non autem mirandum multos erga homines tales esse, cū omnes in Deum ingrati simus.

7 Ambulantes in perfectione sua iusti, beati filij ipsius post eum.

Hoc est, filijs hominis integri, qui in fide est syncerus, & à dolis est alienus, benè erit. Etsi enim pater nullam hæreditatem eis relinquat: tamen gloriam uirtutis rerumque gestarum, quæ omni patrimonio est præstantior, eis relinquit. Paruæ etiam opes eis benè cedunt, non enim fraudibus collectæ sunt. Illi cū docti sint pietatem, rectè norunt opibus uti. Qui igitur liberorum commodis consulere uolunt, non defraudent alios, sed iusticiæ dent operam, & studeant, post se relinquere fideles, & sibi similes liberos. Psal. 25. Semen eius (qui dominum timet) hæreditabit terram: item Psal. 112. Filij hinc discant quid sit probos parentes habere, & eorum uestigijs insistant. מִתְּהַלֵּךְ mitthalech est particip. hithpael, significans faciens se ipsum ambulare, non enim timorē pœnæ, sed sponte, amore uirtutis, rectè est agendum.

8 Rex qui sedet super solium iudicij, dispergit oculis suis omne malum

uel omnem malum.

Hæc sententia ostendit, quàm utile sit, si reges officio suo fungantur. Sedere super solium

Sedere su-



per solium  
quid.

Hebraica phrasi, est causas cognoscere, iustas ferre sententias, bonos defendere & malos coercere, quod officium est omnium regum & magistratuum. Hoc si faciant, uel nutu oculorum, absq; omni difficultate, malos coercent, nō opus semper erit uinculis & carnicibus. Vel oculis suis, hoc est, cura, inspectione, praesentia. Sic ille interrogatus, quæ res potissimum saginaret equum, respondit, oculus Domini. Grauius peccant principes, qui uenationi, compotationi, aleæ, &c. indulgent, & iudicia per alios exercent. Quemadmodum etiam Episcopi, qui alijs curam Ecclesiarum committunt, ipsi interim priuatis rebus, aut etiam uoluptatibus intenti sunt. Liuius dicit, non satis feliciter procedere, quæ oculis alienis aguntur. Columella malum putat colonū esse, qui per alios mauult agrum, quàm per se colere. Discant igitur magistratus sedere in folio, hoc est, iniunctum sibi munus exequi, & oculis suis omne malū, uel omnes malos dispellent. Subditi, si intelligant rem aliquam magistratui displicere, sibi ab ea cauebunt, & component se ad eorum uoluntatem. Ebrij fugient cōspectum principis sobrij, &c. Plutarchus scribit, meretrices Catonis cōspectum exhoruisse.

9 Quis potest dicere, mundaui cor meū, mundatus sum à peccato meo?

Omnes homines esse  
peccatores.

Sensus est, neminem uerè dicere posse, quod à peccatis immunis sit. Reperiuntur Anabaptistæ & hypocritæ, qui se peccatores esse negant. At nisi nos peccatores esse sentiamus & fateamur, quomodo de remedio seriò cogitabimus? Primus gradus ad salutem est, propriæ miseriae agnitio. Sunt autem præter hunc multa alia loca scripturæ, & rationes, quæ nos peccati conuincunt. Iob 9. cap. Verè scio, inquit, quod ita sit, & quod non iustificetur homo compositus cum Deo. Si uolueris contendere cum illo, non poteris ei respondere, unū pro mille, &c. Idem 14. cap. Quis potest facere mundum, de immundo conceptum semine? Idem 25. cap. dicit, ne infantem unius diei, imò nec stellas esseundas, in cōspectu Dei. Psal. 146. Ne intres in iudicium cum seruo tuo, quia non iustificabitur apud te ulla caro. 1. Reg. 8. cap. Salomon generalem hanc sententiam ponit, in sua oratione ad Deum, non esse hominem qui non peccet. Christus omnes iubet orare: Remitte nobis debita nostra, hoc est, peccata, ut apud Lucā legitur. Paulus fatetur ad Rom. 7. cap. peccatū etiam in renatis, uires suas exercere. Delectat, inquit, me lex Dei secundum internum hominem: sed uideo aliam legem in membris meis, rebellantem legi mentis meæ, &c. 1. Ioan. 1. Si dixerimus, peccatum non habemus, nos ipsos fallimus & ueritas in nobis non est. Peccant certè, quicunq; contra legem Dei faciunt: at omnes quotidie multa contra legem facimus. Lex enim non externam tantum sed perfectissimam iustitiam requirit. Quis se immunem dicet à prauis concupiscentijs? Quin sanctos etiā homines in grauissima peccata lapsos esse legimus. Tamen si uerò non omnes grauius scelera committant: tamen in multis, ut Iacobus dicit, quotidie labuntur. Bona eorum opera imperfecta sunt. Indigemus itaq; omnes misericordia Dei. At obijciunt quidam locum ex 1. Ioan. cap. 3. Omnis qui in Deo manet, non peccat. Credentes aut in Deo manere, Christus Ioan. 6. manifestè testatur, non igitur peccare. Fatemur quidem nō peccare, quemadmodum infideles, in quibus peccatum regnat: pii enim peccata deplorant & poenitentiam agunt. Non autem negat simpliciter, & re ipsa homines peccare. Re ipsa dum in hac carne sumus, nunquam perfectam cordis mundiciam consequimur. Deinde peccata pijs, qui natura sua peccatores sunt, & impuri, non imputantur. Sic intelligendum, quod multi in scripturis dicuntur perfecti, scilicet imputatione & iuxta conditionem huius uitæ, quantum hic status patitur: alioquin nemo ab omni peccati macula alienus est. Sciendum igitur mundiciam non esse ex uiribus nostris, sed aliunde parari. Christus sanguine suo nos abluit, cuius ablutionis sacramentum est Baptismus. Petrus in Actis Apostolorum 15. cap. testatur, fide purificari corda nostra, quia per hanc perfectissima Christi puritas ex gratia nobis impuratur, & impuritas condonatur: & sic omnes fideles gloriari possunt, se purificatos esse à peccatis suis. Hæc confirmantur multis locis scripturæ, 1. Cor. 1. Scribit Christum nobis factum sapientiam à Deo, iustitiam, sanctificationem & redemptionem. Ad Rom. Beati quorum remissæ sunt iniquitates, & quorum resecta sunt peccata. Item, nulla condemnatio his qui sunt in Christo. Sanguis Christi emundat nos ab omni peccato.

Nulli credentes peccant.

10 Lapis & lapis, modius & modius, abominatio sunt etiam ipsa ambo coram Domino.

De ponderibus & mensuris.

Hæc sententia interpretatio est octauæ præcepti, quod dicit, Nō fureris: quod enim illo præcepto generaliter effertur, hoc ista gnome, certa specie explicat. Nam nō hoc tantum furtum est, ut uulgò putant, cum quis rem alienam inuito domino aufert, sed quicquid iniquis ponderibus & mensuris paratur, furti nomine cōtinetur. Lapis & lapis, id est, diuersum pondus, mensura & mēsurā, id est, diuersa mensura, utrumq; Deo est abominatio. Sensus est, si quis in recipiendo



recipiendo, magno, in uendendo, paruo pondere, mensura & ulna utatur (omnia enim comprehendit genera ponderum & mensurarum) abominatio est coram Deo. תעב תעב in kal Abominatio. significat appetere, in piel auersari, detestari. Hinc nomen תעבה thoefah, quod sæpe occurrit in scripturis, significat abominationem, quando personam aut rem aliquam non dignamur uel uisu, uel auditu, uel gustu, uel tactu, uel olfactu. Si amicus aliquis faciem suam à nobis auertat, quantum nobis dolet? Doleat nobis potius, si Deus nos clementer aspicere dedignetur. Similes loci alibi quoque in sacris literis habentur, ut aliàs est expositum. Discamus igitur in contractibus rectè uersari, iustis uti ponderibus & mensuris. Si uendas pannum, frumenta, uinum, oleum & id genus alia, da mensuram bonam, quemadmodum Christus dicit: Mensuram bonam & confertam & concussam atque exundantem. Nec satis est te iustam habere mensuram & pondus legitimum, nisi rectè ijs utaris: quidam enim mensuram non implent, quidam libræ iugum pulsant, ut lanx in qua merces ponuntur, alteri lanci præponderet. Hinc Phocylides præcipit:

σταθμὸν μὴ πρόναι ἐπερὶ σιγῶν, ἀλλ' ἴσον ἔλπειν.

Semper in conspectu habendum est illud dictum Christi: Quod tibi non uis fieri, alteri ne feceris. Non autem uelles te à uenditore accipere mensuram iniustam. Putant quidem homines se lucrum facere his imposturis: & certè multum hac ratione paulatim alijs detrahitur, secundum illud Hesiodi:

Εἰ γάρ κεν τὸ σμικρὸν ἐπὶ σμικρὸν παταβῆι,

καὶ θ' ἅμα τοῦτ' ἔρδοις, ταχάνειν μέγα καὶ τι γένοιτο.

Interim uerò bona conscientia, multis opibus præstantior, amittitur, quæ si ad tempus quiescat, tamen exeret se tandem. Præterea hæc opes sunt & tibi & tuis infastæ. Non de eis iudicandum est, secundum externam eorum speciem, sed secundum uerbum Dei, quod maledictas pronunciat. Si Deus iniqua pondera & mensuras abominatur, certè etiam opes hac ratione conquistatas abominatur. Ethnici etiam dixerunt, iniqua lucra à damnis nihil differre. Ne igitur cogites mensuram & pondera mutare, in rebus uendendis leuiculum esse & uulgare, omnia artificiola suos habere dolos: hæc enim Satan suggerit, reuoca potius in mentem, quid Deus hac de re statuatur. Discunt etiam magistratus curare, ut iusta sint pondera & mensuræ, in Rep. & seueriter punire, ponderum & mensurarum corruptores, alioqui pauperes magna iniuria afficiuntur, & crescunt indies doli & fraudes.

II Etiam in studijs suis notum se facit puer, an purum futurum sit & rectum opus ei us.

Plerumque ex puerorum studijs colligi potest, quales futuri, & quod genus uitæ sectaturi sint, postquam adoleuerint. Pueri enim à teneris illa tractant, ad quæ inclinationem quandam habent. Itaque alios uideas sibi usurpare officium doctoris, alios iudicis, alios ducis. Quidam uendunt & emunt, quidam ædificant, &c. De illis qui gaudent congressibus bonorum quique bona studia amant, polliceri nobis possumus, quod in bonos uiros euasuri sint. De puellis quoque, quæ matribus obtemperant, petulantes fastidiunt, &c. bene speramus, & uicissim. Multa exempla bonæ & malæ indolis, passim extant in historijs. De Iosepho, Samfone, Samuele, Dauide, Solomone, in primis uero de Christo seruatore bonæ & malæ indolis. Quidam cum duodecim esset annorum disputauit cum Scribis & Phariseis, Luc. 2. In exteris historijs de Alexandro Magno legitur, quod etiamnum puer cum uidisset quàm feliciter pater bella gereret, nequaquam gauisus sit: sed ad æquales suos conqueribundus dixerit: Pater mihi nihil relicturus est. Illis respondentibus, imò ea omnia quæ bello iam parauit. Quid profuerit, dicebat Alexander, si multa hæreditario iure possideam, ego autem nihil habeam quod agam, & militem patri Philippo similem me esse non ostendam? M. Cato puer, cum in domo M. Drusi auunculi educaretur, & ad eum Latini uenissent pro impetranda ciuitate, rogareturq; ut Latinos apud auunculum iuuaret, negauit se id facturum. Vnus, comprehensum abiecturum se inde minatus est, nisi obtemperaret: sed Cato constanti uultu se non facturum respondit. Hinc facile colligi potuit, eum utilem ciuem patriæ futurum. Areopagitæ puerum quendam damnauerunt, quod coturnicum quæ in nido implumes fuerant, effodisset oculos. Iudicabant enim crudelitatem illam quam in auiculas exercuerat, in ciues exercendam esse, si adoleuisset. Eusebius hist. Ecclesiast. lib. 10. cap. 14. scribit de Athanasio, quod etiamnum puer ludens cum pueris, Episcopi officio functus sit. Nam ab æqualibus confessionem fidei petebat, & illis qui reddere eam poterant, aquæ baptismum conferebat, cæteras quoq; cæremonias peragens. Quod cum accepisset ciuitatis Episcopus, sacris literis erudiendum curauit, iam tum in illo perspicuus ingenium maximis rebus natū.



Possent multa alia huius generis adduci. Parentes in pueris obseruare debent, ad quæ natura propendeat, ut melius eorū mores formare, eosq; ad certū genus uitæ applicare possint.

Quonquam autem pueri, *ὡς ἐπὶ τὸ πολὺ*, agnoscuntur in pueritia, quales olim futuri sint, interdum tamen in pueritia oppositum illius, quod futuri sunt ostēdunt. Multi enim qui uidetur bonæ indolis & spei, tandem degenerant. Alij cōtra, qui in pueritia malis morib. præditi fuerūt, euadunt tamē in præclaros uiros. Verbum *הִתְנַחֵם* hithnaker in cōiugat. hithpael, non tantum significat, se agnoscēdum præbere, sed etiā se occultare, sermones, gestus alios fingere ne agnoscatur. In Gen. 42. de Iosepho legitur quod se occultarit erga fratres, scilicet ne ab eis cognoscereetur. Hinc quidam contrariam sententiam colligunt, *Etiā in operibus suis ignotum se faciet, uel occultabit se puer*: Vt ex his quæ puer agit, coniecturam facere non possis, qualis olim prouectioris ætatis, futurus sit, an recta futura sint opera eius uel minus, statim norunt simulare & dissimulare. Cor hominis à pueritia intentum est ad malum. Gene. 8.

12 Aurem audientem, & oculum uidentem, Dominus fecit, etiam ambo ista.

Quod auditu, uisu & reliquis sensibus præditi sumus, quod manus & pedes mouere possumus, quodq; spiritum trahimus, beneficium Dei est. In Deo uiuimus, mouemur & sumus. Agnoscamus itaq; hæc & alia Dei immensa beneficia, ipsiq; gratias agamus, qui ideo cæcos & surdos aliquando facit, ut melius eius beneficia conspiciantur. Deinde rectē utamur illis organis. Deus nobis aures dedit, non ut delectemur rerum impiarum auscultatione, sed ut audiamus doctrinam & disciplinam: oculos, non ut abutamur, ad concupiscentiam, sed contemplemur opera eius. Alijs quoq; membris, ad id utamur, ad quod condita sunt. De usu partium humani corporis, etiam Galenus, pulchrè scripsit. Dauid ex hoc, quod Deus aures & oculos fecit, colligit, eum omnia audire & inspicere, Psal. 94. Is qui aurem plantauit, non audiet? aut qui oculum finxit, non uidebit? Siracides cap. 23. de adulteris agens, qui putant tenebras eos tegere, postea subiungit præclaram sententiam: non intelligit, inquiens, oculos Domini, sole in finitis partibus perspicaciores, uias hominum omnes inspicere, atq; abstrusissima quæq; perlustrare. Antequam crearentur pernouit omnia, atq; item postquam perfecta sunt, omnia perspicit. Auris quoq; audiens, id est, obediens illis quæ audit, & oculus uidens, quæ alij non uident, opus sunt gratiæ diuinæ.

Deus omnia perspicit.

13 Ne diligas somnum, ne fortè pauper fias, aperi oculos tuos & satura te ipsum (*id est, saturaberis*) panibus.

Somno necessario, qui medicina est hominum, non interdicat nobis: sed immodico, qui non modò uarios morbos, sed & egestatem conciliat. Nam qui somno & desidiē dediti sunt, uitæ necessaria sibi comparare non possunt. Ideò non dicit, ne dormias, sed ne diligas somnum. Multas sententias continet hic liber, quæ laborem commendat. Aperi oculos tuos, euigila, esto prouidus, ut pane satieris, hoc est, uitæ necessaria acquiras. Germani eadem phrasi utuntur. Hæc de spirituali quoq; somno, ignorantia & peccati possunt exponi. Videndum, ne simus somno dediti, hoc est, socordes, sed uigilemus contra diabolum & falsos doctores, ne pane uitæ spoliemur. Euigilandum est ex somno peccatorum. Ephes. 5. Somnus animi perniciosior est somno corporis.

14 Malum est malum, dicit, qui emit, sed discedens sibi uel ad sua, tunc gloriatur.

Vulgaris hic est morbus, ut qui rem aliquā paruā uel magnā empturi sunt, contemnunt ac uituperēt, quò minore emant, & postquā emerint, gloriētur, quòd uili precio cōpararint, & periti sint emptores. Charitas Christiana postulat, ut des quod æquū est, proximo tuo, neq; eum fraudibus & dolis circūuenias. Simples & agrestes homines, quos necessitas in forū cōpellit, ne decipias, & postea tanquā re bene gesta glories. Ciuiles quidē leges hæc non puniunt, sed Deus suis partibus nō deest. Alij legunt *cum abit sibi*, id est, cum amiserit, tum laudat, dicit se magnam fecisse iacturam. Rodolphus Bayno *cum abit sibi*, interpretatur, cum bene uendit. Germanicè quoq; dicimus, *so es ihm wol abgadt*, tum laudat sese. Melanchthon hunc sensum elicit, Malum est, dicunt, cum tenent, sed postquam amiserint, laudant: Vt taxet morbum illum, quo plerunq; res præsentis fastidimus, & alias appetimus: amissas uerò desyderamus & requirimus. *קָנָה* kanah enim non tantum emere, sed etiam possidere significat. Certum hoc est, quòd egregios uiros, dum uiuunt, non curamus nec magnificimus, sed postquam eis orbatī sumus, tum demum laudibus eos efferimus. Plautus in Capt.

Tum deniq; omnes nostra intelligimus bona.

Cum



Cum, quæ in potestate habuimus, ea amisimus.

15 Labia scientiæ, auro & multitudine gemmarum ac uasis preciosis

*preciosiora sunt.*

Confert eloquentiam cū auro, argento, & uasis preciosis, quæ homines maximi æstiment, *Eloquentiæ donum.* magno sudore comparant, magna cura & sollicitudine conseruant: eamq; eis longè præfert. Per labia scientiæ, sapientiam cum eloquentia copulatam intelligit. Etiam Cicero scribit, illum qui sapientia præditus non sit, facundum dici non debere. Vera eloquentia maximum est Dei donum, quo si homines rectè utuntur, utilissimi esse possunt. In Ecclesia possunt magna cum utilitate imperitos docere, remissos hortari, flagitiosos increpare, afflictos consolari, falsos doctores reprimere. Quantum profuit Ecclesiæ eloquentia unius Pauli? quantum nostra ætate uiri eloquentes uia uoce & scriptis suis effecerunt? In Repub. tempore pacis eloquentes religionem propagare, bonos tueri, malos coercere possunt. Excitato ciuili motu, facundi homines eloquentia sua eum possunt reprimere. In bello siue uincas siue uincatur gens aliqua, eloquentes plurimum possunt. Potest hic uersus simpliciter reddi: *Est aurum & multitudo gemmarum & uas preciosum labijs scientiæ, uel homini qui habet scientiæ labia, hoc est, eloquentes & sapientes, faciliè ditescunt. Vel, sapientes & eloquentes habent hæc omnia, id est, habent his longè præstantiora ornamenta.*

16 Tollè uestimentum eius, qui fideiussit pro extraneo, & pro extranea cū fideiussit, pignus eius.

Scilicet ab eo accipe. Hac gnome ostendit, quàm periculosæ sint sponfiones. Ab illo qui fideiussit pro extraneo, tollent etiam uestimenta, si non habeat, quo creditori satisfaciat. Ut imperatius pro futuro ponatur. Non enim uult docere crudelitatem. Amos 2. cap. exprobrat illis, qui super uestes oppignoratas quiescebant. Leges de hac re extant. Exod. 22. Deu. 5. 7. Vel amicum fideiussoris hortatur, ut accipiat eius uestem eamq; seruet: futurum enim, ut propter fideiussionem etiam uestes eius ablaturi sint. Multi enim, quia pro alijs fidem suam obstrinxerunt, ad extremam paupertatem sunt redacti. Non uult prohibere, ne quis pro alijs fideiubeat, sed ne temere hoc faciat, quin cogitet, an postulante necessitate, fidem suam liberare possit. Cautio tum aliàs est adhibenda, tum imprimis si tibi negocium sit cum peregrinis, qui tibi noti non sunt. Cogitent illi etiam pro quibus fideiussiones fiunt, ne fidem fallant. Tigurina editio habet. *Si alienus sponponderit, eripe uestem eius, ut pro extraneo sit pignus eius.* Castalio, *& eam pro alijs pignora.*

17 Dulcis est uiro, panis mendaci, postea implebitur os eius lapillo.

Panis mendaci, hoc est, panis malis artibus partus, initio delectat hominem: tandem autem dolorem parit. Qui in pane calculos dentibus imprudentes terunt, sentiunt dolorem: ita illi qui res necessarias, mendacis sibi comparant, tandem dolores sentient. Lapilli concoqui non possunt, ita illi etiam leuari molestia non poterunt, conscientiæ stimulis agitantur, quibus nihil est intolerabilius. Homines molestos, ædibus eiicere possumus, at conscientia expelli non potest: in conuiuijs, noctu quoque, homines affligit. Exemplum habes in Iuda proditore. Porro non tantum furtum & rapina, sed omnia peccata hanc naturam habent, ut primum iucunda sint, postea uerò dolores acerbos post se relinquunt: ueluti adulterium, ebrietas, uindicta, & alia. Fit sæpe ut his uitijs obnoxij, in hoc seculo capitales dent pœnas, minimum autem stimulis conscientiæ agitantur: & nisi homines iustum remedium adhibeant, & pœnitentiam agant, in desperationem ruunt & æternum pereunt. Satan etiam solet peccata primum uarijs argumentis extenuare, ut homines in ea pertrahat, postquam uerò lapsi fuerint, exaggerare. Per panem mendaci falsam etiam doctrinam potes intelligere, quæ suauis est homini, at finis non tam est iucundus. Rectè autem uocatur panis mendaci, quod uidelicet pascere uideatur & non pascit.

18 Cogitationes consilio firmabitur.

Id est, singulæ cogitationum, consilio firmabuntur, hoc est, dirigetur, ut bonum successum habeant. Si aliquid suscipiendum sit, uarijs & multiplicibus cogitationibus distrahimur, ac si consilia audimus, certi aliquid constituimus.

*Et consilij gere bellum.*) In omnibus rebus arduis, maximè uerò in suscipiendis & gerendis bellis, consilium plurimum habet momenti. Nam bellum res est ualde periculosa, & incerti eius exitus. In bello agitur de omnium uita & fortunis: si peccetur aliqua in re, Regnum uel *Consiliū in bellis requiritur.* Resp. magnum detrimentū accipit. Deinde uictoria neq; multitudine exercitus, nec robore: sed multo magis cōsilijs & stratagematis paratur. Sic scribit Cic. in Catone maiore, nō uirib. aut uelocitatibus aut celeritate corporum, res magnæ geruntur, sed consilio, & autoritate



& sententia. Vegetius de re militari lib. 1. cap. 2. dicit: Non parum prodest, in dimicationibus uti consilijs. Ad uictoriam multum momenti habet locus, tempus & alia. Pauci sæpenumero temporis & locorum opportunitate adiuti, magnos exercitus profligarunt. Hæc omnia boni consultores perpendunt. Non autem satis est bona consilia dari, nisi illa sequamur. Polybius ab Euripide prudentissimè dictum scribit. *Σοφὸν ἐν βούλῳ ματὰς πολλὰς χεῖρας νικᾷ*, hoc est, unicum consilium rectum, magnum militum manum uincit. Vide hac de re Stobæum, sermone 25. Antigonus interrogatus, quem è suæ ætatis ducibus præstantissimum iudicaret, Pyrrhum respondit, si senesceret. Manu enim strenuus erat, sed nondum consilio pollebat, propter iuuentutem. Cùm Paulus Æmylius per loca prærupta exercitum in Macedoniam traduxisset, & instructam hostium aciem uideret, hortante Nasica, ut protinus cum hoste confligeret. Facere, inquit, si tuæ essem ætatis: sed rerum experientia prohibet, ne exitinere statim cum instructa acie hostium congrediar. Innuens adolescentes non pollere consilijs, quorum in bello maxima est utilitas, sed temerarios atq; audaces esse. Aphricanus, cùm quidam eum, ut parum pugnacem uituperarent. Imperatorem, dicebat, me mater, non bellatorem peperit, innuens: prudentibus consilijs hostem uincendum esse. Hoc sensu alius quidam dicebat, imperatorem, senem moribus esse oportere. Spiritualia quoq; prælia contra diabolum, uerbi diuini consilio gerenda sunt. Damnatur in hoc quoq; bello, in consulta temeritas. Vide plura de hac re cap. 24. uersu. 6.

19 Qui reuelat secretum, ambulat detractor, & cum eo, qui decipit labijs, ne misceas te.

**Arcana re-** Tria hominum genera ostendit, à quorum congressibus cauendum sit. Primum est illorum, qui secreta effutiunt. Non sunt euulganda secreta, nisi Reipub. uel innocentium hominum salus requirat. Potest enim fieri, ut qui arcana non retinent, sed temere spargunt, & sibi & alijs magnum malum accersant.

**Sufurrones.** Alterum genus est, sufurronum uel detractorum. רַחַל rachal, ut alibi quoq; annotauimus, significat negotiari, mercari, hinc רַחִיל rachil delator dicitur: nam quemadmodum mercator, quod emit ab uno, alteri uendit: ita detractor, quod ab uno audiuit, alteri reuelat. Et sæpe additur uerbum ambulandi, eò quòd detractor ad alios uadit, ut quæ audiuit, postea narret. Hinc quidam רַחִיל rachil, quasi רַגִּיל ragil, id est, exploratorem dictum uolunt. Quidam accipiunt aduerbialiter, qui ambulat fraudulenter uel detractoriè. Vide suprà ca. 11. uers. 13.

**Adulator res.** Tertium genus est adulatorum, uel ad scelera pellicentium. פַּתְחָה pathah significat adulari, incitare, dilatare. Hinc non una est huius clausulæ interpretatio. Quidam dicunt, *adulanti labijs suis, ne te misceas*, id est, ne habeas commercium cum eo. Cicero quoque pulchrè præcipit in Lælio, cauendum esse ne assentatoribus patefaciamus aures, nec adulari nos sinamus, in quo falli facile sit: tales enim nos esse putamus, ut iure laudemur. Potest etià intelligi ab illorum societate cauendum esse, qui nos blandis uerbis ad impietatem & scelera pelliciunt. Deut. 11. Cauete uobis ne blandis uerbis persuadeatur cor uestrum, & recedatis & colatis deos alienos. Sunt qui exponant, *cum dilatante labia sua, ne misceas te*. Dilatare labia significat hoc loco, quicquid in buccam uenit loqui. Germani etiam dicunt, *den mund zwyr vff thun*. Tales homines, cùm sibi, tum auditoribus suis sæpe magnorum malorum sunt authores. Iungamus nos potius uiris bonis, quorum familiaritate meliores reddamur.

20 Maledicentis patri suo & matri suæ, lucerna extinguetur in obscuritate tenebrarum.

Loquitur de pœna illorum liberorum, qui parentes suos contumelia afficiunt. לֵלֵל killel propriè ad pondus pertinet, significans alleuari, per Metaphoram uilipendere & pro nihilo æstimare: ferè reddunt maledicere, execrari: & opponitur uerbo כָּבַד kauad, quod significat grauari, per Metaphoram reuereri, honorem alicui habere atq; impendere. Si filij parentes uilipendant & contemnant, sequuntur conuitia, uerba & alia. Tales uerò filij, rebus aduersis, gratia, consilio, & ope Dei & hominum destituentur. Idem eis accidet, quod illis, quorū in locis periculosis intempesta nocte, lucerna extinguitur. Familiare enim est scripturis per tenebras intelligere afflictiones, ærumnas & desperationem: per lucernam, opem, & consolationem. Iob 18. Non ne lux impij extinguetur? Repete capitis 13. uersum 9. Germani quoq; lucernas per Metaphoram uocant, homines, qui eos amant, & rebus eorum optimè consultum uolunt. Indignum est, ut qui parentum suorum consilia contempserunt, postea aliorum consilijs leuentur. Lex Exo. 21. & Leuit. 20. præcipit, ut qui parentibus maledixerit, aut qui eos pulsarit, interficiatur. Apud Romanos parricida insutus culeo, cum simia,

**Parricide**

cane,



canes, gallo gallinaceo & uipera, in mare uel in amnem proijciebatur. Merito autem hac luce priuantur, qui indignè illos tractant, propter quos hanc lucem aspexerunt. Hac uerò de causa simia in parricidæ culeum includebatur, quòd homo non est, tamen humanam speciem habet, deinde filios suos necare ipsa solet. Vipera, ut physici tradunt, corrosis matris lateribus prodit in lucem: præterea dolosa & inimica est humano generi. Canes nemini parcent, neque proprio generi. Gallus superbissimus est. Canis quoque & gallus impiè facere uidentur, quòd sorores & matres ipsas saliant. In culeum includebatur, tanquam indignus qui lucem aspiceret, utq; omnium elementorum usu uiuus carere inciperet, ut cælum superstiti & terra mortuo auferretur. De hoc supplicio uide Institut. Iulianiani libro quarto, & Ciceronè in oratione pro Roscio Amerino. Hoc supplicium in parricidas Romani idèò excogitarunt, ut quos natura in officio retinere non posset, magnitudine pœnæ, maleficio submouerent.

*supplicium  
apud Ro-  
manos.*

Discant itaq; filij suos parètes reuereri, eorù iussis obtemperèt, ne lux ipsorù extinguatur, hoc est, ne immatura morte pereat, & in maximis periculis, ab hominibus & Deo deseratur. Si qui hætenus parum honorificè de parentibus senserunt, pœnitentiam agant, & cogitent id, quod gentiles etiam intellexerunt, parèem eis gratiam referri non posse.

Parentes quoq; liberos, non sinant uel libi uel alijs conuitium dicere. Quod de parentibus, qui nos genuerunt, dicimus, ad alios quoq; qui in scripturis parentum nomine intelliguntur, debet extèdi. Seditiosi debent occidi, nam contra magistratus agunt, qui sunt patres. Addendum etiam illud, si terrenorum parentum contemptoribus tanta supplicia proposita sunt, quid de illis dicemus, qui patrem cœlestem contemnunt, eiq; conuitium faciunt?

21 Hæreditas in principio festinanter acquisita, etiam nouissimum eius non benedicetur.

Filij qui ante tempus in annos patrios, ut ille inquit, inquirunt, rarò fortunarum exitum fortiuntur. Qui optant parentes mori, & qui iniuria eos afficiunt, ut mortem eorum accelerent, quò statim in hæreditatem inuolent, sæpè dant pœnas. Exemplo nobis est Adonias filius Davidis, qui superstitis adhuc parentis regnum inuadere tentabat, quæ res postea necem ei attulit. Absalom quoque patrem regno pepulit, sed non tulit impunè. Lucæ decimo quinto filius ille prodigus, qui in hæreditatem parentis nondum mortui inuadebat, tandem miser & ærumnosus efficitur. Imprudenter & stultè etiam faciunt parentes illi, qui filijs sua bona, ante obitum suum conferunt. Hinc enim sæpè fit, ut se & filios suos perdant. Rectè dicitur Germanico proterbio, parentem facilius decem liberos alere, quàm decem liberi unicum parentem. Siracides quoque cap. 32. monet, ut unusquisque maneat dominus facultatum suarum, nec liberis cedat possessionem harum ante obitum. Quæ de filijs dicuntur, ad alios quoque extendenda sunt, qui ante tempus hæreditatis animo inuadunt. Septuaginta interpretes de opibus in genere intelligunt: Qui statim uolunt ditescere, non experiuntur benedictionem Dei. 1. Tim. 6. cap.

*Hæreditatē  
ante tēpus  
inuadere.*

22 Ne dicas, reddam malum, sed expecta dominum & liberabit te.

Hæc sententia tria complectitur. Primum est, non appetendam esse uindictam. Alterum, Deo esse committendam. Tertium, illum nos liberaturum. Dicere in scripturis, aliquando est cogitare ac deliberare, quod animo quoq; suus sermo sit. In Euangelio habetur: scriba quidam dicebat intra se, id est, cogitabat. Ne cogites aut statuas, & multò minus expressis uerbis dicas, rependam malum, ulciscar me de inimicis meis. Ne pro malo malum reddere paratus sis, & multò minus, pro bono malum. Omnes natura cupidi sumus uindictæ, ut Iuuenalis dicit Satyr. 13.

Est uindicta bonum & uita dulcius ipsa.

Multi gloriosum sibi esse arbitrantur, si nemini cedant. At multa sunt quæ suadent ignoscendum esse proximo, omnemq; uindictam Deo committendam. Primum Deus multis in locis hoc postulat, Matthæi 5. 6. & 18. pulchra similitudine hoc docet. Doctrinæ respondet eius exemplum. Deus enim benefacit etiam inimicis suis: Solem suum exoriri finit super bonos & malos. Filium suum pro nobis inimicis suis in mortem tradidit, Roman. 6. Christus orauit pro illis, qui crucifixerunt eum. Hoc imitatus est postea Stephanus. Cogita Deum excitare tibi aduersarios, qui te exerceant, exemplo Iosephi & Davidis, qui Semei conuitiatori parcebat. Cogita te meritum esse, si non in hoc, tamen in alijs casib. si non quo ad hunc, tamen quoad alios homines, aut certè quoad Deum, idque mille modis. Cogita item proximum tuum, illa quæ eum dixisse uel fecisse contra te putas, fortassis nec dixisse nec fecisse, aut non malo animo dixisse uel fecisse, aut eum illius, quod fecit aut

*Contra uin-  
dictam pri-  
uatam.*



dixit iam pœnitere. Si non hoc tempore, fortè alio: si nunquam, Deum uindicaturum. Qui seipsum ulciscitur, temerè facit, usurpatq; sibi munus Dei dicentis, Mihi uindictam & ego retribuam. Adhæc si cedamus aduersarijs, eorum impetus frangemus: at si resistamus, magis illorum furor exardescet. Ita fulmina, res duras & obsistentes magno fragore ac ruina comminuunt: at si mollia ac cedentia occurrant, facillè penetrant & ea non lædunt. Hinc fit ut gladius sæpe conteratur salua uagina, pecunia comminuatur illæsis oculis. Accedit etiam hoc, quod dum de uindicta cogitamus nos potius lædimus, quàm illos quos odio habemus. Hæc & alia si diligenter perpendamus, non aspirabimus ad uindictam. Iudices quidem debent pœnas exigere de sceleratis. De pœna talionis Leuit 21. Hæc de primo membro huius gnomæ.

Alterum membrum ostendit, quid facere oporteat, postquam accepimus iniuriam: pulchramq; consolationem continet: *Sed expecta Dominum & liberabit te.* Relinquenda est uindicta Deo, qui ulturus est causam nostram, Deut. 32. Roman. 12. Nam nostris iniurijs ille prior offenditur. Nemo enim uel cogitare potest de lædendis nobis, quin prius Deum offendant. Exercet autem uindictam, uel per magistratum, contra paucos uel multos, & hunc læsi adire possunt, atq; eum qui læsit, in ius uocare, certis tamen rationibus. Magistratus etiam concedit nobis, ut cum subito aliquis nos inuadit, uim ui repellamus, Defensio tamen & ultio, plurimum inter se differunt. Vel exercet pœnam seipsum, ut loquuntur immediate. Si enim in ius uocare aduersarium non possis, si magistratus officium suum negligat, quia tu pauper es, & aduersarius tuus potens, Deus te eripiet, qui se uindicem pauperum & oppressorum appellat. Habet autem mille modos, quibus te defendat, & innocentiam tuam asserat. Martyrum innocentiam multis & illustribus miraculis sæpe declarauit.

23 Abominatio est apud Deum lapis & lapis, & statera dolosa non est bona.

*Allegoria.* Illa sententia suprâ etiam posita fuit, nunc repetitur, ut uideamus Deo hanc rem curæ esse. Institores igitur, lanij, hospites & alij negociatores, iustis ponderibus & mensuris utantur, neq; putent, rem parua esse, quæ Deo non sit curæ. Allegoricè quidam dicunt, non utendum diuerso pondere, non, quod in te leue crimen putas, in alio supplicio dignum existimes. Magistratus non in uno aliquem defendat, & postea in simili casu alium condemnet: sed iusticiam exercent, quæ symbolo stateræ significatur.

24 A Domino gressus uiri (sunt uel diriguntur) homo autem quomodo intelligit uiam suam uel eius?

*Deus omnes actiones nostras gubernat.* Hæc scētia ostēdit Deū nō tantū res magnas in mūdo, sed oēs singulorū hominū actiones interiores & exteriores, gubernare. Si uia secundū literā intelligas, nō nisi beneficio Dei possumus nos de loco in locū mouere. Qui ideo nos in morbos interdū cōijcit, qui usum membro- rum nobis adimūt, aut alioqui claudos nobis obijcit, ut eius beneficiū melius intelligamus. Non possumus ire quod uolumus: aliquando accincti ad iter, subito cogimur mutare consiliū: aliquando aberramus à uia etiam nota, nec redire quando & quomodo uolumus, nisi Dominus nos deducat. Multi enim in bestias, in latrones incidunt, aut alioqui pereunt. Hinc est quod Iacobus 4. cap. illos reprehendit, qui dicunt, hodie uel cras ibimus in illam ciuitatem, negociabimur, cum addendum esset, si Dominus uoluerit, si uiixerimus. A Domino enim etiam minutissima illa dependent. Non passeruli, inquit Saluator noster, cadunt absq; uoluntate Dei: omnes pili capitis nostri numerati sunt. Paulus ad Romanos 1. cap. dicit, sæpe constituisse se Romam proficisci, sed impeditum fuisse. 1. Cor. 4. cap. Veniam breui ad uos, inquit, si Dominus uoluerit: hanc conditionem adiiciens, qui norat nihil planè in nostra potestate esse. August. in Enchiridio ad Laurentium cap. 17. Nobis ipsis, inquit, accidit, ut in quodam biuio falleremur, & non iremus per illum locum, ubi operiens transitum nostrum Donatistarum manus armata subsederat, atq; ita factum est, ut eò quod tendebamus, per deuium circuitum ueniremus, atq; inde gratias ageremus Deo. Meminit eiusdem historiæ Possidonius in uita August. cap. 13. Si per uiam accipias studia & consilia, homines etiam hæc non intelligunt: nec sequuntur illi euentus, quos proposuerunt sibi, longè alia accidunt, quàm putassent, & aliquando benè, aliquando malè cadunt: Nabuchodonozor statuerat ad Ammonitas proficisci cum exercitu, sed Dominus eum contra Israelitas direxit. De quo Ieremiæ capite 10. dicitur: Scio Domine, apud homines non est uia sua: nec uiri est, ut ambulet & dirigat gressus suos. Pompeius, Cato & Cicero, bona cœperunt consilia, de opprimenda Cæsaris potentia, quæ optatum exitum non habebant. Ideoq; obtupefcebant, omnia sursum & deorsum



sum à cæca fortuna misceri cogitantes. At fideles sciunt, non in hominis manu, positam esse suam uiam, sed euentum consiliorum omnium in manu Dei esse, eumque rebus euentum dare quem ipse uoluerit. Student sua consilia conformare uerbo Dei, euentum ipsi committunt. Si aliquid præter eorum consilium & expectationem contingat, sciunt hoc ad suam salutem & Dei gloriam pertinere, tametsi hoc tempore causas non uideant. Orant etiam Deum, ut uias eorum dirigat, & consilijs felicem successum concedat. Quia uerò conatus piorum, quantumuis boni, in libero ipsorum arbitrio non sunt, sed à domino uel impediuntur uel retardantur, boni consulamus totique ab eo dependamus. Nec metuemus conatus malos impiorum, qui multò minus sunt in libero ipsorum arbitrio. Subinde enim malum eorum propositum à Deo impeditur. Hæc de externis tantum dicta sunt. Si de uia salutis æternæ dicendum sit, nemo hominum eam intelligere potest ex uiribus suis, nedum incedere. Quod humana ratione uia salutis inuestigari non possit, nobis argumento est, quòd tot ferè hæc de re sunt sententiæ, quot philosophi, & omnes absurdæ. Christus, quia uia est, dicit: Nemo uenit ad me, nisi pater traxerit eum. Ipsius beneficio in Christum credimus, & ex fide sanctè uiuimus. *Quis intelligit uiam eius?* Quidam ad Deum referunt: incertus enim nobis est modus, quo Deus promissa implebit.

25 Laqueus est (uel offendiculum) hominì (s) uel (qui) deglutit sanctum: & postea uota inquirere.

קודש Kodesch, sanctitas aut consecratum & Deo dicatum, accipitur pro uictimis, uasis, uestibus, alijsque, quibus in cultu Dei, sacerdotes tantum utebantur. לוא luala, significat auide & præcipitanter deglutire uel deuorare. Alij deducunt à לוא lua, quod est absorbere, perdere, corrumpere, uel sit fut. ex hiphil. Apud doctores Hebr. לוא lua, significat loqui. Hinc non una est huius sententiæ expositio. Vulgata editio sic reddidit: *Ruina est hominì deuorare sanctos* (alij codices habent, deuorare sancta) Et post uota, retractare. Lyranus sic interpretatur: Qui facit diuis uota, & non implet, ruit in peccatum, nisi excusetur per impotentiam: sed hæc interpretatio pugnat cum ipsis uerbis Solomonis, & alijs locis scripturæ. Septuaginta interpretes uertunt: *Laqueus est, celeriter quidpiam propriorum sanctificare, quia postquam uotum fuerit nuncupatum, poenitere contigit.* Ut doceat, in uouendo cauendum esse laqueum, ne faciliè, in consulto & temerè homines ad ea se obstringant, quæ postea detrectant præstare. Alij reddunt: *Laqueus est hominì, quo scilicet, capitur, cum locutus fuerit sanctificationem, quasi dicat: cum uouerit aliquid, & postea illum poenituerit uoti: & hoc est, quod postea subiungit, Et post uota querere, id est, inquirere scrutariq; utrum quod nouit, teneatur reddere: hoc enim inquirendum fuerat antequam uoueret.*

Obscura & difficilis est sententia, ideoque paulò diligentius excutienda. In ueteri Testamento, multæ fuerunt res sanctæ, id est, Deo sacratæ, ueluti sacrificia. De quibusdam illorum comedebant offerentes, Sacerdotes & Leuitæ. Quædam uerò Deo immolabantur, ex quibus comedere nefas erat: si quis autem comedisset, & postea conuersus ad uota, pro uno boue, pro una oue, tres uel quatuor se redditurum uouisset, tamen captus erat, & se scelere adstrinxerat. Nominat unum scelus, nempe sacrilegium, & alia quoque intelligit, ostendens, scelera rebus externis non expiari. Laborabant Iudæi hac superstitione, ut cum sacrilegi essent, homicidæ, idololatræ, se immunes crederent, modò uota nuncupassent Deo, quòd oblaturi essent tot & tot sacrificia: sed apud prophetas sæpè taxantur. Deus enim non placatur rebus externis. Christiani hodie quoque eodem morbo laborant: multi enim qui deuorant & sancta, & sanctos: sacrilegi, homicidæ, &c. se absolui credunt rebus externis, si curent tabulas pingi, uestiri altaria, si anathemata diuis suspendant, aut monasterium ingrediantur: at laqueus est, in quo pereunt. Deus enim hæc non moratur, sed fidem & ueram poenitentiam requirit. Hi certè grauius hac in parte peccant, quàm Iudæi: opera enim illa quibus Deum demereri uolunt, à Deo non postulantur.

Secundum alteram significationem huius uerbi לוא lua (significat enim etià corrumpere) si quis קודש kodesch, hoc est, aliquid Deo dicatū: putà uictimas, uasa, uestes, aliq; quibus sacerdotes ad cultū Dei utebantur, corrupisset, laqueus ei fuisset. Deuorare sancta, Melancthon exponit, contumelia afficere sancta, contemnere uerbum Dei, & postea sacrificijs expiare uelle. Quidam putant eum respicere ad legem Num. 4. ubi prohibetur, ne temere ingrederentur & tractarent sacra. Alterum huius sententiæ membrum ad uerbum habet: Et post uota inquirere, scilicet an reddenda sint, ut hic sit sensus: Si uouisti uel promisti aliquid, irretitus es uerbis tuis. Antequàm uouisti, uidendum erat, an soluendo esses, postea enim

*Laqueū sibi inijcit, qui sancta deuorat.*

*Laqueū sibi inijcit, qui post uota querit liber esse.*



liber non es, sed solutioni uoti obnoxius: ut duo hac sententia ostendat: primum, hominem laqueum sibi iniicere, si sancta deuoret: alterum, si post uota quærat liber esse, non quod omnia qualiacunq; sint, præstari debeant: distinguendum enim est in uotis & promissis. Nam si sunt licita, omnino præstanda sunt, etsi cum tua iactura id fiat (deceat enim uirum bonum fidem suam liberare.) Sin uerò sint illicita, omnino præstari non debent. Ut cum quis iurat uel promittit, se Euangelicam doctrinam non recepturum, uel se oppressurum patriam, proximo uitam erepturum: si quis iurat, se non uelle redire cum proximo in gratiam: si quis promittit se non deserturum uitam monasticam, & alia huius generis: de qua re paulo prolixius dicendum est. Multa enim ultrò citroq; de hoc disputantur. Sunt stulti homines, qui putant omnia

*Promissa, uota & iuramenta impia, non esse præstanda.* uota, iuramenta & promissa etiam illicita esse seruanda. Quæq; coram Deo seruare non tenentur, omnino uolunt præstare: quæ autem seruare conueniebat, plerumq; negligunt.

Ex diuinis itaq; naturalibus, imperatorijs & pontificijs legibus, patribus item & Concilijs, euidenter demonstrabimus & euincemus: Vota, iuramenta & promissa, quæ cum uerbo Dei, & charitate proximi pugnant, seruanda nequaquam esse. Quæ non eò pertinebunt, ut homines socordes faciamus, & periurijs frenâ laxemus: sed ut erigamus conscientias consternatas, & errantes in uiam reuocemus, ne magis magisque à uia salutis suæ aberrant. Num. 30. cap.

*Ius diuinum.* Deus disertè dicit: Si mulier uouerit uotum Domino, obstringendo se in domo patris sui, idq; in adolescentia sua: si pater eius uotum eius audierit, & renuerit illud, eodem die, quo ipse omnia uota eius & uincula, quibus animam suam obstrinxit, audierit, non ratum erit: & Dominus propitius erit ei, quod pater illud renuerit. Hinc manifestum est, quod quædam uota & iuramenta possint rescindi. Israelitæ, ut legitur Iudicum 8. cap. post obitum Gedeonis, fecerunt fœdus cum Baal, ut esset eis in Deum, hoc est, fœdere iureiurando confirmato, se perpetuò Baaliticæ sacra seruaturus promiserunt. Et postea Domino approbante, ea sacra aboleuerunt. Habemus etiam exemplum Dauidis, qui ira commotus, iurauerat se & Nabalem, & uniuersam domum eius deleturum esse: sed tamen ad intercessionem Abigailis, propositum mutauit, & Deo immortalis gratias egit, quòd in occursum ei hanc fœminam misisset, quæ ab instituto eum retraheret. 1. Sam. 25. Petrus, Ioan. 13. nolebat, ut Christus pedes eius lauaret, magna obiectione dicens: Non lauabis pedes meos in æternum. Postea meliora edoctus, domino obtemperat. Præstat enim uerbis duntaxat peccare, quàm impia facta adiungere.

*Ius naturale.* Deinde natura nos omnes docet, iuramentum non esse inuentum, ut sit iniquitatis & iniustitiæ uinculum. Item, satius esse unum scelus patrasse, quàm peccata peccatis addere. Si quis uerò illa, quæ uerbo Domini ex diametro aduersa sunt, iurat, & postea seruat, iam duplicat peccatum, & Deum magis magisque offendit. Ex hoc fonte manauit hoc prouerbum: Satius est recurrere, quàm male currere. Quo significatur laudandos illos esse, qui in rebus, quas male instituerunt, non pergunt, sed consilium mutant. Hinc est, quod sapientes gentilium (ueluti Cic. lib. 3. Offic.) etiam dicunt: promissum potius non faciendum, quàm tetrum facinus admittendum esse. Seneca in Hercule Oeteo:

„ Præstare, fateor, posse me tacitam fidem

„ Si scelere careat, interim scelus est fides.

*Ius Cæsareum.* Si gentilis aliquis olim iurasset se non recepturum Christianam religionem, & postea agnouisset, se illa in re peccasse, nemo est, qui propter iurisurandi religionem, mordicè gentilismum ei retinendum esse diceret. In imperatorijs legibus de solutione iuramentorum non pauca leguntur, quæ aliunde peti possunt. Vsitata est iuris regula: In stultis promissis rescinde fidem. Si in stultis, multò magis turpibus & impijs. In pontificijs legibus, de hac re multa disputantur. 22. Quæst. 4. in malis, &c. & expresse concluditur, omnia iuramenta, quæ cum uerbo Dei & salute nostra pugnant, rescindenda esse. Regula est uulgaris: Non potest se inferior obligare ad id quod secundum se est illicitum, & ad non obediendum superiori. In omni iuramento intelligitur: Nisi cōtrarium præcipiat aut uelit superior. Excipitur igitur Deus, cōtra quem si quid præcipiatur, ipsi est obtemperandum.

*Doctrina patrum.* Similia audiemus ex patribus. Ambrosius inquit lib. 1. Offic. cap. 50. Est nonnunquam contra officium, sacramentum custodire, ut Herodes: qui iurauit, quoniam quicquid petitura esset, daret filiæ Herodiadis, & necem Ioannis præstitit, ne promissum negaret. Nam de Iephthæ quid dicā, qui immolauit filiā, quæ sibi uictori prima occurrerat, quo uotum impleteret, quod spononderat, ut quicquid sibi primò occurrisset, Deo offerret. Melius fuerat nihil tale promittere, quàm promissum parricidio soluere. Deinde lib. 3. cap. 12. Purum & sincerum oportet esse affectum (inquit) ut unusquisq; simplicem sermonem proferat, nec fratrem suum, præscriptione uerborum seducat, nihil promittat inhonestum: at si promiserit, tolerabilius est, promissum non facere, quàm facere quod turpe sit. Sæpe pleriq; cōstringunt se ipsos iurisurandi

sacra.



sacramento, & cum ipsi cognouerint promittendum non fuisse, sacramenti tamen contemplatione faciunt, quod sponponderunt. Sic de Herode legimus, qui saltatrici præmium turpiter promisit, crudeliter soluit. Turpe quoddam regnum pro saltatione promittitur: crudele, quoddam mors prophetæ pro iurandi religione donatur. Quantom tolerabilius fuisset periurium tali sacramento, si tamen periurium possit dici, quod inter uina iurauerat, quod \* deie-  
 ratus inter saltantium choros promiserat. Infertur disco caput prophetæ, & hoc æstimatum  
 est fidei esse, quod dementiæ fuit. Mox post disputationem de uoto Iephthe: Melius est non  
 uouere, quàm uouere id quod sibi cui promittitur nolit exolui. Non semper promissa solu-  
 enda omnia sunt. Deniq; ipse Dominus frequenter suam mutat sententiam, sicut scriptu-  
 ra indicat. S. Augustinus inter alia ad Seuerum Mileitanum Episcopum sic dicit: Iuramen-  
 tum non ad hoc institutum inuenitur, ut esset uinculum iniquitatis, uel matricidij uel fra-  
 tricidij, seu cuiusquam criminis. In sermone de decollatione Ioannis Baptistæ inquit: Quoddam  
 Dauid iuramentum per sanguinis effusionem non impleuit, maior pietas fuit. Iurauit Dauid  
 temere, sed non impleuit maiori pietate. Loquitur autem de illo iuramento, de quo suprâ  
 quoq; diximus. Cyrillus libro in Ioannis nonum caput, capite sexto, scribens de facto Petri ab-  
 lutionem pedum recusante, dicit: Caueamus quantum fieri potest, ne temerario casu uerba  
 efferamus: sed si quid (homines enim sumus) exciderit, etiamsi probè dictum uideretur,  
 cum tamen aliud melius appareat non contendamus, sed quamprimum quod melius est  
 amplectamur. Præstat enim uerbis solummodo peccare, quàm magnarum etiam rerum de-  
 trimentum habere, &c. Hefychius in Leuiticum libro sexto capite decimonono: Iusiuran-  
 dum iniustum est, non solum quod præuaricatur, sed etiam quod iniuste custoditur. Quale  
 fuit quod Herodes filiæ Herodiadis iurans, Ioan. Baptistæ caput abscidit. Oportebat  
 enim hoc eum iusiurandum non facere, postquam tamen iurauit, non præstare. Quia talia sa-  
 cramenta nec initium sumere Deus uult, nec sumentia ad finem peruenire. D. Gregor. lib. 5.  
 expof. in 1. li. Reg. ca. 14. apertè scribit: Cum malè iuratur iustius iusiurandum dimittitur, quàm  
 compleantur crimina quæ iurantur. Mox, Quidam incauti quidem sunt, & discreti non sunt:  
 nam sepe se acturos mala promittunt, & reuocare promissa, quasi periurium incursuri non sa-  
 tagunt. Mox, Iurare quæ reuocanda sunt & detestanda, omnino cauendum est, & uehemen-  
 ter horrendum, quia cum tale iusiurandum non impletur, non omnino culpa uitatur, sed mi-  
 nor eligitur. Isidorus inquit de summo bono lib. 2. cap. 32. Non est seruandum sacramentum,  
 quo malum incautè promittitur. Veluti si quispiam adulteræ perpetuam cum ea permanen-  
 di fidem pollicetur. Tolerabilius enim est non impleri sacramentum, quàm in stupri flagitio  
 permanere. Similiter in Synonymis libro secundo, In malis promissis rescinde fidem, inquit,  
 in turpi uoto muta decretum, quod incautè uouisti ne facias: impia enim est promissio, quæ  
 scelere adimpletur. Beda scribit in Matt. Si quid fortè nos incautius iurare contigerit, quod  
 obseruatum in peiorem uergat exitum, liberè illud salubriori consilio mutandum noueri-  
 mus, ac magis instante necessitate peierandum nobis, quàm pro uitando periurio, in aliud  
 crimen grauius esse diuertendum. S. Bernhardus in epistola 219. ad tres Episcopos ita scribit:  
 De duobus non excusamus regem. Nam & iurauit illicitè, & perseuerat iniuste: uerum id  
 non uoluntate, sed uerecundia. Nam probro ducitur apud Francigenas, sicut optimè nostis,  
 iuramentum soluere, quamlibet malè publicè iuratum sit. Quamuis nemo sapiens dubi-  
 tet, illicita iuramenta non esse tenenda. Veruntamen ne in hoc quidem excusari posse fa-  
 temur, &c. Iuo Carnutensis Episcopus, cuius librum Gratianus in Decretum transtulit,  
 libro octauo, tractat de licitis & illicitis iuramentis, & ostendit uota uel iuramenta illicita, ne  
 quaquam præstanda, sed dissoluenda esse. Hugo de S. Victore lib. 1. parte 2. cap. 14. Qui malè  
 se facturum iurat, inquit, peccat. Et melius est tunc iuramentum frangere, quàm implere: ita  
 ut & malum caueat quod iurauit, & nihilominus culpam agnoscat in eo, quod malè iurauit.  
 Petrus Lombardus sic scribit libro tertio sententiarum, dist. 39. de temerarijs uotis & iura-  
 mentis. Inquirendum utrum omne iuramentum implendum sit. Si enim quis iurauerit  
 contra fidem & charitatem, quod obseruatum in peiorem exitum uergat, potius mutandum  
 est, quàm adimplendum. Mox, postquam aliquot ueterum sententias recensuit, subiun-  
 git: Ex his alijsque pluribus ostenditur, quædam iuramenta non obseruanda esse, & qui sic  
 iurat uehementer peccat, cum autem mutat benefacit: qui autem non mutat, dupliciter  
 peccat. Ioannes Gerson de uita spiritali animæ, lectione 4. corol. 14. Iuramentum, inquit,  
 sicut & uotum, non obligant, ubi uergunt palàm ad deteriore exitum. Idcirco dispen-  
 sationem recipiunt aut relaxationem, aut commutationem, ut sapiens præsertim superior  
 iudicabit. Procopius Gazæus in 2. lib. Regum. *τις ἐν ἀντὶ τῶν ἀλλήλων τῶν ἡρώδου πατηγούσων ἐπὶ  
 φόνου γοτομόλῳ τῷ βασιλεὺς, ἐπεὶ γὰρ ἡμοῖς ὡς ἐν ἰδέα, τὸ ψαύδους ἀρετὰς τῶν τῶν σφαγῶν.*

\* Aliter, cui  
ratus.Augusti-  
nus.

Cyrillus.

Hefychius.

Gregorius.

Isidorus.

Beda.

Bernhar-  
dus.Iuo Carnu-  
tensis epi-  
scopus.Hugo de S.  
Victore.Petrus Lō-  
bardus.Ioan. Ger-  
son.

Procopius.



**Conciliorū Decreta.** Insuper in concilio Toletano 8. cap. 2. hic articulus legitur: Si publicis sacramentorum gestis ( quod Deus auertat ) à quibuslibet illicita uel non bona exitisse conditio allegatur, quæ aut ingulare animam patris, aut agere compelleret stuprum sacratissime uirginis, nunquid tolerabilius esset stultæ promissionis rejicere uota, quàm inutilem promissorum custodia, exhorrendam criminum implere mensuram? Mox uerbis aliquot interiectis, Si periculi necessitas ex his unum temperare compulerit, id debemus resoluerè, quod minori nexu noscitur obligari, quid autem ex his leuius, quid ue sit grauius, pietatis acumine uestigemus. Etenim dum peierare compellimur, creatorem quidem offendimus, sed nos tantummodo maculamus. Cum uerò noxia promissa complemus, & Dei iussa superbè contemnimus, & proximis impia crudelitate nocemus, & nos ipsos crudeliore gladio trucidamus. Illic enim duplici culparum telo percutimur, hîc tripliciter ingulamur, &c. Plura huius generis leguntur in libro conciliorum. In Decretis Pontificum, aliorum etiam Conciliorum fit mentio, quæ idem de iuramentorum solutione statuerunt: quæ omnia studio breuitatis omittimus.

**Iuramentum Gabaonitis factum, an seruari debuerit.** Si uerò iuramenta, inquis, quæ sunt contra uerbum Dei obseruanda non sunt, etiam Israelitæ iuramentum, quod Gabaonitis fecerunt, conseruare non debuerunt. Fuit enim contra expressum uerbum Dei. Qui Deut. 7. cap. disertè dicit, Delebis Chananæos usq; ad interuersionem, non inibis fœdus cum eis, nec misereberis eorum, &c. Respondeo: Videndum esse quæ sit sensus huius præcepti de excindendis Chananæis. Præceptum hoc de his tantum intelligitur, qui Israelitis resistebant, & falsam suam religionem mordicus retinebant. Et hi omnino delendi erant. Cum illis uerò, qui se Iudæis subijciebant, & religionem ipsorum amplectebantur, fœdus ferri potuit. Et ita rectè fecit Iosue, quod hoc iuramentum seruauit. Sic enim

**Iusiurandum etiam illicitum non temerè et perfractè uiolandum.** non modò uoluntatem mandati Dei conseruauit, sed etiam uitauit scandalum. Quamquã autem id quod contra Dei uoluntatem & uerbum iurauimus, seruandum non sit, tamen hac in parte non inconsideratè & præcipitanter est agendum, ne rudiores nostro exemplo provocati, legitimum iusiurandum discant uiolare. Huius rei præclarum exemplum habemus in Beniamitis, Iudicum ultimo capite, qui magna prudentia iuramentum impium & illicitum corripiebant, ne publicè & magno aliorum offendiculo, hoc uiolare eis esset necessarium.

**Consilium pro illis qui rem impiã & illicitam iurant.** Optimum nunc, & salutare fuerit consilium, ut quicumq; uel prudens uel imprudens rem impiam iurasti uel uouisti, nō desperes, sed uerè & ex animo pœnitentiam agas, Deumq; preceris, ut propter Christum, hoc peccatum tibi condonet, ne eternum pereas. Quantum enim illos à peccato in Spiritum sanctum abesse putas, qui scientes & prudentes, in proposito conseruandi scelerata & nefaria iuramenta persistunt? Reliqui uerò, illos qui de impijs iuramentis ueram pœnitentiam egerunt, non contemnant, nec uiolatum iusiurandum eis exprobrèt, sed gratulentur potius, quod in ueram salutis uiam reuerterunt.

## 26 Dissipat impios rex sapiens, & circumducit super eos rotam.

**Rex facinorosus sup plicio afflict.** Regis officium in duabus potissimum rebus consistit, nempe ut bonos defendat, & malos coerceat. Ad alterum hoc eius officium, hæc sententia pertinet. Si impij homines coniurant contra pium principem uel Rempub. si fures, latrones, prædones cōglobati, itinera infestant: bonus princeps eos dissipat, & rotam super eos conuertit, hoc est, diris supplicijs eos afficit, ut publica pax & tranquillitas conseruari possit. Vnum genus supplicij exprimitur, & alia etiam intelliguntur. Olim rotam ex suppliciorum genere fuisse, colligitur ex Plutarcho in uita Phocionis, ubi scribit, fuisse quosdam tam crudeles, qui Phocionem non uellent antè necari, quàm uarijs esset cruciatibus & tormentis afflictus, iussisseq; induci rotam inspectante theatro, & carnifices cum securibus & flagris expediri. Apuleius in Asino aureo lib. 3. rotam inter dira tormentorum genera numerat his uerbis: Nec rota, uel equuleus more Græcorum tormentis eius apparata deerant. Postea lib. 10. scribit: Cùm ritu Græciensi ignis & rota inferrentur, &c. Rotam nomine trochleæ significatam arbitror, apud Eusebium lib. 8. Eccles. historię, ubi scribit: Post tergum alij uinctis manibus appendebatur, & trochleis distenti membratim diuellebantur. Apud Aristoph. dicitur:

ἔπι τῇ τροχῇ γὰρ δὲ σ' ἐν αἰσθηλίσμονον

εἰπὼν, ἃ πεπανάργυνας.

Hoc est, rota te illic tortum, fateri oportet quæ perperam fecisti. Vergilius lib. 6. Aeneid. rotā inter supplicia inferni numerat.

Saxum ingens uoluunt alij, radijsq; rotarum

Districti pendunt.

Id est, alij diuersis partibus, lignis inter canthum seu circumferentiā & axem astricti torquentur, &c. De Ixionis rota, multa apud poetas leguntur. In Germania, latronum tibię, femora,



& brachia, rotis primum contunduntur, postea eis impositi ad incutiendum alijs terrorem, sæpenumero ad dies aliquot uiuunt. An uerò ueteres eodem supplicio usi sint, & qualis *ῥοτῶν* Græcorum fuerit, affirmare non possum. Regum est, non modo bonis uerbis subditos in officio continere, sed etiam supplicijs: quæ non sunt unius generis. Quædam enim leuiora sunt, quædam grauiora, quæ interdum ad cohibenda flagitia adhiberi possunt. Nemo tamen ex hoc loco crudelitate aut immanitate in supplicijs utendum colligat, &c. Conuenticula item hæreticorum dissipanda sunt, ne Ecclesia detrimentum accipiat. Nec audiendi illi, qui sceleratis & seductoribus, clamant parcendum esse. Magistratus non frustra gladio armatus est: non est crudelitas, si impij tollantur. Impij principes, abutuntur sua potestate: impios, idololatrias, sanguinarios homines defendunt, pios uerò omni genere suppliciorum persequuntur, eorumq; cœtus dissipant. Qualiscunq; aliquis sit, modò dicat se omnia decreta pontificis probare, huic parcitur. At Christus qui uerè sapiens rex est, in quo omnes thesauri sapientiæ & scientiæ reconditi sunt, Col. 2. cap. uenturus in nubibus cœli ad iudicandum uiuos ac mortuos, furores illorum compescet, & rotam super eos uertet, hoc est, diris cruciatibus eos subiciet, suos uerò fideles omnibus malis liberatos, in æterna uita consolabitur. *רַחֵם* ofan, propriè significat superficiem & circumferentiam rotæ, per Synecdoch. pro totâ rotâ ponitur.

Vulgata translatio legit, *Incuruat super eos fornicem*, id est, arcum triumphalem. Antiquitus enim (ut Lyranus & Glossa annotant) porta de hoste uictoria, fornices aut arcus triumphales (Græci *ἀφιδας* *ῥοτῶν* uocant) erigebant, in quibus uirium suarum laudes describerent. Exemplum adducunt de Saule 1. Samuelis 15. capite. Vbi uetus interpres legit, Nunciatum est Samueli, quòd Saul uenisset in Carmelum, & erexisset sibi fornicem triumphalem, &c. sed alius huius loci sensus esse potest. Nam ad uerbum ibi legitur, Ecce statuit sibi *רַחֵם*, id est, locum sibi delegit, scilicet pro castris, ut prædam ibi diuideret.

27 Lucerna Domino est spiritus hominis, inuestigans omnia penetralia uentris.

Hæc sententia, bifariam potest exponi: Primum spiritus uel animus hominis, Deo est lucerna, id est, perspicuus & apertus. Quemadmodum lucerna in tenebris conspicitur ita Deus animum hominis & penitissimos recessus cordis intuetur. Sic Num. 27. Moyses, Deum uocat Deum spirituum uniuersæ carnis. Psalm. 139. ostendit Dauid, quomodo Deus hominem exploret. Sunt & alia loca scripturæ, quæ idem ostendunt. Nos sæpenumero fallit externa species, iudicamus uirum bonum esse, qui magnus est hypocrita: malitiosum, qui est syncerus & integer. Adhæc illos quos putabamus nobis intus & in cute notos esse, sæpe experimur nos fallere. Verbum scrutandi uel inuestigandi, nemo ita accipiat, quasi Deus humano more res antea ignotas, diligenti exploratione, cogitatione & indagatione demum cognoscat, id quod humanæ est imbecillitatis. Nihil aliud hoc uerbo uult scriptura, quàm Deum omnia secreta exactissimè intelligere. *Deus corda intuetur.*

Quia uerò solus Deus mentes hominum nouit, in electionibus orandus est, ne sinat nos aberrare, nec temere de quoquam est iudicandum. Actorum primo capite, cum ecclesia in Iudæ locum alium substituere uellet, primum statuerunt duos, Iosephum iustum, & Matthiam: deinde facta precatione, dixerunt, Tu Domine qui corda nosti hominum, ostende utrum elegeris ex illis duobus. *Scrutari.*

Alter huius gnomæ sensus est: Spiritum hominis lucernam esse Domini, inuestigantem omnia interiora uentris. *נֶשְׁחָמָה* neschamah, flatum, spiritum, rationem siue mētem & animā, in scripturis significat. Mens Dei quædam est lucerna, quæ aciem noticiæ, super seipsam flectit. Sic Paulus 1. ad Cor. 2. ca. loquitur: Quis hominum nouit ea quæ sunt hominis, nisi spiritus hominis qui est in ipso? inde colligit, quòd quæ Dei sunt, nemo norit nisi spiritus Dei, per quem omnia quæ rerum cœlestium nouimus, nobis reuelata sunt.

28 Misericordia & ueritas, custodient regem, & fulciet per misericordiam solium suum.

Per regē, alias etiā potestates intelligit, ueluti aristocraticā, & democraticā. Multa à politicis uiris disputatur de p̄sidijs regnorū: at rex Solomō, q̄ spiritu Dei & sapiētia illustri p̄ditus fuit, optimè de hac re potuit iudicare. Duo aut nominat quib. regna & Resp. conseruari possint, & reges à periculis defendi, misericordiā nēpe & ueritatē. Misericordia in hoc posita est, ne principes immodicis exactionib. subditos exhauriāt: sed potius paupes sua liberalitate subleuet, utq; in supplicijs modum seruent. Vera tamē misericordia, à præpostera discernēda est, ne sceleratis hominibus parcatur. Veritas in hoc consistit, ut sint seruantes pactorum, tabulas non *Præsidia regnorum, bonitas, fides.*



*Neceſſe eſt  
multos ti-  
meat, quem  
multitimet.*

infringant. Optimi hi ſunt regum ſatellites. Repetit miſericordiam uel clementiam, & dicit ea thronum regium fulciri: præſtantiffima enim eſt uirtus, qua principes in animos ſubdito- rum quaſi influere poſſunt. M. Antoninus apud Volcatium ſcribit, nihil eſſe quod Imperato- rem Romanum melius commendet quàm clemetia. Antigonus rex Macedoniæ amicis ſua- dentibus, ut ſi Athenas caperet, ualidis illam præſidijs muniret, ne quando ab eo deficerent, reſpondit: ſe ſemper in hac fuiſſe ſententia, quòd clementia plus poſſit quàm uiolentia. Cato ſenior admonere potètes ſolebat, teſte Plutarcho in Rom. Apophthegmatis, ut parcè uteren- tur ſua poteſtate, quòd ſemper uti poſſent. De hac re pulchrè diſputat Cicero Offic. li. 2. Regna quæ tyrannicè adminiſtrantur, durabilia non ſunt. Seneca in Troade:

„ Violenta nemo imperia continuit diu.

Idem in Thebaide:

„ Qui uult amari languida regnet manu.

„ Inuiſa nunquam imperia retinentur diu.

Idem in Octauia.

„ Nero. Metuant neceſſe eſt.

„ Seneca. Quicquid exprimitur, graue eſt.

Idem in Octauia.

„ Magnum timoris remedium clementia.

Idem in Oedipode:

„ Qui ſceptra duo ſæuus imperio regit,

„ Timet timentes, metus in autorem redit.

Terentius in Adelph.

„ Et errat longè mea quidem ſententia

„ Qui imperium credat grauius eſſe, aut ſtabilius

„ Vi quod fit, quàm illud, quod amicitia adiungitur, &c.

Apud Curtium quoq; dicitur, imperia ſcelere quaſita nò ſolere diuturna eſſe. Antipatri pro- ſapia, quæ Romanorum amicitia floruit, uniuerſa intra ſpatium annorū quinquaginta poſt Chriſti mortem ſublata fuit: multiq; ex illa, triſtes habuerūt exitus. Veluti Herodes magnus, Agrippa & Roboam Solomonis filij, regnum quod tyrannicè adminiſtrauit inſelix fuit, &c.

### 29 Gloria iuuenum fortitudo eorum, & decus ſenum canicies.

*Senes hono-  
randi.*

Oſtendit unamquamq; ætatem ſuas habere dotes, iuuenes pollent uiribus, quibus ad ex- exercendos honeſtos labores, & poſtulante neceſſitate ad Remp. defendendam & repellen- dum hoſtes, uti debent. Grauiſſimè peccant qui deſidia, crapula & ebrietate, uires exhauriūt. Scriptura enim præcipit nobis de uale tudine tuenda. Senes commendat uaria rerum expe- rientia, & ideo honorantur, magnisq; rebus & gubernaculis Reipub. adhibentur: Honor eo- rum eſt canicies, nempe ſi ſuperiorem ætatem honeſtè peregerint. Non eſt quòd quenquam pudeat ſenectutis. Apud Gentes etiam ſenibus magnus honos eſt habitus. Deus pijs homi- nibus diuturnam uitam promittit, quanquam impijs etiam longam interdum ætatem con- cedit. Iulia Auguſti filia, ut ſcribit Macrobius Saturnaliorum lib. 2. cap. 5. cum cœpiſſet habere canos, ornatrices legere ſecretò iubebat. Cum pater id ſubitò interuentu aliquando obſeruaſ- ſet, diſſimulauit, & alijs ſermonibus tempore extracto, ſenectutis mentionem fecit, interro- gauitq; filiam, utrum poſt aliquot annos, cana eſſe mallet, an calua. Et cum illa reſpondiſſet, Ego pater cana eſſe malo. Quid ergo, dixit, iſtæ te caluam tam citò faciunt? Non caniciei, ſed turpium rerum nos pudere debet. Dominus in lege præcipit, ut coram cano capite aſſurgamus. Cauendum autem eſt ſenibus, ne quid ſua canicie indignum committant.

*Nò uni dat  
cuncta Deus.*

Ideo autem Deus iuuenibus robur concedit, & prudentiam plerumq; non dat: econtrà ſe- nibus prudentiam largitur, uires negat: ut inter ſe firmius connectantur, dum unus alterius opera indiget. Idem de alijs quoq; donis eſt intelligendum. Non omnia à Deo omnibus tri- buuntur: ſed alia alijs, ut beneuolentia conſeruetur. Quod etià Homerus intellexit, qui dicit:

„ ἄλλ' ἑπὶ πῶς ἕκαστος πάντα θεῶν δόσαν ἀνθρώποις.

Euripides in Rheſo:

„ ὃ γὰρ πάντα ἐπιτάττει θεοῦ

„ πείθειν, ἄλλω δ' ἄλλο πρόσεται γίγας.

Pulchra ad hanc ſententiam congeſſit Eraſmus in Prouerbio, Non omnia poſſumus omnes.

### 30 Liuires & uulnus, ſunt abſterſio mali, & plagæ penetralium uentris.

חַפּוּרָה Chapura propriè eſt liuor, plaga in extrema cute, quæ non mittit ſanguinem. פּעַז  
peza



peza uerò est uulnus, quod sanguinem mittit. Simplex sensus est, quosdam serui esse ingenio, qui non nisi plagis & malo accepto emendentur. Domi tuæ experiris quorundam liberorum hæc esse ingenia, ut nisi flagellentur, idq; uehementer, nihil faciant. Hodie multi concionibus ex uerbo Dei petitis nihil mouentur, pœnis etiam leuioribus non excitantur: Deus igitur uulnera infligit, quibus eis ueternum excutiat. Sic comminatus est Israelitis per Isaiam 28. capite, quandoquidem frequentibus concionibus prophetarum, emendari non possint, fore ut alia uoce per Nabuchodonozorem cum eis loquatur: id quod tandem accidisse sacra historia tradit. Metuendum etiam est, ne idem nobis Germanis contingat, qui tot iam annis Euangelij uocem publicè sonantem habuimus, interim uerò de uita nostra emendanda nihil cogitamus. Corrupti sunt omnes hominum ordines, grassantur omnia genera peccatorum, debitus honor uerbo Dei non defertur: fiet igitur ut Deus impœnitentibus uulnera infligat, hastis, bipennibus & bombardis loqui incipiat, ut tandem è profundissimo scelerum fomno nos excitet. Paternis itaq; admonitionibus & blandis uerbis, nos potius corrigi sinamus, quàm uirgis, flagellis & uulneribus. Alij hanc sententiam ita intelligunt: liuores uulneris & תמרור thamaruk, contritio uel fractura, plerunq; homini malo eueniunt. Et sic Targum uertit, *Liuores & uulnera eueniunt malo.*

*Mali plagis emendantur.*

## CAPVT XXI.

**V**elut riuus aquarum, cor regis in manu Domini, ad omne quod uult inclinatur illud.



AE C sententia ad diuinam prouidentiam pertinet: ostendit cor, id est, concupiscentiam & uoluntatem regis, esse in manu Dei. Manus est uis illa, qua ciet & cohibet motus cordis, id est, uoluntatis eligentis aut respicientis. Rem explicat breui similitudine, ueluti riuus aquarum, scilicet ab agricola ligone, uel etiam manu, deducuntur quocunq; uoluerit, sic Deus corda regum gubernat. Potest & rit.

hoc modo exponi: Sicut aqua & alia elementa, & res in uniuersum omnes, in potestate Dei sunt, ita corda regum. Fluioribus cursus Deus moderatur, mare coercet: mare rubrū & Iordanē Israelitis aperuit, pluuias item regit, ut quoties, quando, ubi uoluerit, cadant: ita etiam corda regum in potestate Dei sunt, illa dirigit, ut iam uelint iam nolint aliquid, aliquando in bonū, aliquando ad pœnā hominū. Nota quòd nō dicitur cor Dei in manu regū esse, sed regum in manu Dei. Huius sententiæ multa exempla habemus in sacris literis. Achis Dauidem insaniam & stulticiam simulante, non plura interrogat, 1. Regū 21. Ochozias Heliā dira nunciantē non lædit, 4. Reg. 1. cap. Ioram mittit spiculatorem qui Helisem occidat, mox mutato consilio, reuocat eum, 4. Reg. 7. cap. Apud Ezech. Nabuch. stat in biuio, ducit sortes quò se uertat. Deus rexit eum, ut ad Iudæos potius, quàm alias gentes cum exercitu proficisceretur. Idem, ut est apud Danielelem cap. 3. constantes Dei martyres, propter ueram religionem exurere statuerat, mox ut seruatos uidit, Deum Israeliticum celebrat & ueram religionem edictis propagat. Darius Assueri filius, Danielelem leonibus obijci permittit, sed mox iubet eum extrahere, hostesq; eius leonibus laniandos obijcere, Dan. 14. Esther ab Assuero populo Dei, quem decretum erat, uno die delere (quemadmodum de Templarijs legitur) pacem impetrauit. Esdras 1. cap. Dominus excitasse spiritum Cyri dicitur, ut Iudæos in patriam redire pateretur, & uasa templi aurea & argentea eis redderet. Artaxerxes Nehemiam pincernam suam in patriam mittit, ut conatus populi Dei in ædificio templi & Urbis iuaret. Alexander magnus expugnata Gaza oppido (teste Iosepho Antiquit. Iud. libro undecimo, capite octauo) cum exercitu in Iudæam mouens, urbem Hierosolymam ob negata auxilia in obsidione euertere statuerat, sed cum uidisset Iaddum summum pontificem, eum ueneratus est & urbi pepercit. Similis ferè historia legitur de Attila Hunno, qui Romam euertere parabat. Si Deus cor regis inclinatur quocunq; uult, quantò magis consilia, actiones, apparatus bellicos, & alia huius generis? Faciunt hæc ad consolationem. Pressi dura tyrannide, cogitent Deum principum animos subito mutare, ut qui hactenus truculenti fuerunt contra populum Dei, protinus clementes reddantur. Qui ueram religionem persequuti sunt, postea eam ament & prouehant. Si quid agendum sit apud principes, ne cogites frustraneos fore tuos labores, Dominus qui eorum corda quo uult impellit, potest dare bonum successum. Cur minis regum fineremus nos à cultu Dei auocari, cum nulla potentia Deo possit resistere?

*Deus corda regum infligit quocunq; uoluerit.*

*Vsus huius sententiæ.*

Neq; regū tantū, sed aliorum etiam atq; infimæ conditionis hominum corda, in Dei manu posita sunt, quæ emollit uel indurat pro suo beneplacito: de hac re lege August. in libro



de gratia & libero arbitrio capite uigesimo & uigesimoprimo, tomo septimo: ubi multis docet Deum omnium hominum uoluntates & corda, interna sua, sed ineffabili actione flectere quocunque uult. De prædestinatione Sanctorum libro primo, capite decimo: Agit Deus, inquit, quod uult in cordibus hominum, uel adiuuando, uel iudicando, ut per ea impleatur, quod manus eius & consilium prædestinauit fieri, &c. Mox exemplis rem declarabimus. Esau irati cor flectit, ut placidus & benignus, fratrem redeuntem ex Mesopotamia beneuolentia complectatur. Pilatus erga Iosephum petentem corpus Christi ad sepulturam, placidus fuit. Paulus ex persecutore factus est Apostolus. In paruis etiam Rebus pub. sæpe experimur in negotio religionis, illos strenuos, quos ignauos putauimus: uicissim uerò illos ignauos esse, quos optimos credebamus. Non igitur de quoquam desperemus statim, ne uel homines plus quam par est metuamus: sed potius Deo nos committamus, qui omnium corda & animos in sua potestate tenet, eumque precemur ut nos dirigat. Plura reperere ex 7. uersu cap. 16.

## 2 Omnis uia uiri, recta est in oculis suis.

Tam corrupti sumus, ut omnia nostra instituta nobis probentur. Si bona opera faciamus, statim nobis placemus, etsi manca sint & mutila. Quin si peccemus, conamur peccata excusare & regere, nonnunquam etiã locis & exēplis scripturæ, aut uitia sub uirtutū titulo uenditare. In negotio religionis, illa nobis probantur, quæ ipsimet cōfinximus. Gētes uarios cultus ac ceremonias instituerūt, actamet si plurimum errarint à uera pietate, unaquæq; tamen suū cultum dijs quàm maximè probari sibi persuasit. Quia uerò hoc malo laboramus, nostra instituta ad Lydium lapidem uerbi Dei exigenda sunt. Hæc sententia alibi etiam exposita est.

*Dominus autem metitur (uel ponderat) corda.* An praua sint, an recta. Recto corde illi præditi sunt, qui fidē habēt, & ex illa bona opera edūt. Deus cor expēdit statim iusticiæ, & secundū illud iudicat, nō secundū nostras bonas intēctiones. Qui illa faciūt, quæ uerbo Dei præscripta sunt, rectē incedunt: qui uerò suæ mentis somnia sequuntur, non rectē incedunt, licet suam uiam Deo probari existiment. Suprà 16. quoq; dixit, spirituum ponderatorem Dominum.

## 3 Facere iudiciū & iusticiam, magis electum Deo, quàm sacrificiū.

Hoc morbo Iudæi laborarunt, quodd existimarunt sacrificia grata esse Deo, etsi absque fide & pœnitentia offerrentur. Hinc factum est, ut commissis magnis sceleribus, ad sacrificia tanquam sacram an choram confugerint. At Deus per prophetas, multis in locis uehementissimè eos taxat, & ostendit misericordiam & iusticiam sibi magis probari, quàm sacrificia etiam ritè oblata, quæ in seipsis Deo non placebant, sed solum ex offerentium fide. Hac de re pulcherrimus est locus Isaïæ primo, & Micheæ sexto capite. 1. Sam. 15. cap. Ecce obedi melius est quàm sacrificium, & auscultare est super adipem arietum. Hodie quoq; homines rebus externis Deum demereri uolunt, cereis, idolis, missis, peregrinationibus ad limina sanctorum, & id genus alijs, interim opprimunt pauperes, iura auro habent uenalia: at si Deus iudiciū & iusticiam sacrificijs rectè oblati prætulit, quid dicemus de illis operibus, quæ Deus non requirit, sed ex diametro pugnant cum uerbo Dei? Huc pertinet elegans sententia ex Platonis Alicibiade 2. qui liber περι προσονχίς inscribitur, ubi Socrates Græcorum χερσόνερος βοῦς, & sumptuosa Troianorum sacrificia reprehendens tandem infert: καὶ γὰρ ἂν δεινὸν εἴη, εἰ πρὸς τὰ δῶρα καὶ τὰς θυσίας, ἀποβλέπουσι ἡμῶν οἱ θεοὶ, ἀλλὰ μὴ πρὸς τὴν ψυχὴν, ἃν τις ὁσιος καὶ δίκαιος ὦν τυγχάνει. πολλῶ μᾶλλον οἶμαι ἢ πρὸς ταῖς πολυτελεῖς ταύτας πομπὰς τε καὶ θυσίας ἃς ὁ δὲρ κηλίει πολλὰ μὲν εἰς θεοὺς, πολλὰ δ' εἰς ἀνθρώπους ἡμαρτυρότας, καὶ ἰδιωτῶν καὶ πόλιν ἔχειν ἂν ἡγορεῖταις τελέειν. οἱ δὲ ἅτε οὐ δωροδόκοι ὄντες, καταφρονοῦσι ἀπάντων τούτων, ὡς φησὶν ὁ θεὸς καὶ θεῶν παρὸν.

## 4 Exaltatio oculorum, & latitudo cordis lucerna impiorum, peccatum sunt.

Potest utrumque esse nomen Toar, inquit R. Dauid in radic. elatus oculis, & latus corde. Difficilis est hæc gnome. Triatamen uidetur comprehendere quæ non modò peccata sint in conspectu Dei: sed & multorum peccatorum seminarium. Primum est exaltatio oculorum, hoc est, fastus & superbia: in oculis enim sedes est superbiæ. Quidam per exaltationem oculorum, intelligunt studium apprehendendi quæ sunt supra humanam facultatem: sed & hoc ad superbiam pertinet. Alterum est latitudo cordis, hoc est, auaritia & rapacitas. Sic infra capite uigesimo octauo uersu 25. dicit, latus animo mouet iurgie. Quamquam alij intelligant prophanum gaudium quod impij quærunt in rebus aarnalibus. Gene. 26. Dilatauit nos Dominus, hoc est, post tot labores & pericula, nobis gaudium & pacem reddidit. Psal. 25. dicitur, Angustia cordis mei dilatata sunt. Lætitia enim cor dilatur, mor-



rore uerò constringitur. Dilatio cordis etiam accipitur pro superbia, audacia, & contumacia, quæ omnia ex felici rerum successu oriuntur. Sic scriptura dicit, Ne dilatetur cor tuum. Deus adhæclatitudinem cordis, Solomoni dedisse scribitur, id est, amplissimam plurimarum rerum cognitionem : secundum hanc significationem sensus erit, Si impij multa sciunt, malè utuntur illa scientia. Hæc duo uitia, nempe superbiam & auaritiam, Deus inulta non sinit. Primum peccatum quod Deus puniuit, fuit superbia. Psalm. 101. legitur, Elatum oculis & latum corde, ipsum non feram. Tertium est lucerna impiorum: intelligo opera in speciem bona, quæ tametsi splendeant instar lucernæ, hoc est, coram hominibus speciosa uideantur: tamen peccatum sunt: quicquid enim non fit ex fide, peccatum est. Seruator noster Lucæ 16. dicit: Quod hominibus excelsum est, abominandum est coram Deo. Immolare filios dijs, mundo præclarum opus uidebatur, sed Dei iudicio nequaquam, &c. Aliqui prudentiam intelligunt, Rom. 8, Prudentia carnis mors est.

Lucerna  
impiorum.

ner, Hebræis est lucerna & nouale. Hæc noualis, hoc nouale, & noualis ager, Græcè *Nouale*.  
*νός, τὸ νέον, νέον, νέωμα, νεωμότης, νέας, νεατή & νέσις*, dicitur ubi satum fuit, & antequam secunda  
 satione renouetur, requiescit, uel unde recens sylua sublata est, solet autem copiosum fructū  
 proferre. Hinc Hesiodo dicitur *νέος ἀλλεξέρον*, hoc est, pellens diras imprecationes. (Agricolæ  
 enim non solent maledicere, quādo fructus uotis respōdent: alij quoq; quib. ex prouētu fru-  
 gū agricolæ obæratī satisfaciūt, non maledicunt eis.) *παίδων σύνηλύτερα* filios demulcens: li-  
 beros enim copiosum fructum suppeditans, exhilarat. Videtur igitur hæc sententia ita esse  
 reddenda, *Altitudo oculorum & latitudo cordis, nouale peccati impiorum*. Ut sit sensus: *Quemadmo-  
 dum noualia copiosum fructum proferunt: ita ex superbia & auaritia, multi mali fructus na-  
 scūtur*. Hæc enim duo uitia, agmē aliorū secum trahunt. Et quemadmodum noualia magnis  
 laboribus repurgantur à spinis, truncis & lapidibus: ita his duobus uitij obnoxij, durissi-  
 mos labores sustinent. Nam cū aliorum uitiorum, tum superbiæ & auaritiæ, maior quàm uir-  
 tutū est difficultas. Breuiter, superbia & auaritia ager quidā sunt impiorū, in quo peccatū fe-  
 liciter uel potius infeliciter prouenit. Eodē sensu Græcorū quidā dixerūt, *τῇ φιλαργυρίᾳ μη-  
 τρόπολις ἐναι πάσις κακίαις*, i. auaritiā metropolim esse omnis malitię. Paulus radicē omniū ma-  
 lorū appellauit: ex ea enim nascūtur insidię, delationes, cædes, ueneficia, corruptelę in iudi-  
 cijs, periuria, crudelitas, cædes, innumerę fraudes. Per nouale uel arationem Hebræi meta-  
 phoricè intelligunt cogitationem, & hoc est *נַר* nir, *cogitatio impiorum, quę est peccatum*.

**Novale.**

5 Cogitationes seduli tantum, uel profectò ad abundantiam (stendant) qui  
item præceptum est, tantum ad penuriam.

Multus est sermo inter homines, de parandis opibus. Multi quocunq; modo acquirendas putant. Opulentiores enim in precio esse, pauperes uerò contemni. Huc pertinent multa uulgi proueria. Sed Deus corrigit cum in alijs, tum hoc in loco uulgi corruptum iudicium, & ueram colligendarum opum uiam ostendit. Qui sedulus est & strenuus in uocatione sua, & certa ratione omnia agit, confyderans, quomodo & quando & quid faciat, huic necessaria uitæ suppetunt: nisi Deus certis de causis aliquem esurire uelit. Qui uerò præceps & uelox est, nulloq; ordine res suas agit: tantum abest ut aliquid acquirat, ut etiam quæ habet amissurus sit. Idem ei accidit quod iter facientibus, qui cum initio festinant, postea fatigati, minus possunt iter conficere. Prouerbio dicitur, Qui nimium festinant, serius absoluunt.

Industria et  
diligentia  
parantur  
opes.  
Præcipitã-  
tia & teme-  
ritas.

6 Opus uel congregatio thesaurorum in lingua dolosa, uanitas impulsæ,  
quærentium mortem.

Dixit quomodo opes sedulitate & industria parandæ sint: nunc quæ mala ex opibus lingua mendaci collectis consequantur, pronunciat. Vbi principiò uidendum est, qui sint illi, qui mendacilingua, opes comparant. Primum sunt falsi doctores, qui uoce & scriptis, mendacia spargunt, ut magnos inde habeant redditus, & optima sacerdotia. Deinde Iscariotici illi homines, qui parte bonorum accepta, pios accusant & traducunt. Item falsi iudices & aduocati, qui acceptis muneribus, causas malas defendunt. Falsi testes, adulatores, mercatores, qui dicunt rem aliquam bonam, quæ mala est, addito nonnunquam iuramento: qui dicunt iustam esse mensuram, iustum pondus, cum tamen sciant se mentiri: breuiter, omnes illi lingua dolosa & mendaci thesauros congerunt, qui dolis & imposturis utuntur. Thesauri uerò hoc modo collecti, nulla est utilitas: nam primum res est levis & euanescens. **הגל גלל** hegel niddaph uanitas impulsæ, id est, res nihili, ueluti stipula, quæ rapitur & impellitur à uento. **קש נדף** kash niddaph, stipula projecta & impulsæ, Isa. 41. particip. passiuum. Bona fraude acquisita plerunq; dilabuntur. Huc pertinent illa prouerbia, Malè paratà, malè dilabuntur. De malè quæsitis, non gaudet tertius hæres. Euripides in Cyclope dicit:

Thesauri  
mendacijs  
collecti non  
sunt dura-  
biles.



” ποταῖσι γὰρ

” κέρδη πονηρὰ, συμφίαν ἡμείψατε.

” Erasmus hos uersus Sophoclis citat in prouerbio, Malum lucrum æquale dispendio:

” Οὐκ ἐξ ἀπαρτος δὲ τὸ κερδαίνειν φιλεῖν.

” Εἰ τῶν γὰρ αἰχρῶν λημμάτων τοὺς πλείονας.

” Ατυμένους ἰδοὺς ἄρ, ἢ σισομένους.

Thales Milesius semper uetuit per fraudes & iniurias ditescere, quòd lucrum fraude partum, non lucrum sit, sed damnum. Chilon Lacedæmonius dicere solebat, Ideo damnum turpi lucro semper anteponendum esse, quòd illud semel doleret, hoc autem semper. Iacturam opum sarciri posse sedulitate & industria, famam autem malam ex turpi lucro profectam, nūquam apud honestos uiros dilui. Et sic lucrum scelere partum, damnum esse, non lucrum. Laert. lib. 1. ca. 4. Bona iustè parta multis casibus obnoxia sunt, direptioni hostili, incendijs, eluuiionibus, tempestatibus, &c. quid igitur nobis de iniustè partis promitteremus? Etsi uerò stabiles essent, nec possessorem suum desererent: tamen nos sumus caduci, & opes uel nolentes relinquere cogimur. Mich. 6. cap. opes fraude & iniuria collectas, igni comparat, quia alias opes iustè partas absument, & ipsos etiam possessores. Ideo etiam dici potest opes illas uanas esse & inconstantes, quia rebus aduersis, possessoribus nullam utilitatem asferre possunt. Diuites confidunt se suis diuitijs quiduis posse efficere, sed quemadmodum quisquiliæ uento resistere non possunt: ita opes mendacio partæ, iudicante Domino, subito euanescent. Potentia enim Dei, nihil potest resistere.

Secundò mortem asserunt suis possessoribus, scilicet, temporariam & æternam. Nam si dicamus de earum collectione, nihil nisi peccatum inueniemus, quo Deum grauiter offenderunt, Si de usu, uel auari fuerunt uel decoctores. Si de amissione, impatienter tulerunt amissas opes, multi sibi manus intulerunt. Sin ipsis moriendum sit, & opes relinquendæ, qui gemitus, quæ lachrymæ? Rarò ueram pœnitentiam agunt, impœnitentibus uerò quis meliorem uitam promitteret? Exemplum habes in diuite illo, Luc. 16. Propter opes multi naturalem uitam amiserunt. Pauperibus enim homines non ita insidiantur. His accedit, quòd diuites illi, non se tantum, sed etiam liberos perdunt, qui occasione & fiducia opum, impij redduntur: spem enim quam in Deum collocare debebant, in opes caducas & fluxas collocant. Discamus igitur ex hac sententia opes fraudibus non quærendas esse: præstat modicum, aut omnino nihil habere, quàm opes usuris & mendacijs partas. Putato ingentes diuitias esse, pietatem & animum modico contentum. Philosophus ille auro in mare proiecto, dicebat, Mergam te, ne mergar à te: uidebat enim diuitias multis esse exitio. Deus uictum pijs suppeditabit: aluit Heliam, aluit in desertis locis paucis panibus & pisciculis tantam hominum turbam, alit tam uasta corpora animalium, nihil igitur suis deesse patietur. Christus nos iubet petere panem quotidianum: si nos alere non uellet, nunquam iussisset petere, &c.

## 7 Direptio impiorum (uel rapina, uastatio) terrebit eos.

Derapinis.

Dixit de opibus fraudibus & dolis partis, nunc agit de manifestis furtis & rapinis. Qui hac ratione opes colligunt, non impunè ferent. Rapina eorum terrebit eos, uel ut alij legunt, manebit cum illis, hoc est, metuent pœnas, de quibus sæpe cogitabunt. Deinde si uideant alios eorum opes diripere, ualde consternabuntur, nec scient quo nam se uertant. רָפָה, significat morari & habitare, peregrinari, item uereri & expauescere. Alij deducunt à רָפָה garar, quod significat excindere, ferrare: ut sit sensus, rapina impiorum excinet eos. Isaiæ 33. dicit Dominus: Qui prædaris, non ne & ipse prædaberis? Iustum hoc est, quia addit Solomon: Nolunt enim facere iudicium, hoc est, præscriptam à Deo parandi necessaria uiam, sequi, suumq; officium facere noluerunt. Deus honestum laborem nobis præscripsit. i. Theff. 4. & alibi. Exemplum huius dicti, non tantum priuatorum hominum: sed & gentium & regnorum possunt adduci. Posset etiam hæc sententia ad iudices astringi: qui si suas sententias & subditos uendant, tandem funestum habebunt exitum. Quidam ita intelligunt, nolunt facere iudicium, id est, iudicare quàm mali sint.

## 8 Peruersa est & aliena uia uiri, mundi autem rectum est opus.

Alij legunt, Peruersa est uia uiri, scilicet impij, & alieni, scilicet à Deo. Simplex sensus hic uidetur esse, impios sibi non constare, dicta, & facta eorum esse peruersa, non enim in conspectu habent regulam dicendorum & faciendorum, legem Dei. Pij autem opus rectum est: obseruat enim uerbum Dei. Si & ipse in peccata labatur, pœnitentiam agit. Alij uertunt, peruersa est uia uiri alieni, sed synceri opus rectum est: ut רָפָה alienus, accipiatur pro eo qui habet quiddam alienum & admixtum, & opponatur רָפָה sach, candido & syncero.



9 Melius est habitare uel sedere in pinna tecti, quàm cum muliere rixosa in domo societatis.

Docet quàm intolerabilis sit uiro uxor morosa. Coniuges se mutuò amare debent & iuuare. Vlysses apud Homerum Odyssæ. 3. Nausicaæ, filia regis Alcinoi, rem maximam precaturus, ὁμοφροσύνην in coniugio ei precatur, hoc est, ut uir unum idemque cum ea sentiat, eamq; diligat ex animo, &c. Sin uerò uxor ad quamlibet occasionem, tixas moueat, marito uitam insuauem reddit. Tectum ædibus imponitur, ut imbres & niues arceat, calorūq; molestias sedet: sed præstat in pinna tecti habitare, uel sedere, hoc est, in loco periculoso & uentis, niuib; atq; imbribus exposito, quàm cum rixosa muliere in domo societatis, id est, communi. Quidam intelligunt, quàm in domo, in multorum frequentia. פנה pinnah, angulus, flexus exterior ædificij, à פנא panah respicere, eò quòd sit in conspectu, uel quòd ad diuersa loca respiciat. Conuictorem morosum & contentiosum habere, ualde molestum est, quantò magis uxorem, quæ communem lectum tecum habet, & quam dimittere non potes? Quod de molesta uxore dicitur, maritis etiam accommodari debet: nam si & illi rixentur absq; causa, domum turbant. Inuenias autem non paucos, qui ex computationibus domum redeunt, leues ob causas non modò rixantur, sed uxores & liberos pulsan. Discant mulieres, quæ ualde gaudent rixis, ori frenum immittere, ne ex bonis maritis, mœchos & ebrios faciant, (sit enim ut mariti domo pulsati tempestate illa, peiores redeant,) & sibi multa & immedicabilia mala accersant. Possent sæpe coniuges suauem uitam ducere, modò uellent. Mariti etiam suo officio non desint, ne ex uxoribus bonis, malam efficiant. Caueant durturi uxores, ne opum & ætatis maiorem, quàm pietatis & morum rationem habeant. Alioqui cogètur postea audire ab illis, quæ nollent, & habere imperatrices potiùs, quàm uxores. Caueant sibi, tam uxor quàm maritus à delatoribus, &c. Magna est molestia si coniuges rixis studeant: quisq; igitur det operam, ut hoc malum emendet: Deum oret ut leniat. Sin uerò malum sit deploratum & immedicabile, patienter ferat. Maritus qui uxorem habet superbam & molestam, suum nihilominus faciat officium. Vxor quæ uirum habet contentiosum, memor sit suarum quoque partium, Deoq; seruiat, qui eam, si utile sit, illo magno malo liberabit. Pulchrè dicit Tragœdia, teste Clemente Alexandrino, de coniugum concordia:

Οὐ χρὸς, ὃ τύραννις, οὐ πλόντεν χλιδῇ

Τοσόντου ἔχει διαφύρου τὰς ἡδονὰς

ὡς ἀνδρὸς ἐδλοῦ καὶ γυναικὸς σύνθεός

Γνώμη δίναι, καὶ φρονούσα τ' ἀνδρὶνά.

Οὐ μὲν γὰρ κρείσσω καὶ ἀρεῶν Et iterum:

Ἡ δὲ ὁμοφρονέοντε νοῦμασιρ δὴμαρ ἔχοντο

Ἀνὴρ ἡδὲ γυνή.

Vxor contentiosa intolerabilis.

“  
“  
“  
“  
“  
“  
“  
“

De concordia coniugum, multa quoq; præclara inuenies apud Ludo. Viuem lib. 2. de Christiana a femina.

10 Anima impij concupiscit malum, & non inuenit gratiam in oculis eius, amicus uel proximus eius.

Multa & in hoc, & in alijs libris sacrae scripturae, proponuntur de natura & ingenio impiorum: non ut tantum legamus, sed ut cognoscamus impios, & nobis ab ipsis caueamus, ne nos inficiant. Deinde ut, si quid commune cum eis habemus, ueniam à Deo precati, uitam emendemus. Sin uerò prorsus immunes sumus ab ipsarum opinionibus & uitij, Deo gratias agamus, utq; nos deinceps conseruet, oremus. Hæc sententia ostendit, omnia impiorum studia, & omnes cogitationes huc tendere, hasq; ipsorum esse delicias, ut cui sum puræ doctrinae remorentur, pios affligant, opes per fas & nefas cogerant, adulteria cōmittant, odia exercent, & alia id genus scelera designent. Sunt autem quidam ad hæc, quidam ad illa magis proclives. Si amici eos ab odio religionis, auaritia, adulterij, odijs, &c. uarijs argumentis reuocent, nullam apud eos ineunt gratiam. (Gratiam inuenire in oculis alicuius, est in gratia esse. Gen. 34. Inueniam gratiam in oculis uestris, id est, si sim uobis gratus, annuite precibus.) Quin amicos perditos uolunt, modò ipsi in impietate sua & sceleribus pergere possint. Adde naturalem affectum, non solum erga amicos, sed & parentum erga liberos suos, præcipue odio religionis dissolui. Illos interdum qui prolapsi sunt in scelus aliquod, liberare tēant, uicem aliorum dolent, si propter scelera ad supplicia trahuntur: filios autē suos propter religionē synceriorē prodūt & interficiūt. Opib; inhiātes, clamores & gemitus pauperū obturatis auribus prætereūt, neq; amicis parcūt, tantū ut res suas cōficere possint, Libe-

Curtā multa de ingenio impiorum in sacris literis tradantur.

Gratiam inuenire.



ros interfecisse matres leguntur, ut adulteris se approbarent. Odio quidam perciti, proprias ædes incenderunt, ut ignis ad aliorum quoq; domos spargeretur. Nec contenti sunt impij si ipsi mala patrent: sed alios quoq; concupiscunt facere malum, eos ad peccandum impellunt, iuvenes uarijs illecebris in suas partes trahunt. Vacui enim sunt fide & charitate. Pij è contra, pro uirili cauent malum, alios à malis auocant, dolet eis si uel alij imprudentes uel ex carnis imbecillitate, in peccata ruant.

## 11 Dum mulctatur irrisor, imperitus sapientior euadet.

Varia sunt, ut alibi quoq; in hoc libro annotauimus, hominum genera: quidam rationibus mouentur: si audiant Deo aliquid placere, student uita exprimere: sin uerò improbarent, cauent sibi ab eo. Alij uerò, si uideant illos corrigi, qui officium non faciunt, alieno malo, prudentiores efficiuntur. Quidam non nisi suo malo quid facto opus sit, discunt. Pessimum uerò genus illorum est, qui neq; uerbis, neq; malis uel suis uel aliorum emendantur. Hoc loco de secundo genere agitur. Cum simplices homines uident Dei & hominum contemptores, in pecunia uel corpore (utrunque enim comprehendit uox *אנאש* anasch) multari, cautiores redduntur deterrenturq; à sceleribus. Porro irrisores punit Deus, uel per seipsum, idq; uarijs modis ac rationibus: uel per alios, uia ordinaria per magistratus, qui proditores secatin partes, latrones rotis frangit, fures suspendit, &c. quosdam in carcerem conijcit, quosdam multa pecuniaria punit. Aliquando uia non ordinaria, per sicarios, &c. aliquando eos sibi ipsis manus inferre permittit. Hæc omnia uidens simplex, contremiscit ad Dei iudicia, illisq; exemplis fit melior. Vtile autem est, si sumantur supplicia de facinorosis: & homines cogitent quare hoc fiat. Nisi enim scelera puniantur, homines leges contemnunt & impudenter peccant, existimantes scelera non esse scelera.

Et quando accuratè animaduertit ad sapientem, accipit scientiam.) Qui artificium aliquod discit, obseruat artifices, postea eos imitatur: ita qui sapientiam uirorum dicta & facta obseruarit, & exprimere studuerit, prudens etiam euadet. Alius sensus esse potest, cum dederis intelligentiam sapienti, scientiam accipiet. *הַשְׂכִּיל* hiskil, significat intellectum dare, prudenter agere, item accuratè considerare. Significat enim, prosperè agere, & tunc uidetur hic esse sensus: Simplex fit sapientior, si derisorem castigari & sapienti feliciter succedere uidet. Hinc enim uidemus constantiam uerbi Dei, qui malis mala comminatur, bonis uerò bona promittit.

## 12 Prudenter considerat iustus domum impij, & Deus subuertet impios propter malum.

*Impiorum domus excinditur.* Fidelis homo perpendit, quid fiat cum domo, id est, familia & liberis impiorum: uidetq; impios, propter malum, tandem funditus euerit. Multi præsentia tantum intuentur, offenduntur splendore impiorum, multas uoces impias iactant: at pij præterita & futura respiciunt, ac certi sunt, impiorum domos non consistere. Impij, malis rebus interdum uolunt domos suas stabilire, ut quòd liberos suos in monasteria detrudunt, cædibus & sanguine opes parant, &c. sed his rebus suum exitium accelerant. Sinit Deus aliquando florere longo tempore impias familias: sed tandem subito euerit. Vtile autem est huiusmodi exempla diligenter intueri, ne impiorum felicitate fracti, temptationibus succumbamus. Neq; uerò familiæ tantum, sed etiam potentissima regna propter mala excinduntur. Tigurina editio habet: *Erudiat licet iustus impiam domum, impij tamen ad scelus deflectunt.* Nam particip. *מַשְׂכִּיל* maskil, ut suprà, significat, facio intelligere, erudire. *סָלַח* salaf uerò, peruertere, deflectere. Vel, *erudit impios, sed deflectit eos in malum,* hoc est, quanto magis erudiuntur, tanto peruicaciores redduntur, & magis procliuēs ad malum.

## 13 Qui obturat aures suas ad clamorem pauperis, etiam ipse clamabit, & non exaudietur.

Qui pauperes eleemosynis non iuuat, cum posset, sed eorum clamorem surda aure præterit, etiam ipse à Deo non exaudietur. Exemplum habes in diuite purpurato, Luc. 16. Obijcis: An non Deus omnium preces exaudire dignatur, quantumuis fuerint scelerati, si eos scelerum poeniteat? Hæc quæstio primo capite explicata est. Deinde reges, principes & magistratus, qui subditos suos cibum animæ petentes, puram, inquam, prædicationem uerbi Dei, reiiciunt, clamabunt etiam ipsi, sed non exaudientur. Itē, qui oppressorum clamores non curant, sed eos magis magisq; instar Pharaonis uexant, & aliquando sub specie iuris, prorsus deglubunt, non exaudientur. Iacobus 2. capite. iudicium sine misericordia ei, qui non fecerit misericordiam. Tametsi uerò principes, magistratus & opulenti, pauperes interdum non dignentur audire, sed cum contumelia reiiciant, Deus tamen eos clementer exaudiet.



## 14 Munus in abscondito datum sedat furorem, &amp; donū in sinu (positum)

iram uehementem.

De ui & efficacia munerum, hæc sententia pronunciat. Homines qui infesto in nos sunt animo, muneribus occultè datis, possunt placari. Dicunt uulgò, nulla corda tam esse aspera, quæ auro rutilo non possint emolliri. Non autem ideo hæc dicuntur, ut pij in causis uel bonis uel malis, iudices corrumpant. Impiorum hæc est natura. Daniel de Antichristo prædixit, quòd colentes Deum suum Mauzim, muneribus affecturus sit, quorum tria genera recenset: Primum egregijs titulis ornabit eos, nam dicuntur obedientes filij, membra Ecclesiæ, &c. Deinde efficiet eos principes, illum Abbatem, illum Episcopum, illum Cardinalem, &c. unde annuos suos habent redditus. Tertiò distribuet regna, nam principes qui eius conatibus obsistit, deponit, & alios substituit, inuadit omnia imperia. Quot sunt qui infesto in Papam, propter genus doctrinæ & uitam sceleratam essent animo, nisi sperarent, & se & suos magnis dignitatibus ornandos esse? Quid in ueteri Rom. Imperio muneribus effectum sit, colligitur ex Sallustij bello Iugurthino. Romani procures Iugurtham, quem prius oderant propter parricidia, postea pecunijs corrupti defendere incipiebant. Quid apud maiores nostros Heluetios potuerit largitio, norunt omnes: multa fœdera inita sunt, multa bella periculosissima gesta, propter munera principum. Hinc inter ciues orta sunt multa odia, dissidia & bella quoque intestina. Prudentissimè igitur ab amplissimo Senatu Tigurino, lex muneralis lata est, qua capitis supplicio cauetur, ne quis ullum donum aut stipendium accipiat ab ullo principe, militandi causa. Cum autem uideamus quæ sit uis munerum, ne dixerimus: Accipiam, munera & nihilominus faciam quod decet: sed à corruptela munerum nobis caueamus. Quidam hanc sententiam ad eleemosynam referunt, quam si quis in abscondito præstat, secundum Christi præceptum, placat Deum. Operibus enim ex fide profectis, Deus multum tribuit, præsertim quo ad flagella, & pœnas leniendas. Sed nos eleemosynis æternam uitam mereri, falsissimum est.

Antichri-  
stus suis  
confert  
munera.

Lex mune-  
ralis.

## 15 Gaudium est iusto facere iudiciū, operantibus uerò iniquitatem, est horror uel contritio.

Homini pio non est graue facere iudiciū, hoc est, id quod lex Dei postulat (latè patet uox Mispat) ultrò enim facit & sponte, nec solum ex illo percipit uoluptatem, si ipse rectè faciat, sed etiam si alios audiat rectè agere. Impio uicissim, res est acerba & molesta, si quæ iusta sunt, eum facere oporteat, & ringitur si alios audiat rectè agere. Res exemplis fiet manifesta. Pio non est graue, uxori suæ fidem seruare, adulterium est ei horrore: impius uerò seruare fidem non uult uxori, sed aliarum pudicitia infigiari. Si pius audiat aliquos recipere ueram doctrinam & deponere idololatriam, magno afficitur gaudio: impio uerò nihil tristius posset accidere, fremit & ringitur. Christus quoq; dicit, Iugum meum suauis est, onus meum leue. Carni quidem nihil est acerbius atq; grauius, spiritui uerò facilis & suauis. Orandus itaq; est Deus ut Spiritum suum nobis conferat, qui disciplinam suauem reddat.

## 16 Homo qui errat à uia prudentiæ, in cœtu mortuorum manebit.

Via intellectus uel prudentiæ, est uia uitæ & salutis, summa enim est prudentia uiam salutis intelligere. Quæ autem sit illa uia, ostendit Christus Ioannis 14. cap. Ego, dicit, sum uia, ueritas & uita: nemo uenit ad patrem, nisi per me. Huc tendit tota scriptura: per hanc uiam incedunt, qui in Christum credunt: ab hac errant, qui salutem non in solo Christo quærunt, sed alias uias salutis comminiscuntur. Multa autem multi habent, etiam ridicula, in quibus salutem ostendunt. Quid futurum est de illis? in cœtu Rephaim, gigantum uel mortuorum requiescent, hoc est, æternæ mortis supplicio afficientur. Iustum enim est, ut qui unicam uiam salutis ingredi noluerunt, sed impios secuti sunt, unà cum ipsis, æternum pereant. Nulla autem lingua explicare potest, tormenta illa impiorum. Vel in diuersorio cum tyrannis & impijs sicarijs in eadem mensa sedere, magna esset molestia. Etsi igitur multi, uiua uoce & scriptis, aliam uiam nobis monstrare uelint, tamen ueræ uia infigamus. Etsi uideamus multos & potentes, aliam uiam ingredi, cogitemus tamen plures ire uiam, quæ ducit ad interitum. Sin uerò homines ui abstrahere ab illa uia nos conentur, demus pro uirili operam, ne illam deseramus. Adhæc uidendum, ut si in uia doctrinæ uel morum aberremus, redeamus in eam. Satiùs est recurrere, ut prouerbio dicitur, quàm malè currere. Deo danda est gloria. Multi in tota religione sentiunt se errare, uel in aliquot saltem capitibus, sed superbia & pertinacia retrahuntur, quò minus in uiam redeant.

Christus est  
uia.

Colligendum etiam est hoc: Si Deus homini, qui in uera uia errat, nec alios seducit, supplicium æternæ mortis minatur, quid illis fiet, qui cateruatim alios secū ducunt? Nam multò



*Qui alios à uia salutis abducunt puniuntur.* grauius est, si quis non modò erret, sed alios quoq; seducat. Quales primum sunt falsi doctores, qui uel scientes uel ignorantes hoc faciunt. Si ignorantes hoc faciant, discere debebant, quæ esset uera uia. Extant Biblia in multis linguis, & multi utiles libri. Excusari certè nò possunt, multi enim tam crassi sunt errores in Papatu, ut etiam ab imperitis deprehendantur. Sin uerò scientes & uolentes hoc faciunt, quantum est peccatum, tot uiros & mulieres miserè seducere? Vitam ostendere ubi est mors, lucem ubi tenebræ? Si quis duceret te in syluas ubi latronibus & bestiis te obijceret, quid cogitares? Si quis errans naue in scopulum impingeret, quid diceres? At iactura non esset tam grauis. Hic enim non de fortunis, aut uita corporali agitur, sed æterna. Deinde alios seducit, Phalarides illi qui edictis sanguinarijs, ferro & flammis homines adigunt, ut uiam perditionis ingrediantur: iusto igitur iudicio ad Rephaim patriarchas suos colligentur.

17 Vir defectus (uel egestatis) amans gaudium: & qui diligit uinum & pinguedinem, non ditescet.

*Quæ homines in paupertate conijciunt.* Tria complectitur, quæ pauperes non sinunt emergere, & diuites aliquando in extremam paupertatem conijciunt. Primum, si ament lætitiā. Quærit autem homines uarijs in rebus sua gaudia, quidam in choreis, quidam in sumptuoso uestitu, quidam in splendidis ædificijs, quidam in illicitis amoribus, & id genus alijs. Sed qui his rebus uacant, nihil acquirunt. *Leticia.* Etiam concessa gaudia & exercitia, homines impediunt quò minus possint aliquid lucrari. *Vinum.* Alterum est diligere uinum: qui dies noctesq; sunt cum iucundis sodalibus, & uino indulgent, nihil acquirunt. Nam opes partas absument in conuiuijs: dum alias parare deberent, sedent ociosi, famuli interea sunt negligentes in opere: si redeant ad laborem, capitis sentiunt grauedinem. Post multos dies festos, ad labores minus sunt apti. Perdunt etiam corpora, ut postea labores tolerare nequeant. Omitto hoc, quòd bene poti ludunt, uendunt res suas, & plura preciosioris uini genera habere desiderant: sed de hoc uide cap. 23. uersu 21. *Pinguedo.* Tertium est diligere pinguedinem, hoc est, delicatos cibos appetere. Sunt multi gurgites, quorum palato nihil aridet, quod non sit exquisitum, lautum, opiparum & suaue: mensam habere uolunt uarijs ferculis instructam. Legimus Romæ mullum sex millibus emptum. Vnde Cato senior mirabatur, quomodo seruari ea ciuitas posset, in quā pluris ueniret piscis quàm bos. *Vnguenta.* Vox שמן schæmæn, nomen est generale ad omnem pinguedinem: licet uerrere oleum, unguentum. Solebant autem orientales, preciosis oleis & unguentis uti, quemadmodum ex multis locis scripturæ colligitur. Iudas Iscariotes queritur Matth. 26. & Ioan. 12. Mariam in conuiuiuo Bethaniensi unguentum in caput, atq; aded totum corpus saluatoris effudisse, quod pluris quàm trecentis denarijs uendi potuisset. Marcus 14. cap. dicit eam alabastrum unguentum nardi pisticæ preciosæ, in caput seruatoris effudisse. Græcè legitur *ωγινης*, id est, probatæ, spectatæ, nulla arte uiciatæ: multis enim modis, ut scribit Plinius, unguenta uiciabantur: interpres spicatæ uertit, quia nardi genus quoddam spica uocatur. Cæterum unguenta nardina quæ ex folijs & spicis nardi fiebant, preciosissima habebantur. Plinius, de folio nardi plura dicere par est, ut principali in unguentis, &c. Idem scribit, unguetum regale appellatum, quòd Parthorum regibus temperabatur, constitisse myrobalano, costo, amomo, cinamomo, comaco, cardamomo, nardi spica, maro, myrrha, &c. Hinc spicatum dictum fuit, quòd ex spicis fieret, &c. Talis ferè usus unguentorum apud orientales fuit, qualis apud nos balneorū & thermarum. Apud Rom. quoq; magnus unguetorum luxus fuit. Qui uerò his rebus subinde utitur, multa profundat necesse est. Non igitur mirandum in locis fertilibus, & oppidis, in quibus ciues ab exactionibus immunes sunt, tot pauperes reperiri: sua enim tributa pendunt ænopolis, aurifabris, cupediarijs, &c.

*Preciosis reb. uti, per se non est peccatum.* Nec solùm priuatos homines, luxuria illa ad paupertatem redigit, sed etiam principes, & totas Respub. Notandum autem est quod dicit, Qui amat lætitiā, uinum, pinguedinem uel unguentum: nam usus harum rerum moderatus, concessus est: illi uerò taxantur, qui de illis rebus comparandis, dies noctesq; cogitant, neq; in loco & tempore pro qualitate rerum & personarum eis utuntur. Addendum etiā est, utile esse Rebuspub. ut ferantur leges sumptuariæ. Nulla enim ex re magis Reipub. corruptela nascitur, quàm ex luxuria. Romana Respub. sub Scipionibus, Fabricijs, Brutis, Publicolis & Cincinnatis, uoluptatis contemptoribus, florētissima fuit.

18 Pro redemptione iusti (dabitur) impius, & prauaricator pro rectis.

כפר kešer significat λύτρον precium, quo uita hominis redimitur. Non uult dicere, impios pœnas dare peccati piorum (quisq; enim suum onus portabit) uel impios nos redimere: sed sensus est, impios subire uicem piorum, & quasi permutatione facta, quæ alijs inferre cogitabant,



bant, ipsis inferri: impios parare foueam pijs, sed in eam incidere. Exemplo sunt Pharaos, delatores Danielis & sociorum eius, Hamanus, Herodes senior, & Agrippa. Vide supra capite undecimo, uersu octauo. Quin Deus tota regna & gentes perdit, ut pios afferat, Isaïæ 43. Apud hominum etiam tribunalia, non raro accidit, ut dum impij pios accusant, pij euadant, & impij dent pœnas.

19 Melius est manere in terra deserta, quàm cum muliere contentiosa & iracunda.

Paulò antè dixit, præstare in culmine testis sedere, quàm cum muliere contentiosa, in comuni domo. Solomon non uult temere suggillare mulieres, sed eis officium præscribere. Videndum hoc loco quæ sit contentiosa & iracunda. Non certè quæ liberos, seruos & ancillas hortatur ut suum faciant officium, & peccantes castigat, aut quæ maritum decoctorem reprehendit: sed quæ nullas uel leuiculas ob causas, morbo quodam, aliud nihil potest quàm altercari: quæ quia sese ex meliore familia & opulentiorem esse putat, uel, quia meliore est forma, maritum contemnit, & tantum non conculcat, contentiosa & iracunda dici debet. De tali loquitur, & præstare dicit, ut quis in deserto degat. Ecclesi. 25. addit, cum leonibus & draconibus. Nam statim illi hominem occiderent, apud talem uerò plus millies quodammodo eum mori oportebat. Quæ igitur hoc morbo laborant, discant sibi temperare: nam si noluerunt uiris parere, cur eis nupserunt? Deinde multa mala sibi ultrò accersunt sua improbitate. Mariti quoq; suo officio non desint, nec statim propter mores uxoris, se perditis hominibus coniungant, cogitent quem in finem matrimonium institutum sit. Cogitent item aliàs plus satis ærumnarum esse in matrimonio, quæ eorum culpa non sint duplicanda. Iusto autem iudicio Dei, illi hoc modo puniuntur, qui inconsultis parentibus, matrimonia ineunt, qui non mores, sed formam, diuitias & alia tantum spectant. Crucem igitur hanc à Deo sibi impositam, patienter ferant.

*Vxor mala quæ.*

20 Thesaurus desiderabilis & oleum (uel unguentum) est in habitaculo

sapientis.

Patrisfamilias officium est, familiæ suæ uictum quærere. Et sapiens uictum habebit reconditum. *אוצר* ozar, thesaurus, nomen est generale continens omnia quæcunq; reconduntur, non tantum aurum & argentum, sed etiam annonam, *ein vorradt*. *נְהָמָה* nehamad expetibilis, est particip. uocis palsuæ, hoc est, rerum quæ expeti possunt ab hominibus, quæ utiles, preciosæ, iucundæ & gratæ sunt. Oleum nominatim ponit, quia uariis eius apud Hebr. usus erat: in sacrificijs, in cibo, in læticia. Sensus est, Sapiens paterfamilias, non tantum rebus necessarijs, sed etiam ad honestam uoluptatem pertinentibus abundabit. Sapiens enim sua non temere profundit, dat quibus, quando & quomodo oportet, cogitat quibus carere possit, reuerenter donis Dei utitur, intentus est labori, in emendo & uendendo, in fide iubendo, & rebus omnibus prudentia utitur, in œconomia non uiuit casu, sed omnia certa ratione agit. Præstantissima autem est illa œconomiae ratio, ubi omnia descripta sunt, & quisq; scit quid ipsi sit agendum. Hinc regina Sabæa Solomonis prudentiam æstimare potuit. Non autem hæc ita accipienda sunt, quasi sola hominis prudentia, opes colligantur: nisi enim Deus dederit successum, omnes etiam prudentum conatus & labores irriti sunt.

*Thesaurus quid.*

At stultus homo deuorabit eum.) Stultus thesaurum à parentibus uel aliunde acceptum, temerè & inconsultè profundet, crapula & ebrietate, sumptuoso uestitu, preciosa suppellectili, splendidis ædificijs, alea, & id genus rebus, nec labori incumbet, donec omnia absumpserit. Si uel uno die omnia deuorare posset, de crastino non esset sollicitus. Si felix sit prouentus agri, si uites botris abundant, omnia putabit esse profundenda, de futura aliquando fame non cogitat: dicunt tales homines, uinum non infundi calceis, non siccari fumo, uacuanda esse dolia. Sin alij ad futuram familiæ necessitatem aliquid reponant, ab eis accusantur, quòd Deo parum fidant. At media uia incedendum erat, non declinandum erat ad auaritiam, neq; ad prodigalitem. Apud Gentiles etiam celebratur Epigramma Luciani, quò docet ita partis rebus utendum esse, tanquam iam morituri, & uicissim parcendum tanquam perpetuò uicturi simus, hoc est, mediocritatem esse seruandam.

*Stulti profundunt suas opes.*

Oritur hic quæstio, quomodo Solomon dicat, in domo sapientis thesaurum expetibilem reperiri, cum uerus Solomon Christus Iesus Seruator noster Matthæi sexto cap. disertè dicat: Ne reponatis uobis thesauros in terra, ubi ærugo & tinea corrumpit, & ubi fures perfodiunt & furantur: sed recondite uobis thesauros in cœlo, ubi neque ærugo, neque tinea corrumpit, & ubi fures non perfodiunt neque furantur. Nam ubi fuerit thesaurus uester, illic erit & cor uestrum. Mox, Ne sitis solliciti uitæ uestre, quid esuri sitis aut bibitori, &c. & scripturæ

*An reponē disint thesauri.*



passim terrenarum diuitiarum contemptum docent. Cur igitur sapiens ille dicitur, qui thesaurum reponit? Respondeo, spectandam esse τὴν διάνοιαν, hoc est, mentem uerborum Christi, & non urgendum τὸ πῦρ τοῦ. Per se non est impium cōdere aliqua in usus opportunos & necessarios: sed cauendum ne ex diffidentia hoc fiat, quasi Deus, à cuius prouidentia pendendū est, si hæc relinquare oporteat, nos nō sit nutriturus. Cauendum est etiam, ne de acquirendo uictu ita curemus, ut interim uocationem nostram negligamus. Suprà 6. cap. remisit nos sapiens ad formicas, quæ æstate colligunt, quibus hyeme uestantur. Postea 10. cap. ait, Qui congregat in messe, filius prudens est. Ioseph etiam hoc nomine laudatur, quòd annonam ad futuram necessitatem reposuerit. Quod Exodi 16. legitur Israelitas non debuisse colligere mannam pro die sequenti, temporale & personale fuit præceptum.

21 Qui sectatur iustitiam & misericordiam, inueniet uitam, iustitiam & honorem.

Iustitia &  
misericor-  
dia.  
Sectari.

Quamquam collectores huius libri, non curiosi fuerint in texenda sententiarum seriè (dinersas enim sententias subinde absq; ordine quidem, sed utili consilio, permiscunt: ) tamen hæc superioribus aptissimè cohæret. Dicat enim aliquis, Si sapientes illi dicuntur, qui thesauros domi reconditos habent, & ego per fas & nefas colligam, pauperes nullo modo subleuabo: subiicit igitur quæ bona maneant illos, qui iustitiæ & misericordiæ student. Iustitia est uirtus quæ suum cuiq; tribuit: misericordia est uirtus, qua pauperes subleuamus. Non autem simpliciter dicit, qui dat operam illis uirtutibus, sed qui sectatur. רַדַּף radaf (ut aliàs quoq; annotauimus) significat insequi & persequi. Duo autem uidetur hoc uerbum comprehendere: Primum magnum studium, ueluti cum quis feram, aut in bello hostem insequitur, ut spolia ei detrahat. Deinde celeritatem: non enim oportet procrastinare, sed statim his uirtutibus studere, ad Gal. 6. Apostolus sæpe utitur uerbo διώκειν, & contrario uerbo φεύγειν, quod plus est quàm si dicat, cauendum esse ab aliqua re. Quæ uerò studiosos illarum pulcherrimarum uirtutum præmia manent? Primum, uita. Promittit Deus passim obseruātibus legem suam longam uitam, quæ promissio uera est, nisi Deus præter ordinem morte alicuius sancti, uelit uti ad cōfirmandum fidem, & gloriam suam illustrandam. Sunt etiam aliæ causæ, ob quas Deus homines pios aliquādo citò hac uita euocat. Deinde iustitia: nam quemadmodum ipse alijs suum tribuit, ita alij etiam ipsi suum tribuent. Christus etiam dicit, qua mensura metimini, ea merientur uobis alij. Tertio gloria. Tantum enim est bonum uirtutis, ut non solum boni, sed & mali, illos qui eam amplectuntur, in honore habeant. Sin uerò hæc de uita æterna, de iustitia quam Deus suis largitur, & de æterna gloria accipere uelimus, sciendum est, non esse effecta nostræ iustitiæ & misericordiæ: sed gratuita dona Dei, quibus nihil huiuscemodi meritis Deus afficit.

22 Ciuitatem fortium ascendit sapiens.

Sapientia  
usus in bel-  
lo.

Sapientia non tantum in œconomia suum habet usum, sed etiam in Repub. tempore pacis & belli. Confert autem sapiētiam & robur militum. Vel, Vnus sapiens, ciuitatem multorum fortium ascendet, hoc est, capiet, expugnabit, eiq; dominabitur. Multæ enim munitissimæ arces & urbes, astu ducum expugnatae sunt. Possent hoc loco multa ex Polyæno, Frontino & alijs, qui de stratagematis scripserunt afferri. Varijs rationibus obsessi, ad cibi & potus inopiā rediguntur. Flumina deriuantur. Oppidani aliquando eliciuntur simulata fuga, incendijs & alijs rebus. Hostes aliquando, tanquā amici in urbem recipiuntur. Oppidanis terror aliquando incutitur, quasi diu duratura sit obsidio. Duces efficere possunt, ut abundare uideantur rebus necessarijs, in magna rerum omnium penuria. Istis artibus urbes capiuntur. Ediuerſo autem urbes quoq; à prudente duce, contra potentissimos exercitus consilijs defenduntur.

Et deijcit robur fiducia eius. ) Ea quibus fidunt, ueluti sunt arma & machinæ bellicæ, commeatus, pecunia, auxilia, fœdera & alia dissipat. Seruator noster Lucæ 11. cap. appellat se fortiorem illum, qui fortem armatum custodiētem atrium suum uicerit, uniuersa arma eius abstulerit, in quibus confidebat, & spolia eius distribuit.

23 Qui custodit os suum & linguam suam, custodit animam suam ab angustijs.

Hæc sententia sæpe repetita est, qui ori suo frenum iniiciunt, immunes sunt à multis periculis. Non tamen abutendum est hac sententia, ut quis dicat se nolle confiteri Christum, se pro concione in Senatu non uelle dicere quæ oportet, ne periculum incurrat, hac enim uia, pericula non uitabit. Lyranus primum membrum, qui custodit os suum ad temperatiam in cibo & potu restringit: nam qui crapulæ & ebrietati indulgent, incidunt in maxima discrimina.

24 Super-



## 24 Superbus arrogans derisor est nomen eius, qui facit opera sua in ira superbix.

Iram superbix, id est, superbam uocat, quæ modum excedit. Qui impulsu iræ opera sua perficit, non laudem assequetur quam sperat, sed superbus, arrogans, & derisor Dei atq; hominum appellabitur.

## 25 Desyderium pigri interficit eum, quia renuerunt manus eius facere quicquam.

Quia ex ocio & pigritia multa flagitia oriuntur, quemadmodum multa dicta & exempla ostendunt, Salomon multis sententijs laborem nobis commendat, & à pigritia reuocat. Hoc loco dicit, Desyderium pigri ipsum interficere, &c. Sensus est, ociosi & pigri multa optant habere, cibum, potum, uestitum splendidum, suppellectilē electā, &c. & tamen operari manibus suis nolunt, ut consequantur ea quæ desyderant, atq; ita moriuntur in desyderijs suis, quibus satisfacere non potuerunt. Frequenter etiam conuertunt se ad fraudes, dolos, furta & rapinas, & tandem deprehenso luunt pœnas. Quot perierunt, qui si laborare uoluissent, potuissent esse in precio?

Ociosi multa optant habere.

## 26 Piger uel impius tota die concupiscit concupiscentiam.

Impius qui auaritiæ morbo laborat, est insatiabilis: quantò plus possidet, tantò plura appetit. Quemadmodum hydropici quanto plus aquæ biberint, tantò magis sitiunt: ita auari immensis opibus non satiantur. Ignis multis lignis non exstinguitur, sed fit maior: ita opes auaritiā non restinguunt. Auari seipsos discruciant, metuunt ne fame eos cõtabescere oporteat, non cogitāt se tantū opū procuratores à Deo cõstitutos esse, & nudos in terrā redituros.

Iustus autem tribuit nec retinebit (uel prohibebit.) Homo pius è diuerso paucis contentus, etiā modicas opes antefert potētissimorū regū thesauris, liberaliter suas opes in pauperes & alios elargitur. Scit nihil perire quod in eos confertur, nec impedit, scilicet, suos uel alios, si sint in pauperes benefici. Sunt enim quidā qui non modò nihil pauperib. cõferunt: sed alios qui cõferre eis aliquid uolunt, dehortantur, dicentes, Serua tibi, non bene locabis tua beneficia.

## 27 Sacrificium impiorum est abominatio.

Multi credebant in ueteri Testamento, se placare iram Dei, & mereri remissionem peccatorum, mactatione pecudum & alijs ceremonijs: & hac opinione cumulabant sacrificia. At à Deo nequaquam tradita erant, ut essent precia pro remissione peccatorum, sed ut Christum adumbrarent, & populum sui officij admonerent. Propter Christi unicum sacrificium placata est ira Dei, & nostra opera Deo grata sunt. Qui sine fide obtulissent, quamuis splendida sacrificia, Deo non probabantur. Quia Abel credidit, sacrificium eius Deo gratum, Caini uerò quia fide carebat, ingratum fuit. Vide suprà capite 15. uersu 8. Aristoteles etiam alicubi dicit, Deum non sumptibus sacrificiorum, sed pietate sacrificantium delectari. Huc pertinent pulcherrimi uersus Menandri Comici, qui à Iustino Martyre, & Clemente Alexandrino Stromatum lib. 5. citantur:

Sacrificia impiorum Deo non grata sunt.

Εἰ τις δὲ θυσίαν προσφέρῃ ὦ Πάμφιλε  
 Ταυρῶν τι πλῆθος ἢ ῥίπων, ἢ νῦν Δία  
 ἑτέρων τοιούτων, ἢ κατὰ συνάσματα  
 Χρυσᾶς ποιήσας χλαμύδας, ἢ τοὶ πορφύρας,  
 ἢ δὲ ἐλέφαντος, ἢ σμαράγδων ἰώδας  
 εὐνοῖαν νομίζει τὸν θεὸν καθεστάναι,  
 πεπλάνηται ἐν εἵνῳ, καὶ φρονέας νόφας ἔχει.  
 Δεῖ γὰρ τὸν ἄνδρα χυδαῖμον πεφρονῆσαι  
 μὴ παρθένας φθείροντα, καὶ μυχόμενον,  
 κλέπτοντα καὶ σφάττοντα χρημάτων χάριν, &c.

Clemens 7. quoque libro ostendit quomodo Deus sacrificijs se deliniri non patiatur. Quidius in Epistola:

Non boue mactato cœlestia numina gaudent,  
 Sed quæ præstanda est, & sine teste fide.

Quantò magis si praua mente (uel cum scelere) obtulerit illud? Quod si sacrificium hac opinione offertur, ut res malæ ex animi nostri sententia succedant, aut si de rapinis & furtis, partē Deo offerimus, ut placatus nobis sit, quomodo gratum haberet? Deus enim non instar iudicis mali, donis corrumpitur. Mactationis illius pecudum apud Christianos quidem nullus est amplius usus (hæc enim omnia Christi aduentu sublata sunt) at nostra sacrificia, oratio &



eleemofyna, Deo, si uacui fimus fide, & in sceleribus pergamus, erūt abominationi. Quid igitur dicemus, si ex rapto demus eleemofynā, si oremus ut mala desideria explere possimus? *Missæ sacrificium.* Aduersarii nostri iactant fictitium suum missæ sacrificium: multi qui fuderunt innocentem sanguinem, adulteria commiserunt, sententias uendiderunt, putant rem bene habere, si tot uel tot missas celebrent. At si sacrificia quæ Deus instituit, nō profunt impœnitentibus, quid dicemus de ficto illo sacrificio, quod uerbo Dei ex diametro repugnat?

## 28 Testis mendax peribit.

Testis mendax quis sit, alibi dictum est. Deprehensus ex legibus iubetur interfici. Sin uerò homines fallat, Deum tamen nequaquam potest fallere: is eum puniet, & in hoc seculo, & in futuro quoq; eum perdet, nisi pœnitentiam agat.

At uir audiens semper loquetur. ) Qui testatur quod audiuit aut uidit perpetuò loquetur, id est, nō adimetur ei uita. Qui falsum dixisse semel deprehensi sunt, legibus à dicendo testimonio repelluntur, at testis integer & incorruptus, nunquam reijcietur.

## 29 Roborat uir impius faciem suam.

*Roborare faciem.* Roborare uel obfirmare faciem pro eo uidetur accipi, quod Latini dicunt perfricare faciē uel frontem. Impius deterſo pudore falsum dicit testimoniū, & quicquid lubet facit. Ierem. obijcit populo, quòd frontem habeat meretricis. Ezech. dicit frontes æneas habere. Talis fuit Iudas qui impudenti uultu dicebat, Quid uultis mihi dare, & ego tradā eum uobis? In cœna cum Christus se prodendum esse uaticinaretur, interrogat, ipsum ne putaret proditorem esse? Hodie multi reperiuntur, qui cū aliquid patrarunt, itatim negant ac pernegant se id fecisse. Aut si negare non possint, tamē excusare & defendere conantur. Roborare faciem, etiā significat obfirmare animum. Deut. 26. Excitabit Dominus contra te, גוי פנים goi as panim, gentem fortem facie, id est, impudentem uel pertinacem.

Rectus autem disponit uiam suam. ) Iusti homines suos etiam n̄uos habent, desleēt inter dum à recto tramite: sed cum primum admonentur sui officij ex uerbo Dei aut aliās, agnoscunt se errare, redeunt in uiam. Neq; hæc solum de externis moribus: sed etiam de opinionibus intelligenda sunt.

## 30 Non est sapientia, neq; intelligentia, neq; cōsiliū contra Dominū.

Dei decreta & consilia, sunt cōstantia atq; adamantina. Quemadmodum Solis cursus, impediri nequaquam potest: ita nec illa possunt impediri. Quicquid homines moliantur, firma erunt & immota. Dissipat sæpe Deus sapientiam illorum, qui duces sunt populi, ut consilia capere non possint, aut si consilia capiunt, non sinit procedere. Quod si ad tempus ita procedant, ut res piorum in summum discrimen adductæ esse uideantur: tamen subito impiorum hominum conatus frangit. Ita quoq; freno prouidentie suæ, eos gubernat, ut suis consilijs & conatibus etsi aliud agant, tamen consilia Dei magis adiuuent quam impediant. Prouerb. extat apud Latinos: Multa noris oportet quibus Deum fallas. Mardonius apud Herodotum dicit de cōcilio Dei, ὅτι δὲ γυνέσθαι ἐν θεῷ, ἀμύχανον ἀποτέλει. Et Pind. Farū nec ignis nec æreus murus arcere potest: quod ille de fato perperam, nos rectè de Dei concilio pronunciare possumus. Huius rei exempla aliquot proferemus. Ioseph à fratribus suis uenditur Ægyptijs, ut

*Exempla de constantia decreto- rum Dei.* eius uident imperium: sed hac ratione consiliū Dei adiuuant, ut ad summam dignitatem euehant. Pharaō & Ægyptij, crudelitate sua perdere uolunt Israelitas: sed quanto magis eos affligunt, tanto magis crescunt & augentur. Deus enim Abraamo promiserat, tantam fore seminis sui multiplicationē, quanta est arenæ maris, & multitudo stellarū cœli. Moyses uindex Israelitarum adoptatur in filium à filia Pharaonis, educatur in eius aula, & instituitur in omni sapientia Ægyptiorum. Saul Dauidem opprimere uolebat, ne succederet ei in regno: sed frustra consilio Dei reluctabatur. Solomon frustra conatur Ieroboamum interficere, quem Deus regem creare cōstituerat. Achabus frustra habitum gregarij militis assumit, ne occumbat. Primores Iudæorum, Christum malo, quod ad ipsos attinet, consilio cruci suffixerunt: consilio tamen & decreto Dei feruierunt potius, quàm impediuerunt. Resurrectionem Christi impedire conabantur: sed suis consilijs eam illustriorem reddiderunt. Herodes Petrum educturus ad supplicium, frustratur sua spe, Act. 12. Tyranni tot cædibus piorum hominū, puram doctrinam radicitus extirpare moliantur, sed hac uia & ratione, magis magisq; eam promouent. Tertullianus dicit, sanguine martyrum, rigari hortum Dei, id est, Ecclesiam.

Quando Deus impios & impœnitentes punire instituit, etiam nemo est, qui eius consiliū possit prohibere, Esa. 8. cap. Exemplo nobis sunt Babylonij, Romani & alij quos Deus euer- tit. Senarius est prouerbialis: θεὸς ἵ ἀνυλὴν ὕχ' ὑπὸ πνοῇ βροτῆς. Credamus igitur promissioni di-

uinae,



uinæ, & perduremus in fide, etsi omnia alia nobis exitum minentur. Constans enim est ueritas uerbi Dei. Etsi impij res suas ita constituant, ut de Euangelio actum uideatur: tamen non despondeamus animum. Nam si Deus suos in pace conseruari uelit, frustra impij laborabunt: sin uerò suos certo consilio affligi permittit, poterit quando cunq; uisum fuerit, impetus impiorum rursus frenare. Impij quoq; ne sperent se humanis artificiolis, diuinæ prouidentiae consilia eludere posse. Vide suprà 19. cap. uer. 21.

### 31 Equus paratus est ad diem belli, sed à lehoua salus (datur.)

Sensus est, tamen si homines se instaurant ad bellum: Deum tamen, quibus uoluerit uictoriam concedere. Psalmo 126. dicitur: Nisi Dominus custodierit ciuitatem, frustra excubat custos: nihilominus tamen excubiae habendae sunt. Ita apparatus bellici nihil profunt, nisi Deus nobis uictoriam conferat: tamen si bellum omnino gerendum sit, omnia necessaria sunt comparanda: pedites, equites, duces, exploratores, pecuniae, arma, machinae bellicae, commeatus, & alia id genus. (Nisi enim hoc facias, tentas Dominum) salus uerò à Deo est expectanda. Ioab 2. Sam. 10. cap. fatetur exitum belli, non fortuitum esse, sed à Deo gubernari. Græcus quoq; poeta dicit:

*νίκη, ἀνθρώποισι θεῶν ἐν πόλεσι καὶται.*

Si passeres non temere cadunt in terram, si ne pilus è capite nostro defluit, absque Dei prouidentia, etiam in acie miles non cadit, uictoria non huc uel illuc inclinat, absque Dei prouidentia. Non igitur fidamus nostris uiribus, sed petamus auxilium à Domino. Obijciunt multi, si in bellis fortuna non dominaretur, meliores uincerent, sed hoc semper non fit. Certe Deus interdum malos per peiores uult puniri, interdum etiam suos exercere, ut fides eorum se magis proferat. Quid igitur, inquiunt, promittit seruantibus legem suam, Leuit. 26. & Deuteronomio uigesimo octauo? Profectò pauci sunt, qui possint dicere se uel iuxta litteram legem custodiuisset, non ergo mirentur si cladem interdum accipiant. At qui legis Dei magis sunt obseruantes, potius deberent uictoriosi esse, quàm alij. Respondeo corporales promissiones præstari quidem à Deo, si ad suam gloriam & nostram utilitatem id faciat. Sunt autem multae causae, ob quas utile sit suos interdum superari ab hostibus. Stulti autem sunt, qui suis uiribus, & consilijs uictoriam ascribunt. Victoria enim Dei donum est. Imperatores quidem & milites omnia parare & facere debent, quæ ad uictoriam pertinere uidebuntur, interim uerò euentum belli Deo committere, qui ut felix sit orandus est Dominus. Nec tantum belli, sed omnium euentuum causa existit prouidentia Dei, nō fortuna neq; casus. Conuertitur igitur hac & similibus sententijs, hominum mentes ad conspectum prouidentiae Dei.

Victoria datur à Deo.

Cur mali interdum uincant.

## CAPVT XXII.

**E**Ligibilius est nomen (bonum) quàm diuitiæ multæ, & quàm aurum & argentum, gratia bona.



AB C sententia, famam & gratiam magnis opibus & thesauris anteponit. Nomen ponitur pro exultatione & fama. Inter externa illa & temporalia bona, gradus quidam sunt. Caput septimum Ecclesiastæ dicit, Melius est nomen bonum, quàm unguenta preciosa. Apud Græcos etiam senarius circumfertur:

*καλὸς ὄνομα μᾶλλον ἢ πολὺν θῆκε.*

Isocrates quoq; dicit: Plus tibi curæ sit ut *ἀρετὴν καλὴν*, hoc est, honestam famam tuis liberis relinquant, quàm diuitias ingentes. Nam hæ mortales sunt, illa uerò immortalis. Et per famam comparari possunt opes, nunquam uerò pecunijs fama redimitur. Item, diuitiæ etiam improbis accedunt: at famæ gloria non potest nisi solis eximijs uiris contingere.

Docemur studendum esse bonæ famæ bonorum, quam Græci *ἀρετὴν* appellant. Quid etiam bona fama illustrius? Opum causa, quot labores suscipimus? at bonum nomen longè præstantius est. Non igitur obiter curandum, ut nomen bonum paremus.

Quomodo paratur, inquis, nomen bonum seu gloria? Hoc etiam gentiles uiderunt. Agefilaus enim interrogatus, quo pacto quis apud homines famam optimam consequi posset? respondit: Si loquatur quæ sunt optima, & faciat quæ sunt honestissima. Socrates idem interroganti respondit: Si talis esse studeas, qualis haberi uis. Etenim fama, per largitionem, adulationem & hypocrisim parata, ut non est uera, ita nec diuturna. Expedita & compendiarie ad bonam famam uia est, credere in Christum, & fidem suam bonis actionibus

Studendum bonæ famæ.

Quomodo comparandum sit bonum nomen.



testari: deinde cauere sibi à sceleribus & flagitijs, item à suspicione scelerum, quibus bonam famam perdimus. Quædam flagitia, non tantum bonam famam, sed simul etiam fortunas lædunt, ueluti adulterium, ebrietas & alia id genus. Caue igitur ne liberis & posteris tuis, *Obtrectatores.* fœdum nomen relinquant. Discimus quantum peccent obtrectatores. Nam si fama auro & argento præferenda est, grauius peccant, qui famam, quàm qui argentum nobis eripiunt. Iactura rei familiaris facile sarciri potest, fama uerò contaminata uix unquam recuperatur. Si quis hunc furem, illum adulterum esse spargat, semper erunt qui hoc credant. Quot sunt qui angerentur, si uel obolum proximo suo abstulissent, & rident cum abstulerunt famam, quam multis aureis læsus redimeret? Multi petulantes homines, ueræ religionis nomine, fidelibus crimina intentant.

*Fama est asserenda.* Quemadmodum autem illis quibus opes ablatae sunt, sua reperere licet: ita licet conui- tijs respondere quibus proscindimur, & nominis ac famæ nostræ integritatem, non tantum uiua uoce, sed & scriptis aliquando asserere. Sic Christum & Apostolos fecisse legimus, quando calumniæ non tam in ipsorum, quàm in Dei ignominiam redundabant. Sunt quidam qui omnia dissimulanda censent, & satis esse putant, quòd Deus innocentiae ipso- rum sit testis. Sed hoc non semper satis est, nec semper laudari præpostera illa patientia de- bet. Non parum enim refert, homines de nobis, maximè de doctoribus Ecclesiarum, rectè sentire. Hæc de bona fama.

*Gratia bo- na.* Alterum est gratia bona. Sic uocat hominum fauorem, qui oritur ex fama bona, id est, opi- nione uirtutis. Hanc gratiam magnis thesauris præfert. Homini enim nullâ uoluptatē opes afferunt, si omnes ei inuideant, omnes odio eum persequantur. Beneuolentia hominū, Dei donum est, non omnibus concessum. Cauendum tamen, ne dum studemus hanc acquirere, Dei Opt. Max. gratiam & beneuolentiam amittamus. Contenti simus, si apud pios & bonos bene audiamus & gratiosi simus. Virtutum enim & purioris religionis studio, apud impios famam nostram tueri, & beneuolentiam ipsorum retinere non possumus. At solari nos de- bet quod Christus dicit, Matth. 5. Beati estis, cum probra iecerint in uos homines, & insectati fuerint, & dixerint omne malum uerbum aduersus uos mentientes, propter me. Et Paul. ad Gal. 1. ca. Si hominibus placuissem, Christi seruus haudquaquam essem. Addendum etiā hoc est, non bene agendum ut famam & fauorem aucupemur, sed propter præceptum Dei.

## 2 Diues & pauper occurrerunt sibi.

*Deus diui- tes & pau- peres facit.* Hoc est, ut multi exponūt, mutuū subsidiū ferunt. Vnus enim alterius ope indiget. Diues sine paupere uiuere nō potest, nec pauper sine diuite. Castalio, *Diues & pauper contrarij sunt.* Omnes ipsos faciens Deus.) Hoc est, utriusq; conditor est Deus: non tantum personæ eorum, sed quòd hic diues, ille pauper est. Hesiodus & alij etiam agnoscunt Iouem hominibus dare di- uitias & paupertatem. Potuisset Deus, in cuius potestate sunt uniuersa, omnes diuites redde- re: sed certo consilio rem ita temperauit, ut hic diues, ille pauper sit, quò illi materiam exer- cendæ suæ benignitatis, hi uerò occasionem patientiæ habeant.

Discant igitur pauperes, ne diuites contemnant, & uicissim diuites, ne pauperes asper- nentur. Pauperes enim ferè ditiores contemnunt, eisq; inuidet, & diris eos deuouent. Di- uites è diuerso, ludibrio habent pauperes, magnosq; sibi spiritus sumunt propter opes: dicūt se aliorum ope non indigere, neminem prorsus curare. At cogitare debebant, se egere opera pauperum: pauperes item Dei esse creaturam, & facile fieri posse, ut & ipsi ad paupertatem redigantur. Ad hæc diuites discant se non sua industria uel casu, sed Dei beneficio diuitijs abundare. Pauperes etiam cogitent, onus paupertatis à Deo patre, ipsis esse impositum, non temere & casu alios opibus affluere, alios uerò paupertate premi.

## 3 Callidus præuidet malum, & abscondit se.

Ingeniosus (de hac uoce alibi dictum est) naturali luce intelligit & experientia discit, præ- cipuè uerò ex sacris literis, quæ mala maneant impijs: scit enim atrocia peccata grauiter pu- niri, ideoq; cauet sibi à malis hominibus eorumq; studijs, ne periculum incurrat. Vitat loca, personas, &c. omnesq; peccandi occasiones.

*Cautè agen- dum.* Simples autem transeunt, & mutantur.) Inconsultè agunt, non cogitant de præteritis nec futu- ris: sed tantum in præsentia aciem oculorum dirigunt, sequuntur exemplum multitudinis, leges transgrediuntur, temere prosiliunt, & in opibus ac uita damno afficiuntur. Disca- mus igitur in publicis rebus cautionem adhibere, in emendo, uendendo, si dei iubendo, con- trahendo matrimonio: multò magis in negocijs Ecclesiæ & Reipublicæ, ferendis legibus, ineundis fœderibus, suscipiendis bellis, & alijs huius generis. Vnicum tantum exemplum ex Rom. historijs proferam. Cum Scipio in amicorū agris haberet exercitū, nihilominus tamen & ual-



& uallo & fossa muniret, euidam dicenti, Quid metumimus? respondit, Pessimam esse ducis uocem, Non putaram. Itaq; aduersus inopinatos casus, suo exercitui prospexit, ne, si quid indigni accidisset, misera illa uoce uti cogeretur. Accepto damno quiuis stultus dicere potest, hac uel illa in re peccatum est. Abutuntur autem hoc loco & similibus, porci illi de grege Epicuri, qui in persecutione fidem suam confiteri nolunt, ne uita priuentur, & stultos illos esse dicunt, qui se propter ueritatis confessionem, periculis obijciunt.

#### 4 Finis humilitatis & timoris Domini, sunt diuitiæ, gloria & uita.

עקע Ekef, propriè calcaneum uel plantam significat, & quia planta est finis, seu extrema pars hominis, pro fine accipitur, id est, mercede, fructu & compensatione, quemadmodum etiam *τέλος* apud Græcos. Sensus igitur est, humilitatem & timorem Dei remunerari his bonis. Aliquando significat, propterea, eò quòd: hinc quidam reddunt, Propter humilitatem & timorem Dei (contingunt) diuitiæ, & gloria & uita. Dup illa, suprâ habuimus, hic adduntur diuitiæ. Deus enim suis cultoribus, sæpe immensas opes concessit, ueluti Iobo, Abraamo, Isaaco, &c. Deinde hi diuites sunt, qui rebus suis sunt contenti. At pii paucis contenti sunt. ענאף enafah, non tantum mansuetudinem, sed etiam afflictionem significat. Afflictiones autem consequuntur diuitiæ cœlestes, gloria & uita æterna. Paulus enim dicit, Si cum Christo passi fuerimus, cum eo glorificabimur. Non quòd nostræ afflictiones sint causæ salutis: nam ad Roman. 8. cap. disertè scribitur, Reputo non esse pares afflictiones præsentis temporis, ad gloriam quæ reuelabitur erga nos. Christi afflictionibus ascribendum est, quòd æternam gloriam consequimur.

Fructus hu-  
militatis &  
timoris Do-  
mini.

#### 5 Spina & laquei sunt in uia peruersi (uel peruersa.)

Hoc est, uia impiorum multis periculis est plena: ipsi suauem putant & iucundam, cum multum habeat acerbatis: tutam, cum omnia laqueis diaboli plena sint. Ipsi quoq; pios cruciant & insidias eis tendunt, in falsa dogmata & scelera eos pertrahere cupientes. נאץ zinah, dicitur quicquid est peracutum & penetrat, ut gladius, contus, hasta. R. David in libro radic. dicit etiam frigus significare. Vide num etiam hic sensus esse possit: si peruersus aliquid recti facere debeat, fingit spinas & laqueos in uia esse: quemadmodum alibi de pigris dicitur.

Qui custodit animam suam, elongabit se ab eis. Non capietur successibus impiorum, non blanditijs, animi causa inter eos non uersabitur: sed in uera fide, & studio uirtutum sese continebit. Item qui animam suam præmunit, & non facit malum, longinquus est à spinis & laqueis. Discant omnes cauendum esse ab impiorum congressibus, ut ut florere uideantur.

#### 6 Instrue puerum in ore uiæ suæ.

Hæc sententia pueros à tenera ætate, instruendos esse docet. Verbum נחן chanach, significat imbuere, erudire, prima elementa rerum, maximè religionis tradere. Deinde sæpius in scripturis significat dedicare, ut cum de domo, de altari, de tabernaculo, de templo, de utensilibus sacris est sermo. Hebræi exponunt, Imbue puerum iuxta uiam aut modum eius, id est, iuxta capacitatem ætatis, sensum instilla ei sapientiam, non expectando adultiorem ætatem. Simplicissimus sensus est, initia & doce puerum in ore, id est, ingressu, Viæ suæ (sic suprâ 8. cap. os ciuitatis, id est, ostium dicitur) in ipso principio pueritiæ. Pueris primùm tradenda sunt elementa religionis, postea plenior institutio debet succedere, uirtutes eis instillandæ sunt, temperantia, modestia, moderatio linguæ, &c. ciuilitas quoq; morum, eis proponenda est. Exigendæ ab eis conciones sacræ, mittendi sunt ad scholas ubi hæc discant, nec res differenda donec adoleuerint. A teneris unguiculis, & ab ipso propè nutricis lacte, religiosè instituendi sunt, ut statim honestis sermonibus & actionibus assuescere incipiant. Nisi enim in uirtutum uiam deducantur, in uitiorum uiam defleant. Philosophi quoq; duas uias faciunt, per quas humana uita progrediatur, unam uirtutum, alteram uitiorum. Nota sunt quæ Prodicum de Hercule prodidisse, Cicero scribit.

Pueri à te-  
neris annis  
formandi.

Etiam cum senuerit, non recedit ab ea. Causam præcepti subiungit. Nihil hæret firmitus, quàm quod rudib. annis pcepimus, siue bonū fuerit, siue malū. Testa illū odorem seruat, quo primū fuerit imbuta. Plantæ teneræ, facillè trāsferuntur & flectuntur ab agricolis. Vetus arbor, transplantari & inclinari non potest. Agyrtæ canes docent gestulationes. Vetulus canis non assuescit loris: Ita si educatio pueris tenellis admoueatur, in senectute uires exeret. Quamquam interdum degenerant, plerunq; tamen ita fit. Ex aduerso, si parentes uerbis & factis tenellos offendant, uel ab alijs corrumpi patiantur, in animis eorum tenacissimè inhærebit: discunt peccare priusquam sciunt peccatum esse. Aristoteles quoq; in Ethicis docet, permultum referre, quib. exercitationib. & studijs à teneris annis utamur. Bonis. n. assuetos, euadere



bonos, malis uerò malos. Multi Dei singulari beneficio recedunt à uia mala, quam in adolescentia sequuti sunt, sed frequentius eam non deserunt.

### 7 Diues pauperibus dominatur.

Opulenti & diuites, plerunq; placent sibi propter opes, & pauperes præ se contemnunt, existimantes se aliorum opera non indigere, ideoq; omnibus insultant & imperiose agunt cum pauperibus, ac si omnia in ipsorum potestate essent constituta. Fit etiam, ut diuites in rebus publicis euehantur, pauperum uerò parua habeatur ratio, iuxta illud Satyrici:

„ Haud facile emergunt, quorum uirtutibus obstat

„ Res angusta domi.

At in conferendis dignitatibus non diuitiarum, sed honestatis & prudentiæ ratio habenda erat. Non enim commemorantur hæc à sapiente, quod probet, si diuites se insolenter gerant erga pauperes, aut si propter diuitias adhibeantur summe rerum, sed ut uideamus quodnam sit ingenium mundi, & nos officium nostrum facere discamus. At oritur quæstio, quomodo Psal. 49. dicatur, Recti manè dominabuntur diuitibus. Breuiter respondeo, prophetam præcipue loqui de futuro seculo, quando recti illis dominabuntur.

Creditor  
sunt duri  
& acerbi.

Et seruus erit mutuum accipiens uiro mutuanti.) Qui paupertate premuntur, se ad pedes illorū proijciunt qui eorum egestatem subleuare possunt: si mutuum pecuniam acceperunt, coguntur eis adulari & penè seruitutem deformem pati, alioqui creditores repetunt pecuniam, & beneficium eis exprobrant.

Discamus igitur ita administrare rem familiarem, ne æs alienum contrahamus, & libertatem, qua nihil est præstantius, amittamus. Scio multos honestos uiros impelli, ut accipiant mutuum pecuniam: sunt tamen qui temere æs alienum constant, quales sunt ebrii, aleatores, luxuriosi, libidinosi & ociosi homines, quos necesse est, sua oppignorare, cedere solo, & seruos fieri non hominum tantum auarorum, sed sæpe etiam cacodæmonis.

### 8 Qui seminat uanitatem, metet iniquitatem (uel calamitatem.)

Hæc Metaphora crebra est in scripturis, Qui parce seminat, parce metet: Qui seminant lachrymis, in exultatione metent. Iob. 4. capite, Vidi arantes uanitatem, & seminantes laborem, quod messuerunt illa. A' flatu Dei perierunt, & à spiritu iræ eius perierunt. Ad Galatas 6. capite, inquit Paulus, Quicquid seminauerit homo, & metet. Nam qui seminat per carnem suam, de carne metet corruptionem: sed qui seminat per spiritum, de spiritu metet uitam æternam. Latini etiam dicunt, Vt sementem feceris, ita & metes: id est, reportabis præmium tuis factis dignum. Qui seminat lolium infelix, lolium metet, qui peccata peccatis cumulat, penam sentiet, cum in fatali hora, tum in ultimo iudicio. Quod etiam messi comparatur in scripturis. Christus enim zizania & triticum separabit, zizania comburet, triticum uerò in horrea cœlestia conuehet.

Et uirga iræ eius deficiet (uel cessabit.) Hoc est, Tyrannica eius potestas quam in alios exercet, tandem frangetur, uel uirgam iræ suæ consumabit, scilicet, Deus. R. Dauid in libro radic. Et uirga frugum eius, id est, qua excutuntur fruges, deficiet, consumetur, antequam educat de messe illius fruges. Nos dicimus, Er wirt ein lâr strouw tröschén. Lutherus uertit, Per uirgam suæ maliciæ peribit.

### 9 Benignus oculo, ipse benedicetur.

Qui benignè respicit pauperes, uel bonus oculus, id est, benignus, liberalis, candidus, cui non dolet si quid alijs à Deo uel ab hominibus obueniatur, incrementum bonorum suorum sentiet, & ab hominibus quoq; celebrabitur. Bono oculo opponitur malis & liuidus. Matth. 20. cap. Dominus uineæ dicit: An oculus tuus malus est, quod ego bonus sum? hoc est, an inuides illis, quod in eos beneficus sum? In oculis inuidia, ira, odium, gaudium, & alij animi affectus apparent.

Panis quid.

Quia dedit de pane suo pauperi.) Hebræi per panem omne ciborum genus intelligunt. Cum in oratione Dominica panem petimus quotidianum, omnia necessaria postulamus ad sustentationem, cum corporis tum animæ. Distinguunt etiam Eleemosynā in spiritualem & corporalem. D. Hierony. in ca. 58. Isaia ubi dicit, Frange esurienti panem tuum, annotat: Non dicit plures panes, ne de paupertate censeris, sed unum panem: nec ipsum totum, sed partem panis, quam si non ieiunares comesturus eras, &c.

Ex nostris  
opibus con  
ferenda ele  
emosyna.

Annotandum quod dicit, De pane suo. Cauendum enim est, ne rapinis, sacrilegijs & alijs iniustis modis opes paremus, deinde ex illis eleemosynam largiamur. Tobias suum filium instituens, Ex tua substantia, inquit, fac eleemosynam. Zachæus dicit, Dimidium bonorum meorum do pauperibus, & si quid aliquem defraudaui, reddo quadruplum. Suprà 3. capite,

Honora



Honora Dominum de tuis opibus. Dominus apud Isaiam 61. capite abominatur sacrificium præda partum. 1. Thessal. 4. capite Paulus uult ut laboremus manibus, quò opem ferre alijs possimus. Quando Christus dicit Lucæ 16. cap. Parate uobis amicos ex mammona iniquo. Non sentit ex opibus iniquis rationibus partis, faciendam eleemosynam (tales enim opes restituendæ sunt) sed iniquas uocat, quòd possessores ferè iniquos reddant.

Alij De pane suo ita interpretantur, fraudat genium suum, ut habeat quod conferat pauperibus. Dicit pauperibus dandum, quorum sunt noua genera. Quidam dant diuitibus, ut Monachis & alijs ociosis uentribus, illi suas eleemosynas non bene collocant. Contrarium potest inferri, malignus oculus, id est, homo inuidus maledicetur, quia de pane suo nihil pauperibus uoluit distribuere.

#### 10 Eijce derisorē & egredietur contentio, cessabitq; lis & ignominia.

Congressus cum irrisoribus uitandi sunt, nam suis sermonibus nos inficiunt. Leprosos arcemus propter contagium, illi potius à nostro conuictu arcendi erant, ne Deum iratum ac sauciam conscientiam haberemus. Si quis talem in ædes suas recipiat, pacem familiæ & uiciniae turbabit, litibus & controuersijs se immiscebit, ac ignominia afficietur. קלון kalon, ignominia, leuipensio: à uerbo קלה kalah torrefecit, metaphora sumpta ab illis rebus quæ torrentur. Fiunt enim leues. Abigendæ itaq; sunt tales familiæ pestes, ne totam familiam euertant. Causa remota, remouebitur & effectus: uide capite 26. uersu 10 Ex Republica quoque & ecclesia, ueræ pacis turbatores eiijciendi sunt.

Ab irrisorū  
cōgressu ca-  
uendum.

#### 11 Qui diligit mundiciem cordis (⊖) gratiam labiorum suorum, amicus (eius) erit rex.

Duæ uirtutes commemorantur, quæ nos regibus & principibus uiris commendant. Prima est mundicies cordis, id est, integritas & synceritas. Altera, gratia labiorum, id est, eloquentia, uel linguæ moderatus usus. Loquitur autem de sanctis, non de impijs principibus. Impij enim amant hypocritas, sycophantas, quadruplatores, adulatores. Quanquam autem synceri & ueraces, terrenis regibus sæpe displiceant, tamen regi regum, qui est ipsa ueritas, semper probatur. Is uult ut alieni simus ab hypocrisis, & lingua nostra ad proximi utilitatem, & gloriam suam utamur.

#### 12 Oculi Domini conseruant scientiam.

Oculi Domini, id est, prouidentia, cura & inspectio, conseruat ueram scientiam, quæ est Deus conseruat salutem animæ. Quòd sacri libri, quibus uera illa sapientia continetur, tot seculis & in tot persequutionibus non perierunt, sed nobis quasi per manus traditi sunt, ingens Dei est beneficium. Satan semper insidiatus est sacris literis, cumq; uidet se eas abolere nō posse, conatur, saltem corrumpere. Ioachim rex impius, cultello conciones Ieremiæ scidit & in ignem coniecit, sed Deus iussit denuo conscribi. Antiochus libros sacros exussit. In persequutione Diocletiani idem factum esse legitur, ac nihilominus hodie etiam sacri libri extant, & semper exarabunt. Multi præclari libri amissi sunt, puta Salustij, Ciceronis, Liuij & aliorum: at sacra biblia ad finem mundi inuitis omnibus impijs, prouidentia Dei conseruabuntur.

Nec tantum sacros libros, sed & horum pios interpretes & auditores Deus conseruabit. Quidam enim per scientiam studiosos ueræ sapientiæ intelligunt, per metonymiam. Acta meti illi sæpenumerò uincantur & perimantur, ueritas tamen uerbi Dei firma erit. 2. ad Timoth. 2. capite dicit Paulus: Propter Euangelium malis affligor quasi facinorosus, usq; ad uincula, at sermo Dei non est uinctus.

Deus cōser-  
uat sacrorū  
librorū le-  
ctores &  
interpre-  
tes.

Et euerit uerba præuicatoris.) Deus uerba & consilia illorum euerit, qui legem suam uiolant, edicta sanguinaria proponunt, libros sacros exurunt, & nullum non lapidem mouent, ut sanam doctrinam opprimant. Contra ueritatem & Deum, nihil omnium hominum consilia & uires proficiunt. Exemplo sunt tot tyranni, qui tragicos exitus habuerunt, ueritate interim semper triumphante. Alias quoq; Deus uerba uel res impiorum euerit, ut non semper assequantur quod uolunt.

#### 13 Dicit piger, leo est foris, in medio platearum occidar.

Ne pigros & ignauos homines, honestum laborem suscipere, & officium facere oporteat, semper aliquid causantur, atq; sic nihil facientes, perpetuò cunctabundi sedent. Dicunt, leo est foris, in medio platearum occidar: hoc est, fingunt multa pericula, ubi reuera nulla sunt. Nam in media platea, inque hominum frequentia, neque à leonibus, neq; à latronibus metuendum est periculum. Quæ homini industrio & alacri ludus sunt, pigro uidentur ardua & difficilia. Si coercendi sunt homines nefarii, si defendendi boni, si abusus corrigendi, si religio instauranda, si Christus confitendus: multas asserunt excusationes, dicunt se paucos

Pigri friuo-  
la prætex-  
tes laborem  
refugiunt.



esse numero, se suffragijs non uincere, rem cum periculo manifesto esse coniunctam, adducunt exempla uetera & recentia. Quemadmodum homines morbis confecti, si in platea uel baculum transuersum uideant, metuunt eum uix ab eis superari posse. Ignauus miles, si uel crepitans folium audiat, aut picum arborem rostro tundentem, statim metuit ne hostis ceruicibus eius immineat: ita illi homines ad quemuis rumorem trepidant, præsertim si de propaganda gloria Dei agatur. At si non ignaui, sed strenui ac zelo Dei præditi essent, rem fortiter Deo duce aggredierentur, & sentirent rem feliciter procedere, ac res multas & magnas feliciter confici. Deus alios quoque excitaret, qui suam operam eis præstarent. Adire pericula propter Christum, non esset eis graue & molestum, nisi ignaui essent. Quid agricola, miles, mercator non facit & patitur, ut pecuniam comparet? Quid qui uirginem honestè amat, eius causa non suscipit? Impij ut falsam religionem propagent, utque cupiditates suas expleant, nihil non audent. Quid per paucos heroas in restauranda religione Deus fecerit, toti orbi notum est. Si igitur amore Dei præditi essemus, multa nobis facilia redderentur, quæ nunc uidentur ardua ac difficilia. Quia autem socordes & ignaui sumus, res honestas uel nunquam uolumus aggredi, uel tardè aggredimur, dicentes: Cras, cras: uel si aggredimur aliquando, in medio cursu deficimus: aut si pergamus, tamen oscitanter omnia peragimus. Quisq; igitur in sua uocatione torporem & ignauiam excutiat, & non leuiora, sed extrema potius pericula metuat: Matthæi decimo capite.

14 Vt fouea profunda (est) os alienarum (mulierum) is, contra quem iratus est Dominus, cadet illuc.

*Blanditiæ scortorum perducunt homines ad extremum exitium.* Aliena mulier dicitur in hoc libro, quam non concessit Dominus, siue nupta sit, siue innupta. Os eius est ueluti fouea profunda, ex qua nemo facile ascendit, hoc est, Qui meretricum blanditijs & illecebris, aut etiam forma capiuntur, plerunque corpus & animam perdunt, in profundam scelerum foueam cadunt, in furta, rapinas, & tandem in foueam inferni. Videmus hinc quantopere illi erent, qui concubitum soluti cum soluta, negant peccatum esse, & qui publica autoritate lupanaria defendenda esse existimant. Si uerò scortatorum incidunt in foueam, ex qua non facile emergunt, quid de adulteris & incestis est dicendum? Plerunque impuri illi homines ita dementantur, ut respuant omnes admonitiones, & ita excæcantur, ut pergant in sceleribus. Dicitur autem illos cadere in foueam illam, quibus Deus iratus est. *וַיִּרָא* seum, iratus Domini, passiuè, id est, cui irascitur Dominus. Psalmo 81, Dimisi eos secundum desideria cordis eorum. Lyranus dicit, Deum ex ira contra aliquem, ei subtrahere gratiam suam, & sic hominem ruere de culpa in culpam, & frequenter in errores. Iustum autem est iudicium Dei, ut illi, qui contempto eius instituto, nempe matrimonio, se miscent cum prohibitis personis, sibi relinquantur. Deinde alienas intelligere possumus, quæ non sunt ueræ religionis. Quæ enim pericula ex illis matrimonijs emergant, non solum sacris literis, sed & experientia edocti, scire debemus.

15 Stulticia colligata est in corde pueri: uirga correctionis expellet eam ab ea.

*Pueri castigandi.* Stulticia innata est pueris, sed per uirgam expellitur. Sunt quidam generoso animo præditi, qui uerbis ducuntur, quocumque uolueris: hi ferula non ita castigandi sunt. Sunt deinde quidam seruili ingenio, qui non nisi plagis emendantur: his non est parcendum. Nisi enim metu uirgarum, eos in officio retineas, licentiam arripiunt pro libidine quiduis agendi. Peruersus est ille amor matrum erga filios, quando nec ipsæ filios castigant, nec ab alijs eos uolunt castigari. Sin uerò stulticiam non tantum non expellunt ex eorum animis, sed eis instillant, & stultè agentibus arrident, tantò grauius peccant. Celebre enim apud nos est prouerbium, In uestes pelliceas non inferendos pediculos, ex sese enim aptas esse, ad progignendos pediculos. Notandum autem quod appellat uirgam correctionis, non furoris. Ideo enim uirgis pueri cædendi sunt, ut discant quid faciendum, quid omittendum sit. Qui non in hunc finem, sed ex animi impotentia tantum liberos castigant, ipsi potius castigandi erant. Quod autem de pueris dicitur, ad adultos quoque extendi debet, nam & illi castigandi sunt, si sanam doctrinam contemnant, & turpiter uiuant. Multi putant castigationem rem esse inutilem, sed experientia testatur, eam multis non parum profuisse. D. Augustinus in hac fuit sententia, quòd nemo adigendus sit, ut sacros cœtus accedat, sed suam illam sententiam, magnas & graues ob causas postea mutauit. Deus quoque stulticiam hominum, cruce & uarijs afflictionibus emendat & corrigit. Discant item pueri, ne castigationem, cuius tanta est utilitas, aspernentur, sed boni consulant. Tametsi enim usum eius iam non uideant, tamen olim intelligent.



16 Qui ui opprimit pauperem, ut augeat sua, is dabit diuiti, profectò ad egestatem (*ueniet.*)

Quæ pœna pauperû oppressores maneat, ostendit. Magnum est peccatum, si quis pauperes sua opem non subleuat: maius autem, si quis eos prorsus opprimit & conculcat, ut opes cumulet. Itaque hæc opes non sunt felices & diuturnæ, tales homines coguntur aliquando iudicibus multa dare, eosq; donis corrumpere, ne pœnas dent suæ crudelitatis, quam in pauperes exercuerunt. Principes aliquando usurarios & raptores illos spoliant, quemadmodum uulgò dicitur, Quod non accipit Christus, tollit fiscus. Veniunt sæpe peregrini principes & duces, qui iniustas opes bello auferunt. Nahum. 2. ca. Niniue comparatur piscinæ: nam quem admodum in piscinas, ex uarijs fluuijs, lacubus, torrentibus, pisces conduntur: ita Niniuitæ ex toto ferè orbe, opes in urbem suam congesserant. Futurum igitur dicit propheta, ut milites, aurum, argentum, suppellectilem preciosam, ablaturi sint.

Pœna op-  
pressorum  
pauperum.

Alij legunt, *Qui calumniatur* (de uoce פוץ aschak aliàs dictum est) *Pauperem, ut augeat sibi, scilicet, opes, Et qui dat diuiti, etiam uel tantum, ad egestatem.* Ut sit sensus, Duo esse quæ homines ad pauperiem redigant, primum si opprimant pauperes, alterum si dent diuitibus, scilicet, ut plus accipiant, uel si negocientur cum diuitibus. Sed prior interpretatio uidetur planior esse.

17 Fili mi, inclina aurem tuam & audi sermones sapientum, & cor tuum pone ad scientiam meam, &c.

Quinq; hi uersus 17. 18. 19. 20. & 21. cohærent, & nouam præfationem continent, qua lectores & auditores, ad studium & diligentiam excitantur. Mutatur genus orationis, & modus docendi. A 10. capite usq; ad hunc locum, sententias habuimus, tanquam hominis secum loquentis, quæ ostendunt quid bonum, quid malum, quid faciendum, quid fugiendum, quid uerum, quid falsum sit: iam deinceps uerò, usq; ad 25. cap. modum loquendi imperatiuum habent, ac si pater cum filio loquatur. Non autem refert, siue dicamus patrem cœlestem loqui, siue Salomonem. Nam & Salomon instinctu Dei, protulit has parabolas. Discemus ex hac præfatione, quomodo audienda sint oracula diuina, & quæ utilitas ex eis percipiat. Primum hortatur filium, ut accomodet aurem suam, & audiat uerba sapientum. Primus enim ad sapientiam gradus est auscultare quid dicatur. Multi sunt qui uerbum Dei nolunt audire: cum eius sit mentio, non secus faciunt, quàm phrenetici. Sæpe iubemur in scripturis audire. Non autem quibuslibet aures accomodandæ sunt: sed prudentibus, hoc est, si de negotio fidei loquendum sit, Moyfi, prophetis, Euangelistis & Apostolis. Quid uerò de doctoribus Ecclesiæ Ambrosio, Hieronymo, Augustino, Gregorio & alijs dicemus? Etiam illi audiendi sunt, multa enim præclare & sapienter scripserunt: sed si à sacris literis discrepent, standum est iudicio sacrarum literarum. In alijs etiam rebus, periti audiendi sunt: ex stultis enim nihil discas. Non autem satis est audire auribus, ideo addit, *Et appone cor tuum ad scientiam meam.* Idem intelligit per uerba sapientum, & scientiam suam. Sensus est, Cogita de his quæ dicuntur, da operam ut omnia rectè intelligas, & in animo recondas. Quemadmodum res charas & preciosas custodimus: ita uerbum Dei, in corde custodiendum est. Ponere ad cor, in corde, uel cor suum apponere ad aliquid, phrasi Hebraica significat, perpendere, cogitare de aliqua re, sollicitum esse. Esa. 47. Exod. 7. 1. Reg. 25. ca. & alibi hæc loquutio habetur. Qualis sit scientia uel doctrina illa patris, ostendit.

Noua præ-  
fatio libri  
huius.

Audienda  
sunt uerba  
sapientum.

19 Quia iucunda est (*scientia patris*) si seruaueris eos (*sermones*) in uentre tuo, & dirigentur pariter in labijs tuis.

נעים Naim decor, pulchritudo: est enim nomen substantiuum, secundum R. David in libro radicum. Potest etiam nomen esse Toar, inquit idem, à נענא, quod est mouere, demigrare: & sic est plurale à נענא, id est, uagus, quasi dicat, nisi custodieris illa in uentre tuo, citò erunt נעים naim, mobilia, id est, mouebuntur, effluent. Sed simplicius uidetur esse, ut dicamus, doctrinam amœnam esse, & iucundam, his qui eam in mentis penetralia recondunt, id est, qui eam intelligunt, & fide amplectuntur. In Psalmo dicitur, eloquia Dei dulciora esse melle. His enim qui non intelligunt, nec credunt, absynthio sunt acerbiora. Non autem satis est, in animo recondita habere, sed oportet proferre, non quidem ad ostentationem ex hypocrisis: sed quando necessitas postulat, & fidei edenda est confessio. Item alij instituendi sunt in religione, maxime uerò illi, quibus non datum est ueram religionem publicè audire. Dicunt multi, ego non sum concionator, tamen omnium Christianorum est, illos, qui postulant, in fide erudire. Hoc si faciamus, magis magisque in uera doctrina confirmabimur. כן kun significat confirmari, certificari, perfici.



19 *Vt sit in Domino fiducia tua, scire te feci (hæc) hodie, etiam tu.*

**Scopus scripturæ.** Quare tradita nobis sit hæc doctrina, ostenditur. Primum ut in Deo, qui nos per Christum uult saluos facere, & non in nostris aut aliorum operibus uel meritis, aut ullis alijs rebus creatis, spem & fiduciam ponamus. Etiam tu, scilicet, audiuiisti, uel custodi, aut cogites de illis. Hic est scopus totius scripturæ. Quomodo uerò hæc scripta sunt?

20 *Non ne scripsi tibi tripliciter in uel de consilijs & scientiæ*

**Quomodo sacra scriptura tradita sit.** Hic locus uariè ab interpretibus exponitur. *שלישי* schalischim triarij, uiri præstantissimi, nimirum qui tertium gradum habebant. Primo loco erat plebs, secundo procures regni, tertio erant summi principes. Apud Romanos in exercitu primo loco erant uelites, altero hausti, tertio triarij. Per metaphoram pro præcipuis dogmatis capitur. Vt supra in 8. cap. dixit, loquar negidim, principes, id est, insignia & præcipua quædam. Quidam referunt ad Deum authorem scripturæ, qui eam tripliciter scripserit, in Lege, Prophetis & Hagiographis. Quidam ad Salomonem, cuius tres libri extant, Prouerbia, Ecclesiastes & Cantica. Alij dicunt traditam esse tripliciter, iuxta triplicem statum hominum, scilicet, incipientium, proficientium & perfectorum. Alij exponunt, *scripsi tibi tripliciter*, id est, multipliciter (ternarius numerus perfectionis dicitur, etiam ab Aristotele in libello de cælo & mundo.) Res enim eadem mutatis uerbis sæpe repetitur & inculcatur. Deinde multiuariam Deus nobis patefecit uerbum suum. Hebr. 1. cap. Deus olim multiuariam multisq; modis locutus patribus per prophetas, extremis diebus hisce loquutus est nobis per filium, &c.

*In consilijs & scientia.*) Ad modum refero, quomodo hæc scripta sint, non temerè sed consideratè atq; scitè. Alij referentes ad materiam, reddunt, unde discas consilia, quo ad eligenda, & scientiam, quo ad credenda.

21 *Vt scire facerem te certitudinem uerborum ueritatis, ad respondendum eloquia ueritatis mittentibus te.*

**Scriptura de reb. maximis nos erudit.** Alius scripturæ usus ostenditur, Vt certus sis de rebus maximis, de quibus alia scripta nos certos reddere non possunt. Doctrina Ecclesiæ à Deo tradita, certa est & immota. Causa certitudinis, est reuelatio Dei, qui est uerax. Tertius sapientiæ Solomonis, atq; ad eò totius scripturæ, usus est, qui hoc loco ostenditur, *ut respondeas mittentibus te*, hoc est, ut officium tibi ab eis iniunctum, ritè præstes, & eorum expectationem non fallas. Vel, *mittentibus ad te*, hoc est, ut illis, qui de negotio salutis & alijs rebus doceri cupiunt, aptè possis respondere, & fidei tuæ rationem reddere. Hæc de præfatione: iam redit ad suum institutum, & filium monet de his, quæ ad ueram sapientiam pertinent. Per filium intellige, non tantum iuniores, sed omnis ordinis homines. Statim enim subijcit doctrinam, de non opprimendis pauperibus in iudicio, quæ pueris non conuenit.

22 *Ne diripias pauperem, quia pauper est, neq; conteras uel contundas ege- num in porta.*

**Pauperes non opprimendi iniquis iudicijs.** Sunt uaria genera pauperum, sunt uiduæ, pupilli, peregrini, senio confecti, qui nihil habent præter quod sudore suo comparant: his sua eripere, maximum quidem, sed uulgare inter homines est peccatum. Ideo sæpe de hac re Salomon agit. Hoc loco duos modos opprimendi pauperes, attingit: *Ne ui*, inquit, *diripias pauperem quia pauper est*, hoc est, quia nullos habet uindicet, & facillè potest opprimi. Vel hoc uult dicere, alioqui satis miser est, non addere debes afflictionem. Peccatum est diuitem spoliare, quantò magis pauperem? Addit, *neq; conteras egenum sub porta*, id est, ne opprimas eum sub specie iuris. Antiquitus enim in portis ciuitatum, coram uulgo egrediente & ingrediente, ius dicebatur. Deut. 16. Iob. 29. &c. Id autem fiebat ut commodius non tantum ciues, sed etiam agricolæ qui extra urbes agebāt, eò confluerent & citius expeditur. Pauperes itaq; neq; ui, neq; iuris specie opprimedi sunt. Ratio subiungitur:

23 *Quia Dominus iudicabit, uel litigabit, causam illorum, & rapiet à rapientibus eos, animam.*

**Deus uindex oppresorum.** *קצץ* kava conculcare, opprimere, supplantare. Pauperes iure suo aliquando depelluntur, sumptus ferre non ualent, appellare ad alios iudices non conceditur: attamen Deus iustus iudex, causam eorum iudicabit, asseret eos, & iniuriam eis illatam uindicabit, Luc. 18. Ab his qui deprædantur pauperes, animas auferet, hoc est, uitam hanc temporalem uel æternā. Implentur hæc sæpe in hac uita, sed nos non obseruamus hæc tristia exempla & iudicia Dei: quòd si hic non implentur, tamen in futuro seculo à supremo iudice, implebuntur. Deus patronus & uindex est pauperum, filium suum non solum pro diuitibus, sed etiam pauperibus, in mortem tradidit, quos ubiq; nobis commendat. Ne igitur eos lædas uel opprimas. Si contra potentes



tentes homines uel loquendum sit, uix hiscere audemus, metuentes eorum potentiam: cur igitur nos potentissimo cœli & terræ monarchæ opponimus? Colligunt ex hoc loco tyranni, qui propter ueritatem pauperes opprimunt, & iniusti iudices, mercenarij milites, usurarij & alij pauperum oppressores, quid à Deo expectent.

24 Ne associes te illi, qui iram retinet, & cum uiro furibundo ne ingrediaris.

**בַּעַל־אֵר** baalaf dominus iræ, habens iram. Hæc sententia uetat consuetudinem cum iratis & furiosis hominibus. Reperiuntur enim non pauci, qui leues ob causas magnas tragœdias excitant: duplicem rationem subiicit,

*Cōsuetudo  
cū iracūdis  
prohibetur.*

25 Ne forte discas uias eius, & accipias laqueum in animam tuam.

Primum si assidue uiuas cum iracundo, fies ipse quoq; iracundus. Tales enim plerumque reddimur, quales illi sunt, quibus cum uiuimus: natura enim procliues sumus ad scelera, iuxta prouerbum, Si iuxta claudum habites, claudicare disces. Iuuenalis:

Vuaq; conspecta liuorem ducit ab uua.

Alterum periculum est, ne laqueum accipias in animam tuam, hoc est, ne uita tibi eripiat, uel ab illo, uel ab alijs quos prouocaris: ne in mala te conijciat, ex quibus postea facile emergere non possis. Solent enim iracundi in proximum quemq; irruere, & eos aliquando ferro transfuerberare. Nominat homines iratos, sed ad alios quoque hæc sententia debet transferri. Si consuetudo iratorum est fugienda, multò magis Epicureorum, sicariorum, adulterorum, ebriorum, & aliorum id genus hominum. Expetenda est coniunctio cum pijs & honestis, quorum consuetudine meliores efficiamur. Potest hoc ad fœdera, coniugia & alias societates etiam extendi.

26 Ne sis inter percutientes manum, & inter fideiubentes pro debitis.

A' **נָשָׂא** nascha, deriuatur **מַשְׂעָה** masseah onus, hic pro debito accipitur. Munsterus reddit, ne sis inter illos qui fideiubent pro causis onerosis. Alij deducunt à **נָשָׂא** naschah, hinc **מַשְׂעָה** mascheath accommodatum seu mutuatum ab oppressore: idem autem erit sensus, ne sis inter oppignoratores pignorum, uel inter illos qui fideiubent pro debitis. Non simpliciter uetat, ne pro alijs fideiubeamus. Fideiussiones quæ uariæ habentur, per se non sunt illicitæ, sed potius opus charitatis & misericordiæ. Multi negotiationes & artificia sua exercere, prædia, agros, prata emere non possent, nisi alij pro ipsis fideiuberent. Cauendum autem docet, ne temere hoc faciamus: cogitandum quid fideiubeas, cui & pro quo, ne plura promittas quàm possis præstare, ne pro hominibus nihili, nam neq; ex ipsorum neq; tua re hoc esset. Deus non requirit, ut te & tuam familiam, temere in periculum conijcias. Si uerò quis incogitanter agit, conijcit se in certissimum discrimen. Sequitur enim:

*Fideiussio-  
nis pericu-  
la.*

27 Si non sit tibi ad reddendum, quare (alij reddunt, certe) tollet creditor lectum tuum de subtus te?

Sensus est, si non possis satisfacere creditori, cum alia ex domo tua, tum etiam lectum, suppellectilem necessariam auferet. Nō satsiet ei, si dicas, Falsus sum, non putabam hanc pecuniam à me exigendam: sed dicet, Sponde, noxa præsto est. Hoc multi magno suo malo experti sunt: ideoq; multi iurant, se non fore fideiussores: quanquam in hoc non rectè faciant. Non autem hæc ideo à Solomone dicuntur, quòd probet creditorum rigorem in exigendis debitis. Multi enim citra suum incommodum, solutionem possent differre: sed statim in miseros sponsores irruunt, & etiam culcitram sub capite auferunt. Exod. 22. lex uetat, ne uestem aut stragulum pro pignore detineas, sed sub uesperam restituas. Christus Matth. 18. crudelem illum exactorem reprehendit, qui irruerat in conseruum suum. Misereri illorum oportebat, qui aliena fide decepti sunt. Illi etiam pro quibus fideiussiones fiunt, discant, ne ingrati sint suis benefactoribus, sed fidem suam liberent, alioqui grauiter peccant, & efficiunt ut boni etiam uiri, fideiussores non inueniant. Qui incautè fidem suam obstrinxerunt, uideant ut eam liberent, non cogitent nihil ab eis exigendum. Addendum est etiam hoc, si in fideiussionibus, quæ per se non sint illicitæ, prudenter agendum est, quanto minus promittere debemus res per se illicitas? quemadmodum illi faciunt qui data manu, suis scortis fidem promittunt, qui promittunt se Euangelium pro uirili oppressuros, qui promittunt se abituros in mercenariam militiam, &c.

28 Ne transferas terminum seculi, quem fecerunt patres tui.

**אָרֶץ** hissig in hiphil significat retrocedere fecit, transtulit, uel egit retrorsum. Limitem seculi uocat, qui longo tēpore positus fuit. Secundum literam, uetat ne termini aut limites agrorū

*Terminus  
seculi.*



Cum iniuria proximi transferantur. Agrorum fines, signo quoque opiam discernuntur, ueluti saxo è terra prominente, palo, arbore, hisque similibus. Idem præcipitur Deut. 19. & 27. cap. maledicitur qui transfert terminos proximi sui. Iobis 24. inter impiorum flagitia, ponitur translatio terminorum. Dionysius Halicarnasseus lib. 2. scribit, Numam Pompilium, secundum Romanorum regem, statuisse, ut si quis occulisset aut transtulisset terminos, sacer esset, ita ut uolenti eum occidere tanquam sacrilegum, non solum securitas esset, sed & pollutionis expiatio. Addidit etiam superstitionem, quod homines magis à tollendi audacia auocarentur, quod in saxo uiolaretur Deus, quem Terminum uocabat, cui fanum & festum dedicauit, Terminalia. Imperatoriae quoque leges, terminum ἀνύπτου esse iubent, & illos qui limites conuellunt, seueriter puniunt. Similia etiam cogitanda sunt, ne metendo, construendis sepibus, ædificando, uicinis nostris molesti simus: ne ue alienas hæreditates occupemus, breuiter, ne opes cum alterius iniuria colligamus, & res alienas nobis usurpemus. Quæ de priuatis hominibus dicta sunt, ad principes etiam & magistratus pertinent. Non occupandi sunt aliorum agri, urbes, arces, ad proferendum fines regnorum. Graue enim hoc est peccatum, siue fiat aperta ui, siue sub specie iuris. Ierem. 49. bellum minatur Ammonitis, eò quod occuparint hæreditatem Israel in Gad & Gilead, quasi Israelitæ carerent hominibus, qui terram illam incoheret. Si obserues in historijs, inuenies illos qui occisis uel expulsis regibus, regna eorum ui occuparunt, tandem aliorum quoque perfidiam expertos esse. Hæc de literalis sensu.

*Allegoria.* Potest hæc sententia Allegoricè quoque intelligi. Primum quo ad politiam, non transferendi sunt termini antiqui, quos patres nostri posuerunt, hoc est, mores patrij, instituta & leges.

*Leges non mutandæ.* Non sunt laudandi aut ferendi illi, qui bonas leges suo arbitratu figunt & resigunt: firmas enim esse oportet. Nulla res perinde labefactare solet publicam tranquillitatem, atque crebra legum morumque mutatio. Hæc sententia in Ecclesiaste, alijs uerbis effertur: Qui diruit sepem, mordebit eum coluber, qui transfert lapides, affligetur ab eis. Demosthenes contra Timocr. scribit, Locrenses constituisse, ut si quis uellet legem nouam ferre, in laqueum collum inferens legem ferret, ut si non placeret, constructo laqueo periret. Idem Demosthenes, ciuitatis animam leges dicebat esse. Ut enim corpus anima carens concidit: sic ciuitas quoque, quæ nullis administratur legibus, diu stare non potest. Heraclitus Ephesius, ut est apud Laertium, dicebat, ciues non minus oportere pugnare pro legibus, quam pro mœnibus. Quod absque legibus ciuitas stare non possit, absque mœnibus autem possit. Sin autem patrij mores & leges perniciosæ sunt, non debemus eas tueri & conseruare.

*Religio non mutanda.* Quoad religionem, antiqui termini etiam non sunt transferendi, hoc est non noua doctrina, nec noui ritus inducendi. Papistæ inter alia quibus inuisam nostram religionem reddere uolunt, hoc uehementissimè urgent, nos transferre antiquos limites, qui à patribus constituti sint, hoc est, contempta fide & religione maiorum, nouam salutis rationem comminisci. Suis autem illis clamoribus, multos perturbant, & ueram religionem suspectam reddunt. In ciuilibus etiam controuersijs de iusta possessione locorum, præscriptio longi temporis proferri solet, eosque iuste possidere leges ciuiles affirmant, qui multis annis possederunt. Infestus sumus illis, qui nouas religiones inducunt. Semper autem nouitas plijs obiecta est. Prophetæ, Apostoli, Christus ipse audiuit, quod nouam afferret doctrinam. In ueteri Ecclesia idem factum esse, Tertullianus & Eusebius testantur: sed

*Euangelici non transferunt terminos.* omnes suspicionem nouitatis, à se & doctrina depulerunt multis argumentis. Ego paucis ostendam nos non sustulisse terminos antiquos: quos patres constituerunt, sed potius defendere & retinere, pro falsis, quos nocturni tanquam fures alieno loco posuerunt, ueros & legitimos reponere ac restituere. Si per patres intelligant Prophetas & Apostolos, quemadmodum Hieronymus interpretatus est, eosdem cum ipsis terminos obseruamus. Docemus enim primum nos omnes esse peccatores, ideoque æternæ mortis reos. Deinde Christum satisfecisse pro peccatis nostris: nos uero fide per Christum, participes esse meritorum Christi. Addimus, sanctè & pie esse uiuendum, aduersa patienter esse ferenda. Illi uero conuellunt hos terminos, qui hominis miseriam non agnoscunt, salutis præsidium non in solo Christo collocant: opera fidei non urgent, sed fictitia opera. Si per patres Origenem, Tertullianum, Cyprianum, Augustinum & alios ueteres intelligant, dicimus nos meliorem eorum partem, quæ hodie à nobis traduntur, ipsorum suffragijs comprobare. Quoniam uero in multis humanum aliquid falsi sunt, eorum iussu, ad sacras literas conuertimur, quibus per omnia sine exceptione credendum est. Illi uero egregij filij, errores tantum & lapsus eorum retinent, ex auro stercora legentes. Si per Patres intelligant Papas, multis coopertos sceleribus & putidulos monachos, de ijs prorsus non sumus solliciti. Non enim est obscurum, quo impulso plerique ex illis loquuti sint. Si qui inter eos boni & simplices fuerunt, temporum iniuria, & crudelitate aliorum, ad ueritatem penetrare non potuerunt. Sin uero intelligant patres, auos, proauos



proanos & abauos nostros, dicimus semper repertos esse, qui lupis illis cōtradixerint, sed nō prorsus se ex tam crassis tenebris potuisse liberare. Si illa lux Euāgelij fulsisset, gratissimis animis eam fuissent amplexati. Nō igitur est quōd Patres nobis obijciant. Deinde quōd uetustate gloriantur, immeritō faciūt. Nam si dogmata & ritus Papistici, de quibus hodie tam acerbē cōtenditur, ad ipsorum liberos & tabulas reuocentur, manifestē patebit noua omnia illa ferē esse, quæ pro uetustissimis uenditant. Quod si uetusta essent, tamē oporteret probare uerbō Dei esse cōsentanea. Veritati, ut præclare dixit Tertullianus, nemo præscribere potest, nō spācium temporum, nō patrocina personarum, non priuilegium regionum: quia Dominus noster Christus qui manet in æternum, ueritatem se, non consuetudinem cognominauit. Longum esset sigillatim omnia capita doctrinæ referre, pauca duntaxat attingamus. Limitem antiquum esse aiunt, quōd Petrus ab ipso Christo, ob egregiam fidei confelsionem spiritua-  
lis monarcha constitutus sit. Hæc omnia immodicē amplificant. Atqui sacra Euāgeliorum scripta diuersum testantur. Ipse Petrus in priore Epistola 5. cap. instituens presbyteros, se *πρεσβύτερον*, non principem aliorum appellat. Gregorius Magnus (qui 570. annis post Christi ascensionem in cōelos, uixit) non ne unus ex patribus fuit? Is disertē præcursoŕe Antichristi illum esse dicit, qui œcumenicus pastor & caput Ecclesiæ dici uelit. Historiæ testatur, hūc titulū à Phoca parricida demū cōcessum esse Bonifacio 3. Papæ Romano. Græcorū Ecclesiæ reclamauit Papæ, usq; ad annū Christi 1400. donec Eugenius 4. dolis & largitionib; à proce-  
ribus Ecclesiæ & Imperij Græci, hanc appellationē emēdicauit. Quod nos dicimus Christū unicū esse caput suæ Ecclesiæ, scriptis Apostolorū probamus. Limitē antiquū. i. ueterē doctrinā, esse dicūt, quōd idola habēda sint in tēplis. At Apostolicæ literæ simulachra fugienda docēt. An nō pater fuit Epiphanius, qui dixit nō fas esse uidere depictā uel Christi uel sancti ullius imaginē in tēplis Christianorum? Nota est historia de cōscisso uelo in quo imago depicta erat. An non pater fuit Lactantius, qui lib. Institut. 2. ca. 19. scripsit: nō esse dubiū, quin religio nulla sit, ubicunq; simulachrum est. Missam clamāt antiquū esse limitē, ab ipsis Apostolis positum. At Paulus qui multis annis post ascensionem Christi, epistolā suā ad Corinthios scripsit, dicit se eis illa tradere, quæ à Christo acceperit. Nihil autē dicit de histrionico uestitu, de gesticulationib; de transubstātiatione, de unica tantū specie danda Laicis, de sacrificio pro uiuis ac mortuis. A quib; hæc omnia inuenta sint, quando festū corporis Christi, ut uocant, institutum, historiæ loquūtur. Canon Missæ nō est ab Apostolis traditus, sed à multis Papis cōsarcinatus. Ordines Monachorū, dicūt ueterē esse limitē: at D. Paulus bonus ille pater, acriter in illos inuehitur, qui dicebant, Ego sum Pauli, ego Cephæ, ego Apollo. Legantur historiæ & tabulæ Monasteriorū, ac liquiddō apparebit, noui ne sint illi ordines, & ab hominibus excogitati, an uetusti & ab Apostolis traditi. In Concilio Lateranensi sub Innocentio 3. congregato, cautū fuit ne ordines monachorū augerētur, sed interea tēporis quot hinc inde exorti sunt? Nuper noua illa Iesuitarum secta emerſit. Fraternitates, ut uocant, ante paucos annos suū ortū habuerūt. Si dicendū sit de cōlibatu clericorū, de hypocriticis ieiunijs, D. Paulus manifestē testatur, exorituros homines qui impulsu satanæ prohibitori sint usum matrimonij & ciborum. Non ne Paphnutius, qui & ipse pater fuit, in Concilio Niceno se illis opposuit, qui Ecclesiæ ministris coniugij usum adimere conabantur? Apollonius de quo Euseb. eccl. hist. li. 5. ca. 12. Montano hæretico exprobat, quōd primū ieiuniorū leges imposuerit. Proferte loca quib; ostendatis ueteres illos ita sēuuisse in illos, qui carnē dieb; Veneris uel per quadragesimā gustassent. Si ante paucos annos aliquis tantum pecuniæ Papæ emissarijs numerasset, quantam nunc numerare tyrannis illis oportet, omni tēpore carnib; uescendi licentiam impetrare potuisset. Possem multa huius generis addere: sed sapienti occasionem dedisse satis est. Hæc cōsyderate diligenter uos Papistæ, & definite nos accusare, quasi terminos à patribus constitutos auellamus: Vos uos, terminos sustulistis, & totam possessionem cōturbastis, nos uerō contrā defendimus & retinemus. An non homines reuocamus ad sacras scripturas, quibus nihil habemus uetustius, ut proprijs oculis cernant ubi positi sint limites? An non uos totis uiribus obſistitis, ne plebei homines scripturas, tabulas antiquas legant, & uideant ubi positi sint limites? Cur ita urgetis *ὑπαφᾶ*, hoc est, fctas uestras traditiones, nisi quōd uestra ex scripturis non potestis probare? Videtis quis causæ suæ melius confidat? Definite igitur fidem ueterem nouam, & nouam ueterem appellare. Negare non potestis in singulis ferē Concilijs uestris multa subinde noua & Apostolicis temporibus incognita, hominibus esse obtrusa, & tandem falſorum dogmatum & ceremoniarum numerum immensum creuisse. Si adhæc fixi esse debent termini, quos uos constituitis, hoc est, patrum uestrorum doctrina, decreta & Canones, cur adeò licenter, quoties libet, illa omnia transgredi-  
mini? Sed de his nunc satis.

*Vetusta nō sunt, quæ pro uetustis habentur.*

*Caput ecclesiæ.*

*Idola in templis.*

*Missæ.*

*Ordines monachorum.*

*Iesuitæ. Cōlibatus.*



29 Vidisti uirum uelocem in opere suo: coram regibus stabit, non coram obscuris.

*Sedulitas.* Vidisti uelocem, id est, si quis est talis, Hebraica phrasi. Hæc sententia commendat sedulitatem & industriam. Nam per uirum uelocem, intelligit strenuum & sedulum, in rebus agendis. Coram regibus stabit, uel statuet se, id est, ministrabit eis. Serui enim stant in cōspectu dominorum suorum, ut exequantur quæ in mandatis acceperint. Sic Lucæ 1. cap. Archangelus Gabriel dicit ad Zachariam patrem Ioannis, Ego sum Gabriel, qui astiti in conspectu Dei: id est, minister Dei, paratus ad omnia mandata. Qui periti rerum sunt, strenui, diligētes & fideles, magni fiunt ab hominibus, & aliquando ex infima fortuna ad maximas dignitates euehuntur. 1. Reg. cap. 11. cum Salomon obseruasset, Ieroboamum in rebus agendis diligentissimum esse, præfecit eum tributis & uectigalibus exigēdis, à tribu Ephraim & Manasse. Discat igitur quisq; in sua uocatione, industriam & alacritatem: iuuenes imprimis hanc uirtutem sibi comparent. Immeritò queruntur se non promoueri ad dignitatem aliquam, qui neq; uirtuti neq; literis dant operam: sed desidia & ocio quodammodo marcescūt. Magnis enim rebus, homines industrij, non ignaui fuci adhibendi sunt. Cum uerò in exequendis hominum mandatis, nos tam industrios esse oporteat, multò magis in diuinis negocijs, summā diligentiam adhibere conuenit, ut Deo opt. Max. nos probemus.

## CAPVT XXIII.

Cum sedebis ad comedendum cum principe, intelligendo intelliges, quæ sunt coram te.

*Quid in mensa faciendum.*



RIMI tres uersus cohærent, & quo pacto se homines ad mensam, in consessu magnorum uirorum gerere debeant, ostendunt. Si uel inuitatus, uel aliàs cum primarijs uiris comedas, diligenter considera, quæ ante te sint posita, qualis cibus aut potus, quæ eorum sit natura. Ne manum in patina ad omnia extendas: accipe quæ coram te posita sunt: si sint delictiora, ne instar canis solus comedas: caue etiam ne immodico cibo aut potu te oneres. Vnum hîc ponit, alia quoq; intelligenda sunt, de quibus Eccles. 31. aliquid habetur. Cōsidera quæ sint coram te. Luth. reddit, *Quid coram te geratur, hoc est, uide quid agas.*

2 Et pones uel pone, cultrū uel spinam, in gutture tuo, si dominus animæ es tu.

Si dominus animæ es, id est, si crapulæ indulges, pones cultrum uel spinam in gutture, id est, magnum malum accipies. Crapula enim & ebrietas, multos perdidit. Multi loquuntur bene poti, quæ postea per iugulum redeunt. Vel, si dominus es animæ, id est, si nosti te animam habere gulæ deditam, si incitat te appetitus, ut etiam alia concupiscas, intenta cultrum gutturi, hoc est, cohibe te ipsum, ueluti cultro gutturi immisso, ne immodicè edas uel bibas, & quæ tibi non sunt proposita concupiscas. Vel, quod magis placet, si *הַיְיב* baal dominus animæ tu, id est, amator uitæ tuæ es, ponas cultrum in gutture tuo: Luth. reddit, *si uitam conseruare uis.*

3 Ne concupiscas cibos eius, cum sit panis mendaciorum.

*Ciuitas morum in mensa.* Ad uerbum est, Ne desideres à gustando, accipit autem pro cibis delicatis. Periculosum est edere cum principibus, ideo mensam regiam non appetas. Panis est mendaciorum: fallit multos, non consequuntur quod sperant. *Es muß einer etwan dōuwen.* Item uanus est cibus ille delicatus, & non prodest esus eius. Vel ideo sic dicitur, quòd illos sæpe mentiri oportet, qui regalibus mensis & dapibus adhibentur. Docet his uersibus, ciuitatem morum in mensa seruandam esse. Res uidetur parui momenti: sed Christus quoq; pharisæos & scribas Luc. 14. de eadem re instituit. Rectè quoq; faciunt parentes, qui liberos suos non tantum docent, qui mores in mensa seruandi sint, sed etiam in cubiculo, foro, templo, & alijs in locis.

*Potentum familiaritas periculosa.* Altior sensus est, prudenter agendum esse, si cum principibus uersetur. Vide quæ sint ante te, uide quid facias, quid dicas. Periculosa enim est eorum familiaritas, quæ per communem mensam intelligitur. Nam si quis uel dicit uel facit aliquid, quod eos offendit, statim ulciscuntur. Nemo autem tam circumspēctus & cautus est, qui non inter scyphos aliquando liberior aliquid effutiat. Multi bene poti dicunt, quæ subiecti tormentis non dicerent. Solent autem potentes, per uini lene tormentum, aliquando hominum cogitationes & consilia explicari. In fabulis olla lutea, aheni congressum uitat, ne incurrens in hoc, conteratur. Quid. lib. 3. de tristibus.

Vñbus



Vsibus edocto si quicquam credis amico,  
Vine tibi: & longe nomina magna fuge, &c.

Morat. lib. 1. epist.

Dulcis in expertis cultura potentis amici,  
Expertus metuet, &c.

Seneca quoq; præclare scripsit:

Ster quicunq; uolet potens,	Aulæ culmine lubrico:
Me dulcis saturet quies,	Obscuro positus loco,
Leni perfruar ocio,	Nullis nata Quiritibus,
Ætas per tacitum fluat.	Sic cum transferint mei
Nulla cum strepitu dies,	Plebeius moriar senex.
Illi mors grauis incubat,	Qui notus nimis omnibus,

Ignotus moritur sibi.

Pleriq; appetūt aulas principū capti illecebris: sed tutissima uita est, q̄ degitur cū equalib. Sin uerò necessitas in aulā uocat, prudēter est agēdū, ne temere principis offensam incurramus. Socrates suadebat, ut est apud Stobæū, *ὡς ἡνιγα τοῖς δυνασταῖς, ἢ ὡς ἡδιστα ὀμιλᾶν*. Prouerbio dicitur, Porro à Ioue atq; à fulmine. Veteres Græci teste Suida, præceperūt, *ἄλλω πρὸ μέγιστος ἀνδρὸς*, maiorem uitate uirum. Syracides 13. multa habet, de lenonina illa societate uitanda.

#### 4 Ne labores ut dīteris, ab intelligentiā tua cessa.

Nō reuocat nos à labore (suprà enim nō semel nos ad laborē adhortatus est. Paulus quoq; ad Eph. 4. ca. laborare nos manib. iubet, ut nō tantū nos necessaria habeamus, sed egēti quoq; possimus cōferre) sed admonet, ne nimis simus solliciti, si nostro labore non magnas opes colligamus: qn̄ potius benedictionē à Deo expectātes nihil agamus cōtra uocationē nostrā. Sūt multi, qui quasi inuito Deo, opes uolūt colligere, ideoq; se magnis malis implicāt, 1. Tim. 6. Qui uolunt ditescere, incidunt in tentationem & laqueum, & cupiditates multas, stultas, ac noxias, quæ demergunt homines in exitium & interitum. Si quidem radix omnium malorum, est studium pecuniæ, &c. Si uidemus Deo placere, ut pauperes simus, paupertas æquo animo ferenda est: sin opes nobis conferat, rectē ad ipsius gloriam illis utamur.

Ab intelligentia tua desine.) Scilicet, conquirendi opes, omitte illas artes, expecta benedictionem Domini.

#### 5 Num cōñicies oculos tuos in eas, cum nullæ sint: quoniam faciēdo

faciunt sibi alas sicut aquila (quæ) uolabit in cœlos.

Causam reddit, cur opes nō sint cumulandæ, quia fluxæ sunt & instabiles. Dum eas tenere nos putamus, momēto effluunt. Rem similitudine illustrat. Quēadmodum aquila in altum uolat, ut conspici amplius non possit: ita opes aliquādo nobis inspectantibus auolant & euanescent, *syzerstībend vnd zerflügend*. Similiter dicit Euripides in Phœnissis:

*ὁ δ' ὅλος ἀδίνως καὶ μετὰ σικαῶν σινὼν  
ἐξέρχεται οἰκῶν βραχὺν ὀμιλήσας χρόνον.*

Basilii dicit, Fluxa diuitiarum natura, torrente celerius possidentes prætermeat. Et, aquam citius manu comprehensam tenueris, quā diuitias seruaueris, &c. Multa enim sunt, quæ opes auferre possunt. Opes habemus uel in pecoribus, uel in agris, pratis & uineis, uel domibus, uel in negotiationibus, uel præfente pecunia, uel tritico & alijs frugibus: at quā multis casibus hæc omnia sunt obnoxia? Frumenta cum malignè reponuntur, curculione infestantur, &c. Hæc ad iustas quoq; opes pertinent, quid de iniustis dicemus? Fingamus fixas esse & stables, tamen nos sumus caduci. Hæc cogitantes non locemus spem in diuitijs incertis, neq; excogitemus subinde nouas artes & dolos: non falsis ponderibus & mensuris utamur, non uitiemus merces, ne dicamus bonas esse, cum malas esse probè scimus: ne adulterinam monetam alijs demus, &c. Multi *πολυτεννίαν* prætexunt. At nulla est hæc excusatio. Non ne multa dicis & facis, quæ dicenda & facienda non erant, ne hominum fauorem amittas, qui liberis tuis prodesse possunt? Quæ igitur (malū) demētia est, quod liberis tuis prospere aut putas, si Deū offenderis? homines ne plus prodesse, & obesse tuis liberis possūt, an Deus?

Quoad linguā, *וָאֵף* of, significat uolare. *וָאֵף* uolabit, ubi uas p̄ iod tertiā futuri, litera dicitur positū. In hiphil *וָאֵף* heif, facio auolare. Si auolare feceris oculos tuos ad illud. Significat etiam, facio splēdescere: hinc R. David in li. radic. Num splēdescere facies, uel illustrabis oculos tuos, ut diuitias aspicias: sed nō erūt, euanescent sub aspectu tuo. Sunt qui exponūt, Num geminabis oculos tuos: quasi diceret, cū geminaueris, id est, clauseris oculos tuos, nō inuenies illas. Mūsterus reddit, An non cum admoueris oculos tuos ipsis, illæ diuitiæ non sunt: hoc est, uix poteris mouere oculos, & pereūt diuitiæ.



6 Ne comedas panem, malum oculum habentis, & ne concupiscas pulmenta eius.

*Malus oculus.* Conuiuia inuidorum, & auarorum, non appetenda esse docet. Malus oculo, Hebraica phrasi etiam in Euangelica historia, inuidum & sordidum significat. Nam quemadmodum illi, qui uitiosos oculos habent, solem intueri non possunt, ita inuidi, aliorum successus. Deinde inuidia ex oculis maxime relucet. Suprà capite uigesimo secundo uers. 9. hac phrasi etiam usus fuit.

7 Quoniam sicut quis mensuram ponit in anima sua, sic ipse. Comede & bibe, dicit tibi, cor autem eius non est tecum.

Rationem subiungit, quare inuidi & sordidi conuiuia non sint appetenda, quoniam præscribit apud se mensuram certam, quam si tu comedendo excesseris, indignè fert. Dicit quidem, Ede, bibe, esto læto animo, sed non ex animo loquitur, non gratus es hospes, mensurat & numerat quicquid comederis, quicquid facit, inuitus facit: nostri dicunt, *Er wercket en büß ab.* Reperias non paucos, qui mercenarios, famulos, quin uxorem & liberos, auidè comedentes & bibentes, toruis oculis inspiciunt. *וַיִּשְׁחַר* significat spectrum seu terribilem mentum apparuit: hinc quidam reddunt, *Quia sicut spectrum fuit in anima, ita ipse est.* Comede, &c. mallet ipsum diabolum uidere, quàm auidè comedentem. *וַיִּשְׁחַר* uertunt etiam cogitare, existimare, *quia sicut cogitauit uel existimauit animo suo, sic fuit.* Significat item certam mensuram, quam interpretationem ego sequutus sum. Cum *schin* in sinistro cornu, horrorem significat, hinc quidam reddunt, *sicut horror in anima eius, sic ipse.*

8 Buccellam tuam, quā comedisti euomes, & perdes uerba tua dulcia.

*Conuiuiales sermones.* Si te ingratum hospitem esse sentias, non grata sunt fercula: sed nauseam excitant. Si lepidum quid in mensa dixisti, optares te pisce magis mutum fuisse. Debent, ut obiter hoc annotemus, conuiuiales sermones, non quidem de grauibus rebus institui: sed de iucundis & iocosis. De hac re uide Macrob. Saturnal. lib. 1. cap. 1. & lib. 7. cap. 7. Peccant qui inter pocula, de theologicis rebus subtiliter disputare uolunt, qui alios obtrestant, qui fœdis & obscenis sermonibus utuntur. Cogitandum enim erat, nos Dei hospites esse. Per communem mensam, scriptura familiaritatem intelligit. Videndum igitur, ne inuidos in amicitiam nostram recipiamus, & ne nos hoc uitium, commune quidem & peruagatum, sed atrox, occupet. An non magnum est alijs inuidere illa, quæ liberalis & munificus Deus eis concessit? Hoc tamē bonum in se habet inuidus, ut ueteres tradunt, quod seipsum punit. Philosophus quidam, conspiciens inuidum demisso capite & tristi uultu, Nescio, inquit, an tibi aliquid acciderit mali, an alteri boni quidpiam. Nos gaudere potius debemus, si alijs bene succedat: mala aliorum propulsare, & Deo gratias agere, si uarijs bonis alios cumulet, &c.

9 In auribus stulti ne loquaris, quia contemnet intellectum eloquiorum tuorum.

*Qui stultū erudire uult, perdit operam.* Qui alios utiliter docere, exhortari & reprehendere uolunt, duo potissimum obseruare debent. Primum, tempus, ut idoneo & opportuno tempore hoc faciant, ne operam perdant. Deinde quæ & quales illæ sint personæ, quas docendas & corripiendas susceperunt. Multi enim doctrinæ & exhortationis non sunt capaces, sed subinde deteriores fiunt. Ideoque sapiens hoc loco monet, ne coram stulto, hoc est, stupido uel contemptore Dei loquamur: contemnit enim quæ sapienter & prudenter à nobis dicuntur, & sedulè inculcantur. Syracides duplici similitudine hanc sententiam capite uigesimo secundo, illustrat: primum dicit, illum qui stultum docet, non secus facere, quàm qui testam conglutinat. Hydria in multas partes confRACTA, non potest conglutinari: qui partes inter se committere conatus fuerit, inaniter laborat. Secundo loco, eum loqui cum dormiente, qui excitatus à somno, quid est? inquit. Possunt ad eandem rem declarandam, aliæ similitudines quoque adhiberi. Qui surdo loquitur, aut homini non intelligenti linguam aliquam, item ebrio, frustra laborat: ita qui cum stulto aures suas præcludente ad ueritatem, & temulento perniciosis opinionibus multis agit. Qui sterili agro semina committit, non faciet sementem, sic qui stultum erudiendum susceperit. Christus quoque uerbis & exemplo suo idem docuit: nam Matth. 7. monet nos, ne sanctum proijciamus canibus, & ne margaritas spargamus ante porcos, ne fortè ab illis conculcentur, & conuersi lacerent nos. Hoc est, hominibus porcinis & caninis moribus præditis, non proponenda est cœlestis doctrina. Cum duceretur ad Herodem noluit ei respondere. Exemplis huius gnomæ hodie abundamus: Multi enim surdi sunt ad omnes conciones. Cauendum tamen, ne statim in stultorum numero illos habeamus, qui non per omnia nobiscum sentiunt, aut non statim se erudiri patiuntur. Sed qui agnitam

ueritatem



veritatem priuati commodi studio uel recipere nolunt, uel deferunt, de his parum spei est habendum. Plerumq; enim à Deo in reprobum sensum dantur, ut non patiantur se erudiri: auro loquente, nil pollet quæuis oratio. Quod phrasim attinet, In auribus stulti loqui, est coram stulto loqui. Gen. 23. bis legitur hæc formula loquendi. Latinis in aurem loqui, clam significat loqui. Clamare in aures, Ierem. 2. cap. disertè dicere, continuè inculcare.

10 Ne transferas terminum antiquum, & in agros pupillorum non introeas.

Primum membrum huius sententiæ, suprà expositum est: alterum, docet ne simus iniurij in pupillos. יתום iathom, Hebræis pupillus dicitur, à תם thamam, quod inter alia significat consumere, quoddam parentes eius consumpti sint. ὀρφανός Græcè. Nam quoddam Laurentius Valla, inter pupillum & orphanum distinguit, frivolum uidetur. Non uult dicere, per se nefas esse in agros pupillorum ire: sed hoc animo, ut uastes uel occupes agrum. Agrum nominat & alia quoq; intelligit, prata, uineas, domos, ac quæcunq; pupillorum sunt. Si quis diuitum hortos, agros, uineas, prata ingreditur ad colligendū fructus, peccat: quātō magis qui agrum pupillorum ingreditur, qui præ alijs misericordiam merentur?

11 Quia redemptor illorum fortis est, ipse litigabit litem eorum tecum, uel contra te.

Stulti homines existimant nihil referre, si pupillos lædant, eò quoddam se contra iniurias defendere non possint, nec habeant qui causam eorum agant: at longissimè falluntur. Et si enim de iniurijs apud iudices non querantur, aut probare nihil possint, aut iudices eos asserere non uelint contra potentes: tamen Deus causam eorum defendendam suscipiet. Is se uindicem pupillorum profitetur. Vox ἄναγος significat assertorem, uindicem, redemptorem, qui iure propinquitatis, sanguinem interfecti propinqui uindicare potest. Addit, illum uindicem fortem esse: id quod multis operibus declarauit. In eius manu & potestate omnia sunt posita, angeli, & homines, tam boni quàm mali, bruta animalia, elementa, tonitrua, fulmina ei inferiunt. Omnipotens ille Dominus, pupillorum causam contra te litigabit: falli possunt terreni iudices, à lubricis & uersipellibus hominibus, corrumpi possunt muneribus, at Deus cui reddenda est ratio, non fallitur. Multa etiam alia de pupillis continentur in sacris literis. Deus se tutorem illorum profitetur: præcipit ut eis beneficiamus, ueritatē ne eos lædamus, promittit ingentia bona illis qui eis beneficiunt, comminatur atrocia supplicia illis, qui eos lædunt. Longum esset omnia loca sacra scripturæ proferre, insigniora tantum attingemus. Psal. 68. Deus orphanorum pater, & index uiduarum appellatur. Deuteronom. 10. cap. de Deo dicitur, quoddam ipse faciat iudicium pupillo, uiduæ, atq; amet peregrinum, dans illi panem & uestimentum. Exod. 22. Nullam uiduam & pupillum opprimeris, &c. Deuteronom. 14. decimam tertij anni reponere iussit pro peregrino, uidua & pupillo, idque facientibus, suam benedictionem promissit. Deut. 24. uenit ne manipulum in agro relictam auferrent: sed peregrino, pupillo & uiduæ relinquerent. Deut. 27. scribitur, maledictus qui peruerit iudicium peregrini, uiduæ & pupilli, & dicit omnis populus, Amen. Isa. 1. cap. inter alia grauissima peccata quæ Israelitis obijcit, hoc etiam commemorat, quoddam principes pupillo non iudicent. Ierem. 5. cap. Causam nullam, inquit iudicant, etiam pupilli, & num quid hæc non uisitabo? dicit Dominus. Omitto quæ Psalm. 94. Isaia 10. Ierem 22. Iob 24. & 31. Iacobi 1. & alijs in locis de pupillis leguntur. Imperatoriæ quoq; leges multæ sunt, de tutoribus pupillorum. Eusebius in uita Constantini lib. 1. inter alia Imperatorem laudat, quoddam superato Maxentio, orphanorum, patris instar curam gesserit, & uirgines orphanas uiris nuptum tradiderit. Veteres sua habuerunt ὀρφανοτογρία. Ideo autem leges tum sacra tum ciuiles, multa de pupillis continent, quoddam multis iniurijs sunt expositi, siue pauperes, siue diuites sint: uiribus enim & consilio destituuntur. Hominum igitur perfidia & cupiditas frenanda fuit. Facit autem hoc ad consolationem pupillorum, quoddam Deus tantam eorum rationem habet, ut eorum salutem legibus muniat. Discant igitur, in Deum patrem, omnem suam spem collocare, & tanto patre non indignè uiuere. Alij etiam discant, ope & consilio eos iuuare. Peccant grauius qui pupillos lædunt. Quales sunt matres illæ quæ liberorum hæreditatem à patre relictam prodigunt: tutores, qui suis potius quàm pupillorum commodis student: iniqui iudices, monopolæ & usurarij, qui agrum agro, domum domui, cum iniuria pupillorum iungunt: impij milites, qui pupillos primum faciunt, deinde agros, uineas, prata & hortos pupillorum uastant, arbores fructiferas excindunt, domos exurunt, & miseros fame cogunt contabescere. Monachi item & sacrifici, qui purgatorii tormenta amplificantes, pupillos suam hæreditate spoliant: sentient profectò illi omnes uindicem. Si Deus non statim eos puniat,

Pupilli.

Deus est  
uindex pu-  
pillorum.



pœnam tamen non effugient. Quæ de pupillis dicta sunt, accommodanda sunt alijs quoq; pauperibus, pressis & afflictis, qui ope aliorum destituuntur, quales sunt peregrini & uiduæ. Plerunq; autem in scripturis, peregrini & uiduæ & pupilli coniunguntur.

*Ecclesia pu-  
pillo com-  
paratur.*

Ecclesia etiam in scripturis, ueluti Hoseæ 14. pupillo comparatur, eò quòd præfidijs huius mundi destituta sit, & omnes ei nocere cupiant. Valde autem peccatur ab illis, qui eam male tractant: Deus eos puniet, & Ecclesiam suam conseruabit.

12 Fac ingredi ad eruditionē cor tuū, & aures tuas ad eloquia sciētiæ.

Hæc sententia non ad pueros tantum, sed & adultos pertinet. Pueri de correctione, siue uerbis siue uerberibus fiat, cogitare debent. Adultis etiam cordi sit, si uel ab amicis, uel à ministris Ecclesiæ ex uerbo Dei, uel magistratu, uel Deo ipso corrigantur. Deinde aures suas debent applicare uerbis scientiæ, quæ auditoribus scientiam reddere possunt, non spurcis aut inanibus, ut nunc sunt mores hominum. Quoniam uerò pauci sunt pueri, qui sua sponte hoc faciant, ad parentes sermonem conuertit.

13 Ne prohibeas à puero correctionem: si percusseris eum uirga, non morietur.

*Castigatio  
liberorum.*

Castigatio puerorum non utilis tantum est, sed etiam necessaria, proinde eis adhibenda est. Qui liberis parcat & ad uitia eorum conniuet, is perdit eos: qui autem eos castigat, is salutem eis præbet. Non ergo rectè faciunt patres illi, qui à matribus nolunt petulantiam puerorum uirga coerceri: neq; matres quæ sua indulgentia filios corrumpunt, nec ferre possunt, si à patre liberos uideant flagellari. Puer est, inquiunt: at ideo est castigandus. Nam si adoleuerit, nihil plagis efficies. In chartam mundam potes scribere quæcunq; uolueris, postquam autem atramento perfusa est, non item. Nisi sponte faciant quod debent, plagis nihil efficies, inquiunt: at falluntur. Cur enim Deus castigari eos uellet? Sin autem non emendentur plagis, tu tuum fecisti officium, nec fraudaberis præmio tuo. Pulchram similitudinem affert nobilis ille Argentinensis ecclesiæ doctor Keyserpergius, de Æthiope, qui si balneum ingreditur, etsi albus non fiat, tamen balneator mercedem suam recipit. Amisit patrem suum puer, inquiunt, alioqui satis est afflictus: at si eum suo more uiuere sinas, uitam in super, famam & animam quoq; tua culpa amittet. Multæ præpostero quodam amore, liberis parant, & castigatis condolent: has solatur sapiens, non morietur, inquiens, filius tuus. Quod non solum de temporali morte, sed etiam de æterna expono: non morietur æterna morte, si eum castiges, & ille castigationem nō auersetur. Quid per uitam & mortem scriptura intelligat, sæpe annotauimus.

14 Tu uirga percuties eum, & animam eius ab inferno eripies.

*Discipline  
comédatio.*

Vsum castigationis puerorum ostendit, fiet melior, & supplicium effugiet. Notandum autem est quod dicit, *uirga percuties eum*, non pugnis, non fustibus, quemadmodum solent furiosi quidam, maximè cum mero incaluerint. *סֵפֶל* *scheol*, sepulchrum & infernum, hoc est locum æterni supplicij significat. Si castigationem adhibueris filiis tuis, animam eorum à temporali & æterna morte erues. Si filios tuos, qui nunc se reperisse aliquid, nunc dono accepisse, nunc mutasse dicunt, non coerceas, paulatim discent aliena surripere, & tandem agentur in crucem. Si eos ad pugnandum cum alijs horteris & instiges, tandem pœnas dabunt. Alia etiam flagitia committentes, punientur. Si non doceas eos ueram religionem, sed falsam, tandem animam quoque perdent. Sin uerò religiosè instituas, & castiges, animam eorum eripies. Paulatim enim animi eorum, à uitijs ad timorem Dei traducentur. Mirum est matres tantopere commoueri, si in amnem uel ignem liberos uideant incidere, non tamen sollicitas esse, ne in ignem æternum cadant. Finis igitur sit castigationis, ut eripias ex inferno. Magna est illorum cæcitas, qui huc spectant tantum, ut liberi ipsorum magni sint in hoc seculo, utq; eos prouehant, illicitas uias quærunt, detrudunt in monasteria, & alia facere iubēt, quæ æternum interitum eis adferunt. Quod si euentus diligentiae & labori parentum non semper respondeat, nihilominus tamen suo officio deesse non debēt.

15 Fili mi, si sapiens fuerit cor tuum, lætabitur cor meum, etiam ego.

Fructus castigationis liberorum hic est, quòd filij sapientes redduntur. Sin autem uerè sapiant, maxima uoluptate parentes afficiunt. Post mortem enim superstites quodammodo sibi uidentur esse in liberis. Qui castigationem liberis adhibere noluerunt, molesteq; tulerunt, si alij eos castigarunt, carebunt illa læticia. *Etiam ego.*) Apopsiopepsis est, scilicet, lætabor: aut fortè uult dicere, exhilaraui parentes meos.

16 Exultabunt denique renes mei, cum labia tua loquentur recta.

Munsterus reddit, *Intra me.* Si filij non per se tantum sapiant, sed alijs etiam suo sermone profunt,



profint, & eloquentiæ donum habeant, maximum sentiunt gaudium parentes. Per renes, interiores affectus & cogitationes intelligit. Potest etiam hæc sententia ad patrem cœlestem referri, qui ut obscœnis & turpibus sermonibus offenditur, ita gaudet, si filij eius, pia & honesta loquantur.

17 Ne æmuletur cor tuum peccatores, imò potius in timore Dei (esto) toto die.

Si omnia ex animi sententia cedant impijs, homines pij magnopere commouentur, se- *Impiorum*  
iplos cruciant, erumpunt in uoces tantum non impias, parumq; abest, quin uitæ integrita- *felicitas.*  
tem aliquando detestentur, & impios imitari incipiant. Deus itaq; multis scripturæ locis, pios munit & confirmat, contra impiorum felicitatem. *כִּנְנָה* kinne significat imitari & inui-  
dere. Dicit igitur, ne tibi doleat, ne te cruciet, si uideris peccatores prospere habere. Item, ne imiteris eorum mores, licet multi eorum sint, & magni, ac diu uideantur triumphare.

Sed in timore Dei persta toto die. Vel, æmulare uirum timentem Deum. Cogita Deum dixisse, ne facias homicidium, adulterium, ne fureris, ne sceleratè uiuas, &c. Nec solum priuatis, sed publicis exemplis ostendit, quàm sibi uita scelerata displiceat, ueluti diluuiò, deletione Sodomorum, & alijs. Addit, *Toto die*, id est, perpetuò persistendum esse: quidam enim aliquandiu Deum timent, & pios imitantur: sed tandem cum pios cruci subiectos uident, impios uerò feliciter habere, labascere incipiunt. Constantia itaq; requiritur. Subiungit nunc causam, cur impij non sint imitandi, & quare timendus sit Deus.

18 Quia reuera est finis (uel merces) & expectatio tua non succidetur.

Felicitas impiorum, non æternum durabit, sed finem habebit: nec præsens tantum eorum status cogitandus est, sed finis respiciendus. Terminum eis Deus constituit, ad quem properant, quemq; statim assequuntur. Hoc facillè intelliges, etsi diuersum nunc tibi uideatur, si cogites quàm angustis spatijs, uita nostra circumscripta sit. Multa potentissima imperia corruerunt, quomodo igitur priuati illi homines consisterent? *אָחָרִית* acharith, finis, postremum, residuum, item merces, eò quòd sit finis operis. Impij post hanc uitam mercedem suam accipient, non enim, ut ipsi putant, homines moriuntur more pecudum, ut anima cum corpore intereat. 2. Cor. 5. cap. Omnes nos manifestari oportet coram tribunali Christi, ut reportet unusquisq; ea quæ sunt per corpus, secundum id quod fecit siue bonum, siue malum. Nec dubitandum est, quin uices futuræ sint, ut impij malè, pij uerò bene habeant: addit enim *אָכִי* im, quod hoc loco significat, uerè, certè, omnino. Totus hic uersus, meo iudicio, de pijs quoq; commodè intelligi potest. Etsi ab impijs affligantur, tamen finis erit. In omnibus periculis cogitandum est Vergilianum illud:

Dabit Deus his quoq; finem.

Deinde si perstent in timore Dei, non perdent mercedem suam, nec spe sua frustrabuntur. Qui in rebus caducis spem suam ponunt, sæpe falluntur, at qui spem suam in Deo figunt, nunquam. *אָחָרִית* acharith, etiam significat posteritatem, ut Psal. 109. Fiat posteritas eorum in excidium: hinc Tigurina uersio habet, *Quoniam ecce est tibi posteritas: ut sit sensus, Deus posteritatem tuam conseruabit, si in uero eius cultu persistas. Vel, uiues in multos annos.*

19 Audi tu fili mi, & sapiens eris (uel esto) ac ambulare fac per uiam cor tuum.

Hoc uult dicere, Etsi uideas magnas hominum turbas ad inferos præcipites ruere, tu tamen mihi auscultare ne dedigneris. (Multi enim bene monentibus ne aures quidem præbere uolunt) ut sapiens fias, uel, & sapiens eris. Primus enim gradus est ad sapientiam, audire quæ nobis dicuntur.

Et dirige in uia cor tuum.) Hoc est, uide ut rectas opiniones de Deo habeas, & iuxta legem Dei uiuas, non sequens cor tuum. *יִשְׁכַּח* ischer significat, beatum reddere, & ambulare uel incedere. Est Piel uocis actiue, recto pede incedere, dirigere gressum. Tigurina editio habet, *Ut beatum sit in uia cor tuum. Santes, Beatificabit in uia, s. sapientiæ Cor tuum, uel intransitiuè, Et beatum erit, &c. Forsterus reddit, Gradere in uia cordis tui.*

20 Ne sis cum potatoribus uini, neq; cum uoratoribus carnis sibi.

Vetat consuetudinem cum ebriosis & liguritoribus. Vini & carniū usus moderatus, homini concessus est, sed luxus taxatur. Pronomen *sibi*, interpretes omittunt, sed sensus esse uidetur, sibi comedunt & bibunt, hoc est, ipsi dabunt pœnas. Sic suprâ dixit, qui illusor est, sibi est illusor.

21 Quia potator & commessator, pauperes efficiuntur, & uestibus lacertis induet (hominem, uel induere faciet) dormitatio.



Causam reddit, quare cauenda sit crapula & ebrietas, quia homines in paupertatem conijcit. Potuisset alias multas commemorare, sed hanc ponit, quia omnes paupertatem ualde exhorrescimus: quasi dicat, Si non mouet te amor uirtutis, moueat saltem te euitatio paupertatis. Quomodo autem luxuriæ in cibo & potu dediti, in paupertatem incidant, uidere non est difficile. Non enim contenti uulgari uino, uolunt habere preciosum, cibos etiam delicatos. Deinde uini non parum: urgent se inuicem ad bibendum, pueris, & aliquando brutis quoque animantibus, uina infundunt: multum etiam uini effundunt, in mensas, in terram: quotidie nouas occasiones aucupantur, nunc sunt nuptiæ, nunc festiuitates, nunc cautus est aliquis prole. Adhæc diu ad mensas desident, ientaculum excipit prandium, prandium merenda, merendam cœna, &c. Multi multis diebus in diuersorijs publicis morantur: ita plus consumunt, quàm lucrari potuerint. Dum laborandum erat, & honestum faciendum lucrum, tempus in hospitij publicis teritur. Famuli interim negligentes sunt & remissi, nisi præsentia patrisfamilias, eos ad opus impellat. Vxor quoque de sua diligentia & industria aliquando remittit. Ebrij adhæc liberales sunt, nam pro alijs helluonibus, pro scortis, pro scurris & agyrtis numerant. Multi cum mero incaluerint, emunt, uendunt, mutant sua, ludunt, armati in alios feruntur, & postea mulctantur à magistratu suo & chirurgis. Si redeundum sit ad intermissos labores, mane surgere non possunt, nondum enim crapulam edormiuerunt, in multam noctem certarunt poculis, caput eis dolet, languent & torpent in opere, aliquando corpus suum ita perdunt, ut prorsus sint inepti ad labores. Accedit ad hæc omnia, maledictio diuina. Quid igitur aliud restaret, quàm mendicitas? Rectè quidem uicinos aliquando ad patientiam hortantur clamantes, Mox fore finem. Opes enim quantumuis ingentes, hac uia mox consumuntur. Coguntur sua oppignorare, quædam uendere: tandem omnes accurrunt, & tanquam ex incendio, uestes, suppellectilem, omnia efferunt. Illi ad summam paupertatem adiguntur, uestes amittunt, ut uix nates possint contegere. Paupertatem illam turpem (est enim & honesta) sequitur contemptus. Volunt igitur illi homines se liberare, & magis magisque se inuoluunt, & tandem etiam in animi paupertatem incidentes, miserè pereunt.

Addit, *vestibus laceris induet se dormitatio*, id est, assuetus dormitationi. Ebrij enim homines resoluuntur in somnum: uapores enim ascendunt in caput. Aliàs etiam, somniculosi, inertes & pigri homines, egestatem incurrunt, de quo alibi in hoc libro.

22 Obtempera patri tuo, ipsi qui genuit te, & ne contempnas cum senuerit mater tua.

Ebriosi, aleatores, scortatores & alij nefarij homines, iuuenes ad scelera hortantur, sed magistri illi, non audiendi sunt, cauere ab eis iubet scriptura, parere autem parentibus præcipit. Si patris consilium sequutus fueris, res tuæ bene habebunt. Pater enim tuus, quàm optimè consultum rebus tuis cupit: illi uerò dum pecunia abundas, amorem quidem erga te simulant, sed non te uerè amant. Plerumque etiam accidit, ut parentes, quantumuis scelerati, bona tamen præcepta liberis suis instillent. Matrem quoque cum senuerit, ne contempseris: uulgare enim hoc est liberorum uicium, ut matres tum cum maximè eorum ope & consilio indigent, indignè tractent, & delirare eas dicant, cum optima consilia eis suggerunt: hæc nimirum *ἡ ἀπειρία* eis referentes. Allegoricè per patrem doctor Ecclesiæ, per matrem Ecclesia intelligitur.

23 Veritatem acquire (uel eme) & ne uendas sapientiam, eruditionem & intelligentiam.

Num ueritas, sapientia & eruditio, inquis, opibus parantur? nequaquam: sed hoc uult dicere: Non parcendum ullis sumptibus, ut sapientiam nobis comparemus. Quidam tam auari sunt, ut nullos sumptus facere uelint, quò liberi rectè instituantur, uolunt eis magnas opes relinquere, quibus postea se & alios, cum usum earum ignorent, perdant. Matthæi decimo tertio capite, laudatur ille, qui omnia sua dedit, ut preciosam illam margaritam sibi compararet. Si ueritatem magni faceremus, plus de ea comparanda essemus solliciti.

*Ne uendas ueritatem, sapientiam, &c.* Hoc est, Caue ne amittas, ne uilem aestimes, aut reijcias, aut si uel opum aut ueritatis, ueræque sapientiæ iactura facienda est, abijce opes tuas. Nam qui parentes, fratres, opes, Christo anteposit, non potest eius esse discipulus. Vendunt ueritatem, qui propter terrena commoda, migrant in ea loca ubi ueritatis nulla publica est professio, qui uina, scorta, & alia huius generis, æternæ ueritati præferunt.

24 Exultando exultabit pater iusti, & qui genuit sapientem, lætabitur (uel de) eo.



Similes sententiæ alibi in hoc libro ponuntur. Supra modum lætantur parentes, si uideant ex se pios liberos natos esse. Si decoctores liberos habeant, cruciantur: uident hæreditatem, quam eis relicturi sunt, iam antè esse dissipatam. Eandem rem bis uel ter dicit, ad exprimendum magnitudinem læticiæ quam parentes ex frugi filijs percipiunt, & ad excitandum pueros uti se morigeros parentibus præbeant.

25 Lætetur (uel lætabitur) pater tuus & mater tua, & exultet (uel exultabit) genitrix tua.

Conuertit sermonem ad filium, dicens, Cum parentes liberorum probitate gaudere soleant, fac ut gaudio, non mœrore eos afficias. Parentibus plurimum debemus, matres infinitos liberorum causa labores & dolores accurate sustinent: uices igitur aliquo modo rependere conuenit. Per genitricem plerique intelligunt nutricem. Multæ enim pueros suos nutricibus alendos tradunt, quæ etiam gaudent, si illos quibus mammam præbuerunt, bonos euasisse conspiciant, ne malos mores quasi cum lacte suxisse uideantur. Maximi philosophi, ueteres & recentiores, consulunt matribus, ut si possint, infantes suo lacte nutrant. Sin minus, bonis nutricibus eos tradant.

Parētes gaudio afficiendi à filiis.

26 Præbe mihi fili mi cor tuum, & oculi obseruent uias meas.

Quædam peccata tam uulgaria sunt inter homines, ut in numero peccatorum amplius non habeantur: nihilominus tamen hominem, nisi pœnitentiam agat, in extremum exitium demergunt, qualis est scortatio, adulterium, ebrietas & crapula. Munienti itaque sunt animi illis sententijs, quæ nos ab his peccatis auocant. De scortatione & adulterio sæpe dixit in hoc libro, de ebrietate & crapula paulò antè: de utroq; iam plura dicentur. Coniungit hæc duo uitia, quia unum ex altero nascitur. Solet autem spiritus sanctus, instar boni patris uel ludimagistri, illa diligenter & crebro inculcare, quæ maximè sunt necessaria.

Priusquam uerò de his uitijs loqui incipiat, præfatiunculam præmittit, qua nos excitat ut diligenter perpendamus & meditemur, quæ proponuntur, hoc enim est ei cor præbere, & oculos nostros, in uias, hoc est, præcepta eius, intentos habere. Quemadmodum pictores & aurifabri quæ ad imitandum proposita sunt, diligenter intuentur, ut simile quid efficiant: ita præcepta Dei in conspectu sunt habenda: non nostro arbitrio uiuendum est. Per uias quidam intelligunt exempla uirtutum patris, imitanda à filio. Studere autem parentes debent, ut bono exemplo filijs præeant, & non uerbis tantum bona inculcent. Valet autem exemplum permultum, ut in alijs quoq; obseruare licet.

27 Quia (uelut) fouea profunda est meretrix, & ueluti puteus angustus

(est) aliena.

Pericula quæ ex scortatione & adulterio oriuntur, proponit, meretricem comparans foueæ profundæ, uel puteo angusto, in quem qui cadunt, frangunt crura uel brachia, magna cum difficultate exeunt, pauci salui euadunt: ita qui in scortationem & adulterium labuntur. Amor enim meretricius, ita excæcat homines, ut illos qui ex illa fouea & sordibus eos extrahere uolunt (puta uxorem, cognatos, affines, amicos, concionatores) non modò non audiant, sed etiam implacabili odio prosequantur. Interim blanditijs meretricum fidem adhibentes, magis magisq; accenduntur, ex uno in aliud peccatum ruunt, ac tandem miserè pereunt. Ne quis igitur rem leuiculam ducat scortationem. Cadere in profundam foueam, certè non caret magno periculo.

Pericula scortatiōis & adulterij.

28 Etiam ipsa tanquam prædator insidiabitur, & præuaricatores in hominibus addet.

חחח Chæteph, rapina, præda, tanquam præda, scilicet, uir, id est, prædo. Simplicior sensus est, tanquam prædæ insidiabitur, tanquam feris, uel quemadmodum uiatoribus latrones. Impudicæ mulieres non minus insidiantur opulentis, quàm latrones & prædones. Non uno & altero sunt contentæ, sed plures sibi adiungunt: uarijs autem artibus, opulentos & formosos iuuenes ad se pelliciunt. In Ecclesiaste 7. capite meretrix fagenæ comparatur.

Posterius membrum huius sententiæ, potest etiam hunc sensum habere: Quod adiungat sibi præuaricatores, Hoc est, lenones, quemadmodum fit in magnis urbibus, ubi scorta suos habent lenones, qui sæpe iuuenibus insidiantur, eosq; non modo pecunijs, sed etiam uita spoliunt. Adhæc per alienam, possumus accipere peregrinam, quæ non ueram religionem profitetur.

Allegoricè per meretricem falsam doctrinam intelligunt. Tristum est in sacris literis, ut per scortationem idololatria intelligatur: quæ ideo conferri potest puteo profundo, quod & ipsa homines ita fascinat, ut uix possint se ab illa extricare: nihil est tam absurdum, quod idololatriæ non mordicus retineant. Quàm multi loci scripturæ contra idola possunt.

Allegoria.



afferri, quorum alij prohibent, ne fiant & habeantur idola, alij irrident & contemnunt idola, alij laudant illos qui destruxerunt, alij minantur illis extrema quæq; qui retinent & defendunt: quot rationes possunt produci: tamen his omnibus miserii idololatræ nihil mouentur. Idolis similes redditi, aures habent & non audiunt, oculos & non vident, &c.

29 Apud quem (uel cui) uas? cui dolor? cui rixæ? cui querimonias? cui uulnera sine causas? cui rubedo oculorum erit?

30 Tardantibus ad uinum, uenientibus ad disquirendum diffusionem.

*Que mala ex ebrietate oriatur.* Agmen malorum colligit, quæ ebrietas secum trahit. Vtitur autem figura, quam Subiectio- nem uocant: interrogat enim unde tam multa mala nascantur, deinde subijcit, ex ebrietate. Numerat autem sex, quibus omnia alia includenda sunt.

1. Apud ebrios est Væ: hoc est, tanta mala eis contingunt, ut cogantur exclamare, Væ, ah, heu. Conijciuntur in uincula, paupertatem incurrunt, morbis uarijs sunt obnoxij, uulneratur, supplicium sumitur de ipsis, nisi resipiscant, æternum pereunt.

2. Repetit Cui uas? ad rei exaggerationem. Quanquam alij, ut annotat R. David, paupertatem aut mendicitatem exponunt. Vulgata uersio habet, Cuius patri uas? ut sit uox cõposita, ex אב, af, pater, & ו, af, Væ Forsterus אבוי, auoi, appetitum seu desiderium habendi aliquid, interpreta- tur, ab אבה auah uoluit, desiderauit. Ebrij enim aliena appetunt, ut possint indulgere genio.

3. Ebrie as etiam rixas parit מרי madon, contentio, rixa, lis, iudicium: in plurali scribitur cum uas, aliquando cû iod uice uas. Rixæ oriuntur uel de lana caprina, inter coniunctissimos homines, postquam mero incaluerint. Nec loquitur tantum de illis, quæ sunt in conuiuijs, sed etiam in foro. Si quis diligenter consideret, omnes ferè causas, quæ iudicibus proponun- tur, occasionem habet ebrietatem. Pleriq; utuntur hac excusatione, bene potus hoc dixi, uel feci. At Pittacus Mytilenæus legem tulerat, ut qui per temulentiam scelus commisisset, du- plo plecteretur.

4. Addit querelas oriri ex uino immodicè sumpto. שיח schich disputationes, querelas, sermo- nes significat: deriuatur à שח suach, quod est loqui ore & corde, id est meditari aut narrare labores suos. שחיה schichah, foueam significat, hinc nulgatus uertit, Cui fouea? Ebrij queruli sunt, nunc queruntur sibi dolere caput, nunc uentrem, &c. se in nullo esse precio. Quidam ex- ponunt loquacitatem: nam uinum facit disertos. Multos inuenias qui postquam mero inca- luerint, quicquid in buccam ueniat, effutiant: si nõ sint maledici, tamen adeò inepta & stulta dicunt, ut se omnium risui & contemptui exponant. Horatius Satyr. 4. lib. 1.

Condita cum uerax aperit præcordia liber, &c.

Prouerbio dicitur, Quod in animo sobrij, id in lingua ebrij.

5. Ex ebrietate fiunt uulnera sine causa. Multi natura placidi, postquam liberalius biberint, ferinos mores induunt, stringunt ferrum, orbis, pocula, omnia deniq; uertunt in arma, ut alios uulnerent. Magnus Alexander fidelissimum suum amicum Clytum inter pocula ferro trans- fixit. Nec tantum alios uulnerant, sed uicissim uulnerantur. Vnde Horatius uidetur dixisse e- brietatem ad prælia uel inermem trudere. Et Ouidius:

Tunc pauper cornua sumit.

*Bacchi si mulachro cornua tri- buuntur.* Eamq; ob causam Bacchum taurinis cornibus ueteres insigniebāt. Nam ebrij ut cornuta ani- malia, ad ferendum parati sunt. Ob eandemq; rationem Bacchum, tauro & pardali similem fecerunt, ut scribit Athenus lib. 2. Sunt prudentes homines, qui ebriorum furori cedunt, quiq; blandis uerbis placare eos student, quemadmodum prouerbio dicitur nostrate, onusto plau- stro, & ebrio de uia cedendum. At sæpe in sui similes incidunt, unde cruentæ oriuntur pugnae, & cædes interdum. Inuenias qui domi pulsando uxorem & liberos, suam uirtutem ostentet. Decidunt etiam aliquando per scalas, ex editis locis, & sic uulnerantur. Addit, Sine causa: Nam nec uerbo uel facto læsi, temerè irruunt in alios. Si propter ueram religionem & patriæ defen- sionem uulnera acciperent, gloriosum eis esset, at frustra ob res nihili uulnera accipiunt. Vlti- mo loco dicit, rubedinem oculorum esse apud ebrios. Oculos lippientes, & ex capite promi- nentes, nasos instar costilis cancri, tota deniq; faciem rubentem habent, qui moram trahunt apud uinum. Concessum quidem est se aliquando uino exhilarare: at die noctuq; in ænopo- lijs desiderare non decet, ut multi faciunt, qui non nisi exhaustis oculis domum suam reperit.

Quiq; eunt ad disquirendum mixtum. Cuium, uel, infusionem, qui quærunt ubi copiose infundatur. Hæc si non omnia omnibus ebrijs eueniant, tamen aliqua eis accidunt, nec sunt miserabi- liores homines. Modò enim eis dolet caput, modò stomachus, modò paralytici fiunt, &c. bre- uiter, Ebrietas est Africa quædam infelix, quæ semper noui aliquid apportat. Quisquis est te- mulentus, ut dicit Tragœdia:



ἄδωρ μέν ὄργης ἐστὶ, τὴ δὲ νῦν νεότης

φιλάτε πολλὰ γλώττων ἐν χεῖρας μάλιστα

ἀνωρ ἀκέραια, ἀπερ ἐνὼρ ἔπερ κακῶς.

Citantur hi uersus à Clemente in pædagogō.

31 Ne igitur intuearis uinum quando rubescit, & quando dat in calice colorem suum, atq; rectè ingreditur.

Remedium ebrietatis præscribit, ne uinum intueamur cum rubescit, & in phiala colorem suum reddit. Multa sunt quæ uinum commendant, præcipuè uerò color: at obfistendum est initijs, cohibendi sunt sensus nostri, ne capti colore uel sapore uini, in temulentiam incidamus. Nec te decipiat quòd ingreditur rectà: blandum est uitium ebrietas, sed tantò magis ca uendum. Cogitandum est de damnis, quæ ex ebrietate oriuntur.

32 Extremū eius (uini) uelut serpens mordebit, & uelut regulus (uel aspis) dolore afficiet (uel punget.)

Quemadmodum peritus medicus, non tantum de atrocitate morbi loquitur, sed etiam remedia contra morbum ostendit: ita Solomon non tantum exponit quàm periculosus & atrox morbus sit ebrietas, sed etiam antidota quædam contra ebrietatem proponit. Iam enim dixit, initijs obfistendum esse, cauendas occasiones, ebriosorum consuetudinem fugiendam, non uidendum quomodo uinum in poculo splendeat, & quod rectà ingreditur: sed cogitandum quantum mali uinum immodicè sumptum afferat hominibus. Id duplici similitudine explicat. Serpentum quorundam morsus enecat magnis cruciatibus. Aspis uerò serpens, clanculum citraq; dolorem infundit uenenum, ut nec uoluptas desit, si credimus Plinio: post morsum nullum apparet uulnus in corpore, tantum lethalis somnus obrepit, ut scribit Nicander. De Cleopatra regina Egypti legitur, quòd aspides corpori suo adhibuerit, ut suauiter uitam finiret, & ab Augusto Romæ in triumpho ostendi non posset. Habent autem basiliscus & aspis præsentissimum uenenum. Sic ebrietas fortunarum corporis & animæ, certissimam perniciem affert, etsi initia eius blanda sint. Hæc est aliorum quoque peccatorum natura, ut ab initio suauia sint, tandem uerò funestum & tristem habeant exitum. Ebrietas, scortatio, adulterium, blanda sunt flagitia, sed tandem homines perdunt animo & corpore. Non igitur initia, quæ multum uidentur suauitatis habere: sed exitus semper spectandus est. פֶּרֶשׁ iaphrisch, caret, ut annotant Grammatici, iod coniugationis formatiuo. פֶּרֶשׁ pharash propriè significat diuidere, separare, sed quia coniuncta non sine dolore separantur, sicut in uulneribus accidit, accipitur pro dolore afficere. Significat etiam expandere, diffundere, ut sit sensus, diffundet, expandet. suenenum suum.

Remedium  
ebrietatis.

Aspidis  
morsus.

33 Oculi tui uidebunt extraneas.

Specialius iam explicat, quid mali pariat ebrietas. Ebrios fallit uisus: res aliter uident quàm habeant. Videntur eis omnia circumferri: arbores ambulare, montes moueri. Obiecta item dupla uidentur, putant congeminari lucernas. Quemadmodum meticulosi fingunt se spectra interdum uidere: ita ebrij suas mirabiles habent uisiones. Et hoc est quod dicit Solomon, Videbunt extraneas. uisiones. Aristoteles in problematis sectione 3. causam ostendit, cur ebrij se bina pro singulis putent uidere. Clemens Alexandrinus pædagogi libro 2. capite 2, Vino immodico, inquit, lingua præpeditur, labra soluuntur, oculi detorquentur, cum præ humiditatis multitudine uisus tanquam in piscina natitet, & mentiri coacti, existimant quidem omnia in orbem circummagi, numerare autem non possunt, quæ procul sunt, tanquam sint unica. Atqui duos soles uidere mihi uideor, ebrius dicebat Thebanus senex, &c. Vel, Oculi tui uidebunt extraneas, scilicet, mulieres, nimirum ad concupiscendum eas. Vinum enim immodicè sumptum, fomentum est impudentiæ, audaciæ atque libidinis. Vide Eras- mum Roterodamum in prouerbio, Sine Cerere & Baccho friget Venus, ubi multa hæc de re leguntur. Lampscus ea de causa Priapo, salaci Deo, olim consecrata fuit, quòd generosissimi ma uina proferret. Ouidius:

Vina parant animos Veneri.

Aristophanes τὸν δινοῦν ἄφροδίτης γάλα nuncupat. Ambrosius homines abundantiore usu uini, dicit equos fieri adhinientes: alludens ad locum Ieremiæ 5. ca. Mulieres maximè ad libidinem incendit. Hinc Romani ueteres lege cauerunt, ne mulieres uinum biberent. Qui igitur sentiunt se titillari libidinibus, à crapula & ebrietate imprimis sibi cauere debent. Nam si ligna ab igne remoueas, ignis paulatim deficit.

Et cor tuum loquetur peruersa.) Cor loquetur, id est, cogitabit, uel seriò loquetur peruersa, uel eū cor sit peruersum, os etiā peruersa loquetur. Ebrij balbutiūt, nec possunt ferè expedite lo-

Ebrios fal-  
lit uisus.

Ebrij ad li-  
bidinē pro-  
clines.



qui: sed hoc parum est, loquuntur spurca & obscœna. Heluetij dicunt, Sy ziehend die Sittengloggen an: non parcunt teneræ ætati, nec tantum concupiscunt mulieres alienas, sed de stupro eas compellant. Maledicunt hominibus, & interdum Deo quoque. Breuiter, non cogitant, quis rectus linguæ usus sit, sed turpiter dono sermonis abutuntur.

34 Et eris uelut dormiens (uel iacens) in corde (id est medio) maris, & sicut dormiens (uel iacens) in summitate mali.

Quanto in periculo uersentur, hac similitudine ostendit. Quemadmodum desperamus de uita illorum, qui in profundo maris iacent: nam præda fiunt beluis marinis, nec possunt enatare: ita de ebriosis exigua spes est. Vel sensus est, ebrij, ita usum rationis amittunt, ut cum iacent in lectis, putent se in medijs fluctibus iactari. Ludouicus Coelius in lectionibus suis antiquis, lib. 27. cap. 2. ex Timeo, stupendam historiam narrat, de quibusdam iuuenibus ebrij, qui se in triremi constitutos existimantes naufragium ueriti, uasa omnia ex domo, in quam cōuenerant, in uiam publicam seu in mare iactabant, &c. Qui in summo malo iacent, subinde hinc inde agitantur: sic ebrij quoq; uacillant & iactationes patiuntur. Basilius in sua homilia contra ebrietatem, dicit, ebriosos sibi maledictionem Caini sponte attrahere, tremantes & incerto motu nutantes ac uagantes omni uita. Vel potius magnum periculum ostendit, quod ebrij incurrunt: nam illos qui in galea sunt, non securos esse oportet. לח malum nauis significat, & appellatur sic, quod circumquaq; in eius summitate alligentur funes, ut illis retineatur, in cuius summitate, gubernator sedens nauem gubernat. Vel est nauclerus, & hoc nomine uocatur, quia dormit in medio funium, & opus est, ut oculos & cor apponat super eos, ut sciat quando opus sit uelum erigere, aut deponere propter uentum. Hanc interpretationem sequitur uulgatus interpres: Erit tanquam nauclerus, qui sterit dum per medium maris nauigatur. Plato: Gubernator ebriosus omnia subuertit, siue nauigium, siue currum, siue exercitum, siue quamcunq; rem suæ fidei commissam. Clemens Alexandrinus hunc locum in pædagogico lib. 2. cap. 2. explicans dicit, ex hoc loco etiam adiuta poetica, inquit:

οἶνος δ' ὅς ποτ' ἴσῳ ἔχει μοῖος αὐτ' ἀδ' ἐς ἀνδρας  
ἐλθῆναι: λυμμένα δ' οἶα λήθυσαν ἀλα. βορὸς ἢ ἐνότος, &c.

Et rursus:

πάντα λεπρυνμένα φαίνα  
ἀμαρτοπαῖς οἶνος μέθυ σιν ὀλιδος οἶνος ψυχαπέρης.

Postea subiungit: Videte naufragij periculum. Cor quidem multo potu obruitur: temulentia autem minis maris comparauit, in qua corpus tanquam nauis demersum, turpitudinis profundum subijt atq; dedecoris, decumanis uini fluctibus obrutum, gubernator autem mens, scilicet, humana supereminens ebrietatis fluctu circumagitur, & in mari uersans caligat, & propter procellæ tenebras à portu ueritatis aberrat, donec in saxa mari latentia irruens, seipsum in uoluptates impactum perdidit, &c.

35 Percusserunt me & non dolui, concusserunt (uel contriuerunt) me, nec sensi, quando euigilabo (à uino) addam quærere illud adhuc.

Mimesis est: imitatur uoces ebriorum. Multi ita sensum perdunt, ut nihil à truncis & stipitibus differant. Sibi restituti, queruntur se indignè esse tractatos, sed non norunt à quibus, uel quas ob causas, & quod maximè mirandum est, non fiunt cautiore, sed cum primum crapulam edormiuerint, denuò quærunt uinum & bonos sodales, ac canis instar ad uomitum redeunt. Asinus si lapsus sit in loco aliquo, redditur cautior: at miseri illi homines, peiores subinde efficiuntur, nec grauissimis quidem plagis emendantur: non cogitant, Deus hæc & hæc tibi euenire passus est, deinceps igitur sobriè uiues. Nihil aliud crepant quàm uinum, animus eorum subinde est in cantharis. Sed quid fit? tam cæci & amentes redduntur, ut non possint à temulentia reuocari, & tandem anima & corpore pereant. Deus per Isaiam 5. cap. clamat, Væ uobis qui confurgitis mane ad ebrietatem sectandam, & potandum usque ad uesperam, ut uino æstuetis, &c. Quod temulenti faciunt, uidere etiam est in multis alijs sceleratis hominibus. Deum & homines se percutientes non curant, sed pergunt subinde in suis sceleribus, donec pœnas dignas persoluant.



## CAPVT XXIII.

1 Ne æmuleris uiros mali, neq; desideres esse cum eis.



PIRITVS sanctus multas in hoc libro sententias ponit, quæ cauent ne impiorum authoritate & successibus offendamur. Superiori capite unam habuimus, in hoc duæ ponuntur. Repetitiones autem illæ in sacris literis non sunt ociosæ: nam tamen si eadem de re agatur, tamen id fit alijs atque alijs uerbis, & quæ uno in loco obscurius dicta sunt, alijs in locis melius explicantur. Viros mali illos uocat, qui incumbunt & gaudet rebus malis, ueluti usuris, cædibus, ebrietate, idololatria, &c. Viros nominando non excludit mulieres, quales sunt meretrices lenæ & aliæ flagitiosæ. Etsi omnia uotis illorum hominum respondeant, tamen ne te excrucies, ne ue eorum mores imiteris: si te refugiant, non tibi sit graue & molestum: si te alliciant, refuge eorum consuetudinem. Ratio subiicitur:

*Felicitas impiorum.*

2 Quia desolationem (uel rapinam) meditatur cor eorum.

Nihil aliud dies noctesq; cogitat, quàm quomodo alios perdât, ut luxuriæ uacare possint. Et iniquitatem labia eorum loquuntur.) *למחל* Amal, reddunt laborem, dolorem, iniquitatē, peruersitatem, transgressionem, mendacium. Homines illi indigna loquuntur contra Deum & proximum. Hæc admonitio, si unquam fuit utilis, nostro tempore est utilissima. Crescit enim quotidie impiorum numerus. Huc faciunt etiam alij loci scripturæ. Psal. 36. & 74. Quando igitur impios sine sudore, breui tempore, uides cumulare ingentes opes, illisq; luxuriosè abuti, ne imiteris eorum exemplum. Quid facerem, inquis, quis dabit mihi uictum, amictum & opes necessarias? Salomon subiicit, sapientia, intelligentia & scientia, felices opes comparari, non rapinis & fraudibus: ut tribus illis membris, una res significetur.

*Occupatio.*

3 In sapientia ædificabitur domus, & in intelligentia stabilietur.

4 Scientia interiora (domus) replebuntur, omnibus opibus preciosis & iucundis.

Ædificare domum in scripturis significat eam locupletare, conseruare. Sapientia, hoc est, timore Dei, non tantum necessaria, sed etiam uoluptatem honestam afferentia comparantur. Hæc enim promittuntur timētibus Deum. Deus nō paucos ex patribus locupletauit: quamuis interim certas ob causas, suos interdū esurire patiat. Requiritur ad hæc prudentia œconomica, ut singula suo tempore & ordine fiant, ut patres familiās nō modò cogitent quibus rebus indigeant: sed etiam quibus carere possint, ut quisq; artem quam nouit diligenter exerceat. De matrefamiliās cap. 14. dixit, quod ædificet domum, si prudens sit: si stulta, eam euerat. Videmus ex hoc loco illos non peccare, qui domui de rebus necessarijs & delectabilibus prospiciunt. Quando uerò curam rei familiaris docemus, non docemus auaritiā, quemadmodum decoctores clamant. Quod sapientia ædificari domum dicit, etiam iuxta literam potest intelligi. Requiritur enim ad hoc prudentia, ut quis rectè ædificet. Primum cogitare oportet de sumptibus an sit ferendo, Luc. 14. cap. Deinde cædenda & conuehenda materia, item de architectis. Postea cogitandum de situ, de bono fundamento, de interioribus partibus bene disponendis, &c. ne opera & sumptus pereat.

*Sapientia utilitas.*

5 Vir sapiens (est) in fortitudine, & uir scientiæ roborans uires.

Sapientia non tantum usum habet in re domestica, sed etiam in re bellica. Vir enim sapiens & prudens, præstat uiribus pollente, uel uir sapiens uerè est robustus & fortis. Robur magnū Dei donum est: sed quid prodest robur, si uti eo nescias? Sapientia multa efficit, quæ robore effici non possunt.

6 Quia cōsilijs facies tibi bellū, & salus (ita est) in multitudine cōsiliariorū.

Tibi, id est, ad utilitatem tuam. Bellum in quo fortuna dominari uidetur, consilium præcipuè requirit. Plus enim ualet prudens consilium, quàm magnum robur militum. Magnitudo exercitus, non semper multum prodest, nisi à prudentibus uiris & cordatis regatur. Temeritas & audacia multum in bellis officiunt. Agamemnon optabat ut Nestoris similes decem haberet: quod si accidisset, non dubitabat, quin Troia breui fuisset peritura. Isocrates dicit, robur in milite prudentiæ iunctum, conducere, sine ipsa uerò plus lædere possidentes. Quomodo consilium superet uires, pulchras sententias collegit Stobæus sermone 52. Vide supra 20. cap. uersu 18. Timothæus cum rhetores Charetem quendam à robore corporis laudaret, suaderentq; Atheniensib. ut talem ducem bellī quærent, Nequaquam, respondit: nam talem quidem optarim, qui culcitrās & stragulas exercitui portet, at imperatorē uelim

*In bellis cōsiliū est necessarium.*



qui à fronte simul atq; à tergo sit oculatus, & qui à iudicando quid facto opus sit, nullis affectibus impediatur. Deus à quo tota belli fortuna pendet, uictoriam concedit, cui ipse uult: sæpe facit ut boni cōsiliarij non audiantur, uel non uideant quid facto opus sit, & sæpe illis qui parum exercitati sunt, bona consilia suggerit. Quod autem dicitur in multitudine consiliariorum salutem consistere, nō ita accipiendum est, quod utile sit, si multi in bellis conscij sint arcanorum consiliorum: sed si multi in commune consultant, postea pauci potestatem habent, ut ex omnibus consilijs hoc deligant, quod Reipub. utilissimū uidetur. Celari enim debent ducum consilia, ne hostis resciscat, hoc autem commodè fieri nō potest, si multi sint conscij. Tutissimum creditur, ut ait Vegetius, in expeditionibus faciēda nesciri. Neq; satis est duces consilijs pollere, nisi milites eis obtemperēt. De hac re præclara extat Gregorij episcopi, apud Euagrium sententia: dicit enim, interprete Camerario, prudenti cōsilio ducum, & obedientia militū bona ingentia effici solere. Quod si unū ab altero destituatur, claudicare utrumque, & isto præstantissimo iugo dissoluto, omnia eueri atq; cōturbari. Græca uerba sic habēt: τῶν ἀγόντων σύβηται, καὶ τῶν ἀγομένων ὑπειθεία, μεγάλα πρὸναισι ἀγαθὰ κατ' ὄργασιν αἰετῶν ἢ τῶν ἑτέρων χυθόν. χαλσύνετε καὶ περιτρέπεται καὶ σφάλλεται πάντα τῆς αἰείας ἐνωρίδας διαλυσμούς, &c.

### 7 Excelsæ sunt stulto sapientiæ.

Sapientiam, cuius tanta est utilitas, stultus non assequetur, non enim uult operam dare sapientiæ. Dicit, in eminentiore est loco, non possum eam apprehendere, superat captum meū: nimis subtilis est, nolo rumpere caput uel cerebrum meum. Veluti pecora quæ natura prona finxit, terrena tantum respicit, totusq; suis uoluptatibus immersus est. Intelligenti sapientia obuia est & exposita. *רָמוֹת*, ramoth, excelsa interpretantur, & genus lapidis preciosi, id est, corallium, ut quidam uolunt. Iob. 28. cap. Ramoth, id est, Corallia & Gabis, nō commemorabitur, &c. Hæc dictio etiam Ezechielis 27. habetur. Forsterus unicornu intelligit, quod magno in precio etiamnum habetur. Idem autem erit sensus cum superiore, stultus putat sapiētiam raram & inuentu difficilem esse, ideoq; eam non inuestigat. Quid autem fiet?

In porta nō aperiet os suum.) Hoc est, non habebit locum in confesso iudicū. Prudentes enim ad hoc munus deligēdi sunt: aut si inter eos sit, cogetur turpiter obmutescere, nihil aliud erit, quàm ut in scena uocatur *ὑποφύρον πρόσωπον*. Immerito queruntur se nullum gradum in Repub. uel ecclesia habere, qui sapientiæ præceptis se non instruunt.

Quæ de ciuili prudentia diximus, ad cœlestem quoq; transferri possunt. Qui ad sapientiā cœlestem animum suum nō adiungit, sed queritur, rem esse obscuram & difficilem, se nō uidere quid in tanta opinionum uarietate sequatur, tandem non sedebit inter Apostolos Dei, qui iudicaturi sunt mundum.

### 8 Cogitantem malefacere illum uirum, herum (uel magistrum) cogitationum malarum uocabunt.

Sententia hæc obscura est Idem uidetur uelle dicere Solomon quod Germanico prouerbio dicitur: Qui malus est mala cogitat. Qui mala cogitat, et si opus non patrauit, dignè scelerosus uocabitur. Lutherus reddit: *Qui seipsum damno afficit, merito appellatur sceleratus*. Castalio, *Qui maleficia excogitat sceleratus uocandus est*. Caietan. sic interpretatur: Vir cogitans meditationib. multis adhibitis ad faciendum malum, laudatur à multitudine, quod sit herus cogitationū suarū. Videns enim uulgus quod machinantes malum assequuntur ad uotum cogitata, laudāt eos quod sint heri cogitationum, quia cogitationes illis famulantur ad successus, &c.

### 9 Cogitatio stulti est peccatum.

Ad uerbum est: Cogitatio stultitiæ, id est, stulta, uel *Stultæ*, scilicet, mulieris. Stultorum, hoc est, infidelium cogitationes, quomodocunq; uulgus de eis iudicet, malæ sunt, ideoq; indignæ laudis. Quicquid enim nō sit ex fide, inquit Apostolus, peccatum est: illi uerò fide uacui sunt, non itaque possunt non peccare etiam cogitando. Bonorum etiam hominum cogitationes malæ peccata sunt, licet concupiscentia non accedat. De quo aliàs.

Et abominatio hominum, est derisor.) Derisor, uulgatus interpres uertit detractor, hominibus, scilicet, pijs & honestis, est abominationi. Licet uerò homines interdum tales ament & foueāt, ac prudentes esse iudicent: tamen Deus, qui nec sui nec proximorum nostrorum contemptū ferre potest, eos derestatur.

### 10 Si remissus fueris (uel negligens) in die angustiae, angusta erit fortitudo (uel potentia) tua.

Vera fortitudo. Ad uerbum, Si te remissum feceris, est enim in hithpael. Hæc sententia ostendit illum nō uerè fortem esse, qui rebus aduersis cedit. Non enim satis est, rebus secundis amare & prædicare uerbum



uerbum Dei: sed rebus quoque aduersis persistendum est & fidendum Deo. Vt cum morbis, fame, bello, persecutione premimur. In pace & tranquillitate rerum, comparanda sunt praesidia, quibus in aduersis regamur. Sunt multi qui dum res bene habent, non male se gerunt, sed difficilibus temporibus remittunt. Qui uerè fortes sunt, sibi semper sunt similes. Talis erat Iobus, quem satan sperabat mutata fortuna defecturum à Deo. Sin autem illi non uerè fortes dicendi sunt, qui rebus asperis labascunt, quātō minus qui blanditijs franguntur?

Alij ita exponunt, *Si remissus fueris in die angustiae*, qua premitur frater tuus, & non succurris ei, quemadmodum debebas & poteras, *angusta erit fortitudo tua*, in tempore angustiae, carebis & tu auxilio. Indigenti manum praebere debebas, sed non facis: fiet igitur ut postea etiam defecaris. Sic accidit diuiti purpurato, Luc. 16. Foederatis tuis teneris auxilium ferre, sed non facis, angusta igitur erit fortitudo tua. Exemplo nobis sunt urbes Graeciae, quarum cum una alteram defeceret, tandem omnes à Philippo rege Macedoniae oppressae sunt. Lege Iustinum libro octauo. Apologus etiam ille docet, ut oppressis amicis subueniamus. Rusticus asinum sarcinis bene onustum & equum uacuum ducebat. Asinus defessus, equum orabat, ut partem oneris susciperet, quod cum equus se facturum esse negaret, asinus sub onere concidit ac moritur. Rusticus totum onus equi dorso imponit. Quo cum premeretur, me miserum, inquit, merito meo sic nunc exerceor, qui dudum laboranti asino opitulari nolui. Tertius sensus his addi potest: Si remissus & negligens fueris in acquirenda sapientia, infirma erit uirtus tua ad resistendum tentationi si ingruat.

*Succurrendum est amicis, foederatis, &c.*

11 Erue eos qui rapiuntur ad mortem, & inclinantes ad necem, neque cesses.

וְעִרְוֹת לֵקֻּחִים כְּפֻּדֵי מוֹת, id est, pertractos ad supplicium, particip. praeteritum à וְעִרְוֹת לֵקֻּחִים accepit, tulit. Fortitudinis etiam opus est, illos quibus sit iniuria, defendere & à morte eripere. Non de illis loquitur, qui iusto iudicio damnantur (tales enim liberandi non sunt) sed de illis, qui iniuste occiduntur, quiq; nihil dignum morte commiserunt. Qualis fuit caedes Naboti, Ioannis Baptistae & aliorum, qualis illorum qui hodie propter puriorem doctrinam ducuntur ad supplicia. Deinde illi etiam qui nondum quidem in uinculis sunt, sed inclinati sunt ad hoc ut occidantur, hoc est, qui petuntur insidijs, sunt eripiendi. Additur, *ne cesses*, in Hebr. num uel si prohibebis, scilicet te uel etiam alios: subintellige, tibi idem eueniet in afflictione tua. Vel, num prohibebis? Quasi diceret, nequaquam. Alij coniungunt cum sequenti uersu, si prohibueris te dicendo, sanè non noui hunc, &c. Isa. i. cap. Deus praecipit, ut oppressis subueniatur. Psalmo 8. dicitur, Eripite pauperem, & egenum de manu peccatoris liberate: idem alibi etiam inculcat. Jonathan Dauidem eripuit, Abdias prophetas in persecutione Achabica, obstetrices in Aegypto recens natos infantulos. Si potes aliquem liberare, fac etiam cum periculo uitae tuae: nisi enim hoc facias, reus eris mortis eius. Si uerò eripere non potes, ne consentias illis, qui eum occidunt, ostende tibi displicere. Sic Iosephus & Nicodemus non consenserunt in mortem Christi. Ne communices peccatis alienis, ne polluas te innocenti sanguine. Si palam contradicere potentibus non audes, saltem clam innocentes protege. Peccant contra hoc praecceptum, qui cum in magna sint apud principes gratia, tamen saeuitiam eorum non impediunt, sed potius eos ad iracundiam contra pios inflammant. Item qui non quidem iubent eos saeuire: sed tamen se nullo modo, malis conatibus opponunt, quin potius silentio suo fideles produnt. Nec solum uita, sed etiam opes & fama innocentium defendi debent. Praecipue hoc requiritur à magistratu, cui Deus gladium ad bonorum defensionem tradidit. Deinde quisq; in suo ordine hoc facere debet. Ministri uerbi, ostendant ex uerbo Dei, quantum peccatum sit, bonis uitae eripere, & parcere flagitiosis. Omnes pro pijs hominib. intercedat, redimat eos, paupertate pressis opem ferant, ne fame, siti, & frigore pereant, atq; ita à morte eos eripiant. Ambrosius dicit, Tot homines occidis, quot succurrere potes, & negligis. Quod si homines innocentes à temporali morte, quae omnes manet, eripiendi sunt, quanto magis à morte aeterna? Obstandum igitur falsis doctoribus, propaganda uera doctrina, flagitiosi in uiam reuocandi sunt, ne aeternum pereant. Cibum dare esurienti, sitienti potum, magni aestimat Christus, atqui potior est animae salus, quam uita corporis. Qui à diabolica tentatione, aut praua societate ad peccatum trahuntur, pro uirili reuocandi sunt. Si asinus uel bos in foueam cadunt, certatim accurrunt omnes, ut extrahant, quātō magis studendū est, ut ab aeterna morte homines eripiatur? Solent autem homines, multas excusationes asserre, quando periclitantibus defunt, & cum non uelint inuidiam subire, aut opum suarum iacturam facere: alia tamen praetexunt, nesciebam, inquit, quis ille esset, putaui imbutum esse malis opinionib. putaui

*Homines scelerati non sunt eripiendi, &c.*

*non offat*  
*chusnat*  
*chusnat*



commeruisse mortem, putavi eum omnibus rebus abundare, nesciebam pauperem esse, qualem causam haberet ignoravi, credidi aliorum verbis, & alia huius generis. Addit igitur:

12 Si dixeris, ecce (uel profecto) ignorauimus illud: nonne ponderans corda, ipse intelliget, & qui custodit uitam (uel animam) tuam, ipse cognoscet, reddetq; homini secundum opus suum?

Deus corda examinat. Apud homines tua excusatio fortassis locum habebit, qui cor tuum introspicere non possunt, & cum iisdem uitij laborant, facile tibi ignoscunt: at longè diuersa est apud Deum ratio. Si dicas, Ignoravi, scilicet hunc uel illud, aut non potui eum liberare, nihil efficies. Nam primo loco dicit, Deus expendit corda, non simpliciter dicit, nouit, sed ponderat uel numerat corda, id est, cogitationes cordis & uoluntates hominum. *כח* thachan est ponderare, numerare. Similes loci plures sunt, suprà cap. 16. 21. & alibi. Deus scit quo animo & consilio quidq; fiat, an bona sit tua excusatio, an mala, an ignorantia tua sit affectata, necne. Hoc cogita quando sententia ferenda est, concio habenda ad populum, in emptionibus item & uenditionibus, breuiter, in tota uita. Cogita etiam hoc in ærumnis & tentationibus tuis, ut consolationem percipias, maximè uerò si propter confessionem ueræ fidei in uincula conijceris, & raperis ad supplicium. Nouit enim Deus qui illi sint qui te persequuntur, qui te deserant, in quibus meroribus positus sis. Deinde dicit, Deum custodire uitam uel animam tuam: expositi sumus innumeris malis: ne momentum usura huius lucis frueremur, nisi Deus nos custodiret. Vitam quoq; æternam suis custodit, nec quisquam eam nobis potest eripere. Æquum igitur est, ut alios quoq; defendamus, & à morte eripiamus. Facit etiam ad hoc, ne metu hominum socordes simus, in liberandis proximis, cum Deus is sit, qui nos conseruet & eruat è periculis, inuitis omnibus nostris aduersarijs. Matth. 10. cap. Tertio loco dicit, quòd cuiq; secundum opus suum redditurus sit. Idem dicit pater Solomonis Psal. 61. item uerus Salomon apud Matthæum. Repetitur à Paulo Rom. 2. cap. & in 2. ad Cor. 5. In Apocalypsi 2. 20. 22. capitibus. Papistæ hunc locum & similes contra nos urgent. Videris, inquiunt, sententiam in extremo iudicio secundum opera, & non secundum fidem pronunciamdam esse? At ratio est in promptu. Fides enim est res abstrusa, nec sub sensum aliquem cadit, profert autem se per bona opera: itaq; non immeritò secundum opera iudicabitur. Non igitur satis est, si te uerbis quidem excuses, cor uerò tuum te accuset. Idem de excusationibus in alijs causis est intelligendum.

13 Comede mel fili mi, quia bonum (est) & stillatio (scilicet mellis aut aromatis) dulcis est palato tuo.

14 Sic cognitio sapientiæ (suauis erit) animæ tuæ si inueneris, & erit tibi nouissimum, uel (merces) & expectatio (uel spes) tua non excindetur.

Sapientia melle suauior. Exhortatur filium, hoc est, omnes pios, ad studium cœlestis sapientiæ, qua Deus cognoscitur, & similitudine ostendit, quàm suauis sit & iucunda. Quemadmodum mel dulce & suauis est (abundabat regio Israelitica melle, eiusq; in cibo quotidianus usus erat:) ita doctrina uera. Quin superat mel suauitate, Psal. 10. Tractat enim de Deo & Christo, &c. Hanc autem uoluptatem, illi duntaxat percipiunt, qui eam inueniunt. Qui sapientiam illam non inueniunt, non sentiunt illam dulcedinem, imò absynthio amariorem putant, indignantur & fremunt, si quis sapientiæ illius uel mentionem faciat. Inueniendi uerbo ostendit sollicitè querendam esse. Erunt *אכאריח* acharith nouissimum, id est, præmium, uel posteritas studiosis ueræ sapientiæ, & quod maximum est, spes eorum non peribit. Et si omnia sursum aut deorsum misceri uideantur, spes tamen piorum firma erit. Aedificauit in petra, non igitur casus eis metuentus est. Sperant salutem per Christum, non uana est ipsorum spes. Stultè quidam sperant à Deo ingentes opes, potentiam, uictoriam & alia, cum tamen hæc à Deo non simpliciter, sed cum conditione promissa sint.

15 Ne insidieris ò impie, habitaculo iusti, nec uastabis cubile eius.

Iusto non tendendæ insidiæ. Luth. reddit, ut impius, Castalio, impiè, ut sit aduerbium. Cum pij non malum malo pensent sed iniurias sibi illatas, Deo aperiant, nec tam prudentes sint, ut filij huius mundi, expositi sunt fraudibus & insidijs multorum, qui existimant neminem esse, qui eorum curam gerat: conuerso itaque per Apostrophem sermone ad impios, dicit Ne insidieris domui iusti impie, ne fraudibus eum domo eicere coneris. Væ illis, inquit Isai, qui domum domui iungunt: scilicet, cum iniuria proximi sui. Abutuntur quidam ad eam rem, caritate annonæ & alijs rebus. Domum nominat, intelligit etiam prata, uineas, agros pauperum. Auxilio subleuandi sunt pij, non opprimendi, neq; aperta uia, neq; sub titulo iuris. Grauiissimè peccant Cares illi, qui domos iustorum non tantum diripiunt, sed etiam exurunt.



*Nec uastabis cubile eius.*) Nec rumpas ei somnum, sed fac ut suauiter noctu dormire, & mane ad intermissos suos labores redire possit. *ררר* schadad significat rapere, spoliare, diripere, perdere, uastare. Ne auferas lectum eius, ut solent crudeles creditores & milites. Vel, pudicitiae uxoris ne infidieris. *רבר* refaz ouile etiam significat, & erit sensus, pecora pii non esse laedenda, & abigenda.

16 Quia septies cadit iustus & resurgit, impij autē corrueunt in malum.

Causa redditur, cur iusto non sint tendendae insidiae. Nam si cadat septies, hoc est, si sapi- *Deus iustos*  
tus periculis inuoluatur, non perit, sed adiutus manu Domini, resurgit. Psalm. 34. Multae sunt *eripit ex pe-*  
afflictiones iustorum, & ex omnibus liberat eos Deus. Ne putes eum Domino non esse curę, *riculis.*  
curam eius suscipit. Qui uos tangit, dicit Dominus apud Zachar. de pijs, tangit pupillam oculi mei. Restituit pios, impios uerò euerit. D. Augustinus de Ciuit. Dei lib. 11. cap. 31. inquit: Totus impar primus numerus ternarius est, totus par quaternarius, ex quibus duobus septenarius constat: ideo pro uniuerso saepe ponitur. Sicuti est, *Septies cadet iustus & resurget*, id est, quotiescunq; ceciderit, non peribit. Quod non de iniquitatibus, sed de tribulationibus ad humilitatem perducentibus, intelligendum est, &c. Quanquam hunc uersum etiam de peccatis exponant: *iustus septies cadit*, id est, multoties peccat. Etiam sancti homines, non tantum in quotidiana peccata, sed atrocia interdum ruunt. Exemplo nobis sunt Dauid, Petrus, Thomas & alij sancti, sed resurgunt, ac poenitentiam agunt de peccatis. Posset Deus tantum gratiae suis conferre, ut non peccarent: sed id non facit, idq; multas ob causas, partim ut sancti ui- *Cur Deus*  
deant, quàm sint infirmi, quamq; facile cadant Deo subtrahente gratiam, non secus quàm *sanctos si-*  
pueri, si quis scamnum eis auferat, statim concidunt. Deinde ut ardentiores sint in precibus, *nat labi.*  
orent cum Dauid, Ne auferas à me spiritum tuum: utq; alijs ignoscant, qui labuntur, nec statim de quoquam desperent. Facit etiam hęc Deus, ut alij eorum exemplo cautiore fiant. Dominus in Euangelio Matth. 17. nō septies, sed septuagies septies, proximo ignoscendum esse docet. Et quia iustus quoq; septies cadit, non statim in exemplum trahendum est, quod à sanctissimis factum esse legimus. Non enim exemplis, sed praeceptis uiuendum est. Multi qui cōtra regulam uerbi Dei agunt, se exemplorum auctoritate tuentur. Vulgò ira citatur hęc sententia, *Septies in die cadit iustus*: sed in die, non additur in Hebr. neq; in Græca uel Latina translatione. Multi quoque ex patribus addunt hanc particulam, in die: fortè respexerunt ad uerba Christi Lucæ 17. Si septies in die peccauerit in te frater tuus, & septies in die conuersus fuerit ad te, dicens, Poenitet me: remitte illi, &c.

*Impij autem corrueunt in malum.*) Scilicet, Culpæ & poenæ. Impij non resurgunt, non conuertuntur, peccata eis non in bonum cedunt: peccat enim ad mortē. 1. Samuelis 2. cap. cecinit Anna: Pedes sanctorum suorum seruabit, scilicet, à lapsibus: & impij in tenebris compescentur.

17 Cum ceciderit inimicus tuus, ne læteris, & cum ipse impeggerit, ne exultet cor tuum.

18 Ne fortè uideat Deus, & displiceat in oculis eius, & auertat ab eo furorē suum.

Si cadat inimicus tuus, hoc est, si calamitas aliqua ei accadat, si faciat iacturā opum, si grandine laedatur, si uitam amittat, &c. uel si labatur in flagitium aliquod, ne læteris: lugendus enim est quisq; dum peccat. Nunquam licet gaudere de proximi ruina in culpam, quia hoc pugnat cum charitate Dei, qui peccato laeditur, & proximi, qui peccando, spiritualiter moritur. Idem intelligendum est de tota aliqua familia, de Rebusp. & regnis, ut si affligantur, ne gaudeas. Causam addit, ne fortè Deum offendas, & is ab eo furorem auertat, & te puniat propter superbiam & crudelitatem, quod te alijs præfers, nec cogitas quorsum puniantur. Aduerbium illud *in pæn*, hoc loco, sicut alijs multis in locis, non est dubitantis seu hæsitantis, sed negationem simplicem notat, Ne uideat Deus. Nescis enim, ut est in prouerbio, quid serus uel peruehat. Cogita semper, hostibus tuis uel es similis, uel melior uel peior. Si similis es, an non idem tibi potest accidere? Si melior, unde quæso habes? an non ex eadem massa formati sumus? an non iisdem orti parentibus? Si quid in nobis boni est, non debemus gloriari, Dei donū est. Lutū sumus in manu Dei, is ex nobis facere potest uas honoris uel dedecoris. Dona quæ in nos cōtulit, potest nobis eripere. Si sumus peiores, multò minus alijs debemus insultare. Seruator noster præcipit, ut inimicos nostros diligamus. Natura quoq; docet, alienis malis nō esse gaudēdū. Præclara enim exēpla hac de re etiā apud Ethnicos leguntur: Vnū & alterū dūtaxat ex Rom. historia pferā. Polyb. scribit se Scipioni astitisse, spectāri Carthaginis incēdiū

Nō gaudendum malis aliorum.



cum lachrymis. Interroganti quid hi gemitus & lachrymæ sibi uellent, Scipionem respondisse, se cogitare uicissitudinem rerum humanarum, & futurum aliquando simile urbis Romæ excidium. Metellus Macedonius & Scipio Africanus æmuli erant, sæpe in curia, sæpe pro rostris mutuas inimicitias declarabant, cum autem Metellus interemptum Scipionem cognouisset, in publicum prodijt, mœstoq; uultu, Concurrite concurrite, inquit, ciues, mœnia nostræ urbis euerfa sunt. Scipioni enim intra suos penates dormienti. uis illata est. Filios quoq; suos iussit pheretro eius humeros subijcere, non fore, dicens, ut postea hoc officium præstantiori uiro exhiberent. Intelligebat uir prudentissimus, maiorem ad Rempublicam extanti uiri obitu calamitatem deriuari, quàm ut priuati hostis obitu gaudere deberet. Iulius quoque Cæsar, uiso capite Pompeij uberrimas lachrymas profudit. Meritò reprehenditur ille apud Tragicum qui dicit, iucundissimum esse, hostem uidere ex felici infelicissimum factum:

ἐν γὰρ οὐτοχούς

ἄδουσαν ἐχθρόν ἀνδρᾶ δυστυχό. ὡς ὁ γὰρ

Sæcti hosti-  
bus pereūti  
bus quomo-  
do lætati  
sint.

Obijci potest, Dei prouidentia hæc inimicis nostris accidere: gaudendum autem est si Dei uoluntas fiat. Respondemus, Verum quidem esse, quod citra Dei consilium nemini ærumnæ accidant. At quemadmodum parentes non ideo liberos castigant, ut alij liberi rideant & exultent, sed ut uices illorum doleant, sibi ab iisdem uitijis caueant: ita pater noster cœlestis, non uult ut de aliorum malis gaudeamus. Deinde obijcitur exemplum Moïsis & Israelitarum, qui Exod. 15. submerso Pharaone, non tantum lætati sunt, sed Epinicion cecinerunt & choreas duxerunt. Dauid audita morte Nabalis, gratias agit Deo, 1. Sam. 25. Adhæc Psal. 58. uates impijs pœnam denunciat, pulchris similitudinibus ostendens potentiam eorum durabilem non esse, postea subijcit, Lætabitur iustus cum uiderit uindictam, pedes suos lauabat in sanguine. Psal. 68. Orat dominum ut dissipet impios, tunc, inquit, gaudebunt iusti & coram Deo exultabunt. Ipse Salomon dixit, cap. 11. uers. 10. ciuitatem exultare, si impij intereant. Quin etiam in Apocalypsi 18. cap. angelus adhortatur omnes sanctos in cœlis, ut exultent ob deletam Babylonem. Quid igitur ad locos illos in speciem repugnantes dicemus? Sunt qui ita respondeant: Dum inimicus noster aliqua calamitate premitur, non licet nobis gaudere, quia de uoluntate Dei nondum nobis constat. Quando uerò uidemus Dei consilium, hoste nostro attrito & confecto, licet gaudere. Sed simplicius existimo responderi posse, nos diuersa ratione gaudere. Lætatur enim de hostium calamitatibus ex prauo affectu, ira, odio, cupiditate uindictæ, & tunc non possumus excusari à peccato. Lætatur deinde ex bono zelo propter gloriam Dei, quod oppressis impijs, uerbum ueritatis possit propagari, & amplificari nomen Dei. Lætatur propter afflictos, quod à tyrannide asserantur. Lætatur item propter ipsos impios, quod casus ad eorum commoditatem spirituales faciant, & peccata eorum impediatur: & sic non peccamus. Ipsi enim florentibus, non desinunt peccare, sed flagellis correpti interdum respiscunt. At cauendum, ne zelum iusticiæ prætexentes, nostra quæramus, & impulsu odij de aliorum afflictionibus gaudeamus. Gaudendum est de pœna proximi, non in quantum est pœna, sed in quantum est medicina. Chrysostomus homil. 4. 1. in 12. cap. Matthæi sic colligit: Si Deus illos, qui ob inimicorum commoda lætantur, non finit esse impunitos, multò maioribus profecto eos, à quibus innocentes per inuidiam exagitantur, supplicij tradet, de hac re repete 17. cap. uersu. 5.

## 19 Ne succenseas propter malignos, & ne æmuleris propter impios.

חַרַּח thachar significat ardere, scilicet, zelo uel inuidia aut æmulatione. Alij deducunt à חַרַּח charah excanescere, in hithpael reddunt, immiscere, ne immisceas te, ne commercium habeas. Sensus est: Si impijs omnia ex animi sententia succedant, & piorum status sit afflictus, ne irasaris Deo uel ipsis, & ne imiteris eos. Statim enim multi clamant, etiam illi homines sunt, etiam illi beatitudinem cœlestem appetunt, faciam quemadmodum alios facere conspicio. Rationem subiungit:

## 20 Quia non erit finis (homini) malo, lucerna impiorum extinguetur.

Malus non habebit posteritatem. Exemplo nobis est Saul & Hieroboamus. Vel non consequetur præmium, sed supplicio afficietur: uel mali, id est, supplicij non erit finis. Lucerna pro successu, gaudio, felicitate, gloria, in scriptis accipitur: tenebræ pro infelicitate & miserijs. Sensus est, gloria & prosperitas eorum euanesceat, ultio ab ipsis sumetur. Vel posteritas, ut respondeat præcedenti membro. Lucerna etiam usurpatur pro uita, sic Germani quoq; sua lingua accipiunt. Sensus erit, peribunt ante tempus. Notandum aut est impiorum uitam, gloriam, splendorem diuitiarum, lucernam dici: nam quemadmodum facile est lucernam



nam extinguere, sic Deus in cuius manu omnis fortuna impiorum sita est, si impleta fuerit eorum mensura, nullo negotio eos potest euertere. Si tam florentes & potentes monarchias, tot regna euerit, quis putet potentiae Dei impios posse resistere? Quidam felicitatem impiorum uitro contulerunt.

### 21 Time Deum fili mi, & regem, cum mutantibus ne te admisceas.

Hæc sententia tria comprehendit. Primum docet Deum ante omnia timere, hoc est, uera fide & religione reuereri, & ab eo unice pendere. Sub timore comprehendit omnia officia, quæ Deo debemus. Deinde docet timere reges: Vnam speciem magistratus nominat, & sub ea reliquas comprehendit. Magistratus, sunt honorandi, non tantum quia gladium gerunt, & nobis obesse & prodesse possunt: sed quia Deus hunc ordinem sanxit, & nos parere iussit: propter Deum, non supra Deum timendi sunt. Christus Matth. 21. etiam dicit, Date quæ Cæsaris sunt Cæsari, & quæ Dei Deo. 1. Pet. 2. cap. Subditi estote cuius humanæ creaturæ uel ordinationi (id est, ab hominibus, uel propter homines constitutæ) propter Dominum, siue regi, &c. Mox, Deum timete, regem honorate. Per timorem autem omnia officia complectitur, reuerenter de eis sentiamus, honorem debitum eis deferamus, oremus & pugnemus pro eis, soluamus quæ debemus. Christiani non imitantur Antichristum, qui bonos principes de throno deturbat, & omnibus principibus formidolosus est. Tertio loco dicit, cum alterantibus uel mutantibus ne miscearis. משכן schanah enim significat mutare uel alterare: cum mutantibus, id est, seditiosis, qui mutare uolunt principes, leges, bonas consuetudines, ritus & statum regni. Alij exponunt, cum iterantibus, scilicet suas iniquitates, ne misceas te, hoc est, ne habeas commercium: & sunt qui exponunt, mutantibus Deum semper. Simplicior sensus esse uidetur, ne cum his qui rebus nouis student, familiaritatem contrahamus. Valde enim peccant seditiosi. Deum ipsum contemnunt. Deus enim Samueli dicit: Non te, sed me reiecerunt. Ideoq; grauius supplicia experiuntur, quemadmodum sequitur.

Magistra-  
tus honorā  
di sunt.

### 22 Quoniam repente confurgit calamitas eorum.

Quando seditiosi & rebelles putant se dominos fore, subito opprimuntur. Et contritionem amborum ipsorum quis scit? Qua scilicet, Deus & rex, seditiosos conteret. Alij de rege & mutatoribus intelligunt. Puniuntur mutatores & reges quoque, si mali sint, quando minimè putatur. Seditiones plerumque funestum exitum habuisse, omnium gentium historia testantur: nos pauca tantum exempla attingemus. Chore cum suis qui sese Mosi & Aaroni seditiosè opposuerant, igne absumpti, Dathan & Abiron à terra absorpti sunt. Absalomus cum aliquot millibus coniuratorum, misere trucidatus est. Seba 2. Sam. 20. graues pœnas dedit. In nouo Testamento ex oratione Gamalielis intelligitur, quàm tristem exitum Iudas Galilæus & Theudas habuerint. Addam unum ex Germanicis historijs. Gregorius 7. Rodolphum Sueuiæ ducem impiè absoluit à iuramento, quod Heinrico 4. imperatori præstiterat. Cæterum uictus prælio Rodolphus prope Merspurgum, & amissa manu dextra, in oppidum se recepit: cumq; decumbenti dextra esset oblata, ad Episcopos & alios principes, qui aderāt, conuersus, non sine suspirijs dixit: Ecce hæc est manus, qua domino meo Heinrico iusiurandum præstiti: uidete num rectè mihi authores fueritis, ut ab eo deficerem: & paulò post è uitis excessit. Quid uerò faciendum est inquis, si magistratus suum officium non faciat, sed tyrannicè nobis illa imperet, quæ cum uerbo Dei manifestè pugnant? Deo magis est obediendum, quàm ullis principibus, ad exemplum sociorum Danielis, Apostolorum, Polycarpi & aliorum martyrum: non autem seditiosè est agendum. Ideo hîc coniunguntur hæc duo, Time Deum & regem: quia uera obedientia coniuncta est cum reuerentia numinis. Principes qui se Deo opponunt, ipse perdet. Quemadmodum autem à seditiosis, ita ab alijs etiam nefarijs hominibus, cauendum est, ne cum ipsis pereamus.

Seditionis  
pœna.

### 23 Etiam ista sapientes.

Scilicet præcipiunt, uel sapientibus, scilicet, dicuntur uel obseruanda sunt. Non solum subditis præscribitur officium: sed nunc ipsis etiam magistratibus. Solet enim Deus aliàs quoque, utramq; partem sui admonere officij.

Agnosce faciem in iudicio non est bonum. ) προσωποληψία cauenda est principi. Deut. 1. cap. iudicibus inter alia etiā præcipit Deus, ne recipiāt faciem uel personā in iudicio, sed tam paruum quàm magnum audiant. Persona est qualitas hominis, conditio uel status, quoad animum, corpus uel res externas. Personarum respectus, cū iudex nō ipsas causas quales sunt, earumq; circumstantias: sed uel dignitatem, nationem, genus, clientelas, uel humilitatem & afflictam fortunam personarum respicit, & in eadem causa cōtrarias fert sententias, aliam fert si diues, aliam si pauper iure contendat. Iudices uicarij Dei sunt, nō ergo suo arbitratu debēt agere.

προσωπο-  
ληψία.



Extra iudicium forense, persona respicitur, ut cum iudicandum est de religione, multi respiciunt ad multitudinem & potentiam aliter sentientium: quidam respiciunt qui nam sint uictoriosi, & illos putant rectas opiniones habere. Inter Evangelicos quoq; multi fœda πῶρος καὶ ψιῶς fascinati, multos & tetros errores defendunt.

24 Dicenti impio, iustus es, maledicent populi, detestabuntur eum nationes.

Iudex flagitiosos & impios punire debet, non absolueret & iustos pronunciare: illi qui hoc non fecerit, maledicent homines. Dicat aliquis, Qui nam hoc facient? boni non facient, nam præcipitur eis, ne pro malo malum reddant: impij uerò, gaudent se principes habere, quibus scelera & scelerati probantur, ut possint impunè peccare. Respondeo, Boni non immeritò illam iniusticiam detestantur. Execrantur iudices illos iniustos, aliquando ex quadam impatientia, & peccant, aliquando ex bono zelo, & non peccant. Mali etiam interdum iniustis illis iudicijs læduntur, ideoq; etiam ipsi iniustos illos execrantur. Nec rarò homines quantumuis scelerati, probant iustos iudices, iniustos detestantur. Magnum profectò scelus est, impium hominem iustum pronunciare: at hodie inter homines nihil tam uulgare. Sunt principes qui in aulis suis ferunt Turcas, Iudæos multis & magnis priuilegijs muniunt, sceleratissimos homines defendunt, aut saltem ferunt, solis Evangelicis nullus locus conceditur. Multi iudices acceptis muneribus, pessimos defendunt, causidici, & procuratores ex pessimis causis bonas facere nituntur. Quin & Theologi illos qui numerant, etiam si omnibus sceleribus cooperti sunt, absoluunt. Multi adulescentes, ferculis deliniti, pessimos homines tantum non adorant. Nec tantum malæ personæ, sed etiam res malæ, bonæ dicuntur. Vicia sub uirtutum titulo uenduntur. Isaïæ 5.

25 Sed increpantibus (impium) suavis erit (Deus) & super eos ueniet benedictio boni.

Iusti iudices qui sceleratos propter iniurias alijs illatas, & propter uaria maleficia, uerbis corripunt & puniunt, grati & accepti sunt Deo, & hominibus: super eos ueniet benedictio boni, pro bonorum: id est, felices erunt, uel boni, scilicet uiri, bona eis precabuntur, eosq; collaudabunt. Benedicere Hebræi sæpe pro collaudare & gratias agere accipiunt, præsertim in Psalmis. Potest hæc sententia etiam in genere intelligi, quòd qui malis adulantur, malè audiant, qui uerò eos corripunt, diligantur à Deo & hominibus. Illi quoq; qui corripuntur, si ad mentem redeant, eos laudant: infra 28. cap.

26 Labia deosculabitur, qui respondet uerba recta.

Ad officium boni iudicis etiam hoc pertinet, ut facilis sit ad eum accessus, ne quem repellat, sed omnes benignè & placidè audiat, recta omnibus respondeat, salutaria eis det consilia. Qui hoc facit, labia osculatur uenientium ad se, hoc est, subditis nihil potest gratius accidere. Osculum enim amicitiae & beneuolentiae est signum. Si principes amicè compellunt suos subditos, gratum eis est, nedum si eis dent osculum. Munsterus uertit, *Labia illius osculabitur omnis homo qui respondet sermones rectos*, scilicet præ amore. Affertur hic quoq; sensus, qui uerax est, non tantum ad oscula manus admittetur, sed labiorum, id est faciei, hoc est, in arctam amicitiam recipietur: prima interpretatio uidetur simplicissima. Hæc sententia etiam de proceribus Ecclesiæ accipi potest. Qui apta & salutaria loquitur, qui alios docet, hortatur, consolatur, illius oratio similis est suauissimo osculo, quod à filiis uel alioqui charis hominibus accipimus. Colligenda nunc sunt officia boni principis, quorum hoc loco fit mentio: primum est, ut non respiciat personas: alterum, ut impios damnet: tertium ut bonos tueatur: quartum ut beneuolum se præbeat suis subditis. His rebus magnam gratiam, auctoritatem, ac imperium firmum & stabile principes sibi comparabunt.

Officia boni principis.

27 Præpara foris opus tuum, & præpara illud in agro tuo, uel cole agrum tuum, & postea ædificabis domum tuam.

הֵכִין hechin in hiphil significat rectè & perfectè curare, instruere, parare, certo consilio ordinare, discernere. Tam clemens & misericors est Deus, ut nobis uerbo suo non tantum ostendat, quomodo æternam salutem consequamur: sed etiam de rebus uulgaribus nos instituat. Multæ enim sententiæ continentur hoc libro, quæ uirtutem prudentiæ domesticæ tradunt, ad quorum numerum etiam hæc pertinet. Docet enim in re domestica ordinem seruandum, & opportunitatem temporis spectandam esse, ut quæ magis necessaria sunt, ante omnia fiant. Magis necessarium est colere agros, & uineta, curare pecora, quæ foris sunt, quàm nouam domum ædificare: postquàm hæc feceris, tum de domo extruenda cogitandum est. Sumptus enim magnos requirit noua domus, qui antè comparandi sunt. Plinius quoq;



quoq; Secundus, naturalis historiae lib. 18. cap. 5. ædificandum esse dicit, confito agro, & tunc quoq; cunctanter. Qui mechanicas artes exercent, etiam illa parare debent, quæ primò paranda sunt, non præpostero ordine res aggredi. Quin in omnibus rebus unum quodq; suo tempore peragendum quoq; est, alioqui frustra laborabimus: uix non colliguntur uere, flores non hyeme, &c. Ouid. lib. 1. de remed. amo.

Quis matrem nisi mentis inops, in funere nati,

Flere uetat? non hoc illa monenda loco est.

Cum dederit lachrymas, animumq; impleuerit ægrum,

Ille dolor uerbis emoderandus erit.

Temporibus medicina ualet: data tempore profunt,

Et data non apto tempore uina nocent.

Quin etiam accendas uitia, irritesq; uetando,

Temporibus si non aggrediare suis, &c.

Apud Athenæum lib. 7. citatur hic uersus ex Timone, ὥρῃ ἰσθῶν, ὥρῃ δὲ γαμῶν, ἄρῃ δὲ πεπαισγῶν. Multi literarum studiosi priusquam fundamenta iecerint, alia superstruere uolunt, & quod Germani prouerbio dicunt, implumes uolare. Alij quoq; qui nō aggrediuntur rem aliquam in tempore, quod omnium primum est, non assequuntur quod uolunt, &c.

## 28 Ne sis testis sine causa, contra proximum tuum.

Cauet hac sententia, ne quis sine causa, hoc est, temere nemine iubente, & necessitate nō postulante, ad testimonium dicendum profiliat: tum demum dicendum est, quando necessitas postularit & requisiti fuerimus, alioqui suspectos nos reddimus, quasi ex affectibus dicturi simus. Hinc imperatorijs legibus cautum est, ne tales audiantur: præsumitur enim non dicturos, quæ debent. In quotidianis quoq; sermonibus, temeritas est cauenda, multò magis in re magni momenti, quando hominis salus agitur. Si aut illi peccant, qui se testimonium dicturos temere offerunt, quanto magis illi qui scientes & uolentes falsum dicunt testimoniū?

Et num quid allicies uel persuadebis labijs tuis? Sensus est, simpliciter dicere debemus quæ dicenda sunt, nihil addendum, nihil detrahendum: non fallendus est iudex fuco uerborum. Vel, ne sis author proximo tuo, ut dicat falsum testimonium, grauis enim res est. A' **הנה** pathah, sic in hiphil **הנה** hiphtah persuasibile fecit: ut sit sensus, ne sis testis temere contra proximum tuum, neq; persuasibile facias labijs tuis, id est, plausibile: & est irregulare, ait Forsterus. Alij dicunt hiphil esse à uerbo **הנה** pathath, quod est frangere & in frustra secare: ut sit sensus, si fueris testis contra focium, id est, proximum tuum, sine causa, confringes & comminues illum labijs tuis. Vide Santis Lexicon. Simplicissima hæc uidetur sententia, ut dicamus esse piel, à uerbo **הנה** pathah, quod significat persuadere, inclinare. **ה** à fronte est interrogatiua litera, & erit sensus, Num persuadebis, blandis uerbis, scilicet iudici uel proximo tuo? Alij dicunt he esse uice **ה** im si, ne sis testis contra amicum tuum, et si declinare fecisti eum, ut falsum pro te testimonium dixerit, tu tamen hoc nō facias, quemadmodum sequitur, ne dicas, Quemadmodum fecit mihi, &c. Posset etiam generaliter accipi hæc sententia, neminem blandis uerbis inducendum esse ad scelera.

## 29 Ne dicas, quemadmodum fecit mihi, sic faciam ei, reddam ei secundum factum suum.

Reuocat nos hac sententia, ab ulciscendi cupiditate. Morbo hoc laborant homines, ut dicant, Par pari referam, illa mensura metiar alijs, qua mihi mensi sunt. Quidam odio illos habent, à quibus uel suspicantur se læsos, quidam ab alijs læsi, ultionem de proximis quibuscunque sumunt, Faciam, dicentes, eis quemadmodum alijs mihi. At scriptura ne hoc faciamus præcipit. Peccant qui malum malo pensant, ut qui se de illis uindicant, qui eos uel in fama, fortunis uel corpore læserunt. Multò magis illi, qui odio habent illos, qui ex officio fecerunt quod debuerunt. Maximè uerò illi, qui benefactores suos odio capitali prosequuntur, Faciam dicunt, quemadmodum ipsi mihi: interim pro officio maleficium reponūt. Si reuera læsi sumus, uindictam Deo committere debemus, **Leuit. 19. Rom. 12. 1. Pet. 3.** Percutienti nos in unam maxillam, alteram obuertere, & mala bonis pensare. Cogitandum semper est, si bene fecit, imitari eum debes, si malè, cauere ne idem facias. Ne dicas, Hic mihi imposuit, igitur & ego dolis eum circumueniam: contra me dixit falsum testimonium, igitur & ego dicam contra eum falsum testimonium. Vxor non dicat, Maritus meus mœchus & ebrius est, itaq; & ego sectabor mœchos & indulgebo genio. Fœderati non dicant, Socij mei in periculis me deseruerūt, deserā igitur ipsos quoq; Sin uerò necessitas postulat,



ut famam tuam afferas priuatim, cum proximis interdū lenioribus, interdum uerò asperioribus uerbis agere possumus. Possumus etiam ad iudices ire, quorū est iniurias uindicare. Sin uerò neutrum facere consultum fuerit, res omnis Deo committenda, qui suis partibus non deerit. Alioqui peccata peccatis cumulantes, offensam Dei incurremus.

30 Iuxta uel per agrum pigri transiui, & iuxta uineam carentis corde.

31 Et ecce ascenderant per totum ipsum spinæ, urticæ uel rubi, operuerant superficiem eius urticæ, & maceria eius destructa erat.

32 Et uidens ego, posui cor meum, uidi, accepi eruditionem.

Ostendit sapientes undiq; sapiendi occasionem accipere, etiam ex aliena stultitia. Sapiens transiuit agrum & uinetum stulti squalidum & horridum, omnia urticis & sentibus erant impleta, sepes uel maceria erat destructa. In confragosis agris, lapides congeruntur. כסר kassu operuerunt, texerunt: quædam exempla habent כסר kassu, ut sit passium 2. coniugat. גג gader, & secundum aliam formam גג gædær (R. David in regimine hoc pacto dicit mutari) paries, maceria, sepes, murus non fortis, & omnis clausura hoc nomine appellatur. Hinc fortè Germani habent suum gatter. Hæc omnia considerauit sapiens diligenter: bis enim uidendi uerbum repetitur: & posuit cor suum, pro, in corde suo, hoc est, diligenter perpendit illam rem, fructumq; non paruum ex ea percepit. Quem rogo? subiicit,

33 Pusillum somni, pusillum dormitationis, pusillum complicationis manuum ad dormiendum.

34 Et ueniet ambulans (tanquam uiator) paupertas tua, & defectus tui tanquam uir clypei.

Didicit quid ex pigritia & ocio sequatur. Primum agri, uineæ, prata negliguntur, postea egestas paulatim succedit. Pigri ex somno nō possunt excitari. Per mimesim imitatur eorum uoces. Adhuc parum, inquiunt, dormiendum mihi est: quando clarum mane, ut ille dicit, per fenestras intrat, adhuc multus, inquiunt, in oculis meis somnus est. Interim uerò ceu uiator uenit egestas, hoc est, citò & ex improviso. (Viatores enim non diu hærent in itinere:) & inopia, ceu uir scuto munitus. Quemadmodum nudus & inermis, armato resistere non potest: ita pigri illi & desidiosi paupertatem non possunt effugere. Multis uijs & rationibus conantur emergere, sed frustra. Hæc supra 6. cap. etiam sunt exposita. Discamus igitur, quæ mala pigritia secum afferat, nempe incultos agros & paupertatem. Nam si quis non modò nihil acquirat, sed genio indulgeat, mox sua alijs impignorat, & tandem ad extremam paupertatem redactus, solum uertit. Seneca quoq; pigritiam nutricem paupertatis appellat. Apud Romanos si quis agrum suum passus fuisset sordescere, aratione ac repurgatione prætermissa, à censoribus puniebatur, teste A. Gellio lib. 12. cap. 12. Ecclesia agro aut uineæ comparatur: si ministri dormiant & ignauia se tradant, uenit diabolus & seminat zizania inter triticum, Matth. 13. Vnde tot ordines monachorum in Ecclesia, tot præcepta, tot festa, tot altaria: breuiter, tot abusus? Non ne ex Episcoporum negligentia? Regna quoq; & Respub. comparari possunt agro & uineæ, si agricolæ sint negligentes, bonas leges (quæ quasi sepes sunt) non tueantur, sceleratos non puniant, paulatim corrumpuntur. Sic cum Græci dormirent, Philippus rex Macedoniæ uigilauit, & in seruitutem eos redegit. Singuli homines, nisi sentes, uepres & spinas uitiorum euellant, & agellum animi sui excolant, pessimi fiunt. Quisq; igitur in sua uocatione diligenter laboret.

Discamus item aliena insania frui, hoc est, ex aliorum erratis cautiore fieri. Plautus dicit,

Feliciter sapit, qui alieno periculo sapit.

Stulti & desidiosi homines, imitantur alios stultos: si uident alium nondum secuisse fœnum, nondum putasse uites, statim in exemplum arripiunt, ac temporis opportunitatem negligunt. Prudentes uerò bene aliorum stultitia utuntur. Sic si uideant scortationem, ebrietatem & alia flagitia puniri, ipsi cautiore

efficiuntur.



## CAPVT XXV.

**E** Tiam hæ sunt parabola Solomonis, quas transtulerunt utri Ezechia regis Iehuda



**N** O. V A pars uel collectio libri prouerbiorum, hoc loco incipit. Non enim ab uno auctore, nec uno tempore collectus est. 1. Reg. 4. cap. Solomon dicitur tria milia parabolarum dixisse, quæ non omnes in hoc libro congestæ sunt, sed insigniores tantum. Quæ deinceps sequuntur usq; ad 30. caput, Ezechia pij & religiosi principis tempore, collectæ & superioribus annexæ sunt. Dicitur enim uiros, id est, aulicos, scribas, uel potius prophetas Ezechia, eas transtulisse, scilicet ex alijs libris, uel potius fragmentis, in unum librum, nimirum afflatu spiritus sancti.

## 2 Gloria Dei est celare uerbum.

Ad gloriam Dei pertinet, quod celat uerba sua, hoc est, res, negocia, iudicia, consilia, & opera. Quæ ad salutem nostram & uitam rectè instituendam faciunt, uerbo Dei abunde comprehensa, & nobis reuelata sunt. Reuelauit autem ea Deus, & etiamnum reuelat paruulis, non prudentibus iuxta seculum, Matth. 17. Deinde iudiciorum suorum rationes sæpe nobis declarat. De alijs quoq; multis rebus nos instituit. Artes nobis monstrauit, ex quibus multæ res obscuræ intelliguntur. Interim tamen multas res sibi seruat, quas à nobis non uult intelligi. Veluti quando nobis ex hac uita migrandum sit, quod Gregorius ideo alicubi fieri dicit, ut dum semper dies mortis ignoratus, proximus esse credatur, semperq; parati inueniamur. Item, quando uenturus sit in iudicium. Testatur enim Christus, angelos, quin ipsum filium hominis horam ignorare, &c. Quædam causæ iudiciorum Dei, nos ad tempus, quædam semper latent. Alias res innumeras ignoramus. Quin in rebus physicis, cæci quodammodo sumus. Philosophi enim in multarum rerum explicatione, coniecturis tantum utuntur, eminus & quasi in speculo uidentes, quæ uident. Notitia nostra est ueluti obscura quædam lucerna, in densissimis tenebris: in futura demum uita, apertissimè uidebimus, quæ nunc nos latent. Quod uerò Deus nos multa celat, hoc facit ad gloriam eius. Oportet enim nos, uelimus nolimus, ad sapientiæ diuinæ sublimitatem obstupescere, nostramq; ignorantiam fateri: è diuerso autem Dei immensam sapientiam laudibus efferre, & cum Paulo exclamare, o profunditatem, &c. & cum Socrate, Hoc unum scio, me nihil scire. Si plura nobis patefacta essent, caro gloriaretur. Quidam sic uidentur accipere, *Gloria Dei est celare uerbum*, hoc est, si homines celent, &c. Sed prior sensus est simplex & apertus.

*Quæ ad salutem necessaria sunt Deus patefacit.*

Et gloria regum, scrutari uerba.) Reges decet uerbum, id est, res scrutari, non quidem illas, quas Deus sibi seruauit (illa enim curiositas damnanda est) sed quæ eos scire oportet. Primum, quemadmodum Deut. 17. habetur, ut legem sibi transcribi curent, & eam diurna ac nocturna manu uersent. Perperam enim sentiunt, qui negant principes sacra debere tractare. Deinde quisque leges & instituta sui regni tenere debet, ut secundum illorum præscriptum agat. Ad hæc non temere in causis agere debet: sed inquirere in negocia, de quibus iudicare debet, considerare quid agat, singula explorare, non unam tantum, sed alteram quoq; partem audire, ne uel totum regnum, uel priuati homines in periculum ueniant. Iob. 29. dicit, Causam quam ignorabam, inuestigabam. Debet item explorare & scrutari, qui nam in perniciem regni aliquid moliantur: quid domi & foris agatur, an omnia ex legibus fiant. Postremò inquirere debet in sceleratos, ne impunè grassentur, sed afficiantur supplicijs, &c.

*Quæ reges scire debent.*

## 3 Cælorum altitudini & terræ profunditati, & cordi regum non est inuestigatio.

Quantum altitudo cæli à terra & centrum terræ ab eius superficie distet, exactè sciri non potest, ita nec cor regis. Sæpe enim unum uultu & sermone præ se fert, & alterum in corde habet reconditum. Aliorum quoque hominum corda peruestigari ab alijs hominibus non possunt. Sunt quædam indicia, quibus aliquo modo colligimus, quid homines in corde gerant, sed non raro fallunt: possunt enim homines omnia simulare & dissimulare. Deus uerò & regum & aliorum hominum corda inspicit, neq; hoc solum, sed corda eorum quocunque placuerit, inclinat & flectit. Quidam contrarium sensum eliciunt, ut sit dissimile: cælorum altitudo & terræ profunditas, possunt aliquo modo colligi, à Mathematicorum artium peritis, at cor regis est imperuestigabile. Terræ ambitum & circumferentiam 5400. maximorum milliariū esse, ex cæli dimensione colligunt, &c.



4 Auferendo scorias de argento & prodibit argentario uas (*preciosum.*)

5 Auferendo impij à conspectu regis firmabitur in iustitia solium eius.

*Impij ab au-  
lis regum  
submouen-  
di.*

*Constantius  
aulam suam  
repurgat.*

Similitudine declarat, quàm sit utile, si impij à principum conspectu submoueantur. Scoria repurgamentum est argenti, ut Plin. lib. 33. cap. 6. habet. Isaias propheta cap. 1. dicit, Excoquam ad purum putum scoriam tuam. Vbi septuaginta scoriam reddiderunt, *ἀπειθήντες*, id est, perfidos & immorigeros. Si scoria ab argento auferatur, formari potest uas preciosum & purum: ita si impij apud reges locum non habeant, regna florebunt iustitia, & alijs uirtutibus, atq; firma erunt. Utinam omnes principes, uiros bonos à consilijs haberent: tales enim plerunq; sunt, quales illi quibus cum die noctuq; uersantur. Multi principes puriorem religionē non insectarentur, iustitiam defenderent, nisi impijs & iniustis consiliarij essent stipati. Cardinales & Episcopi qui reges sepiunt, eos contra puram religionem accendunt, & cauent ne quis ad colloquium admittatur, qui eorum artes prodat. Hinc Zuinglius eos eleganter per uigili isti Draconi comparauit, qui iuxta poetarum fabulas, aureum uellus custodiebat. Non igitur mirum est, si multa perperam fiant. Quid mali uel unus Cardinalis aut Episcopus ad gentem aliquam à Rom. pontifice missus, dare possit, experientia docuit. In aulis principum hoc est admodum uulgare, ut consiliarij principibus uel adulentur, uel eos contra bonos acuant. Carneades dicere solebat, principum filios nihil rectè discere, præterquam equitare: eò quòd his omnes adulentur, solus equus non curans, nobilem ne gerat an rusticum, tergo excutit, quisquis equitandi fuerit imperitus. Dauid ut stabiliret regnum filij Solomonis, uiros sanguinum interfici curauit. Alexander Seuerus, adulatores, sycophantas, iudices corruptos, fumi uenditores, atq; id genus homines, tanquàm pestes ab aula sua procul submouebat. Præclara historia legitur apud Eusebium lib. 1. de uita Constantini magni, quo pacto Constantius Constantini pater, deprehenderit quomodo quisq; aulicorum suorum erga religionem affectus esset, & scoriam ab argento separauerit. Cum enim principes passim pios ex edicto imperatorum aula pellerēt, Constantius quoq; aulicis suis optionem dedit, ut uel dijs gentium sacrificantes, apud se manerent, & suis honoribus fruerentur: aut si hoc facere detrectarent, aditu à se prohibiti, aula submouerentur. His propositis, aulici in duas partes scindebantur: pars sacrificare uolebat, pars nolebat. Atq; hac ratione deprehendit princeps, quo quisq; animo esset præditus. Illorum igitur qui sacrificare uolebant, metum & adulationem damnauit: horum uerò qui detrectabant, pietatem & constantiam laudauit. Mox illos tanquam proditores Dei, indignos iudicauit, qui cum imperatore essent. Quomodo enim, dicebat, imperatori fidem seruarent hi, qui in Deū deprehensi sunt perfidi? Simulq; ab aula procul arcendos esse statuit. Hos uerò, qui ueritatem Dei confessi fuerant, dignos iudicauit, qui circa imperatorem essent, eos in super corporis & regni etiam sui custodes esse præcepit, dicens: Oportere tales inter primos ornari, ac magis in precio haberi, quàm magnorum thesaurorum æraria. Quod exemplum si nostri temporis principes imitarentur, thronus eorum iustitia firmus stabiliretur. Stabilitur etiam thronus regum, si impij & nefarij homines, nō tantum ex aulis, sed à bonis, tanquam scoria ab argento, separentur, & supplicium de eis sumatur: si flagitiosis parcat, salus regnorum & Rerum publicarum perditur. Subinde enim crescit impiorum numerus. Quemadmodum agri à sentibus & urticis occupantur, nisi agricolæ repurgent: ita regna & Respublicæ. Quod de regibus & principibus dicitur, ad minores quoq; magistratus pertinet, ne se ab adulatoribus & impijs hominibus seduci sinant. Priuati quoq; homines, à consuetudine impiorum sibi cauere debent.

6 Ne magnifices te coram rege, & in loco magnatum ne steteris.

7 Quia melius est, ut dicatur tibi, ascende huc, quàm ut deijciaris coram principe, quem uiderunt oculi tui.

Hæc sententia duo complectitur: primum ne te ornes coram rege. *הָאָדָר* hadar propriè ornare significat, & refertur ad qualitatem & habitus ornatum & decorem: ne uelis uestitu precioso & splendido te commendare regi, uel certare cum magnis uiris. Hac enim ratione non placebis, & pauperum superbia, dicunt Germani, mox cessat: conijciunt enim se homines in paupertatem. Multi hac in re peccant: obliui enim suæ conditionis, sumptuosè uestiuntur, ac dum putant se ornari, ac in maiore precio fore, hac ratione regem regum offendunt, & omnes generis sui maculas in mentem hominibus reducunt, seq; contemptui & risui exponunt.

Deinde docet modestiam, ne locum procerum occupemus. Huc uerus Solomon respexisse uidetur, Lucæ 14. cap. Ciuilis iustitia & honestas etiam naturaliter nota suadet, ne quis suo



fuio arbitrio in conuiujs & hominum conuentibus, primum locum, non uocatus occupet, & scuriliter se ingerat, sed maiorib. natiu cedat. Hoc enim qui faciunt, non tantū parum ciuiles sunt: sed etiam cum dedecore, interdum ex superiore loco deturbantur. Qui uerò ciuilitatem hanc obseruant, præmio afficiuntur, nam ex inferiore loco, in superiorem ire iubentur. Docet etiam maiora, nempe humilitati studeamus, ostentationem uerò & ambitionem fugiamus. Item, ne quis se in munus politicum uel Ecclesiasticum temere ingerat, sed legitimam uocationem expectet. Aduerrat hoc pontifex Roma. qui Christi sedem occupauit: tempus enim ueniet, quo etiam cum lucifero deturbabitur.

8 Ne exeas ad litem celeriter, ne fortè facias aliquid in nouissimo eius (litis) cum pudore suffuderit te amicus tuus.

Quemadmodum Salomon in Hebræa lingua à pace nomen habet, ita passim in hoc libro ad pacem nos hortatur, & à contentionibus reuocat. Hac gnome docet, ne statim leuiculis de causis, litibus & rixis indulgeamus. Causam subnectit, *Ne fortè in fine litis facias aliquid*, scilicet, te indignum, cuius postea te poeniteat: cum te prouocarit proximus, id est, aduersarius tuus, uel cum etiam amico tuo displicebis, propter rixandi libidinem. Solemus quando incalcescimus, & maximè si alij nos prouocent & ignominia afficiant, euomere quicquid ad dedecus aduersarij nostri pertinere uidetur. Hinc capitale & implacabile odium sæpe inter homines, alioqui coniunctissimos, oritur. Proinde qui se ad rixas propensos esse norunt, sibi temperent, ne ex parua scintilla, magnum incendium oriatur. Forenses etiam lites cauendæ sunt: si causa parua est, uel alioqui potest disceptari. Cur propter paruam pecuniam, iudicibus molestus esses? Sumptus tibi aliquando magni faciendi sunt, ut idem accidat litigantibus in foro, quod ædificantibus. Sin uerò malam habes causam, multò minus in ius aduersarius uocandus est. Fit etiam, ut in fine litis dicas aut agas aliquid contra iudices, qui aliam quàm sperabas sententiam tulerunt, uel contra aduersarium tuum, cuius te postea ualde poeniteat. Si non prouolare ad litem debemus, multò minus ad manus ueniendum est. Reperias non paucos, qui leues iniurias statim manu ulcisci uolunt, & undiq; pugnandi causas arripiunt: sed plerunq; tales homines, iustas dant poenas.

Rixis nō indulgendum.

Quod de priuatis personis dicitur, ad totos populos etiam pertinet: ne statim iure cum alijs decertare uelint, præsertim si res uel non tanti sit momenti, aut aliqua commoda ratione transigi possit. Nam stricto iure agere, non parit amicitiam & bonas uoluntates: multò minus armis contendere debemus. Facile quidem suscipitur bellum, sed non tam facile deponitur. Quemadmodum ad urendum & secandum rarò inuitiq; uenimus, nec unquam nisi necessario, si nulla reperitur alia medicina: ita non statim nec sponte ad arma confugiendum est. Qui pacem oderunt, & bellum amant, plerunq; bellis atteruntur. *Quando ignominia affecerit te.* Macor est in hiphil, à uerbo כָּלַם kalam, quod significat ignominia afficere. Cum ignominia affecerit te amicus tuus, uel cum tu affeceris eum ignominia. Quid igitur faciendum est, inquis, si rixari, non debeo, nec iure contendere?

9 Causam tuam age (uel litem) tuam litiga, cum proximo tuo, & secretum alteri (uel alterius uel aliud) ne reueles.

Si proximus aliquid tibi debet, aut uerbis uel factis te læsit, uide num amicè cõponi causa possit. Sic Matt. 18. Christus etiam docuit. Vel si necessitas omnino postulat, ut iure agas cum aduersario tuo, moderatè agendum est: harum tantum rerum fac mentionem, quæ propriè ad causam pertinent, & secreta alia quæ sepulta sunt, ne proferas. Si nosli quid dixerit uel fecerit, si ipse secretò tibi quædam commisit, ne dicas. Aristides, authore Plutarcho, cum inter duos priuatos causam cognosceret, & alter, quo Aristidem contra aduersarium prouocaret, extra causam multa narraret, quibus ille læsisset eum, Aristides respondit, Sine nunc ista, & si quid te læsit commemora: tibi enim nunc, non mihi iudex sedeo. Aliàs etiam arcana nobis concredita, non sunt temere diuulganda. Nam si deposita sunt custodienda, etiã arcana quæ nobis commissa sunt. Alij ita intelligunt, Dum consilium petis ab amico, tuum aliquod peccatum non patefacies. Concionatores quoq; illa quæ eis committuntur ab afflictis hominibus, ne effutiant: hoc enim non est bonorum uirorum. Causam adiicit:

10 Ne fortè probris afficiat te audiens, & infamia tua non auertatur.

Iudices & alij qui hæc audiunt, te malū uirū esse dicent. Aduersarius quoq; tuus, si audierit, contumelia te afficiet. Nam qui quæ uult dicit, quæ non uult audierit: nec facile nomen bonum poteris reparare. Quemadmodum uulnera nō ita curari possunt, quin cicatrix appareat: ita non possumus nos ita purgare, quin semper aliquid suspicionis in hominum animis



hæreat. Valde itaq; peccant, qui innocentium hominum famam lædunt. *Infamia tua.* ) Quidam actiue accipiunt, qua alium affecisti.

11 Sicut mala aurea in cancellis (uel celaturis) argenteis, est uerbum dictum quibus modis dici debet.

Ad uerbum est, *Verbum dictum super rotas suas*, id est, ut par est. Castalio: Oratio rotundè pronuntiata. מַשְׁכִּיּוֹת *mašchkioth*, opera ingeniosa, quæ homines ad contemplandum alliciunt. Verbum enim שֶׁכָּה *šakah*, significat contemplari. Quidam exponunt pro cancellis argenteis, quæ habent parua foramina, per quæ preciosa uidentur. In ædificijs uel poculis, uidere prominentia poma aurea, botros uel simile aliquid: in arbore quoq; matura poma conspiceri, iucundum est & gratum: sic audire sermonem, locis, personis & temporibus accommodatū. Ut si quis errantem erudiat, uel consternatum aliquem consoletur, res est iucunda & grata. *μερὶ τῆς σὺναιρέως λέγειν*, hoc est, de tempestiua oratione, Stobæus sermone 34.

12 Tanquam inauris aurea, & ornamentum auri puri, est increpans sapiens (uel sapientem) cui est auris obtemperans.

חָלִי *Chali* ornamentum uel monile. Osee 2. cap. dicit: Israelitas Baalim suffitum fecisse, & ornauisse in aure ac monili: deriuatur à חָלָה *chalah* quod significat ægrotare, & in piel orare, precari. Fortè ornamenta fuerunt, quibus superstitiosæ abusæ sunt in precibus, quemadmodum apud nos globulis illis, ut uocant, precatorijs, ex preciosa materia: uel amuleta, quæ cōtra uarios morbos de collo suspenderunt. Singulare decus urbis est, homo qui sapientem reprehendit. Videndum enim est quem reprehendas (stulti deteriores sunt, si quis eos reprehendat.) Talis homo comparatur preciosis ornamentis. Seruat homines ab interitu. Correctio in scripturis salī comparatur. Caro statim putrescit, nisi sale cōdias: ita homines statim putrescunt in sceleribus, nisi reprehendantur. Non audiendi sunt, qui omnē reprehensionem tollunt. Sublata reprehensione, in pace nequaquam uiuere possemus. Docet hæc sententia, amicos castigandos, & castigationem bono animo recipiendam esse.

13 Sicut frigus niuis in die messis (sic) legatus fidelis mittentibus illum, & animam domini sui requiescere facit (uel reducit.)

Legatus fidelis. Quantam uoluptatem, nuncij fideles mittentibus eos afferat, similitudine ostendit. Tempore messis, quando Solis maximi æstus sunt, frigida aura & gelida aqua, gratiss. est messoribus. זֵינָה *zinnah*, propriè significat, quicquid est præacutum & perforat seu penetrat, per metaph. frigus hoc nomine dicitur, quod instar gladij pungat ac penetrat. Alij cuspidem niuis interpretantur, *Ein yßzapffen*. Messores sæpe optant frigus niuis, uel glaciē, nihilq; eis est frigida aura gratius. Sic fidi nuncij illis qui eos miserunt, magnum gaudium afferunt. Quando mittis nuncium, qui exploret quomodo tui habeant, quid iucundius accidere potest, quàm si omnes rectè ualere nunciet? Mercaturā exeres, quid gratius tibi esse potest, quàm si nuncios quos mittis, fideles esse sentias? Talis nuncius restituit, id est, recreat animum heri sui. Sic mittuntur legati à principe aliquo, uel Repub. qui si periti sint rerum & fidi, quanta quæso bona ad principem & Rempub. redeunt? Homines sæpe bella metuunt & alia pericula, sed à fidelibus legatis magno curarum æstu liberantur. Vide cap. 25. uers. 25.

14 Ut nubes ac uentus & non pluuia (sic est) uir, qui se iactat de dono mendaci.

Nubes æv-  
Apōl. Hoc est, qui nō instituit dare. Ventī pluuij & nubes, sæpe spem futuræ pluuiæ præbent, sed ne guttulam stillant, & hominum expectationem fallūt: ita liberi qui parentibus multa promittunt, nihil præstant: item alij, qui multa & magna pollicentur, quæ ne in animum ducunt se facturos. Huc duo Apostoli, Petrus & Iudas, uidentur respexisse, quando in Epistolis suis falsos prophetas, comparant nubibus absque pluuiâ. Nam sitientes animas lactant, falsa spe condonationis peccatorum: habent præclaros titulos, infulas bicornes gerunt, quæ significant eos bene uersatos esse in utroq; testamento: habet pedom pastorale, quod notat eos pascere oues: antè in incuruatur, quia attrahere ouiculas debent: dependet sudariolum, quia strenuè laborare debent: promittunt uerbis multa, sed nihil præstant, homines magis incertos dimittunt, quàm cum accederent, affligunt eos, non exhilarant, &c.

15 Longanimitate persuadebitur princeps.

אָרֶךְ אַפַּיִם *Aerech apaim*, ad uerbum, *In longitudine furorum*, id est, patientia. Si princeps non statim ex iræ impetu agat, sed expectet donec ira deflagret, placari poterit. Videbit sibi restitutus, quæ iratus uidere non potuisset. Ouidius quoq; dicit:

Vt fragilis glacies, interit ira, mora.



Alexander ira incitatus, Lyfimachum leoni obiecit, Clytum hasta traiecit, & Callisthenem interfici iussit, postea frustra eum suae crudelitatis poenituit. Idem ille Alexander, post triduum æquior factus legitur illi, qui ab ipso irato prouocarat ad eundem placatum & tranquilum. Vtile igitur fuerit, moram aliquam interponere, ut ira abscedat. Athenodorus philosophus, cum ab Augusto impetrata missione patriam repeteret, rogatus, ut insigne aliquod præceptum apud eum relinqueret, præclare admodum respondit: Antequam iræ indulgeas, & ad uindictam accedas, percurrere tecum alphabetum Græcum, ut uel tantilla mora interposita, impetus animi sedari possit. Seneca in libro suo de ira, Maximum, inquit iræ remediū est, dilatio, ut primum eius feruor relanguescat, & caligo quæ mentem premit, aut decidat, aut minus densa sit. Aristoteles quoque libro 2. Rhetorico. dicit, tempus iram compescere & sedare. De Theodosio alibi diximus. Si hoc facit patientia in principe, quantò magis faciet in priuatis hominibus? Offensi igitur, impetum iræ suæ cohibeant. Plato iratus famulo suo, castigarem te aiebat, nisi succenserem. Quidam sic accipiunt, quod principis ira patientia nostra mitigari possit, si patienter feramus illius omnia, nisi prorsus inhumanus sit & crudelis, tunc enim placari non poterit.

Remedia  
iræ.

Et lingua mollis, confringit os.) Lingua, id est, sermo (per Metonymiam) mollis & placidus frangit ossa, id est, duros homines, & uehementi ira concitos. Bonis uerbis sæpe ab iratis impetramus, quod nulla ui obtineri posset. Subditi placidè cum magistratu loqui debent, & sedare eorum iram, præsertim si uideant, eos mole negotiorum & curis uarijs non parum turbari. Quanquam interdum uehementia suum quoque locum habet, quod exemplo prophetarum discimus. Sic debitorum creditorum suorum, uxores maritorum, liberi parentum iram, non exasperent, sed leniant potius, agnoscantque suam culpam. Similis sententia ponitur ab initio 15. cap. uersu 1.

16 Mel inuenisti, comede quantum tibi sufficit, ne fortè satiatus eo, euomas illud.

Mellis cibus suauis est & salubris, at si quis nimium comedat, nauseam parit: ne igitur nimium sumas. Pindarus in Nemeis dicit:

μόρον δ' ἔχει καὶ μέλι,

καὶ τὰ τέρας αὐτῷ ἀφροδισιά.

Idem intelligendum de alijs cibi generibus. Quod de cibis dicimus, de potu quoque intelligendum. Vinum bibe, sed non nimium, alioqui lædis ualitudinem. Theognis:

δίνος πινόμενος πολὺς, κακός:

ἢ ὅτε τις αὐτὸν πίνῃ ἐπισταμόνως ὁ ναυός, ἀλλ' ἀγαθός.

Breuitè, omnibus in rebus mediocritatem seruandā docet: de qua re multæ pulchræ extant sententiæ. Circumfertur illud Epicteti uel Democriti: ἔτις ὑπερβάλλει τὸ μέτριον τὰ ἐπιτετραγμένα ἀτετραγμένα αὐτὸ γίνονται: Si quis excedat modum, quæ suauissima sunt, ingratiissima fient. Celebre est prouerbiū, Ne quid nimis. Melli comparatur uerbum Dei, quod legendum quidem est, sed nō curiosè scrutari debemus, quæ sunt supra captū nostrū. Vide infra uersum 27.

17 Prohibe pedem tuum à domo proximi tui, ne fortè satiatus te odio habeat.

Ad uerbum est, Preciosum fac pedem tuum, hoc est rarius accedas illum, ne desinas esse in precio. Quidam cum superiori uersu hunc iungunt, ut sit sensus: Quemadmodum is qui mel inuenit, non debet nimium comedere, sed quantum satis est: ita qui iucundum reperit amicum, non subinde eum accedat, ne tandem ædibus eiiciatur. Opera amicorum modeste est utendum. Germani dicunt, equos uoluntariè incedentes, non nimium calcaribus urgendos esse. Cogitandum est, alios quoque esse quos subleuare cum oporteat, eum numerosam habere familiam, noli ergo ei molestus esse, ne ex amico hostem facias. Reperiuntur homines nimis impudentes & importuni, qui beneuolentia aliorum abutuntur. Fieri etiam potest, ut alicui suspecti sint illi, qui ædes eius frequentant: cautio itaque requiritur.

18 Malleus & gladius & sagitta acuta, uir qui respondet contra proximum suum falsum testimonium.

Comparat testē falsum, tribus instrumentis nocendi, malleo, gladio & sagitta, מַעֲפֵץ potz, Testis falsus. significat cōfringere, conterere, dispergere. Hinc מַעֲפֵץ mepitz, particip. in hiphil. d. ispergēs, conterens: & nomen particip. disperfor, malleus quo petrae conteruntur, Ein schellhammer. Nihil perniciosius falso teste: hominum enim lædit fortunas, honorem, uitam. Pestilentissimi sunt illi falsi testes, qui non tantū uitā hominibus, sed animā quoque eripiunt: quales sunt falsi



doctores, qui pios homines & ueræ religionis amantes, dicunt contemnere diuos, & res sacras, uetare bona opera, hæreticos esse, ideoq; omni suppliciorum genere dignos. Deinde testantur uitam positam esse in rebus externis, cum in solo Christo posita sit, & quantum ipsos attinet, multos secum in tartara abducunt.

19 Dens malus (uel fractus) & pes labens, fiducia præuaricatoris in die angustiae.

Qui spē in impijs ponunt, male faciunt. Spes **אֵס** boged præuaricatoris, impij, infidelis, fœdifragi, quam habet in die afflictionis, peribit. Quia alios fefellit, ipse etiam falletur. Sperat in caducis rebus, proinde spe sua frustrabitur. Sperat item se Deum habiturum propitium: sed deseretur ab eo, non exaudietur, quia caret uera pœnitentia & fide. Sperat post hanc uitam, impios nullis tormentis torqueri, sed faller eum spes. Sperat se uarijs officijs, quæ defunctis à superstitiosis exhibentur liberandum ex tormentis: sed hæc non magis ei proderunt, quàm dens putridus, si mordere aliquid, aut pes luxatus, si incedere uelit. Talis enim pes & dens, non modò suum officium non faciunt, sed ingentes dolores & cruciatus afferunt. Vel pasciue accipitur, fiducia quæ speratur ex impio, fallit hominem in die angustiae. Multi sperant se liberandos ex periculis ab impijs, sed illi non modò opem eis non ferunt rebus aduersis, sed etiam malis afficiunt. Multi faciunt fœdera cum perfidis hominibus, postea sperant se iuuandos ab illis: sed nulla stabilis beneuolentiæ fiducia potest esse, omnia semper suspecta & sollicita sunt, nec proderunt illi homines difficilibus temporibus. Israelitæ faciebant fœdus cum rege Ægypti, sed propheta arundini comparabat, qua quis pro baculo utitur. Hoc loco duplici similitudine ostenditur spe sua falli, qui auxilium ab impijs expectant. Peccant qui spem ponunt in pijs hominibus, multò magis qui in impijs & perfidis.

20 Remouens uestimentum in die frigoris, acetum super nitrum, & cantans in carminibus super cor malum.

Obscura & difficilis est hæc sententia. Videtur Solomon hoc uelle dicere: Musicæ honestum usum esse lætis temporibus, in luctu esse intempestiuum & molestum. Duplici id ostenditur similitudine. Vestes aut stragula alicui detrahare cum frigus est, & nitrum aceto perfundere, res absurda uidetur. Nitrum enim, ut quidam interpretes scribunt, si aceto perfundatur, fumat & crepitat, instar calcis infusa aqua, asperiusq; redditur: ita si illi qui animo est malo uel confracto, id est tristi, cantare carmen uelis, parum congruit: existimare enim posset, te lætari eius malis, mallet habere collachrymantem. Siracides quoq; dicit, Musica in luctu importuna narratio. Cui non ab simile est illud Plutarchi de *Δελφικο*:

*ὁ νεῦβλα πικρὸν τοῖσι μὲν ἔστι λύρα φίλη.*

Hoc est, nabla & lyrā lugētibus ingratā esse. Docet hæc sententia, suo tēpore omnia faciēda esse: est tēpus flēdi, est tēpus gaudēdi. Vide ca. 24. uer. 27. Quæstio ex hoc loco moueri posset, an in funeribus musicæ usus esse debeat. Certum est non solum Gentiles, sed Hebræos quoq; in funeribus tibijs usos esse, Matth. 9. ca. Musica uidetur leniendi mœrorem uim habere. Christiani ad testandum fidem resurrectionis, sua funera cum cantu deducere uidentur. Hodie hæc res in quæstum conuersa est. Sed de hac re alios sinam copiosius disputare.

Posset hæc sententia etiam hoc modo exponi: illum ineptè facere, qui cum homine agit qui obstinato est corde. Quicquid enim uel dicas uel facias, magis indignatur. Sic Christus dicit: Tibia uobis cecinimus, & non saltastis, &c. Vocem **נֶתֶר** nether quidam nitrum interpretantur, alij alumen, alij terram quæ omnia reddat pura, si cum ea lauentur: alij saponem, & sic appellari scribunt, quòd remoueat uel transire faciat maculas è loco suo, descendit enim à **נָתַר** nathar, quod significat mouere de loco suo, saltare, subilire. Lutherus cretam interpretatur. Alij salem Petræ, quidam tincar. Ieremiæ secundo capite dicitur, si laueris te **בְּנֶתֶר** benæthær, nitro, alumine uel sapone, &c. Hac de re Conradus Gesnerus diligens rerum naturalium inuestigator, à me consultus pro sua facilitate ac humanitate, ad hunc modum respondit: Non dubito quin neter Hebræorum, sit nitrum à Græcis & Latinis dictum: non autem alumen, nec terræ genus, nec cineris, ut alij atque alij interpretantur. Nam & nomen ad nitrum accedit, & usus idem est, ad abluendum nempe & abstergendum: unde ego *νίτρον*, aliquando quasi *νίτρεον*, à uerbo *νίττειν*, aut potius *νίτρον ἀπὸ τοῦ νίσειν*, ut à *λῆεν λαιτρον*, deriuatiuum conijciebam: quamuis non tam nitrum, quàm aphronitrum, in hunc usum olim adhibebatur, in quem scilicet eo oblitterato, successit sapo. Factū autem Saponis nomen uidetur ab aphonitro per apocopem, s. litera præposita: nam & aphonitrum sine rho in secunda syllaba aliqui scribunt. Porro nitrū substantia sali cognatum esse, confessum est: quod calore



calore siccescat dureturq; in lapidem: humore uerò resoluatur & liquefcat, sicut & reliqua salis genera. Verisimile autem est eò citius liquefcere, quò humor seu succus penetrans subtilior fuerit. Subtilissimus autem inter aquosos omnes aceturum est. Itaq; eo imprimis corrupti nitrum putarim, pingribus uerò conseruari: nam ne sal quidem qui minus est durus, in oleo liquatur. Quamobrem boracis siue chryso collæ aurifabrorum, species fossilis, siue natua (quæ Venetias hodie affertur à Turcia, & ab eruditis nitrum, aut cognatissima nitro substantia existimatur) axungia inuolui solet, ut conseruetur. Nitrum quidem ipsum, ut Plinij iam temporibus, non solum Italiae, sed medicis etiam parum fuit cognitum, ita minimè nostro tempore, imò à Plinij ætate hucusque in Europa. Res enim externa est, ex Asia aut Africa peti quondam solia, sed multis iam seculis desita. Longè aliud est quod uulgo Salem petrae uocant. Tincar Arabicum uocabulum, boracem uulgo dictam significat. Horum pleraque omnia, testimonijs auctorum confirmare possem. Acetum uerò priuatim nitro aduersari, aut ipsum liquare, uix puto à quoquam proditum, etiamsi sit uerissimum. Sed desino, iustum enim libellum de hac re conscribere possem, &c. Hæc ille.

21 Si esurierit odio habens te, ciba illum pane, et si sitiuerit, propina illi aquam.

Docet non tantum abstinendum ab iniuria inferenda inimicis nostris: sed beneficia in eos conferenda, & ita uincendos esse. Inimici non tantum amicè uerbis compellandi, sed si possumus & necessitas postulet, pane cibandi & aqua potandi sunt. Per panem & aquam, intelligit omnia humanitatis officia, quæ ad uitam conseruandam necessaria sunt. Opibus tuis, consilio & opera, quantum tua fert facultas, quacunque in re. Postulante necessitate, iuuare debes inimicum tuum. Et nota quod dicitur, *si esurierit odio habens te*, non quem tu odio habes. Impij non modò par pari referunt, sed si quis eos uerbis lædat, illum ipsi factis lædunt, si quis eos uulneret, statim uita eum spoliare uellent. Sunt qui non lædunt suum aduersarium, interim tamen nullis beneficijs eum afficiant: sed pij pro malo bonum rependunt: nec cognatos tantum, sed hostes quoque, quouis genere beneficentiæ, Christi exemplo, prosequuntur, Matthæi quinto capite, Romanorum duodecimo capite. Miror Fratrem Dominicum Sotum in duodecimo capite epistolæ ad Romanos, ubi hæc uerba Solomonis ab Apostolo citantur, ausum esse scribere, huius præcepti uim & formam, solum ad tempus necessitatis extendi. Vbi enim, seu extrema seu graui necessitate inimicus perurgetur, teneri nos ei suppeditare necessaria ad uitam: extra illos autem casus, non esse nisi consilium: & idcirco tantum mentionem fieri cibi & potus, qui sint ad uitam necessaria. Solomon longè aliud sibi uult, non enim dissentit à uero Solomone, qui iubet ut proximum nostrum diligamus, quemadmodum ipse nos dilexit, &c. ac proximi nomine, hostes quoq; nostros comprehendit, ut alibi diximus.

22 Quia prunas tu accendis super caput eius, & Dominus reddet tibi.

Ratione redditur cur beneficia in hostes nostros conferenda. Quanquam hæc uerba nò uno modo exponuntur. Quidam enim huc sensum afferunt: Si pergas ei benefacere, & is non respicit, cumulator erit ira Dei contra eum. Sic nos dicimus, *Er tricht ihm selbs die glüt vff die fuß*/ hoc est, sibi ipsi malum accersit. Non quòd pij, qui nihil aliud quàm malorù hominum emendationem & salutem quærere debent, in hunc finem beneficia eis conferant, ut grauioribus tormentis afficiantur, sed quòd hæc dicantur, quasi per modum prophetiæ. Et hoc sensu per carbones ignitos ultio diuina significatur, atq; ad eò æternum gehennæ supplicium. Ignis enim prunarù uehemètiùs urit, quàm flamma, Psal. 18. & 140. Quidam per prunas ardorem charitatis intelligunt, ut sit sensus: accenduntur charitate mutua. Sunt qui Solo. putent largiri aliquid uelle affectibus hominù, quasi dicat, Si uis te ulcisci de hoste, age, ulciscere hoc modo: beneficijs eum prosequere, & maiore pœna afficietur, ut hac concessione euellat affectu huc. Alia interpretatio est: adduces eum beneficijs tuis ad pœnitentiã mali, torquebitur animo & dolebit ei, quòd te læsit, accusabit seipsum, & incendetur ad mutuũ amorẽ, ac beneficijs tecum certabit. Vt per carbones ignitos, anxietas illa animi intelligatur, qua hostem mali commissi pœnitet. Vix enim aliquis tam est durus, qui beneficijs nò mirefcat, & agnoscat se peccasse, quanquam non omnes uera pœnitentiã ducantur. Exemplũ habemus in Saule, qui plus semel fatetur Dauidẽ iustuẽ esse, se uerò iniustum. Addit, *Deus rependet tibi*. Non peribit beneficium tuum, quod in hominem quantumuis ingrati contulisti. חָרָה charah, accepit ignem, sumpsit carbones, accendit. חֹתֵר chotær in particip. præf. sumens, id est, tu desumis. Paul. ad Rom. uerbo *συνσώζεις* reddidit, id est, coaceruabis. שָׁלַם schillam significat reddere, שָׁלַם schalum uerò pacificum esse, pacificare. Hinc quidam reddunt, *Deus pacificabit tibi*, id est, con-



uertet cor aduersarii tui, ad habendum tecum pacem. Annotandum etiam est hoc: amandos quidem esse inimicos, sed non ita, ut non puniantur delicta eorum, præsertim à magistratu, cui disciplina Reipub. mandata est. Vtile ipsis est si castigentur. Expositio huius sententiæ habetur apud D. Augustinum lib. 3. de doctrina Christiana 16. cap. Exemplum uerò præclarum habemus lib. 2. Reg. 6. cap. in Helisæo, qui equites illos qui capere eam uolebant, non interfici, sed à rege honorifice tractari curauit.

23 Ventus Aquilo fugat pluuias, & facies iracunda, linguam occulte  
(detrahentem.)

Remedium  
contra de-  
lationem.

Magni æstiment homines, si contra uarios morbos corporis, bona remedia habeant. Et qui aliquo morbo laborant, de remedijs loquentes libenter & diligenter audiunt. At animi morbi longè sunt periculosiores, ideoq; remedia quæ monstrantur in uerbo Dei, pluris facienda sunt. Hoc loco contra uulgarem quidem, sed perniciosissimum delationis morbum remedium ponitur. Si toruè delatorem aspicias, silentium ei impones, & ab eo liberaberis. Simili hoc declarat. Quemadmodum Aquilo (qui Græcè Boreas dicitur) nubes dispellit, & imbres abigit. (Hom. *αἰθρὴν οὐρανὸν*, hoc est, serenatorem, uocat: Hiero. scopam uiarum, quòd flando purget quicquid in uia obiacet.) ita uultus tristis, linguam absconditijs uel occultationis, hoc est, delatorem. Delatores enim absconditè loquuntur, ad nocendum alicui. Si uideant se non acceptos esse, diffugiunt, multò magis si uerbis apertè testeris, te odisse delationem. Sin uerò frontem non contrahas, sed blandè aspicias tales homines, eisq; idem habeas, ad te attrahes eos, ut Cæcias nubes, dicent tibi multa, etiam falsa. Putabunt eam se tibi gratificari. Si hæc sententia omnium animis insculpta esset, melius omnes haberemus, nec quotidie cresceret calumniatorum numerus. Principes igitur & magistratus abijciant tales: parentes, liberis suis qui de præceptoribus & magistris suis, de uxoribus & maritis queruntur, aures non præbeant. Alij quoq; scelerati homines, uel rigido aspectu reprimuntur.

Lyranus & alij sic exponunt, *Aquilo parturit pluuias, & faciem iracundam lingua occultè detrahens.* Nam uersus partes australes Aquilo generat pluuias, teste Aristotele 2. Meteororum. Sic lingua detrahens, uultum tristem, iram Dei & hominum prouocat in se. Vocem Hebræam deducunt à *לחל*, id est, parturire uel generare, alij à *לחל* cholel, quod prohibere significat uel creare & formare.

24 Melius est sedere in angulo tecti, quàm cum muliere contentiosa  
& in domo communi.

Nihil oprabilius pace, maximè in coniugio: uxore igitur rixosa nihil molestius. Capite 21. hanc sententiam etiam exposui.

25 Ut aquæ frigidæ super anima lassæ (uel sitiente) sic nuncium bonum  
è terra longinqua.

Aqua homini sitiienti suauis est: ita nuncius bona afferens. Si liberos, cognatos, uel alioqui charos homines, habeas in peregrinis regionibus, sæpe animus tuus tristitia tibi de illis prælagit, incerti etiam rumores de eorum casibus aduersis sparguntur: at si per homines uel literas, certior fias eos bene habere, uoluptatem tibi hoc maximam affert. Veluti cum poculum aquæ frigidæ, in maximis caloribus sitiienti affertur. Xerxi aqua manu hausta, à rustico, gratissima fuit. Artaxerxi iam siti deficienti, eunuchus à rustico quopiam sordidum utrem attulisse legitur, putris aquæ cotilas octo continentem: eam aquam cum rex ebibisset, confusus est, se nunquam uinum bibisse iucundius, nec ullam aquam quamuis purissimam uisam suauiore. Diana apud Ouidium Metamorph. 6. ad agricolas dicit:

„ Hauustus erit mihi nectar aquæ, uitamq; fatebor

„ Accepisse simul, uitam dederitis in undis.

Si tui egrédiantur contra hostem, ut pro aris & focis pugnent, nihil optatius tibi accidere potest, quàm si intelligas eos uicisse hostes, & incolumes domum redire. Audiamus spiritualia quoque exempla. Si quis in animo suo æstuet, nescius quò se uertat, ut remissionem peccatorum consequatur: postea Euangelium, hoc est, lætū nuncium de remissione peccatorum per Christum audiat, recreatur ac reficitur. Si quis amans ueræ religionis, audiat ex fide dignis hominibus, regna & populos puriorem doctrinam recipere, ueluti hoc tempore florentissima Galliæ, Angliæ & Scotiæ, regna, nō minori uoluptate afficitur, quàm si messor aliquis in summis ardoribus in lymphidissimum fontem incidat.

26 Fons conculcatus & uena (aquarum) corrupta, iustus inclinans sese  
coram impio.



Fontes in pagis & oppidis necessarium usum habent. Aqua non tantum ad potum, cibos, mundandas uestes, sed etiam ad alias res innumerabiles utimur. Philosophi, eius utilitates igni præferunt, eò quòd multa animalia absque ignis usu degant, sine aqua uerò nullum. Plantas quoque & herbas citra aquæ humectationem certum est non florescere. Hanc ob causam Pinda. dixisse uolunt, *ὅτι οὐ μὲν ὕδωρ*. Sæpe propter penuriam aquarum, sedes mutare oportet. Leges quoque ciuiles, fontes muniunt. Si quis fontem turbat uel pedibus, uel iniectis sordibus, homines lædit & pecora: ita si iustus deponatur ab officio, pellatur in exilium, uel occidatur ab impio, ciuitati amplius prodesse non potest. Nam quemadmodum fontes utiles sunt, ita uiri sapientes in Republica & in Ecclesia. Etiam Socrates, sapientem publicum bonum esse definiuit. Suprà capite decimo. Os sapientis, aquarum scatebræ comparatur. Deus quoque comminatus est suo populo ingrato, quòd præstantes uiros ab eis ablaturus sit. Isaïæ tertio capite. *וַיִּמּוּת* moth significat declinare, cadere, nutare, amoueri de loco suo, & potest esse præteritum uel participium. Sunt qui ita intelligunt, *Declinās coram impio*, id est, dans locum impio, declinans à recto, metu pœnæ, aut alias ob causas, non purè amplius loquitur. Vel, *Cadens coram impio*. Scilicet in peccatum. Peccatum enim eorum exaggerat, & ob unum delictum, totam eius uitam damnat.

*Aquarum infinite sunt utilitates.*

27 Comedere mel multum, non est bonum, & inuestigatio gloriæ eorum (non est) gloria.

Quemadmodum illis, qui nimium mellis comedunt, mel officit: ita qui gloriam eorum, id est, scientiam rerum sublimium, inuestigare contendunt. Scrutandæ quidem sunt res diuinæ. Christus enim hortatur nos, ut scripturas uel eloquia Dei, quæ melli comparantur & aquis profundis, scrutemur: sed qui curiosè illa inquirunt, quæ absconsa uoluit Deus, non rectè faciunt. Quæ ad nostrum officium pertinent, sunt inquirenda, non quæ Deus sibi soli serauit. Confutantur hac sententia Astrologi illi, qui ex signis cœli, de totius anni bellis, morbis, caritate annonæ, & alijs rebus prædicunt, quæ à libera Dei prouidentia, non ab astris dependent. Gregor. Nazianzenus eos non secus ait facere, quàm si quis conspecto folio principis, conetur omnia eius consilia & animi cogitationes explicare. Deinde illi qui indicata natiuitatis hora, de totius uitæ cursu, de ingenio alicuius, uirtutibus, uitij & mortis genere uaticinantur. Reprehenduntur etiam, qui horam, diem, mensem uel annum ultimi iudicij, quique æternæ prædestinationis & prouidentiae Dei, aut sanctæ trinitatis arcana, curiosè inquirunt. Hoc non caret periculo: sed quemadmodum illi qui in summas arbores ascendant, aliquando decidunt: ita illi qui se in sublimè proripiunt, & arcana scrutantur, sæpe ad insaniam rediguntur. Hebræi relatiuum eorum, ad sanctos referunt, ut sit dissimile: quemadmodum non est bonum comedere nimium mellis, ita gloria est scrutari gloriam iustorum, hoc est, doctrinam siue uirtutes, quibus gloriam adepti sunt.

*Nimia inuestigatio rerum.*

28 Vrbs dirupta & absq; muro, uir cuius spiritui non est cohibitio.

In oppidum quod muro & fossa non cingitur, etiam noctu homines & animalia ingreditur, oppidani hostem repellere facile non possunt: sic uir qui cupiditates suas non frenat, facile ab eis occupatur, in seruitutem redigitur, malumq; accipit. Vt per spiritum, non iram tantum, sed alios quoq; affectus intelligamus. Muniendæ sunt mentes, ut impulsibus istis possint resistere, & ab inuisibili hoste non capiantur.

*Spiritus.*

## CAPVT XXVI.

Sicut nix in æstate, & pluuiæ in messe, sic neq; conueniens est stulto gloria.

**H**ONOR est præmium uirtutis, non igitur in stolidum uel impium hominem debet conferri. Nam quemadmodum nix in æstate, & pluuiæ in messe, res in tempestiua est, quæ illi tempori minimè congruit: ita stultis non conuenit honor. Si magnis titulis ornantur, si promouentur ad munera ciuilia uel Ecclesiastica, sibi multum placere incipiunt. Deinde obfunt alijs: perdunt Rempublicam, non propagant ueram pietatem. Ideoq; pij imperatores, in constitutionibus suis cauerunt, ne hæretici in Republica honestum locum consequerentur. Pugnat cum iusticia, si honorem illis impendamus, quibus non debetur. Quia uerò pluuiæ mei si non conuenit, orandus est Deus pro bona tempestate, &c.

*Honor in benemeros conferendus.*



2 Sicut passer aduagandum, & hirundo ad uolandum, sic maledictio sine causa prolata non ueniet.

*Dira & execratio = nes.* Scilicet, super illum in quem profertur. Damnat hæc sententia superstitionem, hoc est, immodicum metum. Diris imprecationibus & maledictis impiorum hominum, non debemus moueri. Nam quemadmodum non curamus incertum uolatum passerum, uel hirundinum (peruagari enim & uolare idem significat) molestum enim hoc esset & inutile: ita non magnopere solliciti esse debemus, si furiosi homines, dira quæq; nobis imprecantur. Auiculæ quoque hæ, euntes & redeuntes nihil nocent, & quàm facile auolant, tam facile illa uitantur, quæ quis iniquè nobis imprecatur. Sunt quidam superstitiosi & puidi, qui stultè metuunt, ne execrationes effectum aliquem habeant. Germani dicunt, felium preces non penetrare cœlum. Licet Papæ propter receptam Euangelij puram doctrinam, nos diris deuoueant, & bruto fulmine excommunicationis feriant, addantq; faces uel cereos ardentes, quos è sublimi magna solennitate iaculantur, non tamen magis curare debemus, quàm uetuli canis latratus. Deus enim maledictiones eorum uertit in benedictionem. At si quis non temere, sed ex uerbo & præcepto Dei, maledictiones proferat, effectum suum habent. Leuit. uigesimosexto. Deuteronom. uigesimoseptimo, & uigesimooctauo, multæ ponuntur. Maledictus qui facit sculptile, qui non honorat parentes, qui transfert terminos proximi sui, qui errare facit cæcum in uia, qui euerit iudicium peregrini, uiduæ & pupilli, qui dormit cum matre uel nouerca sua, cum sorore sua, cum socru sua, cum omni iumento. Hæ execrationes siue maledictiones non sunt inanes: nam si homines absque pœnitentia decedunt, sentient Deum non esse uanum. Ita Helisæus iusta causa maledixit pueris. Noe maledixit nepoti suo Chanaan, eò quòd Cham pudenda ipsius cæteris fratribus ostenderat. Iosue execratus est illum qui restitueret Iericunta. In prophanis literis legitur, Oedipum in exilium pulsum, filios quòd patrem in calamitate nō defendissent, imprecationibus diris esse execratum, quæ quidem non irritæ fuerint: iuuenes enim illi mutuis uulneribus ceciderunt. Apud Homerum Iliad. i. Phoenix narrat sibi dira illa, quæ pater illi imprecatus fuerat, contigisse. Quidam sic intelligunt: Quemadmodum passer huc & illuc uagatur, & demum ad suum reuertitur nidum: sic maledictio ad locum unde profecta est. Id est, ad maledicentem reuertetur, & ita homines maledicendo sibi, non alijs nocent.

3 Flagellum equo, capistrum uel frenum asino conuenit, sic uirga tergo stultorum.

Equus regendus est flagello, asinus freno, ita stultus uirga. Stulti seipso regere nec uolunt nec possunt, cum primum sentiunt se non castigari, insolentes fiunt: uirgarum igitur metu coercendi sunt, ut suum faciant officium, aut si nolint, alij eorum terreantur exemplo. Deus quoque nos per afflictiones & aduersitates retinet in officio. Psaltes hortatur nos, ne fiamus sicut asini & equi.

4 Ne respondeas stulto, secundum stulticiam suam, ne adæqueris ei, etiam tu.

5 Responde stulto secundum stulticiam suam, ne fortè sit sapiens in oculis suis.

*Responde re stulto secundum stulticiam suam.* Hæ sententiæ, prima specie uidetur pugnare, sed reuera nulla est pugna. Nā in priore sententia, aliter accipit respondere secundum stulticiam suam, aliter in posteriore. Alij distinguunt in stulto: quidā enim reduci possunt ad sanā mentē, quidam sunt incurabiles & pertinaces. Contradictiū aut hæc lex est, ut de eodem, ac eodem respectu nō dicatur. Ne respondeas stulto secundum stulticiam suam, hoc est simili stulticia: si cōuitijs & sannis tecū agat, tu memor modestiæ, nō par pari referas, alio qui similis eris ei, omnesq; dicet, Nescio uter ex illis plus sapiat, cū Birtho Bachius cōmissus est. An si aduersarius tuus in gurgitem se præcipit dare uelit, tu idem facies? In scriptis quoq; hoc cogitandum est, si aduersarij nostri, innumerabilia conuitia contra nos congerant, abstinendum ramen nobis est à cōuitijs, ne eadem in re peccemus qua ipsi. Deinde, responde stulto secundum stulticiam suam, hoc est, quemadmodum stulticia eius exposcit: ostende ei stulticiam suam solidis argumentis, ne sibi sapere uideatur, & ut alijs stulticia eius manifesta sit. Exemplo ré declarabo: Papistæ mordicus retinet Confessionem auricularē, utq; eam defendant ex sacris literis, inter alia proferunt locū ex Epistola Iacobi 5. ca. Cōstitemini inuicem alius alij delicta. At ostendendum eis est, hunc locū nihil ad eorum institutum facere: loquitur enim de quotidianis offensis Christianorum inter se, quas statim uult cōciliari: nō præcipit, ut sacrificulo alicui peccata sigillatim recitemus, & absolutionem à peccatis ab illo petamus. Deinde si hic sensus esset, sacrificuli quoq; laicis debere peccata sua in aurem dicere. Ita alijs quoq;



quoque ineptis eorum argumentis respondendum est. Aliquando clauum clauo retundere licet: sic Christus Matth. 15. & 23. Videndum tamen, ne quid ex prauis affectibus à nobis fiat. Clemens Alexandrinus, loqui secundum stulticiam stulti, intelligit, se demittere ad captum eius, ut per illa quæ ei sunt familiaria, perueniat ad fidem ueritatis.

6 Succidens pedes, & bibit iniquitatem, mittens uerbum per manum stulti.

Sæpe de nuncijs fit sermo in hoc libro, quantum commodi afferant industrij & fideles, econtra quantum incommodi negligentes & perfidi. Per nuncios non tantum legatos intelligit, sed in genere omnes qui mittuntur, siue à priuatis hominibus, siue magistratibus, ad exequendum aliquid: quales sunt concionatores, prætores, milites, serui, &c. Iterum ostendit quàm malè faciat, qui magna negocia per stultos tractat. Similitudine res illustratur, præcidit pedes, scilicet suos: hoc est, sibi temere maximos cruciatus, quin ipsam mortem accersit, qui in negocijs arduis, ueluti bellis & alijs, legato aut imperatore utitur stulto. Vel pedes, scilicet eius quem aliquo mittit: hoc est, non minus ineptè facit, quàm si quis illum, cui pedes truncasset, iuberet ire. Nam ut mutilus ille, iter facere non potest, sic ille destitutus uirtutibus quibus legati instructi esse debent, imprimis prudentia & eloquentia, nihil efficit. Accedit aliud damnum, quòd qui talem misit, bibit iniquitatem, id est, implebit se iniquitate, & patietur iniuriam, malorumq; particeps erit, quorum ineptus ille author est. Exemplum eiusmodi legatorum, sunt speculatores qui è terra Chanaan reuersi Israelitis inobedientiæ authores fuerunt, Num. 13. & 14. cap. Discamus itaq; ex hac sententia, res arduas dignis hominibus committere, &c.

Res magnæ  
non stultis  
committendæ.

7 Eleuata sunt tibiæ à claudo, sic & parabola in ore stultorum.

Crura in claudis eleuata sunt, id est, inæqualia, unum uel maius est uel minus altero, aut etiam altius: sic si stultus uelit *γυναικολογῆν*. Sententia enim uel parabola in ore stulti, non conuenit cum alijs eius sermonibus. Tamen si aliquando dicat sententiam, tamen illis quæ antè dixit, aut postea dicturus est, non est similis. Stultus enim stulta loquitur. Prudens sermo non minus alijs sermonibus respondet, quàm (ut alia similitudine utar) si quis serico lineum pannum assuat. Lutherus reddit, *quemadmodum claudum choreas ducere est absurdum, &c.*

Parabolam  
non conuenire  
stulto.

8 Sicut qui ligat lapidem in funda, sic qui dat stulto gloriam.

*מרגמה* margemah, aliqui interpretantur fundam, aliqui aceruum lapidum, aliqui uerò purpuram. Hic non una est huius loci expositio, idem tamen sensus. Quemadmodum ineptè facit, qui lapidem mox excutendum, fundæ alligat: ita qui stultum honore afficit, idq; uerbis uel factis. Ut si meretricem ornes probæ matronæ titulis, non decet. Si Antichristum, quem Zacharias stultum pastorem uocat, sanctissimum salutes, non minus competit, quàm si lapidem in fundam ligares. Sic si homines indignos & stultos, ecclesijs præficias, aut in senatorum ordinem deligas, ineptè agis. Vel, quemadmodum qui ligat, id est, ponit lapidem, scilicet preciosum in funda, ut eum eiaculetur, stultè facit: sic qui stulto honorem tribuit. Vel, quemadmodum ille ineptè & ridiculè facit, qui lapidem ex aceruo uulgarium lapidum acceptum, ligat, id est, auro includit, sic qui honorem defert stulto. Vel, quemadmodum ille ineptè & ridiculè facit, qui ligat, id est, auro includit lapidem, scilicet preciosum, & projicit in aceruum aliorum lapidum: sic qui stulto dat gloriam, indignus enim est gloria. Item qui ligat lapidem platearum in purpura, sic qui stulto gloriam confert. Vulgata translatio habet, *Sicut qui mittit lapidem in aceruum Mercurij, ita qui tribuit insipienti honorem.* Quæ interpretatio sumpta uidetur à Græcis, qui, ut Erasmus Roterodamus annotat in prouerbio, Mercuriale, uariè hanc uocem transtulerunt. Quidam *ἐγχαίον*, quod significat aceruum lapidum. In itineribus enim ambiguis, uiatores aceruos lapidum Mercurio sacros ponebant. Aliam interpretationem affert, Ioannes Saresberienensis in Policratico suo de nugis curialium: Ego, inquit, sapientiorum uenia impetrata, aceruum credo Mercurij, in quo consistit ratio calculandi, quia Mercurius numen illorum est, qui negotiationem exercent, & ratiocinijs suis diligenter inuigilant. Mittere ergo lapidem in aceruum, quo regitur ratio calculandi, est totam turbare calculi rationem, & honorem conferre insipienti, est Reipub. subuertere uitam, &c. Quidam annotant Salomonem loqui de lapide preciso in funestum aceruum lapidum projecto, qui ad hoc destinatus erat, ut eo damnati lapidarentur, atque ideo huic populo abominabilis erat. Omitto alias interpretationes, quæ minus ad rem facere, & ex inscitia linguæ Hebrææ natæ esse uidentur.

Stultum nō  
honore affi-  
ciendū esse.

9 Spina quæ ascendit in manu ebris, parabola in ore stultorum.

Ebrius non aliter incedit, quàm si in loco lubrico uersaretur, subinde casurum putamus.



*Nec spinam* Si nunc spina ascendat in manu eius, id est, si gestet spinam in manu sua, uel aliud quidpiam  
*ebrius, nec* simile, cultrum uel gladium, & se & alios lædit: sic stulti, si egregiam aliquam doctrinam uel  
*parabolam* sententiam habeant, uti ea non possunt: non enim consultant cum genere auditorum, nec ob-  
*stultus tra-* seruant regulam Christi, ne quis sanctum canibus proiciat, uel margaritas spargat ante porcos.  
*stare po-* Hinc fit ut mali hæc audientes, in rabiem uertantur, (non aliter quam canes si cibos aroma-  
*test.* tis conditos gustauerint) & stulti illi in periculum ueniant. Scripturæ quoque locis & exem-  
 plis, & sibi & alijs, stulti nocent, quando ijs ad scelerum defensionem abutuntur.

10 Magnus uel Dominus creat omnia, & mercedem dat stulto, & mercede-  
 dem dat transgressoribus.

Deus Opt. Max. (qui *הַאֵלֹהִים* magnus dicitur) non tantum omnia condidit, sed etiam  
 conseruat. Homines non tantum pios, sed impios quoque alit ac nutrit, non secus quam si de-  
 beret eis cibum. Ut eadem sit sententia, cum illa Matth. 6. cap. Solem suum exoriri sinit Deus  
 super bonos & malos. Deinde, dat mercedem impijs hominibus, hoc est poenas eis debitas  
 immittit, aliquando in hoc, aliquando in futuro seculo. Sunt qui hunc uersum sic intelligant,  
*Magister parat omnia*, id est, peritus artis suæ conficit omnia per se, *stultus autem mercede conducit.*  
*עֲבָרִים* ofrim, *præteritores, transeuntes*, id est, qui obiter & transeunter aliquid faciunt. Vel *trans-*  
*gressores*, id est, perditos homines. Quidam reddit, *princeps uulnerat omnes*, hoc enim uerbum e-  
 tiam uulnerare significat.

11 Ut canis reuertitur ad uomitum suum, sic stultus iterans stultitiam.

*Locus ex 2.* Stultus qui iterat stultitiam suam, hoc est, qui semel à falsa religione, ueluti Iudæorum, gé-  
*Pet. 2. cap.* rilium, Turcarum, Papæ & aliorum, quiq; à sceleribus liberatus est, sed postea in illa relabitur,  
*explicatur.* similis est cani, qui quod euomit resorbet. Fœda est similitudo, sed res cui applicatur multo  
 est fœdior. Huc respexit D. Petrus in calce 2. epistolæ cap. 2. ubi de illis agit, qui uerbis & fercu-  
 lis falsorum doctorum deliniti, ad falsam religionem relabuntur. Si posteaquam refugerunt,  
 inquit, ab inquinamento mundi, per agnitionem Domini & seruatoris Iesu Christi, tamen  
 his rursus inuoluti superantur: facta sunt illis postrema peiora primis. Satiùs enim fuisset il-  
 lis, non cognouisse uiam iustitiæ, quam ubi cognouerunt, conuerti ab eo quod illis traditum  
 fuit, sancto præcepto. Verum accidit illis quod uero prouerbio dici solet: Canis reuersus ad  
 suum ipsius uomitum: & sus lota reuersa ad uolutabrum cœni. Hæc uerba mirificè faciunt ad  
 huius gnomæ explicationem. Per inquinamenta mundi, idem intelligit quod Salomon per  
 stultitiam, nempe falsam religionem, & turpem uitam. Per cognitionem uerò Christi, non  
 nudam noticiam, qualis etiam est in diabolis, Iacobi 2. cap. sed ueram fidem in Christum. Sic  
 Esaiæ 53. dicitur, in sui cognitione seruus meus iustus, Christus scilicet, multitudinem iustifi-  
 cabit. Qui nunc superstitionibus & sceleribus rursus inuoluuntur, illorum pessima est condi-  
 tio. Huc pertinent uerba Christi Matth. 12. & Luc. 11. de satana, qui si homines non inuigilent  
 suæ saluti, ipse uigilat. Exempla multa huius rei, non tantum in priuatis hominibus, sed etiam  
 urbibus habemus. Addit satiùs esse uiam iustitiæ, (id est, euangelium quod docet quomodo  
 iustitiam & salutem consequamur, uel ipsum Christum, qui est uia, ueritas, uita & iustitia no-  
 stra) non cognouisse, quam conuerti à sancto præcepto: hoc præceptum extat, in 1. Ioan. 3.  
 cap. nempe ut credamus in Christum, & nos inuicem diligamus. Scientes autem uoluntatem  
 Dei grauius punientur. Duas postea similitudines affert D. Petrus, sumptas ab immundis ani-  
 malibus, quibus apostasiæ fœditatem demonstrat. Non dissimilis huic sententiæ, est illa Iesu  
 Siracidis, Qui lauatur à mortuo, & iterum tangit mortuum, quid prodest lotio illius? Docet  
 itaq; hæc sententia, quam necessaria sit constantia siue perseverantia: de hac uide Matth. 10.  
 24. 2. Timoth. 3. 4.

12 Vidisti uirum sapientem in oculis suis, spes est de stulto magis quam  
 de ipso.

Phrasis est, Vidisti uirum, (quæ infra cap. 29. quoque habetur uersu 20.) pro, Si quispiam est  
 talis. Si uir aliquis, uel etiam mulier aliqua, sibi uidetur sapere, uix ad sapientiam perueniet,  
 etsi aliqua initia eius habeat: non enim uult erudiri à uerè sapiente, quia putat se sapientem.  
 Accipe exemplum de rebus domesticis: ignaua aliqua uxor, quæ putat se rei domesticæ pe-  
 ritam esse, licet non sit, non audiet bene monentes, de rebus omnibus rectè constituendis.  
 Qui sibi persuaserunt falsam religionem ueram esse & gratam Deo, non facile ueram reci-  
 pient. Delectantur stulti homines organorum strepitu, cantu, thure, auro, argento, serico: do-  
 ctrina item quæ non omnem salutem soli Christo tribuit, item quæ liberationem ex purga-  
 torio promittit, iisdem igitur Deum quoque gaudere, sibi persuadent. De illis hominibus, nisi  
 Deus spiritu suo eos afflet, non magis sperandum est, quod recepturi sint puram doctrinam,  
 quam



quàm de stultis quoddam sapientes euasuri sint. Christus dicebat, publicanos & meretrices phariseos & scribas præcedere in regnum cælorum. 1. Cor. 3, Si quis uideatur inter uos sapiens esse, in hoc seculo stultus fiat, ut sit sapiens. Ad Rom. 12. Nolite prudentes esse apud uosmetipsos. De hac sententia lege Chrysostomum homilia 30. ad populum Antiochenum. Repete plura ex cap. 3. uersu 7.

13 Dicit piger, Leo est in uia, leo est in medio platearum.

Suprà cap. 22. uersu 13. similis habetur sententia. In paruis & magnis rebus suas excusationes pigri homines afferunt, ut ociosi esse possint. Fingunt mille pericula, ubi nulla sunt, sub omni lapide, ut est in prouerbio, dicunt scorpionem dormire. Si religio sit recipienda aut defendenda, si bonæ leges promulgandæ sint, mox animum despondent. Si pugnandum pro patria, ante tubam trepidant. Si fortiter res aggredierentur *σὺν θεῷ*, uiderent omnia feliciter succedere, & omnia impedimenta feliciter amoueri. Desidia interim sua in maxima pericula sese & alios conijciunt. *לֶחָשׁ* schachal, Septuaginta nunc leonem, nunc pantheram uertunt. Psalmo 91. Chaldaeus catulum leonis interpretatur. Hoc loco Septuaginta *ἀποστομόμενος* legunt, tanquam Hebraicè legerint *לֶחָשׁ* schalach. Leo apud Hebræos plura habet nomina, secundum diuersos ætatis gradus, quemadmodum in lingua Germanica cerui. Vide Gesneri nostri historiam animalium.

Pigri habet  
suas excusa  
tiones.

14 Sicut fores uertuntur in cardine suo, sic & piger in lectulo suo.

15 Abscondit piger manum suam in sinum, fatigatur reducere eam ad os suum.

Illas sententias etiam habuimus suprà 19. & 22. ideo autem repetit, quod plurimum refert illas animis nostris habere insculptas. Naturam pigrorum tanquam in speculo uidendam proponit, ut uidentes huius uitij deformitatem, nobis caueamus. Pigri in lectis suis circumaguntur: pigri manus suas remittunt, & in sinum immittunt, aliquando uix ori admouere possunt: esurire malunt quàm cibos parare, cuperent aliquem habere, qui nutricis instar, cibum in os infereret.

16 Sapientior est ignauus in oculis suis, septem respondentibus consilium.

Si ignauus pro stulto accipiatur, sensus erit: Quod quis minus nouit, eò plus sibi sapere uidetur. Stulti itaq; uix & ne uix quidem, ad frugem aliquam perueniunt. Alios non consulunt, sibi enim nihil putant deesse. Si alij consulant eis, consilia eorum respuunt, & mirantur illorum stulticiam, qui ligna in syluam portare uelint, & noctuas Athenas: putant se prudentiores septem, id est, multis consilio pollentibus, more Hebræorum, apud quos septenarius numerus uniuersitati est consecratus, eò quoddam diebus septem mundus uniuersus absolutus est. Castalio interpretatur, *septies sapientior*. Septem sapientibus, quos antiquitas celebrat, sese anteponunt. Quin in negotio religionis, pastor stultus, hoc est, Papa Romanus se prophetis, Apostolis & ipsi Christo non modò æquat, sed etiam anteponit. Nisi enim res ita haberet, non sub capitalibus pœnis illa hodie Christiano orbi obtruderet, quibus primitiua Ecclesia feliciter caruit. Si quis morbum suum agnoscit, illi consuli potest: ita qui inscitiam suam fatetur, maiores subinde in sapientia progressus faciet.

Si pigrum secundum literam simpliciter accipias, sensus est: Piger sapientior sibi uidetur quàm sint multi sapientes. Dicit enim, illis bona uina non creuisse, sed sibi: illos cerebrum immodicis studijs corrumpere, & genium fraudare, insomnes noctes ducere, se uerò cum bonis socijs uersari, & rebus audere uti. Pigri qui nullum periculum adire uolunt propter ueritatem, iudicant stultos esse, si qui se periculo propter Euangelium exponant.

17 Apprehendit canem auribus transiens, qui irascitur in lite uel causa non sua.

Ostendit illos qui se alienis negocijs & litibus immiscet, sibi ipsis malum accersere. Si duo uel plures uerbis contendunt, uel strictis gladijs rem gerunt, non debes te alteri ex illis temere coniungere, sed pugnam dirimere, quemadmodum charitas suadet & leges præcipiunt. Vel, duo habent forensem controuersiam, ne temere pronuncies, quis meliorem causam habeat, sed sine constitutos iudices hanc rem decidere. Principes bella gerunt, ne te immisceas, si ex officio facere non teneris, sed sequere tuam uocationem, alioqui non impune feres. Idem de alijs publicis & priuatis negocijs intelligendum est. Periculum ostendit simili, qui canem apprehendit auribus, uel ut nos dicimus, cauda, læditur: hoc est, qui canem laçessit, ita qui se litibus ad se nihil pertinentibus immiscet. Castalio interpretatur, *prehendit auribus prætereuntem canem, qui se in certamen interponit alienum*. Huic, quod Solomon dicit, apprehendit

Rixis ne te  
immisceat.



hendere canem auribus, respondent illa proueria Græcorum τὰς σφῆνας ἐπεδίξεν, irritare crabrones. τὸν λέοντα νύττειν, leonem pungere, seu uellicare. ἐνὶ πόδι ἀναγείρειν, oſtipedem, hoc est, ſcorpium excitare, &c.

18 Sicut abscondit se, qui emittit ſcintillas, uel insaniam ſimulans ſagittas, & uafa mortis:

19 Sic qui fraudat amicum ſuum, & dicit, non ne ludo ego?

Qui flammas inicit in ædes alterius, ut eas exurat, & qui ſagittis uel alijs instrumentis mortiferis, alterum conficit, uidet ne quis reſciſcat. (Quamquam ſtultum hoc ſit, Deum enim fallere nō poteſt, qui mirabili ratione atrocía ſcelera prodiť.) Sic qui fraudat proximum ſuū, poſtea deprehenſus dicit, ſe luſiſſe, ut nihilominus amicus eſſe iudicetur. נִחַח lahah in hithpahal ſignificat etiam ſimulare insaniam, & tunc, ut uidetur, hic erit ſenſus: Qui domum alterius incendit, & qui conficit proximum ſuum, deprehenſus ſimulat insaniam, ut ei parcatur. (Leges enim furioſis hominibus parant.) Sic qui amico ſuo iniuriam intulit, poſtea ſe ioco feciſſe dicit, ne hoſtis loco habeatur.

20 Cum non fuerint ligna, extinguitur ignis: ſic cum non fuerit ſufurro, ſilebit contentio.

Sufurro lignis comparatur: nam quemadmodum lignis ignis conſeruatur: ſic ſufurro alie iurgia & diſidia inter homines. Si ligna imponas igni, maior ſubinde fit, ſi extrahas ex igne, extinguitur: Ita ſi locum apud te habeāt ſufurrones, contentiones augeſcunt. Queruntur multi de iurgijs quæ inter ipſos ſint, ſed ſi ſufurronibus frenum imponerent, uel eos domo expellerent, altiffima pace fruereſcentur. Vide cap. 22. uerſu 10.

21 (Vt) carbo (eſt aptus) ad prunas, & ligna ad ignem, (ſic) & uir contentioſus ad ſuccendendum lites.

Similis eſt hæc ſententia ſuperiori, niſi quòd hic de alio hominum genere agitur, nempe de contentioſis, qui leues ob cauſas mouent certamina. Vt carbo facile ignem concipit, ſi prunis, & ligna ſi igni admoventur: ita uir contentioſus diſcordiam facile excitabit. Tales homines, non tantum familias, ſed & Reſpub. atq; Eccleſias perturbant.

22 Verba ſufurronis (ſunt) tanquam blandientia, (uel ſicut uerbera,) & ipſa deſcendunt ad cubicula uentris.

*Sufurrones.* Sufurrones præ ſe ferunt blandis ſuis uerbis amorem, cum erga illum cui aliquid referunt, tum erga illum de quo aliquid dicunt. Hæc refero tibi, inquiunt, quia te amo, & dolet mihi illi, cuius alioqui mores mihi non diſplicent, hæc & hæc dixiſſe. Quid ſit? uerba illa altius deſcendunt in animum, quàm quiſquam putet. Indignè ferimus ſi quis nos uel uerbo lædat, ſtatim de ultione cogitamus: malè itaq; faciunt delatores inſtigando homines contra aduerſarios, quos ad amorem potius inflammare debebant. Vide cap. 18. uerſum 8.

23 Sicut argentum ſcoriarum obductum (uel teſtum) ſuper teſtam, labia ardentia & cor malum.

Gnome eſt ualde obſcura, ſenſus tamen hic ſimplex eſſe uidetur. Quemadmodum de argento teſtæ impoſito, iudicari poteſt, multum ne ſcoriæ habeat uel minus: ita ex labijs ardentibus, id eſt, ſuccendentibus & inflammantibus alios ad malum, uel furentibus: de corde hominis, quale nam ſit, facere iudiciū poſſumus. Nam quod teſta, id eſt, uas fictile eſt ſub argento non purgato, hoc cor malum ſub labijs ardentibus. Luth. reddit, maledicum os & cor malum, ſimile eſt teſtæ ſcoria obductæ.

24 Labijs ſuis cognoscetur uel alium præ ſe fert, qui odio habet: at in interioribus ſuis ponet dolum.

25 Cum gratioſam fecerit uocem (aut cum orauerit,) ne credideris ei, quoniam ſeptem abominationes ſunt in corde eius.

נִכְחַר nachar ſignificat agnoſcere & alienare ſe. Hinc eſt quod quidam uertunt, labijs ſuis agnoſcetur hoſtis: odium ſuum non poterit abscondere. Quæ expoſitio non bene quadrat mox ſequentibus. Alij uerò reddunt, alium præ ſe feret, uel alium ſe oſtendet. Simulant inimici noſtri uultu amorem noſtri, odium diſſimulant, at interim inſidias nobis parant: cumq; blandè nos alloquuntur, ſuamq; operam nobis promittunt, non eſt eis fidendum, præſertim hoſtibus fidei. Quando enim nobis blandiuntur, inſidijs nos petunt. Septem, id eſt, multæ abominationes, hoc eſt, uafa conſilia, latent in peſtore ipſorum. Huc pertinet prouerbialis ille ſenarius, qui admonet ne de hoſtibus ſimus ſecuri: ἐχθροῖς ἀπεγῶν μὴ ποτ' αὐτὸν ἀπὸ τοῦ βλάσιν.



26 Operit se odium in deceptionem, manifesta erit malicia eius in congregatione.

**נחש** nasha, seducere significat & desolare. Sensus igitur est, Hostis odium suum celat, amorem prę se ferens, ut decipiat proximum suum, uel ut desolationem super eum adducat, at in congregatione, manifesta erit malicia eius. Quod bifariam potest intelligi. Primum, in conuentibus hominum quando proximum laudant, eumq; ad dignitatem aliquam promouere uolunt, animum suum proderet. Vel in congregatione illa magna, quando omnes ante tribunal Christi sisti oportet, manifestum fiet, quid quisq; in corde reconditum habuerit, & in manifesto punientur, qui clām proximis suis insidias struxerunt.

27 Qui fodit foueam (alteri) cadet in eam.

Idem dicitur in Ecclesiaste 10. cap. Psal. 7. 9. & 18. & 37. Sensus est, qui alteri malum parat, incidet in illud. Translatum est ab his, qui foueis effosis, lupis, uulpibus & alijs feris insidiantur. Vel ab illis qui oppida ingredi uolunt, effosis cuniculis, in quibus sæpe pereunt. Christus dicit, Qua mensura mensi fueritis, eadem remetietur uobis. Congruunt etiam gentili-um dicta cum hoc:

Sibi parat  
malum, qui  
alteri pa-  
rat.

ὃς δὲ καὶ βελὴ τῷ βλάσσαντι κακίῃ. Item:

τὸ ὄχλῳ ὡς ἐτέρῳ τὸ κακὸν ἢ παρὰ τὸ ὄχλῳ.

Aristot. Rhet. 3. citat titulo Democriti Chij:

ὅτι τὸ ἀντὶ κακὰ τὸ ὄχλῳ αὐτῷ ἀλλὰ κακὰ τὸ ὄχλῳ.

Hoc autem diuinę benignitatis est (ut dicit Chrysostomus homil. in Psalm. 8.) & clemencię, insidijs talem tribuere naturam, ut retia conuertantur in ipsos insidiatores, ut ideo defistant cum propinquis belligerari, & eis parare insidias, &c. Exemplis Pharaonis, Saulis item, qui Dauidem Palęstinis obijcere cogitabat, sub quibus cecidit, Achitophelis, Absalomi, Hamani, hæc sententia declarari potest: item Perilli, qui cū Phalaridi Agrigentinarum tyranno æneum taurum dono dedisset, in quem si homines inclusi uiui exurentur, mugitum editurum promittebat, tyrannus artificem in eo primum exussit, ut experiretur num res ita haberet. Hinc Ouidius:

Et Phalaris tauro uiolenti membra Perilli

Torruit, infelix imbuit auctor opus.

Et mox:

Neq; enim lex iustior ulla est,

Quam necis artifices, arte perire sua, &c.

Euseb. lib. 1. in uita Constantini Magni scribit de Maxentio, quod fluuium ponte strauerit, quo transeuntem Constantinum perderet, sed Deo uolente seipsum & suos perdidisse.

Et qui uoluit lapidem, ad eum reuertetur.) Siracides dicit 27. ca. Qui in altum mittit lapidem, deciderit in caput illius. Sensus huius membri est, Qui lapidem magnum sursum uoluit, sæpe mole lapidis obruitur, ut deorsum tendendo, uoluentem opprimat. Exemplum huius dicti, egregium habemus in uita & gestis Hiltebrandi, qui Romanus Pontifex factus, Gregorius 7. dictus est, descripta per Benonem (uel Brunonem potius) Cardinalem, archiprębyterum Romanę Ecclesię. Is scribit, Heinrychum 4. Imperatorem solitum fuisse frequenter ire ad orationem, in Ecclesiam S. Marię in Monte Auentino. Hiltebrandus autem cum per exploratores suos, omnia eius opera sollicitę inquireret, locum in quo imperator frequenter orabat notari curauit, & quendam promissā pecunia ad hoc induxit, ut super trabes Ecclesię occultē lapides magnos collocaret, quos super caput imperatoris demitteret, ipsumq; contereret. Cumq; minister tanti sceleris, lapidem magni ponderis super trabes aptare uellet, lapis pondere suo eum traxit, & fracta sub trabibus tabula, miser ille in pauimentum ecclesię cecidit, & eodem lapide contritus est. Erasmus Roterodamus multa proueria huius sententię collegit, Chil. 1. cent. 1. prouerb. 51. & deinceps, nempe: Suo iumento sibi malum accersere, Suo gladio telo uel iugulari, Suo ipsius laqueo capi, &c.

28 Lingua mendax, odio habet contritum.

Homo illum odio habet, quem lingua sua in magnum malum coniecit: metuit enim ne sibi restitutus, iniuriam illam ulciscatur. Si diligenter consyderes, uidebis illos qui aliquem læserunt, minus remittere de odio, quā qui læsi sunt. Posset etiam legi, humilis uir, odit linguam mendacem.

Et os blandum facit impulsione (uel ruinam.) Sensus est, homines blanditijs suis & adulatione, primum ad uaria scelera homines impellunt, deinde uarijs quoq; pœnis eos obijciunt.



## CAPVT XXVII.

1 Ne glories de die crastino, quia nescis quid paritura sit dies.

Ne laudes  
te de crasti-  
no opere  
uel succes-  
su.



RIMA sententia huius cap. admonemur, ne nimiū nobis ipsis tribuamus, ne ue securi simus. Gloriarī de crastino, est iactare se de ijs quæ facturus est, siue paruis siue magnis. Subiungitur ratio quare non sit gloriandū de futuro tempore, Quia nescis quid dies, scilicet in qua tu es, & multò minus postera, paritura sit, an uicturus sis nec ne: nescimus quem exitum habitura sint negocia, quæ aggredimur. Vita nostra multis obnoxia est periculis: Bos cornupeta, rabidus canis, equus sternax, tegula uel stiria gelu durata decidens de tecto, nos subito extinguere potest. Anacreon acini grano, Fabius senator hausto cum lacte pilo præfocatus legitur. Papæ Adriano musca exitium attulit. Quot repentina morte decesserunt? Nihil nunc dicam de tot morbis, de tot casibus & periculis generibus, ruinis, terræmotibus, naufragijs, bellis, ueneficijs, latrocinijs. Et quamuis ista non semper, nec omnibus eueniant, tamen statuere non possumus, quid de nobis Deus decreuerit. Deinde alia multa incurrere possunt, quæ consilia nostra impediunt, ueluti morbi, &c. Metaphora utitur sumpta à parturientibus, qua uidetur subitam temporis mutationē significare. Dolor enim partus, repente mulierem corripit. Similis doctrina in calce quarti capituli epistolæ Iacobi legitur: Age nunc qui dicitis, hodie & cras eamus in hanc ciuitatem, &c. Latini quoq; dicunt, Nescis quid serus uesper uehat: &

„ Multa cadunt inter calicem supremaq; labra.

Inter os & offam multa interuenire possunt. Inter segetes & frumenta multum interest. Epinicion non canendum ante uictoriam. Hodie uulgò iactatur, ab exitu rem spectandam esse. Vide Prouerb. Eras. Vitæ finem spectat: item omnium rerum uicissitudo est. Pleni sunt ueterū scriptorum libri, sententijs de fragilitate uitæ humanæ, & de inconstantia fortunæ. Stob. multa collegit Serm. 103. Theognis dicit:

„ *μή ποτέ Κύρι' ἀγοράσαι ἔπος μέγα, οἷός γε γὰρ ὁ δαίμων*  
 „ *ἀνθρώπων, ὅ, τι νῦν ἔχ' ἡμέρα ἀνδρὶ τελεῖ.*

Horatius ode. 7. lib. 4.

„ Quis scit, an adiciant hodiernæ crastina summae

„ Tempora dii superi?

Euripides in Alceste,

„ *βροτὸς ἅπανι κατθανεῖν ὀφείλεται*  
 „ *ὡς ἐστὶ θνητῶν ὅσις ἐξεπίσταται*  
 „ *πλὴν αὐτοῖον μέλλουσιν, εἰ βιώσεται.*  
 „ *τὸ τῆς τύχης γὰρ ἀφανὲς οἱ προβήσεται.*  
 „ *ὡς δ' ὁ δαίμων, ὃ δ' ἀλίσσεται τέχνη.*

Herodotus scribit de Sesostrī Ægyptiorum rege, quod uectus sit curru, quem quatuor reges ab eo uicti traxerint. Cum autem unus ex illis, subinde respiciens, rotam intuitus esset, interrogasse Sesostrim, Cur totius respiceret? Considerans ille respondit, ea quæ summa fuerunt in rota, mox ima fieri, cogito de mutatione fortunæ. Hac cogitatione Sesostrim mitiorem factum, reges liberasse. Pauli Æmylij præclaram sententiam repete ex cap. 17. uersu 5. Bellisarius Iustiniani dux, cum multa bella feliciter confecisset, tandem mendicasse stipem legitur. Posent alia etiam multa exempla afferri.

Peccant contra hanc sententiam qui fragilitatis & inconstantiae humanæ uitæ immemores, non antè se morituros dicunt, quam magnas opes collegerint: aut nescio quos honores fuerint consequuti. Qui elati successuum prosperitate, non cogitant, etiam repentinum casum eorum felicitatem interuertere posse. Qui dicunt se uitam emendaturos, si hunc uel illum annum ætatis attigerint: cum Christus nos in omne momentum, exemplo prudentium uirginum, paratos esse iubeat. Sic uiuendum est quasi quocunq; die morituri simus, quia uel ait Gregorius, qui tibi promisit de peccato, si pœniteas, ueniam, non tibi promisit crastinum diem. Rectè dicit Martialis:

„ Non est, crede mihi, sapientis dicere uiuam,

„ Sera nimis uita est crastina, uiue hodie, &c.

Peccant contra hanc sententiam, qui ex malis alienis uoluptatem capiūt, cum nesciant quid de eis futurum sit, de quibus alibi diximus in hoc libro. Item qui gloriantur ante uictoriam, quæ non in hominum arbitrio, sed solius Dei manu est posita. Putamus interdum nos uictoriam ambabus manibus tenere, cum exitio nostro proximi simus. Exodi 15. cap. in canticō,

per



per prosopopœiam inducitur hostis, promittēs sibi certam uictoriam: Persequar eos, inquit, apprehendam, diuidiam spolia, implebo in eis animam meam, euaginato gladio meo, perdam eos manu mea, sed quomodo subito perierit, mox subiicitur, &c. Benhadadus cum Arhabus imperata facere nollet 3. Regum. 20. cap. iurat se Israelitas capta urbe Samaria, male tractaturum, cum tamē euentus non esset in manu eius. Achabus (quantumuis impius) præclaram sententiam dicit, non antè gloriandum ei de uictoria, quàm uicto hoste, discinctus arma posuerit. Pompeiani, ut Cæsar scribit in suis Comment. qui aliquot millibus superabant exercitum Iulij Cæsaris, antequam uincerent, diuidebant res Cæsaris, sed mox cladem accipiebant. Hoc est encomium ante uictoriam canere. Heluetij dicunt, Virgo nondum confosso, pellem eius distribuere. In memorabili illa pugna Heluetiorum, quæ ad Basileam cum Delphino commissa est (qui ut Tigurum obsidione liberaret, euocatus erat) Burchardo Monacho, uiro nobilio & strenuo, cum de uictoria insolenter gloriaretur, utq; stragem uidere posset, galeam aperiret, quidam ex semimortuis Heluetijs in genua affurgens, lapidis iactu lethale uulnus inflixit. Iulio Cæsari, de quo paulò antè diximus, accusanti uaticinij uanitatē, responsus est: Venisse Calendas Martias, non autem præterisse. Est magna rerum humanarum inconstantia: ex Deo igitur pendeamua: nihil futuri nobis sine Dei auxilio promittentes, sed ipsi soli omnia committentes, qui omnium rerum euentus gubernat. Quem admodum uerò de futuro gloriari non debemus, ita nec cruciari, Matth. 6. Addendum est, illos abuti hac sententia qui dicunt, quando incertum est, an ad diem crastinum atq; adeo ad uesperam uicturi simus, indulgendum esse epulis & uoluptatibus, quemadmodum de Sardanapalo legitur apud Athenæum lib. 12. Horatius quoq; Ode. 9. & 11. lib. 1. Ode. 7. lib. 4. item alij poetæ hoc argumento, ad hilariter uiuendum amicos suos hortantur, &c.

## 2 Laudet te alienus, & non os tuum, extraneus, & non labia tua.

Hæc sententia ambitionem & iactantiam damnat. Inciuile prorsus ac turpe habetur inter homines, si quis præco sit suarum laudum. Quisq; enim ita se gerere debet, ut alij uel inuiti cogantur eius non nisi cum laude mentionem facere. Nullæ leges permittunt, nobis ipsis testimonium perhibere, aut iudices esse in propria causa. Vulgò dicunt, proprias laudes sordere: & eum qui seipsum laudat, malos habere uicinos. Aristoteles quoq; teste Laertio dicebat, quod semetipsum laudare uani, uituperare stulti esset. Stobæus ex Themistij libro de mediocritate affectuum hæc uerba ponit. τὸ ὑπερβάλλον βαρὺ τὸ καὶ ὑποχθὲς, καὶ ὁ δὲ ὁ ἑαυτοῦ ἀνυψοῦν πορτὶνὸν, ὡς ὁ καὶ ἑαυτὸ ἐπαινεῖ. Cicero dicit, deforme est de seipso prædicare, falsa præsertim, & cum irrisione audientium, imitari militem gloriosum. Si uirtutibus ornati sumus, non nos ipsos, sed Deum; cuius dona sunt, laudare debemus. Peccamus si apud nosmetipsos nobis placeamus, nedum si apud alios tibicines simus nostrarum uirtutum. Quin erubescendum nobis erat, quando alij nostras laudes prædicant. Et merito reprehenduntur, qui adulatorib. delectantur. August. in Psal. 144. Ecce, inquit, inuentum est, quomodo te laudes & arrogans nō sis: Deum in te lauda, non te, non quia tu es talis, sed quia fecit te, non quia tu aliquid potes, sed quia potest ille in te, & per te. Certum est ut quisq; sapientissimus fuerit, ita modeste de seipso loqui solet: & agnoscere suos nēuos. Vides itaq; quid sentiendum sit de illis hypocritis, qui suam iusticiam & merita, non tantum prædicant, sed etiam alijs precio uendunt.

Oritur quæstio, Quomodo sancti seipso laudant. Moses enim Num. 12. se mitissimum uocat omnium hominum. Samuel, Esdras, Paulus 2. Cor. 11. cap. & alij, multa & magna de se ipsis prædicant. Respondendum est scriptores sacros impulsu spiritus sancti locutos esse, non suo arbitratu. Suas uirtutes non exponunt, ut carnalem gloriam ab hominibus uenerentur: sed necessarias ob causas, nempe ut alij confirmetur, aduersarij confutentur, utq; Deus celebretur. Christus quoq; seruator noster Ioannis 5. prædicauit de seipso, quòd sit filius Dei, quòd potestatem acceperit excitandi mortuos, & iudicandi mundum, ac alia huius generis. Postea subiungit: Si ego testimonium perhiberem de me ipso, testimonium meum non esset uerum, scilicet uobis: loquitur enim de auditorum opinione, non de sua auctoritate: subiicit igitur uaria testimonia, quibus probat se uera de seipso dicere. Postea octauo capite affirmanti se esse lucem mundi, & promittenti suis discipulis, uitam æternam, pharisæi dixerunt: Tu de teipso testificaris, testimonium tuum non est uerum. Christus respondens, dicens: Et si ego testimonium perhibeam de me ipso, uerum est testimonium meum: quia scio unde ueni, & quo uado, &c. Ostendit discrimen esse inter se & alios homines. Mox in eodem capite. Si ego glorifico meipsum, gloria mea nihil est, scilicet uestra opinione: Vel si humano more iactarem, me esse filium Dei, arrogans essem, & habeo cœleste testimonium de mea maiestate, &c.

Quæstio,  
quomodo  
sancti se-  
ipso lauda-  
runt.



## 3 Grauitas ex saxo, &amp; pondus arenæ: sed ira stulti grauior est utroq.

*Ira stulti intolerabilis.* Confert iram stulti, lapidibus & arenæ, quæ quamuis ponderosa sint, tamen portari & duci possunt, quocunq; uoluerimus: at iram stulti ferre aut regere non possumus. Sapientes uiri si ira exarserint, multa inconsideratè & ineptè faciunt. Iacobus dicit, Viri iram iusticiam non operari: quid igitur de stultis tibi promittas, qui cum tranquillo sunt animo, modum seruare nesciunt, semperque alijs graues sunt & molesti? Irati instar equorum qui excusserunt frenum, non possunt cohiberi, nec dimoueri à sua sententia: siue blandè siue asperè eos appelles, ferociores redduntur, & pergunt facere, quæ ipsi instituerunt, ideoque magno sunt oneri hominibus. Experimur hodie quàm intolerabiles sint stulti illi, qui obstinatis animis Euangelium extirpare in animum induxerunt. Ira uerò sapientis sæpe utilis est, & necessaria.

## 4 Crudelitas est in furore, &amp; inundatio in ira: at quis consistet coram inuidia?

*Inuidia est peior iracundia.* Vel zelotypia. Quantum malum inuidiæ sit, per collationem ostendit. Confert enim inuidiam cum ira & furore, quæ duæ uoces apud Hebræos, uel idem significant, uel differunt secundum plus & minus: (Aben Ezra enim *חמה* chemah, furorem uehementiorem esse dicit, quàm *אף* aph iram, ut etiam apud Latinos.) Iræ attribuitur crudelitas, furori uerò inundatio, quæ peior est: quanquam contrarium etiam dici possit. Furor uel excandescencia, habet coniunctam crudelitatem: nam qui excandescunt, statim se ulcisci cupiunt & exerere crudelitatem, non tantum in hostes, sed etiam coniunctissimos homines, quam cum expleuerint, placantur aduersarijs. Ira est uelut diluuium aut inundatio, quæ subitò magna dat mala, arbores radicitus euellit, & omnia occurrentia magno impetu secum trahit, sed statim remittit: Sic furore perciti, omnia promiscuè destruunt. Infra 29. cap. dicitur, uir iratus prouocat rixas, & furibundus multiplicat præuaricationem. Inuidi uerò captant locum & tempus nocendi, nec possunt cauere, & postquam malis aduersarium affecerint, non desinunt, sed pergunt, quemadmodum carniuoræ bestię. Quin nec mortuis parcunt: sed quemadmodum corui, uultures, lupi & uulpes, aliq; fœda animalia, cadaueribus delectantur, ita illi in festatione mortuorum. Liberis etiam defunctorum aliquando nocere cupiunt: nam dolet eis si uideant eos bene habere. Furor etiam apertus, declinari potest, non autem latens inuidia. De uehementia zelotypiæ, alibi quædam annotauimus. Docet hæc sententia uitia non esse paria: uitia enim uitijs si comparentur, furor peior est ira, inuidia utroq;: ira enim citò transit, furor autem & inuidia diu durat.

## 5 Melior est increpatio manifestata, quàm amor absconditus.

*Dilectio duplex.* Duplex est dilectio, occulta & manifesta. Per occultam dilectionem illam intelligit, quæ homo alterum quidem amat in corde suo, sed re ipsa ei amorem non ostendit, nec illum increpat, quando necessitas postulat. Illa dilectio non multum prodest, nam talium ope & auxilio uti non possumus. Melior est amor, qui manifestatur correptione: nam qui corripuntur, sæpe in se descendunt, & ab illis rebus sibi cauent, propter quas reprehenduntur. Quin etiam inimici increpatio manifesta, utilior esse uidetur, quàm amici dilectio abscondita. Fecit enim conscientiam nostram, ut uitam emenderemus: ex amore autem abscondito, hoc est, qui effectum non ostenditur, nullum bonum prouenit amato. R. Ioseph Kimhi sic exponit: Increpatio bona est quomodocunq; etiam si manifestè fiat, sed quando increpatio est ex amore abscondito, id est, quando increpat amicum suum, increpat eum in abscondito inter sese & illum, & non increpat illum manifestè & publicè, ne illum pudore suffundat.

## 6 Fidelia uulnera diligentis, &amp; dura (uel acerba) oscula odio habentis.

Confert inter se amici uulnera, & hostis oscula. Cato quoque dicit in dialogo Cic. de amicitia, Multò melius de quibusdam acerbos inimicos mereri, quàm eos amicos, qui dulces uideantur: illos sæpe uerum dicere, hos nunquam. Nihil hominibus propter corruptam naturam nostram molestius, præsertim uerò iuuenibus, correptione: at qui amicum durissimis uerbis corripit, ita ut uulnus infligere ei uideatur, multò melius meretur de amico, quàm hostis qui blandis uerbis cum eo agit: omnia eius dicta & facta probat: illi enim amici salutem, hi suam utilitatem quærunt. Pythagoras etiam dixit, Gaude potius arguentibus te, quàm adulantibus, & tanquam deteriores inimicos adulatorem auersare. Exemplum est huius sententiæ Micheas qui Achabum corripbat, & Baalistæ qui eum decipiebant. Idem de alijs prophetis dici potest. Ne igitur statim illum hostem tuum existimes, qui asperis uerbis tecum agit, neque illum amicum, qui tibi blanditur. *נאֶתְחַר* næethâr, demulcitus est alicui, uel execrabilis factus est. *נֶאֱתֹרֹת* næethoroth, particip. pass. Kal, contrariam



contrariam habet significationem. Hanc sententiam explicat Chrysostomus in exordio homiliæ de ferendis reprehensionibus, & conuersione Pauli.

7 Anima saturata calcit fauū, & animæ famelicæ, omne amarū dulce.

Melle præsertim recente & distillante ex fauis, nihil est dulcius (per mel intellige omnes delicias:) at anima saturata, id est, homo saturatus, calcit, hoc est, fastidit & contemnit illud. Homines aliquando more beluarum saturarum, munera Dei reuera calcant pedibus. Famelico uerò, amara quoq; dulcia & suauia uidentur. Si cibi ei utiles apponantur, putat se Ambrosia uesci. Horatius Saty. 2. lib. 2.

Ieiunus stomachus rarò uulgaria temnit.

Cum Artaxerxes cognomento Memor, in fuga quadam, direpto illius comœatu, aridis ficis & hordeaceo pane uesceretur, Dij boni, dixit, cuiusmodi uoluptatis hætenus in expertus fui. Ptolemæo Lagi filio, Ægyptum peragranti, cum cibarius in casa panis datus esset, negauit ullum sibi cibum uisum suauiore. Fames homines cogit illa etiam comedere, à quibus natura abhorremus: fame enim mori miserrimum est. Nostri dicunt, famem optimum esse coquum. Socrates quoq; dicebat, optimum condimentum esse famem: irridens hoc Apophthegmate, luxū Atheniensem, qui uarijs condimentis conabantur efficere, ut cibus saperet palato, cum id optimè præstet fames. Si pauperes non habeant uarias cupedias, ut diuites, tamen quia esuriunt, suauius edunt quàm illi, & saniores sunt.

Quod fames facit in cibo, idem sitis facit in potu. Si satis bibimus, non curamus uina quantumuis preciosa (etsi reperiantur qui bene poti, plura uini genera appetunt) at si sitimus, austera nobis optima uidentur. נֶפֶשׁ נֹפְחֶת, deriuatur à נֹפֵחַ nuph, (unde fortassis נֶפֶשׁ apud Græcos dicitur) quod est stillare, sufferre: significat stillationem & fluxum, scilicet, faui aut aromatis. Cum Darius rex in fuga aquam turbidam & cadaueribus pollutam haussisset, dicebat, se nunquam bibisse iucundius.

Quæ de fame & siti corporis diximus, ad famem & sitim animæ etiam possunt transferri. Qui saturi sunt, hoc est, qui diu Euangelium audierunt, uel qui non sentiunt peccatum, non multum afficiuntur, etiam doctissimis concionibus: qui uerò famelici sunt, hoc est, qui rarius uerbum audire possunt, uel qui sentiunt sua peccata, concionibus non perinde doctis, plurimum gaudent. Aliàs quoq; caro saginata donis Dei, ferocire incipit. Iuuenalis:

Voluptates commendat rarior usus.

8 Vt auis uagatur de nido suo, sic uir uagatur à loco suo.

צִפּוֹר alij auem, alij passerem reddunt: nam (ut obiter id annotemus) hoc nomen ad omnes minores aues extenditur, priuatim tamen certam speciem significat, quemadmodum apud Græcos τράπης, & apud Latinos quoq; passer. Auis deserit nidum, ut cibum sibi & pullis suis parat: ita uiri discunt, ut sese & familiam suam alere possint. Alij sic intelligunt, quod uagi & instabiles homines, qui instar auicularum subinde sedes mutant & genus uitæ, nihil acquirant. Lapis enim, ut habet prouerbium, qui subinde huc & illuc uoluitur, non obducitur musco. Sic qui in studijs temerè uolitant per uarios libros, non perueniunt ad solidam eruditionem. Satiùs est, inquit, Seneca, paucis se tradere authoribus, quàm errare per multos. Qui item quouis uento doctrinæ circumferuntur & distrahuntur, ut Paulus ad Ephesios quarto capite dicit: nunquam proficiunt. Docet igitur hæc sententia, ut homo maneat in loco suo, hoc est, uocatione, qua uocatus est, prima Corinthios septimo capite. Ut non relinquat familiam sibi commissam, ut auis quæ oua siue pullos in nido relinquit, sed eam curet.

9 Unguentum & thymíama lætíficat cor, sic dulcedo (consilij) amici sui, magis (exhilarat cor) quàm consilium animæ (scilicet suæ.)

Ostendit nihil iucundius esse, bono amici consilio. Sæpe casus incidunt, ut nesciamus quò nos uertere oporteat, consulere nobis ipsis non possumus, & cum putamus nos aliqua consilia habere, tamen non immeritò suspecta nobis sunt omnia. Si nunc amicus aliquis uobis consulat, ingentem læticiam & consolationem percipimus. Rem declarat duplici similitudine. Primum, sicut unguentum correcreat, ita amici consilium. Veteres aliquando ualeitudinis, præcipuè tamen uoluptatis causa, unguentis utebantur. Spicata unguenta & foliata, inter Romanorum delicias numerantur. Unguentorum etiam sæpe mentio est in sacris literis. Deinde suffimento quo multi utuntur, suauius est consilium. Suffitus ex rebus odoratis fiunt. In sancto parte tabernaculi & templi stabat aurea ara thymiamatis uel incensi, de qua Exodi 30. capite, in hac bis quotidie, manè & uesper,

Optimum  
condimen-  
tum fames.

••

Amici bo-  
no consilio  
nihil sua-  
uius.



incensum offerebatur. Qui sibi tale fecisset incensum, ut id olfaceret, occidi debuit, &c.

10 Amicum tuum, & amicum patris tui, ne deferas, & in domum fratris tui non uenies in die afflictionis tuæ: melior est uicinus propinquus, quam frater longinquus.

Amici ueteres non deferendi.

Hic uersus tria cōplectitur: Primū, ne amicos ueteres deferamus, hoc est, ne illos qui de nobis, uel nostris bene meriti sunt, si in periculum ueniant, ope nostra destituamus. Item ne illis neglectis, alios quæramus. Magna enim est ingratitude, & cum periculo coniuncta, amicos deferere. Vulgare hoc est, ut homines qui natura inconstantes sunt, ueteres amicos fastidiant & nouos quærant, aliquando leues ob causas, uel quia amici per iocum aliquid dixerunt, uel nos reprehenderunt, uel sententiam contra nos pronunciarunt. Magnus thesaurus est amicus bonus, præsertim quem fidum esse diuturno conuictu perspeximus. Nescis quid à nouo expectare debeas, qualis sit, an sit mensæ & ollæ amicus, an uerò fidus & constans. Vetus suis laborat uitijis, nouus ipsdem uel fortassis maioribus laborat. Non ut uestis noua, aut nauis noua, sic nouus amicus melior. Imprimis uerò cauendum est, ne Christum, qui noster amicus atque ad eum frater est, deferamus: quod non fit uno modo, &c.

Secundo loco dicit, *Ne ingrediaris domum fratris tui in die afflictionis.* Non uetat ne ad consanguineos confugiamus rebus afflictis, & opem atque consilium ab eis petamus. Vulgò dicunt, præstat ad amicum confugere, quam ad hostem: sed hoc uult dicere, ne nimium fratribus nostris tribuamus: sæpe enim cum fortuna mutantur, & minus nostris rebus consulunt quam peregrini. Vel ita intellige, tempore afflictio non nimis fratribus molesti esse debemus. Quidam hæc uerba, *Ne ingrediaris domum fratris tui*, iungunt cum sequentibus, melior enim est uicinus, &c. Caietanus uertit, *Domus fratris tui non ueniet, in die afflictionis tuæ*, ut causam reddat cur amicus tuus & patris tui non deferendus sit, is enim ueniet in die contritionis tuæ, quamuis familia fratris tui non ueniat. Et sæpe accidit, ut uetus amicus afflictum inuisit, quem consanguinei deferunt. Non repugnat Grammatica, nam una & eadem dictio, est futuri secundæ personæ masculini generis, & tertiæ fœminini generis. Castalio etiam interpretatur, *Ne sint tibi ad eundi longinqui fratres, habeto propinquos amicos.*

Vicinus fratre melior.

Tertio loco dicit, uicinum propinquum, in negocijs obeundis & præstandis officijs, antecellere fratri qui procul absit. Ratio in promptu est, quia uicinus ad opportunitates & utilitates nostras, propinquus est paratior: si subito & improuisò aliquid nobis accidat: si incendium oriatur, si clamorem insolitum, si fragorem exaudiat, statim (ut Hesiodus dicit) non cinctus & seminudus accurrit: fratres uerò induunt se antè, & deliberant utrum uelint opem ferre, nec ne. Magna est commoditas boni uicini, plurimum enim quotidie potest prodesse: defendit enim famam & opes nostras. Pindarus etiam dicit, Vicinum maximam utilitatem afferre, si idem etiam amicus sit. Themistocles apud Plutarchum, cum fundum uenderet, inter alia præconem dicere iussit, quòd uicinos haberet bonos, sperans uicini commendatione fore uendibiliorem. Malus uicinus, plurimum quotidie potest obesse, nunquam non litigabit, nunc de semita, nunc de terminis, nunc de stillicidio, nunc de prospectu, nunc de damno dato. Iudæi hostibus suis imprecantur malum uicinum. Latini dicunt, aliquid mali esse propter uicinum malum. Nabothus propter malum uicinum, uitam amisit. Nec de priuatis solum uicinis, sed etiam populis uicinis hæc intelligenda sunt. Si quis uicinum bonum nactus est, caueat ne malum sua improbitate reddat. Herodotus libro primo de moribus Persarum scribens, dicit: Inprimis uicinissimos colunt, deinde proximos, & sic ordine suo procedendo colunt alios, &c. Sin uerò quis malum uicinum nactus est, det operam ut ex malo bonum faciat: nam etiam feræ possunt cicurari. De bonis & malis uicinis, uide Erasmi prouerbium, Ne bos quidem pereat.

11 Sapiens esto fili mi, & latifica cor meum, & respondebo uerbum exprobranti mihi.

Stude ueræ sapientiæ, hoc est, cognitioni uoluntatis diuinæ, discere artem quam docent te parentes tui (sapientia enim de artibus quoque dicitur.) Hinc duplex fructus orietur, primū cor meum, inquit, exhilarabis: deinde respondere potero ijs, qui exprobrant mihi, te degenerem esse filium (sunt enim qui morbo quodam alios contumelia afficiant) aut me officio parentis in te erudiendo non functum esse. Opus enim testatur de artifice.

12 Callidus uidet malum, & abscondit se: simplices transeunt & mulctantur.

Hæc sententia exposita est capite 22. Et si Deus non uult ut malitiosi simus, interim tamē non



columbæ, & prudentes ut serpentes.

13 Tolle uestimentum eius, qui fidelis sit pro extraneo, & (qui spondit)

pro aliena, accipe pignus ab eo.

Hanc sententiam habuimus ca. 20. sed quæ conducunt ad uitæ felicitatem, iterum atq; iterum utile est inculcare, quo penitus infigantur animis.

14 Qui benedicit amico suo uoce magna, mane surgendo, maledictio  
reputabitur ei.

Docet modum in laudandis amicis, non esse excedendum. Benedicere enim alicui magna uoce, est eum immodicis laudibus uehere. Nemo tam magnis uirtutibus est ornatus, quin etiam suos habeat n̄uos: non igitur nimium amicorum laudes prædicandæ sunt, ne affectu potius quàm iudicio duci uideamur, & nobis atq; amicis inuidiam conflemus. Talis enim commendatio habebitur loco maledictionis. Homines enim si audiunt aliquem publice laudari, uitia eius solent reuelare. Bonis quoque uiris qui laudantur, immodicæ laudes ingratae sunt. Multi etiam laudibus deteriores fiunt. Statim enim sibi placent, ac si perfecti essent. Deinde non manè laudandus, hoc est antequam tibi notus sit. Putamus sæpe aliquem grauem & probatum esse uirum, quem postea minimè talem esse re ipsa experimur. Iuxta prouerbum fieri non potest, ut nos mutuo pernoscamus, nisi modium salis pariter absumperimus. Homines item mutantur, & ex bonis moribus in malos degenerant, quemadmodum de Saule & Nerone legitur. Prouerbum Teutonicum huic uidetur respondere, Nimum honoris, dimidium esse dedecoris: & Ita laudandum esse aliquem, ut postea uituperare eum possimus. Græci dicunt, ἀναγὼς οὐκ ἔστιν ἐχθρὸς διαφίλει, id est, intempestiua beneuolentia, nihil à similitudine differt. Euripides in Heraclid.

καὶ γὰρ ὁ ἐπίφθορον

λίαν γ' ἐπαινέῃς ἐσσί.

In Oreste:

παύσομαι σ' αὐνῶν ἐπεὶ

βάρος τὶ καὶ τῶν ἐστὶν, αἰνεῖσθαι λίαν.

In Iphigenia Aulid.

αἰνέμενοι· γὰρ οἱ ἄγχοι, τρόπον τινα

μισοῦσι τὸς αἰνῶντας, ἐὰν αἰνῶσ' ἄγαρ.

Theognis quoq; admonet:

μή ποτ' ἐπαινέσῃς πρὶν εἰδῆς ἄνδρα σαφηνῶς.

Horatius in epistola dicit:

Qualem commendes etiam atq; etiam aspice, ne mox

Incitant aliena tibi peccata pudorem, &c.

Thyestes apud Senecam:

At qui fauoris gloriam ueri petit.

Animo laudari magis quàm uoce uelit.

## Terentius in Adelphis:

Ah, uere or in os te laudare amplius,

Ne id assentari magis, quàm quod habeam gratum facere existimes.

D. Hieronymus ad uerba Isaïæ tertio capite, Popule meus, qui beatum te dicunt, ipsi te decipiunt: & uiam gressuum tuorum dissipant, &c. Scribas & Pharisæos, inquit, exactores appellauerat, non magistros: & suprà illufores. Qui propter munera (quæ excæcant oculos etiam sapientum) non solum peccatores in populo non corripiebant: sed pro diuitijs atq; cōpendijs efferebant laudibus: beatos uocantes, & columnas domus Dei: & cætera quæ solent adulatorum dicere. Ille est ergo doctor ecclesiasticus, qui lachrymas, non risum mouet, qui corripit peccatores: qui nullum beatum, nullum dicit felicem: nec præuenit sententiam iudicis sui: dicente scriptura sancta, Ne beatum dicas quenquam hominem ante mortem. Sed & in alio loco legimus: Qui benedicit amico mane grandi uoce, à maledicente nihil differt. Vnde spernentes hominum iudicia nec laudibus eorum extollamus, nec obtreptionibus contristemur: sed ingrediamur rectam uiam, & tritas à sanctis prophetis semitas, audiamusq; Hiere. prophetam dicentem 6. cap. State in uijs, &c.

15 Stillatio perseverans (*id est assidua*) in die pluuiæ, & mulier contentiosa æquatur.

סגיר Sagerir pluuiæ uehemens, à סגר sagar, claudit, sic appellata, quòd tēpore pluuiæ ho- *Mulier*  
mines in domibus se claudant. Alij reddunt, *in die frigoris*. Caietanus reddit: *in die siccitatis*, id *rixosæ*.



est, tempore quo desideratur siccitas: tunc cœlum claudatur. Hæc sententia exposita est 19. capite. Ostendit quantum molestiæ afferat incommoda uxor. Prima igitur cautio sit in deligenda uxore: proxima in corrigenda: postrema in ferenda, quæ corrigi non potest. Plerumq; uerò morosæ illæ uxores, emendari non possunt: Quare sequitur:

16 Abscondens eam, abscondit uentum, & (ut) unguentum (quod est) in dextra sua clamabit.

Illum qui rixosam uxorem compescere uelit, frustra laborare, ostendit duplici similitudine. Quemadmodum uetus abscondi & cohiberi non potest, sed liberè huc atq; illuc diuagatur ita uxor rixosa, compesci non potest, quin clamet. Quemadmodum unguentum abscondi non potest, sed prodit se de manu, ita uxor litigiosa se clamore patefacit. Oleum in manu non contineri potest, destillat enim per digitos: si manu constringas, magis effluit: sic uxor improba, nulla ratione potest coerceri. *Clamabit oleum*, id est, fragrantia sua, uelut clamore se prodat. Quæ de contentiosa muliere dicimus, de omnibus rixosis hominibus possunt exponi, & imprimis de falsis doctoribus.

17 Ferrum ferro acuitur, ita uir exacuit faciem amici sui.

Ferrum per Metonymiam, significat instrumenta quæ sunt ex ferro. Sicut cultrum cultro acuius: ita homo hominis faciem (id est, iram quæ ex hominis facie deprehenditur) acuit. Proinde dare operam conuenit, ne duris uerbis, homines ad iram prouocemus. Non enim docet sapiens quid nobis faciendum sit: sed admonet quid uulgo fiat. Aliqui in bonam partem accipiunt, per faciem externos mores & studia intelligentes, ut sit sensus, quod homines inuicem disputando & conferendo, acuantur. Vtilis est sententiarum collatio: Euripides dicit *ὁμιλία πάσας τὰς τέχνας ἐτενειν*, id est, communicatio sententiarum, omnes artes peperit. Cicero ait, magnam uim in dicendo habere *συζητησις*, hoc est, collationem iudiciorum. Ad hunc ordinem fortè pertinet quod Græci dicunt, *τὸν ξύοντα ἀντιξύνειν*, fricantem refricare. *χῆρ χῆρα νίψα*, manus manum lauat. Apud Erasmus Chiliad. 1. cent. 1. Adag. 33. & cent. 7. adag. 99. item Adag. 100. ponit hoc, Ferrum ferro acuitur, sed non explicat. Castalio reddit, *Vt ferrum ferro, sic homines alij alijs coniunguntur*, id est, arctissima amicitiae coniunctione, à *יָהָד* iahad unire, adunare.

18 Qui custodit ficum, comedit fructum eius: sic qui custodit dominum suum, honorabitur.

Similitudine ostendit præmijs affici seruos, qui dominis suis fidem præstant: Qui defendit ficum contra pecora & homines furaces, fructum postea percipit. Ficum enim usus non solum est in cibo, sed etiam in medicina. Gale. lib. 2. de alimentorum facultatibus, scribit, illos qui uinearum fructum custodiunt, si quidem duos menses solis uuis ac fructibus, quorum custodia præsumt, uescantur, obesos tamen ac pingues fieri. Dioscorides scribit eas utile alimentum præbere. Qui alias quoq; arbores uel plantat uel custodit, uesci postea fructibus potest, uel uendere: sic qui dominum custodit, id est, obseruat, colit & defendit, honore afficitur, scilicet, à domino & alijs cognoscentibus fidem eius. Contrarium etiam potest inferri. Seruorum apud ueteres durissima fuit conditio, sed qui bene se gerebant, ut qui se obiciebant periculis pro dominis suis, manu mittebantur. De multis seruis legitur in ueterum historijs, qui se morti obtulerunt pro dominis suis, quorum hodie quoque memoria celebris est. Hodie serui qui se rectè gerunt, præter constitutum præmium, à dominis suis uaria dona accipiunt. Nam honorare non tantum significat reuereri, sed præbere necessaria. Sic accipendum est quod Deus parentes honorari iubet à filijs: & Paul. uiduas seniores honorari præcipit, 1. Tim. 5. cap. Si subditi dominos, principes & magistratus suos colant, se pro eis in discrimen offerant, mandata eorum custodiant, sæpe ad magnas dignitates promouentur. *יָהָד* Adon dominus, hominibus & Deo tribuitur. Qui Deum custodit, id est, qui obseruat eius mandata, qui illis qui eum contumelia afficiunt, se opponit, seq; in mortem offert, à Deo honoratur. Qui uerò mandata eius non custodiunt, qui eum deserunt, ut apostata, magi qui cum diabolo fœdus iungunt, scelerati, &c. contumelia afficiuntur. 1. Sam. 2. cap. Honorantes me honorabo, & contemnentes me, ignominia afficientur.

Discant ex hac sententia, primùm serui quid faciant, nempe ut dominos suos colant, famulæ dominas: de quorum officijs plura in Apostolicis scriptis leguntur. Discant domini uicissim, quid faciant, seruis fidelibus non negent mercedem. Quin donis aliquando eorum diligenti-



diligentiam extimulare debent. Discunt utrique, tam domini quàm serui, atque adeò omnes homines, ut Dei præcepta obseruent.

19 Sicut aquarum facies ad facies, sic cor hominis ad hominem.

Hic uersus uariè exponitur. Vulgatus interpres hunc sensum reddit: *Sicut aqua faciem representat, sic exterior habitus animum.* Verum est quod Ieremias dicit, cor hominis inscrutabile esse, & solum Deum cordis humani latebras excutere. Homines mirabiles sunt, in suis dictis & factis celandis & defendendis. Quemadmodum primi parentes ficulneis folijs turpitudinem suam tegebant: ita homines tegunt sua scelera. Sæpe putamus religiosum, qui est atheus: castum, qui est turpissimus: tamen si quis uultum, mores, dicta & facta hominum diligenter obseruet, intelliget aliquo modo, quomodo affecti sint. Chaldaeus intelligit, quemadmodum uultus non sunt similes, ita nec homines. Alij hunc sensum reddunt: Ut in aquis cernimus quale sit corpus, sic in consideranda mente tua, intelliges qualis homo sis.

20 Sepulchrum & perditio, non saturantur, sic oculi hominum non saturantur.

Sepulchrum non impletur, consumuntur enim corpora in terra: perditio quoque, id est, gehenna, ut interpretantur, non impletur. Diaboli tanto ardent odio humani generis, ut subinde plures ad tartara rapere cupiant. Sic oculi, scilicet, cupidorum hominum, exatiari non possunt. De auaris certum est, quanto plus opum habent, tanto plus appetere. Iuuenalis Satyra 14. dicit:

Crescit amor nummi, quantum ipsa pecunia crescit.

Horatius Ode. 16. libro 3.

Crescentem sequitur cura pecuniam,

Maiorumq; fames. Et Ode 24.

Scilicet improbæ

Crescunt diuitiæ, tamen

Curtæ nescio quid semper abest rei.

Et epistola ad Iul. Florum libro 2.

Si tibi nulla sitim leuaret copia lymphæ,

Narrares medicis: quod quanto plura parasti,

Tanto plura cupis, nulli ne faterier audes?

Quæcunque uidet oculus, ea omnia desiderat auarus, inquit Basilius. Inferis nunquam satis fit, nec unquam auarus sibi sufficere dicit. Malus hic uicinus est in urbe, malus ruri. Mare suis finibus continetur, & nox antiquos terminos non transcendit. Auarus autem tempus nullum reueretur, non agnoscit terminum, non cedit ordini successionis, sed ignis uiolentiam imitatur, omnia depascitur. Sed quid tandem fiet? non ne tres omnino cubiti te manent? ad quid igitur laboras? quorsum iniquus esse pergis? quibus uerbis defendes te? &c. In ambitione idem accidit, qui nobiles sunt, uolunt esse comites, comites duces, duces reges, &c. Ebrij quoque quanto plus bibunt, tanto plus sitiunt, &c. Hic schaal, ut alibi quoque diximus, infernum, id est, locum damnatorum, & sepulchrum significat, à Hic schaal petendo, eò quod semper petat, & nunquam satietur, secundum illud quod 30. capite habetur: Tria sunt quæ non satiantur, &c. Alij per infernum & perditionem, ipsam mortem intelligunt, cui omnes homines sunt obnoxij.

21 Conflatorium argento, & fornax auro, sic uiro os laudantis eum.

Sensus est, sicut aurum & argentum probantur certis instrumentis, ut uideri possint uera ne sint, an adulterina: ita homo ex ore laudantis eum. Si uirtute sit præditus, plerumq; laudibus non effertur, imò molestum est ei, si se ita prædicari audiat, Deum bonorum authorem agnoscit. Repere, quæ suprà in hoc capite ad uersum 14. annotauimus. Stulti uerò placent sibi cum primum se laudari ab alijs intelligunt, non cogitant quantum absint ab illis laudibus, non dant operam ut rebus ipsis impleant. Si alijs eos laudare nolint, ipsi laudes suas buccinare incipiunt.

22 Si contuderis stultum in mortario, in medio triticorum contusorum pistillo, non recedet ab eo stulticia eius.

De stultis nullam esse spem ostendit, quomocunque cum eis agas. Non unum est genus stultorum, ut sæpe dictum est, sunt primum fatui, in quibus instruendis frustra laborem suscipimus. Deinde sunt decoctores, qui neque uerbis parentum, amicorum, magistratum, neque pœnis ac malis acceptis, emendantur. Quod si quando metu, pudore, uel alia

Stulti non  
resipiscunt.



quavis causa, personam alienam sumunt, his sublati statim ad ingenium redeunt. Tertio loco, impij idololatæ quoq; stulti dicuntur in scripturis, illi à sua stultitia submoueri non possunt, quicquid eis dicatur ex sacris literis, sui similes sunt: siue à Deo, siue ab hominibus corripiantur, pergunt. Esaiæ 9. cap. queritur Deus, populum post tot afflictiones, ad se non esse conuersum. Ierem. 13. Si Æthyops mutare potest pellem suam, aut pardus maculas suas, & uos poteritis benefacere, cum didiceritis malum. Tales erant Pharaos, Saul, Ieroboam, Ochusias, Pharisæi, Herodes. Hodie quoq; multi sunt tales, quos scriptura canes & porcos appellat. Sed quia nos exactè scire non possumus, qui nam tales sint, officio nostro non deesse debemus, sed animarum medico tales committere. Quàm incurabiles sint stulti, ostendit hyperbolica quadam metaphora: si in mortario inter legumina cõtundas stultum, sibi tamen similis erit. חלל ali pistillum, pila, quo aliquid contunditur in mortario, seu mola tunfili, ab חלל alah ascendendo & descendendo, dum aliquid cõtunditur, sic appellatũ. חתש chatafch contundere, contere: hinc חתש machtesch mortariũ hoc loco reddunt: hoc est, instrumentũ in quo aliquid teritur. Heliodus:

ὁμοιον μὲν τριπόδιον τάνειν, ὑπόβον δὲ τρίπηλον.

Id est, mortariũ quidem trium pedum seces, pistillum uerò trium cubitorum. Iudic. 15. cap. fouea in qua dens iacet, machtesch dicitur, quod sit instar mortarioli. Zeph. 1. etiã legitur hæc uox, ubi uicini mercatorum interpretantur. Hinc fortè Septuag. reddunt, si uerberaueris stultum, ἐν μέσῳ σου ἄλεις, &c. alij molam interpretantur, quia aliquid contunditur. Vulgò uocant, Ein Stampff/oder ein Plütwe, in quo milium, hordeum, aromata & alia tunduntur: ad sensum tamen nihil interest. Vulgatus interpres, Si contuderis eum in pila, id est, in uase concauo, in quo antiqui siccata frumenta pinsebant. Plin. 18. cap. tundatur granum eius in pila lignea. ריבוי ריסוֹת, contusiones, contritiones, grana seu legumina, quæ tunduntur ex filiquis. Ionathan 2. Samuelis 17. cap. dactylos uertit, alij tritica contusa, alij ptisanas, id est, hordea decorticata: alij far contusum. Vulg uertit ptisana. Ptisana autem dicitur pulmentum ex granis hordei, uel ipsa grana. Quidam superiorem uersum cum hoc connectunt, ut sit sensus, auro paratum est instrumentum quo purgetur, at stultum purgari non posse, &c.

### 23 Cognoscẽdo cognosces faciẽ pecoris tui, pone cor tuũ ad greges.

In calce huius capituli, quinque uersus ponuntur, qui ad œconomiam pertinent. Rem pecuariam nominat, sed alias quoq; negociationes intelligit. Ideo autem rem pecuariam ab eo nominatim poni existimo, quod non solum quæstuosissima, sed & honestissima sit. Patriarchæ in ueteri testamẽto pastores fuerunt. Apud Græcos celeberrimus quisq; pastor erat, hinc alios *Res pecu-* πολυαγρῶν, alios πολυμήλεις, alios πολυβύτας appellant. Colligimus obiter, non tantum quàm cle-  
*ria.* mens & misericors sit Deus, qui nos instruit quomodo res domestica curanda sit: sed etiam quàm perfectæ sint sacræ literæ, quæ etiam de minutissimis rebus nos erudiunt. Diligenter, inquit, cognosce faciẽ pecoris tui, hoc est, ipse curato quomodo pecus tuum habeat. Si quis rem omnem alienis hominibus committit, fieri nõ potest, quin interdum damnum incurrat. Tamen si serui fidi sint, tamen res eis non tam sunt curæ, atq; dominis. Cor appone ad greges.) Hoc est, perpende & considera quomodo habeant. Vide caput 22. uersu 17. de hac phrasi.

### 24 Quia non in seculum diuitiæ (durant) & num corona in generationem & generationem:

Causam adiicit, cur ipsi res nostras curare debeamus. Quia diuitiæ fluxæ sint, non æternæ. Sit aliquis opulentus, habeat agros & uineas, tamen si sit negligens, & non labore, paulatim omnia absumit. Vulgus quoq; dicit, aceruum quantumuis magnum, si subinde de eo detrahas, addas uerò nihil, tandem decrefcere. Et corona uel gloria opum, ut mutatis uerbis idem dicat quod antè dixit, non perpetuò durat. Vel, quod magis placet, Corona, id est, etiam regnũ exhauritur, nisi rectè res administrantur. Non pauci principes propter immodicos sumptus quos fecerunt, ad paupertatem redacti sunt.

### 25 Prodit gramen, & apparet herba, & colliguntur herbæ montium.

Dixit opes esse curandas, quia fluxæ sint: hoc uidetur illustrare similitudine: quemadmodum gramina succiduntur & herbæ flaccescunt, ita opes fluxæ sunt, & instabiles. In scripturis diuitiæ, forma, potentia, & uicia hominis, feno & herbis comparantur. Possumus hunc uersum etiam ita interpretari: Fœnum ex pratis & montibus congruo tempore colligendum ac reponendum esse, ne pabulum desit pecori, non enim inuenitur omni tempore. Idem etiam Hesiod. præcipit:



χέρτων δ' ἐποιήσαν καὶ σφετέρων, ὅφρα τοι εἴη  
βασί καὶ ἡμιόνισιν ἐπ' ἐτάων.

26 Oves pro indumentis tuis, & precium agri sunt hirci.

Ostendit omnia rectè ordinanda esse, & illis quæ ex pecoribus colliguntur, rectè utendum. Oves uendendæ sunt, ut familia uestes habeat. Vel ex ouium lana, uestes conficiendæ sunt pro familia, & hirci uel hœdi uendendi sunt, pro precio agri, hoc est, ut agros emere possis, uel homines conducere, qui agrum colant, uel ut emere possis, quæ in agris nascuntur, uel etiam annuos redditus, pro agris possis persolvere.

27 Et sufficientia lactis caprarum in cibum tuum, & in cibum domus tuæ, & ad uictum puellarum tuarum.

Paterfamilias de alenda familia cogitare, & lacte caprarum cibare suos debet. Per lac caprinum intellige etiam lac bubulum & ouillum: nec solum lac, sed butyrum, caseos & alia, quibus partim retentis, partim diuenditis familia alitur. Lactis caprini ideo mentionem fieri existimo, quod eius usus saluberrimus esse credatur. Docet etiam hic locus frugalitatem: contenti esse debemus uictu & amictu, qui ex pecoribus colligitur, non aliunde magis delicata quærere: paucis natura contenta est. Breuiter, cogitare boni patresfamilias debent, quomodo omnia rectè disponant & ordinent.

Quæ de re pecuaria dicuntur, ad alias quoque negotiationes pertinent, quæ uariæ sunt. Quisq; paterfamilias res suas curet, nec ab alijs tantum dependeat. Deinde suo tempore conficiat, emat, uendat, &c. Hæc cum docet scriptura, non docet auaritiam, aut nimiam sollicitudinem. Distinguendum enim est inter sollicitudinem quæ ex diffidentia, & sollicitudinem quæ ex fide suum ortum habet.

Primum uersum ex illis quinque allegorice interpretantur, quod pastores Ecclesiæ, oues suas cognoscere debeant. Cognoscere autem, non est tantum de facie nosse, sed earum curam suscipere, eas tueri ac defendere. Sic Christus seruator noster Ioannis 10. cap. dicit, Quod cognoscat oues suas. Papistæ, hoc loco abutuntur ad probandum suam auricularem confessionem: dicunt enim, Pastorem faciem gregis sui debere cognoscere, hoc est, uitam & mores subditorum, sed hoc fieri per confessionem auricularem, si singulos examinet & exploret. Respondeo: Salomonem hoc loco de cura rei domesticæ, non de hac confessione agere. Vult enim ut homines curæt sua bona, nec sinant perire. Deinde si hic locus de confessione auriculari loquitur, oportet in ueteri Testamento confessio illa etiâ fuerit, quod aduersarij nostri nō dicunt. Adducunt alia quoq; loca scripturæ ad defendendam suam illam confessionem, quæ non minus deprauant, quàm hunc. Quod uerò confessionem auricularem attinet, quando & quibus authoribus cœperit, ab alijs abunde est explicatum, & pauca quædam in sequenti capite à nobis quoq; illa de re adferentur.

Confessio  
auricularis.

## CAPVT XXVIII.



OC caput uigesimum octauum totidem elegantes & præclaras sententias continet, quibus Salomon, uel potius ipse Deus, nos de uarijs & utilissimis rebus instruit: quas ordine explicabimus.

i Fugiant impij, tamen nemo persequatur.

Ad uerbum, *Fugerunt impij*: heterosis numeri, id est, unusquisq; ex impijs fugit. Qui non credunt Deum esse, aut Deum curare res mortalium, quiq; turpiter & sceleratè uiuunt, sibi male conscij, nesciunt quod se uertant, timent ubi non est timendum, etiam in media pace, hostes putant ceruicibus imminere, à sonitu folij trepidant: ac tamen uultu fortitudinem simulent, tamen meticulosi sunt. Leuit. 26. Deuterono. 18. Iob. 15. cap. Amicos, hostes, seruos, conscios, ignaros, suspectos habent. Sophel ἀπαντα γὰρ τοι τῷ φοβουμένῳ φοβᾶ. Exemplo nobis est Cain, qui occiso Abele, uagus & desperabundus super terram, omnes formidat: unde & signū accepit à Deo, ne à quoquā interficeretur. Itē rex Balthasar Dan. 5. ca. Procopius scribit Theodorico regi Gotthorum post interfectum, ad perditorum hominum suggestionem, Symmachum & Boëtium, cœnanti cum esset caput piscis oblatum, horrendam in illo uisam Symmachi faciem, quæ toruis oculis sibi minaretur, eoq; consternatum in morbum incidisse. Sunt tamen impij aliqui ualde audaces.

*Iusti autem instar leuunculi confidunt.* Pij sciūt se Deū habere propitium propter Christum, ideoque in medijs afflictionibus animis sunt erectis: sciunt credentibus omnia in bonum cedere: sine uoluntate Dei eis prorsus nihil accidere: si hanc uitam amittant, se meliorem adipisci

*Ipij pauidi sunt, iusti confidentes.*



ideoq; animo sunt tranquillo: orant, fiat uoluntas tua, quemadmodum in cœlo, sic etiam in terra. Psal. 22. Non timebo mala, quia tu mecum es. Eccles. 34. cap. Qui timet Dominum, nihil trepidabit, & non pauebit, quia ipse est spes eius. Quia pius à magnis sceleribus immunis est, certus de sua innocentia, non trepidat ad carnificum conspectum.

Rem breui similitudine ostendit. Sicut leo nō trepidat ad occursum uel hominum uel bestiarum, sic iustus confidit. Hanc sententiam explicat D. Chrysostomus homil. 8. ad populum Antiochenum. Talis est, inquit, peccantium consuetudo, omnia suspecta habent, umbras tremunt, omnem strepitum timent, & quandoq; putant contra se uenire. Multos igitur conspicati sepe peccatores, ad aliud ministerium currentes, ad se uenire cogitauerunt, & alijs alia inter se differentibus, peccati sibijsis conscijs, putant illos de se loqui. Talis enim res peccatū est, nullo prodit arguente, nullo condemnat accusante, pauidum facit & timidum peccatorem, sicut iustitia contrarium. Audi igitur quomodo & huius pauorem, & illius libertatem, scriptura designauit: *Fugit impius persequente nemine*, inquit. Quem persequente nemine fugit? Intus habet agentem conscientiae accusatorem, & hunc ubiq; circumfert: & sicut seipsum nō potest fugere, sic nec intrinsecus ipsum agitantem: sed quocunq; abeat, flagellatur, & uulnus habet immedicabile. At non talis iustus, sed qualis audi: *iustus tanquam leo*, inquit, *confidit*. Talis erat Helias: uidit igitur regē ad se uenientē, & dicente illo: Tu ne es ille qui conturbas Israel? Non ego turbaui Israel, inquit, sed tu & domus patris tui, &c. Lege reliqua.

## 2 Propter prauaricationem regionis, multi principes eius.

Si in regno aliquo multi simul sint reges, uel alioqui sibi inuicem multi succedant, & unus alium ui expellat, non fit sine magno malo populi, sine direptionibus & bellis. Xenophon scribit: *πάσαι μεταβολαὶ πολιτείῳ βαναυσφύρου*. Exempla habemus in libro Iudicum & Regum: itē in historia Romana, quando sublato Nerone, perpetua fuit Ianiena, succedente Galba, mox Othone, postea Vitellio. Solent etiam in imperiorum & magistratuum mutationibus, posteriora deteriora esse. Causa tanti mali indicatur, transgressio terrae, id est, populi terrae, per Metonymiam. Deus enim sic castigat scelera hominum. Job. 34. legitur, Quod Deus regnare faciat hypocritam, propter peccata populi. Isa. 3. minatur Deus, se daturum populo pueros, & efœminatos habituros imperium.

Et propter hominem intelligentem & scientem, sic prolongabitur (imperium.) Rex prudens & doctus, efficit ut uerbum Dei prædicetur, ecclesiastica disciplina seruetur, & sic populus in pace uiuit, ac diuturnum est imperium. Propter alios quoq; prudentes (quales prophetae fuerunt apud Israelitas) qui & populum & principes in officio continent, durabilia sunt imperia. Nō autem satis est ut sint prudentes, qui studeant paci, nisi alij eis obtemperent. Discunt principes, & subditi, qui bonos principes habere uolunt & felix imperium, ne à Deo deficiant. Causa enim publicarum calamitatum & mutationis imperiorum, est ἀνομασία à Deo.

## 3 Vir pauper uispolians pauperes, est pluuia inundans (uel uerrens) ut non sit panis.

**ΠΥΥ** Aschak, ut alibi quoq; annotauimus, uolentiam & oppressiōem significat: calumnia ferē reddunt. Pauperes qui alios opprimūt ut ditescāt, comparat pluuiæ copiosæ & intempestiuę. Quemadmodum enim talis pluuia segetes lædit: ita pauperes illi, alios pauperes uehementer lædunt. Vulgò dicunt, macilentos pediculos acrius mordere.

Et non est panis. Hoc est, pluuia uehemens corrumpit fruges, & penuriam inducit. Vel oppressores illi pauperum, multos damno afficiunt, quemadmodum pluuia, ipsi tamen nō efficiuntur diuites. Bona enim quæ per rapinam acquiruntur, non prosperantur. Discamus pauperes non opprimere, maxime si nos quoq; pauperes sumus uel fuimus. Dolere potius illorum uices debemus, qui ijsdem nobiscum malis afficiuntur. Dido Vergiliana dicit:

Non ignara mali, miseris succurrere disco.

**ΠΠ** sachaf, est ducere, trahere, uerrere: inundatio enim pluuiæ, trahit, uerrit ducitq; ligna, lapides ac semina.

## 4 Derelinquentes legem, laudant impiū.

Pares cum paribus facile congregantur: homines impij laudant sibi similes impios, libenterq; cum eis die noctuq; uersantur. Qui oderunt puriorem doctrinā, laudibus efferunt illos, qui ferro & flammis, puræ doctrinæ studiosos delent. Ebrij ebrios, adulteri adulteros amant & laudant. Illos uerò qui alieni sunt ab his sceleribus, cane & angue peius oderūt: stultos clamant esse, quotquot Dei præceptis student, interim genium suū fraudantes. Antisthenes philosophus, cum audisset se ab improbis laudatum esse, Vereor, dicebat, ne quid imprudens fecerim mali. Neq; solum personas, sed & res impias laudibus efferunt.

At custo.



At custodientes legem, contendunt cum ipsis.) Scilicet impijs, uel legem deferentibus. Studiose legum diuinarum ad blasphemias impiorum non tacent. Si impij scripturarum auctoritatem conuellant, scelera extenuent, ipsi sese opponunt. Et quemadmodum ille qui honestè uirginem amat, eam uituperantes ferre non potest: quemadmodum filij si parentes contumelia affici audiant, tacere nequeunt: Ita filij Dei contemptum patris sui cœlestis ferre nequaquam possunt. Qui uerò nihil afficiuntur, non sunt ueri filij. Cum Dauid Goliathum audiret Deo insultantem, statim cum eo pugnare uoluit. גָּרָח garah significat contendere, miscere litem, &c. Forsterus annotat quod הִתְגָּרָח hithgarah, in hithpael significet attrahere, scilicet currus, ut in bellis fiebat: & hunc locum nescio quàm rectè, ad huc modum exponit: Desertores legis laudant improbitatem seu seditionem, sed custodes legis contrahunt se contra illos, id est, instruunt currus in seditiosos: prior sensus bonus est & simplex.

### 5 Viri mali non intelligunt iudiciũ: quærentes autem Deum, intelligunt omnia.

Vocabulum Mispas quemadmodum apud Græcos *δίκη*, multa significat, ideo non uno modo hæc sententia potest exponi. Aliquando significat, Verbum Dei: & tunc erit sensus, Impij nō intelligunt uerbum Dei: etsi sæpe audiant, tamen sibi semper similes sunt, semper discantes, nec unquam ad cognitionem ueritatis uenire ualentes. Pij uerò omnia intelligunt, nempe quæ eos scire interest, quæ ad salutem eorum pertinent. Aliquando significat officium hominis: hoc impij non intelligunt, pij uerò sciunt ex uerbo Dei, quo pacto sese gerere debeant, quid requiratur à magistratu, à subditis, ab uxore, à marito, à domino, à seruo, &c. Potest etiam intelligi de forenſi iudicio. Impij magistratus iudicium non intelligunt, nam alijs rebus intenti, parum sunt solliciti, quid iustum quid iniustum sit. Hoc Micheas cap. 3. prauis magistratibus obiicit. Deinde accipientes munera, ita excæcantur, ut omnia habeant uenalia. Pij uerò sapientiam à Deo postulant, iura euoluunt, & sibi à corruptorijs muneribus cauent. Addendum est, impios non intelligere iudicium Christi, quod in fine seculi exercebit: putant enim nugæ & deliramenta esse. At pij ex sacris literis norunt Christum certò ad iudicium uenturum esse: norunt etiam quæ signa præcessura sint: norunt item quomodo uenturus, ubi, quos, propter quid, quomodo iudicaturus sit. Nec tantum hæc sciunt, sed sæpe meditantur, id quod eos in officio continet, & in afflictionibus reficit ac cōsolatur.

*δίκη significat iusticiam, ius, iudicium, uindictam.*

### 6 Melior est pauper, qui ambulat in perfectione uel integritate sua, quàm peruersus uijs, & ipse diues.

Spiritus sanctus corrigit hac sententia peruersum iudicium uulgi, de diuitibus & pauperibus. Vulgò iudicant diuites, quantumuis impios felices esse, pauperes uerò quantumuis pi-  
os, infelices: at scriptura nos longè aliter iudicare docet. Pauper, dicit, qui ambulat in perfectione sua, hoc est, qui studet probitati & integritati, præstantior est, quàm diues peruertens uias, hoc est qui in religione non est sincerus, & uiuendi rationem non rectè instituit, uarijsq; dolis utitur. Similis sententiæ uersus apud Græcos feruntur:

*Comparatio pauperis & diuitis.*

ἡ πόρος ὡς ἡ ἀνδρεία καὶ ἡ δικαιοσύνη τῆς πτωχείας,  
καὶ γὰρ πόρος γέ τῆς ἀνδρείας οὐκ ἔστιν.

Disce ex hac sententia, modicas opes piorum, longè præferendas magnis opibus impiorum, scelere partis. Quin si pij prorsus nihil habeant, interim uirtute præditi sint, potior est eorum, quàm diuitum impiorum conditio. A' peruersis igitur hominum iudicijs non est pendendum. Similes sententiæ alibi in hoc libro explicantur.

### 7 Qui custodit legem, filius est intelligens.

Qui uiuit secundum legem, scilicet Dei uel parentum. Parentes enim liberis adultis præscribunt, quomodo res domestica administranda sit: hortantur eos ad laborem, temperantiam, cauendos iubent decoctores, &c. his qui obtemperat, prudens est. Ipse enim maximam utilitatem percipit.

Qui autem pascit commessatores, pudore afficit patrem suum.) Quidā uertunt, qui autem socius est helluonum. הָרֹעַ roeh, enim socium & pascentem significat. Qui non contenti diu noctuq; in cenopolijs sedere, domum quoq; helluones & decoctores ducunt, & sua turpiter prodigunt, sæpe cogunt parentes suos erubescere: mortuos quoq; ignominia afficiunt. Nam quemadmodum uirtutes liberorum, sic etiam uicia, in parentes redundant. Quin totius familiæ sunt maculæ. Discunt iuuenes quid faciant ut honori sint parentibus, custodiant eorum mandata, & cum ebrijs hominibus & meretricibus, sua non prodigant.



8 Qui multiplicat diuitias suas cum usura & fœnore, ad largiendum pauperibus congregabit eas.

*Usura.*

Quod proprietatem uocum attinet, Hebræi usuram נֶשֶׁח nāschæch, id est, morsum uel corrosionem appellāt, à נֶשֶׁח nāschach, quod est mordere, arrodere, ut serpens dentibus mordeat & arrodit: eò quod usura, hominis opes testè mordeat ac corrodat. Chrysostomus etiam dicit: Similis est pecunia usurarij, morsui aspidis, quia per ipsam usurarius seipsum occidit, & sicut percussus ab aspide, quasi delectatus cadit in somnum, ac per suauitatem soporis moritur, quia tunc uenenū per omnia membra latenter decurrit: Sic qui sub usura accipit, ad tempus quasi beneficium sentit: sed usura per omnes eius facultates decurrit, & totum conuertit in debitum, &c. תַּרְבִּית tharbith multiplicatio: sic quoq; Hebræi uocant usurā, quæ est quan-

*Impiorum  
opes sæpe  
ad pios de-  
uoluuntur.*

do quis pro uno modio, aut una ulna seu mensura, plures accipit. Vel si mutando uiginti, scribitur debitum uiginti quinq; Non dicit usura parandas esse opes, ut postea eleemosynam facias, sed sæpe accidere, ut qui illicitis modis opes cumulant, eas relinquunt homini liberali, qui eas pauperibus distribuat. Ipsi enim opes pauperibus non largiuntur. Docet hæc sententia, quod usura non diu fruuntur opibus malè partis, sed mox alijs relinquunt. Si capere ex opibus uoluptatem uelis, da operam ut iusto labore & legitimis modis colligas. Sæpe hæc sententia repetita est.

9 Qui facit declinare aurem suam, ne audiat legem, etiam oratio eius erit abominatio.

*Oratio im-  
piorum nō  
exauditur.*

Qui legem Dei audire non uult, quamcunq; ob causam id faciat, illius oratio non modò non exauditur à Deo, sed quod plus est, erit abominatio. Non tantum mala impiorum opera, sed etiam in speciem bona, sunt Deo abominationi. Nam impœnitentium Israelitarum sacrificia, multis in locis reiecit & abominatur. Equum autem est, ut qui Deum per ministros & scripturam loquentem audire dedignati sunt, etiam non audiantur quando per orationem cum Deo colloqui uoluerint. Non ualebit impiorū illa excusatio, aures meas à lege non auerti, sed à ministro quem odi. Quin neq; pios pro impijs orantes Deus exaudit. Ieremiæ enim 7. cap. ostendit, uanam esse spem impœnitentium in sanctorum intercessionibus. Deum prohibuisse, ne intercedat pro populo hoc. Ierem. 15. dicit Dominus: Si starent Moses & Samuel coram me, non esset tamen animus meus ad populum istum. Et Ezech. 14. Si peccauerit terra, & fuerint tres uiri illi in medio eius, Noe, Daniel & Iob, ipsi in iustitia sua liberabunt animam, &c. Samuelem quoque pro Saule orantem reiecit. Si uerò Deus illos non exaudit, qui aures suas amouent à lege, quid de illis futurum est, qui legem Dei non modò non audire uolunt, sed etiam cauent ne alij audiant: ad hæc uerbum Dei pestilentissimam hæresim uocant, & sacros libros cum lectoribus eorū exurunt? Discamus igitur, ut si uolumus preces nostras exaudiri, non auertamus aures à uerbo Dei, nec pergamus in sceleribus.

10 Qui errare facit rectos per uiam malam, uel in uia mali, in foueam suam ipse corruet.

*Pseudopro-  
phetae sæpe  
in hac uita  
puniuntur.*

Qui bonos & simplices homines à uia recta, uerbis uel factis, in uiam malam abducunt, hoc est, à uera religione ad falsam, & ab honesta uiuendi ratione ad turpem, cadent in foueā. Hoc autem in primis faciunt falsi doctores, qui homines à Christo unica uia uitæ æternæ, ad alias abducunt. Deinde tyranni, nec non impij homines, ut decoctores, lenones, &c. qui non hoc contenti sunt, quod ipsi peccent, alios quoq; in peccatum pertrahere moliantur. Hi omnes cadent in propriam foueam, id est, in malum ad quod rectos duxerunt. Pœnas enim atroces dabunt, uel in hoc uel in futuro seculo, uel in utroq; Pseudoprophetae sæpe in hac uita supplicio affecti sunt. 1. Reg. 18. Helias 150. occidisse legitur. 2. Reg. 10. Iehu collectos ex toto Israele iugulauit. Multi tyranni & scelerati homines, horribiles pœnas in hac uita dederunt. Exempla nota sunt. Nō autem putandum est, illos solos pœnas dare, sed & illi qui ab ore eorum pendunt, ijsdem potius erunt obnoxij. Christus enim Matth. 15. dicit: Si cæcus cæco dux fuerit, ambo cadunt in foueam. 2. Pet. 3. de pseudoprophetais dicens, Accersentes sibi celerem interitum, addit: Et plerique sequentur illorum exitium. Quod cum illis pugnat qui dicunt, Totus pendeo à ministris, si illi me non rectam uiam duxerint, ipsi dabunt pœnas. Dabunt quidem, & grauissimas, tu tamen qui te eis regendum dedisti, nō liberaberis. Electi quidem ab eis non seducuntur, aut si seducti fuerint, tamen in uiam salutis redibunt. Iustum autem est, ut falsi doctores puniantur. Graue enim peccatum est homines seducere. Deuter. 27. cap. maledictus esse dicitur, qui cæcum errare facit in uia. Si scientes & uolentes hoc faciant, crescit eorum peccatum.

*At per se-*



*At perfecti hereditate accipient bonum.*) Qui integri sunt in fide & moribus, quiq; alios ex erroribus liberare student, hæreditabunt bonum. Heterosis est numeri, pro omnia bona & felicitia experientur, & tandem hæreditatem cœlestem consequuntur.

11 Sapiens in oculis suis, est uir diues: pauper autem intelligens, scrutatur eum.

Dinities plerumq; sibi placent, quasi sua industria & sapientia opes collegerint & conferunt: pauperes tanquam stultos aspernantur. Pauperes autem prudentes, de diuitibus illis uerè iudicare possunt, an sapientes, an stulti sint, an felicitatem in illis opibus positam esse sentiant, necne. Deus alijs diuitias, alijs sapientiam largitur. Si dicendum sit de uera & cœlesti sapientia, non multi potentes & diuites, eam consequuti sunt: præferunt enim ferè suas diuitias Christo: quemadmodum de diuite adolescente, Matth. 19. legitur.

12 Cum exultant iusti, multa est gloria.

Pulchrum est si boni exultant, id autem tunc faciunt, quando boni & pij euehuntur ad honores. Gloria non parua est Reipub. si boni præsent: tunc enim homines in pace uiuunt, quisq; suis rebus utitur, gloria Dei propagatur. August. de Ciuit. Dei inquit: Illi qui uera pietate præditi bene uiuunt, si habent scientiam regendi populos, nil est felicitius rebus humanis, quàm si Deo miserante, habeant potestatem. Plato dicit: Cum Deus ciuitati beneficium præstare uult, bonos uiros ei producit: cum uerò ciuitati calamitatem immissurus est, aufert ab ea uiros bonos.

*Et cum euehuntur impij, inquiretur homo.*) *וְחָן* chapas, cum puncto sinistro, significat nudare, per Metaphoram scrutari & inuestigare: nam scrutando, res denudantur, seu deteguntur. Quidam uertunt, mutare & occultare. Hinc non est una huius loci interpretatio. Quidam reddūt, *Cum surrexerint impij, homo nudabitur*: alij, *inquiretur*: alij, *abscondetur*: alij, *mutabitur*. Vt sit sensus, Tyrannis regnantibus nudantur homines, id est, expilantur, bona ciuium uoci præconis subiiciuntur: aut homines uestibus preciosis depositis, lugubres induunt. Vel homo inquiretur, hoc est, impij principes explorant & inuestigant, quid quisq; habeat, nihil tutum est, omnia diripiuntur. Vel homo abscondetur, id est, latebras quæret, scilicet ne interficiatur, uel propter luctum non prodibit in publicum. Sic Cicero & alij, oppressa libertate Reipub. à Cæsare, fugientes conspectum sceleratorum, abdiderunt se. Vel mutabitur, id est, mutabit uestem ne agnoscatur, uel ne diues uideatur. Ego de moribus intelligo, mutabitur scilicet cum principe: hoc est, qui antè bonis erant moribus, paulatim in malos degenerabunt, ut principi suo placeant, iuxta hunc uersum:

Mobile mutatur semper cum principe uulgius. Et,

Regis ad exemplum totus componitur orbis.

Qualis princeps, talis populus. Multum ergo interest, quales sint principes, & quales in liberis Rebusp. magistratū gerant. Vide cap. 19. uersu 12. Quod de gubernatorib. Rerumpub. dicitur, ad doctores Ecclesiæ etiam pertinet: nam quando ecclesijs præsent boni, homines exultant, quando uerò impij euehuntur, disciplina Ecclesiæ corrumpitur. *וְחָן* chapasch, cum puncto dextro, significat libertate donare, quod etiam conueniret huic loco, nam impij principes, concedunt licentiam hominibus, laxant frenos disciplinæ. Hunc sensum sequutus est Philippus Melanchthon.

13 Operiens transgressiones suas, nunquam prosperè ager.

Multi sunt homines qui tametsi grauiter peccent, tamen negant se peccare, ut sunt Epicurei, Anabaptistæ, Pontifices Romani, &c. Sunt qui pauca tantum in peccatorum numero habent: Dicant alij, inquiunt, quicquid uelint, hæc aut illa peccata esse, nemo mihi persuaferit. Sunt qui peccata uirtutum nomine donant, ut qui opera hypocritica, bona esse dicunt. Sunt item qui peccata eleuant, & cum in alijs atrocitatem eorum uideant, tamen in seipsis non uident. Multi sententijs & exemplis sacrarum literarum, & sua & aliorum peccata defendunt. Hi omnes nisi pœnitentiam agant, non prospere habebunt, hoc est, non consequentur remissionem peccatorum. Vt enim medicum non admittunt, qui ægroti esse nolunt, & morbos dissimulant: ita ad Christum non confugient, qui animi morbos non agnoscunt. Quem admodum lauari non uult, qui faciem sordibus pollutam non credit: ita qui se immunem putat esse à peccato: non erit sollicitus, quomodo à peccatis abluatur. Deinde in alijs quoq; quæ agent, non habebunt felicem successum. Deus quoq; crimina non semper latere paritur. Quomodo uerò homo peccata sua potest cognoscere? Si speculum legis diuinæ, quod non adulatur, diligenter inspiciat: grauitatem uerò peccati, ex pœnis, & præcipuè ex morte Christi colligat.

Multi peccata sua nō agnoscunt.



*Confessio peccatorū priuata, quæ Deo fit.* Qui uerò confitetur & relinquit, misericordiam consequetur.) Deo confitenda peccata, idq; & priuatim & publicè. Priuatim exploranda sunt corda nostra coram ipso, agnoscenda quæ in nobis sunt peccata, & orandum ut nostri misereatur. Exempla huius rei, multa leguntur in scripturis. Dauid Psal. 32, Peccatum meum notum feci tibi, & iniquitatem meam non celauit: cumq; cogitarem, fatebor contra me transgressionem meam Domino, protinus remisisti iniquitatem peccati mei, &c. Psal. 51, Miserere mei Deus, secundum magnā misericordiam tuā.

*Confessio publica.* Publicè quoq; cum tota Ecclesia, peccata confiteri debemus. Leuit. 10. cap. Deus instituit, ut in festo purificationis, præeunte sacerdote, totus populus conceptis uerbis, peccata sua confiteretur. Esdras quoque & Nehemias, tales confessiones fecerunt. Ephesij Act. 14. publicè exurentes libros magicos, se peccasse confitentur. Non autem ideo peccata Deo confitenda sunt, ut illum moneamus (nouit enim secreta cordis nostri, antequam ea confiteamur) sed ut nos ipsos cognoscamus, nostramq; uideamus miseriam, qua animaduersa, uehementius misericordiam Dei imploremus. Porro non satis est peccata confiteri, sed à peccatis oportet recedere: hoc qui fecerit, misericordiam consequetur, scilicet à Deo. Sic 1. Ioan. 1. legitur: Si confitemur peccata nostra, fidelis est & iustus, ut remittat nobis peccata nostra, & emundet nos ab omni peccato. Sed quomodo, inquis, recedimus à peccato? Quando in hoc incumbimus, ut quando in uniuersum liberari à peccato non possumus, saltem non regnet illud in mortali nostro corpore, Rom. 6. Falsò igitur colligit quidam Papista, ex hoc loco refutari errorem illorum, qui asserant peccata non imputari electis, cum necessum sit peccata relinquere, si remissionem habere uoluerimus. Peccata enim multa commisimus, & quotidie alia committimus, quæ Deus suis non imputat. Est etiam alia confessio à Deo præscripta, qua hominibus peccata confitenda sunt. Si enim læsisti proximum tuum, uel is te læsit, cogitandū est de reconciliatione. Hanc confessionem postulat à nobis Christus, 5. cap. Matth. & Iacobus 5. ca. Qui ita fatentur sua peccata hominibus, & dolorem testantur, & deinceps se meliores fore promittunt, misericordiam ab eis impetrant: nam si pij sint, ignoscunt eis. Papistæ ex hoc loco confirmant confessionem auricularem: quæ nullum scripturæ præceptum nec exemplum habet. Hæc enim sententia intelligitur de confessione quæ soli Deo fit: aut si de illa quæ hominibus fit, intelligis, is sensus est, quem paulo antè recitauimus. Alia loca quæ ad defensionem suæ illius confessionis proferunt, tam sunt friuola & putida, ut confutatione indigna uideantur. Obijciunt nobis doctores Ecclesiasticos, qui dicant confessionem, quæ ministro Dei tanquam Deo præsentī fiat, necessariam esse ad salutem. At Chrysostomus in Epist. ad Heb. homi. 31. disertè scribit: Non dico tibi ut te prodas in publicum, neq; ut te apud alios accuses: sed obedire te uolo prophete dicenti, Reuela Domino uiam tuam. Ante Deum ergo confitere peccata tua, apud uerum iudicem, cum oratione delicta pro iniuria: non lingua, sed conscientie tuæ memoria. Et nunc demum crede te misericordiam posse consequi, si habueris in mente tua continuè, &c. In Psal. 51. homil. 2. scribit, se non inquirere ut dicamus peccata cuiuspiam homini, sed Deo in cordibus nostris. Idem alibi quoq; docet. Hæc manifestè ostendunt, soli Deo confitendum esse, nec sunt hæretici, qui hoc docent. At Papistæ tale figmentū afferunt: Et nos fatemur eos qui sacerdoti cōfitentur, soli Deo cōfiteri, quemadmodū solus Christus est qui baptizat, secundum D. August. super illum locum Ioannis: Ecce hic est qui baptizat. Christus solus est qui baptizat, & tamen discipulis dixit, Ite, prædicate baptisantes. Ecce homines tanquam ministri baptisant, & tamē solus Christus baptizat. Sic confitentes sacerdoti ministro Dei, soli Deo confitentur, &c. Tunc hanc confutationē ualere dicemus, quando illi probarint Christum instituisse confessionem auriculare. Vbi nam dixit, Ite, prædicate, confessionem aliorū audientes? Ipse quoq; Gratianus Decretorum confarcinator, propositis in utramq; partem sententijs, & quod necessariū sit peccata confiteri sacerdoti, & quod non sit necessarium, nihil certi definit, sed lectoribus liberum permittit. Tandē anno 1215. in Concilio Lateranensi ab Innocentio 3. hominibus obtrusa est: & etiam hodie à parasitis Papæ, licet uideant eam nullis scripturæ locis niti, magnis clamoribus defenditur. Putant enim labefactari auctoritatem suam, confessione erroris.

*An peccata iudici aperienda sint.* Quæri etiam obiter posset occasione huius loci, an homines teneantur coram iudicibus fateri scelera quæ cōmiserunt, præsertim si ab aliquo accusentur, & à iudice requirantur? Breuiter respondeo, mihi quidem uideri quoddam Charitas hoc postulet, ne alius quispiā innocēs, tormētis subiiciatur. Facit etiā ad gloriā Dei. Cum enim Iosue Achā adigere uellet ad sceleris confessionem, dicebat, Da gloriā Deo. Nec uidetur uerè pœnitentiā agere, qui peccata sua celant. Adhæc est genus falsi testimonij, si quis requisitus, negat se fecisse, quod fecit, & alios innocentes in periculum conijciat. Plato quoq; in Gorgia dialogo, hoc faciendum censet.



Pij non dubitant de gratia Dei, sed firmiter credunt, quòd Deo licet indigni, propter Christum accepti sint: nihilominus tamen sibi metuent, partim propter peccata, quæ iam admisserunt, partim propter quotidiana peccata. Sciunt enim Deo peccata displicere, & ab eo puniri. Quemadmodum filius metuit, ne patrè, quem diligit, offendat, ita pij. Apostolus quoq; ad Philip. 2. nos monet, ut cum timore ac tremore, salutem nostram operemur. Papistæ negant homini ad remissionem peccatorum assequendam, necessarium esse ut certò credat & statuatur, sibi remissa esse peccata: docent semper dubitandum esse, an Deus nobis peccata remiserit, & receperit nos. Locum afferunt ex Ecclesiaste Salomonis cap. 9. Nescit homo utrum odio an amore Dei dignus sit, sed omnia in futurum seruantur. Quæ uersio Hebraicæ ueritati minimè congruit, longè enim aliud agitur, ut à Musculo in suis locis communibus copiosè demonstratur. Eccles. 5. dicitur, De peccato propitiato noli esse sine metu. Hinc inferunt Papistæ, ergo non possumus certò statuere, nobis peccata remissa esse. Sed hic locus monet impænitentes, ne peccata cumulent, eò quòd Deus non statim puniat peccata.

*Sed qui indurat cor suum, corrueat in malum.*) Cor suum indurat, qui non credit uerbo Dei: qui neque iudicijs Dei, quæ olim exercuit priuatim & publicè, neque pœnis, quas de impijs quotidie sumit, neque comminationibus æterni supplicij mouetur, is corrueat in malum culpæ, ut uocant, & pœnæ.

### 15 Leo rugiens & ursus esuriens, est princeps impius super populum pauperem.

**לרשע** schakak, significat excurrere ad grassandum seu diripiendum. Sensus est, Ursus excurrrens, scilicet ad prædam, alij deducunt à **רשע** quod significat appetere, concupiscere, ut sit sensus, appetens, id est, esuriens. Impium principem, hoc est, tyrannum, comparat leoni rugienti & urso famelico. Nam quemadmodum ad leonis rugitum animalia tremunt, ita homines ad tyranni conspectum. Occidit enim illos etiam, qui non meruerunt. Urso famelici omnia laniant, ita tyranni. Princeps pater populi sui esse debet, fortunas suorum debet defendere, pastor gregis sui esse, non lupo: quin à grege arcere debet lupos, quales sunt sceleratores, falsi doctores, præcones indulgentiarum & alij. Plato quoq; reges & principes similes esse dicit pastoribus, præfectos eorum canibus, qui gregem contra lupos defendunt, & *inimicos*, id est, adiutores uocat. Tyberius Cæsar, cum amici eum monerent ut augeter uestigia, respondit, boni pastoris esse tondere pecus, non deglubere. Alexander magnus in simili causa dicebat, Odi olitorem qui radicitus herbas euellit. Vespasianus uerò ex lotio uestigal fecit, superq; eo facto à filio Tito admonitus, ne è re tam putida pecuniam colligeret, postea collecta filij naribus admouens rogabat, num odore offenderetur, &c. Possunt quidem principes iure diuino tributa & uestigalia imperare suis subditis, modus tamen est adhibendus: minuendus est luxus aulæ. Mich. 3. cap. reprehenduntur prauis magistratus, qui populum immodicis exactionibus onerabant. Grati sint Deo, qui bonos principes & magistratus habet.

*Exactiones immodicæ*

### 16 Dux deficiens intelligentijs, multiplicat rapinas.

Causam ostendit, cur quidam ex principibus populum suum opprimant, & bona eorum occupent: Quia destituuntur prudentia. Si euoluissent legem Dei, intelligerent quàm hæc Deo displicerent, qui respectum personarum non habet. Si euoluissent historias, uidissent, quem exitum tyranni habuissent. Sed quia rerum imperiti sunt, subditos suos & alios quoq; expilant. Quidam ita intelligunt hoc membrum, *Princeps destitutus prudentia & multus in iniurijs*, scilicet non prorogabit dies suos, ut sit Ellipsis. Plures interpretationes huius sententiæ, affert Santes in magno suo lexico in radice **נאגד** nagad.

*Qui odio habet auariciam, prolongabit dies.*) Vicini enim reges, non insidiabuntur uitæ eius, neque bellum ei inferent. Cogitabunt enim, utilitas nulla, damna manifesta sunt. Subditi quoq; nullis pressi iniquis oneribus, contra principem suum non cōspirabunt, sed sese pro defensione eius, in certissima pericula offerent. Auaritia in omnibus quidè turpis, in principe uerò turpissima est. Iethro Exod. 18. inter alia à magistratibus non simpliciter requirit, ne sint auari, sed ut odio habeant auaritiam. Auari enim uenalem habent iusticiam, libertatem & ipsam quoq; religionem. **בזע** baza significat auaritiam, turpe lucrum, à **בזע** baza quod propriè uulnerare significat, per metaphoram auaritiam exercere, eò quòd instar gladij, hominem uulneret, & sanguinem ipsius hauriat. Sententia hæc generaliter quoq; accipienda est.

### 17 Homo qui opprimit in sanguine animæ, usq; ad foueam fugiet, nec retinebunt eum, (uel ne teneant eum.)

Homo **אשכח** aschuk, id est, oppressor, aut alienorū bonorū occupator, in sanguine animæ,



ut sit nomen Toar secundum R. Dauid in lib. radic. Alij passiuè accipiunt, homo oppressus, scilicet à cogitatione mala aut concupiscentia, occidit animam. Alij dicunt participium passiuum esse, loco participij actiui, homo opprimens: plura habet Santes in suo lexico in radice **Homicida** **פושט** aschak. Sensus est, qui aliena bona occupat, fundendo innocentem sanguinem, quæret latebras, fugiet in sepulchra & foueas, ne inueniat eum propinquus sanguinis, uel alioqui comprehensus det pœnas. Vel usq; ad sepulchrum fugiet, hoc est, ad mortem usq;, omnibus diebus uitæ suæ profugus erit, trepidabit, & quo se uertat, nesciet, nec retinebunt, sed dimittent eum, hoc est, nemo erit qui opem ei ferat, neque amici eius iuuabunt eum, ut pœnæ subtrahatur. Grauisimè enim antiquitus in homicidas animaduersum est. Multa de hac re extant in lege Dei. Gen. 9. Deut. 27. Iustinianus legibus cauit, ne ius asyli homicidis seruaretur, mandauitq; præsidibus prouinciarum, ne securitatem ex sacris locis illis concederent. Gentiles quoq; sanguinis humani effusionem ualde horruerunt.

18 Qui ambulat integrè (uel simpliciter,) euadet, peruersus autem duabus uijs, in una aliqua corruet.

Qui in fide syncerus est, & piè ac innocenter uiuit, seruabitur: qui uerò ab unica salutis uia aberrans, modò hanc, modò illam ingreditur, hoc est, qui duobus uolunt dominis seruire, calidi esset & frigidi, Euangelici & Papistæ, tandem corruent. Forsterus colligit ex nomine dualis numeri **פושט** naekesch, significare hominem qui decipiendi gratia dilemma seu quæstionem ancipitem captiosè proponit: sicut Pharisei Matth. 22. Christo proponebant, Num liceret Cæsari censum dare, nec ne. Discimus à uia regia neq; ad dextram neq; ad sinistram deflectendum esse, sed medium, hoc est, rectum iter tenendum. Medio, ait ille, tutissimus ibis.

19 Qui colit terram suam, saturabit pane, sed qui sectabitur inanes (uel ociosos,) saturabitur egestate.

Agricultura  
re utilitas.

Ad uerbum, qui facit sectari, scilicet, cor suum. Vt aliàs sæpe, ita hac sententia honestum laborem, & imprimis agriculturam commendat. Qui agros suos colit, inquit, rebus necessarijs non carebit. Ita qui alias honestas artes exercet. At qui ociosos homines, & uirtutibus uacuos, sectabitur, in extremam paupertatem incidet. Vide suprà capite duodecimo uersu 11. Hesiodus etiam dicit:

” λιμός γάρ τοι πάμπαν ἀεργῷ σύμφορος αὐδρὶ.

Saturari egestate, est Hebraismus, pro satis uel ualde egenum esse. Allegoricè qui agrum cordis sui excolit repurgando à uitijs, seminans illum semine uerbi Dei, reficietur.

20 Vir fidelis, multus est in benedictionibus.

Vir fidei.

Vir fidelitatem, qui spem suam in Deum collocat, & in sua uocatione bona fide omnia agit, qui uerax est, neminem fallit, neque propter opes ab honestate deflectit, multus est in benedictionibus, hoc est, à Deo benedictiones consequetur, nam prosperabit eius labores. Homines quoq; benedicunt tales homines, hoc est, collaudant eos, uel multus est in benedictionibus, hoc est, sua liberaliter in pauperes profundit.

Qui repente  
diuites fieri  
uolūt, obnoxii  
sunt malignis  
sceleribus.

At qui festinat ditari, non erit innocens.) **נָקִי** nakah significat immunem esse à quocunq; malo, à peccato, à morbis, à pœnis, à publicis oneribus. Sensus igitur est: Qui repente uult diues fieri, quo iure, qua iniuria, non expectando benedictionem Dei, non erit innocens, sed multis sceleribus erit obnoxius. Magnæ enim opes non statim absq; iniuria proximi & scelere colliguntur. Notus est uersus ille ex Menandri comædijs:

” ὁ δὲ ἐπλούτησε ταχέως δίκαιος ὢν.

Id est, nunquam uir æquus, diues euasit citò. Iuuenalis Satyra 14. scribit:

” Inde fere scelerum causæ, nec plura uenena

” Miscuit, aut ferro grassatur sæpius ullum

” Humanæ mentis uitium, quàm sæua cupido

” Indomiti census: nam diues qui fieri uult,

” Et citò uult fieri, sed quæ reuerentia legum?

” Quis metus aut pudor est unquam properantis auari?

Hinc **νέωπλῆστοι**, apud ueteres tam malè audierunt. Quidam Syllæ sese insolenter iactanti, dixit, Quomodo uir bonus esse potes, qui tantas possideas opes, cum à patre tuo nihil tibi sit relictum? Vel sensus est, non erit innocens, hoc est, Deus non sinet impunitum. Sic

Locus ex  
1. Timot. 6.  
cap. explicatur.

in tertio præcepto dicitur, Deus enim non innocentem habebit eum, qui uanè nomen eius usurpauerit, id est, puniet eū. Hunc locum illustrat D. Paulus in prima ad Tim. sexto cap. Qui uolunt diuites fieri, incidunt in tentationem & laqueum: uetus translatio addit, diaboli:

non



non ait diuites, sed qui uolunt ditescere. Opes enim sunt donum Dei, qui non uult, ut eas abijciamus. Qui semel sibi proposuerunt opes colligere, quacunq; tandem hoc ratione fiat, incidunt in tentationem & laqueum: Satan eos ad multa nefaria pellicit, ex quibus quæsum faciant: addit, eos incidere in cupiditates multas, stultas, noxias, demergentes hominem in exitium & interitum. Concupiscunt enim omnia quæ proximi sunt: sed tandem præsentibus & æternis bonis spoliuntur. Nam auaritia radix est omnium malorum. Explicat per species: Quidam aberrant à fide. Si per fidem intelligas religionem & ueram doctrinā, multi agnitam deferunt, imò persequuntur. Si intelligas fiduciam in Deum, auari in opes spem suam collocant, desperant de misericordia Dei: si ueritatem in dictis & factis, concionatores auari, obtinent ueritatem, manifestos errores defendunt: magistratus subditos uendunt, subditi magistratus produnt: in commercijs nulla fides. Addit quòd se implicent magnis doloribus: magna enim molestia comparant, magno cruciatu custodiunt, magno mœrore amittunt, conscientia eorum non dormit. Discamus igitur, nostra sorte contenti esse.

21 Agnoscere faciem non est bonum, & ob buccellam panis præuaricatur uir.

Hæc sententia comprehendit duas præcipuas pestes magistratuum: prima est personarum acceptio, altera acceptio munerum. Accipere munus ab amicis, uicinis & alijs honoris causa, non damnatur: sed ab illis qui non honoris causa nobis conferunt, sed ut aciem oculorū nobis perstringāt. Per buccellā panis, parua munuscula intelligit. Effectū horum munerum ostendit, transgrediuntur metas sui officij, qui ea accipiunt. Proinde cauendum est, ne iudex uel porcum, uel uestē pelliceam, uel parua uel magna munera accipiat. Tamen si enim muneribus non corrumpetur, tamen res esset mali exempli. Amos 3. cap. minatur propheta Israelitis, quòd iustum pro argento, & pauperem pro calciamenti uendiderint. Nec solum iudices, sed alij quoq; à corruptorijs muneribus sibi cauere debent. Nam potest hæc sententia *ναδολειν* accipi, Homo ob frustū panis, hoc est, rem uilem & pusillam, peccat. M. Cato de M. Cælio in quadam oratione, ut est apud Cellium, exprobat, quòd frusto panis conduci possit, uel uti taceat, uel uti loquatur. Deus apud Ezech. 13. pseudoprophetis obijcit, quòd frusto panis conducti, quiduis dicere parati sint. Hodie quoq; falsi doctores propter munera, ueritatem impugnant, & omnia habent uenalia.

22 Festinans ad diuitias, uir malo oculo, nec cognoscit quòd inopia eueniet ei.

Qui repente diuites fieri uolunt, sunt plerunq; inuidi: quod per malum oculum Hebræi significant. Quemadmodum enim lippientes, radios solis aspicere nequeunt: ita illi æquis oculis aliorum successus intueri non possunt: soli cupiunt omnia occupare. At non cogitāt se tandē iusto Dei iudicio, inopia laboraturos esse, saltem in altero seculo. Opes fluxæ sunt & instabiles, malè partæ, malè dilabentur. *חַסֵּד* chæsæd, inopiā & egestatē significat: alij legunt *חַסֵּד* chæsæd, quod nō tantū misericordiā, sed etiā ignominiā & inopiā significat. Forsterus in suo lexico Hebræo annotat, *חַסֵּד* chæsæd contrarias habere significationes, sicut apud Latinos sacer & nobilis, & accipi pro misericordia & immisericordia, uel crudelitate, ut sit sensus: Qui festinat ditescere, & alijs inuidet, ignorat quòd immisericordia eueniet ei, hoc est, quòd atrox & crudele exitium incurrer. Posset etiam dici, quòd coniungat auaros & inuidos, qui semper sunt ingrati: non enim agnoscere benedictionem Dei, ut *חַסֵּד* chæsæd, in bonam partem accipiat. Sic autem legendum esset, Qui festinat ad diuitias & alijs inuidet, &c.

23 Qui increpat hominem, postea gratiam inueniet magis, quàm is qui blanditur.

Increpationes ingratae sunt hominibus, præsertim uerò iunioribus, & quemadmodum ægroti potiones salubres fastidiunt, ita homines correctionem. Conuictijs illos incessunt & odio prosequuntur, qui eos corripunt, at tandem usu rerum edocti, intelligunt illos optimos amicos fuisse, qui eos acriter corripuerunt: è diuerso adulatōres illos, qui scelera extenuarūt, eosq; ad ea patrandā instigarunt, maximos fuisse hostes. Illos etiā sepultos laudant, ac gratias eis agunt, hos uerò uituperant. Si ille è medio cursu, inquit, me non retraxisset, miserè perijsem. Qui furiosum ligat, & lethargicum excitat, molestus eis est, quandiu sunt ægri, indignatur: sed sanitati pristinae restituti, ei gratias agūt. Etiam illi qui ad nullā frugem perueniunt, fatentur illos amicorum officium fecisse, qui eos reprehenderunt. Discimus aliorum scelera non dissimulanda esse, sed corripienda, tametsi enim illi qui reprehenduntur nunc malam gratiam referant, tamen si sapere incipiant, & æstus affectuum deferbuerit, gratias tibi agent. Discunt deinde qui reprehenduntur, æquo animo correctionem suscipere:

usus huius  
sententiæ.



suprà dixit, Meliora sunt uulnera diligentis, &c. Discimus quoque peccantibus non adu-  
landum esse, tametsi enim homines ad tempus te ament, tamen in odium tandem hic amor  
uertitur. Quod linguam attinet: quidam putant in uoce אָכֵרִי acherai iod esse affixum,  
ut sit sensus, Qui increpat homines, post me, hoc est, quemadmodum ego feci: uel præci-  
pio ut facias. Alij dicunt iod esse אָרְלוֹר, & non affixum, & tunc sensus est, Arguens homi-  
nem, postea gravior erit adulator.

24 Qui diripit (bona) patris sui & matris suæ, & dicit non esse præuari-  
cationem, is socius est uiri uastatoris.

פָּרֵטִי שֹׁחַחַת, significat funditus perdere, quocunq; id modo fiat. Hinc particip. præ-  
sens פָּרֵטִי maschith, perdens: uel nominaliter, perditor. Castalio uertit, *homo est perditus*. Fi-  
lij qui parentes spoliant, dicunt se non peccare, nam se hæredes esse paternorum bonorum:  
at iudicio Dei peccant. Dicit enim quòd sint socij uel similes raptoribus, ut eodem loco sta-  
tuere uideatur, qui res parentum & alienas rapiunt. Hæreditatem ante obitum parentum  
inuadere non debemus. Peccant & illi qui liberos instigant, ut frumenta, uina uel alia in scijs  
parentibus, efferant & diuendant. Christus pharisæos taxat, qui liberis authores erant, ut  
sua offerrent Deo, esurientibus interim parentibus. Qui in scijs parentibus æs alienum con-  
flant, quod eos postea dissoluere oportet, nisi liberos infamia notari uoluerint, ad hunc quo-  
que ordinem pertinent. Quod si parentes pauperes sint, & filij nihilominus hoc faciant, ag-  
grauatur peccatum: parentes suos reuereri & alere debent, non iniuria afficere. Hoc ethnici  
quoq; uiderunt. Plautus in Pseud.

„ Ego ne patri surripere possim quicquam cauto seni?

„ Atq; adèd si facere possem, pietas prohibet. Terent. in Adelph.

Qui mentiri aut fallere insuèrit patrem, audebit tantò magis cæteros.

25 Latus animo miscet litem.

Κόπιος ἄνθρωπος, Latus animo, à Septuaginta redditur ἀκόλυτος insatiabilis. Quidam intelligunt ambitio-  
sum, qui suo gradu non contentus est, is excitat lites. Auarus nunc de finibus, nunc de dam-  
no dato, nunc de semita actu ue, nunc de alijs rebus rixatur. Sua importunitate cogit con-  
tendere, natura placidos & mites. Ambitiosi quoq; & superbi fremunt, si alios promoueri  
uideant: reliquis enim non solum excellere, sed eos tollere uolunt: obreſtant eis, sese prædi-  
cant, hinc amplissima materia altercandi nascitur. Exempla habemus in Caino, Saule, Cho-  
re, Dathane & Abiron. Quin etiam Aaron & Maria soror Moſis inuidebant Moſi.

Sed qui Deo fidei, impinguabitur.) Plus sua sorte contentus est, Dei benedictionem expectans,  
paupertatem & diuitias æquo animo fert, priuatam uitam boni consulit: si alijs opes afflue-  
re uideat: si ad honores eos promoueri, gaudet, modò digni sint: ideo impinguabitur, hoc est,  
læto animo erit, uel abundabit delicijs: mœrore homines contabescunt: qui nihil habent  
quod eos angat, pingues efficiuntur.

26 Qui fidei cordi suo est stultus, qui uerò ambulat in sapientia ipse  
euadet.

Hoc est, qui sapientia sua & consilijs suis nititur, stultus est: nostra enim omnia, nobis su-  
specta esse debent, & quemadmodum medici, quando egrotant, alios medicos accersunt, ita  
aliorum, in rebus nostris, consilio uti debemus. Sed qui in sapientia ambulat, hoc est, qui sa-  
pientia aliorum consilia audit, præcipuè uerò qui iuxta præcepta diuinæ sapientiæ, res suas  
instituit, euadet pericula cum præsentis tum futuri seculi. Maximè uerò in cultu Dei hæc re-  
gula ualere debet, ne nostro cordi confidamus, hoc est, ne cultibus à nobis excogitatis Deo  
seruire uelimus, sed ex uerbo Dei petamus, quibus rebus coli uelit, alioqui offensam Dei, &  
periculum incurremus.

27 Ei qui dat pauperi, non erit inopia, qui autem abscondit oculos,  
erit multitudo maledictionum, uel multus maledictionibus.)

Liberalita-  
tis præmiū. Primum membrum huius sententiæ, amplissimam promissionem continet, quales mul-  
tæ passim extant in prophetis & Apostolicis scriptis, de illis qui pro sua uocatione & facul-  
tate, præstant eleemosynam: non deerunt eis necessaria. Deus enim benedicit opibus eo-  
rum. Hoc autem de cursu communi, ut loquuntur, intelligendum est: interdum enim diui-  
tes qui liberales fuerunt, certis de causis in paupertatem conijcit. Promissiones bonorum  
corporalium, semper intelligendæ sunt cum exceptione castigationis & crucis. Alterum  
membrum comminationem continet, aduersus contemptores pauperum: auertens oculos suos  
(a pau-



(à paupere) inquit, *multus maledictionum*, hoc est, multorum hominum criminationibus erit obnoxius, multi malè de eo loquētur. Vel maledicetur à Deo, erit infortunatus. *מֵאֲרָרָה* meerah, egestatem, penuriam uertunt, ut sit sensus, multa egestas ei imminet. Kimhi exponit maledictionem, à radice *אָרָר* arar maledixit. Forsterus interpretatur corrosionem, ablationem boni, infortunium, à themate *מָאָר* maar, quod reddit, corrodere. Discamus igitur liberaliter nostra in pauperes erogare. Sin opes nobis non suppetant, benigno saltem aspectu eos consolemur.

## 28 Dum consurgunt impij, absconditur homo.

Quando impij euehuntur ad imperium, boni uiri delirescunt, ne ad supplicium trahantur, & sæpe uoluntarium exilium suscipiunt. Exemplum habemus de Achabo & Iezabella 3. Reg. 18. cap. quæ prophetas occidebat. De Abdia legitur, quòd centum absconderit in speluncis. Sub Romanis imperatoribus, qui persecutionem mouerunt contra Ecclesiam, multi timentes ne grauitate tormentorum Christum abnegarent, se in ualles & syluas contulerunt, & in speluncis habitauerunt. Sublatis autem tyrannis ad homines reuersi sunt: multi in desertis locis manserunt, multi postea quoq; sub Christianis principibus uoluntariè in desertis loca abierunt. Vnde paulatim (ut Hieron. in uita Pauli heremitæ testatur) monachatus originem traxit. Nostro quoq; tempore multi propter sæuitiam tyrannorum & præcipuè monarchorum, uel latitare uel solum uerrere coguntur.

Cum uerò pereunt, multiplicantur iusti.) Quando tyranni & alij impij homines pereunt, crescit bonorum numerus: multi enim miserabili tyrannorum exitu, sapere incipiunt, & quando maior est libertas, & bonorum fors melior euadit, religioni incumbunt. Qui antè latebant, postea in publicum prodeunt. Et hanc ob causam gaudent pij, si tyranni de quibus nulla melioris uitæ spes est, intereat.

## CAPVT XXIX.

**V**ir increpationum, qui indurat ceruicem, repente conteretur, & non sanitas (uel remedium.)



INGVLA uerba expendenda sunt. Vir increpationū dicitur, qui frequēter increpatur, siue à Deo siue ab hominib. propter errores & flagitia. Indurās ceruicē. i. ceruicosus, pertinax: hæc metaphora sumpta à bob. frequēs est in scripturis. Deu. 10. Ceruicē uestrā ne induretis amplius: id est, posthac ne sitis immorigeri Domino. Israelitæ sæpe dicuntur populus duræ ceruicis. Sunt qui negant se malè fecisse, nec uolunt reprehendi. Sunt etiam qui fatentur suos errores & flagitia, nihilominus tamen mordicus retinent, & pergunt obstinato animo, nullisq; mouentur rationibus.

Repente conteretur.) Subitò peribit animo & corpore, quando minimè expectat. Subitis autem casibus plus consternantur homines. Conteretur quemadmodum uas testaceum conteritur, hoc enim significat *שֹׁפָר* schafar. Emphasim habet, ita frangetur ut restitui omnino non possit. Addit enim, *Et non erit sanitas.*) Non poterit sanari. Nam in altero seculo, non est locus pœnitentiæ. In hac uita agenda est pœnitentia. Pharaon fuit uir correptionum, nam sæpe reprehensus populum noluit dimittere. Hoc non modò de paucis, sed etiam de populis intelligi debet: nam si omnes admonitiones contemnant, tandem subitò intereunt. Exēplum habemus in Iudæis. Vide Iere. 5. cap. Discamus igitur singuli & uniuersi, correptiones nō cōtemnere, ne in mala corporis & rerum incidamus, ex quibus postea emergere nō possimus. Potest hæc sentētia etiā ita intelligi. Vir increpationū. i. qui alios frequēter increpat, & tamen indurat animum suum in his propter quæ alios increpat, subitò frangetur. Quia enim in illis pergit, quæ in alijs reprehendit, ostendit se non ex inscitia peccare.

## 2 Quando dominantur iusti, lætatur populus.

*בִּרְבוֹת* birefoth in multiplicando, id est, cum multiplicantur: quidam reddunt, cum dominantur: quia magis quadret secundo membro. At prior lectio optimè congruit. Si in Rep. multi boni sint uiri, lætatur populus. Boni magistratus opem ferunt patriæ, succurrunt salutis fortunisque ciuium, suam salutem posteriorem salutē communi ducunt, conseruant bonas leges, sceleratos homines coercent, uident ut earum rerum sit copia, quæ sunt necessariæ. Xenophon ait: *ἀρχοντας ἀγαθὸς, ὃ δὲ πρὸς διαφύξειν πατρίδος ἀγαθὸς*. Talis princeps fuit Samuel, qui in totius regni comitijs non potuit accusari, quòd quenquam læsisset. De Constantino apud Eusebium legitur in uita Constantini Magni lib. 1. pulchra historia: Cum de ipso rumor sparge-

Indurare  
ceruicem.

Boni magi-  
stratus offi-  
cium.



retur, quòd mitis esset, & subditis parcens nihil in thesauris conditum haberet. Diocletianus missa legatione, eum ignauia accusabat & neglecta Reipublica. Constantinus uerò expectare iubens legatos, ab omnibus imperij sui gentibus pecunias petit: illi ut suum erga eum animum & beneuolentiam declararent, statim thesauros illius, auro & argento impleuerunt. Legati cum hæc uidissent, mirati sunt. Constantinus post discessum legatorum, singulis suas pecunias restituit. Aliorum quoq; principum meminerunt historiae, qui patres patriæ fuerunt. Merito ergo homines lætantur, si tales regnant. Reperiuntur tamen multi, quibus dolet, si tales sedeant ad gubernacula Reipublicæ: nolunt enim redigi in ordinem.

At cum dominatur impius, suspirabit populus. Impij principes non cogitant se populi causa constitutos esse, ideo multa contra officium suum designant, ueram religionem euertunt, bonas leges abrogant, iustitiam conculcant, bonos opprimunt, populum crebris & immoderatis exactionibus expilant, bella non necessaria mouent: gemit igitur populus & aliquando contra principes suos insurgit. Cum Roboamus supra uires grauare uellet populum, aliū regem creabant. Videant igitur qui magistratus deligunt, ne impios deligant, sed religiosos, quibus curæ sint subditi.

### 3 Vir qui amat sapientiam, lætificat patrem suum, sed pastor (uel socius) scortorum, perdit substantiam.

Vir qui amat sapientiam coelestem & ciuilem, quique in arte aliqua excellit (nam illi quoque in scripturis sapientia præditi dicuntur) exhilarat parentes suos: gaudent enim si uideant, se tales post se liberos relinquere. At qui scorta alit, non tantum mœrore suos afficit, sed egestatem incurrit. Vix aliud flagitium ita opes minuit atque scortatio: nam ut de hoc nihil dicam, quòd scortatores maledictionem Dei contra se prouocant, ipsi negligunt curam rei domesticæ, & magnis sumptibus scorta alunt, cumque aliàs sordidi sint, liberaliter tamen suas opes in scorta profundunt. Diogenes dicebat scorta regū reginas esse, quòd ab eis impetrarent quicquid libuisset, & quòd in ipsos reges imperium haberent, nec scortis quicquam, ut populo, negaretur. Vide supra cap. 5. Non autem opes solum, sed etiam animam perdunt, qui scorta alunt. Discunt filij illis rebus studere, quibus recreare senio confectos parentes possint, quo nihil honestius: & uicissim sibi cauere ab illis, quæ eos possunt offendere.

### 4 Rex per iudicium stare faciet terram.

Quomodo regna & Respub. conseruari possint, melius ex hac sententia quàm ex prolixis philosophorum disputationibus, cognosci potest. Si rex operam dabit ut uera religio floreat, utque iuris & iudiciorum æquitatem suam quisque teneat, fulciet solium suum. Per terram intelligit regnum, dominium, uel populum qui est in terra.

Vir autem donorum, diruet eam. Si regum consiliarij, uel gubernatores Rerumpub. munera accipiant, euertent regnum & Remp. nam ubi corruptela munerum locum habet, uera religio & iusticia concidit. Vir munerum est, qui suscipit dona uel ab illis qui litrem habet, uel à sceleratis hominibus, quos omnes leges occidere præcipiunt, & eos impunitos dimittit: uel ab illis, qui regnorum & Rerumpub. arcana, datis muneribus inquirunt. Clemens Alexandrinus ex Teio adducit hunc uersum:

” ἐν γὰρ δώρῳ πολλὰ λαὸν ἀνθρώποις τίλονται. Et ex Augia:

” Δῶρα γὰρ ἀνθρώπων νῦν ἥπαρον ἵδτε καὶ ἔργα.

Alij intelligunt per uirum munerum, qui nouis subinde uestigalibus & tributis, subditos expilat & deglubit. תרומה therumah est leuatio, id est, oblatio, quā quis de bonis suis Deo dicabat, sic dicta quòd cum offerretur, in altum eleuabatur, aut sursum & deorsum mouebatur. Chaldaeus paraphrastes uertit separationē, eò quòd à prophano usu ad sacrum separabatur. Hinc quidam ita intelligit, uir qui uendicat sibi, & in usus prophanos uertit, ea quæ Deo oblata sunt, quales sunt opes Ecclesie, Rempub. euertet. Per uirum munerū etiam illum intelligere possumus, qui iudices corrumpit muneribus. Non enim illi duntaxat qui accipiunt, sed etiam qui conferunt munera, pestes sunt regni & Reipub.

### 5 Vir qui blanditur amico (uel proximo) suo, rete expandit ante gressus suos (uel eius.)

Assentator laudat illa in hominibus, ob quæ uehementer reprehendendi erant, seq; hominum affectibus per omnia accommodat, quemadmodum de Gnathone Terent. legitur: cumque adulatoribus amicus uideatur, hoste tamen est deterior: nam illorum quibus adulatur, pedibus rete obijcit, ut progredi non possint, & tandem capiantur & pereant. Vel gressibus suis exponi potest, quòd sibi ipsi laqueos parent, quibus tandem irretiti pereant. Inter omnes uerò adulatores, pessimi sunt doctores illi, qui homines in falsa religione & turpi uita confirmant. Hos

Ezechiel



Ezechiel grauitè reprehendit, dicens: Væ illis qui dicunt populo pax pax, cū non sit pax, qui liniunt maceriam absq; temperamento, qui consuunt blandos puluillos sub omni axilla aut cubito, ceruicalia blanda sub omni capite ad capiendas animas. Esa. 3. cap. Qui te beatum dicunt, te decipiunt. Cauendum igitur est, ut Cic. ait in Lælio, ne assentatoribus patefaciamus aures, nec adulari nos sinamus, in quo falli facile est: tales enim nos esse putamus, ut iure laudemur. Assentatio autem quamuis perniciosa sit, nemini tamen nocere potest, nisi ei qui eam recipit, atq; ea delectatur. Deinde discimus, ne nos hominibus adulemur: sed potius corripiamus eos si peccent. Nulla in amicitijs pestis est maior, quàm assentatio, blanditia, adulatio. Plutarch. elegantem libellum scripsit, de discrimine adulatoris & inimici.

Adulatores  
fugiendi.

Posset etiam hæc gnōme ita intelligi, quod illi qui lædere aliquem uolunt, amorem eius simulant, quemadmodum pharisæorum discipuli & Herodiani, quando Christo insidiabantur interrogando, liceret ne Cæsari tributum dare, nec ne, &c.

#### 6 Propter præuaricationem uiri, malus laqueus ueniet ei.

Hæc sententia non uno modo redditur ab interpretibus. Santes uertit, *In præuaricatione uiri mali est laqueus.* Caieta, *In scelere hominis malus laqueus.* Munsterus, *Propter iniquitatem quispiam incidit in laqueum malum.* Sed causa uariationis manifesta est. Sensus est, qui contra legem Dei peccat, punitur. Cap. 12. dixit, in transgressionem labiorum, laqueus malo. Sumitur Metaphora ab aucupibus, qui aubus laqueos tendunt, ut inuoluantur. Satan infinitos habet laqueos, quibus hominibus insidiatur, ut opes, famam, uitam & animam quoq; eis eripiat. Notum autem est quomodo peccatores capiuntur, puta ebrii, scortatores, auari, &c. Quamprimum peccarint, statim conscientia eos cruciat. Sic Iuuenalis Satyra 13.

Exemplo quodcunq; malo committitur, ipsi  
Displicet auctori, prima hæc est ultio, quod se  
Iudice nemo nocens absoluitur, improba quamuis  
Gratia fallacis prætoris uicerit urnam.

Deinde seipsos transgressionem legum quas norunt, etiam multis periculis implicant. Ad hæc magistratus multos propter flagitia in carceres detrudunt, & uinctos ad supplicium ducunt. Etsi uerò scelerati in hoc seculo laqueos deuitare possent, tamen nisi penitentiam agant, diaboli laqueos non effugient.

*Iustus autem cantabit & letabitur.*) **יָרָן** Ranan, significat canere, lætari, exultare, gratulari, & lugere. In futuro **יָרָן** iaron, exultabit, cantabit. Surec est loco holem, dicit R. David. Prouerb. 11. Quando auferuntur improbi, gratulatio. Iusti qui Deo seruiunt, & iuxta eius præcepta, proximum non lædunt, sine ullo metu uiuunt: non enim metuant, ne propter hæc uel illa scelera, à pijs principibus puniantur. Gaudent quod cum impijs illis societatem non habuerunt, & Dei beneficium agnoscunt: gaudent etiam propter gloriam Dei, & iusticiam publicam, si flagitiosos de quibus nulla spes est melioris uitæ, è medio tolli conspiciant. Si quando ipsi quoq; capiuntur, non sit propter scelera. 1. Pet. 4. capite, Ne quis uestrum affligatur, ut homicida, aut fur, aut facinorosus, &c. Si **יָרָן** ranan significet clamare ex mœrore, sensus erit, iustos si uideant improbos puniri, partim dolere, partim lætari.

#### 7 Cognoscit iustus causam (uel litem) pauperum.

Hæc sententia discrimen ponit inter iustum & iniustum iudicem. Iustus iudex dat operā, ut cognoscat causam pauperum: iniusto causa eius nihil est curæ. Docet bonum iudicem, causam pauperis cognoscere, ne iniuria ei fiat: ut si de opibus, uel fama, & maximè si de capite eius agatur: nec ante ferre sententiam, quàm causam exploratam & bene perspectam habeat: idem enim uellet alios in sua causa facere. Quanquam autem in diuitum quoque causis id faciendum sit, ideo tamen hoc loco pauperis sit mentio, quod sæpe negligentur à iudicibus, eò quod nulla ab eis beneficia expectant. Deinde pauperes uel una lite ad mendicitatem rediguntur. Cum Iob. 29. capite, improbitate suorum aduersariorum, per censere cogeretur, quo pacto publicis muneribus functus esset, inter alia dicit: Oculum eram cæco, & pes claudicanti ego: pater ego pupillis, & causam quam nesciebam inuestigabam. Etsi accusatores desint, tamen iudex si oppressos audiat pauperes, inquirere debet, & curare ne pauperes à potentibus conculcentur.

Pauperis  
causa cur  
commen-  
detur iudi-  
cibus.

*Impius non intelligit scientiam.*) Scilicet, iuris & iusticiæ: hoc est, nō est sollicitus de paupere, nō multum curat, uincat an uincatur, bonam an malam causam habeat. Sæpe pedibus it in alterius sententiam, cum ignoret qualem tulerit. Dum pauper exponit suam causam, ipse alia cogitat, uel dormit. Si per scientiam intelligamus uerbum Domini, regulam iusticiæ & æquitatis, impij quoque non curant. Talis iudex describitur Luc. 18. qui uiduam asseribat,



non quia bonam causam habebat, sed ut à molestia liberaretur. Præcipue autem in causa religionis non temerè iudicandum est, sed ex uerbo Dei omnia sunt cognoscenda.

8 Homines derisionis illaqueant ciuitatem.

Hoc est in multa & magna pericula eam conijciunt, seditiones concitant, &c. *האנפואח*, est flare, sufflare, spirare, & in *hiphil* *הפח* facio sufflare, uel sufflare, id est inflammare: quemadmodum coqui uel alij, sufflant folle ignem. Illusores conspirant contra magistratus, & alios ad seditione impellunt, lites & odia inter ciues accendunt, suum ad hæc uenenum alijs afflant: crescente autem eorum numero, Deus ciuitates perdit. Pauci illusores, stabella diaboli, magnis malis urbes possunt afficere. Talis illusor fuit Absalon, qui contra patrem suum subditos incitauit. 2. Sam. 15. Demetrius faber argentarius, Acto. 19. capite. Iudæi capite 17. qui Paulum accusabant seditionis.

*Sapientes uerò auertunt furorem.*) Quando uident populum tumultuari, blandis uerbis eos ad obedientiam hortantur. Talem describit Vergilius in Aeneid. 1.

- ” Ac ueluti magno in populo cum sæpe coorta est
- ” Seditio, sæuitq; animis ignobile uulgus:
- ” Iamq; faces & laxa uolant, furor arma ministrat.
- ” Tum pietate grauem ac meritis si fortè uirum quem
- ” Conspexere, silent, arrestisq; auribus astant.
- ” Ille regit dictis animos & pectora mulcet.

Sic in Romana historia Menenius Agrippa confecto Apologo de corporis humani membris aduersus uentrem conspirantibus, periculosissimam seditionem plebis legitur sedasse. Themistocles Atheniensibus fabula de uulpecula muscis plena, persuasit ne magistratus mutarent. Discimus sapientes adhibendos in periculosis negocijs, non stultos & impios. Varijs autem argumentis homines à seditione reuocari possunt. Vir sapiens & pius, etiam auertit iram Dei: precatur enim ut Deus ciuitati parcat, alios quoq; ad ueram pietatem hortatur. Sic Moyses, Aaron, Helias, & alij sæpe auerterunt iram Dei à populo.

9 Vir sapiens si contendat cum stulto, siue irascatur siue rideat, non erit requies (uel remissio.)

Ad uerbum legitur, *Vir sapiens iudicatur cum stulto*, id est, uocatus in iudicium. *וְהָיָה נִסְפָּא* in uoce passiva significat in ius uocari, contendere iudicio. Quemadmodum extra iudicium, sic in iudicio quoq; stultus est incurabilis, siue serio siue ioco cum eo agas, semper sui similis est. Sunt qui iram & risum ad stultum referant, ut sit sensus: Si sapiens in iudicio suam causam proponat, stultus aut irascitur aut iocabitur: & non quiescet, scilicet, stultus. Alij ad sapientem referunt. Hieronymus & Beda sic interpretantur: Doctor sapiens, si cum infideli & contumace contenderit, siue reprobis tormenta, siue gaudia narret bonorum, frustra erga insensatum laborat: siue lamenta pœnitentiæ suadeat, siue bonæ operationis quæ sint præmia dicat, nō auditur à stulto & hæretico.

10 Viri sanguinum, oderunt integrum.

Viri sanguinum, non tantum illi sunt, qui innocentem sanguinem effundunt, quidq; bonorum sanguine & sudoribus pascitur: sed alij etiam scelerati & flagitiosi homines. Sanguines enim in plurali numero apud Hebræos significant atrocia scelera: nimirum quod illorum sanguis, qui illis sceleribus obnoxij sunt, effundi debeat. Psal. 25. Sanguinarij innocentibus opponuntur. Tales uiri, iustos & integros odio prosequuntur: idq; propter contraria studia. Pij enim si non uerbis, tamen uita sua ostendunt sibi impiorum mores displicere. Non autem inter illos firma constare potest amicitia, qui sunt dissimilib. studijs. Pij amant honestatem, scelerati uerò eam detestantur: cumque ipsi scelera patrare amplius non possunt, alios ad ea impellunt. Pij colunt pacem: illi omnibus rebus bellum anteferunt, pacem, quæ eorum institutis aduersatur, odio habent. Oppressos itaq; omnes illos cupiunt, qui eorum conatibus obfistunt. 1. Petri 4. capite. Id absurdum illis uidetur, quod non accuratis unà cum ipsis in eandem luxuriam refusionem, qui de uobis malè loquuntur, &c. Similis ferè sententia sequitur 27. capite.

*Recti autem quærun animam eius.*) Illos quos uiri sanguinarij perditos uolūt, pij omnib. modis student cōseruare. Animā quærere hoc loco significat, defendere, cōseruare & tueri. Sic Psal. 142. *In uia qua ambulabā absconderēt laqueū mihi, & respiciēs ad dextrā uidebā nō esse qui me agnosceret, periit refugium à me, nō erat qui quæreret animā meam.* Exemplū huius sententiæ habemus Ieremię 40. & 41. cap. de Iohanna filio Careę qui eripere Godoliam uoluit, & in Ismaele qui eū interfecit. In principe est egregia uirtus subditos defendere. Antoninus

Pius



Pius sæpe repetiuisse scribitur egregiam hanc uocē Scipionis, Malle se unum ciuem seruare, quàm centum hostes occidere. Nectantum uitam eorum, sed res omnes defendunt. Ipsos etiam impios si à morte temporali & æterna reuocare possunt, nullis parcant laboribus.

### 11 Totum spiritum profert stultus.

Stultus cum aliàs, tum in iudicio quoq; quando causæ tractandæ sunt, suum spiritum, hoc est, uoluntatem, desiderium, uel iram, & alios affectus, effundit, nihil sibi seruans. Quemadmodum mare commotum, spumam & algam, ita stultus commotus ira, quicquid in corde habet, semel euomit. Sæpe hac ratione se excusat, quòd non sit hypocrita, sed illa quæ in animo habet liberè proferat: at non omnia quæ scimus, nec apud quosuis temere effutienda sunt. Hoc enim certum est iudicium, animi leuis & incogitantis.

*Sapiens in posterum quiescere faciet eum.*) אָחֹר Achor retro, retrorsum, & cum beth, בְּאֶחָר be-chor, *Sapiens in postremo*, id est, tandem compescit eum, scilicet, spiritum: est enim generis scemini, sicut & spiritus. Quidam ad spiritum stulti referunt, quòd sapiens eum compescat. Cum enim stultus omnia effutiat, quæ in animo habet, sapiens facilius potest eum conuincere, si uel in foro uel aliàs cum eo contendat. Alij ad sapientem referunt, quòd suum spiritum, hoc est, iram uel appetitum cohibeat retrorsum & refrenet, nihilq; incōsideratè loquatur, sed intra modestiæ fines sese contineat. בְּרֵשׁ בְּרֵשׁ significat primò laudibus uehere, commendare apud alios: deinde significatione contraria, cohibere. Hinc Caietanus uertit, *Et sapiens in posterum laudabit eum*. Ut sit sensus, sapiens laudat spiritum reseruantem uerba in posterum, partim dicentem & partim reticentem, ut opportuno tempore proferat.

### 12 Principis auscultantis uerbo mendacijs, omnes ministri sunt impij.

Plurimq; fit ut tales sint ministri & subditi regis, qualis est ipse rex. Si bonus sit, ipsi quoq; *Qualis princeps, tales subditi.* boni sunt. De hac re Socrates etiam apud Xenophontem disputat. Plutarchus in uita Lycurgi dicit, Ut populus dicto sit audiens, hoc discit à principe: nam bonus dux bonum reddit comitem, &c. Sin malus, ipsi quoq; mali sunt: nam oculos conuertunt in principem, & cum intelligunt eum uerbis & rebus uanis delectari, statim se ei accommodant, & ei se approbare student. Hinc fit, ut qui mendacia falsorum doctorum non probat, quiq; mentiri nescit, aula pellatur: locum autem habeant adulatōres, calumniatores, mendaces, & perfidi. Exemplum habemus in Herode Matth. decimoquarto capite, qui cum celebraret natalem suum, principes suos inuitauit, qui se non opponunt cum audiunt Ioannem Baptistam occidendum esse. Claudia. scribit de 4. Honorij consul.

Componitur orbis

Regis ad exemplum, nec sic inflectere sensus  
Humanos edicta ualent, quàm uita regentis.  
Mobile mutatur semper cum principe uulgus.

Ibidem scribit:

Hoc te præterea crebro sermone monebo,  
Ut te totius medio telluris in orbe  
Viuerè cognoscas, cunctis tua gentibus esse  
Facta palam, nec posse dari regalibus usquam  
Secretum uitij, &c.

Idem in Stilliconis laudibus:

Scilicet in uulgus manant exempla regentum  
Utq; ducum lituos, sic mores castra sequuntur.

Ouidius in epistola consol. ad Liuiam de morte filij:

Imposuit te alto fortuna, locumq; tenere  
Iussit honoratum, Liuiæ perfer onus.  
Ad te oculos auresq; trahis, tua facta notamus,  
Nec uox missa potest principis ore tegi, &c.

Iuuenalis quoq; ostendens, quantam uim habeat exemplum, scribit:

Sic natura iubet uelocius & citius nos  
Corrumpunt uitiorum exempla domestica, magnis  
Quum subeant animos authoribus, &c.

Quæ exemplo magni alicuius authoris fiunt, ea iure quodammodo fieri putantur. Hinc Chærea apud Terentium: Hæc inquit non facerem, quæ Iuppiter fecit? Concionatores quoque si mali sint, auditores erunt similes eorum. Si paterfamiliàs mendacijs delectetur, familiam habebit impiam. Quid tandem fit? Deus & magistratus & subditos punit. Osee 4.



cap. Erit populus qualis est sacerdos: ut in uitis, ita in supplicijs, pares erunt. Meliores facer dotes ferre non poterat. Principes igitur ex hac sententia discant, rectè uiuere, ueritatè amare, sibi cauere à mendacib. hominibus, adulatoribus, sycophantis, & in primis à falsis doctoribus. Omnes discant, quantum sit Dei beneficiū, si populo princeps bonus contingat.

13 Pauper & uir usurarū, occurrerūt sibi, Deus oculos amborū illustrat.

חכר Thachach significat fraudem & dolum: hinc, quidam reddūt, uir fraudum, & uel acti- uè accipiunt, qui fraudat alios, uel passiuè, qui fraudes passus est Alij contritionum aut fra- ctionum uertunt, & etiam accipiunt, uel pro illo qui conterit hominem fidentem sibi, et non cauentem ab eo uel pro eo, qui cōteritur inopia ac paupertate. Sensus est: Pauper & qui frau- dem passus est, uel oppressus concurrūt, ut unus alteri miseras suas exponat, multamq; con- solationem accipiat, & quanquam sæpe unus alterum consolari satis non possit, Deus tamē oculos eorum illuminat, id est, eos in tenebris ærumnarum consolatur & erigit, ut patienter ferant mala. Alij sic intelligunt, Deus miseretur cuius uult, nec respicit personas: eligit usura- rios, diuites & pauperes. Exemplo nobis sunt Matthæus, Zachæus & alij publicani, de qui- bus in Euangelio legitur. Sunt qui ita intelligant: pauperem & usurarium, uariè à Domino il- luminari, unum ad patientiam, uel petendum humiliter, alterum ad beneficentiam. Castalio reddit, Pauper & creditor contrarij sunt.

14 Regis q̄ iudicat in ueritate pauperes, thron⁹ in perpetuū firmabit.

Iustitia con-  
seruat re-  
gnā.

Iudicare pauperes in ueritate, est ueram & iustam sententiā ferre, nō habito respectu perso- narum. Math. 22. cap. similis phrasis legitur, docere uiam Dei in ueritate, id est, religionē, uerē, simpliciter, integrè & rectè tradere. Per thronū uel solium, intelligit regnum & imperiū. Sym- bolum enim est imperij. Sensus igitur est, qui iustitiā colit, regnū habebit diuturnū ac stabile. Ius reddendum est diuiti et pauperi, sed hoc loco pauperis fit mentio, quod ille ferè negli- gitur. Principes rarè admittūt eos in suum conspectū, sed remittunt eos ad iudices à se consti- tutos: illi uerò metu potentū & diuitum, non semper liberè sententiā ferunt. Deinde munera aliquando accipiūt à diuitibus, & pauperē opprimunt. Diuites uerò facilem habent aditū ad principes, & apud omnes sunt in precio, ut nō periculum sit, ne iusta cadant causa. Qui igitur pauperes rectè iudicat, multo magis diuites rectè iudicat. Discunt principes si dñi regnare uo- lunt & feliciter, ne omnes causas à se reiſciant, sed pauperes audiant: quemadmodū sanctos reges fecisse legimus, & suis mandent, ne quenquā fallant. Vulgò iudicant ad conseruationē regnorū hoc pertinere, si cōtemptis pauperibus, potentes & diuites colantur, quin religio- nem etiam potius uiolandā multi putāt, quàm ut homines potētes & audaces offendamus: at iudicio spiritus sancti, toto cœlo errant. Consolatio etiam pauperibus proponitur, quorū tantam rationē habet Deus, ut propter eos regna uel lalua sint, uel pereant. Deus qui defen- sor est & pater pauperum uult principes quoq; eorum patres esse. Multis in locis scripturæ, præcipit ne quis pauperes suos lædat, præsertim in iudicio. Exod. 22. 23. Deut. 15. Apud Isa. 3. cap. queritur pauperis rapinam, in domo principum reperiri. Et cap. 10. pauperes in iudicio uim pati. Sic Amos 5. & 8. cap. Zeph. 3. cap. iudices uespertinis lupis comparātur. Discant pau- peres spem suam in Deo ponere.

15 Virga & increpatio, tribuunt sapientiam.

Castigatio-  
nis libero-  
rū utilitas.

Pueri stolidi sunt, aliorum uitia imitantur, priusquam norint esse uitia: etiam bonę indolis pueri, conuictu malorum corrumpuntur. Corrigere igitur eos oportet, idq; nō solum uerbis, sed uirga quoq; Si uerbis meliores fiant, bene est: sin minus, uerbera sunt adhibenda, ut me- tus eis incutiatur. Et quemadmodum tineę ex ueste pellibus subducta, uirgis expelluntur: sic uitia puerorum uirgis emendanda sunt.

Puer autem dimissus, pudore afficit matrem suam.) מִשְׁחָלַח Meschullach particip. præterit. in piel, puer dimissus, scilicet, suæ uoluntati, cui nulla adhibetur correctio, & cui liberè uagari licet per plateas, à quo nunquam ratio petitur, ubi, cum quibus fuerit, quid fecerit, matri erit pro- bro. Nihil enim discet, & quod grauius est, corruptissimos induet mores, ideoq; mater sæpe cogetur erubescere. Matrem autem imprimis nominat, eò quod sæpe sua indulgentia filios corrumpunt, præpostera quadā misericordia conuiuentes ad eorum peccata: obstant etiam, ne patres, pædagogi & alij, eos, ut merētur, castigent. Dignæ igitur sunt, quæ postea à filiis ue- xentur: quanquam filij grauiter peccent, qui hoc faciunt.

16 Cum multiplicati fuerint impij, multiplicabitur prauaricatio.

Si numerus impiorū in regno aliquo aut Repub. crescat, augentur scēlora. Vbicunq; enim Dei uerbum suam nō habet authoritatē, sæpe peccatur. At apud impios, in nullo est precio. Vbi



Vbi impunitas est scelerum, augescunt peccata: at impij alios non puniunt, qui ijsdem sceleribus sunt obnoxij, quibus ipsi. Vellent omnes eorum mores corruptissimos imitari, ut in maiore essent precio, inuitant etiam alios ad peccatum. Tanta est hominum prauitas, ut etiam ubi seuerissimæ sunt pœnæ, multa tamen scelera patrentur. Multi quoq; præterito uerbo Dei, multitudinis exemplum sequuntur.

*Iusti autem ruinam ipsorum uidebunt.*) Quando impij putabunt se omnibus superiores esse, seq; pactum cum diabolo fecisse, subitò peribunt, & iusti, quos ipsi contempserunt, tanquam stultos, & afflixerunt, casum eorum uidebunt. Exempla illustria habemus in Noe & Loto. Facit hoc ad nostram consolationem. Valde percelluntur animi nostri, si uideant impijs uel paucis uel multis, omnia succedere, sed expecta ad breue tempus, & uidebis uices rerum: ne imiteris eorum exemplum. Nam si fuerit impleta eorum mensura, dabunt grauissimas pœnas, uidebis eorum interitum, & gratias agēs Deo, quòd te à cōtagione impietatis seruauerit. Etiā si autem pœnas in hoc seculo euadant, non tamen æternum supplicium subterfugient. Iusti in nouissimo iudicio, non tantum uidebunt eorum casum, sed ipsi magna constantia accusabunt eos. Psal. 90. Oculis tuis considerabis, & retributionem peccatoris uidebis.

*Impij subitò peribūt.*

17 Corripe filium tuum, & quiescere faciet te, dabitq; delicias animæ tuæ.

Multæ extant in hoc libro insignes sententiæ de castigatione liberorum. Non enim ignarus fuit sapiens, quòd plerique parentum in alterutram partem peccent, aut nimis sunt uehementes & rigidi erga liberos, aut nimis indulgentes & remissi. Sed hoc altero malo plus laborant, nempe ut liberis castigationem non adhibeant, sine qua pauci ad frugem perueniunt. Sæpe igitur repetitur, quòd liberi castigandi sint, & quomodo. Hac autem sententia, non modò hortatur parentes, ut liberos castigent: sed & duplicem fructum ostendit, qui ex institutione & correctione liberorum percipiatur. *Propter* iasar, significat non solum uerbis, sed magis facto cohibere aliquem, ne arbitratu suo uiuat. Admonet parentes, & qui eorum loco sunt, ut liberos castigent uerbis & uerberibus, idq; maturè, ut alijs locis habetur, ac certa ratione. Prima utilitas quæ inde sequitur est, quòd hoc quietè afferet parentibus. Nam si liberos dum teneri sunt, rectè instituent, postea non erit eis laborandum: sponte enim suum facient officium. Parentes quoque senio confectos leuabunt laboribus, ac quietem eis præstabunt. Si migrandum sit ex hac uita, parentes qui uident se bene institutos liberos relinquere, minus turbabuntur. Cogitabunt enim eos ad dignitates promoueri posse, eosq; artibus quas didicerunt, sibi comparare posse necessaria, non timebunt ne alijs sint oneri, & committant propter quæ pœnas dent. Si malè institutos relinquunt, quieti & pacati esse non possunt: cogitabunt enim, si eorum culpa tales sint, Deo iustissimam rationem esse reddendam. Alter fructus est, quòd dicit, Voluptatem afferet parētibus. Magna enim uoluptate eos liberi honesti afficiunt, de quo alibi quoq; dictum est: uidentur sibi parentes quodammodo in illis liberis uiuere. Opem & consolationē expectant à talibus, senio confecti. Cauendū tamen, ne nimium liberis tribuamus: Deus enim sæpe tollit illos, quibus nimium confisi sumus. Discant igitur parentes liberos rectè castigare, si & quieti suæ consulere & uoluptatem ex liberorum felicitate capere uelint. Liberi discant castigationem ferre: quando enim Deus præcipit parentibus, ut castigent filios suos, simul filijs mandat, ne castigationem auersentur.

*Fructus castigationis puerorum.*

18 In non uisione dissipatur populus.

Per uisionem uel prophetiam, intelligit doctrinam cœlestem & ministerium Ecclesiæ. Prophetæ enim in scripturis, non illi tantum sunt, qui instinctu Dei de rebus futuris uaticinantur: sed etiam illi, quos hodie concionatores uocamus. 1. Cor. 14. capite, Qui prophetat hominibus, loquitur ædificationem & exhortationem & consolationem. Tunc autem deficit prophetia, quando homines desunt rerum diuinarum periti, aut si illi officium suum non faciunt, sed ocio & genio indulgent: uel quod grauius est, si falsam doctrinam proponunt. Item, si scholarum, quæ seminaria sunt Ecclesiæ, nulla ratio habetur: si præscribitur ecclesiæ ministris, quid & quomodo docendum sit: sicut ab Israelitis fiebat, Isaia 30. ca. Deniq; quando homines Euangelium prorsus non uolunt doceri aut tractari. Quid inde sequitur? populus dissipatur. *Propter* para significat deficere, rebellare, cessare uel ociosum esse, retrocedere & nutare: quæ significationes omnes, pulchrè huic loco cōgruunt. Si purior doctrina cōcidit, populus deficit à Deo, & sequitur alienos Deos: magistratui quoq; legitimam obedientiam non præstat: cessat à bonis actionibus, tamen si rectè cœperit, tamen relabitur in impietatem & scelera, uacuus est timore Dei, & bonis operibus. Breuiter, magna sequitur uite

*Quando prophetia deficit.*



dissolutio. Nec mirum, nam si boni doctores subinde instent & urgeant, tamen parum promouent, quid igitur fieret, si nemo hoc faciat, aut doctores sint qui ad mala homines impellant? Deinde uerbum Dei est lucerna, qua sublata aut modio infecta, non possunt nisi tenebræ subsequi. Exemplo nobis est ipse Salomon, cum in eius regno prophetia uigeret, abundabat omnibus bonis, postquam uerò prophetia locum non habebat, statim secuta est apostasia in fide & politia. Quid' superioribus seculis acciderit, notum est: postquam prophetia paulatim amissa est, uariæ sectæ exortæ sunt, infinitæ superstitiones & abusus emerferunt: homines tandem, regnante prodigiosa scholasticorum & monachorum sophistica, panem, ossa, lapides & ligna adorarunt, & in mille rebus salutis suæ præsidium constituerunt. Quàm tetri errores apud gētes, oblitterata patrum doctrina, exorti & cumulati sint, piget meminisse. Quot philosophi fuerūt, tot fuerunt opiniones de beatitudine, quot oppida, tot dii, &c. Discamus ergo ex hac sententia quantum beneficium sit, si Deus idoneos homines excitat, qui commodè & dextrè tradunt doctrinam pietatis. E' diuersò, discamus quanta sit calamitas si prophetia deficiat. Amos 7. cap. minatur populo famem uerbi Dei tanquam maximum malum. Putant quidam bene secum agi, si prophetæ tollantur, ut possint liberè in suis sceleribus exultare, at non minus stultè agunt, quàm pueri qui omnes ferulas, parentes quoque sublato cupiunt, ut impunè possint peccare. Christus Matthæi nono, similitudine explicat, quæ conditio sit populi pijs doctoribus destituti: similes enim dicit esse gregi ouium, qui absque pastore oberret in deserto. Singuli igitur quanto possumus studio, lucem doctrinæ celestis retinere, & propagare ad pastores conemur. Imprimis uerò qui præsunt rebus publicis & ecclesijs dent operam, ut floreat uera religio, sine qua respub. & ecclesia incolumis stare non potest.

*Custodiens autem legem, beatus est.*) Legem, hoc est, uerbum Dei. Sic Christus quoque loquitur Luc. 11. capite. Cum enim se defenderet contra aduersarios, qui dicebant eum dæmonia pellere ope principis dæmoniorum, quædam muliercula (indubiè bono zelo) de turba exclamabat: Beatus uenter qui te portauit, & ubera quæ suxisti. Ille respondit, Quinimò beati qui audiunt sermonem Dei, & custodiunt illum. Non enim satis est semel & iterum audiuisse uerbum, sed custodire oportet, hoc est, credere uerbo prædicato, & iuxta illud uitæ rationem instituere. Res per species potest explicari.

#### 19 Verbis non erudietur seruus, quia intelliget, & non responsio.

*Seruum conditio.* Septuaginta addunt *σκληρός* durus: hanc uersionem sequitur August. sed epist. 105. dicit seruus dolosus. Seruorum dura erat apud ueteres conditio, premebantur multis oneribus, hinc fiebat ut animum despondentes, nihil sponte facerent. August. ad Bonifa. comitem, de hæreticis moderatè coercendis epist. 50. Cum dixit uerbis eum non emendari, inquit, non eum iussit deferi, sed tacitè admonuit, unde debeat emendari: alioqui non diceret, Verbis nō emēdabitur: sed tantūmodo diceret, Non emendabitur. Alio quoq; loco dicit, non solum seruū, sed etiam filium inobedientem, plagis esse coercendum, & magno fructu: Nam tu quidem percutis eum uirga, animam uerò eius liberabis à morte. Et alibi dicit, Qui parcit baculo, odit filium suum, &c. Multi homines sunt tam serui ingenio, ut neq; uerbis, neq; pudore, neque amore uirtutis, moueantur, ut suum officium faciant, sed plagis duntaxat incitentur ad uirtutes, & submoueantur à flagitijs: tamen si rem aliquam intelligant, tamen non respondeant, non obtemperent, sed suorum affectuum imperium sequantur. Tales erant Hebræi, qui cū prophetarum admonitionibus & comminationibus, non meliores redderentur, à Nabuchodonozore afflictī, & funditus euerſi sunt. Metuendum ne idem nobis eueniat, qui partim admonitiones ex uerbo Dei depromptas prorsus audire nolumus, partim audimus quidem, sed interim in omnibus sceleribus pergamus.

#### 20 Vidisti uirum uelocem (uel præcipientem) in uerbis uel negocijs suis?

spes est de stulto maior, quàm de illo.

*Præcipitā-tia cauēda.* De hac phrasi dixi cap. 20. uers. 12. Docet non solum in uerbis, sed & negocijs omnibus, præcipientem celeritatem cauendam esse. D. Iac. 1. cap. dicit, Omnis homo uelox sit ad audiendum, tardus autem ad loquendum, tardus ad iram. Quidam philosophus ideo dixit naturam homini binas aures, os unum tribuisse, ut plus audiat quàm loquatur. Philosophi quoq; dixerunt, linguæ à natura ideo *ἑρως ὀδόντων*, gingiuas, dentes & labia obiecta esse, ne faciliè erumpat. Prudenter igitur & circumspectè agendum est, ne lingua mentem præcurrat. Deinde in omni quoq; negotio uitanda est præcipitantia, cuius comites perpetui esse solent error & poenitentia, iuxta illum uersum apud Græcos:

*Προπύει καὶ πολλοὶς ἐστὶν αἰτία κακῶν.*

Malum



21 Delicatè tractās à pueritiā seruum suum, in nouissimo suo erit filius.

Conditio  
servorum.

Serui non  
indulgēter  
tractandi.

Δῶτακτὰ νέμοις, ἵνα τοι κατὰ βύμιος ᾔη.

22 Vir iracundus miscet litem, & furibundus multiplicat praevaricationem.

Iracundi  
multum ma-  
li excitant.

Idem dicit quod Christus in Evangelio Lucae 14. & 18. capite dixit: Omnis qui se exaltat humiliabitur, & qui se humiliat exaltabitur. Multa exempla illorum ostendi possunt, qui propter superbiam deiectioni sunt: primorum parentum, Adoniae & fratris ipsius Absalomi, Herodis Agrippae, & persecutorum ecclesiae, qui consilium Dei impedire quodam modo uoluerunt, ac deiectioni sunt: quo genere mortis quisque interierit, ex historiis potest ostendi: unum tantum annotabo. Valerianus imp. à Sapore Persarum rege captus, ut scribit Euseb. in uita Constan. libro quinto, tandem excoriatus est, saepeque conditus. Haec exempla sunt singulorum hominum, in totis oppidis, regionibus & regnis, hoc quoque dictum impletur. Roman. regnum superbia euerit. Lucifericam superbiam Antichristi, sese collocantis in Christi sedem, Christus punit & puniet. Econtrario, *Humiles spiritu subleuabit gloria*, id est, potentur gloria, si non in hac uita, saltem in futura. In nouissimo die, multos qui nunc ab Antichristo damnantur &



conculcantur pro hæreticis, constabit esse filios Dei. Quidam per tropum interpretantur, humilem spiritu sustentabit gloria, id est, Deus gloriosus.

#### 24 Qui partitur cum fure, odio habet animam suam.

Etiam si quis furtum ipsum non admittat, tamen aliquo modo se participem furii reddat, odio habet uitam uel animam suam. Paul. ad Ephes. 5. cap. dicit, Nemo odio habet carnem suam. Omnes homines seiplos ardentè diligunt. Qui cum furibus participat facit in hunc finem, ut rebus suis consulat. Verùm si quis diligenter consideret, non uerè amat animam & uitam suam, quia agit propter quæ uitam & sæpe animam quoque amittit. Odio habentes eum, non possent maiore damno eum afficere. Similes locutiones 8. & 13. capite habuimus. Vulgò nouem modos enumerant, quibus aliquis se furii participem constituit. Primò, cooperatione, ut cum quis opem præstat furi, parat instrumenta, scalas, clauēs, cum signa dat furibus, eosq; defendit. Secundò, iussione, cum quis illos in quos potestatem habet, iubet furtum facere, pater filium, maritus uxorem, dominus seruum. Tertiò, consilio, cum quis illis, in quos nullum ius habet, suadet ut furtum faciant, cum uias & modos furandi ostendit, & occasiones indicat. Quartò, consensu, quando quis consentit in furtum, idq; uel ante factum, uel in facto, uel post factum. Quintò, adulatione, cum furis laudatur industria & sagacitas. Sextò, occultatione & conseruatione, quando quis illa quæ ab alijs furto ablata sunt, custodit. Germani dicunt, Talis est occultator, qualis est fur. Phocylides etiam dicit:

ῥωρῶν μὴ δέξῃ κλοπὴν καὶ δόρυ παραβῆναι.  
ἀμφοτέροι κλώπες, καὶ ὁ δέξάμενος, καὶ ὁ κλέψας.

Septimò, participatione, ut cum quis partem usurpat rei furto sublata, uel comedendo, uel emendo uili precio, uel accipiendo ut furem absoluat. Sic Esaias 1. capite queritur, quòd principes socij sint furum. Psalmo 50. principibus populi dicitur, Si uidebas furem, currebas cum eo. Hodie multi sacrificuli, partem rerum furto sublatarum acceptantes, eos absoluunt. Octauò, permissione, cum quis repellere fures posset uel clamore uel alijs modis, & non facit. Nonò, si quis in iudicio requisitus, non indicat ubi sit res furto sublata uel ipse fur. Lyranus nouem illos modos, quanquam non hoc ordine, illis uersibus complexus est:

Iussio, consilium, consensus, palpo, recursus,

Participans, mutus, non obstands, non manifestans.

Maledictionem audiet (seu iusiurandum) *et non iudicabit.*) Sensus est: Malè audit inter homines, furii accusatur, tamen non audet de hac re conqueri, sibi enim malè conscius est. Quidam hunc sensum colligunt, non modò illos animæ suæ malè consulere, qui cum fure diuidunt: sed etiam qui blasphemias audientes, non indicant ut puniantur. Sic Leuit. 5. ca. Si peccauerit anima, & audierit uocem iuramenti, testisq; ipse fuerit aut uiderit, aut cognouerit, si non indicauerit, portabit iniquitatem suam. Quæ uerba quidam ita intelligunt, si quis iudicis adiurantis ipsum, uocem audierit, ut rem aliquem indicet (puta à quo factum sit furtum) id si non fecerit, reus erit. Alij uerò ita intelligunt, si quis audierit aliquem deierantem, maledicentem, & abutentem nomine Dei, nec indicat iudicibus, illum reum fieri. Addendum est, si illi odio habent animam, qui diuidunt cum furibus, multò magis, qui cum prædonibus & latronibus. Breuiter, cum sceleratis non est communicandum.

#### 25 Timor hominis ponit laqueum (seu offendiculum) & qui fidit lehouæ, exaltabitur.

Quanquam omnes sententiæ hoc libro comprehensæ, præclaræ sunt & insignes, ut quæ à spiritu sancto profectæ sunt, tamen ueluti una stella altera est clarior, ita aliæ sententiæ alijs sunt insigniores, inter quas hæc quoque collocari debet. Quæ ut melius intelligi possit, principio annotandum est, timorem hominis generaliter dici, quem quisque in se habet: uel specialiter, quo quis hominem timet: qui timor iterum distinguendus est. Est enim bonus & malus. Bonus est, quando inferiores superiores timent. Leuit. decimonono capite dicitur, Vnusquisq; patrem suum, & matrem suam timeat. Eph. 6. Serui obedite in omni timore dominis. Sic uxor maritum, subditi magistratum, timere debent. Rom. 13. Si male agis, time: nò enim frustra gladium portat. Est timor instar freni, quo equus regitur. Hic metus si tolleretur, omnia conciderent. Peruersus uerò metus est, quando instar cæcorum, non timenda timeamus, & quæ uerè timenda sunt, non timemus, aut non recta ratione timemus. Famè, morbos, mortem timere non est malum, sed modum in his tenere oportet. Vox חֶרֶד chered non simpliciter timorem, sed tremorem significat, metum concutientem: immoderatus enim timor nò probatur. Nà hic metus multa mala parit, reuocat nos ab his, quæ ex nostra uocatione facienda,



facienda, uel perferenda sunt. Ecclesiastes enim, si homines plus metuat, quàm Deum, sceleratos non corripiet, nec errores dereget: iudex non defendet pauperes, non punit sceleratos. Multi à Christo deficient, ne opes & uoluptates amittant. Rectè ergo dicitur, pauorem hominum, ponere laqueum uel offendiculum: multos enim impedit, ne in uia Domini progrediantur. Facit ut ruant in multa peccata, deinde in magna quoq; pericula homines conijcit. Exemplis uarijs res potest declarari. Quid igitur faciendum est? Hic locus & alij in conspectu habendi sunt, quibus nos contra inanem metum fulciamus. Deus sepe prophetas admonet, ne sibi metuant, iudicibus quoq; timorem eximit. Christus Matth. 10. suis Apostolis, postquam eos de futuris periculis instruxit, metum multis argumētis eximit. Pulcher etiam hac de re locus extat, Isaiæ. 51. cap. Nolite timere, &c.

Qui confidit Domino, exaltabitur.) *הוֹבֵב* bacach, fiduciam habere, securum esse, opponitur dubitationi seu trepidationi. Qui spem suam collocat in Deo, tutus erit. Ad uerbum est, *exaltabitur*, id est, seruabitur quasi in loco sublimi. Sumpta metaphora à militibus, qui se recipiunt in locum excelsum & munitum, puta arcem uel turrin, aut collem: uel ab illis qui in aquis petrae insident. Deus suos uel in hoc seculo contra insidias impiorum mirabiliter defendit, uel per mortem in arcem cœlestem euocat. Ringantur tyranni, tamen non poterunt ultrà quicquam mali pijs inferre, postquam corpus Deo permittente occiderint. Arcem illam cœlestem expugnare non poterunt. Posset Deus suos semper in hac quoque uita, contra malos defendere, quemadmodum Dauidem, Danielelem & eius collegas defendit: sed multas habet causas, ob quas eos interdum finit ab impijs interfici. Discamus nos ex hac sententiâ, illa facere quæ Deus præcipit, & euentum ei committere: si utile sit, seruabit nos in hac uita, sin minus, ad se nos transferet.

26 Multi quærent faciem dominantis, & à Deo est iudiciū cuiusq;.

Multi ambiunt fauorem potentum, partim ne ab eis lædantur, partim ut bona ab eis accipiant. Bene actum existimantes, si illis probentur: at Deus utrumq; iudicat. Damnat hæc sententia cæcitatem illam hominum, quòd plus student hominibus placere quàm Deo, quasi uerò homines plus obesse & prodesse nobis possint, quàm Deus. Benefaciendi & lædendi potestatem accipiunt homines, quando, quomodo, contra quos, & quousq; uult Deus: nullum iudicium fert princeps, citra Dei prouidentiam: Deo iudicante nos in agone mortis, & in nouissimo iudicio, nemo nos contra eum potest asserere: uidendum igitur, ut ipsi omnes nostras actiones approbemus. Vix autem alia res ita nos continet in officio, atque crebra meditatio iudicij diuini. Non est improbandum si quis placere cupiat principi, ex bono proposito: sed si faciat propter priuatum commodum, ut liberius possit peccare, & supplicia euadere, malum est.

27 Abominatio iustorum, est uir iniquus: abominatio autem impij, est

rectus uia.

Pij horrent conspectum impiorum, secundum quod tales sunt. Impij uerò rectos uia, id est, sinceros in fide & moribus, qui arctam uiam salutis ingressi sunt, oderunt. Inter homines qui dissimilibus sunt studijs, firma amicitia non potest coalescere. Christus Ioan. 15. cap. dicit, Si mundus uos odit, scitis quòd me prius quàm uos odio habuerit. Si de mundo fuissetis, mundus quod suum est diligeret. Quia uerò de mundo non estis, sed ego selegi uos de mundo, propterea odit uos mundus. Nec sunt grauiora odia, quàm quæ ex dissimilitudine religionis oriuntur. Ne igitur expectes ab illis opem, qui tuæ religionis non sunt. Quemadmodum enim ouiculæ à lupis opem expectare non debent, ita ueræ fidei cultores, ab incredulis. Discamus commercium cum impijs non esse habendum. Contrarium inferri potest, pio acceptum & gratum esse uirum bonum, impio uerò malum. Aristot. inter similitudinis adagia refert, *καὸς καὶ καὶ γὰρ συντέτταται ἰδιότης*, id est, malus cum malo colliquescit uoluptate.

Pij impios  
abominantur.

## CAPVT XXX.

Verba Agur filij Iaræh. Prophetia quam dixit uir ad Ithiel, ad Ithiel inquam & Vchal.



IC ponitur nouus titulus huius libri, qui tria cōplectitur. Primū, quis hæc sequētia scripserit: alterum, quid scripserit: tertium, ad quos scripserit. Author illorum quæ sequuntur est Agur: de quo alibi in sacris literis nihil legitur. Fuit indubiè uir prudens & celebris, quales in isto populo multi fuerunt omnibus ferè tem-

Titulus tria  
continet.  
Agur.



poribus. Probabile autem est, eum uixisse tempore Ezechiae regis, quando superiores quoq; sententiæ, quæ à uigesimo quinto cap. ad hoc usq; caput habentur, collectæ sunt. Quoddam eum tempore Solomonis uixisse putant, ideo mihi non probatur, quodd. 1. Reg. 4. cap. non nominatur inter illos, qui sapientia celebres tunc erant. Sunt qui putant hunc Agurum fuisse ipsum Solomonem, sic dictum propter magnitudinem sapientiæ in eo congregatæ. אגור agar, enim significat colligere & congregare. Sed quisquis fuerit, parum interest. Credendum uirum fuisse à Deo præstanti sapientiâ ornatum.

*Onus uel prophetia.* Scripsit אגור mascha onus, prophetiam uel oraculum, id est, doctrinam & institutionem de rebus magnis. Prophetia enim non tantum de facultate prædicendi futura accipitur. *Ithiel & Vchal.* Scripsit autem ad Ithielem, nec illum solum, sed etiam ad Vchalum discipulos suos, uel alios uiros prudentia insignes, qui eum de rebus magnis consuluerunt. Utitur hoc ordine. Primum ostendit, quanta sit cæcitas hominum, præsertim in rebus diuinis. Deinde à Deo petendam esse sapientiam ostendit. Tertio loco, patefactam esse uerbo Dei. Quarto, uerbo Dei nihil addendum, nihil detrahendum esse. Mox subiicit graues sententias, de uarijs rebus, quas ordine explicabimus. Caput est obscurum & difficile, ideoq; ero paulò prolixior.

2 Stupidus ego supra uirum, & non intelligentia hominis plebei mihi.

3 Neq; didici sapientiam, nec scientiam sanctorum noui.

*Cæcitas humana.* אגור baar pecuinus, qui instar pecudis oberrat. Fatetur suam inscitiam: dicit enim se stolidiorem esse alijs, & illa quoq; quæ uulgares homines norunt, ignorare: uel acumine ingenij non esse præditum, neque didicisse sapientiam, scilicet politicam, qua Respub. & regna sustententur, & humanæ res gubernantur, & scientia sanctorum uel sanctorum rerum, destitui. Remouet igitur à se tria, primum naturalem perspicaciam, deinde prudentiam usu & experientia collectam, tertio celestem sapientiam. Quomodo igitur has sententias pronunciare potuit? Ad uires proprias respexit, ex se hæc non habuit, neq; aliorum magisterio, sed ex reuelatione spiritus sancti. Hoc postremum membrum septuaginta affirmatiuè legunt, *at sanctorum scientiam noui*: quam lectionem sequutus D. Augustinus ad Deo gratias, Lyranus & alij: Ut sit sensus, imperitus sum humanarum rerum, at diuinarum gnarus. Sæpe autem fit ut excellentes uiri, & bene uersati in scripturis, rerum ciuiliu ualde sint imperiti. Discamus exemplo Aguri cæcitatem & ignorantiam nostram, quæ nobis per peccatum inflata est, agnoscere & confiteri, idq; non ut quidam faciunt, fictis uerbis, sed uerè & ex animo. Nam si de rebus etiam uulgaribus dicendum sit, magna est nostra inscitia: nemo est qui uel instrumentorum, quæ in opificum officinis sunt, nomina omnia teneat. De rebus altioribus, quales sunt politicæ, physicæ, mathematicæ, pauca cognoscimus, & illa quæ cognoscimus, imperfectè cognoscimus. Sapientissimi, peritissimi & diligentissimi scriptores naturalis historiæ, coguntur adhuc plura & maiora mirari, quàm sua industria & labore sint assecuti. Basilii cristas superbi illius, qui magnarum rerum scientiam sibi uendicabat, uarijs de formica, minimo animalculo, quæstionibus propositis contundit. Si uerò de rebus cælestibus dicendum sit, nemo est qui eas possit intelligere. Homo absq; illustratione spiritus sancti, cum toto suo acumine, tam ineptus est ad intelligenda per se Dei mysteria, atq; asinus ad symphoniam. 1. Cor. 2. capite, *ψυχὴς ἀνθρώπου* non accipit ea quæ sunt spiritus Dei: stulticia siquidem illi sunt, nec potest cognoscere, quòd spiritualiter dijudicantur. Exemplo nobis sunt philosophi, qui indagantes quibus in rebus uera felicitas posita sit, uarias afferunt sententias. Nicodemus Ioannis 3. cap. tamen si Christum diu de regeneratione loquentem audiuiisset, tamen quid diceret non intelligebat. Cognoscamus igitur calamitatem humani generis, humilemur, nihil uiribus nostris tribuamus, precemurq; feruentius pro dono spiritus sancti. Quo quis est doctior, tanto se gerat submissius. Socrates dicebat, Hoc unum scio, me nihil scire. Redarguuntur qui freti sui ingenij acumine, in cælum euolare conantur. Quemadmodum uerò scientiam rerum nobis non arrogare, ita neque propter bona opera nobis placere debemus. Nihil enim boni ex nobis ipsis possumus facere. 1. Cor. cap. 1. Qui gloriatur, in Domino gloriatur. Grauius accusandi sunt, qui precio, sua merita alijs quoq; uendere non uerentur. Postquam Agur ad hunc modum suam ignorantiam professus est, remittit nos ad Deum, qui sapientissime omnia condidit & gubernat, à quo uera petenda est sapientia. Sic etiam Iacobus nos 1. cap. hortatur, ut sapientiam à Deo postulemus.

4 Quis ascendit in cælos & descendit?

*Opera Dei.* Quasi dicat, Nemo hominum ascendit cælos, ut ea quæ in illis sunt cognosceret, & rursum descen-



sus descendens nobis declararet: solus Deus hoc potest. Is ubiq; præsens est, omnia implet: *Cælum.* descendere autem & ascendere dicitur, non quòd locum mutet, sed propter procurationem rerum uniuersarum. Psalmo 113. canit psaltes, Quis est sicut Dominus Deus noster, qui in altis habitat ad sedendum, qui se dimittit ad inspiciendum cum in cælo tum in terra? Instar boni patris familiars, superiora & infima curat ac gubernat. Psalmo 18. De Christo certum est quòd descenderit de cælo & in cælos ascenderit, Ioan. 3. Ephe. 4. Nobis autem quid in cælis sit, ostendit dicens, In domo patris mei, sunt multæ mansiones, &c. Ioan. 1. Deum nemo uidit unquam, unigenitus filius, qui est in sinu patris, ipse enarrauit, &c.

*Quis collegit uentum, in pugillis suis?* *חפן* chopan, significat partem interiorem manus, alij uo- *Aer.* lam, alij palmam reddunt: per synechdochen pro tota manu accipitur. Nulla membra habet Deus, humano tamen more, hæc ei tribuuntur. Ioannis 3. dicit Christus, Ventus ubi uult spirat, & uocem eius audis, nescis unde ueniat, & quo uadat. Ab hominibus uentus coerceri non potest. At Deus in sua potestate eum habet, & ueluti palmis concludit, quoties uult emittit eum. Psal. 135. habetur, quòd educat uentos de thesauris suis. Hi euerunt arbores, turres, &c. Quando uult sedat uentos. Sic de Christo quoq; in Euangelio legitur, Matt. 8. Marc. 4. Psalmo 88. Tu Domine dominaris mari procelloso, cum attollit fluctus suos, tu compescis eos. Quia uerò *רוּחַ* ruach, non modò uentum, sed spiritum & animum quoq; significat, quidam, inter quos etiam est D. Augustinus, exponunt, quòd Deus in potestate sua conseruet omnem angelicum & humanum spiritum, seu animas hominum, imò & spiritum iumentorum, Psal. 147.

*Quis congregauit (uel conclusit) aquas, in uestimento?* Aquæ duplicis sunt generis, sunt supernæ *Aquæ cæle-* & infernæ. Aquæ supernæ sunt nubes, quæ ueluti uestimentum expanduntur super capi- *stes & ter-* ta nostra: & quemadmodum aqua, quæ uestimento continetur, effluit, ita pluuiæ ex nubibus *restres.* guttatim decidunt. Aquæ terrestres ex montibus effluunt, & tanquam colantur. Oceanum Deus intra terminos arctauit. Psal. 32. congregans sicut in utre aquas maris. Iob 38. Quis conclusit ostijs mare?

*Quis stabiluit omnes terminos terræ?* *קִיַּם* kum est erigere, statuere, firmare, stabilire, eleuare: in *Terra.* hiphil *הִקְמָה* hekim erexit, cōstituit. In principio creationis, terra & aqua permixta erant, terrā quasi spongia in aquis latebat: sed tertio die Deus terram produxit, & ab aquis separauit. Gene. 1. cap. Aqua non operit terram, limitem enim suum excedere non potest. (Iob 26. & 28. & Psal. 104.) nisi postulantibus peccatis hominum. Fluctus ingentes instar uastissimorum montium excitantur, & ad littus magno impetu uoluuntur, sed præfixum sibi terminum nō egrediuntur. Jerem. 5. Posui arenam terminum maris. Plato in Timæo etiam scribit, quòd opifex Deus, in exordio iusserit terram tanquam matrem & altricem cunctorum animalium, ex parte esse ab aquis nudatam, ut habitationi ac necessitatibus hominum & cæterorum animalium, deseruiret.

*Quod nomē eius, & quod nomē filij eius, si nosti?* Nomē est cuiusq; rei definitio, & nomina ad hoc *Nomē Dei.* inuēta sunt, ut unūquodq; quid sit cognoscatur, nec genera tātū, sed & species inter se distinguantur. Quia uerò Deus immēsus & infinitus est, ideo propriū nomē nullū habet, quòd substantiā siue naturā eius exprimat. Quia unus & solus est, nō eget proprio nomine, quòd à relijs uel similib. uel uarijs distinguatur. Hæc ob causam Iacobo patriarchæ Gen. 32. interrogāti, dicit mihi quòd est nomen tuū? respōdit, Quid quis de nomine meo, qđ est mirabile? Similis locus est Iudicū 13. ca. Ostēdit Deus nō esse curiosē inuestigādum, quòd sit nomē eius, hoc est qđ nā sit. Nomina tamē Dei patris, multa in scripturis legūtur, quib. eius pprietates utcūq; adūbrātur. Exo. 34. ponūtur tredecim selecta & insignia Dei nomina. Hieronymus in quadā Epistola ad Marcellā, scribit decē nomina Dei maximē esse illustria in scripturis. Christus quoq; secunda persona trinitatis, alijs atq; alijs subinde nominibus appellatur, Isaia 9. & passim in scripturis, quæ omnia superuacaneum esset hoc loco asserre. Paulus dicit ad Philip. 2. Deus dedit illi nomen quòd est super omne nomen. Vide Laſtantium Diuinarum instit. li. 4. cap. 7. Augustinus ad Deo gratias presbyterum Epist. 49. respondens ad quæstiones à quodam pagano ipsi propositas, ostendit hoc loco fieri mentionem Dei patris & filij. Habemus igitur, Deum imperare omnibus elementis omnibusq; creaturis. Quæ autem de eius potentia dicuntur, huc faciunt, ne aduersariorum potentiam metuamus, & ut sanctē ac purē uiuamus. Habemus etiam apertum & perspicuum testimonium distinctionis personarum, & quòd filius Deo patri æqualis, & consubstantialis sit. Omnis enim pura creatura nominabilis est, ut loquuntur, & comprehensibilis, &c.

*Nomina Christi.*

*Distinctio personarū.*

5 Omnis sermo Dei purgatus.

Postquam propheta Agur ostendit, homines sua industria, ad cognitionem rerum cœle-



*Proprietas  
uerbi Dei.*

*Nullum me-  
daciū in sa-  
cris literis.*

*Discrimen  
sacrae scri-  
pturae et a-  
liorum scri-  
ptorum.*

*Deus piorū  
protector.*

*Verbū Dei  
est scutum.*

stium & diuinarum non perungere: remittit nos ad Deum, qui solus sapiens est, & sapientiā ueram & coelestem patefecit uerbo suo, de qua nunc agit, & duo ostendit. Primum, quale sit uerbum Dei, nempe uerum, purum, & sanctū. Deinde, quomodo sit tractandum. Verba quidem pauca sunt, sed amplissimam doctrinam continent. Omne uerbum Dei, quod continetur libris ueteris & noui testamenti, est ueluti igne purgatū. Septuaginta habent *πενήντα*. In Apocalyp. 3. cap. Verbum Dei appellatur *χρυσίον πενήντα* *ἐν πυρὶ*, Erasmus uertit ignitum ex igni. Theodorus Beza reddit elegantius, igne exploratū & purgatum. Nam uerbum *זָרָא* zaraf de illis dicitur, qui aurum & argentum igne urunt, excoquunt, examinant, & à scoria repurgant. Quemadmodum metalla in fornace à scorijs purgantur: sic uerbum Dei ab omni fallacia, errore, mendacio & sordibus repurgatum est. Refert enim Deum, à quo proficiscitur, qui alienus est ab omni dolo & mendacio, nullisque affectibus obnoxius est. Res per singula capita posset declarari. Psalmo 12. Eloquia Domini, eloquia munda, quasi argentum examinatum in exquisito loco terræ, defecatum septemplexiter: & Psalmo 19. legem Dei uocat immaculatam: testimonium Domini firmum: præceptum Domini purum. Augustinus in libro de sancta uirginitate, Non, inquit, est aliquo prætextu mendacium inducendum in sacras literas: quoniam tunc nihil solidum aut firmum reliquum esset. Quicquid enim adduxeris à Deo præceptum, è uestigio dici poterit, non ita res habet, &c. In epistola 8. ad Hieronymum etiam hac de re scribit: Omnia uerba, dicit, sunt pura, non quædam tantum. Errant igitur, qui uel in numeris uel proprijs nominibus, erratum putant, &c. Sancti homines tam certi fuerunt de scripturarum ueritate, ut pro eis non ueriti sint, quamlibet atrocem mortem oppetere. In hoc differunt à reliquis scriptis. Ethnici scriptores multa habent quæ nos in bonis moribus & uirtutibus erudiunt, historiæ plenæ sunt exemplis uirtutum & uitiorum, sed admiscunt magnos errores. Ambrosius, Augustinus & alij patres, eruditi fuerunt interpretes sacrarum literarum, sed sæpe lapsi sunt: nec tantæ autoritatis eorum scripta sunt, quantæ sunt sacræ literæ, quæ coelestem doctrinam continent. Quæ cum ita sint, his tutò assentiri possumus & debemus. Veraci homini fidem adhibemus, multò magis Deo fides habenda est: cælum & terra præteribit, non autem iota cadet de uerbo Dei, Matthæi 24. Proinde non sinamus nobis fidem uerbi Dei excutere, dubitationi nullum locum permittamus. Præter hoc nullum habemus fidei fundamentum. Impij sunt illi homines, qui dicunt, An non tam bene mendacia, quàm uera potuerint describi? Videmus quoq; stultè illos agere, qui autoritatem uerbo Dei uolunt conciliare, cum ex se suam autoritatem habeat. Adhæc illos errare uidemus, qui dicunt, laicos errores & uenena haurire ex sacris literis. Quomodo ex uerbo Dei quod purum est, impuri aliquid hauritur? ex fonte uitæ, mors? Videmus etiam illos malè agere, qui omnem ætatem consumunt in mundana philosophia, & à lectione sacrarum literarum abhorrent. Summa gratitudine hic thesaurus accipiendus erat. Et multò magis illi malè agunt, qui ex idolis uel simu- lachris mutis illis magistris discere uolunt, quos scriptura mendaces uocat.

*Clypeus est sperantibus in se.* Ad Deum refertur, non ad eloquium. *יְהוָה* hu enim est generis masculi. *יְהוָה* imrath uerò fœminei. Sensus est, qui audito uerbo Deum cognoscit, ac spem & fiduciam in eum collocat, ipsum habet protectore. Clypeis ueteres corpus muniebant, contra ictus & tela. Sunt autem clypei, ut Seruius annotat in 2. & 7. li. *Æneidos*, scuta maiora quibus latemus, dicti *ἀπὸ τοῦ καλύπτειν τὸ σῶμα*, ab eo quòd celent corpus. Require plura ex capite 2. uers. 7. Crebra est hæc Metaphora in scripturis. Genes. 15. Ne timeas Abraham, dicit Deus, ego sum clypeus tuus. Psalmo 3. Tu Domine es scutum ante me. Psalmo 18. Deum uocat arcem, petram, confugium, clypeum suum. Psalmo 33. Auxilium nostrum & scutum nostrum. Item Psalmo 119. Defendit autem suos priuatim & publicè contra insidias satanæ & hostes ueritatis. Quot consilia mala Deus à restaurata doctrina perturbauit? Vnius hominis morte, sæpe magnas rerum molitiones interturbat. Notandum autem est, quòd dicitur esse clypeus sperantibus in ipsum. Suos enim defendit & conseruat. Omnes quidem homines ab ineunte ætate mirabiliter protegit: at suorum peculiariter curam gerit, eos in hac & futura uita conseruat. Alij ad uerbum Dei referunt (non enim semper apud Hebræos, genus respondet generi) ut sit sensus, Verbum Dei est clypeus sperantibus in se. Hoc clypeo excutienda sunt iacula diaboli. Hoc clypeo Christus satanam repressit. Si tentat te idololatria, uarijs sceleribus, obijce scutum uerbi Dei. Vnica historia supplicij Christi, clypeus est contra innumera scelera. Si odio, inuidia tentaris, cogita quid nostri causa Christus perpeffus sit, &c. Vbi obiter uidemus, quàm malè faciant, qui plebeis hominibus codicem sacrum è manibus excutunt, & eos quasi detracto clypeo, hostibus obijciunt. Alter locus ostendit, quàm religio- sè tractandum sit uerbum Dei.



## 6 Ne addas uerbis eius.

Idem præcipitur Deut. 4. ca. ab initio, Ne addetis super uerbum, quod ego præcipio uobis, neq; minuetis ab eo, ut seruetis præcepta Domini uestri quæ ego præcipio uobis. Deut. 12. in fine capitis, Quicquid ego præcipio uobis, id obseruabitis ut faciatis, non addes quicquam super ipsum, nec minues ab eo. Iosue 23. ca. Ne timini obseruare quod in libro legis scriptum est, neq; uel ad dextram uel ad sinistram deflectite. Videndum est qui addant aliquid uerbo Dei, qui detrahant. Non certe illi qui uerbum Dei clarioribus uerbis exponunt (scripturas enim exponendas esse Christus ipse, ut alia omittam, suo exemplo nos docuit) sed qui uerbo contrarias interpretationes afferunt & uarios errores propugnant: qui hominibus sub necessitate salutis, multa credenda obtrudunt, quicquid dicant bona opera, quæ in sacris literis fundamentum non habent. Detrahunt uerbo Dei, qui illa quæ ipse expressit, negant expressa esse, quæ uetuit, eleuant, quæ præcepit, negant eum præcepisse. Seruator noster Matth. 15. ca. Iudæos accusat, quod propter traditiones suas, irrita fecerint mandata Dei. Hodie pontificij traditiones nobis obtrudunt, & non minus authoritatis habere uolunt, quam ipsum uerbum Dei. Obijciunt inter alia, Christum dixisse, Multa habeo quæ uobis dicam, sed modò non potestis portare. At idem mox subiecit, Cum autem uenerit spiritus ueritatis, ducet uos in omnem ueritatem. Sed de traditionibus humanis, alij copiosè scripserunt.

Discimus ex his uerbis, sacras literas esse perfectas omnibusq; suis muneribus constare. Nam doctrina cui nihil addi potest & debet, nihil adimi, perfecta est. (Res declarari potest similitudine de instrumentis publicis.) Talis autem est doctrina tradita uerbo Dei, ut hic locus abunde testatur, perfecta itaq; est & plena. Idem D. Paulus 2. ad Tim. ca. 3. disertè testatur.

Peccant itaq; grauissimè qui aliquid sacris literis adiungunt. Contumelia enim afficiunt spiritum sanctum, quasi non perfectè tradiderit, quæ ad salutem nostram pertinent. Apostolos quoq; suspectos faciunt, quasi malè & imperitè ecclesias suas gubernarint, illa enim eis non tradiderunt, quæ hodie ecclesijs obtruduntur. Ecclesijs certè graue onus imponitur, neque uni aut alteri, sed omnibus fidelibus magna fit iniuria. Grauissimè ille puniretur, qui instrumentis publicis ob signatis, aliquid adderet uel adimeret, an non igitur nefas esset, ueteri uel nouo Testamento aliquid addere aut adimere? Si quis nomine principis, à se cõfictum edictum promulgaret, grauissimè diceretur peccasse. Et non dicemus illos peccare qui sub Dei nomine, Ecclesiam tot traditionibus onerant? Monetæ si quis aliud metallum adderet, pœnas daret, & illi impune uerbo Dei addent quæcunq; placuerit? Omnes indignissimè factum clamarent, si quis imagini à peritissimo artifice expressæ, aliquid adderet uel adimeret: quid igitur dicendum, si homines uerbo Dei sua figmenta assuant? Concludo ex his, nullis pontificum aliorum uel legibus teneri nos ad constitutiones humanas, quæ uerbo Dei aduersantur. Colligitur etiam hinc, quàm grauiter peccent pontificij, qui illos cremant, apud quos tanta est uerbi diuini authoritas, ut prorsus nihil quod illi adiungatur, recipere uelint, tanquam ad salutem necessarium, &c. Sed quæ pœna illos maneat, hoc loco expressum est. Dicit enim:

## Ne te increpet.

Deus non uerbis tantum, sed re ipsa illos homines castigabit, seq; eis opponet. Id enim ualet Heb. uerbum יִכְיָאֵל iokiach in hiphil, quod hoc loco ponitur. Addit:

## Ne mentiaris.

Id est, mendax inueniaris. Illis, quæ in Concilijs uel à patribus perperam constituta fuerunt, pij uiri semper reclamatione, & semper Deus curauit ut in Ecclesia corruptelæ scripturæ detegerentur. In calce Apocalypsis dicit Dominus, Si quis adiecerit ad hunc librum, adiungiet Dominus super illum plagas scriptas in hoc libro. Et si quis diminuerit de uerbis libri prophetiæ huius, auferet Deus partem eius è libro uitæ, &c. Quæ non de hoc tantum, sed de alijs quoq; libris sacris debent intelligi.

Addendum est etiam hoc, quod cum uerbo Dei nihil addendum nihil adimendum sit, Sacramentis quoque, quæ, ut Augustinus dicit, uisibilia sunt uerba, nihil addendum, nihil adimendum esse. Peccant itaque aduersarij nostri, qui primùm auxerunt numerum sacramentorum: quinque enim adiungunt, quæ Apostolica Ecclesia ignorauit, deinde duo illa à Christo instituta, sacramentum scilicet baptismi & eucharistiæ, ita deprauarunt, & corruperunt, ut uix possint agnosci.

7 Duo postulaui à te, ne prohibeas à me antequam moriar.

8 Vanitatem & uerbum mendax remoue à me, paupertatem & diuitias non dederis mihi, ale me cibo statuto mihi.



9 Ne fortè satier & abnegem dicamq̃, quis est Deus? & ne fortè pauper factus, furtum committam, & assumam (*in uanum*) nomen Dei mei.

*Vanitas & mendaciū.*

Sapiens his uersibus ostendit, quid à Deo precatus sit. Dicit se duo postulasse. Primum petijt à se auferri ea quæ simpliciter sunt mala, nempe uanitatem & mendacium. Deinde quæ plerunq; sunt occasio uitiorum, quamuis nō sint mala in se, scilicet mendicitatem & opulentiam: causamq; subiicit, cur duo hæc postulet sibi non dari. Nectantum postulauit ad diem, mensē aut etiam annum unum aut alterum, sed toto tempore uitæ suæ, hoc enim significat quod dicit, Non prohibebis à me priusquam moriar, id est, quō ad uixero. Primo loco petijt, ut à uanitate & mendacio eum defendat. *כסף* schafa mendacium reddunt. R. Kim hi, aleph dicit loco he poni, nam descendit à *כסף* schafah, quod propriè significat æqualem esse, & per Metaph. conuenire aut conducere. Hinc *כסף* schau per antiphrasim inane, uanum, quod frustra sit, inutile, quod non responder ueritati. Forsterus temeritatem & præcipitantiam interpretatur. *כסף* casaf quoque mendacium significat. Nomen mendacij multa comprehendit, ut cum affirmamus quæ non sunt, aut negamus quæ sunt, cumq; illa quæ promissimus, non præstamus. Vulgare hoc uitium est apud homines, sed etiam gentilium iudicio turpissimum. Ideo sapiens Deum precatur, ut longè à se remoueat. Omnium uerò turpissimum est mendacium falsæ doctrinæ. Psalm. 5. dicitur, Perdes loquentes mendacium. Alterum quod postulat est, ne Deus ei uel immodicas opes largiatur, uel in extremam paupertatem eum coniiciat: sed ut alat eum pane uel cibo, qui congruat ei, hoc est, ut necessaria ad uitæ usum, ei suppeditet. Sic Paulus quoque dicit in 1. ad Timoth. 6. cap. Habentes alimenta & quibus cōtegatur, his contenti simus: nihil enim intulimus in hunc mundum, neque aliquid auferemus. Seruator quoq; noster iussit nos petere panem quotidianum, non ingentes opum cumulos.

*Cause cur hæc petierit à Deo.*

Causam subiungit quare hæc duo à Deo postularit, & primum cur diuitias ingentes deprecetur, nempe, ne satur Deum neget, & erumpat in impiam illam uocem cum Pharaone, Exod. 5. cap. Quis est ille Deus? Quasi dicat, non est Deus, aut si est, tamen res mortalium non curat. Psalm. 73. Ezech. 8. Quamuis autem non multi expressè hoc dicant, tamen ipsis factis hoc dicunt. Non quod omnes, quibus ingentes opes affluunt, statim à Deo deficient, eumq; abnegent, (Legitur enim de multis pijs, quod ingentes opes possederint, ijsq; rectè uti sint) sed quod tanta hominum imbecillitas sit, ut nisi bene uerbo Dei communiti fuerint, opibus suis abutantur. Ferè enim fit ut elati, in rebus diuinis fiant negligentiores, deinde frigeant, tandem Deum prorsus abnegent. Aliquando apertis uerbis, frequentissimè autem in cordibus. Neque uerbis solum, sed factis quoque partim superstitiosis, partim flagitiosis Deus abnegatur. Christus diuitias spinis comparat, quæ semen uerbi Dei obruunt. Matthæi 19. habemus de diuite adolescente exemplum, qui ne diuitias amitteret, Christum abnegauit. Deuteronomij 8. capite Moses uaticinatur, Israelitas qui ditati erant à Deo, defecturos ab ipso, & alienos deos adoraturus esse, id quod non semel factum in Iudicum libro legitur. Philosophi etiam disputant, an secundæ, an uerò aduersæ res melius ferri possint. Hodie abundamus exemplis diuitum, qui si propter auaritiam uel luxuriam, ex uerbo Dei taxentur, uerbum contemnunt. Quot malunt quamlibet potius religionem suscipere, quàm opum iacturam facere? quot faciunt quicquid libet, opum fiducia? Illi Dei loco opes suas collocant, & ueri sunt idololatræ: tales quia multi diuites euadunt, sapiens opes ingentes non petijt. Lege præcipitur Deuteronomij 8. Attende ne comedens & bibens & saturatus, ædificatis domibus optimis, habensque oues & boues, argentum & aurum, obliuiscaris Domini Dei tui, &c. Causam uerò, ob quam paupertatem extremam deprecatur, duplicem assignat. Prima est, ne impatientia fractus, furtum faciat: non quod furti causa perfecta & integra sit paupertas, alioqui omnes pauperes fures esse oporteret, id quod absurdissimum est (sunt enim multi pi) pauperes, Christus ipse pauper fuit) sed quod tam corrupto sumus ingenio, ut statim latrante stomacho, putemus non esse furtum, si esculenta saltem alijs auferamus. Pauci paupertate rectè utuntur, ut cum Paulo ad Philipenses 2. capite dicant: Scio abundare, scio & penuriam pati, &c. Aliquando hanc excusationem afferunt fures, Pauper sum, tot alendi sunt mihi liberi. Quæ excusatio aliquantum eleuat crimen, sed non prorsus tollit. Paulus ad Ephesios 6. capite laborare nos iubet ut necessaria habeamus, & damnat furtum. Si laborare non possis, alia ratio præscribitur à Deo, quæ te alas, quàm ut fureris. Scriptura autem per furtum non intelligit tantum furtum uulgò sic dictum, sed omnes fraudes ac dolos. Plato quoque libro quarto de Republica, magistratibus prouidendum esse monet, ne ipsis inscijs, opulentia & inopia in ciuitatem



ciuitatē irreparent: diuites enim delitias & inertiam confectari, pauperes uerò res nouas moliri, & sordida studia quærere. Libro octauo: Perspicuum est, inquit, in qua ciuitate mendicos uideris, in ea fures sacculares, sacrilegos & omnium huiusmodi malorum opifices latere. Horatius paupertatem audacem uocat, eò quòd homines ad facinus iniuriamque alteri inferendam stimulat. Quemadmodum uerò ignauos & improbos ad maleficium: sic bonos uiros ad inuentionem artium incitat. Hinc prouerbio dicitur, *πενία τὴν σοφίαν ἔλαχε*. Altera ratio est, ne assumat, scilicet in uanum, nomen Dei (*שׁוּן* thasasch significat capere, apprehendere, tenere.) Quod fit multis modis. Qui ditescere uolunt, sæpe abutuntur nomine Dei, ad confirmationem suorum mendaciorum. Aliquando etiam peierant. Consultunt magos de rebus amissis. Non est ociosum quòd Deum suum appellat, communis quidem omnium Deus existit: sed pro nostris eos solemus agnoscere, quorum in nos singularia beneficia experimur, & quibus bene confidimus. Paulus quoque in suis epistolis subinde Deum, Deum suum appellat. At queri posset, cur non alia postularit, ueluti ueram fidem, &c. Hæc uidetur in prima petitione contineri: petit enim, ut falsam doctrinam, & impias opiniones, à se remoueat. De hac petitione Chrysostomus quædam habet in homil. 18. in epistolam ad Hebræos.

*Deus meus.  
Quæstio  
cur nō meliora petierit.*

Ex his uerbis quædam ad eruditionem nostram elicienda sunt. Primum colligimus quid optandum & postulandum sit à Deo: sæpe enim hac in re peccamus, illa potius optantes, quæ perniciofa nobis sunt, quàm utilia. Quemadmodum fabulæ de Mida loquuntur, qui optauit, ut quicquid contigisset corpore, protinus in aurum uerteretur, quæ res ei exitium attulit. Petimus ingentes opes, potentiam, longam uitam, & alia, quæ si nobis concedantur, nullam sæpe utilitatem afferunt. Iuuenalis Satyra 10. contra stulta illa hominum uota, eleganter scripsit. Petamus igitur spiritualia bona à Deo, confirmationem fidei, patientiam, uires resistendi diabolo. Non quòd temporaria petenda non sint, sed cum certa conditione petenda sunt. Hæc uerò omnia à Deo petenda sunt, fonte omnis boni, non ab alijs dijs uel deabus. Augustinus in Epist. 121. ad Probam uiduam, quomodo sit orandus Deus, ex hoc & alijs locis, ostendit, quòd orare liceat sufficientiam rerum.

*Vsus huius loci.*

Deinde uidemus quanta sit nostra miseria, nam ex nobis cauere mendacium, furtum, perjurium, & alia scelera non possumus. Rectè enim hoc loco dicit Pellicanus noster, si tueri se posset à peccatis etiam sapiens, suo libero arbitrio, non tam seriò gratiam Dei imploraret, &c. Neque prosperis neque aduersis, fortuna rectè uti possumus. Illas res quibus ad Dei gloriam & proximi commodum uti debebamus, in exitium nostrum conuertimus. Opibus ad propagandam Dei gloriam & subleuandam proximi egestatem uti conueniebat, sed statim ad superbiam nostram abutimur. Rebus florentibus, neq; Deus neq; diui nobis ueniunt in mentem, nos ipsos non agnoscimus, proximum, quin ipsum quoq; Deum, contemnimus. Paupertate uti debebamus ad agnitionem nostri, ad seriam inuocationem Dei à quo dependemus, sed ad impias artes ea abutimur.

Tertio loco, discunt diuites, item pauperes & mediocres homines, quid faciant. Diuites cogitent se à Deo accepisse diuitias in certum aliquem finem, & rationem aliquando de opibus esse reddendam: & quandoquidem satan eis ualde insidiatur, ut in impietatem pertrahat, se contra insidias eius muniant. Cogitent quàm periculosa sit magnarum opum possessio. Dominus non temere spinis eas comparat. Pauperes uerò etiam prouideant, ne ad furta & alia scelera se abduci patiantur, paupertatem suam æquo ferentes animo. Deus eam immitit, quemadmodum ex hoc loco colligitur, eamq; auferit quando suis est utile. Cogitent satis diuitem esse, qui bonam habet conscientiam. Orent Deum, ut det eis patientiam, & in scelera prolabi non sinat. Qui mediocres opes habent, contenti sint, Deo gratias agant, non impatienter ferant, si non assequantur ingentes thesauros. Stultum enim, imò impium esset, irasci Deo, ob id quod nobis sponte dedit, quod cum sapiente illo summis ab eo petendum erat precibus. Moderatæ opes, non coniunctæ sunt cum magnis periculis.

10 Ne deferas seruum apud dominum suum, ne fortè maledicat tibi & delinquas.

*לֹא תִשְׁלַח חֵפְזְךָ לְיָדְךָ* laschon, lingua dicitur, hinc deriuatur uerbum in hiphil *לִשְׁלַח* hilschin, quod est deferre, detrahere, accusare. Vetat ne quis sit delator uerborum uel factorum serui, ne ex inuidia aut crudelitate eum accuset. Ferocia enim dominorum, non irritanda est, sed potius reprimenda. Non quòd uitia seruorum prorsus sint dissimulanda: nam uel ipsi priuatim, uel domini admonendi sunt: hoc enim non est aliquem deferre. Hinc sumptum uidetur, quod Phocylides dicit:

*Seruus non  
deferendus  
apud heri  
uum.*



Ἄλλοι μὴ βλάψῃς ἡκουγόμενον πρὸς ἀνάνια.

Rationem reddit, cur seruus non sit deferendus apud herum suum: ne forte maledicat tibi, dicat te talem esse, hæc uel illa fecisse, & diris te deuoeat. Peccat quidem seruus si hæc faciat, sed tu author quodammodo es illius peccati. Possset etiam de hero intelligi, ne tibi maledicat. Addit, *& delinquas*. Peccat enim qui alios traducit. Deinde de nouo peccat, si audiat seruum indignè tulisse calumniam. Si serui non sunt deferendi, ergo nec uxores, liberi, amici, &c. grauissimum enim hoc est peccatum. Psalm. 101, Qui lingua defert sodalem suum, istum perdam. Quidam putant Salomonem respexisse ad illam legem, quæ Deute. 23. habetur: Non trades seruum domino suo, qui apud te eripi cupit à domino suo. Tecum manebit in medio tui, ubicunque elegerit locum in una ciuitatum tuarum, ut sibi placuerit, nec contristabis eum. Loquitur autem de seruis exterarum gentium, qui in bellis ad Israelitas confugiebant.

11 Est generatio quæ patri suo maledicit, & matri suæ non benedicit.

12 Est generatio quæ munda est in oculis, & à sorde sua nō est abluta.

13 Est generatio, quàm excelsi sunt oculi, & palpebræ eius eleuatae sunt.

14 Est generatio cuius dentes sunt gladij & cultri uel enses molares eius, ut deuorent pauperes è terra & egentes ex hominibus.

Quatuor mala genera hominum recenset, quæ semper fuerunt, sunt, & erunt usque ad finem mundi. Deus autem tales homines detestatur, & seuerissimè punit. Non igitur satis est enumerationem illorum audire, sed singuli cogitare debent, an etiam in uno aut altero illorum generum, comprehendantur: id si sit, pœnitentiam agant. Si uerò se alienos esse ab illis hominum generibus sentiant, Deo gratias agant, quòd hanc eis gratiam concessit, eumque precentur, ut deinceps eos conseruet. Alios quoque pro uirili ex his generibus hominum eripere studeant.

Parentibus  
maledicere.

Primum genus est illorum qui parentibus suis maledicunt. Hoc grauissimum est peccatum. Nam secundæ tabulæ Decalogi primum præceptum, iubet parentes honorare, hoc est, amare eos, obedire & alere. Alijs maledicere graue est, nedum parentibus, à quibus tot & tantis beneficijs affectus es. Grauius autem est, si quis manus sceleratas in eos iniiciat, grauissimum si occidat. Leuit. 20, Quisquis fuerit qui maledixerit patri suo & matri suæ, morte interficiatur: patri enim suo, & matri suæ maledixit, sanguis eius sit in eo. Quicumq; parentem pulsasset, etiam gentiliū legibus capitis condemnabatur. Parricidis apud Romanos lex Pompeia minitabatur. Solon interrogatus cur nullum supplicium constituisset in eum qui patri uel matri mortem intulisset, respondit, se non putasse quenquam tam impium & crudelem inueniri, qui auderet eos luce priuare, propter quos hanc suauissimam lucem aspexisset. Aegyptij parricidas articulatim acutis calamis cæsos, præcipiebant uiuos super spinarum aceros comburi. Non autem de illis tantum hic locus accipiendus est, qui illis à quibus procreati sunt, maledicunt, sed de alijs quoq; qui præceptores suos, magistratus & alios qui parentū loco sunt, probis afficiunt.

Hypocri-  
te.

Alterum genus est hypocritarum, qui dicunt se mundos esse, licet in fordibus suis iaceant. *ἄνθρωπος* zaath uomitum significat & stercus, à *ἄνθρωπος* iaza exiuit. Non illi tantum peccat, qui parentes contumelia afficiunt, latrocinantur, furantur, adulterium committunt, falsum dicunt testimonium, sed illi quoq; qui Deum non colunt, quemadmodum præscripsit uerbo suo, qui ei non fidunt, eum nō rectè inuocant, nec ei pro beneficijs acceptis gratias agunt. Quin peccata quæ committuntur contra primam tabulam, grauiora sunt, quàm quæ committuntur contra secundam. Sunt autem homines qui cum idololatriæ studeant, dicunt se ueros Dei esse cultores. Sunt qui per supersticiosa opera non sibi ipsis tantum, sed alijs quoq; quorum longas manus experiuntur, æternam quietem promittunt. Multi in maximis sceleribus uiuentes, se puros esse dicunt: tam enim abest ut in scelerum numero habeant quæ faciunt, ut pro uirtutibus uenditent. Papa Romanus qui omnibus sceleribus coopertus est, tamen audet se *ἀνμαρτυρὸν* dicere. Multi norunt quidem se peccare, at negant & pernegat se id fecisse, cuius tamen sibi probè sunt conscij, sequuntur uulgi illam regulam, Si fecisti nega: nec cōrenti sunt simpliciter aliquid negasse, sed addunt, quicumq; hæc uel illa me fecisse aut dixisse affirmat, est fur, est proditor, &c. Talis impudentia in Iuda proditore ostenditur, Matth. 26. cap. qui ne malè sibi cōscius uideretur, reliquis discipulis interrogantibus, num ipsi Dominū proditori essent, etiam interrogat, Num ego sum Rabbi? non ex mœrore ut reliqui, sed ut malam suspicionē amoliretur. At paulò antè Euāgelista testatus fuerat, quòd summis sacerdotib. pacta mercede,



Tertium genus est arrogantium & superborum: hoc enim scriptura intelligit, per oculo-  
rum & palestrarum elationem. Quemadmodum ex sermone & incessu colligimus ali-  
quem superbum esse, ita etiam ex oculis. Oculi sedes sunt superbiæ. Oculorum nutibus, ali-  
quem superbè contemnimus. Deum autem superbos derestari, sæpe dictum est. Sunt multa  
genera superborum, pestilentissimi illi sunt, qui quod Deus iussit uerant, quod ueruit iubet:  
horum autem hodie ingens est numerus.

15 Sanguisugæ duæ sunt filiæ (*quæ dicunt*) affer affer. Tria ipsa non saturantur, imò quatuor (*sunt quæ*) non dicunt, diuitiæ (*id est sufficit: nempe,*)

Ponit quædã insaturabilia. Hirudo, quæ alio nomine sanguifuga appellatur, Græcè βέννα, *Hirudo.*  
 est aquatile animal, quod inhærens cuti, sanguinem exugit, nec prius decedit, quàm eo fuerit expletum. Vide Gesneri hist. animalium. Per sanguifugam quidam diabolum intelligunt, qui semper sitit sanguinem. Per duas filias eius, intelligunt auariciam & luxuriam, quæ neq; opibus neq; delitijs exaturantur. Vna cupiditas, statim duas uel tres parit. חַחַיָּה est defectiuum, legitur enim tantum in imperatiuo. Hoc loco per apocopen חַחַיָּה legitur, & geminatè, ad significandum inexplebilem auariciam. Sepulchrum impleri non potest: consumptis enim cadaueribus, alia in idem sepulchrum conduntur. Hæc uox etiam infernum significat, qui inexplebilis est. Diabolus enim ardens odio Dei & hominis, plures subinde nititur ad se trahere. Sterilis uulua, etiam satiari nō potest. אַזַּר azar est cohibere, claudere, detinere. *Sterilis uulua.*  
 Gen. 20. אַזַּר אַזַּר claudendo clausit Dominus omnē uuluam domus Abimælech. Hinc אַזַּר ozer, clauum, detentio uuluæ: uulgatus interpret reddit, *O uulua.* Sensus est, mulier cuius Dominus clausit uuluam, non antè tranquillo est animo, quàm prolem suscepit. Quanto studio prolem appetant steriles, exemplum Rachelis ostendit, Genes. 30. capite, quæ cum infœcunda esset, marito dicebat, Da mihi liberos, alioqui moriar. Cui iratus respondit, Num pro Deo ego sum, qui priuauit te fructu uentris tui? Anna quoq; mater Samuelis, ardentibus precibus filium postulabat à Deo, qui steriles & fœcundas certo consilio facit. Alij per os uuluæ, incontinentem & libidinofam mulierem, qualis fuit Messala, &c.

Terra sicca ardore solis, & sabulosa, statim aquas absorbet. Ignis quoque non satiari potest, sed quo quis plus lignorum inijcit, eò ualidioribus flammis insurgit. Hæc omnia nota sunt & naturalia, quibus meo iudicio, Deus altiora nos docere uoluit, nempe quàm insatiabilis sit praua hominum cupiditas, id quod in auaris, ambitiosis, gluttonibus, ebrijs, scortatoribus, crudelibus, & alijs huius generis est notissimum, quibus singulis hæc superiora possunt accommodari. Auarus enim similis est sanguisugæ, sepulchro uel inferno, mulieri sterili uel intemperanti, terræ siccae, igni: nam quò plus habuerit, hoc plus appetit. repete plura ex capite uigesimo septimo uersu 20. Solon apud Plutarchum in libello περὶ φιλοπλητίας dicit:

Quod carmen Erasmus sic conuertit:

Prudentius:



” Auri namq; fames, parto fit maior ab auro.

Ecclesiastes cap. 5. Auarus non implebitur pecunia. De reliquis quoq; omnibus pulcherimæ sententiæ, & exempla possunt afferri.

Orandus autem est Deus, ut spiritum suum nobis largiatur, quò initijs malarum cupiditatum resistere possimus. Discimus etiam ex hoc loco, quomodo rebus naturalibus, ad formandos mores utendum sit: uaria enim in eis uirtutum & uitiorum simulachra proponuntur.

17 Oculum qui subsannat patrem, & contemnit doctrinam matris, effodient corui torrentis, & deuorabunt filij aquilæ.

Supplicium  
illorum qui  
contemnūt  
parentes.

Ostendit quod nam supplicium paratum sit, contemptoribus parentum. Vnam speciem iniuriæ ponit subsannationem uel derisionem, cui omnes alias includit. Paulò antè, dixit de illis qui parentibus maledicunt. יִקְחָתְּךָ אָזְנוֹ אֶת־הַדְּבָרִים הַלֵּזִים הַלֵּזִים אֶת־הַדְּבָרִים הַלֵּזִים אֶת־הַדְּבָרִים הַלֵּזִים, auditus, acceptatio præcepti & obediencia, à יִקְחָתְּךָ iaka, auscultare, obedire. Alij deducunt à קָוָה kauah, congregare, colligere, & collectionem interpretantur, hoc est, rugas, uel collectionem, nimirum præceptorum. Dagges dicunt ornatus causa poni. Forsterus à uerbo קָוָה deriuat, & facta literarum metathesi, literam lammed, dicit punctulo dagges in kuph absorberi, & significari concionem, hoc est, cœtum hominum, & ipsam concionem, hoc est, uocem & doctrinā. Filij immorigeris, corui effodiet oculos, hoc est, turpi & ignominiosa morte peribunt, agetur in crucem. Hor. epist. 7. pascere in cruce coruos, pro suspendi posuit. Hebræi quidem in cruce corpora non relinquebāt, sed sepeliebant: Deuteronom. duodecimo capite. Proijcientur item cadauera eorum, ut alitibus & feris laceranda relinquantur. Breuiter, carebunt honore sepulchri. Horribile autem fuit ueteribus ethnicis iacere inhumatos. Hector apud Homerum Iliad. χ. iam iam moriturus ab Achille petit, ne se canibus & alitibus dilacerandum relinquat: sed parentibus suis humandum reddat. Apud Virgilium Palinurus Æneam rogat, ut uel terram sibi iniiciat, uel corpus suum secum per undas uehat. Vide quæ hac de re annotauit doctissimus uir Dionysius

Sepultura.

Lambinus ad Horatii odam 28. libro primo: & epodon oda 5. Magna quoque religio sepulturæ, fuit in populo Dei, non quòd ad mortui animam, inde aliquam utilitatem peruenire arbitrentur, sed ut resurrectionem corporis, animis hominum inculcarent. Homines certe quantumuis mali, uellent corpora sua, ultimo illo honore, & non contumelia affici: si audiant sua cadauera abijcienda esse, more iumentorum, non possunt non horrere. Augustinus in libro suo de cura pro mortuis agenda capite 7. causam hanc assignat, quòd omnibus illa sit infusa, ut nemo carnem suam odio habeat. Scriptura inter pœnas numerat, carere sepultura legitima. Ieremiæ 7. capite, Deus minatur suo populo, quòd sepultura cariturus sit, & uigesimo secundo capite minatur Ioachimo regi, quòd abductus ex patrio regno, moriturus in itinere & sepultura asini sepeliendus sit, hoc est, quòd abijciendum sit eius cadauer inhumatum, ut à bestiis & uolucris laceretur. Sancti quidem homines bestiis quoque interdum obijciuntur, conculcantur in plateis, aguntur in crucem, cineres eorum abijciuntur in fluuios, sed nihil eis detrimenti affert: amissio enim externorum bonorum, in sanctis non est argumentum irati Dei. Coruos uocat uallis uel torrentis (נָחַל nahal enim utrumque significat) nimirum propter cadauera, quæ deportantur in illa loca solitaria. Vel quòd (ut Theon

Corui uallis.

Corui siti-  
culosi.

Arati interpres scribit) corui insigniter aquis oblectantur: nam cum corpus eorum admodum siccum sit, humentia expetunt, quin & solitudinem amant. Aratus dicit: καὶ νόρῳ καὶ μέν ἐρημίας βοδόντες διασάντες, &c. Plinius multa genera aquilarum describit, inter quæ etiam uultur nominatur, cui proprium est cadaueribus tantum uiuere. Vnde ingenti agmine, authore Basilio, castra militum comitatur. Dominus quoq; in Euangelio Matth. 24. dicit, Vbicunq; fuerit cadauer, illic congregabuntur aquilæ. Sunt qui tradunt, omnes aquilas simpliciter cadaueribus uesci. Aristoteles, γυναικῶν tantum ex aquillis cadaueribus uesci scribit. Vel legi potest, Filij immorigeris corui effodiant oculos, & deuorent eos, ut sit ἄρα imprecatio, perinde ac si dicat, abeant in malam rem, atque in exitium. Græci dicunt, ἐς νόρῳ.

Filij discant ex hac sententia, parentes suos reuereri, & cauere ab offensa, quæ uel solo signo oculi fit. Per parentes autem scriptura, ut sæpe dictum est, non illos tantum intelligit, qui nos genuerunt, sed Ecclesiastes, magistratus, tutores, &c. Patria quoque, ut ait Cicero, communis est omnium nostrum parens. Hanc igitur honorare debemus, hoc est, eam amare, & ornare nostris uirtutibus, pro ea orare, ut bona pace frui possit, eamq; defendere. Qui patriam contemnunt, patrias leges conculcant, seditiones mouent: qui patriam hostibus produnt, tandem præda fient coruis: quòd si ne in supplicio quidem ad Deum conuertantur, in infernales coruos incident.



18 Tria ipsa fuerunt abscondita à me, imò quatuor non noui ea.

19 Via aquilæ in cœlo, uia serpentis supra petram, uia nauis in medio maris, & uia uiri in uirgine.

Deus non una docendi ratione utitur, sed homines, qui uariè affecti sunt, uarijs modis instruit. Inter quos etiam hic est, quòd uarias indicationes & admonitiones numeris comprehendit. Suprà capite sexto, sex posuit, quæ odio habet: in hoc capite multis numeris includit, quæ animam hominis instruere multiplici cognitione, & ad uirtutem deducere possint. Non quòd plura his addi non potuerint, sed ut omnia melius comprehendì queant. Hoc enim genus doctrinæ hanc habet commoditatem, ut quæ sic traduntur, memoria facilius retineri possint.

Tres uias esse dicit, & per correctionem quatuor admodum mirabiles, quæ difficulter obseruari possint. *ἡ τριπλάσια* mirabile esse, difficile esse, absconditum esse, separare significat, ponitur in niphali: tria sunt à me, id est, ab intellectu meo, subauditur enim *ἡ τριπλάσια*, quæ.

Prima est, aquilæ uia in aere. Nomine aquilæ alias quoq; aues comprehendit, sed hanc præcipuè nominare uidetur, quòd regina est auium, & altissimè ac citissimè uolat. Nullum autem uestigium relinquit in aere, ut possis dicere, hîc uel illic fuit, aut huc uel illuc tendit. Græci dicunt, *τὰ πτομύνα διώνειρ*, uolantia sectari, pro rem uagam & captu difficilem sequi.

Secundum est uia serpentis super petram uel in petra. Serpentes tortuosis ambagibus, modò hac, modò illac serpunt, ut quando procul abesse uidentur, sint nobis proximi.

Tertio ponit nauem in corde, id est, medio maris, de qua dici non potest, quòd tendat. Sæpe enim nautæ proponunt sibi nauigare in aliquem portum, sed ui tempestatis abrepti, hinc inde iactantur.

Quantum est uia uiri cum adulescentula: qui uirginem honestam ambiunt, tegunt suum consilium: sæpe uidentur ambire aliquam, & aliam ambiunt. Deinde in cogitationibus, in uerbis & factis, ualde instabiles sunt. Etiam qui inhonestè aliquam amant, tegunt sua consilia, & innumerabiles uias ac modos excogitant, quibus adamata potiantur: Qua de re multæ historiæ & fabellæ recitantur. Hæc autem ideo dicuntur à Sapiente, ut parentes uirgines & filios custodiant. Difficilis quidem est custodia, nisi uerò infamia affici uelis, hac in parte non debes tuo deesse officio, sed curare ne matrimonium infelix ex affectibus cōtrahant, & quod maius est, ne turpem cōsuetudinem inuicem habeant. Huc pertinere uidentur priora illa, ut sit multiplex similitudo, quæ in *πτομύνα* tria habeat, in *ἀποδόρα* aut, unū uel potius duo. Difficile quidè aquilæ, accipitris, milui, & aliarū rapaciū auium uolatus, obseruari potest: tamè obseruari omnino oportet, nisi gallinā & pullos uelis amittere. Serpētis iter obseruare etiā est difficile, tamè obseruare oportet, ne ueneno te inficiat. Nauis hostilis uel piraticæ cursus, uagus est & incertus, sed nisi uelis suppellectilem amittere aut trahi in seruitutem, ubi ad littus appellat, est uidendum. Sic uirginum & adulescentum amantium, difficilis quidem est custodia, sed nisi eos perire uelis custodiendi sunt. Iuniores quoq; liberi, custodiendi sunt, non dico domi perpetuò retinendos, sed non permittas eos uagari cum quibus, quando, quamdiu, quocunq; uoluerint, sed rationem ab eis exige, si domum redeant. Reprehensionem merentur qui de liberis non sunt solliciti etiam cum noctu absunt: nam si uel gallinam aut porcellum amittas, non desinis quærere donec inuenias. At liberi, inquis, sua sponte domum redeunt. Fateor, sed plerunq; peiores, quàm abierunt, idq; tua culpa.

Postquam quatuor enumerauit, quæ difficulter custodiri possunt, iam quintum annectit.

20 Sic est uia mulieris adulteræ, comedit & terit os suum, & dicit,

non sum operata iniquitatem.

Adulteræ uia est occulta, mirificè fallit homines, & celat suam turpitudinem. Nisi deprehendatur *ἐπὶ αὐτοφώρῳ*, negat se quicquam mali commisisse. Res declaratur similitudine. Què admodum qui clam comederunt aliquid, statim absterfo ore, negant se fecisse: sic adultera omnibus modis se excusat. Alij per esum, actum obscœnum intelligunt. Quin multæ sunt quæ etiam deprehensæ, non modo negant scelus, sed etiam ad conuiuia uertuntur. Seneca in Hippolyto:

Deprehensa culpa est, anime quid segnis stupes?

Regeramus ipsæ crimen, atq; ultro impiam

Venerem arguamus: scelere uelandum esse scelus.

Tutissimum est inferre, cum timeas gradum.

Ibidem:

Quid sinat inausum fœminæ præceps furor?

Nefanda iuueni crimina infonti parat.



- ” In scelere quærit crine lacerato fidem.  
 ” Decus omne turbat, capitis humectat genus.  
 ” Instruitur omnis fraude fœminea dolus.

Iuuenalis Satyra 6.

- ” Nihil est audacius illis  
 ” Deprensas iram atq; animos à crimine sumunt, &c.

Hoc est omnium hominum ingenium, ut negent quæ fecerunt. Etsi uerò facinora occultare studeant, Deum tamen non fallent. Ieremiæ secundo capite dicit, Frons meretricis facta est tibi, nolisti erubescere. Magistratus tamen quorum est coniugia defendere & adulteria punire, non statim absolvere pertinaciter negantes debent, sed prudentiam adhibere, circumstantias obseruare. Si proba & adultera in iudicium ueniant, non eandem de utraque debent sententiam ferre, ne adulteræ in sceleribus confirmantur. Mariti quoque obseruare & custodire suas uxores debent, & quantum fieri potest, cohibere eas ab adulterijs. Si adulterio spirituali accommodemus hanc sententiam, certum est, idololatras, strenuè negare se idololatras esse, &c.

21 Propter tria commouet se terra, imò propter quatuor non potest sustinere.

22 Propter seruum cum regnauerit, & stultū cū saturatus fuerit pane.

23 Propter exosam cum maritata fuerit, & ancillam cum hæres fuerit dominæ suæ.

Quatuor enumerat, duo in uiris, & duo in mulieribus, propter quæ terra mouetur, hoc est, homines qui degunt in terra, per metonymiam. ῥᾶγας, significat tremere, moueri, uel loco, uel metu, uel dolore animi, uel ira: opponitur quieti corporis & animi. Sensus est, homines tremunt & stomachantur propter tales.

Seruus imperitans.

Primum est seruus imperio potius. Homines abiectæ sortis, si euehantur ad res amplas, insolentiores sunt, quàm ex nobili familia prognati, nulla ferè moderatione uti solent. Hinc Ierem. in threnis capite 5. inter alia queritur. Serui nobis dominati sunt. Non cogitant quales fuerint aliquando, & adhuc fieri possint, sed crudelissimè dominantur, & hac ratione uolunt terrorem subditis incutere. Res in Saule & Ieroboamo regibus, est manifesta. Inuenies tamen seruos, qui libero sunt animo, & se rectè gerant. Recurre ad capitis 19. uersum 10. Serui quoq; peccatorum, hoc est, idololatriæ, auari, ambitiosi, ebrii, adulteri, & alijs flagitijs obnoxii, duri sunt & intolerabiles. Quàm tyrannicè dominetur seruus seruorum, uerbis explicari non potest. Tales autem Deus hominibus præficit, si ingrati sint, & uerbo eius ac magisterio subesse nolint. Iob. 34. dicitur, hypocritas regnare propter peccata populi. Hoc est, homines qui simulant se amare religionem, & rem publicam, & nihil non facere quod ad conseruationem eius pertineat, cum tamen nihil faciant. Quemadmodum illi qui unà cum alijs magnam aliquam molem simulant se trahere, cum funem uix extrema manu attingant. Orandus itaq; est Deus, ut nos à talibus pestibus liberet & defendat.

Stultus satur.

Secundo loco, ponit stultum qui saturatus est pane. Per panem sæpe dictum est, omnia ad uitæ conseruationem necessaria intelligi. Homo impius & prophanus, qui pane & uino abundat, alijsq; rebus affluit, est intolerabilis. Multa indigna committit, placet sibi & ferocit, propter opes & potentiam alios contemnit, Deo quoq; insultat. Hoc enim est impiorum ingenium, ut res, quibus pij rectè utuntur, in maximos abusus conuertant. Vide hac de re plura cap. 1. uersu 32. Noti sunt uersus Ouidij:

- ” Luxuriant animi rebus plerunq; secundis.  
 ” Nec facile est æqua commoda mente pati.

Seneca in Oedipo:

- ” Res secundæ non habent unquam modum.

Idem in Troade:

- ” O' tumide rerum dum secundarum status  
 ” Extollit animos. Idem in Agamemn.  
 ” Prospera animos efferunt. Silius Italicus:  
 ” Heu cæcæ mentes, tumefactaq; corda secundis, &c.

Solon apud Laertium, τὸν μὲν νόρον ὑπὸ τῆς πλεΐτης γενναῖον αἶμα, τὸν δὲ ὕβριν ὑπὸ τῆς κέρως, id est, satietatem nasci ex opulentia, ex satietate ferociam. Pindarus dicit: nihil esse difficilius concoctu, quàm felicitatem. Cicero in Lælio, Non ipsa solum fortuna cæca est, sed etiā plerunq; efficit cæcos, quos cōplexa est. Itaq; illi efferuntur ferè fastidio & contumacia, nec quicquā insipiēte for-



te fortunato intolerabilius fieri potest. Bruta quoque animalia, copiosiore pabulo insolentiora & ferociora redduntur. Vnde extat Sophoclis dictum in arrogantem quendam & ferocem, Tu, inquit, ferues quasi pullus pabuli copia. Deus itaque nobis aliquando res illas externas aufert, ut cognoscamus esse dona eius.

Tertio loco, ponitur mulier exosa, si fuerit maritata. Simpliciter intelligo de uxore quæ ita se gerit, ut odio sit marito & familiæ. D. Pet. in 1. epist. cap. 3. ab uxoribus requirit, ut sint tranquillo spiritu, id est, tractabiles & faciles. Nam cum morosæ sunt & rixosæ, intolerabiles sunt, uiros domo eijciunt, famulos item & ancillas. De hac re multas habuimus sententias. Quidam intelligunt de bigamia, si quis exosam habuerit & dilectam, & exosam diligere incipiat & complecti, sit intolerabilis, præcipuè corruiali suæ, cui se prælatam uidet. De talibus Deut. 21. præceptum extat.

Quarto loco, ponitur ancilla quæ hæres facta est dominæ suæ, quam dicit terram sustinere non posse. Inuenias ancillas quæ modestæ sint, & primæ suæ conditionis non immemores, plerumque tamen (quemadmodum antè de seruis dictum est) cæteris insolentiores, minusque tolerabiles sunt, quàm quæ felices nascuntur. Hinc in Græcis Epigrammatis hæc sententia legitur:

Μήποτε δαλύνσασα γυνή δέσποινα γόοιτο. id est,

Non dominetur si quæ ancilla fuit. Mox enim detrahunt prioribus uxoribus, sese insolenter iactant, uestitu sumptuoso, & alijs rebus etiam matronas primæ nobilitatis superant. Agar ancilla Saræ, uidens se concepisse, dominam suam superbè contempsit, Geneseos 16. capite. Fastum autem illum & arrogantiam hominum seruili conditionis, homines æqua mente ferre non possunt.

## 24 Quatuor ipsa (id est sunt) parua terræ, & tamen sunt sapientiora sapientibus, &c.

Summa sacræ doctrinæ est, ut Deum & nos ipsos cognoscamus. Non autem ex scripturis sanctis duntaxat, Deum (quantum nobis utile est) & nos ipsos cognoscimus, sed etiam ex operibus ipsius creatis & uisibilibus. Nec tantum ex magnarum creaturarum, sed etiam ex contemptissimarum inspectione. Quin in paruis corpusculis, plura aliquando habemus quæ miremur, quàm in maximis. Deus in paruis nonnullis & inutilibus, nostro iudicio, animalculis, maiore nisu, quantum præstare possit, ostentare uidetur. Elucet ex eis potentia, sapientia & bonitas Dei, nostra quoque miseria & imbecillitas. Multa enim animalia, bonas, & secundum naturam laudabiles actiones (quæ in homine à ratione consilioq; profectæ, uirtutes nominantur) ipso naturæ instinctu, multò perfectiores plerisque hominibus edunt. Certè in formicis, apibus, araneis, pediculis, plura habemus quæ discamus, quàm in omnibus Papistarum simulachris. Magi Pharaonis magna quædam opera Moysi imitabantur, sed parua illa animalcula producere non poterant. Agur, aut quisquis fuit, qui has sententias collegit, quatuor hoc loco parua animalcula enumerat, quæ naturali sua sapientia, etiam illos excellent, qui diu operam dederunt sapientiæ. מֵחֻכָּיִם mechuchamim, particip. præter. in piel ad uerbum significat, sapientificata, sapientiam edocta, sapientia effecta. Quidam sic intelligunt, & sunt sapientia, effecta sapientia, id est, sunt creata sapientia, non didicerunt, sed inditam habet sapientiam, hoc est, naturalem industriam. Horum exemplo nos uult prudentiam docere. Proinde non pudeat etiam à contemptissimis hominibus etiam aliquid discere quod nobis profit.

## 25 Formicæ populus non fortis, attamen præparant in æstate cibum suum.

Mira scribunt de industria & sedulitate formicarum, quæ ex capite sexto repetenda sunt. Æschylus formicas ἀσπίδας uocat, quia assiduè laborent, & graui onera ore trahant. Formicæ sunt θυμώσοφοι, hoc est, naturali quodam ingenio & prudentia præditæ. Docent nos laborare æstate, hoc est, dum anni sinunt, & occasio nobis offertur, ne postea alijs simus oneri. Solomon capite sexto, pigrum ad eas, tanquam in ludum discendi causa misit. Origenes quoque arbitratur Deum industriam hanc & prouidentiam formicis dedisse, ut alijs ratione præditis, perspicuum esset exemplar, ut earum opera contemplantes, ad res gerendas, ipsi quoque aggredierentur, usui necessaria compararent, & parua discerent afferuare. Inepti sunt qui sua temere prodigunt, ne Deo parum fidere dicantur: & in magna copia annonæ, ad futuram necessitatem nihil reponunt. Nolo interim cuiusquam auaritiam defendere, aut docere, quòd magni opum cumuli sint coaceruandi. Quia uerò anima præstantior est corpore, maior animæ ratio habenda est, illa etiam suum uictum habet. Christus dicit, Ioannis sexto



cap. Operemini cibum qui non perit, sed permanet in uitam æternam, quem filius hominis dabit uobis. Hic cibus est ipse Christus, qui uera fide manducatur. In tempore autem hic cibus procurandus est, ne idem nobis accadat, quod fatuis illis uirginibus Matth. 25. accidisse legimus. Christus quoq; docet nos, qualis thesaurus colligendus sit, Matth. 6. cap.

26 Cuniculi populus non fortis, attamen ponunt in petra domicilium suum.

*Cuniculi.* Cuniculi populus non fortis, per appositionem dicuntur. *שפחן* schaphan, uariè redditur, alij cuniculum, alij lepusculum reddunt: (sunt autem cuniculi quoq; genus leporum) alij echinum & cherogryllum. Gesnerus clarissimus urbis nostræ medicus, in sua historia animalium, ostendit cuniculum esse. Cuniculi sentiunt se inermes & infirmos esse: ideoq; in præruptis montibus & preciosis locis, subterraneos meatus quærunt, quo possint se contra hostes suos defendere. Psalmo 104. dicitur petras latibulum esse schephanim, id est, cuniculorum. Martialis:

Gaudet in effosis habitare cuniculus antris.

*Vera securitas.* Docent nos suo exemplo ueram securitatem quærere, quæ in solo Deo est. Nostræ sapientiæ, fortitudini & iusticiæ fidere non possumus, nec aliorum hominum: quotidie enim experimur quanta hominum, de quibus bene sperabamus, inconstantia sit & perfidia. Ædificia quauis munita, possunt expugnari, mors saltem nullo repagulo potest arceri. In Deo itaq; spes collocanda est, qui neminem fallit. Psal. 27. Clamo ad te Domine, qui petra, arx & præsidium meum es. Psalmo 31. Quia petra mea & munitio mea, quippe ueluti arx in rupe sita & turribus munita. Psalmo 62. & 71. petram fortem & munitionem suam appellat. Christus quoque assertor noster, petra & lapidi passim in scripturis comparatur. Daniel per saxum illud ingens, quod sine manibus auulsum in statuam procubuit, eamq; prostrauit & contriuit, ac postea ita creuit, ut totam sua magnitudine terram occuparit, Christum intellexit. Apud Esaiam legitur: Ecce ego mitto in fundamento lapidem preciosum. Quem locum Christus ipse repetijt. Et Petrus in 1. epistola capite 2. addens futurum ut qui crediderit in eum, minimè sit spe sua frustrandus. Qui in Christum spem suam collocat, domum ædificat, quam nullæ procellæ poterunt euertere.

27 Rex non est locustæ, attamen egreditur uniuerfa ipsa cum turba.

*Locustæ.* Locustæ tametsi non habeant regem & ducem, cuius imperio pareant, tamen turmatim uolant. Hebræis locusta dicitur *ארבה* arbah, quod multiplicetur magno numero, à uerbo *רב* rafah. Vna locusta contemnitur, & nullo negotio potest etiam à puello conteri: at si multæ iungantur, magno sunt horrore mortalibus, tegunt agros & prata, multa tactu adurunt, omnia morsu erodunt, nullisq; uiribus possunt submoueri. Nemo reperitur qui uel in animum inducat, eas depellere. Deus Deut. 28. locustas se minatur missurum eis. Per Ioel quoq; prophetam Israelitis locustas intentatum legimus, qui magnam calamitatem eis illaturæ sint. Quod iuxta literam uel de animalculo intelligere possumus: (sæpe enim Deus contemptis his bestiolis, nostram superbiam contundit.) uel per allegoriam de hostibus, qui segetes & arbores perdant, longè lateq; omnia populentur ac uastent. Sæpe legitur in historijs, locustas agminatim innumerabili multitudine segetes inuasisse, & herbas absumpsisse.

*Concordia.* Exodi 10. cap. Ægyptum affligerunt. Plinius scribit lib. undecimo, cap. uigesimo nono, in Cyreniaca regione legem esse ter anno debellandi eas, primò oua deterendo, deinde fœtum, postremò adultas: desertoris pœna in eum qui cessarit. Et in Lemno insula, certa mensura præfinita est, quam singuli enecatarū ad magistratus referant. In Syria quoq; necari militari imperio coguntur. Ioannes in Apocalypsi sua monachorū agmina locustis comparauit. Inuiant nos suo exemplo ad sanctam concordiam, sine qua Ecclesiæ, Respub. & familiæ, nequeunt consistere. Illi ducem non habent quem sequantur, qui quid facere debeant præscribat: nos tot uinculis sumus astricti, tot præcepta habemus, quæ nos ad ueram concordiam hortantur. Concordia ex paruis Respub. magnas reddidit. Sæpe paucis militibus contra innumerales hostes uictores effecit. Plautus dicit: Concordia fulciuntur opes etiam exiguæ. Homerus Iliad. v.

Συμφύρετ' ἢ δ' ἀρετὴ πέλει ἀνδρῶν καὶ

Μάλα λυγρῶν. Erasmus reddit:

Coniuncti pollent etiam uehementer inertes.

Hecuba apud Euripidem Agamemnoni de turba mulierum dicit:

Δεινὸν τὸ πλῆθος. ξυνὸ δόλωτε δίσμαχον. Ouidius ait:



Et quæ non possunt singula, multa iuuant:

Et quæ non lædunt singula, multa nocent.

Vulgò dicitur, Auxilia humilia firma consensus facit. Plutarchus in moralibus hac usus est similitudine: Ut singula hastilia facile franguntur, coniuncta non item: ita dissidentes facile superantur, concordēs haud facile. Notum est quid Scyllurus fecerit. Docent etiam locustæ, non contemnendam amicitiam aut similitatem multorum, licet imbelles sint, & quorum singulos quiuus facile contemnat: prouerbio dicitur, & formicæ suam iram esse, &c. וְיָחִי chozez, est participium ex coniugatione Cal, aut nomen Toar, inquit R. David, significat adunata. Sunt qui exponunt collecta, uel dimidians, id est, in frustra concidens & conterens herbas atq; frondes. Forsterus reddit aculeata. Ab hoc uerbo deducitur וְיָחִי chez, quod sagittam significat, eò quòd penetrando rem in duas partes diuidat.

23 Aranea manibus apprehendit, & est in palatijs regum.

Per שְׂמַמִּית semamith, scribit Santes, multi Hebræi araneum intelligunt, alij simiam, Aranea. alij lumbricum, alij tarantulam, alij hirundinem, puto legendum, hirudinem. Vulgatus interpretes stellionem (sed hunc quoque inter araneorum genera, ponit Plinius) Septuaginta καλαβώτιον, id est, piscis genus, & lacertum. Manus capiet uel apprehendet, pro apprehendit: familiaris autem est Solomoni temporum illa heterosis. Araneæ non tantum sunt in syluis & casis humilibus: sed etiam in palatijs regum, & manibus apprehendunt, hoc est, pedibus qui eis loco manuum sunt, telam suam inter lacunaria expandunt, tam mirabili artificio, ut hominum oculos non raro in se conuertant. Dicunt eius exemplo nos ad laborem quoque extimulari. Si simiam intelligamus, magis uidetur congruere: accedit enim aliquo modo ad figuram humanam, & manus habere uidetur, quib. aliquid apprehendit. Diuites mercatores, principes & reges, simias habet in delitijs, propterea quòd omnes ferè hominis actiones imitentur. Alianus scribit, quòd simia omne quod corpore agitur, si doceatur, præclare discat, si saltare doceatur, saltationem assequitur, si ad tibiam canere, canit. Scribit se uidisse simiã aurigæ munus obire, ita ut habenas nunc adduceret, nunc remitteret, & flagello uteretur.

Discamus exemplo simiæ, ita nos gerere, ut ex hoc carcere corporis liberati, in æterni regis palatium admittamur. Simiæ etiam docilitatis sunt exemplum. Hæc uerò animalcula omnia, docent neminem contemnendum esse, licet enim parua sint, tamen efficiunt, quæ magnis uiribus effici non facile possunt: ita homines aliquando parua staturæ, ingenio plurimum ualent, &c.

29 Tria sunt boni incessus, imò quatuor, bonum facientes incessum.

30 Leo potens inter animalia, nec conuertitur à facie omnium.

31 Præcinctus lumbis, & hircus & rex, in quem nemo insurgit.

Tertius quaternarius hoc loco ponitur, quo quidam Hebræorū quatuor Monarchias uolunt significari. Per leonem Monarchiã Assyriorum & Babyloniorum, quæ admodum etiam in Daniele: & Ierem. 4. cap. de Nabucho. rege Babylo. dicitur: Leo ascendit de cubili suo, egressus de loco suo ut ponat terram in solitudinem. Per canem leporarium, monarchiam Medorū, & Persarum. Cyrus enim & Darius ex improviso magna celeritate Babylonē capta, regem Baltha. occiderunt. Per arietem uel hircum regnum Macedonicum Græcū siue Alexand. Dan. 8. cap. Alexand. etiam hirco, propter alacritatem comparatur. Per regem cui nemo resistere potest, uolunt Roman. Monarchiam representari, cuius uiribus & potentiæ nemo resistere potuit. Ita illi interpretantur: quicquid sit, certum est in Daniele Monarchias etiam per bestias adumbrari, & conducit ordinem Monarchiarū tenere. Posset dici per hæc quatuor significari constantiam diuinæ prouidentię & gubernationis. Quemadmodum Quatuor Monarchiæ. hæc tria animalia bene incedunt: ita nemo decreta Dei potest impedire. Quando uidetur non curare res mortalium, maximè curat. De quo supra diximus.

Doceri etiã puto incessu horū animalū, fortitudinem & constantiam. Leo fortis est. Isa. 5. & 31. ca. Leo rugit & catuli leonis super prædam: etsi multitudo pastorū occurrat, ab eorum uoce non formidabit. Canis uenaticus sequitur feras, nec impeditur ullis clamoribus.

וְיָחִי Sarfir est canis uenaticus, q dicitur leporarius, sic dictus q in lūbis sit tenuis, ac si lūbos haberet accinctos, à וְיָחִי seran, q est accingere. Ab Ouid. Metamorph. li. 3. canis à uelocitate & impetu Lelaps dicitur. Alij dicūt esse וְיָחִי namer. i. pardum, qui & tenuis & fortis est in lumbis. Quidam inter Heb. dicit, esse nomē animantis ambulantis inter gallinas: hinc forte trāslatio uulgata habet gallum. Sunt qui sturnum interpretātur: sed textus non loquitur de auib. Hæc aut uarietas inde existit, quòd priorum nominum noticia apud Hebr. maxima ex parte interijt. Hircus uel aries præcedit suum gregem, animosus est, pugnax & robustus.



Rex uictoriosus, cui resistere nemo potest, multa subinde expugnat oppida, et hosti terrorem incutit, ut se non expectata obsidione dedant. **אֶלְקֻם** alkum, est dictio composita ex **אֶל** al non, & **קֻם** kum, surgere, stare, resistere: ita qui ueram fidem receperunt, constantes sint, pergant impauidi, nec sinant se uel minis uel promissis, uel supplicijs ab instituta uia salutis reuocari. Christianis ualde necessaria est hæc uirtus constantiæ.

32 Si stultè egisti in efferendo te, & si malū cogitasti, manū ad os (pone.)

Redit ad communem docendi rationem, & duo præcepta subiungit. Primum est, ut illi, qui in sublimiorem gradum euecti sunt, si quid stultè egerint, poenitentiam agant. Ingenium hoc est hominum, ut quando honores & dignitates assequuntur, mox probant quod in animo latebat, tunc enim liberius agunt. Magistratus, dicitur prouerbio, uirum arguit. Multi non cogitant, in quem finem à Deo constituti sint, & quodd è sublimi gradu ab ipso possint deturbari, sed sibi placere incipiunt, dicunt se esse legem & ius, ac multa insolenter faciunt. Nota est fabula de Abbate illo, clauis quærente. Quid Saulus fecerit, copiose narratur in sacra historia. Si igitur stultè fecisti, & potestate tua abusus es, consulit sapiens, ut manum ad os ponas, hoc est, cogites diligenter quid feceris. Solent enim qui de re aliqua diligenter cogitant, manum ori ad mouere, & aliquando digitos uel ungues mordere. Vel compesce digito labia tua, hoc est, ne uelis quæ malè fecisti tueri, quemadmodum pueri petulantes, uirgis cæsi à parentibus, solent. Si cogitasti uel proposuisti tibi malū, manū ad os, subaudi **וְיָשִׁים** schim pone, id est, sile & caue, ne erumpat in uerba uel facta. Hoc enim gestu silentium indicatur. Apud Iobum principes cessabant loqui, & ori suo digitum imponebant. Harpocratis simulachrum apud Aegyptios, digito admoto ori, silentium indicebat. Apud Romanos Deæ Angeronæ effigies, etiam obsignato obligatoque ore uidebatur. Latinis quoque manum ad os ponere, significat aliquid dici, quod is qui dicat ab alijs exaudiri nolit. Cælad Cicer. libro 8. At Domitius cū manus ad os apposuit, &c. **נָפַל** nafal significat cadere, decidere, item stultè & impiè agere. Hinc nō est una huius loci interpretatio. Si stultè egisti, uel cecidisti in eleuando te, cum eleuaris, hoc est, quando euectus es ad honores & dignitates, uel si stultè egisti aut cecidisti, efferendo te ipsum & iactando, hoc est, si peccasti ex superbia, aut cecidisti efferendo te, id est, poenas dedisti superbiæ tuæ.

33 Quemadmodum expressor lactis educit butyrum, & uehemens emunctor naris educit sanguinem, sic expressor furorum educit litem.

Alterum præceptum est de conseruanda pace: qui iracundiam alicuius exasperant, lites & irati non bella mouent. Irati enim instar ferarum, in alios impetum faciunt. Rem duplici similitudine declarat. Qui lac subinde in uase premit, butyrum educit: qui nares nimium emungit, di. elicit sanguinem: Sic qui alios instigant ad iram, multarum rixarum & turbarum sunt authores. Nos dicimus, uehementi impulsu ostium non claudi. Nec abhorret Mimus ille Publitanus, qui dicit: Furor fit læsa sapiens patientia. Et alter qui Senecæ nomine commendatur: Bonus animus læsus, grauitè multò irascitur. Quidam natura sunt ualde contentiosi, ne igitur oleum camino addas. Quidam uerò placido sunt ingenio, nec statim ad iram mouentur, cauendum igitur ne nostra improbitate eos ad iram prouocemus. Cedendum potius est iratis, & cedendo frangendus est eorum impetus. Iuniores cedant senioribus, liberi parentibus, subditi magistratibus, ne res in rixas & uulnera exeat. Sæpe enim magna iurgia ex leuiculis causis oriuntur, quæ ab initio facile sedari potuissent. Merito illos homines horremus, qui gaudent irritando iram, excitare contentionem. **מִיץ** mitz quod ter hoc uersu ponitur, significat emulsorem, expressorem, emunctorem, à uerbo **מָצָה** mitz uel **מָצָה** moz, hinc quidam totum hunc uersum per uerbum reddunt. **כִּי** ki particula nō debet exponi hoc loco, quia, sed quemadmodum.

## CAPVT XXXI.

1 Verba Lemuel regis, & prophetia qua erudiuit eum mater sua.

Partes capit.

Titulus.



mater eius.

Lemuel.

Quis ille Lemuel fuerit non exprimitur, sed consentiunt omnes interpretes, Salomonem sic



sic appellatum esse: non enim nouum est in scripturis, ut unus multa nomina habeat. La-  
muel sonat, Deus cum eo, uel cum illis. Nam primis temporibus cum templum ædificaret  
Deo, eiusq; cultum promoueret, cum ipso & Israele Deus fuit. Postquã autem à Deo recessit,  
ipse quoq; eum deseruit. Suprà cap. 4. legitur quibus uerbis adhuc tenellus, à patre suo insti-  
tutus sit. Sed siue Salomon, siue alius fuerit, parum interest.

Mater eius eum instituit de rebus uarijs. Prophetia enim accipitur ut in superiore capite, *Prophetia.*  
pro doctrina.

Hæc autem doctrina, non tantum ad reges & magistratus: sed ad alios quoque homines *Capita pro*  
pertinet. Primum monet eum, ut caueat sibi à turpi amore. Deinde, ne bella non necessaria, *phetae uel*  
contra reges moueat. Tertiò, ut caueat sibi ab ebrietate. Quartò, ut afflictos consoletur. *doctrinae*  
Quintò, ut seruet iudicium & iusticiam. Exemplum egregium habent matres hoc loco quod *huius.*  
imitentur, nempe, ut liberos suos erudiant, & quasi cum lacte, eis ueram pietatem instillent. *Matrum of*  
Primum elementa religionis eis crebro inculcent, postea plenius eos instituant. Matres bo- *ficiū erga*  
nam hac in re nauare operam possunt, quotidie enim inter liberos agunt. Videmus obiter, *liberos.*  
permultum referre, qualem quis uxorem ducat. Patres quoque suum officium non negli-  
gant. Repete 4. caput. Deducant eos in conciones, exigant ab eis rationem eorum quæ do-  
centur. Extat de hac re Dei præceptum, Exodi 12. Deut. 6. capite. Psalmo 77. Ad hanc rem re-  
quiritur ab ipsis parentibus, diligentia in concionibus audiendis, & cognoscenda doctri-  
na Christiana. Laudandum est, si parentes doceant liberos legere, & literas pingere, si do-  
ceant eos artem aliquam, ciuilitatem morum, &c. sed hoc maximè laudandum, si pietatem  
eis inculcent. Opes hæc ueræ sunt, quæ relinquuntur liberis. Reprehensionem grauissimam  
illi merentur, qui pueris superstitionem instillant, eos in monasteria detrudunt, & ad uaria  
flagitia impellunt. Pulchra de officio parentum leguntur apud Plutarch. in libello de edu-  
candis liberis. Discunt liberi quoq; admonitiones parentum animo imprimere: hic enim  
rex narrat doctrinam matris suæ. Habent reges & principes hic speculum, in quo se con-  
templentur. Scripserunt multi de institutione principis: sed sancta hæc regina, multa & ma- *Institutio*  
ximè necessaria, paucis complexa est: quæ si reges & principes mentibus imprimerent, *boni prin-*  
multò feliciores essent, quàm sint. *cipis.*

## 2 Quid fili mi? quid fili uteri mei? quid fili uotorum meorum?

Exordiolo utitur, *Quid fili mi?* בָּרַךְ bar, filium præ alijs dilectum, & clarum significat, à בָּרַךְ Exordiolo  
barar, quod significat eligere, polire, mundare. Alij deducunt à בָּרַךְ barah, quod etiam signi- *beneuolen-*  
ficat eligere, secernere. Vulgata translatio habet, *quid dilecte mi?* Alij codices legunt, *electe,* quod *tiam ex at-*  
cum Hebræo magis congruit. *Fili uteri mei?* hoc est, quem in utero gestauit, magna molestia, *tentionem*  
quemq; magnis cruciatibus in lucem edidi. Euripides in Iphigenia: *captat.*

δεινὸν τὸ τίνηται, καὶ φέρει φίλτρον μέγα,

πᾶσι τε νοινόν, ὡς δ' ὑπερβάλλειν τέτυκται.

*Quid fili uotorum meorum?* hoc est, pro quo uoui antequam nascereris, me hoc uel illud Deo  
oblaturum, si filium acceperissem. Moris enim erat in ueteri Testamento, uota nuncupare pro  
impetratione alicuius beneficij. Vel pro cuius salute uota feci, ut piè & sanctè uiueret. Vel  
etiam uotorum meorum, id est, secundum uota mea. Ecliptica est oratio: solemus enim  
quando ardenter loquimur, sæpe imperfectas sententias relinquere. Subintelligendum est,  
*quid fili mi,* scilicet tibi dicam? quid à te petam? Testatur hac ἀναφορὰ magnitudinem sui amo-  
ris erga filium, quæ eam non retraxit, quo minus eum doceret, sed potius ad hoc incitauit.  
Hodie multæ stolidæ matres, nolunt pueros suos docere & castigare, quia tenerè eos diligunt:  
Hæc uel illa discere nondum potest, inquit, at res fœdas, carmina obscœna, blasphemias  
potest memoriter discere. Peruersa est hæc liberorum dilectio, si eos nihil uelis docere, &c.  
Deinde æquum esse ostendit, ut maternis monitis obtemperet, quoniam eius causa tot la-  
bores pertulerit. Si educasset saltem, & non peperisset eum, obedientiam præstare in rebus  
licitis debebat. Certè quamdiu Solomon secutus est consilium hoc matris, felix fuit & for-  
tunatus, cum primum neglexit, in summam miseriam incidit. Sequuntur iam deinceps, præ-  
cepta quæ ei instillauit.

## 3 Ne dederis mulieribus fortitudinem tuam, & uías tuas ad delenda reges.

Primum est, ne det mulieribus robur suum. חַיַּל chail significat opes, robur, ingeni-  
um, & quicquid egregium est in homine. Admonet eum ut à polygamia, scortatione & *Polygamia.*  
adulterio sibi caueat. Et si enim polygamia, certas ob causas ueteribus concessa esset, tamen  
non licebat regibus plures uxores ducere, Deut. 17. cap. Reges polygamos multa gynæcea



habere oportuit, quod non sine maximis sumptibus fieri potuit, quibus subditi grauabantur. Deinde si Solomon placere uoluit uxoribus, debilitabantur eius uires. Adhæc alijs cogitationibus distractus, non potuit subditis suis operam nauare, & libero animo audire eorum causas, & iudicijs præesse.

**Scortatio.** Scortatio opes absumit, uires corporis debilitat, ingenium perdit et animam quoque, nisi pœnitentiam agas. Vxor honesta conceditur à Deo. Concubitus cum propria uxore, non habetur peccati loco à Deo: ducas itaq; uxorem, illa sis contentus, ne adulterium committas.

**Adulteriũ.** Adulterio opes perduntur, uires attenuantur, & sapientia perit. Adulterium prudentissimos, stultos efficit. Quemadmodum idololatræ sibi in suis erroribus placent, & idolis similes, oculos habent & non uident, aures habent & non audiunt: sic illi non uident, nec sentiunt in quibus sordibus uersentur. Scortatio tamen & adulterium hodie apud multos principes lusus sunt & iocus.

**Rex quid.** Secundo loco dicit, *Ne des uias tuas*, hoc est, studia, *ad delendum reges*. Per reges inferiores quoque magistratus intelligere possumus. R. Ionah exponit, ad delendum consiliarios. מלך malach significat regnare & imperare. Significat etiam idem quod יעץ iaaz, id est consulere, uel consilium inire. Nehem. 5. capite. Inde מלכא milcha consilium, Daniel. 4. cap. Homerus

**Non deponedi statim consiliarij.** quoq; & Hesiodus, præfectos singularũ urbiũ reges uocat. Sensus igitur est, ne sinat se adduci, ut principes & consiliarios suos, statim deponat aut perdat. Regnat enim calumnia in aulis principum, & sæpe boni uiri deponuntur ab officijs, & occiduntur. Hortatur etiam eum, **Aliena regna nõ per turbanda.** ne in alienis regnis prodiones & seditiones procuret, ne ue libidine quadam imperandi, bella alijs regibus non necessaria inferat, eosque regnis suis pellat. Reges enim hoc morbo plerumq; laborant, ut suis regnis non cõtenti, aliorum regna inuadant, cum potius spartam quam nacti sunt, ornare deberent. Quia uerò regi præcipitur, ne alios perdere conetur, multo magis subditi cauere debent, ne contra reges & magistratus suos insurgant, & seditiones

**Seditio.** concitent. In materia seditionis hæc præcipue consideranda sunt, Quid sit, ex quibus causis oriatur, quanta incommoda & pericula habeat, & quomodo comprimenda ac prorsus tollenda sit, &c. Sunt qui hanc sententiam aliter accipiant. Munsterus reddit, *Ne tradas mulieribus robur tuum, atque uias tuas* (quæ etiam solent) *abolere reges*: hoc est, cum mulieribus ne ambules, aut uerferis, id enim efficit, ut perdantur etiam reges & consilia eorum. Alij per uiam, mores & studia intelligunt, ut sit sensus, & uias tuas scilicet, ne dederis ad delendum uias regũ, hoc est, ne induas mores indignos regibus. Quod grammaticâ attinet, למחית lamechoth ad delendum uel perdendum, à מחה machah quod significat delere, perdere, abstergere. Si est ex Cal, inquit R. David, pathah sub lamed est loco Chiric. Si uerò ex hiphil, ponitur pro להמחית lehamchoth, abiecta nimirum litera formatiua he, euphoniæ causa. In מלכין malchin uerò Nun positum est uice Mem.

4 Non est regum ô Lemuel, non est regum bibere uinum, & principum non est (uel ubi est) sicera.

5 Ne fortè unusquisq; eorum bibat, & obliuiscatur statuti, & mutet iudicium omnium filiorum oppressiõis.

Tertio loco, hortatur filium, ut caueat sibi ab ebrietate, non enim conuenire regibus & principibus, ut uinum & siceram bibant. Vitur nomine Lamuel, ut sciamus hunc sermonem conuerti ad eum cum quo est Deus: Quasi diceret, ô tu qui colis Deum. Aliter hæc dictio scribitur, quàm suprà. Schechar Hebræis quamlibet potionem significat, qua quis inebriari potest. רשנים rosnim uertunt principes. Videntur primi fuisse a rege, quales sunt in regum aulis consiliarij, legislatores, iurisperiti. Ferè enim semper in scripturis regibus coniunguntur. Forsterus putat dictos à ראש ראשון rasah quod est attenuare, macilentum reddere, quod gracilem & subtilem habeant intellectum, in iudicandis causis & negocijs, inq; decidendis controuersijs forensibus. Latini etiam pingue ingenium uocant obtusum & indocile. Et principibus ראש ראשון defectiuum, pro ראש ראשון ein uel ain non, nequaquam, scilicet des schechar. Vas positum pro iod. Sed Santes legit ראש ראשון ubi & secundum hanc significationem subintelligitur ראש ראשון al, id est, ne, quod præcessit, ut sit sensus, & ne principibus des uinum, qui dicunt ubi est sicera ad bibendum, uel principum non est ubi sicera, scilicet, inquirere uel dicere. Alij dicunt ראש ראשון af positum pro ראש ראשון ieioth, congruit, conuenit. Forsterus ראש ראשון ef interpretatur concupiscentiam, neque principibus concupiscentia sicera. His uerbis spiritus sanctus non prorsus interdicat magistratibus usu uini & siceræ: sunt enim dona Dei, condita & data hominibus, ad potum necessarium, ad medicinam & ad lætitiã. Legimus patriarchas quoq; uino ad satietatem usos esse. Christus seruator noster Ioan. 2. cap. cum defecisset uinum in nuptijs, miraculose aquam

**Sicera.**

**Vsus uini bonus.**



aquam in uinum conuerit, nec dixit, contenti estote uino quod bibistis. Incidunt tamen tempora, quibus pijs non licet hilaritati indulgere. Non igitur uini usus moderatus damna- Temulentia. tur, sed temulentia. Hanc enim multis in locis condemnat scriptura. Esa. 5. Luc. 21. Ephes. 5. cap. &c. Et si uerò in omnibus sit turpis, tamen in magistratibus est turpissima, ideoq; cauere eam præcipit. Addit duplicem rationem, Vna est, ne poti obliuiscantur statuti uel descripti, hoc est legis diuinæ. Deus enim Deut. 17. præscripsit regi quid faciendum sit, & inter alia ab eo postulat, ut cum sederit in solio regni sui, curet sibi describi exemplum legis, ad exēplum libri sacerdotum Leuitarum, ut toto uitæ tempore in eo legat & discat timere Dominum Deum suum, &c. Reliquis quoq; iudicibus præscripsit quid facere debeant. Ne igitur hæc animis eorum exciderent, fugiendam dicit ebrietatem, quæ obliuionem inducit, & hominis rationem opprimit. Hinc ueteres, ut in Symposiacis testatur Plutarchus, Bacchum filium sinxerunt obliuionis. Vinum & mulieres, dicit Siracides, sapientem etiam dementare. Plin. lib. 23. cap. 1. Vino sapientiam dicit obumbrari. Seneca scribit epist. 84. Illos qui dicunt se, licet multum uini hauriant, nihilominus tamen compotes esse rationis, non minus desipere, quam si quis dicat, se hausto ueneno, non moriturum. Altera ratio est, ne mutet, id est, peruertat causas omnium filiorum afflictionis, id est, omnium afflictorum. 337 ani oppressum, afflictum, humilem & pauperem significat. Deus diligenter oppressos & afflictos (quales sunt peregrini, pupilli, uiduæ, pauperes, &c.) regibus & iudicibus commendat: uult ut ius eis dicatur ex legibus. Sed quomodo iudicabit causam, qui eam non intelligit? Iudicare est de rebus cognitis, rectam sententiam ferre. Ebriorum animus peregrinatur, totus est in lagenis, sæpe quando casu audienda erat, in somnum propter hesternam crapulam resoluuntur, atq; ita causa cadunt oppressi, & in simili casu, non eadem fertur sententia. Ebrij ad cōsultandum non sunt idonei, sobrietas est consiliorum parens. Quemadmodum in temulentis membra corporis: ita etiam animi functiones officium suum non faciunt. Cum Philippus Macedonum rex ebrius perperam aduersus mulierem quandam tulisset sententiam, illa prouocauit ad Philippum, sed sobrium, ut causa melius cognosceretur.

Discimus ex hoc loco quæ nam præcipua officia sint iudicum & magistratuum, nempe ut Legem diuinam & leges municipales cognoscant. In illis Rebus pub. in quibus causæ religionis, nomine totius Ecclesiæ senatui iudicandæ committuntur, æquum est ut magistratus causam intelligant. Deinde iura teneant, & non suo arbitratu sententias ferant, ne cui iniuria fiat. Si in cultu Dei aberretur, magis peccatur quam ebrietate, adulterio, & id genus sceleribus. Deinde curare debent, ut oppressi contra potentiores asserantur. Quia uerò hodie passim regnat ebrietas, non mirandum est, si tam pauci legum periti reperiantur, & pauperes passim clament, se à potentioribus conculcari. His aliæ etiam causæ addi possunt, propter quas principes ebrietatem horrere debent. Debent enim exempla esse uirtutum. Ebrietas autem mater est omnium uitiorum. Plato etiam in sexto Dialogo de iusto scribit, ebrium habere animum tyrannicum, quod omnibus pro libidine, non ex ulla ratione seu lege uult imperare. De Repub. lib. 3. scribit cuius magis concedendam ebrietatem, quam magistratui. Nam ebrius ubi terrarum sit nescit: quod si magistratus inebrietur, custos habet opus custode. Ad hæc omnia arcana ebrius detegit. Idem scribit, Carthaginenses lege omnino uinum prohibuisse magistratibus. Quæ lex si hodie reuocaretur, non tanta ambitione omnes munera Reipub. appeterent. Solon unus è septem sapientibus, principem morte mulctandum lege sanxit, si deprehenderetur ebrius. Vtile etiam fuerit in delectu magistratum curare, ne deligantur tales homines. Vinum enim, ut prouerbio dicitur, caret clauo. Propterea quod ebrij nihil consultè neque moderate uel dicant uel faciant. Nullis igitur minus concedenda est, quam qui Reipu. clauum moderantur. Plato dicit, gubernator ebriosus & qui uis præfectus, omnia subuertit siue nauigium, siue currum, siue exercitum, siue quamcumq; rem suæ fidei commissam.

Idem dici debet de rectoribus Ecclesiarum. Leuit. 10. cap. præcipitur Aaroni & filiis suis, ne uinum bibant cum ingressi fuerint tabernaculum, hoc est, cum fungi debent ministerio. Nazaræis quoque Num. 6. uini & siceræ usus lege interdicebatur. D. Paulus in Epistolis suis ad Timotheum & Titum, iubet ne Episcopi sint multo uino dediti. Ebrietas enim impedit pia studia, preces & alia exercitia, ac parit multa flagitia. Curandum itaq; ne tales eligantur, aut si non resipiscant, deponantur. Ægyptij sacerdotes, uino prorsus abstinebant, & antiquissimi eorum reges: nam & illi tunc sacerdotes erat, ut tradit Hecataeus. Mulierib. quoq; ebrietas turpis est. Hinc apud Romanos, ut scribit Valer. Max. uini usus fœminis olim ignotus fuit, ne in aliquod dedecus prolaberentur. Moderatus tamen uini usus propter labores in pariendo, in alenda & educanda sobole, omnino concedi debuit. Episcopi sibi caueāt ab ebrietate.

Mulieres.



6 Date siceram pereunti, & uinum ijs qui amaro sunt animo.

7 Ut bibat & obliuiscatur egestatis suæ, & calamitatis suæ non recordetur amplius.

Quarto loco, docet consolandos esse pauperes & afflictos. *כֶּבֶד* afa idem est quod Latinis auferri, tolli, amoueri, cum rei quæ auferitur perditione. Vnde uulgatus interpres reddit, perdere & perire. Illis qui ad mortem condemnantur, uel opum iacturam fecerunt, aut alioqui amaro sunt animo, id est, tristes, uinum est propinandum, non illis qui ascendere uolunt tribunal. (Hæc phrasis Iudic. 18. cap. & 1. Sam. 24. & alijs in locis etiam legitur.) Vinum enim facit ad tristitiam & mœrorem animi depellendum. Psalm. 104. dicitur cor hominis exhilarare. Iudic. 9. cap. legitur, uinum Deos & homines lætos efficere. In sacrificijs enim & libaminibus usus erat uini, Deus autem sacrificia, propter fidem offerentium grata habebat. Sed simplicior, ut mihi uidetur, sensus erit, ut dicamus: non tantum infimæ fortis homines, sed etiam ipsos iudices, quos Elohim scriptura uocat, uino exhilarari. De hac re multa apud philosophos & poetas passim leguntur. Socrates apud Xenophontem in Symposio dicit, *οἶνος τὰς μὲν λύπας ὥσπερ μανδραγόρας ἀνδρῶν νοιμίζει, τὰς δὲ φιλοφροσύνας ὥσπερ ἔλαιον φλόγα ἐγείρει*: hoc est, Vinum mœrores non aliter sopire, quàm mandragora hominem: læticiam autem non aliter, quàm oleum flammam excitare. Apud Cic. 3. Tuscul. legitur: huic calix mulsi impingendus, ut plorare desinat. Apud Hesiodum Bacchus *πολυγυθὺς* dicitur. Anacreon *ὅταν πίνω τὸ οἶνον* *Εὐδισσιν αἰ μέριμναι*. Poetæ Græci, ab illo effectu uinum *παισιλνπομ* & *λαβινυδέα* & *νυπονθὲς* appellant. Dido apud Vergilium libro primo Æneid: Adsit, inquit, læticiæ Bacchus dator. Tibullus libro 1.

” Bacchus & afflictis requiem mortalibus affert,

” Crura licet dura compede pulsa sonent.

” Bacchus & agricolæ magno confecta labore

” Pectora tristitiæ dissoluenda dedit.

Horat. Ode. 7. lib. 1. Nunc uino pellite curas. Ode. 7. lib. 2. uinum obliuiosum uocat, quod obliuionem malorum afferat. Ode. 11. lib. 2. Dissipat Euius Curas edaces. Epistola ad Vall. lib. 1. Generosum & lene requiro, Quod curas abigat. & 9. Epod. Curam metumq; Cæsaris rerum iuuat Dulci Lyæo soluere. Ouidius lib. 1. De arte:

” Tunc ueniunt risus, tum pauper cornua sumit,

” Tunc dolor & curæ rugaq; frontis abit.

Plautus tristem & perturbatum hominem, uino exhilarandum monet. Non autem occasione illius sententiæ, immodicè bibendum est. Vinum enim immodicè sumptum dolores non lenit, sed maiores excitat. Exemplo nobis est Lotus, qui ut mœrorem pelleret, immoderatè bibit, & ita deceptus est, ut in incestum prolaberetur. Qui ex immodico uino hilaritatem quærunt, se non leui periculo exponunt, & sese in magna scelera præcipitant. Aliquando in insaniam uertuntur. Ex hoc loco petitiu uolunt hunc morem, quo hodie preciosissimum uini poculum ad mortem condemnatis, propinari solet. Curandum tamen, ne qui ad supplicium educuntur, immoderatè bibant. Colligimus etiam quantopere peccent, qui quotidie epotandis calicibus student, seque mutuam ad bibendum urgent, & præscriptum poculi modum exigunt, cum interim tot puerperæ, senes, afflictæ, & laboriosi homines, uix uini guttulam habeant qua recreentur.

8 Aperis os tuum muto, in iudicio (uel causa) omnium filiorum transitus.

Ad iudiciū, *הִשְׁמַע*, ad, apud, super, propter. Castalio reddit, in causa omnium qui pertunduntur, id est, iniuria afficiuntur. Quinto loco, cōmendat Lamueli, pauperes & oppressos, monēs ut eos defendat, & iustè iudicet. Verba pauca sunt, sed latè patēt. Similes adhortatiōes, hinc inde apud prophetas leguntur: nō enim ignorabāt, pauperes opprimi ab aduersarijs, & contēni à iudicibus. Aperire os est adhibita modestia, liberè loqui, & nihil obticere. Oecolamp. in 33. cap. Iob. dicit, Sapientum est aperire os. Stultorum os semper patulum est, sine iudicio omnia nugantur & effutiunt. Germanica quoq; phrasi, os aperire significat disertè quod sentias dicere. Græci eodem sensu, dicunt, *ὀργανὸν στόμα*: nam sic dicit Prometheus apud Æschylum:

” Λέγω τὸς σοι πᾶν ὅτι χεῖρας μαθεῖν,

” Οὐκ ἐμπλήνων αἰνίγματ' ἀλλ' ἀπλῶ λόγῳ.

” Ὡς περ δίνουσι πρὸς φίλους ὀργανὸν στόμα.

Hoc est:

” Dicam tibi apertè rem omnem, quam scire cupis,

” Nulla ænigmata immiscendo, sed oratione simplici.

” Sicut rectum est, os aperire ad amicos.

Per



Per mutum illū intelligit, qui uel causam suam non potest commodè proponere (destituitur enim dicendi facultate:) uel non audet in confesso iudicium, & propter aduersariorum potentiam: uel cui non conceditur suam causam agere: imperatur enim sæpe alicui silentium, sæpe etiam absentes accusantur. Pauperi obligatam esse linguam, cap. 10. uersu 15. audiui-  
mus. Illorum hominum patrocinium suscipiendum est, præsertim in causis capitalibus, ne iniuste trucidentur. Hodie multi innocentes, propter uerā doctrinā opprimuntur. Iob. 29. cap. dicit, se fuisse oculum cæco, pedem claudo, ita etiam os fuit mutum. Addit, *in iudicio omnium filiorum transitus*. חלפ חלפ *chaloph transitum, mutationem uel excisionem significat: formatur enim à uerbo חלפ chalaph, transire, mutare, succidere.* Hinc uariæ possunt esse huius loci interpretationes. Quidam ita reddunt, *Aperi os tuum pro mutis, in causa omnium filiorum mutationis*, id est, infortunij, quorum fortuna mutata est. Vel quorum uita cum morte commutanda est, uel etiam qui locum mutant. Alij reddunt, *Ad iudicium omnium filiorum transitus*: mundus enim transit & concupiscentia eius: hinc fortè quidam uertunt, *filiorum huius mundi*, alij *filiorum excisionis*, id est, mortis. Iudices, aduocati, rei, accusatores, testes, omnes sunt filij transitus & mutationis, hoc est, fortuna eorum facile potest mutari: mortales item sunt, & locum manentem hic non habent, secundum illud Psalmi, Mane florent, transeunt & pereunt uespere. Ne igitur quis homines caducos & mortales immortalis & æterni Deo præferat: cogitet sibi quoq; moriendum, & iusto Deo rationem reddendam esse. Tigurina uersio habet, *in iudicio omnium eorum qui prouocant*. Nam qui sententiam cupiunt mutatam, ad alios iudices prouocant. Alij per mutum intelligunt peregrinum, quia sequentia ita exponunt, *in causa omnium filiorum transitus*, qui iter faciunt, per locum aliquem. Peregrini enim sunt quasi muti: nam sæpe ueniunt ad homines quorum linguam ignorant. Deinde non audent in aliena terra, iniurias queri, nesciunt enim cum quibus agant. Euripides in Polynice inter mala maxima exilij hoc ponit, quod peregrinus uel exul *ἐξέπαρρησάτω*. Lotho increpanti Sodomitas, obijcitur quod sit peregrinus. Exulum igitur causa suscipienda est contra illos, qui eos uolunt iniuste opprimere. Certum est, nobis passim in scripturis, exules & peregrinos à Deo quàm diligentissimè commendari. Solent enim ferè contemni ab hominibus, & ut Theognis dicit:

*ὅτι ἐπεὶ φύγοντες φίλος καὶ πῖος ἑταῖρος.*

Non autem unius sunt generis peregrini: quidam nobiscum habitant, quidam uerò transeunt. Extra iudicium etiam os muti esse debemus, hoc est, egenos & afflictos, quos pudet suas ærumnas narrare, commendare diuitibus, ut eos subleuent.

### 9 Aperi os tuum, & iudica iusticiam & causam (uel iudicium) pauperis & egeni.

זקזק *zadec*, puto positum, pro *בצדק bezædec*, id est, in iusticia, iuste: & causam pauperis, hoc est in primis, nam maximè indigent patrono. Videndum est, quid uel quis iudicari debeat, quomodo, & qui hoc præceptum uiolent. Rex neminem à se repellere debet, sed omnes audire ciues & peregrinos, notos & ignotos, diuites & pauperes. Totos etiam pagos, castella, oppida, regiones asserere debet. Nam in hunc finem à Deo constitutus est. Non requiritur à rege ut sacella extruat, sit in processionibus, &c. interim hæc negligat. Cur autem toties præcipiatur, ut causa pauperis & egeni iuste iudicetur, alibi est expositum. Quomodo iudicandum est? Vno uerbo dicam, iuste. Primum cognoscenda diligenter est causa, deinde secundum leges, non ex affectibus & respectu personarum, pronuncian-  
dum quid æquum uel iniquum sit, idque ex amore Dei & proximi, ut dirimantur litigantes, & suum cuique cedat. Non propter inuidiam, adimendum diuiti, aut propter misericordiam, addendum pauperi. Peccant contra hanc sententiam primum illi iudices, qui nolunt causam aliquam audire: tametsi oppressi anxie ius petant, tamen eos à se repellunt. Hoc uulgare est in iudicijs, ut uocant, spiritualibus, licet multi clament se pie de religione sentire, & paratos esse rationem reddere de fide, tamen magna contumelia reiijciuntur, & inauditi damnantur. Multa autem sunt quæ docent utranque partem esse audiendam. Secundò illi iudices, qui tametsi aliquem audiant, tamen præiudicia sua habent, ut frustra hic causam agat, & surdo fabulam narret. Tertiò si cognoscatur causa diligenter, & tamen non feratur sententia, sed certis hominibus iniungatur, ut rem componant, non sine iniuria alterius partis: causa non est ambigua, sed iudices alteram partem nolunt offendere. Quartò, peccant & illi iudices, qui causam aliquam protrahunt ad multos annos, ita ut ille qui bonam causam habet, interdum uexationem redimere paratus sit. Quintò, qui sententiam quidem ferunt, sed iniustam, & iudicium, ut Amos sexto capite dicitur, in absynthium conuertunt. Po-  
stremo loco, illi qui iuste quidem iudicant, sed non amore iusticiæ, sed propter munera, uel

*Peregrini nobis commendantur.*

*Qui iudicandi sint.*

*Quomodo iudicandum sit.*

*Qui hoc præceptum transgrediantur.*



ut liberentur ab aliquo, quemadmodum de Felice prætore legitur, qui sperabat se pecuni-  
am à Paulo accepturum, Acto. 24. Et de iniusto illo iudice, Luc. 18. cap. qui uiduam de aduer-  
sario suo uindicabat, non amore iusticiæ, sed ne tandem ueniens eum suggillaret. Multa  
etiam alia loca passim sese nobis offerunt in sacris literis, quorum alij præcipiunt, ut causa  
pauperum & oppressorum rectè iudicetur, alij uetant ne ius peruertatur, alij laudant illos &  
præmia eis promittunt, qui rectè iudicarunt, alij uituperant illos, & pœnam eis comminan-  
tur, qui ius corruerunt. Vide Exod. 23. Deut. 1. & 16. Isa. 6. Jerem. 7. 22. Zacha. 7. & multis alijs  
*Consolatio* in locis. Suum quoq; exemplum Deus iudicibus proponit, ut discant rectè iudicare. *Conso-*  
*pauperum.* lationem ingentem ex his percipiunt pauperes & afflicti, uident enim se Deo tam charos  
esse, ut eorum causa tam graues ferat leges, easq; toties repetat & inculcet. Pressi contra ius  
& fas, æquo animo ferant, precentur Dominum ut patientiam eis largiatur, eosque asserat,  
promittit enim certum auxilium. Luc. 18. 2. Pet. 2. Exempla Dauidis, Ieremiæ, Israelitarum ca-  
ptiuorum, & Martyrum sibi proponant.

**N** 10 **Mulierem fortem quis inueniet? nam procul est à margaritis pre-  
cium eius.**

*Encomium* Secunda pars huius capituli, continet encomium honestæ matris familiæ: quod quidam  
*bonæ ma-* (inter quos est Beda, cuius libellus peculiaris extat tomo 7. de forti muliere) allegoricè expo-  
*trisfami-* nunt de Ecclesia, quæ est sponsa Christi: quidam de anima uniuscuiusq; pij hominis, quæ  
*liâs.* etiam Deo copulata esse debet: quidam de Maria uirgine: quidam de sacra scriptura. Nos sim-  
*Carminis* pliciter secundum literam interpretabimur. Carmine laudes honestæ matronæ complexus  
*laudes com-* est. Moris enim fuit apud ueteres, quemadmodum hodie quoque, res uarias carminibus  
*prehendun-* complecti. Tot autem continet uersus, quot in Hebræo alphabeto sunt literæ, nempe 22.  
*tur.* Primus uersus incipit ab Aleph, secundus à Beth, & ita deinceps. Hinc fit quòd in Latina  
*Ordo.* uersione ad marginem Hebraicæ illæ literæ ponuntur: non enim in uersione ordo litera-  
rum obseruari potuit. Idem licet uidere in aliquot Psalmis, & lamentatione Ieremiæ. Hoc  
autem ordine usus est spiritus sanctus, ut omnia melius memoriæ insigi possent. Probabile  
enim est, matronas & uirgines Israeliticas, publicè hoc carmen cecinisse. De ratione carmi-  
*Genus car-* num Hebraicorum, huius linguæ peritos sinam disputare. Hoc carmen pertinet ad genus  
*minis.* demonstratiuum: laudes enim honestæ mulieris comprehendit.

*Vsus huius* Vsus uerò eius, uariis est & multiplex. Primum ex hoc discunt mulieres, & imprimis ma-  
*carminis.* tres familiæ, quibus uirtutibus ornata esse, unde faciliè quoq; colligitur, à quibus uitijs alie-  
næ esse debeant. Quæ in hoc quasi speculo sese contemplantes, illis uirtutibus omnibus,  
uel maiore parte se ornatas sentiunt, Deo gratias agant, & orent ne ijs spoliarentur. Quæ uerò  
paucis, aut omnino nullis præditæ sunt, precentur Deum, ut uitam suam ad hanc regulam  
componere possint. Præcipuè uirtutes quæ hic ponuntur, sunt timor Dei, amor & fides con-  
iugalis, castitas, temperantia, modestia, beneficentia, sedulitas: de his etiam habetur in episto-  
lis D. Pauli. Deinde consolationem habent mulieres, opponendam iniquis mundi iudicijs  
de hoc sexu, qui abiectus & contemptus est coram prudentia humana. Poetæ multa contra  
mulieres scripserunt. Euripides dicit, Si Deus aliquis mulierem formauit, is sciat se maxi-  
mum opificem esse malorum, & hominibus maleuolum. Menander, Vbi mulieres, ibi omnia  
sunt mala. Stobæus multa huius generis colligit fermone 71. Multi hodie non ioco tantum,  
sed seriò mulieres non malas duntaxat, sed omnes contemnunt, non cogitantes matres suas  
mulieres quoque fuisse. Monachi & moniales, uituperant coniugium, & laudibus extollunt  
cœlibatum & uitam monasticam, dicentes perfectiorem statum esse, si qui monasterium in-  
grediantur: sed opponendum eis est hoc encomium matris familiæ. Si monachorum aut

*Consolatio* monacharum, tale encomium in sacris literis extaret, dii boni, quos triumphos agerent? At  
*mulierum.* nihil tale legitur, sed Christus de his dicit: Frustra me colunt, docentes mandata hominum.  
Item, Omnis plantatio quam non plantauit pater meus cœlestis, eradicabitur. Virginitas  
suam quidem habet laudem in scripturis, ed quòd uirgines expeditius Euangelio seruire  
possunt, non quòd per se sit cultus aliquis: sed quid hoc ad impuros illos homines? Sunt  
etiam alia scripturæ loca, quæ ostendunt Deum maximam habere mulierum rationem, quæ,  
cùm natura imbecilles sint & faciliè aduersis perturbentur, habenda sunt in conspectu. Chri-  
stus rediuiuus primùm mulieribus apparuit. In prima Epist. Pet. cap. 3. cohæredes gratiæ ap-  
pellantur. Tercio loco, mariti qui tales uxores nati sunt, pro maximo hoc dono Deo gra-  
tias agant, à quo tales dari, suprâ 19. capite legitur, & dent operam ne sua importunitate eas  
multis præclaris donis spolient. Quarto loco, discimus quid in delectu mulierum potis-  
simum spectandum sit, non opes, non affinitates, non forma præcipuè, & alia huius generis,  
sed



fed probitas & uirtus. Hodie prima quæstio est, de opibus, de moribus uerò nulla: non igitur mirandum si multi infelicitè uiuant in matrimonio. Licet uerò paucae sint, quæ omnes illas dotes habeant: tamen illæ deligendæ erant, quæ plures habent. Postremò discimus exemplo huius Carminis, quæ nam sint cantanda: nempe casta, de rebus honestis & utilibus composita, cauendum est ab obscenis & inutilibus, &c.

*Mulierem uirtutis quis inueniet, &c.*) Primo uersu difficultas inueniendi talem uxorem & preciositas ostenditur. Huiusmodi enim interrogationes in scripturis raritatem indicant. Similis loquutio suprà cap. 20. uersu 6. ponitur. Ostendit paucas esse, quæ omnibus his uirtutibus ornatae & instructæ sint. Si quæ autem talis sit, omnes gemmas dignitate & precio longè superare. Gemmae non conculcantur pedibus, sed diligenter asseruantur, includuntur auro. Vxor igitur honesta, non contemnenda & contumelia afficienda, sed amanda & honoranda est. Procul scilicet distans, aut longinquum à gemmis uel margaritis, precium, emptio aut possessio illius. רַחֹק rachok, longinquus uel longinquum, scilicet spacium, aut longa uia. מַחֵר mæcher, significat acquisitionem, possessionem, emptionem. Quidam exponunt, quòd procul eundum sit, ad acquirendam talem uxorem, ut raritas & precium eius ostèdatur. Res enim quæ multum distant à nobis, rariores sunt apud nos.

# 11 Confidit in ea cor uiri sui.

Maritus sciens se probam & fidelem uxorem habere, credit ei administrationem rei familiaris, nec dubitat quin omnia rectè disponat. Deinde si propter certa negocia domo abesse, aut longinquam aliquam professionem instituere oporteat, scit eam non exspaciari, aut domi interim agitare conuiuia, aut se mœchis prostituere. Curas quoq; & cogitationes suas in sinum eius effundit. Non quòd omnia arcana committenda sint mulieribus, sunt enim multa, quæ eas scire nihil expedit, nec mulieres hæc petere debent à maritis. Fidendum est hominibus, quantum Deus permittit, & res ipsa ostendit, non toto corde, sed ut hominibus, qui instabiles sunt. Fiducia illa impia est qua hominibus nimium confidimus. Fiducia enim omnis in Deo ponenda est, qui nos non fallit. Cor mariti nominatur, quia ex animo, non timidè ei confidit.

*Et spolio non indigebit, aut, spolium non deficiet.*) Ad uxorem uel maritum referri potest. Per spolia, ut annotat Pellicanus, intelligit rem familiarem & domesticam, eò quòd depredationi militum exposita sit in bellis. Sensus est, paulatim suppellectilem necessariam sibi comparabit sua industria, nectantum cogitabit quibus domus ornari, sed etiam quibus commodè carere possit. Vel ita rem domesticam administrabit, ut non necesse sit aliena rapere. Qui enim malè rem gerunt, ad fraudes, dolos & manifestas rapinas interdum conuertuntur. Maritum quoq; non spoliabit, sed ita se geret, ut necessaria ei non inuitus largiatur, & moriturus quoq; eius rationem habeat, atq; de uictu ei, ut de se benemeritæ, prospiciat.

# 12 Reddit marito bonum, & non malum, cunctis diebus uitæ suæ.

Quoniam maritus eam ardentè amat, respondet ei uxor in amore, nec fallit eius fiduciam, rem domesticam bene administrat, casta est & pudica: si maritum commotum esse uideat, maledicta non pensat maledictis. Si malè uxorem suam tractat, ipsa malitiam eius, bonitate superare nititur. Si maritum ebrietati & adulterijs uacare audiat, ipsa non uult par pari referre, sed amat maritum quamuis indignum, propter Dei præceptum, idq; omnibus diebus uitæ suæ, non uno tantum aut altero anno, nec secundis tantum, sed etiam aduersis rebus, parata omnem ferre fortunam cum marito. Nam ut in omnibus rebus constantia egregia est uirtus, ita in amore coniugali. Sunt autem mulieres ferè inconstantes & mobiles. At hæc constans est. Si marito superstes fuerit, amorem eius nondum abijcit, sed erga liberos, quæ pars quædam parentum sunt, suum amorem & beneuolentiam ostendit. Multa exempla uetera & recentia illarum possunt afferri, quæ fidem & amorem coniugalem, etiam post maritorum obitum præstiterunt. Si alteri marito nupserit, à prioris tamen detractione abstinabit. Phocylides dicit:

τί γὰρ ἡδυνήτερον καὶ ἀγριον,  
ἢ ὅταν ἀνδρὶ γυνὴ φρονέη φίλα γήραος ἀχρεῖ  
καὶ πόσις ἢ ἀλόγῳ.

# 13 Quærit lanam & linum, & operatur manibus suis, cum uoluntate.

Sedula est in omnibus laboribus æconomicis. Si possit, apto tempore comparat lanam & linum, ne postea cogatur duplicato precio emere, & familia interea temporis, in ocio degat. דָּרַשׁ darasch, quærere, exquirere significat, sciscitari sollicitè & diligenter. Deinde operatur suis manibus, non tantum alios ad laborem hortatur, sed ipsa quoq; manum colo



alacriter admouet, ut suo exemplo alios ad laborem incitet, & sibi ac familiæ uestes parat, utque habeat etiam quod uendat. Adhæc cum uoluptate operatur, בֶּעֶפְחָז becephaz, in uoluntate, id est, uoluntariè, spontè, non coactè aut oscitanter. Turpe est uxori, si non prouidentia illa utatur, ut cogitet quæ familiæ sint necessaria: si pecuniam, quæ pro lana & lino exponenda erat, conferat in res inanes. Deinde si honestum laborem refugiat, & ad opus impellenda sit, interim fabuletur inania, aut hinc inde discurrat. Non pigeat honestam matronam, lanam & linum tractare, quantumuis nobilis, opulenta & pulchra sit. Egregiæ enim mulieres apud ueteres, lanificio & linificio sibi maximam laudem pepererunt. Theano Pythagoræ dogmatum studiosa, interroganti quomodo tam celebris euassisset, respōdit:

ἰσθὺν ἐπιχομοῖν, καὶ ἐμὸν λῆχος ἀντιώσασθαι.

Id est, contexens telam, & meum curans coniugium. Apud Romanos moris erat, ut nouæ nuptæ colum & fustum cum lana ad mariti domum afferrent, postesque lana coronarent, tum super lanatam pellem federent, ut discerent quid domi faciendum esset. Pierius Valerianus in suis hieroglyphicis annotat, etiam hodie in plerisque Italiae locis, postero quàm noua nupta mariti domum ingressa est die, mane è thalamo prodeunti, obuiam propinquos fieri, qui colum, fustum, lanam, & forficem, aliaque instrumenta domestica offerentes, muliebri officij eam commonefaciant. Augustus filias suas lanificium docuisse legitur, ut si ad paupertatem fuissent redactæ, haberent unde uiuerent. Idem tradunt de Carolo Magno. Alexander Magnus, reginis Persicis uestes ostendit, quas mater & soror eius confecerant. Regina enim Macedonum, maritis & filijs suis uestes proprijs manibus contexere & consuere solebant. Diuus Hieronymus Paulam ex prosapia Scipionum & Gracchorum ortam, iubet colum tenere & calathum. Demetriadem quoque generis nobilitate & diuitijs præstantem fœminam hortatur ut lanam & linum tractet, fustum roter, & stamina pollice ducat, &c. Addendum est etiam, telam & colum mulieres ornare: hæc sunt earum arma. Res quæ uirorum consilij gerendæ sunt, uiris relinquuntur: ueluti est apud Homerum:

μῦθος δὲ ἀνδρῶσι μένεται. de qua re infrà 19. uersu.

14 Fuit sicut nauis mercatoris, de longè adducit panem suum.

Probam matronā, nauibus mercatorijs comparat. Non omnis, ut ille dicit, fert omnia tellus: in uno loco uini, in altero frumenti, in quibusdam pecoris est prouentus. Mercatores igitur per mare & terras, eas res quæ in uno loco abundant, exportant & ex uarijs & remotissimis regionibus eas quibus egemus, & quæ raræ, præciosæ, utiles, & necessariae sunt, inuehūt. Mira referuntur de nauigationibus illis Indicis, ex quibus mercatores, nisi naufragia patiantur, faciliè ditescunt. Mulier si non sufficiant ea quæ in patria sunt, curat aliunde importari. De longè adducet panem suum.) Potest uel ad naues referri, uel uxorem, quæ ex partibus etiam remotis, suo labore necessaria procurat. Etsi enim naues in plurali numero ponantur, adducet uerò in singulari, tamen sæpe apud Hebræos singulare plurali iungitur.

15 Surgit dum adhuc nox est, & parat domui suæ cibum, atque puellis suis constitutum.

Somnus.

Vxor proba, summo mane surgit. Somno utendum est tanquam medicina curando corpori: utq; moderatus conducit, ita immodicus officit corpori. Nam, ut medici tradunt, corpora reddit redundantia noxijs humoribus, & segnia. Honestam matronam modico somno contenta est, nec stertit in multam diem, nisi insomnem noctem duxerit propter liberorum uagitum, & uarias curas. Scribimus hoc loco de illis, quæ florentibus sunt annis & robusto corpore. Inuenias hodie mulieres, quæ non surgunt, ut uel ad sacras conciones diebus Dominicis uenire possint. Ideo autem surgit hæc matrona, ut famulos & famulas suo exemplo ad laborem excitet, utque domui, hoc est familiæ, cibum parat ante lucem, ne partem diei perdant. Dare enim operam debent fœminæ, ne desit familiæ cibus, laborantes enim cibo indigent. Aristoteles scribit tria deberi seruis, ἐργα, τροφήν καὶ νόμισμα, opus, cibus & castigationem. Cibus sine castigatione & opere petulantem reddit: opus uerò & castigatio sine cibo, uiolenta res est, & infirmum facit seruum. Cato cum ex eo quæreretur, quid maximè in re familiari conduceret? respondit, bene pascere: quid secundum? satis bene pascere: quid tertium? bene uestire: quid quartum? bene arare. Materfamilias igitur cibum sufficientem seruis & mercenarijs præbeat. Deus præcepit in ueteri lege, ne trituran-ti boui os obstrueretur. Sunt quæ cibum & potū malint perire, quàm domesticis dare: qui si hanc inuidiam deprehendant, in opere sunt negligentiores. Mariti quoque domum reuersi, si cibus paratus non sit, sæpe plurimum offenduntur. תָּרַח thæraf escam, cibum, item

Cibus non  
maligne fa-  
milie sup-  
peditadus.



item prædam & rapinam significat. Rapto autem parta, celerius ac magis temere profundimus. Vide prouerb. Erasmi, Bello parta: significare igitur uidetur, cibum liberaliter suppeditandum famulis. Caietanus carnes animalium syluestrium interpretatur. Sensus igitur erit, hanc foeminam etiam delicatos, non tantum necessarios cibos, suis aliquando dare. Merces quoque non neganda est laborantibus. *Puellis suis statutum parat.*) נַאֲרָא naar, puerum iuuenem significat, & quia pueri solent maioribus inservire, pro ministro etiam accipitur, licet iam senex sit: sic נַאֲרָא naarah, pro puella & famula. Sensus igitur est, matrem familias ancillis suis præcipere, quid cuique faciendum sit. Cibum quidem toti familiæ parat, pensum uero solis foeminis distribuit. Famulis præscribit, ut uisum fuerit, maritus. Filiabus quoque suis operam indicit, ut discant uictum quærere, & ne ociosæ mali quid discant. Liberos enim agere aliquid oportet, utilia igitur ab eis exigenda sunt. Mater mox uidebit quid unaquæque filiola possit, non rigida erit & austera erga eas, si per ætatis imperitiam delinquant, nec maius onus eis imponet, quam sint ferendo. Sedulæ mulieris est, non temere omnia facere, sed singulis suum officium assignare, ut omnes sciant, quid & quando operari illo die debeant. Per נַחֲכֹךְ chok constitutum, quidam non pensum, sed demensum, ut supra 30. cap. intelligunt: sed iam dictum est, uxorem toti domui cibum conuenientem dare. Liberis cibis dandus non delicatus: uini potus tenera corpuscula perdit. Danielis & sociorum eius exemplo ostenditur, quam utile sit, si pueri uulgaribus cibis sint contenti. Mulierem lucubrante cum ancillis suis & pensa partientem, Vergilius elegantissimis hisce uersibus describit, *Æneid. lib. 8.*

Inde ubi prima quies medio iam noctis abacto  
Curriculo expulerat somnum, ceu foemina primum  
Cui tolerare colo uitam, tenuiq; Minerua,  
Impositum cinerem & sopitos suscitât ignes,  
Noctem addens operi, famulasq; ad lumina longo  
Exercet penso, castum ut seruare cubile  
Coniugis, & paruos possit educere natos.

16 Cogitauit agrum suum, & accepit eum: de fructu manuum suarum,  
plantauit uineam.

Quando sedulitate sua & industria aliquid acquirit, cogitat quomodo bene collocet. Si utile uideatur, agellum, hortulum, pratum, accipit scilicet precio iusto, ut filios alere, & ad laborem statim assuefacere possit: ex fructu quoque quem acquirit manibus suis, conducit operarios qui uineam plantent. Agricultura quæstus est omnium innocentissimus: sola enim Dei misericordia nititur, cum proximi iniuria non est coniunctus. Huic sancti patres studuerunt. Hodie omnes, illos quæstus sectari uolunt, qui laboris minimum, lucri uero plurimum afferunt. Quidam hunc uersum ita intelligunt, quod diligenter naturam soli consideret, agrum emat, quem postea curet uitibus conseri. Caietanus exponit de agro occupato ab alijs, uel inculto ex negligentia, ut sit sensus, accepit eum ab occupatoribus, uel accepit eum ad colendum, &c. Bona mater familias, quæ uel ipsa uel maritus, magno labore acquisiuit, non confert in mundum muliebre, delicatos cibos, & uina, non in suppellectilem inanem, aut res stultas, sed emit necessaria, reponit quibus ad futuram necessitatem, & ad educandos liberos utatur.

17 Accingit lumbos suos fortitudine, & roborat brachia sua.

Hoc est, studiosè parat se ad laborem, domi & foris obeundum. Olim oblongas uestes habebant, neq; quicquam operis commode peragere poterat, nisi succincti, hinc istæ locutiones accingere se operi, prædæ. Accinctos, fortes, strenuos & expeditos dicimus, ut Hor. Altius ac nos præcincti sunt. Vnde & Græcè *εὐστροφος* appellatur, non qui bonâ zonâ habet, sed qui est strenuus. Imbelles uero, ignauos & nihili homines, discinctos uocamus, ut Virg. *Ænei. 9.* Discinctos Mulciber Afros. Seruius in lib. 1. *Æneid. & 9.* Seruator noster Christus hac locutione usus est, *Lucæ 12.* Sint lumbi uestri præcincti, & lucernæ accensæ, & uos similes hominibus expectantibus dominum suum, quando reuertatur à nuptijs, ut cum uenerit & pulsauerit, confestim aperiant ei, &c. Quibus uerbis docet, qualem deceat esse uitam Christianorum, sumpta à seruis allegoria, qui solent lumbos accingere, hoc est, se ad iter parare, facies proferre, uigilare, & redeuntes heros à cœna expectare, &c. 1. Pet. 1. capite, Succincti lumbis mentis uestre, sobrii, perfecte sperate in eam, quæ ad uos deferretur gratiam, &c. hoc est, omnibus sublatis impedimentis, ad Deum contendite. Lumbi, carnis, libidinem aliquando significant. Sedes enim libidinis in lumbis est. Zona uero uel cingulum, exprimit temperan-



tiam & moderationem, qua cupiditates coercentur. Hinc quidam locum hunc ita exponunt, *Præcingit lumbos suos*, id est, coercent libidines: & iuxta hunc sensum, qui etiam pius est, commodè mox subnectitur: *Et corroborat manus suas*, scilicet ad laborem. Labore enim mala concupiscentia obruitur: qui ocio indulgent, ut alibi plenius diximus, procliuēs sunt ad libidinem. Hanc ob causam D. Hieronymus, Demetriadi uitandum prorsus ocium præcepit.

19 Gustauit quàm bona sit negociatio sua, nec noctu extinguetur lucerna eius.

Dixit sanctam mulierem labori incumbere, & suos quoque ad laborem assuescere: hac autem uia non tantum parat, quibus domi utatur, sed habet etiam quod uendat, & unde faciat lucrum. Hoc experitur uxor pia, nihil tamen remittit de sua industria, sed magis accenditur. Lucerna enim eius, noctu non extinguitur. Paulò antè dixit, hanc fœminam auroram præoccupare: nos dicimus, *Sy ist frũ vnd spat*: ad colum in multam noctem aliquando sedet: diem quoque bene collocat, non imitatur illam, quæ toto die quærebat picem, ad quam lucubraret. Somno utitur sed non immodico. Lucretia inter ancillas ad lucernam fila ducebat. Sunt quorum lucerna noctu non extinguitur, sed ad mensam bene instructam sedent. Quidam ita intelligunt, quòd ignem conseruet, vel per allegoriam, quòd rebus aduersis consolatione non destituatur. Simplicissimus est primus sensus. Inuenies mulieres, quæ si uideant sibi omnia feliciter succedere, nolunt amplius laborare, sed de sua industria remittunt, & tandem in extremam egestatem incidunt. Quemadmodum illi qui literas gustarunt, putant se iam facile posse reliqua addiscere, & postea omnium obliuiscuntur. Quædam etiam si eis succedat feliciter in sua arte, mox ad alias, quas non norunt, conuertuntur: sed sancta hæc mulier, lanificio suo incumbit, & in hac quam nouit arte se exercet.

19 Manus suas mittit ad fustum, & uolæ eius tenent colum.

Per כִּשְׁכֹר kischor alij colum, alij fustum, alij uerticulum intelligunt. Forsterus rectitudinem interpretatur, *Manus suas emittit in rectitudine*, id est rectè. Hæc enim uox deriuatur à כִּשְׁכֹר kischar, quod est, rectum esse. Probantur fusi si recti sint: colus item rectus est: uerticulus quoque in capiti fusi à nentibus ponitur, ut rectè uertatur. Ad sensum nihil interest. Mulier illa sancta, si experiatur laborem suum frugiferum esse, non ad alia conuertitur, sed pristino labori incumbit, non pudet eam colum & fustum tractare: nec illa curat, quæ propriè ad uiros pertinent, quæq; muliebrem captum superant, quales sunt, controuersie de dogmatibus, deliberationes de negocijs ciuilibus, &c. Xenophon & Columella, diligenter discernunt negocia domestica, quæ sunt mulierum, & alia quæ foris agenda sunt à uiris. Græcus quoq; poeta mulieres admonet, res foris gerendas uiris permittant, cum dicit:

Distincta  
sunt uirorũ  
& mulierũ  
officia.

αὐτὰς εἰς οἶκον ἰδὼν τὰ πρὸς τοῖς ἄνδράσι λόγουσε.

Paulus itidem in 1. Corinth. 14. capite, non uult, ut mulieres in publicis populi conuentibus loquantur, sed domi maritos suos interrogent, &c. Lacedæmonij iuuenes atque puellas iisdem artibus instruebant. Plato etiam libro 7. de legibus, mulieres ab arte equestri & alijs bellicis artibus non submouet: sed hoc nomine, à doctis reprehenduntur. Spiritus sanctus, ut obiter hoc annotem, ad colum, fustum, & uerticillum sese demittit: quis igitur illa putet omissa, quæ faciunt ad nostram salutem? Valeant nostri aduersarij, cum suis euentis traditionibus, quibus scripturam uolunt perficere. Deinde uidemus opera illorum æconomica, in speciem cõtempta, si ex fide fiant, Deo plurimum placere. Laudat enim matrem familiam propter hæc opera. Proferant moniales loca scripturæ, quibus sua illa opera, ut cultum Deo gratum, laudari ostendant. Valde hac in parte peccant Papistæ, fictitia enim opera, ceremonias, & monachismum, preculas supersticiosas, uotiuas peregrinationes, laudibus efferunt. At Apostoli cum scribunt de bonis operibus, primum locum tribuunt laboribus, quos cõiuges perferunt, &c.

20 Manum suam extendit ad pauperem, & uolas suas expandit inopi.

Quia multis laborem cõmendauit, existimari posset tantum congerendis opibus incumbendum esse, ostendit sanctam mulierem pauperibus manum porrigere. Sunt quædam satis laboriosæ, sed rigidæ erga proximos suos: pia matrona subleuat egentes. Nam eorum opera utitur, non omnia per domesticos suos conficit, persoluit mercedem debitam operarijs, deinde mutuo dat pecuniam pauperibus, & cum debitoribus suis non stricto iure agit. Adhæc pauperib. cõfert eleemosynâ, nec parcet, sed plena manu, benignè & liberaliter. In hunc enim finem laborandũ est, ut nō tantum nostros, sed alios quoq; subleuare possimus. Eph. 4. Aequum autem est, ut illi quibus Deus ingentes opes largitur, illis quoq; largiantur, quos ipse nobis tantopere cõmendauit. Etiã necessarijs usib. aliquid detrahendũ erat, ut alijs conferre, & nostram



& nostram gratitudinem erga Deum testari possemus. Non minuuntur opes eleemosynis ex fide datis, sed potius augentur. Deus promittit benedictionem frumenti, uini & omnium fructuum terre, beneficis in pauperes. De Placilla Theodosij cōiuge legitur in historijs, quod propter humanitatem & beneficentiam in pauperes, *φιλόπρωτος* dicta sit. Quod autem danda sit eleemosyna, quid & quotuplex sit eleemosyna, quib. quid & quomodo dandum, quæq; cum eleemosyna pugnent, eruditè & copiosè ab alijs est explicatum.

21 Non metuit domui suæ à niue, nam uniuersa familia eius, induta duplicibus (uel cocco.)

Æstate cogitat quibus hyeme opus sit, parat indumenta liberis, quibus hyeme propter aeris inclementiam commodè utantur. Ancillis & seruis, uel ipsa uestes promissas parat, uel curat ut commodas potius quàm luxuriosas habeant. Dat etiam operam ut rectè uestibus utantur, & ne eas statim perdant. *W* Schani numerale, secundus, duplicatus: hinc quidam reddunt hunc locum, *Tota domus eius induta est duplicatis uestibus.* Pellicanus intelligit de indumentis æstate & hyeme conuenientibus. Alij intelligunt coccum, ut sit sensus, *Omnis domus, id est, familia, Eius, induta coccineis uestibus.* Vide Santem in dictione *W* Schen. Puto speciem poni pro genere, ut per coccineas preciosas intelligat. Si autem preciosis uestiuntur, quanto magis necessarijs, quibus frigus arceatur? Vxor honesta, non tantum illa prouidentia in uestitu utitur, sed alijs quoque in rebus. Æstate de lignis cogitat, quibus per longam hyemem utatur, &c.

22 Tapetia parat sibi.

Vox Marbadin tapetia, aulaea uel stragulam uestem significat. Sensus est, mulierem qualis hic describitur, non tantum res necessarias, sed ornamenta quoq; sibi comparare. Hæc enim habere, concessum est. Anabaptistæ si in domo aliqua res preciosas, ueluti tapetia, aut argentea pocula uideant, putant rem indignam esse. At artes quibus hæc conficiuntur, sunt donum Dei, & rerum illarum usus uituperari non debet. Cogitandum tamen, quid nostra conditio patiatur: cauendus quoque est luxus. Sunt quæ licet rebus necessarijs careant, hæc tamen ornamenta habere uelint: sed non cogitant hanc mulierem, labore suarum manuum acquirere, deinde maritum primum habere, ut postea sequetur.

*Byssus & purpura uestimentum eius.* *W* Schesch byssus, lini genus candidissimum & subtilissimum. Lucæ 16. capite legimus diuitem bysso & purpura indui solitum. Sub his speciebus comprehendit omnis generis uestes splendoras ex lana & lino. Mulier hæc, splendido uestitu utitur. Vfus enim byssi, purpuræ, auri, argenti, pellium, honestæ matronæ concessus est. Quia uerò uestitus immoderatus, multum rem familiarem lædit, multosq; perdit, de hoc quædam annotanda sunt. Dicam autem primum de uero usu uestium: deinde de abusu, & eius grauitate: tertio loco, quomodo ei occurrendum uideatur. Vlpianus dicit: Vestimentorum sint omnia, lanea, uel serica, uel bombycina, quæ induendi, præcingendi, amiciendi, insternendi, iniiciendi, accubandi ue causa parata sunt, & quæ his accessions uice cedunt, quæ sunt insitæ picturæ, clauiq; qui uestibus insuntur. Vestimenta omnia aut uirilia sunt, aut muliebria, aut communia, aut familiaria, &c. Lege Baysium de re uestiaria, sed hoc loco non tam latè accipio.

Genesis 2. & 3. capite, legitur parentes nostros nudos fuisse, sed postquam in peccatum prolapsi sunt, aperti sunt oculi eorum, & partes pudendas tegere cœperunt. Deus postea eis, cum pellendi essent in exilium, fecit tunicas ex pellibus, ut turpitudinem suam tegerent, & contra frigus munirentur. Vfus igitur est uestimentorum tegere partes pudendas, frigus & æstum arcere. Adhibentur etiam ad ornatum. Natura autem dictat, pro ætatis, sexus, ordinis, loci, temporis ratione uariari: alia enim uestis decet iuuenem, alia senem, &c. Purpura & bysso indui, auro, argento ornari, ex se non est illicitum. Sunt enim creaturæ Dei bonæ, ad usum aliquem conditæ. Artificia quoque, Dei donum sunt, nec debent reprehendi. Principibus & magistratibus, propter illos, qui externa tantum mirantur, plus quàm alijs conceditur. Quintilianus libro octauo dicit, Cultus concessus atque magnificus addit hominibus, ut Græco uersu testatum est; auctoritatem. At muliebris & luxuriosus, non corpus exornat, sed detegit mentem. Hac de re lege prouerbium, Vestis uirum facit. Principes non reprehenduntur in sacris literis, propter cultiorem uestitum. Christus seruator noster Matthæi 6. cap. meminit cultus Solomo. Modum tamen in hoc, & alijs etiam reges seruare iussit lex Dei, Deute. 17. cap. Non enim tam splendido uestitu, se commendare debent subditis suis, quàm uirtutibus, sapientia, iusticia, fortitudine. Mulieres etiã mariti uitio, inter-

De uestitu  
locus.

Vestimentū  
quid.

Origo &  
usus uesti-  
mentorum.



dum se ornare coguntur: modum tamen non excedant. Hæc breuiter de prima parte.

*Luxus uesti-  
mentorum.* Secundo loco dicendum est de abusu uestimentorum, qui latissimè patet: nullus enim ferè est, qui non immoderato cultu corporis utatur. In omni sexu, ætate, ordine, homines reperiuntur, qui hac in re peccant: uiri, mulieres, iuuenes, senes, cōcionatores, magistratus, hac in re decorum nō seruant, sed modum excedunt, & uestibus ad ostentationem & superbiam abutuntur. Hieronymus ad Demetriaden scribit: Digna res uisu, imò planctu, incedentibus dominis, ancilla uirgo procedit ornatior, ut pro nimia consuetudine, quam incomptam uideris, dominam suspiteris. Peccatur in materia. Vestes sunt byssinæ, holosericæ, auro argentoq; intertextæ. Vel si tota non sit talis, tamen limbis & fascijs preciosis circumdatur. Peccatur in quantitate, nimis enim breues sunt, non tegunt partes pudendas. Dauid cum Ammonitæ legatis suis uestes truncassent, bello hanc iniuriam uindicandam censuit. Sunt qui multas uestes in arca condant, interim tot frigore laborantibus. Peccatur in forma: nam uestes se cantur in minimas partes, postea colligantur uinculis preciosis: quotidie noui aliquid exco- gitatur, nunc Italicæ, nunc Gallicæ, nunc Turcicæ inuehuntur, ut sacdotes nō immeritò que rantur: quotidie enim noua discere eos necessitas compellit. Ars quoque materiam superat. Si à capite ad pedes descendas, & omnia uestimentorum genera consideres, in uiris & mulie- ribus, magnam luxuriam reperiēs: in pileo, thorace, caligis, calceis, &c. Quidam etiam in lu- ctu ostendunt superbiam. Maxime uerò in cœtibus sacris, non sine magno peccato. Nam si quis supplicium sibi debitum deprecaturus, superbo uestitu in consessum senatus prodiret, magistratui illudere uideretur: & nos oraturi in templum tali habitu uenientes, an non iram Dei de nouo prouocamus? An igitur, inquis, sordido, squalido & pannofo uestitu utendū est? Hoc non dicimus. Quemadmodum in plerisque omnibus, ita in uestitu, ut rectè dixit Cicero, mediocritatem esse optimam. Non debet nimis superfluus esse, nec nimis frugalis, & multò minus hypocriticus, qualis est Monachorum, quorum alius nigro, alius albo, alius alio colore uestitur. Si quis non sui ordinis colore uestiatur, metuit ne cacodæmon subitò ip- sum ad tartarum abripiat.

*Quales de-  
beant esse  
uestes.* Plurimum falluntur qui nihil referre putant, etsi sumptuoso uestitu utantur. Luxu enim illo ualde peccatur. Primum peccas contra Deum, qui per suos Apostolos Paulum & Petrū, luxum illum reprehendit in mulieribus. Virorum quidem non meminerunt, uel quia tam uani illis temporibus non erant, uel quia quiuis colligere potest, si mulieres hæc dedecent, multo magis uiros, in quibus maior debet esse grauitas.

*Abusu uesti-  
mentorū gra-  
uiter pecca-  
tur.* Deinde offendis proximum tuum. Multi enim si uideant homines, qui Euangelium pro- fitentur, tam sumptuosè uestiri, statim ueram doctrinam conuiuijs lacerant: multi ad libidinē accenduntur: utq; est uulgus natura φιλόπαινον & φιλόκοσμον, has ineptias mox imitatur. Oritur etiam contentio quædam, statim enim alij quoque sic uestiri & ornari uolunt, nec spectant quantum possint, sed quid alij fecerint. Atq; ita periclitatur multarum pudicitia.

*Deus ledi-  
tur.* Adhæc pauperibus Christi multum detrahitur. Lædis etiam teipsum: putas te fore in ma- iore precio, si sumptuoso uestitu utaris, sed hac ratione reuocas in memoriam hominum tua scelera & maiorū tuorum, iam sepulta. Spolias maritum & liberos. Cogedis tua alijs oppigno- rare, & tandem uias malas quærere, ut sumptus suppetat. Deus quoq; grauissimis pœnis su- perbos illos homines persequitur. Egregius extat locus Isaïæ 2. cap. Zephonias 1. cap. inducit Dominum dicentē, quod ultionem exigere uelit de principibus, filiis regis & peregrino cul- tu utentibus. Obijcitur nobis uestitū rem esse externā, neq; iustificare quenquā, neq; con- demnare. Respondeo, uerū quidem hoc esse, sed tamen Deum præscribere modum qui ser- uari debeat. Deinde nobis posset obijci, matronam hanc bysso & purpura, ancillas eius cocci- no uestiri. Respondeo: Nobilem & patritiā describi. Deinde hic quoq; sensus esse potest: Ex bysso & purpura conficit sibi uestes, nempe ut uendat: sed antè diximus, bono loco natas, splendi- diores uestes decere. Quod uerò de ancillis obijcitur, ex superioribus dilui potest.

*Abusus quo-  
modo emen-  
dandus.* Tertio loco uidendum quomodo resistendum sit huic luxui. Magistratus leges ferre de- berent contra hunc luxum, & iam latas tueri. Apud Aristotelem magistratus ponitur Gynæ- conomos, cuius partes sint, cauere ne muliebris mundus aut modum excedat, aut parum ætati ac conditioni congruat. Romani legem habebant Oppiam, qua cautum fuit, ne qua mulier, auri plus semuncia haberet. Hanc Cato consul Roma. apud Liuium magna con- tentione defendit. Omnes Respublicæ bene constitutæ, leges uestiarias habuerunt, quæ hodie dormiunt, tantum cuique licet quantum liber. Concionatores quoque huic malo in- dies crescenti, succurrere debebant, & curare, ne uxores & filij ipsorum tam sumptuosè ince- derent, & luxu non tantum mercatores, sed nobiles quoq; nincerent, quemadmodum au- dio quibusdam in locis uisatum esse. Tertullianus & Cyprianus libellos scripserunt con- tra



tra immoderatum illum fœminarum cultum. Chrysostomus quoq; & alij Patres, multis locis, hanc pestem ferro atq; igni persequuntur. Parentum quoq; erat liberos rectè uestire & ornare. Quisq; cogitare debebat, se Christianum esse, ciuem cœlorum, & uera ornamenta fidem esse & bona opera, de quibus mox quædam annotabimus. Adhæc homines, maximè autem uirgines, nullo cultu magis ornantur quàm simplici. Cum Dionysius Siciliae tyrânus Archidami filiabus uestes splendidas & preciosas mitteret, recusauit accipere, dicens, Vereor ne hoc amictu puellæ mihi turpes uideantur. Sed de his satis.

### 23 Conspicius est in portis uir eius, cum sederit ipse cum senioribus.

Mulieres maritos sæpe perdunt : nam si sint rixosæ, mariti se ex hac tempestate, ad bonos socios, tanquam in portum recipiunt, & sic decoctores fiunt. Si uxores sint prodigæ, mariti non possunt emergere, sed constantes æs alienum, sæpe coguntur fidem fallere, & foro cedere. Si sint impudicæ & adulteræ, mariti prorsus contemnuntur, ac si conscij sint, & ita arcentur à gubernaculis. At si quis uxorem honestam habeat, parare potest honestas opes, & consequi gradum aliquem in Repub. Ideo dicit, maritum eius in consessu iudicum honestum locum habere. *γγγ* nota, illustris, clarus, notus, celebris est, & magnæ autoritatis. Cur in portis olim iudicia exercuerint, & cur senes Reipub. gubernaculis præficiantur, alibi exposuimus. Per sessum significatur quod animo conquiescente & tranquillo non turbato affectibus, efficiat quæ debet, quodq; attento non oberrante animo, ligantes in foro audiat. Sedere etiam consultare significat. Vergil. libro nono Æneidos dicit: Turnus sacrata ualle sedebat. Vbi Seruius dicit, sedere apud antiquos consultare, curare ac consyderare significabat.

Sedere.

### 24 Sindonem facit ac uendit, atq; cingula tradit mercatori.

Sindon est linum subtilissimum, à Sidone urbe dictum, ut quidam uolunt, quod in ea primum fieri cœperit. Suprà dixit, eam agere emere, scilicet, de consensu & uoluntate uiri, iam dicit, eam uendere telam & cingula. Concessum igitur est pijs contrahere, id est, emere, uendere, locare, conducere. Lydia illa purpuraria, purpuram uendisse legitur A. Act. 16. capite, nec eam Paulus hoc nomine reprehendit. Si contractus non essent liciti, hæc matrona non laudaretur hoc nomine, quod emit & uendidit. Necessarij sunt contractus Rebuspub. Cauendum tamen est, ne in uendendo (cuius hic fit mentio) alios fraudemus, sed demus eis, quod eis debetur: deinde ne nimium peramus pro re aliqua. Sed quis certum modum seruare potest? Certa regula omnium pectoribus est insculpta, Quod tibi non uis fieri, alteri ne feceris. Facit hic locus etiam contra illos, qui communitatem bonorum inducere conantur. Habent adhæc artifices illi, hoc loco consolationem, qui ea consciunt, quæ ad ornatum corporis potius pertinent, quàm necessarium usum. De Paulo Act. 18. legitur, quod ex pellibus tentoria pro militibus pararit. Aliquando in conscientia uruntur artifices illi, ut aurifabri, sartores, netrices, machæropœi, sed audimus, hanc laudari hoc nomine, quod sindonem & cingula fecerit, &c. Vetus uersio habet, *Cingulum tradidit Chananeo*. Vox enim Hebræa æquiouoca est, nam est nomen proprium populi, & appellatiuum significans mercatorem seu inſitorē.

Contractus sunt liciti.

Consolatio artificum.

### 25 Fortitudo & decus indumentum eius.

Antè dixit, uestitum eius esse byssum & purpuram : usu preciosarū uestium, ut suprà diximus, non prorsus interdicitur fœminis, interim tamen uidere debent quid ætas & conditio earum ferat. Luxus quoq; & superbia cauenda est, & imprimis curandum, ut uirtutibus ornatæ sint. Ferè aut fit, ut quanto magis corpus, tantò minus animū ornatum habeat. Quemadmodum Bonifa. episcop. in Triburien. concilio dicebat, quādo sacerdotes habuimus aureos, ij uasis ligneis utebātur: nunc cū ligneos sacerdotes habemus, aureis uasis utuntur. Quibus aut rebus fœminæ debent ornari? Duæ hic ponuntur, fortitudo, & decor uel gloria Fortitudo, ut Cicero scribit 2. Tuscul. est scientia perferendarum rerum, uel affectio animi in patiendo & perferendo, summæ legi parens sine timore. Medium tenet inter timorem & audaciā. Mulieres natura sunt pauidæ & formidolosæ: deinde multi labores & molestiæ eis perferendæ sunt, requiritur igitur fortitudo, quæ magnum est mulierum ornamentum. Viri autem propria maximè est fortitudo, & ualde necessaria. Alterum quod hic ponitur est gloria, quæ ut Cicero dicit, est consentiens laus bonorum, incorrupta uox bene iudicantium de excellenti uirtute. His duabus rebus complectitur omnes uirtutes quibus præditæ esse debent mulieres, quæ partim in hoc encomio, partim alibi recitantur, & uarijs exemplis piarum matronarum proponuntur. Petrus in priore sua epistola cap. 3. Paulus 1. ad Timoth. 2. cap. etiam de spiritali & interiore cultu fœminarum loquuntur.

Vera ornamenta mulierum. Fortitudo.

Gloria.



Et ridebit in die nouissimo (aut in posterum.) Per risum gaudium intelligit. Sic Lucae 6. cap. Beati qui nunc fletis, nam ridebitis, hoc est, gaudebitis. Nihil facit, cuius eam postea poeniteat. Laborat manibus suis, & tempore senectutis cum gaudio partis fruitur, liberos religiosè instituit, honestas opes eis relinquit, studet pietati & uirtutibus: contemnit igitur sycophantarum morsus, ita enim se gessit, ut nemo maledictis illis fidem adhibeat. Plato cum quidam ei narraret, esse nonnullos qui eum maledictis insectarentur: At ego, inquit, sic uiuam, ut illis non habeatur fides. In nouissimo quoque die, tranquillo est animo. Quisque duos habet nouissimos dies. Vnum quo anima à corpore diuellitur: alterum, quo omnes comparebimus ad Christi tribunal. Delicatae uerò, auaræ, mœchæ, in senectute, quando contemni incipient, in magno erunt mœrore. Fatali quoque hora imminente, ualde consternabuntur, & mortis mentionem perhorrescent. Alij quoq; hæc ad se transferre debent, & suum facere officium, ut in nouissimo die, læti & alacres ad tribunal Christi comparere possint.

26 Os suum aperit prudenter, & lex misericordiæ seu benignitatis, uersatur in lingua eius.

Quid sit aperire os, supra 8. uersu habuimus. Sensus est, summa modestia, decenti corporis gestu atque prudentia loquitur. Nec simpliciter dicit, hortatur suos ad misericordiam, sed lex misericordiæ est in lingua eius, quod, ut mihi uidetur, perinde est ac si dicat, præscribit sibi quasi legem, ut nihil dicat, quo alijs non profit. Mulieres natura garrulæ sunt, ut illa apud Plautum in Afinaria dicit:

Mulieres  
garrulæ.

„ Nam meritò loquaces habemur omnes,  
„ Nec mutam profectò repertam ulla esse  
„ Hodie dicunt mulierem, ullo in seculo.

Huius generis plurima extant passim apud poetas: & profectò multæ sedulo student, ne poetæ uana scripserint de eis uideantur. Hæc itaque rarè loquitur, scit silentium magnum esse ornamentum, non omnia dicit quæ nouit, sed summa prudentia in loquendo utitur, liberos non imbuat prauis opinionibus & superstitionibus, uanisque fabellis. Maritum placidis uerbis ab asperitate abducit. Multæ maritos ethnicos suo sermone & morum commoditate ad ueram religionem flexisse leguntur. Hammani uxor in eo peccabat, quod maritum incitabat contra Mardocheum. Pilati uxor in hoc laudanda est, quod maritum à scelere auocare per somnium conabatur. Hæc matrona paci & quieti consulit, familiam cum ad alias uirtutes, tum ad misericordiam egentibus præstandam hortatur. Ab obtreptione sibi cauet. Si cum uiris loquendum sit, citò se expedit. Cantu quoque, non nisi pio & prudenti utitur. Stultæ uerò imprudenter & impudenter loquuntur, cum uiris ad multas horas fabulantur. Huc pertinet locus ille ad Ephesios quarto capite: Nullus sermo stultus turpis, putris, carie uitiatus (metaphora sumpta à lignis) ex ore uestro procedat: hoc est, qui non facit ad ædificationem, ut sunt ociosi sermones, obsceni & turpes, detractio, blasphemia, &c. Non autem satis est sermonem nostrum innoxium esse, sed debet utilis esse: ideo addit, si quis bonus est ad ædificationem, ut instauret bonos mores, & homines meliores reddat. Subijcit, quoties opus est, non sit intempestiuus, non plus loquamur, quam necessitas requirit. Ut det gratiam audientibus, hoc est, ut acceptus sit, & consolationem afferat. Causam assignat, Ne contristetis spiritum sanctum, per quem obsignati estis in diem redemptionis. Spiritus sanctus (qui certos nos reddit, quod simus filij Dei, ut magna spe expectemus eum diem, quo ab omni malo liberabimur) abusu sermonis offenditur.

27 Speculatur itinera domus suæ.

Hoc est, statum familiæ, studia, opera, sollicitè inspicit, consyderando quid desit domi suæ, quid superfluat, quid emendum, uendendum, sarcindum, famulabus & filijs officium præscribit, operi intentis adest, dum nent, dum texunt, dum coquunt. Nisi enim in magna familia hoc fiat, nihil efficitur. Absentibus heris serui omnia faciunt indulgentius, & peccant liberior. Hinc Æschylus in Tragœdia cui titulus Persæ, domini præsentia oculum domus uocat:

„ ὁμῶς γὰρ δόμων νομίζω δεσπότην παρσίου.

Quod quidam dixerunt, nihil magis uel equum saginare, uel aruum uberare, quàm domini oculum, ad rem domesticam quoq; transferri debet. Nihil enim est quod magis conducatur in re familiari, quàm diligentis mariti & uxoris oculus. Deinde consyderat quo ingenio, quibus moribus singuli sint præditi, quid dicant, quid faciant, cauet ne turpe quid committant, ne alijs obtrecent, &c. Videt etiam quo nam domestici eant, an nocte domi sint, item qui nam ad eos ingrediantur, & per quas uias, &c. Domus suæ dicit, Non curiosè inquit, quid



quid in aliorum ædibus fiat, sed quæ recta aut praua domi suæ gerantur, attendit, non alienis negocijs se immiscet, non hinc inde ociosa uagatur.

*Panem pigritiæ non comedit.*) Aliena est non tantum ab ocio, sed etiam à pigritia, perpetuò labori incumbens. 2. Thes. 3. cap. Lex ponitur à Paulo, ut qui non laborat, non manducet. Deus Adamo præceperat, ut in sudore uultus sui pane uesceretur. Varius autem est & multiplex labor. Labor in hac sanctæ feminæ descriptione subinde commendatur. Præcipuum enim est uxoris decus, ut laboret: magis ornant mulierem callosæ manus, quàm annulis rigentes. Aristoteles quoq; lib. 1. Rhetoricorum *φειδωρ* in muliere commendat, quam cum temperantia ac pudicitia coniungit: labore enim hæ uirtutes conseruantur.

### 28 Surgent filij eius, & felicem eam prædicabunt.

Illamulier, suos ad honorem Dei instituit, castigat eos, neq; uerbis neq; factis eos malos efficit: ideo cum adoleuerint, eius beneficia multa & magna prædicant, gratias ei agunt quod castigat eos, eamq; subleuant auxilio. Si hinc migrauerit, honorificam defunctæ mentionem faciunt, eius dicta & facta, non sine honoris præfatione, recitant.

*Et maritus eius laudabit eam.*) Hoc est, probat eius pietatem & industriam, eamq; magno amore prosequitur. Non alias mulieres laudat, aut concupiscit, suam uxorem ardentè diligit. Non decet prudentem maritum, uxorem suam immodicè laudare, alijs audientibus. Periculosum enim hoc est, & leuitatis indicium: uulgò dicunt, uxores uenales habere, qui eas ita laudant. Quidam etiam laudibus illecti, cogitant de adulterio. Collatinus Tarquinius intempestiua laudatione uxorem suam Lucretiam amisit. Candaules rex Lydiæ, ut scribit Herodotus, alteri uxorem nudam contemplandam cum adduxisset, ipsa illum quoq; contèplata est, & ita miser nò solum uxore suâ, sed regnum & uitâ deniq; amisit. Non de hac stulta laudatione loquitur scriptura, sed de eo quod maritus eâ amore prosequatur. Si migrandum sit ex hac uita, prospicit uxori & gratû se pro officijs sibi præstitis exhibet. Sin ipsa prius decedat, meritum eius non obliuiscitur, & honorificam eius mentionem facit. Alij quoque honorificè de ea sentiunt. Mulieres quoque non debent laudare alios maritos, sed suis contentæ esse.

Laudare uxorem.

### 29 Multæ filia parauerunt opes, tu uerò ascendisti super omnes eas.

Multæ sunt quæ maritis suis ingentem dotem afferunt, uel alioqui opes magnas colligunt, sed parum honestè. Deinde fiducia illarum opum nihil discunt, nihil agunt, sed eas luxu absumunt. Hæc igitur quæ honesto labore facultates collegit, neque se ocio corrumpendam dedit, meritò alijs præfertur. Potest etiam legi, *Multæ uirgines fecerunt fortitudinem*, hoc est, ea quæ sunt fortitudinis, sed quæ prædictas condiciones habet, omnes mulieres excelsit. Putant autem quidam, hæc esse uerba liberorum & mariti, quibus illi laudent matrem, hic uxorem.

### 30 Mendax est gratia, & uana pulchritudo.

Tacitæ obiectioni respondet, quare inter laudes sanctæ matronæ, gratiam & pulchritudinem, quæ duo homines maximi faciunt, non posuerit. Ratio in promptu est. Quia tam gratia, quàm pulchritudo, bona sint fallacia & fragilia. De utroque uidendum. *Gratia* in chen, gratia uel fauor, dorum est Dei, quando homines bene alicui uolunt, eiusq; amicitiam expetunt. Paratur beneuolentia, affabilitate, & alijs uirtutibus: quanquam non omnes grati sunt, qui uirtuti student, & omnibus inseruire parati sunt. Neque bonum hoc est perpetuum: homines enim sunt mendaces, iam aliquem euehant ad cælum, mox ad inferna deprimunt. Imprimis uerò infideles ad quamuis auram mutantur. Cauendum itaque est, ne nimium fauori hominum tribuamus. Si pijs probemur, satis nobis sit. Malo probari bono, dicit ille, quàm multis malis. Si retinere fauorem Dei & hominum, simul non possumus, hominibus uale dicamus. Non possumus, ut Dominus Matthæi sexto capite dicit, duobus dominis seruire. Paulus ad Galatas primo capite dicit, Si hominibus placerem, seruus Christi non essem. Homines suam iusticiam magnificiunt, gloriantur de sceleribus, sed ministri uerbi, reijcero nostram iusticiam & accusare scelera debent. Hinc accenduntur odia erga ministros. Non autem minister frangi debet, & suo officio deesse, ut fauorem hominum retineat, sed præcepta, promissiones, comminationes Dei, item piorum doctorum exempla, in conspectu habere. Idem magistratus & omnes alijs cogitare debent. Deus potest nobis, si utile sit, hominum gratiam conciliare.

Gratia.

Forma est apta quædam mēbrorum figura, cum coloris quadam suauitate. Bonū est exiguū & fragile. *חַבֵּל* chæuel, uanitas, id est, res quæ non est quidpiam aut quæ citò desinit. Si sit fucata, spongia abstergitur. Si sit naturalis, mox deflorescit, quando aliquis uel non bene curatur, uel luxuriosè uiuit. Morbis quoq; forma immutatur. Vna febricula, ex formosissimo

Forma.



deformissimum facere potest. Senium item formæ dignitatem aufert. Mors deniq; omnes æquat. Lucianus fingit Nireum & Therfitem, quorum illum formosissimum, hunc turpissimum ad Ilium uenisse Homerus scribit, iudice Menippo apud inferos contendere de formæ præstantia, caluaria autem non posse ab eo discerni. Quemadmodum arbores uerno tempore folijs ornantur, quæ hyeme amittunt: sic homines formosi accedente tristi senectute, deformes redduntur. Flauī capilli nigrescunt, imò canescunt, cutis contrahitur. Isaïa quadragesimo capite, Omnis caro fœnum, & omnis gloria eius quasi flos agri. De hac re multa ex poetis afferri possent: nos pauca duntaxat adijciemus, ad illustrandam hanc sententiam. Ouidius dicit:

„ Forma bonum fragile est, quantumq; accedit ad annos,

„ Fit minor, & spacio capitur illa suo.

„ Nec semper uiolæ, nec semper lilia florent,

„ Et riger amissa spina relicta rosa.

„ Et tibi iam uenient cani formose capilli,

„ Iam uenient rugæ, quæ tibi corpus arent.

Seneca in Hyppolito:

„ Anceps forma bonum mortalibus,

„ Exigui donum breue temporis,

„ Et uelox celeri pede laberis, &c. Et mox:

„ Ut fulgor, teneris qui radiat genis,

„ Momento rapitur, nullaq; non dies

„ Formosi spoliū corporis abstulit.

„ Res est forma fugax, quis sapiens bono

„ Confidat fragili, &c.

*Forma causa multorum malorum.* Nec tantum fragile bonum est, sed etiam causa multorum malorum, præsertim si in malos incidat, qui propter formam insolescunt, & ad libidinem accenduntur. Multi propter formam a mulieribus appetuntur, & in adulterio deprehensi iugulantur. Multæ uirgines propter formæ præstantiam sollicitantur ad stuprum. De hac re Iuuenalis Satyra decima, pulchrè scribit. Iosephus pius adolescens, propter pulchritudinis gratiam, in magnum periculum incidit. Absalom efferebatur superbia, propter speciem insignem, tandem miserè periit. Ipsi quoque mariti, qui tantummodo spectant formam, si illa pereat, uxores suas non amplius diligunt, sed animum suum aliò conferunt. Sæpe quoque fit, ut sub pulchra forma monstra scelerum lateant. D. Chrysostomus tales dealbatis sepulchris cõparat. Alius quidam, corpus speciosum fœminæ, sterquilinio quod candido uelo operitur. Ne igitur nimium formæ confidas, ne ob eam glorieris, neq; amissam indigne feras: cogita multa accidere posse, quæ pulchras corporis partes corrumpere possunt. Da potius operam,

ut non tam forinsecus, quàm intrinsecus pulcher sis. Vera pulchritudo, in animo sita est. Propertius: Ampla satis forma pudicitia. Euripides: Animus spectandus est, nihil pulchritudo uiuat, cum quis mentem non bonam habet. Idcirco Stoici sapientem solum uocabant pulchrum. Ornamenta interiora sunt uirtutes & disciplinæ. Ouidius quoq; postquam ostendit formam fragilem esse, subiungit:

„ Iam molire animum qui duret, & astrue formam

„ Solus ad extremos permanet ille rogos.

„ Nec leuis ingenuas pectus coluisse per artes

„ Cura sit, &c.

Philosophi quoq; hortati sunt suos sectatores, ut si pulchri essent, nihil sua pulchritudine indignum facerent. Vide suprà cap. ii.

Mulier uerò quæ timet Dominum, illa laude est digna. Per timorem Dei, cultum Deo placentem, pietatem & quod Græci dicunt θεοσεβειαν, intelligit, ut quis peccata sua cognoscat, & fiduciam in Dei misericordiam per Christum collocaet. Et hoc maximum est matris familiars ornamentum.

### 13. Date ei de fructu manuum eius.

Conuertit sermonem ad eius maritum & liberos: maritus uxorem senio & laboribus confectam, non debet contemnere, sed ei necessaria suppeditare. Equum est ut fructum manuum, id est, laborum percipiat, quæ laborauit. Grauius illi obiurgantur, qui aniculis quæ ex Babylonica captiuitate redierant, expulsis, alias, ducebant. Liberi quoque matribus suis gratiam referre debent. Matres enim sæpenumero genium suum fraudant, ut filios alere possint.



repossint. Grauissemè peccant qui nihil luxui detrahunt, ut parentes senio confectos alant. Omnes quoq; alij homines, pijs matronis fauere debent.

Et laudent (uel laudabunt) eam in portis opera eius.) Hoc est publicè, uel coram senioribus & sapientibus (qui in portis ad consulendum & iudicandum sedebant, ut omnibus ad ipsos pateret accessus) ut aliæ etiam ad uirtutes accendantur. Si quid coram iudicibus agendum, laudem suæ probitatis feret: non eodem loco turpis habebitur: magistratus eam defender.

Et hæc annotare uolui de laude lectissimæ huius fœminæ. Exempla talium mulierum extant quædam in scripturis, Saræ, Rebeckæ, Rachelis, &c.

Hæc uerò omnia maritis quoque ex parte adaptari possunt. Nam & illi suis uirtutibus ornati esse debent. Quæcunq; maritum uirtutibus præstantem nacta fuerit, donum habet auro & gemmis preciosius. Ei tutò credit cor uxoris eius, res quoque non decrescunt. Rependit uxori bonum & non malum, toto uitæ tempore. Quærit in tempore res necessarias, & manibus suis libenter operatur. Similis est naui mercatoriæ, quæ non tantum auehit, sed etiam conuehit. Surgit de nocte, ut seruis præscribat. Cogitat de fundo eumq; comparat, & pecunia labore suo collecta, uineam plantat. Se ad laborem accingit. Intelligens quàm utilis sit labor eius, magis ad laborandum incenditur. Et ita deinceps. Sunt enim mariti, qui sedulitatem in omnibus laboribus œconomicis, ab uxoribus tantum putant requiri, ipsi interim ignauia se corrumpendos tradunt, cum ipsis non minus quàm uxoribus, suum officium sacræ literæ præscribant.

Encomium  
boni mari-  
ti.







# INDEX RERVM ET

## VERBORVM.



### NEGATIO

Dei 164.b

Abominatio corā

Deo quid 18.

95. b. iii

Abseondere uerbum Dei 9. b

Abseondita salus nostra apud

Deum 10. b

Acerum officit dentibus 52

Accingere se 174

Adulatores cauendi 61.

113. b. 219. 148. b. 156. 158

Adulterā descriptio 12

Adulterā uia occulta 167

Adulterā ignouit Christus 31. b

Adulterum deprehensum cum

uxore, an fas sit iugulare 31. b

Adulteri arcendi a Repub. 105

Adulteri sunt fures 30. b

Adulteri raro pœnitentiam a-

gunt 13

Adulterium cauendum 29. b

Adulteriū mulieris grauius est

uiri 31

Adulterium perdit animam &

corpus 21. b. 35

Adulterium spirituale 43

Adulteri pœna 13. 31

Adulteri tristis exitus 50. b

Adulteri & scortationis reme-

dium 36

Adulteri grauitas collatiōe fur-

ti ostenditur 30

Adulteria cur hodie impunita

31. b

Ædificia sumptuosa 97

Ænigma 2. b

Aer 163

Ætas unaquæq; sua habet do-

na 117. b

Affectus frenandi 78. b

Affectibus dominari 90. b

Afflicti iuuandi 72. b

Agnoscere animam pecoris 60

Agricultura 60. b. 155. b

Agur 162

Aliena mulier 126. b

Alligare cordi uel gutturi præ-

cepta, quid 29. 32. b

Amaro animo esse 171. b

Ambitio 148

Ambitiosi sunt contentiosi 156. b

Amicus uerus 72. b. 96

Amici non reiiciendi 103

Amici ueteres non deserendi

149. b

Amicorum inconstantia 96. 104

Amor coniugalis 23. b. 173

Amor coniugalis sit constans

23. b

Amor sui 13

Amor est cæcus 23. b

Amoris gradus 35

Amoris turpis exitus 21. b

Amoris Dei erga nos uerā no-

tā 58. b

Anabaptistæ neminem uolunt

audire 96. b

Ancilla hæres dominæ 168

angelus 58

Angelus mortis 87

Anima benedictionis 57

Anima preciosa 30

Anima pro homine 46

Anima tribuitur Deo 27. b

Animæ alimentum 50

Animæ fames 46. b

Animam custodire 64

Animam diligere 104. b

Animam implere 30. b

Animam leuare 107

Animam suam odio habere,

161. b

Animam querere 158. b

Animas capere 58

Antichristus quid 43

Antichristus an uenerit ibid.

Antichristus est homo Belial

28. b

Antichristus adulatur homini-

bus 43. b

Antichristus loquax ibid.

Antichristus suis confert mune-

ra 121

Antichristus scortationis patro-

nus 31. b

Antichristus opibus fudit 44

Antichristus perit 44

Antichristum superbia peperit

65. b

Antonini Bassiani odium in Ge-

ram 102

Antonini pij, pia uox 158. b

apostasia 71

Apostasia bona & mala 18

Aqua an calici admiscenda 42

Aqua sitiēti grata 149

Aquæ utilitas 48

Aquæ cœlestes & terrestres 163

Aquarum periculum 7

Aquarum usus 144

Aquila uolatus incertus 167

Aquilæ quædam cadauerib; de-

lectantur 166. b

Aquilo 143. b

Aranea 169

Arbitrio nostrarum uirium non

possumus quicquam 21

Arbor uitæ 16. b. 65. b. 78

Arbores frugiferæ legibus de-

senduntur 58

Arboribus pij comparatur 57. b.

58

Arcana reticenda 54. b. 112

Arcana aliquando non reticen-

da 55

Areopagitæ puerum damnant

qui auicularū oculos effode-

rat 112

Ariani 32. b

Ariani noui 40. b

Arnulphus episcopus 43. b

Artes malæ 60. b

Astinina simplicitas 87. b

Aspidis morsus 134. 153. b

Afsiduitas 25. b

astrologi 60. b

Astrologi 144

Astutia bona 38

Astuti iniurias ad tempus dissi-

mulant 61. b

Athanasij pueritia 112

Auaritia inexplebilis 151. 166

Auaritia malorum radix 119

Auaritia perdit familias 81

Auaritia perdit possessores 5

Auaritia turpis in principe 155

Auari contentiosi 156. b

Auari qui annonam abstrudunt

malè audiunt 57. b

Aulæ principum repurgandæ

140. b

Audiendum est uerbum Dei 9. b.

20. b. 127. 132

### B

Babylonicum scortum 43

Bacchi cognomina 110

Bacchi simulachrum quale 133. b

Bellisarius 147. b

Belial quid 27

Bellum consilium requirit 113.

122. b. 123. b

Benedicendi uox multa signifi-

cat 54. 138. b. 155. b

Benefacere alijs uolentes non

sunt impediendi 17. b

Benefaciendum proximis ma-

turè 17. b. 57. b

Basilisci uenenum 134

Beneficentia 13. b. 55. 57. 107

Beneficentia commendat homi-

nes 57

### H h



# INDEX.

Beneficentia regna cōseruat	75.b	Clementia principis	87.b.117.b	fiones litium petunt	99
Bias	87.b	Clericorum uita turpissima	11.b	Contractus liciti	57.b.176
Bibere iniquitatem	145	Clypeus	163.b	Conturbare domum suam	58
Blanditiæ muliebres	12.b.21.b.29.b	Cæcitas humana	162.b	Conuiuiales sermones	130.b
Bona externa bonos ornāt, non malos	56.b	Cæci cur nobis proponant	112.b	Conuiuiorum luxus	133.b
Bonus oculus	125.b	Cælibatus	23.129	Cor quid	118
Boreas	143.b	Cælum	163	Cor custodiendum	20.b
Bruti desperatio	85.b	Cogitationes	21.b.38.b.135.b	Cor dilatare	97
Burchardus monachus	148	Cogitationes impiorum	80.b	Cor indurare	155
<b>C</b>		Cogitationes malæ sunt peccatum	28.59.b.89.b	Cor ponere ad aliquid	151
Cædes uariæ	28	Cohabitandi uerbum	38	ad Cor ponere	127.139.b
Calcere mel, pro contemne-		Columnæ in ecclesia & Repub.	41.b	Cor præbere alicui	133
re	149	Comitas	76.142	Cordis latitudo	118
Calliditas bona & mala	2.b.38.72	Comitas regum	87.b	Cordis mundities	126
Calumniatores	166	Commercium stultorū fugien-	69.b	Corona quid in scriptura	59.
Candor	48.b	dum	23	Corporales promissiones no-	
Canicies decora	89.b.117.b	Communio bonorum	23	bis quoq; factæ	43
Canis leporarius	169	Compressis federe manib.	260.b	Corporis immoderata castiga-	55.b
Canibus rabidis morfi	52.b	Concupiscentia uetatur	89.b	tio	68
Capere animas	58	Concordia bona & mala	28	Correctio liberorū. uide Casti-	
Caput pro toto homine	49	Concordia res præclara	91.b.168.b	gatio	68
Carbones igniti	143	Confessio auricularis	63.	Correctio molesta hominibus	156
Caro significat proximum	55.b	152.154.b		Correctio utilis	29.41
Castigandi quomodo sint alij	58.b	Confessio peccatorum priuata	254.b	in Correctione quæ cauēda	58.b
Castigatio	49.b.56.94	quæ Deo & quæ hominibus	23	Corui uallis	166
Castigatio Domini	15.b.59	fit	23	Crapula uitanda	132
Castigatio liberorum	45.77.107.126.b.131.b.159.b	Coniugalit amor	23.b	Creatio mundi	40.b
Castigatio sali confertur	141.b	Coniugium remedium scorta-	23	Creditores non sint duri	125.b
Castigationis sprete pœna	66.b	tationis	23	Credulitas stulta	71
Cathedra	43.b	Coniunctio cum bonis & malis	67	Crudelitas hostiū euangelij	59
Cautio adhibenda	124.b	Conscientia	75	Cuniculi	168
Ceruicem indurare	157	Consilium	55.104.b.	Cupiditas piorum	57
Ceruorum natura	23.b	Consilium superat uires	80	Cura parandi uictum duplex	25.b.46
Charitas omnia credit	71.b	Consilio amicorū nihil dulcius	149	Curæ mortē accelerant	63.78.b
Charitas operit peccata	48.b	Consiliorum maximus usus in	55.113.123.b	Curiositas uetatur	21.91.144
Charitate Dei, peccata nostra ex-	ibid.	bello	19.b.21.41.132.145.b	Custodire mandata	106.b
plantur	ibid.	Constantia & perseuerantia in	52.169	Custodire semitas iudicij	11
Christus est uerus Deus	39	bono	140.b	Custodire uerbum	160.b
Christus sæpe esuriit	46	Constantia iustorum	157	Custodire uerbum Dei	9.b
Christus publice docuit	36.b	Constantius aulam suam repur-	140.b	Cyrus pastor dicitur	61.b
Christus quia pauper est negli-	104.b	gat		<b>D</b>	
gitur	104.b	Constantinus clemens princeps	157	Damnatio cur sit æterna	53.b
Christus uia	13.b.44	Consuetudo malorum	67	Damon & Pythias amici	103
Christus uerbum dicitur	39	Consulit nobis sapientia	8	Dauid adulter nō lapidatus	31.b
Christi nomina	163	Contemnendus non est proxi-	54.b.72.b	Dauidis liberi	19
Christi duplex natura	39	mus	60.73	Δαυιδολόγος mulier	59.b
Cibus familiæ dandus	173.b	Contemnendi impij	7.66.109.b	Defectio duplex	18.69
Cibum animæ negare homini-	57.	Contemptus uerbi Dei pœna	8.b	Defensio concessa	114.b
bus, est maximum peccatū	b.120	Contemptum Dei punitū exem-	8.b	Delationis remedium	143.b
Ciuilitas morum	129.b	plis ostenditur	18	Delatores	54.b.100
Clamare	5.b	Contendendū nō est temerē	96.b	Derisores quid efficiat	110
Claritas uerbi Dei	37	Contētio mater peccatorū	100	Derisores puniuntur. uide Illu-	43
Clementia præpostera	95.b.96	Contētionem mouet stultus	100	Desideria iustorum	57
		Contentiosi undecunque occa-		Detractores	54.b
				Deus corda probat	92.136.b
				Deus	



# I N D E X.

Deus corda regum gubernat fol.	118	Diuinitas Christi	34.40.b	Ecclesia domus sapientiae	41.b
Deus confert pijs quæ petunt fol.	51.b	Diuites Deus facit	124.b	Ecclesia mater	4
Deus conseruat doctrinam	126	Diuites facit sapientia	38.b	Ecclesiae caput	129
Deus cur nos diligit	59	Diuites multos amicos habent fol.	72.b.104	Ecclesiasticus non est Solomoni	1
Deus dat sapientiam	162.b	Diuites non unius generis	101	Educatio filiorum	45
Deus ex animalculis cognoscitur	163	Diuites qui repente fieri uolunt, incidunt in multa pericula	155.b	Educationis bonæ effecta	125
Deus fortis est	131	Diuites sunt pii	16.b	Electio	43.b
Deus hostes suis conciliat	85	Diuitum confidentia	49	Electitios cultus stulticia peperit	61
Deus longanimis	72	Diuitum prerogatiua	103.b	de Eleemosyna	14.b.107.174.b
Deus non est author peccati fol.	83.b	Diuitiae absq; molestia	50.b	Eleemosyna duplex	57
Deus odit peccata	27.b	Diuitiae mortis non eripiunt	53.b	Eleemosyna ex nostris opibus danda	125.b
Deus omnes actiones nostras gubernat	113	Diuitiae spirituales	46.b	Eleemosyna spiritualis	17.b
Deus omnia uidet	4.b.24.53.76.b.78.81.112.b.117.	Diuitiae uerae	85.b	Eleemosynam Iudaei iusticiam uocant	46
Deus omnia implet	81	Diuitiae unde	50	Eleemosynis largiendis diuitiae augentur	57
Deus portus est piorum	74	Diuitiarum collectio	45.b	Eleemosynis non meremur uitam aeternam	107
Deus est clypeus	10.b	Diuitiarum usus	49.b.73.b	Eleemosynis non expiantur peccata	65.85
Deus defendit suos	10.b.54.163.b.137	Diuitijs impij abutuntur	49.b	Eleemosynis placatur Deus	121
Deus pijs dat necessaria	46	Doctores falsi	11.b	Elohim iudices cur dicti	86.b
Deus iter nostrum regit	85	Doctores falsi grauiter peccant fol.	121	Eloquentia	88.113
Deus quando recedat ab aliquo fol.	81.b	Doctorum falsorum periculum fol.	11.b	Emenda est sapientia	19
Deus reddet unicuique secundum opera	136.b	Doctrina traditionum humanarum carni adlubescit	43.b	ἐπιχρηστική	137
Deus subtrahit gratiam hominibus	126.b	Dolus famem parit	106.b	Errores late spargi non mirum fol.	39.b
Deus rebus externis non placatur	114.b	Doli non bene cedunt	63.b	ἐβελοθησική	11.b
Dei amor erga homines	40.b	Dominorum officium erga seruos	76	Exactiones immodicae	155
Dei decreta sunt firma	108.123.b	Domus apud Hebr. late patet fol.	41.b.60	Exaltare quid	54.b.75.b
Dei nomen	163	Domus Antichristi	43.b	Exaltare os	96.b
Dei opera	10.b	Domus impiorum peribit	18	Exaltare stulticiam	74
Dei timor duplex	4	Domum aedificare	135	Exaltari pro tutum esse	161.b
Deum suum uocat sapiens	165	Domum propriam habere magnum est	77.b	Exaltatio oculorum	118.b
ad Dextram & sinistram non declinandum	21	Domum suam conturbare	58	Excicare quomodo Deus dicatur	83.b
Diabolus cogitationes an norit fol.	92	Domorum finis	97	Execrationes & dirae	144.b
Diaboli ardens studium	151	Dona uaria distribuit Deus fol.	117.b	Exemplum principis subditos mouet	159
Diazus a fratre caesus	102	Dona uel charismata gratos reddunt	102	Extranea mulier quae	21.b
Dicere pro cogitare	114	Dormire pro securum esse	25	ὁδογία	124.b
Digitis loqui	27.b			ὁ τράπεζαι	109
Dilatare labia	113.b			ἐὺ ζῶντος	174
Dilatatio cordis	118.b				
Dilectio occulta & manifesta fol.	148				
Dilectio tegit peccata	48.b				
Dilectionis Dei causae	58.b				
Diligendi proximi modus	72.b				
Diligere mortem	41.b				
Discendum ab animalibus	26				
Discinctus	174				
Disciplina recepta & neglecta fol.	78				

## E

Eberhardus episcopus Salisburgen.	43.b
Ebrietas cauenda principi	170.b
Ebrietas quae mala afferat	110.133.b
Ebrietatis remedium	134
Ebrii uisiones uident	ibid.
Ebrios fallit uisus	ibidem
Ebrius spinam non potest tractare	145
Ebrii in paupertatem incidunt fol.	132.b

## F

Facies quid significet	150.b
Faciem roborare	123.b
Fama afferenda	124.b
Fames animae	46. b. 68.b. 149
Fames optimum condimentum fol.	149
Fame affliguntur aliquando pii fol.	46
Fame mori miserum	30.b
a Fatuis cauendum	69.b
Felicitas impiorum	51.b.132.160



# INDEX.

Festum corporis Christi	42
Ficuum usus	150.b
Fidendum nemini	71
Fides	14
Fides noua & uetus	129
Fides rara	110
Fideiussio an licita	24
Fideiussionis periculum	24.b.
55.113	
Fiducia in Deum	14
Filialis timor	3
Filius Dei omnib. creaturis an-	
triquior	39
Filius stultus mœror patris	106
Filios subinde nos appellat Sa-	
lemon	40.b
Filiorum exempla qui spem pa-	
rentum sefellerunt	45
Flagelliferi	11.b
per Fluuium uxor intelligitur	23
Fodere	89
Fœnus	153.b
Fontium utilitas	48
Formicarum sedulitas	25.168
Formicæ quid nos doceant	26
Forma commendat bonam mu-	
liorem	56.b
Forma & pulchritudo	177
Forma impiorum peribit	47
Fortitudo quid	176
Fortitudo uera	135.b
Fortuna nihil est	82
Fortuna non regit orbem	91.b
Frater est qui rebus adhiectis no-	
bis manum præbet	96
Fratres qui	89.b
Fratrum iræ	102
Fraus quæ mensuris & ponderi-	
bus fit	53
Fructum uix suæ comedere	8.b
Frugalitas	152
Fruges an reponere liceat	57.b
Frustum panis pro re parua	156
Fumus amarus	52
Furiæ quid	68
Furari parentibus aliquid, nō ca-	
ret peccato	156.b
Furtum prohibitum	30.111.b.165
Furtum leuius delatione	100
Furti non uera causa paupertas	
165	
Furti pœna	30.b
Furti quomodo quis particeps	
fiat	161.b

## G

<b>G</b> audendum an sit de im-	
piorum interitu	54
Gaudium de alienis malis	137
Gaudium triplex	70.b
Gaudij piorum causæ	73.b

Gesnerus citatur	16.b.142.b.
168.b	
Gloria quid	22.176
Gloria impiorum perit	47
Gloria præditi sunt pii	16.b
Gloria regis in quib. posita	74
Gloria uera	47
Gloriari de crastino	147.b
Gloriari de scelere	21.b
Græci papæ contradixerunt	129
Gratia	4.14.177
Gratia bona	124.b
Gratia labiorum	126
Gratia referenda benemeritis	95
Gratiam inuenire in oculis ali-	
cuius	120

## H

<b>H</b> æreditare uentum	58.b
Hæreditatē ante tempus pe-	
tere	114.b
Hieronymus Sauanorola	43.b
Hiltebrandus insidiatur Henri-	
co	147
Hircus	169
Hirudo	166
Hispani euangelium complexi	
85	
Homicidæ profugi	155
Homicidium	28
Homicidium fit lingua	62
Homo proponit, Deus disponit	
82	
Homo quomodo cognoscatur	
151	
Homines non possunt bene co-	
gnosci	92
Honorare quid	150.b
Honore qui afficiendi	60
Hostes conciliantur pijs	85
Humana cæcitas	162.b
Humiles Deus euehit	81.b
Humilibus se patefacit	53
Humilitas	9.b.18.b.88
Humilitas fundamentum puræ	
doctrinæ	65.b
Hussius	43
Hypocritæ	165.b

## I

<b>I</b> actantia	98.b.148
Iactabundi non sunt sapientes	
49	
Idola in templis	129
Idola libri laicorum	26
Idololatria scortationi compa-	
ratur	133
Iecur sedes libidinis	34.b
Ieiunia	129
Iesuitæ	ibid.

Ignauia	16.b
Ignauī pœnas dabunt	60.b
Ignis prunarum	143
Ignorantia humana	162.b
de Illusoribus locus	109
Illusores	6.18.69
Impietate bona nec comparari	
nec retineri possunt	59
Impium quare & quomodo De-	
us faciat	83
Impij an exaudiantur	7.b
Impij celant suam nequitiam	48
Impij sunt crudeles	66
Impij diu uiuunt	42.b
Impij dolosi sunt	59.b
Impij gaudent peccatis	12
Impij omnia contemnunt	99.b
Impij pauidi sunt	152
Impij non ferunt opem pijs	162
Impij pios lædere non possunt,	
nisi quando Deus uult	62.b
Impij pijs aliquādo fiunt suppli-	
ces	72
Impij peribunt	53.b
Impij etsi uires iungant, pœnas	
non effugiunt	56.b
Impij non diu uiuunt	14
Impij quoq; affliguntur	55.b
Impij tegunt insidias	47
Impij uoluntatē Dei faciunt ali-	
quo modo, quādo cōtra Dei	
uoluntatem faciunt	108
Impiorum cogitationes & ser-	
mones	59.b
Impiorum consuetudo	19
Impiorum descriptio	ibid.
Impiorū felicitas	18.132.135.137.b
Impiorū felicitas ostendit aliam	
uitam restare	59.b
Impiorum interitus repentinus	
71.160	
Impiorum securitas	5
Impiorum studium in persecutē-	
dis pijs	60.b
Impios euertit Deus	70.b
Impios perdunt res secundæ	8.b
de Impijs multa sunt in scriptu-	
ris	120
Impijs peccare lusus est	59.b
In impijs qui spem ponunt peri-	
bunt	142.b
Implere animam	30
Impinguari	156.b
Increpatio	148
Increpatio uir	157
Incuruare se ad portam alicuius	
72	
Indolis bonæ & malæ exempla	
112	
Indulgentia erga liberos	107
Indurare ceruicem	157

Inferi



# INDEX.

## L

Inferi ubi sint 78.b.80  
 Inferni tormenta 121  
 in Inferno nulla est redemptio  
 fol. 53.b  
 Ingratitudo 95  
 Ingredi ad uxorem 30  
 Inimicis benefaciendum 143  
 Innocentes defendendi 136  
 Integer quis 47.b  
 Intentio bona 88.b  
 Interitus subitus impiorum 51.  
 17.52. 160  
 Interitus subitus hominis Be-  
 lial 27.b  
 Inuidia 74.b  
 Inuidia morte cessat 42  
 Inuidia peior iracundia 148.b  
 Inuidia malum 130.b  
 Ioachimus abbas 43.b  
 Ioan.8.papa mulier ibid.  
 Ira 71.b  
 Ira regis 110.87.106  
 Ira stulti intolerabilis 148.b  
 Ire duo genera 79.b.105.b  
 Ire remedium 61.b.142  
 Iracundia impedit animum 52.b  
 Iracundia inuidia melior 148.b  
 Iracundi cauendi 128  
 Iracundi multa mala patrant 161  
 Irascuntur quidam subito 61.b  
 Irati puniuntur 107.b  
 Irrisores cur à Christo correpti  
 fol. 43  
 Irrisores puniuntur ibid.  
 Iudæ impudentia 123.b  
 Iudex iustus & iniustus 158  
 Iudicum officium 172  
 Iudicare rectè non possunt, qui  
 affectibus laborant 69.b  
 de Iudicijs 172  
 Iudicium quid 172.108.b  
 Iudicium multa significat 153  
 Iudicium est Dei 108.b  
 Iuramenta illicita non præstan-  
 da 115.b  
 Ius ciuile quædam permittit tan-  
 tum 35.b  
 Iustificare quid 95.b  
 Iusticia 2.11.46.122.b  
 Iusticia duplex 108  
 Iusticia liberat à morte ibid.  
 Iusticia regna conseruatur 86.b.  
 75.b.159.b  
 Iusticiæ præmia 56  
 Iustus 11.42.b.46.  
 47.81  
 Iustus septies cadit 137  
 Iusti in magnis periculis p'sistunt  
 fol. 59  
 K  
 Keiserspergius 131.b

Abium excellentiæ 93.b  
 Labijs stultus 48  
 Laborare uiri debent 55.b  
 Labor præcipitur 89.130  
 Labor utilis & inutilis 56.60.b  
 Laborare docet formica 25.b  
 Labore necessaria parantur 73  
 Lac caprinum 152  
 Leticia impiorum 12  
 Laici tractare possunt sacras li-  
 teras 37.b  
 Lampſacus Priapo sacra cur  
 fol. 134  
 Lapsos posse resurgere 13  
 Latifundia 68  
 Latitudo cordis 118  
 Latrocinia non celari 4.b  
 Latronum societas cauenda ib.  
 Latus animo 156.b  
 Latum facere alicui 101.b  
 Laudandi qui 60  
 Laudantis ore homo cognosci-  
 tur 151  
 Laudarunt seipsos sancti 148  
 Laurentius Valla 43  
 Laudare uxorem 177  
 Laus propria 148  
 Laudes immodicæ & intempe-  
 stiæ 150  
 Legati boni & mali 66.b.  
 142.b  
 Legenda aurea 72  
 Lemuel 169.b  
 Lenones 23  
 Leo fortis 169  
 Leo uaria habet nomina 146  
 Leonum rugitus 106  
 Leuare animam quid 107  
 Lex interiores motus postulat  
 fol. 111.b  
 Lex muneralis Tigurinatorum 121  
 Lex ne deligantur pauperes in  
 senatum 103  
 Legis diuinæ fructus 29  
 Leges humanæ quædam conce-  
 dunt non rectè 31.b  
 Leges non mutandę 124.b  
 Legum utilitas 66  
 Liberalitas 107  
 Liberalitas conseruatric regno-  
 rum 75.b  
 Liberalitatis præmia 15.156.b  
 Liberales à multis coluntur  
 fol. 104.b  
 Liberales ditiores fiunt parcis  
 fol. 57  
 Liberi an propter parentes pu-  
 niantur 95  
 Liberi fructus coniugij 23

Liberi parentibus obediant 29  
 Liberi piorum felices 59  
 Liberi rectè instituendi 19  
 Liberi sunt caro nostra 55.b  
 Liberithesaurus parentum 45  
 Liberos castigatio 45  
 Liberos institutio 170  
 Liberos officium erga paren-  
 tes 3.19.45.93.107.b  
 Liberos in monasteria detrude-  
 re 55.b  
 Liberum arbitrium 82.b  
 Liberum arbitrium nullum est  
 fol. 38  
 Lignum uitæ 16.b.58  
 Lingua 20.b  
 Lingua absconfionis 143.b  
 Lingua bona & mala 98.b  
 Lingua frenanda ibid.  
 Lingua infrenis punitur 47.b  
 Lingua peruersa quæ 77  
 Lingua proximus occiditur 62  
 Lingua sana 77  
 Lingua bonæ usus 48.52.b.  
 61.64.97  
 Lingua malæ incommoda 47.b  
 Lingua uitia 50  
 Linguarum studium 39.b  
 Linificium 173  
 Liptote 98.b  
 Lites ex superbia nascuntur 65.b  
 Lites miscere, phrasis 161  
 Locustæ 168.b  
 Longa uita 16.b  
 Longæuos facit timor Domini  
 fol. 52  
 Lucerna quid 137.b  
 Lucerna est uerbum Dei 29.b  
 Lucerna impiorum 119  
 Luciani mors 109.b  
 Lumbi 174  
 Lupanaria an habenda 35  
 Lux quid 11.113.b  
 Lux res lætas significat 65

## M

Magistratus est à Deo 38.b  
 Magistratus honorandus  
 104.b.138  
 Magistratus officium 38.48.b  
 Magistratus quo animo fontes  
 punire debeant 48.b  
 Magistratui impia præcipienti  
 non obediendum 110  
 Mala improuisa 17  
 Malus plagis nō emendatur 56  
 Mali non imitandi 18  
 Malorum pœnæ 67  
 Mammon iniquitatis 45.b  
 Mandata custodire 106.b  
 Mane querere aliquem 7.b.38.b.  
 57.b



# INDEX.

Mane castigandi liberi	6s	Mulier contentiosa	106	Odium quidam celant	49.b
Mausuetudo	56	Mulier exosa	168	Odium rixas parit	48.b
Manus ad manum	ibid.	Mulier gratiæ	55	Onus uel prophetia	162.b
Manus pro cōsilio, plaga, &c.	56	Mulier mala pro adultera	29.b	Opera bona papistis quæ	11.b
Manum ad os ponere	169.b	Mulier rixosa	150	Opera nostra nō iustificāt	48.b
Manum extendere quid	6.b	Mulier sapiens quæ	98.b	Opera præparatoria ad salutem	
Manum sub pallio habere	108	Mulier sedula	59		59
Maris termini	40	Mulieres domi se cōtineant	32.b	Opera supererogationis	87.b
Margaritæ	16.b	Mulierum uirtutes præcipuæ	59	Operibus salutem tribuere ine-	
Marsilius Patavinus	43.b	Multiloquium	50.76.b	ptum	59.b
Mater ecclesia	4	Multitudo populi, benedictio		Opes fluxæ	49.130
Mater non contemnenda	3.b	Dei	74	Opes iniustæ infelices	63.b.65.b.
Matres labores suscipiunt libe-		Mundi qui	80.b		77.110.b.119
rorum causa	80	Mundus conditus per sapientiã		Opes mediocres	79
Matrū officiū erga liberos	170		17	Opes iustæ	67.b.45.b.85.b
Matrimonia sunt fatalia	106.b	Munera dantes & accipiētes per-		Opes obnoxia multis periculis	
Matrimonij ærumnæ	23.b	dunt rempub.	157.b		10
Maxentius fruit insidias Con-		Munera non danda, ut bonam		Opes quanto studio colligātur	
stantino	147	causam uincamus	98		10
Mediator Christus	40.b	Munerum uis	81.93.b.98.121	Opes quomodo colligēde	63.119
Medicina	97.b	Munitiones oppidorum	49	Opes raptæ	108.b
Mendacium Deo inuisum	28	Musica in funeribus	142.b	Opes fraudibus non parari	53
Mendacium turpe principi	93.b	Mutus	171.b	Opibus confidere	101
Mendacia nulla in sacris literis				Oppidorum præsidia	48.b
163.b				Opportunitas non negligenda	
Mendaces puniuntur	105				26.39
Mensa	130.b	N		Optanda quæ	165
in Mensa quid faciendum	129.b	Nitrum	142.b	Orandum pro sapientia	9.b
Mensura iusta sit	53	Noctu non per plateas erran-		Orantes ex fide, Deus exaudit	8
Merces bonis operib. parata	61	dum	33	Orantes pro impijs non exau-	
Merces operarij	60	Nomen bonum	124	diuntur	153.b
Mercurio lapides sacri	145	Nomen Dei	100b.163	Oratio impiorum non exaudi-	
Meretrices blandiuntur	12.b	Nouale quid	68.119	tur	ibid.
Meretricū domus cauendæ	33.b	Nouilunia consecrata Domino		Oratio tempestiua magnum de-	
Metere quid	125.b	34		cus	141.b
Midæ uotum	165	Nouitas religionis	128.b	Orationē piorum exaudit Deus	
Miscere uinum	42	Nox idonea sceleribus	33		78.81.b
Misericordia	108.117.122.b	Nuptiæ clandestinæ	23	Ordine agendum	139
Misericordia & ueritas	117	Nutrices	133	Origenis error de impijs saluan-	
Misericordiæ opera	108			dis	53.b
Missæ	77.b.129	O		Ornamenta uera	177.b
Missæ pro defunctis utiles sacri-		Obtrectatio	100.124	Orphanus	31
ficulis	53.b	Occam	43.b	Oscula	34.138.b
Missæ sacrificium	123.b	Occasio obseruanda	26.47	Os aperire	171.b
Modestia	14.b	Occasionēs malorum fugiendæ		Os infrene puniri	47.b
Modus seruandus	142	22.b		Os peruersum	38
Mœcha fœderis Dei oblita	12.b	Ociosi pœnas non effugiēt	60.b	Os rectum	27
Monachatus initia	157	Ocium paupertas sequitur	139.b	Os uulua	166
Monachorum ordines	129	Oculus bonus	125.b	Ostentatores	60.62.b
Monarchiæ quatuor	169	Oculus Domini	126		
Moriuntur subito pij etiam	51.b	Oculus malus pro inuido	130.		
Mors duplex	107	156		P	
Mors & uita quid	66.102.b	Oculi	98	PAnis quid	125.b
Mors secunda	107	Oculi custodiendi	21	PAnis mendacij	113.129.b
Mors nemini parcat	45.b	Oculi elati	27.b	PAnis & aqua	143
Mortem diligere	41	Oculi superbiæ sedes	166	Papa non audiendus	98.b
Mortuos insectari non decet		Oculi uenustatem augent	29.b	Papæ imperium æternum	44
48.b		Oculorum exaltatio	118.b	Papam esse antichristū multi di-	
Mortarium quid	151.b	Oculorum nutus	418	xerunt	43.b
Mulierofitas	24	Oculis loqui	27	sub Papatu qui sunt, an omnes	
Mulier aliena	12.b	Oculis nihil charius	32.b	pereant	44.b
				Papistæ quibus argumentis suā	
				fidem	



# INDEX.

fidem fulciant	70.b	Pectata multi nō agnoscunt	154	Pœnas de malis sumere est utile	fol.	108.b
Parabola quid	1.b	Peccata non aequalia	30.31	Pœnitentia		13
Parcendū non est sceleratis	95.b	Peccata sanctorum	137	Pœnitentia sera		22.b
Parentes liberos instituāt	19.45	Peccatorum confessio	154	Pœnitentia in hac uita locum ha-		53.b
Parentes morosi ferendi	3.b	Peccatorum natura	112.157	bet		53.b
Parentes qui contumelia affici-		Peccatores quid	4.b	Pœnitentiæ effectus	8.63.b	
unt præda erunt bestiis	165.b	Peccatores capiuntur propter		Pondera & mensuræ	53.111.b	
Parentum nomine qui intelli-		peccata	158	Pondera ex lapidibus	86.b	
gendi	64	Peccatores sunt omnes homi-		Pōtifex Rom. est antichristus	43	
Parentū officiū erga liberos	3.b	nes	111.b	Pontifex Rom. magna loquitur		96.b
Parentum præcepta obseruanda		Pecorum ratio habenda	60	fol.		
liberis	29	Pecuaria res	151.b	Pontifex Rom. non deberet im-		
Parentibus maledicere	165.b	Pedes custodiendi	21	perium exercere in principes		105.b
Parmenonis apophthegma	25	Pellicanus citatur	7.18. b.39.83	Pontifices sunt uenatores	58.	
Parricidæ	165.b	Pecontatores sunt garruli	54.b	60.b		
Parricidæ supplicium	113.b	Peregrinationes	98	Portæ	36.127.b.178	
Paruuli	2	Peregrinationes ad limina san-		Potentum amicitia	129.b	
Pascere quid	50.67	ctorum	78.98	Præcepta Dei custodienda	32.b	
Passeres minores aues	149	Peregrini & uiduæ coniungun-		Præcipitantiæ cauenda	104.119.	
Pastores dicuntur magistratus		tur plerumq; in script.	80.b	160.b		
& concionatores	50	Peregrini cōmēdātur nobis	172	de Prædestinatione locus neces-		
Patres	68.128	Perfecti qui	56	sarius	82.83.b	
Patria honoranda	166.b	Pericles amicus ad aram usque		Præparare ad bonum an nos		
Patientia in afflictionibus	15.b	fol.	69.105	possimus	82.b	
Pauper obuinctam habet lin-		Pericula impietate euitare uo-		Praui corde	56	
guam	103	lentes, incidunt in ea	50.b	Prauitas linguæ quid	20.b	
Pauper ubiq; iacet	73.b	ex Periculis quomodo emergē-		Preces piorū exaudiri	51.b.81. b	
Pauperis causa cur toties com-		dum	51	Preciosus spiritu	99	
mendetur iudicibus	158.159. b	Perillus	147	Precium uerbi Dei	37.b	
Pauperis & diuitiscōparatio	153	Perseuerantia	19.b	Princeps qualis talis populus		159
Pauperem quæ faciant	121.b	Persona	99.b	fol.		
Pauperes	187	Personam respicere	99.138	Principis boni institutio	169.b	
Pauperes deferuntur	104.b	Personarum diuinitatis distin-		Principis boni officia	138.b.155	
Pauperes Deus facit	124.b	ctio	163	Principes exempla esse debent		87.b
Pauperes & diuites spiritu	103	Peruersa lingua quæ	77	fol.		
Pauperes nō opprimendi	127.b	Petrus caput ecclesiæ	43.b	Principes qui in monasteria se		
Pauperes subleuandi sunt	74.b	Petri nauicula non euertitur	60	abdiderūt malē fecerūt	60.b	
Pauperū cōtēptores punient	127	Pēucerus de diuinatione	91	Principes uitēt delatores	100.b	
Pauperum dura conditio	79	Phalaridis stratagema	26	Principis clementia	106	
Pauperū uindex est Deus	127.b	Pharisæi unde dicti	66.b	Principibus malis quatenus pa-		
Paupertas & diuitiæ	103.b	Philautia	99	rendum	98.b	
Paupertas ex ignauia oriē	26.b	<i>philopenis</i>	110.b	Probare corda quid	92	
Paupertas meticulosos facit		Pigritia	25	Procrastinatio	85	
fol.	49.b	Pigritia famē parit	106.b.139.b.	Procrastinatio emendationis ui-		
Paupertas non uera causa furti		Pigri nihil promouent	79.b	ta	52.b 147.b	
fol.	165	Pigri semper aliquid causantur		Promissiones corporales	14.	
Paupertatis causa increpationē		126.146.		64.b.60.b.75 156.b.		
respuere	65	Pigrorum naturæ	ibid.	Promissiones de uictu exem-		
Paupertatis commoda	ibid.	Pij abominantur impios	162	plis confirmatæ	46.b	
Pax bona & mala	28.b	Pij citius moriuntur quàm im-		Propheta	160	
Pax quid Heb.	14	pij	14	Prophetia si cesset quid seque-		
Pax quomodo colenda	92	Pios conseruat Deus	79	tur	ibidem	
Pacē sapiētia in nobis facit	16.b	Pij in fide & bonis operibus ma-		Proprietas rerum concessa	23.50	
Peccantes castigandi	58.b	gis magisq; proficiunt	20	Propugnacula nō semper pro-		
non Peccant pij	110.b	Pios occidere magnum	98.b	sunt	101	
Peccati author	83.b. 8	Pinguedo	121.b	<i>πρὸς ὡς λυσία</i>	38	
Peccati socios habere culpā non		Placent uetita	44	Prouerbiū quid	1.b	
minuit	70	Plenilunium	34.b	Prouerbiorum ordo	122	
Peccata an iudici aperiēda	154.b	Pœnæ malorum	67.b	Pouidentia Dei	26	
Peccata expiantur charitate Dei		Pœnis homines coercendi sunt				
fol.	48.b	fol.	107.b			



# INDEX.

Prouidentia Dei omnia regun-		Rixæ ex odio nascuntur	48.b	Sapientia precium	9.b.87.b
tur	82	Rixæ nascuntur ex paruis ini-		Sapientia summa	3
Proximus quis	17.b.73	tis	95.b	Sapientia usus in ebello	122.b
Prudentes dissimulant iniurias		Rixis ne te immisceas	146.b	Sapo	142.b
fol.	61	Rixis non indulgendum	141	Sarcasmi hostium	7
Prudentia	2	Roborare faciem	123.b	Satan precibus insidiatur	81.b
Psalmi consolatione pleni	63	Rodolphus Sueuiæ dux cæsus		Satisfactio papistica	48.b
Pseudopropheta sæpe in hoc se-		fol.	138	Saturari consilijs	8.b
culo pœnas dederunt	153.b	Romana ecclesia colitur à no-		Saturari egestate	155.b
Pseudopropheta credentes, et		bis	41.69	Saxones adulteria detestantur	
am perdentur	ibidem	Ros	17	fol.	31
Pudicitia uerum ornamentum		Rotæ supplicium	116.b	Sceleris occultandi spes multos	
mulierum	56.b	Rustica uita	60.b	perdit	4.b
Pudor ornat mulierem	32.b	S			
Pudor cohibet nos à peccatis		Abbatii finis	103	Scientia sanctorum	42.b
fol.	4.b	Sacræ literæ à laicis tractandæ		Scipio deflet incendium Cartha-	
Puerorum educatio	45.125	fol.	37.b.72	ginis	137
Pulchritudo uera	177.b	Sacræ literæ quomodo cum fru-		Scoria	140.b
Pulicibus cur infestemur	85	ctu legendæ	69	Scortatio spiritualis	13.22.b
Pupilli	131	Sacrarum literarum fecunditas		Scortatio cauenda cur	21.b.29.b
Pupilli peregrini & uiduæ con-		fol.	98	Scortatio perdit opes, corpus &	
iunguntur plerumq; in scri-		Sacræ scripturæ perfectæ	164	animam	21.b.22.126.b.133.157.b
pturis	80.b	Sacramentum sub utraque spe-		Scortatores arcendi à gubernat-	
Q					
Quærenda sapientia	10	cie antiquitus sumpserunt	42	culis reip.	22
Queruntur iniuste homines		Sacramentis, nihil addendum		in Scriptura sacra multa fœda	
se nescire quid faciant	36.b	fol.	164	ponuntur, uide uerbū Dei	33
R					
Rapina	119.b	Sacrificium pacificorum	34	Scriptura sacra quomodo sit tra-	
Rebus secundis homines in-		Sacrificium pro peccato stulti ri-		dita	127.b
folescunt	167.b	dent	164	Scripturæ encomium	37
Recti	70	Sacrificia cur præcepta à Deo		Scripturæ nullum mendacium	
Rectitudo	11	fol.	77.b.118.b	continent	163.b
Rectum est uerbum Dei	37	Sacrificia grata & ingrata Deo		Scripturæ scopus	127.b
Regnorum conseruatio	75.b	fol.	77.b	Scripturæ usus	3.127.b
159.b		Sacrilegium	115	Scripturæ sacræ & aliorum scri-	
Religio non mutanda	128.b	Sacrilegi	15	ptorum differentia	163.b
in Religione sua, non quisq; ser-		Salus tota Deo ascribenda	59	Scripturæ sacræ ordo	37
uatur	44	Sanguinis effusio	28	Scrutari perfectio	164
Reliquiæ Salomonis	1.b	Sanguinum uiri	158.b	Scrutari	117
Renes	131.b	Sapiens filius quis	44.b	Sectari	122.b
Rephaim	44	Sapiens mulier quæ	68.b	Securitas impiorum	5.7
Reponenda quædam futuræ ne-		Sapientes celant quod sciunt	49	Securitas piorum	47.b.73.b
cessitati	26	Sapientia Dei est Messias	41.b	Sedes Apostolica	43.b
Reprehendendi peccantes	58.b	Sapientia dicitur de artib.	157.b	Sedere	176
in Reprehensione ordo serue-		Sapientia liberat à sceleratis	12	Sedere super solium	111
tur	102	Sapientia mundus conditus	17	Seditio	170
Respondere stulto secundum		Sapientia obuia illis qui eam		sedatur à sapientibus	158
stulticiam suam	144.b	audire uolunt	7.b	Seditiosi non sunt omnes qui	
Rex quid	170.b	Sapientia omnes uocat	36.b	pro seditiosis habentur	54.b
Rex bonos præmijs afficiat	76	Sapientia quid	2.16.19	Seditionis pœna	98.b.138
Regis gloria quæ	74	Sapientia quis	36.b.39	Seductores	11.b
Regis ira	110. uide Ira.	Sapientia summa quæ	42.b	Sedulitas	25.b.129.b
Regis officium	116.b	Sapientia quomodo acquiratur		Seminare iusticiam quid	56
Reges boni oderunt iniustos		fol.	38.b	Semitæ quid	11
fol.	86.b	Sapientia ubi & quomodo in-		Senatus cur deligatur ex seni-	
Reges honorandi	138	uestiganda	69	bus	90.b
Reges quæ scrutari debeant	140	Sapientia uera quib. constet	10	Senes honorandi	89.b.117.b
Regum corda flebit Deus	118	Sapientia fructus	10.b.11.21.b.	Sententia quid	1.b.2.b
Repetitiones sacrarum litera-		38.69.b		Sententia sacræ quomodo à p-	
rum	135	Sapientia liber falsò Solomoni		phanis differant	1.b
		ascriptus	1	Septenarius numerus	30.b.41.b.
		Sapientia largitor Deus	10	137. 146	
				Sepulchrum nō impletur	151.166
				Sepultura	



# INDEX.

Sepulture religio apud ueteres fol.	166.b	gellat	69	Timere Deum quid	3.138
Sermonis donum	61	Stultus non honorandus est	145	Timor cadit in fideles	71.b
Seruus non deferendus apud herum suum	165	Stultus non respicit	151.b	Timor Dei duplex	3
Serui boni, præmijs afficiuntur fol.	150.b	Stulti profundunt opes	122	Timor domini est propugnacu- lum	73.b
Serui sunt decoctores	58	Stulti sapientiam contemnunt	3	Timor Dei est summa sapiētia	3
Serui quomodo tractadi	60.161	Sulti sibi placent	61	Timor hominis	161.b
Serui sæpe emergunt	92	Subditorum officium erga ma- gistratus	98.b	Timor naturalis	17.b
Serui sunt scelerati	105.b	Suggesta in templis cur ædificē- tur	36.b	Timoris Dei fructus	74.108
Seruiorum dominatus crudelis fol.	105.b.167.b	Superbia	27.b	Traditiones hominum antepo- nuntur uerbo Dei	88.b.164
Seruorum conditio	160.b	Superbia fons rixarum	65.b	Trinitas	39
Seruorum officia	75.b	Superbiæ comes ignominia	53	Tristitia conficit homines	97.b
Sesostris	147	Superbiæ pœna	80.101.161	Turbo	7.b.51
Sicera	110.170.b	Superbi	166	Turris est nomen Domini	100.b
Silentium	50	Superbi sunt abominatiōi Deo fol.	84.b.96.b	Typographia	8
Silentium aliquando pernicio- sum	55	Supercilia	29.b	Tyrannus leoni & urso compa- ratur	155
Simplices	72	Supererogationis opera	87.b	Tyranni a Deo cōstituūtur	38.b
Simiarum natura	93.169	Superstitio damnatur	144.b		
Simonia	98	Supplicia sceleratorum	116.b	V	
Simplicitas afinina	47.b	Suppliciorum genera	98.b	Valeriani interitus	161
Simulachra papistarum	40.b	Susurriones	89.113.b.147	Valerudo bona	14.b
Sindon	176	<i>συρριζω</i>	73	Venatores	29
Sinus	91			Ventum hæreditare	58
Sitiētes aqua etiam turbida gau- dent	149	T		Ventos regit Deus	163
Spes	65.b	Abula cordis	32.b	Verbū cur dicatur Christus	39.b
Spes non in opibus collocanda fol.	49	Taciturnitas	50	Verbum Dei audiendum, uide scriptura	127
Spes impiorum perit	52.53.b	Tau	29	Verbum Dei est scutum	163.b
Spes in Deo collocanda	88	Tecti usus	120	Verbum Dei quomodo tractan- dum	164
Spes impiorum firma	75	Tēplum honoris apud Ro.	89.b	Verbi Dei laus	37
Spem ponentes in impijs peri- bunt	142.b	Tēporariæ promissiones	57.b	Verbi precium	9
Spem ponere in creaturis, pec- catum	49	Tempore congruo omnia agen- da	139	Verbi Dei proprietates	163
Spiritus pro affectu	159	Tenebræ	11.b.20.65.112.b	Verbi fructus	16
Spiritus pro superbia	87.b	Tentatio de uictu	46	Verbo Dei nihil addendum, ni- hil detrahendum	164
Spiritus sapientiæ quid	6	Terminalia, & Terminus seculi fol.	128	Verba pro rebus	140
Sponsiones periculosæ	24.b.98	Ternarius numerus	187.b	Veritas regna conseruat	117
Societas malorum	19.b	Terra	163	Veritas sacrarum literarum	37
Sollicitudo duplex	26.152	Terræ ambitus	140	Veritas sibi constat	62
Solomon à pace dictus	141	Terræ fundamenta	40	Veritatem uendere	132.b
Solomon non ipse scripsit Pro- uerbia	1.b	Terram possidebunt pii	13.b	Vestitus meretricum	33
Solomonis libri	1	Testimoniorum genera	69.73	de Vestitu locus	175
Solomonis prosopographia	1	Testis falsus	28.104.105	Verularum officium	90.b
Somnus	19.b.26.b.112.b.173.b	Testis falsus malleus, gladius, fagitta	142	Verusta non sunt, quæ pro ueru- tis habentur	129
Sortes	91	Testes	62	Via quid apud Heb. significet	5.
Sortes sedant lites	102	Testes ueraces	73.b	11. b. 12. 25. 69. b. 83. 85. b. 90.	
Stare coram regibus	129	Theodoricus rex metuit mor- tuum piscem	152	114.b.170	
Steriles liberos anxie petūt	166	Theodosius grassatus est in The- salonicenses	61.b	à Via abducentes qui	153.b
Stulticia pro Antichristo	43	<i>θεοσιβεια</i>	177.b	Via domini	52
Stultus	3.8.69.b.94.b.100.106. 130.b.151	Thesaurus quid	122	Via ducens ad salutem	70.b
Stultus frustra docetur	136.b	Thesaurus impietatis quid	45.b	Via est Christus	13.b.44.80.121
Stultus labijs	47.b.48	Theauri an reponendi	122	Vias peruertere	48.153
Stultus lingua sua omnes fla- gellat		Theauri mendacijs collecti, nō sunt durabiles	119	Vicinus fratre melior	149.b
		Thronus pro regno	159	Victoria à Deo datur	124
				Victoria malis sæpe datur	91.b
				Viduarum consolatio	46



# INDEX.

Viduorum patronus Deus, &c.	fol.	80.b	Virtutes mulierum	59	Dei	102.b.106.b
Vigilare ad fores alicuius	41		Vitio quid	160	Vxor ducenda	23
Vindicta priuata	139		Vita humana periculis obnoxia		Vxor est caro mariti	55
Vindictæ cupiditas	114		fol.	147.b	Vxor mala quæ	122
Vinum fomes libidinis	134		Vita quid	42.b.74	Vxorem ducentes diuitias spe-	
Vinum mulieribus interdictum	134		Vita longa	14.16.b.42.b.122.b	ctant	55.b
fol.	134.171.b		Vitia non paria	148.b	Vxorum uerum decus	56.b
Vini effectus	110.121.b.170.b		Vnguenta	121.b.149		
Virginum custodia	167		Vocat nos sapientia multifaria		X	
Vir fidelitatis	155.b		am	6.b	X Erxi aqua manibus oblata	
Vir increpationum	175		Vota illicita non præstanda	115.b	grata fuit	70.b.143.b
Vir iræ	161		Vota uana	64	Y	
Vir munerum	157.b		Vrbium defensor Deus	49	Y <i>ἀποροβία</i>	52.b
Vir usurarum	159		Vrforum ferocia	94.b	Z	
Vir sanguinum	157.b		Vsura	153.b	Z Elotypia	74.b
Viriū nostrarum nō est custodi-			Vulua sterilis	166	Zuinglius de originali pecca	
reuerbum	9.b.10		Vxor alienigena	13	to	95
			Vxor bona magnum donum			

## FINIS.

























